





北京大學《儒藏》編纂與研究中心

### 圖書在版編目(CIP)數據

儒藏. 精華編. 一〇八 /北京大學《儒藏》編纂與研究中心編. 一北京:北京大學出版社,2012. 2

ISBN 978-7-301-11826-9

I. ①儒… Ⅱ. ①北… Ⅲ. ①儒家 Ⅳ. ①B222

中國版本圖書館 CIP 數據核字(2012)第 007044 號

書 名: 儒藏(精華編一○八)

著作責任者:北京大學《儒藏》編纂與研究中心 編

責任編輯:魏奕元

標 準 書 號: ISBN 978-7-301-11826-9/B • 0512

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62756449

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 56 印張 830 千字

2012年2月第1版 2012年2月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家、社會、科學、基金、重大、項目「十一五」國家重點圖書出版規劃項目・重大工程出版規劃

# 《儒藏》精華編第一〇八册

首席總編纂 季羨林

項目首席專家 湯一介

總

編

纂

湯一介

龐

樸

本

册

主

編

孫欽善

孫欽善 安平秋

(按年齡排序)

## 儒藏》精華編凡例

則的典籍的叢編。 爲儒家經典和反映儒家思想、體現儒家經世做人原 一、《儒藏》精華編爲《儒藏》的一部分,選收《儒 、中國傳統文化以儒家思想爲中心。《儒藏 收書時限自先秦至清代結束。

藏 》中的精要書籍

互見。 漢文寫作的儒學著作,編爲海外文獻部類。 寫者一律收其釋文文本。 已收入入選的個人叢書或全集者,僅存目録,並注明 分類法分類,大類、小類基本參照《中國叢書綜録》和 土文獻。 (中國古籍善本書目》,於個別處略作調整。 三、《儒藏》精華編所收書籍,包括傳世文獻和出 出土文獻單列爲一個部類,原件以古文字書 傳世文獻按《四庫全書總目》經史子集四 韓國、日本、越南儒學者用 凡單 書 部

> 編,不改編,保持原書的完整性和 獨 立性

四、所收書籍的篇目卷次,一仍底本原貌,不選

勘價值的版本爲校本。 確定内容完足、精確率高的版本爲底本,精選有校 五、對人選書籍進行簡要校勘。 出校堅持少而精,以校正誤 以對校爲主,

例,進行規範化標點。 爲主,酌校異同。校記力求規範、精煉 六、根據現行標點符號用法,結合古籍標點通 專名號除書名號用角號(《》)

落。正文原已分段者,不作改動。 外,其他一律省略。 七、對較長的篇章,根據文字内容,適當劃分段 千字以内的

短文

一般不分段。

出現 及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 順序前詳後略 八、各書卷端由整理者撰寫《校點說明》,簡要 重複出現的作者,其生平事蹟按

九、本書用繁體漢字豎排,小注一律排爲單行。

《儒藏》精華編惠蒙善助,共襄斯文,谨列如左,用伸謝忱。

本焕法師

智海企業集團董事長

馮學智先生

馮建新先生

NE·TIGER 時裝有限公司董事長

張志峰先生

壹佰萬元 壹佰萬元

壹 壹佰萬元 萬元

北京大學《儒藏》編纂與研究中心

本册責任編委 沙志利

《儒藏》精華編第一〇八册

孟子之屬

經

部

四書類

## 孟子正義

王小婷 校點

		目 録
:	齊人伐燕勝之章	晋國章 五二
: 一 九	爲巨室章	寡人願安承教章 五〇
: 一 八	湯放桀章	梁惠王曰章 四一
: 一 六	所謂故國章	王立於沼上章 三六
: - <u>H</u> .	王之臣章	孟子見梁惠王章 二八
: 一 五	孟子正義卷五	梁惠王章句上 二五
· 一〇六	明堂章	孟子卷第一 二五
九五	雪宫章	<b>孟子正義卷二</b> 二五
八九	交鄰國章	孟子題辭
八六	齊宣王問章	孟子正義卷一 一
八〇	莊暴章	<b>通儒揚州焦君傳</b> (阮元) 一
八〇	梁惠王章句下	孟子正義目録識語(焦黴) 一
八〇	孟子卷第二	校點説明
八〇	孟子正義卷四	
六〇	齊宣王問曰章	<b>自</b>
···· 五 六	孟子見梁襄王章	
五六	孟子正義卷三	

矢人章	人皆有章	尊賢使能章	仁則榮章	以力假仁章	孟子正義卷七	不動心章	公孫丑問章	公孫丑章句上	孟子卷第三	孟子正義卷六	魯平公章	滕文公問滕小國也竭力章	齊人將築薛章	滕文公問滕小國也間於章	鄒與魯鬨章	齊人伐燕取之章	
九三	九〇	八四	八一	八〇	八〇	五一	四〇	四〇	四〇	四〇	二三七		= -	= 0	二八	三四	
留行章 二	孟子致爲臣章 二四二	燕人畔章 二三七	沈同章 二	自齊葬魯章 二二六	<b>孟子正義卷九</b> 二二六	爲卿於齊章 二三三	<b>蚳鼃章</b> 二一八	平陸章 二一五	陳臻問章 二一四	孟子將朝王章 二	天時不如地利章 二〇五	公孫丑章句下 二	孟子卷第四 二	孟子正義卷八 二	伯夷非其君不事章 一	子路人告之以有過章 一	
二四六	四	$\equiv$		=	$\equiv$	$\equiv$	_	_	_	二〇八	$\overline{\bigcirc}$	二 〇 五	二 ○ 五	二 〇 五	九八	九六	

	人有恒言章	三三八	景春章 ************************************	
四〇二	愛人章		陳代章	
四〇一	三代之得天下章 …	111111111111111111111111111111111111111	滕文公章句下	nsk.
四〇〇	規矩章		孟子卷第六	孟
三八七	離婁章		孟子正義卷十二	孟子正
三八六	離婁章句上	三六	墨者章	
三八六	孟子卷第七	二九七	許行章	
三八六	孟子正義卷十四	二九七	孟子正義卷十一	孟子正
三七九	陳仲子章	土七一	問爲國章	
三六四	好辯章	六三	滕定公章	
: : : : : : : 三六三	戴盈之章	五七	滕文公爲世子章	
三六〇	不見諸侯章	五七	滕文公章句上	tt y
三六〇	孟子正義卷十三	五七	孟子卷第五	孟
三五七	戴不勝章	五五七	孟子正義卷十	孟子正
三五〇	萬章問章	五四四	居休章	
三四八	彭更章	五五二	充虞章	
: 三四二	周霄章	二四九	尹士章	

有不虞之譽章 四二九	人不足與適章 四二八	事孰爲大章 四二七	君子之不教子章 四二六	淳于髡曰男女授受不親章 四二四	恭儉章 四二三	存乎人者章 四二二	求也爲季氏宰章・・・・・・・・・・・・・・・・ 四二○	伯夷辟紂章 四一七	居下位章 四一四	道在邇章 四一四	自暴者章 四一三	桀紂章 四一○	孟子正義卷十五 四一〇	不仁者章 四〇六	天下有道章 四〇四	爲政不難章 四〇三	
中也章 四五一	非禮之禮章 四五〇	君仁莫不仁章 四五〇	無罪而殺士章 四四九	孟子告齊宣王章・・・・・・・・・・・・・・ 四四六	子産章 四四三	舜生於諸馮章 四三九	離婁章句下 四三九	孟子卷第八 四三九	孟子正義卷十六 四三九	天下大悦章 四三六	仁之實章 四三四	不孝章 四三四	孟子謂樂正子章・・・・・・・・・・・・・・・ 四三二	樂正子章 四三一	人之患章 四三一	人之易其言章 四三〇	

咸丘蒙問章 五一八	可以取章 四七三	ਜ
象日以殺舜爲事章 五一四	孟子正義卷十七 四七三	孟子正義
詩云娶妻章 五〇五	君子之澤章 四七二	#
舜往于田章 四九八	王者之迹熄章 四六七	т:
萬章章句上	禹惡旨酒章 四六五	重
孟子卷第九 四九八	人之所以異於禽獸章 四六三	i
孟子正義卷十八 四九八	徐子曰章 四六〇	<b>1</b> △
齊人章 四九五	言無實章 四五九	<u></u>
儲子章 四九四	以善服人章 四五九	1/1
曾子子思章 四九一	博學章 四五八	曲
<b>匡章章</b>	君子深造章 四五六	<del>11</del>
禹稷顔子章 四八八	養生者章 四五六	娄
君子所以異於人章 四八六	赤子之心章 四五四	+
公行子章 四八五	大人者章 四五三	Į.
天下之言性章 四七七	仲尼章 四五三	ΛΗ
西子章 四七六	言人之不善章 四五三	<u></u>
逄蒙章 四七三	人有不爲章 四五二	

目録	居鄒章 六	宋牼章 六	小弁章 ☆	曹交章 ************************************	任人章 ☆	告子章句下 ☆	孟子卷第十二 ☆	孟子正義卷二十四 ☆	羿之教人射章 六	五穀者章 六	仁之勝不仁章 ☆	欲貴章 ☆	天爵章 六	釣是人也章 ············· ☆	人之於身也章	桐梓章 ☆	無名之指章 六
	六七三	六七一	六六五	六六〇	六五六	六五六	六五六	六五六	六五五	六五三	六五三	六五〇	六四九	六四六	六四三	六四三	六四二
七	莫非命章 ト	盡心章	盡心章句上 ム	孟子卷第十三 4	孟子正義卷二十六 上	教亦多術章	舜發章	陳子章 ム	魯欲使樂正子章	君子不亮章 4	丹之治水章	白圭章	今之事君者章	魯欲使慎子章	五霸者章	孟子正義卷二十五 🖈	淳于髡曰先名實者章 :
	七一七	七 一 五	七一四	七一四	七一四	七 二 二	七〇五	七〇四	七〇二	七〇一	七00	六九七	六九六	六九三	六八四	六八四	六七五

	<b>人之</b> ) 前悪 意章 · · · · · · · · · · · · · · · · · ·		人之所不學章 七三二	仁言章 七三一	霸者之民章 七二九	以佚道章 七二九	附之以韓魏章 七二八	待文王章 七二七	宋句踐章 七二五	古之賢王章 七二四	耻之於人章 七二二	人不可章 七二二	行之章 七二一	萬物皆備章 七二〇	求則得之章 七一九	
桃應問章	中子章	不素餐章	伊尹曰章 ············ 七五五	堯舜性之章 七五四	有爲者章 七五三	柳下惠章 七五二	飢渴章 七五二	楊子章 七四七	雞鳴章 七四七	孔子章 七四六	易其田疇章 七四五	善養老章 七四四	孟子正義卷二十七 七四四	廣土衆民章 七三九	三樂章 七三八	

九		目録
<b>貉稽章</b> 七九九	七七九	春秋章・・・・
戹於陳蔡章 七九八	七七八	梁惠王章・
孔子之去魯章 七九八	七七八	盡心章句下 •
仁也者章 七九七	七七八	孟子卷第十四 ·
聖人章 七九六	七七八	孟子正義卷二十八 …
民爲貴章 七九四	章 七七六	知者無不知章
不仁章 七九三	章 七七四	君子之於物章
不信仁賢章 七九三	七七三	於不可已章
好名章 七九二	滕更章 七七三	滕更章
周于利章 七九二	七七二	天下有道章
身不行道章 七九一	七七〇	道則高矣章
古之爲關章 七九一	君子之所以教者章 七六九	君子之所以
吾今而後章 七九〇	七六七	短喪章
舜之飯糗章 七八八	形色章 七六五	形色章
梓匠輪輿章 七八八	食而弗愛章 七六五	食而弗愛章
有人曰章 七八五	章 七六三	孟子曰王子章
盡信書章 七八三	孟子自范之齊章 七六二	孟子自范之帝

養心章	説大人章	堯舜性者章	言近章 八二四	人皆有所不忍章	孟子之滕章	盆成括章	諸侯之實章 八一七	有布縷章	逃墨必章	孟子正義卷二十九 八一三	浩生不害章 八一一	口之於味章	齊饑章 八〇五	禹之聲章	孟子謂高子章	賢者章 八〇〇	
												孟子篇叙	孟子正義卷三十	由堯舜章	孔子在陳章	曾晳章	

### 校 點 説 明

俚

疏

的

二卷。 菰集》二十四卷。 秋左傳》和《論語 疏」,刊行者有《周易》、《尚書》、《毛詩》、《禮記》、《春 做戴震《孟子字義疏 學三書》—— 四十卷,提出旁通、相錯、時行的易學精神。 疾,十餘年不入城市。 堂,清代江蘇揚州甘泉黄珏鎮(今屬揚州市邗江區) 循長於算學,又用算學解《易》,代表作爲《雕菰樓易 會試不第,即以母 人,阮元的族姊夫。 焦循於文學、戲曲亦有著述,其詩文編爲《雕 循(一七六三—一八二〇),字理堂,一字 -《易通釋》、《易圖略》、《易章句》-》六種二十卷,未刊者有《孟子 病絶意仕進,潛心著述,後託足 嘉慶六年(一八〇一)舉人,首應 證》作《論語 (阮元《通儒揚州焦君傳》) 通 釋》。 又喜 焦循 ~補疏》 作「補 曾 計 焦 里

識

宋孫奭疏再各分上下成二十八卷。 三年(一八二三)末開雕,五年八月行世(以上據 道光元年二月),後由弟徵及族孫授齡 草稿粗畢。 年歲末至二十四年七月,就長編以已意貫串 年冬,開始與其子廷號博採清人三十餘家著作中 沿舊疏,又以趙岐《孟子題辭》和《孟子篇敘》各爲 循《撰孟子正義日課記》及《孟子正 猛」而於七月突然病殁。 至六十五家以上,具有突出的「集疏」性質。 關《孟子》之論,成長編十四帙,《正 近三百年學 起開始謄録,只謄 (語)。 鄙, 傳世。 部 孟子正 未能發明其萬一」,嘉慶二十一年冬或二十二 《孟子》七篇,東漢趙岐作注 ,梁啓超贊爲「後此新 焦 又以半年之力博覽群書。 循因深惡孫奭《孟子疏》「踳駁乖謬,文 術史》)。 義》三十卷是清儒十三經新 清了十二卷,焦 清代疏《孟》者至少六家,唯 未清之稿先由子廷號(止 疏家模範 循 義》目録後 義》成 時各分上下, 焦循 就 謄校,於道 作品」(《中 二十五年 因「用思 新 書時更增 疏中較 疏 ニ十三 推行, 分卷 焦 太 徵 焦 光 有 焦 早 南

隆間 疏校勘 卷,成三十卷六七十萬言的巨著。 孔 繼 記》作了校訂 涵 刊 經 注 善 ,堪稱完善。 本最 接近, 並 其經注文字與 據 阮 元《孟子 乾 注

手定。 之意, 性爲基 之陋習、「於趙氏之説 疏特别重視對 爲主的 IE 資料轉據《經 注之意的理解 正」(《孟子正 文,立論堅實,是研究《孟子》的首要參考書之 λ 義》仍以考據爲主,廣泛佔 開 聲者常不可 始 焦 而 《孟子正 録。 礎 循生前 前 趙氏之意焉 的 人 性 成 義》卷三十)。 籍 謄清 性 時 趙 果,輯 善 五義 》揚 賽詁 靠。 論最 有偏差; 岐注 學 的是先自卷二二至書末,再從 説 可 ₹, 凡此 録 爲 的闡 戴震之波,發展了以智力可 或 誣 並 了漢 集中 而 有 也」,但又不守「疏不破注 承襲 融 皆需留 訓 由 發,所謂「即或不得本文 所疑,不 入其 詁 的《告子》、《盡心》皆 晋各家《孟子注》 於各種 有原始 其 過 誤, 易學 意 分拘 原 惜駁 因 資料和 思 泥 因 音 想。 成 焦 水義 破以 訓 疏 以 **^** 時 的 孟 部 對 相 清 凡 其 規 卷 分 趙 焦 逸 人 子 能

《孟子正義》稿本現存南京圖書館。刻本有兩

界

書

局《諸子集成》句讀本(一九八六年河

北

人民

出

嘉慶 古書 義 外尚有光緒十六年邵 本,有咸 光 大系統。 滙 緒二年 至道 店 解》本及單行本。 俱 豐 衡陽 光間 用 一是道光五年焦氏半 + 同 魏 焦 板 年 倫 氏 重 補 印; 先《焦氏遺 家 刻 氏望式益 刻《 及 二是道光九年《皇 各 焦 種 氏 書》和 齋 翻 叢 九書塾家 刻 鉛 書 × 本、 印《四 民國十八年受 道 石 刻單 光 書 印 清 間 古注 本。 經 行 解 本, 氏 此 群

和 本」)。 影 華 以爲元刻 校」)兼用中 八八年影印 刻 續修四 印道 嘉 草 局《 · 率 慶文選 由 他校 '光間《焦氏叢書》本爲底本,取上海 於稿本不便利用、《皇 新 庫全書》,阮元《孟子注疏较勘 也 , 姑沿 編 偶 樓 華 用 之《皇 諸 有妄改,本次校 書 刻單行本; 書 子集 阮 局 稱。 清 般 影 成》沈 據 經 印《十三 校點中參考了一 解》本 影 阮校所謂「宋十行本」現 文 印《文 清 倬點校 點 經 爲校本(簡 經解 取《續 淵 注 閣 学本 疏 本 附 修 記 四 和 九八七 除 × 挍 庫 四 民 經 書 稱 簡 勘 全 庫 店 或 注 稱 書 記 全 年 經 間 一九 外 》本 「阮 中 世 解 翻

理解有歧者,倘疏明言則從注,倘疏未明言則從疏。郡覆宋本《孟子》的句讀,經注文字有誤者亦據此本郡覆宋本《孟子》的句讀,經注文字有誤者亦據此本財意,不引原文,經文標點還參考了楊伯峻《孟子譯版社影印),沈文倬校記有可取者標明「沈校」,只撮

校點者 王小婷

三

## 孟子正義目録識語

焦 徴

乃定。 謬,文義鄙俚,未能發明其萬 起 四 月,自立一簿,稽考所業。 又復討 書凡有關於《孟子》者一一纂出,次爲長編 而能深知其學者,莫如趙氏。 王、周公、孔子之恉者,莫如孟子; 生孟子後 書》成。又以古之精通《易》理,深得伏羲、文 .帙。 書。 猛 稿,逮己卯七月,撰成《孟 先兄壬戌會試後閉 於是博採經史傳注以 手寫 論羣書,删 知不 逐日稽考,殫精研 起,以謄校囑廷琥 清 本未 煩補缺。 半 丽 門注《易》。 病 慮。 作矣。 戊寅春、易學三 子正義》三十卷。 庚辰之春,修改 惜僞 自戊寅十二月 及本朝通人之 一,思作《正義 而殁。 自言用思 疏踳駁乖 癸酉 廷琥處

兄姪,涕泗交横,廢書待旦,非復人境矣。人静,風雨淒淒,寒柝争鳴,一燈如豆,憶及以事身羈旅舍,謄校先兄書未敢少怠。更深苫塊中,且校且謄,急思付梓,又以病殁。徵

助,曠 累以 事拙,謹與家人相約,各減衣食之半,日積 多,寒素之家,力難猝辦。 寒暑矣,遷延之罪,實 成僅八閱月耳。 兄稿本每一篇末自記課程如注《易》時,書之 者,乞即詳指郵寄,以便改正,受惠多矣。 慰泉壤 刻。乙酉八月,刻工 卷急思盡刻,所需約數千金,非蓄積 食之餘約積七百餘金,急以《孟子正 待將來。 日彌久,以至於今。 年之中, 迭遭喪病。 也。 徵校是書難 癸未歲終,總計 徵爲謄校,又有族 告竣,庶使廷琥苦心 (所難 免錯 徵衰病 辭。 先兄下世已六 先兄著述待 誤,有 田 其他二 租 無能,營謀 孫授齡 所 能檢 二十年 義》 白 刻者 餘 付 衣 相 出 稍 月

又無他故,不能完全。徵雖未老,衰病日增, 及難目覩其成,然必竭力勉爲,不敢少怠也。 至於著書之義,末一卷已詳盡言之,兹第述 至於著書之義,末一卷已詳盡言之,兹第述

### 通儒揚州焦君傳

阮元撰

歲乙卯,元督學山東,招君往遊,遂自東昌

至

橋阮 當如《楚辭》讀皮冰切,不當讀如縫。」阮公賡 橋,分縣爲甘泉人。 周易》之學。 大奇之,遂以女字之。 氏家, 焦君名循,字里堂 君生三四 與賓客辨壁上「馮 祖鏡,父葱,皆方正 歲即穎異。 曾祖源,江都縣學生,爲 ,世居江 夷」字曰:「此 都 歲,至公道 |有隱德,傳 北 湖 黄 珏

經。 文子之經學。 及葬八閲 二,補廩膳生。次年,丁父暨 弟徵讀書,自教之。 超宗殁、君理其喪、作《招亡友賦》哭之。 年十七,劉文清公取補學生員。 月,未櫛沐,食臥 超宗與君幼同學,君始用 興化顧超宗傳其父 不 一嫡母 離 喪 謝艱,自殮 次, 年二十 力於 甚 哀

於乾隆癸未二月三日得年五十有八。 夏,足疾甚且病瘧,以七月二十七日卒,距 恒 户著書。 除喪後 殷竟以夏病冬卒。 健,此不北行之苦心,非樂安 者,君以書辭之,曰:「生母 冬歸揚州。 江南老名士,屈久矣。」歲壬戌,復招君遊浙, 英煦齋先生,先生曰:「吾知子之字曰 歸揚州,秋應鄉 卷。 登州,有《山左詩鈔》 督學於浙,復招 曰「雕菰 在 樓,足不 歲庚申,元撫 小有足疾,遂託疾居黄珏 樓」,有湖光 茸其老屋 歲乙丑,有勸 入城 試 君遊浙東,有《 中 浙, 曰「半九書塾」,復構 市者十餘年 君哀毁如 一卷。 山色之勝, 招君 式舉人。 君應禮部試且資之 復遊 殷 嘉 供 初,克盡 病 浙 慶歲 · 矣。 入都 輕仕 浙。 加 雖 橋 江 讀 愈 村 詩 丙 辛 謁 歲 進 書 而 里堂, 鈔》 舍, 其 辰 庚 著 一樓 也。 神未 座 西 元 師 閉 辰 書

氏。子廷琥,廩生。孫三:授易、授書、

授詩。

謂 他 例? 所 比 述成帙。 何以既見於《復》,●又見於《明夷》,「密雲不 見於《旅》,又見於《同人》,一「拯馬壯」也, 不治,而 容之術實通於《易》,乃以數之比例求《易》之 雨」之象,何以《小畜》與《小過》同 (易)本有家學,嘗疑: 易》未成爲 庚三日」之占,何以《蠱 不通。 原悟得者,一曰「旁通」,二曰「相錯」,三曰 !務,專治此經,遂成《易通 例,於是 君善讀書,博聞强記,識力精卓,於學 丁父憂後,乃徧求説《易》之書閱之,撰 於《周易》、《孟子》專勒 著書數百卷,尤邃於經,於經 甲子後,復精研舊稿,悟得洞淵 擬撰《通 憾。 病 廖,誓 釋》 一「號咷」也,何 象》與《巽·象》相 書。丁卯病 於先聖先 釋》二十卷。 成 書。 解; 九師,盡 危, 一甲」 以 君 無 自 屏 以 九 既 於 無 所

> 《涣》二。《豐》上不能應,《涣》上則 能應。 《姤》初則能應,《小畜》四不能應,《豫》四 《豫》五、《姤》二之《復》五。《復》初 《小畜》、《復》,失道矣,變通之,《小畜》二之 矣,變通之、《井》二之《噬嗑》 之,仍大中而上下應。 上先行爲失道。易之道惟 卦,亦初通於四,二通於五,三通於上。 「時行」。 行、三上先行,則上下不能應,然能 行而上下應之,此變通不 五後初四、三上爲當位,不俟二五 五易,三 井》三不能應、《噬嗑》三則能應。 《坎》四之《離》上成 與上易,本卦 「旁通」者,在本卦 如《乾》四之《坤》初 無 窮者 可 《井》、《豐 在 易, 初與四易, 變通 也。 五 則 而 ()旁通 或 豐》 二五 不 初 此 能 初 能 所謂 先二 應 Ŧī. 失 於 而 四 之 道 則 成 先 與 先 他 通

●「復」,按引文見《涣》卦。

卷。 《易通釋》即 《漸》成《家人》,《歸妹》成《臨》,《臨》通《遯》, 啚 《漸》上之《歸妹》三、《歸妹》成《大壯》,《漸 昃」、《豐》之「日中」即《噬嗑》之「日中」。 膚」。《坎》三之《離》上成《豐》,《噬嗑》上之 爲《无妄》,故《睽》之「噬膚」即《噬嗑》之「噬 相錯爲《謙》。 成《蹇》、《蹇》、《大壯》相錯成《需》,故《歸妹 三亦成《豐》,故《豐》之「日昃」即《離》之「日 「以須」之即「需」也。●《歸妹》四之《漸》初, 易》學既成,數年中有隨筆記録之書,編次 . 臨》二之五即《履》二之《謙》五之比例也。 睽》二之五爲《无妄》,《井》二之《噬嗑》五 時 Ŧi. 行」也。「比例」之義出於「相錯」。 論十篇,破舊説之非。復成《章句》十二 總稱《雕菰樓易學三書》,共四十卷。君 原 八篇,發 成,復提其要爲《圖略》八卷,凡 《履》故「眇 明 旁通、 能視,❷跛能履」, 相錯、時行之 如 亦

之,得二十卷,曰《易餘籥録》。 魏各 立一簿,自稽所業,得三卷,曰《注易日 餘、復録而存之、得二卷、曰《易話》。 子所問答及於《易》者,取入《三書》外 咷」、「密雲」蹤跡甚顯,「蒺藜」、「樽酒 又有《易廣記》三卷。君之《易》學不拘 有據,如郭守敬之以實測得天行也 師法,惟 以 卦爻 經 文比 例爲 凡 友朋門弟 主 自 多

守漢

號

記

癸酉

有

所

假

讀 子」乃用趙賓説,孔 孟相傳之正指。 説漢《易》者每屏王弼之説。然弼之解「箕 注,兼採近儒數十家之説,而多下己意,合孔 「彭」爲「旁」,借「雍」爲「甕」, 既,又著《孟子正義》三十卷,疏趙 君又著《六經補疏》,説 穎達 不 能申明之;他 通「孚」爲 岐之 如

<sup>「</sup>以須之」,據上下文例當作「之以須」。

<sup>「</sup>履故」,據文意當互乙。

悖。 箋補 毛鄭 **蔡** 多以 以 於鄭 篇 因 鄭 杜 非 大 左氏 浮 辟」爲「法」,「居東」 賤役」, 爲 作 預 馬 舉 古 諸 義 鄭所 孔傳 疏》 昭 預 且. 其 儒 而 大語 不 傳》云「稱 周 而 有 爲 飾 揚 説 僞 訓  $\check{\overline{\pi}}$ 聲 蓋以六書通 易 惟 異 能 司 爲 其 之善者, 爲「 也 音訓 》周公不 卷。 王 貌 且 及。 馬 同, 僞, 詞 氏 務 有 即 爲 懿 而 詁 然《堯 君  $\sim$ 然 注 躁」, 以 作《尚書孔 魏 高 女婿, 暢 疏 春 自 爲懿、 Œ 補 如《 簡 君 晉 衍 略 借 秋 義 稱 即 疏》二卷。 解 無 人作 故 故 金 典》以下至《秦誓》,其 之, 亦 解 目見 往 王 東征 道 成 經之法 斯」爲 多 師 縢》「我之不 疏 往 而 與 ; 傳 而 飾,即 氏傳補 者 成 雜 稱  $\stackrel{\frown}{\sim}$ 因 稱 亦 亂 孟 成 視 濟 [撰《毛 鄭 臣 説《尚 罪人」即 何 臣 尚 子》之 厮 之事 於毛, 王之命: 爲 臣 用 未遠 不 賊 疏》二卷。 空 以 之 子 詩 可 而 . 辞 書 論 爲 説 罪 將 懼 存? 於 釋 鄭 比 管、 》者 耳 0 毛 皆 訓 馬 己 有 大 氏 爲 貫忠恕, 曰學, 曰 釋 君

卷,凡十二

篇,

日

聖,

日

大,

日

日

通

知,曰

能,

曰

權

日

義

發明 蔽千 考 專明 闡 秋傳 之失,然未 飾 疏》二十卷。 綜 斥《左氏》之頗, 禹貢》 禮記 論 》繁 引 又 發 ,此《左氏 語 仿東 班 杜氏 伏羲文王周 萬世制 最 鄭氏 雜 何 申 氏、鄭 三江 詳 氏 觸 無 原 集 最 有摘 集 類 注 所 戴 春秋 禮之法 歸 解 鬯。 其 解 補 氏之學。 君 融 氏 揚 補 其 補 疏 游 2000 孟 惠 貫, 互 集 州, 《論 公之恉, 疏 \* = 姦 浙, 疏》二卷。 氏 相 解 而 **>** 作《 子 撰《禹 而 半 五 卷。 訓 發 語》一書之中,參伍 因元 字義 發其 所 農、 君 卷。 (毛詩 明 詁 以 謂 者 其文簡 名物 考浙 貢 顧 覆 作 疏 論 謂 王 合之爲《六 亦 地 鄭 氏 者 證 語 也。 伯 與 禮 亦 理 江 》撰《 注 棟 撰《 厚《 易 奥, 以 所 釋 釋 原 高 萬 例 宜 時 書 詩 論 委 惟 左 糾 氏 几 同 一究,撰 經 以 地 所 語 孟 氏 杜 充 卷, 證 補 撰 錯 子 以 春 氏

卷,爲 義 記》之例, E 尚書》者四 仕, 叢鈔》。 卷、《陸 圖 日 君 Ŧi. 以時之先後爲序,得四十卷, 璣 + 子小人。 + 疏 篇,《 考證》 家,書五十七部 毛 君又撰《羣經宫室圖》二 一卷。 詩 鳥 潤 君録 草 木 當世 仿衛湜 蟲 魚 通 日《 釋 儒 ~ 禮 書 + 説

輪之弗 以 數 君《 又 輪,辛楣先 無 於 複 易舊名, 弧 假 īF. 無次 弧三 備 線 君思深 弧 康 立 斜斜 熙 明 之 法 撰《釋 戴 角 甲子 生緣於 君上書於錢辛 象,以 弧、 生復書云:「推闡入微,以實測之 庶常《勾 法 舉 悟鋭,尤精於天學算 無 要 次形、 弧 律 從 求其合,尤爲 書 》三卷。 諸 附 用 輪,輪徑 股 環 矢較 也 諸 割 中黍尺》撰 輪法 -楣先 撰《釋輪》二卷。 錢辛楣先生稱是書 睘 之用 記》務 相 生論 雍正 洞 理 交 徹 乃 術, 爲 非 無 癸卯律 「七政」 根 成三角, 簡 不 原。」 謂 包, 奥, 時 梅 書 君 諸 徵 君 戀 法 緐

爲 縷析 又得 乙卯 是時 君與 書。 不能 算 用 欒城之學,余既 敘云:「此書於帶分寄母 二卷、《開方通 鏡》二書,急寄尚之,尚之爲之疏 可 改 測 此 以 術 撰《釋 撱 員 (吴縣 九章 秦氏所爲《數學大 學者未如 舍許氏之書,講九章者亦不能 》猶許氏慎之撰《説文 圓 通 發揮 君 李 海 法, 九 在元署 鏡 章 李君尚之、歙汪君孝 不能盡 撱 無 實 》、《益古演段》兩 卿、 之窮。 **>** 餘 測 此妙 釋》 秦道古 撰《天元一 藴 中得《 卷。 隨 加 時 減 也。」又教子 作《 卷以 自 君 而 乘 益 李 略 之書 差, 又 加 除之用 欒 同 述 古 謂 釋》 減 解字》,講六 則 城 數相消之故條 兩 因 演 兩 劉 書不 乘 立 家之學。 以闡 撰《天元一 段 君 嬰 徽 廷 郭 除 法 而 通  $\approx$ 未 商 之注 邢 琥 詳 釋 亦隨 舍劉 明之, 證 加 之見 論 臺之後, 日 開 明 測 減 算 八 方之 尚之 書 員 氏 九 時 乘 卷。 也。 之 而 者 章 海 而

作《開 琥乃 法, 相 六十四問,用正 記》之末。」 余得秦道古《 曰:「得此 益古 加加 符合。 以 知以 異名 演 方通 常 段 法 秦氏之法 相消、用超用變之法詳示廷 六 開 釋 而 推 十四四 方補 數學九章》,有 之不合,讀 演 負開、 述其義, 段》 問 >, 且 讀李氏之書,布策推 每 方法推算之。」因以 可 問皆詳畫其式,君 曰 : 以讀矣。」即 者 汝 依 可 正 可附《里 列《益· 然 負 溟 開 淬 方 古演段 命名 工堂學 难,廷 黯 法 同名 算 黮 算 喜 因 曰

馮 通 經之外,如詩 叔 謂 允,足洗 貫。 Щ 文黨,君爲雪之,且曰:「田 唐 公、 宋 君又善屬文,最愛柳柳州 以 又力彰家鄉先哲,勤求故友遺書,孜 不 王 來一 讀 西 詞、醫 書者 莊 人而 兩 隨聲 學、形 先生,於叔 릲 附 後 家 和 人 之陋 九 Ш 多 文事皆立 文,習之不倦 流之 斥 習。」君 《古歡 柳 書 州 無無 於治 集》, 爲 論 不 平. 王

集》二 費》。 遺籍 又舉 載于 醫説等書不具 有 年,命子廷 讀之至再,心 朋友之書,無 府志》,收拾雜 實于壁。 祠」。 公于涘之故宅,君買脩之,扁 孜不 日《揚州足徵録》。 補 倦。 國 ,成《北 史志足爲 於 十四四 設木主三十位 又著《貞女論》二篇、《 世教。 朝 里 黄珏 人著 琥 卷、《詞》三卷、《詩 人頗觀感焉。 湖 有所. 編 慮 録。 君每 橋 鄉 文舊 小 述三十二家作《讀 君之文 寫 經 有老屋 人表 志》六卷。 成《里 契則手録之。 史子 得 又以隨筆考録 事 ,祀嘗居北湖 y,次第1 率者。 集 集,即 書 一區,爲 堂 手 復理採舊聞 道 愚孝論 必 自 爲 又 話》 復揭 小 聽 識 訂 日 目 因 説 録 如是者三十 前 其 者 揚 分 録 書三十二 卷,種 <u>※</u> 拓. 三十 忠孝 北 詞 明 顛 日 事 撰 末。 湖 忠 曲 篇, 卷, 十卷。 者, 雕 揚 搜 亦 人 耆 行 臣 痘、 或 成 訪 事 必 州 誼 舊 梁

書,傳父學,端士也。

君性誠篤直樸,孝友最著,恬淡寡欲,不
君性誠篤直樸,孝友最著,恬淡寡欲,不
君性誠篤直樸,孝友最著,恬淡寡欲,不

「斯一大家,曷可遺也!」且名之爲「通儒」,諗之史館之傳儒林者曰:元哀之切,知之深,綜其學之大指而爲之傳,深博大,遠邁於元矣。今君雖殂,而學不朽。深博大,遠邁於元矣。今君雖殂,而學不朽。深博大,遠邁於元矣。今君雖殂,而學不朽。非曰:焦君與元年相若,且元族姊夫

七

可

## 江

都 縣鄉 貢 一士焦 循 譔 集

無箕山 見。 七年,自慮奄忽,乃爲遺令,勅兄子曰: 『大丈夫生世,遯 藝,娶扶風馬融兄女。 後避難,故自改名字,示不忘本土也。 卿,京兆長陵人也。 本無之,蓋失其舊。」按 曰:《挍勘記》云:「《音義》「孟子題辭」下出「趙氏」字,今 謂《孟子題辭》,注 趙注尚異,故不謂之序而謂之題辭也。」阮氏元《挍勘記 云:「十行本、閩本無此篇,監、毛本有,山井鼎《考文》所 孟子題辭 疏正義曰:《音義》云:「張鎰云:「即序 仕州郡,以廉直疾惡見憚。 之操、仕無伊、吕之勳。 |疏本或無之||者是也。||趙氏||疏正義 初名嘉。 融外戚豪家、岐嘗鄙之、不與融相 《後漢書》本傳云: 生於御史臺,因字臺卿。 天不我與,復何言哉! 年三十餘,有重疾,卧蓐 岐少明經,有才 「趙岐,字邠 也

> 章。 氏長。 年,乃應司徒胡廣之命。 之。遂以俱歸,藏岐複壁中數年。 孫賓石、闔門百口 賣餅者,又相問而色動,不有重怨,即亡命乎? 岐懼失色,嵩乃下帷,令騎屏行人,密問岐曰:「視子非 孫嵩年二十餘,遊市見岐,察非常人,停車,❶呼與共載 淮海岱,靡所不歷。 果收岐家屬宗親,陷以重法,盡殺之。 德,皆輕侮之。岐及從兄襲又數爲貶議,玹深毒恨。 岐耻疾宦官,即日 掾 有志無時,命也柰何!」」其後疾瘳。 熹元年,玹爲京兆尹,岐懼禍及,乃與從子戩逃避之。 是,中常侍唐衡兄玹爲京兆虎牙都尉,郡人以玹進不 軍梁冀所辟,爲陳損益求賢之策,冀不納。 立一員石於吾墓前,刻之曰:「漢有逸人,姓趙名嘉, 議二千石得去官爲親行服,朝廷從之。其後爲大將 後諸唐死滅,因赦乃出。三府聞之,同時並辟。 會河東太守劉祐去郡,而中常侍左悺兄勝代之, 西歸。 ,勢能相濟。」岐素聞嵩名,即 自匿姓名,賣餅北海市中。 會南匈奴、烏桓 京兆尹延篤復以爲功曹。 岐作《戹屯歌》二十三 岐遂逃難四方,江 永興二年辟司空 、鮮卑反叛、公 舉理劇,爲皮 我,北海 時安丘 以實告 九 先 玹 由 延

停」,原誤作「渟」,今據經解本改

0

孟子正義卷

陽

宫室。 歲。 卿 平元年,詔書徵岐。 迎。 爲副。 稍遷太僕。 帥 岐 史,别屯安定。 用者、徵岐、拜 黨事免, 也。」承即表遺岐使荆州督租糧。 猶志報國家,欲自乘牛車,南説劉表,可使其身自將兵來 通巴蜀, 孫瓚,爲言利害。紹等各引兵去,皆與期會洛陽,奉迎 操與公孫瓚争冀州,紹及操聞岐至,皆自將兵數百里 百姓皆喜曰"「今日乃復見使者車騎!」是時,袁紹 衛朝廷,與將軍并心同力,共獎王室,此安上救人之策 舉 ,岐詭辭得免,展轉還長安。 與新除諸郡 ·岐、擢拜并州刺史。 岐深陳天子恩德,宜罷兵,安人臣之道。 中平元年,四方兵起,韶選故刺史、二千石有文武 日磾 岐謂承曰: 「今海内分崩、唯 南到陳留,得 因撰次以 南當交趾,年穀獨登,兵人差全。 及李傕專政,使太傅馬 行至洛陽, 太守數人俱爲賊邊章等所執,欲脅以 議 大將軍何進舉爲燉煌太守。 郎。 爲 會帝還洛陽,先遺 篤疾。 《禦寇論》。 車 表 騎 岐欲奏守邊之策,未及上,會坐 别 將 經涉二年,期者遂不至。 遣 軍張 岐 及獻帝西都,復拜議 宣揚 靈帝初,復遭黨錮 岐 温 至,劉 日磾撫慰天下,以 有荆州 一西征 國 衛將軍董承修 命。 表即 關 岐雖迫大命 境廣 中, 行至襄武 所 又移書 遺兵詣 地勝 到郡 請 補 + 郎 西 縣 興 公 曹 岐 爲 分 洛 理 車 奉 長 餘

> 《孟子章句》傳至今,本傳何得反不記也?」惠氏棟 《三輔決録》傳於時。」劉 典、少 改爲「孟子章句」。」 「要子章句」、「要」當作「孟」。 被,即日便下,下訖便掩。』岐多所述作,著《孟子章句》、 「我死之日,墓中聚沙爲牀,布簟白衣,散髮其上,覆以 像居賓位,又自畫其像居主位,皆爲讚 建安六年卒。 老病,遂留荆 不爲禮 補注》云: 助修宫室,軍資委輸前後不絶。 府孔融上 ,岐乃稱嵩素行 「劉氏既有刊誤 州。 先自爲壽藏,圖季札、子産、晏嬰、叔 書薦之,於是就拜岐爲太常。 曹操時 篤烈,因 **攽《兩漢刊誤》云:「《趙** 爲司空、舉以自代、光禄 明 古書無《要子》,而岐所 國子監本遂刊去『要』字 共上爲青州刺史。 時 孫嵩亦寓於 頌。 勅其子 年九十餘 岐 表, 《後 向四 E 岐 傳 作 單 漢 表 桓 以

其名,家各象其號。」注云: 第次也。」《周禮· 契》云:「書稱題。 末指義文辭之表也。 孟子題辭》者,所以題號《孟子》之書本 春官・司 題,諦也,審諦其名號也。 「事、名、號者,徽識,所以 常》:「官府各象其事 疏正義曰: 劉熙《釋名 亦言第。 州 題 里 釋 别 各 因 衆 其

未聞也。 章》、《告子》、《盡心》。 編集,故曰 굸 也。 也。 **疏正義曰**: 書,如《荀子》,故謂之「孟子」。」 其篇目則各自有名。 何異孫《十 姓氏不分,氏亦通稱姓。《文選·褚淵碑文》注引劉熙注 書之義。孟,氏也。 表其文辭 題辭之義,稱述孟子氏名事實之本末,所以著書之指義,以 年《左傳》「舞師題以旌夏」,注云:「題,識也。」趙氏自釋稱 則以緇長半輻,赬末,長終幅,廣三寸,書名於末。」此蓋其制 也,故總謂之《孟子》。 ,樹之於位,朝各就焉。」《士喪禮》曰: 「子者,男子通稱也,謂孔子也。」孟子稱子猶孔子稱子。 徽識之書則云某某之事、某某之名、某某之號。 「子,通稱也。」《論語 子者,男子之通稱也。 ,猶徽識題號之在旌常,故謂之題辭也。 《論語 如《梁惠王》、《公孫丑》、《滕文公》、《離婁》、《萬 鄒本春秋邾子之國,至孟子時改曰 經問對》云:「《論語》是諸弟子記諸 》而不號『孔子』,《孟子》是孟軻所自作之 如下云「出自孟孫」,則與魯同姓。 孟子,鄒人也。 • 學 疏正義曰:此題識《孟子》名 而》篇「子曰」、《集解》引馬 此書孟子之所作 「爲銘各以其物,亡 名軻,字則 善言 孟, 襄公十 而成 後世 姓 文。

臣

「鄒」矣。 「鄒」。《國語》、《孟子》作「鄒」。三者「鄒」爲正,「邾」則省 縣,古邾婁國,帝顓頊之後所封。」段氏玉裁《説文解字注 書不足證也。 王肅、傅玄生趙氏後,趙氏所不知,肅 之士樂賢者寡,不早記録耳。」是直以孟子爲逸其字矣。」按 之法,皆以姓名自書,至今厥字不傳。 魏人作《徐幹中論序》曰:「孟軻、荀卿懷亞聖之才,著一家 史鶚《三遷志》云:「孟子字自司馬遷、班固、趙岐皆未言及。 子》有孟子居,即是軻也。」《傅子》云「孟子輿」。 疑皆傅會。」 軻字子居。亦稱字子輿。』《聖證論》云:「《子思》書、《孔叢 《孔叢子》云:「子車 表》作「鄒衍」是也。 列傳云:「孟軻,翳人也。」翳 所并,非魯也。 言緩急之殊也。 云:「魯國騶,二《志》同。 左》、《穀》作「邾」、《公羊》作「邾婁」。 漢時縣名作「騶」,如《韓勅碑》陰「騶韋仲卿」足證。《鄭 國近魯,後爲魯所并。 王氏疑其傅會是矣。 周時作「鄒」,漢時作「騶」,古今字之異也。 今鄒縣是也。 王應麟《困學紀聞》云: 注:一作子居 周時或云「鄒」或云「邾婁」者,語 與鄒通 《説文》邑部云:「鄒,魯 騶 何由知之? 原思其故,皆由 衍、《漢書· 疏正義曰:《史記 「邾婁」之合聲爲 又言邾 居貧坎軻、故名 「孟子字未聞 《孔叢》僞 古今人 爲 戰 楚 或

四

鄒。」杜 後」,互 《左傳》顓頊氏有子曰黎爲祝融,祝融之後 以 陸 平,古鄒侯國,❷舜後姚姓」,蓋即今濟南府鄒平縣 所 見,●惟 鄶、路、偪 有二,皆顓帝後所封國。一早著於幽王之世,《國語》史伯謂 未知其始本名鄒也。」周氏廣業《孟子出 邾 也。 邾。』《前志》曰: Ŧi. 語 曰『黎爲高辛氏火正 滅。《 城城。 子日 「終,陸終六子,其五曰安,是爲曹姓。」曹姓者,邾氏 下 即 桓公曰『當成周者 》曰「曹 邾。 然則上文「鄶、祝融之後、妘姓所封」,此云「帝 至儀父始見春秋。 安。 趙氏岐曰「鄒本春秋邾子之國,至孟子時改曰鄒」,此 文錯見也。 (譜》云: (漢志)濟 《晏子》載「景公爲鄒之長塗,晏子諫 姓鄒、 《大戴記》: 陽 邾即安之後 曹 芦, 「邾,曹姓。 南郡 姓: 「騶,故邾國,曹姓,二十九世爲楚所滅。」 今山 幸云: 「顓 命 東 鄒、莒、皆爲采衛」,此鄒入春 有鄒平、梁鄒二縣。 有齊、 也。 東兖州府鄒縣 日 十四四 頭子 祝融, 「陸終第五子日 顓 周武王封其苗裔俠爲附庸, 世 老 魯、 頭之後有六終,産六子,其第 文公遷於釋,今兖州 童,産 其 曹、宋、滕、薛、鄒、莒」,又 後以姓 重黎 東 處時 南二十六里, 《水經 八姓、妘、 安,爲曹姓 存者, 妘姓: 及吴 而息。 地考》云: 回 注 地 昊回 、曹其二 秋不 顓頊 鄒縣 》謂 也。 疑爲齊 也。 有古 封 鄔 一鄒 鄒 俠 復 之 按 居 於 北 産 其

> 不聞 吴、齊救之,邾子益得 宫,以邾子益來獻於亳社。 改,段氏説是也。 改爲翳。』徐鉉《説文》亦云: 「鄒」、《齊乘》謂 「魯擊柝聞於邾」,是國近魯。 藝文類聚》引劉薈《騶 孫氏; 及沂 後八世 魯,或譌「鄒穆公」爲「魯穆公」耳。」按: 孫之後,故孟子仕於齊,喪母 魯桓公生同 有鄒, 春  $\equiv$ 西田,三年城啓陽, 秋時魯與邾爲仇,哀公時無歲不與爲難,二年取 次季友,爲季孫氏: 桓 |而楚滅之。]此自本《漢書 至 一子孫 戰國更無 始文公。 ,爲莊公。 杜預《春秋釋例 既 歸 以衰微, Щ 邾 則 但遷 記》云: 名 六年城邾 次慶父,爲仲孫氏, 邾 趙 「魯穆公改邾 是爲「三 釋在魯文公十三年, 未滅 故 氏言 或 趙 「騶 分適 티 : 也。 氏以 「邾爲魯并」或指此 世族譜》 瑕,七 Щ 地理志》,趙 一桓」。 哀公七年《左傳 謂 古之嶧陽 他 孟 爲鄒。」改 而 年 鄒 至 子, 仲 或 即 孟 入邾, 歸 孫 邾,不 次 子 魯公 氏 邾 而終 葬 氏又言 . 叔 疏 即 處 名 魯 於 牙, 改 或 正 穆公 孟 其 關 漷 不 春 学云 族 也 魯 爲 義 然 應 孫 公 春 更 東 是 秋

田 也。 秋

出

嶧

Щ 是也。

漢志》屬魯國,今爲兖州

府鄒縣。

其

改「邾」爲

0 0 曰 :

也

孟

叔

<sup>」,</sup>原脱,今從沈校據《水經注》補 原誤作「人」, 今據《孟 子四考》改。

云: 子。 子所 景伯 於繹。」郭 城 義 何時分適鄒,遂爲鄒人。 若璩《孟子生卒年月考》云:「孟子蓋魯公族孟孫之後,不 孟 爲孟子所稱矣; 弟有南宫敬 即子服仲叔它,生孟椒,椒生子服回,回生子服何,是爲子服 春秋後,其獻子次子懿伯生仲孫羯。 懿子生孟孺子洩,即 秩,秩生仲孫貜,即孟僖子, 孫蔑,即孟獻子,獻子生仲孫 氏。 《左傳》「魯擊柝聞於邾」是也。」周氏廣業《孟子出處時 在山 地。 也。 孫之後; 稱。 劉 慶父生公孫 孟氏尊師重道,其後宜有達人。 ,别爲子服氏。 疑古爲魯地,猶魯鄒邑今亦在鄒縣界内,二國 南,去山二里,北 然考今孟母墓碑,墓在鄒縣北二十里馬鞍山陽, 昭 残云: 僖子、懿子、武伯皆知欽敬孔子,敬子則受教於曾 注 但世系不可詳,故趙氏以「或曰」疑之耳。 叔,孟武伯之弟有公期。 《續漢志》「騶本邾 莊子之孝,公綽之不欲,之反之不伐,爲孔 **泳敖**,即 「繹 山 孟氏之族有孟公綽、孟之反,孟懿子之 孟武伯; 連 孟穆伯; 有繹 温地 猶葬歸於魯者,太公子孫反葬周 僖子生仲孫何忌, 山。』《左傳》文十三年: 武伯生仲孫捷,即孟敬子。 ,北有牙山 速, 國, 穆 伯 即 引 孟子既以孟爲氏,宜 生文伯惠 孟莊子; 杜預《世 孟獻子,賢大夫,固 劉 牙山 一薈《騶 一族譜》以 即即 北有唐口 叔,文伯 莊子生孺 Ш 孟 記 一懿子; 「邾 地考 一密邇 閻氏 又非 懿伯 生仲 「邾 山 遷 之 知 爲 當 人 子 3 2 0 唐

之徒配。 《兖州鄒 山,有 母山 年,謂 乘》: 「尼邱山 墓亦接壤焉。」又云: 北,爲昌平,爲防風,❸又三十里。 亦隸鄒縣。 基之陽得其墓焉。 是符下官吏博求之,果於邑之東北三十里有 治之屬,吾當訪其墓而表之,新其祠而祀之,以 五里,與孟子墓不甚遠」,要之,不越三十里內外也。 「馬鞍之南」,❷孟衍泰《三遷志》又謂「孟母墓在今縣北二十 口 有顔 Ш 孟母 有功於聖門者無先於孟子, 北 縣建孟廟記 明年 有陽 墓 母 而唐口之墓,孫明復云「東北三十里」,于容思云 廟 城,北 在 春 又南唐口山,有孟子墓。」然則郰邑當金 一滕州 ,廟成。」其序地域、 南 遂命去其榛莽、肇其堂宇、以公孫、萬 有昌 <u>\text{\text{\text{Z}}} : \text{\text{\text{\text{Z}}}} : \text{\text{\text{\text{Z}}} : \text{\text{\text{\text{Z}}}}</u> 有 「係孟孫之後,則 鄒縣東北六十里,有 孟軻 平 「景祐丁酉,龍圖孔公爲東魯之二 冢 山,夫子所生之鄉, 焉。」此 且鄒 蓋不特 墓山 葬 祖墓自當在魯。《論 爲孟子之里,今爲 鄒 思近聖人之居,而 尤爲明 宣聖 之確 Щ 日 廟。 旌其烈。 證。 切。 四基, 又 自是 南 其 宋 又《齊 東 元 馬 孫 於 耐 顔 章 四 所 復 時 鞍

于容思」,按《齊乘》作者于欽字思容 基 四 基」, 今從沈校據《孟子四考》改。 原 作 四 墓」, 合於 孫復 原文,周 下 句 四四 廣 業校 改 作

<sup>「</sup>防風」,《孟子四考》同,沈本改作「防山」,於地理是。

「至哀公皆衰。」語・季氏》篇云「故夫三桓之子孫微矣」、《集解》引孔曰:

説。 遷之教。 先母没耳,非必幼孤也。 之後甚明 時,然以士大夫三鼎五鼎之言推之,相隔必不甚久遠。 云: 「孟子生有淑質,夙喪其父,幼被慈母三遷之教。」及注 之事也。 長,學六藝,卒成大儒之名。 豆 處子。」乃去,舍市旁。 也,嬉遊爲墓間之事,踴躍築埋。 母儀》篇云:「鄒孟軻之母也號孟母。 「後喪踰前喪」云:「孟子前喪父約,後喪母奢。」前後雖 「此非吾所以居處子也。」復徙,舍學宮之傍。 》遂謂孟子三歲喪父。 『喪從死者,祭從生者。』祭以三鼎,則 且《列女傳》載孟母斷機事云:「績織而食,中道廢而不 讓進退。 孟子生有淑質。 周氏 ,其時年蓋四十餘矣。 疏正義曰:「淑,善也。 廣業《孟子出 孟母曰: 其嬉戲爲賈人衒賣之事,孟母又曰: 『真可以居吾子矣。』遂居。 陳 考《韓 鎬《闕里志》、薛應旂《四書 處時 君子謂孟母善以漸化。」此 夙喪其父,幼被慈母三 《題 詩外傳》、《列女傳》俱 孟母曰:「此非吾所以居 地考》云: 辭 夙,早也。《列女傳 其舍近墓。 》所謂夙喪者,亦以父 孟子喪父在爲士 其嬉遊乃設俎 「趙氏《題 孟子之少 及孟子 《禮 人物 無定 三遷 無 解》 此

> 子受業於子思,既通。」與趙氏同。 間事,且去喪母五六十年,魯人亦何從知其前後豐儉 子思生於伯魚所卒之年,亦止當 氏奇齡 業孔伋之門也,今言「門人」者,乃受業於子思之弟子也。 思之門人。」《索隱》云: 名軻,鄒人,子思弟子,有列傳。』《風俗通・ 機,或者父出遊,慈母代嚴父耳。」長師 知。 爲,寧能衣其夫子,而長不乏糧食哉?」觀此 孟子實生於烈王四年,其距子思卒時已相去五十年之久。 遂成天下之名儒。」《漢書・藝文志》儒家: 疏正義曰:《列女傳》云:「孟子旦夕勤學不息,師 思,治儒術之道。 嗇非所自主,倉安得譖之?」蓋孟父實未嘗卒,其三遷、 而臧倉得以行其毁鬲邪? 孔子卒在周敬王四十一年,伯魚先孔子卒已三年,向使 後人殆因孟父無聞,妄爲説耳。 《四書賸言》云: 「王草堂謂《史記 「王劭以「人」爲衍字。」則 通 王復禮曰: 『若前喪在三歲則 五經,尤長於《詩》《書》。 在 《史記》列傳云: 威烈王三四年之間。 夫士及三鼎 》世家子思年六十 「《孟子》十一 孔子之孫 窮通》篇云:「孟 言則 斯非 以 非 事子 「受業子 軻 嫠 懸絶 親受 襁 恤 篇。 思 子 乃 斷 豐 褓 可

《史記》所云「子思年六十二」者或是「八十二」之誤。

又謂

魯繆公曾尊禮子思,然繆公即位在

威

烈王十九年,則

若孟子

之語 已有 相距三十八年。 魯穆公元年即周威烈王十九年,魏惠王元年當周烈王六年, 子不能親受業於子思又明矣。 穆公卒之年當有六十年,再溯穆公初年則九十年矣。 子景公立,二十九年卒。 二明矣。穆公子共公立,二十二年卒。子康公立,九年卒。 子思已生,而孟子明言子思當穆公時,則子思之年不止六十 自穆公元年上溯至孔子卒之年,當有六十八年。孔子未卒 公立,二十一年卒。 孔子卒,二十七年卒於有山氏。 思 四十零年,然而孟子已老,本文有「王曰叟」是也,則受業子 三年而惠王已卒,襄王已立。 本文有「東敗於齊、長子死焉」之語 則 子則童子時也。 齊虜太子申,則孟子遊梁自當在三十年之後。 斷 ,或未可盡非者與?」按:《史記·魯世家》: 哀公十六年 也。 七十 不能 以爲受業子思之門人。 餘年,如以親受業子思言之,則子思年必大耋,而 乃實計其時,梁惠王即位之年距魯繆公卒年亦不過 親受業也。 惠王三十五年孟子來大梁,上溯魯穆公時 劉 子顯立,是爲穆公,穆公立三十三年卒。 予衹以《孟子》本文計之。梁惠王三十 向、司馬 子叔立,是爲平公。 何則? 而《史記》紀年多不可 草堂之説是也。 遷皆西漢人,一 悼公立,三十七年卒。 也。 以本文有「見梁襄王」 然孟子居梁不及二 平公元年上溯 以爲受業子 乃《六國表 何則? 據。 子元 則孟 以 大 蓋爲戰國争强 用

失序。 樂以發和、《書》以道事、《詩》以達意、《易》以神化、《春秋 抵異同不過 强而已矣。 勝弱敵、齊威王、宣王用孫子、田 記》列傳云"「當是之時,秦用商君富國强兵,楚魏用吳起戰 通神化、已洞然於伏羲、神農、黄帝、堯舜、文王、周公、孔子 子作《春秋》之恉。 記》列傳云:「序《詩》《書》,述仲尼之意。」故以爲「尤長於 義。」』《漢書·藝文志》以六經爲六藝,一百三家,趙氏以爲 記·滑稽傳》云:「孔子曰:「六藝於治,一也 云"「仲尼既没之後,田氏取齊,六卿分晉,道 天下方務於合縱連衡,以攻伐爲賢。」劉向《校 爲上賢。 之道,獨《詩》《書》云乎哉? 詩》《書》」。 通五經」。 兵争强以 至秦孝公捐禮讓 晚世益甚,萬乘之國七,千乘之國五 七篇中言《書》凡二十九,言《詩》凡三十五。 此兩端,識 先王大道, 陵遲墮 然孟子於《春秋》獨標「亂臣賊子懼」,爲深知 相侵奪。 至於道性善,稱堯舜,則於通 者察之。 而貴戰争,棄仁義 當世取士,務先權謀 周衰之末,戰國縱 《列女傳 忌之徒 廢,疏正義曰:《史 而 》言「通 而用許譎 諸侯 戦國 德大廢,上下 ,敵侔争權 禮以 東 德類情 六藝」、《史 策 面 荷 節人, 朝 書 横 **《**史 以 齊 》以 以 取

,勝者爲右,兵革不休,詐僞並起。

當此之時

斯害也 之,彼 令》「毋 自部 代 端 也。 宥 游 雖 之陵夷」,李善注云: 横 務訓》「故名立而 漢書 逐遲而 坐 説權 有 非 並 厲之屬生縱横短長之説,左右 作 道 横 亦以爲異己也而擊之,未有不成其害者。 篇云:「今夫世之陵遲亦久矣。」楊 起。 己。日 有墮 德,不 遲言邱 則秦帝,縱則楚王。 謀之徒見貴於俗。 「隓」,云「敗城自曰 至於二 司馬相 「壞」、《釋文》云: 何 疏正義 若楊朱、墨翟放蕩之言以 得 一世,天下土崩 陵之勢漸慢也。」《文選 爲「異 施謀。 如傳》,注云: 不墮」,高誘注云: 日 : 端 一陵夷即 故 ? 孟子、孫卿 隓。 論 是以 所 各持 「墮,本作隳。」 語 凌遲也。」《史記》張釋之曰 「陵夷謂弛替也。」墮、《説文》 在國 《漢書》 蘇 篆文作 1傾側。 爲 秦、 重, 理,此 墮, 儒 政 作「陵夷至於二世 張 所去國輕。」《荀子 術之士棄捐 》篇云: 「嫷」。 難蜀父老》「反衰世 廢 儀、公孫 蘇 以爲 倞 隳,俗字 也。」《禮記 秦爲縱, 注云: 《淮南 干時惑衆 異 「攻乎異端 楊、墨 己 衍 也。 於世, 遲, 張儀 也 子 陳 子各持 而 「秦 軫、 異 月 修 而 擊 慢 爲 則

苟

不能爲通人以包容乎百家,持己之説而以異己者爲異端

中,易地

皆然,能包容乎百家,故能識持

一家之説之爲害也。

説,不

能

相

通

故

爲

「異端」。

孟子之學

,通變神化

以

時

爲

不能用 《集解 流行周 於諸 湮微 云: 君咸 以孔子爲法而習之也。 義曰:《説文》水部云:「湮,没也。」《小爾雅• 亂朱,於是則 蕩」、《集解》引孔 放悖」,悖 放者爲之,則欲絕去禮學,兼棄仁義。」注 《文選・ 爾雅 放蕩 廣雅. 没,滅也。」昭公元年《左傳》云「勿使有 (闢異端者即 「底,滯 侯, 謂之迂闊 》引孔曰: 遍也。」《史記 ,適梁。 釋詁》云: 正 甘泉賦 釋詁》文。 亦妄也。 孟 思 塗 也。」《釋文》引服虔 子関 身爲異 濟 雍 梁惠王不果所言。 》云「據幹 「蕩,無所據也。」楊墨之言虚妄無據 E. 底, 慕 斯 《論 止 於事, 「放,妄也。」《吕氏春秋· 悼 》列傳云: 「蕩, 端 民。 仲尼周流 而不行故爲滯。 語 也。 周 仁義荒怠,佞 堯 軒 無 舜、 《漢書 終 流」二字 而 然 陽 所 道 周 莫 貨 適守 由 湯文、周 **云**: 流兮」,李善注 》篇「好 則 既 能 不 憂 見 「底, 通 見以 也。」又「今之狂 藝文志》言 聽 肯 世,遂以 ~禮 則,法 游 知不好學,其 納 係 枉 三 云 爲 止 所壅蔽 事 記 審分》篇云「無 孔之業 其 迂遠 尺 馳 也。」「底 也。 齊 宣 仲尼 道家 説 聘, 「放,蕩 直 廣 湫底」, 而 儒 王 詁 一周 燕居》。 習 云 闊 也 道 紅 將 疏 於 宣 故 蕩 蔽 也。 万及 流 也 遊 紫 時 遂 事 Ŧ 注 Œ 云 也 使

徒 於是退而論集所與高弟弟子公孫丑、萬章之 之空言,不如行事博深切明。」《史記·太史公自敘》亦云。 序》篇云:「孔子曰:「吾因其行事而加乎王心焉。」●以爲見 辯詭 之行事之深切著明 法言也。 用法應之,譔以爲十二卷,象《論語》,號曰「法言」。」憲言猶 云:「雄見諸子各以其知舛馳,大氐詆訾聖人即爲怪迂,析 不稱焉。 記 没 興 知 闊 情。』《風俗通 春秋》。」《爾雅 · 孔子世家》云:「子曰:「弗乎弗乎! (曰:《音義》云:「信音伸,謂三代遺風鬱塞不伸也。」《史 於事情。 難疑答問,又自撰其法度之言,著書七篇, 世 遭蒼 (唐虞雍熙之和,退不能信三代之餘風。 辭以撓世事,雖小辯,終破大道。 而 吾道不行矣,吾何以自見於後世哉?」乃因史記作 仲尼有云: 無 姬 然終不 聞 以訖録,值炎劉之未奮,進不得 • 窮通》篇云:「游於諸侯,所言皆以爲迂遠而 ·釋詁》云:「憲,法也。」《漢書 焉,是故 ·屈道趣合,枉尺以直尋。」 孟 也。」 疏正義曰:《春秋繁露・俞 「我欲託之空言,不如 垂憲言以詒後人。 故人時 君子病没世而 有問雄者,常 · 揚雄 子 亦 疏正 傳》 載 耻 佐 自 名

自作。 作,至韓昌黎故亂其説。 <u>偷</u>正義曰:《史記》列傳云:「孟軻所如不合,退與萬章之徒 聚集而論次之,如篇中諸問答之文是也, 之也。平日與諸弟子解説之辭諸弟子各記録之,至是孟子 林》、《説難》。」難疑者,有疑則解説之也,答問者,有問則 是非未盡,假以往來之辭,則曰難。 四人: 孟仲子、告子、滕更、盆成括。 咸邱蒙、陳代、彭更、屋廬子、桃應、季孫、子叔,學於孟子者 後書爲門人所敘定,故諸侯王皆加謚焉。」趙氏注弟子十五 貌甚悉。七篇成於己手,故但記言語或出處耳。]又云:「卒 度之言」。 序《詩》《書》,述仲尼之意,作《孟子》七篇。」是七篇爲孟子所 本紀》「死生之説,存亡之難」,《索隱》云:「難猶説也。 人;萬章、公孫丑、樂正子、陳臻、公都子、充虞、徐辟、高子 「盡難攻中山之事也」,高誘注云:「難,説也。」《史記・ 故趙氏前既云「此書孟子之所作也」,此又云「自撰法 閻氏若璩《孟子生卒年月考》云:「七篇爲孟子自 《論語》成於門人之手,故記聖人容 《吕氏春秋 所以韓非著書 其不由問 樂成》篇 答, 有《説 凡事 五 如 帝

● 「王」,原誤作「主」,今據《春秋繁露》改。

離婁》、《盡心》等章,則孟子自撰也,

又有與齊

魏、

鄒、

滕

之、陳相、貉稽、戴盈之、戴不勝、儲子、沈同、陳賈、慎子、王 君所言,景子、莊暴、淳于髡、周霄、景春、宋牼、宋勾踐、

夷

有章邱李氏所藏北宋蜀大字《章句》本毛斧季影鈔者,並 知」以下七章,並缺《章指》。 二校各有詳略,得以互訂。 君人」者一章、「孔子登東山」以下三章、《盡心下》「吾今而後 末記云: 下》惟「梓匠輪輿」章有《章指》,餘並缺。 校本二,云:「一 依用陸本、《章指》既删、章數遂不可定。 止得三十八,則共爲二百五十八章,校此《題辭》所云少三 九章: 共爲二百五十九章。 子上》二十章,《下》十六章,《盡心上》四十七章,《下》三十 二十八章,《下》三十二章,《萬章上》九章,《下》七章,《告 九章、《下》十四章、《滕文公上》五章、《下》十章、《離婁上 曰:《音義》標《梁惠王上》七章,《下》十六章,《公孫丑上》 六十一章,三 驩等相問答,蓋亦諸弟子録之,而孟子論集之矣。 定梁氏借得宋槧本影鈔」,今未見其影鈔 《崇文總目》謂陸善經删 「文注用 爲虞山毛宬手校。 盱郡重刊廖氏善本校。」 而 萬四千六百八十五字。 去趙岐《章指》。 今以《章指》計之、《盡心》下篇 何屺瞻云「毛斧季從真 戴氏震得朱氏 者。 爲何仲子手校。 《盡心上》「有事 邵武士人作疏 而此本《盡 疏 二百 文游 正義 外 得 心

譌? 算? 則今孔氏所刻《章指》亦拾 見《篇敘》正義中。 萬五千二百二十六字,校趙氏所云實多五百四十一字 千二百二十三字,《盡心》共四千六百七十四字:七篇共三 千七百八十九字、《萬章》共五千一百五十四字、《告子》共 千一百四十二字,《滕文公》共四千九百八十字,《離婁 本經文計之、《梁惠王》共五千二百六十四字、《公孫丑 能加多。 下共五千一百二十五,《告子》篇上下共五千二百五十五 千零四十五、《離婁》篇上下共四千七百八十九、《萬章》篇上 學所敢矣。 趙岐《孟子篇敘》,於是臺卿之學,殘失之餘,合之復完。」然 本不差,趙蓋誤算也。」周氏廣業《孟子異本考》云: 八十五字,今計字數《梁惠王》篇上下共五千三百六十九 《公孫丑》篇上下共五千一百四十四,《滕文公》篇上下共五 [孟子》三年乃成,謂『可寤疑辨惑』。 字數易明,豈復疏 盡心》篇上下共四千六百八十三"統之實有三萬五千四 十字,較趙説多七百二十五字。 但舊書古簡,脱漏居多。 然欲傅會於二百六十一之數而强分以足之,則亦非 今兹賸字,得毋有後 陳士元《孟子雜記》云: 包羅 天地,揆敘萬 掇於殘缺之餘,焉保無分合之 人所羼入者乎?」按: 唐宋本固應減於漢,否亦 詳考趙注《孟子》文與 「趙氏謂三萬四千 類,仁 今以 趙 , 别 类 类 於 五 四 五. 孔 不 布 注 百 後

也 語魯太師:「樂其可知也。 三代之禮,序《書傳》,上紀唐虞之際,下至秦繆,編次其事。 道衰樂廢,夫子來還乃正之也。」《史記·孔子世家》云: 得其所。」《集解》引鄭曰:「反魯、魯哀公十一年冬也。 亦不求仕。 孫丑下》篇。亞,次也。「命世亞 聖之大才者也。 曰:《論語·子罕》篇云:「吾自衛反魯,然後樂正,雅頌 删《詩》定《書》,繋《周易》,作《春秋》。 以崇高節、抗浮雲。 可 之則可 德、性命禍福,粲然靡所不載。 「孔子之去魯凡十四 自 之正言。 包羅天地」至「曲而不屈」,皆發明所以 ,以成。 衛反魯,然後樂正、雅※頌》各得其所,乃 以尊君父、立忠信、守志厲操者儀之則 以 吾自衛反魯,然後樂正、雅》、頌》各得其所。」古 孔子之時,周室微而禮樂廢,《詩》《書》缺。 可謂直而 致 、隆平、 歲 而反乎魯,然魯終不能用孔子,孔子 疏 正義日: 頌 始作翕如,從之純如、皦如、繹如 不倨,曲 有風人之託物,二《雅》 清 廟,卿 聖 命世即名世也,詳見《公 即 而 大夫 所謂 名世之實。 不 帝王 屈,命世亞 名世次聖也。 士 一蹈之 公侯遵 孔 追迹 是時 子 口 貝 各

以制轂。」《邶風》「載脂載舝」、《小雅》「間關車之舝兮」、《淮 鍵以制 散者謂之聲,亦作轄。 謂之釭。 氏震《考工記釋車》云"「轂空壺中,所以受軸 也。」按: 削則削,子夏之徒不能費一辭。」孟子退自齊、梁,述 篇,皆弦歌之以求合韶武、雅頌之音。 者《詩》三千餘篇,至孔子去其重,取其可施於禮 南子》「車之能轉千里者,其要在三寸舝」,蓋車之轉運 也。」「轄,鍵也。」轄與舝通。 鎋」,丁云:「上音管,《方言》作「輨」,車釭也, 經之後,故云「五經之錧鎋,六藝之喉衿」也。《音義》出 記諸善言也。」《漢書・藝文志》有論語家,列六藝之中,次五 敘》云:「漢中壘校尉劉向言《魯論語》二十篇,皆孔子弟 之錧鎋,六藝之喉衿也。 會集夫子所言以爲《論語》。 疏正義曰: 堯舜之道而著作焉,此大賢擬聖而作者也。 繋》、《象》、《説卦》、《文言》。 「錧鎋」當作「輨轄」。《説文》車部云:「輨,轂 轂端沓謂之輨;以鐵爲管,約轂外 擬聖即所謂「述仲尼之意」也。 舛部云: 行車者脂釭中以利轉,又設整 乃因史記作《春秋》, 疏正義曰:何晏《論 奉 《論語》者,五 晚而喜《易》,序《彖》 車 七十子之疇 兩端 軸 以以 下音點 治錯鍵 金裹轂 義三百 筆則 也。」戴 軸 車 端之 耑 館 經 五 轄 語

之交領 運。 屬 選 答以 領 文》口部 轂 爲法則 藝之總領 領人之一身。 物。」然則衿爲交領、交衽之通名。」此與 言領,亦以領統於襟,遂名曰襟。 JII 交。』襟無不交,則給無不交矣。 以  $\overline{Z}$ 易 詩》『青青子衿』傳:『青衿、青領也。』正義云: 於襟 頸 王 也。』《曲禮》『天子視不上於給」,注云:『給,交領也。』給 而 傳 血 魏都賦》「不以邊陲爲裣也」,注引《聲類》曰:「裣,衣交 「《爾雅 Ŧi. 輨 俎 經非 而 濺足下之裣」,注云:『裣,交衽也。』《方言》: 》注云『頸下施衿,領正方直』者也。 即 如 解傳 云 ひ也の 也。 豆; 似 與襟同 環 》「衣眥謂之襟」, 續其 喉, 論 約於轂,轄 <u>\*</u> 《説文》曰:「襟,交衽也。」《戰國·齊策》「輒 内則轄之以喉,外則鍵之以領,謂《 梁 孟子之書則 語 (道也。 咽 體。 》則無以運行,故爲 「象也者、像也。」像之言似 惠 也。」衿與襟 王 襟交則給交,故給謂之交領,與 如笄約於軸 衛 間 靈 利國, 孫炎曰: 公問 通。 小兒擁咽 而 《玉篇》云:『裣,衣領也。』 象之。 非 任氏大椿《深 「五經之輨轄 孟 陳於孔子, 喉 『襟,交領也。』《文 此 子對以仁義。 領 則 詁訓 」並言, 也。 (,則即 軸 疏正 與 諸書多以襟 《論語 一、載不 謂 「衿、領 ,則正以爲 衣釋 也 服 「襟謂 義 以 孔子 『》爲六 虔《廣 八襟謂 孔子 E: 可 《説 例 以 之

> 行志 見 不遇 臧 宋 武周公傳 舜,舜以是傳之禹,禹以是傳之湯,湯以是傳之文武周公,文 誨誘無倦。 袁瓌、太常馮懷上疏 以孟子似續孔子,自趙氏發之。 靈公、桓魋事俱見 蓋譖毀之使 外 鬲」自當讀 《宋書 倉 桓 書》 》引京房《易傳》云: 哉哉 毁 魋欲害孔子,孔子 之孔子, 鬲 四篇: 禮 如隔。 是以仁義之聲於今猶存,禮 情 孟 志》。 旨意 隔 子, 耳。 《論 孔 《説文》自部 《性善》、《辯文》、《説 韓愈《原 云: 子傳 合同 語》。 孟 又 子 「孔子恂恂 「上下皆蔽、兹謂 音 之孟軻。」皆 歷。 《音義》出 若 日 道 稱「天生德於予」; <u>\tilde{\</u> **云** 此者衆。 「臧氏之子焉 其後晋咸康三年 按 一兩 隔隔 「斯 道 爲 「毀鬲」云: 化洗 本 讓 道 障 鼎 諸 之隔。」 之風千載 也 也。」《 屬 泗 疏正 趙氏。 堯 其 孟軻 ·,國子 孝 <u>丁</u> 以 是 漢 能 音 義曰: 是 未 也 歷 經 又 使 皇皇 音 傳 、泯。」 祭酒 有 隔 子 魯 此 衛 之 Ŧi. 按

\_

篇云:「作書中外十一篇。」是七篇爲中,餘四篇爲外。

日

《漢書

藝文志》:「《孟子》十

一篇。』《風俗

通

窮

通

王應

非

孟子本真,後

世

依

放

而

託

之者

也

疏

正

義

爲政》。

其文不能宏深,不與内

篇

相

似

似

<u></u> 云: 《文説》一篇、《孝經 經》爲 人依放而作,非《外書》本真也。」周氏廣業《孟子逸文考》 《性善》之篇,不綴「辯」字,疑新喻謝氏所藏《性善辯》又屬後 且《外書》之篇目,自 豈 綦毋邃《孟子注》九卷,他家注俱七卷,獨綦毋氏多出二卷。 喻謝氏所藏 諸公未有以目擊詳言之者。 歲,不應館閣中能完然如故也。 《章句》爲本、《外書》悉以廢閣致亡。 灝《考異》云:「趙氏不爲《外書》章句,嗣後傳《孟子》者悉以 記》去: 《性善辯》,曰《文説》,曰《孝經》,曰《爲政》。」劉昌詩《蘆浦 道》、《孟子》之《外書》四篇,今皆無傳。」孫奕《履齋示兒篇 麟《困學紀聞》云: 云"「昔嘗聞前輩有云親見館閣中有《孟子外書》四篇, |所謂「四篇」者在梁時嘗得其二,至宋乃僅存劉氏所見之 篇邪? 「《史記・十二諸侯表》云:「荀卿、孟子、韓非之徒各往 而其有無《外書》,唐人絕無片言論及,則又難以質言。 「予鄉新喻謝氏多藏古書,有《性善辯》一 劉氏以所見之《性善辯》遂以「辯」字上屬,而謂 但綦毋氏書李善注《文選》猶引用之,似流行於唐 帙,劉氏似及見之。 心》一篇。 「漢《七略》所録,若《齊論》之《問王》、《知 宜以 性 據 道聽塗説,必不足爲按據。 善》爲 ※ 論衡 孫氏僅得耳聞,當日 《隋書·經籍志 一、《辯文》爲一、《説孝 南宋去趙氏時千有餘 本性 》篇但云孟子作 帙。」翟 **参**録 在 館 有 梁 新 閣 氏 筆 Ħ

> 騫板行。 明季姚士粦等所傳《孟子外書》四篇云是熙時子注,友人吴 《春秋》者止「迹熄詩亡」及「知我罪我」、「無義戰」三章,亦未 子相傳以爲劉貢父,此書前 殺豚」及「不敢去婦」二條中所載孟子之言,皆瑣屑不足述。 嘗捃摭其文。至若《列女傳》「擁楹之歎」、《韓詩外傳》「輟 往捃摭《春秋》之文以著書,不可勝記。」今考《孟子》内書,言 者邪?」是則然矣。 又贋之尤者乎? 氏斥爲依托,其亡已久,孫奕所聞、新喻所藏已難信據,況此 鹽鐵論》等所引孟子,今《孟子》書無其文,豈俱所謂「外篇 丁杰爲之條駁甚詳,顯屬僞托,概無取焉。」按熙 顧 氏炎武《日知録 有馬廷鸞敘。 《史記》、《法言》、 夫《外書》 巡 篇 趙 時 織

之。 文志》云:「秦燔書,而《易》爲筮卜之事,傳者不絶。」又云: 尉雜燒之。 焚滅 秦始皇三十四年,丞相李斯言曰:「臣請史官非《秦紀 號爲諸子,故篇籍得不泯絶。 便御史案問諸生四百六十餘人,皆坑之咸陽」。《漢書・藝 非博士官所職,天下敢有藏《詩》《書 經術,坑戮儒生,孟子徒黨 孟子既没之後,大道遂絀。 所不去者,醫藥、卜筮、種樹之書。」三十五年, 疏正義曰:《史記 》百家語者、悉詣 盡矣。 逮至亡秦, 其書 》皆燒

諸子之言,紛 者學古道古之士,所坑者皆誦法孔子,長子 然殺亂, 至秦患之,乃燔 滅文章,以 人愚黔 首。」 扶 蘇 文解字》引傳 外 無曠夫,内

編帙由 之言可 外傳》、董氏《繁露》俱多引《孟子》語,則趙氏所 至漢孝武世 「《漢書 鬻子》敘云: 足時所 證。 最忌 此 河 殘缺。」此 始復出者。 間 不 「遭秦 王傳 知《孟子》何得 》稱《孟子》爲獻王所得 亦以 暴 亂 然孝文已立《孟子》博士,而 諸 書 子不 記略 與《周易》同不焚? 焚也。 盡。 《鬻子》雖 翟 氏 似( 灝《考異》云: 亦遭 不與 云『書號 逢行 韓氏 秦播棄, 八焚燒 珪 《詩 諸 注

己而

物

自

正。」皆可

爲

證。

故

趙

氏

以

《論

語》、《孝

孟 Œ

:》博士

統言之日

「傳

記博士」。」錢氏大昕

《潛 經

研

堂

甚於生者,所惡有甚於死者。]又《法象》篇曰:

無怨女。」《中論

夭壽

》篇引

傳

日

「所

有

「傳

稱大

人 好 日

EI:

算

· 食

壺漿。」《詩

邶

風》正

義

引

傳

天下

-衆書

往

往頗

出

皆諸

子傳

池説,

猶

廣

立

一於學官

爲

置

博

士。」據趙

邠卿《

孟子題

解》,則

《論語》、《孝經》、《孟子》、《

爾

此等博士未

識

罷

答問》云: 子》、《爾雅

問:

劉子駿《

移

太常博士書》言:「孝文帝

時

經 德 子,得不泯絶1定亦不虚。」漢興,除秦虐禁, 》、《孟子》、《爾雅》皆置 孝文 皇帝欲 廣 遊 學 博士。 之路、《論 後罷 語 傳 開  $\approx$ 記 延 ^ 孝 道 博

雅》孝文時皆立博士,所謂「傳記博士」也。

士 説》云: 孟 ,獨立五 「媺哉, 經 漢之尊經 而 己。 乎! 疏正 儒 義 曰: 五十三家莫非賢傳 王 應麟《五 經 也 通 久。 而 義

論 《論 二子》首 衡 語 對 ~《孝 置博 作 》篇 曰: 經 士。」 》通謂之「傳」,而《孟子》亦謂之「傳」。 翟 「楊墨不亂傳 氏灝《考異》云: 義 「《孟子》尊 則孟子之傳不造。」 立最 如

絶

書

序

外

傳記

》引傳

日

「於厚者薄

則無所不薄矣。』《説

是。」觀

趙

氏此文,《孟子》雖罷博

Ξ,

而論

説

經得

引

以

爲

劉

向

傳》引傳

E

『聖人不

出

其

間

必

有

名世者。」《後

漢

諸儒於白虎觀,考詳

同

異。

連月

乃

罷。

肅

宗親

臨

稱

如

石

**企冀傳** 

》引傳

日:

以

天下

與

(人易,

爲天下得

人難。」《越

渠

故

事。

顧

命

史

臣

著

爲

通

義

注

云:

即 諸

白

虎 制

通

義

文。 爵、關市等文多取諸 文皇帝令博士 記博士之罷當在是時矣。」按: 家,表章六經。」以《本紀》考之,建武五年置 於何時? 訖今諸經 疏 티 : 正 義 通 諸 日 《漢書》贊武帝云:『孝武初 生作 義 得 《孟子》,則孝文時立 此《王制》之書。」今《王制 《後漢書 引《孟子》 《禮記 儒林傳》云: 以 正 義》引盧 明 《孟子》博士審矣。 五 立、卓然罷 事 了建 經 謂 常篇 初中,大會 植 博 士 之「博 Z 中

制

四

百

則

傳

漢

彪引 當時引以明事之證 飢 終軍引「枉尺直尋」,倪寬引「金聲玉 鄭 證 議」,王暢言「貪夫廉,懦夫有立志」,傅爕言「浩然之氣」,亦 能爲忠,量君所不能爲賊」,馮衍言「臧倉」言「泰山北海」,班 輸」,貢禹引「民飢馬肥」, 史記》、兩《漢書》、兩《漢紀》,如鄒陽引「不含怒,不宿怨」, 渴,易爲飲食」,李淑引 康 如《鹽 「檮杌春 注《禮 |鐵論》載賢良文學對丞相御史,多本孟子之言,而 秋」,崔 》箋《詩》,許慎作《説文解字》,皆引之。 駰 言 梅福引「位卑言高」,馮異稱「民之 「緣木求魚 登 牆摟處」,申屠蟠言「處 」,郅惲言「强其君 振」,王褒引「離 其見於 婁公 所不 士 横

同。 志。 之,謂未能通其全書,悉其指趣,僅 諸 深求其意以 其言曰:「説《詩》者不以文害辭,不 説文》手部 解 疏 者 以意逆志,爲得之矣。」斯言殆欲使 Œ 往 義曰:《方言》云:「摭,取也。 **云** 往 一摭取 解其文,不但施於説《詩》也。 「拓, 而説之,其説又多乖 也。 陳宋語。 拾 取一 或从庶。」拾 章 陳宋之間 句而解説之。 以 取 日 異不 後 辭 摭。」 而 今 X 害 説

來。 年。 十四四 既不能貫通其義,自然乖異矣。 也。 業於子思,則其生、卒之年必前於烈王四年、赧王二十六年 間,僅四百五十年耳。 出亡著書則尚在延熹時。 年,更始立。三年光武中興,至獻帝十二主,共一百九十五 天下爲漢。 三年卒,始皇立,三十七年卒。 似可信。」今姑以萬氏此言推之: 周烈王四年己酉,卒於赧王二十六年壬申,年八十四。 不知生卒在何年,蓋實無可考也。 斯同《羣書疑辨》云:「山陽閻百詩著《孟子生卒年月考》,究 等書,然後歷歷可考。 ៣ 年月考》云:「孔子生卒出處年月具見《史記·孔子世家》, 傳之者亦已衆多。 孟子獨略,於是説者紛紜。 故趙氏注「由周而來七百有餘歲」必推自太王、文王以 自孟子没至漢末五百十三年。 然則孟子謂「由孔子而來至於今,百有餘歲」,蓋謂孔 年至乙巳而 漢高帝至平帝十二主,共二百十年。 卒。 又八年壬子周亡,爲秦莊襄 此云「五百餘載」,蓋趙氏以孟子親受 蓋生爲鄒人,卒當是赧王之世。」萬氏 疏正 自周赧王二十六年至漢桓帝 余嘗以七篇爲主,參以 二世立,三年秦亡。 義曰: 孟子以來 赧王立五十九年,則歷 《孟子世譜》言孟子 趙氏卒於建安六年,而 閻氏若 Ŧī. 璩《孟子 百餘 新葬十八 王 又五年 《史記 元 其言 ,生於 生卒 延 熹

孟子長於譬喻,辭不迫切

而

意已獨至。

氏言

後

至

孟子

卿 謂

孟

氏卒於建安六年,年已九十餘 (生東漢之初,在趙氏前專爲孟子之學者,自此始著。 之讀之與否,不可 有授受之人,惜不可考。 慎、何休等,皆所謂 不傳,莫可 》皆存,惟 韓嬰、董仲舒、 誘,涿郡人,從盧植學,建安十年辟司空掾,除東郡 子没之年至趙氏生之年也。 「孟子以 七年遷監河 至《東觀漢紀》言「章帝以《孟 建初三年 「漢鄭 林傳 書之年,非 來五 (孟子章句))亡。 考 康 究。 **※**云: 成《孟子注》七卷,漢劉 知。 劉 舉 百 東。 鱼,向、 高 孝 「摭取而説之」。 I餘載 「程曾,字秀升,豫章 廉 劉陶復孟軻,其所以復者不 誘 謂 所 揚雄、王 河間獻王所得先秦舊本,不詳 《吕氏春 遷 孔子没之年 注 謂 是誘 誘於建安十年 海西令。」建 戰國策》、《吕 孟子没後至趙 一充、班固 孟子後徵引《孟子》者如 爲趙 秋敘 子》賜 漢文時立孟子博 至 氏 》自言「正《孟 後 初爲章帝 孟子生之年 、張衡、鄭康成 熙《孟子注 ·南昌 黄香」, -始舉 輩。 氏 氏著書之年 春秋 人 《隋 孝 傳。 則 作 廉 年 子 乃 書 香 影七 也 號 士 孟 趙 淮 濮 章 其 惟 能 得 燮附 當在獻 登親迎 自建 時 卷」下 然則程 避亂交州 州,從劉熙學」。 考》並云『漢徴士北 後漢無安南郡,惟 「乗避 云「漢博士劉熙」。 仍遠 安十五 孫 · 注云: 亂交州 權時熙蓋已 在建安十 與與 前 没。

子章句》。

句

後

(漢書

儒

必 許 荀 非 趙 没

自

何人。

知所 書

熙嘗 志》:

撰

釋

名

畢

氏

沅

釋

名

疏

證

敘

\(\frac{1}{2}\)

傳爲安·

南太守者

在交州

非

南

安」之誤

劉 相

經 據。

籍

【《釋名》八卷,劉熙撰。」又【《大戴禮記

十三

熙

高誘皆與趙氏

先後 亦以

同 其

時

劉

熙 而 譌

注

見於《史記》、《漢書

卷

鄭康成本傳詳列所著書,不言《孟子》。

《隋志》所

載未 

禮徵之,況所師事者乎?

或謂

熙及魏受禪後,非

其

何

也?

秉、綜

權

尚

以

其 也。

名

儒

而

經籍志》有

陽 句 章 則

令。

子

赤烏六年,距建安十五年 孫權在建安十五年,時秉、綜俱已爲權所得,是其師 志》韋昭言「見劉熙所作《釋名》,信多佳者」。 分置南安郡。」則「安南」或「南安」之誤。 帝初年,則是時交州仍爲漢地,劉熙爲漢人無疑。 秉進説,病,卒官。 秉、薛綜與劉熙在交州,乃士變爲交趾太守時。 年至此止二十餘年,蓋秉已老矣。 『梁有《謚 熙考論,遂 ,與劉熙考論大義」。 五年以 交州,孫吴之地也。」按: 「漢陽郡」注引《秦州 宋陳 海劉熙,字成國」,不知何本。 法》三卷,後漢安南太守 前。 振孫 博 亦止 登以赤烏四年卒,秉當卒於登 通 秉爲太子 Ŧi. 《書録解題 三十二年。 經 又《薛綜傳》言「綜避 **其** 後 記 太傅,黄 士變 晉李石 其師 程秉逮事 ¥ 馬 乃 端 劉 事熙蓋 《程秉傳 而 武 《續 命爲 臨《文 中平 熙注、亡。」 四年 薛 博物 鄭 宗綜卒於 國 事 少 康 長 太子 劉 燮 獻 地 五. 時 成 前 志 史 + 附 旲 通

六

篇「故凡養生,莫若知本。

知

人,通則觀其所禮」,注云:

「通,達

也。

長乎楚,則楚人戎言,戎人楚言矣」,注云:「《孟子》曰:「有 不善。」本其善性,閉塞利欲,疾無由至矣。」《論人》篇「凡 舜。』此曰十子,殆丹朱爲胄子,不在數中。」《當染》篇 里奚知虞公之不可諫也而去之秦。」此云亡虢,誤矣。」《去 注云"「匡章乃孟軻所謂「通國稱不孝」者。」《本味》篇「己成 善天下。」故觀其所賓禮。」《用衆》篇「令使楚人長乎戎,戎人 曰:「人受天地之中以生,所謂命也。」《孟子》曰:「人性 於伊尹、仲虺」,注云:「《孟子》曰:「王者師臣也。」」《盡數》 私》篇「堯有子十人」,注云:「《孟子》曰:「堯使九男二女事 「惡之何益」也。」《諭太》篇「及匡章之難,惠子以王齊王也」, 「得乎邱民爲天子。」」《慎人》篇「百里奚之未遇時也,亡 至忠》篇「人主無不惡暴劫者,而日致之,惡之何益」,注 云"「己成仁義之道而成爲天子。《孟子》 本則疾無由至矣」,注云: 《孟子》曰:「百里奚,虞人 《孟子》曰: 「惡溼而居下。」故曰 宫之奇諫之。 「達則 高誘 《吕氏春 湯 「傳 章 兼 論 染 百 無 可。 《自知》篇「鑽茶、龐涓、太子申不自知而死」、注云:「鑽茶 則可,無伊尹之志則篡也。」」又「中主以之,哅 强焉,叟之所知也。 戰於馬陵,齊人盡殺之。 義兵之至若望其父母,滋益衆多也。《孟子》曰:「百姓 楚大夫欲其子之齊言也,使 者之爲人臣,其君不賢則可放與?」孟子曰:「有伊尹之志 也。」《樂成》篇「賢者得志則可,不肖者得志則不可」,注 龐涓,魏惠王之將。 矣」,注云:「《孟子》曰:「以齊王猶反手也。」故曰不難矣。」 西大梁城是也。』《壹行》篇「彊大之國誠可知 釁鍾之牛者也。」《開春》篇「魏惠王死,葬 爲大室,大益百畝」,注云:「宣王,齊威王之子,孟子所見易 壺漿以迎王師,奚爲後予?」此之謂也。」《驕恣》篇「齊 之若父母。 而求其楚,亦不可得矣。」此之謂也。』《懷寵 撻而求其齊也,不可得矣; 「賢者得志則忠,故曰可也;不肖得志則驕,驕則亂,故曰 孟子所見梁惠王也。 公孫丑曰: 行地滋遠 「伊尹放太甲 及寡人身,東敗於齊,長子死。」此之謂 申,魏惠王之太子也。 ,得民滋衆」,注云: 秦伐魏、魏徙都大梁、梁在 故惠王謂孟子曰: 引而置之莊嶽之間數年,雖 齊人傅之,衆楚 於桐宫、太甲賢、又反之。 「所誅國之民 有日矣」,注 與 》篇「誅國之民 「晉國,天下 哅 魔涓 人咻 則其 也止善; 陳留 之, 東伐  $\Xi$ 宣 不 浚 館 睎 日 雖 齊 不 儀 Ŧ. 賢 望 望 撻 日

曰 :

而虜晉」,注云:「號當爲虞。

而天子成」,注

也。 虢

晉人以垂棘之壁假道于虞,以伐虢。

**秋** 

「日致爲暴劫之政也。

《孟子》曰:

句

》無引之者,而所注諸書多及《孟子》,尚可考見。

後

《漢書》、《文選》等注

所引,今散著各經文之下。

謂 訓》版 子》曰: 衣豹裘,帶死蛇,則布衣韋帶之人過者莫不左右睥睨 訓》「今夫毛嬙、西施,天下之美人,若使之銜腐鼠,蒙蝟皮, 性 也 性 其術兼愛非樂,摩頂 俶真訓》「若夫墨、楊、申、商之於治道」,注云:「墨、墨 謂 弗受」,注: 王 言復謬也。」《審應》篇「魏惠王使人謂韓昭 主以之,哅 「望之而不似人君,就之而不見 保 北 無不善,而 惠子於魏王之前」,注云:「匡章,孟子弟子。」《淮南子 ,魏武侯子也。 ,欲以返性於初」,注云:「人受天地之中以 官黝 真,雖 握 『西子蒙不潔則人皆掩其鼻而過之。』是也。」《主術 也。 近劍鋒 哅 「言雖有美姿,人惡聞其臭,故睥睨掩其鼻。 拔 「威王,田 一《繆 也 情欲害之。故聖人能返其性於初也。』《修務 以離 骭 立功」,注云:「孟子見梁襄王,出 《稱訓》「魯以偶人葬而孔子歎」,注云: 孟子所見梁惠王也。」《不屈 毛 北宫子」,注云:「北宫子,齊人,孟子 放踵而利國者爲之。 而 和之孫,孟子所見宣王之父。」又「匡章 利 天下弗爲也。」又「是故聖人之學 所畏焉。 何 楊、楊朱、其術全 侯」,注云: 能 生。 》篇「齊威王幾 決 善哉?」 語 孟子曰: 人 翟 日 而 「偶 「惠 也 此 所 孟 掩

猶 注

性

也。

孟子

日

人性

善故

日全其天性。」《氾論訓》「舜不告

涓,

注云:

中

,梁惠王太子

也。

龐涓

魏

將

也。

田

忌

與

戰

人,相人也。

歎其象人而用之。」《齊俗訓》「豈必鄒魯之禮

굸

鄒

,孟軻邑。」《説山訓》「此

全其天器者」,注

云:

器

羊易釁鍾之牛者也。」又「田忌爲

齊將

係梁太子

國策・齊策》「威王薨,宣王立」,注云:「宣王,孟軻所見以

襄,魯人,孔子弟子。

陳仲子,齊人,孟子弟子,居於陵。」《戰

抗行,不入洿君之朝,不食亂世之食,遂餓而死。」注云:

門,成唐虞三代之德,敘《詩》《書》孔子之意,塞楊墨淫辭, 頑,常 溺而不拯,是豺狼也。」而況父兄乎?」又「季襄、陳仲子 形也。」又「故溺則捽父,祝則名君」,注云:「《孟子》曰 莫不爲郡縣。 待大。」是也。」又:「夏桀殷紂之盛也,人跡所至,舟車所通 禹、湯、文王皆王有天下。《孟子》曰:「以德行仁者王,王 地方不過百里,而立爲天子者,有 非之也。」又「堯無百户之郭,舜無置錐之地,以有天下, 以利天下弗爲。 子之所立也,而孟子非之」,注云:「全性葆真,謂 愐 云:「《孟子》曰:「惡死亡,樂不仁。」不仁必死亡,故曰 無十人之衆,湯無七里之分,以王諸侯,文王處岐周之間 孟子》曰「舜不告猶告」耳。」又「全性保真,不以物累形, 娶,非禮也」,注 欲殺 舜,舜知告則不得娶也。 然而身死人手而爲天下笑者,有亡形 不以物累己身形也。 云: 「堯知舜賢,以 王道也」, 不孝莫大於無 二女妻舜。 孟子受業於子思 注云:「堯、舜 不告父, 不拔 也。」 立 有 骭 「嫂 節 禹 故 之 故 父

44

Ŧī. 趙 惡來、季勝。 鳥獸 京」。 馬 氏姓》云:「皋陶事舜。其子伯翳能議百姓以佐舜、禹,擾馴 御。」《秦本紀》云:「秦之先帝,顓頊之苗裔。」《潛夫論 選 長陵前漢屬馮翊,後漢屬京兆。 尋丕祚,有自來矣。 義引高氏《吕氏春秋》、《淮南子》注爲多。 篇也。」其訓詁有與《孟子》可參考者亦藉以窺見其概,故正 國」,注云:「《孟子》曰:「子噲无王命而與子之國,子之无 於馬陵而係獲之也。 云云,注云:「姚賈譏周公誅管、蔡不仁不知者,在《孟子》之 王命擅受子噲國,故齊宣王伐而取之也。」《秦策》「四國爲 (史記・趙世家)|云: ,將以攻秦,秦王召羣臣賓客六十人而問曰」「姚賈對曰 世而爲趙靈王。 城,因以爲氏。」至於趙夙,仕晉卿大夫,十 · 陵、太子死、龐涓禽。」此之謂也。」又「攻燕三十日而 東 ,舜賜姓嬴。 張 都賦》「漢祚中缺」,注引《國 衡有《西京賦》。 季勝之後有造父,以善御事周穆王,封造父於 後有仲衍,爲夏帝大戊御。 趙世之先爲列卿、諸侯王,溯其始原,出 「趙氏之先與秦共祖,至中衍爲帝大戊 故梁惠王謂孟子曰:「寡人東伐,敗於 《説文》寸部云:「尋,繹理也。」《文 京兆爲西漢所都,故云「西 語》賈注云: 余生西京,世 一世 嗣及費仲,生 「祚,位也。」 而爲列侯 舉 志 燕 者。 0 閻

息即襲 禮焉。 典文。 帝顓頊,故尋繹其丕祚,有自來也。 相國鍾繇長史。」此即與岐同避難者也。 **戳辭貌自若。 戢輒堅拒不聽**,言色强厲。 質正,多謀。 從事。』《王允傳》:「允及宗族十餘人皆見誅害,莫敢收允尸 與朱賜書云:「上比崔、杜不足,下方羅、趙 工草書稱於前代,襲與羅暉拙書蚩於張伯英。 戬,注引《決録》注云:「襲字元嗣。 爲御史,故生於臺。 「岐長兄磐,州都官從事,早亡。 温傳》云引《魏 惟故吏平陵令趙戩棄官營喪。 也。 及曹操平荆州,乃辟之,執戬手曰:「恨相見晚。」卒 疏正義曰: 云 初平中爲尚書,典選舉。 卓悔,謝釋之。長安之亂,客於荆州,劉 「唐衡弟爲京兆虎牙都尉,不修敬於京 略 其祖、父之名不詳。」傳有從兄襲、從子 傳稱生於御史臺,李賢注云:「以其祖 孫賓碩傳》作 卓怒,召將殺之。 次兄無忌,字世卿,部河東 趙戩字叔茂,長陵人,性 先是,杜伯度、崔子玉以 一趙 少蒙義方, 息。 董卓數欲有所私授。 從兄襲,《三國志 有餘。」」又云: 衆人悚慄,而 英頗自矜高 息、襲音同 訓 表厚 涉 兆

↓ 「云」,或衍,或依沈校當作「注」。

尹 焉 皆 邪 見尹,尹 遘 + 經 知 布 家 史,於是唐 得 到 爲 城 諸 八紘九野之水」,張湛注云:「八紘,八極 餘, 爲之。 官 何 Ŧī. 袴,常於市中 禍 趙尺兒以上及仲臺、皆殺之。 知 ! 虎牙,非 遇 誉 命 0 Τ, 因 之,甚 卒於建安六年辛巳 遣 故 也 人 用 之際,嬰 八紘之内十有 疏正義! 然則 門 八其牋記 .從官舍逃走,之河間,變 、欲修主人, 勅 吏 放 息自知 奉牋 志,欲 臂 離 **衡爲詔** 德選,不足爲特 不 趙 入府門?」 持 麗 爲通 販 謝尹,息又勅 日 : 版 氏 滅諸 反戚 前過、乃逃 也 留徴仲 (胡餅。) 趙 年 謂 乎?」晚乃通之,又不得即令 於天。 郡 九 外 屯 趙 延熹元年 臺 功 + 一促收 爲 因 遺 蹇, 曹 Ė , 酤買, 四 餘 市 歸。 書與 氏兄弟族屬可 走。 門,言『無常見此無陰兒輩 溯 買。 其 趙 皆 卒 年, 遘 延熹元年 主 息 也 謂 時息從父岐爲皮氏長 逃 姓 時 衡,求爲京 宜 遂 簿 叫 屯 息又啓曰 難 心 難 名 詔 隨中舍菜食而已。」及其 蓋 息從父仲臺見 廊 也。 四四 離 中 生 勦 衡 又轉 下 方事 都 一於安 蹇, 戊 弟 日 形 也。」《淮 官 考者,附録 小兆尹。 列 顧 戌 一: <u>「</u>左 詣 及郡 四四 也。 瘵 詭 促 帝 子 北 虎 + 取 永 姓 海 趙氏 牙 報。 馆子 何 南 四 部 爲 旬 版 湯 初 遁 著 年。 儀 子 督 涼 月 勤 問 於此。 子弟 2絮巾 之間 衡弟 年 身。 聞 弟 既 郵 州 如 年。 如 篇 地 是 九 有 捕 刺 來 人 屬 2 0

傳》曰: 安丘 誓》,作 子, 雅 年乃出」,此云「十有餘年」,或連 劬 肩 民 是從刀之「剿」,爲「剿」字矣。 云: 定,士民其瘵」,箋云:「天下騷擾,邦國 夏書 心勦」,乃從力之「勦」,當訓勞,謂心勞 經營八紘之内 皆勞 訓 瘁 弛擔 疏正義曰: 釋 其 睠 ₩ ∃ **云**: 另病。」**勦、** 詁》云: 勦,子小切,絶也。」按: 剿 『安用勦民?』」「天用馴絶 地 於 八八 我 在 天 濟 濟 皓 曹憲 殥 用 「瘵,病也。」《詩 岱 即 察義皆 岱 之外 首 謂 劋 之間。 所謂 之間,②或 安丘 《博 絶其 訪 而 雅 爲勞, 孫嵩 論 江 有 命。二力部 音 息 八 淮 稽 <u>\*</u> 也。 心不可 肩 紘。」 故 海 《説 古 弛 靈帝 以 岱 有 「剿 大雅 擔 高 靡 漢 文》刀部 其命」,今在 慰 勤」字 云 温 從 時 言絶也, 謂 所 誘 書 [無有安定者,士 也。 以 禁錮言與? 故 刀 不 注 藏 瞻 , 勦, 大 而 總 歷 云: 複 地 知 《音義 云: 印 勦從 承 道 壁 理 失之矣 勞 也 新 之。 中。 篇 志 「剌, 《尚 也。 紘 力。」 雅 业北 訓 「邦 傳 疏 書 維 矜 德 嘗 絶 音 絶 云 正義 海 卒 靡 此 春 也 息 也 義 我 君 數 郡 與 爾 有 則 云 甘 秋

\_\_

形

濟」,原誤作「海」,今從沈本據廖本改 敬 原原 脱, 今從沈 校 人據《三 或 志 》裴松之 注

既

是部

也

止

老。

將至云爾。」惟六籍之學,先覺之士釋而辯之者 弟長而無遺矣」,注云: 聲。」按:「思」謂憂思也。 也。」止與定義同。 也。」《毛詩 漂,靡所濟集,疏正義 等交,則亦讀書稽古之士也。 同郡孫嵩等四十餘人俱被禁錮。」《三國志》注引《邴原别傳》 嵩與之論學也。 云:「欲遠遊學,詣安丘孫崧。」崧即嵩。 《説文》水部云: 一而斂聚也。 已詳矣, 疏正義曰: 備見《漢書 《論語·述而》篇云: 睠、《説文》作「眷」、云: 云: 《易》曰「以往遴」。」今《易》作「吝」,則吝之義爲難行。 [瘁則毛髮易白,故趙氏五十而皓首也。 疏 「遺、亡也。」亡即忘。 正義曰: 邶風· 聊欲係志於翰墨,得以亂思 《後漢書·鄭康成傳》云:「及黨事起,乃與 「漂,浮也。」《易・雜卦傳》云:「既 集猶聚也。 《音義》云:「張云:「亂,治也。」思,去 載馳》篇「不能旋濟」,傳云:「濟,止 「遺猶脱也、忘也。」「遺老」謂忘其 著書明道則可治其憂思。《説文》 「顧 「發憤忘食,樂以忘憂,不知老之 E: 《禮記 也。 精神遐遠而漂浮,故無所定 《説文》是部云:「遴,行難 余困吝之中 《詩》曰「乃眷西顧」。」人 鄉飲酒 儒林傳》《藝文志》、 嵩在 「訪論稽古」謂 當時與鄭、邴 義》「知其能 精 遺 神 濟,定 老 遐 孫 《後漢書·儒林傳》。  $\bar{\Xi}$ 雅 記・ 釋言》云: 之義爲分。 故不易見。 玉

也。

經困 日:

井井著明,故「宜在條理之科」如下所云是也。 各有科等、《孟子》之意恉既緼 云:「眇,小也。」蓋言其大閎而且遠,言其小微而且妙。 云:「凡理者,方圓短長麤靡堅脆之分也。」《荀子·儒效》篇 枝也。」自根發而爲幹,自幹分而爲枝,枝又分而爲條,故條 傳》「嚴然總五經之眇 之言也。」妙與眇同。 文志》「昔仲尼没而微言絶」,注引李奇云:「微言,隱微不顯 物。」閔與宏通。 《考工記・梓人》 「其聲大而宏」,注云: 令》「其器圜以閎」,注云: 緼奥難見,宜在條理之科。 宏讀如紘綖之紘,謂聲音大也。」閎、宏通借字。《漢書 「井井乎其有理也。」楊倞注云:「有條理也。」《廣雅 釋宫》云"「西南隅謂之奧。」 緼在袍之裏,奥在室之内, 藻》「緼爲袍」,注云:「緼,今之纊及故 「科,條 分則暢達,故義又爲暢爲達。《韓非子·解老 「條理」見《萬章下》篇。 也。」又云:「科,品 《揚雄傳》「閎意眇旨」、《儒林・張山 儒家惟有《孟子》閎遠微 論」,注皆云: 「閎讀 奥難見,則宜條分縷析,使之 如紘,紘謂中寬,象土含 《説文》木部云:「條,小 疏正義曰: 也。」蓋當時著書之法 一眇 讀 日 於是乃述 妙。」《方言 絮也。」《爾 《禮記 《禮 蓺 月 拊

《易傳》,自抒所見 無常師 鄙 曰 : 趙 決録》注云: 往 氏自述少蒙義方,則所學授諸祖父,別無師傳。 别其 己 而不必順文理解。 注。」按: 無經文。 者 撇其門也。」岐曾讀《周 有 乃云『欲省學者兩讀,故具載本文』,然則東漢以來始就經爲 三十卷。」是毛爲詁訓 證以經傳」,注中所引是也。 皆與經别 「融之爲人,而義有不通亦往請問 體例,如董仲舒之《春秋繁露》、韓嬰之《詩外傳》、京房之 處士所在。 往諱其名字、久而轉致無聞、此其憾也。 所 「馬季常雖有名當世而不持士節,三輔高士未嘗以衣裾 指。 聞,證以經傳,爲之章句。 ,而非 趙氏用馬融之例,故具載本文,然漢世説經諸家各 《藝文志》云:《《毛詩經》二十九卷,《毛詩故訓傳 行。 「岐娶馬敦女宗姜爲妻,敦兄子融嘗至岐 分爲上下,凡十四 不 岐厲節,不以妹壻之故屈 -知而 三傳之文不與經連,故石經書《公羊傳 ,不依章句。 然其書殘缺,不覩其全。《毛詩傳》全在 作者 亦與經别也。 官》二義不通,一 矣。 《毛詩正義》云: 故聲音訓 伏生《書傳 ,則其虚心取善可 及馬 卷。 志於 詁之學不殊馬、 往造之。」然則 融爲《周禮》之注, 具 》雖分篇附著矣 本傳注引《三 疏 融。 載本文,章 「漢初爲傳訓 子孫述祖父 正義曰 與其 知。 友書 家問 岐 鄭。 》皆 雖 雖 輔 趙

> 條暢。 也; 矣。 者,不敢紊七篇之舊目也。 於語句之中,繪本義於錯綜之内,於當時諸家,實爲精 於《孟子》,既分其章,又依句 文辭廣博,不必爲本句而發。 論,則又後人「集解」之先聲也。 矣,訓釋簡嚴,言不盡 章有其指,則總括於每章之末,是爲「章指 鄭於三禮詳説之矣,乃《周禮》本杜子春、鄭司 文多,故分七篇爲十 意; 鄭 四, 氏箋之,則後 究而言之,不敢 敷 蓋經各有義,注各有體 何休《公羊學》專以明 爲上下而不以 衍 而發明之,所謂 世 「疏 7 也。 義 以 四 之 農 疊詁 爲 章 當 例, 次弟 趙 濫 密 而 句 達 故 而 訓 氏 討 觴

卷。 日: 見其 新學, 也。」寤與悟通。 者與?」《莊子・齊物論》云: 聞聖人之後,雖不當世,必有達者。 者; 云:「新,初也。」新學 「寤寐求之」,傳 趙氏後爲《孟子》注者,梁《七録》有綦毋邃《孟子注》九 周氏廣業《孟子古注考》云:「綦毋,複姓。 疏 正義曰:《史記 違 可以 闕, 儻 寤 云 愚 改 疑 亦未能 「寤 而 ,即初學也。 辯 • 孔子世家》云:「孟 IE. 惑。 覺 諸 也。」《説文》心 惟 審於是非,後之明 ,不亦宜 疏 《毛詩 正義 達者知通 今孔丘年少好禮,其達 ₹日:《 平 周 部 爲一。」 廣 南 釐子曰: 雅 關 疏正 悟 施 釋 雎 言 》篇 吾 者 於 義 覺

《左傳》有

殿學士。盧杞忌鎰名重道直,無以陷之,以方用兵,因薦鎰 「謚」」蓋「鎰」之譌。《手音》不載《唐志》。《唐書》列傳八十 在第七十七、言其字季權、一字公度。《宋史・藝文志 十里,爲候騎所得,楚琳殺之。 旨》十四卷、《孟子音義》三卷。 事大理,乃招經術之士講訓生徒,撰《三禮圖》九卷、《五經微 與其注之繁重者,復爲七篇。」《舊唐書》:「張鎰,蘇州 又「陸善經注《孟子》七卷,張鎰《孟子音義》三卷」。《崇文總 卷在皇甫謐後,又云:「《二京賦》二卷,李軌、綦毋邃撰。」邃 方節度使齊邱之子也。 有綦毋邃注九卷,疏也。」《唐志》作「綦毋邃注《孟子》七卷」, 又注《三都賦》三卷,撰《誡林》三卷,並梁有今亡。 有儒士綦毋闈。 大夫綦毋張,見《廣韻》「毋」字注; 張謚《孟子音義》三 别録》; 史記》當兩引其說,知爲晉人。《正義》不考,但云在梁時又 中書侍郎爲鳳翔 「丁公著字平子,蘇州吴人。 「善經、唐人、以軻書初爲七篇、因删去趙岐《章指》 後漢有東莞綦毋君,見謝承《書》,劉表在荆州 遼世次行事無考,《隋志》載其《列女傳》七 隴 一卷。

● 右 大曆五年除濠州刺史,爲政清静,州 節 度使。 丁公著《孟子手音》一卷。」「張 贈太子太傅。」《新唐書》鎰 尋拜中書侍郎平章事、 三載喪母。 李楚琳作亂, 益出 戰 國 有綦毋子,見 甫七歲,見 宋裴駰 鳳 人, 朔 集賢 劉 翔三 傳 注 時 向 0

以

學說書臣馮元等,推究本文,參考舊注,集成《音義》二卷。」 子監臣王旭、 多,丁氏稍識指歸,譌謬時 所訓説雖 身還鄉里,卒,年六十四,贈尚書右僕射。」按作《孟子手 賜米七萬斛,使賑饑捐。 禮部尚書、翰林侍講學士。 疾求外遷、授浙西觀察使。 訓》十篇。 爲右補闕,遷直學士,充皇太子諸王侍讀。 觀察使薛苹表上至行,詔刺史弔問,賜粟帛,旌闕其間。 **媪抱子**,哀感不肯食,請於父緒,願絶粒學老子道。 寧軍節度推官國子學説書臣吴易、前江陰軍 者蓋即其人。宋孫奭《孟子音義敘》云:「自陸善經已降,其 南節度使李吉甫表授太子文學兼集賢校理。 稍長,父勉勅就學,舉明經高第,校集賢校書郎。 《宋史・ 去,侍養於家。 儒林傳》云: 小 穆宗立,擢給事中,遷工部侍郎,知吏部選事。 有異同 諸 父喪,負土作冢 王府侍講太常博士國子監 而 共宗趙 「孫奭,字宗古,博州博平人。 久之,人爲太常卿。 徙爲河南尹,治以清静聞。 有。 長慶中浙東災癘,拜觀察使, 氏。 ,貌力癯惙,見者憂其死 與 尚 張氏 書虞部員外郎 徒分 直講 因著《太子諸 江 太和中以病 章 會入輔政, 臣馬 陰縣 句 不滿秩輒 父聽之。 龜符、 幼與諸 尉國子 漏 同 略 四 判 國 頗 詔 遷 辭 Ŧ. 淮

謚」,原作「鎰」,今據下文文義及《宋史》改

生

閣。 驚服。 《五服制 少傅致仕,卒贈左僕射,謚曰『宣』。 寺。 讀。 爲莒縣主簿。 工部尚書。 起復,兼判太常寺及禮院。三遷兵部侍郎、 讀,乃召爲翰林侍講學士,知審官院,判國子監。 言哉」? 左承天門,帝將奉迎 太宗幸國子監,召奭講 爾 《經典徽言》五十卷,又撰《崇祀録》、《樂記圖》、《五經節解》、 前 默以俟,帝爲竦然改聽。 讀至前世亂君亡國,必反覆規諷。 》音義。」此皆生趙 雅釋文》,考正《尚 累遷工部郎中,擢龍圖閣待制。 會召百官轉對, 爽上十 里中王 |請致仕,召對承明殿,敦諭之,以不得請求近郡,優拜 於是門人數百、皆驚服奭。 度》。 豈有書也?」仁宗即位,宰相請擇名儒以經儒侍講 徹。 復知兖州,改禮部尚書。 嘗奉詔 上書願 徹死,有從奭問 一,召問 與邢昺、 試 氏後治趙 書》、《論 書、賜五品服。 講説, 奭。 嘗書《無逸圖》上之,帝施於講讀 事 遷大理評事,爲國子監直講。 杜 語》、《孝經》、《 氏學者也。 奭對曰: 判太常禮 經者, 鎬校定諸 後徙居須城。 常掇五經切於治道者爲 既而累表乞歸,以太子 仁宗意或不在書,奭則 大中祥符初得天書於 奭爲解 真宗以爲諸王府侍 「臣愚、所聞 院、國子監、司 龍圖閣學士。 經正 陸 爾雅 善 析微指,人人 1經删 義、《莊 九經及第 丁父憂。 》謬誤及 削削 一天何 子》 實 每 農

拱 講

爲趙氏之蠹,若孫氏,其有裨於趙氏矣。

孟子正義卷一 終

> 廷 琮 廷 弼 校

姪

## 孟子正義卷二

江都縣鄉貢士焦循譔集

孟子卷第一赋正義曰:周氏廣業《孟子古注考》云:

邠卿注』,與各本皆不合,非也。 云: 足利本前二行同古本,第三行低一格夾注「梁惠王」云 第一」,次行「梁惠王章句上」,三行低二格「趙氏注」,下 卷第一」在前。 本首行以「梁惠王章句上」六字頂格,而此行之下繫之以 梁惠王』。與今孔氏、韓氏新刻本不同。」按:今孔氏刻 云,第四行低三格「後漢太常趙岐邠卿注」,五行「孟子見 夾注「梁惠王者,魏惠王也」云云,四行「孟子見梁惠王」。 「孟子卷第一」五字,次行「趙氏注」。 山井鼎《考文》詳説古本、足利篇題: 「閩監毛三本並作「漢趙氏注」,足利本作「後漢趙 趙氏注疏正義曰"阮氏元《校勘記 廖瑩中經注本作「趙 今依古本提 古本首行「孟子卷 「孟子 岐

爲傳訓者,皆云「氏」不言名。」學之後,典籍出於人間,各專門命氏以顯其家之學,故學之後,典籍出於人間,各專門命氏以顯其家之學,故

滅

皆尊事焉,故《論語》或以弟子名篇,而有《衛 賢有道德者,王公侯伯及卿大夫咸願以爲師。 也。 也。 總義以包體。 者,明也,句者,局也。 以《梁惠王》、《滕文公》題篇,與《公孫丑》等而 子時,諸侯問疑質禮,若弟子之問師也,魯衛之君 梁 句》三十一卷《大小夏侯章句》各二十九卷,《春秋》有《公 志》:《易章句》有施、孟、梁丘各二篇,《書》有《歐陽章 公》、《季氏》之篇。 孟子亦以大儒爲諸侯所師,是 王,皆僭號者也,猶春秋之時吴、楚之君稱「王」 云:「夫設情有宅,置言有位。宅情曰章,位言曰句。 例也。 惠 魏惠王居於大梁,故號曰「梁王」。 魏,國名。 王章 疏「梁惠王章句上」○正義曰:《文心雕 **句上**凡七章。 道畛相異而衢路交通矣。」《漢書・藝文 惠,謚也。 局言者,解字以分疆;明情者, 王,號也。 注 梁惠王者,魏 時天下有七 聖人及大 惠 龍 章 爲 靈 孔 王

大指 郡者、蓋因避難改籍 畢萬爲大夫,從其國名爲魏氏。 爲六書之一,許 善「屬書離辭,指事類情」,「指事」之名本此。 抄》,當是庾所見舊本標題如此。 臺卿作《章句》,章句曰指 六年,趙夙爲御,畢 趙氏《章句》本無「凡七章」三字,然則此三字非 先後,均有《章句》,而今不傳。 誘《吕氏春秋序》云"「誘正《孟子章句》。」 云:「程曾,字秀升,著書百餘篇,又作《孟子章 太子《論語》,又爲其章句。」趙氏以 上下是也。」趙意蓋兼取顯著之義。」《後漢書 魏之先,畢公高之後也。 注 章句》三十八篇、《穀梁章句》三十三篇。 周氏廣業《孟子古注考》云:「《意林》云:「蜀 「梁惠」 Ш 「禹爲《論語章句》。」《後漢書・儒林傳》包 井鼎《考文》古本亦無此三字。 句 而 至「王 證 慎《説文敘》云:「視而可 以 也〇〇 實事 ·萬爲右 也。 也。 正 章句日 事。」廣按: 其苗裔曰畢萬,事晉獻公。 ,以伐霍、耿、魏 義 《意林 E. 孔氏繼涵、韓氏岱雲所刻 生武子,治於魏。 指事者, 《史記 或云:《史記》稱 》録自梁 「章句」命名,其 臺卿京兆 孫氏《音義》有之。 識,察 謂斷章 一程、高 ,滅之,以魏封 《漢書・ 魏世家》云: 庾仲容 案: 人 儒林 **添而可** ·句》。」高 生趙 趙氏之 前 而 咸 生悼 指 郡 來尚 張 揭其 人授 莊 稱 見, 傳 子 十 事 蜀 氏 周 趙 禹

> 嬴。 子, 迹也。 汾水。 趙 完世家》,云: 考之,則魏最先,齊次之,秦又次之。 子出處時地考》云:「《史》序列國稱王之年多舛出。 惠,愛民好與日 萬。」是魏爲國名也。 之北析城之西,周以封同姓焉。 譜》云:「魏者,虞舜、夏禹所都之地,在《禹貢》冀 年,距始列爲侯凡三十四年,距分晉僅六年。 罃生,二十六年魏、韓、趙滅晉。 周威烈王二十三年韓、趙、魏始列爲諸侯,安王二年太子 立,是爲武侯。 智 並 最强於諸侯,自稱爲王以令天下。」魏、秦或晦或顯,二 伯,分其地。 爲晉卿。 、韓列爲諸侯。二十五年,子擊生子罃。文侯卒,子 徙治霍。 嬴生魏獻子,爲國政,與趙簡子、中行文子、范 號者,功之表 至春秋閔公元年晉獻公竟滅之,以其地賜大夫畢 生魏侈。 生魏絳,徙治安邑。 『威王二十六年,擊魏,大敗之桂陵。 武侯卒,子罃立,是爲惠王。」《六國表》: 惠。」是惠爲謚,王爲號也。 桓子之孫曰文侯都。 也。 《周書· 侈之孫桓子與韓康子、趙襄子共滅 仁義所 謚法解》云:「謚者, 其封域南枕河 烈王元年爲魏惠王 在日王。 卒,謚 然惟齊大書於 魏二十一年, 爲 周 柔質慈民 昭子。 氏廣業 《詩 曲 州 行 北 雷 獻 生 魏 孟 Ш 之 元 魏

二六

玉。 曰: 王; 國史亦不公言之。① 計賀及致胙之日去致伯未遠,何遽改稱王? 之不先齊魏,以秦之王爲代周之漸,特以首惡歸之。 年,天子賀。 胙於秦惠王,四十四年秦惠君立王。其後諸侯皆稱王。 年致伯於秦孝公,三十三年賀秦惠王,三十五年致文武 用事秦孝公之日,故杜平之會儼然稱王也。 當是時,秦王垂拱而得西河之外。」是魏之僭號早在商鞅 王居之,於是齊、楚怒,伐魏,殺其太子,覆其十萬之衆。 言,廣公宫,制丹衣柱,建九斿之旗。 此天子之位也而魏 齊楚、從天下之志,不如先行王服,然後圖之。」魏王悦 十二諸侯而朝天子,其與必多。 恐,爲戰具守備。 鄲,西圍定陽。 尊父惠王爲王。」追尊固無是理。《國策》蘇秦説齊閔 秦本紀》: 號皆數稱而後定也。 十三年四月戊午,魏君爲王,韓亦爲王。」夫《周紀 其後乃云:「襄王元年,與諸侯會徐州,相王也。 『昔者魏王擁土千里,帶甲三十六萬,恃其强,拔邯 三年,王冠。 「孝公卒,子惠文君立。」又云:「惠文君二 又從十二諸侯朝天子,以西謀秦。 衛鞅曰:「魏氏功大而令行於天下,有 蓋以 何以明之? 四年,天子致文武胙,齊、魏爲 魏先强後弱,秦先弱後强, 乃見魏王曰:大王有伐 《魏世家》稱王始 顯王二十六 而《秦紀 秦王 獨 其 Ŧ. 追 惠 其 0

王

爲榮。 援。 三稱而後定也。 之初,再見於徐州之會,最後《秦紀》所云「魏君爲王」,凡 虜,國威日替,中間頗示貶損,故其爲王,一見於秦孝公 《周紀》正合,是再稱而後定也。 「秦惠王十年,以儀爲相。 西,益富厚,輕諸侯,而王號遂達於周京焉。 秦所謂「有西面事秦稱東藩」者也。 爲王。」意蓋謂齊、魏皆奉之爲王,故與天子致胙 東,秦亦侈然自肆於國中矣。 表》備書之,蓋其事雖未愜衆 王,實欲王秦。 是時魏已寖弱,方改元與民更始,聞秦稱王,欲厚結以爲 紀》後序秦世系云:「惠文王二年初行錢,有新生嬰兒 上兩稱惠文君,下忽書曰「王冠」,殊不可解。 六國從親,兵不敢闚函谷,旋自韜晦耳。 秦且王」。」然後知秦應讖稱王即在受天子賀之年也 既與議婚,復遠涉齊境,藉其威力以脅諸侯,名爲自 而《年表》復書「魏夫人來」以見魏實爲之謀主,蘇 《史》於會徐州相王、《魏》《齊世家》及《年 魏終稱王 儀相秦四年,立惠王爲王。]與 殆 亦張儀所爲 心 秦史特變文曰: 魏是杜平之後兵敗 而魏固以名震 特以崛起西陲,又 及滅巴蜀,取 《張儀傳》: 儀魏 及觀《始 「齊、 人而 連書 河山 魏 值 以 E 皇 河 以

·史」,原無,今從沈校據《孟子四考》補

因 否 秦,其還魏蒲陽,公子繇出 則 使與秦並立爲王。 (魏王久矣,何尚 《史》獨 稱君? 質,欲魏先事秦而諸侯效之, 書日月者 且亦何與於秦 欲 自詡 而必詳書之 其功耳:

哉?」七王者,魏、齊、 秦、韓、 趙 燕 楚也。 《説文》云:

記•楚世家》云: 僭 ,假也。」隱公五年《穀梁傳》云:「下犯上謂之僭。」《史 「三十七年,楚熊通怒曰: 『吾先鬻熊

文王師也。 夷皆率服而王不 早終,成王舉我先公,乃以子男田,令居楚。 加位,我自尊耳。]乃自立爲武王。」

夢、王諸樊、王餘昧、王僚、王闔閭、王夫差。」此吴、楚之 《吴太伯世家》云: 「壽夢立而吴始益大稱王。 稱 王壽

世 家》云: 稱王之事也。 「秦用商君,地東至河,而齊、趙數破我,安邑 ○注「魏惠王」至「梁王」○正義曰: 《魏

云: 近 秦, 「浚儀縣大梁城,本春秋之陽武高陽鄉,於戰國爲大 於是徙治大梁。」徐廣云:「今浚儀。」《水經 注

或 策 周梁伯之故居,魏惠王自安邑徙都之,故曰梁。』《戰 ※稱 「魏惠王」,又稱「梁王魏嬰」,是當時亦號 「梁王

也」〇正義曰: 是時必 也。 趙氏佑 有 因 遷 《温故録》云:「《孟子》獨稱梁,不一言魏,則 都 周 而並改國號之事。」〇注「聖人」至「例 氏 廣業 《孟子出 處時 地考》云:「《史》

稱

孟子「困

一於齊、

梁」,

而揚雄

《解嘲》有

云: 【孟子雖連

梁惠王、滕文公於公孫丑、 與《學而》、《述 蹇,猶爲萬乘師。」蓋以齊宣稱「夫子明以教我」,梁惠言 公》名篇亦如是耳,非謂例衛靈公、季氏於子路、顔 而答問居其一,故諸侯質疑問禮即是以 『寡人願安承教』,皆以師 衛靈公問陳」,其稱《季氏》以篇首有「季氏將伐顓臾」, 論語》名篇但舉篇首以爲之目,其稱《衛靈公》以篇首 一而》等 篇同。 道尊之,故也。」孟子言「五教」, 萬章也。 《孟子》以 趙氏所云恐未盡 《梁惠王》、《 師道尊 之。 淵 滕 然 例 乃 文 有

孟子見之。 孟子見梁惠王。注孟子適梁,魏 疏注「孟子」至「見之」○正 義 日 惠 魏 王 世 禮 家 請

軻皆至梁。」《六國表》云:「魏惠王三十五年,孟子來,王 云:「惠王數被軍旅、卑禮厚幣以招賢者、鄒衍、淳于髡、 孟 問

利國。」王曰:「叟不遠千里而 吾國乎?」注曰,辭也。 叟,長老之稱也,猶父也。 來,亦將 有 以利

疏注「曰辭」至「父也」○正義曰:《説文》曰部云: 里之路而來至此,亦將有 孟子去齊,老而之魏,故王尊 可 以 ·禮之。 爲寡人興 曰:父不遠千 利除害乎?

「日,詞

二八

在

1齊與宣王問答事,此其先後蹤跡較然可知,不必

如

通

鑑

曰水,二曰火,三曰

木,

四日

下

宣王十年以合伐燕殺噲之事。

然後見孟子先游梁後

表》何以不書? 特書曰「孟子來」。 傳》爲據。

見梁惠王諸章及見襄王有『出 後適梁」者,乃史公駁文,非事實也。 梁先後,當以《六國年表》及《魏世家》爲據,不當以 用,適梁。」此趙氏所本也。 子J至「害乎」〇正義曰:《史記·孟子列傳》云:「孟子, 騶 《廣雅》云:『俊、艾、長,老也。 過,問唐曰:「父老,何自爲郎?」「後又曰:「父知之乎?」 云「老也」,俗通作「叟」。 父,或謂之父老。」戴氏震《疏證》云:「傻本作「叜」,《説文》 之佼,或謂之艾,周晉秦隴謂之公,或謂之翁,南楚 人也,受業子思之門人。 《孟子注》云:「叟,長老之稱,依皓首之言。」〇注 《年表》魏惠王三十五年,齊宣王之七年也,是年 則《孟子傳》所謂『游事齊宣王、宣不能用 「俊、艾、長老也。 **濁**,理 若孟子於齊宣七年以前先已游齊、年 而言外也。」辛部 也。一日 道既通,游事齊宣王。 《史記·馮唐列傳》云: 『文帝輦 周氏柄中《辨正》云:「孟子於齊 語」云云,自 翁、変,父也。」《史記集解 宜訓 東齊魯衛之間 以本書觀之,篇首即 詞 云: 此注作辭, 此以下十 解 凡尊 訟 宣王不 《孟子列 通 也。 敷 章 借字 老謂 謂 孟 能 皆 載 而 之 從 是。 爲號。 曰利? 利吾國」,謂亦如商君之於秦,俾富國强兵也。 齊也。」江氏永《羣經補義 用以 篇述此文作「將何以利吾國乎」。 七年,於是始稱王而改元稱一年也。」二説與趙氏異,未知 年丁亥與齊威王會於徐州以相王,是年爲惠王即位 卒,子襄王立,孟子一見即去梁矣。 不祀則脩言」,章昭注云: 宋輕云:「先生之號則不可。」名猶號 因爲王陳之。 仁義之道者可 國强兵爲利,故曰: 王元年辛丑,是年爲惠王後元之十五年。 洪範》: 時秦用商君,富國强兵,惠王所以遷梁,故曰「亦將有 解「日利」之義。 《廣雅‧釋言》云:「曰,言也。」《國語 初 亦有仁義 日 疏注「孟子」至「陳之」○正義曰: 孟子謂 以 五 爲名,以 行: 惟以利爲號令,故大夫、士、庶人應之。 王何必以 而已矣。 》云:「孟子見梁 「言,號令也。」名、言義皆爲號,故

引劉熙

也。」司

部云:

「詞,意内

濁。 也。

《方言》云: **酱猫理辜也。** 

蓋魏罃於周顯王三十

Ŧi. Ŧ 靚

後三十

至次年壬

寅

惠

惠

王

當

在

周

慎

利爲名乎?

亦

惟

有

注孟子知王

欲

以

富

孟子對曰:「

 $\pm$ 

何

必

《論衡・

刺

孟

以

利 爲

名則

有

不

利之患矣。

也。「日利」即

是

以

利

周語》云「有

三〇

仇 日 其弟以千畝之戰生,命之曰 土。」隱公二年《左傳 0 以條之役生太子, 成師。」又"「嘉耦 日 命之日 妃,

怨

Ŧī.

争」者 耦臼 幸辱敝邑之庭,將何以利吾國?」孟軻曰: 又取利於大夫,大夫取利於王,爲下征上,是交征也。 自 爲賦,又訓征爲取也。 楊倞注云:「取謂賦斂。」是征、賦、 杜預注云: 之征」,注云: 爲俱 於利而行,多怨。』故 注征,取也。 利其身,必至於篡弒,則國危亡矣。 人曰『何 「賦者,斂取其財物也。」 僖公二十七年《左傳》「賦 何以 也。 仇。] 曰之爲詞所以標名號,故趙氏以名釋曰。 也 、《魏世家》云: 自王取於大夫,大夫取於士庶人,爲上征下, 利吾國」,大夫曰『何以利吾家』,士庶 以 「賦猶取也。」《荀子・富國》篇「其於貨財取與」, 疏注「征取也」○正義曰:《盡心》篇下「有布 征 利 從王至庶人,故云「上下交争」。 「、賦也。」哀公十二年《公羊傳》何休注云: 吾 「孟子至梁,梁惠王曰: 身」,上下交征 ○注「從王」至「名也」○正義曰: 不欲使王以利爲名也。 取三字轉注 《論語》曰:「放 利 「君不可以言利 而 「叟不遠千里 ,故趙氏訓 或 納以言」, 又言交 危矣。 士庶人 云「交 王 各欲 從, 日 征 縷

> 字。 必争,故以「争利 上。 誘注《齊策》、韋昭注 正義曰: 以取訓之,而後本《史記》言交争。 利,國則危矣。」」司馬遷每以改易字代解詁,上下交取 秦策》云: 又言」。 危,亡也。」以亡訓 此别 引《論語》者,《里仁》第四篇文。 前言上下交争,是以交爲交互之交。 謂天子以至庶人俱惟利是取,不必上取下、下 一義也。 「王攻其 |解「交征」,趙氏所本 危,與趙氏此注同。 南,寡人絶其 萬乘之國,弑 《國語》皆如此訓。 西, 惟争而國乃危。 其君者必千 魏 0 也。 必 注「又言交爲俱 監本、毛本脱「亡」 趙氏兼存之,故 危。」高 征 交又訓俱 無争 誘 《國策 訓 注云: 乘 勢則 故 高 先 取 云

乘,謂 四 成,成方十里, 궁: 封十爲畿,畿方千里。 疏注「萬乘兵車」至「侯也」〇正 家; 淮萬乘,兵車 井爲邑,四邑爲丘,丘十六井也,戎馬 因 諸 一井田 侯 也。 而 成十爲終,終十爲同,同 制 夷羿之弑夏后,是以 軍 |賦: 萬乘,謂 有税有賦:税以足食,賦以足兵。 地方一 里爲井,井十爲 天子也; 義 曰: 方百里, 千乘取 匹 漢 千乘,兵 牛三頭 書 通,通 同十爲封 萬 刑 乘 法 車 十爲 四 志 也 于 故 丘

若是夫君欲利

則大夫欲利,大夫欲利則庶

人欲利,

上下争

<sup>0</sup> 隱」,按引文在桓公二年,多沈校。

五十

問可知。

甸,

甸

方里而井。百里之國爲萬井,而出千乘。 禮》,包依《王制》、《孟子》。 不是過焉。」包氏曰: 「千乘之國者, 百里之國也。 三百一十六里有奇,惟公侯之封乃能容之。 十爲成,成出乘車一乘。 語》「道千乘之國」,《集解》: 六十四萬井,戎馬四萬匹,兵車萬乘,故稱萬乘之主。」《論 者也,是謂千乘之國,天子畿方千里,提封百萬井,定出賦 井,定出賦六萬四千井,戎馬四千匹,兵車千乘,此諸侯之大 地之大者也,是謂百乘之家; 提封萬井,除 士三人,卒七十二人,干戈備具,是謂乘馬之法。 云:「古千乘之國,地方百里,出兵車千乘,故稱千乘之國。 \,步百爲畝,畝百爲夫,夫三爲屋,屋三爲井,井十爲通 方里而 六乘,何名『千乘』乎? ,赋六千四百井,戎馬四百匹,兵車百乘,此卿大夫采 六十四 六十四井,出 《周 井,十 禮》乃謂九夫爲井。 Ш 井也,有 川、沈斥、城池、 井爲乘。 車 2戎馬四 然則千乘之賦,其地千成,居地 乘,則 疑,故兩存焉。」毛氏奇齡《經問 百里之國適千乘也。」融依《周 日 「馬氏云: 一封三百一十六里,提封十萬 匹,兵車一乘,牛十二頭,甲 邑居、園 四四 是百里之國,止出兵車 《周 井爲邑,四邑爲丘,四 禮 囿 《司 是十井出 小司 雖大國之賦,亦 術路,三千六百 馬法》六尺爲 徒》職 一同百里, 一乘,不 古者井 惟 通 百 丘 方 有 不出 是。 乘』。 實得百井。 出 里,男一 萬夫止出

爲甸,甸

井,定出

則直據《周禮》,謂公五百里,侯四百里, 苴於其中,名《司馬法》。」今其書不傳久矣,然且 曾著兵法,至戰國時齊威王使大夫追論古司馬兵法 馬法」三字而混并在《周禮》文下,或遂以之話。 惟三,真周制也。 融謂侯封不止百里,當有方三百 是甸之八里,以甸八里外有治溝洫之夫各受一井,得二里 之,甸方八里,實得六十四井。 里。《孟子》方里而井。 謂《司馬法》者原非周制。 「九夫爲井,四井爲邑,四邑爲丘,四 夫,夫三爲屋,屋三爲井,井十爲通,通十爲 法》,兩言出車之制,其一又曰「六尺爲步,步百爲畝,畝 乘」云云皆《司馬法》文。 大抵侯國以 車賦,仍是十里。 此馬融引之注《論語》,鄭康成引之注《周 百里,以求合於成甸出車之數。 一百五十有六乘矣。 百井出一乘,則萬夫止百乘, 百里 公侯百里,伯七十里,子男五十里,《王制 一爲 然其與千乘之賦則總不合。 萬里者萬井也。 斷 《史記》:「齊景公時有司馬 百里之地以 杜預引此注《左傳》不注明「司 以成出一乘計之,成方十 雖爲之説者曰:成之十里 十六里有奇; 丘 一爲甸」 開 夫列 伯三百 六十井出 乃以甸 方計之,實 成,成出 四 《周禮 爵惟五,分土 禮》, 句,其下「甸 里,子二 有 而鄭 出 兩 於是 然皆 而 革 乘 乘 得 司 特 車 康 百 穰 附 里 則 計 白 成 馬 萬 非 爲 馬 苴 所 穰

三

何休 乃以 Ŧī. 矣,此説最精。 何 兵 Ŧī. 四 事者七十萬家。」蓋謂七家而 則 鳴 漢 爲成,其實一耳。 秋》、《尚 公、太公,其始封俱 人」者是。 立人,則 車 盛 後 差不合也。 ,楷辨之,謂使十井出 .并、五百七十六家可出八十二人,尚餘二夫。 今祇出七十 得千乘。 十里。』《孟子》云: 《詩 也。 注《公羊傳》『初税畝 《周 五等班禄亂周家三等之制,以一人之書盡反《易》、《春 Ŧī. 正義 秋 乘。』包 經諸 禮軍 傳 是七家又十之五强 ...書》、《孟子》、《王制》諸經傳之文,豈可訓也?」王氏 故 馬、鄭注 千乘出賦之法,則服虔注《左傳 家,如何休、張苞、包咸、范寗輩 Ě (易))日 所 賦 《王制 成因之,亦謂十井爲乘,百里之國應千乘 列 顧後儒猶有惑於其説者,則以邦國疆 説》云:「大國 謂「甸 《孫子》云:『興師十萬,日費千金,怠於操 或 止百 『震驚百里』,言建侯象雷震地, 《論語》引之,欲見邦國疆域實數: 『諸侯之地方百里,不百里不足以守 云: 六十 同一,一 里,非地 甸之賦,則其虐又過於成公之丘 「公侯田 <del>-</del> -四 出 賦 井 『聖人制井田之法,十井共出 同 軍 一兵也。 出出 人也。 有不 者 方 車 車 百 百 足 五百乘,若計 里, 里 此説本 而 乘,士卒共 今以此 工之地; 限制 》所引《司 ,皆歷爲是説 伯 七十 無可 如 法推 孟 此。 止 里 地 域諸 疑。 故 七 馬 子 百 出 子 六十 法》, 改 十 此 謂 里 也 賦 宗 男 國 甲 自 甸 Ŧī. 而 周 在 夏制 五十 方七百 對北宫錡曰:「周室班爵禄,公侯皆方百里,伯七十里,子男

里。

五十

里不達於天子

附

於諸

侯,

庸。」此

里。

然其言魯之賦,亦不過革車千乘而

린

若孟

子

爲

周 制 不

者。 能

其言曰

一軻

也嘗聞

其略」,

則

爲 日

傳 附

聞

約

略

以 政 疏申 里, 廟之典 里。』《明堂位 『大國亦不是過』。 過』云者,謂 里,諸子之地封疆方二百里,諸男之地 疆方五百里,諸侯之地封疆方四百里,諸伯之地封 非不足而儉於百里」者,大都據初制 與夏、殷三等同。 至殷變爵爲三等,合子男與伯以爲 里。』今考《王制》云云,康成以爲夏制五等之爵,三等受 左氏傳》言「不過半天子之軍」、《坊記》言「不過千乘」、「不 (白虎通》詳言之,武王克商,復增子男爵爲五等,其受地 五等受地,則 ,致太平,制禮樂,成 ·鄭意,謂其時九州之界尚狹,至武王崩, 太公之封 籍。 周公之封於魯,爲方百里也, 軍 》則以成王欲廣魯於天下,故封周公於曲阜, 於齊也,亦爲 賦 《周禮 以是爲限,非 齊、魯之封皆在武王之世、《孟子》所謂 《史記》云: · 大司徒》云『凡建邦國: 武王之意,斥大九州 方百 周 地 里 止三百 一,其地亦三等不變。 封 而言。 也 伯 対疆 地 禽於 一十六 地 非 賈公彦『職 非不足 成王幼,周 ,於是五 方 不 魯地, 百里」是 諸 足 里 公之地 强方三百 而 而 一, 故 方 等 儉 儉 方 四 馬 公攝 之 於 於 氏 也 地 地 地 百 排 則 則 百

58

觀 作亂

也

伯也。

是太康失國

衰也,后羿自鉏遷於窮石,因夏民以代夏政,不脩民事而 焉?」此亦救時之譚,非核實之論也。」謹按: 産適晉獻捷,晉人責之何故侵小,子産對曰:「昔天子之地 廣袤,遂援百里、七十里、五十里之制以抑當時並 一十六里爲長,乃孟子説公侯百里,則孟子言「千乘」當 「乘也」〇正義曰:襄公四年《左傳》云:「昔有夏之方 《書序》稱「太康失邦、昆弟五人、須於洛汭 伯明后寒棄之,夷羿收之。」杜預注云:「夷, 録毛氏、王氏兩説以俟識者參之。 蓋千乘其地千成,則九萬井有餘,其爲百 在夏之五子忘伯禹之命,假國無正,用胥 皇天哀禹,賜以彭壽,思正夏略。」五子, 今大國多數坼矣,若無侵小,何以 王與之云:「孟子見戰國争雄 「昔有過澆、殺斟 《左傳》襄二十五年,鄭子 寒浞。 由 其滅相者自是澆,非 《周 於五觀。 禮》所 説者多以千乘 灌以代斟 寒浞,伯明 載 ○注 惟爲《古 吞無 不 爲 《周 鄩 夷 氏 淫 至 里 過 厭 壤 之家。 康」。 文尚 晉止四卿矣。 獻公之世,卒分晉國。」夫晉自三郤之亡,七族並盛,知罃、范 也。 知盈,五年《傳 之「八卿」也。 匄、荀偃、韓起、樂黶、范魴、魏絳、趙武,襄八年《傳》稱悼公 剽」,是其事。 崔杼弑其君光」,二十六年春王二月辛卯,「衛 崔杼,衛甯謂甯喜。 地者之臣也」。 子建國諸侯立家」〇 大夫之采地。」《夏官·大司馬》「家以號名」,注云「家謂 之卿食采邑有兵車 亦以避萬乘稱國,故稱家,君臣上下之辭。 六卿等是。 周禮·地官·載師 書》言「羿距於河」,某氏傳以爲「羿 上千乘當言「國 趙氏所據未聞。 注天子建國,諸侯立家。 以 其後樂氏復亡,韓起、趙成 馬氏驌《繹史》云: 至於哀公而知伯滅,晉又止三卿矣。 》稱平公之「六卿 ○注「若齊崔」至「乘也」○正義曰: 其 終 《春秋》襄公二十五年 **》**以家邑之田 正義曰:《春秋》桓公二年《左傳》文。 百乘之賦者也,若齊崔、 亦皆弑其君,此 千乘之國, 而 言「家」者,諸 也。 晉 任稍地」,注云:「家邑 弑其君者 至於定公而范、 三卿韓、 百乘之家,謂 廢 荀吴、魏 以 夏五月乙 太康, 侯以 百 魏、

羿」至

滅夏后相。」然則羿代夏政,不言弑君,

也。

麥》云:

「其

遂凶厥國。 彭壽者,彭

氏也。」哀公元年《左傳》云:

之讒子弟也。

於原獸,棄武羅、伯

因、熊髡、尨圉

一而用

自以 三百

百里矣。

之心。

若今之偏州下邑,奚啻百里?

地 詞

而

非

載籍

之明

據

可

知。

立

一其弟

仲

必

百

乘

大

國

也。」此説得之。

已九有奇矣,尚得以爲百里乎?

乘

取

千

乘

衛

甯、

晉

國

爲

疏注「天

坼,列國之地一

同。

食采

甯喜弑其

亥,「 齊崔

趙

氏

起

於 君

舒

范

鞅、

、荀亡,

千」至「之辭」〇

īF.

義

日

諸侯稱國,大夫稱家。

上云「千乘

人四 謂 其采地同於侯,則千乘之家正指畿内之卿。 之年,以中年是其常 君食二千八百八十人。」《周禮・廩人》: 「凡萬民之食食者、 周 千鍾,亦多矣,不 爲不多矣。 召 視侯,大夫受地視伯,元士受地視子男。然則天子之卿大夫 爲家者也。」是諸侯以國爲家也。 家、《索隱 之家」,故 鬴 Ŀ 正 而 義曰: 争奪之釁起自王臣矣。 食三十六鬴,二百八十八人則 士食三十六人,下大夫食七十二人,卿食二百八十八人, 制 而 月食米也。 鬴,上也; 也。 王 考工記 一室亂,尹 「君十卿禄」、《萬章下》篇文。 《王制 趙氏説之。 》引董仲舒云: · 察氏》「量之以 注周 人三鬴,中也; 氏召伯立王子朝而 六斗四升曰鬴。」賈氏 「諸侯之下士禄食九人,中 爲 法。」以 制 太史公以吴太伯 不多矣。 「王者封諸侯,非官之也,得以 君十 萬 是推之,人一 八爲鬴 取 人二鬴,下也。」注 毎歳 卿禄。 按: 孟子言天子之卿受地 疏 千焉,千取百焉,不 王 食 注 室 注云: 《王制》亦云,故以爲 疏云: 以下凡諸侯目 一亂,雖 一萬零三百六十八 周 月三 君食萬鍾,臣 制」至「多矣」〇 如王孫蘇殺毛 「四升日豆 輔, 「此雖列三 無弑 士食十八人, 云:「此皆 派君之迹, 歲十二 代代 爲 四四 食 世

仁

而

遺其親者也,未有義

而

後

其

君者也。

注

之家即 矣。 是諸 鍾; 已。」韋昭 《白虎通•誅伐》篇云: 義而 夫於百乘中食千鍾,推之天子於萬乘中食十萬鍾。 趙氏以禄言之,則君臣實取之數。諸侯於千乘中食萬鍾, 承上「萬乘」、「千乘」、「百乘」,則「萬」、「千」、「百」仍指 鍾」者指諸侯千乘也,云「臣食千鍾」者指大夫百乘也。 爲一萬零三百六十八鍾,總其整數是爲萬鍾。 零三百六十八鬴爲鍾 豆 後仁義而先自 者亦非一 逆 苟志於仁矣」孔注、《詩 E (而奪 君食二千八百八十人,是歲食十萬零三千六百八十 园 侯於天子萬乘中取其千,大夫於諸侯千乘中 疏注 荷 先利,不奪不饜。注荷,誠也。 於萬乘中食萬鍾。 四四 取 注云 家,分各定,不容更溢,故不爲不多也。 區 Ħ 篡。」故以  $\exists$ 誠」至「欲矣」〇正 鬴。 厭,飽 1利,則 鬴, 篡 一千零三十六八,總其 也。」曆與厭 「篡猶奪也,取也。」《説文》公部云: 六斗 ·采苓》「苟亦無信 不篡 訓 食萬鍾 奪。 四升也。 奪 國 君 者非一家,食千鍾於千 義 通 語 位 日 ,故以 鬴 不 晉 + 「苟,誠」,《 足 則 飽 語 毛傳皆 自饜 訓饜。 誠令大臣 鍾。」然則 \*\frac{\times}{\times} 整數,是爲千 云「君 苟爲 取其 飽 屬 如 其千 未 論 乘言。 此 其 食萬 厭 語 訓 百 鬴 有 後 欲 大 萬 文 而

仁者親 必曰 義曰:《論語》「忽焉在後」,忽之故後之也。 愛其親、敬其君,不遺不後,詎至篡奪乎? ○注「忽後」○正 不止遺其親、後其君矣。 加 孟子」至「其禍」〇 無行義而忽後其君長」。 忽後其君者。 利!」注孟子復申此者,重嗟歎其禍。 親,義者尊尊。 疏「未有」至「者也」〇正義曰: 正義曰:監本、毛本無「嗟」字、《音義 以利爲名,其弊至此。 人無 王亦曰仁義 行仁而遺棄 而已矣, 監 其親、行 行仁義,則 本、毛本 篡奪 疏注 何 作 義 則

師古云:「故者,通其指義也。」又《春秋左氏微》二篇,顔 云 然則名「故」者即分章句之指也。 師古云: 正義曰:《漢書·藝文志》:《詩》有《魯故》二十五卷。 不易之道。 八句。」《釋文》云:「五章是鄭所分,故言是毛公本意。」 「《關雎》,五章,章四句。 名,然後上下和親,君臣集穆。 「趙岐注《孟子》,每章之末括其大旨,間作 章指: 言治國之道明,當以仁義爲 「微謂釋其微指。」今《毛詩 故以建篇立始也。 故言三章,一章章四句,二章章 錢氏大昕《養新録 • 關雎》篇後云: 疏「章指言」〇 天經地義 韻語 謂謂 顔

> 也。 云"「古本、足利本每章注末有《章指》。」●孔本、韓本注 趙氏因舉以爲例。」又云:「《考文》言古本「章旨」當作 後僞《正義》出,託名孫奭所撰,盡删《章指》,正文仍 之《章指》。《文選》注所引趙岐《孟子章指》是 然,蓋謂此章大旨所言如此也。 末别行載《章指》。宋本《章指》下皆有「言」字、《考文》亦 章指》一卷,今依用 「指謂義之所趨,如 「經指」等字間有通借,其實非 也、《孟子》「願聞其指」是也。 「章指」。旨,意也、《易·繫》「其旨遠」是也,指,歸 周氏廣業《孟子古注考》云"「章句者,檃栝一章之大指 是删去《章指》始於善經,邵武士人作疏蓋用善經本也。」 卷,稱善經删去趙岐《章指》與其注之繁重者,復爲七篇 復見趙氏原本矣。 其語,散入正義。 言」字,恐非趙氏之舊。 董生言『《春秋》文多數萬,其指數千」,知文必有指 明國子監刊十三經承用此本,世 考《崇文總目》載陸善經注《孟子》七 其 人以手指物也。二周氏 原文而 ○「治國」至「始也」○正 稍增損之。 傳記用「意指」、「事指」、 也。 孔本作「章指曰」, 顔師古《漢書》 Щ 有《疏證 一井鼎 也。 《考文 孟子 注: 南 宋

「每」,原誤作「無」,今據《七經孟子考文補遺》補。

0

《禮記 和矣。 故爲不易之道。《孟子》七篇主明仁義,以此立首也。 子太叔曰: 章指》:「上下和親,君臣集穆。」」昭公二十五年《左傳 記 睦」。 穆。』」《左傳》隨武曰 聽之,則莫不和親。」《音義》云:「集穆,張鎰云:「當爲 臣上下同聽之,則莫不和敬, 義爲本。」魏武 相 云:「繆,古通以爲「穆」字,「集」、「繆」,皆和 史記 如傳》「肢肢 虞戴德》篇云: 黄公紹《韻會》云「穆通作睦」,引此及《史記・ 樂記》云: 仁以愛之,義以正之。」又云: 漢興以來諸侯年表》云: 禮, 睦 帝《秋胡 天之經也,地之義也。」禮樂必本仁義 陸」《 禮 衆則集,寡則繆。」孔氏廣森 「卒乘輯穆」,季武子曰「其 漢書 義立則 行》云: 》作 貴賤等矣,樂文同則上下 在閨門之内,父子兄弟同 「仁義爲名,禮 | 敗敗穆穆 | 爲 形 「樂在宗廟之中,君 勢雖强,要當以仁 也。 證。 樂爲榮。」 天下 《補注 人大戴 孟 司 子 馬 輯 輯

以爲娛樂,夸咤孟 廣苑囿 曰<u>.</u> 孟 ,大池沼 子見梁惠王。王立於沼上,顧鴻 賢者 亦樂此 與 子曰: 孟 子 賢者亦樂此乎? 遊觀,顧 乎?! 注 視禽獸之衆多,心 沼 池 也。 疏注「沼 鴈 王. 麋 好

不賢

者雖有此

不樂也。

注惟有賢者然後

乃

得

樂

也;

不賢之人亡國破家,雖

有此

當爲人所奪,

故

不

此

耳

謂

脩堯舜之道

國

家

安

寧,故

得

有

此

以

爲

樂

爲誇。 義 云 夫論 池也」〇正義曰:《毛詩》傳文。 誇 傳》云「子虚過詫烏有先生」、《集解》引郭璞云:「誇也。」《 鴻、言鹿又言麋、以見禽獸衆多、餘 古字通也。 曰雁。」《説文》鳥部云: 囿、大池沼 者。」今主君前夾林而後蘭臺 忘死,遂盟强臺 興,避席擇言曰: 咤,丁丑嫁切, 雁,鳥也。」雁、鴈字異物異,此「鴻鴈」連文,「鴈」宜是「雁」, E: 也。」咤與詫通。 「令惡人高會而夸詫。」《後漢書・ 夸亦誇也。 浮侈》 《國策・ 也。 又鹿部云: 篇 《毛詩 誇也。 魏 而弗登,曰 云 「楚王登强臺而望岬 策》云: 咤、《説文》訓 孟子對 「驕侈僭主,轉 《玉篇》作『詫』。」《史記 「麋, 小雅 「鴻,鵠也。」「鴈,騀也。」隹 「梁王 「後世 ,强臺之樂也。」是惠王好 鹿屬。」「鹿 鴻雁 ○注「王好」至「此乎」○ 叱 魏 必有以 嬰 怒」。 「賢者 相 可例 》篇傳云:「大曰 觴 Щ 誇 王符傳》注云: 一, 左江 諸侯於范臺, 與 也。 詫。」又《述 獸 高臺陂池亡其 「夸」連文,故 而 也。」言雁又言 《音義》云 而右湖, 後 司 樂 馬 部 此 相 굸 廣 其 詫 苑 國 樂 正 如

三六

+ 以

年「萬艾獵城 '日。」趙氏佑

時

限」,即「不設期日

T. 明 以度訓經也,云「並

度義,以

治明作

明,故以名焉。」趙氏此注與毛、鄭同。 作,不設期日而成之。 靈德也。《詩》云:『經始靈臺,經之營之,庶民 變,使民不倦,神而化之,使民宜之。 性善,言必稱堯舜,故知孟子之意在脩堯舜之道。 云"「文王應天命,度始靈臺之基趾,營表其位。 ○正義曰:《詩序》云:「靈臺,民始附也。 不與之相期日限,自來成之也。 攻之,不日成之。 一記》「攻木之工」,注 (有靈德,以及鳥獸昆蟲焉。)毛傳云:「神之精明曰靈, 言文王始經營規度此臺,衆民並 《温故録》云:「古者工必計日。《左傳》宣 經,度之也。 沂, 也。 義、《説文》夫部云: 注 來治作之」,本毛以作訓攻也。 量功命日」,杜預注云:「命作日數。」 云 觀臺而曰靈者,文王化行,以神之精 一謂 《國語 注《詩》,《大雅·靈臺》之篇 脩 「攻猶治也。」云「不與之相期 堯舜之道」〇 》引此詩,韋昭注云:「不課程 攻,作也。 疏注「詩大」至「之也」 「規,有 云「規度此臺」,本毛 神化民宜,即文王 不日有 E 文王受命,而 來治作之,而 義 法度也。」《 日 堯舜通 成 衆民則 又以 心也。」箋 孟子道 規 日 考 築 民 有 其 麀,牝 潤 義 :: 樂。」趙 濯,鳥肥飽則 亟,疾 文王親至靈囿 中,麀鹿懷任,安其所而伏,不 濯,白鳥鶴鶴。 之」「成之」意也。 成。」皆於事前 詩》箋云: 元《校勘記》云: 也。 也。 也。 氏解與傳、箋有同 「亟,急也。 濯濯,娱遊 衆民自 鶴鶴而澤好。

樂其

方而

高日

臺。

也。

昭二十三年「士彌 「不日成之」。宋本作「不與期日限」,廖本作「不與 預爲期限。」文王使民不勞,不急於成功 牟 營成周, 量 事 期」, 注 云 知知 期日」。 事 故曰 幾 時

得

以

爲

樂也。

疏

經始勿亟,庶民子來。 「言文」至「使也」○正義曰:督'《音義》云:「丁作烃。」阮 「怪疑裻之誤。 來趣之,若子來爲父使也。 度始靈臺之基趾非有急成之意 注言文王不督促 古裻與督義同 音 同。一《 使之。 疏 衆 民 毛 Æ 注

各以子成父事而來攻之。」疾猶急也。 「子成父事」。「經始勿亟」申「不日」意,「庶民子來」申 王在靈囿, 麀鹿攸伏。 云「子來爲父使 麀 鹿 即 ·「攻 濯

注 麀鹿,牸 鹿 驚 也。 動 也。 言文王 獸 肥 在 飽 此 則 濯 有

疏注

「麀鹿」至「澤好」〇

Œ

鶴鶴、《詩》作「翯翯」、《毛詩》傳云: 天子百里,諸侯四十里。 ,視牝鹿所遊伏之處,言愛物也。 也。 翯翯,肥澤也。」箋云: 靈 囿,言靈道行 囿 ,所以域 鳥獸肥 「攸, 所 於囿 盛喜 也 也 禽

.有異。

「牸鹿」,毛

本作

「牝鹿」,牸

則 亦

牝

正 義

文》云: 之則曰「皬皬」。 任,故《詩》言「伏」,趙氏以「懷任」解之。 裹妊也。 爲懷任者: 也。」《説文》手 同。」按: 白也。」王氏念孫《疏證》云: 之箪。」《説文》匕部云:「卓,高也。」《易》「家人嗃嗃」,《釋 云:「嫗伏也。」《方言》云:「北燕、朝鮮、洌水之間謂伏雞曰 《詩》,章 作「包羲氏」。 遊言其動,伏言其静耳。 》作碻。」哀公四年《左傳釋文》引郭璞 也。 秦始皇紀》《索隱》云:「鶮,古鶴字。」《説文》口部 其卵伏而未孚,始化謂之湼。」禽鳥之伏卵猶獸畜之懷 「荀作確。」《一 中昭注 一家所傳也。 從霍、從霍、 巳在中,象子未成形也。」《夏小正》「雞孚粥」,傳 攸伏,箋以 任亦作「妊」,孕也。 韓信傳》注引李奇云:「鄗音羹臛之脽。」《史 亦云"「視牝鹿所伏息,愛牸任之類。」此或齊、 部 : : 伏、包皆訓藏。 何晏《景福 《廣雅・ 「所遊伏」解之,遊指下濯濯,伏與遊對, 「推, 敲 切經音義》:「確、《埤蒼》作塙,又《字 從高古多通 趙氏云「懷任安其所而伏」 釋訓》云:「濯濯 殿 也。」《爾 「《釋器》云: 賦》「確確白鳥」, 「伏」古與「包」通,「伏羲氏」 《説文》包部云:「包,象人 用。 雅 《釋名》云:「脏, 《解詁》云:「鄗者・ • 《國語 「罐、白也。」重言 釋器》云: 肥也。 ·楚語》引 並 與 」,以伏 篧 皬 皬 굸: 確, 蒿 謂 皬 及鳥獸 之訓。 義於高。 詩 牣 靈道行於沼」也。

抱。

非以「濯濯鶴鶴」爲肥飽,其以「澤好」申之,仍用毛傳「肥澤 沼之水,魚盈滿其中,皆跳 申「鶴鶴」,以「好」申 《釋文》引《韓詩》云: (孟子))引作「鶴鶴」,其字通 》傳云:「靈沼,言靈道行於沼 魚躍。」注文王在 因 魚 肥而澤,因澤而白也。 「鶴」亦作「鸖」,從隺與從霍同。 、鼈也。 疏注「文王」至「鼈也」〇正 「濯濯」。 「美也。」美即好也。 池 沼, 玉搢《别雅》云: 也。 躍,亦言得其所。」《音義》云: 《詩·文王有聲》「王公伊濯」, 魚 濯 趙氏云「肥 也。 乃 濯 跳 牣 未訓 躍 滿 「喜樂。 王 《詩 飽 娱遊 也。」箋云: 《史記 在 則 》作 濯 靈沼 一、蓋以二 義曰: 濯 言其 一篙 鶴 殷本 於 德 毛

紀》「充仞宫室」、《司馬相如 皆與牣通。」按《文選・上林 · 仞,滿也。」云「德及鳥獸魚鼈」,即毛傳所謂「靈道 切,丁公著本作仞。」 吴氏 賦》「虚 傳》「充仞其中者不可 館 而勿仞」, 郭 勝 行於 璞 紀」, 注 囿、  $\Xi$ 仞

其有 雖以民力築臺鑿池、民由歡樂之、謂 樂之,謂其臺曰『靈臺』, 麋 鹿 魚鼈。 注孟子爲王誦 謂 其 沼 此 曰『靈 詩 其臺沼若 因 日 : 沼 神 文王 靈 樂

文王以民力爲臺

三爲

沼

而

民

歡

記

隺,高至也。」鶴之名鶴以高至,望及於高,故

「睢」爲望亦取

靈者,積仁也。』其義與《小序》合。」趙氏佑《温故録》云: 其功作、故《大雅・靈臺》之詩云云。」當亦本《孟子》云「謂其 來、勸樂而早成之耳。」是可知晉唐時本皆作「勸樂」,故杜 以爲子義來,勸樂爲之。」正義云: 「衆民以爲子成父事 記》云:「宋孫氏《音義》云:「歡樂,本亦作勸樂。」案,《左 解爲沼。「由」,毛本作「猶」,猶、由通也。 至「所爲」〇正義曰: 之所爲,欲使其多禽獸以 用靈」、皆云「善也」、《詩》「靈雨」箋亦云「善」,蓋猶好 注「神靈之所爲」殆乎託意鬼神然者,然靈之訓善,《書》傳 文》篇云:「積恩爲愛,積愛爲仁,積仁爲靈。靈臺之所以 『民樂文王有靈德。』據此則靈臺因文德命名。 臺沼若神靈之所爲』者。」周氏柄中《辨正》云:「《詩小序》: 王莽傳上》「《詩》之靈臺」,師古曰:「始立此臺,兆庶自勸 孟子以「而民勸樂」釋之,猶《禮記 注、孔疏據之、與孫宣公《音義》正合。 「於弔由靈」、「丕靈承帝事」、「惟我周王靈承於旅」、「苗氏弗 〉昭九年叔孫昭子引《詩》曰『經始勿 『《詩・大雅》言。 因「歡」與「勸」形相近,故經注皆譌爲「歡」。《漢書 爲,治也。 文王始經營靈臺,非急疾之,衆民 養文王者也。 故以築臺解爲臺,以 •中庸》謂「子庶民則百姓 蓋經言「庶民子來」, 亟,庶民子來」,杜 臧氏琳《經義 疏注[孟子] 《説苑・脩 雨之 鑿沼 「趙 自 爲 就 而 雜 義。 同其所樂,故能 樂、故能 志》:

勸也。

注

謂。 樂」,高誘注云: 至「者也」○正義曰:《吕氏春秋・務大》篇「然後皆得其所 靈臺」,非堯冢靈臺之例也。 稱。《詩》云「經始靈臺」,則名自此始,故箋云本「觀臺而 靈道即善道也,則靈臺即善臺,靈沼即 靈」相出入也。」謹按:靈訓善,此説是也。 臺成之速,有歸諸冥冥不可得知之意,後世始有以靈爲鬼神 箋云「文王化行若神之精明」,則皆以文王之德言,初不繫乎 其有麋鹿魚鼈」即欲其多麋鹿魚鼈也。 大業。」有之義爲衆、爲富,衆富即多,故以「多」解「有」,「 有堯陵,陵南 奇異之稱者。 「易・雜卦傳》云:「大有、衆也。」《繫辭傳》云:「富有之謂 |靈臺」,當以鬼神之義言之。文王之「靈臺」、「靈沼」自以 故《序》云「民樂文王有靈德」,傳云「神之精明者稱靈」, 其兼「神」言之者,如「黄 濟陰成陽有堯冢靈臺。』《水經注》: 樂也。 又《謚法》「靈若厲」之靈,不可與文王之「神 一里有堯母慶都陵,稱曰「靈臺」。」此 「樂,願也。」願 樂之。 注偕 ,俱也。 疏注 趙氏與毛、鄭異。 帝 猶 生而 「偕俱」至「樂之」〇 欲 言古之賢君與 也,故 神靈」之類 善沼 古之人與民 以「欲 「成陽城 靈德即善德也 《漢 ○注「欲 則 書 解 陵 西 與 民 正 明 墓 地 使 共 義 善 稱 里 理 同

之野, 也。 疏 亡」,則伏、鄭之解乖於孟子矣。 亡之徵以脅恐下民也。」孟子引此文而申之云「民欲與之皆 矣。」」鄭康成本此注 歎,啞然笑,曰 何樂兮!」伊尹入告於王曰: 『大命之去,有日矣。』 王僩 聽 相 伏生《大傳》云:「夏人飲酒,醉者持不醉者,不醉者持醉者, 亡,我及女俱往亡之。 欲與湯共伐之。 湯臨士衆而誓之,言是日桀當大喪 予及汝偕亡 偕與皆 日 與與 樂聲,更曰: 和而歌曰: 「盍歸乎亳、亳亦大矣。」故伊尹退而間居, (民同樂,故能得其樂」。 「是日何當喪乎? 《書序》云:「伊尹相湯伐桀,升自陑,遂與桀戰於鳴條 「偕, 俱 日,乙卯日也。害,大也。 作《湯誓》。」其書今存,作「時 通 「桀自比於日, , 皆 也」、《毛詩》傳文。 亦同 「覺兮較兮,吾大命假兮! 「天之有日,猶吾之有民也。 !』注《湯誓》、《尚書》篇名也。 也。 《湯誓》云: 故又以 民即 日若喪亡,我與汝亦皆喪亡。」引不 疏注 《湯誓》曰:『時日害喪, 假 「共同」申言之。 《説文》人部云:「俱,皆也。」 日 「桀見民欲叛,乃自比於日, 江氏聲《尚書古文集注 以諭 「湯誓」至「亡之」〇 言桀爲無道,百姓皆 日曷喪,予及汝偕亡」。 桀,言『是日 去不 監本、毛本作 日亡,吾亦亡 善而 何 時,是 就 時 正 善 喪 音 然 深 義

乎? 及,與 大義 義。 釋詁》云: 趙氏以此爲湯諭民之言,以「予及汝偕亡」爲「我及汝俱 也。」《詩 有大義? 詁》云:「曷,盍也。」趙氏讀害爲曷,而通其義於覆。 與桀同誅。」是桀以乙卯日亡也。 若作湯諭民往亡桀之辭,無以見桀之失德矣。 之」,則我爲湯自我,汝謂民。 曰:「毛得必亡,是昆吾稔之日也。」」杜預注云: 公十八年春王二月乙卯,「周毛得殺毛伯過而代之,萇 「子卯不樂」,注云:「紂以甲子死,桀以乙卯亡。」《左傳 詁》文。「日」爲「乙卯日」者,《禮記・檀弓》杜 殊孟子,亦違伏鄭,未知所本。 兹,今朕必往」,語爲重沓矣。 害,如字。 而民勸樂之」,引《書》言桀之失德,全在「民欲與之皆亡」。 也。 蓋曷與盍通、《説文》皿 也。 我將 皇矣》「奄有四方」,傳云: 覆 覆義與 「幠,大也。」是幠、覆有大義也。 汝,汝日也。 與汝皆亡」, 張音曷。」如字則讀傷害之害,傷害字無訓大之 亦通於幠 奄 同 、《説文》中部云: 、《説文》大部 假日以諭桀,實則汝,桀也。」謹 甚欲桀之亡也。 部 孟子引《詩 其訓「時」爲「是」、《爾雅 乃《書》文於此下云「夏德若 云:「盍,覆也。」《爾 「害,大」者,《音義》云: 奄, 云 幠 奄 》稱文王之德,全在 大也。」是奄、 予者. 阮氏元《校勘記 覆也。」《爾 覆 趙氏之旨,既 賣飲 民 也, 「以乙卯 自 大 師 覆 雅 子 覆 何以 往亡 雅 有 曠 按 影昭 也 有 H 宏 釋 H

亡,則不能獨樂矣。《章指》言「不能保守其所樂」,故云「何 能復獨樂哉」。閩、監、毛三本無「復」字,非也 之哉? 言民皆欲與湯共亡,桀雖有臺池禽獸,何能 能 乙卯日也。」民欲與之皆亡,雖有臺池 云:「宋本、孔本「日乙卯日」上「日」作「時」,非,當作「是日, 何能復獨樂之哉」〇正義曰: 獨樂哉?」注孟子説《詩》、《書》之義以感喻王。 復申明上言「不賢者雖有此不樂」也。 始侈而獨樂,既民欲與之皆 鳥獸 復獨 疏注 贵 樂

告大夫曰: 隱而除其害也。」章昭注云: 忍,欣戴武王,以致戎於商牧。 也。 德至鳥獸」是也。 句》言「德及鳥獸魚鼈」也。 衆怨神怒,則國滅祀絶,不得保守其所樂 鳥獸,則忻戴其上,太平化興。 祭公謀父諫穆王 疏「恩及」至「化興」○正義曰:「恩及鳥獸 章指: ❶「昔者之伐也,起百姓以爲百姓也,是以 言聖王之德,與民共樂,恩及 「忻 曰:「商王帝辛大惡於民,庶民弗 戴」者,忻與欣同。 《白虎通· 「戴、奉也。」《晉語 是先王非 封禪》篇云「王者 務武 《國 無道之君 語・ 也、勤 史蘇朝 」即《章 周 恤民 語 民

> 之禍。 遠志。 神怒矣 之將亡,其君貪冒辟邪,淫佚荒 則國滅祀絶」○正義曰:《國語•周語》:内史過曰: 美於中,必播於外而越於民,民實戴之。」韋昭注云: 能欣之。」章昭注云:「欣,欣戴也。」又:郭偃 隧。」《湯誓》言衆怨,趙 臊,馨香不登;其刑矯誣,百姓攜 「戴,欣戴也。」《音義》云:「大平,丁音泰。」〇「衆怨神怒 「靈沼」所以稱「靈」,是爲神所佑。 昔夏之興也,融降於崇山, 民神怨恫,無所依懷,故神亦往焉,觀其苛 氏兼言神怒者,以文王 怠,麤穢暴虐; 貢。 其亡也,回禄信於聆 衆樂則神佑 明神弗蠲, 曰:「夫人 「靈 ,衆怨則 悪而 而民 其 政 國 降 有 腥

之國曰「某人」,於外曰「子」,自稱曰「孤」。」又云:「諸侯與孤寡」〇正義曰:《禮記・曲禮下》云:「庶方小侯,人天子盡心欲利百姓。焉耳者,懇至之辭。 疏注「王侯自稱盡心欲利百姓。焉耳者,懇至之辭。 疏注「王侯自稱之政,梁惠王曰:「寡人之於國也,盡心焉耳

● 「朝」,原誤作「明」,今從沈校據《國語》改。

叔。 也。 民言 更 或 稚 是也。」然則此言「盡心焉爾」者猶云「盡心於是」矣。 注 寡,人君之謙稱 河 荒 强國,兼 亦 IXI 隱公二年《公羊傳》云: 記 移民移粟,皆是利 河 封 東。 年。 ・三年 也 「焉耳者懇至之辭」〇正義曰:「焉耳」當作「焉爾」。 然 則 東郡安邑、魏絳自魏 至十 詩 1,自稱 衛於河 君守》篇云: 移 又云: 注 亦 移 風 注 六世懿公亡道,爲 ,然,則移河東之壯者於河内,而移河内之粟於河 民之壯者就食於河東,移河東之粟以 得 其 問》云: 魏 故 日 粼 南曹楚邱,而 河 言凶 民 云 舊」至 「河内本殷之舊 内 也。」〇 於河 人。」 也。 「君名孤 百姓之事,故知「盡心 後爲强國 年 「然則 衛國是也。 内 以 注 東,移其粟 注「言寡」至「百姓」〇正義曰: 也 ( ) 「託始焉爾。」何休注 疏 此 徙此,至 何 |河内殷墟更屬於晉。]魏分晉。 三 云 : 以三 第而 救 「河内」至「亦然」〇正義曰: 狄 兼得 「謙 所 民 都,周既滅殷,分其畿 正 不可 年 義日 滅。 周公誅之,盡以其 一惠王 也。 也。 也? 河 内。 `障壅。」 高誘 齊桓 徙大梁也。」是魏舊在 於河 魏 於臣 」指「欲利百姓 曰 : 漢書 舊 閻氏若璩 公帥 亦然。」《 在 云: 内, 加 河東 諸 賑河内之老 隆 地 「馬爾猶 注云: 侯伐 八地封 馬 河 理 四四 内 爾 吕 後 東 河 志 下言 則 書 狄 弟 爲 N 也。 氏 《禮 孤 内 M 河 謂 爲 東 於 0 春 耐 康

事

何

聞

而

不

·諭?」顏師古云:「諭謂曉解之。」諭

與

喻

無忌曰 地又續 少。 長補 縣; 0 注因王好 而 疏注「王自 國之民不加 注言鄰國之君用心憂民無如己也。 幾將二千里。 水攻則滅大梁。」是也。 梁之河北、 Ŧī. 「謂河南地。」是也。 表》「魏 王自怪爲政有此惠而 ○正義曰: 年: 正 益 梁亦有河外、蘇秦傳》「大王之地、北有河外」, 鄰國之民歸附於我,則鄰之民少而益增其少,我之民多 義 增 短算耳。」察鄰國之政, 入河 **※**云: 日 其多矣。 「賂秦伯以 河南地。 『所亡於秦者,河外、河内。』是也。 戰,故以 「用心」即「盡心」,「憂民」即 「梁河 至「何 廣 西地於秦」是也; 蘇秦曰:「魏地方千里。」蓋從長而 雅 少,寡人之民不加 孟 也 河外列城 東,今之安邑等縣; 蘇代曰:『秦正告魏,我陸 河東、西亦謂之河 釋言》云: 子 戰 Ö 對 然則梁之地,自 事 正 民 曰 : 喻 義 人不增多於鄰國者, 五,内及解梁城。』《魏世 日 : 解 「喻,曉 梁 無 王 河内, 王 加多 如寡 意。 好 也。」《漢書 是增 河西逶 内、外。《左傳》僖十 梁亦 戰, 今之河 多 「欲利 疏 疏 人 多,則 注 之用 有 何 至河内、 請 注「用心憂民 迤 攻 河 百 内 喻 》翼奉 以 也?」注 一而 則 横不足,絶 姓 加 解 何 心 擊 至 戰 注云: 濟 少 外,則 Ŧ. 河 河 也 是增 六 上 喻 意 内 鄰 南 封 或

退。 以笑百步者否」、《音義》出「者不」,是舊作「不」。不、否字通 既即已也,接即交也。 也。 聞金矣。」杜預注云:「鼓以進軍,金以退軍。」亦本《荀子》 《公羊傳》云:「實石記聞,聞其磌然。」填然亦磌然也。 之貌。」聲之滿足爲填填,猶貌之滿足爲填填。僖公十六年 注 甲曳兵而走五十步而止,足以笑百步止者不? 通。 棄甲挖兵,是奔敗也,故云「其負者」。 之1,從支從壴。攴音撲。」○注「今有」至「者不」○正義曰: 仲《字鑑》云:「鼓、《説文》從壴,從支持之支。《五經文字》 進,聞金聲而退。」哀公十一年《左傳》云:「吾聞鼓而已,不 辭•九歌》云:「靁填填兮雨冥冥。」 鼓聲之滿盛猶雷聲 百 百 云:「作皷、非。」鼓、《説文》:「擊鼓也。」《孟子》「填然鼓 云「兵以鼓進,以金退」者,《荀子·議兵》篇云: 〈荀子・非十二子》云「填填然」,楊倞注云:「填填然,滿足 「填鼓」至「金退」○正義曰:《説文》土部云:「填,塞也。」 步 步而後止,或五十步 此兵刃交接之時,鼓聲督戰,故填填充塞而盛也。 填然鼓之,兵刃既接,棄甲曳兵而走,或 孟子問王曰:今有戰者,兵刃已交,其負者 ,則何如?」注填,鼓音也。 趙氏以「已交」解「既接」。曳,抡也。 而後止 閩、監、毛三本作「足 兵以鼓進,以 ,以五十步 「聞鼓聲 李文 《楚 也。 疏 笑 棄 金 丽

也。 者乎? 也。 本「穀」作「粟」,無「以」字。 與云「某某曰」者爲異。又有云「某某言」、「某某問」,亦猶 之稱「樂正子曰」、「丑曰」、「薛君曰」、「大夫曰」、「賈曰」、「相 與鄰國同,而猶望民之多,何異於以五十步笑百 之政猶此也。 書》「直」作「特」。」曰:「王如知此,則無望民之多 謂争衡其輕重也。 疏注「不足」至「步耳」○正義曰:「不足以相笑」解「不可」。 王曰: 不足以相笑也。 日」、「萬章曰」、「告子曰」、「公都子曰」、「牼曰」、「白圭曰」、 曰」、「周霄曰」、「彭更曰」、「不勝曰」、「匡章曰」、「髡曰」、「克 於鄰國也。注孟子曰:王如知此不足以相笑,王 「曰」字,必實指何人曰,如前云「王曰」,此云「孟子曰」。 「是人」解「是」字,指五十步而止之人。 云「直争不百步」者 某某曰」也。 高子曰」皆然。 直、特古同聲。《史記・叔孫通傳》云「吾直戲耳」、《漢 曰:「不可。 疏注「孟子曰」○正義曰:趙氏凡於經文但 ○注「王雖」至「者乎」○正義曰: 惟云「某某以爲」、「某某以」者,原其意恉 王雖有移民轉穀之善政,其好戰殘 王氏引之《經傳釋詞》云:「直猶特也,但 直不百步耳,是亦走也。」 是人俱走,直争不百步耳。 閩、監、毛三 北 民 推 稱

不違農時,穀不可勝食也, 建從此以下,

爲 不 魚之網也。」《釋文》云: 正 罟,密網 秋。」數罟不 則 秦」、《穀梁傳》云: 時。」趙氏云「三時」者、《春 命、各圖恢擴 孟 道已亢,故孔子作《春 日 數,七欲反,又所 謂其三時不害 荀子・王制 義曰:《毛詩・ · 得 子時七國雄據其 有 Ŧ Ŧī. 與 胡 驅 用。 陳 穀 氏煦 制 、孔子非有異也。」○注「使民得三時務農」○正 庶人不數罟,罟 王 饒 也。 同 魚不 道 穰 儕 (篝燈約旨)公: 》篇云: 也。 不 故 密 人 決裂臣道,渺 而 滿尺不 可 豳風》「九罭之魚」,傳云:「九罭,緩罟,小 孟子遊齊、梁説以王道,所 洿 細之網 民和年豐也。」杜 角 不正 地 使民 勝 反。 以 池 强 秋》, 食。 「緵又作總。」《小雅》「魚麗于罶」,毛 必 春耕、 · 得 悍 得 一罷民三時。」桓公六年《左傳》云: 陳 所以 四寸然後人澤梁。」《釋文》云: 魚鼈 秋》 :自用, 寓意於尊周,所以維 食 氏 視周君之意。 「春秋時五 疏 云: 、夏耘、 時 注 莊公三十一 捕 君道 不 疏 務農,不違 「爲 小 「數,細也。」」孔氏正 預注云:「三時、春、夏、 、秋收、 注 可 魚鼈者 王 亦已不振 「數罟」 霸迭興、臣强君 勝 陳 是君權 王 冬藏,四 年「秋,築臺干 食 以 道 至 也, 維 奪 也 也〇〇 持臣道 而 持 其 临將替 一得 故禁之 ; 草菅人 者 君道 義 要 用 注數 不失 一而臣 日 正 時 也。 弱, Ö 義 而 義

三年,巫 曰 : 部云: 良曰 不欲人取小魚。」《淮南子·主術訓》云: 云: 得食」〇正義曰: 記 也。 云: 促。 也。 數罟也,今俗猶以細密者爲「絲網 繳 是 襦 按: 云 굸 越以鬷邁」,毛傳云: 不能絓 明非 <u>\tilde{\</u> · 詩 「古者魚不尺不升於俎。 「宓子不欲 「數,不疏。」不疏是密也。 「鬷,總 例。』《韓非子• 聚束即促 文公十六年《左傳》云 集本「總」作「緵」、依 庶人不總罟,謂罟目 「繁,生絲縷也。」蓋以生絲縷作網則其目小,繳網即 「鳥獸魚鼈不中殺不食,故繳網不入於澤。」《説文》糸 「《周禮》言『羅襦』猶《孟子》言『數罟』。 馬 蜡則不用羅 也。」是繳所以取小魚。 召南》「素絲五總」,毛傳云: 旗 也。」 往 速,促束即 觀 人之取 一般、緩 《吕氏春秋 化。 襦矣。 説林》云: 「鬷,數也。」《商頌》「鬷假 見 同 小魚 夜漁者得則舍之, 巫馬旗 趨數 聲, 《爾雅》,定本作『數』,義 不 「無日不數於六卿之門」, 《周 也, · 具備》篇云:「宓子賤治 . 得 宓子 緵、總、數 也。 禮 「君聞大魚乎? 總之使小,言 《説文》糸部 所 《鹽鐵論 」是也。 體聖人之化爲盡 影取 舍者 倪氏思寬《二 禽、孟子 三字 「魚不長尺不得 小 總 ○注 魚 散不足》篇 同。 數 云: 使 也。」 「魚不滿 》取 無言 也。」《陳 小 網不能 蜡 初 「總,聚 趨 魚 俱 魚 類 問 高 則 齋 數 杜 通 不 也 焉 誘 ! 亶父 尺不 其 也。」 作 讀 預 即 毛 得 故故 風 止 注 對 腎 實 束 傳 羅 書 注 迫 過

恨也。

民

所

用

者足,故

無恨。

疏

注

憾恨也」〇正義

注憾,

木不可勝用,是使民養生喪死無憾也,

日:

《論

語》版之而

無憾」孔氏注、《淮南子

本經訓

》高

誘

用 食; 餘。 用 之長,且以并農力,執成男女之功。 不登斧斤以成草木之長,夏三月,川澤不入網罟以成 有 而百姓有餘用 食也,網罟、毒藥不入澤,洿池淵沼 耕、夏耘、秋收、冬藏,四者不失時,故五穀不絶而百姓有餘 「《鹽鐵論・ 古者草木不折不操斧斤,不入山林。」 翟 歲不期年不得食。」 斧斤以時入山 「草木零落然後入山林。」《毛詩 ·太平而後,微物衆多,取之有時,用之有道,則物莫不多矣。 餘材也。』《逸周書 也。 佃魚以時,魚肉不可勝食。」《荀子・王制 蠶麻以時,布帛不可勝衣也,斧斤以時入,材木不可勝 疏注「時謂」至「有餘」○正義曰:《禮記 、荀之言並 注 通有》章引《孟子》曰"「不違農時,穀不可勝 時,謂草木零落之時。 也, 斬伐養長,不失其時,故山林不童 本如 ·大聚解》云:「禹之禁:春三月, 此。」穀與 ·小雅》「魚麗于罶」,傳云: 魚鼈 , 謹其時禁, 故魚鼈優多 夫然則有生而不失其 林、材木不 使林木茂暢 不可勝 氏灝《考異》云: 王制》云: 》篇云:「春 食,材 而 , 故 可 魚鼈 山林 百姓 勝 有

王道先得民心,民心無恨,故言「王道之始」。注皆如此訓。養生喪死無憾,王道之始也。注

矣。 「四民勿使雜 邑之二畝半以國城當之,則大謬不然。 分受公田之二十畝,各得二畝半作廬居也,此易曉也, 畝,又受公田十畝,廬舍二畝半。」謂 廬井二畝半在公田 間之廬也,又云「在邑曰里」,則「邑居」者里邑之居也。 半」,何解? 則畢入於邑。一趙氏所本也。 是爲八百八十晦,餘二十晦以爲廬舍。 井方一里,是爲九夫。 云:「六尺爲步,步百爲晦,晦百爲夫,夫三爲屋,屋三爲 半,故爲五畝 矣,注廬井、邑居各二畝半以爲宅,冬入保城二畝 「「廬井、邑居各二畝半」,則已五畝,又云「冬入保城二畝 》:「里,邑也。」鄭 疏注「廬井」至「畝 「五畝之宅樹之以桑,五十者可以 《漢書・食貨志》云「在野曰廬」,則「廬井」者井 處: 也。 處工就官府,處商就 中, 康 樹桑牆下。 八家共之,各受私田百晦、公田 成稱「里居」與 也」〇正 名廬舍。 毛氏奇齡《四書 義曰:《漢書 古者 何休云:「一夫受田 一夫受田 趙稱 | 邑居 市井,處 春令民畢出在壄,冬 《管子 ・内政 年五 賸 一百十畝,又 農就 言補 + 並 食 乃 同。 田 ž 一十晦 貨志 衣 衣 野。 至 《爾 帛 帛 在 百 蓋

民 未 當 昭 語 居」,又名「邑居」。」倪氏 四 井邑」,不問 口 所 城中宅也。」而鄭康成即 有「國宅無征,園廛二十而一」之文,鄭司農注云: 如《周禮》『夫一 有「冬人保城」之説,或係 邑者則農不得 諸 外,如公邑、家邑、邱邑、 而 亦 注 治 -在邑只 所宅必是平原可居之地 免於率。」周 以農民園 (者亦置里居,事 :井邑中亦惟無城者可處農民,若有城如費邑、 井爲邑, 韋 昭 指 者,又名國廛。」與園 尹 小 井邑中 謂 、鐸請於趙簡子曰:「以爲繭絲乎,抑爲保鄣乎?」章 在井邑,與國邑無涉。 或 ,城日 則必 有城與 廛 都 氏 ·小城言之。 溷當之官吏之國宅乎? 保。」引 廛」鄭康 城郭之域惟 邑 柄 未可知。 中 八無城並 管子與韋氏之言稍可據。 中 有 **辨** 禮 里 都邑,類凡所屬井地皆可置宅,然且 云 成 完、園廛農民所居者正相分别,安 思寬《二初齋讀書 正 若既無城,何云『人保』? 記 居 得 所謂 衍文,或有脱簡, 士工 别 若在國城 『國宅者,凡官所有之宫室與吏 入保。 可 遇 以 爲保守之地 蓋古王 商 「城邑之居」者 五. 入保者以 「季彭 而已,農不與焉」,則 一畝爲 此 則 舉近地井里而言。 則此 量地制邑,其 Ш 《周禮 爲證。 處,不占公田 讀 且或原 然而 故 一畝半當云『在 記》云: 禮 則或 邱邑所稱 其居名『里 載師氏 疑 國宅, 然則 趙 圖 有師 毛氏説 在國邑 る諸邑 分別卿 言 || || || || 趙 一畝 承。 取 训 農 注 如 國 有 乃 都

日: 遷之區一 尤明。 廬,在 寄也。 倍 二畝半」,以 二畝半,要其意同 之居。」《載師》「以廛里任國中之地」,後鄭云:「廛里者 下「廛」義互相足。 半,凡爲田一 굸: 養老者也; 數言,則有十室之邑、千室之邑,非必都邑然後爲邑 於便農功邇 今云邑居。 五年《公羊傳》注云: 亦豈可寓農民哉? 『于時廬旅』、毛傳云:「廬、寄也。」《小雅》「中田 遂人》「夫一 八家以上 任氏大椿 「中田、田中也。 邑日 里即 秋冬去,春夏居。』『廛,二畝半也,一 而已。」段氏玉裁《説文解字 里。 國中之廛,市 廛 廛也。 ,各隨便宜, 饋 錯見互足。」〇注 廛」, 先鄭云: 頃十二畝半。 深, 民 春夏出 餉 也。 居 去田 衣釋例》云: 《詩 在野日 農民之宅,鄉里也 之區 農人作廬焉以便其田事。』《春秋 『一夫受田百畝,公田十畝,廬 許 田 亦 聚爲 廛也,但爲 伐檀》毛傳云: 不宜 域 於「廬」不曰「二畝半」,於「廛 , 秋冬入保城郭。] 廬,在邑日 廛, 八家而九頃,共爲一井。 也; 一邑、置堡 遠。 「古者年 《大司 里,居 居也。』後鄭云: 其 注 士 廛 所聚居 \*\frac{\times}{\times} 五 旅 也。」毛、鄭 即 即 徒》「六 以相 ,皆二畝半 「一夫之居 寄 + 家之居。』《大雅 制里以導 ·乃衣 一按,許 居之所、 「《説文》: 守 或 望。 日 帛 止 皆 廛 有廬」、箋 廬 同 也 八 Ō 舍二 Ι. 未 日 在 其 而 故 衣 家 》宣 明 城 廛 廬 正 趙 義 田 商 妻 都 服 若 日 言 邑 注 與 日 畝 + 林 子 成 或 邑

티 :

禮

記

· 王

也。

七十不食肉不飽。

失

其

、時,七十者可

以

帛。

然則不蠶

雖

五十不得衣帛,蠶而未五十

路

矣。

脩教

者

也

帛』,疏引《孟子》曰:

刑

餘、戮

民並不得攝盛矣。

《周禮

人之服,言其常服皆布也,

則

庶人布深衣

其常也。

其

(餘則麻枲而已

),故命

Ė

布

衣。二雞

豚

乘墨車,攝盛。1蓋士庶人往往有攝盛之事。 鄭注深衣爲 衣。」《深衣》注:「庶人吉服深衣。」《管子・立政》篇 衣布帛。」然則命民亦得衣文,不命之民亦 |制》云:「五十始衰,六十非肉不飽,七十非 「五十可以衣帛。」以不蠶,故身不得衣 「散民不敢服采,刑餘 《鹽鐵論》:「古者庶人耄老而後 食肉矣; 注言孕字不失 若行盛禮,或當攝盛,則衣絲也。 疏注「七十不食肉不飽」〇正 未有命者不得衣,不得乘。 今考《士昏禮》注: 間師》「凡庶民不蠶者不 《尚書大傳》: 又《繁露 民可 狗彘之畜 ※注: 亦不 戮民不敢 以服絲 「麻衣,白 得 士 一命 度 衣帛。 得 庶 制 矣。 時 無 義 衣 庶 衣 人 民 服 而 也。 壯者代老,心各安之,故 下文「黎民不飢不寒」,毛本正作「飢」。 不可 化,申重孝悌之義。 注庠序者,教化之宫也。 可以 畝之宅,樹之以桑麻。」古人引經不拘,往 以食雞豚」,蓋撮《孟子》之文。 十則非帛不煖矣。《詩・無羊》正義引《孟子》曰「七十者 帛不煖。」此云「七十不食肉不飽」者,六十宿肉 經文有作此本也。 矣,至七十益可知,五十可以衣帛,或不衣帛尚可爱! 「宮謂之室,室謂之宮。」劉熙《釋名 申之以孝悌之義,頒白者 矣」○正義曰:監本、毛本作「無饑」。 食多少各有差,故總言「數口之家」也 飢餓之字當作飢,饑乃饑饉字。 以 **航注「庠序」至「之義」○正義曰:** 無飢矣; 注一夫一 徭役奪其時功,則家給 百畝之田勿奪 頒者,班也, 日 殷曰 |「頒白 婦耕耨 如《遂人》注引《孟子》:「五 此經當以「飢」爲正。」按" 人足。 1序,周 不 · 釋宮室》云: 阮氏元《校勘記》云: 頭半 者 負 其 《爾 百 謹 往增 不 戴 時 的。 農 日 雅 負 白 庠 於 ,數口之家 庠。 夫上 疏 損,非《孟 戴 班 已非 道 序之教 百畝 釋官》云: 可 於道 班 謹 中

帛,與

注「庶人白布深衣」異説。

墨車單馬

得乘飾

車軿馬

,衣文軿錦。

絲。」然則散

民

不

敢服采耳,絲得

服

也。

「古者庶人衣縵。」縵,無文帛也。

秋繁露

服制

》篇:

布深

注

民

雖有富者,衣服不得

獨異。」

按

発

記

肉

不

飽

云

刑

餘戮民,不敢服絲。」然則非

刑

餘戮

以無

下

所

之田

子》

可

之宫」。 色也。 也。 也,以 然者也」。 廖本、韓本「者」上並有「然」字。 班 之,故云「謹脩教化」。「申,重」、《爾雅 白 以 謂戴於首。《漢書 義》云:「斑白者不以其任行乎道路。」注云:「斑白者,髮 分,斑白不提挈。」注云: 也。]其引申之義也。」《禮記・王制》云: 之「頒」。 志》「卑水縣」孟康音「斑」。 斑 須髮半白也。」此《孟子》「頒白」之正字也。 作「斑」,非也。」段氏玉裁《説文解字注》云:「《説文》:「罩, 者」至「路也」○正義曰:阮氏元《挍勘記》云:「「頭半白班 手。 [者不負戴也。]周氏廣業《古注考》云:「宋本作『故斑 也,頭半白斑斑者也。」「卑」與「斑」雙聲,是以《漢・ 者也」,閩 屋 盆盛物戴於頭者則以窶數薦之。」此戴之謂也。 頒白之老 任,所擔持也。 見於垣上,穹隆然也。」凡有屋皆通稱宫,故云「教化 教化 (藉田 以「斑」爲「班」,古字假借。 監、毛三本同。 不脩 賦》「士女頒斌」, 則 身俱宜安佚 東 弛廢。 不以任,少者代之。」負謂負於背, 方朔 「皆謂以與少者。 蓋古「罩」讀如「斑」,故亦假大頭 謹,嚴 傳 宋本「白」下有「曰」字。 ,可互見矣。 顏 孔本作「頭半白曰頒,斑斑 李注: 也。 師 古 毛本、孔本、韓本「班」 釋詁》文。 振 注 「道路輕任并,重 「頒 起其 \(\frac{1}{2}\) 趙注云:「頒者・ 雜色曰斑。」《祭 毛本作: 斌相 「窶藪 廢 弛 ○注 雜 而 岳本、 戴器 提挈 之貌 故 地 謹 頒 白 頒 戴 雜 任 理 嚴

> 也。 者」。」七十者衣帛食肉、黎民不飢 民皆歸附於梁,何 義曰:《詩• 字皆與此同義。 子之勇未知其孰賢,然而孟 之轉也。 今人用「然而」二字則與此異義矣。」○注 以王天下,有率土之民,何但望 行,積之可以致王 不王者,未之有也。 ·然而不王者」〇正義曰: 王氏引之《經傳釋詞 《梁惠王》篇「然而不王者、未之有 然而者,亦詞之轉也。 小雅 然而者,詞之承上而轉者也,猶言『如是而 止鄰國 北 也。 Щ ₩: 孟子欲 注言百姓 施舍守約 「率土之濱,莫非王臣。」天下之 《孟子・公孫丑》篇: 以 民 也。」今人用「然而」二 風 老 也」,謂 多於 「有率土之民」〇正 王 稚 何 温 不 「如是 鄰 \*\frac{\times}{\times}: 不 飽 寒, 國? 行 · 禮 而」也 此 夫二 然 疏 可 而 脩

書 以 梅。」莩,零落也。 檢斂也。 知發,注言人君但養犬彘使食人食,而 用 食貨志》贊云: 振救之也。 狗 塗,道 彘 食 人 也。 「《孟子》亦非狗彘食人之食不知斂,野 疏 道 食 注 路 餓 而 之傍 「言人」至 死 不 者曰 知 有 檢, | 莩。 餓 斂 死 塗 也一〇 者,不 詩 有 **∀** ⊟: 不 Œ 餓 ·知以 知 莩 日 發 而 倉 莩 法 《漢 有 不 廩 度

法當發之。」此皆用《管子》以明《孟子》。

檢

丽

義

同

於應,則

與管、

班

不合。

閻氏若璩《釋地三

續 釋

趙氏雖以

斂

彘食人食,粒米狼戾之歲也,法當斂之,塗有餓莩,凶歲也, 「《孟子》「狗彘食人食而不知檢」,「檢」字 重。」《食貨志》贊既引《孟子》,即 也。」此「斂」、「發」正用《孟子》,則斂指豐年 則糴二,下孰則糴一,使民適足,賈平則止。 石,中孰自三餘三百石,下孰自倍餘百石。 孰,菽粟饒多,狗彘食人之食,此時可斂之也。」趙氏 以法度斂之也。」顏師古云:「《孟子》,孟軻之書。 力之教,云糴甚貴傷民,甚賤傷農。 善平糴者必謹觀歲有上中下孰,上孰其收自四 《孟子》與管、李之義同也。 師古不從者、《食貨志》云: 則發中孰之所斂,大飢則發大孰之所 糴不貴而 故大孰則上糴三 民。 「養狗彘者使食人之食,而不 市糶無與而狗彘食人食 承云管氏之輕重、李悝之平 故人君斂之以輕,散之以 民不散,取有餘 羅大經《鶴林玉露》云: 民傷則離散,農 「李悝爲魏文侯作 一本作「斂」,蓋 -,發指 小 小飢則 而舍一,①中孰 飢 則收百 X 以 歲。 發小 餘四 之義 言 補 斂 傷 歲 歲 不 而 則 盡 《管 石 狗 適 百 國 同 曹 知 足 糶 孰 地 孔氏云: 戾, 云 音頻小反。 落者,不知發倉廩貸之也。」此注頗與趙 鄭氏云: 以塗爲道。 道 云「犬彘厭人之食而不知檢」, 心,惑矣。」閩、監、毛三本「犬彘」作 民無菜色」者,用此道也。 歲則斂之於官,凶歲則糶之於民、《記》所謂「雖遇凶旱水 也。」錢氏大昕《養新録》則從《漢書》之説云:「發斂之法、 章「庖有肥肉」意,謂厚斂於民以養禽獸者耳,不必泥班 「餓落」。 零、 「 受,物落上下相付也。 摽,落也。」《爾雅 」至「之也」○正義曰: 「古雖豐穰、未有以人食予狗彘者。 落,皆墜也。」人生則縱立,死則横墜。 遇凶歉,食廩空虚,不得已爲移民移粟之計 《楚辭 「芰音「蔈有梅」之「蔈」。 芰,零落也。 「塗,道也。」高誘注 《漢書・ 諸書或作「殍」字、音義 離騷》「惟草木之零落兮」,王逸注 釋詁》云: 食貨志》贊引《孟子》「莩」作「芟」, 讀若《詩 《論語 惠王不修發斂之制 日 「落,死也。」然則 蓋用 陽貨》篇 氏 》「標有梅」。」《毛詩》傳云: 春 亦同。」《説文》受部云: 「狗彘」。 注以參經 秋》、王逸注 同。 狗

子•

或

| 蓄》篇云: 羅釜十雖

「歲適美則 道有餓

之所斂,中

飢

故 **企雖遇** 

飢饉

水旱,

中飢七十石,大飢三十石。

凶

則

市

而

作,固以

於應氏。

有餓莩而

: 弗知發。」應劭

Z

彘

食人食」即

下

《志

豐

0 則」,原誤作「以」,今據經解本改。

方其行於道,尚

「餓荽」猶云

注

引

《楚辭

皆

顔

師古云: 人有餓死

「荳

「遇諸塗」、《集

解

文。

0

注

塗

《陸宣公奏議

,自以爲

盡

豐歲

任

其

溢

īĒ.

也? 能 此兵也,「踊躍用兵」,用此兵也, 武《日 我殺之,歲殺之也,此何以異於用兵殺人,而 本、韓本「賑」作「振」,閩、監、毛三本「用」作「周」。 公著云: 【《莩有梅》、《韓 詩》「摽」字正「孚」之假借。 秦漢以下始謂執兵之人爲兵,五經 法》云: 「弓矢圍, 殳矛守, 戈戟助。」是也。 二殳,三矛,四戈,五戟。』《周禮 也,兵自殺之也 也」,是何 古之「賑」字,作「賑」者非。」人死則曰『非我 「「以用賑救之也」,廖本、《考文》古本、足利本同。 「天生五材,誰 詩 莩」字,又以 縱 》以明莩字本義 立,以 知録》云:「古之言兵非今日之兵,謂 注人死謂 餓 而横 異 「莩」爲零落之名,因連「餓」字乃爲餓死,故引 能去兵」。 於 墜於地、故云「餓莩」。 也。 刺 餓 疏注 人而 疫 段氏玉裁《説文解字注》云: 《世本》:「蚩尤以 詩》也。」」阮氏元《校勘 《孟子》作『莩』者,芰之字誤。 死 「用兵殺人」〇正義曰: 者也。 殺之,日『非 •司右》「五兵」,注引《司馬 「無以鑄兵」,鑄此兵 無此語也。 王政 趙 既以 「詰爾戎兵」,詰 使然, 金作兵 五兵也。 以執兵之人 我 一餓死 按「振」 記 也, 宋本、孔 而 也, 日 顧 者 非 日 故曰 |《毛 氏 弓, 也。 兵 即 歲 我 丁 釋 非 炎

> 也,故以致明至。 下之民皆可 民至焉。」注 致 戒王無歸 也。 疏注 罪 「皆可 於歲,責己 致也」○正 而 義 改行 日 致 則 天

窮,則斯民 送死之用備足,然後導之以 國 語 章指: 言王化之本,在於使民。 晉語 **※**云: 集矣。 「禮賓矜窮,禮之宗也。」 疏「導之」至「矜窮」○正 禮 義,責 義日 養 矜 生

日 : : 本經、 日 : 「 以 銚利兵。」高誘注云:「梃,杖也。」阮氏 義曰:《吕氏春秋• 承受孟子之教令。 刃,有以異乎?」注挺,杖也。 刃 注 梁惠 無 與 無 並 政, 以 以異也。」注王復曰: 作「挺」。 王曰: 異 有以 也。」注 簡選》篇云: 按,《音 異乎?」注 寡 孟 子 人 日 義 對 願 「鋤耰白梃,可 安承教。」注 云 曰:「殺 梃 從 政 孟 刃 疏注「梃杖也」() 元《校勘 木, 子 殺 殺 人 欲 則 人 人以 無 以 閩 無 記 以 本 以 勝 政 以 願 誤 人之長 異 喻 異 梃 安 也。」 也。 丢。 也 閩 與 意 正

爲兵,猶之以被甲之人爲甲。」王無

罪

歲,斯天下之

仲

而

俑

肉

乃率 餓莩。 箴》云:「孟子蓋 人,非真使禽獸食人也。 食養百姓,故民之生者有飢色,其死者芟於野,不異率獸 此借《孟子》語疏而爲言。」乃吉言犬豬所食,則是實有獸 有」至「母也」〇正義曰: 爲率禽獸以 食粟,苦其太肥。 王吉傳》:「今民大饑而 也? 「庖有 用之也。 尼曰:『始作俑者 國 行政,不免於率獸而食人,惡在,其爲民父 揆趙氏義,蓋以人君以人之食養禽獸 禽燬 有飢民 人也,用之送死。 此率獸 食人,安在,其爲民父母之道也? 注虎狼食禽獸,人猶尚惡視之,牧民爲 食 肥 廐有肥馬,路有餧人。」《古文苑》揚雄《太僕 如之何其使斯 人也 悪 肉, 王者受命於天,爲民父母,固當若是乎?』 夫戚 而 食 廐 死,死又不葬,爲犬豬所食; 《鹽 有 毛氏奇龄《四書賸言》云: 潤 X 有 i, 其 仲尼重人類,謂 肥 相 鐵論 肥 也 馬 食且人惡之,爲民 無 而野 馬,民有 後 民 注孟子言人君 袁 有 飢 乎 池》章云:「厨 餓 !」爲其象人 而 ,故禽獸肥; 殕。」皆同 飢 死也?」注 秦穆公時 色, 「《漢 而廐 疏 庖 野有 趙 如 不以 有 義。 父 以 政 此 腐 食 食 馬 馬。 人其 人」者,謂爲其象人之轉動跳踊也。

母

母

日

三良殉 轉動,象生人。 爲俑者不仁,非作象人者,不殆於用生乎?」後鄭不用先 爲俑者不仁,不殆於用人乎哉?」注 《説文》人部云:「偶,桐人也。」《淮南子 以俑與芻人異。 司農云:「象人,謂以芻爲人。」玄謂孔子謂爲芻靈者善, 以偶人而孔子歎。」高誘注云: 子陳此以教王愛民。 人。』《周禮 人」疑是「相人」之誤。 人」即俑之名也,孟子言爲其象人,則所以名象人之故 , 埤蒼》云:「俑, 木人送葬, 設關 説文》人部云: 塗車芻靈,自古有之,明器之道也。 俑」爲「踊」之假借,以其能跳 謂之靈者,神之類。 無 後 葬 嗣 ·春官·冢人》「及葬,言鸞車 本由有作俑 乎? 以其象生人,故即名「象人」。 「俑,痛也。」足部云:「踊 蓋以芻爲人,但形似而 如 相人即 之何 者也。 疏注「俑偶」至「 俑,偶人也。 其 象人也。 踊 「偶人,相人也。」《説文》「桐 使 而 夫惡其始造,故 ·斯名爲「俑」,則爲其「象 此 能 《春秋》僖公十九年: 孔子謂爲芻靈者善, 云:「芻靈,束茅 跳 民 有 《禮記 不能 「送死」() 俑,故名之。」然則 ·象人」,注 面目機發,似於 ,跳也。」《廣韻 飢 繆 而 轉動; 稱 「冢人」之「象 訓》云: 死 檀弓》云: Ē 邪 \( \text{Z} \) 日 俑 則 爲 日 魯 鄭 影 也 此 孟 能 謂 牛 人

於作俑 閩 風 事不用大牲,而況敢用人乎?」此用生人,故《春秋》惡之。 用之社也。」《左傳》司馬子魚曰:「古者六畜不相爲用。 以況使斯民飢死之意也。 之飢而死,其爲無後,更當何如? 蓋謂木偶但象人耳,用之,孔子尚歎其無後,況真是人而使 氏之三子奄息、仲行、鍼虎爲殉。」是其事也。 推孟子之意, 於以生人爲殉 云:「魯以俑人葬而孔子歎,見其所始即知其所終。」終謂至 用 象人而用之送葬,雖非生人,其用之云者,猶執鄫子用之之 「己酉,邾 俑 云:「《音義》出『夫惡』,山井鼎《考文》云:『古本「本由有作 也。 [者也]下有「夫」字。]以「夫」字屬上讀 邪」。毛本作『愛其民也』。」 監、毛三本無「夫」字、「邪」作「也」。 黄鳥》篇。 ○注「謂秦」至「者也」○正義曰:《文子・微明》篇 ,終至用生人爲殉,此孔子歎「無後」之意,非孟子引 婁人執鄫子,用之。」《公羊傳》云:「惡乎用之? 也,故趙氏引三良殉 文公六年《左傳》云"「秦伯任好卒,以 ○注「夫惡」至「愛民」○正義曰: 趙氏推孔子之意,以其始 死 事。 非也。 阮氏元《校 事見《詩 《音義》出 勘 子車 記 小 秦

政殺人,人君之咎。猶以白刃,疾之甚也。 章指:言王者爲政之道,生民爲首。以

齊救趙敗魏者,桂陵之役,

救韓敗魏者,馬陵之役。《魏世

於楚。 年,魏伐趙,趙告急齊,齊宣王用孫子計,救趙擊魏。 救趙,敗魏桂陵。二十八年,齊威王卒,中 圍趙邯鄲。 敗」至「死焉」○正義曰:《史記 則可? 敗於齊,長子死焉,西喪地於秦七百里,南 所以强也」,是當時稱魏爲「晉國」。及寡人之身,東 楚策》張子曰「王無求於晉國乎」、《魏策》王鍾云「此晉國之 世家》云:「宣王六年,三晉益大,魏惠王尤强。」《戰國 於諸侯。 義曰:《史記·六國表》云: 惠王言「晉國天下 知 、師,使龐涓將而令太子申爲上將軍,與齊人戰,敗於馬陵。 虜魏太子申 也。 梁惠王曰:「晉國天下莫强焉,叟之所 終之,卒分晉。 **注**韓、魏、趙本晉六卿,當 」注王念有此三耻,求策謀於孟子。 寡人耻之,願 十八年,拔邯鄲。 ,殺將軍涓,軍遂大破。」周氏柄中《辨正 强」也。 量秦之兵,不如三晉之强也。」《楚 比 「六卿擅 趙請救於齊,齊使田忌 疏 死 •魏世家》:「惠王十七年 者壹洒之,如之 注 晉權,征 「韓魏」至 此 時 Ш 號「三晉」,故 君 伐會盟 相 「强也」〇正 魏。 魏遂大 疏「東 三十 孫臏 威 策 何 唇 重

趙 周 曩

也

惟其

(在桂

此《孟子》經文之明注

也。

然則

**魏** 

(顯王之二十八年,又令太子申爲上將軍以伐

伐魏,敗魏桂陵。 之。」按周顯王十

惠王初

《者邯鄲垂拔,中北於齊,固

無時不圖報復。

樂飲

異

解

經證之。

而戰之,大敗,將復之。

·五年,魏圍

超

邯鄲。

+

此 齊

此 又 與 前 I 摭 餘

《策》不

同。

戰國時紀載之異如

録》云:「梁惠王

死焉。」此

,經文也

然

《魏世

田

齊世家》云:「魏伐趙,趙與韓親,共擊魏。

柱,建九斿,從七星之旗。

此天子之位也

楚怒,諸侯奔齊。

服

然後圖齊、楚。

諸侯朝天子以西謀秦。

土千里

,帶甲三十六萬,恃其强而

家

《》俱以

爲救

趙

與《國

策

》異;

而

《孫

臏

自

相矛盾矣。

又《國策》「蘇代説

齊閔王』篇曰:

救於齊。」《孫子列傳》云:「魏與趙攻韓,韓告急於齊。」史載 《孟子》曰:「梁惠王以土地之故,糜爛其 魏王悦於衛鞅之言,故身廣公宫,制丹衣 齊人伐魏,殺其太子,覆其十萬之軍。」 曰:「及寡人之身,東敗於齊,長子 立即與二家不和,後遂相 恐不能勝,故驅其所愛子弟以 秦王用衛鞅之謀,說魏王先行王 |陵之敗之後也,故曰「大敗將復 家》云"「魏伐趙、趙告急齊。」 【拔邯鄲,西圍定陽,又從 六年,邯鄲降 傳》又以爲救 世家》魏伐趙 此。」曹氏之升《四 一而魏王處之,於是 至三十年,爲 趙不利,韓請 趙。 「昔魏王 仇靡已。 惟 齊,齊 韓 之説 其 則 爲 擁 殉 + 西之地 傳》 秦。 之。 年,衛鞅説孝公,孝公使衛鞅將而 河,而齊、趙數破 君詐我將軍公子卬 義曰:《魏世家》云:「三十一年,秦、趙、齊共伐我。 少梁,虜其太子座」是也。 事者,故明年痤卒而鞅乃奔秦。 年,與秦戰少梁,虜我將公孫座。」座是魏 十三年,與魏、晉戰少梁,虜其將公孫痤。』《魏世家》: 子即名申後死於齊者。 於少梁、《六國表》秦云 趙攻韓,誤矣。 救於齊,故又曰「齊起兵救韓、趙以擊魏」也。 不 而罷兵。 太子,亦是痤不是申、《趙世家》所謂「秦獻 太子,復令之將龐涓兵。」余以爲不然。《秦本紀》:「獻公二 爲 <u>`</u> 軍既相距,鞅遺魏將公子卬書,與公子面相見盟 魏惠王兵數破於齊、秦,國内空, 無 無據。 獻於秦以 「齊 鞅伏甲士而襲虜公子卬 敗 因 魏 趙 閻百詩 旦與韓 和 軍 我。 於馬 而襲奪其軍,破之。 說,共擊魏不利,致韓有 而 安邑近秦,於是徙 「虜其太子」,魏云「虜我太子」,此 《釋地》謂: 中相距二十二年,必虜後復歸 魏遂去安邑, 陵 閻説誤。」○「西喪」至「百里 虜其太子,殺 《表》誤爲太子耳。 伐魏, 「惠王九年己未,秦、 ,因攻其軍,盡 ,日以 徙都 魏使公子 秦用 治大梁。」《商 相 將 公使 大梁。」 削,恐,乃使 軍 即 《列傳 南梁之難 商 龐 庶長國 衛公孫 君 一破之. 閻 印 涓 》謂 秦將 東 將 H. 氏

若 割 以

河 歸 即

鞅

九

魏

爲

太

魏 魏

> 與 請

而

伐

Ö

君

地

其

而

擊 明 列 至 商 正 魏 是 所

《釋地又續》云: 謂 死。 之」〇正義曰: 襄陵」者,而在《楚世家》則云:「懷王六年,楚使柱國昭 始 此 指東西言。 重於喪辱 洗雪其耻 亦據《竹書》惠王改元又十六年之説也。」○「願比死者壹洒 景舍救趙,取魏睢濊之間,乃惠王時事,「南辱」指此無 「南辱於楚」趙注闕其事。 世家》及《楚世家》,惠王在位三十六年未嘗與楚搆兵。 ○「南辱於楚」○正義曰: 河西濱洛之地,築長城以界秦者,盡失之矣。 地。」又即惠文君十年「魏納上郡十五縣」者也。 (説文》水 (史記))楚將昭陽攻魏在梁襄十二年,(魏世家))所稱[楚敗我 指南北言。 《而攻魏,破之於襄陵,得八邑。』此襄王時事 入秦。 太子申之死,西河之喪,睢濊之辱,三者俱宜洗雪。 這讀 守節 部 舉 也。」死者,舊疏謂死不惜命者,蓋即「長子死」之 「比方」之「比」,蓋將不顧其生,願 張守節曰: 云 ·死者以互見耳。 EI: 其地四至固可按。 《廣 「班固 洒 「今丹、鄜 雅 ,滌也。」《音義》云:「洒之,丁音洗,謂 日 : 自 釋詁》云:「比,代也。」洒、洗古通。 周 惟《戰國策》載魏圍趙邯鄲,楚使 華州北 「魏界自高陵以東。」此距安邑, 氏柄中《辨正》云: 謂 ,延、綏等州, 願代死者專壹洗雪之。 又有上郡,襄王七年癸巳 至同 州 並 效前之戰死者與 北 自屬兩截事。」 魏河西之地。」 至固陽,並其 而説者引之, 「《史記 蓋至是 陽將 而 、疑。 故 魏 或 死 魏

訓 苗之器名耨 以芸苗也。 云「易耨」則爲耨之易也。 訓「易」爲「治」,本《詩》「禾易長畝」毛傳也。 尺,此其度也。 謂之定。」《廣雅・釋器》云:「定謂之耨。」《説文》木部云: 疏注「易耨」至「易也」○正義曰: 使國人作杖以 注易耨,芸苗令簡易也。 長 日 於民,省刑罰,薄税斂,深 義曰:「文王以百里」、《公孫丑上》篇文。 里之地以 對 敵 柄,薅器也。 易爲治,「治耨 決戰,以雪其耻 上, 修 曰:「地方百里 其孝弟忠信,入以事 可使制梃以 致王天下,謂 刃廣六寸,所以入苗間也。」耨、 ,因而即稱芸苗爲耨。 或作鎒。」《吕氏春秋・任地》篇云: 其耨六寸,所以間稼也。」高誘注云: 捶 」於辭爲不達。 也。 敵 國堅甲 閩、監、 而 撻秦、楚之堅甲 禾中有草雜之則煩擾矣,故芸之 文王也。 可 制,作也。 以王。 利兵,何患耻之不雪 毛三本「壹」作「一」。 且上云「深耕 《爾雅 《盡心》篇「易其田疇」, 耕易耨、壯 其父兄,出 疏注「謂文王也 注言古聖人以 釋器》云: 王如行此政,可 王 . 槈、鎒字同。 此耨爲芸苗 謂 如 ·利兵 耕之深,此 者 以 施 「耨,柄 「耨 事 以 孟 「斪劚 也 其 子 , 所 暇 政 芸 百 注

굸: 言田 父母及其兄弟妻子,乃可脩其孝弟忠信也, 農時,使不得耕耨」之謂也。「富而後教。」民有暇日以養其 古間暇而得行孝,今迫促不得養也。」迫促不得養,則 其 國之日舒以長,故其民間暇而 以 以 深耕易耨所以得有暇日。 此政」括之。 也。」撻人用杖,其義一也。 矣。 堅甲利兵。若誠自恃施仁,造作此梃,即宋公不禽二毛之智 頓之使順己也。」「制」宜讀爲「掣」,謂可使提掣木梃以撻其 梃,言近於迂。 無敢不善,王者以弧矢威天下,豈容自損其兵? 古多連文,故以作釋制。 辭 使簡易。 民困 豐殖者,以 爲國者,以有民也,民之所以爲民者,以有穀也, 「成王有 《廣雅》撻、捶皆訓擊,故以捶釋撻。《禮記·文王世子》 招魂》云"「晉制犀比。」王逸注云"「制,作也。」制、作 立苗欲疏之意。」○注 務而力不足。 閻氏若璩《釋地三 未詳注,以其易明也。 過, 有人功也; 按劉熙《釋名·釋姿容》云:「掣,制也。 則 撻伯禽。」《説文》手部云: 《詩》云: 然備乃弓矢,鍛乃戈矛,礪乃鋒刃, 功之所以能建者,以有日力也。 《潛夫論·愛日》篇云:「國之所 「制作」至「利兵」〇正義曰: 「省刑罰」以下八句,趙氏以「行 續》云: 力有餘; 『王事靡盬,不遑將父。」言在 惟省刑罰、薄税斂,使得 「即朱虚 亂國之民促以短,故 民知孝弟忠信 侯劉章爲高后 「捶,以 謂使民作 ,穀之所 「奪其 杖擊 《楚 治 制

乎。 也。 便文耳。 則人以事其父兄,出以事其君上矣。 正義曰: 與共禦王之師,爲王敵乎? 母 注「爲王敵乎」〇正義曰: 困其民,願王往征之也。 而 征之,夫誰與王敵? 凍餓,兄弟妻子離散。 彼奪其民時,使不得耕耨以 故曰: 仁者無敵。 惠王所問,舉齊、秦、楚三國,孟子對僅稱「秦、楚」, 其實制梃撻秦、楚,亦兼撻齊,故趙 閩、監、毛三本 彼失民 注彼謂齊、秦、楚也。 王請 疏注「彼謂齊秦楚也」〇 彼陷溺其民,王往 此所以可以以 心、民不爲用、夫誰 勿疑!!注 養 作 氏申明之。 其父母 而 爲王之敵 挺 鄰 撻 彼 父 强 國

傷民,民樂其亡。以梃服强,仁與不仁也。章指:言以百里行仁,天下歸之,以政

暴虐,己脩仁政,則無敵矣。

王請行之,勿有疑

也。

孫授易授詩校字

孟子正義卷二終

## 孟子正義卷三

説

江 都 縣 鄉貢士焦循 課集

惠王生襄王 古文:惠成王立三十六年改 帝、終於魏之今王。」今王者、魏惠成王子。」按、《太史公書 記 似人君,進襄,謚也,梁之嗣王也。 之云:「按、《系本》襄王生昭王,無哀王,蓋脱一代耳。 六年卒,襄王立,十六年卒。 惠成王但言惠王,惠王子曰襄王,襄王子曰哀王。惠王三十 解》云:「辟地有德曰襄,甲胄有勞曰襄。」是襄爲謚也。《史 威 (太史公書))爲誤分惠成之世以爲二王之年數也。 《儀也。 魏世家》《集解》: 孟 子見梁襄王。 疏注「襄謚」至「王也」○正義 而無哀王。 「荀勗曰: 然則今王者,魏襄王也。」《索隱 并惠、襄王爲五十二年。 元稱 出,語人曰:「望之不 『和嬌云: 年,改元後十七年卒。 E: 望之,無儼然之 「《紀年》起自黄 《周書・ 《世本》: 今按 謚 辨 而 法

> 年。 十二年楚敗我襄陵,則所云「辱於楚」也。 焦,七年盡入上郡於秦,秦降我蒲陽,皆在「七百里」中, 惠王之後元,則襄王五年予河西之地,六年秦取汾陰、皮氏 子何得稱之爲王?」依顧氏、江氏之説,《史記》襄王之年仍 八年乎? 顯王三十三年乙酉書『鄒人孟軻見魏惠王』,豈孟子在魏 立1於慎靚王二年壬寅,又載孟子一見而出語,是矣。 相王,是年爲惠王即位後三十七年,於是始稱王而改 失哀王之代,故分襄王之年爲惠王後元,即以襄王之年包哀 明、蓋無足疑。 分惠王之秝以爲二王之年,又有哀王凡二十三年,❶ 王之代耳。」近時顧氏炎武《日知録》主古文之説,以「襄」、 (史記))誤謂在惠王即位之三十五年也。 「哀」字相近,《史記》誤分爲二人。江氏永《羣經補義》申其 紀年》説惠成王三十六年又稱後元,一十七年卒。 云: 司馬温公《通鑑考異》既從《紀年》書「魏惠王薨,子襄王 「魏罃於周顯王三十五年丁亥與齊威王會於徐 誤矣。 而孔衍敘《魏語》亦有哀王。 蓋惠王卑禮厚幣以招賢在後元之末年,而 此年尚未稱王,孟 然近所行之《竹書 蓋《紀年》之作 今此文 紀事甚 元 乃於 稱 州 以

0

改

<sup>「</sup>三」,原作「二」,今從沈校據《史記·魏世家》及《索隱》

事

如此

儀

Ē

一義日

《論語

印

真,故從焉。

余曰:不然。

聘

至而

初見

時

即

譏

議

而

復至梁邪?

日

《竹書紀

竟久淹於梁如是邪?

如

《通鑑

出

寅徙都大梁。」不知是年秦孝公甫立,衛公孫鞅來相,魏公子 三十六年丙戌惠王卒,子嗣立,是爲襄王。 三十五年乙酉卑禮厚幣以招賢者,孟軻等至梁。」故《六國 年月考》云:「《魏世家》云:「惠王三十一年辛巳徙都大梁: 表》於三十五年特書「孟子來、問利國、對曰君不可言利」。 《西京雜記》記廣川王發古冢,有魏襄王冢、哀王冢,然則襄 未虜,地不割,秦不偪,魏何遽徙都以避之邪? 而告人有「不似人君」之語。 孟子》也。」閩、監、毛三本作「魏之嗣王」。 ,尚謂其生卒年月盡足信邪? (》五十二年壬寅惠始卒而襄王立,孟子人見,豈孟子 年》彼既魏史,所書魏事,司馬公以爲必 存,顯然可考,故 不以禮聘孟子而孟子肯枉見邪? 和嶠所引又何庸議? 和嬌所 不然,以襄王之庸,豈能以 之邪? 》云「望之儼然」,又云「儼然人望 《紀年》云:「惠成 引,亦魏晉間贗書,不 此《史記》所 蓋儲君 《世本》雖失紀哀王,而 此余所以信《史記》以 初即位之辭。 閻氏若璩《孟子生 孟子入而見王, ※王九 以 ○注「望之」至 可 即 年四 果受其禮 信 禮聘孟 ·足徵信。 也。 一徙都 不然 月甲 得其 司馬 或 卒 而 子 秉。 畏之」。 若此者乎」,何注曰: 猶安也、何也,字亦作「鳥」。 暴之作」,注云:「卒,謂急也。」《師 問事,不由其次也。 柄之威」。 中》毛傳云:「秉,操也。」《禮運》注云:「柄,所操以 《文選·六代論》注云:「秉即柄字。」是也。 曰「魯侯之美惡乎至」,注曰: 曰:「惡,安也。」昭三十一 「不由其次」即無漸也。 也。」古「卒」、「暴」二字連文、故趙氏以「卒暴」明 云:「卒,讀曰「猝」。」《說文》大部云:「猝,犬從草暴 疏注「卒暴」至「次也」○正義曰:《漢書・成帝紀》云「興卒 正義曰:望之既指威儀、則就之當指言論、故云「與之言」。 君操秉之威。 《莊子・天道》篇司馬彪注云:「棅,威權也。」故趙氏云「操 秉」,閩、監、毛三本作「柄」。 《儀禮・大射儀》有「柄」、《釋文》云: 就之而不見所畏焉。 卒然問 知其 曰:『天下惡乎定?』注卒暴 「惡有猶何有。」又莊二十年《公羊傳 不足畏。 問天下安所定? ○注「問天」至「定之」○正義曰: 年《公羊傳》 高誘注《吕氏春秋・本生》篇 「柄」《説文》重文作「棅 「惡乎至猶何所至。」由《公羊

紀年

置

淺

人僞托

即

疏

注「就與」至「足

「劉本作「秉」。」

」,通於

《詩・定之方

治

事。

北就與之言,

無人

公則核實言之。 哀二冢漢時尚

·曰「惡有言人之國腎

言誰能定之。

丹傳》云「卒暴

無

「卒然」。

惡

出

逐人

傳》注及《孟子》注推之,蓋「惡」本訓何,「惡乎」猶言「何所」。

能 之,不能遂其功,是以《春秋》變「一」謂之「元」。」元即仁,仁 欲,喜之也。」《吕氏春秋· 疏注「嗜猶」 嗜猶甘也。 奉之而後定。 故天下争亂而不能定,惟有王者布政施教於天下,天下皆遵 然下云「能一之」,又云「民歸之」,則謂時無王者,不能統一, 襄王之「定于一」,即對滕文公之「道一」也。趙氏之説正矣, 而已。」趙氏《章指》:「言定天下者,一道而已。」謂孟子對梁 即一,故趙氏以仁政爲一。孟子對滕文公亦云:「夫道,一 之長也。君子體仁,足以長人。」董子《繁露•重政》篇云: 注「孟子」至「一也」○正義曰:《易・文言傳》云:「元者,善 吾對曰:『定于一。』注孟子謂仁政爲一也。 (淮南子・覽冥訓》高誘注云: 「大一統也。」孟子當亦謂此。 『孰能 一之?』注言孰 一唯聖人能屬萬物于一而繫之元也。終不及本所從來而承 切經音義》引《廣雅》云:「甘,樂也。」是嗜、甘、樂三字義 之者? 至「殺 言今諸侯有不甘樂殺人者,則能一之。 孔子作《春秋》,書「王正月」、《公羊傳》云: 對曰: 『不嗜殺人者能一之。』注 人」〇正 誣徒》篇高誘注云:「嗜猶樂也。」 義曰:《説文》口部云:「嗜,嗜 「甘猶耆也。」「 耆」與 「嗜 同。 疏

乎 ? 之。 同。 故周爲天正,色尚赤也。 時,陽氣始養根株,黄泉之下萬物皆赤。 而成之,故受命各統一 朔有三,何? 「浡然已盛」,不復解「興」義也。 至「六月」○正義曰:《夏小正》「匽之興」,傳云:「其不言生 雨以潤槁苗,則浡然已盛,孰能止之? 周七八月,夏之五六月。 矣。其如是,孰能禦之? 矣,天油然作雲,沛然下雨,則苗浡然興 注孟子曰: 時人皆苦虐政,如有行仁,天下莫不 高誘注云"「與猶歸也。」對曰:『天下莫不 侯多與己也」,章昭注云:「與,從也。」《吕氏春秋 云:「興,生也。」「苗生」即下「苗浡然興」,以生釋興,故下 而言興,何也? 王知夫苗乎? 『孰能 與之?』 ■王言誰 疏「孰能與之」○正義曰:《齊語》云「桓公知天下諸 本天有三統,謂三微之月也。 不知其生之時,故曰興。」《廣雅 正也。 十二月之時,萬物始芽而白。 七八月之間,旱,則 油然,興雲之貌。 《禮三正記》曰:「十一月之 《白虎通・三正》篇云:「正 注以苗生喻人歸 能 赤者,盛陽之氣 與不 明王者當奉 疏注「以苗 嗜殺 • 執 沛 ·與也。 釋詁 苗 人 然下 也。 之 槁 與 者 白 順

「由當爲油。

建未也。

孟夏。」又「冬有星孛于大辰」、《左傳》:

孚甲而出,皆黑,人得加功,故夏爲人正,色尚黑。」《尚書大 諒之心油然生矣」,注云"「油然,物始生好美貌。」又《樂記 月登穀」,是時安得尚言苗邪?」○注「油然」至「之貌」○正 傳》云:「夏以孟春月爲正、殷以季冬月爲正、周以仲冬月爲 義曰:《大戴記·文王官人》篇云「喜色由然以生」,注云: 之五六月。夏之五月建午,六月建未,周之七月建午,八月 夏爲三月,于商爲四月,于周爲五月。上推之周之七八月爲夏 爲朔。」《後漢書》陳寵奏云:「夫冬至之節,陽氣始萌,故十 「夏六月朔,日有食之」、《左傳》:太史曰:「當夏四月,是謂 夏以十三月爲正,色尚黑,以平旦爲朔,殷以十二月爲 「若是夏正之月,則《邠風》「八月其穫」,《月令》「七 説者或以《孟子》「七八月」爲夏正,趙氏佑 油然,新生好貌。」《禮記·祭義》云「則易直子 人以爲正,夏以爲春。』《春秋》昭公十七年 十三月,陽氣已至,天地已交,萬物皆 周以十一月爲正,色尚赤,以夜半 十二月,陽氣上通,雉雊雞乳。 十三月之時,萬物始 梓慎曰:「火出,于 「諸生蕩,安形 《温 達, 故 同。 如之; 写部云: 注云: 釋詁》云:「浡,盛也。」又《釋訓》云: 注 則饒治。」沛有澤義,澤有潤 既渥,既霑既足。」箋云:「冬有積雪,春而益之以小 引作「霈」。《華嚴經音義》引《文字集略》云:「霈,謂大 云 貌。」《音義》云:「沛、字亦作霈。」《初學記》、《太平御 易直子諒之心新生,其自未生而始生之狀皆爲「油然」,故 假借。」由訓爲生,故雲之新生、木之新生以及喜色之新 傳》史趙云:「陳,顓 各得其宜」,是由訓爲生,儀訓爲宜。《春秋傳》云「吉凶 也。」大雨亦有餘 文公十四年《公羊傳 以「興雲之貌」解之。 人」,言吉凶生乎人也。」段氏玉裁《説文解字注》云: 、文選・思玄賦》「凍雨沛其灑塗」,舊注云:「沛,雨 雨 「經傳由字皆訓爲生。 苗當枯槁之時,非 貌。」惟大雨傾注,枯苗 今在析木之津,猶將復由。」此以生滅對言,由即閂之 油 「甹、木生條也。 然,新生好貌 意。 頊之族也。 《詩 × ○注「沛然下雨」至「止之」○正義 小 也。」油 雨 古文言由枿。」惠氏棟《九經古義 「力沛若有餘」, 《毛詩序》云【《由儀》,萬物之生 信南山》云:「益之以霡霂 乃得 所 義。 能 與 歲在鶉火,是以卒滅 潤澤,義 生。 趙 由通 氏以 「勃勃、盛也。」莊公十 劉 ·, 由 熙此 潤釋 乃備 注 與冉通。 注 云 沛 也。 三: 與與 沛 《廣雅 雨 《説 「霈 貌 《詩 覽 既 有 也。」 潤 日

體。]天以爲正,周以爲春。

月有蘭、射干、芸、

荔之應。

《時令》曰:

地以爲正,殷以爲春。

出

**一蟄**,蟲始振。

正。

「陰氣,故殷爲地

正,色尚

白

也。

文》

正,色尚白,以

雞鳴爲朔;

五九

然 》箋 澤 生

將

沙俱

雨

優

六〇

來,誰 秋 民而反嗜殺人,失其爲君之道。 之爲「牧」,故趙氏云「牧民之君」,即養民之君也。 而説之也。 養,每一州之中,天子選諸侯之賢者以養一州之人,即以 天下之人君也。《説文》支部云:「牧,養牛人也。」牧之義 禮》云:「九州之長,人天子之國曰牧。」是「天下之人牧 地得民」、《大司馬》「建牧立監」、注皆云:「牧,州牧也。」《曲 下,沛然誰能禦之?』,進今天下牧民之君 領而望之矣。 雅》皆以禦訓止。 義同止,鄭康成注《書大傳》、高誘注《吕氏春秋》、張揖 行此仁政,民皆延頸望欲歸之,如水就下,沛 ・殷之州牧曰伯、虞夏及周曰牧。」《周禮・大宰》「一曰牧、以 · 悖,本亦作勃。」 悖、勃、浡字通。 書・堯典》「覲四 八者也。 年《左傳》「其興也悖焉」,注云: 順 説 能止之? 》篇云「莫不延頸」, 高誘注云: 趙 如有不嗜殺人者,則天下之民皆引 氏以「一」爲仁政,故云 岳羣牧」、《立政》「宅乃牧」,鄭氏注云: 今夫天下之人牧,未有不嗜殺 誠如是 疏注「今天下」至「止之」〇 也,民歸之由水之就 趙氏探孟子稱「人牧」之義 《爾雅》云:「禦,禁也。」禁 「悖,盛貌。」《釋文》云: 「行此仁政」。 - 延頸 ,引領也。」 君所以 Ē 《吕氏 義 誠 然而 日 《廣 即 名 爲 能

> 就下」。 沛然。 故云「沛然而來」,謂民之來如水之湧也 者以仁恩及民,故以潤澤解之,此「水之就下」比天下來歸 限内時見雍出,則沛然也。 也。」劉熙《釋名・釋水》云:「水從河出曰 注不必以如釋之,宋本非也。 義》云:「由與猶同。 引 延義皆爲長而引申也。 趙 翟氏灝《考異》言「宋九經本由作如」。 氏解兩沛然不同者,經以 古字通用。」猶即 水之壅出與雨之下注同,故皆 望則伸 《廣雅 其頸,故爲引領 「沛然下雨 如也 釋訓 雍 ),故 沛。」言在 》:「沛 經已作 趙氏云 」比不嗜 也。 沛, 如 河 如 岸 流 音

傷 曰 : 韓本、足利本無「一道」二字。 子言道二:仁與不仁而已。 傷」,此之謂也。 也。」故前既以甘、樂釋之,此又云「貪」也。 不貪殺人,人則歸之。 一、《離婁下》篇文 鄭氏《檀弓》注、《廣雅》、韋昭注《楚語 章指: 言定天下者一道, 仁政 疏「言定」至「而已」○正義曰:孟 以仁定天下,故爲「一道 ○「不貪」至「謂也」○正義 是故「文王視 》皆云: 「文王視民 一而 民 릲 如

齊宣王問曰:「齊桓晉文之事,可得聞

「施而不成爲宣。」〇注「宣王」至「重耳」〇正義曰: 「七年韓昭侯與魏惠王會齊宣王東阿南,明年復與梁惠王會 田忌議蚤救韓,敗魏馬陵」,注云: 《紀年》威王十四年,田 年。《索隱》「桓公卒」注云:「《紀年》梁惠王十三年當齊桓 見其展卷即云「孟子見梁惠王」,遂斷爲歷聘之始。今考《田 次,非遊歷之次也 氏廣業《孟子出處時地考》云:「孟子書先梁後齊,此篇章之 之所爲,思有以近之。○注「孟子」至「之事」○正義曰:周 名小白、晉文公名重耳、見《春秋》。「欲庶幾」,謂心慕桓、文 言魏事,章次相從,然後道齊之事也。 乎?」注宣,謚 云: 【《紀年》當梁惠王二十八年,至三十六年改爲後元。」又 公十八年,後威王始見,則桓公十九年而卒也。」「宣王二年 完世家》,桓公六年,威王三十六年,宣王十九年,湣王四十 ○正義曰:《周書・謚法解》云:「聖善周 而去,乃適於梁。 白、晉文公重耳。 《伐梁,戰馬陵。』又《孟嘗君傳》『宣王二年殺魏將龐涓』,注 ·是歲梁惠王卒」,注云:「宣王七年《紀年》當惠王後元十 也。 ,趙氏注可謂明且核矣。 建篇先梁者,欲以仁義爲首篇,因 孟子冀得行道,故仕於齊,齊不用 宣 三王問 孟 子,欲 庶 聞曰宣。」又云: 後儒不喜趙注: 疏注「宣謚也 幾 齊桓公小 齊桓公 0

《秦紀》本無年月、《史》蓋因其錯簡而倒置之,又以桓公附見 二年,至惠十三年適得十八年,明年十九年卒; 康公之表,故讀者愈不可曉。 表》威王之四年,而桓公十九年卒,與《世家》宣王卒年正 策》因誤分之,實非有兩人也。 春論》「韓昭釐侯」,注:「覆謚也。」或先謚 文』、「莊襄」之例。 則「威宣」是兩謚,如魏「惠成」、「安釐」,韓「宣惠」,秦「惠 書:「齊用越人蒙而强威宣。」《史記》「威宣」連稱者非 宣」,下言「宣王」。又曰:「今富非齊威宣之餘也。」鄒 民强。宣王用之,後破韓威魏,以南伐楚,西攻秦。」上言「威 其言考之,爲威爲宣,必有一誤。《戰國策》蘇子謂秦王曰 按,此五引《紀年》,❶今本所無,又字多錯午,無可覆核。 年四月齊威王封田嬰於薛,十五年齊威王薨,皆與此文異。」 王三年封田嬰於薛」,注云:《紀年》以爲梁惠王後元十三 梁惠王會甄文同,但齊之威、宣二王文舛互不同也。」又「湣 「齊威宣者、古之賢王也。 年,作平阿。 又云十三年會齊威王于甄 周自考王以下皆兩謚。《吕氏春秋· 德博而地廣,國富而民用,將武 今誠以桓公之元當魏武侯十 据《紀年》,桓公之立在 威,後改謚 與 宣王之元 此齊宣王 宣、《國 同 就 間 陽 而 與

「五」、《孟子四考》作「六」,本書略去一條未引,故云。

年。 惠十 宣王。 稱「田 餘,周 孫 十三世矣。 時、鬼谷書 大 無字,無宇生釐子乞,乞生成子常,常生襄子盤, 完數至威宣王,正得十二世。 《索隱》引《鬼谷子》俱云「田成子十二世而有齊國」,今由田 事見劉向《新序》,威王與魏惠論實事見《韓詩外傳》,俱明指 『威行三十六年』者是也。 證 表》齊威王十七年。考其實爲桓公午七年,此威王爲桓公之 魯仲連曰: 白,白生太公和,篡齊,自立爲齊侯,和生桓公午,午生威王 孟 臣庶不聞避諱, 「齊,因齊生宣王辟疆。 世。此後惟湣王、襄王、至王建爲秦所滅。 也。 是 夷,釋孟夷生湣孟莊,湣孟莊生文子須無,須無生桓子 四 侯」及「陳侯」。 ·烈王崩,諸侯皆弔,齊侯往」云云。 參錯不同,皆由於此。 而湣王前三年實屬宣王。桓公未稱王,故《國策》但 年,盡前元二十五年加後元十五年始卒,適得三十六 《史》所云威王乃桓公,宣王即威王。 『昔齊威王嘗行仁義矣,率天下諸侯朝周,居歲 又威王名因齊,尤可 》蘇秦所述,言必不謬; 或作「嬰齊」,則又與庶子田嬰同名: 宣有複諡,故亦稱「威王」,淳于髠所謂 共十三世。 而《世家》所載鄒忌以鼓琴見威王 《 史 記 • 更有證者、《莊子·胠篋》篇及 疑。 使分威宣爲二,則當云 名不以 并威、宣爲一人,恰十 田 按,烈王之崩,《史 完世家》: 國 《戰國 莊子與宣王 既 盤 名之,子 趙策 敬仲 生莊 同 子 生 皆

> 文 《通鑑》、《大事記》等書徒增損威、湣年代以曲從《孟子》之  $\bar{\Xi}$ 于髡等當之,非因紊其昭穆世次,兼誤以梁惠王卒繫諸 完世家》終不敢采録一字,雖足用爲善如宣王,亦 牟。」齊事莫詳於《孟子》,史公嘗自言讀《孟子》書 必無之事。 之首梁惠王也 數過時可1亦合,而游梁之歲乃得而定之矣。]又云:「建 百五十二年,❶去武王克商七百二十三年,❷與「去聖未遠 言適當「倦勤」之日。 燕,王令章子將兵」與《孟子》「幣交與游」相 總在宣王三十年内外,如是則不特《國策》「儲子請 書,而終未知《史》之誤分威宣爲二也。 八年,與《孟子》中事實百無一合,有不得不盡行割 「齊威王也。 則陽 》篇: **《漢書** ,趙氏之説韙矣。 「魏瑩與 名牟,桓公子。」按、《史記》威王名因 人表》闕而不 宣王三十年當顯王四十二年,去孔子 田 侯」,一本 風俗通 書,蓋亦疑之。 作 今亦未敢 田田 窮通 合,而「吾惽」之 侯牟 》篇首敘 臆斷 止以 《莊子 棄者 ,而作 宣王 伐燕 哉? 不 司 宣 用 田田 篇 伐 王 淳 名 釋 馬

2

校。

<sup>「</sup>二」、《孟子四 五」。

此句《孟子四考》作「去文武受命七百五十八年」,詳 沈

聘請 篇目。 今《盡 篇,而「仁義」兩言爲全書綱領,孟子所謂「願學孔子」以直接 其後門人論次遺文,分篇列目,以齊宣王舊君不可用以 子仕齊爲卿,●去之鄒、薛,作 天下之道開於包義,備于堯舜,故删《書》首《堯典》、《舜典》、 堯、舜氏作。 物之情。」又云:「包羲氏没,神 云:「包羲氏之有天下也,始作八卦以 疏注「孔子」至「之者」○正 堯舜禹湯、文武周公之心法治法,無出乎此。 老,于行文既絶少,又暮年所述,故僅與魯事分附諸牘末。 曰:「仲尼之徒無道桓文之事者,是 (離婁)以下爲四册,記師弟問答雜事。 儒家後世無欲傳道之者。 來至文武周公之法制耳,雖及五霸,心賤薄之,是 **灬傳焉。** 而以梁惠王題篇,又特變文曰「孟子見梁惠王」以尊其師, 之爲上卿 心》卷下尚有「梁惠王」一章,可 大率起《齊宣王》至《滕文公》爲三册,記仕宦 臣未之聞也。 通其變,使民不倦; ,庶爲得實。 其體依仿《論語》,不似諸子自立 義曰: 書中外十一篇終言梁 注孔子之門徒頌述宓 農氏作, 神而化之,使民宜之。」治 故曰「臣未之聞」也。 孔子贊《易》、《繫辭傳 通神明之德,以類萬 迨歸自梁,而孟子已 證也。」孟 神農氏 因割其六章冠 没,黄 以 惠 出 後 子 處 王 帝 世 對 戲 名 復 霸也。 也。 譎; 0 而 蹈 利

以

以

無

《書》、《詩》、《禮 禹湯、文武、 修屬而能顛倒其敵者也, 詐心以勝矣。 隆高也,非綦文理也,非服人之心也。 子言羞稱乎五伯,是何也? 述文王好仁。《荀子·仲尼》篇云:「仲尼之門人,五尺之豎 道基》篇首述宓羲圖畫乾坤以定人道。 劉向《説苑》《新序》《列女傳》、揚雄《太玄》、法言》。 賈《新語》、賈誼《新書》、 百三十六篇、《孟子》十一篇列于内。 祖述堯舜,憲章文武,宗師仲尼,以重其言。」其五十三家八 君順陰陽明教化者也。 以危之,伐鄭,書「圍」以惡之。 周公之法制」也。《春秋》大文王之統而書桓文之事,是及 《漢書·藝文志》云: 書「天子狩于河陽」爲不與 書齊桓救邢、城楚丘,實與而文不與, 盟葵丘, 者也,小人之傑也。 周 公之法 》教門弟子,故所頌 制 游文於六經之中,留意於仁義之際, 董仲舒《春秋繁露》、桓寬《鹽鐵 「儒家者流蓋出 皆 彼固曷足稱乎大君子之門哉? 曰:然。 法 書晉文盟踐土,書日以著其 、再致天子。 堯 述惟 舜 今存者、《荀卿子》、 者 鄉方略、審勞佚、畜 彼非本政教也 賈山言治亂之道,稱 彼以讓飾争,依乎仁 「宓羲氏以來至文武 也。 于司徒之官 是「心賤薄之」 孔 子 《新 以 一,助人 書日 非 論 語 積 陸 Ŧī. 致

窮 通」,原無,今從沈校據《孟子四考》補

雖

者也。 道之也。 董子 也。 堯、虞舜爲五帝。 諸家之論唯安國爲長。 妈、燧人、祝融事,經典未嘗以「帝」、「皇」言之,蓋霸 祝融爲三皇,孔安國以伏羲、神農、黄帝爲三皇。 皇,宋均以燧人、伏羲、神農爲三皇,《白虎通》以伏羲、神農 則尚當問 無 儒家稱述宓羲以來至文王周公之法,而賤薄桓、文,不欲傳 揚雄《解嘲》云: 伯、爲其詐以 有 以, 司 五帝」〇 功 對 丘光庭《兼明書》云:「鄭康成以伏羲、女媧、神農爲三 轅爲帝。 馬遷以黄帝、 且祝融乃顓頊之代火官之長,可列於三皇哉? 膠西王云: 顓 則 君子弗爲 頌 頊 王道耳。 王乎?」注 與 正義曰: 成功,苟爲而已也。 誦 高 按,軒轅之德不劣女媧, 通,頌 「五尺童子羞稱晏嬰與夷吾。」凡此皆後 辛、 也。 六人而云 [五帝]者,以其俱合五帝 「《春秋》之義貴信而賤詐。 、顓頊 唐 《周禮 述即誦 不欲使王問 是以仲尼之門,五尺之童子言羞稱五 鄭康成以黄帝、少昊、顓頊、帝嚳、 虞 既不論三皇五帝,殊無所 帝嚳、唐 爲 述。 五 春官·外史》「掌三皇五帝之 帝。 故不足稱於大君子之門。」 閩、監、毛三本作「宓羲」。 堯、 霸 明 虞舜爲五帝 事 何故 E. 也。 康 不爲 詐人而勝之, 成 疏注「不 稱 以 明 ,孔安國 皇 女 而 日: 媧 座 則 耐 不 問 唐 知 Ė 女 論 世 爲 星

以

注 言之。 定論。 以,無以言也。 子之徒所道者三皇五帝及王道也 之入帝,仍爲六人哉? 王道,而不當問桓、文霸者之事。 桓、文之事,豈舍此遂無所問乎? 無」至「事也」〇正義曰: 王言王,皆如字耳。 王,故云「不論三皇五帝」。《慈湖家記》云:「孟子凡與 下民」,則堯亦謂之「皇」也。」按:趙氏以則 云「其帝太昊」,則伏羲亦謂之「帝」也,《吕刑》云「皇帝清問 析而言之,則皇尊于帝,通而言之,則帝、皇一也。 子以軒轅爲皇,何故謂之『黄帝』? 皇,其次謂之帝。」然則「皇」者「帝」者皆法天爲名。 也,公平通達,舉事審諦也。 近遺少昊而遠收黄帝,其爲疎略一至于斯。 無以」二字屬上,解「以」爲用,謂桓、文之事儒者不道 王 日 按《尚書》説:『皇者皆天德也。 與趙氏義異。 德行當何 桓、文之事既無以言 後儒讀 曰: 如 考其名迹,未爲允當者也。 「殊無所問 而 一德 者多轉爲去聲,非也。」〇注 口 人主德周天覆,故德優者 得 何 以 元人《四 ,所不道者五伯也 縱不問三 如 」解「無以」二字,蓋 王 則言王 答 曰: 則 乎 皇王,人也。 ? 可 書辨疑》云: 「王」之「王 |皇五帝,亦 安國精詳 道可乎?」此 凡言有 疏 王矣?」 注「德行 Ŧ, 《月令》 通、 或曰: 司 帝,諦 無用 指 謂之 可爲 當 乃 謂 齊 馬 以 問 問 官 遷

禦,止 注 以釁 也 安訓保。 然則霸功亦不離乎德,但德之用 日 無 堂下者,王見之,曰:『牛何之?』對 如 恐懷不足以安民,故問之。 息六養萬民」,注云:「保息,謂安使蕃息也。」《毛詩》傳多以 止 至「王乎」❶○正 臣聞之胡齕曰: 也。 胡 罪 王 ? 注 王 『何可 之性, 曰:「若寡人者,可以保民乎哉?」注 齕,王左右近臣 鐘。』王曰:『舍之! 而 也。 保 疏注「保安也」○正義曰:《周禮 ○注「言安」至「懷之」○正義曰: 就 民 言安民則 死 廢 問 可 而 義 地。』對曰:『然則 也? 孟 以 王,莫之能禦也。」 建保,安 日 : 子: 安 (惠,黎) 王坐於堂上。 陸賈《新 也。 民 何 以羊易之。」不識 也。 以 觳觫,牛當到死 民懷之。 知 曰:「可。」注孟子以 語 日 吾 於 吾不忍其觳 》云「齊 可以安民 霸與 若此以 廢 何 《尚書 八用於 ·大司徒》「以 桓 有舝牛 釁 公尚德 由 地 王 鐘 有 曰: 皋陶謨 知 Ξ, 處 自 與? 諸 觫 以 恐 吾 有 而 日 王自 無 ? 若 霸」, 也。 貌 别。 將 過 : 可 爲 保 能 而

日: 臣。 位: 氏疏云: 新 居前能舉君之失過,不難以死持之者,左右也,事君不敢 甘茂擇僕與行事,則親近之臣自古重之。 牖嚮也。」故人主必將有便嬖左右足信者然後可。 王命,王眡朝則 未改,列國猶重大僕一官。 大僕從者在路門之左。」惠氏士奇《禮説》云: ○正義曰: 王嘗有此仁,不知誠 府》:「上春,釁寶鐘及寶器。」 周 心、居君旁不敢泄君之謀、君有失過憔悴 上士小臣、中士祭僕、下士御僕皆其僚屬,爲羣僕侍御之 鑄 禮 「修身正行,道語談説,服一介之使能合兩君之驩,執 《荀子》曰:「便嬖左右者,人主之所以窺遠收衆之門户 鐘 王族故士、虎士在路門之右、南面東上、大僕、大右、 「取親近侍御之義。」《夏官 殺 大祝》曰 《周禮 牲 前、王 以 血 天官・寺人》注 燕飲則相 塗 墮 有之否? 其 **釁**,逆牲 位雖下大夫,而 釁 郄, , 王射則贊 孟子曰: 疏注 因 云:「寺之言侍 逆尸,令鐘鼓。」《天 以 司士》: 祭之, 胡 賈誼 正王 E 「春 臣受胡齕 齕」至「臣 眡 一 正 燕朝 服位、出 《官人》篇 1秋時 秦武王令 日「釁 也。」賈 則 周 儀 也 擯 言 有 戟 之

「德行」, 原誤倒,今據注文改。

有憂色,不

īF.

六六

牲以 京賦 近臣 之官。 官。 字。 者爲罅,讀若 今人以 隙之名,故 子・王霸》篇云「出若入若」、《史記 굸 小臣、小臣 從者,侍 「若」皆訓爲如此。 [吾不忍其觳觫 "趺跼」,故以 引賈氏云: 就 訓 義 大祝作 《 漢 書 • 死地」 爲死。 「确妹,死貌。 血 》薛綜注云: 日 無以知之,故 瓦器 塗鼓釁呼爲釁。」」「呼」同 胡齕所居未知何 御 《廣雅・ 也。 殺 正 也。」蓋古親近之臣若此。」諸侯無大僕, 有裂迹 「隋釁」,鄭氏注云:「謂 呵 高帝 姓以 玉 爲 小 一篇 》: , 呵 恐貌。 釁 臣 若無 「跼 釋 紀》「釁鼓」,注: 血 注 趙氏注之如此。 出 此云「若無罪而就死地」,猶云「如此 師 ,釁宗廟。」馬 者爲璺,讀若悶 、乎,音之轉也。 訓 塗器物之隙即 蹐,恐懼之貌。」趙氏蓋以 新 廣雅》。」又确、疎、、、、、 『确疎、死貌。』《孟子 僕人正 \*\frac{\times}{\times} 罪 王氏念孫《廣 職、然堂上堂下、牽牛問答、非 鑄」至「實器」○正 而 就 「趺踖,畏敬貌。」又《文選 死地。」義與 僕人師、 氏 一罅 ○注 「應劭云:「釁,祭也。 名爲「釁」。 굸 薦 《周禮》大祝天府俱 ,即釁也; 」「釁罅 禮書》云「若者必 雅疏 血 血血 僕人士,皆左右 「觳 也。 證 義曰: **娇、**婚五字,諸 • 放觫 」至 「确殊」同。」《荀 以 凡血 \*\frac{1}{2} 以木之有裂缝 」猶言 梁 塗 「觳觫」音近 隙 惠 鐘 「釁」本 祭日 恐 而 「《廣 鼓。」「 一釁 王 即 《儀 》篇: 貌 死, 釁。」 一部 無罪 左右 屬 隙 • 親 韻 禮 0 春 間 東 鄭 殺 近 書 0 刉 篇。 相 作

而

史釁 不從。」 積,共其羊牲」、《圉師》「春除蓐釁戚」。 祝」、《龜人》「上春釁龜」、《雞人》「凡祭祀禳釁,共 師》『以歲時序其祭祀,及其祈珥』,《小祝》『大師掌 器,其名者成,則釁之以豭豚。」《大戴禮》亦有「釁廟」,獨 成,則考之而不釁。 衈皆於屋 屋自中,中屋南 學者,既興器用幣。』注: 四年《左傳》: 『君以軍行,被社釁鼓。』《文王世子》: 「掌珥于社稷,祈于五祀,釁邦器及軍器」,《羊人》「凡祈珥 《夏官》則《大司馬》『若大師,帥執事涖釁主及軍器」,《小 事,與 涉 衈 「釁寶鐘」。 其具在《周官》者,《大祝》、《天府 龜筴。』《雜記》下: 而誤。」 ·則奉犬牲」、《犬人》「凡幾衈,用駹可 |然則血祭之「釁」與釁器之「釁」自是兩事。 應劭 下。 」趙 同。 氏佑 阮氏元《挍勘記》云: 割雞,門,當門; 面刲羊,血流于前,乃降。 《天府》:「上春,釁 温 釁屋者,●交神明之道也。 故録 「成廟則釁之,其禮: 『興讀爲釁。』《月令》: 『孟冬,命太 夾室,中 「古人用釁 「當依《周禮 寶鎮 》而外、《春官 《秋官》則《士師 室。」又云: 門夾室皆用 也」、《司 及 之禮不 寶器。」趙 雍人舉羊,升 》作「鎮 凡宗 其 約》「若有 趙 》則 雞 釁 「路 氏 一始 雞 有 性」。 二,形 祈 廟 氏 合爲 子 其 肆 之 寢 立 定 引

疏

屋」,原 無,今從沈校據 禮 記

也。 愛其 之。 賜予曰愛。」《漢書· 曰: 也 取飾義也,亦康成所不從。 是塗其罅隙。」按: 隙 中《辨正》謂: 制 爲牲之最大,不輕用也。 郤。 玉亦釁之,廟社皆用釁,主亦釁,馬廐亦釁之,蓋非止爲塗其 先鄭則「釁」讀曰「徽」,謂「飾美之也」。 是凡器物皆用釁, 報 毛牲者刉 訟 「愛猶惜也。」惜亦吝嗇之義,故下注云「愛惜」。 者,則 ,使完固之義, ,亦見古禮失之一端。 其牲則以羊爲大,亦用豚、犬與雞,獨未有言牛者。 王推是仁心,足以至於王道。 (財,臣 臣 炕注「愛嗇也」○正義曰:《周書 日 誠 古 珥 有 用 而辟藏」。 知王之不忍也。」注愛,嗇 知王見牛恐懼不欲趨死,不 是心 羽牲者 百 「釁之義 姓 塗其罅隙即是鄭司農讀 是取其膏澤護養精靈。 足以 實嬰傳》云「豈以 者 衈 康成 有三: 皆取 此以 孟子則第就事論事而 王矣。 注皆以 齊 曰 : 一 血以釁之事; | 國 鐘 是祓除不祥, 祈即 雖 而用牛,明非禮之正經定 有之。」注王曰: 百姓皆以王 褊 爲臣有愛」,集注云: • 謚法解》云:「嗇於 刉字, 珥即衈字。 然百姓皆謂 小,吾 釁之者,神之也。 鐘爲邦器,釁 「徽」、賈疏 忍,故易之 已。」周 也。 是彌 何愛 王 日 爲 孟 王 氏柄 以 縫 愛 嗇 子 有 4 用 爲 鐘 罅 財

建異,怪 牛 ? 百姓 哉 ? 義曰: 姓之 王若 之轉爲黑, 罪,何爲獨 鐘又不可廢,故易之以羊耳。 國雖小,豈愛惜一牛之財 羊易之也。」注 王曰: 姓之謂我愛也。」注王自笑心不然而不能 「拜稽顙,哀戚之至隱也。」隱與濦通,隱、哀,一聲之轉。 云:「《逸周書 異 異猶怪也。」《史記・魯世家》「有異焉」、《集解》引服 也,見王 猶 所非。 怪也。」是異之義與怪 隱 以王 昭公二十六年《左傳》云「然據有異焉」,賈氏 我非 即不忍其觳觫,若無罪 也。 其 猶薆之轉爲隱矣。] 王笑曰:「是誠 釋牛 以 無 爲 乃責己之以小易大,故曰: 愛其 • 小 隱,痛也。 罪 謚法解》云:「隱,哀之方也。」《檀弓》云 愛也。 易大故 而 而 財。 取羊? 就 也。 死 以小 亦誠 而 孟子言無怪 同 費哉? 地,則 疏注 易之以羊 也。 王如 有 易大, 曰: 百 王氏念孫 異 痛 牛 即 而就死 姓 怪也隱痛 其無 羊 「王無異 見其牛哀之, 彼惡 所言者矣。 百 ·也,宜 何擇焉?」 宜乎其 姓 罪 廣 之謂 地 "**,** 羊 知之? 也一〇 雅 故故 自 虔云: 注 於百 乎百 何 疏 免爲 非 亦 王 云 證 以 豐 吾 我 哀 無 愛 IF.

也。 二句,「不然」二字解「我非愛其財」,謂我之心果何心哉 義曰:賈子《新書·禮》篇云:「禮,聖王之於禽獸也,見其 廚,不欲見其 見羊,羊之爲牲次於牛,故用之耳。 書名「章句」,故其分析明白如此,舉此以例其餘。 連,「而易之以羊也」不斷句,與「宜乎」一氣接下。 爲百姓所非」一句,明 句,「故曰宜乎其非我也」解末句,於其間隔以 不嘗其肉,故 生不忍見其死,聞其聲不忍嘗其肉,故遠庖廚。 自責之心曰:無傷於仁,是乃王爲仁之道 忍食其肉,是以君子遠庖廚也。」注孟子 之於禽獸也,見其生不忍見其死,聞其聲不 自信非愛財 云:「《大戴禮 《大戴禮 無傷也,是乃仁術也,見牛未見羊也。 疏注「王自」至「我也」○正義曰"「自笑心不然」解首 保傅 也。 遠庖廚,所以長恩且明有仁也。」翟氏灝《 生、食其肉也。 保傅 》篇云:「於禽獸,見其生不食其死,聞其聲 「乃責己之以小易大」解 》篇即自賈子採録,而篇置不同,文亦 「我非愛其財」斷句,不與下「而」字 疏「君子」至 是以君子遠 「而易之以羊也」 「而不能 仁之至也。」 「廚也」〇 也。 趙氏此 《考異 君子 曰 : 解 時 自 庖 未 Ŧ īF. 免

> 小異。 牛,大夫無故不殺羊。」是羊之爲牲次於牛也 云:「天子社稷皆太牢,諸侯社稷皆少牢。 南子》《吕氏春秋》、章昭注《國語》皆以道釋術,故趙氏以「仁 夫》注云:「三牲、牛羊豕具爲一牢。」桓公八年《公羊傳》注 道」解「仁術」。○注「羊之」至「之耳」○正義曰:《周禮 文》行部云:「術,邑中道也。」鄭康成注《禮記》、高誘注 書·道術》篇云:「道者,所從接物也,其末者謂之術。」《説 云:「牛羊豕凡三牲曰大牢,羊豕凡二牲曰少牢。」《王 『是以』二字。」○注「無傷」至「道也」○正 『君子遠庖廚』本《禮記・玉藻》文、孟子述之、故 義曰: 賈子《新 諸 侯無故不 加 淮 宰 有

云: 巧言》之篇也。 度知己心,戚戚然心有動也。 心之所以合於王者,何也?」注《詩》、《小 不得吾心, 夫子言之,於我心有戚戚焉。 之。』夫子之謂 云:「《巧言》,刺幽王 足以王也? 「因己能忖度讒人之心。」王引此蓋斷章取義。《毛詩 王説,曰:「《詩》云:"他人有心,予忖度 疏注「詩小」至「己心」○正義曰:《詩 王喜悦,因稱 也。夫我乃行之,反而求之, 也。 大夫傷於讒,故 是《詩》以 寡人雖 有是 作 嗟歎 ... 心, 詩 孟 也。」 》小 何 子 雅 此 忖 能

斤

也

末

以

氏以

春

秋

復也」鄭氏注、《國 爲俶。 於王也」,非是。 合與治義同。 焉」,趙氏注云: 動也,方俗語 之,王乃解悦,解悦則喜矣,喜故歎美孟子,以爲知己心。 也。」忖與寸義同。 文》云:「忖,本又作寸。」《漢 「《方言》:「衝、俶 「椒,氣 '憧',不定也。』《咸》九四: 舉 戚戚 而 「足以王」解「合於王」。 不 白 勿躬 也。 《爾雅》:「動 出于土也。」義 疏注 見 鈞 至「王也」〇正義曰: 王氏念孫《廣雅疏證》云: 》篇 人有白王如此,王信之乎? 興 而 有輕重耳。 「復白 《説文》水部云:「治,霑也。」霑有足義,故趙 「管子復於桓公」高誘注,皆訓復爲白。 「戚 薪。」則 不足以 曰:「有復於王者曰: 語》「正月之朔,鄉長復事」章昭注、《吕氏 ,動也。」「衝俶」與 前此 也 戚然心 、俶、作也。」是俶與動 許 亦與俶同。 詰駁,王意不能 信 舉 《釋訓》: 「憧憧往來。」皆動之貌也。 王許之乎?」注復,白也。 有動 也一〇正 閩、監、毛三本作 \_\_\_ 書 羽,明足以察秋豪 也。」戚與 《孟子》「於我心有戚戚 「徸徸,行也。」《説文》: 《廣雅 律 義曰: 曆 解,孟子以仁術言 志》云:「寸 》「衝休」同。 俶亦聲 同 《曲禮》云「願 義。 百鈞,三千 「何能足以 吾 《説文》: 近義 力 者 聲轉 同。 衝亦 《周 之 足 有 合 0 忖 禮 也。 禽獸 然則 足以 云: 云

爲與不爲之形若是,王則不折枝之類 非不能也。 也, 王之不王, 是折枝之類 者折枝,語人曰『我不能』,是不 北海、語人曰『我不能』、是誠 異?」注王問其狀何以異也。 之不王,不爲也,非不能也。」注孟子言王恩及 不用明焉,百姓之不見保爲不用恩焉。 故三千斤。 也」〇正義曰: 「許諾。」惟信之,故諾之、聽之也。 「許,聽 宰夫》「諸臣之復」,注云: 而不安百姓,若不用力、不用 故王之不王,非 及禽獸 羽之不舉爲不用力焉,輿薪之不 曰:「否。」注王曰:我不信也。 也。」《吕氏春秋· 曰:「不爲者與 《説苑·辨物》篇云:「三十斤爲一 而功不至於百姓者,獨 挾太 首時》篇「王子信」,高 「復謂奏事也。」《説 不能者之形,何以 Ш 曰:「挾太山 也。 明 以 不 ○注「百鈞三千斤 者也。 爲 注孟子爲王 超 能 也。 也,非 北 也 折枝, 海 不爲耳。 何 鈞。」百鈞 「今恩 文》言 與? 之 爲 故 見爲 以 不 誘 長 超 Ŧ 類 案 陳 注 部

**应** 注 : 子未必引之。 江 山 不 摩,折手 皆 禮 揖 故録》云: 此 而 此 惟 具。」❷《音義》引 僉 舐 王 河, 也。 一難論 能 青州 近齊」〇正 痔」,盧思道 皆卑役,非凡人屑爲,故曰是不爲,非不能。 抑搔之。」鄭注抑搔 卑賤奉事尊長之節。 以 》載薛稷等「舐痔折枝,阿附太平公主」,類皆明作媕諂 書賸言》云: 與『徐行後長』意類 『按摩,不爲,非難爲。』可驗。 超 也。 生民以來未嘗有 北海」〇正 元 云 故蘇秦説齊宣王『齊南有太山 節, 人《四 「《文獻 太山 **9** 豈 義 解 0 彩北 日 書辨疑 罷 「趙氏注『折枝』:『案摩,折手節 陸善經 注「折枝」至「見役」〇 同 一義曰:《墨子· 北 通考》載陸筠解爲「罄折腰枝」,蓋猶今拜 齊論 枝 閻氏若璩 海 折 即 也。 也。」蓋當時 Ē, 》「韓高之徒、人皆折枝舐 枝 皆 议 好摩。 《内則》:「子婦事舅姑 云 於 校與 近齊, 竊其意而衍之。」〇注 少者 長 折枝,折草樹 放通 四 者, 屈 故以 兼愛》篇云:「挈太山 耻 書釋地 抑枝體與 若劉 有此 以 見役,故 謂 不 爲 峻《廣絶交論》『折 ,北有渤海」,司 語。 飲折肢體 爲 正義曰: 喻 折 枝。」 爲 《墨子》之書,孟 也 難 「《禹貢》海 義』正 不 《後漢》張 問 乎? 一趙 太山 痔」、《朝 ,爲長 ,解罷枝。」 毛氏 ·爲耳 疾痛疴 疏 氏 同。 佑 馬遷 人者作 劉 奇齡 挾 北 以 温 非 枝 以 太 代 海 之 野 煕 晧 癢 超

> 海」皆 《禮記 是也。 長,謂尊老敬長也。」此 云: 易 亦 敬 置北海郡於營陵。 言『吾適 老無敬訓 幼吾幼以及人之幼,天下 云:「運,轉也。」故以轉解運。 至于兄弟,以 也 愛人之幼,推此 也 「上老老而 取齊境 ,幼猶愛也。 》云 「齊人將有事 注 高帝置泰 齊,自泰山 疏注「老猶」至「易也」○正義曰: 《詩 ,幼無愛訓,故 内 ×, 民興 之地設 Ш 御 大雅 郡,領 營陵,舊營邱 屬之琅邪,北 孝,上長長 于 心以惠民,天下可轉之掌上, 敬吾之老亦敬人之老,愛我之 譬 「老吾老,幼吾幼」,猶 泰山」, 家 云「猶敬」「猶愛」也。 耳。」老 博 . 邦。」言舉斯 縣, 思 《詩》云:『刑于寡· 是 齊》之篇 而 縣 地。 被於海」。 也。 民 可運 吾 有 興 《左傳》云『君處北 泰 |老以 以 弟。」注 Ш 於掌。 知「挾泰山 《禮記· 廟 也 降至 心 云「老老長長」。 及 岱 云: 廣雅·釋詁 加 刑 人之老, 一漢景 在 諸 注 其 大學》篇 老老長 以 正 帝, 彼 西 言其 老猶 妻, 超 也。 幼 而 北 猶

②「明」,原誤作「朋」,今據《四書賸言》改。
改。
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○
○</

御,享也。享天下國家之福,但舉己心加於人耳。寡,少也。言文王正己適妻,則八妾從,以及兄弟。

疏注「邢正

|至「妾從」○

)正義曰:《詩釋文》引《韓詩》云:

同。 善推 長 推 以 舉」至「人耳」○正義曰:阮氏元《挍勘記》云:「監、毛本心 下國家之福皆進於天子,故御享天下國家之福也。 篇云:「天子諸侯一娶九女,一爲適妻,餘爲八妾。」○注「御 王不能,不爲之耳。 作以,形近而誤。」故推恩足以保四海,不推恩 也。」凡衣服加於身,飲食入於口,妃妾接於寢,皆曰御。 友也。《獨斷》云: 而 一刑,正 」至「之福 短。 其 保妻子。 功不至於百姓者,獨何與? 《詩・六月》「飲御諸 其心所好惡以安四海 、所爲而已矣。 也。」《毛詩 物皆然,心爲甚。 古之人所以大過人者無他焉,善 義曰: 享之義爲獻, 御之義爲進。 》傳云: 「所至日幸,所進日御。」又云: 權然: **注**大過人者,大有爲之君 「寡 友」,傳云:「御,進也。」謂飲享諸 妻,適妻也。《白虎通・ 也。 後 王請度之。 知 今恩足以 輕 重,度 注復申此 注權, 銓 然 及 「御者 ○注 一言非 禽獸 後 進、獻 嫁娶》 也, 進 但 知 無 天

然」。 之意, 《尚書‧堯典》「同律度量衡」,鄭氏注亦云:「度,丈尺也。」 錘。 「錘謂之權。」又云:「 重也。 所行,故云「心當行之」,又云「尤當爲之甚者也」。 者,分、寸、尺、丈、引也,所以度長短也。」舉丈、尺以概其 也。」韋昭 權衡」,高誘注云: 至「長短」〇正義 當爲之甚者也。 皆當稱 衡也,可以 毛二本因而不革也。」○注「凡物」至「物也」○正義曰: 云:「度之待各切。 阮氏元《挍勘記》云:「閩、監、毛三本量作度。 故孟子舉權,趙氏 『度長短』,是《音義》本亦當作量。 衡之輕重視乎錘之進退 謂 以「行」字解「爲」字,讀 衡所以任權 度乃可 凡物皆 注 **國** 稱 輕重,度,丈尺也 有輕 語 知,心當行之乃爲 日: 以銓衡 》云:「銓,稱 欲使王度心如度物也 而 注「稱度」、「度心」、「度物」皆同。」不云 「權,秤衡也。」《説文》金 重 稱謂之銓。」《吕氏春秋 《漢書 均物、平輕重也。」《廣雅 長 明之。 短, 「心」爲 · 而 必 律曆志》云:「 也。」是 宜以 所以銓 《漢 改爲度者,閩本之誤,監 可以 書 頓。 權度度之,故 仁。 銓 衡輕 衡即 律 量 心之所爲即心之 心 衡,平 曆 部 重,全視乎 長 比 疏 按、《音義 稱 仲秋紀》「平 志》云: 云:「銓, 釋器》云: 短。 於 注 衡。 蓋以「心 云「物皆 也。 物, 權 凡 趙氏 權 餘 錘 銓 物 度 爲 衡 尤

字連讀。 吉凶 是賢乎」,王氏引之《經義述聞》云:「《繋辭傳》「噫亦要存亡 傳》「抑臣又聞之」,注云: 也。 臣 度,則不知推恩以保四海,故 即以心度之。 度物之輕重長短 爲」之「爲」即上 人」,是抑即 皇父」箋云:「抑之言噫。」《釋文》引 禽獸之心輕於愛百姓之心也。 短者也,心愛百姓,心之重長者也。 國 **云** Ĕ 語》「敢問天道抑人故也」,賈子《新書・禮容語下》作「意 」既解作「心所好惡」,則此云「度心」即度心之所好惡,如 構怨 抑人亦有言」注,皆以抑爲辭。 ,則居可知矣」,噫亦即抑 義曰:《禮記 孟子問 丁黄 按: 帝 於諸 意。 王 物之輕 物有輕 顓 意其如 也。 一善 頊 侯, 抑 一之道 推其 中 重長短,以權度度之,心之輕重長短, 乃近人通解以「心」字一頓,「爲甚」二 亦 重長短不度,猶可,心之輕重長 ·庸》「抑 然 此 存乎, 如 (所爲」之「爲」。 「抑,疑辭。」《論語 解之未定者也。 後 是 亦也。 「爲甚」也。 乃快邪? 而 快 意亦 强與」注、宣公十一年《左 抑王 於 《韓詩》云:「抑,意也。」 《詩·十月之交》「抑此 不以心度心,則不 忽不可 《大戴禮·武王踐祚 心 與 興 心愛禽獸,心之輕 「善推其所爲」之 疏注「抑 故昭公八年《左 得 ?」注抑,辭 甲 》「抑亦先覺者 見與?」《 ·兵,危 辭 知愛 短不 也 +: 荀

> 傳 》: 亦如是」。 與?』《秦策》云: 書》億作意字。 脩身》篇云: 「願因時循理,棄軀以除患害於天下,億 並與抑亦同。」趙以「抑亦」 「將以 『誠病乎, 窮 無 意亦思乎?』《史記 寫、 逐 無極 與, 猶 意 「抑」、故云「抑 亦可乎? 亦 有 旲 所 』《漢 王 止 濞 之

子

體與 言。 引之,故云「欲以致王所欲也」。 心 利除害」,注云:「致謂引而至也。」王笑而不肯言, 疏注「孟子」至「之也」〇正義 復問此五者,欲以致王所欲也,故發異端以 之諸臣皆足以供之,而王豈爲是哉?」注 足聽於耳與? 便嬖不足使令於前 遂緣以陳之。 與?」注孟子雖心知王意而 大欲也。」注王言不然,我不快是 所 日 大欲 ? 王曰:「否,吾何快於是? 抑爲采色不足視於目 「爲肥甘不足於口 者 耳。 王笑而不言。 曰 **:** 曰:《漢書·公孫宏傳》云「致 王之所 「異端」者、《論語》云 故問者,欲令王 與? 注王 也。 大 與? 將 意大而不 輕 欲 將 以 煖不 與? 欲 口 聲音 求 孟子以言 問之也。 以 自 吾 得 「攻乎 足 敢 孟子 道, 不 於 聞 所 Œ 我

端

表

欲 音、 忧 地、朝秦楚,蒞 世路方夷。」則凡異己者通 謂説之不 異焉。」《韓詩外傳》云:「序異端,使不相悖。」異端之云,第 舊説,故競違異前儒之説以難之也。 成儒者,未以通人許之,競設異端,百家互起。 左氏,故以二傳爲異端。 氏《易》、左氏《春秋》,范 此與彼異、是爲「他端」。 漢《賢良策問》云: 簡 斷斷兮無他技」,注云: (端」,何晏注 ,則《韓詩外 口 ,故云「發異 便 義 傳 弘疏》以 嬖 注王言 知 五者。 而去異端。」范升習二傳,故以左氏爲異端; 一同耳。 己。 異端爲諸子百家之書,謂 傳》 中 我不 端 欲辟 此 或 故諸葛長民《貽劉敬宣書》云: 以 所 五. 「異 「良玉不瑑,●又云非文無以 而撫四 問 者 爲 謂 (端,不同 土 之也」。 非王之所大欲 是 序 升以 袁紹客多豪俊,並有才説。 「他技,異端之技也。」異即 地 後漢書》尚書令韓歆上疏 也。 一稱爲 夷,而故舉肥甘、 異端」矣。 爲異端。 歸 朝秦 異端。 日 曰 : 也。」又以 : 康成依方辨對,咸 **、楚**,莅 「然則王 王之大欲,本在辟 其與聖經大道 ,則爲所大欲外之他 《禮記 杜預《春秋序》云: 否,吾不爲 小 輕煖、采色、 道 中 儒者必拘 「異端將 大學》篇云 輔 爲 一之所 或 德,二端 異 · 欲 見鄭康 杜 而 他 異 端, 預注 立費 虚, 出 也。 也。 撫 大 是 聲 問 守 皇 土 莅即 0 中 申 而 魚  $\bar{z}$ 四 國 求生魚

夷 而 也 安 四 žĚ 夷 莅,臨 者 也。 也 疏 注 言王 莅 臨 意 至 欲 一者 庶 幾 也 王 Ö 者 Ĕ 莅 日 臨

侃

事,求順今之所欲莅中國之願,其不 大行人》云「王之所以撫邦國諸侯者」、《淮南子・原道訓》云 臨莅中國」。 以撫四方」,鄭康成、高誘皆以 也。」注若,順 涖。 「臨、涖,視也。」《説文》手部云: 涖之爲臨, 以若所 也。 經 典傳注 爲求若 順嚮 不 者 撫訓 勝 所爲,謂 所 舉 安。 欲 「撫,安 數。 猶 可 閩、監、 得,如緣 搆 爾 也。」《周 緣 兵 雅 毛三本 木 諸 釋 而 喬 侯 禮 詁 求 木 之 作

或枯魚 之所短也。」此云「緣木」,故知其爲喬木。 辭不達。《管子· 順」、《爾雅·釋言》文。 一若」。 明之。 若,如: ,猶或有之,若喬木生魚,則 王曰: 也。 此 也。 疏注「若順」至「魚 形勢解》云:「緣高出險,猱蝯之所長 「若是其 謂以如 按:「若」宜同 此所爲求如 甚 與?」注 必無可求之理,故 也一〇 若 此 所欲 無罪 緣木求魚 王謂 面 解爲 就死 比之緣 或 地」之 順於 而 趙 小 氏 木 人

瑑」,原誤作「琢」,今據《漢書》改

正

義

 $\Box$ 

若

其害 注 必 内 大 又也。」言殆又甚焉。 疏 心 欲 古 八,何以 爲 者。」是災即 雖 木 公羊傳》云「記災也」,注云"「災者,有害於人物 有災告」,《 有 求 以 不 之地 王曰 孰 力 不 始有甚焉」〇 也。 殘 魚 如 勝?」 而 得 固 民 州 强 爲 方千 爲 魚 服 楚人 破國之災,故曰 大。 異 疏注「王欲知其害也」○正義曰: 大 不 害 釋 之,後必 甚。 八 於鄒 注 可 也 文》引《子夏 無 州 里者 勝 集 正義曰: 言鄒 以 後 猶 也 會 曰 : 日 敵 敵 災; 日 齊 鄒 九, 小 楚哉? 衆, 有災。」 : 地 日 欲 楚 大 王氏引之《經 傳》云: 鄒 \_; \_\_ 以 殆 敵 齊 殆有 可 弱 可 若 楚。 人與 有 也。 方 集 然 得 固 注 所 甚 甚 Ŧ 注 傷 有 則 聞 不 疏 楚 於緣 里 孟 爲 焉 固 日 害日 與? 其 可 小 傳 子 海内 人 求 譬 釋 辭 古 言 以 戦, 木 若 緣 災。」隱 《易・復》上六 詞》云: 也。 0 楚 敵 不 求 盡 至「者九」〇 注 木 所 州 隨 魚 以 則 强 可 人 心 言 王 求 耳 欲 公五 事 者 戰 以 勝 王 「有 小 欲 而 魚 也 鬭 服 敵 以 杰 今 海 弱 年 知 猶 至

爲 九州 注 蠻 内之地方七千里。 分 禹 百 于 成爲萬里。」《王 并,土地減,國數少。 州 七 正 十九,得 萬國之封焉。 者,禹弼五服之殘數。 五服,至于五千。」《釋文》引鄭氏注 八各立一州 大界方三千里,三三而九,方千里者九也 里。 九州。 謂 而各有六。」然則唐、 所受地。 面方各五千里 四十九,方千里者四十有 義 固辭」至 各方千里者六。」又云: 完之四 日 外 要服之内,方四千 有四 方千里 王 周公復唐虞之舊域。』《尚 海。」此 記書日 「强大」〇正義日 海。 制 , 此 猶用要服之内爲九州 制 殷制 者四十九。 <u>Š</u> 海 四 **※** 疏 爾 一見 孟 内 面 凡 也。 亦引 雅 子 殷湯承之,更制中方三千里之界,亦 虞與 相距 亦 侖 所 即 四 每服 里 周 Ш 此。 指 釋 説 海之内 其一 九也。 公制 殷 爲方萬里。 「夏 東 四 地 日 唐 海 者合五百里,故 南 高誘注《國策》及《吕氏春 鄭注云: 九州, 海之内,謂 末既 内之地方三千 以 虞 禮, 九州 地 其 爲圻 書 及 云: 衰 九州大界 ,州更方七千里,七七四 「九夷、八狄、七戎、 殷 方 其外荒 皋陶謨》云: 州 堯 爲畿内,餘四十 五千里, 「五服已五 之制 内,餘 夷狄 輔 初 要服之内也。 方千 制 其 五 也。 服 内侵 四十八,八 有萬里之界 服 方七千 Ŧī. 一爲縣 里,夏、周 里。」 日 名 服 而 古者 四 千, 成 日 服 諸 海 注 「弼 神 内, 内 各 又 侯 궆 秋 州 六 有 海 州 此 弼 成 相 餘 分 Ti.

皆訓 琅邪,東西不止千里。 强大,孟子言齊地小弱,故一言「方二千里」,一言「方千里」, 有渤海,此所謂四塞之國也。」齊地方二千里,蘇秦侈言齊之 趙合從説齊宣王曰:「齊南有泰山,東有琅邪,西有清河,北 雅·釋言》文。凡方千里,則爲積一百萬里。 移之辭也。 大。 大抵俱約略之辭。 「集會」也。 《禮記 固 爲 必。 ○注「集會」至「州耳」○正義曰:「集,會」、《爾 蓋亦 投壺》注云:「固之言如故也。」如故即不可 固 然者,必然之辭; 反其本矣。 太山至渤海,南北不足千里,自清河 絕長補短、計其積數、約方千里、故 固不 注王欲服之之道,蓋 如强大,即必不 《國策》蘇秦爲 如强 至 遷

當「重。司に養養》(益、是、美)、(云:●「『響を豊の員を』 當反王道之本。 (疏注「蓋當」至「之本」○正義曰:蓋與

盍韻蓋字引《孟》爲證。《韻會》合韻『盍或作蓋』,亦引《孟》。盍古通。周氏廣業《孟子異本考》云:❶「《增修禮部韻略》

利本作「盍」,「蓋」與「盍」同也。趙氏以「當」明「蓋」,《爾諸」,並以盍爲蓋。」此從閩、監、毛、孔諸本作「蓋」,韓本、足按、《史記・孔子世家》「夫子蓋少貶焉」,《檀弓》「子蓋慎

「蓋當」猶「合當」也。下文「則盍反其本矣」與此義同,故趙文穎云:「蓋,合也。」趙氏讀「蓋」爲「合」,故以「當」釋「蓋」。雅・釋詁》云:「盍,合也。」《史記・司馬相如傳》《索隱》引雅・釋詁》云:「盍,合也。

之者? 傳 氏不複注。 反其本也。」今王發政施仁,使天下仕者皆欲 其盍亦鑑於人」,盍鑑於人也。《孟子》「盍亦反其本矣」,盍 續禹功而大庇民乎」,盍遠續禹功而大庇民也。《吴語》「王 氏引之《經傳釋詞》云:「凡言「盍亦」者,以亦爲語 字該改「盍」字,説者又謂蓋是疑辭、 之?」注反本道、行仁政若此,則天下歸之,誰 欲疾其君者皆欲赴愬於王。 藏於王之市,行旅皆欲出於王之塗,天下 於王之朝,耕者皆欲耕於王之野,商 》僖二十四年「盍亦求之」,盍求之也。 或謂此文「蓋」字乃「盍」字之誤,或謂下 盍是決解,皆非是。 其若是,孰 昭元年「子盍亦遠 賈皆 助。 文「蓋 能 能 **定** 之 立 欲 Ŧ 止

注王言我情思惽亂,不能進行此仁政,不知所當施輔吾志,明以教我。我雖不敏,請嘗試之。」王曰:「吾惽,不能進於是矣。願夫子

● 「異本考」,原誤作「逸文考」,今從沈校據《孟子四考》

與? 行之,如飲食未大歡,先以 辭 嘗使 行 П 也。」《檀弓》注云:「嘗、試也。」「嘗」、「試」二字義同。 行也。」故趙氏以「進」爲「行」。 至 昭 終身」,王逸注云: 亂 文》心部云: 云:「進,行也。」《考工記 個 與 嘗」、「試」亦訓 惛,不明也。」「不明 味之也。」趙氏云: 注云: 也。 「之也」() 也。」《詩 》引《廣雅》云:「嘗,暫也。」嘗試之義,謂未即全行,先暫 也 思元賦》「非 」高誘注云: 少 秋穀成者非 唇 欲使 行 「唇」闇亂 之也 同。 正 「惛,不憭也。」《國策》「皆惽于教」,高誘注云: 民 孟子明言 義 爲行。 (勞》「以謹惽怓」,毛傳云: 《吕氏· 余心之所嘗」,舊注云: 日 「昬,亂也。」《楚辭 「唇,亂也。」《國語 也。」故趙氏以 一,黍先熟可得薦,故曰嘗。』《一切經音 疏注 **一**猶 「嘗使少行之」,「少行」即 春秋 桓公八年《公羊傳》注云:「嘗者,先 周 「不憭」。 其 ·輪人》「進 禮 王言 口嘗之,故 道 貴直 以 大司 《廣 《廣雅 教訓 亂 至 雅 • 涉江》篇「固將重昬 一個 馬 而行之」, 解「惽」。 》「僮昬不 《説文》旨部云: 之。 》「徒 亂○ 釋詁》云:「試,嘗 釋訓》云: 「惽怓、大亂也。」 「先生之老與昬 「嘗,行也。」則 我雖 銜 注云: 正 可 枚 ○注 「暫行」,解 義 而 使謀」,章 不 進」,注 日 「惽惽 敏 示 「進 嘗, 令文 能 《説 猶 願 而

昭注 於飢 有學 羅罔以罔 侈於姦利,犯罪觸 而 性。 注 者 心,放辟 恒産者,田 ○正義曰: 則民常 云:「生謂財業也。」《漢書 生謂生業。」《大宗伯》「天産」謂六牲之畜,「地 試 刑之,是 孟子爲王陳其 」字,謂 五. 惟 士之心 《國語》,皆以 吕氏春秋 寒則不能守其常善之心。 行志 可 士: 里樹 以生之業也。 民者也。 邪 先使暫 「恒,常」、《爾雅・ 爲 》引京房《易傳》云: 者 罔 侈 能; ·上農》篇高誘注 畜, ·, 雖 民 「生」訓「産」。 行之也。 無 法 民 刑,無所不爲。 也。 若 窮不 疏注「放溢 也。 不 所 民 ·爲已。 侍 以 長 失道,不求 注民 恒心,人所常有善心 恒 嚴助傳 日 釋詁》 常 則 《詩·谷風》「既生既育」,箋 「君樂逸人兹謂放。」《韋賢 云: 養其生者也。 誠 無 」至「姦利」○正 也。 及 》云 「民 文。 疏注 無 無 地 恒 陷 乃就 恒 苟 恒 産 服 産 産,嘉 於罪 心,放 生未復」, 恒 生 得 産 虔 刑 大 注 常」至「業 耳 産 之,是 而 也。 穀 然後 無 <sup>②</sup>左 一謂 義 苟 溢 也 有 凡 也。 恒 一傳》、 注 辟 土 恒 無 恒 由 地 民 굸: 邪 心 産 也 從 恒 漢 惟 張 韋 迫 則 之

傳》集注引

臣

費云:

「逸,放也。」《説文》兔部云:

逸,

失

書

邪、辟一 溢也。 移。 義同。 邪 從系。」「罔 於姦利」。「姦利」二字統承「放辟邪侈」而言。 饋食》注云:「侈者,蓋半士妻之袂以益之。」以 侈之假借。」按: 辟」, 辞即僻。《文選·登徒子好色賦》注云:「邪, 僻 放蕩也。 又《儀禮・少牢》篇「侈袂」,又《禮記》「衣服以移之」,是移爲 「《考工記·鳧氏》「侈弇之所由興」,注云:「故書侈作移。」 「司」,讀爲「伺」。 司」者,非趙本也。」焉有仁人在 説文》网部云: 也。」《漢書 》云「蕩滌邪僻之惡志」、《佞倖石 》云「邪僻之説息」、《杜欽傳》云「反因時信其邪辟」、《谷永 丁作 移猶廣大也。」「水氾移」猶云「水氾溢」。 《音義》云: 趙氏以溢釋放,則放義同侈,故侈不訓其義而云「侈 一字可互注。 洪、失、溢 《淮南子·精神訓 「司民」,不同。」 即 岡 晁 X 《禮記·表記》注云:「移,讀如水氾移之 司、何古通用。依趙注則是「罔」字。 音同 錯 羅」之「罔 趙以邪釋辟,即以辟釋邪,明辟、邪二字 , 庖犧所結繩以漁。 傳》云「使主内無邪僻之行」、《董 「侈,丁作移。」阮氏元《挍勘記》云: 義 通 》「而不僻矣」, 高誘注云: ,故趙氏以 也。 阮 氏 元《挍 《音義》云: 顯傳 位 溢 罔,或從亡。 勘 》云「知顯專權 釋 罔 記》:「丁 《儀禮• 「放」, 民 益訓侈,益猶 「罔民、張 罔與 加 謂 可 飘, 網同。 1 本 少牢 一仲舒 也。 縱 爲 或 作 作 洪 如 邪 0 0

修禮行 義哉? 「言衣」至「榮辱」○正義曰:《管子·牧民》篇云:「倉廩實 死亡。 也? 也? 「輕,易也。」高誘注《吕氏春秋・知接》篇亦云:「輕,易也。」 不免於死亡。 事父母,俯不足以畜妻子,樂歲終身苦,凶 故趙氏以「易」釋「輕」。 民」至「易也」〇正義曰: 知禮節,衣食足,知榮辱。」《説苑・説叢》亦引此。 言「衣食足,知榮辱」,故民從之,教化輕易也。 母,俯足以畜妻子,樂歲終身飽,② 是故 注 義 然後驅而之善,故民之從之也 注言今民困 也? 安 明 有 仁 君 此惟救死而 疏「今也」至「身苦」〇正 人爲君, 制 民之産,必 今也制民 窮, 《漢書 救 罔 死 • 賈誼傳》集注引蘇林云: 陷 恐不贍,奚暇 恐 其 凍 之産,仰不足 使 民,是政 餓 仰 偂 義 足 凶 不給 日 以 輕 年 何 ○注「故 趙 治 免 事 可 何 氏 以 於 年 父 佑 暇 注 爲

<sup>「</sup>樂」,原誤作「歲」,今據廖本改。

七八

也? 作丘賦 子 也。 然則善長民者又將以何爲知本乎?」○注「今民」至「義也」 不知其必使至此也? 畜 陌,莫不以爲制民之産也。 制宜之説。 征科之是計,安問所謂制民之産? 之,上之人聽其自勤 温 正 '可復,限民名田之議亦有不能行,民生田宅一切皆民自 何以於今無異辭? 爲其本不從民起見也。 故録》云: 義 迨 立 三 三 : 古法既 ,固皆以爲制民之産也, 一法反增 仰 是故齊作內政,晉作轅田,魯作丘甲,用田 不足 「或問明君制民之産,如下「五畝之宅」云云是 壞,但 事,俯不 擾 有奪 自惰,自貧自富,自買自賣於其間 爲夫制之非其制 蓋凡古法變易之初,未嘗不託於權 也。 民之産,未有能制民之産者也,孟 夫彼即不爲民,亦何樂使至此 宋之營田 而適使民仰不足以事,俯不足以 足畜,樂歲苦,凶年死亡, 李悝之盡地力,商鞅之開阡 民亦無取乎上之制。 制置 也。 一諸使,其已事 後 世井 法既 国賦,鄭 而 所謂 也。 何 誉 惟 萬 而 時

曰 : 同。 子•天瑞》篇云: 文,然以老者與七十者互明,謂不獨七十,凡六十及 當章究義,不嫌其重也。 乃王政之本、常生之道,故爲 飢矣; 矣; 畝 以下例此也。 者不負戴於道路矣。 豚狗彘之畜,無失其時,七十者可 上例此也;以八口與數口 飢不寒,然而不王者,未之有也。」注其説與上 「反其本」,至此詳言之,故云「王政之本,常生之道」也 七十者」此言「老者」,故趙氏以次上農夫解 而 之宅,樹之以桑,五十者可 此節與第三章末節同,但彼言「數口」此言「八口」, 大指則同。 八口之家,次上農夫也。 百畝之田,勿奪 謹庠序之教,申之以孝悌之義,頒 「王政 「常生常化者無時不生,無時不化。」義各 |即「仁政」、「常生」即 互明,謂 其時,八口之家 老者衣帛食肉,黎 疏注「其説」至 不獨 齊梁之君各具 孟子 八口,凡 以 所以 「恒産」。 衣 之。 重 重 帛 九人及七人 也〇 以 言此 雖 可 矣; 上兩言 八 隨 陳 以 食 民 + Ĕ 意 彼 **参** 之。 白 肉 雞 無 以 立

章指: 言典籍攸載,帝王道 純 桓文

即

是「治禮義」也。

王欲行之,則盍反其本矣。五

恐

凍餓

而不足,尚不能免於凍餓也。

治猶理·

也。

脩之行之,

異

餓,有衣食則不凍餓,可救其死,故「救死」者,「恐凍餓

云:「贍,給

也。」《説

文》糸部云:

「給,相足

也。」凶

年死於凍

也。

困

也。

《漢書·食貨志》《東方朔傳》《趙充國傳》集注皆

之事 譎正相 德; 之指也。 堯舜之正道。」《爾雅・釋詁》云:「珍,美也。」《廣雅・釋 故曰「後世無傳未聞」。 澤」,云:「按,王者德澤如膏雨,故曰 未至於民也。 詁》云:「珍,重 秋》。」何休注云:「撥猶治也。 也。」純與紛相反。 秋》也。《淮南子・原道訓》云「純德獨存」,高誘注云:: 不屈道之言也。 踐其跡,答以反本,惟是爲要。 〇「仁不」至「言也」○正義曰:此言「德何如」以下至末 言首兩節之指也。 「典籍」謂《易》《尚書》《詩》《禮》《春 「易牲」,《考文》古本作「易性」,誤也。 ·純,不雜糅也。」《文選· 君子曷爲爲《春秋》? 釁鐘易牲,民不被澤。 T, 譎 雜、故紛。 仁但施於禽獸 Œ 澤即恩也。 相紛。 也。 紛亦亂也。 帝王之道專一 謂 疏「典籍」至「未聞」○正義曰:此 孔子之意不重桓文之事 撥亂 不施於 撥亂世,反諸正,莫近諸《春 被 西京賦》薛綜注云:「紛,雜 猶及 哀公十四年《公羊傳》云: 聖人治桓文之紛亂,反乎 仁不施人,猶不成 反正,聖意弗珍。 人,猶不可 於正,故純,桓文之事 也。 王請嘗試,欲 飲。 易牲則澤及於牛 周 氏 《舊唐書• 此蓋孟 廣業作「飲 成其爲德 也。 子 音 孟

氏以崇王黜霸爲「不屈道之言」。 《楚辭・天問》王逸注云:「迹,道也。」「残政分子後連横,以攻伐爲賢,而孟軻乃述唐虞其道」也。《考文》古本「跡」作「路」。《史記・孟子列傳》《楚辭・天問》王逸注云:「迹,道也。」「踐其跡」猶言「履樂志》云:「百蠻飲澤,萬國來王。」本此。」跡與迹同。

子正義卷三終

姪廷琮廷弼校宗

## 孟子正義卷四

江都縣鄉貢士焦循誤集

## 孟子卷第二

梁惠王章句下凡十六章。

也 矣。 章爲齊宣王,此章之王亦宣王也。 樂何如。 好樂、暴未有以對也。」曰:「好樂 莊暴,齊臣也。 下注以世俗之樂爲鄭聲, ●則趙氏以 孟子曰:「王之好樂甚,則齊國其庶幾 莊暴見孟子,曰:「暴見於王,王語暴以 疏注「莊暴齊臣也」○正義曰:此章承上章。 不能决知之,故無以 王爲齊王,知莊暴爲齊臣 對 「好樂」爲好音樂 了,而問 何如?」注 日 王 上 好

> 大好解好樂甚。云古之樂者,探下文言之。 疏注「王誠」至「治乎」〇正義曰:趙氏以甚訓大,故以誠能乎?」注 王誠能大好古之樂,齊國其庶幾治乎?

幾乎? 義曰: 日 : 前臣名,禮也。 大要與民同樂,古今何異也? 之樂,謂鄭聲也。 道其好樂也。 樂也,直好世俗之樂耳。」注變乎色,愠恚莊 字祗作不。」王變乎色,曰:「寡人非能好先王之 其名,曰『莊子』,此爲記者之誤。」○注「有是語不」○ 諸」〇正義曰: 有諸?」注孟子問,王有是語不。 阮氏元《挍勘記》云"「《考文》古本不作否。 他日見於王,曰:「王嘗語莊子以好樂, 由與猶通用。 今之樂,由古之樂也。」注甚,大也。 閻氏若璩《釋地又續》云: 莊子對孟子猶三稱名,而孟子於王前不 王言我不能好先王之樂也,直好世 曰:「王之好樂甚,則齊其 阮氏元《校勘 記》云: 疏「由古之樂也」〇正 「莊暴,齊臣。 疏「王嘗」至「有 「石經、宋本、岳 按,古可 Ē 庶 謂 俗 子 否 斥 君 義

❶ 「下注」上,依疏例當標「○注好樂○」五字。

樂邪

,與人共聽樂樂也?

曰:「不若與人。」注

E

樂,與人樂樂,孰樂?」注孟子復問

王獨自

「作樂

0

王

問,古今同

樂之意

寧

口

得 聞

邪?

日

獨

樂

:

爲大之大。「大要」二字自解今樂猶古樂之義,惟「甚大」之 好樂能 意而要歸於與民同樂。 好 樂甚」謂大要與民同樂,甚之爲大同,而前後義異。 要」二字承而言之,似以前之「好樂甚」謂大好古樂,此之「好 氏以大訓甚不屬於前「齊國其庶幾」之下,而屬於此下,「大 衆,合人己、君民而共之矣。 亦 特性》云「大報天而主日也」,注云:「大,猶徧也。」徧與多義 本、咸淳衢州 訓 大歸也。」無論古樂今樂,俱要歸於與民同樂,故云大要。 云「謹察間甚,以意調之」,注云:「甚謂多也。」●《禮記 大甚之大,讀若泰,與廣大之大古通。 異 相近。 樂 誤係於此 也一〇正義曰 ,則自宜古不宜今,王既自明爲世俗之樂,則孟子順 偏及於民,不宜殊異。 「然則王之好樂甚」,即謂王之好樂徧,徧則充滿廣 ,轉令學者惑耳。 本、 ·孔本、《考文》古本由作猶。」〇注「甚大」至 《後漢書·樊準傳 乃揆經文,前後兩稱 《漢書 趙氏「大要」之大,不必即訓 日: •陳咸傳》注云:「大要, 《素問 》注云: 可 得 標本病傳論 「好樂甚」,皆謂 聞 「大猶甚也。」 與?」 前渾言 注 郊 趙 甚 其 言樂:注孟子欲爲王陳

樂, 日 衆。」建王言不若與衆人共聽樂樂 聽樂樂邪,與衆 獨 與衆樂樂, 聽 樂,不如與 人共 孰樂?」注 衆共聽之樂也。 聽 樂樂 孟子復問 也 ? 也 日 日 ,王與少人 「臣請 「不若 與 少 樂 與 王 共

獨

樂與

衆人樂之狀。

疏

之言也。 《捫蝨新 與人樂樂、與少樂樂、與衆樂樂,凡上樂字爲作 邪、樂也、同樂、樂其,字皆同。 之樂也。 樂,誤矣。 岳,下音洛,下文及注樂樂皆同。 庸 語及其心病,故不覺變色,答以云云。 上音岳、下音洛是也。 「曰獨」至「言樂」○正義曰:《音義》云:「獨樂樂,丁上 臣 縱不能 語 蓋孟子告齊宣以先王無流連之樂、荒亡之行,一 不然,方言禮樂,又及田獵,無乃非類乎?」真通人 惟鼓樂當爲禮樂,其他獨樂樂、與衆樂樂,亦悦樂 **》云:** 對 一其所以,亦何至向 『莊暴 閻氏若璩《釋地又續》云:「宋陳 章皆言悦樂之樂, 餘並音岳。」趙氏解 孰樂音洛,此章内孰樂、 孟子 若果爲好禮樂, 而 猶咨 而 世讀 詢 樂、 爲禮 何 聽 獨樂樂 如 樂, 乎? 樂之 音 日 則 樂

甚 據《經籍餐詁》卷八十六而誤 謂 多 也。 素問 》作 間 謂多也, 甚 間 少 也」,本

八二

可

比

而同

邪?

不可比

一魏文侯辯之甚悉。

即

īE.

緣好歡樂,與好貨

好

色一例事耳。

而同,豈孟子之言,先順其君以非道, 齊音敖辟喬志,與《韶》樂之在齊者 『樂樂猶言樂其樂,上樂謂好,下 必讀爲悦樂字,文義方 今樂、古樂之異,子夏 「或謂子解『今 ,田獵又其 使百姓 笙。 言王擊鼓作樂、發賦徭役皆出於民,而德不加之,故 手執籥」,以 兄弟妻子離散。』注鼓樂者,樂以鼓爲節也。 鼓樂,夫何使我至於此 籥之音,舉疾首蹙頻 籥,簫。 愁。 疏 節 或曰籥若笛,短而 衆 舉 也。 疾首蹙頞」❶○正義曰:《音義》云: 疾首,頭 而 極也? 相告曰: 『吾王之好 有三孔。 痛 也。 父子不相見, 蹙頻, 《詩》云「左 愁貌。

管,

曰:《左傳》昭公二十年,晏子曰『古而無死,則古之樂』,非 「樂者上下同之,故天子與天下,諸侯與境 《後漢書·臧宫傳》引《黄石公記》云: ,以所樂樂身。』《晏子春 陳氏欲讀諸樂字盡爲 今上樂其樂,下傷其 鄉射禮》「請以樂樂 一樂如 倚 愚 字。 皆。 云: 丁云: 之鼓,與樂相配 鼓人屬地官,標異于衆樂之外,故衆樂統謂之樂,而鼓 記》去: 六鼓四金之音聲,以節聲樂。]是樂以鼓爲節也。 隱》多如此訓。 鼓樂」至「節也」〇正義曰: 「鼓,其樂之君邪?」《周禮·大司樂 《左傳》注、《漢書》集注、《荀子》注、《莊子》注、《史記 ○注「管笙」至 「鼓無當於五聲,五聲弗得弗和。」《荀子・ 舉,猶皆也,屬下句。」舉、俱音近,假借與俱同,故 稱爲鼓樂。 丁氏特標屬下,然則當時固有屬上者。 「衆也」〇正義 趙氏以擊鼓解鼓字 《周禮 E 地 爾爾 官 》以下皆屬春 雅 鼓人》: 以 釋 《禮記 作樂解 樂》云 樂 「掌教 官 專 ○注 論 學 謂 惟 索 猶

今王鼓樂於此,百姓聞 王鐘鼓之聲,管

有經傳大典,其他子史中依稀之說,終恐難爲據。

既屬

悦樂,

,觀《晏子春秋》與

《後漢書》,亦不爲

無因。

舊注所

費,是獨樂也。』《説苑》載晏子語同。

内,自大夫以下各與其僚,無有獨樂。

秋

雜上》篇:

字。

(儀禮)堪爲證。

『有德之君,以所樂樂人,無德之君.

與?

|翟氏灝《孟子考異》云:「《儀禮・

賓」《釋文》音義云:『下樂音洛,又皆如字。』舊注讀上

之樂由古之樂」爲歡樂之樂,但『古之樂』三字別未見。

樂謂所樂之事也。

至所樂之事,下文鼓樂其一也

也,故曰

臣請爲王言樂。』』《釋地三續》云:

協 而

郝氏《孟子解

》亦云:

後

轉之於當道邪?

應不至此。

<sup>0</sup> 「頞」,原誤作「額」,今據經、注文改。

也。

孔。」箋云: 教國子舞羽飲籥」,注云:「文舞有持羽吹籥者,所謂 衆聲也。」籥、龠古通用,三孔即三空,和衆聲即節衆,笛 者,《周禮· 之中者名籟,與簫名籟同,故趙氏以簫釋籥也。 南子・齊俗訓》云「若風之過簫」,高誘注云:「簫,籟也。」籥 樂》云:「籟謂之簫,大者二十四管,小者十六管,有底。」《淮 中謂之籟,小者謂之箹。」又云:「箹,小籟也。」《廣雅 爲管也。《説文》竹部云:「籟,三孔龠也。 管字冠之。管之三十六簧者爲等,管之十三簧者爲笙,是笙 皆曰管。笙十三簧,蒙上管樂而言。」然則竽、笙《説文》並以 解字注》云:「竽管三十六簧也,管下當有樂字。凡竹爲者 左方。」「等,象笙,三十六管,宫管在中央。」段氏玉裁《説文 十三簧。」《廣雅·釋樂》云:「笙以瓠爲之,十三管,宮管在 管,以簫釋籥者,《説文》竹部云:「竿,管三十六簧也。 簫謂之言,小者謂之筊。」笙與管别,簫與籥别。 謂之仲,小者謂之箹。]又:「大笙謂之巢,小者謂之和。 別爲書僮竹笘。」 ●《龠部》:「龠,樂之竹管,三孔,所以和 大管謂之籥,其中謂之篞,小者謂之節。大籥謂之産,其 引《詩》左手執籥,《邶風·簡兮》篇文。 毛傳云:「籥六 「碩人多材多藝,又能籥舞。」《周禮・籥師 笙師》注云: 「籥如篴,三空。」《説文》竹部 大者謂之笙,其 趙氏以笙釋 又引或説 》「掌 即箋 굸 • 釋 籥 笙, 舞 大 中 0 爲簫。 孔。 也。 笛,有七孔。 「别 康成則

秉翟」。」趙氏以籥舞之籥,即此節衆音之籥,故引《詩》耳。 也;其一爲六孔之名,與籥同類 唯毛以爲六孔,與鄭氏、趙氏俱異。 也。《文王世子》曰「秋冬學羽籥」、《詩》曰「左手執籥,右手 孔之器, 篴七孔, 籥故短於篴, 其名籟與簫同, 故趙氏直以 有二:其一爲笙竽篪篴等器之統名,此趙氏以笙釋管者 焉」,此據當時所見,與司農異,蓋别 横笛,七孔,一孔上出,則以笛爲篪矣。 篴」,則篴有五孔,爲漢時所有也。 籥爲六孔,蓋以管爲龠也,《廣雅》以籥有七孔,蓋以笛 八孔,一孔上出寸三分。」然則箎八孔最長,笛七孔次之,管 龠管爲如箎六孔,笛爲七孔筩。《廣雅· 六孔又次之, 龠三孔最小, 四物同類, 以長短異名。 杜子春注《笙師》讀篴爲蕩滌之滌,「今時所吹五空竹 而簫編管參差,象鳳翼,與三孔之籟實別 謂管如 管象鷈,長尺圍寸,六孔,無底。 篴 而 小,「併兩而吹之,今大予樂官 而 《史記索隱 小别 按、《説文》以籟爲三孔 管也。要之,管之名 鄭司農以管如篪,六 者也。 釋樂》云: **箎長尺四寸** 》以 籥爲如 ,故趙氏 篪爲今之 「龠謂之 毛傳以 爲 篴 以 有 籥

爲」不誤,則其上「云」字行,或其上脱「籥」字。 《爲書僮竹笘」、《説文》作「籥、書僮竹笘也 倘「别

此,百 散 至 蹙 準,鼻直莖謂之頻。 準。」李説、文音是也。」段氏玉裁《説文解字注》云:「鼻謂 鼻順 疾、 頻 相 而 肩 珍也。」《説文》 頁部 若 日 痟,酸 廣 思而 《者,此 T 笛 短 是也; 齆,蹙齃則言在外鼻莖也。 (。]此無他,不 於 頻 魋 雅 痛義 Ō 「準,音拙。」 李斐曰 之順, 顔 Œ 此 而 的削也。 頭爲之病。 而 [姓聞 同。 言 蹙齃。」既言鼻又言頗者,曷同 釋 義 有 有三 相 極 其内酸 順 親 日 憂愁 《周禮 告 通作 也? Ŧ 孔 首疾,頭痛 而 者爲 日 詩 車 辛、《素問 準、《漢 《説文》疒部云: 蹴 · 天官 · 頻 云 馬之音,見羽旄之美,舉 與民同樂也。 縮 (史記)唐舉相 衛 『吾王之好 或説,與 父子不相見,兄 順 者 風 「頞,鼻莖也。 也。 「準,鼻 \*\\ \overline{\times} \overlin 也。」王氏念孫《 孟子言『蹙頻』是 疾醫》「春時有痟首疾」,注 》所言是也。」今王 高帝紀》『隆準 陽氣爲憂愁所鬱,猶春木爲金 鼻 簫 「願 有中斷者, 别 也。」文穎 「疾,病也。」「痛,病也。」 也。 言 蔡澤曰: 田 思 遏,遏鼻言其内不 齃,❶或從鼻、曷。」 注田獵 獵,夫 伯 0 疏 注「 蔡澤、諸葛恪 日 而 Ħ 也; 弟 「先生曷 證 一音準 疾 龍 心 妻 顔」, 首 首 何 田 有 無 1疾。」因 節, 病而 子 · 疾 使 獵 至「愁 「 類 鼻巨 的 服 云 離 我 首 以 於 通 辛 之 之 之 虔 爲

 $\mathbb{H}$ 

澤梁。 獸毋 田; 以講事也。」是田 大司 哀公好田獵,從禽獸 田,夏日 有節,不可 五年《左傳》臧僖 公羊》謂 獵,置罘、羅網、畢翳 也 驅 時 、畢弋 中秋教治兵,遂以獮田, 馬》: 害五穀,毋大田獵。」《王制》云: 獸 取 豺祭獸,然後田 1苗,秋 性也; 而 疏注 供 夏但去害苗,不田 中 不修 以 給 非 日 春 田 民 役使,不得 時 羽 獵 蒐,冬日 伯 教 獵 事,百 取 旄之美,但 有時 日 振 也。 , 而 至「牲 旅 獵。 、餧獸之藥毋出九門。」「孟夏之月,驅 春 姓 無厭。」「《 也。 ,遂以 狩 詩 苦之。」 鳩化爲鷹,然後設罻羅。」則 也〇 蒐、 獵。 休 桓 中冬教大閱,遂以狩田 四 齊風 夏苗、 蒐 飾 公四 息。 時 8 盧令》,刺 此 田 羽 也 正 《禮 謂 》序云: 義 年《穀梁傳》云: 旄, 「獺祭魚,然後虞人人 秋獮 故 四 中 田 記 日 民 用 夏 使之美好 獵 荒也。 窮 《周 冬狩 「《還 無 月令》: 一焉。」❷ 極 節 禮 舍 者 》, 刺 而 皆 襄公好 也 離 季 「。」隱 遂 也 於 夏 何 荒 散 農 以 官 ; 休 春 田 春 也 發 天 田 注 日 隙 公 苗 犇

走

民 非

0

獵

0

齃」 也 四」、《穀梁傳 原無,今從沈校據《說 》作「之田 文》補

何休」至「不田獵」,何休注無明 型考》。 文 疑出秦蕙田 □ 五

鳶則 上也。 前 有塵埃則 鄭氏注《明堂位》云:「矮爲注旄牛尾於杠首,所謂大麾。」 車之所建。 官 旄首曰 旌,王者游車之所建。 襄公十四年《左傳》云「范宣子假羽毛於齊」,注云: 年《左傳》重耳 修其卒伍。」其州長、黨正、族師、縣師、 《周 王 ○注 人等,皆掌作民起衆。 史記・夏本紀》作「羽旄」。 左傳》云「晉人假羽旄於鄭」, 一孫圉 有摯默 禮》:「大麾以田 大司 「羽旄」至「好也」〇正義曰:《禹貢》荆州「厥貢羽毛」, 其下亦有旒緣。」又引李巡云:「旄,牛尾,注干首。」 亦云: 其 旌,錯革鳥曰旗。」《詩》疏引孫炎云: 載鳴 「凡四時之田 則 徒》:「大田役,以旗致萬民,而治其徒庶之政令。」 羽 載 鄭私有之,因謂之羽旄。」《爾雅· 以 虎 「楚之所實,齒角、皮革、羽毛,所以備賦用。」 貔貅。」注 對楚子曰: 貔 八 前 則 則 有 也。」《曲 載其 治 車騎 是田 ,出田法於州里,簡其鼓鐸旗物兵器 齊私有之,因謂之羽毛。」定公四年 云 都 「羽毛齒革,則君地生焉。」《楚語 皮,是皆 鄙。 則 獵必「發民驅獸,供給役使」也。 禮》云:「 旄、毛二字通也。 載 載 注亦云:「析羽爲旌,王者游 八 謂舉於旌首以警衆也。」鴻 飛 二飾 日 鴻 田 羽毛,使之美好」也。 前有水則載青旌,前 前 遂人、遂師、縣正、稍 役, 有 以 土 「析五采羽注 釋天》云: 師 馭 僖公二十三 其 則載虎皮 「析羽爲 衆。」《 一注 旄 地

> 見矣。 晉既假於齊,又假於鄭,必 齊、 鄭 所飾 精 美異 常 惟 晉 所

悦也。 梁傳》 音, 序、《禮記 訓憂,一 作「憫」。《説文》心部云:「 不妨民時,有愍民之心,因田獵 也?」此無他,與民同樂 欣然而喜也。 令王康强而鼓樂也。 庶幾無疾病與? 籥之音,舉欣欣然 「吾代二子愍矣」,服虔注 曰:『吾王庶 (淮南子 見羽旄之美,舉欣欣然 云「是爲閔宮也」、《漢書・ 「今王鼓樂於此 訓愛。 疏注「有愍民之心」〇正 儒行》《釋文》並云: 主術訓》云「年 惟其愛故憂之,義亦相備。 今王田獵於此 幾 無 何以能鼓樂也?」注 今無賦斂於民而有惠益 有 **云** 疾 百百 愍,痛 喜 衰志憫」, 病 愍,憂也。」《廣雅 色 「閔,本作愍。」是愍或 也。 姓聞 五行志 與? 義 也。」昭公元年《左傳》云 而 E: 而 ,百姓聞 注 有喜 加撫恤之,是以 相 王 高 》作「愍宫」。 閩、監、 王以 何 告 鐘 誘 僖公二十年《穀 注 鼓之聲, 以 日 色 農 王 云 毛三本「愍 能 而 隙 車 釋 吾 百 《毛 「憫,憂 而 田 相 通 詁 馬 故 田 関 獵 告 E 管 民 欣 欲

惟

八六

也。」愍之作憫,非其舊也。 矣。」建孟子言王何故不大好樂,效古賢君與 ,則可以王天下也,何惡莊子之言王好樂也? 有所本。 句 也。 矣。 發政 `作『古語』,陸機《辨亡論》引稱『古人之言』。 周氏廣業云:「按、《尉繚子・兵議》篇引『天時』二 疏「故曰」至「和矣」○正義曰:《考文》古本矣作 故曰「天時不 行仁,民樂其 章指: 言人君田 《史記 引 『親之欲其貴,愛之欲其富」,亦以爲 如 (事,則王道之階在於此 今王與百姓同樂, 地 獵 利 以 地利不如人和 時,鐘鼓有節 意孟子自 則 民同 Ŧ

也。 有 語 注「王言」至「有之」○正義曰:《説文》□部云:「囿,苑有垣 諸?」注王言聞文王苑囿 周 韋昭、王逸皆注云: 日 語 禽 》云「囿有林 獸 王 日 問 [囿。]艸部云:「苑,所以養禽獸也。」《國 日 池」、《楚辭 : 「囿,苑也。」《淮南子・ 「文王之囿方七十里,有 方七十里, 寧有之? 愍命》篇云 熊羆羣 本經訓》云 而 疏 逸

岐、

豐

時,雖爲

西伯,土地尚狹,而囿已大矣,今我

爲大,何也?」注王以爲文王在

四十里,民猶以

古人之言。」

注言文王之民 大乎?」注王怪其大。 名‧釋典藝》云:「傳,傳也,以傳示後人也。」傳述爲文,故 文有是言。 也。」離宮小於御苑,故小爲囿,此囿方七十里,則即苑 爲蒐狩之常處也。 并是田獵之處。又《書傳》云"「鄉之取於囿,是勇力取。」是 「《孟子》:「文王之囿七十里,芻蕘者往焉。」天子之囿百里, 囿之離宫小苑觀處也,養鳥獸以宴樂觀之。」賈氏疏云: 囿 囿、游亦如之」,注云:「囿,御苑也。 所,大曰苑,小曰囿。」《周禮·天官·閣人》「王宫每門四人, 屬 音義》引吕忱《字林》同。 云「傳文」。《毛詩》疏引作「書傳有之」。 蓋散文則通耳。 「侈苑囿之大」,高誘注云: [人》「掌囿游之獸禁」,注既云「囿,今之苑」,又云: ,明囿無垣也。 疏 孟子對 《吕氏春秋·重己》篇高誘注云:「畜禽獸 尚 |注「於傳文有是言」○正義曰: 今此云 「禁」,故知非大囿,是小苑觀處 以 爲 然則《説文》言 小也。 日 「有牆曰苑,無牆曰囿。」《一 曰:「民猶以 : 「於傳 티 : 游,離宫也。」《地 「寡 曰 : 有之。」注於傳 「苑有垣」,三字 人之囿 爲 「若是,其 小也。」 劉熙《釋 「囿游 官 切 方 也 連 經

耳。

禽獸也。

天子百里,諸侯四十里。」孔氏

正義云:

詩

· 大雅·

靈

臺

篇

| 王在

靈囿」,毛傳云:

文》古本、

孔

本、韓

本並

作

「岐

豐時」,

則

注作

四十里。

,寡人之囿方四十里。」是宣王自以爲諸侯而問

七十里,故

宜以

爲百里也。」《毛詩

囿,則文王七十里之囿即

靈囿

無疑

間

氏説是也。

公十八年「築鹿囿」,疏引《毛詩》傳作「天子百里,諸侯三十 文王由方百里起耳,豈終於是者哉?」閻氏據閩、監、毛三本 酆,有鄠杜竹林,南山檀柘,號稱陸海,爲九州膏腴」者。 其文王之囿則七十里,故《孟子》云:「文王之囿方七十 「岐山之時」,故辨囿在豐不在岐也,宋本、廖本、《考 以宣王不舉天子,而問及文王之七十里,明天子不 有物以蕃界之,遂名之 》舉百里、四十里明靈 趙氏已兼豐言之。 山國僅百里,不知 方七十里」注於 「囿,所以域養 》所謂「文王作 》云:「靈 故云諸侯 也? 《穀梁》成 豐去岐三 解 從 正禮 囿 疏 文 在 來 通 子百里,非因孟子言七十里而約言之也。 里」,此「三十」自 里,皆取 之制。」按:《周禮・天官・閽人》疏引《白虎通》云:「天子 囿方百里,寡人之囿方五十里」,故毛公據之以分天子、諸 傳「諸侯三十里」,三即五字之譌。 梁》成十八年【築鹿囿」,疏云"【《毛詩》傳云"「囿者,天子 十里,時病其太大。」此本揚雄説 庫狀》云: 爲小。」《後漢書·楊震傳》樂松等言「齊宣五里」,則 紀》樂松云: 里,民尚以爲小: 百里,大國四十里,次國三十里,小國二十 范《漢書》皆言文王囿百里,宣王囿五十里。 百里,諸侯三十里。」《詩》傳蓋據《孟子》稱文王囿七十里、寡 里,與《孟子》異,亦與毛傳殊。 「十」字也。 人囿三十里,故約之爲天子百里、諸侯三十里耳。」琳案,袁 公羊傳 》所指爲御苑與? 一也。」意者《公羊傳》所指爲離宫、《毛詩》傳、《白 》注云:「天子囿方百里,公侯十里,伯七里,子男五 「周文王之囿 然則文王之囿百里,古有此説。 「宣王之囿五十里,民以爲大,文王百里, 是誤文。 齊宣王 乃天子則皆云百里, 百里,時 囿四十里,民以爲大。」袁宏 乃揚雄《羽獵 臧氏琳 也。 患其 古本《孟子》蓋作『文王之 惟樂松言宣 尚 《經義雜記》云: 小, 賦》云: 唐陸贄《奏罷 丽 里。」成公十八年 齊宣 楊疏引《毛 故毛氏以 令白 「文王 虎通 王 王 之 囿 首 後 「《穀 脱 民 囿 爲 囿 瓊 五 詩 四 侯 + 四 林 天 落 以 漢 百

下。

余謂今鄠縣

東三十里,正《漢

地理志

長安縣西

四十二里。」王

伯厚以「文王之囿

者皆以文王七十里之囿爲疑。

《三輔黄圖

注

「王以」至

故

也」〇

Œ

義

E.

閻氏若璩《釋地》云:

地

方千里而

囿小之,民以爲寡人囿

大,何故

Ŧ.

當日

弛以與民,恣其芻獵以往,但

百 H

餘

里。

説者不察乎囿之所在,徒執以岐

囿

三云爾。

此實作邑于豐時事,非初岐

山事

也。

八七

俗字。 于芻 也。 文王 之囿。 注 也。 也。 古 十 令》「收秩薪柴」,注云: 馬, 蕘所以供燃火。 焉,與民同之。 伯七里,子男五里」爲「《孟子》文,《司馬法》亦云」,今《孟子》 蕘者,取芻薪之賤 元《挍勘記》云:「以、已古通用! 「三十里」之證。 文王之囿方七十 回無此 里以下析言之,無五十里者 言王之政 象包束草之形。」「蕘,薪也。」「薪,蕘也。」蓋芻所以 蕘」,傳云:「芻蕘,采薪者。」《説文》艸部云: 一聽民 疏注「芻蕘」至「人也」○正義曰 文也。 雄《羽獵賦》云: 孟子以爲「於傳有之」,非正答也。」閩本已作以,阮氏 臣 始 往取 趙氏佑 至 嚴 《公羊傳》疏以「天子囿方百里,公侯十里 禽獸,刈 刑 於境,問 芻義易明,故以 重 民以爲小,不亦宜乎? 人 《温故録》云:「文王必不得有七十里 也。 也。 里,芻蕘者往焉,雉兔 「麋鹿蒭蕘,與百姓共之。」蒭,芻之 大者可 其芻薪。 雉 臣 國之大禁,然後敢 則樂松 兔,獵 聞 此處自作已爲長。」曰 '析謂之薪 郊 「芻薪」釋「芻蕘」。 民苦其 五十里」之説未足爲 關 人 《毛詩 取 之内有囿 薪 雉 小,是其 施炊爨。」是 兔 「芻 板 者。 》篇 者往 注芻 刈 餇 方 草 詢 宜 言 牛

里 禮 • 四十 爲郊。」牧在郊外。 遠界也。」然則四境分界之地爲坰。 之野,野外謂之林,林外謂之坰。」坰、《説文》作门,云: 也。 四年《左傳》云:「豐丘人執子我,殺諸郭關。」此,郊上之關 門。」按"趙氏以經文云「始至於境」,又云「郊關」,故 以 關。』齊地方二千里,以二千里之地爲陷阱者四十 十里之囿? 里。」則《孟子》「郊關」之「郊」自屬遠郊。 里爲近郊,百里 關」,似即指此。 四 玉從近關出」,注云:「欲 「賓及竟,乃謁關人。」是關 四境之郊」,然境與郊不同也。 病。 , 則 境之郊皆有關 《爾雅• 地官・司關》注云: 竟上之關遠在五百里矣。 ·里,殺 古天子九門,此爲第八層門,又外此則 釋地》云: 趙氏注却説得遼闊,云"「齊 其 一爲遠 閻氏若璩《釋地續》云:「杜子春 麋 鄭氏注 郊。」《白 鹿者 疏 「邑外謂之郊,郊外謂之牧,牧 速出竟。」此,界上之關也, 注 在界上。 關 《尚書・ 如殺 「郊關 I虎通》: ,界上之門。」《儀 《説文》邑部云: 襄公十四年《左傳 君陳》序云:「天子之國 至 人之罪 趙氏謂 如王畿千 近 「有關」〇 苟近 郊五十 地四 四四 第九 ·里,每 郊,何 注 禮 IE. 境 境 -里,遠 ·里,民 「距國百 Ē : 義 之郊 郊 之郊皆 尝云 聘 日 面 哀公十 能 關 <u>元</u> 禮 蘧伯 五 外 合 亦 皆 容 郊 日 齊 謂 周 百 四 + 有 有 百

國指 極陳其事。」傷槐事見《晏子春秋》,取獸有罪 曰"「六國之際,取獸 文考》云: 郊以内。 而聞郊關之内有囿 郊以内爲國,外爲野; 旬」,是也。 城中及四郊都鄙之夫家」、《質人》「國中一旬,郊二旬,野三 郊以内,鄙郊以外」,是也。 一,郊内日 日邦,小日 郊爲牧。 鄭以爲「郊關」之館,蓋牧通謂之郊,分言之,則近郊爲郊,遠 注云:「牧室,牧野之室也。 王之大事也。 近郊半遠郊,去國五十里。」《禮記・大傳》云: 「牧之野,武 <sup>第也。</sup>」則是方 此經云「臣始至於境」,始至界上也, 國 囿 而言; 郊關在此,則去城百里也。 「《後漢紀》靈帝作靈泉畢圭苑 國。 國。 合天下言之,則每一封爲一國,就一國言之,則 在郊關之内,故爲阱於國中也。 既事 《齊語》云「參其國而伍其鄙」,韋昭注云「國 如 「然後敢人」,謂人竟也。 「惟王建國」、「以佐王治邦國」是也。 四四 ,而退,柴於上帝,祈於社,設奠於牧室。」 方四十里也。 者有罪 就郊以内言之,又城内爲國,城外爲 十里 其一,城中曰國。 古者郊關皆有館焉。」「牧室」而 ,傷槐者被誅。 一爲 阱於國 「爲阱於國中」,此國中指 國之稱有三。 「問國之大禁」,此 中。 司 是時尚未至郊 周 亦非梁惠王,此 孟軻 《小司徒》「稽 廣業《孟 徒楊賜上 爲梁惠 民 其一,大 以 子逸 爲 其 書 Ŧ

豐。 阱同也。《尚書·費誓》云「獲敜乃穽」,鄭氏注云:「山林之 王陷阱 大,不亦宜乎?」200段的潜不過丈尺之間耳,今 三本苦作言、誤。」 故云「不過丈尺之間」也。 獲溝瀆之利于民者」,鄭氏注云: 田,春始穿地爲穽,所以陷墜之。』《周禮• 穽,或從穴。」《世説·政事》篇注引《孟子》此文作「穽」,穽 「設陷」至「宜乎」〇 其或超踰則陷焉,世謂之陷阱。」阱可敜塞, 乃 方四 + 里。 正義曰:《説文》自部云:「阱,陷也 民苦其大,不 阮氏元《校勘記》云: 「阱,穿地爲塹,所以禦禽 亦宜 雍氏》「春令爲阱 乎? 其 「閩、 度狭小 、監、毛

章指:言譏王廣囿專利,嚴刑陷

民也。

《左傳》「亦其比也」之「比」,謂比例以況之也。 聖賢之比。 勘記》云: 鄰國交接之道。 齊宣王問 「閩、監、 疏注「欲爲」至「之比」○正 毛三本比作交,誤。」按: 孟子對曰:「有。 曰:「交鄰國 有道乎?」注 義日 注欲爲王 比 《釋名・ 如文公元年 阮 氏 元《校 陳 問 古 與

九〇

之東門。 紀 夷即混夷,西戎國名也。」串同患,與混一音之轉。 也。 文。 湯先助之祀。 是 語 昆 Ŧ. 厥 以爲柞棫生柯、 或 王 詩云」至「王也」〇正義曰: 一勾踐 l夷」之事,故趙氏引《詩》以證。 愠 **※**云: 「伐昆夷,不可爲「以大事小」之證。 音之轉,故 也。 \*\frac{\times}{\times} 雖 故 則 今《詩》作: 不絶愠 喙,困也。」箋云: ,亦不隕厥問 年伐混夷」。」又《皇矣》詩云「串夷載路」,❶箋云: 惶怖驚走奔突,人此柞棫之中而逃,甚困 湯事葛, 「文王受命四 是 不 事 文王閉門脩德而不與戰。」「王肅同其説以申毛義 )則聖 可 類 爲 《書大傳》、《説文》作「畎 相 然且 、葉拔 《詩》云「混夷兑矣,唯其喙矣」,謂文 聖 似謂之比。」監、毛本聖賢作聖王, 「混 人行仁 文王 調 王 然時 使 夷駾矣, 年,周正丙子,混 也。 混 聘 昆夷伐周奔突而周 事混 問 混夷伐周。 政,能以 夷見文王之使者、將士衆,過 惟 而 引《詩》者,《大雅 維 不廢交鄰之禮 仁 夷。 其喙矣。」毛傳云: 若鄭箋則謂文王使將士聘 者 大事 推 夷」。 湛葛伯 爲 《詩正義》引《帝王 夷伐周, 此則 能 小 爲之困 依鄭箋,此 以 詩 者 是 . 緜 放而不祀, 劇也。 也。 言 大 正 日三至周 亦非。 串亦與 如 事 文 》第八章 「肆 「駾,突 此 疏 是之 言文 不殄 王 小。 串 文 世 犬 己 下 事 注

> 知。 粥。 轉移。 也。 也。 問 灼云: 三百 云: 事 三本作昆,非也。」惟智者爲能以 尚以天子命命將帥 曰淳維。唐虞以上有山戎、獫狁、葷粥,居於北蠻,隨畜牧而 物,予之。」又《匈奴列傳》云: 或 事吴王夫差。 「文王之時,西有昆夷之患,北有獫狁之難。」是時周已拓大 他 也 獯鬻,句 「古公亶父修后稷、公劉之業,薰育 國 ·有餘歲,戎狄攻太王亶父,亶父亡走岐下。 阮氏元《挍勘記》云:「《音義》、石經作混夷 大王去邠 詩 葷、薫與 「堯時日葷粥,周 夏道衰,而公劉失其稷官, ,過昆夷之地,昆夷見之而 ※稱 疏注「獯鬻」至「獯鬻」○正義曰:《史記 「獫狁」、《孟子》稱「獯鬻 獯 踐 通 是則智者用智, 避獯鬻, 事 粥、 吴。 遣戍役以守衛之,則在太王時 育與鬻通 曰獫狁,秦曰匈奴。」《漢書》作「薰 越王句踐 注 「匈奴,其先祖夏后氏之苗 獯鬻,北 也。 變於西 驚 是故以 困 |者,舉古名也。 小 《毛詩 退 事大。 與趙氏引《詩 戎狄攻之,欲得 於 1戎,邑 狄 小事大而 會 彊 采薇 □稽,身 」於豳。 者,今匈 · 周本 閩、 故 》序云: 《音義 强大可 大 監、 影 自 》義 全 其 王 其 晉 後 財 臣 奴 毛 殊

❶ 「載」,原誤作「在」,今從沈校據《毛詩》改。

者也。 韋昭注 也。 稽。 記・ 大夫種 時 道,如天無不蓋也,故保天下,湯、文是也, 以 宦士三百人於吴,其身親爲夫差前馬。」此「身自臣事」之事 妾。」《國語》云: 王夫差敗越於夫椒,遂入越。 越王允常子。 乃「疆界」字,非也。」〇注「越王」至「夫差」〇正義曰:句踐, 弱」字通作彊、强、「勉强」字作强。 大,●作太者非。」「北狄强者」,監、毛本作疆。 作大王,閩、監、毛三本作太。 云:『畏天之威,于時保之。』』 建聖人樂 一君王亡臣 ?畏天,故保其國,大王、句踐是也。 大事小者,樂天者也,以 越王句 閩、監、毛三本作「身自官事」,按:《國語》「人宦于吴」, 吴王追 Z 因 樂天者保天下,畏天者保其國。《詩》 吴太宰嚭以行成。」此 一句踐 「宦爲臣 而 踐世家》云:「越王乃以 夫差,吴王闔廬子。 圍 使陪臣 之,乃令大夫種行成於吴,膝行頓首曰 「越人飾美女八人納之太宰嚭,卑事夫差. 隸 也。」則「官事」或作「宦 種敢告下執 阮氏元《挍勘記》云:「經文皆 越子以甲楯五千保於會稽,使 「退於會稽」之事也。 宋人避所諱,多作彊。 哀公元年《左傳》云:「吴 事: 餘兵五千人保棲於 小事大者,畏天 句踐請爲臣,妻爲 《詩》,《周 「按,唐人「彊 事」,亦通。 智 頌 者 天行 **©**史 量 疆 會

畏也。 其後卑辭尊禮,身爲之市,蠡又戒王勿早圖 其身即害其國; 並生並育爲樂也。 樂天。天之生人,欲其並生並育。 聖人不忍天下之危,包容涵畜,爲天下造命,故爲知命,是爲 傳》云:「樂天知命,故不憂。」此以「知命」申明「樂天」之義。 我將》之篇。 地 於天而不和於人,將妨於國家。」此謂不量時則不保其國 溢,未盛而驕,不勞而矜其功,天時不作而先爲人客。 時以行,是謂守時。 道者所以樂天也。 也」〇正義曰:天生萬物無不蓋,聖人道濟天下無不容,行 天爲「畏天之威」,則樂天爲樂天之德也。 太平之道也。 量時」者所以「畏天」也。 相參然後乃可以成功,此亦能「量時」者矣。 而究之,樂天者無不畏天,故引周公之頌申明之。 言成王尚畏天之威,於是時故能 智者不使一 疏「以大」至「其國」○正義曰: 天道又虧盈而益謙,不畏則盈滿招咎,戮 不知時不可爲,則將以所養人者害 天時不作,弗爲人客。 《國語 國之危,故以天之虧盈益謙 》范蠡對句 仁者以天爲量,故以天之 ○注「聖人」至「是 謂 踐 今君王 云: ○注 人事必與天 「聖人隨 未盈 「詩周 安其 此逆 也 人 畏 爲 而

❶ 「大」上,阮校有「作」字,於義爲顯。

之道。 保 也。 平,是太平由文王之道也。 明堂之德。」《詩正義》云:「文王之德,我制之以授子,是用 至 故云「成王尚畏天之威 公欲其保太平之道而以畏天戒之。 祖」,同一互見之義也。 上文注云: 「文祖者,周曰明堂,以稱文王。」是文王德稱文 文王之德制作之事。 祖德」二句,鄭解《洛誥》云:「成我所用明子之法度者,乃 解 天之命》,太平,告文王也。」「《我將》,祀文王於明堂也。」鄭 也。」然則周公成文王之德以制禮作樂,成王時乃克致太 道 「我其收之,駿惠我文王」,引《洛誥》「考朕昭子刑,乃單文 與鄭氏同。 早夜敬天,於是得安文王之道。」趙氏以是釋時,以安釋 也」〇 趙氏於《我將》言「太平」,鄭氏於《維天之命》引「文 īE. 義曰:《 《周頌》《我將》承《維天之命》後,序云: 彼注直以文祖爲明堂,不爲文王。 世 毛 成王爲天子,祇宜樂天保天下,乃周 詩 能保安文王之道,即能保安太平 我將 》箋云:「于,於; 天子且然,況諸侯乎? 時,是 「《維 彼 盡

疏注「王謂」至 궁: 好 勇。」注王謂孟子之言大,不合於其意。 寡人有 王 曰:「大哉,言矣! 疾,疾 「其意」〇 在好勇,不 正 義曰"大如《表記》「不自大其 ·能行 寡人有疾, 聖賢 之所 履 寡 答之 也。 人

夫,不得云一匹。] 王請大之。《詩》云:『王

赫

斯

者也。 監 以 敢」。 《説文》手部云: 辭 也。 記 解 其劍而張其兩目也。 也。」「矉,恨張目也。《詩》曰「國步斯矉」。」今《詩》矉 也。」張目其狀不善,故爲惡視。 曰:『彼惡敢當我哉 事」之大。 心」,注云:「撫手案之。」案與安通,撫劍即 毛傳云:「急也。」張目有急疾義,是疾視與張目 我哉?」此一夫之勇,足以當 疾視」至「者也」〇正義曰: 輕身先於匹夫爲一夫,此注云「一夫」,以 當 毛三本作「一匹夫」,阮氏元《挍勘記》云"「以一 惜誦 項羽本紀》云「劍一人敵」,故《孟子》云「敵一人」, 對 僖公三十三年《公羊傳》注云:「匹馬,一馬也。」趙氏 人之敵 日 注疾視,惡視 》皆云: 王問交鄰,孟子比以古聖賢之所履, 」解之。 撫, 王 「疾,惡也。」《說文》目部云: 請 趙氏每以安釋惡, 安也。」《儀禮• 《爾雅 無 也。 .!.此 好 鄭 撫劒 康成 小 釋詁 《説文》又云「賜 一人之敵者 勇。 匹夫之勇,敵 瞋 注 <u>\tilde{\</u> 士喪禮》「 目曰:「人安敢 《少儀》、王逸 故以「惡 夫 按劍。 敵、當 撫 解匹 故 也。 可 「瞋 心敢 」 爲 君 劍 蓋手按下 以 也。」 也。 互. 夫釋匹 目 坐 爲 疾 作頻 注 見 疏 撫當 張 疾 誇大 **《**史 「安 《楚 也 視 視 目 注

其

(傳日

「旅、地

名

也。」則

亦與

( 莒同

義。

古

書音同 》雖作

孔氏廣森

《經學巵言》云:「《毛詩

名、地名,義亦相

近。

鄭以

阮

徂

毛以爲地名,趙氏言「遏止往伐莒者」,是亦以莒爲國

用

毛義。

師

旅」,亦

用

毛 義也。

遏,今《詩》

云:「按,本又作遏。

此二字俱訓

止也。」莒、《詩

怒意,與鄭同也。 怒」,蓋以斯爲此。 毛如字,此也。

文王赫然與羣臣盡怒曰

整其軍旅

而出

也。」箋云:「赫,怒意,斯,盡也。

五百人爲旅。

大勇,無論匹夫之小勇。

《詩》毛傳云:

「旅,師。

按,止

也。

旅,地名也。

之福,以揚名於天下。

文王一怒而安民。

願

衆,以厚周當王之福,以答天下鄉周之望。』《釋文》云:「斯 然斯怒,於是整其師旅,以遏止往伐莒者,以篤周 鄭音賜。」趙氏不破解斯字之義而云「赫然斯 鄭以曰解爰,趙氏以于是解爰,與鄭異,蓋 赫然者,此怒也,即以怒解「赫然」是赫爲 疏注「詩大」至「天下」〇正 ·共爲三國,故以徂旅 ,以却止徂國之兵 作按、《釋文 言文王 》亦作 對,答也。 安天下 王慕 祖 相 名 對,遂 對 旅」, 借 爲 旅 于 其 家 赫 者 徂 國 義 多。 義近。 即 氏《詩 百順之名也。」注云: 詎突冠虚助之辭乎? 揚」爲己遂稱揚君命,是以遂爲因事之辭。 亦猶云「舉行」、「達行」猶云「通行」,亦相疊爲義。 相疊也。 殊于趙也。 義、「以遂于天下」爲「揚名于天下」,不用鄭義。 皆訓對爲遂。 休」、《禮記· 篤,趙氏不破者,以其易識也。 祐」、《詩》作「以篤于周祐」。 者筥、簇同聲。 雅疏證》云: 事,見於《韓非子》,云『文王侵孟克莒』是已。」王氏念孫 鄭君説、徂爲國名。 大雅》「以遏徂旅」、《孟子》作「徂莒」、皆其證也。」「以篤 「舉賢良」。 莒字從吕,即音吕可耳,未可遂易爲「師旅」之旅 正義》申毛,謂「遂天下心」,則義與「答天下嚮周之望 《廣雅 《月令》「慶賜遂行」,注云:「遂,達也。」此 《月令》「遂賢良」,注云:「遂,進也。」「進賢良. 「簇即筥字。《衆經音義》云:「筥,又作簇。」古 祭統》「對揚以辟之」,以揚連對,而 《説文》手部云:「揚,飛舉 「對揚」乃疊字,對即遂 《周 釋詁》云: 禮 遏徂之事,古書散軼不可復考, 「世所謂福者謂受鬼神之祐助也 • 爲不然矣。 掌客》注云: 「對,揚也。」《詩 以福解祜,與鄭同。 鄭以對爲答,毛以對爲遂, 《祭統 「筥,讀如棟梠之梠。」 遂即 也。」是揚、遂之義 時 揚 江漢》「對 孔悝 「福者,備 孔氏申 毛 趙 鄭以 或以 方稽 傳 遂 氏 也。 遏莒之 賢 揚 厚 用 鄭 首 行 毛 《廣 孔 注 Ŧ 解 周 依 手

之民。

注《詩》、《大雅・皇矣》之篇也。

天下。」此文王之勇

也。

文王一怒而

怒,爰整其旅,以

遏徂莒,以篤周祜,

以

學者 之所 篇,而 天光 祜」,趙 之文。」按:此孟子所引《書》在梅蹟書《泰誓》上篇, 知爲孔氏之逸 向挍古文得録其篇,著于《别録》。 之文亦止謂之逸 蓋漢重家學,習《尚書》者皆以二十九篇爲備,於時 孔學,不傳逸篇。 序》,皆得引之。 具 世 義 天下何敢有 無 尚 在。 一未嘗亡 日 罪 ,作之師 書》逸篇也。 咸 謂 龍之也。 惟我在,天下曷敢有越厥志?」 惠氏棟《古文尚書考》云:「孔安國古文五十八篇,漢 能案其篇目 藝文志 氏之説 劉歆造《三統曆》、 福 也。 謂 越 三十四篇與伏生同,二十四篇增多之數 書 》所 長 受大順之顯名 惟曰 其 特以當日未立於學官,故賈逵、馬 四 《書》,無傳之者。 載, 也 。 融作《書序》,亦云「逸十六篇,絕無師 言天生下民,爲作君,爲作師 志 方善惡皆在己,所謂「在予一人」, ,舉其遺文。 五十 者 其 今世所傳 書》 也? 班固作《律曆志》、 ·七篇 助 曰 : 上帝寵之。 也。」「揚名于天下」乃 而 雖無章句訓 疏注「書尚 古 른 至東京時,雖亡《武 然其書已入中秘 『天降 立文乃梅 其 所 賾 逸十六篇 鄭 書逸篇也」〇正 故之學, 翕然皆 下民, 之書 四方 康成注 雖有 融等 江氏聲 ,是以 非 有 作 爲 成》一 書 以 説 《尚書 篇名 壁中 當時 孔壁 雖傳 「篤 罪 之 劉 助

使失性。」是作君師爲牧民也。 乎?」襄 四 牧民,故尊寵之,使居君師之任。 居 引「在予一人」以況、殊不合。 其能助天,故光寵之。 證之。 注云: 課,不目之爲逸《書》也。」按《泰誓》不爲逸《書》而 之,不在二十四篇逸《書》之數。 天』「光寵」,意恉不明。 在予一人」,「有過在予」與 我在」九字句。 不知其何本也。」〇注「言天」至 逸《書》目之,則非《泰誓》之文矣。 惟曰 龍, 尚 孟子所引爲《尚書》逸篇,趙氏亦未言所屬,今見於《泰 一方有罪 也。 書集 寵 [其助上帝寵之]八字句,「四方」二字連下「有罪 電 言天降生下民,爲作之君,爲作之師 《尚書集注音疏》 也。」趙氏以光解寵。 注音 十四年《左傳》云: 無罪 ,光耀也。」《詩· 疏》云: 惟我君 《易・師》九二傳云「承天寵也」、《釋文》引鄭 「《太誓》上、 師 作兩句解,義了明白; 又「惟我在之言」非在我之謂 司 天生民而 察馬。 「有罪惟 蓼蕭》「爲龍爲光」,毛傳 「趙氏「以助天光寵之」者 故聲不取 論 云『故尊寵之,使居君師 語 中、下三篇 「者也」〇正義 以當時列於學官 我 天下何 我在 臧氏琳《經義雜記 堯曰》篇言「百姓 我 立之君 君 而 相 敢 師 者,惟 自爲解: 近,故 孔 有 也。 使司 趙氏聯言「助 氏古 踰 三 三 : 趙氏 此趙 在 日 越 I, 博 牧之,勿 其 其 趙 文 察 寵 有 志者 誓》, 助 而 謂 引 굸 罪 氏 氏 ± 亦 굸 也 過 之 天 以 讀 以 惟 有

勇,亦則文王一怒而安天下之民也。 民,民惟恐王之不好勇也。」 建孟子言武王好 以「一人」指紂。 勇也。」」臧氏琳《經義雜記》云:「趙注讀「四方有罪無罪」爲 适 怒而安天下之民。今王亦一怒而安天下之 威勢相脅曰横。」是也。 天道,故亦以爲横行。《史記·周本紀》《集解》引瓚云"「以 徑踰者」,注云:「横行,妄由田中。」是横行爲不順。 云:「衡,古文横,假借字也。」《周禮·野廬氏》「禁野之横行 住。」○注「衡横」至「紂也」○正義曰:《考工記・玉人》注 詞至「武王耻之」止,非也。 句,與孟子釋《書》意「一人衡行於天下」句正合。 之勇也。」亦猶上文引《詩》畢,然後從而釋之曰:「此文王之 子》所引,自「天降下民」起,直到「一人衡行於天下,武王耻 耻天下一人有横 任」者、從趙 之」,皆《書》詞,皆史臣所作,故孟子從而釋之曰:「此武王 人」至「耻之」〇正義曰: 王 一耻之。 氏讀「寵之」絶句 此武 「越厥志」,故「横行」也。 行不順天道者,故伐紂 王之勇也。 《曲禮》: 王氏鳴盛《尚書後案》云: ❶「《孟 趙注亦斷「天下曷敢有越厥志 也。」 「天子自稱「予一人」。」故 注 人衡行於天下, 衡,横也。 而武王 今王好勇,亦 也。 或云《書 紂不順 疏 亦 武王

> 則 「武王亦一 前人也。」謂前 正義曰: 何爲欲小勇而自謂有疾也? 武王一怒而 《國語 怒」爲武王效法文王,「今王亦一 人如是,後人效法之。 安天下之民,民 周語 》云「奕世載德」,章昭注云:「奕,亦 疏注「孟子」至「勇耳」○ 恐王之不好勇 故 趙氏 怒」爲今王效 以則解 亦, 王 法 謂

有勇。勇以討亂而不爲暴,則百姓安之。章旨:言聖人樂天,賢者知時,仁必

武王。

選• 亦能有此樂乎? 臺池之飾、禽獸之饒、王自多有此樂、故問 有此樂乎?」注雪宫,離宫之名也。 《禮記 「雪宮,離宮之名也。」與趙氏同。 雪賦》云「臣聞雪宫建於東國」,注引劉熙《孟子注》云: 齊宣王見孟子於雪宫。 雜記》云"「公館者,公宫與公所爲也。」注云"「公 疏注「雪宫」至「之饒」○正義曰:《文 離宫即囿 王曰:「賢者亦 人、闇 宫中 E : 人所掌也。 有 賢 苑 者 有

「王鳴盛尚書後案」,按引文出閻若璩《尚書古文疏證》。

0

正色而 勝跡。 人,謂 云: 子於雪宫,文順逆不同 謂孟子,與梁惠王之問不同。」按孟子見梁惠王與宣王見孟 故 賓師,極致尊禮,其問隱然自表其優遇之至意。」趙 於稷下,故景丑氏以爲「丑見王之敬子」也。 「孟子將朝王」章亦云: 則言易及。」曹氏之升《摭餘説》云: 兹詳及晏子、蓋亦以其地曾爲先齊君臣共游觀,以近事爲鑒 志》: 能爲斯言,況巖巖之孟子耶? 里,此乃崇禮先師,增輝聖德。 臣 如漢甘泉、唐九成之屬。 晏子春秋》所謂 録 爲 正聞明 「解者謂雪宫、孟子之館、宣王就見於此 賢者指孟子,與梁惠王賢者指人君不同。 君 「齊雪宫故 亦 孔僖曰: 對 宣延見 王 所作 云: 以明不屑。 聖 此 離宮別館也。」多謂誇大也。 主莫不尊師貴道。 孟子於其地,非就見之謂。 「今日之會,其於卿宗有光榮乎?」對 蓋齊王 齊侯見晏子於雪宮。」蓋齊離宮之名,遊 址 在 青 漢章帝祀闕里,大會孔氏男子六十二 一館孟子於雪宮而來就見也。 「寡人就孟子之館 州臨 齊宣尊禮孟子,館之離宫,不使儕 謂 孟子在雪宫 淄 至於光榮,非所敢承。」僖 賢者指人君言。《元和郡 縣。 今陛下 「閻氏説非也。 縣 即 親屈萬乘,辱 宣王就見,義似爲 管、晏,孟子羞稱。 相見 閻氏若璩 齊 齊宣以 , 因誇其禮 都東北 果爾,孟子當 也。」蓋 氏佑 趙氏注 《釋 賢者即 孟 六 臨 遇之 子 雪 日 里。 地 温 爲 宫 觀 尚 敝

樂。 第。 句。 志乃 亦非 灝《考異》云:「齊侯見晏子於雪宫,今《晏子春秋 之樂,見能與賢者共此樂也。 長。 也。 驕」之義 適情從欲,獨樂其 非 子 當因下文述晏子事、《元和志》遂訛「孟子」爲「晏子」也。」孟 仁義不自 而欲以苦賢者。」則此賢者即陰指孟子,非指賢君 一人有」,韓氏本趙氏也。「不得志」爲「上不用己」,故以指 (十一經問對))云:「「有」字是句,「人不得則非 吾觀於人,有不得志則非其上者衆矣。」蓋趙氏解「有人」爲 其 對 齊宣有此雪宫之樂,今館孟子於此,則賢者亦有此 《音義》云:「從欲,丁音縱,本亦作縱。」樂民 有 孟子推及於凡人,以爲不特賢者得志有此樂,凡 齊宣館孟子,自以能用孟子, 或曰『有人』當作『人有』。」韓愈《送徐 也。 上者, 曰:「有 此 樂。 也。 脩而責上之不用己,此非 注有人不得,人有不得 有 非 疏注「有人」至「義 :此樂則不非其上,不與民同 人不得,則 也; 身而不與民同 爲 民上 趙氏下云: 非 孟子之志得,乃能 而 也〇〇 其上矣。 不 樂, 志者也。 君子之道 · 與 民 正 皡 亦非「在 非其矜夸雪 樂則 義 下 日 其 第 同樂者 不得 無 也 民不得 序》云: 上矣」是 不責己 何 之樂 人皆得 亦 此 人 上 雪宫 異 有 語 不 君 志 孫 氏 此

賢者共之、孟子推及於人、謂其有此樂、未與人共之。 之有 難 「言雖」至「共之」〇正義曰: 子以是答王者,言雖有此樂,未能 憂則以天下之憂與己共之,如是,未有不王者。 民之所憂者,君助憂之,故民 民也。 也。 言民之樂,君與之同,故民 民 也。 亦樂其樂; 樂以天下,憂以天下,然而不王者,未 賢者亦有此樂,民未嘗亦有此樂也 注言古賢君樂則以己之樂與天下同之, 憂民之憂者,民 齊宣王自多以己有此樂,能與 亦能憂君之憂,爲之赴 亦樂使 與人共之。 其 亦憂其憂。 君 有 樂 疏注 小人 也 孟

先王之遊觀乎? 琅邪。 問 轉 朝,水名也。 口 王 .其相晏子若此 以 附 也 比 琅邪, 昔者 朝舞,遵 Œ 於先王 義 日: 齊景 遵,循 齊東南境上邑 海 王 觀 也。 先王,先聖之王也。 逸《離 公問 也。 而 也?」注孟子言往 轉 南 騒 放,至 附、 於晏子曰:『吾欲 放於琅邪。 ジ注 朝舞, 也。 云 也。 當 皆山 昔,往也。《爾雅 循 何修治 海 **疏**注「孟子」至 名 者齊景 吾何 而 也。 可 南, 觀 修 至 又言 公嘗 以 於 而 于 比

與轉,一 後回 注: 聲 通。 當在海之東盡頭,如 處。 非 遵 釋詁》云: 晉灼曰: 賦》云: 年,東幸琅邪 年,自琅邪北至榮成山,至之罘。 登之界,立石頌秦德馬 記·秦始皇紀》:二十八年,並渤海以東,過黄、腄,窮成 宋人,有「轉附,附作鮒,屬萊州」之説,殊無依據。 至也。』《論語 觀,遊也。」故趙氏用以爲釋。 脩,治也。」高誘注《吕氏春秋·季春紀》「禁婦女無觀 也。 音求之,尚可得。 也。」《禮記・ 「琅邪、齊東南境上邑。」《漢·郊祀志》作「在齊東北」, 罘之爲附,猶不之爲拊 .轍,循海之濱西行,以南至琅邪,亦可觀海焉。」按: 余曾徧考轉附、 今諸城縣東南一百五十里有琅邪山 「且齊東陼巨海,南有琅邪,觀乎 聲之轉。 「之罘山在東萊腄縣。」蓋「之罘」即 遵 禮日成 》「敢問崇德、脩慝、 循 祭義》云「推 之之爲轉,猶之之爲旃 也。」高 成山 朝 秦皇、 Ш 儛二山, 杳不知 而去。 ,登之罘,浮大海。」司 誘 召石山 漢武 也。 而放 注 南 淮 所 閻氏若璩《釋 辨惑 Ш 諸東海 《漢書 登琅邪,大樂之。 南 之類,登之可以 游 川之名,古今更變,乃 子 自 所 而準」,注云: 琅 成 集解》引孔注云: 也。 在。 氾 郊祀志》: 邪 山,射乎之罘。」 山下有城 論 轉附 馬 罘 地》云: 而 惟 訓》云: 相如 趙氏 北 與 觀 意此 八附,古 十 三 也。 則 海。 《子虚 云: 後五 即 至 《史 一趙 Ш 然 七 Ш 其 之 以 音 之 南

類。 罘、成 古 石 聲同第五部。 腐、土爲韻。」段氏玉裁《六書音均表 儛 没。」又云:「召石山 水中有竪石,往往相望,似橋柱之狀。 駛,神人鞭之見血。 石 儛、石聲近。 而問之也。」《左傳》「蔡朝吴」、《公羊傳》作 於大海九曲之涯也。」董子《繁露・朝諸侯》篇云:: 云 「始皇造橋觀日,海神爲之驅石竪柱。 通。 成 有神人召 儛,轉附即之罘也 山 即 「朝四靈于九濱」,王逸注云: ,則後人附會之妄也。 在文登之東。」《三齊略》云: Ш 山,自之罘、成 「柱」之缓聲。 王孫 讀石爲上聲,聲近於舞 朝宜讀「朝夕」之朝,俗讀爲「朝廷」之朝,非也。 日 神 傳》: 山。」然則召石即 顧氏炎武《唐韻正》云: 石山下,城陽 孔氏廣森《詩聲類》,从無、从石同陰聲第三魚 『口含玉石 一與成山相近,因始皇會海神, 今召石山石色皆赤。」伏琛《齊記》云: 蓋以石形似柱而緩呼之爲「朝儛」。 Ш 朝 耐 舞即 閻氏疑此二 南,則 成 成山 Ш 是 與 至琅 Щ 「朝,召也。 石岌岌相 「始皇造石橋渡海、觀 (棺槨朽腐,乃得歸土。] 也 朝舞 也。 邪。 「石,上聲常主切。 Ш 》所立十七部,舞聲、石 劉向《九歎 今驗成山東入海道, 又有柱石二, 乍出乍 于 I 當如成· 即 · 欽《齊 齊景欲觀 隨 「昭吴」,是朝、 「召石」。 召四方之神, 而 Щ 行。 乘》云: 召石 「朝者,召 故後世 野轉 遠 海 石 逝 神鞭 去不 日 Щ 《漢 石召 附 》篇 通 朝 召 之 古 會 遂 出

不得謂 則近; 不注。 「朝儛」爲「召石」矣。 二字,幸存斛字,可知《孟子》之儛字即斛字之借, 邪 字句 好事者乃變石爲斛 儛 苑 知儛字爲石字之聲。 舞即 觀。 游,問於管子曰:「我游,猶軸轉斛,南至琅邪。」」「我游」二 **斔讀曰鍾,斞讀曰曳。」, 斞爲十六斛,與斛自異,而與石之音** 刺取《孟子》之文人之。 類,未以聲音轉借求之,故不能定爾。 石字之轉注 「斔斛不敢入於四竟」、《釋文》:「斛音庾,司馬 石龢鈞」,韋昭注云: 也。 而 辨物》篇「十斗爲一石」、《周語》單穆公引《夏書》云 毛氏奇齡《四 ,謂我之東游 《管子》用之作「斛」,則儛字當時或本與石字通借 斛即石,石古讀若暑,故斛 「猶軸轉斛」。 軸字衍文,因轉字而誤也。 乃華不注在今濟 「轉附朝儛」即 亦 即斞字之近音 書賸言補 也 以加入《管子》也。 按《傅子》謂 房玄齡注 「石,今之斛 「猶軸轉斛」之譌也。 猶與 何 是「猶 南歷 也? 由 》引《管子 城 通 《聘 軸轉斛 也。 一猶 之西, 《管子》乃後之好事者所 謂 作 轉、軸二字之間缺 軸轉斛 也。」《莊子・ 禮》記「十斗 細 由 一爲 繹 轉附、 , 斞。 去 或謂 其文云: 戒 齊都 「轉 (管子》之文,益 以《孟子》之 》篇 然即其斛字,益 謂 轉 朝 附朝舞」之譌 不 附 本作「斔斞」, 猶軸之轉 斛 日 田子方 謂 「桓 遠 耐 南 朝 斛」,《説 「轉 斛字 公將 無 至 儛 附 於 附 煩 即 朝 朝 》篇 加 關 琅 而 載 則 東 朝 欲 華 母

是,「又言朝,水名」者,存異説 斛石」,乃望文生意,失之矣。 力不給也。 適諸侯曰 先聖之神靈 靈。」是凡稱先,皆謂先古聖賢。 本,秋穫爲利。 朱長春云:「不本、春從不足於耕稼者、原省助之。 戒》篇云:「春出,原農事之不本者,秋出,補人之不足者。」 空行者也。 於天子曰 「耳未嘗聞先古」,高誘注云:「先古謂聖賢之道也。」《文 力不給也。 言天子諸侯出,必 耒耜不足」即謂耕稼之本不足 `妻子。」又《國蓄》篇云:「春以奉耕,夏以奉芸,耒耜械器: 有不足者,當補之。 東京賦》「憲先靈而齊軌」,薛綜注云:「先靈,先聖之神 春省 力即力田之力,謂 也。 「述職。 1巡狩。 耕而 疏注「春省耕」至「給也」○正義曰:《管子 春 今田家諺「下工用本」是也。」耒耜用於耕。 省耕,問耒耜之不足; 晏子對曰:『善哉,問 補 因王事 秋稼已斂而力仍有不給於衣食,故 巡狩者,巡所守 述職者,述所 不足,秋省斂 趙 有所補 雖力田 也。 也。 先王爲先聖之王,猶先靈爲 氏雖未詳,而以爲皆山名則 《淮 房玄龄云:「秋謂 而所穫不足以養其父 助於民,無非 職 南子 而 也。 也。 秋省斂, 助 '• 修 也。 不 . 給。 諸侯 無 務訓 春種爲 天子 非 助 事 西 朝 事 其 注 而 成 굸 云 休?

者。

選

公二年傳文。其文作「宴于季氏,有嘉樹焉,宜子譽之」,彼 間暇也。」故以「其行從容」解 侯世家》云「良嘗間從容步游下邳圯上」、《索隱》云: 設教。」是巡狩所以觀民也。 釋詁》云: 耜,夏有以决芸。」夏諺 種饞糧食,畢取贍於君。」又《輕重丁》云:「使吾萌 人士》序云「從容有常」,箋云: 云「民之諺語」,而其辭如歌詩,則謡之類也。 語》「諺有之」、韋昭注云:「諺、俗之善謡 德,應法而 諸侯度。」注晏子道夏禹之世民之諺語 何以得見振贍、助不足也? 者巡狩觀民,其行 「度也」○正義曰:《易・觀》《象傳》云:「先王以省方觀 不遊,我何以 語也」○正義曰:《説文》言部云: 春秋傳》曰: 吾王不豫,吾何 「諺,傳 出 可可 得見勞苦、蒙休息 魯季氏有嘉樹,晉范宣子豫焉。 也。」然則「夏諺」謂夏世 以爲諸侯之法度也。 從容,若遊若 日 : 游爲優游,豫爲暇豫。《詩 「遊豫」也。 以 「從容謂 「<del>吾</del>王 王者一 助? 「諺,傳言也。」《廣雅 也 豫。 休燕也。』《史記 ? 不 遊一豫,行恩 引《春秋傳》者,昭 也。」俗所傳聞, 相傳之語。 吾王不豫,我 遊 **疏注「晏子」至** 豫,亦 遊 ○注「言 也。 吾 春有以 「從容, 遊 何 王至 言王 吾 也 以 布 都 民 故 或 王 倳

00

則

境内。 榭、 榭 氣可觀 夫,莫肯夙夜。 變豫言夕,古音之轉注 出 秋也,趙 多稌。』薛綜注: 休,謂休息耕者; 傳》「豫必有隨」,鄭康成注引《孟子》「吾君不豫」以爲 遊 既 而 也。」《説文》云: 豫」,李善云: 「人效死而上能用之、雖優游暇譽、令猶行也。」《外傳 知此傳譽字本作豫,故服、趙互引爲證。《孫子兵法》云 īF. 度」。 義引服 ·補不足者謂之遊,秋省實而助不給者謂之豫。」故於遊言 豫並音序。 故《儀 原農事之不本者謂之遊,秋出,補人之不足者謂之夕。」 春遊以發生,啓諸蟄於潛户, , 歲舉 孔氏廣森《經學巵言》云:「《晏子春秋》曰:『春省耕 ,爲諸侯度。」惠氏棟· 故 氏《章句》始混 禮 虔云: 不過 日 遊 『譽與豫古字通。』』《爾雅・ 鄉 『爲諸侯度』者,言諸侯法之,亦以 再。」倪氏思寬 邦君諸侯,莫肯朝夕。]是也。 『秋行 魯 「度、法制也。」故以「息 射 於豫言助 秋爲收成,成功可喜,故曰 禮》「豫 游 日 也。 爲 也。 豫。」是漢 則 古讀夕如榭、《詩》曰:『三事大 ,所謂助不給也。 《左傳補注》云: 宣子遊其樹下。 《管子》云: 《讀 鉤 楹 度秋豫以收成,觀豐年之 書記 人舊説猶以遊、豫分春、 内」, **》**云: 通作「宣 |釋「休」,以「法」釋 釋詁》云:「休,息 「先王之遊也,春 豫。 《東京賦》云: 春 「《周易・ 夏諺曰: 古讀豫 秋行日 爲發 榭」之榭。 春秋行其 》作「暇 八證,則 生 亦 序 \_ 豫, # 如 桂

> 勞者致 人君興 更相讒惡。 讒 師 從《孟子》襲入之,蓋百家之書尤多竄易。」今也不然。 也。」翟氏灏《考異》云: 「惡也」〇正義 春行日 民 行 而 師 重 乃作慝。 遊可知。 糧 行軍 亦不得休息。 民由是化之而作慝惡也 食, i E . 皆遠轉糧 《周禮 飢者 蓋先王之觀惟 注今也者,晏子言今時 「《管》《晏》二書俱 弗 夏官 軍。」師、軍 食而食之,有飢 食, 在 位 勞者 以 序官》云: 者又 物 亦 成爲可 弗 睊 通 有後人附托 稱。 睊 疏注「人君」至 息, 「二千有 樂 側 不得 天下之民 睊 國 他 目 語 相 飽 無 睊 或反 五. 所 視 食 百 樂

也。 難 糧 趙氏此注以 語·子路 爲軍」,注云:「伍、兩、卒、旅、師、軍皆衆之名。」是也。 語》「天子作師」, 人爲師,萬有二千五百人爲 行師興軍」,按: 五人爲伍,五伍爲兩,四兩爲卒,五卒爲旅,五旅爲師, 通,似有脱誤。 官其民者謂之亡。』予幼讀 毛氏奇齡 》曰「則禮樂不興」,皇侃《義 「軍」釋「師」,以「興」釋「行」。 《賸言補 韋昭 經先師後行 今始知『糧食其民』爲確不可易也。」錢氏 注法云: <u>\*</u> 「《管子・ 「師謂六軍之衆也。」《小 「師行糧 趙氏以師 食」 戒 疏 行猶 》云:「興猶行 》篇云:「夫師 閩、 疑 軍 監 糧 興 毛三 而 互. 司 本 行 明 也。 Ŧī. 《論 徒 字 而 之 作 師

視

不然,師

運

買业

 $\bar{z}$ 

明

側目

師役之事則治其糧食。」注:「行道曰 視貌。」重言之則曰睊睊。」然則趙氏不單言視而云 請。 」王氏念孫 脱誤,亦非食于民之義也。 道所治之名,則以糧爲食必須「遠轉」。 周」,注云:「食,糧 行者有裹糧」,此糧與食之辨。」按:趙氏云「遠轉糧食而食 爲乾、《詩》「乃裹餱糧,于橐于囊」、《孟子》謂「居者有積倉, 食于株」、《左傳》「食時而至」、蓋言近也。 糧,適千里者三月聚糧』,蓋言遠也; 食,謂米也。」鄭鍔 「糧食」與「師行」對言,謂軍師之興以糧米爲食。 一者、《漢書 「糧,穀食也。」《國策 於貴臣 負重,不得休息矣。《晏子春秋·問下》篇云:「今君 5行而糧 忿也。」《 堂答問 《廣雅 矣。」然則 鄒 食。」與《孟子》同,則《孟子》「糧食」之下非有 云: **学**云: 後 「糧」,「而食之」三字解「食」字。 陽傳》云:「太后怫鬱泣血 也。」糧、 漢 疏證》云:「睊睊,視也。 遠 書 《周 八側目 者治其糧、莊子》「適百里者 《音義》云: 食二字亦可通稱 陳 禮 西周策》云「而藉兵乞食于西 者,忿恨之貌。 蕃 廩 傳》云「至于陛下 人》職 近者治其食、《詩》「朝 糧, 「睊,古縣切,字亦作 轉即運 子按、《説文》訓 云: 謂 《説文》:「睊 故以食釋糧 糒 凡邦 無 《説文》心 也。 也, 所 糧 發怒, 「側目 遠行轉 《説文》 匹是行 有 止 有 何 宿 居 會 切 相 耤 春 日 同 師古注云: 悁」,注: 道 詩 爾

之」,此以

大昕《潛研

者爲在位之人矣。 故知「睊睊」爲「側目相視」。 讒,潛言人罪惡。 陽,惡之孝王」,下云「陽客遊以讒見禽」,是惡之即讒,故 放也。放棄不用先王之命,但爲虐民之政。 逆、暴亂、作慝、猶犯令者爲一書。」注云:「慝,惡也。 食,若水流之無窮極 民,飲食若流。 也。」然則作惡謂悖逆、暴亂、希圖犯令之謂也。 是「作慝」即「作惡」也。 而殺人之類也。 一虧,諸侯行霸,由當相匡 :雅・釋詁》云:「胥,相 ·大雅·民勞》篇云「無俾作慝」,毛傳云:「慝, 「悁悁、恚忿也。」蓋趙 「惡謂讒毀也。」《樊噲爰盎等傳》注亦多以 更,代也。 閩、監、 流連荒亡、皆驕君之溢行也。 流連荒亡,爲諸侯憂。 也,謂 《周禮・秋官・小行人》云:「其悖 也。』《鄒陽傳》云「羊勝、公孫詭 毛三本「在位」下有「在職」二字。 下言「民乃作慝」,知此 互相讒短,則其目亦互相忿視, 正,故爲諸 氏以 沉湎 睊 于 睊 酒 與相 熊蹯 侯 悁 憂 通,合言之。 也 不 方 注方 恣意 , 惡也。」 「胥讒 熟 命 言王 疏 虐 猶 飲 顔

典》云「方命圮族」、《漢書 方猶」至「行也」〇 正義曰:「方猶放」者,假借字 傅喜傳》《朱博傳 》並作「放命」。 也

0

養》鄭 康 成成 注云: 0 方,放。 謂放棄教命。」趙 氏 引 與 宋、鄭 間 供

《尚

書

IE

酒。」 之同。 過 湎 語》云: 沉 爾以 也。」《論衡》云: 湎于 」鄭氏注云:「飲酒齊色曰 閩 酒」、箋云: 「罔敢湎 酒」者、《尚 監、毛三本作「方猶逆也,逆先王之命」,非是。 于酒。」又云:「殷之迪諸 「天不同女顔色以 「紂沉湎于酒 書序》云: 「羲、 湎。」《詩 ,以糟爲邱 和 湎 酒,有沉 · 大雅· 淫 以 廢 臣,惟 湎于酒,是乃 時亂日。」《酒 酒爲池,牛飲 蕩》云「天不 工乃 湎 于

通。 者三千人。」《説文》水 熊蹯不熟怒人」,晉靈公事,見《左傳》宣公四年。 「溢行」謂淫泆之行也。 部 云 「驕君」指夏之羲、和,殷紂之臣 「湎 湛 一于酒 也。」湛 與沈同。 溢 與洪

亡,王道既虧廢,天子雖不能討,而諸侯之行霸如齊桓、 者,思匡救其惡,猶將 工,周之晉靈公之屬。 心也,慮 也 ,亦勞也。 問罪 由 ○注「言王」至「憂也」○正義曰: 與 猶 而 通。 伐 之。 趙氏之意,謂 匡 即 正 也 驕 即 君 流 匡 、晉文 連荒 憂, 天

思

加兵於齊。 則國且危矣,故云「猶當相匡正」。 下」之義。 《公羊傳》「桓公有憂中國之心」之憂也。 行霸之諸侯不能置此驕君于度外,而 不質言者,對君之體,宜 「當相匡正」解 如此 蓋指 也。 全氏 當時晉 加之師旅 「憂」字,如 祖 望《經 楚將

> 輸,願 國之將亡。 乃趙氏稱「諸侯行霸」,是以 之君,而爲諸侯憂之諸侯則 相去不遠。」此申趙氏之説,則以驕君之流 道,豈但徵百牢、索三百乘而已? 反謂之連,從獸 當 相 降 其資糧屝 匡正」,似不謂驕君 ,殺其丈夫,囚其婦 而 與 從流 、邾、滕爲伍,而杞至自貶爲子,則其與附 屨, 下 國必 無 而 矣。 甚病。」哀公時,吴爲黄池之會, 人。 厭謂之荒,樂酒 忘反謂之流 行 事 或云: 霸 二霸解 霸者之世,役 國之諸侯 春秋之晚,雖魯亦 爲諸侯憂之諸侯 如 同 盟 從 連荒 非 小役弱,不 或 行霸 無 流 一即 厭 上 之諸 皆憂 指 困 也; 庸 謂 而 可 行 之 于 侯 之 忘 其 云 霸 君 征 勝 過

舟,豈 之連。 Ļ 者 也。」注言驕君放遊 忘反,謂之流,若齊桓與 引引 先王 也。 不引舟於水 《書》曰: 使人徒引舟 無 流 連 罔 而 之樂、荒亡之行, 水 ,無所不爲。 上 船 行 行 蔡 舟。」 上 乎? 姬 行 乘 丹朱 而 此其 舟 忘 或浮水而 於囿之類 反 慢 類 以 遊, 也 惟 爲樂,故 無 下,樂 君 從 水 也 所 淵 而 連 行 無 行 謂 而

正 義」下, 依本書文例當有 「引」字。

四

年 問

桓

公欲

循

海

而

歸

轅

官

仲

謂

申 爲

日

「師

出

陳

鄭之

0

答》云:

「爲諸侯憂」,古注

以

列國 · 侯

諸

侯。

試

觀

僖

公

傲 見 而

虐是作

門書

夜領領。」「罔水行舟」一

句是《書

解;

皋陶謨》。

其文云:

作

「輦車」。

負車者,人輓車

而行,車

在後

如

負也。」《説文》

云:「輦,輓車也。

从車、烘、扶

在車前引之也。」又云:「輓

師 負

》「輂輦」,故書輦作連,大鄭讀爲輦。

《巾車》「連車」,本亦

引車也。」連、輦同字,而輦爲輓,輓爲引,是連訓引也。

[上必用徒役輓引之,如負車然,故其名曰連。

引《書

逆水 者

其下文云「蕩公,公懼變色」, 「無若丹朱傲,惟慢遊是好, 「丹朱 慢遊 于原 輓引 是以「罔水」爲無水。 時 盛《尚書後案》云"「鄭云云者即《孟子》「從流忘反」也 厭,足也。 其意可見也。 陸地,而丹朱猶居舟中,使人推行。 地行舟。 以陸地行舟爲寒浞之子奡,而《説文》介部云:「 時澆,非是。」按: 云: 陸 以《論語》「奡盪舟」孔安國云「陸地行舟」,遂取以解此經。 水時人乘舟,今水已治,猶居舟中額額使人推行之。]王氏 自鉏遷於窮石,因夏民以代夏政。 屯》六三「即鹿无虞」,傳云: 知,故以爲類 《虞書》曰: 『若丹朱奡。』讀若傲。 有以盪舟即 地 「《論語》「奡盪舟」即 獸 行舟,事之所無, ,引以爲名連之證也。 無水 棄武羅 鄭氏謂水已治,則以水由地中,前此 引「羿之好田 而 必例也。 行舟」 趙氏以陸地方使人推引,其在水使人推 丹 伯因 無水行舟即陸地行舟。 朱傲」之事,故趙氏以「罔 是趙 ○注 鴻水氾濫,人居舟中, 孔彼注失之。」孔氏廣森 、熊髡、 獵 氏 所謂 「從獸 中釋 鄭氏注《書 者,襄公四年《左傳 「以從禽也。」從禽猶 龙 「罔水行舟」也。 善書 至「亂也」〇正 圉 恃其射也,不修民事 《論語》「奡盪舟」。」是 而 鄭雖不明言陸地行 》解 用寒浞以 》此文云:「丹朱見 謂 孔安國注《論 水」爲 無 今水已落,仍爲 水 氾濫 義曰: 爲 舊説以爲夏 行 《經學巵言 無水,即 一從獸 「奡,嫚 己 舟 已平, 必 相 一后 引可 舟 用 而 也。 也 語 傳 涇 羿 而 亦 陸 當 鳴 洪 浞 人

也。

《管子·

宙合》篇云「君失音則風律必流」,注云:

「流

謂

與流義合,取爲流之證也。

0

注「連引」至「類

也」〇正義曰: 蕩散。」以蕩

連訓引者,段氏玉裁《説文解字注》云:「連、

車也。

各本作員連,今正。

連即古文輦

也。

《周禮

鄉

杜

氏注云:「蕩,摇

也。

囿,

苑也,蓋魚池

在苑中。」推其義,

蓋

一蔡姬摇動

桓公。

趙氏引爲流之證者,流

猶放也,放猶蕩

舟於囿,見僖公三年《左傳》。

類也」〇正義曰:

浮水而下謂

順流而下

也。

齊桓與蔡姬

乘

欲使景公空遊於琅邪

而

無益

於民

也。

疏注「或浮」至

聖人之行

無

此

四

者

惟 紂

君

所

欲 行

也。

晏子之意,不

厭

,若羿之好

H

獵

無

有

厭

極,以

亡

其身,故

謂 之荒

亂

也

樂酒

無

厭,若殷

以

酒

喪國

也,

故

謂之亡。

言

春遊 也。 樂而不歸謂之亡。」《管》、《晏》書刺取《孟子》而文有不同。 ○注「言聖」至「民也」○正義曰: 而 證。 也。 其 而 台 爲長夜之飲。 酒」至「之亡」〇正義曰: 之謀己,是爲田所迷也。 云 此 行媚于内,施賂于外,愚弄其民而虞羿于田,樹之詐慝以取 論 「帝紂好酒淫樂,以酒爲池,縣肉爲林,使男女倮,相 不反謂之流,從下而不反謂之連,從獸而不歸謂之荒,從 (國家,外 不反者謂之荒。」《晏子春秋 羿好田亡身之事也。 1虎通・ 語 元荒 《翼 也。 秋豫,一 管子・ ·雍也》篇「亡之命矣夫」,孔安國注云:「亡,喪也。」 其 孟 '廢亂也。」廢亂者'荒忽迷亂。 先王既非無事空行,故晏子欲效法,亦不無事空行 崩 内咸服。 音 休一 戒》篇云: 薨》篇云"「喪者,亡也。」故引以爲名「亡」之 解 百姓怨望 **》讀** 比先王之觀 助,爲民 「樂酒 羿猶不悛,將歸自 「夫師行而糧食於民者謂之亡,從樂 《詩 而諸侯有畔者。」是「以 引殷紂者、<br />
史記・殷本紀》云: 故引以爲名「荒」之證。 而 」若樂 出 魏風. 」如此 • 問下》篇云:「夫從南 無此從上、從下、從獸、 聖人即先王也。 山、樂水,樂酒 蟋蟀》「好樂無荒」,箋 羿好 田,家衆殺 行田 即 酒喪國」事 ,遂忽于浞 先王但 而亨之。」 好酒 ○注「樂 逐其間 、樂酒 歷 也。 有 時

景公説,大戒於國,出舍於郊。於是始

「何修以

禮 • 師爲樂師,蓋以諸侯之官,大師爲之長,即樂師 招》 義曰: 所作樂章名 千鐘,公所身見癃老者七十人,賑贍之然後歸 賑字。《晏子春秋》云:「吏所委發倉廩出粟以予貧民者三 也。」《月令》「雷乃發聲」,注云: 言則 子春秋》所謂「命吏計公掌之粟,籍長幼貧氓之數」是也。 訓》,皆云:「戒,備也。」「大修戒備」謂預備補助之事,即 倉 大師,下大夫二人。」天子之官,樂師與大師 曰 : 而出其粟。 公將身親振給,故出舍於郊,示憂民困也。 大脩戒備於國,出舍於郊,示憂民困。 興發,補不足。 云: 廩,以振貧下不足者也。 春官》: 是也。 有别。 「興、舉也。」故謂舉行惠政。 『爲我作君臣相説之樂。』蓋 鄭康成注《禮記・曾子問》篇、高誘注《淮南子・ 閩、監、毛三本作「以振貧困不足者也」。 《周禮• 也。 注 大師,樂師 「大司樂,中大夫二人, 疏注「大師」至 地官・遂大夫》「則帥 注景公説晏子之言也。 也。 疏注「戒備 「發,出 《廣雅・ 《徴招》、《 「名也」() 樂師,下大夫四 也。」故謂開 釋詁》云: 其吏而興 自别。 《徵招》、《 興與發義同 」至「者也」○ 始興惠 也。」召大師 Œ 也。 角招 戒 義 趙氏以 日: 發倉 胡氏 振 「 發 甿 政,發 備 即 《周 也 角 其 ~ 晏 開 王 太 古 廩 注 並 景 神 īE.

命調

孟子言《徵招》、《角招》,師曠言《清商》、《清徵》、《清

》,皆是調名。

韋氏之意或亦爾也。」其詩

曰:『畜君

有五均。

今所謂調。

衷《儀禮釋官》云:「「僕人正徒相大師,僕人師相少師,❶僕 宫,蕤賓爲變徵。』《續漢志》云:「天子常以日冬夏至陰氣 爲宫,大蔟爲商,姑洗爲角,林鐘爲徵,南吕爲羽,應鐘爲變 人士相上工。」注云:「大師、少師,工之長也,凡國之瞽矇正 太常丞鮑業始旋十二宫,旋宫以七聲爲鈞。 應,則樂均濁。」西京郊祀宗 上章言「大不踰宫、細不過羽」是也,有以調言者,此言「細 亦瞽者爲之,故通稱工。 》典樂官同,非瞽者爲之。」劉氏台拱《經傳小記》云: 鈞亦作均、《春秋》昭二十年服注云:「黄鐘之均: 侯亦有大師、少師之官。 「細鈞,有鐘無鎛,昭其大也,大鈞,有鎛無鐘,甚大無 春官》有大司樂、樂師,同 而韋注「細鈞爲徵羽角,大鈞爲宮商」者,古人以聲 五聲十二律旋相爲宫,爲六十調,皆具五聲,故 曠也,大師也。1按、《論語》有大師摯、少師陽、 大昭小鳴,和之道也。」按,細大有以聲言者, 有以器言者,此言「昭其大」、「鳴其細」是 瀬樂, 大師,樂工之長,非樂官之長。 凡言工、皆瞽矇也。 惟 官,其職掌教國子,與《尚 用黄鐘 蓋古所謂 均。 大師、少 章帝時, 黄鐘 均即 | 國 《毛詩王欲玉女解》云: 加 好聲並相近。 也。』《釋名》云: 臣説君,謂之好君。 近之字爲訓。 欲以苦賢者。 點 者解 云

語》:

鎛

,鳴其細也。

也。

鈞」、「大鈞」是也,

是諸

杜

蒯

E:

師

周

禮.

《毛詩》玉字皆「金玉」之玉,惟《民勞》篇『王欲玉女」玉字專 逆於倫,是之謂畜。」《孔子問居》及《坊記》注並 何尤」即「好君何尤」。《祭統》云:「孝者、畜 故趙氏注云:「言臣悦君謂之好君。」好、畜古聲相近,「畜 子·梁惠王》篇「畜君者,好君也」,本承上「君臣相悦」而言 敞傳》云:「北方人謂媚好爲詡畜。」畜與嬪通。 孫《廣雅疏證》云:「《説文》:「婚,媚也。」孟 晏子、景公之事者,欲以感喻宣王,非其 何尤?』畜君者,好君也。」建其詩,樂詩 「媚,説也。」故媚好謂之畜,相 後世聲轉義乖,而古訓遂不可 「畜君者,好君也」,「洚水者,洪水也」,皆取 了孝,好也。 「朽玉也。 疏注「言臣」至「過也」○正義曰: 「許氏《説文》「金玉」之玉無 何尤者, 從王有點。 愛好父母如所 悦亦謂之畜,又謂之好。 無過 也。 讀 若「畜牧 悦 康注 也。 通矣。」阮氏 孟 好 矜夸雪 也。」畜、孝、 云:「畜,孝 子 《漢書 《説文》: 順於道 所 也。 一之畜。」 王氏念 點,其 以 宫 **念孟** 道 言 張 而 聲 元 不 君

0 師」上,原衍「正」字,今從沈校據《儀禮》删

〇六

是加

點之玉。《詩》言「玉女」者、畜女也、

好女者,臣悦君也。

召穆公言王乎!

我正惟欲好女畜女

畜女者,好女也,

不得不用大諫也。

曰:畜君何尤?

畜君者,好君也。」《孟子》之『畜君』與《毛

後人不知玉爲假借字,是以鄭

《孟子》曰:「爲我作君臣相悦之樂,其詩

》召穆公之「玉女」無異也。

《繁露》云:「桀紂驕溢妄行。」」阮氏元《挍勘記》云:「孔 云: 王不敢盤于遊田」、《周書・無逸》篇文。 本、韓本作肆是也。」●○「是以」至「田也」○正義曰:「文 事空行,是爲「慢遊」矣。 書 「注云「流連荒亡」皆暴君之溢行,則「四溢」爲是。 「慢,惰也。」先王因助給而遊,非 道 術》篇云:「反敬爲 肆,古本作 嫚。」嫚與慢同。 四。 無事 周 而空行也; 《説 氏 廣業云: 文》心 董子 無 部

箋誤解爲「金玉」之玉矣。」段氏玉裁《説文解字注》云:「說

《邶風》毛傳:「訧,過也。」亦作郵、《釋言》:「郵,過

諸 ? 明堂處。」是古明堂至漢武帝時猶有遺蹤。」《釋地續》云: 地》云"「《封禪書》"「初,天子封太山,太山東北阯,古時有 已,止也。 鄭 侯不用明堂,可毁壞,故疑而問於孟子,當毀之乎? 狩、朝諸侯之處也,齊侵地而得有之。 「《左傳》隱八年: 桓公封鄭,有助祭泰山 齊宣王 已乎?」注謂泰山下明堂,本周天子東 疏注「謂泰」至「毀壞」○正義曰: 問 「鄭伯使宛來歸祊,不祀泰 티 : 湯沐邑,在祊。」祊 「人皆謂 我 人勸 毁 在 山也。」注云: 閻氏若璩《釋 琅 明 邪 宣王,諸 堂 • 國 毁 巡

遊田」也。疏「與天」至「之行」〇正義曰:賈子《新樂,不循肆溢之行。是以「文王不敢盤于章指:言與天下同憂者不爲慢遊之

子言晏子、景公之事以感喻而非斥之。

賢者亦有此樂乎」是自矜夸其雪宫而用以困辱賢者,故孟

外國所苦」是也。

《廣雅

•釋詁》云:「苦,窮也。」謂宣

王言

形相涉而誤也。」按:苦有困辱之義、《漢書・馮奉世傳》「爲

賢者」,閩、監、毛三本同。

廖本、孔本、《考文》古本苦作若、

「矜夸雪宫」,閩、監、毛三本夸作誇,誤增言旁。 『而欲以苦

阮氏元《挍勘記》云:「道、導古今字。 古書多用道

事者」。

者」〇正義曰:道,言也。

閩、監、毛三本作「導晏子、景公之

也。」亦作尤、《孟子》引詩「畜君何尤」。」〇注「孟子」至

一賢

也。

❶ 「肆」,原誤作「事」,今據阮校改。

配

稷既配天於郊,而

明堂,不見經傳。

且欲行王政

注、韋

昭

E

不知所始。

若謂

毛氏奇齡《四

書

賸言》云:

類

東南,鄭以天子不能復巡狩,故欲以祊易於魯,以從魯所宜。 爲響帝而設,自黄帝以來,唐虞夏商俱有之。 言之意亦多不合。不知此即出王配帝所也。 方三百步,四門,壇十有二尋,深四尺,加方明于壇上。」蓋其 至宣王時,不復東巡者四百四十年矣,人咸謂齊毁明堂,無 宣王曰「人皆謂我毁明堂」、《左氏傳》「爲王宫於踐土」,亦其 巡狩則方岳之下覲其方之羣后,亦曰「明堂」。《孟子》書齊 也。」宋吴仁傑《兩漢刊誤補遺》並主斯説。 。 距東遷五十六年,泰山下湯沐邑,鄭尚能守之,則明 無壁,近泰山明堂之遺象。」金氏榜《禮箋》云: 泰山明堂因巡狩而設,則西南諸嶽,其有無 《荀子》曰:「築明堂于塞外而朝諸侯。」 文王則配天於明堂。 謂巡狩至方嶽之下,會諸侯,爲宫 漢時公玉帶上《明堂圖》,中有 而但以文王治岐爲言,其於立 而朝事義言方明之下,公侯伯 明堂在魯 不知幾何 「此非如國中明 地, 時 古明堂之制 且天子繼祖爲 而爲齊得。 而後爲齊 但饗帝 此皆用趙氏 堂爲 必 有 又 有 原 數。 專指此 魯郊祇 明堂則祇祀文王。 文宗武非魯宜有,而獨文王以出王之故,大宗之國不祖 明堂」則配帝之祭也。 明堂J者是宗祖之祭、《周頌·我將》詩小序所云「祀文王 宗必有宗祀,而 欲行王政,則勿毁之矣。」注言王能 四 魯則得以大宗宗之,天子以歲祭饗上帝於明 及五帝,原是殺禮,故明堂九室祇以中央太室與東西 出王配帝之所。 宗,因特立周廟在祖廟之外,而又以文當配帝,特設明 ○注「已止也」○正義曰:《毛詩》傳箋、鄭氏《禮》 六年「毀泉臺」,注云:「毀,壞之也。」故趙氏以「壞」釋「毀」。 王而推本及之。 太廟合名五室,而祀方明於其中。 .國語》注、高誘《戰國策》《吕氏春秋》《淮南子》注皆然,不勝 [時迎氣,五方饗帝,十二月聽朔降及之。 孟子對曰:「夫明堂者,王者之堂也。 表山明堂爲言。 在孟春祈穀、季秋報享。 [周制以文王當之。《孝經》所云「宗祀文王於 以治岐者亦宗祀所自來也。』《春秋》文公十 蓋天子二郊既祭昊天上帝,而於明堂 《孝經》所謂「嚴父配天,則周公其人」者 特魯本侯國,諸侯不敢祖天子,則 若然,則其舉文王治岐亦即因 鎬京明堂並祀文武 故天子祖文王於明堂 蓋周郊在 堂而 行王道 魯

楊倞注云:「明堂」壇也。

五室十二堂之制。

王

一愈可

知。」孔氏廣森《經學巵言》云:

子男覲位

亦並與明堂位同。

殿

",四面

堂祀方明,故以「明堂」名之。

堂仍爲周天子所有,齊焉敢侵?

計

一爾時

0七

三至

而

亦

得

南

北 則 堂

爲 而 祖

而

而

祭

文

明堂 俘馘 應門内 尚 氏元 衣裳未成,始有韍 諸 以存古制,藏古帝治法册典於此,或祀五帝、布時令、朝四方 也。 襲古號 遷。 天子所居在邦畿王城之中,三門三朝,後曰『路寢』,四 黄帝堯舜氏作,宫室乃備; 治天文、告朔則於是,抑且天子寢食恒於是,此古之明 侯則於是,養老、尊賢、教國子則於是,饗射、獻俘馘則 子所居之初名也。 外環以水,足以禦寒暑、待風雨,實惟明堂之始。 略 則 昧上古、中古之分。 繡 , 宫室未興。 侯,非常典禮 可 也。 則 然 路寢之制,準郊外明堂四方之一,鄉南而治,故路寢猶 明 無 日「明堂」。 而 有辟雍、學校。 左之宗廟,朝諸 廢 毁 堂論》云: 自 聖人事必師古 赤芾之垂; 也。 漢以來,儒 神農氏作,始爲帝宫。 ,乃於此行之,以繼古帝王之蹟。 疏 皮; 若於祭昊天上帝則有圓邱,祭祖考則 是故祀上帝則於是,祭先祖則於是,朝諸 「粤惟上古,水土荒沈,橧穴猶 椎輪 夫明堂者王者之堂也」〇正 車 其地 後之儒者,執其一端以蔽衆説,分合 者惟 侯則 成金玉,不增大路之飾。 ,禮不忘本,於近郊東南别建明堂, 初 洎夏商周三代,文治益隆。 蔡邕、 既分,其禮益備 有朝廷,養老、 制 惟 盧 尚 植實知異 越 上圓下方,重蓋以茅, 席。 尊賢、教國子,獻 後世 故城中無明堂 名同 明堂者,天 在 聖 譬之上古 此後世之 義 地 政 工人采備 日 之制 堂也。 於是, 於是 [時不 教朴 有 阮

> 勒成書以備稽覽,括其大指著於斯篇。」 ※絶學。 定 制 度鮮 試執吾言以求之經史百家,有相 通。 蓋 未能 融洽 經 傳,參驗古今,二千 合無 相 戾 年 來 别 遂

無

成

澤梁 譏難 復行 始行 何施 以爲爲西伯 也。 伯崩。」然則文王爲西伯,治豐未久,故孟子以爲治 立,是爲西伯 孥,惡惡止其身,不及妻、子也。 者以爲公田及廬井,故 岐 ○正義曰: 也 殷本紀》言 孥, 非常,不征税也。 古法也。 王政,使岐民脩井田 無禁, 其法 王曰 耕者九一,仕者世禄,關市 妻、子 往即昔也。 時 寧 罪 也。 西伯曰「文王」。 可 「紂厚 仕者世 也。 王政,可 得聞? ○注 不孥。 賦税以實 《史記・ 詩 禄,賢者子孫必有 一使 陂 日 **※** 云 得聞與?」注 岐 對 池 九 注言往者文王 周本紀》云: 自岐下而徙都豐。 曰 : 鹿臺之錢而盈 魚梁不設禁,與民 至 八家耕 「樂 也。 法也 疏注「言往」至「王政 「昔者文王之治 爾 紂 八百畝,其 妻 0 時 孥。」 「公季卒,子昌 譏而不征 王言 Œ ± 税 鉅橋之粟」。 爲西 地 義 重, 罪 岐, 明年,西 王 日 共 人 鳎 文 百 伯 政 趙 史 不 之 王 以 畝 時 當 氏

記

不

顯

亦世

」,傳云:

大夫得世禄,不世位。 地也。」趙氏所本也。

賢,傳嗣其國。公卿大夫輔佐于王,非賢不可,故不世也。」 有賢才、則復父故位。」《毛詩・大雅・文王》篇「凡周之士, 然則世、禄兩分,世謂繼世爲諸侯,禄謂但食采地。 故國采邑之地,不得繼父爲公卿大夫也。畿外諸侯世世 |廢其法而文獨脩行之。]○注「賢者」至「土地」○正義 」比例天子之内諸侯,不可世爵,祇可世禄。 「選賢置之於位,其國之禄如諸侯不得位。 「得采國爲禄而不繼世,故云禄。下云「大夫不 此謂畿内公卿大夫之子,父死之後,得食父之 昭公三十一年《公羊傳》云:「賢者,子孫宜 故録》云:「《王制》:「古者公田藉而不 「世者,世禄也。」○注「關以」至「稅也」○ 《五經異義》引古《春秋》左氏説: 父爲大夫,死,子得食其故采地。 「繼世以立諸侯,象賢也。」」孔 「世」字也,「必有土地」, 斂 古者爲殷時 時 外,諸侯嗣也。」注 無度。」是 入而 不禁,夫圭 有功乃封 則 紂 此「仕者 則 時 一世禄 日 正 税 「卿 税, 如 有 象 是 H 重 《國語 水偃也。 傳》 禮 皆云"「妻、子曰孥。」《晉語》「以其孥適西 也。 澤梁」,注云: 梁也。」《周禮・戲人》「掌以時戲爲梁」,鄭司農注云:「 傳云:「陂,澤障也。」《周禮 注 禮 稾。」鄭司農云: 曰帑。」《詩正義》云:「上云『妻子好合」,子即 妻、子也。」文公六年《左傳》「宣子使與駢送其帑」,注云: 道也。」是澤爲陂池也。 正 「予則奴戮 人之官也。 「帑,子也。」《禮記・中庸》引此詩,鄭氏注云:「古者謂 「孥,妻、子也。」引《詩》者,《小雅・常棣》第八章。 · 秋官 義 )曰「秦伯歸其帑」,《書》曰「予則帑戮汝」,皆是子也 陂池」至「之也」〇 ○注「孥妻」至「子也」○正義曰: 孥與奴同,假借作 地官・大司徒》「制天下之地征」、 日 鄭語》「寄孥與賄焉」、《楚語 偃水爲關空,以笱承其空。」《王制》云「然後漁人人 . 司 汝」、《論語》曰「箕子爲之奴」,罪 廣 由是觀之,今之爲奴婢,古之罪人也。 雅 7萬》: 「梁,絶水取魚者。」此云「澤梁」, 「謂坐爲盜賊而爲奴者,輸于罪隸、舂人、 • 釋 )正義曰:《毛詩 詁 「其奴,男子入于罪隸,女子入 《毛詩 <u>-</u> 譏 雍氏》注 》「無逝我梁」,傳云: 問 》「見藍尹 注云: 也。 三 云 陳風》「彼澤之陂」 山」,注云:「孥。 池 問 征 隸之奴也。 亹 此解 亦 故知 調陂 載其孥」,注 難

世爵」是也 氏正義云: 之,使之世也。

《冠禮記》

Ĕ:

굸

王制》云:「天子之縣内,諸侯禄也,

無征。」與《孟子》此文脗合。

鄭氏注謂 麓川澤以

紂

市 也

廛

而 趙

不税 氏佑《

譏

而不征,林

淮

南子·

要

一略訓

\*\frac{\times}{\times}

「紂爲天子,賦

《温 關

,税也。」○

政漳之水

「梁,魚

梁

也。

周

世

禄

解

「禄」字也。

謂世食其采地,故云「賢者子孫

解

故《書》曰

故

于 』《周

稾

爲

魚 帑

毛傳

也。

左

子孫 云:

0

作罰 威姦懲惡 云:「養稊稗者傷禾稼,惠姦軌者賊良民。 之,僅及本身,非謂本身奴罪亦除之也。 同。 及本身,不没人其父兄妻子爲奴也。 《春秋傳》曰: 坐其妻子,亦僅没爲奴婢,殊于秦人族誅之法。 是罪人爲奴婢爲此奴,因而妻子子孫通稱爲奴。 然則凡父兄妻子從坐没人之罪,名爲奴。「罪人不孥」,謂罪 子人于罪隸,女子人于春藁。」《吕氏春秋·開春》篇云「叔 女部云:「奴,奴婢,皆古之罪人也。 没人縣官。 爲子,若《詩》「樂爾妻奴」,奴即子也。 男女同名。」賈氏疏云:「先鄭引《尚書》「予則奴戮汝」及《論 嚮爲之奴」,高誘注云:「奴,戮也。律,坐父兄,没人爲奴。」 語》「箕子爲之奴」,皆與此經奴爲一。 義。玄謂奴男女從坐没人縣官者,謂身遭大罪合死,男女 舜,聖子也 不罪其妻子即是不以其妻子爲奴。《説文》别無孥字, ,刑兹無赦。」<br />
先王制刑非好傷人肌膚、<br />
斷人壽命,<br />
乃以 爲奴,欲焚其籍也。」玄謂: `除民害也。」又《論榮》篇云:「堯,聖父也,而丹朱 漢時名官爲「縣官」,非謂州縣也。」按"《説文》 「斐豹 ,而叟頑惡。 隸也,著於丹 鯀 殛而禹興,管、蔡爲戮,周 「奴,從坐而没入縣官者, 書。 故賈氏謂先鄭、後鄭義 《周禮》曰:『其奴,男 後鄭不破者,亦得爲 若後鄭義、《尚書》奴 《潛夫論·述赦》篇 請 《書》曰:「文王 焚丹書,我殺 而文王猶除 古者大罪 公 督

爰。 也。 人。 枯王。 天所與; 而其父兄子弟亦有善者,不可株連坐罪。 速辜」之義。《書》意言大惡之人,所聽父兄教誨、子弟勸 其速由」,又當斷句,言大泯亂彝常之人乃其 民」,當斷句,言有常之民爲天意所與。 即下文「惟厥正人」若大正、少 祗厥父事」等是也。 不孝不友之人, 所爲大惡必不謀於骨肉親戚。 友」者、《説文》: 「矧,詞也。」字作佚。 言此元惡大憝 星衍《罪不相及論》云:「《康誥》云「元惡大憝,矧惟不孝不 管、蔡有聖兄,不當因其本身之罪概及其父子兄弟也。 本身有罪,當不止奴戮。 本身惡宜加罪,其父子兄弟不從惡則不坐也。若從惡即是 罪不相及。」此正文王「罪人不孥」之事也。 相及也。」昭公二十年《傳》苑何忌引《康誥》曰"「父子兄弟 晉季臼引《康誥》云:「父不慈,子不祗,兄不友,弟不恭,不 速,召也。 『弔兹』猶『兹弔」, 言惟慈善者不爲政人所罪。 即不慈不孝不友不恭,文王作罰,刑兹無赦也,不孥謂 故《書》稱「父子兄弟不相及」也。」僖三十三年《左傳 惟泯亂彝常之人乃自取罪,尤應加以文王不教之 由同郵,過也,謂罪也。 云『惟弔兹不于我政人得罪』者,弔,善 故王符引丹朱有聖父,鯀有聖子, )正之屬 也。 「速由」即《酒誥 下云『大泯亂 此 「罪人」謂加 下云「天惟 善人有彝常,爲 召罪 下云『子不 也 「政 其 孫氏 罪于 日 與  $\Box$ 同 乃 我 惟

無妻曰 **榮獨」、《小雅** 單 惸 哿,可 也。 注 子曰 證 云:「哿,可; 獨 保小民,惠 也」〇正義曰: 民 起,獨行也」,並 \* 獨將 則 耳。」老而無妻曰 羸弱者耳。 言此四者皆天下之窮民,文王常恤鰥寡、存 而 弱 哀此榮獨。」」注《詩》,《小雅 疏「文王」至「四者」○正義曰:《書・無逸》:「文王懷 也。 無 獨 鰥,老而 困 困 「鄭注《大司寇》云:「無兄弟曰惸。」《洪範》云「無虐 、告者。 幼幼 也。」《説文》云:「哀,閔也。」憫即閔, 則羸,趙氏本毛傳 鮮 詩人言居今之世可矣,富人但憐憫此 獨 鰥寡。」是其事 而 引《詩》在《正月》篇第十三章,煢作惸。 正月》篇云「哀此惸獨」、《唐風 無夫日 單 字異 文王行政如 無父曰 文王發政 也。」箋云: 而 寡; 鰥,老而 義同。 老而無子曰獨,幼而無父曰 孤。 而 也。 《孟子 「此言王政如 此 申之也。 施仁,必先斯四 也。 此 無夫日寡; 詩》云:『哿矣富 四者,天下之窮 疏 梁惠王 王氏念孫 正月》之篇。 注 是,富人猶可。 「詩小」至「此 》篇: 閔 杕 老 亦憐 杜 《廣 「老而 而 》篇云 孤 孤。」 毛傳 [者。 雅 也 無 祭 獨 疏

有

政,則何爲不行也?

寡。 襄二十七年《左傳》「齊崔杼生成及彊 如善之,則 日 鰥、寡、孤,一聲之轉,皆與 善哉,言乎 何爲不行?」注 !」注善此王政之言。 獨 同 義,因 孟子言王 而寡」,則 事 而 異 無妻亦謂 一如善 日 名 耳 上。 王 此 王

有寵光 不可 記》云:「宋本、孔本同。 穀於倉,乃裹盛乾食之糧 貨。《詩》云:『乃積乃倉,乃裹糇糧,于橐 王何有?」注《詩》、《大雅・公劉》之篇 以『爰方啓行』。 行。』故居者有積倉,行者有 囊,思戢用光。 路。 疾,疾在好貨,故不能行。 也 王曰: 也。 孟子言公劉好 疏「行者有裹囊也」〇 戚,斧,揚,鉞也。 「寡人有疾,寡人好貨。」注 弓矢斯 王如好貨,與百姓同之,於 貨若此,王若則之,於王 石經、閩監毛三本、 於橐 張,干戈戚 對曰: 囊 又以武 Ē 也。 裹 義 日 囊 「昔者公劉 思安民,故 備之四 也 揚,爰方 韓本 阮 一,然後 氏 也。 元《校 囊 王言 方,啓 作 乃 何 糧 啓 口 于 好 積 用 勘 有 我

道

按、《鹽

· 橐于囊。] 有三 臧氏琳《經 穀於倉 強 助 句。 論 裹 至孟子釋 「公劉好 糧於囊 義雜記》云: 乃字,二于字,曰餱又曰糧,曰橐又曰 也。 貨,居者有 《詩》,止「積」「倉」「裹」「囊」四 《詩》云:『乃積乃倉 「孟子以積與裹對 積,行者 有 囊。」與 乃裹 倉與囊對 [囊,皆 後 言 裹 也 囊 釋之。 則 讀 光爲

積

俗本改「裹囊」爲「裹糧」,則公

《詩》『于橐于囊』句似贅矣。

舊

重 于 謂

支以

傳云: 之難,遂平西 則北宋作疏時尚作『行者有裹囊』。」○注「詩大」至「光也」○ 疏 和 Œ 《音義 釋 國 糇字,食部: 義曰:《詩 :孟子之言云:『故居者有穀積于倉,行者有糧裹于囊。』 有積倉 》作糇、《詩 「公劉居於邰而遭夏人亂,迫逐公劉。 也。 戎 》在《公劉》篇首章。 而 「餱,乾食也。」毛本作餱。 》作餱。 小 遷 日 橐, 其民,邑於豳焉。 《詩釋文》云: 大日 囊。 乃、《詩》作廼、古字通也。 思輯用光,言民 廼積廼倉,言民 「字或作糇。」《説 戢、《詩》作輯。 公劉乃辟 相 與 事 中 文 和 時 或 毛

云:

『《廣雅》:「鉞、戚,斧也。」則戚、揚皆斧鉞之别名。

以戚爲斧,以揚爲鉞,鉞大而斧小。

太公《六韜》云:

「太阿

戟者。 氏瑶田 之詩 藏兵不戰,所以安民,故趙氏以安釋之。 鋭,同於矛之刺,但矛直刺而戈戟則横擊以刺之也。 榮名之謂。」「榮名」即毛傳 云:『斧,斫也。』『戉,大斧也。』『戚,戉也。』余謂斧斤異於戈 和,二義可相備。 云『干戈戚揚』,毛傳云: 戈戟鋭鋒,斧斤濶鋒 《説文》戈部云:「戢,藏兵也。 廣,與毛、趙異也。 《通藝録• 考工創物小記》云: 以「寵 ○注 「顯於時」之義。 |釋「光」、《詩 也, 「戚 「戚斧揚鉞 故用之爲斫擊。 斧也。 《詩 「斧屬之器、《説 惟 長發》箋云: 》云「載 也」〇正義 揚, 鄭云「光大」, 和則安,亦惟 戉 | 戢干戈」。」 戈戟之鋒 也。」正 日 文》 寵 則

狹。 寸,内三之,胡四之,援五之。 倍之,胡三之,援四之。 戈,句矛戟也。』《考工創物小記 形,然實戉聲之譌也。」趙氏不釋「干戈」。 箋云:「干,盾 之,顧名思義,曰戚曰 斧重八斤,一名大鉞。」是鉞大於斧也。」戚之言蹙也,其 對戉名揚者言之,彼爲發越飛揚,故其刃侈張。 揚 倨句 ,弗可易 外博, 倨句中 也。 重三鋝。 「冶氏爲戈、廣二寸,内 戉今俗名月斧,以 矩,與 刺 戟,廣寸有 重三鋝。 蹙之張 刃 戈 也 半

與

鄭

異

也。 積

《爾

雅

釋詁》云: 倉對,亦爲

輯, 兩事。

和也。」故毛、鄭皆以

和

戟並有内有胡有援,二者之體大略同矣,其不同者,戟獨有

故

鄭以

爲委積

與與

趙

氏謂

看

穀于倉」,

孫之基。」《詩

談以

「積」「倉」與上「場」「疆

對。

場、疆是二事

囊之中,棄其

餘

而

去,思

在和

其民

人用光大其道,爲

今子

遷 睦

積

而

能散,爲夏人迫逐己之故,不忍鬪其民,乃裹糧食於

,以顯於時

也。」箋云:

「邰國乃有積委及倉也。

安安

而

能

傳

也。 刺耳。 即内也。 戟而無刃,秦晉之間謂之舒,或謂之鎮,吴揚之間謂之戈。」 戈爲戟之無枝者矣。《説文》言枝,《考工》言刺,枝、刺一物 爲于四方啓行,參用毛傳,與鄭不同。 戚揚也」,云「之四方」,之字釋行,四方釋方,謂「爰方啓行 路」,則不釋爰爲日 戈,而復有刺之刃,則其用主於刺。 戈之刃在援與胡,其用主於援, 戟則刃之在援在胡依然 枝、南楚、宛、郢謂之匽戟。」此言戈内之有刃者謂之戟也。 無刃謂之孑者,假借會意而象其形以名之也。又云: 『三刃 此言内之無刃者謂之戈也。《説文》:「孑,無右臂也。」戈右 垂 行。」鄭釋爰爲曰 之去邰,整其師旅,設其兵器,告其士卒曰:『爲女方開 其干戈戚揚,以方開道路,去之豳。」箋云:「爰,曰也。 公劉 也。」〇注「又以」至「道路 「又以武備之,曰方啓行道路。」按:毛傳云:「張其弓矢,束 爰,于也。」是也。 一謂之胡。 是故戈之制有援。援,其刃之正者,横出以啄人,其本 故《説文》云: 「戈,平頭戟也。」「戟,有枝兵也。」然則 内横貫于柲之銎而出之,故謂之内。 胡上不冒援而出,故曰「平頭」也。《方言》:「凡 用 趙氏云「又以武備」,解「弓矢斯張,干戈 ,第作于是而已。 《爾雅·釋詁》文。 」○正義曰:閩、監、毛三本作: 三刃者,一援一胡一刺 《爾雅 以趙推毛,毛傳「以 毛但云「方開 · 釋詁》又云: 援接内處下 道 消 而

方」疑是「四方」之譌

《大雅 爲名爲字,毛氏不定,趙氏以爲名者,如《春秋》齊侯禄父、季 「古公,豳公也。 《緜》篇第二章。 涯也。 胥宇。』當是時也,内無怨女,外無曠夫。 馬。 但與姜女俱行而已也 有疾,疾在好色,不能行也。 孫行父皆以父爲名,不必字也。按:古猶昔也,當謂古昔公 何有不可乎? 如則之,與百姓同欲,皆使無過時之思,則於王之政 來朝走馬、遠避狄難、去惡疾也。 如好色,與百姓同之,於王何有?」注《詩 色,愛厥妃。《詩》云:『古公亶甫,來朝 於是與姜女俱來相土居也。 率西水滸,至于岐下。 王曰:「寡人有疾,寡人好色。」注王言我 ・緜》之篇也。 循西方水滸 古言久也。 亶父,字,或殷以名言,質也。」 甫、《詩》作父,古字通也。 疏注「詩大」至「古公」○正義曰:《詩》在 ,來至岐山下也。 ,普使一國男女無有 亶甫,太王名也,號稱 對曰:「昔者太 爰及姜女,聿 言太王亦好色,非 率,循 毛傳於首章云: 姜女,太王 也。 怨 滸,水 古公。 Ŧ 來 走 好 妃  $\pm$ 

也。

渡漆、 也。 惡」解其早且疾之故。 馬,言其辟惡早且疾也。」「早」解「來朝」,「疾」解「走馬」,「辟 亶 來」爲「俱來」。 以「居」釋「字」,與毛、鄭同,惟不用「自來」之訓,而以「聿 也。」太姜爲太王妃,與太任、太姒爲周室三母,詳見《列女 聿,自也。 女,太姜也。 益精確矣。」○注「姜女」至「居也」○正義曰:毛傳云:「姜 下之南,循渭西上可以達岐 里,登山涉水,敘次如畫。 循」、《爾雅·釋詁》文。「滸,水厓」、《釋水》文。 循 故不釋耳。 趨,疾趨曰 上 〈月令章句》云:「律,率也。」《漢書・宣帝紀》杜注云:「率 甫。 也。 閻氏若璩《釋地》云:「太史公《周本紀》云:「遂去豳, 沮 趙氏以「於是」釋「爱」,以 滸 「公亶甫」三字稱號猶公劉、公非、公祖,類加公於名 ,踰梁山,止於岐下。」將自邠抵岐,東南二百五十餘 ○注 於是與其妃太姜自來相可居者。著太姜之賢智 ,水厓也。」箋云: 走。」趙氏云「疾」,解「走」字也,來朝爲早,易明 ○注「率循」至「下也」○正義曰: 胥,相也。宇,居也。」箋云:「爰,於。 「來朝」至「疾也」○正義曰"箋云"「來朝走 聿猶律、《説文》彳部云: 劉熙《釋名・釋姿容》云:「疾行曰 然程大昌《雍録》謂渭水實在梁山 「循西水厓、沮、漆水側也。」「率, ,則《詩》水字又與漆、沮無涉,似 「與」釋「及」,以 「律,均布 毛傳云:「率, 「相」釋「胥」, 涯、厓,字通 也。」蔡邕 及,與。

> 文》云:「相,省視也。」胥之爲視,即相之爲省視也。 也」。《管子・樞言》篇「與人相胥」,注云:「胥,視也。」《説 者,總計之言也。」均、 ·爲律爲率也。 「相土居」即《詩 總即俱。 趙氏以自來之義不協 正義》云「相土地之可 , 故 居 讀

Щ

聿

徳」、《三國志・步 疏「夫子」至「誘人」○正義曰:《論語・子罕》篇文。《論 劉、太王,所謂 進於善也。 人」,並作「恂恂」,與此《章指 語》作「循循」。 章指: 言夫子恂恂 《後漢書 齊王好貨、好色,孟子推 八隲傳》 「責難於君,謂之恭」者也。 云「《論語》言夫子恂恂然 趙壹傳》云「失恂 前 然善誘人, 恂 誘 善 以公 人 善 誘 以 誘 之

猻 授易授詩校字

孟 子正 義卷 四四 終

## 孟子正義卷五

江都縣鄉貢士焦循課集

絶友道也。 「比方及於三年」爾。 友諾之矣,設若其反,則其友未嘗顧恤而致凍餒其妻子。 按:比之義爲方,「比方」猶言「譬如」。 疏》云"「比,至也。」孫氏以比、及連文,故以比有及義。 也。」致即密。推之,致爲至,故《論語》「比及三年」,皇侃《義 丁必二切,及也。」高誘注《吕氏春秋・達鬱》篇云:「比猶致 當如之何? 也,則凍餒其妻子,則如之何?」注言無友道, 於其友而之楚遊者,注假此言以爲喻。 人設言,尚云「比方」,正其義也。《論語》「比及三年」當亦云 孟子謂齊宣王曰:「王之臣有託其妻子 航注「絶友道也」○正義曰:哀公十五年《左 疏「比其反也」○正義曰:《音義》云:「比, 王曰:「棄之。」注言當棄之, 孟子謂託孥於友而 比其反 今

> 也。 何 ? 職。 也。 不能 並云:「道猶言也。」故以道解言 禮·訓方氏》「掌道四方之政事」、《撢人》「道國之政事」,注 少後、視之必回首、故云「左右顧視」、即回旋視之也。 也。」《詩·晉風》「顧瞻周道」,箋云:「回首曰顧。」左右立王 言他。 何?」注境内之事,王所當理。不勝其任,當如之 子文三已之。一曰:「四 篇「知而不已」,箋云:「已猶去也。」按:「去之」謂罷退其 見《周禮・秋官》。王曰:「已之。」注已之者,去之 能治獄,當如之何? 傳》云「絶世于良」,注云:「絶世猶言棄也。」曰:「士師 《禮記·學記》云:「古者仕焉而已者。」《論語》:「令尹 疏注「王慙」至「言也」○《説文》頁部云: 6億注「已之者去之也」○正義曰:《詩・陳風・墓門》 治 孟子以此動王心,令戒懼也。 注王慙,而左右顧視,道他事。 士,則如之何?」注士師,獄官吏也。 疏注「士師獄官吏也」○正義曰: 境之内不治,則 王顧 無以答此言 「顧 左 如之 右而 還 不

其職,乃安其身也。疏「無墮其職」○正義曰: 章指:言君臣上下,各勤其任。無墮

六

禮 春秋 則藏其墮 記・月令》「毋有壞墮」、《釋文》云:「墮,本作隳。」《周 墮,許規切,亦音隋。 守祧》「既祭則藏其隋」、《儀禮・士虞禮》注作 必 己》篇 ❶是墮又讀隋也。 「愛則隳」,高誘注云: 墮、《廣韻》在四支,俗作隳。 此當爲「墮敗」之墮 「隳,廢也。」《禮 《吕氏 既 祭

群臣各稱其德以 奔走。❷ 道 舊 其德,明 釋詁》文。 先故些」高誘、王逸注並云:「故,舊也。」「喬,高」、《爾雅 義曰:《國策·秦策》「寡人與子,故也」、《楚辭· 有高大樹木也。 謂 云"「則商實百姓,王人罔不秉德明 百姓,異姓之臣。 也。 ,乃爲舊國可法則也。 有 喬木之謂 孟 恤 喬,高也。 惟 子見齊宣王,曰:「所謂『故國』者,非 ○注「人所」至「則也」○正義曰:《尚 政 :兹惟德稱,用乂厥辟。」 江 事。 (輔相其君。)此指上伊尹、伊陟、臣扈、巫咸、 乂讀當爲艾。 王人,王之族人,同姓之臣也。 也。 當有累世脩德之臣常 人所謂 有 疏注「故者」至「高也」之○ 世 是「舊國」也 艾,相 臣之謂 恤。 氏聲《集注 也 小臣,屏 也。 辟 者,非但見其 能 君 輔其 音疏》云: 書• 注故者, 侯甸矧 招魂》「樂 也 无不秉持 君奭》 君 惟 以 īE. 此 咸

> 審。 巫賢、 注 之」,多非。 之也,故下王問何以先知其不才。 嘗知之也。「今日不知其亡」謂不知其今日之亡,經文倒 也,久而爲惡,至于誅責而棄去之,則是始以爲知之者原 誅,責也。 廉」,注云"「任,以信相親也。」是「親臣」爲「親任之臣」。 解「所進」。 疏注「言王」至「知也」○正義曰: 昔者所進,今日不知其亡也。」注言王取臣不詳 王」至「之臣」〇正義曰:《詩・邶風》「仲氏任只」,箋云: 王 「任,以恩相親信也。」《大戴記 無 王. 往日之所知,今日爲惡當誅亡,王無 甘盤等,所謂 言 親 臣 我 亡,喪,棄也。 王 進者,引也,登也。 當 矣 曰:「吾何以 何 ! 以 「累世修德之臣,常能 1 今 王 先 始不詳審而登進之,固以爲知其腎 知 其 無可親 知其人乃登進之,使爲臣 不 · 文王官人》篇云「觀 識 「往日」解「昔者」、「所 才而 其不 閩、監、毛作「我無以 任之臣。 舍之不用 才而舍之?」 輔其 君 以 疏注 今 以 道 知 也? 其任 也 也。 知 言 未

③ 「毛」下,經解本有「三本」二字。❷ 「咸」,原誤作「惟」,今從沈校據《尚書》改。❶ 「虞」,原誤作「儀」,按《儀禮》無「士儀禮」,今從沈校改。

擇。 徒 然後用之。 賢,未可也。 意」之謂 官而未之聞耶」,注云:「僮、僮蒙、不達也。」正「忽然不精 不精心意」形容「如不得已」之狀。 之之詞也。 明知其不才而姑且用之,今原非明知其不才,但以不精心 職、姑且用之、故云不得已而取備官。 得已一之狀也。 使尊卑親 踰 日 意,若迷若忘,昏昏忽忽,故言「如不得已」。 精猶静也,静其心意乃能詳審。 「故愚者之言,芴然而粗。」芴然即「忽然」,粗即「不精心意」。 慎之」〇正義曰: 戚 「國 如使忽然不精心意,如不得已而 論語》曰 可 .君 疏 不 左右皆曰賢,未可也,諸大夫皆 經以「如不得已」形容不詳審之狀,趙氏以「忽然 相 慎 進賢,如不 已,止也。 注謂選大臣,防比周之譽,核鄉愿之 國人皆曰賢然後察之,見賢 踰, 與? 忽之言迷忘也。《荀子·正名》篇云: 衆好之,必察焉。」疏注「選大」至「察 豈 可不 注言國君欲進 「不得已」者,本不當用,因無人充 得已,將使卑踰尊, 重慎之? 今忽忽若迷若忘,解「如不 《國語・魯語》「使僮 不得已而取備官乃是 用 疏注[如 取備 如者,擬 人當留 官, 而 使」至 則 意 子備 形容 焉 日 疏 將 考 心

皆曰 繁露. 匿賢士,絶滅公卿。」左右皆曰 義,朋黨比周,以環主圖私爲務,是篡臣者也。」注云:「 朋黨,才能之人去亡。」《荀子・臣道》篇云: 「不卹公道 「蕃與繁古字通。」《管子・参忠》篇云: 書》有之: 惡直醜正,實繁有徒。</ <br />
《文選·上林賦》注 「衆惡之必察焉」〇正義曰: 惡直醜正,實繁有徒。 之,見不可焉然後去之。 注「衆惡之,必察 漢之胡廣、晉之王祥。 醜類惡物,頑嚚不友,是與比周。」《漢書・谷永傳》云 焉」〇正義曰: 主,環繞其主,不使賢臣得用。」此 大夫皆曰不可,勿聽。 語》者、《衛靈公》篇文。 比周之虚譽」,注云:「比周言阿黨親密也。」「鄉愿之徒」, 八年《左傳》云: 「惡直」至「忠正」〇正義曰: 可殺, 五行相勝》篇云:「司農爲姦,朋黨比周以蔽主明, 勿聽。 累 「昔帝鴻氏有不才子,掩義隱賊,好行凶德 世修德 以虚名而登上位,宜核其實。 國人皆曰可 輔 左右皆曰 防其 昭公二十八年《左傳》云: 亦《論語・衛靈公》篇文。 君以道、是「大臣」也。 國人皆曰不可然 朋黨,以毀忠 可 「朋黨毀忠正」也。 殺 不可, 「行邪者不變則 勿 殺然後察之, 聽 勿聽 Œ 諸 引《論 後 「無用 《焉。」 疏 0 群 \<u>\times\_{\text{:}}</u> 察 秋 環 通 臣 注 注

語

一八

見可 慎之聽,乃可以子畜百姓 之罪」也。 殺罪五百」,注云:「殺,死刑也。」經言「可殺」,故知爲「大辟 殺」,注云:「殺以刀刃,若今棄市也。」《司刑》「掌五刑之法, 刑》云:「大辟之罰, 與衆棄之。 注言當慎行大辟之罪,五聽三宥。 王制》文。 忘。」是也。 法,以贊司寇聽獄訟: 五曰目聽。」是也。 獄訟,求民情: 「其死罪,則曰某之罪在大辟。」《周禮 殺焉 「五聽」者、《周禮・秋官・小司寇》: 如此 ○注「刑人於市與衆棄之」○正義曰:《禮記 然後殺之。 疏注「言當」至「三宥」○正義曰:"《尚 ,然後可以爲民父母。」注行此三 日辭聽,二日 「三宥」者、《司刺》:「掌三刺三宥三赦之 其屬二百。」《禮記・文王世子》云: 壹宥曰不識,再宥曰過失,三宥曰 也 故曰「國人殺之」也 色聽,三曰氣聽,四日 ・秋官・掌戮》「掌斬 古者刑人於市, 「以五聲聽 書 耳聽 - 吕 遺

爲 굸 有世賢臣,稱曰「 別矣。 「進善乃以退惡。」○「翔而後 章指: 言人君進賢退惡,翔 疏「人君進賢退惡」○ 舊國」,則 集」〇正 四方瞻仰之,以 正義 曰:《白虎通 而 義曰:《論 後集。

> 悔之必速矣。 鋭者其退速」,注云: 『不審人而過進不肖,越其倫, 行,翔而後集。」趙引此,見人君當審慎用人之意。 卷阿》「鳳凰鳴矣,于彼高岡」,鄭箋云:「喻賢者待禮乃 語》曰:「色斯舉矣,翔而後集。」接輿之妻是也。 不受,其妻曰:「不如去之。」乃變姓名,莫知所之。《論 本作后。 鄉黨》篇文。 《韓詩外傳》載楚王使人齎金請接輿治河南,辭 當翔而後集,慎如之何?」正與此同。」 周氏廣業《孟子古注考》云: 0 《詩 其 後,古 退而 進

注於傳文有之矣。 諸?」注有之否乎? 謂之『一夫』。 者謂之『賊』,賊義者謂之『殘』。 王問臣何以得弑其君? 齊宣王問曰: 聞誅一夫紂矣,未聞弑君也。」 曰 : 「湯放桀,武王伐紂,有 孟子對曰:「於傳有之。 一臣 豈可行乎? 弑其君 殘賊之人, 可乎?」注 曰:「賊仁

0

周 孟 一子章指考證》。 氏廣業孟子古注考」,按引文非出此書,疑出周 廣業

也。 《正論》篇云:「誅暴國之君若誅獨夫。 注 之、周堪、劉向爲三獨夫」,顏師古云:「獨夫猶言匹夫。」 下而湯武不弑君,由此效之也。」《漢書・ 修其道,行其義,興天下之同利,除天下之同害,而天下歸之 《太誓》云「獨夫紂」,此之謂也。」趙氏引《書》蓋即謂此。 紂」○正義曰:《荀子・議兵》篇云:「誅桀紂若誅獨夫,故 君 故謂之「一夫」也。 也。 |言殘賊仁義之道者,雖位在王公,將必降爲匹夫, 天下歸之之謂「王」,天下去之之謂「亡」。 《書》云「獨夫紂」,此之謂也。 但聞 武王誅一夫紂耳,不聞弑其 湯、武非取天下 劉向傳》「以蕭望 疏注「書云獨夫 故桀紂無天 也, 又

後也。 不得以君臣論之。欲以深寤齊王,垂戒於不得以君臣論之。欲以深寤齊王,垂戒於

矣。 也。 求大木,工 丘 注巨室,大宫也。 孟 人斲 子 謂齊宣王曰 師 而 得 小之則王怒,以爲不勝 大木則 **爾** : 「爲巨 (雅》曰:「宫謂之室。」工 王喜,以 室則 爲 能 必 勝 使 其任 其 Ι. 任 師

《國語·魯語》云:「嚴公丹桓公之楹而刻其桷,匠師慶言於 云: 《詩·鄘風》「作于楚宫」,又「作于楚室」,毛傳云::「室猶宫 也。 也。」是匠亦通稱工。 師,主工匠之吏,匠人,工匠之人也。 於「工師」互稱「主工匠之吏」,於「匠人」互稱「工匠之人」。 工師又名工正也。 云:「工正,工官之長,總掌百工,如《月令》工師之職。」然則 侯使爲工正」,注云:「掌百工之官。」胡氏匡衷《儀禮釋官 吏」,吏即官也。 굸: 而發。」《月令》「季春之月,命工師令百工審五庫之量 而未能成。」翟氏灝《考異》云:「孟子「巨室」之言疑即 宣王爲大室,大益百畝,堂上三百户。 也。」此皆宮、室通稱之證也。《吕氏春秋・驕恣》篇云:「 仲子之宫」、《公羊傳》云:「考宫者何? 「巨,大也。」引《爾雅》者,《釋宮》文也。《春秋》隱公五年「考 I. 疏注「巨室」至「人也」○正義曰:《廣 「工師,工官之長也。」爲司空屬官,故爲「主工匠 「工師,司空屬官也。」又「孟冬之月,命工師 《禮記・雜記》云「匠人執羽葆」,注云:「匠人,工人 莊公二十二年《左傳》云「陳公子完奔齊,齊 《攷工記》攻木之工有匠人,爲百工 此經上言「工師」,下言「匠人」,故趙氏 以齊之大,具之三年 考猶人室 雅 將以 釋詁 放功 此 喻之 一中之 也。 覩 之 注 斯 齊

其道。 也。 耳》「我姑酌 師」,注云:「匠師,事官之屬。 此 姑,且也。 之,王曰『姑舍女所學而從我』,則何如? 然則匠師即工師。 之官降於天子,匠師蓋士爲之。」趙氏以「工師」爲「主工匠」, 師之官,諸侯亦有之。 由 鄉師》「及葬,執纛以與匠師御匶而治役,及窆,執斧以 公」,注云: 主攻木者别 國 舍,止也。」故以 鄉師 語 「教,上所施下所效也。」《易・象傳》「習教事」,虞氏注 「舍,置也。」又《必己》篇云「舍故人之家」,高誘注云: 法即是道 定公五年《左傳》云「吾未知吴道」,●註 》以其專主攻木稱匠師歟? 如也? 主役 而王止之曰,且舍置汝所學 匠 謂人少學先王之正法,壯大而仕,欲施 彼 有 ,匠師主衆匠。」《儀禮釋官》云:「據 匠 金罍」,毛傳云: |師慶,掌匠大夫御孫之名。」《周 《吕氏春秋 師歟? 「置」釋「舍」而云「王止之」。 疏注「姑且」至「如也」○正義曰:《詩 《月令》以其令百工 鄉師,下大夫,匠師與鄉師 夫人幼而學之, 壯 · 仲 其於司空若鄉師之於司 姑, :春》《上農》等篇,高誘 抑主百工者自有工師,專 且 稱 也。」姑、且, 而從我之教 「工師」、《周 云 《説文》教部 禮 《國語 同。 道 而 疊 地 欲 》則匠 諸侯 皆 猶 韻 禮 涖 官 命。 徒。 注 行 字 卷 行 法 注 匠

記 • 雖有 既夕》注同。《史記・平準書》「黄金以溢名」,孟康云:「二 溢。 教。 不得其道,則玉不得美好,教人治國不以其 於治國家而令從我,是爲教玉人治玉 十兩爲鎰。 不從彼而從我所以求之斲之雕琢之之法,豈能之? 下云「使玉人彫琢之」,皆任使之義。 從我」,則何以異於教玉人彫琢玉哉?」注: 人彫琢之。 「從我之教命」。 人爲之,能勝任與不能勝任 궁: 由 「姑舍女所學而從我」即下所云「教」也,故預於此以 喪大記》云「朝 《爾雅·釋詁》云: 「巽爲教令。」令猶命也。 於粟米之法,一 萬鎰 能 治 者乎? 在此,言衆多也,必須玉人能 彫琢,治飾 至於治國家則曰『姑舍女所 今有璞玉於此,雖萬鎰,必 溢爲米 疏注「二十兩爲鎰」() 溢米,莫一溢米」,注云: 「使,從也。」此云「使工師 玉 ,王董其成而喜之怒之可 一升二十四分升之一。《儀禮 下文言「何以異於教 也。 《詩》曰「彫琢其章」。 求木琢玉必從工匠、玉 也。 治之耳。 正 三 十 義曰: 教人治 求大木 玉 道 人」,則 學 使 故云 兩 《禮 則 至 玉 玉 爲

「吴」,原誤作「吾」,今從沈校據《左傳》改。

0

何

此

 $\equiv$ 

之,爲積一千九百二十

兩。

以

溢

甄鸞《五

經

算術》云:

升二十四

分升之

升四

爲一十九兩二錢。古以二十四銖爲兩,不以十錢爲兩。 之,是一石爲一千九百二十兩,一斗爲一百九十二兩,一 銖爲一兩,十六兩爲一斤,三十斤爲一鈞,四鈞爲一石。」四 八十銖減去四百六十銖零八絫,餘一十九銖零二絫。 又《吴都賦》「金鎰磊砢」,劉淵林注云:「金二十四兩爲鎰。」 四十鎰」,韋昭注亦云:「二十兩爲鎰。」惟《文選・詠懷詩 十九兩二錢乘二十四銖,得四百六十銖零八絫。 爲法,以米一斛爲百升爲實,實如法,得一升,不盡 百六十銖零八絫,以二十四除之,確得一十九銖零二 張良傳》「賜良金百溢」,服虔云: 「置一斛米重一百二十斤,以十六乘 十黍爲一絫,十絫爲一銖,二十四 一爲四百八十銖,即是二十兩。 法二十兩除之,得 《國語 「一鎰,二十四兩。」 」高誘注云: 按:《孫子算經 以每斤十六兩通 賈公彦《既 晉語》「黄金 九十六 於四 三十 置 夕》 以 升 四 百 升,與法俱再半之,名曰二十四分升之一。」此不用銖 者、《大雅·棫樸》第五章也。《詩》作「追琢其章」,毛傳云: 璞,必治之飾 雕人,文闕,蓋言雕琢之事也。 雕亦爲琢,琢亦爲治也。 是雕第治之,而琢則飾之。《説文》蓋互見之。 器》注云:「琢當爲篆。 治玉也。」則雕、琢同。 之雕。」又云:「玉謂之琢。」《説文》云: 依《儀禮》作溢。 蓋亦羨也。 以爲「二十四」,知「二十四」之四必爲羨字。 溢法、石法言之,則明其爲二十兩。 四分升之一,所謂「可半則半」之術也。 四分升之一即九十六分升之四以九十六分升之四約爲二十 升,半其九十六爲四十八,再半其四十八爲二十四。 升,故云「不盡四升」。 石法,以九十六溢除百升,每溢一升,除去九十六升尚 瓚、琮、璋等,有終葵首、 ○注「彫琢」至「其章」○正義曰:《爾雅 阮氏元《挍勘記》云:「經注中鎰字皆俗字也 之而 溢之言滿也,滿於十六兩,爲一斤之外 後 成器 《禮記。 半其四升爲二升,再半其二升 畫者,分界之名,篆者,文飾之名。」 羡、好、射、勺、 《攷工記》玉人之事所掌圭、璧、 故 超氏 少儀》注云: 璞 以 猶 賈氏作疏不致違背之。 樸 一治 鼻、衡等篆 也。 「雕,琢文也。」「琢 鄭氏以爲粟米法本 飾 釋器》云:「玉謂 「雕,畫 解之。 推之《文選》注 玉之未治 散文則通 飾 也。」《禮 引《詩 法 爲一 者 也。 而 别 故 爲 有 四 用

鈞爲一

百二十斤,故一百二十斤爲一石。

 $\overline{Z}$ 疏云:

「稱之所起,起於黍。

十兩爲溢。」《漢書・

兩爲溢。」《吕氏

春秋

異寶》篇

一金千鎰

爲

鎰。」漢儒解鎰字皆與趙氏同。

「黄金百溢

盡」,注引賈逵《國語

》注云:

一者皆見《文選

,當是李善誤羨

「四」字。 字。

二十四

兩日 ジ注

溢。」

亦

羨 四

又不委任之而掣其肘,雖有良工,弗能善其事矣。 人學治玉之道乃能治。 不能不委任於人,猶國雖廣大,不能不委任於人也。 正義曰: 玉飾玉,專指玉言,則同鄭氏矣。 玉」謂舍其彫琢之正法而從己之教命,所教違其所學,烏能 追 追琢玉,使成文章。」趙氏以彫易追,本毛氏也, 《爾雅 影 也。 ,》異。 萬鎰爲一萬二千五百斤,故「衆多」。 金曰彫,玉曰琢。」毛以下言「金玉」故以彫屬金, 孔氏正義以爲對文則別,是也。 以其衆多而矜重之,既不能自治,而 ○注「雖有」至「治乎」❶○ 言玉雖衆多, 鄭氏箋云: 用以證治 「教人治 蓋玉

哉 ? 成 成 古本作「玉不成器」,周氏廣業云:❷「依韻當作圭。」 記》云:「玉不琢不成器,人不學不知道。」趙 道 而 不墮; 章 指: ,玉不成 **疏**「人不成道玉不成圭」○正義曰:《禮記 屈 言任賢使能,不違其學, 人之是,從己之非,則人 圭。 善 惡之致,何 氏 可 に語本 不 則 • 學 此 察 不 功

得其道哉?

齊人伐燕,勝之。 宣王問曰:「或謂寡

日也。 天殃。 《堯典》文。 燕,三十日而舉燕國。」此三字當是五字之譌。 不如聽之。 吾與國也。 日。 何如? 國皆侵地廣大,僭號稱王,故曰「萬乘」。 楚、趙必救之,是天下以燕賜我 注《吕氏春秋》、《淮南子》,皆以旬爲十日。 之,非人力,乃天也。天與不取,懼有殃咎。 之國,五旬而舉之,人力不至於此,不取 人勿取,或謂寡人取之。 云:「旬,徧也。 《戰國策・齊策》云: 《書》曰「朞三百有六旬」。 取之,何如?」建萬乘非諸侯之號。 疏注「五旬」至「六旬」○正義 王 子噲與子之國,百姓不戴,諸侯弗與。 秦伐之、吾將救之。」田 肅注《堯典》云: 十日爲旬。」鄭康成注《儀禮》、《禮記》,高誘 「張儀以秦魏伐韓,齊王曰:「韓 「期,四 也。」王曰: 以萬乘之國伐 臣思曰:「王之謀過矣 時 言五旬 也。 曰:《説文》勺部 「善。」因 故五旬爲五 五旬,五 引《書》者 未久而 **朞**,三百六 秦伐韓 起兵攻 必 萬 時 乘 取 燕 +

<sup>● 「</sup>廣業」,原誤倒,今據經解本改。・ 述廖、孔、韓等本注文,「治」下當有「者」字。・ 本,據本書及阮校所

十五 其殃。』《説 越語》云:「得時無怠,時不再來。 火史記 淮陰侯列傳》云: :有殃咎」○正義曰:《説文》歺部云:「殃,咎也。」《國 六十六日也。」引此以明旬爲十日之證。 |日四分日之一,又入六日之内。舉全數以言之,故云三 張 苑 耳 陳餘 説叢》引 「天與弗取,反受其咎, 列傳》云:「臣聞天與不取,反受其咎。」 作 :一時 至不迎」。 天與不取,反爲之災。」 孟 時至不行,反受 ○注「天與不取 子對曰: 語

百

取。 以 聽 焉。」《史記·殷本紀》云: 子去之,箕子爲之奴,比干諫而 也。 曰 三仁尚在,樂師未犇,取之懼殷民不悦,故未取 來迎之,是以取之也。 武王是也。注武王伐紂而殷民喜悦,篚厥玄黄而 取之而燕民悦,則取之。 死 · ,諸侯叛殷會周者八百。 ,乃與太師 争。」乃强 「爾未知天命。」乃復歸。 疏注「三仁尚在樂師未犇」○正義曰:《論語》云: 古之人有行之者,文王是也。 江諫紂。 少 師 謀 紂怒曰: [吾聞聖人心有七竅。] 剖 遂去。 取之而燕民之不悦 「西伯既卒,周武王之東伐,至 諸侯皆曰:「紂可 紂 比 千日 愈淫亂不止。 死。 古之人有行之者, 孔子曰:「殷有 「爲人臣者,不 微子數 伐也。」武 注文王 則 三仁 得 諫 「微 之 以 勿 比 不 Ŧ. 盟 不

干,觀其心。 取之。 會孟 也。 或 聞紂昏亂暴虐滋甚,殺王子比干,囚箕子,太師疵、少 伐矣。」武王曰:「女未知天命未可也。」乃還師 師乃持其祭樂器犇周。 如其所患益甚,則 也。」而《策》不達 既去,乃率諸侯伐紂。 其樂器而犇周。」「樂師」即所云太師疵、少師强也。 燕民免於水火,亦若武王伐紂 燕人所以持簞 燕民悦則取之,武王是也, 失也。」」孟子言「文武之時,不可失」即《孟子》所謂「取之而 云:「諸侯不期而會盟津者,八百諸侯。 ·燕策》云:「孟軻謂齊宣王曰:「今伐燕,此文武之時,不 ,簞食壺漿以 津時。 如水益深,如 疏 且以天命未去,未可 注 箕子懼,乃徉狂爲奴,紂又囚之。殷之太師、少 「則 食壺漿 其辭耳。 亦 亦運行犇走而去矣。 迎 運 然則在文王時,其未可伐 王 周 火 行 來 一師,豈 取之而燕民不悦則勿取,文王 武王遂率諸侯伐紂。」《周 犇 益 迎 以 走 王師 熱,亦 伐紂。 萬 而 乘之 殷 有 去 者、欲 矣」〇 民喜悦之時 他 必俟三仁既 運 諸侯皆 . 哉? 或 而已矣。」 避 今王誠 正 伐 歸。 水火難 義 益可知 Ë, 萬 避 E: 居二年 當武 師 乘 本紀 水 一約 則 能 强 《爾 也 火 使 是 師 可 口 口 Ŧ 抱

雅

釋詁》云:「

運,徙也。」《淮南子•

原道》《終身》《覽冥

以犇走申之。犇走而去是行,亦即是避也。等篇,高誘注皆云"「運,行也。」故以行釋運。以行字未了,

民》篇云: 也 悦則天意得,天意得然後 疏 章指 「征伐」至 先王先順民 言征伐之道,當 國 故 也」〇正義曰:《吕氏春秋 功名成。」古 乃可 順 本無複「天意得 以 民 取 心 人之國 民 心 順

懼哉? 王懼 成湯修德,以七十里而得 天下者,湯是也,未聞 王貪燕而取之。 『奚爲 而問之。 「諸侯將謀伐寡人者,何以待之?」注 東面 齊人伐燕,取之。 《書》曰: 加 《後我?』 民望之若大旱之望雲霓 征, 孟子對曰:「臣聞七十里爲政 諸侯不義 西 『湯 更怨; 一征,自葛始。』天下信 天下。 以千里畏 諸侯將謀救燕。 其事,將謀伐齊救 南 面 今齊方千里,何畏 而 征 人者也。 ,北狄怨。 燕。 宣王 注 於 官 官

也。 故曰: 篇云: 者周公東征則西國怨,西征則東國怨。」按:《荀子•王 之文絶殊,信乎皆非《尚書》文也。」僖四年《公羊傳》云:「古 葛載』與《梁惠王》篇所引小異,而 之」之言不似《尚書》之文。 始征之。作《湯征》。」則「葛伯仇餉」及「湯一征,自葛始」云 鳴盛《尚書後辨》云:「《書序》云: 思見之。 之國也,故謂之「四夷」。言遠國思望聖化之甚也 面者, 嚮也。 湯初征,自葛始,誅其君,恤 后來其蘇。」 也。 民,若時雨 云,正《湯征》中語。」江氏聲《尚書集注音疏》云:「『天下信 《滕文公》篇則否。 十一征 疏注「此二」至「息也」○正義曰: 歸 「周公南征 何爲後我? 市者不 徯,待也。 而無敵於天下,東 降。 東嚮征西夷怨者,去王城四千里夷服 而 言「十一征而無敵於天下」與「天下信之」 止 此二篇皆《尚書》逸篇之文也。 北國怨,曰: 民大悦。 霓,虹 后,君也。 耕 又《滕文公》篇云『湯始征,自 者 八面而 也。 不 「何獨不來也?」東征 其 《書》曰 「湯征諸 變, 《梁惠王》篇明稱「書曰」, 征』云云、云『湯始征,自 雨則 待我君來,則 民,天下信湯之德。 誅 逸篇義見前。 虹見,故大旱 侯,葛伯不祀,湯 其 『徯 君 而 我 我 弔 蘇 王 而 其 而 息 氏

義云"「湯之十一征而天下無敵者,故東面而征其君則西 也,故謂之四夷。」又注《盡心》云:「四夷怨望。」《滕文公》正

夷

4

梁惠王》篇云:「東向征西夷怨者,去王城四千里夷服

弼當男服,去王城二千里。 不弔」,注云:「弔,恤也。」《史記•宋微子世家》云「魯使臧 其外五百里爲蠻服,❷與周要服相當,去王城五千五 鄭氏注《周禮・撢人》、《考工記・ 文仲往弔水」、《集解》引賈逵云: 本周公事,孟子引以釋《書》耳。 禹弼成五服:去王城五百里 , ①去王城二千五百里。 .相距爲七千里,是九州之内也。 其外五百里爲侯服 ‧則三方怨,曰奚爲而後己。」然則「東西而征 也。」鄉同 獨後我也?」《後漢書 又其外五百里曰荒服,當鎮服,其弼當蕃 總,亦同 ,當甸服,去王城一千五百里。 其弼當衛服,去王城三千里。 又其外五百里 日 向。 甸 襄公十四年《左傳》云「有君 「問凶曰弔。」恤即問凶也。 匠 服,其弼當侯服,去王城 人》、《禮記·玉藻》,皆 要服之弼當其夷服,去 鄭氏注《皋陶 『班 固奏記: 爲緩服, 謨》云: 「古者周 二云云乃 百 當 里。 又 采 其 雨 赤 青 盛者爲雄曰 雅 以與「西夷」儷 義云:「故南面 之言亦同。 而灣曲 。」《周禮 釋天》云: 故 虹 視侵》注云: 云屈 句。 而

千里。

面

猶 鄉 公

舉

或

怨, 曰:

「何

服

之國怨之,以爲不先征 後我?」惟《梁惠王》正 夷之國怨之, ●以爲不征其我君之罪 「北夷」。魏晉間采《孟子》作《尚書》始改「北夷」爲「北狄」。 自葛,東征西夷怨,南征北狄怨」; 赤或白色。」蓋青赤,所謂雙色也, 《書》作「西夷」「北狄」、《孟子》三處皆作「西夷」 , 闇者爲雌曰霓。」《説文》雨部云: 「螮蝀,虹也。 征 也。 北 則 宋時 《詩 北夷怨,東面 義引《仲虺之誥》「乃葛伯仇餉、 其我君之罪; 「隮,虹也。」故云「雨則 爲 蝃蝀》云: 霓爲挈貳。」注云: 正義者猶未誤作狄字。」《爾 次釋孟子「西夷」、「北夷」 而 白色,所謂 6 南 而先於彼。」《盡 征 「朝隮 則西 面 而 于西 夷怨, 曰 征 罶 「雙出 虹見」。 「霓,屈 其 也 君 心 [ 奚爲 朝 色鮮 初征 則 虹 影正 虹 當 北 其 青

服

,去王城五千里。」趙氏此注云「去王城四千里夷服之國」,

王 四

城當四千里。

面

本

「禹弼成五服

」而言也。

臧氏琳《經義雜記》云:「西夷、北

狄,當見前

明

翻

刻

北宋

板趙注

本,上下皆作「夷」字。

趙

注

2 0

心之國

8

疏引鄭注 蠻」,原涉下文誤作「要」,今從沈校據《禮記 服」,原脱,今從沈校據《禮記・ 王制》孔 ,疏引鄭 王制》孔 注 補

北」,原誤作 先」,原脱,今據《孟子注疏》、《經 義雜 記 影補

記》改。 西」,今據經解本、《孟子注疏》及《經義

之。 秋 曰 : 用蘇代。 其民。 之所征,必道之所廢也。」彼 去疇, 其 殘之若此,安可哉? 民所以悦喜迎王師者 之何其可也? 於水火之中也, 簞食壺漿以 通。」今燕虐其民,王往 也。」王氏念孫《廣雅疏證》云:「穌,生也。 雅·釋詁》文。 父兄,係累其子弟,毁其宗 戰國策· 「更息曰蘇。」《孟子・梁惠王》篇引《書》「后來其蘇」,蘇與穌 書》之辭,蓋當 望 子之南面行王事,而噲老不聽政,顧爲臣,國事皆決子 也,雨 慎大》篇云:「湯立爲天子,夏民大悦,朝不易位,農不 商不變肆。」《大戴禮・主言》篇云:「孔子曰: 「齊宣王 故曰: 燕噲三年,子之相燕。 燕策》云: 猶 未降; 一何 「明主之征也 《漢書・武帝紀》《集注》引應劭云:「蘇,息 時 .如』云云,王因收印,自三百石吏而 傳聞 及誅君弔民,乃若時 注 「燕王噲既立,蘇秦死於齊, 如是 拯,濟 ,謂濟救於水火之中耳。 疏 「今燕」至「王師」○正 ,猶時 ·廢道而不行,然後誅其君,致弔 也。 而 也。 蘇代爲齊使於燕,燕王問 征之,民 「徯,待」,「后,君」,皆《爾 雨也。」則民悦矣。」孟子 廟,遷其 係 迎 累 王 雨 猶 鄭注《樂記》云: 以爲 師 降 縛 也。 重器, 結 齊 若殺 將 合吕 也。 一效之子 義曰: 宣 拯 「明 今又 氏 王 如 其 己 燕 之 復 釋 ŧ 春

行》「不累長上」,注云:「累猶繫也。」繫與 誤。 燕。 義詳備也。 珍器,盡收入燕。 之。 也。」拼同拯 拯民」,舊注同。 文》引伏曼容注云:「拯,濟也。」《文選• 濟」至「可哉」○正義曰:《易・涣》初六「用拯馬壯吉」、《釋 敝器,請以謝罪。」二月戊午,盟于濡上,燕人歸 得燕鼎。」然則重器即 云: 兵,長驅至國。 齊往征燕,燕民迎王師之事也。 時,不可失也。]王因令章子將五都之兵,以 而仆之,破燕必矣。]孟軻謂齊宣王曰:「今伐燕,此文武之 〈戰國策》望諸君《報燕書》曰:「奉令擊齊,大勝之。 齊侯次於號,燕人行成,曰:「敝邑知罪 玉櫝、斚耳,不克而還。」此亦燕器之可考者。 《國語 「子噲亂,齊伐燕,殺噲,得鼎。」鮑彪注云: 士卒不戰,城門不閉,燕王噲死,齊大勝燕,子之亡。」此 子之三年,燕國大亂,百姓恫 閩、 ,捄同救。 吴語》「係馬舌」,注云: 、監、毛三本作「拯捄也」,十行本作「拯所也」, 齊王逃遁走莒,僅以身免。 《周禮 大吕陳於元英,故鼎反乎歷室。」 指 趙氏既以 · 大司徒》注云: 歷室之鼎 ○「遷其重器」○ 濟 怨。 也。 「係,縛也。」《禮記 釋「拯」,又云「濟 儲子謂 昭七年 思玄賦》「蒙厖 ,敢不聽命,先君之 「抍捄天民之窮者 因北地之衆以 珠玉財寶 係 通。《説文》 点左 齊 「故鼎 姬, 賂以 宣 正義 ○注 傳》云: 王 高 輕 救」, 車 褫 誘 率 日 因 拯 鋭 以 所 瑶 甲 伐 注

惠施之趙

請

《伐齊而存燕。]又云:「楚許魏六城,與之伐

「齊破燕,趙

欲存之,乃以河東易齊。

楚魏憎之,令淖

倪即 《挍勘記》云"「「弱小倪倪者也」,閩、監、毛三本同。 重耳。 鷺即嫛,緊爲嬰字聲之轉。 記・曲禮》云:「八十九十曰耄。」《射義》「旄期」,注云: 歸齊,天下之兵猶可及其未發 齊而存燕。」此 謂之蜺,老人齒落更生細齒謂之鯢齒,義並同也。」阮 疏證》云:「《釋親》:「娘,兒子也。」娘亦兒也,方俗語 始生曰嬰兒,或曰嫛婗。 十九十日旄。」是旄即耄也。 速」至「老小」〇正義曰:「速,疾」、《爾雅 止勿徙其寶重之器,與燕民謀,置所欲立君而去之 倪,弱小緊倪者也。 之,則猶可 云:「嬰猶驚彌也。 《禮記•雜記》云:「中路嬰兒失其母焉,何常聲之有?」注 也。」《説文》儿部云:「兒,孺子也。」女部云:「婗,嫛婗 反其旄倪,止其重器,謀於燕衆,置君而 「嬰兒」、《釋名》解嫛爲「是人」,非也。 凡物之小者謂之倪,嬰兒謂之婗,鹿子謂之魔, 天下諸 及止 言其若小兒亡母啼號, 也。」 侯謀 孟子勸王急出令,先還其老 嫛,是也,言是人也。 齊救燕之事 緊、規疊韻字,爲小兒啼聲。 注 劉熙《釋名·釋長幼》云: 速,疾也。 而止之也。 也。 · 釋詁 王氏念孫 安得常聲乎?」 旄,老耄也。 王 婗,其 速 文。 疏注 出 《音義 也。」 有 廣 「緊 《禮 「疾 去 元 雅

其重器」而謂之「殘」。

天下固畏齊之彊也,今又倍

害、毀滅之名,故統括「殺其父兄,係累其子弟,毀其宗廟,遷 符》篇云「遂共盜而殘之」,注云:「殘,賊殺之。」是殘兼殺

地

而不行仁政。是動天下之兵也。注言天

下諸侯素畏齊彊,今復并燕

一倍之地,以是行暴

則

疏注「言天」至「齊

多所危,是動天下之兵共謀齊也。

策·魏策》注云:

「固,久也。」《儀禮・喪服傳》「飯素食」,注

吕布傳》注云:「素,舊也。」舊

「素猶故也。」《後漢書・

是素、固同義、故趙氏以「素」解「固」。

不仁則爲 《國

,故以

「行暴」解

示

行仁政」,即

上所謂

殘」也。

策

也」○正義曰:《禮記・投壺》注云:「固之言如故也。」《國

云:

「係

,絜束也。」絜猶

結,束即縛。

《漢書

張釋之傳

跪

之殘樗里疾也」,高誘注云:「殘,害也。」又云「昔智伯

瑶殘

范中行」,注云:「殘,滅也。」《史記・樊酈滕灌傳》云「凡二

十七縣殘」、《集解》引張晏云:「殘,有所毀也。」《列子

· 説

爲可結也。」是

「係累」爲「縛結」也。

《國策・秦策》云

士喪禮》注云:

「組繫 「張儀

而結之」,注云:「結讀曰絜。」《儀禮

一二八

子平,是爲燕昭王。」是燕所立君也。反同,故以「還」釋「反」。《史記・燕世家》云:「燕人共立太誤也。」《説文》云:「返,還也。《商書》曰:「祖甲返。」」返與出緊字,旄倪下云:「詳註意,倪謂緊倪,小兒也。」作倪倪者

也。 궄 誅 十三人而民莫之死也。 也?」注題 則 関闘」至「**闘** 「鬬聲。 鄒穆公忿其民 疾視其長上之死而不救,如之何 鄒 與 魯鬨。 從門下者下降切,義與巷同, 鬭 也」〇正 聲 一也,猶 不 穆公問 義曰:《音義》云: 赴 難 搆 而 兵 誅之則不可勝誅,不 曰:「吾有司 問 而 其 鬭 罰 也。 當 此字從門, 「鬨,張 謂 長 何 上,軍 死 也。 胡弄切 者三 則 丁豆 疏 率 可

不得爲軍吏。」此穆公以

小」國

軍所云「長上」,蓋合指軍

馬者,其師吏也。 鬭也。」《説文》云:「鬭也。」」王氏念孫 切,與門不同。」丁又胡降 之爵、還遣在鄉所管之長爲軍吏也。 軍之將,還選六卿中有武者爲軍將。 二十五人爲兩, 軍,小國一軍。 『蟊賊内訌」,鄭箋云:「訌,争訟相陷人之言也。」義與 亦作閹。 在軍爲軍吏。 六鄉大夫及州長、黨正、族師、閻胥、比長中有武者,今出 官、六鄉之吏,自卿以下德任者使兼官焉。」賈氏疏云:「六 「凡制軍,萬有二千五百人爲軍。 通,監本、毛本誤 近。」〇注「長上軍率也」〇正義曰:《音義》本作率,率 注云:『鬩,鬭也。」 園讀近鴻,緩氣言之。 《大雅・召旻》 篇 云 旅、旅一黨、師 「軍、師、旅、卒、兩、伍、皆衆名也。 五百人爲旅,旅帥皆下大夫。百人爲卒,卒長皆上士。 《吕氏春秋・慎行》篇「崔杼之子相與私閹」,高 若無武德不堪任爲軍吏者,則衆屬他 軍將皆命卿。 二千五百人爲師,師帥皆中大 兩司馬皆中士。 作師 言軍將皆命卿,則凡軍帥 州,軍一鄉,家所出一人。 非 切。 也。 劉熙曰: 周 五人爲伍,伍皆有長。」注 王六軍,大國三軍,次國二 禮 又别言六鄉之吏者,據 兼官者,在 《廣 開, 伍一比,兩 夏官・ 雅 不特置,選於六 疏 將、帥、長 也。 證 敘官》云: 鄉爲鄉官 軍 構 中吏,身 間,卒 鬨 兵 字 司 帥 相 誘 以

戒之!

出

乎

「慢」,以

「賊」釋「殘」。賊之言害也。

也。』《吕氏春秋

期賢

驕,慢之也。」《説

文》与部

云

「殘,

賊

戰國策.

秦策》

云「王兵勝而不驕」,

告于先君」,高誘注云:

「告,白

有司」至「下也」〇正義曰:《吕氏春秋

於君,有以振救之。

是上驕慢以殘賊

注言往者遭凶年之阨,民困如是,有

時選擇,有兼官,有不爲軍吏,不必皆所屬之鄉官,而 吏即平時之鄉官,故凶年饑歲有救民之責,宜上告也 苦達之于君,使之明顯,不使壅於上聞,故以「白」釋「告」也。 而之四方者,幾千人矣,而君之倉廩 「凶年饑歲,君之民老弱 爾者,反乎爾者也。」注曾子 一軍言之,僅有一帥矣。 》篇云「吾安敢驕之」,高誘注云: 言,故有三十三人之多; 皆疾視不救,其情勢有然矣。 也。」白乃明顯之義,民間困 是上慢而殘下 曾子曰: 高誘注 也。 贊 司諸 其下也。 轉 能》篇云 故以 以此時 <u></u> 乎溝壑 臣無告白 趙 『戒之 有 氏 驕 騙, 疏 也 之軍 但舉 敢 司平 雖 孟 釋 慢 以 注 臨 也。 也。 粟移之於民,此非吾子粟乎? 穆公有食鳧鴈者必以粃 處時地考》云:「穆公行仁政,見於賈誼。 民困 食不重味,衣不雜采 鄒民聞之,皆知私積之與公家爲 人之上食也,奈何以養鳥也? 民,二石粟得 「不哀矜」即是不「行仁政」,注亦互明之。 反之也,「行仁政斯民親上死長」,謂 仁政 公十五年《左傳》云「尤其室」,注云:「尤,責過也。」君 之」,傳云:「尤,過也。」《爾雅• 孟子言百姓乃今得反報諸臣 民 言,上所 「長矣」○正義曰:「夫民今而後得反之」,謂 今而 故前趙氏兼善惡之命言之。 窮,則民化 疏注「尤過也」() ,斯民親其上,死其長矣。」注君行仁恩,憂 後 出 善惡之命,下終反之。 得反之也, 君無尤 石粃。 而親其上,死其長矣。 自 吏以爲費,請以粟食鴈,公曰: 1刻以 Œ ,毋得以粟,于 義曰:《毛 廣 粟在倉與在民 民 君者,民之父母。 釋言》作 「憂民窮 不哀矜耳,君 體也。」又《新序》稱「穆公 親賢以 出 焉 詩 不 是 《新書》。 命 周 「郵」,古字通。 可 定國 倉無 困」則是「哀 而 氏廣業《孟子出 出 鄘 注 不 與 善、以 疏 命而惡 風》「許 粃 戒 親 尤,過 無 我何擇? 有云:『鄒 取倉中 而 「君行」 **灬過**責之 也 民 善反 求易

實,

府庫充,有司莫以告。

子對曰:

壯者散

日

不能愛民,不必所屬

而

人

尤

行

也

夫

軍 師

帥

以例其餘也,若以

旅

卒、兩、伍

等帥

而

如

子。

東

以

至

四境之鄰於鄒者 輕,齊楚不能脅。 鄒國之治,路不拾遺,臣下 『上慢而殘下』者迥異。 言悟主,乃側身修行,發政施仁,以致此歟? , 士民總 穆公死,鄒之百姓若失慈父,行哭三日 **豈壅於上聞,罪固專在有司** 方而道哭。」據其言,與 ·順從。 故以鄒子之細,魯衛不 孟 子所 而 孟子 謂 能

事

興而景雲起。 哼 自然之符也。」《論衡·寒温》篇云:「虎嘯而谷風至,龍 志》云:「政失於此則變見於彼,如景之象形,響之應聲 協民皆鄉善於彼矣,猶景之寫形也, 下。」賈子《新書 有形必有影。 身短則影短。」董子《繁露•保位權》云:「有聲必有響, 帝書》云: 響之應聲也。」語亦見《任法》篇。《列子·天瑞》篇引《黄 自然也」○正義曰:《管子・心術》篇云:「若影之象形、 乎己,害及其身,如影響自然也。 《説符》篇云:「言美則響美,言惡則響惡。 然協民皆爲惡於彼矣,猶響之應聲也。」《漢書・ 章指: 言上恤其下,下赴其難; 「形動不生形而生影,聲動不生聲而生響。」又 同氣共類, 聲出於内,響報於外, 大政》篇云: 動相招致。 「君鄉善於此,則 君爲惡於此,則 形立於上,影報於 故曰以形逐影,以 身長則影長 疏 、佚佚然 如影響 惡 天文 出 哼

> 龍 致 不雨。 雨應龍 而 來,影應形而 去。」

也。 乎?」」又《戒》篇云:「勿已,朋其可乎?」《吕氏春秋 也。 游於齊乎?」「亡意」即「無已」。 義曰:《管子·大匡》篇云:「公汗出,曰 師》篇云:「勿已者,則好學而不厭,好教而不倦。」「勿已」即 守城池,至死使民不畔去,則可爲矣。 孟子以二大國之君皆不由禮,我不能 與民守之,效死而民弗去,則 非其所當事也。 其所事,不能自保也。 無已」。 齊乎,事楚乎?」注文公言我居齊楚之間 不得已,有一謀焉。 無已,則有 滕文公問 《史記》魯仲連説燕將 孟子對曰:「是謀,非吾所 曰 : 焉。 「滕, 疏注 惟 鑿斯池也 日 施德義以養民,與之堅 小國 「非其所事」〇正 「亡意,亦捐燕棄世,東 也, 是 可 ,築斯城 「勿已,其 疏「無已」〇 間 知誰 爲也。」注 於 義曰: 可 齊 能 事 勉 楚。 也 者 及 尊 言 霸 īE

與之守死善道也 章 指: 言事 無 禮 之國,不若得民心,

王子宣王也。」又,「孟嘗君 王,辭而之薛。 嬰於薛。 璩《釋地》依《田齊世家》、《孟嘗君傳》,謂湣王三年庚子封田 嬰,爲靖郭君,齊人將築薛,其時薛已滅也。 所據,今不詳耳。 子》言「齊人築薛」,則薛已屬齊,故以爲齊人所并,抑趙氏有 魯同盟。 薛侯,今魯國薛縣是也。 秋釋例•世族譜》云:「薛國任姓,黄帝之苗裔。 故文公恐也。 如之何則可?」注齊人并得薛,築其城以偪於滕, 死,有七孺子皆近,薛公欲知王所欲立。」高誘注云:「齊威 且先王之廟在薛。」」此云「先王」,謂 「薛故城在徐州滕縣南四十四里,與滕切近。」是也。」閻氏若 (陳駢子於齊威王,威王欲殺之,陳駢子與其屬出 「齊宣王也,威王之子。」《淮南子・人間訓》云:「唐子 武王復以其胄爲薛侯。 滕 今考《戰國策・齊策》: 小國無記,世不可 文 公問 齊貌辨見宣王曰:『靖郭君曰薛受於先王, 炕注「齊人」至「恐也」○正義曰:杜預《春 江氏永《羣經補義》云:「齊威王以薛封田 曰:「齊 奚仲遷於邳,仲虺居薛,以爲湯左 在 知,亦不知爲誰所滅。」按:《孟 齊桓霸諸侯,黜爲伯,獻公始與 薛,齊王 人 「靖郭之交,大不善於宣 將 威王也。 築薛, 制 其 顔 《史記正義》: 又,「齊王夫人 色。」高誘 吾 奚仲封 甚恐。 亡奔薛 注 爲 疑。 實古字。 異》云: 故避之。 田 氏也。

相。

築薛」,築即「築斯城也」之築,曰「將」,則固其初議也。」」孟 更築而崇隆之,故諫者甚多而客言如是。 孟嘗君聞之,使人以車迎之。」然則田 薛之城到於天,猶無益也。」乃輟城薛。 將城薛,客多陳戒,謁者勿通。 此「樂薛」即田氏築之。 周氏廣業《孟子出處時地考》云: 孟子於薛,薛餽兼金七十鎰 後有諫者曰:『君失齊,雖 一嬰封 薛本有城,靖郭 滕文公言「齊人將 於薛 「《國策》靖 在 王 君欲 郭 時 亦亦 隆 君 無

子對曰:「昔者大王居邠,狄人侵之,去之岐 變乎?」段氏玉裁《説文解字注》云: 之。」師古注云:「邠即今豳州。」師古尚在開元 今惟《孟子》書用邠字。 「《唐書》言邠州故作豳,開元十三年以字類幽,故改爲邠。 王非好岐山之下擇而居之。 山之下居焉。非擇 《漢書・ 「《説文》邠字下云:「周大王國。」重文作豳。 疏「居邠」〇正義曰: 匡衡傳》疏:「大王躬仁邠國,貴 蓋唐以後傳録之變也。」翟氏灝《考 而取之,不得已也。 迫不得已,困於强暴 顧氏炎武《日知録》云: 邠 周 大王國,在 前 得 恕 云 傳録 是邠 右扶 己 用

三

省作 恕云: 也。」 知 後可」之彊當作勥、《孟子》作彊、爲釁之省。 强爲蟲名。 二。《地理》、《郡國》二志皆云栒邑 風美陽,❶从邑,分聲。 迫 汝,説之作悦。 於豳之作邠外 漢人於地名用邠不用豳,經典多作豳,惟《孟子》作邠, 通 及,疑五。 國、《史記》云「慶節所國」,非大王國,疑 元十三年始改豳州爲邠州,見《通典》、《元和郡縣志》。 豩闕」, 漆縣之東北有豳亭。」疑三。 毛詩》箋、《郡國志》,皆云「豳在右扶風栒邑」,不在美陽,疑 者 也。 用 Щ 」智乃 强也。 [,通用 ,如郊、岐之比。 , 从 從力,强聲。」重文作雾,云:「古文從彊。」然則 疑 「 因 如 Щ 四。 麫 也。 蓋古地名作邠, 弓部 ,从豩,闕。 省 説文》矢部云: 幽 ,又舉强之作彊,知之作智,辟之作避,女之作 假令許果以 《説文》虫部 《説文》是部 禮 而易誤也。」」按: 「彊,有力也。」與强字異。 智 是以《周禮 小 按,此 豳,美陽亭即 智 山名作豳 解 豳 云 「知,詞也。」曰部云: 從山,豩聲,非有闕也,而云『从 作 合邠,當云『或邠字』,而 二篆説解可 智 强 「避,回 識 籥章》經文作豳,注 顧氏謂《孟子》多近今字, 」有豳 而 者 , 蚚也。」「蚚,强也。」是 栩 鄉。 也。 地名因於山名同音 也。」「 皆 疑。 宜 其力部云: 劈省作彊 《漢• 徐廣曰:『新平 民俗以 作 琳 部云: 智; 者 地理 一 ,公劉之 夜市 他 作邠。 , 猶 勥 殭而 「鷞, 郭忠 「辟, 識詞 唐開 不言 志》、 書 作 有

> 作創矣。 之。 功 ? 天也 也。 也。 也。 法也。 創之義爲懲艾,經典多借創爲剏,故此經作創,趙氏以 子造業垂統,貴令後世可 注誠能爲善、雖失其地、後世 釋詁》云: 汝衆」、《康誥》「汝爲小子」,亦作汝,則女之爲汝不特《孟 名,女爲婦人名,其爲爾汝之汝,本屬假借。 避狄之避,正 曰:《説文》云: 自强爲善法以遺後世也。 **《**國 悦字、《説文》所無。 顧氏失之。 君子創業垂統,爲 成功,乃天助之也。 從戶,從辛,節 語・ 《説文》云: 君如 「悦,樂也。」亦從心。 周語》云 宜作避; 「剏,造法剏業也。 彼 苟爲善,後世子孫必有王者矣。 何 繼 制 「以創制天下」,注 1哉? 他 其罪 ,續也。」故以 書作辟者 言部之説爲詞説之説。 繼 也。」然則 可 疏注 君 彊爲 續 《孟子》諸字,皆非近今字 繼也,若夫成功,則 豊 而行耳,又何能必 從丼,刃聲。 省文也 乃可有王者,若周 如 「君子」至「世也」〇正 「續」釋「繼」。 善而已矣。」注 一辟爲 彼 云: 齊何乎? 《書 創 刑辟之辟, 《説文》汝爲 讀若創。」蓋 ・盤 造 圃 也。」 毛本經 爾 庚》「格 造 但 有 大王 亦 雅 子 家 當 成 義

● 「在」,原誤作「左」,今據《説文解字注》及經解本改。

也。」「自彊爲善法」即自勉爲善法也。也。」《淮南子・修務訓》云「功可彊成」,高誘注云:「彊,勉也。」《淮南子・修務訓》云「功可彊成」,高誘注云:「彊,勤彊;注作强,石經經作强,宋本經亦作强。翟氏灝《考異》云:

也。疏「正己任天」〇正義曰:古本作「在天」。之來,非己所招。謂「窮則獨善其身」者章指:言君子之道,正己任天,强暴

取彼狐狸,爲公子裘。」傳云:「于貉,謂取貉。 氏以「皮」爲「狐貉之皮」也。《周禮・太宰》「九貢」有「幣 也」〇正義曰:《毛詩 皮、狐貉之裘,幣、繒帛之貨也。疏注「皮狐」至「貨 馬,不得免焉,事之以珠玉,不得免焉。 侵之。事之以皮幣,不得免焉, 事之以 國於孟子。孟子對曰:「昔者大王居邠,狄 國,則不得免焉。 ,狐狸皮也。狐、貉之厚以居。」是狐、貉爲豳地所有,故趙 滕文公問曰:「滕,小國也,竭力以事大 ·豳風·七月》篇云:「一之日于貉, 如之何則可?」正問免難 貉,貉皮。 犬 狐 注 人 全

> 馬、玉帛,皆通名爲幣。 貢」,鄭氏注云:「幣貢,玉馬皮帛也。」《小行人》:「合六幣 執皮帛」,注云:「帛如今璧色繒也。」是繒、帛一物。 聞之也,君子不以其所以養人者害人。二三 而告之曰:"狄人之所欲者,吾土地也。 裳」,傳云:「玄,黑而有赤也。朱,深纁也。 詩·七月》篇云「八月載績,載玄載黄,我朱孔陽,❶爲公子 之貨」。《説文》云:「繒,帛也。」「帛,繒也。」《大宗伯》云「孤 制」,注云:「皮帛,儷皮東帛也。」此皮帛即皮幣。《秦策》云 也。』《戰國策 圭以馬,璋以皮,璧以帛,琮以錦,號以繡,璜以黼。」然則皮, 子何患乎無君? 玄衣纁裳。」然則玄纁束帛亦豳地所有矣。 注云:「幣謂元纁束帛也。」《儀禮・士昏禮記》云「皮帛必可 「約車并幣」,高誘注云:「幣,貨也。」故趙氏釋「幣」爲「繒帛 「幣,東帛也。」《淮南子・時 「珠玉」,則幣非統名,故以「帛繒」釋之。《説文》云:「幣,帛 齊策》云:「請 我將去之。』去邠,踰梁山 乃此「皮」「幣」對舉,下别言「犬馬」、 則訓》云「用圭璧更皮幣」,高誘 具車馬皮幣」,高誘注云: 陽,明也。 乃屬其耆老 祭服 《毛

● 「陽」,原誤作「揚」,今據疏文及《毛詩》改。

爲屬,疏云「謂繫綴而屬之」,故《書大傳》述爲贅其耆老。」王 邑。」翟 山 廟,吾私也,不 也。」耆老曰:「君縱不爲社稷,不爲宗廟乎?」大王曰:「宗 稷乎?」大王曰:「社稷所以爲民也,不可以所爲民者亡民 對 攻不止,大王贅其耆老而問之曰:「狄人又何欲乎?」耆老 間,太王當日必踰此 梁山,一在今韓城、郃陽兩縣境、《書》「治梁及岐」、《詩》「奕 梁」至「居焉」〇正義曰:閻氏若璩《釋地續》云:「雍州有二 老對曰:「欲得菽粟財貨。」大王曰:「與之。」每與之至無而 Щ 奕梁山」、《春秋》「梁山崩」、《爾雅》「梁山,晉望也」,皆是,於 穀,所以養人也。 邑于岐 ○注「屬會」至「去之」○正義曰:伏生《尚書大傳略説》云: 狄人將攻大王亶父,召耆老而問焉,曰:「狄人何欲?」耆 孟子》之梁山無涉。《孟子》梁山則在今乾州西北五里,其 (曰:「欲君之土地。」大王曰:「與之。」耆老曰:「君不爲社 横而長,自邠抵岐二百五十餘里,山適界乎一百三十里之 氏灝《考異》云: 人之束修奔走而從之者三千乘,一止而成三千户之 山之下,居焉。 可 `以吾私害民也。」遂策杖而去,過梁山,邑岐 山然後可遠狄患,營都邑,改國曰周。」 會長老,告之如此而去之。 「按、《桑柔》詩「具 淮屬,會也。 |贅卒荒」,傳 土 地 疏 生 訓 「踊 Ŧī. 贅

云:

「趨,歸也。」歸市即趨

市,故趙氏以

趨

釋

「歸」。

凡

赴

終身 子• 굸: 也。 者 專指土地。 以能養人? 襄十六年《公羊傳》注云:「贅,繁屬之辭。」若今俗名「就壻」 子》曰「大王屬其耆老」,《書傳》曰「贅其耆老」,是贅爲屬 傳》「會猶最也」,何休注云:「最,聚也。」《漢 氏念孫《廣雅疏證》云: 生一肉屬着體也。」並事異而義同。」然則趙氏以「會」釋 爲「贅壻」矣。劉熙《釋名》説「贅肬」之義云:「贅,屬 苑・奉使》篇「梁王贅其群臣」即屬其群臣也。」又云: 人者也。」然則「不以其所以養人者害人」,蓋古有此語,不必 「毋贅聚」,如淳注云:「贅,會也。」會、最 「屬」,正以贅釋屬也。 鹽鐵論・ 如歸市。 「君獨不見夫朝趨市者乎?」《淮南子 而無所定趨」、《俶 説符》篇:「牛 疏注「言樂」至「得也」○正 刑德章》云: 邠人曰:『仁人也,不可失也。』從之 以其能生五穀,供人飯食,故趙氏申言之。 注言樂隨大王如歸趨於市,若將 - 缺謂盜 經上言「土地」,下言「養人」,土地 真 「《説文》: 「聞以六畜禽獸養人,未聞以 訓》 日 》云 「若 君子不以 義曰:《史記 「贅,最也。」隱元年《公羊 周 員 而 所養害其所 聚 趨 氾論訓 並 書 孟嘗君傳 同 高 武 義。 誘 也。 》云「故 所養害 帝紀 有 注 《列 《説 也 得 横 並 何

日:

「仁人之君,不可

失也。」從之如

歸

何患乎無君?

孟

子對滕文公之辭也。

公處 即策

之所欲,吾土地。

者,謂 之文。

民人也。

連、結也。

高誘注《吕氏春秋》云:「所以養者,土地

也。」《莊

》與《孟》小異,而

事略同。

《史記•

云"「大王以狄伐故去豳

, 所謂

「來朝走馬

也。

《毛詩

大雅

緜

下。」《吕氏春秋

審爲》篇、《淮南子·

害所養。」因杖策而去之。

而不受,狄人之所求者,土地也。大王亶父曰: 「與人之兄 免焉,事之以珠玉不得免焉。 乃屬其耆老而告之曰:「狄人 子所述亦見《莊子·讓王》篇,云:「大王亶父居邠,狄 豳,狄人侵之,事之以皮幣不得免焉,事之以犬馬不得 事之以皮帛而不受,事之以犬馬而不受,事之以珠 吾聞之,君子不以其所以養人而害人。二 去之, 踰梁山, 邑乎岐山之下。 杖馬箠居岐,國人争隨之。」馬 民相連而從之,遂成國於岐山 民相與結婚隨之衆多,復成爲國 唯彼云「太王居豳」,此因古公之 退,各有所得,日用之需,皇皇求 且吾聞之,不以所 道應訓》俱録 市。」孔氏正 「若將有所得」也 劉敬傳》説 》篇傳云: 子皆勉 也。 《莊子》 義 豳人 所 用 云: 高 古古 箠 帝 養 之 養 居 玉 人 岐下。 戴之。 云: 下即云「處豳」爲異耳。」《莊子》與《吕氏春秋》、《書傳 伐之不止。 公事之以犬馬牛羊,其伐不止,事之以皮幣 劉、后稷之業,積德行義,爲狄人所慕,薰鬻戎妬而伐之。 之,如歸父母。」《吴越春秋·太伯傳》云:「古公亶甫 而害其養也。 群臣耆老而告之曰:「土地者,所以養人也。 馬珍幣,而伐不止。 沮,踰梁山,止于岐下。 故戰,殺人父子而君之,予不忍爲。1乃與私屬遂去邠,渡 爲攻戰,以吾地與民。 民,民皆怒,欲戰,古公曰:「有民立君,將利之。 紀》云:「古公亶父復修后稷、公劉之業,積德行義,國 及《易》注皆云「事之以牛羊」,明當時亦有之。《史記 馬」、《略説》言「菽粟」,明國之所有莫不與之,故鄭於《稷起 止」、《吕氏春秋》言「不受」,異人别説,故不同耳。 與此,大意皆同。 「大王有至仁之恩,不忍戰其百姓,故事勳育戎氏以 及他旁國聞古公仁, 薰育戎狄攻之,欲得財物,與之,已。 古公問所欲,曰: 吾將去之。」遂居岐山之下。 此言 問 民之在我與其在彼何異? 其所欲者,曰:「土 豳人舉國扶老攜弱,盡復歸古公於 「不得免焉」、《略説》云「每與之不 亦 「欲其土地。」古公曰: 多 ·歸之。」《説苑· 地也。」於是 邠人負幼扶老從 復攻,欲 金玉重 不以 今戎 所以 民欲以 至仁 此言「犬 得 . 周 一君子 人皆 而 修 養人 屬 狄 地 漆 其 犬 我 公 所 與

161

攻之。

利

,故樂趨之。

邠人樂隨大王而趨,故云

市

者以所有易所無,交易而

居

而殺其弟,與人之父居而殺其子,吾不忍也。

爲吾臣與爲狄人臣,奚以異?

齊、

不以 又云「所以效善也」,高誘注皆云:「效,致也。」《戰國策》西周 義、故以 也。」專爲猶擅爲。 貴生》篇云 雅 之,非己身所能專爲。 守也,非身之所能 所撰,蓋刺取《史記》、《説苑》等書爲之。 父子兄弟相 乃杖策去邠,踰 此二者,惟所行也。 於斯二者。」建或曰,土地乃先人之所受也,世 而 也。」大王去邠, (吴越春秋)似狄與獯鬻爲二種。」按: 獯 釋詁》云:「身,我 「爲我,爲己也。」是身、己、我三字轉注 鬻 養害所養。 年成邑,二年成都,而民五倍其初。]周氏廣業《孟子逸 妬狄之説,前 「專」釋 「趙注「交鄰」章 「譬之若官職、不得擅 帥 負老攜 「爲」也。 梁山 避獯鬻, 或 作者,自我作之,不繼述也,中本有專擅之 所以亡也 而 此無之、未足爲據 也。」趙 幼、揭釜甑 疏注「非己」至「去也」○正義曰:《爾 處岐周,曰: 爲也。 《淮南子·主術訓 此章「狄人」無注、是獯 至 云:「獯鬻, 死不可 一而爲身害,吾所不居 氏 注 爲」, 效死 而 盡 『彼君與我何異?』邠 歸古公。 去也。 《吴越春秋 高 心 北 勿去。』君 也 其 誘 也。 篇 一一以 狄强者,今匈 (書視諸説最 注 欲令文公擇 「楊子 或 居三月, 云 《吕氏春秋 日 》後漢趙氏 效其功」, 也。」古公 取 請 爲 爲 狄 世 成 後 我 世 也 擇 守 作 奴 城

、秦諸策,高誘注皆云: 申明之。 是。 所以 利 疏 義 之言,端在于此。 發明伏羲、神農、黄帝、堯 擇於斯二者」,趙氏以「權」解之,是也。 攻將不止。 傳》云: 則 太王皆避難遷徙者、"禮》之所言謂國正法; 君死之,正也。」則諸侯爲人侵伐,當以死守之,而 云 上、下篇,至此二十二章,皆對時君之言,而結之以「君 請擇」者,行權之要也。 權 害而爲之。 也。 章指: 言太王去邠,權 「《曲禮下》曰: 太王」至「之也」〇正 成三分之業,建七百之基。 時之宜。 此乃賢者達節,不可以常禮 「權者、反經合義。 聖人通變神化之用,必要歸 義、 戰以求勝,則人多殺傷,故棄戎狄 《論語》 太王爲狄 權 儒者未達其指,猶沽沽於井田、 不 「國 Ĕ: 並 「效,致也。」致即至 君死社稷。』《公羊傳》曰: 人所攻,必 孟子深於《易》,七篇之作,所以 義曰:《毛詩 故 故 司 、舜之道 權 者,稱 與適道,未可與 曰 也; 格之。」按: 雖 ,疏述文王、周公、 求 於禮 也。 擇 土 效死 地 而 於《異》之行權 權之義,孟子自 大雅· 稱其 爲 故以 非 處之」 八而適 輕重,度其 權。』《公羊 而守業 不 公劉、太王 致釋效 愐 梁 縣 》正 対 得 其 公劉 惠 岐 其 國 也 建 義 王 陽 地 而 則

也。 《史記》異。 二年卒,子屯立,是爲康公。康公九年卒,子匽立,是爲景 是爲穆公。穆公三十三年卒,子奮立,是爲共公。共公二十 年,悼公卒,子嘉立,是爲元公。元公二十一年卒,子顯立, 未 君 愛妾也。 人疾莊后,毋以嬖御士疾莊士大夫卿士」,注云:「嬖御人, 也。」此嬖人指妃妾之寵愛者。《禮記・緇衣》云「毋以嬖御 公三年《左傳》「公子州吁,嬖人之子也」,注云:「嬖,親幸 曰平,布綱治紀曰平。」《説文》女部云: 王。二十二年,平公卒。」《漢書・ 云:「悼公之時三桓勝,魯如小侯,卑於三桓之家。三十七 出 知所之,敢請。」注平,謚 《史記》有《佞幸列傳》,云:「非獨女以色媚,而仕官 景公二十九年卒,子叔立,是爲平公。是時六國皆稱 坑注「平謚」至「人也」○正義曰:《史記・魯世家 則必命有司所之。 魯平公將出,嬖人臧倉者請曰:「他 嬖御士,愛臣也。」然則男女之賤而得幸者通稱嬖 《周書·謚法解》云:「治而無眚曰平,執事有制 今乘輿已駕矣,有司 律曆志》魯平公名旅,與 也。 「嬖,便嬖,愛也。」隱 嬖人,愛幸小人 日 亦

義,而 蓋以官爲氏者。 記·王制》云「樂正崇四術」,注云:「樂正,樂官之長。」樂正 爲不便見孟 樂正,姓,子,通稱。 樂正子人見,曰:「君奚爲不見孟 曰 : 乘而先匹夫乎? 君無見焉。」建匹夫,一夫也。 乎? 禮義由賢者出,而孟子之後喪踰 注平公敬孟子有德,不敢請 嬖人臧倉,籍 惠時有閎孺。 有之。昔以色幸者多矣,高祖至暴抗也,然籍 孟子也。平公諾之,即受其無見之言,故以「止不出」解之。 云: 曰:《説文》言部云: 何哉,君所爲輕身以先於匹夫者? 「諾。」注諾,止不出 「諾者,受語辭。」臧倉云「君無見焉」,戒止平公之出見 孟子 孺、 前 軻。 此兩人非有才能,徒以婉佞貴幸,與上卧起。」 喪父約, 魯人曾子弟子有樂正子春,是也。 閎孺之類也。 疏 「諾, 膺也。」宣公十五年《公羊傳》 以爲孟子賢故 注「樂正」至「孟軻」〇正 孟子弟子也,爲魯臣。 後喪 召,將 公曰:「將見孟子。 疏 母 奢, 臧倉言 注「諾止不出 也。 往 君 就見之。 無 賢者 軻也?」注 君 孺以 見 何爲 義 以 《論  $\overline{C}$ 也。 當行 問 佞 前喪, 日 爲賢 티 : 幸,孝 公何 輕 Œ 《禮 Ŧ 禮 注

令白 從豕, 禮而 學而 鼎皆用羊豕而以魚腊配之。 氏 注樂正子曰,君所 以 大夫用五鼎也。《禮記・郊特牲》云「鼎俎奇而籩豆偶」,孔 云:「雍人陳鼎五,三鼎在羊鑊之西,二鼎在豕鑊之西。」是 之右,北面 至「五鼎」〇正義曰:《儀禮 公言以此故也。 便猶利也 人曰孟子之後喪踰 牢 正 士,後以大夫,前 虎通》云:「子者,丈夫之通稱也。」云「不便見孟 用三 而 義云:「少 去腊 禮,士祭三鼎 》篇「子曰」、《集解》引馬注云:「子者,男子之通稱 鼎三也。 三黒 一鼎者,如《有司徹》乃升羊豕魚三鼎,腊爲庶羞,膚 ,利猶快也。 膚一 北 牲鼎 上,設扃鼏。」是士用三鼎也。 :特豕而以 鼎 牢 又士禮特牲 一,魚鼎二,腊鼎三。」楊復《儀禮旁 陳五鼎: 陳於門外如 티 : 大夫. 謂踰者,前者以士禮,後者以大 謂其遲滯不即見。 魚腊 以三鼎而 「何哉,君 前喪,是以不往見也。」 羊一,豕二,膚三, 祭 • 少牢五鼎,大夫之常事,又有殺 士虞禮》云: 五鼎 配之也。 鼎 初 有以盛葬奠加 ,以其繹祭殺於正祭,故用 故 所謂 後 羊豕日 也。 以 曰:「或告寡 「陳三鼎於門外 《少牢 五. 踰 疏 魚 少 鼎 者? 字。 、四、腊 注「禮 饋 通鼎數 與?」 等 軻 食禮 凡五 用 也。」 士 也 亞。 前 少

也。 爲來 牢者, 氏引之《經傳釋詞》云: 來,君行將來即君將 者,每云「行將」。 猶行也。」「君爲來見」猶云君行 以孟子之賢,君將欲來。 來也。」注克,樂正子名也。 不同也。 爲士,喪母時爲大夫。大夫禄重於士,故使然,貧 樂正子曰: 美惡也。 之美也。」注公曰,不謂鼎數也,以其棺椁 者,士冠、士喪略於正祭故也。」曰:「否, 徐氏疏云: 傳》注云: 將、欲也。」是將、欲、爲三字轉注互訓。 疏「君爲來見也」〇正義曰: 八見也。 如《既 樂正子見孟子,曰:「克告於君, 曰:「非 「禮祭,天子 夕》遺奠,陳鼎五於門外,是也。」桓二年《公羊 此非薄父厚母,令母 「《春秋》、《説文》、《士冠禮》、《士喪禮》皆 嬖人有臧倉者沮 《毛詩》傳多以行訓將,《 欲 所謂 來, 「爲猶將也。 九鼎, 故趙 臧 踰 氏以 諸侯七,卿大夫五,元士三。」 也,貧富 來見也。 倉者沮 果,能 《禮記・ 趙氏注「君將欲來」是 將 喪 君,君是以不 欲 踰父也。 「君爲來」即 也。 君,故君 廣雅 今人稱事之將然 釋 檀弓》注 不同 謂 「爲 曰,克告 棺 釋 也 椁 不 喪 衣衾之 詁 君 \_。 注 衣 能 父 行將 「爲 君 富 來 君 時 王

奉而暇晉是皇」,韋昭注云:「果,克也。」克亦能也。」 有以異於人乎」,趙氏注並云:「果,能也。」《晉語》「是之不果 賦》注。《孟子・梁惠王》篇「君是以不果來也」、《離婁》篇「果 ○正義曰:王氏念孫《廣雅疏證》云:「「果,能也」,見《西征 注云"「沮,止也。」又《知士》篇云「故非之弗爲阻」,高誘注 沮字,云:「本亦作阻。」按:《毛詩・巧言》篇「亂庶遄沮,傳 出定襄當單于,捕虜。虜言單于東,乃更令驃騎出代郡。」言 之,會高后崩,不得見也。 燕邸,爲欲置酒見之,高后竟崩,不得見。」言高后將欲置酒見 云:「阻,止也。」是沮、阻同訓止,其字可通也。○注「果能也 云:「沮,止也。」《吕氏春秋·至忠》篇「人不知不爲沮」,高誘 始將出定襄,後更出代郡也。」○「沮君」○正義曰:《音義》出 、史記・盧綰傳》:「盧綰妻子亡降漢,會高后病,不能見。 舍 《衛將軍驃騎傳》曰: 「驃騎始爲 亦

得行道,天欲使濟斯民也。故曰,吾之不遭遇魯侯,耳。行止天意,非人所能爲也。如使吾見魯侯,冀爲,魯侯欲行,天使之矣,及其欲止,天令嬖人止之焉能使予不遇哉?」注记,止也。孟子之意以人所能也。吾之不遇魯侯,天也,臧氏之子人所能也。吾之不遇魯侯,天也,臧氏之子

天。此《梁惠王》一篇之大旨,亦即七篇之大旨也。 一章指:言讒邪構賢」○正義曰:《漢書》劉向上封事 人也。 ∭「讒邪構賢」○正義曰:《漢書》劉向上封事 一章,不憾臧倉之蔽。」夫孟子既非干魯,亦何嘗爲臧倉 一章,不憾臧倉之蔽。」,其孟子既非干魯,亦何嘗爲臧倉 一章指:言讒邪構賢,賢者歸天,不尤

姪廷琮廷弼校字

孟子正義卷五終

## 孟子正義卷六

江 都 縣 鄉 貢士焦 循 譔 集

## 孟子卷第三

姓; 孫之養氣曰: 非氏也。 孫僑爲國氏,公孫蠆爲游氏。 爲仲孫氏,公孫歸父爲東門氏,公孫嬰齊爲叔氏。 孫舍之爲罕氏,公孫申爲孔氏,公孫黑公孫夏爲駟氏,公 管、晏之功,猶《論語 公孫 丑章句上凡九章。 「公孫」至「題篇」○正義曰:魯公孫兹爲叔孫氏,公孫敖 丑,名。 齊有公孫氏,未知所出。 禮義泰實則氣不通 孟子弟子也。 》子路問政,故以題篇。 此如「公子」、「王子」之稱, 主公孫丑者,公孫 丑有政事之才,問 ,泰虚則氣不足,泰勞 董子《繁露》云:「公 鄭公 疏注

> 樂正氏傳《春秋》爲道,爲屬辭比事之儒。」説者謂即公孫 八儒》篇云: 狂,懼則氣懾。 人物》篇云:「公孫丑,滕州北公村有墓。」 、樂正克。 趙氏謂丑有政事之才,未詳所出。 ❶「公孫氏傳《易》爲道,爲潔净精微之儒 凡此皆氣之害。」陶淵明《聖 工賢羣 《齊乘 輔 録

Η.

詩 • 子之功可復許乎?」注夫子謂孟子。 之佐乎? 誠,實也。子實齊人也,但知二子而已,豈復知王者 日 懷詩》注引晉綦毋邃《孟子注》云:「當路,當仕路也。」孟 興釋許。 之功寧可復興乎? 如使夫子得當仕路於齊而可以行道,管夷吾、晏嬰 : 大雅》「昭兹來許」,傳云:「許,進也。」興 「子誠齊人也,知管仲、晏子而已矣。 公孫丑問曰:「夫子當路於齊,管仲、晏 ○注「當仕路於齊」○正義曰:《文選》阮嗣宗《詠 疏注「誠實也」○正義曰:《吕氏春秋 疏注 「許猶興也」〇正義曰:《毛 八亦進 許猶 義,故以 興 論 也。

0 「賢」,原誤作「聖」,今據《陶淵明集》及經解本改。

則氣不入,泰佚則氣宛,至怒則氣高,喜則氣衰,憂則氣

也。 病,曾 申、西 見其確。 佑 西。 子元、申,見《禮記・檀弓》。 也。」閻氏若璩《釋地》亦同。 曾申,曾子之子,非曾子之孫。 申、公子申皆字子西可驗。」江氏永《羣經補義》云: 丘明作傳以 云: 疏 子 也。」注曾西,曾子之孫。 子 篇云「此之謂 元持首,曾華抱足。]華即申之字也。 同誘注 也。 温 注 路 「《經典序 其 ( 曲禮 故録 止爲 「曾西」至 元、曾申坐於足者,安見其非子孫並侍? 孰賢?」曾西 並云: 八以申 子 何者? **学**云: 以孔疏 路 字西 授曾申。」 人名字近是。 至威之誠」、《淮南子・ 録》: 在 「誠,實也。」或問 敢 以 亦以曾西爲曾子之孫。 者,或以申枝爲西方之辰,如 四 第言曾元養曾子、檀弓》所記 「曾申字子西,子夏以 楚鬬宜申字子西,公子申字子西例 比」〇正義曰: 友,故曾子畏敬之,曾西 則是曾西即曾申,爲曾子之子,非 蹵 但 父然 曰: 而《大戴禮》云:「曾子疾病,曾 周氏柄中《辨正》云:「曾子二 必謂曾西是曾子子非孫 蹵然猶蹵踖也。 稱「先子」者謂父,非 乎 主術訓 曾 毛氏奇齡 申 『吾先子之所 西 ·既字華,不當又字子 疑趙注爲是。」趙氏 曰: 《詩 》云「抱德推 《春秋》楚鬭宜 》傳曾 **四** 曾子以 『吾子 記曾子寢 不 先子,曾 [書賸 「曾西即 申。 謂 敢 ,則未 老壽 誠, 祖 言 比 之, 告 與 疾 父 孫 左

高

乎? 也。 禦侮,謂 引曾子曰: 終,自宜有孫也。」翟氏灏《四書考異》云: 由 親,是非胥附乎? 四鄰乎?』孔子曰: 並與趺同。」伏生《尚書大傳》云: 曾子亦是曾申。 於曾子」,時稱曾申爲「曾子」也。 比予於管仲 與管仲孰賢?』曾 公孫丑》篇「曾西蹵然」,趙氏注云:「蹵然猶 黨》篇『踧踖如也』,馬融注云: 念孫《廣雅疏證 也,惡言不至於門,是非禦侮乎?」」曰 疏注「艴然」至「乃也」〇 自吾得師也, 「《説文》艴字注引《論語 之「四鄰」,以免乎牖里之害。 「吾先子之所畏」、《檀弓》「穆公之母卒,使 \*\frac{\times}{\times} ? 記述曾子語獨多,未必皆子輿子矣。」王氏 前 自吾得賜也,遠方之士日 |吾有|四 注 「《釋訓》: 有光,後有輝,是非先後乎? 艴 西 然,愠 艴然不悦,日 友」焉: 「踧踖、恭敬之貌。」《孟 Ē 「趺踖、畏敬也。」《論 「周文王胥附、奔輳、先後 《史記》「吴起事曾子」。 義曰: 怒色也。 自吾 懿子曰: 王 「《禮記 氏 得 楚踖也。」踖、 「然 何 : 念孫 至,是 П 曾 也, 夫子 爾 則 曲 猶 廣 門 非 自 語 何 吾 禮 何 吾 人加 奔 亦 子 人問 雅 子 注 曾 其 乃 輳 蹵 有 得 鄉 疏

《玉篇》、《廣韻》、《類篇》艴字並音勃。 證》云: 雅》「艴、頩色也」。 **瓶與艵同。** 凡人敬則色變,若《論語》「色 》「色艴如也」,今本作「勃」。 《集韻》、《類篇》引《廣

四二

管仲得 卑 子·道應訓》云「伙非瞋目敦然」,並字異而義同。」段氏玉裁 彼,功烈卑 其專也,行 古與仍同,與曾爲疊韻,故曾、乃義同。 爲乃。」按: 在位」,「曾是在服」,「曾是莫聽」,《論語》「曾是以爲孝乎」, 《秦策》云「秦王悖然而怒」、《楚策》云「王怫然作色」、《淮南 然變乎色」,是也。 勃如」, 「曾謂泰山不如林放乎」,《孟子》「爾何曾比予於管仲」,皆訓 《説文解字注》云:「曾之言乃也。《詩》「曾是不意」,「曾是 也。 是也; 遇桓公使之專國政如彼,行政 爾何曾比予於是?」正曾西答或 陋 《爾雅·釋詁》云: 怒則色變,若《孟子》「曾西艴然不悦」,「王 乎 如 國 彼。 《説文》字字注又引《論語》「色字如也」, 政 謂不帥 如 彼其 「仍,乃也。」仍從乃聲,乃聲 齊 久也,功 桓 一公行 管仲得君 於國 王 烈 道 如 其 而 人,言 彼 如 久 行 其 彼 霸 如 勃

於四海之外而不能遇」,高誘注云:「遇,得 所遇之時,世謂之得。」《淮南子・精神訓》云:「故事有求之 疏注「得遇桓公」〇正 得」。 ·弗過遇之」,注云:「過 딩 : 管仲 ,曾西之所不爲也,而子爲 義曰: 而得之謂之遇。」故趙 《莊子・大宗 也。」《易 師 氏以 》注云: 小過》 遇 「當 我 釋

道,故言卑

也。

重言「何曾比我」,耻見比之甚也。

選. 乎,予無罪,孰爲盾而忍弑其君者乎?」《公羊傳》曰:『吾不 猶謂 也。 狹隘即小,故云「非丑之言小」。 西」〇正義曰:《説文》阜部云:「陝,隘也。」陝與狹同。 疑。」王氏引之《經傳釋詞》云: 節,皆孟子言,此處不當又有孟子發語 乎」○正義曰:《四書辨疑》云:「自「子誠齊人也」下, 之紂」即謂之紂也。 紀》曰:「帝乙崩,子辛立,是爲帝辛,天下爲之紂。」按,「爲 弑君,誰謂吾弑君者乎?」是其證。」廷琥云:「《史記・ 之,蓋謂子乃使我願之乎。 後世昭前之令聞也」,韋昭注並云:「爲,使也。」此爲字 之」者、《國語・晉語》云「爲後世之見之也」、《魯語》云 霸王之所憂也,而君獨伐之」,文義與此同。」「而子爲 而子爲我願之乎? 願之乎?」二孟子 《吕氏春秋・驕恣》篇李悝述楚莊王之言畢,則云『曰 東京賦 也,言子謂 》云「狹三王之趢起」,薛綜注云: 我願之也。 亦爲、 非丑之言小也。 心 謂 狹曾 《經傳釋詞》云:「家大人曰: 宣二年《穀梁傳》曰:『天乎天 可 「此述古語既畢 ·通之證。」〇注「孟子心 1西,曾 西 之辭。 尚 疏 不 「狹謂陋 「曰管」 日 而更及今事 欲 本衍 爲 至「之 其 管 也。 我 連 令文 仲 同 爲 願 此 此

日 「管仲以其君 霸, 晏子以 其 君 顯。 今言王若易然,則文王不足法與?」|||

若能委權任用,承霸國之餘烈,晉失諸侯,齊國之興,日可俟 以文王之德,百年而後崩,猶 危行言孫,故能身處亂世, 所寵任者,梁丘據、裔欵 曰:「若是則弟子 齊王,由反手也。」 氏騙《繹史》 嬰也隨事補 崔、慶既亡, 丑曰: 氏以 行。 故 成 公 以 義 謂 如 可當 文,後文「今時則易然也」,知此然字必不當屬下。」按:趙 祖庚立,祖己嘉武丁之以祥雉爲德,立其廟爲高宗。」是武 言易也。 聖之君六七興,謂太甲、太戊、盤 文王之時 言王若易然」○正義曰: 云 也,與趙氏異。 此時、故難也。」與此注互明。 爲高宗也。 云:「武丁修政行德,天下咸驩,殷道復興。 有天下,猶運之掌也。 天下歸殷久矣,久 云「何謂王易然也」,斷「然」字句,甚明。 當今之時」當字相應。 是言則弟子惑益 王易然也? 「湯崩,太子太丁未立而卒,立太丁之弟外丙。 也? 疏注「武丁高宗也」○正義曰:《史記・殷本紀 難 ○注 爲 由湯至於武 ○注「從湯」至「等也」○正義曰:《殷本 功,故言「何 若是則文王不足以 「孟子」至「當也」〇 甚 趙氏注下「是以難也」云:「文王 也。 則難變也。 翟氏灏《考異》云:「或讀然屬 注武丁,高宗也。 文王 近通解 丁,賢聖之君六七作。 可 當」也。 尚 正 謂 庚等 不 爲法邪? 義 武丁 文王之德,何可 能 曰:「文王何 日: 帝武丁崩,子 從湯 也。 及身而 此當字與 朝諸 以 運之掌 孟子言 帝外 下,賢 疏「今 王,何 侯, 紀》 丙 下

之流;

所好者,宫室臺榭之崇,聲色狗馬之玩。

救,以

諷諫匡君心者,朝夕不怠。

日:

《音義》云:「由,義當作猶,古字借用耳。」按:

趙

晏不勉其君以

王業也。

疏「由反手也」〇

Ē

之惑滋甚。且

「若」字釋「由」字,則由讀爲猶矣。

未洽於天

下,

武

王、周公繼之,然

後

大

注

孟子言以齊國之大而行王道,其易若反手耳。

顯名諸侯,而齊國賴之。]曰:「以

也。

乃景公固非能大有爲之君也。

爲邪?

疏「晏子以其君顯」○正義曰:

馬

陳氏得政,所際之時,則季世也。

方莊公之弑,晏子伏尸

「晏平仲之在齊也,歷事三君,皆暗主也。

大宫之歃,舍命不渝,是可謂仁者之勇矣。

景公嗣位

以

霸道,晏子相景公以顯名。

二子如

此,尚不可

管仲、晏子猶不

足爲

與?」並丑

日:

管

仲輔

桓

己立。 亦明 以 復衰,則不得與于賢聖之君矣。 以 盤 甲崩,弟盤庚立。 沃甲之子南庚。 弟外壬立。帝外壬崩、弟河亶甲立、殷復衰。 諸 即 以太甲、盤庚、《尚書》詳之。而太戊爲中宗,見稱于《無逸》, 或離湯、武丁,即指其間之六七君。 仲丁、河亶甲、祖乙、盤庚七君皆有所紀述,則「六七作」者: 復興之君共六人。 崩,子帝武丁立,修政行德,天下咸驩 帝祖乙立、殷復興。 丁崩,弟太庚立。 立太丁之子太甲。 立。 下,太甲、太戊、盤庚等,脱去祖乙。 來,若太甲,若太戊,若祖乙,若盤庚,若武丁,皆當殷衰而 庚崩,弟小辛立,殷復衰。 侯歸之,故稱「中宗」。 位 有可 殷道衰,諸侯或不至。 帝沃甲崩,立沃甲兄祖辛之子祖丁。 徴 崩,立外丙之弟中壬。 故 、略舉 帝 渡河南,復居成湯之故居,殷道復興。 帝太庚崩,子帝小甲立。 《尚書序》湯、武丁之間太甲、沃丁、太戊、 帝太甲稱「太宗」、太宗崩、子沃丁立。 南庚崩,立帝祖丁之子陽甲 ·此耳。 祖 乙崩,子帝祖辛立。 中宗崩,子帝仲丁立。 趙氏 帝小辛崩,弟小乙立。帝小乙 帝雍己崩 趙氏僅數太甲、太戊、盤庚・ 帝中壬即 佑 温 乃《史記 ,殷道復興。」然自湯 然以 故録 ,弟太戊立,殷復興, 位四年崩,伊 四君連湯、武丁, 帝小甲崩,弟 **※**云: 帝祖辛崩 帝祖丁崩,立弟 》稱河亶甲時殷 -,殷衰。 河亶甲崩,子 帝仲 注 山謂自湯 丁崩 ,弟沃 帝陽 尹 帝 乃 雍 沃 興

缺誤。 亦止 丁 賢,祖甲賢,故武丁欲廢長立少。 祖甲以王廢長立少不義,逃之民間。」此是 馬融《無逸》注云:「祖甲有兄祖庚,而祖甲 「六作」,連云「六七作」,正以祖甲在武丁後,故如此屬文也 仁厚澤,以綿殷道,故益見其久而難 統之可矣。 祖甲即武丁子,且其兄亦賢,兩世皆承 于武丁」,「紂之去武丁」,皆不及祖甲? 是二孔皆以太甲當祖甲。 甲 言及高宗及祖甲,祖甲爲武丁後 太戊、祖乙、盤庚、武丁六作,及祖甲 止,則紂之去武丁,中間更無接 曰不義惟王,舊爲小人。」以經證史,亦可見《殷紀》之疏。 有兄祖庚賢,武丁欲廢兄立弟,祖甲以爲不義,逃之民間 「未久」也。」按: ·六七作』宜兼數祖甲。 欲廢兄立弟。」豈 ·淫亂,殷復衰,蓋因《國語》「帝甲亂之,五世而隕」之文,于 六而非七,豈孟子[七]字虚設邪? 不然,則鄭不及馬。 惟由武丁歷祖甲皆能以賢嗣賢,享年又長,有 此説是也。 武 T 或日: 而 有此? 鄭氏注:「祖甲,武丁子帝甲也 若祖 「六七」非 然則孟子 續, [庚亦賢,則是賢聖之君不 鄭氏注: 代賢君 鄭注已殘 則 相 變。 越 七作,不直 約略之辭,湯、 武丁之烈,則以武 竊以《 且 不然,僅至武丁 何以獨言「由 曰 : 也。 「有兄祖庚賢,武 賢,武丁欲立之。 自《史記 百年,亦不 當是 子 書 惟祖 統於父也 傳寫者 云「七作 無 淡 庚不 、太甲 逸 得 湯 爲 故 训明 其 止 言 而 深 T 至 是 帝 有

立。 于 帝辛,天下爲之紂。」蓋武丁之後,祖甲爰知小人之依能保惠 不得嗣 當 也。 以 篇高誘注云:「興,作也。」《周 戊、祖乙、盤庚、武丁同,乃爲六七作也。 庚丁立。 弟祖甲立,是爲帝甲。 相之,故 仲、王子比干、箕子、膠鬲,皆賢人也 家遺俗、 也。」故以「興」釋「作」。 六七,惟祖 史記·殷本紀》云"「帝武丁崩,子帝祖庚立。 庶民 此 難 民莫非其臣也, 時,故難 微 也。 帝太丁崩,子帝乙立。 ,故高宗嘉靖殷邦之化,雖歷武乙之無道,餘化猶存。 仲、 少子辛,辛母正后,辛爲嗣。 帝庚丁崩,子帝武乙立。 庚不甚賢,不能承武丁之化,祖甲復振興之,與太 流風 久而後失之也。 膠鬲,皆良臣 注約 也。 善 得高宗餘化,又多良臣,故久乃亡 疏 政 帝甲崩,子帝廩辛立。 紂之去武丁未久也,其故 然而文王猶 猶 「紂之去武丁未久也」〇正義曰: 也,但不在三仁中 有存者, 帝乙長子曰微子啓,啓母賤 禮·舞 尺地 武乙無道,震死,子帝太 帝乙崩,子辛立,是 師 《吕氏春秋·義賞》 方百 又有微子、 莫 》注云:「興猶作 非 帝 里起,是 其 帝祖 耳。 ,相與輔 廩辛崩,弟 有 庚崩 文王 也, 微 爲 0 0

義曰: 乃攘 小民方興,相爲敵讐。」馬融注云:「非但小人學爲姦宄, 罔不小大好草竊姦宄,卿士師 流風之播,恩澤之政,謂君上也。 年,顯與《無逸》相悖,是不足議也。 年。」此即指廩辛、庚丁、武乙、太丁、●帝乙 至紂。 宗百年,加以祖甲三十三年,百餘年深仁厚澤,其下歷 欽》二傳,王充《論衡·無形》《異虚》二篇,皆本今文,則以 今文《尚書》「高宗饗國百年」、《漢書 非,羣臣相 邦,方興沉酗于酒,乃罔畏畏,咈其耇長舊有位人。 其爵禄又無常得之者,言屢相攻奪。」又云:「天毒降災荒殷 士以下轉 未久」。 (竊神 故家、勳舊世家、謂 《無逸》固云:「或十年,或七八年,或五六年,或四三 晉人僞作《竹書紀年》謂武乙三十五年,太丁十三 祇 相師效、爲非法 奪,則故家不存矣。 之犧牲牲,2 用以 度。」鄭氏注 臣也; 師非 小民姦宄,竊攘以 容,將食無災。」 遺俗 《尚書 度,凡有辜罪,乃罔恒 ○「其故」至「存者」○正 云 ,敦龐善俗 五行志》及《劉 微子》篇云: 草臣 而言,故孟子言 按: 皆 謂 有是 向 則 卿 民 今殷民 遺俗  $\approx$ 士 也 Ŧī. 「般 爲 世 杜

<sup>「</sup>太丁」字同。「太丁」字同。「太丁」字同。

<sup>「</sup>牷」,原誤作「拴」,今據經解本及《尚書》改。

辟 飲 化物 I, 之所以不存而姦民無忌畏矣。 時之威,至於刳孕斮脛,蓋齊文宣之比耳。 天下,人人知之,吾謂不盡然。 廢 無存矣。 自 服、侯、甸、男、衛、邦伯、 自 而 主昏於上而政清於下也。 以亡者,文宣承神武之餘,紀綱粗立,而又有楊愔輩爲之佐, 宣之惡未必減於紂而齊以强,高緯之惡未必甚於文宣而齊 不能保,而況以紂之狂酗昏虐,又祖伊奔告而不省乎? 食無災」,可謂民玩其上 變而命 民 [成湯咸至於帝乙,不敢自暇自逸,矧曰其敢崇飲。 [取之。]按:小民草竊,至于盜 弛 有炮烙之法 紂 ,則小民不畏國法, 湎 而上之令不能行於下,未有不亡者也。 酣身,荒腆于酒,于是庶羣自酒,至 越百姓里居,罔敢湎于酒。」周 ,則謂之風。 于酒 《盤庚》之書,則卿大夫不從君令,再變而《微子》之 顧氏炎武《日知録》云:「自古國家承平日 爲戒 ,厚賦稅以實鹿臺之錢 此 上不崇飲, 流風 至於「攘竊神祇之犧牷牲,用以容,將 而威刑不立者矣。 越 不 至高緯而國法蕩然矣,故宇文得 在内 存 則 《酒誥》云: 紂之爲君,沉湎於酒,而 而 下 服,百僚庶尹,惟亞 犧牷牲而容之不問 愚 不 續之《詩序義》云: 民 湎 (無懲戒 盈鉅橋之粟,則 酒 《康誥 「在昔殷先哲王, 即以中主守之猶 此 商之衰也久矣, 矣。 紂以不仁 遺 》尚 風之善 至於重 諄諄 久, ,此遺俗 越在外 惟 曲 祖宗 以羣 服 逞 而亡 法制 也。 文 刑 我 宗

其孫腯 之善政 子不 子曰 名。 馴 因 立己次子衍。 以 微仲。」是皆以微仲爲微子弟。 微子世家》云:「微子故能仁賢,微子開卒,立其弟衍 啓與仲衍也,其時尚猶爲妾。 啓,其次曰仲衍,其次曰受德,受德乃紂也。 耳。」《吕氏春秋・當務》篇云: 鬲,非孔子所稱,故趙特表云: 義曰: 微子、箕子、比干,孔子稱三仁,其賢可知。 冠乎「遺俗」、「流風善政」之首也。 故家大臣尚存,故盤庚藉是而興,此孟子所以以 係屬,不即 未 衍爲微子適子之弟。 服其心。 .在位之言不樂從,盤庚必再三告誡,反復於乃祖乃父, 盡喪也。 得干焉。 微仲,名衍,即後國於宋者。 微子既國於此,其長子應曰 乃無存 而立衍 離心。 然則故家存則君有所顧忌,不即妄作, 故家與國同休戚,與 微子則 故微仲實微子之第二子,非其弟也。 而 」云:「微子適子死,立其弟衍,殷 良民皆盡盡矣。」云 於 **盤** 從 閻氏若璩 其 庚》之誥,正見陽甲 、故殷之禮,舍己之長子之子腯 已而爲妻而生紂。《史記 「紂之同母三 唯鄭氏注 民相係屬 微伯,早 「皆良臣也,但不在三仁 以周禮適子死立適孫,次 《釋地續》云: ○「又有」至「相之」○ 「猶有存 卒,有子名 《禮記 故盤 人,其長日 時 二者, 紂之母生 亂 放禮也。」 微 檀弓三合 「故家之存 雖九 庚遷 文王 微 民有 此與子 世, 殷, ,是爲 仲、 似 内國 一微子 微 時 膠 宋 中 以 而 是 子 正 而 所 民 尚

固《古今人表》 立弟 周臣 具臣備子爵耳,至是改封宋爲公,承殷祀以守三恪,則既爲 門,史稱武王乃釋微子,復其位如故,則在 云: 膠鬲輩,同時並稱,且稱爲賢人,又稱相與輔相之,又稱久而 者。 之子未嘗再封微也。 稱「微伯」與「微仲」也。 後失,則直是商辛老臣,何微子之子之有?」又辨《日知 國號,康伯者謚也。 作《系本》、《世記》及《古史考》諸書者遂僞造此名,不知 雖蔡叔之子亦稱「蔡仲」,然彼仍封於蔡,故仍以蔡名,微子 以吴君之弟稱吴季也。 後武王伐紂,仍使居微,故仲以微君介弟稱爲微仲,猶 書》、《春秋傳》皆稱《康誥 封康,亦畿内國也,及成王封康叔于衛 臣周之心,極其明白。 至成王戮武庚,封微子於宋,則 商畿内國號,商所封 伯禽之子考公傳弟煬公是也,然斷無魯公之子稱魯伯、魯仲 「微子存國抱器是實,若封微又封宋,則直受爵矣。 此必見《衛世家》康叔之子即名康伯, ,復爲周賓。《詩》稱『侯服于周,祼將于京』者,其始終 且孟子稱微子、微仲、王子比干、箕子 也。 即周初立國,尚有襲殷遺法傳弟者,魯 若其終身稱微子 微是 若微子之子,則 家不 至武王伐紂,微 畿内國 稱《衛語 初以 武庚續殷祀,微子不過 名,紂 影,叔 ,則衛侯矣,然 而不稱宋公,康 長世子,次公子也 子持 謂國號可襲稱, 以 亦終其身稱「康 周已仍封微 封 祭器 其兄; 造 而 康 叔 于 季 而 矣 微 《尚 札 其 叔 而 初

臣,倒戈之士,接跡於天下矣。」毛氏奇齡《經問》云:「《檀

弓》所謂舍孫腯而立衍者,固是微仲。

然是微子之弟,非微

子

,稽則遠矣,於是始稱宋公。

後之經生不知此義,而抱器之

然繼宋非繼微也,而稱「微仲」者,猶微子之心也。

至于衍之

受國而不受爵。

受國所以存先王之祀,不受爵所以示不臣

微子卒,立其弟衍,是爲微仲。

十以伯仲之字也。」顧氏炎武《日知録》云:「微子之於周,但

氏,上有伯兄,字降而次。

氏者, 胙之土而命之氏, 字者, 五

断無兄弟並封一

國之理。

其證三。

則知微仲也者,子襲父

之節,故終身稱「微子」也。

啓既殷帝乙之元子,衍果屬次子。

王畿千里,豈少間

土?

於「微子」下注云「紂兄」、「宋微仲」下注云「啓子」。

其證二。

服伯子引以況公儀仲子者脗合。

其證

0

班

立庶 不稱微 傳微子之孫腯是也。 ,非殷法亦非周法,于 (而稱宋,始遵周法。 此是殷法。 禮家何取焉? 若微仲是微子之子,則微子舍適 至微仲傳子宋公稽後,始 且微子之子不得

微仲

也。

自鄭氏

注

《禮記》,遂有疑衍是庶子,爲適子之弟

此終是誤解。

考殷代傳弟之法,先傳及而後傳世。

及

子子也。

其云舍孫立衍者,謂微子之子死,不立孫腯而

者,兄終弟及,如微子傳弟衍是也,世者,父子相繼,謂

傳弟

之後,弟即傳己子,而不傳兄子兄孫,如微仲傳己子稽而不

武 鬲 《書序》注云:『紂母本帝乙之妾,生啓及衍,後立爲后,生受 四内,皆以 日 廉 解鄭注,不可爲據。」膠鬲之事見於《吕氏春秋》者二: 德。」是鄭本以衍爲微子之弟,非謂立適子之弟也。 則 是也,其稱「仲」則以既爲國君,仍得稱己之字以爲字、《詩 「微」則以國君介弟原 稱。 矣、吴太伯、吴仲雍是 其 周 不臣之心邪? 鄭注:「微子適子死,立其弟衍,殷禮也。」北齊刁柔云:「然 序》美秦仲是也。 叔」不稱「衛侯」,豈康叔受國不受爵邪? 「將目甲子至殷郊,子目是報矣。」膠鬲行,天雨,日夜不休, 王曰: 《殷適子死,立適子之母弟。」 按、《詩・大明》 疏引鄭康成 地 候周師,武王見之,膠鬲曰:『西伯將何之? 有同封 篇云: 「加富 微仲同宋國,未嘗同微國也。 ,遂以並 「不子欺,將之殷也。」 而同稱者,號仲、 「武王即位,使叔旦就膠鬲 一歸。」其一《貴因》篇云:「武王至 一等,就官 稱 然則弟衍稱微仲,則衍未嘗封 微 皆 仲不同 史例也。」周氏柄中 《得稱兄之國號以爲號,《春秋》書吴季 也。 列。」爲三書同 太伯、仲雍先後君吴國 號叔是 封 也。 膠 鬲曰:「朅至?」武王曰 也。 有先後 然而稱「微仲」者,其 辭, 形次四 仲、 《辨正》云: 血之以牲,埋 立國 抑 叔 沿当封 亦倒戈之士有 微 鮪水,殷 内 無欺我 而 也。 而 號 而 亦 「《檀弓》 刁柔誤 與之盟 同 何也? 亦 而 一《誠 也。」 使膠 以 稱 兩 於 稱 並 分 者

> 信也。 一鎡供 也。 夏; 時,三農時也。 基,不如待時。」今時 齊人有言曰:"雖有智慧,不如乘 音甲、《廣雅》云『輔也』。 鬲賢而費仲無道也。」《音義》出 玉版, 紂令膠鬲索之, 文王不予。 自殷適周,佐武王以亡殷也。」《韓非子・喻老》篇云: 也。 也。」《國語 已令膠鬲呂甲子之期報其主矣。 武王疾行不輟,軍師皆諫曰: 至「之屬」〇正義 云:「《説文》云: 妲己有寵,❶於是乎與膠鬲比而亡殷。」注云:「比 伊尹欲亡夏,妹喜爲之作禍,其功同 乘勢,居富貴之勢。 鉏 膠鬲不信 也。」鉏之言除也。 · 晉語》云: 「妹喜有寵,於是乎與 Ē: 『挾,押持也。』古通作夾。 也,其主必殺之,吾 今時易以行王化者也。 王氏 義與夾同。」王氏念孫《廣雅 念孫 則易然 鎡 「卒病,請休之。」武王曰: 《説文》: 基 《廣 「輔相」二字,云:「丁 費仲來求,因予之。 今甲子不至,是令膠 · 田 雅 也。 疏 器,耒耜之屬。 疾行以 组,立 也。 證 》云:「《釋器 勢 押、挾聲 **注**齊人諺 膠鬲,殷賢臣 疏注 救 薅 伊 膠 斫也。 」又 尹 雖 鋖 鬲 相 比 有 疏 作 周 是膠 比 之 鬲 近。 而 基 吾 證 待 鎡 有 功 Ľ 死 不

❶ 「妲」,原誤作「姐」,今據《國語》及經解本改。

稍狹,上有短銎,以

受鉏

鈎

鈎

如

鵝

項,下帶

深袴,皆以

鐵

其度也。

其耨六寸,所以間稼也。」三曰耰鉏

,古云斪

名定,耰爲

鉏

柄

也。

《齊民要術》曰:

「其刃如半月,比

地去草也。二二曰耨、除草器。

宣

一有半。

元人王楨

《農書》載

三器,一

日

鎛

耨

别名也。

》詩曰:

「其鎛斯趙、以薅茶夢。」《釋名》:

「鎛,迫也。

,無論治田攻木,並

向懷而斫擊之。

其倨句之度,則皆

然皆擊而

用之,故同訓

斫

也。

平,然後用澗斤向懷句斫之,俗呼「絣子」。二者同名異實。 ||周傳》攢作「兹其」、《周官・薙氏》注作「兹其」、《月令》注 又判其宣爲半宣以加於半矩之宣,其倨句謂之 「錤,一以攻木,今木工斧劈之後,木已粗 蓋曰欘曰斸,皆言其器之爲曲 《吕氏春秋》曰:「耨柄尺,此 「欘,斲斤。」引《爾雅》「句 樊酈滕灌傅 宣之爲物,未 斫訓擊。 斸,一 木壠 《良 兹 爲 迫 而 齊 相貺耳。 句。 時 「三農、平地 大宰》「以九職任萬民,一曰三農生九穀」,注: 異 所謂「今之耜岐頭兩 以庇爲耜之異文,謂耒下岐。 頭金,上有銎以貫耒末,庇即耒末之木以納於耜銎者。 後鄭注:「庇讀爲棘刺之刺。 至於首,如是以弦之,則得其弦之數爲六尺,以與步相 内之六尺有六寸而弦之,其法當如何,只須自其 數,所弦中步之六尺也。 謂本體之實數,耒木三折之,六尺有六寸也,外謂空中 注「内」「外」二字誤解。 外以至於首以弦,其内六尺有六寸,與步相中也。」瑶 倨句形之已句者而有淺深之殊。 之,以受木柄。 寸,中直者三尺有三寸,上句者二尺有二寸。 也。」程氏所説鎡基耒耜,分别精詳。 謂此原隰平地之農所種九穀,各有其時 「自其庇緣其外以至於首以弦」十二字連讀爲一 ○注 山、澤也。」玄謂:三農,原、隰及平地。」三農 「待時三農時也」〇正義曰: 鈎長二 金」也。 尺五寸,柄 『其内六尺有六寸』七字連 此持表弦之之法以示人,謂 今指庇爲木材,故宜與耜 刺,耒下前曲接耜 耒下岐者,後鄭「耜廣五 又云「車人爲耒,庇長尺有 亦如之。」上三事 趙氏以皆田器 《周 「鄭司農云: 夏后、殷、 禮 自其 り則 庇緣其 皆 天官 句。 耜 庛 欲 田 一寸」注 中 鉏 故以 緣其 金 **先鄭** 爲耒 据 之虚 爲 謹 也 内 謂 材 其

欘。

欘之爲物, 鉏屬也。

鄭注云:

知其審也。

欘謂之定」。

《爾雅

》字作「斪斸」。

《説文》:

「欘,斫也。

謂

之鎡錤。」按、《説文》有欘字,又有斸字,並訓斫。

吾於欘從木當爲銀

,斸從斤則斤屬,

以起土

,田器之句

斫之者也,故曰鎡

靳

『鎡錤」,並字異而義同。」程氏瑶田

《通藝録

· 磬折古義

「《考工》車人之事,半矩之倨句謂之宣。

其也。」《孟子》「雖有鎡基、不如待時」、《漢書

云

「斫,齊謂

之兹其。《衆經音義

》引《倉頡

篇》云:

组

四九

五〇

爲 政 之音相聞。」翟氏灝《考異》云: 更 也? 言民 矣; 周之 者之不作未 薪」、「絶長補 굸 正 莫之能禦也。 命。』建言王政不興久矣,民患 土民人已足矣,不更辟土 也。 義 不 飲 未 日: 「樂其俗,安其居,鄰 更聚,故趙氏以 室屋相 非 雞鳴 有 地 盛 疏注 此經言 盖子 《莊子 不 甚 孔 狗 地 ·改辟 於 「不更辟土聚民也」〇正義曰: 子 短」、「過化存神」之類,均當持此論觀。」日 後 望 地不改辟」即 吠 未 時 此 有 而 Ы 胠 而 疏於此 衆多 注三代之盛 相 有 時 矣,民不改聚矣,行仁 篋》篇云: 「更」釋 其 聞 者 過 辭 德 也 里相望, 而 也 有同 千 之流 改」。 時 是地不 達乎 聚民 里 以 者, 「昔者,齊國 「此必時 者 飢 此 者 雞犬之聲相聞。」百家之 如「挾 ,封畿千里耳,今齊 ,四境, 行 者 也,民之憔悴 ○注「雞鳴」至「多 也。 行 更辟,「民不 虐 也 易 速 仁 政 俗 山 雞 而 爲 甚 於 而 《説文》云: 語,故《老子》亦 鄰 而 超 鳴 食、渴 王 矣。 置 邑相 海」、『杯 齊 齊 狗 政 改 誰 郵 吠 有 有 若飢 聚 望 能 而 相 於虐 者 其 其 而 也10 つ改 水 即 止 雞 王 聞 傳 易 王 民 者 之 地 地 車 狗 是 傳 疏 日 同

今驛 考》云: 文 | 云: 義曰: 霸傳》「郵亭 烏孫傳》「有便宜因騎置以聞」, 云 篇云「身憔悴而考旦」,王逸注云: 「不興」 誘注云: 命 食易爲 傳, 車。 證 郵。」 `義,故以 也。 「顔師 館。」 宣 爾爾 一馬遞 其後單 語 釋「不作」。 「顇,顦顇也。」 美,渴 疏注「言 ❶「毛晃《禮部增 「疏,長 |引《孟子》爲證。」此 郵 也。』《爾雅》「馹 雅 古《漢書》注云: 「患」釋「憔悴」。 鄉官」, 指 置 駕 置 者飲 釋 也。」長與久同 車 馬 驛 詁》云: 王」至「甚矣」〇 《淮南子 師 ·之馬, 也。 謂之驛 以易爲 古曰: 顦顇與憔悴古字 韻》: 非 遽,傳 方 速, 甘, 「傳若今之驛。 騎。]字書曰:[馬 ○注「疾於置郵 徒馬 解置 「行書 言 「馬 氾 師 疾也。」閻氏 義, 德之流 也。」注 論訓 古曰: 也。」周 遞 郵 Œ 舍, 「憔悴,憂 「驛,傳 故以「久」釋「疏 甚 曰 義 ž 置 傳 明。 **芸** 日 通。 行 「即今鋪 氏 送 步 體 也。」郭 疾 廣業《孟 古者以 王氏 傳書 「皆傳 作 文 若 **参** 搋 貌 大者 於置 書 遞 日 璩《釋 也。」憂 興 念孫 置 命 辭 日 所 郵。』《漢 車 節 璞 也。 車 置 也 郵 止 也。」《黄 子 驛 注 疏  $\overline{0}$ 處, 地 離 傳 馬之 廣 異 步 謂 與 故 굸 《説 續 世 如 搋 之 患 以 書 正 高

<sup>0</sup> 異 本」, 原誤作「逸文」,今從沈校據《孟

苗服。 之。 倒懸也。 故曰: 云: 驛。 古人,而功倍之矣。 爲然。」注倒懸喻困苦也。當今所施恩惠之事半於 當今之時,萬乘之國 「三苗不服、禹請攻之。 是書謂之命,故以「書」釋「命」。 《呂氏春秋・上德》篇云: 本亦名「傳」,而經文「傳命」之傳則言其傳遞,故以「而」字間 足申明「置郵」二字,故趙氏於「置郵」二字不復解, 書于舍止之處。 謂之置郵,謂之驛。 以 經過日 也。」《孟子》「速於置郵而傳命」。」段氏玉裁《説文解字注》 名。」《玉篇》云:「驛,譯也。」三者皆取傳遞之義,故皆謂之 其車馬傳遞,謂之置郵,謂之驛,其傳遞行書之舍,亦即 「《釋言》「郵,過也」。 《周禮·春官·典命》注云:「命謂王遷秩羣臣之書。 置郵者、❶《説文》:「郵,竟上行書舍也。」「驛,置騎 德之速,疾乎目郵傳命。」」此爲孟子引孔子言之證 孔子聞之曰:「通乎德之情,則孟門、太行不爲險矣。 郵,過失亦曰郵。」按:置、郵、傳三字同爲傳遞之稱。 故事半古之人,功必倍之,惟 「置郵」即「傳命」之名,經文「傳命」二字已 自竟上行書之舍而傳,亦即傳遞所行之 言今行之易也。 舜曰:「以德可也。」行德三年而三 按,經過與過失,古不分平去,故 行仁政,民之悦之 疏「民之悦之」 「置郵 猶 此 時 解

> ○正義曰:《文選·論盛孝章書》注引《孟子》解矣。 ○正義曰:《文選·論盛孝章書》注引《孟子》作「民悦而歸 之」,又《馬汧督誄》注作「民悦之」。按李善注《文選》與李賢 之」,又《馬汧督誄》注作「民悦之」。按李善注《文選》與李賢 之」,又《馬汧督誄》注作「民悦之」。按李善注《文選》與李賢 之」,又《馬汧督誄》注作「民悦之」。按李善注《文選》與李賢

藝文志》:「《太公》二百三十七篇:《謀》八十一篇、《言 邑。天下三分,其二歸周者,太公之謀計居多。」《漢書 記·齊太公世家》云"「周西伯政平,及斷虞、芮之訟 覩文王而陳王圖」〇正 圖,管、晏雖勤,猶爲曾西 得時,大行其道。 詩人稱西伯受命曰「文王」。 七十一篇,《兵》八十五篇。 章指: 言德流之速,過 義日 是以吕望覩 伐崇、密須、犬夷,大作豐 覩,見也。 所 於置 羞 文王 也。 啚 郵。 謀 疏 而 也 陳 吕 而 史 望

公孫丑曰:「夫子加齊之卿相,得行道

「置郵」,原誤作「郵置」,今從沈校據注文改。

0

正義

五二

乎? 是也。 是也。 邪? 焉 也。 異於古霸王之君」,是 之位,故 굸: 氏以「行其 桓公《公羊》、《左傳》「家父」、《漢書・古今人表 於古霸王之君矣。 相之位,行其道德 新 《盛德 止 慎 丘雖 |義曰:《大戴 義,故轉注加亦猶居也。《説文》云:「家,居也。」家通嘉· 人》篇云「胼胝不居」,高誘注云: 愚者不 由 雖 疏注「加猶 》篇云:「冢宰之官以成道,司徒之官以 丑以 嘉亦通. 加 注 道 云「用 由 用 之猶居,又家之假借也。 德》篇云: 加 道德」解之。 也。」趙 加 此 此爲大道 體 猶 此 加、《詩·行葦》箋云「以脾函爲加,故謂之嘉 霸 禮 焉」,高 臣位 居 居 氏斷 王 也 , 雖 王言》篇云: 也」〇正義 「道: 輔君 解異 如是寧 誘注 《毛詩》「君子陽陽,右招 不 不易,人當畏懼之,不 用 雖 Η. 者,德之本 爲 行之」,「行」即 - 異矣。 此 問 由 云 「同異」之異。 此」三字爲句,以 動 臣 孟 曰:《淮南子・主 加加 心 位 子, 「道者,所以明德也。」又 ○注「行其」至 畏難,自恐不 而 「居,止也。」加、 也。」故經言「行 猶 如 如 止 輔君行之,亦 使夫子 此 也。」《吕氏 「行道 公孫丑倒言之。 則 此字 我由 成德。」賈誼 》作 也。 得 動 「君矣」() 敢 術 能 「嘉父」 居 居 指 房 道 春 云「不 訓 心 欲 不 行 斖 二,趙 並 秋 卿 崇云 否 型 卿 行 否 相 有

> 四十不動心」者,不動其「行一不義,殺一不辜而得 也。 則四十不惑,是 注 異。 注順 不爲也」之心。」曰:「若是則夫子 相行道之時也。 未能堅强則有 强即不惑,不惑即不動,故引以釋「不動心」也。 而仕」、《禮記 有 分》篇云「有所達則物弗能惑」,高誘注云:「 所畏也 孟子言,禮, 顧 解之也。 與趙氏異。 氏炎武 疏注 所疑惑,疑惑則生畏懼,故以動 近 《日知録》云: 曲禮上》篇文。 智慮强 枉道事人,曲 四十 解 孟子 「不異」 禮四十强 强 Ħ: 而 謂 則 仕。 「凡人之動心與 雖 「否,我 學阿世,皆從此 氣力强也。」《吕氏春 孔氏正義云:「强 而 從此 仕 我 志 ○正義 而 氣已定,不妄 成 過 四 霸 「惑,動 十不動 孟賁遠矣。」 否 日 : 王之業,不 心爲畏 而 固 惟智 四十 始矣。 有 也。」 在 天下, 秋 其 難 慮 心。 義 動 然 足 加 氣 H 自 『我 有 知 心 卿 恐 力 則 强 怪

頭 用衆》篇 注丑日,若此,夫子志意堅 「孟賁庶乎患 孟子勇於德。 必己》篇云: 顧不知其 云: (孟賁 故 術而邊境弗 孟 疏注「實勇士也」〇正 以衆勇 也 賁 過 中 於河、先其五。 無畏乎孟賁 河 患。二注云: 孟 世 費 膜 目 勇 過 矣。 孟 孟 而 船 義 賁。 視 黄,古 日:《吕氏 人怒 田 船 駢 賁,勇士也 人 而 謂 之大勇 髪 以 齊 植 楫 春秋 王 目 士。 虓 日 其

心矣。

孟軻之勇,曰:

故勇者多桀傲自逞,遺落

「勇。」「貴乎?

道云何?

曰:「有。

之養勇也,不膚橈,不目逃,思以一豪挫 心。」注孟子言是不難也,告子之勇未四十而 心,於勇也其庶乎!」曰:「是不難,告子先我 非借之贊不動心之難,正以氣强之人,心有捍護,易於不動, 軍、服猛獸之故也。」毛氏奇龄《逸講箋》云:「夫子過孟賁! 朔傳》注引《尸子》云:「人問孟賁:「生乎? 子》云:「孟賁水行不避蛟龍,陸行不避兕虎。」《漢書・ 解》引許慎曰:「孟賁,衛人。」《史記・袁盎傳》《索隱》引《尸 「勇。」三者人之所難能而皆不足以易勇,此其所以能攝三 云:「船人不知孟賁爲勇士故也。」《史記 )注「孟子勇於德」○正義曰: 無先者,又況於辱之乎? 曰:「不動心有道乎?」注五問 勇於義而果於德,不以貧富貴賤死生 勇乎?」曰:「勇。」「富乎? 入於河。 注 切,此正與養勇、養氣相接人。」 孟子欲爲言之。 《音義》引《揚子》曰:「請 使船人知其孟賁,弗敢 此 以 不 知 范 故 勇乎?」曰: 勇乎?」曰: 雕列 也。」高 不動 北 傳》《集 於人 宫黝 不 心之 不 東方 動 誘 動 動 其 問 直 注 有云:  $\overline{Z}$ 策 侯,世主以爲廉 雕之議,不色橈 北宫氏也。」翟氏灏《考異》云:「《韓非子·顯學》篇云: 人,宜可信。 孟子所謂北宫黝也。」誘生於漢世,所見書籍尚多,以 觚,招其末,則庸人能 而黝獨未詳,亦可考否? 疏注「北宮」至「中矣」○正義曰: 以惡聲加己,己必惡聲報之。 獨夫被褐者。 矣,人拔一毛,若見捶撻於市朝之中矣。 人刺其肌膚,●不爲橈卻,刺其目,目不轉 侯, 惡聲至, 必反之。 乘之君,視 》趙威后問齊使云:「北宫之女,嬰兒子無恙?」則 問《孟子》書有北宫黝、北宫錡,趙氏注以錡 「握劍鋒以离北宫子、司馬 春秋之世,衛亦有北宫氏,世爲正 而禮之。」按韓非所稱 刺萬乘之君若 不目 嚴,尊也。 以制勝。」高誘注: 1逃,行: 日 曲 無有尊 回則違 淮北宫,姓, 黝 事固 錢氏大昕《潛 言所養 蒯 於臧獲 刺 漆雕之議 嚴諸

視,涉

鬢指,舟中之人盡揚播

褐

夫,無

嚴

諸

黝,

名

也

精

逃避之

褐

寬博

0 肌」,原誤作「飢」,據經解本改

, 行直則

怒於

上二語

與

此

若撻之於市朝,不受於褐寬博,亦不受於萬

《淮

南

子

爲衛人

蕢,不使應敵。 不可考,然

育

勇

氣

如 者

是。

研

堂答

問

侯

可

敬

也

『北宫子,齊

人也

卿。

齊 《戦

亦

有

「漆

い黝爲

齊

歟? 文同 同 勘記》云: 之儒、《漢志》儒家有《漆雕子》十二篇: 振 黝 也。」《廣 同 年《左傳 之橈,女絞反。 名 矣。』《春秋繁露・ 罰 漢書 膚」。 **》** 云: 「毛」釋「豪」。 箠 拉 不畏其刺,是不因膚被刺而屈,不因目被刺 却《廣雅 |非也。」《易・大過》「棟橈」、《釋文》云: 記不敬 推 司 ,下二語 逃 抑子襄之出於漆雕氏也? 拔」,是 《音義》云: 形體》 吾丘壽王傳》云: 避」互 雅 馬 墨云 「勇 , 撻其背。 」 達 遷《報任安書》云:「其次關木索、被箠楚受辱。」 ± 「閩、監 釋詁》云: 師 與 <u></u> 云: 可。 不 挫 釋言》云:「卻,退也。」《史記 俗從手者,撓擾之撓, 徒 曾 亦拔 挫之訓 却 度 爪肌 燒敗」,注云: 《文選》注 子 「橈,丁奴効切。 死 .毛三本橈作撓。 制 謂 也。 古 而 》篇云「肌膚血氣之情也」。 逃, 懻 子 爲推、素問 文撻。 滅名」、《索隱》云: 「民以耰鉏 《説文》手部云: 也 襄 引《聲類 避也。」畏其刺則 意 似。 膚 《周 「 橈 幕 韓言儒分爲八,有 《五經文字》云: 書》: 堅懻也。」故以 其 捶挺 曲 火刀反。」」阮氏元《校 按、《音義》出橈字、作 五常政大論 其 「漆 也。 「曲折也。」成公二 書久亡,無 相 「遽以記之。」」捶 雕」爲 「撻、《鄉 豪,長毛 撻 曲 而 必 却 魯仲 擊。」捶本馬 .猶 退 避 死 北 也。 屈 ž 飲 却 劉熙《釋 連 猶 也。」 宫 也。 能 漆 . 一柱 肌 酒 逃 丁其變 避 鄒 案 雕 黝 「橈 避。 故 死 陽 卻 橈 釋 驗 氏 字

弓》: 皆因 啓; 本禹, 哭辟 退朝,周 也。 之於市朝」,正是司市之朝耳。 於市、於市則辱之極矣、是以斷斷無撻之於朝者。 隱》云:「言市之行列,有如朝位,故曰 者、《史記・ 刑徇罰,大刑扑罰。」又曰: 撻人之事,市 궁: 云: 地續》云: 出入之禁令, 杖之名,用 「市朝」乃連類而及之文,若躬稼本稷,而亦稱禹, 三過不入 左傳》殺三 善哭其 「「若撻之於市朝」 「朝市雙言 其 見《孟子》者,僅得 市朝,奔喪 「遇諸市朝,不反兵而屬。」 兵器非 而 生烈云 「君之朝」,鄭康成云 「季氏朝」,則有司 亦稱稷; 而 以 夫而變國 孟嘗君傳》「日莫之後,過市朝者掉臂不顧」、《索 並 郤,皆尸 「市朝」二字 則有之。 撻 凡 言其 亦但 擊,故 朝 有罪 以紂爲兄之子本指王子比干, 也 諸朝; 過市,無過朝之事 俗本指杞梁之妻,而 者 ,古文體 《周 即《書》所言「若撻於市」。 撻 市 撻 亦 也 市字,蓋古者撻人各有其所, 禮 見《論 謂 戮 「胥執鞭 董安于 · 司 之捶 朝 則有然者。 而 古者朝之名通於上下。 市單 罰 市 語 矣。 之。」 - 》 「市 縊 度 者, 言, 市朝。」」閻氏若璩《釋 耐 而巡其 顧 也。 可 是 市之朝 死 乃殺 趙 氏 人 刑, 亦及華 也 趙 炎武 其謂之「市朝 朝 氏 前 人陳尸之 小 佑 孟 之物。 而 也。 禮 刑 掌其 古者朝 亦及微 日 周 温 憲罰 或 諸 記 之妻。 「若撻 知 故 冉 聽 市 奔 曰 坐 録 所 録 是 作 中

「爲致椁」,

有加義,故云「加

己

《國

語

晉

語》云「反使者」,

注

0

反

,報也。」「必反之」是必報之也。

《爾雅

·釋詁》云:「育

也。

至猶來也。

可 敬

敬

也。

吸者也」。

自吾得由

郭注云:「致謂積累之也。 子侍衛,故侮慢之人不敢有惡言。」惡猶過也,指斥過惡之言 黝心目中蔑視之,無有可尊敬之諸侯,故云「無尊嚴諸侯可 寬」至「褐者」○正義曰:《詩・七月》篇「無衣無褐,何以 役以備巡儆,其大者謂之官廳,漢唐謂之街彈室。」○注「褐 之處言朝,猶是公所矣。 也。」尊、嚴、敬三字義同。 春秋·審應》篇高誘注云: 歲」,箋云:「人之貴者無衣,賤者無褐。」是褐爲賤者所服。 云「獨夫被褐」者。「褐寬博」蓋當時有此稱也。《老子》云: 上言「褐寬博」,下言「褐夫」,則褐寬博即是衣褐之匹夫,故 聖人被褐懷玉。」○注「嚴尊」至「如是」●○正義曰:《吕氏 「惡聲」猶惡言也。 先以「尊」釋「嚴」,又申言「可敬」,謂無尊嚴即 注云:「致謂累也。」又《酷吏傳》云「致令辟爲」, '惡言不入於耳。」《集解》引王肅云:「子路爲孔 「惡聲至」即惡言來矣。 嚴,尊敬也。」《廣雅 今京城内外衢市,多立堆撥,設 嚴字連諸侯,謂可尊敬之諸侯。 「嚴・尊也。」《禮記・學記》云「嚴 致,至也; 《 史記・ 積累,加也。」是至亦 仲尼弟子列傳》云: •釋詁》云:「尊,敬 《漢書·外戚傳 ×× 無 卒 員 굸: 疏 氣。 必勝哉? 必勝哉? 直養,則不善也。 字者。 今日舍,則舍其名也。 能

師爲難」,注云:

若璩《釋地又續》云: 林」,箋云:「殷盛合其兵衆,陳于商郊之牧野。」此云 勝者足勝乃會。 養也。」故以「育」釋「養」。 施、發音也、施舍自言其名則但曰「舍」。 進,慮勝而後會,是畏三軍者也。 云:「育,生也,長也。」養育勇氣即是生長勇氣 而後會」,謂合兵也。 所養勇也,曰: 「慮勝而後會」○正義曰:《詩・大明》篇「會朝清明」, 「會,合也,合兵以清明。」《詩》又云「殷商之旅,其會 但孟子之氣以直養而無害,則爲善養; 要不恐懼而已也。 無 善在直其養,所以不同 若此,畏三軍之衆者耳,非勇者 懼 「原趙氏之意,以古人二字名,無 ○注「孟姓」至「曰舍」○正義曰: 『視不勝猶勝 而已矣。』注孟,姓, 《禮 記 • 以爲量敵 中 庸》「萬 也。 也 黝等之氣不以 舍豈 少 物 量 孟 養 舍豈 而進, 舍,名 育焉」, 敵 施 勇 刃即是 立能爲 舍之 而 「慮 能 單 閻 也 後 爲 慮 稱 氏 勝 如 塞 注

「如是」,原作「是也」,合於宋十行、閩、監、毛等本,今據 本書注文及阮校所述孔、韓等本改

古未見有複姓孟施者

則

五六

其

姓

也。

子

時魯有

E

「於越。

云:「古人二字名 曹叔名振鐸、《國語》但稱叔振。 若在中 遂以 少施氏,安知 發 音當 或稱 則 語助詞多用之字,未聞以施字者。 施字。 公孟施非 字。 不 少 如紂名受德、《書》但 ·知發聲在首,如吴曰 ·施一例乎?」翟氏灝《考異》 晉文公名重耳、左傳 勾 一稱商王 ,吴,越 且孔 本。』《後漢書 行,内外之稱。 論 衡

施舍不嫌其自稱「舍」也。」○注「舍豈」至「而已也」❶○正義 施 經言「能無懼」,趙氏言「要不恐懼」者,要,約也,以下言「孟 日 舍守約」,豫言之也。 孔本、韓本、《考文》古本無「舍」字,閩、毛、監三本有之。 孟 施 舍似曾子,北 宫 黝 似

但

稱晉重。

魯叔孫氏名何忌、《春秋》經定六年但稱忌。

孟

子夏。 曾子,黝譬子夏。 守約也。 子夏知道雖 夫二子之勇未知其孰賢,然而 注 孟 一子以爲曾子長於孝。孝,百 衆,不如曾子孝之大也,故以 以施舍要之以不懼爲約要也。 孟 施 行 舍 之 舍 礕

寒温 作《孝經》。」陸賈《新語》云:「曾子孝於父母,昏定晨 注「孟子」至「要也」○正義曰:《史記・仲尼弟子列傳》云: 「曾參,南武城人,字子輿。 適輕 重,勉之於糜粥之間,行之於袵席之上,而德美重 孔子以其能通孝道,故受之業 省,調 疏

於後世。」是「曾子長於孝」也。

《孝經》云:「孝,德之本也。」

雖褐 乎? 也。」注了襄,曾子弟子也。 吾往矣。』孟施舍之守氣,又不 爲得其大也。 於衆道之中得其大,是得其要也。下言「大勇」,是知得其要 與否,但專守己之不懼,故似曾子得道之大。 黝事事皆求勝人,故似子夏知道之衆, 言子夏讀《詩》,《新序》稱其論五帝師,《大戴禮記 苑》言子夏讀《易》,《尚書大傳》言子夏讀《書》,《韓詩外傳 也。」《顏氏家訓·勉學》篇云:「孝爲百行之首。」是也。 「夫孝者,天下之大經也。」是道雖衆,不如孝之大也。 《易》之生人,是「知道衆」也。《大戴記・曾子大孝》篇云: 寬博,吾不惴焉,自反而縮,雖千萬 吾嘗聞大勇於夫子矣: 書説 》篇云: 昔者曾子謂 在心爲德,施之爲行。 江 革傳》云: 「實行爲德。」《周 「夫孝,百行之冠,衆 夫子謂孔 子襄 禮 百行之本即 孟施舍不問 如曾子之守 自反 曰:『子好 師 子也。 氏》注 約之訓 而 不 》稱 善 云: 能 爲要 其言 之始 必勝 北 《説 勇 宫

「也」,原作「矣」,合於宋十行、閩、監、毛、 本書注文及阮校所述韓本等本改 孔等本,今據

0

前

之强 也; 也。 疏注「子襄」至「約也」○正義曰:子襄,薛應旂《人物考》以 義不直之心,雖敵人被褐寬博一夫,不當輕驚懼之 言孔子告我大勇之道: 惴,懼 自省有義,雖敵家千萬人,我直往突之。 也。 施 也。 舍雖守勇氣,不如曾子守義之爲約 《詩》云: 人 「惴 加 惡於己,己内自省 惴 其慄。」曾子謂子襄, 言義 有 也。 不

傳云: 也。 類。」此以惴爲自己驚懼,與趙氏異。 之」也,謂不以 順也,順故義; 純」,❶《釋文》云: 爲南武城 「不,豈不也。 云:「不字爲衍,不然則誤爾。」閻氏若璩《釋地三 云「不義不直」,明義即直也。 邇 1引《禮記》以不動心爲强 示不 」縮之爲義,猶縮之爲直。 「惴惴、懼也。」是「惴 是驚、懼義同。 ·, 語 人,未 詞。 猶經 氣臨之,使之惴惴也。 不惴 義者,宜也。 知所本。 「縮,直也。」《廣 傳 惴 中「敢」爲「不敢」,「如」爲「不如」之 褐夫易於驚懼之,「不惴」是「不驚懼 也。 《禮 强猶勇 即 言雖 趙氏既以 蓋縮之訓爲從、從故直。 引《詩》者、《秦風・黄鳥》篇。 記 懼也。 • 也。 被褐之夫吾懼之。」趙 雅 投壺》篇注「奇 王氏引之《經傳釋詞 · 釋詁》云:「直,義 王若虚《孟子辨惑 義 黝以必勝爲强,不 《易傳》言「驚遠而 」訓「縮」,又申之 續 則 從亦 縮 如 氏 諸

懼

不獨北宫黝之勇不如,即孟施舍之守氣亦不如也 不論義不義,曾子之勇則有懼有不懼,一以義不義爲斷。 義也; 施舍以不懼爲强。 勝,其氣亦不屈,故較黝爲得其要。 于必勝,設有不勝,則氣屈矣, 曾子之强則以義自守,是爲義之强也。 然施舍之不懼但以氣自守,不問 施舍之勇,生於不懼,則雖 然施舍一以不懼爲勇 推黝之勇,生 其義不 此 而 不

得人之善心善言也。求者,取也。告子爲人勇而 心,可得聞與?」注五曰,不動心之勇,其意豈 得聞與?「告子曰:『不得於言,勿求於心, 有惡心,雖以善辭氣來加己,亦直怒之矣,孟子以爲 有善也,直怒之矣,孟子以爲不可也,告子知 慮,不原其情。 可,不得於言,勿求於心,不可。 不得於心,勿求於氣。』不得於心,勿求於氣 曰:「敢問夫子之不動心與告子之不 人有不善之言加於己,不 注不得者,不 復 取 人之 其 動 無 可 心

0 注」,原無。 注 ,今從沈校補、改。 「縮」,原作「直」。 按引文出《禮記 投壺》

卿

南子 句同。 不動心是效驗。 義 曰: 亦以「存心」、「求放心」爲主,未嘗言「不動」。 故自言「勿求於心」。 求」見之。 心」、「不得於心」皆人之心, 言,不復能知其心,故不可 動 待己而己受之也。成公三年《公羊傳》注云:「得曰取。」《淮 亦指人之言、人之心,謂人以惡言加己而己受之,人以惡心 心之事,一可 是 「嗒然若喪」,佛氏之「離心意識參」,儒者無是也。 之間不免暴戾,如鬻拳之諫、先軫之唾是矣,我則但 同 則可,言 則 此不過以卿 義。 鎮定境界,故孟子自言「不動心有道」,則明 能 「不得於言」、「不得於心」與「不得於君」、「不得於親 不得於君親爲失意於君親,則此不得於言、不得於心 説山訓 知其心 蓋人有惡心而詐善其辭氣以欺我,我之心不爲之 毛氏奇齡《逸講箋》云: 딨 》高誘注云:「求猶得也。」然則求、得 用 當 而不惑於其詐,故可也,若人本有善心 心之本體不能不動。 相 一不可 以 王 心 霸 心焉能不動? 爲 不攖於心,直是得失不聾, 用 Œ 也。 而告子之「不動心」第於兩 也。 也。 若是則告子所言「勿求於 「告子惟恐求心 疏「告子」至「不可」〇正 告子非 裁説不動,便是道 學人用功,則不使不 純 存心是工夫 賢, 有前事矣。 孟子平日 即動 其 寵辱不 取 不 家之 |怒其 三字 而 心, 勿 言 動

求心。 得於心,惟恐心動,當急求之氣以强制其心,此黝、舍之所 之,則自反而縮,使氣常不餒,則不問得心與不得心而 與己之言,皆當推其所由生而求之於心,此所貴乎知言 離窮所生,所 不得於言,則當求心。 行皆從心出,言行得失即與心之動不動 舍養勇則但求氣,惟告子則不求心,并不求氣。 之所制上求者,養勇是也。 也。 告子所云「求氣」也;有「直養」一 云: 驚」,孟子所云「大行不加」,孟子自言「將降大任 在公孫弟子並無此意。 而告子則惟恐動心而 心得慊然而氣不餒,此即孟子所云『持志』,告子所云『求 性」,豈有大任是身而尚可侈言無懼,肆然稱不動心者?」又 相 也,求於氣也。 動,此曾子與孟子求心不求氣也。 「不動心有「養勇」一道、皆以氣制心而使之不動、 是不動心之道有直從心上求者,自反是也, 王霸,有 何則? 云『生於其心」是也。 何 恐懼? 志與氣本不相持而 而告子則又但力制其心而并不求氣,是 强而勿求。 何則? 此「不動心」祇是老子 孟子生平 曾子自反祇求心, 言之陂淫邪遁皆由心之蔽 道,則 又如行不得於心 何 則言有不得 轉相爲用,故以直養 許 以養勇者言之 為專以 學 兩相 問 直道 而 關 北宫 所云 電 , 毋 大抵生人 合。 慮 養其 有轉 占黝、 論人之言 其 , 則 則 假 動 恐 心 此 者言 稍 心 仍 如 孟 從 心 辱 懼 心 使 心 施 不 心 不

勇

不

知其所喜憎利害者,何也?

《淮南子·

原道訓》云:「夫形者,生之舍也;

氣者,生之充

又云「度其可否」。

《禮記

굸

「在心爲志。」《儀禮

度其可否也。

也,氣,所以充滿

形

志

氣之帥

也;

當在心上求。

急求氣之理?

不得之心。

制,此黝、舍之學,豈可爲法?

更不求

一得

衡

無 同

别

異

明

聽

形

體

生即

性 形

也 》篇

爲志以

伸

皆

心,

不

·能反又不能

也

神者,生之制也。

夫舉天下萬物蚑蟯貞蟲蝡動蚑

以作,皆

以其性之在焉而不離

也。

忽去

9

不得於心,而不求氣則可,不求心則不可,此斷斷然者。」夫 自反,直養無害,而一有不得則又借此 此,不得心而勿求氣,則合當如是,故曰 所以卿相不驚,霸王不怪,有先於孟子者。 射儀》注云:「志,意所擬度也。」故趙氏以「心所念慮」爲志 自反而惴,行不慊於心,則 心與心得之道,徒抱此冥頑方寸謂之不動 於此不急求,當復何待? 養,舉凡心所不得與不得於心皆 若心不得於言,則言爲 疏「夫志」至「充也」○正義曰:《毛詩序》 氣,體之充也。 體爲喜怒也。 ·祭義》云:「氣也者,神之盛也。」 聘禮記 且 養氣能得 》注云:「志猶念也。」《大 心聲,心有所害則 動心已耳,焉得 可 虚矯之氣以 故猶是心之不得與 志 注志,心所念慮 也。 帥 心,不能强之制 蓋其自言 氣 生平既 概屏 而 行之, 爲 絶, 此 心 不 有 有 īE 急 之 能 如 其 而 俗字也。 帥乎氣。 性情神志,皆不離乎氣。 궁: 能 也。 性乃所以善也。 人物皆有是性,皆有是氣,而人能以志帥則能 勿求於氣作以怒言,❶故於此言之耳。 氣也,骨肉則形體也。」趙氏言氣專指喜怒,以上勿求於 物之性而非人之性,僅爲氣而已。 是非者,何也? 之,則骨肉無論矣。 曰:趙氏以至爲至極,次爲《説文》「不前」之義,謂 至要之本,氣爲其次。 云"「本亦作師。」按" 抗 形、 毛氏奇齡 而 百節可屈伸,察能分白黑 氣、性、天也。 既又譌師。」夫志至焉,氣次焉。 萬物皆有喜憎利害而不能别同異 《逸講箋》云:「此次字如《毛詩》傳「主人 氣爲之充而神爲之使也。《論 阮氏元《校勘記》云: 今人之所以 據《干禄字書》,唐人帥字多作師,乃 生之舍,生之充,生之制 以其能别同異,明 疏注「志爲」至「其次」②○ 、視醜 眭然能視, 營然能 故喜憎利害、視聽屈 美而 人有志 「《音義》出「之帥 、明是非,則第爲 知能 是非,則

0 作」,據文意疑誤。

「其」,原無,今從沈校據全書体例及注文補

度其可否,而

注

志

爲

Œ

義

次于

志

而物

無志

-, 故

志」。 也。 也。 子·主術訓 隨」之意合。 次」、《周禮》「宮正掌次」之次、言舍止也。」若然,則至爲「來 至」之至,志之所至,氣即隨之而止,正與趙氏下注 虐 氣不相 高 施舍之「守 喜怒加 故但 戾而使之充周已耳。 毛氏奇齡 誘注云: 可 言志所嚮,氣隨之。 喜則喜,可 離也; 持其志,力求之本心,以直自守,而氣之在體,則第 人也。 》高誘 氣」矣。 故曰: 「持、守也。」「持其志」即曾子之「守義」,異乎 《逸講箋》云: 然而心之所至,氣即隨之,志與氣又適 注云: 怒乃怒,即 疏注[暴亂]至[人也]〇 直即正 持其志,無暴其氣。」注暴,亂 「暴,虐亂也。」《吕氏春秋 是不求於心者謂之不持志,無 「心爲氣之主,氣爲心之輔,志 當 也。 義 IE. 也,即不「妄以喜怒加人」 自 持 反 其 而縮,故爲「正持其 (志,無 正義曰: 亂 其 「志響氣 (氣,妄 慎大》 淮南 相 須 倒 不

篇

孟

以

也

氏春秋 氣之相 《廣雅 氣壹則動志,故云「相動」。 壺,虞翻以 引《通俗文》: 心。 也。」文公三年《左傳》云「與人之壹也」,注云:「壹, 而蹶者」解之,則 蹶」,高誘注云: 壹,其轉語爲抑鬱。」《淮南子・精 其誰語?」段氏 故志氣顛 壹」爲「噎」。 也。』《國語· 通 |持其志,使專壹而不貳,是爲「志壹」, 守其氣,使專壹 • 慎小》篇云「人之情 釋詁》云: 蹶 動 倒 者 也。 《否》之閉塞 《説文》口部云:「噎 「塞喉曰壹。」《史記 相動。 越語》云「蹶而趨之」,注云: 玉裁 「蹶,顛也。」《荀子・富國》篇注 顛倒之間 「蹶者趨」猶云「蹶 疏 「趨,行也。」經云「蹶者趨者」,趙 《説文解字注》云: 「志壹」至「其 今夫行 至解絪 無 按: 緼,❶趙岐 不蹙於山」,❷則 而 不 《説文》壹部云: 蹶 神訓》云「形勞而 ,飯窒也。」《一 而趨」矣。 心一〇 動 賈誼傳》云: 者, 心 亦以閉 而 「《易》 氣 正 蹶 恐 閉 義 志 矣。 塞 日 不 蹶  $\Xi$ 日『天 「子獨 壹則 切 走 壹, 釋 能 氏以 由 也 經 志 趙 不 則 自 於 動 地 氏 行 志 持, 顛 則 氣 讀

者趨

2者,是.

氣

也

而

反

動

其

心。

注

孟子言,壹者,

0

曰

「志

壹

則

動

氣,

氣

壹

則

動

志

也。

今夫

蹶

無

[暴其氣]者,何也?」

丑.

問

暴 亂

其

氣云何?

不

而可。「既曰『志至焉,氣次焉』,又曰『持其志

與

志、

氣閉

而

爲壹

也。

志

閉

塞則

氣不行,氣

閉

塞則

志

緼」,原誤作「温」,今據《說文解字注》改。

秋》改 誤 作「行」, 當誤據《經籍餐話》, 今據《吕氏

之而

氏

之明驗:

不動

可

動。

組

志

不貳,❶是爲「氣壹」。 其處即次其處。 所動,反常之道。 氏奇齡《逸講箋》云: 是氣壹也,曾子「自反而縮,雖千萬人吾往」,是志壹也。 即「持其志」也、「毋暴其氣」,似是又當求氣,故丑又問之,趙 次」,所以申言可不可之故。 子述告子之言以明告子之不動心有可有不可也。 又無暴其氣? 帥」、「體之充」、是帥其氣以充體者、志也。 至,❷「氣次」之次是次舍之次。 ;志之道耳。]按:丑問夫子之不動 緩《近聖居燃犀解》已言之,云:「「志至」之至是至到之 言丑 者,不一則二三,安所持志? [止,此勿求氣所以可,而勿求心所以不可也。 則枯槁無其充。 能動氣 \* 敷? 如無心而蹶,是所壹之氣也 問暴亂其氣云何」,是也。 ,故志帥而氣即止也。 此告子勿求氣可也。 志本不動,不壹則涣散無其帥, 丑問,志 故須善養,使不一耳。」按: 一志 故志可壹而氣不可 黝之氣在 、氣既不相離,持志即是養氣,何必 動氣,自然之理。 志帥氣以充體,志至而氣即 至如行, 此所謂 「必勝」,舍之氣在 若氣一 故孟子發明之,仍申明 但既不得於心,則全不知 而反動其心,非氣壹動志 心與告子之不動心,孟 次如止。 壹,氣可動而 動志,則帥轉爲卒 Œ 日 志至之解。 且志亦不容不 毛氏此説,陳 至曰次,言至 氣本周 「求 日「氣之 無懼 志至氣 於心」 志不 流 勿 隨 惟 毛 0 0 者殊矣。 於心; 蹶者以例之。 其氣也。 則 施 改。

以爲養氣,是曾子之「自反」,孟子之「持志」,乃爲善養氣 之養勇、舍之守氣,不如告子之勿求於氣也,不求氣而求 得於心,勿求於氣」所以爲可也。 心且因之動矣,則可知徒任氣者不能不動其心,此告子「不 氣壹心轉不能不動,故云「氣壹則動志 吾氣爲主,是氣壹也,此孟施舍守氣之道也,是不持 求於氣之可也。 寂滅,雖直與義所在 若不能持志,不度其可否,不問其直不直、義不義,而 義則屈吾氣以退矣,此持志以帥氣之道也,志壹則動 (舍有氣無志,告子無志無氣,曾子孟子以 度其可否而知其直不直、義不義,義則伸 雖不暴其氣,而亦不持其志。 雖不求氣而不可不善養氣。 彼不論直義而徒暴其氣,固以此爲不動心,而 行而顛蹶,是不持志而暴其氣也。 不得於心,有所逆于心 而 亦却 而不前,視曾子自反而持守 然告子勿求於氣,並 則是屏 求氣以爲養氣 也。 也。 志帥 吾氣以 斯 心與氣於空虚 因舉一行 時 氣 當其蹶 能 往 持 則 專以 氣也 志 其志, 不求 有 其 而 不 而 也 也 心 黝 志 顛 知 伸

「使」,原誤作「便」,今據上句「使專壹 而不 ·贰」及 經解 本

中「至」字,原誤作「志」,今據文義改

有

善養浩然之氣也。 以善養者,心; 氣 氣。 心,故下文丑又問孟子何以長於告子也 則不 施 舍 善養 養氣 心之所以善養者,在直與義。 以 而 此上但言告子之不動心,未明孟子之不 心 不善者也; 志 養氣, 乃爲善養。 告子,不善養氣者 所 此孟子所以 養者 也。 氣 以 爲 氣 所

正義 地 陰者,天之急也。 氣也。」按《春秋繁露· 氣」,李賢注: 天之氣皓然也。』《後漢 孟堅《答賓戲》:「仲尼抗浮雲之志,孟軻養浩然之氣。」李善 長 育我之所有浩然之大氣 氣。」注孟子云,我聞 浩然之氣」爲「大氣」。 (吾浩然之氣者也。] 則董子以養浩然之氣爲養天之和氣 之道而美於和,是故物生皆貴氣 何 **【孟子曰:** 日: 等? 敢問夫子惡乎長?」注五問 《淮南子 曰 : 【孟子曰: 我善養吾浩然之氣。 中 者, 墜 我 形訓 書 天之用 循天之道》云: 養吾浩然之氣。 臧氏琳《經義雜記》云:「《文選》班 人言能 知言,我善 》高 傅變傳 也。 也, 誘注云: 知其情 疏注 而迎養之。 》一世 和者,天之功也。 項岱曰: 「陽者,天之寬也; 亂,不能 我能」至「氣也」〇 「浩亦大也。」故 養 趙岐曰: 所 趨,我能 吾浩 孟子才 皓,白也。 孟子 養浩然之 浩然,天 然 Ė 志 自 舉 之 所 我 夫 以 養 如

張,幽 趙氏云「貫洞纖微、治於神明」、謂其微而未著、 能 云: 義曰: 無害, 書• 天地,横 以直」爲句,非也。 直之氣,爲正直之氣,故至大至剛。 之以義」解 之間,布 養之以義,不 之氣也。 注劉良曰:「浩然,自 有所本矣。 班 浩然之氣?」注 難言也。 大,能 孟 「塞,滿也。 敘傳上》注,師 堅以浩 而能明 云「至大至剛 之而彌 則塞於天地之間。 昧 施德教 能 然 「以直養」三字,直即 今本趙注作「浩然之大氣」,當是俗人所改。 然與浮雲相 明。』《精 甚 而 其 以 於 施 淖而滒,甚 貫 無 邪 爲 《淮南子·原道 四海,施之無 古曰:「浩然,純一之氣也。」《文選》 用 正直之氣」者,惟正直 洞 窮極 事 丑問,浩然之氣,狀 神訓》云: 氣 放 也。 纖微, 干害之,則可使 對,亦 逸也。」與古義異。」「 也,至大至 也。 用之無 纖而微。」高誘注云: 治 是以浩然爲天氣 義也。 疏注「言此」至「極 「夫静 寫,而 於神 注言此至大至 窮竭 訓》云:「故植之而 或謂趙氏以「至大 :漢者,神明之宅也。」 緣以 無 明,故言 也。」又云: 剛 故剛 所朝夕。」 滋蔓 直 何 大。 虚 養之,故 如 敢問 以 塞 趙、 「言道 而未彰, 之難 直 下言 「約 滿 剛 也 高 項 養 何 E 0 天 IE. 能 而 誘 至 爲 五 之 也 地 謂 故 直 而 釋 能 注 īE 小

賈誼

《新

書

云:「耦,俱升射者。」故以

「偶」釋

「嘉耦日

妃。」耦通作偶。

《周禮•

理

也。」《禮

記

禮運》云:

之餒餓

也。

疏注「重説

至

一餓也

二〇正

義

日:

易

義理,常以充滿五藏。

若其無此,則腹腸飢

九「遇其配主」、《釋文》云:

握

,包落天地,稟授群

生者也。

言能養此

道

氣而

陰陽大道,

無形

而

生有形,舒之彌六合,卷之不

義相配

偶俱

行。

義謂

仁義,可

以立德之本也;

微静漠,難於言之,及其養以直而無干害以邪,則蔓延由微 助長則非徒無益而又害之也。」其爲氣也,配義 · 道德説》云:「義者,理也。」又云:「義者,德之 「滿」釋「塞」,又云「滋蔓」者,隱公元 「義者,仁之節也。」《祭統》云: 「鄭作妃。」桓公二年《左傳》云: 「配」,又申之以「俱行」也。 掌次》「射則張耦次」,注 毛氏奇齡《逸講箋》 言此氣與道、 虚、若人 ·豐》初 當其纖 語》云 道謂 以 行 盈 長 生,而 陰 「夫義者,所以濟志也,諸德之發也。」故以「義」兼言「仁」,又 文》食部云:「餧,飢也。」餧同餒,飢即餓也。 愉而省嗜欲,五藏定安充盈 氣不散矣。」又云: 乖,則敦志勝 清、聽視達矣。 不外越,則胸腹 者,人之華也; 肺 於五藏。 陰陽,陰陽是氣,故云「道氣」。 合,卷之不盈於一握。」趙氏本此。 原道訓》云:「包裹天地,稟受無形。」又云: 因 元《挍勘記》云:「漢人皆以陰陽五行爲天道。 《易》曰:「一 以「理」釋「義」,而爲「立德之本」也。 云「無形生有形」也。 「群生」。落與絡古字通。 義,心禮,腎智,脾信也。」《淮南子 陰陽以統天地。 一陽之謂道。」趙氏用此語。」按:《列子》云:「昔者,聖人 内有五藏六府 《白虎通· 而 而五藏者,人之精也。 行不僻矣。 耳目清、聽視達謂之明。 充而嗜欲省矣。 「使耳目精明元達而 夫有形者生於無形。」有形生於無形,故 性情》篇云:「人本含五行六律之氣 疏本作「生於無形」,非是。《淮 此情性之所 絡爲纏繞,亦裹之義也。 敦志勝而行之不僻, 而 不 陰陽分之爲五行,五行各屬 胸腹 池。」此 由出 以上言「無形」,故 道 夫血氣能 充 入也。 無誘慕,氣志 謂陰陽大道者,阮氏 精 五藏能屬於 而 趙 神訓 嗜 氏 不能以直養而 「舒之幎 所 欲 Ŧī. 則 脱專於 \*\frac{1}{2} 本也。 省 藏 精 則 道 南 虚 神 心 Ŧī. 肝 一既爲 於 血 改 子 盛 藏 静 而 耳 《説 恬 六 而 無 目 而 氣 而 云

與道。

無是,餒

也。

注重説是氣。

也。 굸

以

而

著,由静

而動,則用之德教無窮渴也。

以

直養者,

集

義

所生,自反而縮

也

無

害者,不助

年《左傳》云「無使滋蔓」,謂如草之由小而蔓延也。

邪事干害之」也。

既以

「水火之所犯」,注云:「犯,害也。」故以「干」釋「害」,謂

《説文》干部云:「干,犯也。」《國

語

.

周

難於言也。

邪

或干

云: 故

化之謂 之生也。 能免於餒? 問答》云: 後,故曰「配義與道」,不 氣,總是氣之浩然者藉道 心之裁制爲義,因 餒」者是氣餒 有心知其事之是非 腸腹飢 「配義與道」正 斷其是 而行,即率性之謂 也。 害 裁  $\exists$ 之 制 虚,若人之不飲食 配 不 生,則 見 非 然配義之功在集義。 則 能 義 馬; 而 道義不 氣以 則直養而無 身不敢 集而 知所謂 事而 循 分 誘 生之而 此 流不 也。 能餒 疏 慕 發,即 日配道與 裁 行者,氣不足以配道也。 配者非合而 義以充塞耳。 直 嗜 制 敢斷者,氣不足以配義也, 未嘗集義、養氣之人,自反不縮 也。」 **派害矣**。 而 欲 以 而 養」。 羞惡之心也,身所踐 餧 而 襲 行之,乃謂 李氏紱 餓 散 耐 集義者,聚於心以待其 (義]也。」全氏祖望 也。 苟無是義,便無是氣,安 無 取之,則 五. 有助之謂也 論 『無是』者是無道 藏 毛氏奇齡《逸講 配配 氣 外 之道。 義 配 越 是外之也 道 與 而 義 道 蓋鼠 吾性之義 不 義先 履 能 解 道 **《**經 爲 充 而 亦 氲 義 道 義 箋 滿 襲 氣 史 道 配 而 有 也。 二字皆訓合。 省 慊 慊」,又《知接 日 爲善養,與 配義與道 嗛 凡 慊快也」() 秦穆興 有 與 所 者」〇 師 八嗛同。 有

理

遇 心 嘗

事

而

能

生,從内

而

出

,人生受

氣

所

自

有

者。

疏注「集

雜

外 意。

集

也

密

聲取

敵

日

襲。

言

此

浩

然之氣與

義

雜 至

餒 則

矣。」

是

集

義

所

生

者,

非

義

襲

而

取

之也。

注

義

、偶有合,仍有不合而不慊於心,氣與

義不相

配,仍不免於

所自 義外,故言其 襲。」僖公三十三年《公羊傳》注 日: 而 襲。」行有不慊於心, ,快也。」我 「有者; 取矣。 推 行仁義 趙氏以 注 其解 兵襲鄭」,高 鐘鼓曰伐,無 而 孟子 正 徒養勇、 義 《國策·魏策》「齊桓公夜半 氣合義而 Œ 生 義 「集義而生」 》篇云「以 黎酮 不 「與 也。 日 密 未嘗 故 一義日 Ė 備 聲取 仁義皆 義雜生」即與義合生也; 取 日 雜從集,《 守氣者異矣。 生即 干 知 『告子 《 吕 誘注 生 日 則 敵 慊寡 義 |爲「從 害 [侵,輕 育 義本在氣之外,取以附於氣耳。 則有此氣即 也。 氏 解 出 浩 也,育即 云: 人」,高誘 方言》云: 則餒矣。 春 於内, 「襲」字 未嘗 氣 内 H 秋 疏 云:「輕行疾至,不戒以 而 以 襲。」《淮 莊公二十九年《左傳 則 養也。 注「孟子」至「義 兵 出 ,而未詳 本 有此 而 知 心 注並 伐國,不 生》篇 則 義」, 腹 告子嘗 不赚 雜 連嫌 南子 義, 氣因 飢 云: 義 與 集 故爲 高 義 云「耳 餒 義合生 也。」 襲 撃鼓 以 配 慊 , 快 以 而 襲 矣 氾 義而 誘注 其 人生受氣 取 而 也 爲 古 論 也。 聽 密 快 取 仁 訓 雜 0 生 乃 之必 疏 是即 Ξ: 也。 聲 之 之 人 × X 若 自 白 内 Œ 注 集  $\Box$ 故

六四

則襲之説遂窒,六書訓詁所關於道義者深矣。 集合在内,襲取在外,是集非襲,則是内非外。

而

勿正,心勿忘,勿助

長

也。

注言人行仁義之

必有

事焉

集之訓未明

爲直,直爲縮,一

也;

取爲求,一

集爲雜、雜爲合、合爲配、

直、正

義

同

必必

有

非斥之。

無所爲義襲也。 生,不以直養而 彼全是助長,與

「義襲而

内,關係於心,不與氣配,氣則餒矣。 此「非義襲而取之也」句意與「非由外鑠我也」皆反覆揭示。 義,故不知持志,即不知善養浩然之氣也。 於心,是不知義在於內,與氣俱生,故造爲外義之説。 表裘、襲裘之襲,言其多事增益掩蓋之勞,孟子特辨正之。 云:「告子固譏孟子之集義爲襲而取之也,由其不知 一事合義即是以直養,一事不合義即是事害之。 邪事干害之,則氣不與義合,即是暴其氣, 取如「色取仁而行違」之取,加一襲字,如 ,而邪事干之則心必不快。 所行義有不附,將於心無涉矣。 取」自指言義外者之説 也;生爲育,育爲養, 也。 告子本外義,安肯取義? 直養,則氣合義,自内 趙氏訓詁 告子勿求於氣,並不求 趙氏佑《温故録 能貫通其脉。 可見義在 如此,故直 一也;義 在 不知 乃 内 於 自 而 焉」,故 也。 但 굸: 故趙氏注之如此。」「而勿正但以爲福故爲仁義也」者,❶蓋 作畐,中筆引長,形便類事。 福訓也。 事」,趙氏以「必有福在其中」解之,是以「福」釋「事」,乃事 宋人也。 事,必有 故,始行仁義之事。「而勿正但以爲福故爲仁義也」十二字 以但字解正字。 正之爲但猶直之爲但 「爲仁義」即上云行仁義之事,自然得福,不可止以得福之 非直夏后氏之璜也」,高誘注云:「直,但也。」 氣。 心勿忘其爲福,亦 《詩·終風》序箋云:「正猶止也。」《 「不正」、《釋文》云:「正,本作止。」正之義通 「正但」連下,此趙氏之義也。 「而勿正」是不可止爲此福也,「心勿忘」是心不忘其 翟氏灝《考異》云:「通段凡十見福字。 福 疏注「言行」至「福 在 其 趙 中, 氏於訓詁,每以二字 也。 勿 而 汲 勿 趙氏以「必 舊本《孟子》當作『必有 汲 正 也一〇 助 但 長 以 《淮南子·精神訓 其 爲 正 有事焉」爲 福 福 莊子・應帝王 相疊爲 義

釋此

常

例

妄疑爲徒取於外。

講者以「義襲而取之」屬告子説。

襲取

亦殊。」按:

以

然,則

義不關於内,即

省所行,仁義不具備

也

汲

汲

則

似

故爲

仁

. 義

也。

經

言「必

有

古文福

但 無

一届馬し

0 仁」, 校所述岳、廖、孔、韓等本注文補。 原脱、合於閩、監、毛等本、今據經解本及本書、

於止

也 》篇

六六

心,❶即是不得於氣勿求於心。 子不得於 而 以 所往,皆自反而 也,是暴其氣也。 忘? 云: 爲 論縮不縮 氣,則能善養氣而不暴其氣,若不求諸 乃往,自 曾子之「自反而縮,雖千萬人吾往」。 心,使行無不慊於心,則心勿忘而義集也。 之爲止即是「已止」之止,「必有事焉 可詳,其讀正爲止而以「心勿忘」爲句: 心急欲其長而助之也。 忘其心者制其氣。 直 福 不餒矣。 而不可止也。 養而 「及猶汲汲也。 也,「勿助長」是不可助長其 時 反而不縮則不往,是不徒恃氣而以心帥 時以不得於言者求諸心,即時時以不得於心者求諸 心 無害其 而皆往、務以氣勝人、是爲北宫黝、孟施舍之養勇 北宫黝、孟施舍,不求諸心但求諸氣者也。 勿 求 縮。 氣。 於氣 何以不止? 能自反,則持其志,不致暴其氣。 及、我欲之。」此云「汲汲助長其福 自反而縮,則配義與道,配義與道,則 北宫黝、孟施舍 緣集義 , 孟子以 按:趙氏讀 而 心勿忘則不止 蓋告子以外其義者忘其心, 爲 生,乃浩然充塞於天地之間 福 可 也。 而勿 事 也。 往者氣也,然自反而縮 味用氣,告子一味不 心而但求諸氣 則經義可明。 隱公元年《公羊 爲 止 不 凡事求諸心,即 得 謂 也。 福」,其所 於言勿求 必 氣。 心何以勿 有事 凡氣之 以 故告 則無 心帥 於集 蓋正 本不 一,謂 · 傳 於 然。 也。 即 帥 其

明《周易》之旨。故深於《易》者,莫如孟子也。 則爲道爲義,勿止則自彊不息,勿妄則進德修業,此孟子 全以「心勿忘」爲要而已。 氣。 (氣,在告子則餒其氣,惟 「通變之謂事」之事。 縮而合乎義道則氣不餒,不縮而乖乎義道則氣不暴, 正通止,即「終止則亂」之止。 孟子之學在自反以求心 忘通妄,即《易》「无妄」之妄; 無若宋人 持 通變 志 事 發 以

長也。 人助 其子,揠苗者之子也。 子趨而往視之,苗則稿矣。 歸,謂其人曰:『今日病矣,予助苗長矣。』其 情邀福 病,罷 也 也。 必有害、若欲 芒芒,罷倦之貌。 趨,走也。 急 長 注握,挺拔之,欲 槁,乾枯也。 苗 其人,家人也。 而 反 使 之枯 以 喻 死 亟

宋人有閔其苗之不長而揠之者,芒芒然

草心者爲揠。」《説文》手部云:「挺,拔也。」《吕氏春秋 楚之間或曰戎。 拂、戎、拔也。 疏注「揠挺」至「死也 白關 東齊海 而 西或日 岱 之間日揠。」 」○正義曰:《方言》云:「揠、 拔,或曰擢 郭 白關 璞 注 云: 而 東 「今呼 江 淮 擢 拔 仲 南

0 下「於」字,原脱,今據經文及經解本補。

用氣,而皆不求心,皆不持志,即皆不能集義。

在黝、舍則暴

以

憔悴,慌忽者疲其神,憔悴者疲其形,此「芒芒」所以爲

讀芒芒爲夢夢,慌之訓爲夢與芒芒爲夢夢同。

慌悴謂

慌

也。」云「煩懣」,云「悶瞀」,云「如醉」,皆倦罷之狀。

炎注云:「夢夢昏昏,昏亂也。」《釋文》引顧野

王云

也。』《爾雅·

釋訓》云:

「夢夢訰訰、亂也。

釋言》云:「慌,夢也。」《釋詁》云:「忽,

茫茫。《方言》云:

「茫,遽也。」急遽所以致罷倦,罷倦

則

云"「慰勞其罷病也。」是鄭用《公羊》爲注

也。

公八年《公羊傳》云:

「此滅同姓,何善爾?

云「挺拔之欲亟長」。

《禮記

罷之言罷勞也。

《春秋傳》曰

冬紀》云「荔

挺

出」,高

誘

注云:「挺,生

出

也。」拔

或

純純,煩懣亂也。』《楚辭・九章》云:「中悶瞀瞀忳忳。」賈誼 緩不急遽矣。《詩》「僕夫況瘁」、《楚辭・憂苦》篇作「僕夫慌 女無家」,注云:「罷,病也。」「今日病」謂今日勞苦疲憊也。 也。」《文選・歎逝賦》「何視天之芒芒」,注云:「芒芒猶夢夢 起,云「挺拔」則但拔之使高出,如荔之挺生,不出其根也,故 、新書・先醒》篇云:「不知治亂存亡之所由,忳忳然猶 〈廣雅・釋詁》疲、罷皆訓勞,《國語・齊語》云「罷士無伍,罷 「芒芒」爲「罷倦之貌」、《音義》云:「丁音忙。」則讀若 ·少儀》云「師役曰罷」,注云: 「師還曰疲」。」孔氏正義引莊 儚儚,昏也。」孫 病之也。」何休 罷與疲同 趙氏蓋 連根 「夢 倦 慌 醉 夢 忘 怠 拔 忽 也; 人也。 者,寡矣。 俱喪,是反使有害也。 直養而生,助其喜怒之情以要求呵護之福,勢敗援緩,身名 郊」、《釋文》云:「邀,抄也,遮也。」情非中節而發,則氣不由 必有害」、者與也義同、俱連下之詞。《列子・黄帝》篇 也。」是乾、枯、槁義同。 爲稾。」《國語·魯語》云「矠魚鼈以爲夏稿」,注云: 文》木部云::「桑,木枯也。」《周禮・小行人》注云::「故書稿 子,其揠苗而歸,不必專告一人,則「其人」之爲「家人」,概指 弟,而《詩》箋以家人猶室家,亦男女夫婦統稱。 有婦,然後爲家。」故《周易・家人》卦統言男女父子夫婦兄 謂之家。」是夫亦以妻爲家。 婦以夫爲家。 箋云:「猶室家也。」趙氏以「其人」爲「家人」,蓋即謂一家之 之貌」也。 一家而言耳。「其子」亦家人中之一人也。《説文》走部云: 趨,走也。」高誘注《吕氏春秋》、《淮南子》皆以走釋趨。《説 助之長者,揠苗者也。 若《國語·齊語》云「罷女無家」,注云:「夫稱家。」是 《 詩 • 《楚辭·離騷》云「浞又貪夫厥家」,注云:「婦 以 桃夭》「宜其家人」,毛傳云:「一家之人。」 爲 無 趙氏義如此。 閩、監、毛三本作「喻人之情邀福 益 《周禮·小司徒》注云:「有夫 而舍之者,不耘 非徒 天下之不助苗 無益,而 此宋人爲男 苗 者 又 乾 於

奥, 而 皆以 者,由 義 道不除」,注云: 田》「或耘或耔」,傳云: 趙 發。 苗者矣」七字。 古 記》去: ○正義曰: 告子外義,常恐其行義欲 以 害之。」注天下人行善皆欲 行當內治善,不當急欲求其福 由 老子》云「恬澹爲上」,謂不求福也。 本作 取 氏 爲 農夫任 ,常恐其行義欲急得其福」,蓋謂告子既以義爲外, 邀 平 有 故但 福禄在天,求之無益, 趙氏注 此揠苗之人也,非徒 福 未得 强 「遲是 「常恐其作義」。 一疏明訓 經 得 邀福 天,不復 以 經義者,以 福 順通其意亦極詳了,不似毛、鄭簡嚴,待 也。 從 按:《孟子》經文辭句明達,不似《詩》《書》艱 「除,治也。」故以「治」釋 詁 注 求 」,閩、 典籍 讀如遲容之遲。」「常恐其行義」、《考文 也。 福言之。 耘 經文涵泳之,亦可 監 此 「耘,除草也。」《禮記 又閩、監、毛三本注末多「亦若此 治 則趙氏解經之意 注 、毛三本作 其 急得其 既 《説文》心部云: 無 苗 讀「必 舍置仁義,不求爲 速得 益於苗,而 也。 由即 疏注「天下」至「者矣」 有 遲 其 福,故爲丑言,人之 其 事」爲 福」。 福 會悟 猶也。 耘 邀福 明 , 恬 而 反害之。 而得 阮氏元《校勘 「恬,安 必 然者少 曲 經自 欲 「言告子外 《毛詩 有福 禮 其真 急得 ,則必不 善,是 明,  $\stackrel{>}{\mathbb{Z}}$ 也。」 於 也 言 之 甫 故 馳 揠 申 古 而

有事 子既 之事? 急得。 有以 其福爲告子之惟恐行義,於《孟子》經文殊難脗合矣。 助 告子之學 求氣即是助長,長即生也,亦即養也。 此趙氏義也。 求福也。 行義,故惟恐其行義 心 經文涵詠之: 勿求心、勿求氣? 時 似 義,因不能如孟子之善養氣, 勿求於心,不得於心,勿求於氣」者也。 老子》所謂 而 苗長者寡矣」,然則天下皆助長之人,豈天下皆爲告子之 處士之傑出者。 孟施舍之養勇。 辨明 則 助之,以 勿求則無事,此告子外義、不善養浩然之氣之説也。 必求於心,而勿止則非 欲急得 則是以急求其福擬告子者,誣 義 孟子與之相反,故言「當內治善,不當急求其 雖偏,而其勿求心、勿求氣,自 非 「恬澹」、《淮南子》所謂 急求其福。 「不得於言,勿求於心」,忘其爲心者也。 外襲,必 乃以《孟子》經文核之: 福,故告子不内治善,且惟恐其 則趙氏以揠苗助長比急求其福,以 使助長即指告子,則 告子本不欲氣之生長,又何用助長? 也。 事 内集 行義, 行義即是内治善 告子勿求氣則不守 故 福 求而已,且「心勿忘」矣。 公云「必 不可 恬愉 告子者,「不 也。 必得,故 告子勿求心則不 有事焉 孟子明云「天下之不 造爲義外之説,亦 勿求心、勿求氣,正 」,豈尚有急求其 内治善則 若謂 行義以碍 而 不 氣,亦 勿求心、 勿 行 得 Œ 福 義 於言 急求 試 福 並 其 而 不 此 必 孟 集 其 當 Ħ. 勿 能 别 不

大抵多暴其氣以生長其氣,故云「天下之不 持志自反爲要。 雖不嫌於 ,爲不善 (氣」而 除其 長即 以 然 求 義 即 不 氣 則 而 助 養? 敬; 子之論義,即 内。 舍敬 所謂 知,則 無失」。 以 其所不聞」。 屬之,故曰「君子不動 思敬,蓋悉數之不能終其物。 聖人之言敬也,道國 云 : 此 苗 静時之敬 道,處處是動,處處當用 論君子曰執事敬,又曰 亦不耘 事。 敬聯屬之。 枯槁寂寞之學爲 「人於日用之間,無時 而 而于萬動 行吾敬,故謂之内。 「義以方外」。 以 心有主而 蓋 能 集義 以 義 人生日用之間 苗,苗之槁雖 也。 静時 也。 言其用功於 孟子之論敬也。 亦 中或 孟子 如此言敬,始謂之「修己以 義以 繼續其 無 義何以集? 舍義 有 如此義方外者,必敬直 不 哉? 集 曰敬事,事君曰 而敬」、「君子戒慎乎其所不睹 動 (動時之敬,非主於静 事上敬、交久敬、 不 静,于萬睹聞中 而 然後見之於行事 敬。 告子未嘗知義,以其外之也。 動 心有道,以 自 能 動,用 無地之非 程 處多,静處少。 我害之, 敬者。 氏 其或有少間 敬也者 静時涵養以收 以 瑶 功於睹 格物而致其知也。 田 敬其事 事 故 丽 能 即即 通 用其心焉而已矣。 義 或 苗 養 行篤敬 聞 藝 雖 敬一始 静 亦 事皆合於義 有 無 内。 氣 以 録 而 莫能 方 ,論仁曰 時 時 已無絲 斂 也 以 三達德行 亦 敬義相 不 放心 無 動 論 **地之非** 謂之「 敬 睹 長 氣 須以 而 時 矣, 學 不 鬼 執 何 毫之不 恐 是 實 能 総 小 聞 神、 事 須, 安用 此 謂 以 敬 懼 續 敬 Ŧi. 敬 致 記 亦 敬 動 夫 孟 之 其 得 其 面 平 聯 達 之 祭

養,即

不善長

而

爲

助 養;

長

助

養。

天下能自反持

,志,直

養

集

者,能有幾人?

苗長者寡矣」。

「以爲

無益

|而舍之」,是不有事而止而

不

爲善長而非助長助 養也,亦即生也。

以守氣爲養勇,

則氣由氣生

口

黝、

舍之養勇而言之,謂

不可爲告子之必無

事 而

餒 助

亦

·爲黝、舍之守氣以養氣也。

「以直

養而

[無害」,則氣由義生,爲 守氣以養氣,是助長也。

善

養

辨明告子之不動

心

與

孟子之不動

心已畢,

以

下一勿

長

則 非 ※勿求 世; 心心 勿忘」三字爲善養浩然之學。 爲 氣即不復求心 (告子之勿求氣,亦非也。 以 生 氣, 雖 無 勿求氣雖較暴 害 忘其心爲黝、舍之暴氣 而 實 無 益 氣爲無害 礕 如 不 揠

則

助長者,不能以

直

養之謂

也。

治

田

者

培其

苗之根

直 有

養

而無害之害。

以直養則氣自生長於義而無容助之,

害必矣,故「非

:徒無益,而又害之」也。

此害字即

申

明

則

不能自反,不能持志,不能集義。

凡無義無道,

心

前

以其氣行之。

以直長養之而無害者,以不直

長

養

之生,此揠苗者也,是

黝、舍之守氣以暴

其氣者也。

暴

其

可」者也,故無害也,

助之長者,氣本不能從義直而生而

氣者也,此不芸苗者也,是告子之「不得于心,勿求

其

非

種

苗

自生于根矣,無以揠爲也。

總之,以

七〇

利,佞 王氏 而謂 子曰 論、《玉 難。 聞 以 譽子朝、蔽子 遁 辭 動心,一在動處用功,一在静處用功,烏得不相背而馳哉?」 人」,徐鍇傳云: 朝 正之事 獻公與申生之事 以 何 能 離之於叔 褒人,若賓 解 知 謂 「無所用心」,心不用則於不可 念孫《廣 之日不動心也。 孟子之不動心,非釋氏之專一寂守以主静得以冒 知其所趨 人也。」《説文》: 知 其 一篇》音 知其欲 · 若竪牛 知言?」注丑問 其 所蔽,淫辭 八所窮。 雅 虚 孫 猛也。 以 孟 疏證》云: 者也。 「譣 儉、 也。 . 勸 窮 言雄 丁,能 息 猶 仲 晉 而告子之不動心,所以異於孟子之不 注孟子 廉 (儉, 險 有隱遁之辭,若秦客之廋 知 有 雞 知 諸大夫 任賜環之事,能知其 疏注「人有」至「猛也」〇 二切。 也。」今本論 「「論,詖也」,見 其 伯斷 淫 其 知言之意謂 憸 欲 美不信之辭,若驪 詖 所 曰:人有 以陷 《説 也。 其 也。 陷 尾 '已者 文》引 作 害之也。 若此 憸 之事,能 邪 憸 利 而 險詖之言, 何? 辭 立 亦已, 於上,佞 集 馬 四 知 韻 融 政》「勿以 者之類,我 欲 其所 知 有 注 曰 : 故 正義 行 姬 其 邪 云: 類 人也。」 斥之日 辭 譖 辟 勸 欲 引  $\widehat{\exists}$ 其號 篇 離 「詖 愉儉 於 毁 不 晉 以 事

注云: **犧則能治人,此譽子朝欲王立之,不必毁子猛。** 用,自斷其尾,可也; 將見殺也; 犧者實用人也。」注云:「人犧, 難,己犧何害? 雄雞自斷 故賓起因雄雞斷尾以説王。 궁 : 賢之志,而無險詖私謁之心。」並字異而義同。」「賓孟 成 孫 謝監靈運詩》, 自斷其尾」之事,見昭公二十二年《左傳》。 「損仁逐利,謂之疾險。」並字異而義同。 「思,疾利口也。」引《盤 相 丑》篇「詖辭知其所蔽」,趙岐注云:「險詖之言。」《荀子 「蔽,障也。」景王太子壽卒,既立子猛,又欲立王 》篇云: 「儉利,小小見事之人也。」《韓非子・詭 其尾, 己謂子朝,己自爲犧,當何害乎? 「讒人罔極,險詖傾側。」●《詩序》云: 注引《倉頡篇》云: 而 抑其惡爲人用也乎? 人曰憚其 人之美,則宜君人事宗廟也。」人自 庚》「相時想民」。 《國語 犧 謂雞 也。 『詖,佞諂也。』《孟子・ 也 吾 周語 以 爲 則可 今本恐作險。 爲 《文選》顔延之《和 人作 信畜矣、人犧 》實起云: 也。 《廣 犧 雞惡 雅 ・使》篇 子朝立,猛 實難 人異于是 · 内 爲 言雄 一吾見 釋 子 , @言 人所 有 馬 굸: 詁 朝 宵 進 雞 融

0

「爲」,原誤作「謂」,今據《國

<sup>0</sup> 傾 少改 側, 原誤 作 「顛 倒」,今從沈校據《荀子》及《廣 雅 疏

《周禮 之也。 之矣。」遂逐仲壬。 使壬佩之,乃讒於叔孫曰:「不見而自見矣,公與之環而 公與仲壬玉環。 公四年《左傳》。 邪則不正,故云「邪辟不正」。 故爲「陷害」也。 云: 則不違逆,故云「淫美」。《毛詩・ 部云:「淫,浸淫隨理也。」浸猶漸也。 是爲「譣詖」。 壬,穆子在齊娶國姜所生也。 欲害申生,故先爲此巧美之言,使之墜入,如禽獸之陷於阱, 陷焉,世謂之陷阱。」禽獸不知有坑阱,人巧設以害之,驪姬 民而懼戎,且旌君伐。」晉侯説之。是巧言不信,欲殺之先與 之事,見莊公二十八年《左傳》。 自廢矣,故云「蔽」也。 「曲沃,君之宗也,不可以無主。 僭始既涵」,箋云:「僭,不信也。」「驪姫勸 「巧猶善也。」善即美也。 惟其與之,使居曲沃,而乃由是得罪,是「陷害之」也。 雍氏》注云: ○注「有淫美」至「之也」○正義曰:《説文》水 壬使牛人告穆子,牛人不告而詐傳穆子 ○注「有邪」至「孫也」○正義曰: 竪牛者,叔孫穆子在庚宗所 仲壬被逐,是父子相離也。 「穿地爲塹,所以禦禽獸,其或超隃則 賓起爲子朝傅,謀立子 「竪牛勸仲任賜環」之事,見昭 壬與公御萊書私遊于公宫,昭 淫美猶云淫巧。 若使大子主曲沃,則可 驪姬本欲廢申生,而先言 雨 無正》「巧言如流」, 由漸而人,隨 晉獻公與申 私 朝以 《詩・小 ○注「有隱 婦生也; 邪,辟也。 廢子 其脉理 以威 生 猛, 雅 佩 命 仲 箋

> 夫」也。 也。 桓 輩皆能知之,不必孟子大賢也。 至「夫也」〇正義曰: 詐 者也,聖人知其所離, 爲孟子之知言乎? 之,尤無足爲難,故晉大夫莫能對,范文子且知其三也,豈 秋・重言》篇言「荆莊王好隱」、《韓非子・ 者,疑其言以相問,對者以慮思之,可以無不論。《吕 其爲詖、淫、邪,且當時晉獻公、周景王雖惑之,而史蘇 知其趨向所在也。 乃與爲隱耳。」是也。」大夫莫之能對,故云「欲 遁人」,高誘注云:「遁,隱也。」故「遁辭」爲 「秦客廋辭於朝」,事見《國語 《漢・藝文志》有《隱書》八十篇,劉向《别録》云:「《隱 辭者, 公隱者」,古人托言譎諫,與詩人比興正同,無所爲 謂以隱伏詭譎之言聞於朝也。 ○注「若此」至「趨也 沮物者也,聖人知其所飾; 按: 《鷃冠子•能天》篇云:「詖辭者,革物 《淮南子·繆稱訓》云「不身遁,斯亦不 淫辭者, 賓孟、驪姬、竪牛同 0 因物者也,聖人知其所合; 晉語》。 至秦客廋辭 正義曰: 遁辭者,請物者也,聖人 東方朔 韋 難》篇言「人 昭 曰:「非敢 注云:「廋,隱 讒詐, 知其 「隱遁之辭」。 即所謂 以窮 所趨 無 晉諸 試 隱 劉盆 有 窮 氏 以 也 謂 大 設 分 遂 知

■「趨也」,合於宋十行、閩、監、毛等本,本書注文及阮校

知

其

所

七二

人有之,故曰因物者也。 析之意。」分則 冠以詖即邪。 人無之,故曰 也。」鶡冠之説與 《説文》言部 也 訓 極 即 邪、《説文》訓 段氏 孟子所 陸 佃 革 偏,偏則各持 玉 又「無偏 注 物 一裁《説 云 云「邪辭」; 云: 者 孟子 偏 也。 「詖 詖 **.** 文解字 無頗, 《書 詐 小人異。 辭, 淫 猶 辨 邪 辭,蓋若墨子之類。 遵王之義」,此頗與偏 論 蓋若告子之類。 其别云「詐辭」,則 洪範 説,則辨論 也。 注》云: 也。 以 波解 飾 ž 古文以 又從而爲之辭。 「凡從皮之字皆有 聖人知其 「頗 此詖之正義也。 僻 爲頗字。」頗 即 告 孟子 邪 所 か、離 並舉, 僻 所 故 未 蓋 極 爲「稱 農則 陽 云: 中 不 知别 不 則 「《春秋》弑君 欲 舍 能 人事 使君臣 親 **%**復出 疏

猶

窮

言 此

也。

「披辭

鶡

廣

雅

分 頗

即

偏

也; 下 其暴,遂若其君真可弑而己可告無罪然者。 君之惡,張己之功,造作語言,誣 於倫理道義,鶡冠所謂「革」是也。 理」,是淫辭之有所陷入也。 世 移,群臣知 衰道 所 有 君君無道,稱臣臣之罪」,甚矣其説之頗 謂「邪 逆節 微 邪 而任鬼神 説」,即 從横則上 有 多 並耕, 誖上下之序: 説暴 《荀子・非十二子 私門 一蔽過 有稱名、 行 亂 而 於君 臣賊 有作。」所謂 詐 法則傷恩薄 不知有公室。 諼 稱 鮮 子與其儕類 而 至於日 人、稱國之異。 棄其 有罪及其臣 惑 シ所 蓋水循 「邪辟之辭」,則 衆 [暴行],即 萬氏斯大《學春秋隨 信 厚,名則 謂 庶是 且 雜 將 「持之有故,言之成 鄰 則 者 理 也。 封 不 鈎 相 隙 漫 如 也。 左氏 執 利 弑 習既 釽 而 羨 有 魯 政相 於君 父、 析 而 7邪説 顯 孟 衛 久 》定 無 亂 弑 然 子 浸 出 所 倚 政 以 悖 必 君 例 漸 墨 日 君 筆 歸 爲 柄 濟 飾 是 以 謬 其 則 陰 所

則 人, 姦,凡 謂 師 君 曠 心久離於倫理 無道,是 、史墨之言可 至是乎!」 《春秋 道義,乃至於是 蓋邪説直造爲悖道之言,其甘於 證 菲 也。 討 亂賊 左氏》之例 而 故邪辭 反 爲 之先導 亦 7猶是 由 於有 耳。 矣 所 離 爲 邪説 於弑 此 也 説 之惑 君 沮 者 而

官,墨家出

於清

廟之守,

從横家出於行人之官,雜家出

於議 於禮

於史官,陰陽家出

「於羲和之官,法家出

於

理

官,名家出

漢

書

藝文志》言九流之學:

「儒家

出

於司

徒

之官

道

出 固 爲

(淫隨

理

鶡

冠

以

爲因

陸

佃

證以 詖辭

墨子之兼愛是

也 也。 云:

「凡萬物異則莫不相爲蔽。

墨子蔽於欲而不知得

慎子

《荀子

·解蔽》篇云:

「凡人之患,蔽于

曲

而闇於大理。」又

直、勇、剛

,不學以

通之,則有所蔽

而爲愚、蕩、賊、

絞

亂 知

狂 信

一人變通神化,不

執

於

, 孔 子

稱

六言六蔽

,雖仁、

蔽

於法而不知賢,申子

·蔽於執而不知知,惠子蔽於辭

而

不知

實,莊子蔽於天而

不

知

人。」即

之由

配於有

所

蔽

淫 班 家

恃此詭 未能售 詐也。 意則 所好者欲其來。 遁 之言止,請之言乞。 克知之。 經,貫乎伏羲、神農、黄帝、 儀、蘇代等之言大多如是也。 **起辭爲** 隱 詐辭,陸佃以詐爲邪,非也。 也,故曲言之,亦隱言之。 詐隱藏以爲鈎致,此遁辭所以由於窮也。 而不明,是爲遁; 孟子聞 謂離於道義,窮謂窮於道 不能必其止與來也,故以詭詐 而能知其趨,則好古窮經之學深矣。 止之使去,乞之使來。若明白直質言之 在所言則妄而不實,是爲詐。 善堯、舜、文王、周公、孔子之學,鮮 此四者,非通於大道,明於六 鶡冠合邪辭于詖辭 義。 何則? 心中本無義無道 所憎者欲其止 行之。 戰國 時 遁 在 而 生 張 惟 即 本 分

聖人復起,必從吾言矣。」注生於其心,譬若人於其心,害於其政,發於其政,害於其事。

而 民之農事,使百姓有飢寒之患也。 於其政者,若出令欲以 君 有好殘賊 止之。 如使聖人復興,必從吾言也。 嚴 酷心,必妨害仁政,不得行之也; 非 時 田 獵、 築作宫室,必 吾見其端,欲 疏「生於 妨 妨 害 發

者不得作。作於其心,害於其事,作於其事,害於其政。聖發。彼云:「吾爲此懼,閑先聖之道,距楊墨,放淫辭、邪説至「言矣」○正義曰:按:此與《滕文公下》篇「好辯」章互相

辭。」則是詖、淫、邪三者,楊、 人復起,不易吾言矣。」又云:「我亦欲正人心,息邪 之言也。 告子義外之言不免詖邪、聖人復起、必從吾「配義」、「集義 而無害」以下,至「必有事焉 遁之言見之於政,則天下效之,三綱由是淪,百行由是壞, 大有礙乎聖人治天下之法,故「害於政」 蔽陷離窮,是「生於其心」也。 心」四句承上。 至於無父無君,則邪也,特不似儀、秦之詐飾耳。 兼愛有合於禹、稷三過其門而不人,各浸淫失其本,則淫 墨偏執於兼愛,是詖也。 害於事」也。 注以政爲仁政,故指人君言之。 政謂法教也,事謂事爲也。 蔽、陷、離、窮皆心也,詖、淫、邪、遁生於心之 楊之爲我有合於曾子居武城,墨子 而勿正,心勿忘,勿助長」之言 墨兼有之。 此詖淫邪遁之言,造之自 也。 蓋楊 「吾言」指 若將此詖淫 偏 執 此「生於其 於爲 说,放 「以直 下 也

也。 善言德行,孔子兼之。 注言人各 宰我、子貢善爲説辭,冉牛、閔 1有能。 我 於言 曰 : 辭 我於辭 命 教 則 命 不 子、 則 能 不 顔 如 能 淵

● 「妨」、廖本作「防」。

作

通

子。 日: 不能 聖,我何敢自 言往者子貢、孔子相答 何言也?」雅思者,不安事之歎 也。』子貢曰:『學不厭,智也, 子 昔者子貢問於孔子曰: 『夫子聖矣乎?』孔 則 結上文。 子自言其不能此,「然則」乃丑問之言。 曰,夫子既已聖矣乎? 仁且智,夫子既聖矣。』夫聖,孔子不居。 教 詩 惡者」至「辭 辭謂解説也。」説亦言也。 不能也」乃孔子之言,是也。 曰:『聖則 趙氏以上節仍孟子之言,「曰我於辭命則不能也」爲 解命,不言不 下武》「永言 疏 然則夫子既聖矣乎?」注五見孟子但 注「言 近時通解以「宰我」以下皆丑問之言,「曰我於辭命 也一〇 謂 辭 命 爲聖? 吾不能,我 配 正 教」❶○正 能 命, 義 日 德 箋云:「命,教令也。」是 如 行,謂 故再 上言「説辭 疏注「丑見」至「矣乎」○正義 葉夢 此。 義 曰:「惡,是何言也? ?言「是. 日 得《避暑 學 孟子欲自 孔子 不 辭 禮 」, 則 教不 然「必從吾言矣」已 何言」也 也。 記 厭 尚 録話 解 不 而 表記 倦 比孔子,故 孟子答 》述此 敢安 即「言」也 教 仁 「命」爲 注 不 文、惡 居 疏 也。 굸 丑 是 倦 於 注 孟

師

日: 轉。 子》書所引孔子之言,其載於《論語》者八,「學不厭 倦,其惟此耶?」」翟氏灝《考異》云: 云: 可?」上惡字不然之詞,下惡字訓 云: 非作烏也。 倦」一也。 注「言往者孔子子貢相答如此 者之言也。」啞與惡同。」按: 啞、惡二音今皆有之,實一聲之 人不倦」,是向公西華言之,此向子貢言之。 「惡,何君謂我老?」則烏、惡信齊音。」王氏引之《經傳釋 論 於汝、穎。」周氏廣業《孟子逸文考》云: 鳥,云: 衡》引作曆。 篇云:「子貢問孔子 吾何足以 「惡,賜,是何言也?」《韓子・ 「惡,不然之詞 意不然而驚咤之則云啞,意不然而直拒之則云惡。 「烏蓋齊魯發語不 今據《吕氏春秋 《韓詩外傳》、《新序》載楚邱先生答孟嘗君 稱哉? 昔者竊聞之:子夏、子游、子張 也。 勿已者,則 《 莊 Ė 》,則 然之辭, 「後 子 」○正義曰:《吕氏春秋 此實 人間 世 難 爲安。 好 將 别 「《論語》「爲之不厭 》篇云: 至今用 學 何 世》篇曰: 時 而 以 《荀子· 「《音義》惡音鳥 《日知録 不 稱 語。」「學不厭 「啞,是非君 之,作 厭 夫子?」孔 , 好 法 思, 鼻音,亦 而教 教 》謂 行 而 日 詞 誨 》篇 孟 不 惡 不

0 及阮校所述孔本改 教」,原作 「教命」, 於韓本,今從沈本據本 書注

文

i E

姑,

且

也。

孟

子

日

月 且

置

是。

我

不

願

比

也

疏

注

姑

俎」至「比也」〇

正義曰:

《毛詩

卷耳》傳云:

姑

且

也。」

也。 微 皆有 注「所安比 也。 肱 聖人之體微小耳。 體 處猶居也。 亦作肢。 肱屬手,股屬足,故云「四枝股肱」。 也。」與趙氏 〇正義曰: 體 各掌其縣之政令徵比」,注云: [也」○正義曰:《文選》注引劉熙注云: 者 支體 武順》篇云:「左右手各握五,左右足各履五,曰四枝。」 得 丑方問欲 注 聖人之一 體者皆微者也,皆具 體 也。」《禮 敢 也」〇正義曰: 近通解以爲丑問之言,是也。 謂夫子於諸賢,欲何居也。 此 者, 枝 問所安?」注丑問 注同。 也; 知 四 記 體 孟子之德,故謙 枝 具 《毛 體 股 冉 體 喪大記 以 肱 者, 詩 趙氏讀 牛、 喻 也。 聖人之體微 德 四 相 閔子、 「比,案比也。」按安猶處也 也。 注 枝 孟子言昔日 安爲 鼠》「人 枝與支通、《説文》作 云:「體,手 皆 孟子所安比 解言「竊聞 疏 案。 具。 L 曰: 顔 0 而 體 小 淵 昔者」至「而 《周 注「體者 耳。 無 微,小 「姑舍是。」 者, 則 體」,傳 禮 竊 足也。」《周 四四 體 也也 具 也。 聞 支 以 也, 四 縣 體 師 云 喻 股 枝 胑 微 Œ 疏 比 言 德 腳 股 而

已矣。 則退 道 如 曰: 仕 使非其民者,何傷 亦 民 其民,不以 日 按,此説極確,趙注 集》云:「依趙 不」①〇正義曰: 日氏 荷天命以爲王,使理群 也。 也。 ? 進 則 春秋 「伯夷、 , 伯 仕 孟子 不同 疏注「要欲」至「已矣」○正 伊 何 非 • 可 尹 夷 其 事 正道 心 貴 道 氏 也。 以 也 君 非 可 伊 生》《上農 注, 阮 止 而 ; 不 君 尹 願 本憭然,丑問伯夷一人,孟子乃及伊 氏 注 經 也? 得 注非 則 注 事 ? 比 元《校勘記》云: 何 文但云伯 民 言伯 伊 生。」此所謂 咔 , 伯 伯 如 》等 尹 非 何 其 要欲 夷 ? 可 日 夷之行不與 海高 其 使 夷 君,非己 不 ? 事 以 夷何 爲 不 非 民 注 誘 久 天理 非 義 願使之,故謂 「爲天理 民 不 丑 注 日 : 如, 則 其 疏 使, 「盧文弨《抱 ? 所好之君 日 並 物,冀 · 五 君 久, 無 注 云:「舍,置 八孔子、 物」也 治則 者 治 「伊尹」二 一可 伯 經 可 夷之 亦 通 得 何 願 以 之非 伊 進 義 行 傷 進 也 比 經 速 可 尹 行 道 字。 也 堂 尹 伯 也 亂 亂 則 以 其 非 同 何 而 夷

●「不」,原作「否」,今據本書及廖本注文改。

七六

疏注「止處」至「去也」○正義曰: 子 也 注 止 處 也。 《説文》几部云: 留 也 速, 疾 「処,❶止 去 也 東京賦 也。 北 影云

問

速

以 釋詁》云:「幾,近也。」《淮南子•要略》云「所以使學者孳孳 量時 乃言 孔子也。」建此皆古之聖人,我未能 皆古聖人也,吾未能 部云:「速,疾也。」久屬仕言,故云留, 也。」重文作處。 在 宜」,即集義矣。 我心之所庶幾」,言 何言乎祠兵爲久也」,注云"「爲久,稽留之辭。」《説文》是 自幾也」,高誘注云:「幾,庶幾也。」然則 即 爲宜也。 我心之所庶幾,則 止 即 速, 是 是 疏注「乃言」至「宜也」〇正義 義之所 退 也。 止」即「處」也。 我心之所近 《禮記 在,即 願 有行焉。 欲學孔子所 仕即久,是進 也。 學 莊公八年《公羊傳》云 記》云:「當 「進退 速屬止言 乃 履 有所行。 「庶幾」即 所 也; 進 無 曰:《爾 常, 願 其可之謂 義之所不 退 故云去。 量 幾也, 無 若此 則學 時 雅 常 爲

> 曰: 之。 孔子齊德也。 則此三人有同 子曰,不等也。 比、等、齊同義轉注,故趙氏以「齊等」解「班」,又以「相 齊,等也。」《原道訓》高誘注云: 》注云: 《説文》女部云:「嫌,疑也。」謂丑疑三人 否。 燕曰 「列,等 次和 班。』《儀 自有生 者邪? 日 : 一 樹表」,薛綜注云:「次,比也。」《禮記 從有生民以 比 禮 也。」《淮南子 民以來,未 然則 既 曰 : 夕》 有同 來,非純聖人,則未 注云:「班、次 有。 「齊,列 有孔 精 與?」注出 得百里之地 神訓 也。」是 子 也。」《文 也 高 班、列、 誘 相 注 日 等 比 有 選 次 也 服 而 然 與

之。 國者,義立而王,信 疏「行一」至「爲也」○正義曰: 子曰,此三人君國,皆能使 君之,皆能以朝諸侯,有天下。 一不辜而得天下,皆不爲也。 不以其義得之,皆不爲 立 而 霸。 行 鄰 不 《荀子· 也。 國 義、殺 諸 是則孔子同之矣。 侯 王 是則同。」 行一不義, 尊敬 霸》 無罪 篇 其 :而得 云: 天下 注 而 殺 朝

乎?

疏

注

班

齊」至「等乎」〇正義曰:《方言》云:

班

·列

伯夷、

尹

與

孔

子

相

比

問

此

三人之德

班

然

而

筡

於孔子,若是班

乎?二注

班,齊等之貌

也。

丑.

嫌

時。」仕止

久速,

皆

視其可,是爲

「量時」。

伯

夷、

伊

尹

<sup>0</sup> 処」, 原誤作「處」,今據《說文》及經解本改、

制作素王之道,故美之。 以爲孔子賢於堯舜。 予觀於夫子,賢於堯舜遠矣。」注予,宰我名 者,大也。 聖人, 汙不 以知聖人汙」亦是智足以知聖人之大也。 而不洿。」蘇洵有《三子知聖人汙論》,以 部云:「窊,汙衺下也。」《音義》云:「丁音蛙,不平貌。 平,亦不至阿其所好以非其事,阿私所愛而空譽之, 不惴也。 仁者不爲也。」又《儒效》篇云: 讀汙爲窪也。」按: 其言有可用者。 人之智足以 人異謂 天下,不爲也。」與《孟子》同。不義則自反而不縮也,不爲則 汙下」至「用者」○正義曰:《説文》水部云:「窪,窊也。」穴 疏注「如使當堯舜之處」❶○ 何? 曰:「敢問其所以異。」注五問孔子與二 謂言雖大而不至於阿曲。 至阿 識聖人。 曰:「宰我、子貢、有若,智足以 欲爲丑陳三子之道孔子也。 汙本作洿,孟子蓋用爲夸字之假借。 .其所好。注孟子曰,宰我等三 以孔子但爲聖,不王天下 汙,下也。言三人雖小汙不 如使當堯舜之處,賢之遠 行一 Œ 成公綏《嘯賦》云:「大 不義,殺 義日 汙屬上讀,則 宰我曰: 阮氏元《校勘 無罪 「智足 ·而能 疏注 以以 趙氏 而 也。 知 夸 得 0

本同。 禮,知《韶武》之美善,告顔子爲邦之類,皆所謂「見禮知政 若推尊之意,蓋皆以此,而子頁獨顯言之。 「李文貞《讀孟子劄記》云: 『夫子所以超於群 也。 《雅》《頌》之樂,而知其德之可與文武同 四字。 記》云:「「如使當堯舜之世觀其制度」,閩、監、毛三本,足利 聞樂知德,等百王而莫違」者也。 述堯舜,憲章文武,使先王之道傳之無窮也。 違離孔子道者。 從孔子後百世,上推等其德於前 外傳》曰「五聲昭德」,言五音之樂聲可 莫之能違也。 見其制作之禮,知其政之可以致太平也,聽 聞其樂而 疏「子貢」至「子也」○正義曰: 按,無者是。」子貢曰:『見其禮 廖本、孔本、韓本、《考文》古本世作處,無「觀其制度. 知其德。 自生民以來,未有夫子也。』 自從生民以來,未有能 由百 世之後等百 孟子引之,以是爲孔子所 趙氏佑 百世之聖王, 如能言夏殷之 而 宰我、子貢、有 《温故録》云: 聖者,以 以 也。 備若 知其 世之王 明 德 孔子 無能 春 聞 其 也。 其 秋 祖

及阮校所述廖、孔、韓等本注文改。

俟

後聖而不惑,非

列聖所可

同

以

異

者、蓋聖

則

同

德

孔子

則

神明天縱,有以 也。」」〇注「春秋 考前 」至「德· 王 而 也」〇 不 謬, 異,至於人類卓絶,未 傍 流 潦 也。 萃, 聚 也。 有盛美過 有若 以 爲, 於孔子 萬 類之 者

敘 以 云:「昭德謂政平者其樂和也。」亦謂見其樂知其德。 氏生後漢,已稱《外傳》,則 曰『春秋外傳國語』,是則《左傳》爲内,《國語》爲外。」按:  $\exists$ 正 、據意,託 《外傳》。 義 日: 「昔孔子發憤於舊史,垂法於素王。 引見 王義以 宋庠 《 國 《國語補 語 流藻,以爲 周 語 音敘》云: 「外傳」之題不始魏晉矣。 | 國 隨 語》。 會聘 「魏晉以後書録 周 其文不主於經,故 》篇 左丘明 韋 昭 **國** 因聖 所題 韋 ○注 昭 語 注 言 趙 皆 號 解 明師 道,同符合契,前聖後聖,其揆 子之言孔子,則所以異於伯夷、伊 下」,但不以無爲有耳。 高美而盛 生民以來無有者,此三子皆孔子弟子,緣孔

稱

之也。

孟子知其言太過

, 故

貶

謂之「汙

子

聖

德

一也,不

得

相

踰

굸

尹

也。

夫聖

人之

因

事則褒辭在其中矣,亦

也一〇

īF

文》是部皆云: 知其所由始」,注云: 從孔」至 道 者 〇正 「違,離也。」故以「從」釋「由」,以 義曰: 「由、從也。」《毛詩 《吕氏 春秋・ 貴公》篇 谷風》傳 云后 「離」釋 及《説 莫 義曰: 言》云:

子,又比孔子之德於百世前之聖王,皆莫能越孔子之範圍。 「違」。 上 推 即 孔子無可無不可,其道大備,故從孔子百世後上推孔 推 而 放 浴諸 東海 而 準」之推。 有若曰: 豊 惟 爲

《詩 徒之義得 豳風》「鸛鳴于垤」,毛傳云: 相 褒揚 也。 疏 注「垤 「垤,螘冢也。」《方 蟻」至「聚

也。」螘同蟻。 「垤,封 場也。 楚郢 以 南蟻土謂之封。 垤 , 中 齊 語

封。』《廣雅 《禮記・樂記》云「封比干之冢」,注云: 釋丘 》云:「封,冢也。」是 蟻 封 即 螘 「積 冢 也。 土

《法言 行潦」、《大雅 問神 》篇云: 泂 酌 》「彼行潦」,毛傳皆 「太山之於螘垤。」《詩 를 : 「行潦, 召南》「于 流 潦 彼

也。」然則行潦,道路之上流行之水。 也。」孔氏正義云:「行者,道也。」《説文》水部云: 《漢書・ 司 馬 「潦 相如 雨 水

《挍勘記》云"「「泰山之於丘垤」,咸淳衢州本泰作太。」○注 「流」釋 潦 也。 「萃,聚也」、《周易・ 彖傳》文。 阮 氏元

來

未有盛於孔子也。」注至,蟻封也。

行潦

道

民,亦類也。

出於其類,拔

乎其萃,自生民

以

以

注引應劭

云:

凉,

流也。」此云「道旁流潦」,以

「道」釋

「行」,

之於丘垤,河

海之於行

潦

類

也, 聖人之於

民

哉

?

麒

麟

之於走獸

鳳

凰之於飛鳥,

泰

Ш

七八

中

各

有

殊

也。

若

而詖、淫、邪、遁之言乃不致以似是而非者惑亂而昧所從也。

舜、文王、周公相傳之教,孔子備之而孟子傳之。

功極於精義,求心之要妙於先心。

此伏羲、神農、黄帝、堯

惟得乎此

0

而縮 使」,尚專於清,伊尹之「何仕非君,何使非民」,尚專於任 子皆自反而配道義矣。乃伯夷之「非其君不仕,非其民不 則行一不義,殺一不辜,得天下,皆不爲。是伯夷、伊尹與孔 告子之不知求心,不知集義,必要之於曾子之「自反」。 自反 卓絶之中尤爲盛美,此所以異于伯夷、伊尹也。 是卓然絕異於凡俗,是「出於其類,拔乎其萃」也。而孔子在 聖人與凡民異,是「萬類各有殊異」也。 麒麟與衆獸異,鳳凰與衆鳥異,泰山、河海與丘垤、行潦異, 類而智殊」,高誘注云:「殊,異也。」《文選•薦禰衡表》云 英才卓躁」,注云: |有若」至「尹也」○正義曰:《吕氏春秋・論人》篇云「人同 ,則得百里之地而君,皆能朝諸侯,有天下,自反不縮 「卓躒,絶異也。」「萬類」,統人物而言。 聖人在人類之中,本 蓋以黝、舍 有可廢也。」

○注「夫聖」至「揚也」○正義曰:趙氏佑《温故録》云:「此○注「夫聖」至「揚也」○正義曰:趙氏佑《温故録》云:「此三人皆孔子弟子」云章舊注特多違失,如以子夏不如曾子孝之大,以告子之言心氣皆屬人言,「字我、子貢善爲説辭」一節、「昔者竊聞之」一

是以孟子究言情理,而歸之學孔子也。順道,無效宋人。聖人量時,賢人道偏。章指:言義以行勇,則不動心,養氣

孫授易授詩校字

孟子正義卷六終

可速」。《易》之道,大中而上下應之,此志帥氣之學也。

分

集義」,又必「量時合宜」,而要之於孔子之「可仕可止,可久

任之不已,則流於黝、舍,清之不已,則流於告子。

故雖能

陰分陽,迭用柔剛,通其變使民不倦,神而化之使民宜之,此

「可仕可止,可久可速」之學也。 至於通變神化,而「集義」之

《集註》始正之,莫不善」而未盡者,今删去。「於」上,原有「莫不善」三字,乃節略《四書温故録》「賴

## 孟子正義卷七

江都縣鄉貢士焦循譔集

威 周。 商,宜其如振槁也。 有不過河内殷墟,其從之者亦但東方諸國 遷豐,其國已跨三四百里之地,伐崇伐密,自河以西,舉屬之 文王之國不止百里。 十里,文王以百里」,孟子爲此言以證王之不待大爾。 以」至「百里」〇正 仁政於民,小國則可以致王,若湯文王是也。 之道,然後能霸,若齊桓、晉文等是也, 里,文王以百里。注言霸者以大國之力假仁義 至於武王而西及梁、益、東臨上黨,無非周 以德行仁者王, 孟子 Ė : 義 《書》之言文王曰「大邦畏其力」,文王 日: 周自王季伐諸戎,疆土日大,文王自岐 以 力 顧氏炎武《日知録》云"「『湯以七 王不待大。 假 仁 者 霸 而 른 以己之德 霸 湯以 地。 必 疏「湯 舉 紂之所 七十 有 其實 而 大 行 何 克

> 下 之地 仁政而諸侯歸之,謂文王藉力,當未必然。 也,故益封之百里,其後世且千歲,至文王而有天下。以 先生答張夫子問云:「堯知稷、契皆賢人,天之所生,故封之 列傳》毛遂曰:「遂聞湯以七十里之地王天下,文王以 彼此互見,貫而通之乃見其備。 嘗不藉 者,中心悦而誠服也,如七十子之服孔子也 力服人者,非 契七十里,後十餘世,至湯王天下, 文王以百里,皆兼天下,一海内。]陸賈《新語•明誡》篇云: 也」,謂其起自百里,非謂遷豐之後仍止百里也。 湯以七十里之封而升帝王之位。」《史記・三代世表》後、褚 一。」《韓詩外傳》云:「客有説春申君者曰:湯以七十里 而臣諸侯。」《荀子·仲尼》篇云:「文王載百里地 力哉?」按: 心 孟 服 子前 也,力不贍也,以 言「文王由 湯、文始小而終大,由能 堯知后稷子孫之後王 方百 《史記• 里 起, 孟子之文 平 是 服 百 原 以 而 里 君 難

| 悴不贍者」,高誘注云:「贍猶足也。」又《先己》篇云「期年而「者也」○正義曰:贍,古作澹。《呂氏春秋・順民》篇云「愁

淵、子貢等之服

於仲尼,心服者也。

疏注「贍」

足

至

也,以己德不

如

彼

而

往服從之,誠

心

服

者

也。

顔

服

注贍,足也。以己力不足而往服從於人,非心

不貫; 有扈 服人」即是以德不贍而從人,故云「以己德不如彼而往服 贍也」補明之。 思不服武王之德。 若「以力服人者」即上「以力假仁」之人,則與下「非心服也」 往服從於人」。 自東,自南自北,無思不服。』此之謂也。」注 人」,則以力服 (詩》,《大雅 氏服」,注 顏淵、子貢於孔子,無力可言,其從之惟心悅於德耳。 且以德行仁者豈用以服人乎?《詩》云:『自 廣雅 文王 人即指此非心服者而言,故云「以己力不足而 釋詁》云:「就, 「以力服人」既是以力不贍而從人,則 上但言「以力」,未言以力不贍,故下以「力不 云:「服,從也。」閩、監、毛三本作「服 此亦「心服」之謂也。 有聲》之篇。 歸也。」「非心服」承「以力服 言從四方來者,無 疏注「詩大」 「以德 就 西 於

而

章指: 言王 者任德,霸者兼力。 力服 不服 訓由

亦訓從。

東、西、南

北謂自鎬京之四方來也。「無思

》謂服武王之德也。

自

」猶云無不心服,故鄭箋謂「心無不歸服」,趙氏亦云「此

曲

亦心服之謂」。

箋云:

「自,由也。

武王於鎬京行辟廱之禮,自四方來觀者

'也」○正義曰:《詩》在《大雅・文王有聲》篇第六章。

皆感化其德,心無不歸服者。」是《詩

티 : 德以 心 志》云"「天任德不任刑。」○「遠人」至「懷之」○ 服,優劣不同。 《論語 懷之。」疏「王者任德」〇正義曰:《漢書 ·季氏》篇文。 故曰 足利本懷作來,韓本同 「遠 人不服,修文 正 禮 義 樂

耻辱。 地也。 循其理。」注云:「埤讀爲卑。 居於下,卑也。」《荀子・宥生》篇云:「其流也埤下,裾 三本作卑、卑、埤通。《管子・水地》篇云:「人皆赴高、己 「非以翟爲榮」,注云:「榮,樂也。」濕宜作溼,《素問・生 近水泉之處,爲水漸洳,不免於溼也。 赴下,卑也。 天論》云「秋傷於溼」,注云:「溼謂地溼氣也。」埤,閩、監、毛 國昌而民安,得其榮樂,行不仁則國 也。 居不仁,是猶 孟子曰: 其流必就卑下,或方或曲,必循卑下之理。」是卑下爲 惡辱而不行仁,譬猶惡 疏注「行仁」至「地也」○正義曰:《國語・晉語》云: 卑也者,水以爲都居。」注云:「都,聚也。 「仁則榮,不仁 惡 濕 而 裾與倨同,方也。 居 濕 下 而 也。 如惡之,莫如貴 則 居埤下近水泉之 辱。 破民殘, 注行仁 拘讀爲鉤 今惡 蒙 政 水聚 一氣通 拘 其 則 必 獨

休息。 畢曰:「自穆侯以至於今,亂兵不輟,民志無厭,禍敗無已, 明修其政教,審其刑罰,雖天下大國必來畏服。 辱之來,則當貴德以治身,尊士以敬人,使賢者居位 德 柯,去其枝葉,絶其本根,可以少間。」」注云:「間,息也。」 離民且速寇,恐及吾身,若之何?」陽畢對曰:「今若大其 注「及無」至「畏服」〇正義曰: 國必畏之矣。 真訓》云「大夫安其職」,高誘注云:「職,事也。」「居職」故 闕。」今賢者處位,是有其人,故云「得其人」。 世子》云:「記曰:虞夏商周,有師保,有疑丞,設四輔及三 得其人,能者居職任其事也。 公,不必備,唯其人。」注云:「無則已,小人處其位不如 正義曰: 間暇 任其事」。 · 尻,處也。」今通作居,故以兩「居」釋兩「在」。 而 尊士。 」謂安息,此以除去樂氏內亂爲「少間」,則不獨無敵國 趙氏舉其外以概其内也。 「國家間暇 《廣 國家 雅 賢者在位,能者在職,注諸 注及無鄰國之虞,以 」謂不用兵戈,無論外 釋詁》云:「在,尻也。」《説文》几部云: 間 暇 ,及是時明其 《國語• 《國語 疏注「使賢」至「事也」○ 患内亂 晉語》: 晉語》注云: 是間暇之時, 政 《淮南子 《禮記· 戰攻則不 刑, 「平公謂陽 侯 雖 如 一明, 文王 疏 大 惡 俶 得 且

> 刑罰宜審,故分釋之。 之謂明。」《淮南子·本經訓》云「審於符者」,高誘注云: 著也。」《説文》乡部云:「修,飾 詩者,其知道乎? 户。今此下民,或敢侮予?』孔子曰: 『爲 《詩》云:『迨天之未陰雨,徹彼桑土,綢繆 著也。」是明、著、修三字義通。 注《詩》、《邠國・鴟鴞》之篇。 「心服 詁》「畏,懼也」是也, 「審,明也。」明之義一爲修明,一爲明審。 曰畏」是也。 大國 一爲畏服、《曲禮》「畏而愛之」,注云: 畏之訓亦有二,一爲畏懼,《廣雅 能治其國家,誰敢侮之?」 無容畏懼,故以「畏 《管子· 也。」《廣雅· 迨,及,徹,取也。 宙 趙氏以政教宜修 合》篇云:「見察 釋詁》云: 服」言之。 牖 飾 此 桑

道也。 之? 궇 根之皮,必須剥而取之,故毛傳訓徹爲剥。 根 詩·鴟鴞》篇第二章。 桑根之皮,以 土,桑根也。 也。」箋云: 「鴟鴞及天之未陰雨,剥 刺邠君曾不 疏注 「綢繆,言纏緜也。」趙氏注與傳、箋同。 言此 纏 詩 邠 緜牖户,人君 鴟鴞小鳥尚 如 至「道也」〇正義曰:《詩》在今《毛 傳 此 云:「迨,及。 鳥。 取 彼 孔子 桑 能治其 知及天 根 善之,故 以 徹, 纏緜其 (國家 未陰 剥 趙氏訓徹爲取 也。 謂 誰 雨, 加牖 桑 此 ±, 而 詩 敢 侮 取 肅 知

也。 序》云: 伴。」○注「怠惰敖遊」○正義曰:《禮記・少儀》云「怠則 不修政刑,是以見侵而不能距,皆自求禍者也。 禍、 也。」謂以桑根之皮絞結束縛之成巢也。《爾雅·釋鳥》云: 杜。」《荀子・解蔽》篇所言「乘杜」即「相土」,是土、杜古字通 而 貌。《方言》、《廣雅》、《孟子》注皆云:「般,大也。」亦謂般即 注 今時之君,國家適有間暇,且以大作樂,怠惰敖遊, 今國家間暇,及是時般樂怠敖,是自求禍也。 趙氏則以爲刺邠君曾不如此鳥,此蓋三家之説與毛異者。 爲詩以遺王,名之曰《鴟鴞》焉。」事見《周書·金縢》篇。**□** 爲「小鳥」也。「今此下民」,今《毛詩》作「今女下民」。《詩 云:「土音杜、《韓詩 「大雅》「自土沮漆」、《漢書・地理志》注云:「《齊詩》作自 廣 鴟鴞,鸋鴂。」陸璣《詩 相之」,注云:「怠,惰也。」《毛詩・小雅》「嘉賓式燕以 「般大也」○正義曰:段氏玉裁《説文解字注》云:「伴,大 「綢繆」即「纏緜」之轉聲、《廣雅・釋詁》云:「綢繆,纏 福無不自己求之者。 釋詁》云: 「《鴟鴞》,周公救亂也。 ?》作杜。 「撤、取也。」撤、徹字通。 疏》云:「鴟鴞,似黄雀而小。」是鴟鴞 《方言》云:「東齊謂根曰杜。」」 成王未知周公之志,公乃 注般,大也。 《毛詩 孟子傷 釋文》 疏 張 0

遨。 可以 《大雅·文王》之篇。 敖」,傳云:「敖,遊也。」《説文》出部云:「敖,出遊也。」敖同 能自責則有福也。 卦傳》云:「大有,衆也。」衆與多義同,故以「有」釋「多」,謂 也」、注云:「求、責求也。」故「自求」即是「自責」。《易・ 爲不可活也。 之妖孽尚可違避,譬若高宗雊雉、宋景守心之變,皆 道」則配當天命矣。 而行,則福禄自來。」亦以當釋配。 云:「永,長。 之命、配當善道、皆内自求責、故有多福 自作孽,不可活。』此之謂也。」注殷王太甲言天 詩大」至「福也」〇正義曰: 《廣雅·釋詁》云:「配,當也。」箋云:「常言當配天命 《詩》云:『永言配命,自求多福 德消去也; 言,我也。」趙氏訓詁與毛同,皆《爾雅・ 疏注「殷王」至「活也」○正義曰:《尚書 自己作孽者,若帝乙慢神震死,是 莊公二十五年《公羊傳》云「求乎陰之道 太甲曰: 『天作孽,猶可違; 永,長;言,我也。 詩 在《文王》篇第六章。 分於道謂之命,「配當善 注 也。 長我 釋詁 周 疏 毛 家 傳 注

● 「縢」,原誤作「滕」,今據經解本改。

考》云: 公曰: 事。 德之言三,天必三賞君。 子韋還走,北面再拜曰: 聲。」《玉篇》:「蠥或作孽。」」江氏聲《尚書集注音疏》:「云 活,其誰以我爲君乎? 歲。公曰:歲害則民饑,民饑必死。爲人君而殺其民以 相 者,宋之分野也。 心 景守心」者、《吕氏春秋・制樂》篇云:「宋景公之時,熒惑在 日 祭成湯,有飛雉升鼎耳 謂之祥,禽獸蟲蝗之怪謂之蠥。」又:「孽,庶子也。 云「殷王太甲言」,不言「逸《書》」也。 太甲》三篇,今文、古文皆不傳,不在逸《書》之列,故趙氏但 「高宗雊雉」者,經云「高宗融日,越有雊雉」。 三徙舍,舍行七星,星一徙當一年,三七二十一,臣故曰君 ,所與治國家也,而移死焉,不祥。 有飛雉登 公曰: 公懼,召子韋而問焉。 武丁修政行德,天下咸驩,殷道復興。」是其事。 民死,寡人將誰爲君乎? 「《説文》: 子 鼎 何以知之? 耳 前 禍當於君。 雊。 「蠥、从虫、辥聲。 而雊。』《史記》云:「武丁祭成湯,明 是寡人之命固盡矣。子毋復言矣。 臣敢賀君,天處高而聽卑,君有 武丁懼,祖己曰:王勿憂,先修政 今夕熒惑其徙三舍,君延年二十 對曰: 子韋曰: 熒惑者, 天罰也。 雖然,可 寧獨死。 有 三善言必有三賞。 周氏廣業《孟 子韋曰: 移於宰相。 衣服歌謡草木之怪 子 幸日 敘云:「高宗 可 公曰: 从子,薛 移於民 可移 子逸 云「宋 祭 宰 白 於 心 文

> 死。 令人爲行,天神不勝,乃僇辱之。爲革囊盛 甲》曰「天作孽,可違也,自作孽,不可以追。」與《孟子》所引 故云「是爲不可活」。 曰射天。武乙獵於河渭之間,暴雷,武乙震死。」是其事也, 死」者、《史記》云:「帝武乙無道,爲偶人謂之天神,與之搏 景皆以德弭災,故云『皆可以德消去也」。 延年二十一歲。 字雖有異而大恉無殊,惟逭之與活義訓 「逭,逃也。」 公曰: 可。 是夕,熒惑果徙三舍。』是其事也。 臣 請伏於陛下以司候之。 聲謂活或爲逭。 《 禮 記 • 不同。 云「帝乙慢神 血,仰 熒惑不徙, 緇衣》引《太 鄭康成 而射之,命 高宗、 臣 日 震 宋 請

之於未亂。 持,其未兆易謀 「言當防患於未亂也」○正義 云:「君子以思患而豫防之。」老子《德經》云: 由己,不專在天。 章指: 言國必修政,君必 其 脆易泮,其微易散。 言當防患於 日 《易 行仁。 未亂 爲之於未有,治 既濟 ※ 象 也 「其安易 禍 傳 疏 福

之士皆悦而願立於其朝矣。 建俊,美才出衆者孟子曰:「尊賢使能,俊傑在位,則天下

也。 也。 冠子·能天》篇云:「德萬人者謂之俊,德千人者謂之豪,德 也。」「傑,執也。 所説各異。 名記》「辯名」即「别 令》正義引《蔡氏辯名記》,宣公十五年《左傳正義》亦引 俊,千人曰英,倍英曰賢,萬人曰傑,萬傑曰聖。《禮記 聖人》篇引《禮別名記》云:「五人曰茂,十人曰選,百人曰 而不廢、處義而不比,見難不苟免,見利不苟得者,人之傑 分財、信可使守約、作事可法、出言可道者、人之豪也。 照下者,人之俊也。 人之英也。 情,大足以容衆,德足以懷遠,信足以一異,知足以知變者, 人者謂之豪,十人者謂之傑。 子·泰族訓》云:「故智過萬人者謂之英,千人者謂之俊,百 萬人者曰英,千人者曰俊,百人者曰傑,十人者曰豪。《淮 云:「千人曰俊,萬人曰傑。」《春秋繁露·爵國》篇云:「b故 百人者謂之英。」《史記・屈原賈生傳》《索隱》引《尹文子》 孟夏》兩紀皆云:「才過萬人曰桀,千人曰俊。」而注《功名》 英俊豪傑,各以小大之材處其位,得其宜。」《白虎通 萬人者稱傑。 德足以教化,行足以隱義,仁足以得衆,明足以 東漢人注書:《説文》人部云:「俊,材過千人 材過萬人也。」高誘注《吕氏春秋· 行足以爲儀表,知足以決嫌疑,廉足以 (名」也,惟作「倍人曰茂」,「倍選曰 疏注「俊美」至「稱傑」○正義曰: 明於天道,察於地理,通於人 孟秋 |俊]。 守職 · 月 《鶡 《辯 南

> 千人爲俊,百人爲乂。」均無定説。 官之職。 故典籍隨舉爲稱,或言「俊傑」,或言「俊乂」,或言「豪傑」,或 才曰俊,一國高曰傑焉。」鄭注《尚書·皋陶謨》云:「才德過 「千人才曰豪,萬人才曰傑。」注《九章·懷沙》篇云:「千人 云:「才勝萬人曰英,千人曰傑。」王逸注《楚辭 篇則云:「才過百人曰豪,千人曰桀。」注 無征,無税也。」玄謂:國宅,凡官所有宫室,吏所治者也。」 至「宅也」〇正義曰:《王制》,《小戴禮 言「英傑」。 云:「廛,市物邸舍。 什一之法征其地耳,不當征 古者無征,衰世征之。 下之商皆悦而 云「美才出衆」也。 〈載師》職云:「以廛里任國中之地。」注云:❶「鄭司農云: 周禮·載師》曰:「國宅無征。」法而不 注云:「征,税也。 趙氏雖以「萬人者稱傑」,而俊則不言千人,而但 願 市廛而 税其舍不税其物。』《載師 藏於其市矣。 《王制》曰:「 鄭司農云: 不征,法而不廛,則 工其廛 大要皆才美出衆者之名 宅 記》 「國宅,城中宅也 也 注廛,市宅也 《國策・齊 市廛 篇名。 廛者 疏注 》、《周 而 大招》云: 不 鄭氏 當以 市 策》又 禮 税。 ジ地 廛 天 注

■ 「注云」,原無,今從沈校據前引《王制》鄭注文例補。

八六

據 趙 此 布 將 官以法爲居取之,故曰 廛 其直以給喪疾,而不可售賈賤者也。 居,皆可統 税」是也。 若今云邑里居矣。 而 而 滯者,斂而人於膳府。」注云: 不征税,税其舍者,衰世也。 物」之説不同 居於國中,皆有廛。 「廛,市 .謂滯貨不售者,官爲居之。❶ 廛而不征」謂商賈居此宅不征其稅,與鄭氏「稅其舍不稅其 先鄭 瘦臞 此 不租 而 氏蓋本先鄭。 可 `則天下之商,皆悦而願藏於其市矣。 居以蓄藏貨物者 入於泉府」, ,故注《王制》以 解説 税也 腐敗,爲買之人膳夫之府,所以舒民事而官不失實。」 中空地未有肆,城中空地未有宅者。」玄謂: 稱。 此「國宅」不專指市中之宅,凡民之居與官吏之 ,故曰廛而不 「廛而不征 故云「古者無征,衰世征之」,謂古者並此 趙氏以市宅亦在其中,故引以 注云: 《廛人》「掌斂布、絘布、總布、質布、 廛,民居之區域也。 廛爲 商賈所居之廛在市、《王制》「市廛 也。 法而不廛。」玄謂"不售 」謂貨物藏於此而不征稅,與後鄭異。 「廛布者 征,其有貨物久滯於廛 「税其舍」,即此 《孟子》曰: 《地官·廛人》:「凡珍異之有 「故書滯或作廛。 貨物沉滯於廛中不決,民待 ,貨賄諸物邸 廛謂市中之地未有肆 市廛而 里,居也。」蓋商與民 謂貨物儲藏於市中 「貨賄 舍之税。」後 不征,法 爲證。 諸物邸舍之 而在廛久則 鄭司農云: 而不售者, 罰 廛里者, 布、廛 然則 而不 含亦 而 鄭 不

田

廛猶躔 玄謂: 不依 不得爲市中空地。」按: 其市中之舍,與先鄭所説亦不同。 地耳,不當征其廛宅」,則是「法而不廛」乃申明上「廛 法。」蓋趙氏以《周禮》非文王之法,文王治岐,關市不 居舍之中,不得锗於空地。 中空地解之,司農與之同。 又其職有廛布,謂貨賄停儲邸舍之稅,即市屋舍名之爲廛 注云:「故書廛爲壇。 以法出之,使不久滯于市廛,趙氏所不用也。 也。 疏 百畝」及《載師》「廛里任國中之地」,皆是民之所居 「不征」之故,謂當以什一之法征其 也。 云 : 《周禮》也。 也。 廛,民居區域之稱。」賈氏疏云:「《遂人》云「夫一廛 關 但 「周則 旧明日 譏 故後鄭以爲民居區域市物邸 而 廛有征,上文「廛布」是也,云「不征」者 趙氏謂 廛而不征」,是不征即不征此廛之税。 不 征, 杜子春讀壇爲廛,説云「市中空地」。 杜子春仍兼顧「壇墠」之義,故以 法而不廛者,當以什 則天下之旅皆悦 然廛非壇墠也。 趙氏不用空地之説,以爲 先鄭以貨物有滯 一夫百畝之地,不當征 舍, 星之次舍爲躔 商賈貨物宜藏 《序官》「廛人」 一之法,征 而 而不售 願 市宅 -征,故 而 品 非 賈 域 所 出 市 其 周 公

以

彦 税

是

<sup>0</sup> 「爲」,原誤作「而」,今從沈校據《周禮 》鄭 注注改。

征 也。 周異。」閩 也。」關下亦有邸客舍,其出布如市之廛,是《周禮 其治禁與其征廛」,注云:「征廛者,貨賄之税與所止邸舍 禁。」大宰,天官冢宰也。 有門關之征,但不知稅之輕重。若凶年則無稅也,猶須譏 謂 則 耳,不征税 於其路矣。 願 云:「譏,譏異服,識異言。征,亦稅也。 旅悦之也。 征者,謂周 謂文王以前 不征。』《周 司關》曰: 呵察。 」,並非。 無門關之征,猶譏也。1孔氏正義云: 」、《周禮》作「幾」,古字通。 耕 《周禮》相傳以爲周公所作,故以爲「周公以來」也。 於其野矣。 公家但呵察非違,不税行人之物。此夏殷法,周 ·監、毛三本「關市之賦」作「之征」,「去征」作「之 耕 公以 禮 出 或 也。 ∭注「言古」至「之也」○正義曰:《王制》注 者助 人者也。 注言古之設關 凶札則無關門之征,猶譏。」《王制 來。 大宰》曰:「九 文王治岐,關 **油助者,井田什一,助佐公家治** 而 孟子欲令復古去征,使天下行 司關,地官職,司貨賄之出入者,掌 不税,則天下之農皆悦 故《王制》曰:「古者關 賈氏疏云:「孟子陳正法,與 譏而不征。 但譏禁異言、識 賦,七日 「關,境上門也。 《周禮》:「國凶 關市之賦。」 《周禮》有 》關市有征 譏 異 「猶 札 而 服 譏 而 則

借也。 公田。 不 則當如杜説矣。 使公田之穀好於私田,則仍收公田之穀,不踐其私田矣。 以豐財也。」注云:「公田之法,十取其一,今又履其餘畝,復 好者税取之。」《左傳》云:「初税畝、非禮也。 恩信於民,民不肯盡力於公田,故履踐按行,擇其善畝 畝者何? 宣公十五年「初税畝」、《公羊傳》云:「初者何? 所云古者謂殷時。」借民力,則藉即是助。 曰:「夏后氏五十而貢,殷人七十而助,周人百畝 ○正義曰:《王制》云「古者公田藉而不税」,注云:「藉之言 悦而願爲之氓矣。 於公田之外又收其私田之什一,乃是加賦。 之穀,仍是什一,不爲横征。若民因有懲,明年加力於公田 杜預二説不同,然因民不力於公田,因踐其私田而收其善畝 十收其一,故哀公曰「二吾猶不足」,遂以爲常。」按"何休 夫也。 耕者出屋粟。 借民治公田,美惡取於此,不稅民之所自治也。 不横税賦,若履畝之類。 《周禮 履畝而税也。古者什一而藉。」注云:「時宣公無 廛無夫里之布,則天下之民皆 • 載師》曰:「宅不毛者 凡民無職事者,出夫家之征。」孟 注里, 居 也。 疏注「助者」至「之類」 「履畝」者、《春秋 布,錢 趙氏以爲「横」, 穀出不過 有里 而徹。」 始 也。夫, 布,田 也。 穀最 孟子 藉 則 税

獨 夫、去里布, 疏 「里居」至 則 民 人皆樂爲之民矣。 也 義 日 : 載 氓者,謂 師 注: 後 非

欲

使

寬

之布。 願受一 布。」 有宅不種桑麻,或荒其地,或爲臺榭游觀,則使之出里布 五. 世之僱役錢 民傭力者不能赴公旬三日之役,使之出 廛」之廛是市宅,此廛謂民居,即《周禮》「上地夫廛」、「許行 車 事者,猶出夫税家税也。 二十五家之泉。 民就四業,則無稅賦以勸之也。」玄謂"宅不毛者,罰以 宅不毛者有里布,民無職事,出 日: 剪鄭 其 凡民居區域關 立家也。 一輦 日 民 司 韋昭 一給繇 錢。」是 也 廛 農 夫布見 廛」之廛,非 無夫里之布,則天下之民皆説而願 云: 「宅不毛者謂不 里布見《地 注 役。」鄭氏 也。 布爲錢, 國 周 市邸舍通謂之廛,上文「廛而 語 空田者,罰以三家之税粟。 里謂里居,即孟子「收其田里」之里,非二十 禮 市 注 周語》云: 官 即 宅也。 間師》「凡無職者出夫布」,謂問 《禮 · 載師》:『凡宅不毛者有里布。』謂 爲泉也。 夫税者,百畝之税,家税者, 記 布者,泉也 • 樹桑 「錢者、金幣之名、古曰泉、後 檀弓》云:「古者謂 夫家之征。 江氏永《羣經補義》云: 麻 也。 一,亦即 一夫力役之泉 爲其民矣。 布,泉 欲令宅樹桑麻, 民雖 不征 錢 也,非 也。 有間 法 錢 猶後 爲帛 民爲 布帛 士徒 故曰 而 無職 孟 一里 子 猶 不

氏玉裁《説文解字注》云:

氓

民也。

从民,亡聲。

讀若盲

詩》「氓之蚩蚩」,傳云:

「氓,民也。」《方言》亦云:「氓,民

之征乃夫税、家税

二事,本非經所及。

趙氏注廣言之也。」段

氏問: 布者,論丁出錢以爲賦 鄭氏解兩夫字不同。 者田税,如今租矣,夫布者,如今算斂在凡賦中者也。」按, 猶有事也,故但曰「無職」而不曰「無職事」。 中之間民,非游手也。 泛之人,夫家之征所以罰之也。 《載師》「凡宅不毛者有里布」,即此「夫里之布」是已。 之有職,周則 並不事事也,《閭師》之『無職』者,無常職 止據《載師》而不及《閭師》。 周氏柄中《辨正》云: 夫布、里布之名而横取者。 桑麻,有嬪婦布縷之征而仍使之别出里布。 庸力之間民,已有力役之征而 世凡地皆 曰間民無常職,轉移執事。 『夫家之征與夫布,其異如 有 惟施之間民而已。」趙氏佑《温故録》云: 地 税也。 「《周禮 解夫字不當用 ,猶漢口税之法。 夫布乃其常賦,非罰也。 此皆民 今皆除之,則居廛者皆受惠 《載師》之『無職事』者是游手 • 閭師》「凡民無職者出夫布」, 《載師 之常 《閭師》之「無職」者 仍使之别出夫布。 何?』鄭答云:『夫家之征 》之「無職事」者 一夫百畝之税之説。 賦。 漢口率 戰 也, 《閭師 國 是額外之征,借 而 時 轉移 一出泉 太宰九職 無職 切 宅有 職 則 「夫家 取 概 注 也。」 事 九 之。 夫 施 則 浮 中 劉 而 職

文》言部云:「信,誠

也。」故以「誠

」釋「信」。

「仰」之義爲向。

成其所欲者也?

疏注「今諸」至「者也」〇正義

E.

《説

自卑向高,自近向遠,皆望也。

《孟子・離婁》篇言「仰望

而

率勉人子弟使自攻其父母。

望而愛之如父母矣。

鄰國之君欲將其民來伐之,譬

生民以來,何能以此

濟

也。」《孟子》:「則天下之民皆悦而願爲之氓矣。」趙注:「氓 之氓,故字从民亡。」阮氏元《挍勘記》云:「《音義》出氓字, 者,謂其民也。」按,此則氓與民小别,蓋自他歸往之民則謂 旅農,悉連下「皆悦」二字句,似亦可通。」王氏引之《經傳釋 翟氏灝《考異》云:「一讀以「天下之民皆悦」斷句。上士商 内萌多改氓、改甿,如《説文》引《周禮》「以興鋤利萌」是也。 云:「或作萌,或作甿。」按,作萌最古,漢人多用萌字。 爲之。」信能行此五者,則鄰國之民仰之若父母 詞》云:「《吕氏春秋・音律》篇注云:「之,其也。」故「爲之 『氓者謂其民也』,閩、監、毛三本同,廖本、孔本、韓本、《考 官・載師》注引作「爲其民」。之可訓爲其,其亦可 按,尋謂字,則經文當本作萌。」 經典 訓 《爾雅·釋言》云"「濟,成也。」故以「成」釋「濟」。 「愛,仁也。」仁之於父子云「若父母」,是愛之也。《小爾雅 年《左傳》「使走問於朝」、《釋文》云:「使,本作吏。」段氏玉 「吏也」〇正義曰: 使從吏聲,故吏之義通於使。 則無敵於天下。 終身」,則仰之義同於望,故云「仰望」。 裁《説文解字》人部注云:「水部:「沑、水吏也。」吏同使。」 廣詁》云"「率,勸也。」勸之義與勉同,故以「勉」釋「率」。 爲天所使,誅伐無道,故謂之天吏也。 何敵之有? 是爲天吏。天吏者,天使也 而不王者,未之有也。」注言諸侯所行能 無敵於天下者,天吏也。 《廣 疏注「言諸」至 雅 釋詁

如此者

如

此,

爲

政

當

文》古本無『者謂其』三字。

굸: 釋訓》云:「擾擾,亂也。」 所使也。 疏「衆夫擾擾」〇正義曰:《國語 衆夫擾擾,非所常有。 母, 行今之政,自己之民不得而 范文子謂厲公曰: 章指: 言修古之道, 鄰國之民以 「唯 有諸侯,故擾擾焉。」《廣雅 命曰「天吏」,明天 子。 爲父 晉 是故

能濟者也。注今諸侯誠能行此五事,四鄰之民仰

率其子弟攻其父母,自有生民以來未有

注也。 言》云:「乍,暫也。」乍與詐通,卒與猝通。 日」,注云:「詐,卒也。」《廣雅·釋詁》云:「暫,猝也。」《釋 孺子將入井,賢愚皆有驚駭之情。 未有知小子也。所以言人皆有是心,凡人暫見小小 朋友也,非惡其聲而然也。 人也,非惡有不仁之聲名,故怵惕也。 疏注「乍暫」至 以内交於孺子之父母也,非所以要譽於鄉黨 見孺子將入於井,皆有怵惕惻隱之心。非所 易易也。 於轉丸於掌上也。 不忍害人之心以行不忍傷民之政,以是治天下,易 忍人之政,治天下可運之掌上。 注先聖王推 心,斯有不忍人之政矣。以不忍人之心行不 人皆有不忍加惡於人之心也。 怵惕也」○正 説文》丸部云:「丸,園也。 《説文》子部云:「孺,乳子也。」劉熙《釋名·釋長幼》 孟子曰:「人皆有不忍人之心。] 言人 所以謂人皆有不忍人之心者,今人乍 義 曰: 僖公三十三年《公羊傳》云 疏注「易於轉丸於掌上」○正義曰: 傾側而轉者。」置丸掌上,其轉 注乍,暫也。 先王有不忍人 情發於中,非爲 乍、暫、卒 三字轉 「詐 孺子, 戦不 之

心,非人也; 心,非 聲」、《淮南子・修務訓》云「聲施千里」,高誘 皆爲人之事,故統之云「非爲人也」。孔本作「發於中, 惕惻隱」謂驚懼其人井又哀痛其人井也。以「隱」之義已見 選•  $\bar{\Xi}$ 聲譽也。」故以 名也。」《禮記・表記》云「先王謚以尊名」,注云:「名者,謂 其人也」,無情字,有其字。《吕氏春秋・過理》篇云「臣聞其 云:「内,本亦作納。」納交於孺子之父母、要譽於鄉黨朋友 前,經文下亦自申明之,言惻隱爲仁,故略之耳。《音義 「豈有肯加惻隱於細民」,注云:「惻、隱,皆痛也。」然則「怵 爲「痛」。 即駭,「驚駭」猶恐懼也。 云:「猶日怵惕,懼怨之來也。」注云:「怵惕,恐懼也。」《文 則》云「孺子蚤寢晏起」,注云:「孺子,小子也。」始能行而 無知識,不知井之溺人,故將入井也。 「兒始能行曰孺子。 東京賦》云「猶怵惕於一夫」,薛綜注云: 人也; 《説文》心部云: 「名」釋「聲」。 無是非之心,非人也。 無羞惡之心,非 趙氏解《梁惠王上》篇「隱其無罪 孺,濡 |側 由 痛也。」《漢書 也,言濡弱也。」《 是 觀之, 人 《國語 也; 注並 「惕,驚也。」驚 無 周 無 注言無此 鮑宣 語 禮 惻 辭 云: 》芮良夫 記 讓 隱 傳 非 景云 之 内 爲

四者當若禽獸,非人心耳。爲人則有之矣,凡人但

東序頭也。」頭,首也。

「耑,物初生之題

學説》云:「《大學》致知,《中庸》致曲,皆自明誠也。 端」,注云:「内題方有頭,可由此推及全體。」惠氏士奇《大 之心,無論賢愚,則皆有之矣。孟子四言「非人」,乃極言人 子道性善,謂人之性皆善,禽獸之性則不善也。禽獸之性 心,仁之端也,羞惡之心,義之端也,辭讓之 用爲行」,正申明人必有此心,惟禽獸無之耳。 者,首也。人皆有仁義禮智之首,可引用之。 心,禮之端也,是非之心,智之端也。 人也,人無是非之心,非人也」,於句首俱加人字,則四稱 爲,人無好惡是非之心,非人也。」《禮記・曲禮》注引《孟子》 ·端首」至「用之」○正義曰:《儀禮·鄉射禮》注云:「序端, 「人無是非之心,非人也」,孔氏正義兼引「人無惻隱之心,非 非人」竟爲指斥罵詈之辭,非孟子義。趙氏云「人但不能 鍾繇傳》注引《先賢行狀》,李膺謂鍾覲曰:「孟子以 趙氏此注,深得孟子之恉,不愧通儒。 禽獸無此四者,以其非人之心也。若爲人 也。」題 故端爲首。 疏注「言此」至「行耳」○正 亦頭 也,故《考工記》「輪人鑿 端與耑通。《説文》耑部 惻隱之 義曰: 《中庸 注端 疏注  $\hat{\Xi}$ 孟 演 不 矣,觀於條理之截然不可亂,可以知義矣。 由其生生有自然之條理,觀其條理之秩然有序,可 天道,自人之德性遡之天德,則氣化流行,生生不息,仁也 之於輕重。於仁無憾,於禮義不愆,而道盡矣。自人道遡之 微之極致,曰仁,曰義,曰禮。合三者以斷天下之事,如權 達德也。」益之以勇、蓋德之所以成也。 等,禮所生也。」益之以禮,所以爲仁至義盡也。 也,親親爲大,義者,宜也,尊賢爲大。親親之殺,尊賢之 《易》曰:「立人之道,曰仁與義。」而《中庸》曰:「仁者,人 賅仁,又無疑也。 君子之精義也,斷乎親疏上下,不爽幾微。 可以賅禮,言禮可以賅義。先王之以禮教,無非正大之情, 以賅禮,使無親疏上下之辨,則禮失而仁亦未爲得。 長養不協於正大之情,則義有未盡,亦即仁有未至。言仁可 生,推之而與天下共遂其生,仁也。 之也。」戴氏震《孟子字義疏證》云:「仁者,生生之德 謂之曲、《孟子》謂之端,在物爲曲,在心爲端。 生生,在人爲生生之心,是乃仁之爲德也,在天爲氣化推 者,全乎智仁而已矣,而《中庸》曰:「智仁勇三者,天下之 「民之質矣,日用飲食。」無非人道所以生生者。 舉仁舉禮可以賅智,智

國志.

心必有此四者。

善,故無此四者。

言仁可以賅義,使親愛

一人遂

其

而 也

不

能

演用爲行耳。

在天爲氣化之

以 知 語德之盛

而舉義舉禮可

以

且言義

1者,知

此者也

就人倫日用究其精

九二

之條 故曰 於非 對文及智仁對文,皆兼生生、條理而言之者也。」程氏 也。 隱爲仁之端,仁義禮智,四端一 隱憐人謂之慈,反慈爲忍。」不忍人之心即是惻隱之心。 則曰「以不忍人之心,行不忍人之政」也。 通藝録・論學小記》云:「仁主於愛,與忍相反,故言仁政 禮者,皆生於己心之忍,忍則己去仁,己去仁則己去禮, 惟條理,是以生生。 理 「克己復禮爲仁」。」按: 賈誼《新書 , ●在人爲其心知之通乎條理而不紊, 是乃智之爲德 條理苟失,則生生之道絶。 貫,故但舉惻隱而羞惡、辭 道術》篇云: 凡視聽言動之人 凡 仁義 瑶 「惻 惻 田

云: 之有於心,猶四支之有於身,言必有也。 其性,使不爲善也。 謂 有 是 不能者,自賊 「惻隱之心,仁之端也」,言仁之端在心,不言心之端在 四 端 也,猶 者也。 其 疏「人之」至「體也」○正義曰: 有 四 注自謂 體 也 不能爲善,自賊 有是 毛氏奇龄《賸言補 四端 而 四 自 端 害

之得

名。

專以生於心爲言,則本可

生道

,道不可生本明

矣。」

其君

不能者,賊其

君者也。

注

謂君不能

爲

善

而

不匡正者,賊

其

君

使

陷

惡也。

凡有

四

.端

於

我

仁。

四德是性之所發,藉心見端,然不可云心本於性。

觀性

原道訓 文不切 《音義》云:「擴,音郭,字亦作礦,音霍。」王氏念孫 達。 者, 也。 證》云:「《説文》: 智,何以事父母也? 皆廓而充大之,若水火之始微 《説文》弓部云:「彉,讀若郭。」郭即 廓也。』《方言》云:「張小使大謂之廓。」義亦與彉同。」按: 同。《孟子・公孫丑》篇「知皆擴而充之矣」,趙氏注云:「擴・ 壽王傳》『十賊礦弩』,顔師古注云: 礦弩。』《太平御覽》引《尸子》云:『扞弓鞟弩。』《漢書 民,誠不充大之,内不足以 至,以喻人之四端也,人誠 足以事父母。」注擴,廓也。 廓落在城外。」是也。 知皆擴而充之矣。 苟能充之,足以保 尝云 ,故以廓解之,即《説 「廓 四方」,高誘注云:「廓,張也。」《説文》弓部 『彉,滿弩也。』《孫子·兵勢》篇云: 疏注「擴廓」至「母 趙氏本作「礦」,以滿弩之訓 文》「讀若郭」之義 能充大之,可保安四 若火之始然,泉之始 四 事 「引滿曰礦。」並字異而 海; 凡 父母。 小,廣大之則無所 廓,《 有端在於我者,知 釋 苟不充之,不 也一〇正 名》云: 言無 《 淮 《廣 義日 南 郭,廓 「勢 義 海 於此 子 吾 雅 禮 之 不 邱 如 疏

讓

、是非即具矣,但有仁之端而

義禮智之端即具矣。

人

之

❶ 「天」,原誤作「人」,今據戴震《孟子字義疏證》改。

事? 善之切 智,何以事父母」,不能事父母,豈尚能保安四海? 母,即是不仁不義,無禮無智。 故由微小而無所不至,猶人之有四端,既知擴而充之,則亦 云"「保,安也。」「保四海」即安四海之民也。 語 無所不至 之」,「引用 而充之」。《淮南子・説山訓》云「近之則鍾聲充」,高誘注云 云:「引,開弓也。」開弓與滿弩義同。 《説文》火部云:「然,燒也。」火始燒泉始通,其勢不可遏止. 充,大也。」故以「大」釋「充」,「礦而充之」即引而大之也。 |傳,皆云:「苟,誠也。」《毛詩 里仁》篇「苟志於仁矣」孔氏注、《毛詩・秦風》「苟亦無 惟賊害其性,遂至不能順於父母。 ,可謂通儒矣。 也。 即此礦 惟無所不至,故放諸四海而民皆安保也。 矣。 礦亦廣也,下注云「廣大之」即謂 雖愚蒙,豈不知父母之當 · 小雅》「保艾爾後」,傳 趙氏上注云「可引用 趙氏言「無仁義禮 人不能事父 此言性 《論 強

四端,充廣其道。上以匡君,下以榮身也。章指:言人之行當内求諸己,以演大

人惟恐不傷人,函人惟恐傷人,巫、匠亦然。孟子曰:「矢人豈不仁於函人哉? 矢

故術不可不慎也。 典皆謂之甲,後世乃名爲鎧,箋以今曉古。」此疏所指亦謂 《周禮・司甲》注[甲,今之鎧也],世乃有以金制鎧之名。 《釋甲》云:「鎧爲甲之通名。 云: 關而東謂之矢,江淮之間謂之鍭,關西曰箭。」《爾雅· 也。 鎧」者,今蓋以漢制況之,謂漢名甲爲鎧 也。」《禮記》注:「甲,鎧也。」《廣雅》:「函、甲、介,鎧也。」自 監、毛三本作「函甲也」、《音義》出鎧字,則鎧是也。 欲其蚤售,利在於人死也。 鎧之人也,術使之然。 禮》曰:「函人爲甲。」作箭之人其性 兜鍪,隨世爲名故也。」億考之,獨不謂然。 用鐵爲之而因以爲名。 義:「古之作甲用皮,秦漢以來用鐵。 云:「東南之美者,有會稽之竹箭焉。」《太平御覽》引《字林 「甲鎧胄兜鍪者,古者用皮,故名甲、胄,後代用金,故名鎧 《禮記》疏言古用皮謂之甲,今用金謂之鎧。《書・費誓》正 「箭,矢竹也。」箭爲竹名,可爲矢,故矢即名箭也。 疏注「矢箭」至「爲甲」○正義曰:《方言》云: 《儀禮 巫欲祝活人。 注矢,箭也。函,鎧 《釋名》:「鎧猶塏、堅重之言 · 既夕禮》「甲胄干笮」,疏" 故治術當慎,脩其 鎧、鍪二字皆從金、蓋 《詩正義》云:『經 非獨不仁 匠,梓匠,作 鄭氏注「甲今之 也。 「箭, 自 武 釋地 善 於作 氏億 《周 閩 棺 以

九

四

頭。」鄭 篇 堅甲 雞之戲 介與 矛 漢 自 鴪 春 車 車、大鐵著其 也。」是馬亦用 風 自 《吴越· 〈傳》『駟介百乘』,成二年《傳》『不介馬而馳之』,注:『介,甲 衣 亦 戟。」 制 春 秋 距。』《吕氏春秋 》「駟介旁旁」,傳云:「介,甲也。」《秦風》「俴駟孔 「倭,淺也 一金距對 「葛盧之山發而 世爲然。 況 秋至戰國 鐵 盾 用金爲鎧 春秋》 甲 貴卒》篇: **鞮鍪鐵** 尚 衆亦云:『介,甲。 「車。」考《淮南子・覽冥訓》「大衝車」,高氏注 蚩尤,造兵之始者,已以 也 如 ,操鐵杖以 其 此, ,則小鎧亦以金爲之。 (轅端。 城幕」,劉 『王僚乃被棠鐵之甲。』又《戰國策》『當敵則 謂 春秋時, 實 金爲鎧。 世變益甚 蓋 用 昭二十五年《傳》:『季氏介其雞 一趙氏攻中 以薄金爲介之札。 必 皮用 出水,金從之,蚩尤受而制之,以爲劍鎧 戰 馬 有 察微》篇注:『介,甲 氏 被甲, 此制益廣,車馬 所 云 而 金, 定八年《傳》『主人焚衝』, 所 仿效爲然。 爲雞著甲。』見《儀禮 所 在 山中 擊 「謂以鐵 備 車 古 金作 益 無不碎 被兵,所以 並 密。 山之人多力者,曰: 此又可爲證 有 幕 介,甲 鎧。 此 其 被甲、皆得 則甲 所 爲 制。 人人得 鎧 臂腫之衣。」《吕 也。 衝 衝於敵城 也。」僖二十八年 用金與革,古 所 無不陷。」 用 《管子 由來遠 作 以見當時 》疏 金爲鎧 用 小鎧 郎 金。 氏爲之 也。」 注云: 羣」,箋 按, 地 矣, 此 吾 著 「衝 者 數 蓋 又 兵 氏 斬 鬭 此 雞 是 鄭 非 類。 也。 神 春 記 兼

楹,斲之形如大楹耳,四植謂之桓。」 室内之碑,匠師主之,則 祀、衍、 延,進 巫 ※ 室,執斧以 者寢席,醫之用針 豐碑之事。」《檀弓》云: 見《考工記》, 大祝言甸讀禱,代受告裁,小祝將事 精變氣以治病。 惠氏士奇《 疫,祝於未病時, 禮。」祝號掌於大祝小祝而授男巫 豐碑,天子斲大木爲之,形如石碑 號,男巫爲之招。 招弭以除疾病。」注 之 弭 地 也 ○注 「掌望祀、 而 旁招 讀爲敉。 官 諸 謂 《禮説 涖 巫 説 但 鄉師》: 皆不言作棺 , 弭寧疾病; 妄爲 匠 用 欲 望 師。 《春官》大祝、小祝 幣致其神。 除 敉, 衍 石,巫之用糈藉。 至 區 疾病,祝於已病 分, 注 杜子春 、授號, 「及葬,執纛以 「古者巫彭 「死也」〇正 安也, 「公室視豐碑,三家視桓 女巫歲時 其 「衍讀爲延。 而 旁招以 義 安凶禍 云:「堂贈 匠 宫 非 一者詛 師 室屬之匠 初作醫 也。」「函 義日 主 茅; 釁 男巫 所救鈞 心也。 ,於椁前 與匠 是祝 祝所授 時。 衆 浴 候禳,求遠辠疾; 謂 冬堂 匠。 望祀 之事 師 被 皆所 招 人,棺 故 逐 女巫皆傳 周禮 人爲甲 也。」梓 後四 御 除 類 又云 有 疫也。」 、
牧皆 謂 贈, 舊 巫 造 不 祝 以 有 楹 而 椁 爲之也。 祥: 角樹之。 攻説襘 無 求活 由 牲粢盛者 1有祀 春 治 亦 方 其術 一之術 招 見 注 匠 宫 匠 官 故 役。 無 人 궁: 男 禁之 算; 考 師 室 衍 招 日 也。 焉 桓 主 及 並 病 巫 移 逐 之 男 福 Τ.

人是仁道者,何得爲智乎?

所以假人尊爵也,居之則安。

不仁,是不智也。

事,皆匠人主之。此國之職事,而士大夫之棺亦必匠人所 夫仁,天之尊爵也,人之安宅也。 莫之禦而 仁J〇正義曰:《爾雅·釋詁》云:「柬,擇也。」《説文》手部 死也。1即《孟子》「巫匠亦然」意。」 孔子曰: 『里仁爲 法志》引諺曰:「鬻棺者欲歲之疫,非憎人欲殺之,利在於人 者,則主買棺者而言。蓋士庶之家不能自治,必市於匠人, 作,故孟子爲母治棺,使虞敦匠事。 載柩窆。」《雜記》云:「匠人執羽葆御柩。」襄公四年《左 云:「擇,東選也。」東部云:「柬,分别簡之也。」東,古簡字。 ,遂匠納車于階間。」注云:「遂匠,遂人、匠人也。 擇不處仁,焉得智?』注里,居也。仁,最 夫簡擇不處仁爲不智。 初,季孫爲己樹六櫃於蒲圃東門之外,匠慶 閻氏若璩《釋地三續》云:「《漢書・刑 注爲仁則可以長天下,故曰 故《儀禮・既夕記》云:「既正柩,賓 惟匠人作棺,故載柩、御柩之 疏注「爲仁」至「智乎」〇 無止之者而人不能 此云「作棺欲其蚤售 疏注「簡擇不處 匠 人主 知 天 「惑」。 仁。 者也。 正義曰:《易・文言傳》云「元者,善之長也」、「體仁足以長 本上有由字。 屬知,此言「不仁,是不智」,故云「不能知入是仁道」也。 云「居之則安」。禦,止也。 利兵」之假,顔師古注云:「給與也。」謂天以仁給與人,使得 矣」〇正義曰:"《禮記・射義》云:"「射者,仁之道也。 不得其報,當反責己仁恩之未至。 勝己者,反求諸己而已矣。 者如射。 「惑也」〇正義曰:智者不惑,上云「不仁,是不智」,故云 仁不智,無禮無義,人役也。注若此,爲人所役 長人也。《爾雅·釋言》云:「宅,居也。」「安宅」是安居,故 人」,故 而耻爲矢也。 人義同。]是《音義》本此文上有由字。] 如耻之,莫如 注如其耻爲人役而爲仁,仁則不爲役也。 阮氏元《校勘記》云「「矢人而耻爲矢也」,各本同,孔 人役而耻爲役,由弓人而耻爲弓,矢人 「爲仁可以長天下」也。假,如《漢書・ 射者正己而後發。 按、《音義》「由反手」下云:「下文由弓人由 注治其事而耻其業者,惑也。 「莫之禦」是「無止之者」也 注以射喻 發而不中,不怨 疏「仁者」至「已 儒林傳》

美。

而匠人即以棺爲售。

其美者也。

出

假

固

智

棺椁亦匠人所爲明矣。

請木。」請木則棺爲匠所作。

傳》:「定姒薨。

射求

人爲仁,

爲

矢

疏

托 也 也 函 已矣。」《孟子》此文蓋有所本。 Œ 日 人,此不能勝,必多方乞助於他人。 爛其民,如矢人之不仁矣。 事屈身之辱。 益刻,氣日益卑。 諸己、己正 一人以爲庇,其趨同 巫、匠,則指藝術而言。 推之士庶人,惟知利己損人,則時以忮害爲心以争勝於 故此以射爲喻而戒其不怨勝己也。 而 後 儒者求勝以學,市人求勝以利,朋黨阿 發。 苟始以正己,繼以反求,本無傾軋之心, 發而 藝術,人之所習也。 不中則不怨勝己者,反求諸己而 所以習於争戰者,以欲勝人 首言術不可不慎,術承上矢、 役於彼以求伸於此,心 不特諸侯之習争戰 習於争戰則 比

治術之忌,勿爲矢人也。之來,隨行而作。耻爲人役,不若居仁,之來,隨行而作。耻爲人役,不若居仁,章指:言各治其術,術有善惡,禍福

曰: 聞 尚 善言 書》曰 段氏玉裁《説文解字注》云"「《咎繇謨》曰「禹拜昌言」, 孟 子 則 「禹拜讜言。」 拜。 「子路 注 子 路樂聞 人告之以 疏 注 一尚 其 書」至「讜言」〇 過 有過 過 而 則 能 喜 改 正 也。 禹 義

周書・. 者也。 人》《彖傳》云: 注: 《劉寬碑》「對策嘉黨」,皆「昌言」,字之假 謂舜之善在舍己從人,而舍己從人,此舜之善與子路 君也,巍巍乎!」是孔子稱舜「巍巍」,而巍巍則爲大也。 作『虞舜也』,淺人或删舜,或改爲帝。』《論語・子罕》篇云: 三本,孔本、韓本同。 也」〇正義曰: 故爲大也。 子稱曰「巍巍」,故言「大」。舜有大焉,能舍己從 從人,樂取於人 公解》云:「黨、讜古字通。」《荀子• 言』而爲之言傍,謂之正俗字可。」盧氏文弨挍《逸 言」,亦見漢人文字。《字林》[讜言,美言也]。 今文《尚書》作「黨」。 巍巍乎,舜禹之有天下也而不與焉!」又云:「大哉堯之爲 於子路與禹同」者,趙氏以 「謂直言也。」大舜 祭公解》『拜手稽首黨言』、《張平子碑》「黨言允諧」, 經文「善與人同 於子路與禹同 「同人,柔得位得中而應乎乾, 曰同人。 阮氏元《校勘記》云:「「虞帝也」,閩、監、毛 以 廖本、《考文》古本作「虞也」。 趙 」在上,注倒言之耳。 注《孟子》引《尚書》『禹拜黨言』、《逸 爲 有大焉,善與 善。 「善與人同」之人指子路與禹。 者也。 注大舜, 非相 疏 篇 借 注「大舜」至「者 按:《周易 虞帝 也。 「博 同 此又因「黨 周 而 至 按,當本 也。 黨正 書 於「讜 舍己 馬同 惟 孔 君 同

也

故君子莫大乎與人爲善。」江舜從耕於歷

取於人者。

取諸

人以爲善,是與人爲

善

者

乎! 子惟 同,所 以同 明專己執一之非也。 學,不過「舍己從人」而已。 權。 無他技; 有之,不啻若自其口出,皆樂人有善之甚也。」樂人有善,則 好之:不啻若自其口出。」注云: 休焉,其如有容焉。 也。」《禮記·大學》篇引《秦誓》云: 之從,故舍己從人,樂取於人以爲善。《意林》引《尸子》云: 己而不能舍己,故欲天下人皆從乎己, 於民。」其兩端,人之兩端也。 舍己」即子路之「改過」,「從人」即禹之「拜昌言」。 聖賢之 見人有善如己有 執一 能 舜好問 謂 !通天下之志。」《序卦傳》云: 「善與人同」也。 無權則與人異,執兩用中則與人同。 無他技,是不爲異端,不爲異端,是善與人同 人同者,物必歸焉。」同 而 好察邇言,隱惡而 善,見人有過如己 人之有技,若己有之, 自耕 《禮記 孟子闢楊墨,以其執一,此章 稼陶 執 「他技,異端之技也。 兩 湯善。 中 即 「物不可以終否,故受之 漁以至爲帝, 「斷斷兮無他技,其 而 一有過: 通也。 庸》云: 用 通天下之志者,惟善 中,則非 執其兩端,用 人之彦聖,其 此虞氏之盛德 上下交而其 「舜其大知 執一者,守乎 執 無 若己 八心休 愐 其 也。 非 心 發 無 中 矣 志 所以大也

Ш 與人同爲此善也。 人。 人同し。 人者」,然則舍己從人之道,自天子以至庶人,無不當如 首叢脞之歌,而帝且拜而俞之,可爲舜取善謀之證,乃此 又曰「迪朕德,時乃功惟敘」,及「皋陶拜手稽首颺言」,賡元 存,唯存《皋陶謨》。 申之,作《大禹》、《皋陶謨》、《棄稷》。」今《大禹》、《棄稷 云:「謨,謀也。」《書序》云:「皋陶矢厥謨,禹 成邑,三年成都。」此舜「耕稼陶漁」之事 人皆讓居; 本紀》云: 人爲善。 取諸人以爲善,是與人爲善者也。」「與人爲善」猶 爲帝」時也。 及其陶漁、皆取人之善謀而從之、故曰莫大乎與 舍己從人即是「樂取于人以爲善」,是取 上言「善與人同」,而下申言其所以同者爲「舍己從 陶河濱,河濱器皆不苦窳。 疏注「舜從」至「爲善」○正義曰 「舜耕歷山 孟子則遡言「自耕稼陶漁以至於帝,無非 「莫大乎與人爲善」,此舜之「舍己從 禹既拜皋陶之言,帝乃命「禹亦昌言」 ,歷山之人皆讓 畔; 也。 年所居 漁 :《史記 《爾雅· 成厥 雷澤, 人爲善,即 成 三二一善 功 聚,二年 雷 釋詁 ( ) 篇不 澤上 Ξi 帝 取 是 與 其

曰「計及下者無遺策、舉及衆者無廢功」 章指:言大聖之君,由采善於人,故

一九八

衆者 云: 也 桓寬《鹽鐵論‧刺驕》篇云:「謀及下者無失策,舉及 「《春秋》采善 無頓 疏 語皆《外書》之文,而趙稱之歟?」 功。」周氏廣業云: 由 采 善於人」〇正義曰: 不遺小。」○「故曰」至「功也」○ 「《文選 》注有『計及下』句 董子《春秋繁露》 正 義

友。 西伯昌善養老,盍往歸焉。 也。 叔齊亦不肯立而逃之。 欲立叔齊。 去之,恐其污己也。 而隱居者也。 去之,若將浼焉。 推惡惡之心,思與鄉人立,其冠不正,望望然 人之朝,與惡人言,如以朝 《史記•伯夷列傳》云:「伯夷、叔齊,孤竹君之二子也。 與鄉人立,見其冠不正,望望然,慙愧之貌也, 不立於惡人之朝,不與惡人言,立於惡 孟子曰:「伯夷非其君不事,非其友不 及父卒,叔齊讓伯 塗,泥,炭,墨也。 國人立其中子。 疏注「伯夷」至「己 注伯夷,孤竹君之長子,讓 及至,西伯卒,武王載木主,號爲 ·夷,伯夷曰『父命也』,遂逃去。 衣朝冠坐於塗炭。 浼,污也。 於是伯夷、叔 也 0 正義曰: 思,念 齊聞 父 或

澗。」旁與汙同。 也。 孫 不坐哉? 她也。」然則炭爲燒木已妻之名,但未成死灰而已無火矣。 干戈,可謂孝乎? 「漫、汚也。」漫、浼並與醃通。《莊子・讓王》篇云:「其並乎 辱行漫我。』《吕氏春秋・離俗覽》「不漫於利」,高誘注云: 云:「浼,污也。」丁公著音漫。 之炭。」周氏柄中《辨正》云:「若是炭火,豈必朝衣朝 云:「炭與塗聯言,是無火之黑炭,非如《左傳》「廢於爐炭 上》篇「面深墨」,注云:「墨,黑也。」王氏鳴盛《尚 木經火燒未灰,其黑能污白,故趙氏以 持。」「灺,燭麦也。」「麦,火餘也。」《廣雅・ 塗附」,傳云:「塗,泥也。」《説文》火部云:「炭,燒木未灰 及餓且死。」此 而伯夷、叔齊耻之,義不食周粟,隱於首陽山,采薇而食之, 公曰:「此異人也。」扶而去之。 「文王」,東伐紂。 也。」「灰,死火餘表也。 《廣雅疏 白關而 趙氏云『塗、泥、炭、墨」、則非炭火明矣。」王氏 證》云: 東或曰洼,或曰氾。 「讓國而隱居」之事也。《毛詩・角弓》「如途 《孟子• 伯夷、叔齊叩馬 以臣弑君,可謂仁乎?」左右欲兵之。 「醃,污也。 从火又。又,手也。火既滅,可以 公孫 《莊子·讓 丑》篇 《方言》:『氾、浼、潤、 東齊海岱之間或曰浼,或 武王已平殷亂,天下宗周 而諫曰:『父死不葬,爰及 岩 「墨」釋之。《滕文公 1將浼 釋詁》云:「炭,表 王》篇云: 焉」, 書後辨 趙 冠而 「欲以 洼,洿 岐 太 注 日 念 後

而

屑以 引《詩》 塗作漫。 傳》云:「屑,潔也。」箋云: 罔,失志之貌。」失志故慚愧也。 及也。」注云: 圬矣。』《爾雅 塗、漫義相 士」,傳云:「思,辭也。」此 一楚辭 詩 禮記 見也。 以塗吾身也,不 就 伯 也。 「惘惘」。 \*\frac{\times}{\times} 之也。 」謂不以我爲潔而用我也,此「不屑就 也。 》者、《邶風 不受也者,是亦 是故諸 招 問喪》云: 《漢書 「不我屑已。」伯夷不絜 魂 同 殷之末世 疏注 屑絮 言「不忍就見」者、《説文》心部云: ,故污謂之漫,亦謂之塗。 》篇云「朕幼清以廉潔兮」,注云:「不污曰 「望望,瞻望之貌也。」此云「慚愧」,趙氏 惘 釋詁》云:「念,思也。」是「思」爲「念」也。 即罔 侯 王尊傳》云:「塗污宰相 如 「其送往也,望望然,汲汲然,如 谷風》第三章,已作以,古已、以 避之以絜吾行。《吕氏春 雖 言,諸 罔,《文選 」至「伯也」○ 有 侯多不義,故 「思與鄉人立」,思當亦語辭,非有 「言君子不復潔 善其 不 屑 按:《毛詩·大雅》「思皇多 西 辭 就 [征賦 諸侯之行,故不忍 己。 命 正義曰: 塗牆謂之墁,亦謂之 而 不就之,後乃歸 注 」謂不以諸侯爲潔 推 用我。」蓋 至者, 注屑,絜也 云 秋 辱 一 忍, 絜與潔通 公卿。」污 「惘猶 有追 通。 誠廉》篇 能 不受 也。 不 潔。 蓋讀 而 《毛 罔 我 弗 如蜩 能 側 故 能

就

也

義

爲

周

覃及鬼方。」此言商紂失道,其奰然惡行延及中國之外,至 氏元《校勘記 姓展,名禽,字季,柳下是其 隱賢,必以其道,遺佚而不怨,阨 侯多不義。」柳 中,分財不均,百姓盡力,不得衣食也。 等,皆不義之國,不獨崇侯虎蔑侮父兄,不敬長老,聽 不義之小者。 大惡,所謂詢爾仇方,如虞、芮未質成之先,則争田 遠方諸侯。 就之矣。 文》兔部云:「逸,失也。」人部云:「佚,佚民也。」逸、佚、 失,皆音逸。』《音義》出「阨窮」,云:「本亦作厄。」」按:: 才,必欲行其道 即 污我也? ,爾焉能 曰:『爾爲 如 耐 螗,如沸如羹,小大近喪,人尚乎 故 《毛詩·大雅·蕩》篇云:「文王曰咨, 《廣雅 是當時諸侯皆化于紂之不善,多黨紂而 》云:「《音義》出「遺佚」,云: 文王所伐有犬戎、密須、阮徂、共、耆、 浼我哉?」 注柳下惠 疏 下惠 爾、我爲我。 也。 遺供 釋言》云: 不羞污君,不 惯,懣. 而不怨阨 「忍,耐 也。 號 第而不憫」〇 云善己 也。 雖袒裼 也。」既以爲汙,故不耐 卑小官。 曲 故云「殷之末世 ,魯公族大夫也 進 行,内 「或作迭,或 脯 不隱己之賢 窮 裸裎 己,惡 正義 而 **奰於中** 答女殷商 、形、孟 而 不憫。 於我 進 日 訟, 人何 國 作 阮 此

謂之裎衣。」義亦相近也。 程於我側。」程之言呈也、《方言》:「禪衣無袍者,趙 念孫 楊」字皆改爲『袒裼』矣。 窮」即 得之,是遺失之也。 三字古通。 程者、《説文》『程,袒也。』《孟子・公孫丑 露見不隱藏,虎豹之屬恒淺毛。』《荀子• 同 而生也」、《史記・陳丞相世家》「躶身而佐刺船」,並字異 肱」、《釋文》「贏本又作羸」、《大戴禮·天圓》篇「唯人爲倮匈 無衣也。 但也。」《釋訓》、毛傳皆曰:『袒裼,肉袒也。」肉袒者,肉外見 也。』《漢書· 但裼」字如此。 説文解字 孟子》阨字作「厄」。 袒 《廣雅 贏之言露也,《月令》『中央土,其蟲倮』,鄭注云: 困窮, 也。』僖公二十三年《左傳》『欲觀其裸』,《王制》『贏股 引申爲徒。 疏證》云: 注 由遺佚至於困窮也。 此云「遺 翟 義傳》《集注》引晉灼云: 袒 川則訓 「但,裼 佚 三 云 「贏、裎、 凡曰  $\bigcirc$ 即即 衣縫,今之綻裂字也。 切經音義》引《蒼頡篇》云:「厄,困 『鑑鑑, 一袒 衣部又云:『赢者,但也。』『裎者, 徒與袒一 徒曰但 也。 遺失也。 裼裸裎」〇 徒、 無毛羽之貌。」義並 衣部曰: 《文選》 裼,袒 皆 聲之轉也。 柳下惠賢人,而魯不能 也。 聲之轉,空也。」王氏 》嵇康《絶交書》注引 正 蠶賦》「有物於此 「阨,古厄字。」「 》篇云: 『裼者,但 義 :: 羸者、《説文》: 今經典凡『但 《韓非子 「雖袒 段 與 魏 也。 氏 「物象 羸 之間 裼裸 玉 同。 義 阨 裁 古

是也。 之袒裼 裼者 也」。 딩 : 父之側不事容飾。 敬之事,乃以袒裼屬敬事。 檀與袒同。」毛氏奇齡《經問》云: 風 事,不敢袒裼」,是也。 或謂之袒裼。 趨 初 禮》「袒括髮」、《鄭詩》「袒裼暴虎」、《郊特牲 爲敬君之事,此正與『不有敬事,不敢袒裼』兩相發明。 文飾也不裼」,又云『裘之裼也,見美也。 『不有敬事,不敢袒裼。」夫『袒裼裸裎』見於《孟子》,此大不 左傳》「鄭伯肉袒舝羊」、《史記 孟子 袒裼,而 • 敵。」裼者、《説文》:「裼,袒也。」凡去上衣見裼衣謂之裼 見秦》篇云:『頓 往讀 太叔于田 ,事君之敬,不敢袒裼者,事父母之情 此所爲裼,謂裼衣裼裘,使美見於外,正文飾之事,與 》袒裼穢褻截然不同。 此脱衣見體,不必皆敬事也。 有加 《樂記》云『周 以爲褻,一 衣之袒裼。 《玉藻》『裘之裼也,見美也』,《内則》『不有 》篇 「檀裼暴虎」、《爾雅 則袒與裼有何容飾? 足 徒裼。』《韓策》云:『秦人捐 旋裼襲,禮之文也』,又《玉 以爲敬? 其去衣見體, 去衣之袒裼 鄭康成注則云『父黨無容』, 袒裼見美,本爲文飾 微子世家》面 「沈玉亮問: 티: 若加衣之袒 如 》云「檀 袒裼本不同,有 亦 射 君 經與注皆不可 謂 也。 在則裼者 禮 》内 裼 之袒 》祖 《内則》云: 然則 肉袒, 縛肉袒」,俱 而 裼 袒 藻》云『不 甲 裼。 割 · 徒 何 即 ,則《衛 是也 性」, 以 謂 去 盡 以 蓋 裎 解 衣 衵 之 居 鄭 敬 以 口

五十步而樵採者」,則季爲字也。《文選・陶徵士誄》注引鄭 海鳥爰居》篇云「文仲聞柳下季之言」,注云:「柳下,展禽之 語 使展喜犒師,使受命於展禽。」注云:「柳下惠。」《國語 傳》云:「震夷伯之廟,罪之也。 氏。」注云:「無駭,公子展之孫,故爲展氏。」僖公十五年《左 氏,司空無駭,公子展之孫。 也。 則揜之而美不見。《檀弓》所云「襲裘而弔」、「裼裘而弔」是 裼裘,如狐 食邑柳下。」隱公八年《左傳》云:「無駭卒,公命以字爲 衣,皆加單衣於裘上。 上,謂之裼衣。 風》「衣錦絅 云:「夷伯,魯大夫展氏之祖父。」二十六年《左傳》云: ·獲聞之。」」注云:「展禽、魯大夫展無駭之後柳下惠也。 柳下」至「我也」●○正義曰:《春秋釋例・世族譜》云:「展 》云:「齊孝公來伐,臧文仲欲以辭告,問於展禽,對 齊策》顏斶對齊宣王亦稱「秦攻齊,令有敢去柳下季壟 季,字也。」《莊子·盜跖》篇稱「孔子與柳下季友」,《國 去衣之袒裼爲褻,加衣之袒裼爲敬,明有分别矣。」〇注 獲,展禽之名也。」是「爲魯公族大夫」也。又《魯語 白 衣」、「裳錦 加 但又加 錦 衣,狐 但外又加一衣,袒則裼之而美見,襲 「絅裳」,謂夫人衣錦,必加單衣 青加綃衣,狐 衣,袒而 魯公族夷伯 於是展氏 不襲,則其美見焉。 黄加黄衣,羔裘加 ,展氏祖父。 有隱慝焉。」注 又有 於其 展 日 • 一公 魯 字 展 禽 緇 8 2 0

賢也,既患其正義以繩己矣,又耻居上位 行其道也。《韓非子·難三》云:「故羣公公正而 名禽字季,未知所本。 郭惠子居南郭,因以爲號」,是也。 説,以爲號也。 號柳下惠。 惠,魯大夫展無駭之子,名獲。 惠。、《淮南子・説林訓》「柳下惠見飴」,高誘注 氏《論語》注云: 之所以爲賢也。」《潛夫論 其利,見賢不隱,食禄不專:此公叔之所以爲文,❸魏成子 賢,不進不肖。』《鹽鐵論·剌權》篇云:「受禄以潤賢,非 謂不肯自藏晦其賢才也,「必以其道」是必用其道,即是必 是二十字」,是也。 一曰:柳下,邑。」柳下有此二説,趙 號如《史記》「吕尚號曰太公望」,《荀子》「南 柳 隱,藏也。 下惠,魯大夫展 孔氏《左傳正義》云「季是五十字,禽 •明闇》篇云:「且凡驕臣之好 以,❷用也。「不隱己之賢才 字禽。 惟名獲字季,而趙氏以 禽。 家有大柳樹,惠德,因 而明不及下,尹 食采柳下,謚 無私,不 氏同 柳 高 其 隱 欲 下 隱 日 私 前

及阮校所述廖、孔、韓等本注文改。

<sup>「</sup>以」字疏釋,未詳所本。 「以」,據注文當作「行」,下「必以其道」同。 然焦疏确依

<sup>「</sup>叔」,原誤作「禄」,今從沈校據《鹽鐵論》改。

\_\_ O \_\_

偕,俱 南 以 而已耳。 援 文》心部云:「悶,懣也。」《鬼谷子》云:「憂者,閉塞而不泄 去已。」建由由,浩浩之貌。不憚與惡人同朝並立。 袒裼裸裎」之人。 善己而已」解「我爲我」,「惡人何能污我」,❶以「惡人」解 子 而 去爲潔 而 佞幸• 策不出於己。」此「隱賢」謂隱蔽賢人,與趙氏義異。 止之而止。 也。 則 憫 援而止之,謂三絀不暫去也。 也。 石顯傳》「憂滿不食」,注云:「滿,讀曰懣。」《説 與之儷行於朝何 即憂悶,凡憂悶不能 訓 \* Z 疏注「由-故 「年衰志憫」,注云:「憫,憂也。」《漢 援而止之而止者,是亦不屑 由 由 由 |至「潔也」○正義曰:《廣 然 傷? 與之偕 泄則 但 憤,故懣又訓 不失己之正 而不自失焉, 是柳下惠不 憤 雅 《淮 也。 心

兮 ! 乎? 傳 補 故憂之而救之。 謂此「生生之民」,與下「將陷於害」 誄。」此與《孟子》相表裏。兩言「油油」,其云「油油之民」即 嗚呼哀哉,魂神泄兮,夫子之謚,宜爲惠兮!」門人從之以爲 永能厲兮! 蒙耻救民,德彌大兮! 之處, 仕於下位。 流,物生則悦。 由爲生,亦爲喜。 家》云「禾黍油油」、《索隱》云: 曰:「無乃瀆乎?」柳下惠曰:「油油之民將陷於害,吾能 「愉愉然不去也。』《大戴記・文王官人》云:「喜色由然以 「油油」爲悦,故《韓詩外傳》引《萬章》「由由然不忍去也」作 救於其間 賢明》篇云:「柳下惠處魯,三黜而不去,憂民救亂, 夫子之信誠而與 且彼爲彼、我爲我、彼雖裸裎、安能污我?』油 所謂 嗟乎惜哉,乃下世兮! 禾黍之油油,猶云木欣欣 惟憂民救亂之心切,故不憚委蛇容忍,周 喜悦,生之象也,流動,生之機也。 其妻誄曰:『夫子之不伐兮,夫子之不竭 進不隱賢,必行其道」,謂不藏此 人無害兮! 雖遇三點,終不蔽兮! 油 」相貫。 油、禾黍之苗光 屈柔從俗,不强察兮! 庶幾遐年,今遂逝兮! 害則將戕 而向榮也。 愷悌君子 其生矣 憂民 油 水生則 悦 **参** 然與 生。 貌。 旋 妻 女

乃油

油

,本新生之狀,詳見前

「油然作雲」。

而

《禮記

玉

云

浩 」爲

浩沅

湘

Ŧ

逸注云:「浩浩,廣

也。

此「由 懷沙》

「浩浩」,亦謂其不似伯

夷之隘

,而寬然大而 大貌。」是

能

容

也

浩然,心浩浩有遠志也。」遠與大義同。

《楚辭

云「三爵

而油

油然」,注云:「油油,悦敬貌。」《史記・微子世

釋訓

\*\\ \times \\ \t

「浩浩、油油、流也。」由與油通、故以「由由」爲「浩

浩

趙氏解

浩然之氣

|爲「大氣」,注「予然後浩然有歸

志

<sup>0</sup> 本書及阮校所述廖、孔、韓等本改 污」下,原 有 「於」字,合於宋十行、閩、 監、毛等本,今據

側

而

云:「路,暴露也。

「仁人之兵,不可詐也。

慢」並言,亦假借之言矣,故爲惡人也。 者之割剥,猶《管子》以焚燒爲倮也。 《荀子・議兵》篇云: 趙氏明本《列女傳》爲説,以此袒裼裸裎即指陷害斯民之人, 則彼能浼我,我以救民者補救挽回其害,則與之偕而不自 害民之人並處於朝,彼焉能浼我? 害民而潔身遠去,則不與之偕,因其人害民而詭隨阿附 人,彼自害民,我自救民,所爲「爾爲爾,我爲我」也。 割大陵,倮大衍。」注云:「倮謂焚燒,令蕩然俱盡。」《周 以爲「焉能浼我」,此即尋常之人,亦豈見有爲赤體之人 大司徒》「以虎豹爲贏物」、《列子》「以豹爲裎贏」,裎即 「惡」字明之。《管子・七臣七主》篇云:「春無殺伐、 然則柳下惠所云「裸裎」,假借脱衣赤體以喻害民 亶讀爲祖,謂上下不相覆。」「露袒」與「怠 油」相例,則油油即由由,由由即生生 不自失,所以不能浼,必行其道, 彼可詐者,怠慢者也,路亶者也。」注 油油然救斯民,全其生生者。 且惡人居朝,亦豈脱衣露體? |四字而云「與惡人同朝」。 推此,裸裎之人即害民之 蓋我染其所爲而附之, 若徒以赤 體之人在 即 因其人 ,所以 與此 使脱 則 則 浼者? 惠哉? 選·吴都賦》「邦有湫阨」、劉逵注云:「阨,小也。」「湫阨 作絀,是。《音義》出絀字。」孟子曰:「伯夷隘,柳下 記》云:「「謂三黜」,閩、監、毛三本同。廖本、孔本、韓本 輕進,舉一柳下惠以戒人之輕退,豈徒然哉? 莫或救止 褊隘,不爲不恭。」此解「隘」、「不恭」與趙氏同。 謂疾惡太甚,無所容。 陋也。」《音義》云:「隘,或作阸,或作阨,並烏懈切。」《文 正義曰:《禮記・禮器》云「君子以爲隘矣」,注云:「隘猶 先言二人之行,孟子乃評之。 恭敬也。 下惠輕忽時人,禽獸畜之,無欲彈正之心,言其大不 懼人之污來及己,故無所含容,言其太隘狹 惠不恭。 位,足爲以矯潔爲高者示之鵠也。 不知執一己倖直之名而以軍國生民之重一任諸羣小之爲 「湫隘」,小猶狹也。《文選》注引晉綦母邃《孟子》注云:「隘 後世秉國者,一言未合,乞骸而退,以爲潔身去亂, 無救民行道之心,援之即止,黜之不去,何以爲柳下 ,則亦豈得爲潔哉? 聖人之道,不取於此,故曰「君子不由」也 隘與不恭,君子不由也。」注伯夷隘 不恭謂禽獸畜人是不敬。 故惠不以去爲潔 疏注「伯夷」至「評之」〇 孟子舉 一伯夷以戒人之

故以

矣。

趙氏不解「袒裼裸裎

衣露體,何致遂爲惡人?

失,彼焉能浼我哉?

一黜不去。

以兩「油

與之偕而自失。

惟

惠則

亂之才,欲行此蒙耻救民之道也。

禮

裸裎也。

而

同 不

趙

然此 其不

爲

即

狹

也

柳

阮氏元《校勘

黜

,而悠游下

氏者,趙氏謂伯夷之不屑就爲「隘」,柳下惠之不屑去爲「不 否之間。」」趙氏之義固有所本矣。 云:「君子謂伯夷隘,柳下惠不恭,故傳曰:「不夷不惠,可 爲隘,惠不爲不恭也。《後漢書・黄瓊傳》李固《遺瓊書》 恭,則伯夷、柳下惠皆君子也,隘與不恭君子所不爲,則夷不 「不屑去」,謂如是爲隘如是爲不恭,若謂伯夷隘、柳下惠不 云:「此不爲褊隘,不爲不恭。」此字指夷之「不屑就」、惠之 恭聖人不由,不得謂夷、惠爲隘、不恭,故綦母邃易趙氏義 孟子以夷爲聖之清,惠爲聖之和,夷、惠既是聖人,則隘、不 恭」,以「君子不由」爲聖人不取。 由,用也。 取,亦用也。 然

作分,誤也。」 君子所由,堯舜是尊。 曰:《文選》注引者作然,《音義》云:「介者,丁云:『字多 有所闕。 章指:言伯夷、柳下惠,古之大賢,猶 介者必偏,中和爲貴,純聖能然。 疏「介者必偏」〇正義

姪 廷琮廷弼校字

孟子正義卷七終

## 孟子正義卷八

江都縣鄉貢士焦循譔集

## 孟子卷第四

公孫丑章句下凡十四章。

善處者。然而城有不下,是不如地利。疏『天時』至和,得民心之所和樂也。環城圍之,必有得天時之者,是天時不如地利也。注天時謂時日支干、大環而攻之,必有得天時者矣。然而不勝。三里之城,七里之郭,環而攻之而不勝。 孟子曰:「天時不如地利,地利不如人 孟子曰:「天時不如地利,地利不如人

里之郭」,皆指即墨而言。 《孟子》。今《公孫丑下》作「三里之城,七里之郭」,疑誤也 時不如地利,地利不如人和。三里之城,五里之郭,圓圍 策》貂勃云「三里之城,五里之郭」,田單又云「五里之城,七 止三里。段兩言『五里之郭」,必非誤。」按:《戰國策·齊 郭爲外城,猶椁爲外棺,開廣二里已不爲狹,若城三里而郭 之郭,不可攻也,人心不和,雖金城湯池,不能守也。」此本 者非不先推恩德,結固人心。人心苟和,雖三里之城,五里 非不多,兵非不利,委而去之,此地利不如人和。 攻之,有不尅者,此天時不如地利。城非不高,池非不深,殺 臧氏琳《經義雜記》云:❶「《晉書・段灼傳》云:「臣聞天 也,孟子之前應見古別典。]〇「三里」至「利也」〇正義曰: 王霸》篇亦云: 「上不失天時,下不失地利,中得人和。」斯言 云:「尉繚與孟子同時,兩述斯言,皆以聖人稱之。《荀子• 此二句,亦斷之曰「古之聖人,謹人事而已」。 翟氏灝《考異》 地利,地利不如人和。聖人所貴,人事而已。]又《武議》篇引 「人和」○正義曰:《尉繚子・戰威》篇云:「故曰天時 七里,是外城反過倍於内城矣。 其城郭之小,七里五里,固未可拘 外城既有七里,内城又當不 然古之王 不如 而

❶「琳」,原作「玉林」,今從沈校據全書文例改

不能取 굸: 囚 日即十日 者。」〇注「天時」至「屬也」〇正義曰: 之」之環即《周 謂周旋圍繞之也。」周氏柄中《辨正》云:「《周禮 此言東西攻,南北攻,即 下 取 謂伯子男之城也。」《尉繚子・天官》篇云:「今有城,東西攻 九里 也。 王 有其宜背宜向之方,環而攻之,則四面必有一處合天時之善 言向背,如『背孤擊虚』、『背亭亭擊白奸』之類。 也。」張氏爾岐《蒿菴間話》云:「趙注似長兵家。 士 人》「九日簪環」,註: 尚 所生相 》篇云: 池 者,城高池深,兵器備具,財穀多積,豪士一謀者也。 金死。 書大傳》云: 木 淺守弱 諸侯禮當降殺 氏若璩《釋 ,南北攻不能 壯 ,天干也。《太玄·玄數》篇云: : 「晉人已環繆公之車矣」,高誘注云: 土壯,火老,金生,木囚,水死。 故王廢,勝王囚,王所勝死。」《淮南子· 水 ,則取之矣。 老, 禮 『古者七十里之國,三里之城。』然則孟 常筮 火 地又續 取。 生 『謂筮可致師不也。』《孟子》『環 則知公七里,侯伯 環」之環。 所云「環而攻之」。 金囚, 由是觀之,天官時 四方豈無順時而乘之者耶? 》云:「《左傳》疏曰: 土 死。 環 而 火 時,十二辰,地支也。 出,木 攻之」謂 五里,子男三里。1 金壯,土老,水生, 「五行用 《吕氏春秋 日不若人事 「天子之城方 老、土 毎日毎 「環, 圍 春官 言天時多 筮 地 事 耐 生 者 形 時各 也。」 若城 不能 子蓋 攻 而 訓 王。 也。 築 水 愛 攻 之

乃明。

孟子以

一天道

」與「仁義禮智」並

言

耐 仁與

此

Ŧī.

行

時

日 天道

之

H

陰與陽

立地之道曰

柔與剛,立人之道曰

義」,而

車。」鄭 西爲孤 解》云: 説也。 説也。 王之衝 篇云: 凶。 明元亨利貞爲天之道,言「天道虧 電焉知天道?」然其時 卯,寅卯爲孤,申酉即爲虚。 甲午旬中無辰巳,辰巳爲孤,戌亥即爲虚。 中無戌亥,戌亥即爲孤,辰巳即爲虚。 云:「天道多在西北。」子産雖正斥之云:「天道遠,人道邇 太史。』太史主天道。」周 未即爲虚。 火囚,木死。 春秋傳》云:『楚有雲如衆赤鳥,夾日以飛。 史官主知天道,故《國語 「立春,艮 《史記·龜筴列傳》云:「日辰不全,故有孤虚。」《集 《周禮·春官 司農云: 死,相之衝囚。 ,寅卯爲虚。 「甲乙謂之日,子丑謂之辰。 劉歆《七略 水壯,金老,木生,土囚,火死。」《 「大出 と王震 甲 •太史》職:「太師,抱天時,與太師 相,巽 -申旬 王相衝位,有死囚之氣。」 則 師,則 》有《風后孤虚》二十卷。」 時術士以七政占驗爲天道 混以天時 中無午未,午未爲孤,子丑 胎 甲寅旬中無子丑,子丑爲孤, **∀** ∃ 太史主抱式, 離没,坤死兑囚 盈而 爲天道。 [吾非瞽史,焉知天道?] 六甲 甲 益謙」,言「立天之道 戌 孤 以 旬中 至孔子贊 甲 楚子使問 虚 知 論 克乾 辰 此「王 此 法 天 無申 衡 旬 孤 時 廢 故 甲 中 酋, 虚」之 爲 相」之 坎 難 《易》, 諸 處 子 裨 無 休 歲 虚 午 申 竈 周 吉 同 寅 旬

二〇六

或

不以

山

谿之險,威天下不以兵革之利。

注

軒者。 戰?」」是其事 見閔公二年《左傳》,云:「狄人伐衛。 也 行,則止也。」趙氏當作「疲之走者」,通疲爲被,傳寫誤作破 云:「棄,廢也。」《禮記 止 淳云:「一作疲,音罷軍之罷。」 注云:「委,棄也。」《漢書 之」、「走」字釋「去之」矣。 疏注「有堅」至「是也」() 注 衛懿公之民 非 不 術别之爲 岳本破作被。』《淮南子・ 也。」《表記》「中道而廢」,注云: 有堅强 不 高 罷而去之即棄而去之也,岳本得之。 也,池 將戰,國人受甲者皆曰:「使鶴。 多 也,委 「天時」,而天時、 如 也。 日 非不深也,兵革非 此 而 而去之,是地 故曰:域民不 君其使 破之走者,不得民心,民不爲守。 中 . Œ 精神訓》云「委萬物 委無破義,阮氏 庸》「半 地理 天道 義 鶴戰,余焉 曰:「破之走者」解 罷 志》「千乘郡被陽」,注引如 乃 「廢,喻力極罷頓,不能 塗而廢」,注云: 即 曉 利 ·以封 疲,《國 然明於 衛懿公好鶴、鶴有 不堅利 鶴實有禄位、余焉能 引 不 元《校勘記》云: 能戰?」是 「衛懿公」之事, 如 疆之界,固 語 世 而不利」,高誘 也。 人 也, 「廢猶 周 「委而 和 米粟 語 城 也。 也。 非 乘 復 罷 注 去

| 漢 域, 疏注 不依險阻之固 域民,居民 而 按:《吕氏春秋 域彼四方」,傳云:「域,有也。」有是即域是。❶ 以君子之性,守宫廷也。 之壇宇宫廷也。 止也。」以法禁之,使民止於此居 「域民不以封疆之界」,則當時 詩「逝將去女」、《論語》之書「襁負而至」。 「無分民者、謂通往來、不常厥居也。」最是。 物始輻凑。 域、居也。 民 故 自止於此,亦居也。 「域民居民也」〇正義曰:《荀子・禮論篇》云:「是君子 知 地理志》言齊初封地舄鹵、寡人民、迺勸業通商、 域 言君子之行,非人居亦弗居也。」上言宫廷,下言 先發端云『古者有分土,無分民」,顔 是 也。 居。 人有是,士君子也。」《史記・禮書》云: ,恃仁惠也; 不以 慎 與 人》篇云「胼 趙 封 居民不以封疆之界,謂 氏 人域是域,士君子也。」《毛詩 疆之界禁之,使民 同 不馮兵革之威 也。 封 也; 脈不居」, 疆之界固以域其民矣。」 閻 以德懷之、未當禁之、 氏 若 若至七國便不然 高誘 璩 所以 《釋 仗 《索隱》云: 注 止民不以法 懷 師 《碩鼠》之 道 云:「居 地 古 》 云: 德 也; ₩ E 注 而 一是 也

● 「毛詩」至「域是」,疑當在上句「史記禮書」前,於前後文

曰 : 耳; 矣。 畔之"多助之至,天下 得 禁之,以德懷之也。 順,攻親戚之所畔,故君子有不戰,戰 戰」,不當戰也,當戰則戰矣。 上言「得道者多助」,則 亦當作「多助之主」。 道者多助,失 《音義》云:「「寡助之至」,至或作主。」按:「多助之至」 如其當戰,戰則勝矣。 」 得道之君,何 居此民則止此民,止此民即 道 趙氏云「得道之君」,即解「多助之主」。 多助之主即是得道之君也。 者 嚮不平? 寡 當戰則戰,所以必勝 助。 ·順之。 疏「得道」至「勝矣」〇正 君子之道,貴不 寡 助 以天下之 之至, 有此 「有不 必 民矣。 親 所 勝 戚 戰 義

得乎丘民爲天子」也。 章指: 言民 和 爲貴, 貴於天 地。 故 日

識可 之位,以道見敬。 見者也,有寒疾,不可 見之,先朝使人往謂 使寡人得見乎?」注 孟 子將朝王。 或稱以 孟子云: 王使人來曰:「寡人如就 病,未嘗趨 以 孟子 風。 寡人如 雖仕於齊, 朝, 朝 就見者,若言 而 將視 拜 也 朝,不 處 Ŧ. 賓師 欲

視朝」,上朝字當讀住。

齊王以孟子肯來朝,方視朝,不然

意,頗 「儻可

妙。

不然,既惡寒,大廷之上與道塗奚别焉?

「朝將

來朝,欲力疾臨視朝。」「視朝」内仍帶有力疾不得已之

日

字。 前; 及趙氏遠矣。 爲猷爲圖,了然明白。 也,言也。 詁 猷、爲圖同。 若也。」然則如與若義同,而 釋詁》云: 之若。』《廣雅 人如 人得相見否? 來朝、欲力疾臨 就孟子之館相見也。 義。」閻氏若璩《釋 人,君日出 义云: 朝將之朝 《儀禮・ 就見者,若言就孟子之館相見也」,此以「若言 若之爲如,不必爲圖猷之義, 「猷,言也。」趙氏疊「若言」二字釋如字,謂如 圖、如、 而視之。 「寡人如就見者也」即寡人圖 鄉飲酒禮》云「如大夫人」,註云:「如 王氏引之《經 則 釋言》云: 地 疏注「王欲」至「見否」○正義曰: 視 猷,謀也。」《釋言》云:「猷, 出 以 朝 三續》云: 此趙氏訓釋之精也。 時 知孟子將朝 如 有惡寒之病,不可 因 也。 如之爲謀、爲圖、爲猷,與若之爲 得 傳釋詞》云: ,若也。」云「若言」者,《爾 愚 見 「古者雞 初 孟 王蓋 解 子 如 也。 此 雞鳴之後,辨色之 鳴 必疊「言」字 如 而 就見者也。 或訓 復閲 見風。 不 起, 字 圖也。」「猷 知 如 趙 朝 亦 爲 讀若今 可 釋 注 與 辨 「云寡 往,不 , 則 色始 爣 將 使 云 者若 如 同 其 寡 可

舊、爲往,則 不能 病,脈 君,不詘身下志以求仕,世之賢也。」孟子所弔,梁石君應其 矣,何必定大夫? 東郭氏爲大夫家也。 引《風俗通》云:「東郭牙、齊大夫。 以 明 人耳。」按:東郭先 至「日也」〇正義曰:《史記・ 夫家也。 也。」故以「不知」解「不識」。 爲惡寒之疾。 是太陽中風,寒水之經疾也。 淅淅惡風。」此云「不可以風」,則是惡風,惡風而云寒疾,蓋 仍以疾罷,語 昨,隔日也。」《廣韻》云: 氏」,爲大夫家,是也。 病,今日弔,或者不可乎?」 日 浮,頭 造朝。」注孟子不悦王之欲使朝,故稱有 出 昔者,昨日也。 弔 通隔 項 頗婉切。」按: 高誘注《吕氏春秋》、《淮南子》,多云:「識,知 於東 强 日以 痛 生 《韓詩外傳》云: ①「齊有東郭先生梁 而惡寒。」又云:「太陽中風,嗇嗇惡寒 翟氏灏《考異》云:「孟子所重,賢而 前俱謂之昔。 蓋 郭氏 《文選·悼亡詩》,注引《蒼頡篇》云: 住居東 昨 張仲景《傷寒論》云:「太陽之爲 隔 丑以爲不可。 平準書》「東郭咸陽」、《索隱 趙以云「寒疾不可以風」,故以 對 公孫 郭,未必 曰:「不幸而 宵也。」昔之訓,爲久、爲 咸陽,其後也。」是齊有 孟子辭疾僅隔一宵,故 丑曰:「 即 注東郭氏,齊大 東 郭 疏注「東郭 氏 昔 有疾, 此 者 明 疾。 解 石 已 稱 0

仲 《釋文》引向秀注云:「昔者,昨日之謂也。」與趙氏 者」爲一 此。 下古本有日字』。 廖本、毛本日作以,形近之譌。 阮氏元《校 云明日出弔。 今病小愈,趨造於朝。 王以孟子實病, 愈,我何爲不可 日 孟仲子,孟子之從昆弟學於孟子者也。 曰:「昔者 一《維天之命》傳云: 愈,如之何 至「者也」〇正義曰: 憂,病也。 「昨日」也。 \勘記》云:「「今日弔」,閩、 有 下計隔日爲明日,上計隔日 <sup>《</sup>曲 《莊子・ 王 遺人將醫來,且問疾 足利本同。 以弔? 不弔?」注孟 孟 命,有采薪之憂,不能 禮》云:「有負薪之憂。」疏 孟仲子之名,兩見《毛詩 仲子曰:大哉,天命之無極 齊物論》云「今日 王使· 允非。日:「昔者疾,今 我不 《考文》引作「今以弔」,云「今 人問 子言 識 監 能 本、孔 也。 疾, 我昨日病,今日 爲 [適越 至否乎。」 昨 權辭以 醫 本、韓 孟仲子對 日,故以「昔 而 》傳 來。 昔至· 此注 造 本 所引。 注「孟 對 朝 圃 同。 同 注 注 如 美

《四書考異》改。 「韓詩外傳云」,原誤在上句「考異云」下,今從沈校據

周之禮也。」一《閟宫 子對。」趙 子夏授高行子,高行子授薛倉子,薛倉子授帛妙子,帛妙子 之説爲信,而《告子》篇之孟季子又當爲仲子之弟也。 軻,著書論《詩》。]毛氏取以爲説。」曹氏之升《摭餘説》云: Œ 得其衆也」,注云:「病,憂也。」 爲孟子從昆弟,必有所出,今未詳矣。 子,孫卿子傳魯人大毛公。」後 克,克傳魯人孟仲子,孟仲子傳根牟子,根牟子傳趙 授河間人大毛公;又引一 子,孟仲子傳趙人孫卿。」陸德明《釋文序録》既引徐整説,謂 <del>물</del> 當別是一人。」按:《東萊讀詩記》引陸璣《草木鳥獸 録》所稱子夏傳曾申,申傳魏人李克,❶克傳魯人孟仲子者, 「孟子且不親受業於子思之門,何有仲子? 義云: -間多 『某有負薪之憂。』是也 「孟仲子者,子思弟子。 「子夏傳魯人申公,申公傳魏人李尅,李尅傳魯人孟 《禮記 「《孟子》云:「齊王以孟子辭病,使人問醫來,孟仲 根牟子、皆不言孟仲子受學於子思、孟子。 岐云:『孟仲子、孟子從昆弟學於孟子者也。』《譜》 曲禮下》篇,云: 》傳云:「孟 説云:「子夏傳曾申,申傳 蓋與孟子共事子思,後學於孟 「君使士射,不能則辭以疾,言 是「憂」 一説同於陸氏,而仲子 使數人要於路, 仲子曰: 《禮記・樂記》云「病不 即 病 是禖宫也。」孔 也。 以趙氏從昆弟 引《曲禮 蟲魚 趙氏謂 於孫卿 人孫 魏 至《序 曰 : 人 疏 卿 李 仲 氏 倫

子,君 氏,宿焉。 欲至朝,因之其所知齊大夫景丑之家 請 必 命宜 無 歸 疏「景丑氏」 敬, 注 孟子迫於仲子之言,不得已,而心 而造於朝!」注仲子使數人要 當 必 」〇正義曰: 造 朝 也。 不得 翟氏灝《考異》云: 已 而宿焉,且 而 之景 告 「《漢  $\pm$ 以 不 孟

非。 也。 頗有見於儒家大意,景子似即著書之景子也。 宿於景丑氏,而以 蓋是時王未視朝,或已視朝而退,孟子雖 不得已而朝,是也。 後不得已而朝之,宿於大夫景丑氏之家。」此解「不得已」爲 曰:《儀禮 家,蓋亦以氣誼稍合往焉。]〇注「而心不欲 子,其言「父子主恩,君臣主敬」,及引禮「父召」「君召」諸 書·藝文志》有《景子》三篇,列儒家者流。 語景子。 不得止者,不得不往朝也。 景子曰:「内則父子,外則君臣,人之大 ·鄉飲酒禮 所以辭疾之故告也。 趙氏言「迫於仲子之言不得已」,已,止 》賈氏 疏云: 但身雖至朝 「齊王召孟子,不肯 《考文》古本心作必 造朝 而 此 至朝」〇 心不欲 而未見王,故 孟子宿於其 稱景丑 Œ 爲景 文

0 「李」,原誤作「季」,今據《經典釋文》及經解本改。

也。

父子主恩,君臣主敬。

丑見王之敬子

者邪? 今有 景子曰: 「父召 爾」,注引《字書》云:「爾,詞之終也。」疊「云爾」兩字,是終竟 也? 每見王,常陳堯舜之道以勸勉王。 於王前 無疑之詞,故爲語絶也。 義曰:云、爾分言之,皆語詞也。《文選·古詩》「故人心尚 人之不敬無大於是者也。 皆謂王 注曰惡者,深嗟嘆。云景子之責我,何言乎? 今人 王 也 王命而 何足與言仁義也』云爾, 言者,豈 ,未見所以敬王也。」注景丑責孟子,不敬何 主 曰:「惡,是何言也? 命 無諾,君命召不俟駕。』固 無 遂不果,宜與夫禮若 景子曰:「否,非此之謂 ,故齊人莫如 非 而 知,不足與言仁義。云爾,絕語之辭也。 謂 不果行。 以仁義爲不美也? 不陳堯舜之道 果,能 我非堯舜之道不敢 我敬王也。」江孟子 <u>疏</u>注[云爾絕語之辭也]〇正 也。 ,謂 則不敬莫大乎是。 齊人無以仁義 禮,父召無諾,無 爲 不相 齊 臣 也。 人豈如我敬 其心曰、『是 將 固 似然?」注 自自當 朝 禮 也 朝 日: 以 言 也。 聞 與 Ě 陳 諾 我 義

而不至也, 君命召, 輦車 翟氏灏《考異》云:《書齋夜話》曰:「宜與」之與音歟。 暇待馬至,故輦輿就馬也。」出車就馬于牧地,趙氏撮其辭。 俟駕,顛倒衣裳而 俟車。」《曲禮》注云:「應辭,唯恭於諾。」《論語 當」二字釋「將」字。 非此之謂也」句,「謂爲臣固自當朝也」 注「景子」至「惑焉」〇正義曰:「非謂不陳堯舜之道 若是,事宜與夫禮若 《音義》云:「「宜與」,丁音餘。下「是與」、「死與」、「言與」、 彼牧矣,自天子所,謂我來矣。」」注云:「輦謂人挽車。 之。1天子召諸侯,輦輿就馬,禮也。 云「輦車就牧」者、《荀子・大略 而車駕隨之。」趙氏言「無諾而不至」,與 「君命召,不俟駕行矣」、《集解》云:「鄭曰: 「君召以三節"二節以 召無諾,唯而起。」《玉藻》云:「父命呼,唯而不諾。」又云: 指「孟子將朝王」而言。 「伐與」、「殺與」、「之與」、「過與」皆同。 走,禮也。 自當,將之緩聲。 走,一 《禮記·曲禮》云: 不 相 節以趨。 《詩》曰: 似 就牧,不坐待駕。 》篇云:「諸 然乎? 《詩》曰:「我出我車,于 」解「固 近時 在官不俟屨,在外不 「顛之倒之,自公召 此「宜與」亦如字。」 「唯而 愚竊惑 「父召無諾 通解謂「將朝」即 侯召其臣,臣 急趨君 將朝也」,以 不諾 鄉黨》篇 命,行 而 解一否 義異 夫子 古者 言不 先生 「自 疏 不 出

ψ, 歟字皆作與字,「宜歟」即 欲以 云 富 之《經傳 下文。』《爾 曾子豈嘗 而 其爵,我以吾義。 同 然」、《齊策》「救趙之務,宜若奉漏甕,沃燋釜」,宜字並與殆 宜若可爲也」、《離婁》篇『宜若無罪焉』、《盡心》篇『宜若登天 似然」、《滕文公》篇「不見諸侯,宜若小然」,又「枉尺而直尋, 「宜將竊妻以逃者也」、《孟子・公孫丑 字,孫奭謂「宜與」如字是也,丁讀宜與爲句,非 「宜與夫禮」謂夫子之事,與禮所云若不相似。 説文》「歉,食不滿也。」襄二十四年《穀梁傳》「一穀不升謂 慊 義。」曰:「 曾子言之? 不 少 我豈謂是君 也」() 喻 故道曾子之言,自以不慊晉楚之君。 可及 王 釋 猶晉 詞》 雅 言不義之事邪? 正 義 也 贵 釋詁》云: 楚,我猶曾子,我豈輕 日 謂 「家大人曰: 臣 是 王 彼 召 是 氏 或 吾何慊乎哉?』夫豈 以其 可乎之謂,當以與字絶句,不當 呼之間 與? 念孫 「宜,事 道 富,我以吾仁; 宜 是或者自得道之 廣 曾子 乎? 一猶殆 也。 也。」故 雅 疏 》篇「宜與夫禮若不相 也。 證 曰: 於王乎? 謂 注 以 》云:「歉 王 成二年《左傳 孟 「事」釋 『晉楚之 也。 不 一子答景 趙氏讀 慊,少也。 禮賢下 王氏引 少少 一義, 彼 不 宜 疏注 與 也。 以 義 H. 如 連

並字異 之大聖大賢有所興爲之君,必就大賢 君,必 是尚賢 長也。 疏注 曰 : 注云: 子夏,宜得聞曾子言也。」天下有達尊三: 之嗛」,范寗注云:「嗛,不足貌。」《韓詩外傳 者,天下之所通尊也。 民莫如德。 富乎財。 釋天》作歉。 其尊德樂 人君無 「慊,少也。」《逸周書・武稱解》云:「爵位不謙,田宅不虧。」 , 德 「賢者長者有德有齒」○正義 「段干木光乎德。 《孟子》曰:『天下有達尊三: 而義同。」翟 **灬德**,但 「凡鄉黨飲酒,必於民聚之時,欲 有 齒是尊長. 吾安敢驕之?」與此語意相同。 所 《孟子·公孫丑》篇『吾何慊乎哉』,趙 道,不如是不 朝廷莫如爵 不召之臣。 惡得有其一 有 爵 故云「賢 氏灝《考異》云:「《吕氏春秋 耳。 寡人光乎地,段干木富乎義, 孟子謂 故 者長者。」 鄉 足與 以 欲 E : 賢者長者有德 黨莫如 有 何 慢其二哉? 爵 有 謀 故 也,德也,齒也。」」德 《儀 得 爲 其見 以 文侯嘗受經義 焉 將 禮 臣 也 》作鎌、《 监 大有 化 而 則 慢 爵 鄉 謀事,不 知 輔 岐注云: 注言古 **魏** 就 飲 廣 尚 爲之 有 酒 世 注 **数** 乎 文侯 之。 賢 寡 雅 监 禮 長 尊 於 人

言

注

衣服」,注云:「醜,類也。」是「醜」之義爲「類」。 役使之才可驕者耳,不能好臣大賢可從受教者。 類,德教齊等,不能 其所受教。 齊,莫能相尚。 子於上章陳其義,譏其烈之卑也。今天下 言師臣者王。 之於管仲,學焉 於 云:「師臣者帝,友臣者王,臣臣者霸,魯臣者亡。」故湯之 謀而莫己若者亡。」《白虎通・王者不臣 立言云: 語之言云: ○注「王者師臣霸者友臣」○正義曰:《荀子・王制》篇云: 臣諸侯者王、友諸侯者霸、敵諸侯者亡。」又《堯問》篇引中 疏 「醜類」至「教者」〇正義曰 召 伊 證 | 云: 也。 īE 尹 義 /,學焉 王者師臣,霸者友臣也。 日 「諸侯自爲得師者王,得友者霸,得疑者存,自爲 「《方言》: 注 爲,作 桓公能師臣而管仲不勉之於王,故 Iffi 醜 無他,好臣其所教 而 類 後 掩 相絕者,無他,但好臣 也,興,亦作 後臣之,故不 臣 也。言今天下之人君 醜、 之,故不勞 《禮記 掍、綷,同 也。 哀公問》云 也。 疏注「有所興爲之 故以「興」釋 》篇引《韓詩 勞 而 而 而 江 Ŧ 戴氏震《方 其 淮 不 地 霸。 ; 「節 所 土 南楚之 . 好 内傳》 醜 桓 「爲」。 教 地 醜 疏 德 公 敕 臣 注 相 孟 其 間日 是以

用、《詩 乎?」注孟 召。 者同也。 教也。」當時諸侯,無德可言故「德齊」亦謂 之才」也。《禮記・内則》云「降德於衆兆民」,注云:「德 使自警飭,不敢廢慢也。」「教敕」之使不敢慢,是我所 也。」是教與敕義同。 相類、相等,則不能相過矣。 《淮南子》皆云:「齊,等也。 亦同也。《孟子》「今天下地醜德齊,莫能相尚」,趙 「醜,類也。」以《方言》證之,於義尤明。」高誘注《吕氏春秋》、 掩、宋衛之間曰綷、或曰 不往也。 管仲且猶 周頌》「奄有四方」,毛傳: 湯之於伊尹,桓公之於管仲, 子自謂不爲管仲,故非 不可召,而 劉熙《釋名 提 《廣雅 絶,過也。」故以「等」釋「齊」。 東 •釋書契》云:「敕,飭 齊曰醜。」按,掩、 「奄,同 況 釋詁》云: 不 齊王之召己,己 其 也。」 八所教敕 爲 醜 管 「教,敕語 岐注 則 訓 於 奄 仲 不 「使 古通 云 臣 也 敢 猶 役 民

敢

雅 以 曰:《毛詩· 》「其德不回」,傳云: 守道不 章指: 大雅》「厥德 回爲 言人君 志。 □ 以尊 不回」,傳云: 疏 邪 也。」 君子」至 德樂義 「回,違也。」《小 「爲志」〇正義 爲賢,君子

四

鎰 以 價 而 疏注 行。 本、孔本、韓本作「鎰二十兩也」。 本誤作「二十四兩」,阮氏元《挍勘記》云: 溢,萬金也。」二十兩爲一溢,是一溢爲一金也。 0 今日之受是,則前日之不受非 也 歸 雜記》云: 合。」孟子曰:「皆是 正 費。』《文選 兼倍於常者,故謂之兼金。 於此矣。」建陳臻、孟子弟子。 不 而 義曰: 鎰 受; 受。 孟子》曰:將有遠行,行者必以賮。 行者必 陳 贐送」至「之贐」○正 注 爲 臻 ||《論 贐,送 於宋,餽七十鎰 前日之不受是,則今日之受非 國策 問 金。 衡 魏 日 以 都 二,前 行 鎰,二十兩也。 刺孟 **贐**,辭 秦策》云「黄 賦 者 》「襁負賣贄」,劉淵 》引《孟子》云:『行者必以 贈 也。 義 日於齊,王 賄 E: 曰「餽 之 當在宋 作二十兩乃與「爲巨室」章 而受; 金萬溢」,高誘注云: 臧 禮 氏 疏注「古者」至「兩 也。 百,百 贐 庸 也。 兼金,好金 《蒼頡篇》曰: 述 於薛, 也,予將 \_, 餽 「廖本、《考文》古 林注: 時 其 予何 鎰 高祖 夫子 兼 人謂 閩、監、毛三 也。 餽 金 賮, 琳 之贐。 也,其 爲不 必居 有遠 也 古者 五 《經 辭 「萬 也 + 百 日 義 禮 財

也。 曰 : 注云: 《左傳》隱十一年『薛侯』,注云: 怒,將伐齊。 爲齊有,地鄰於楚,故《國策》載齊將封嬰於 覽》曰: 云: 疏 也。」當在薛 段氏玉裁《説文解字注》云:「賮,會禮也。 「魯國薛縣」,本注云:「本國六國時 戒,此金可鬻以作兵 兵魄之,予何爲不受? 也。 貨 「當在薛也」〇正 「孟子所在之薛 有遠行者必以賣。1知《孟子》本作賣,今作贐乃俗字。 時有惡人欲害孟子,孟子戒備 也。」《赭 『湣王三年, 隊 或假進爲之,如《漢高紀》曰「蕭何爲主吏主進」是 「靖郭君冢在城中東南陬。」此戰國之薛 薛 公孫閈往見楚王曰:『齊削 白馬 俠轂。」此 也,予有戒心。 封嬰於薛。 賦》「或 義 乃齊靖郭 E: 春 備, 踰 秋 周 故魄之。 遠 之薛 嬰卒,子文代立。』《續 君田嬰封邑, 氏 而 「魯國薛縣。」《公羊》哀四年 注戒,有" 廣業《孟子出 納 也。 辭 青」, E 徐州。』《補 《史記 日 我 地以 李善注: 何 以財貨爲會合之 戒備不虞之心 薛 聞 薛, 非 封嬰,是以 爲 君 春 戒」,故 楚 也 處 **砂秋之薛** 不受 孟 日 王 注 時 聞 》引《皇 其 漢 地 孟 聞 之大 時薛 君 考》 子》 志 也 列 有

知。 耶? 義》云:「孟子過薛,薛君餽五十鎰,當宣王時,即 避禍,而餽金以其困乏,亦東道主之義也。」江氏 郭、公行輩皆所往還,寧獨遺 碭以北 奸人之前,其子弟已多暴桀,異於鄒、魯,故惡孟子,欲害之 云"「又絶糧於鄒、薛,困殆甚。」薛之俗在孟嘗未招致任 梁,固宜由睢陽西達大梁,否亦徑歸鄒。 歸鄒者,有戒心故也。 故宋城也。 「魏太子申之攻齊也。過宋外黄。」高誘曰:「今陳留外黄, 梁無疑。 可。 曰:「梁爲今陶之浚儀。 殊,則地近鄒、魯又可知矣。方孟子在宋而有遠行,其欲遊 王將之薛,假途於鄒,而太史公言吾嘗過薛,其俗與鄒、魯 過此亦受其餽也。 文直稱薛公、蓋不特大都耦國、其名數亦儼同列侯、故孟子 以弱也。」楚王乃止。 而孟子設兵戒備,則非尋常剽掠明矣。 時嬰以宣王庶弟相齊十數年,得於薛立先王之廟,至田 抑上下無交,有如孔子之阨於陳蔡者耶? 屬 但梁宋接境、《史記·貨殖傳》:「自鴻溝以東,芒 鉅鹿,此梁宋也。 後徙睢陽。1然則自梁至齊必先過宋,孟子之遊 薛與滕近,文公聞築薛而恐是也。 後昭陽又請以數倍之地易薛,❶嬰不 趙岐言「時有惡人欲害孟子」,應劭 陶睢陽,今之定陶。」又《國策》: 一田嬰? 陶睢陽,亦一都會也。」徐廣 是其取道於薛,固 而反折而東,自薛 孟子在齊, 永《羣 是皆未可 孟嘗君 齊湣 經 田 因 東 俠

文也。」○注「戒有」至「受也」○正義曰:襄公三年《左傳》云 見取乎? 「爲兵」。若於齊,則未有處也。 警也。 也,必易我而不戒」,注並云"「戒,備也。」《説文》云"「戒, 「不虞之不戒」,又十三年《左傳》云「吴乘我喪,謂我不能師 是以貨財取我,欲使我懷惠也。 在齊時無事,於義未有所 是貨之也。焉有君子而可以貨取乎?」注我 從卅持戈,以戒不虞。」爲猶作也。 處 也。 安有君子而以 義無所處 無 趙氏以「作兵」釋 處 而 而 : 餽之, : 餽之, 貨財

以之。」 《應間》云:「意之無疑, 可也,雖少不辭,義之無處,兼金不顧 「義之無處兼金不顧」○正義曰:《後漢書・張衡傳》衡作 章指: 言取與之道,必得其禮。 則 兼 金 盈 百 耐 不 嫌 辭, 於其 孟 疏 軻

孟子之平陸。謂其大夫曰:「子之持戟

「易」,原脱,今從沈校據《战國策》及《孟子四考》補。

0

二六

果毅。 之士,一日 行間。 齊下邑 子》「持戟之士」亦然。 傳》「韓相俠累方坐府上,持兵戟而衛侍者甚衆」,因 記 之令。」」是失伍者當殺也。 語》云: 易之則戮。 戟百萬。」是「持戟」 云:「靈輒爲公介,倒戟以禦公徒。」《韓非子·勢難 戟。」《序》云:「秦人刺其君好攻戰,亟用兵。」宣二年《左傳 都,故云「下邑」也。 日三失其行伍,則去之否乎? 「地方數千里,持戟數千萬。」《戰國策・秦策》云:「楚地持 在浚之都」,傳云: 左傳》、云:「戎昭果毅以聽之之謂禮。 商君列 易之,戮也。」軍法以殺敵爲令,故宜聽之常存於耳,若 七國時 也。 「明日 疏注「平陸」至「果毅」○ 此「失伍」是不聽政令,故當殺戮之。《國語 傳》「持矛 徙舍, 斬 大夫,治邑大夫也。 而三失伍,則去之否乎?」建平 尚武備,多姦變生於不測, |爲 | 戰· 《秦風・ 「下邑曰都。」下言「王之爲都者」,平陸是 而操闔戟者,❶旁車 有罪 蓋爲大夫守衛者,非指戰士,伍亦非 士」也。 者以徇,曰:『莫如此不從其伍 閻氏若璩《釋 無衣》云:「王于興師,修我矛 「戎昭果毅」,亦見宣 正義曰:《毛詩 去之,殺之也。 持戟,戰 殺敵爲果,致果爲 而 地》云:「讀《史 而趨」、《聶政 平陸又屬 士也。 鄘 》篇云: 「悟《孟 戎昭 齊 二年 陸 風》 邊 列 旲

> 故曰: 《六國表》、《田齊世家》康公貸十五年,「魯敗我平陸」,徐 中都,其地相近。 四 年饑歲,子之民,老羸轉於溝壑,壯者散 待三失伍也。「然則子之失伍 城,古中都也。 厥國也。』「又西南逕致密城」、《郡國志》曰: 竟。』《水經注》「汶水又西南逕東平陸故城 禪書》、《漢書·郊祀志》云:『蚩尤在東平陸監鄉,齊之西 不開」,張守節云:「平陸,唐兖州縣。」即中都,在大梁東界。 中都邑地,爾時屬齊,即今汶上縣是。又「有陶平陸 曰:「東平陸縣。」余謂漢屬東平國,爲古厥國,孔子 亦指守衛者言。 郝京山曰:「伍、班次也。 邑,故雖治邑大夫,亦日日陳兵自衛, 曰:「不待三。」建大夫曰: 方者,幾千人矣。」注轉,轉尸於溝壑也 平陸,齊邊邑也。」周氏柄中《辨正》云: 即夫子所宰之邑。」則東平陸爲厥國 或問:平陸之爲齊邊邑者,何 後漢省平陸人須昌,遂合而 失伍,不在班也。 失之則 孟子 也,亦多矣。 北。]應劭曰: 即 「須昌縣 去之,罷 八行罰 也? 所 「<br />
> 史記 見 爲 以 須 則 一耳。 時 有致 余曰: 去也。」 而 爲 此 不及 公昌爲 梁 爲 古 之 凶 則 門 封 魯 廣

<sup>0</sup> 「讀」, 原脱,今從沈校據《四書釋地》補

矣。

求

牧

與

芻

亦立

而

視

其

死

得

專,

何

不

致

之牛

羊

而

政,不肯賑窮,非

所

得

爲

也

即 賣

用

周

書》,與

棺轉尸。」盧氏文弨《羣書拾補》云: 篇云"「今吴越之竹、隨唐之材不可勝用,而 將轉於溝壑」,註云: 子·主術訓》云「生無乏用,死無轉尸」,高誘注 也。」劉熙《釋名·釋喪制》云: 、與人者。」按:《文學對》云:「是以生無乏資,死 而無轉」,高誘注 「傳於溝壑。」惠氏棟云: 一。」注:距心,大夫名。 吴語》云「子有父母耆老,而子爲我死,子之父母 爲之牧之者,則 《淮 疏 爲 我所得專爲也。 《周書·大聚解》「則 與?」注 南 而 「轉,人也。」人於溝壑,亦謂無以送死,與 臣 不 「轉 主術 云:「轉讀作傳。」」《鹽 而 得, 轉」至 去乎? 》同。 牧,牧地。 則 「不得 「壑也」〇正義曰:《 反 「傳尸猶轉尸 必爲之求牧與 「當即 曰 : 曰 : 分諸 埋 何 曰:「今有受人 生 日 爲 其 近世 以 此乃齊王之大 此 棄,謂棄之於野 無乏用,死 曹、衛、梁、 立 人乎? 此喻距 鐵論 非 視民 以舊用  $\bar{z}$ 也。 距 無轉尸。」 <sup>《</sup>淮 轉, 心之 之死 通 心不 淮 之棺 宋采 無 有 抑 芻 棄 南 傳 南 地。 也? 也。 郊牧」,注云:「國外曰 九職任萬民,四 俶 語者也。 有先君之宗廟 知其罪者惟 心之罪也。」注 其罪」〇正義曰: 爲,治也。 |疏注「牧牧地」○正義曰:《周禮・天官・大宰》「以 日 孔 日 距 距

也。」《國語

轉尸」之義

同

耳。

子之失伍

《左傳》云:「凡邑有宗廟先君之主曰 之地」,鄭注云"【牧田,畜牧者之家所受田 地,故云在遠郊也。」《國語 郊,皆畜牧之地。」賈氏疏云: 國」、《吕氏春秋・舉難》篇言「説桓公以爲天下」、《淮 則寡人之罪也。」注孔,姓也。 日,見於王,曰:「王之爲 真訓》言「與造物者爲人」,是即 但牧六畜之地無文,鄭約與家人所受田 王知本之在己,故受其罪。 「爲都」猶《論語》言「善人爲邦,能以 藪牧,養蕃鳥獸」, 前自稱「距心」是名,此加「孔」字,知 都。 心 郊牧、放牧之地。日 心。」爲王誦之。 誦,言也。爲王言所與 自知 . 周 「《載師》云「牧田 語》云: 以不去位 都者,臣 「治都」也。 都,無曰 注云:「 爲都、治 周 制有之日 疏注「孔 爲 也。」非 牧、牧 處即 知 邑。」《説文》邑 王 賞田 莊二十八年 罪 一此 Ŧī. 都 FI 有六畜 也。 田 孔 也 人 任 南 禮 畜 則 國 在 姓 距 讓 是 牧 遠 子 此 他 距 邑 郊 爲 姓 至 心 有

此都稱邑之明徵也。 多通稱。 與邑,雖有大小,君所居、民所聚,有宗廟及無之别,其實古 部云:「有先君之舊宗廟曰都。」閻氏若璩《釋地續》云: 之宮」一例乎?」以「言」釋「誦」者,亦見《廣雅・釋詁》。 閔元年云 「分之都城」。 與邑可通稱,今不若直以曲沃證。莊二十八年「宗邑無主」, 之爲都者」,此邑稱都之明徵也。」《釋地又續》云:「向謂 述之,即是倍誦之也 直言即公言。「爲王誦之」,爲王直言之,與孔距心語爲王 誦 述曰語。」蓋諷、誦、 誦 也。」《周禮・春官・大司樂》「以樂語教國子:興、道、諷、 云:「誦言,公言也。」《説文》言部云:「諷,誦也。」「誦,諷 書・吕后紀》云:「勃尚恐不勝,未敢誦言誅之。」注引鄧展 邑」,定十二年云「將墮三都」,是非《爾雅》「宫謂之室,室謂 可訓 言、語」,注云: 諷,亦可訓言矣。 如「商邑翼翼,四方之極」,「即伐于崇,作邑于豐」, 「倍文曰諷,以聲節之曰誦,發端爲言,答 言、語四字,分言之義别,單舉之義通 趙良曰「君何不歸十五都」,孟子曰「王 《毛詩·公劉》傳云:「直言曰言。」 更證以費。 昭十三年云『誰 與居 《漢 「都 都

退。《詩》云:「彼君子兮,不素餐兮。」言不章指:言人臣以道事君,否則奉身以

得禄而已,譬若尸焉。」《漢書・鮑宣傳》上書云「以拱默尸 禄爲智」,顔師古注云:「尸,主也。 餐。『尸禄』者,頗有所知,善惡,不言,❶默之不語,苟 餐』? 素者,質也。 進,否則退。」引《詩》者、《魏風·伐檀》篇文。 毛傳云: 身而退。專禄以周旋,戮也。」哀公六年《左傳》云: 十六年《左傳》云:「臣之禄,君實有之。 先進》篇云:「所謂大臣者,以道事君,不可則止。」襄公二 「尸禄」猶云「專禄」也 而已。」又《貢禹傳》上書云:「所謂素餐尸禄,洿朝之臣。」 尸其禄也。 素,空也。」《文選》注引薛君《韓詩章句》云:「何謂「素 疏「人臣」至「禄也」○正義曰: 人但有質樸而無治民之材,名曰 不憂其職,但言食禄 義則進,否則 《論 「義則 語 欲 素 奉

師 以言與?」進蚳鼃,齊大夫。靈 師,似也,爲其可以言也。 ,治獄官也。 孟子 謂 蚔 《周禮 鼃 曰:「子之辭 • 士師》曰:「以 今既數 丘,齊下邑。 靈 五戒先後 月矣,未可 丘 而 請 刑 士 士:

❶ 「言」,原誤作「官」,今據《文選》注改。

此説是。

注

**《通** 

齊境不得至代北 於靈丘,皆其地。

,而敬侯時安得國有靈丘?

注《史記

得名,即今靈丘縣。

孝成王

以靈丘封黄歇。

丘又以漢清河郡之靈縣當之,抑出臆度,毋寧闕疑。」江 年,敗齊於靈丘、《六國表》「敬侯九年,魏武侯九年,韓文侯 閻氏若璩《釋地》云:「靈丘亦屬齊邊邑。《趙世家》「敬侯二 周氏廣業《孟子逸文考》云"「此石經當是蜀中所刻。 九年,因齊喪共伐之,至靈丘」,又《趙世家》,惠文王十四年, 文》蚔字重文有三,其籀文从氐从蚰,疑霾爲蟁字之譌也。」 加以蚳電去王遠、無以箴王闕、特辭靈丘、請士師、足 魏攻齊、取靈丘、明年、燕獨深人、取 楊桓《六書統》引石經《孟子》作「靈鼃」。 》者以此之靈丘爲齊之靈丘 解外邑大夫,請 有靈丘,以葬武 者。 疏注「蚳鼃」至 絳侯擊破 胡三省注 數月而 一齊靈 無論 陳豨 靈王 氏 《説 臨 爲 不 永 也。 蚔 《禮記·曲禮下》云:「爲人臣之禮,不顯諫。 中。五曰憲,用諸都鄙。」註云:「先後猶左右也。」五 府 故 所 不可以素餐。一齊人曰:「所以爲蚳鼃, 三日而成魄,臣道就也。 故君子以爲得君臣之義也。」何休注云: 則逃之。」莊公二十四年《公羊傳》云:「三諫不從,遂去之。 諫不用,致仕而去。 疏注「三諫」至「而去」〇正義曰 於民,推之則刑罰不中亦可上諫於君,故引以爲「可言」之證 語於民,使不犯 二曰誥,用之於會同。 司 有 地 寇下,是爲「治獄官」。「五戒」者,「一曰誓,用之於軍 靈丘故城。」未知何據。」「士師」爲刑官之屬,在大司 日「我不見其自 鼃 以 也。 坻鼃諫於王而不用,致爲 謀,使之諫 白爲 于欽《齊乘》則云:「今滕縣東三十里明水河之南 了則吾不知也。」 建齊人論者譏孟子爲 刑罰 而去,則善矣,不知自諫,又不去 爲謀者」。 則士師得掌刑獄之言語。 三曰禁,用 不從得去者,仕爲行道,道不行,義 諸田 疏注「我不見其自爲謀 役。 「諫必三者,取月生 臣 四日 一而去。 三諫而 則善矣; 但五戒下 1糾,用 戒皆告

淄。

樂毅將趙、

秦、韓、

士師,

知

其

欲

近

王

以 諫

正刑罰之不中

寇、小

諸 或

「之也」〇

正義日

言,故曰「未可以言與」以感責之也。

罰,毋

使罪

麗

於民。」孟

子見蚔

鼃

徵爲邊邑。

實不知其所

在。

爾時 趙

别

《羣經補義》云:「蚳鼁辭靈丘,趙岐注云「齊下邑」,胡三省 鑑》謂即漢清河郡之靈縣,今之高唐、夏津皆其地 楚、魏皆嘗伐齊至靈丘,正是漢清河郡,今之東昌 疑 者」○正義曰:《吕氏春秋• 自知》篇云「知於顏色」,注云:

不聽

爲謀 守。 乎? 安其職」,高誘注云: 百 臣永幸得免於言責之辜,有官守之任。 者,不得其言則去。 稱公都子有學業。 也」〇正義曰:《廣韻》公字注云:「漢複姓八十五氏。 子弟子也。 臣,從朝者之後。 仕 言人臣居官,不得守其職、諫 則吾進退,豈不綽綽然有餘裕哉?」注官守, 聞之也:有官守者,不得其職則去, 日 居官守職者。 知 姓 而 猶見 《漢書 而 臣 ,特吾未見之耳。 去。 聞事 綽、裕,皆 已,不宜復關得失之辭。」《淮南子· 也。」蓋調之云: ●孟子既 今我 君之義: 谷永傳》永對 以 言責,獻言之責,諫争之官也。 齊人語告孟子 進不能 居 寬 楚公子食邑於都,後氏焉。]曰: 師 「職,事也。」「師賓之位」者,《禮記 也 有言責者盡其忠,有官守者修 賓之位,進退自由,豈 公都子以告。 盡思納忠,輔宣聖德,遷至北地 我 曰:「臣爲大中大夫,備拾 疏 注 無官守、我無言責 「官守」至「寬 正君不見納者,皆當致 也。 爲 蚔 鼃 當畢力遵職,❷養 疏注「公都」至「子 謀如 俶真訓 注公都子, 是 也一〇 有言責 則 》云「大夫 不 亦 其 綽 孟 遺 一吾 孟子 文 正 也 必 職 子 綽 綏 太 2 義 白

> 身而 謂: 焉。 秋 云: 興賢者能者。 尚父曰: 師尚父亦端冕,奉書 師尚父曰:「在丹書。 云: 之。」注云:「鄭司農云:❸「賓,敬也。 太公於渭之陽,載與俱歸,立爲師。」此不 尚父西面,道書之言。」《史記·齊太公世家》云: 王世子》云:「記 《周禮・地官・郷大夫》: 合衆而尊 「尊師重 衣, 高義》篇 曰 : 君之所不臣於其 量腹而食,比於賓萌,未敢求什。」」高誘注云: 『先王之道,不北面。』 王行西折 『昔黄帝、顓頊之道有乎? 道,不 云:「墨子 寵 鄉老及鄉大夫帥其吏,與其衆寡,以禮 之,以鄉飲酒之禮,禮以賓之。」《吕  $\Box$ 使處臣 而入,負屏而立。 虞 王欲聞之,則 臣 曰:「若越 夏 者二。 位 「三年則大比,考其德行道藝,而 商 也。 周, 有 武 當其 王聽吾 齊矣。』王齊三日 師 王踐 意亦忽不可得見與?」 敬所舉賢者能者。」玄 王下堂,南面 保, 爲 而 臣 阼 師 言 有 南 而 則 疑 召 用 東 師 丞。」《 弗 師 吾 「周西伯遇 面 臣 尚 一之事 道 而 而 父而 也。 立 文 立,師 學 氏 禮 記 度 賓 注 師 問

0 0

<sup>「</sup>鄭司農云」,京以「畢」,原誤作「果」,原誤作「果」,

<sup>「</sup>畢」,原誤作「果」,今從沈校據《漢書》改。

漸。 「鄭司農云」,原脱,今從沈校據本書文例及《周禮》鄭注

志。

王命孟子爲卿,

,反于齊,止于嬴。

内不治」,顧

左右

而

言他。

而

孟

子

前 王

後進説

雖自言惛

不 能

進

而

一致爲

臣

而

而

去

貨取

2

然

喜曰: 「是心可以王矣。」他日,王問桓文,孟子即語以王道。 孟子卒不往。三見齊王,未嘗言事。 甚迫,乃由平陸之齊,屋廬子以季任故事,度必 見天下大亂,民生憔悴,冀王可爲湯武,跋涉千里。 ,招徠文學游學之士,以爲圖王不成,猶可 ,棺槨衣衾之美殆過父喪時,後竟因此 「先生居山林、食芋栗以賓寡人、久矣。」、《釋文》引 甚多,所陳必堯舜之道,王稍稍厭之,甚至語以「境 「賓,客也。」然則凡賢能盛德之士,未食君禄,俱爲 致禄十萬,辭不受禄,號爲客卿。 既免喪,自范之齊,見王于崇,退,有去 孟子之盛德足爲諸侯師,而仕不受禄, 萬章、陳代之徒並疑之。 敬禮有加、奉爲賓師、班視 過平陸,與大夫孔距心善處焉。 王疑其必有異,使 ,出處 》篇云: 亦以 宣王侈然有撫蒞華 適從胡齕聞易牛之事, 時地考》云:「山 母 「徐 爲臧倉 喪 去職 以霸也。 無鬼見 既而王求見 往報儲子 人瞷之,而 所 列 始至境 毁。 自 大 武侯, 夷之 齊葬 孟子 東之 蓋 夫。 事 不 數載。 歸志。 歸。 疑。 親臣 施教 也。 欲變其初心,且可爲進 實未加」之謂,尤不識君子所爲矣。 計,齊人亦卒無善於留行者。 譌傳孟子勸齊伐燕者, 幾,燕人畔,王甚慚悔,有陳賈者乃從爲之辭。 齊,孟子言急爲燕置君,則諸侯之師可及止也。 可不取,于是毁其宗廟,遷其重器,盡有其 學而從之。 不視朝,諫言不用。 視其君如國人,絕無以仁義與王言者。 都子、陳臻、咸邱蒙、盆成括、高子等,皆齊人來學者。 亦豈小丈夫之悻悻哉? 孟子無意仕齊,有以師命不可以請,然非有官守言責之得 王卒不改,猶欲以授室萬鍾,餽 不知君子居國,爲功於君及子弟者甚大,即有故 齊人不知,漫以蚳鼃之義繩之,而公孫丑亦以素餐爲 ,都無良牧,蓋大夫王驩方嬖幸用事,進爵右師。 ,引而不發,躍如 此則愛君澤民之深意,固非尹士所知, 時年已六十內外,去齊之日,計自周以來七百餘歲 會燕王噲讓國子之,齊伐燕,勝之。 孟子進見固罕,而王之意且欲孟子舍所 也。 齊人之虚詐不情、好議 退 孟子知難與有爲,不得已 地 顧孟子志在行道以王齊,而 也。 及出書 時弟子日益進,公孫 孟子在齊最久,先後凡 金 一而終不追 王怠於政事,或 一百、爲虚拘 地。 論如 而淳于髡「名 ,然後浩 諸侯多謀

所以

爲師賓也。

周

氏廣業《孟子

武侯曰:

李氏云:

此

「寳」之事也。

客

也。

萌

民也。」《莊

子

徐

無鬼

丑、公

因

材 無

或

,號齊强大,其地勢雄於天下。

意

問

禁而人,然未即見王也。

孟

子終守不見之義。

、相儲子以幣交,且言於王。

而當時

且

外此。

初 失

王勿聽,

伐

王謂天與

數 舉 或

H 朝

子,則不之信:則更有察之衆好衆惡者。 蠱」、《釋文》引馬注云:「裕,寬也。」是「綽、裕皆寬」也。 引此詩,注云:「綽綽,寬裕貌也。」《周易・蠱》六四「裕父之 雅 章,稱宣王者十四章,亦可見其久居於齊也。」《毛 多,初至爲大夫,繼至 往 亦 與言行事 驟膺寵任,尤以得見親比爲幸,然出弔于滕,朝夕進見,欲 方孟子在 不能加惡焉。 ・角弓》「綽綽有裕」,傳云:「綽綽,寬也。」《禮記·表記 來,不必莫逆。 、毛三本作「豈不綽綽然舒緩有餘裕乎」,舒緩亦寬也。 齊,自 而不可得。 王子以及卿大夫皆願見顔色,承風旨。 同寮則莊暴、時子、景子、東郭、公行,雖嘗 至若不孝之匡章,獨與之遊, 巨擘之仲 至公行之喪,朝士争趨,孟子獨否,卒 加卿相。 七篇中紀齊事者凡 初至日少,繼至 詩 四 子 + 閩 小 六 敖 日

紇也。 叔 人。』」注云:「言御叔不任使四方。」此引以爲「執職者劣 疏 臧 御叔 武 「臧 雨 一种雨 武仲 章指 行,何以聖爲?」穆叔聞之曰:「不可使也,而 襄公二十二年《左傳》云: 在其邑 雨行 行 言執 而 將飲酒,曰: 而不息」〇正義曰: 臧武仲,魯大夫臧 不息,段干木偃 職者劣,藉道者優。 「焉用 「藏武仲如晉,雨。 聖 人? 寢 我將飲 而 式 是以 傲使 閭 酒 過 孫 而 御

與? 爲劣。 賢》篇同。《文選》班孟堅《幽 禮之,天下莫不聞。 興兵欲攻魏。 光乎地,段干木富乎義,寡人富乎財。」其僕曰:「然則 嘗肯以己易寡人也,吾安敢驕之? 也。 以服荆,比之偃息,故曰 則未之識也。」高誘注云"「段干木偃息以安魏 按兵輟,不敢攻之。」高誘注云: 正,段干木之敬。 百萬而時往館之。 何不相之?」於是君請相之,段干木不肯受,則君 而軾之。其僕曰: 「君胡爲軾?」曰: 「此非段干木之間 云:「駔,僧人也。」《期賢》篇云: 師 證 又《順説》篇云: 段干木闔門不出 》篇云:「段干木,晉國之大駔也。 也。 ○「段干木偃寢而式閭」○正 段干木蓋賢者也,吾安敢不軾? 《廣雅·釋言》云:「劣,鄙也。」猶云「食肉 武仲有官守,當使四方,故雖遇雨 司馬唐諫秦君曰:『段干木,賢者也 田 吾君好忠,段干木之隆。」居無幾何, ,以安秦魏。」所 於是國人皆喜,相與誦之曰: 贊可謂能立其方矣。 無乃不可加兵乎?』秦君以爲然,乃 未 知。 通賦》云:「木偃 **%** 「閭,里也。 「魏文侯過段干木之間 述事與 義曰: 南子 段干木光乎德,寡 學於子夏。」高誘 且吾聞段干木 《吕氏春 ,不敢止 《吕氏 若夫偃息之義 修務 軾,伏軾也。」 田 息以 春秋 訓 吾君 息 費辯説 乃 秋 \*\frac{\times}{\times} 者鄙 所 而 蕃 致 魏 期 魏 秦 好 禄 君 X 未 尊 Ü

之證也。謂段于木無官守之職,故優裕而間居,偃息於隘君。」趙氏云「偃寢」,即「偃息」也。引此以爲「藉道者優」德,自解紛也。」又《詠史詩》云:「吾希段干木,偃息藩魏義,職競弗羅。千乘爲之軾廬,諸侯爲之止戈,則干木之兮。」左太沖《魏都賦》云:「間居隘巷,室邇心遐。富仁寵

巷之間,致魏文侯過而軾之也

爲原大夫」,於時先軫亦稱原軫,子趙同爲原同,於時先穀亦 驩」與「兄戴蓋禄」之蓋當是二邑。 子下》篇淳于髡曰:「夫子在三卿之中。」是孟子嘗爲齊卿 輔 不願與之相比也。 孟子不悦其爲人,雖與同使而行,未嘗與之言行事。 君。蓋,齊下邑也。 嘗與之言行事 E 原穀,唐孔氏云:「蓋分原邑而共食之。」僖二十五年「狐 ,副使也。 驩 閻氏若璩《釋地》云:「予少時習《孟子》,疑「蓋大夫王 爲輔 孟 一子爲卿於齊。 行。 王驩,齊之諂人,有寵於王,後爲 王驩 也。 ∭注「孟子」至「滕君」○正義曰:《告 王以治蓋之大夫王驩爲輔 朝暮見、反齊、滕之路、未 注孟子嘗爲齊卿。 出弔於滕,王使蓋大夫 後讀《左氏春秋傳》「趙衰 出弔滕 右師。 行。

子曰:「襄王勞文公而賜之温,狐氏、陽氏先處之。」亦共食 溱爲温大夫」,文六年『陽處父至自温」,故成十一年劉子、 按: 明言孟子爲卿,驩爲大夫,則公孫丑所言之卿蓋孟子也。」 卿」,則當其守原之日未爲卿也。 觸龍,宋有右師華元,皆是正卿。 稱齊卿,且云位不小。 有蓋,本注云:「臨樂于山,洙水所出,西 爲卿族之私邑,陳氏世有之。」按:《漢書・ 距心爲平陸大夫也。]陳組綬《燃犀解》引徐伯聚云: 於葉,故始終稱葉公,此固不可爲例者。 公、鄖公、白公之類,皆邑大夫,惟葉公嘗爲令尹司馬,以 名合左師。 邑冠,如楚司馬沈氏以食葉名葉公,晉卿趙氏以守原名原 沂水南至下邳入泗。」即此蓋也。 一邑者。因悟蓋一也,以半爲王朝之下邑,王驩治之,以半 二十五年《傳》「晉趙衰爲原大夫」,二十七年《傳》「命衰爲 中《辨正》云:「《左傳》凡大夫加邑號者,皆治邑之大夫。 蓋大夫作同時稱耳。 夫,不止邑宰專稱也。 此説是也。 則此蓋大夫即直云蓋 趙氏言「王以蓋邑之大夫王驩爲輔行」, 宋向戍以左師而食采於合、春秋傳 古侯國卿有左師、右師,故 趙岐謂右師在後,總疑右師必不當 毛氏奇龄《改錯》云: 楚僭號,縣尹俱稱公,如 右師,何不可焉?」周氏柄 驩是右師,侯國 王驩爲蓋大夫,猶 北至蓋 地理志》泰山郡 人池 上卿 超有 「經文 水,又 多以 左師 明 僖 單 老 申 大

哉? 子; 矣。 本 弔 以不悦其爲人而不與相比而已也。 不 氏於「齊卿之位」二句不注者, 以卿爲正使,驩以大夫爲副 攝 是 諮 子不與驩議 可 其數,亦孟子欲親往弔以盡存没始終之大禮也。] 事雖無 位 謂 大國之君,無使貴卿及介往弔之禮。  $\mathbf{E}$ 存以備參考。 必更注。 不爲小,何得 卿。 副 於人也。 滕君」,按: 有 孟子事蹟圖譜 乃驩則自專而行,此丑所以問也。 使 治 反之而 且 是 齊卿之位 注既,已 行 卿 一時孟 事,我將復何言哉? 而下言驩「專知自善」,則孟子之不與言,正非 遂可與言,大夫遂不可與言乎? 行事也 滕定公薨,孟子時居鄒,非此爲齊卿時也。 疏注「既已」至「人也」○正 聽其 子以 未嘗與言行事,何也?」注五 或 也。 謂 白專 卿 不爲 爲 即 「其與王驩使滕,爲文公之喪也。 或, 滕 而 曰:「夫既或治之,予何言 正 小矣,齊、滕之路不 定公之喪, 不 使,凡一切使事, 使,驩以 有 正以 與言? 也。 此卿位即孟子爲卿之卿, 「出弔於滕」,趙氏云「出 言其專知 大夫副之,副 孟 此固重文公之賢而 故孟子所答云云。 則謬矣。 言夫子以卿爲正使, 子 義曰:《毛詩• · 日 : 驩宜聽命於 惟是時、孟 自善,不 夫人既 公孫 使原不 爲 怪 據 Ħ. 周 知 孟 近 自 非 季 趙 隆 徒 孟 子 必

疑隙 之。 不必言。 使 云: 則又似忌其攬權 子稱王驩爲「夫」,趙氏以「夫人」解之,其義 注云:「夫人謂子尾。」又三十一年《左傳》云「則不能 「二夫人猶言此二人也。」昭公十年《左傳》云「喪夫人之力」, 扶,皇如字,謂丈夫,即伯高。」又云「二夫人相爲服」,注 保》篇『無不爾或承』,鄭箋云: 公》篇作「無或作好」。 不有治政,不治四方]。 南 人,己所能見夫人者,有如河」,注云: 丈夫也。』《檀弓》云「夫猶賜 有」之證。 事 孟 卿位不小 而自專行事,孟子若與之言,謙卑則轉似爲驩 「《微子》「殷其弗或亂正四方」、《史記 諸問 既不啻彼司其職,我統其成, 既 子當言,孟 孟子與權臣 見 至驩爲諂人,孟子不悦與比,此丑所知之。 而 君子」,傳云: 《禮記 於驩 行 則 子因驩已自專行事,而以爲又何言。 疑 而争之,故爲往反千里,一概以默 共事,所處如此。 孟子豈 曲禮》「若夫坐如尸」,注云:「言若欲爲 孟 子當言; 高誘注云:"或,有也。」《小雅 《洪範》「無有作好」、《吕氏春秋 既,已 拒之不言乎? 也見我」、《釋文》云:「夫,舊音 『或之言有 也。」王氏 孟 子正 又不致以 若驩果以孟子爲之主 「夫人謂季孫。」此孟 以 H. 念 卿 也。二 因 孫 伺 位 也。 宋世家》作 驩 不小 問之嫌 所帥 廣 自 此「或 而不言 驩原 [專行 雅 於驩 丑以孟 苟 疏 見 云: 孟 陰 高 爲 證 一般 子 夫 貴 而 成 亢 訓 天

子

疑 事

學矣。 學以其諂人,不悦與比而不言,則亦狹隘者所有,非大賢之

章指:言道不合者不相與言」誤人注中。 是解也。 此「道不」至「解也」○正義曰:「道不同,不 為解也。 此「道不」至「解也」○正義曰:「道不同,不 為解也。 此「道不」至「解也」○正義曰:「道不同,不 是解也。 是,以禮 是,與孟子殊。君子處時,危行言遜,故 是,與孟子殊。君子處時,危行言遜,故

孫授易授詩校字

孟子正義卷八終

## 孟子正義卷九

江 都 縣鄉 貢士焦循 譔 集

改葬也。 山 行 乃得承間 氏炎武《日知録》云:「孟子自齊葬於魯,言葬而不言喪,此 而門人未得發言,可謂「三月無君則皇皇如也」。 木若以泰美然也。 充虞,孟子弟子。 然。」注孟子仕於齊,喪母,歸葬於魯。 事 郝氏解孟子爲行三年之喪云:"或問:孟子歸葬於魯,時 嚴,虞不敢 年之喪,何以 曰:「前 孟子自齊葬於魯。反於齊,止於嬴。 禮,改葬緦 而 問。 若曰奔喪而還,營葬方畢即出赴齊卿之位, 教滕 請,今願竊有請 日不知虞之不肖,使虞敦 ,事畢而除。 敦匠,厚作 疏注「孟子」至「然也」○正義曰: 世子哉?」閻 故反於齊,止於嬴,而充虞 棺 氏若 也。 也 1據《釋 事 嚴,喪 嬴,齊南邑。 木若以美 地》云: 而身且不 事 匠。 「京 急。 充 顧

劉向《列女傳》,云「孟子處齊,有憂色,擁楹而歎,孟母見之」

暇可語,惟至往齊拜賜,舍於逆旅,始得以

一論匠事耳。」又

余曰:

徴之

曰:「或問:子以孟子奉母仕於齊,亦有徵乎?

喪者所用。

蓋孟子母殁於齊,及奉喪來歸,皆哀戚匆遽,

無

衰經不入公門,未聞不入國門也。

爲壇位而哭乃出亡禮,非

解?

余曰:

《孟子》之書,有以昔與今對言,昔似在所遠

蓋終三年喪,復至齊而

爲卿,非

遽

也

果

爾,何以

爲「前

日

而

然則既殁而葬,宜終喪於家,曷爲而遽反於齊?

云云,則知母蓋同

在齊,自齊葬於魯,則知母

即

殁於齊

也 此

余曰:

何也? 邑。 哭,此 之賜。 禮含襚。 齊都臨淄尚三百餘里,安有拜君賜於三百餘里之外者? 嬴縣。」按,嬴縣故城在萊蕪縣西北四十里,北汶水之北, 將遂反也。」郝氏可爲精矣,少錯解「止於嬴」句。 親,故贈襚之賜拜於葬後。 爲齊卿乎? 未幾也。 《春秋》桓三年「公會齊侯於嬴」,杜注云:「嬴,今泰 喪禮也,故自魯越國至齊境上爲壇位,成禮於嬴。 禮,凡尊者有賜則 禮,衰經不入公門。 及歸魯三月而葬,反於齊,拜君賜也。 充虞治木言前 按,喪禮三日成服,杖拜君命及衆賓,不拜棺 日耳。 明日往拜,喪則孝子不忍遽 孟子奉母仕於齊,母卒,王以 大夫去國,踰竟爲壇位 輒反於齊,豈不終喪 其止於 嬴,齊 一鄉國 而 死 遂 畢, 且 去 Ш 南 而 卿 其 復 中

二三六

二三七

故充虞問答,斷自於免喪之後者爲得其實。」毛氏奇龄《經 親,言不文。今也援古論今,幾於文矣。三年之喪,言而 廬子從居鄒、處平陸,以至見季任、不見儲子之後而問,其事 夫孟子久於齊而後去,去齊之日上溯其未游齊之日,猶目之 》云:「孔子要絰而赴季氏之饗,孟子甫葬即來齊,聖賢行 「朕在不言之地,不應如此喋喋。」然則孟子反喋喋邪? 止一二年,而歷歷記憶,反覆以究其師之用 若母喪在魯,則其文當云「孟子自齊奔喪於 陳臻從於齊、於宋、於薛辭受之後而問,屋 後魏孝文帝以與公卿往復追用慟絕, 且尤可證者,孝子之喪 余曰:此尤足見孟門 見而不可得」是也。 與今日對言, 或訝曰: 喪 出 女 前 必 不 心 在 也。 有甫 可言而不得告語,可對人之問而不得問人,非謂言事與答問 言,《雜記》云「三年之喪,言而不語,對而不問」,則他 也。若《曲禮》「居喪不言樂」,第不言作樂之事 説,言人人殊。《孝經》云【言不文」,謂不飾 喪親言不文、三年之喪言而不語爲據,則居喪不言不 字,謂大斂時也。三年後,不嚴久矣。 然則此止嬴接葬魯時矣。 者。 謂孟子自齊而還魯也。 也。 三年不言故,初非以三年嚴故,何必又接此句? 且充虞明曰「嚴、虞不敢請、今願有請」, 記作起句,與「陳臻問曰」正等,何必序自齊反齊諸來歷乎。 子》本文解之。 其曰止嬴而充虞問者,謂充虞之問在 於魯,故甫葬而即反齊,以亡者噫歆尚在齊也。 之,魯翻 云葬魯反齊,當是終三年喪後復至齊爲卿云云。 然則何故止嬴以反於齊也? 是必斂尸殯堂、獻材井椁諸節行之在齊,至三月 且本文序事,原有文法。 還 一魯即葬者,亦未有在齊聞赴,至三月而始還葬於 無家而齊有家,故記 若謂孟子自齊還魯,則葬需三月,未 若在三年 曰「反於齊」。 其云「自齊」者謂葬自齊也,非 何以反齊以葬於魯也 -後,則 其所以不敢請 兩請 直以「充虞問 反者,反哭之反 語詞耳,非不 相接 近儒 而 吾仍以《孟 若以孝子 他 止嬴 事 正 閻 而 者 事 對 潛 歸 皆 頂 日 以 自 可 言 之 嚴 時 葬 魯 丘

日:

語。

語,爲人論説也。

之相距誠非

一日也。

夫充虞亦猶是耳。

弟子之好問也。

充虞蓄一疑於心,至三年始發之與?

爲「前日」,安在僅三年者而不可目以「前日」耶?

日 亦

似

在所

近 日

而

亦有指最遠者、「前日願

有

指昨

者、「昔者辭以疾」是也,

以

前

日

「孟子處齊,有憂色。 ,未有抛母居魯而可獨身仕齊者。 特以墳墓在魯,不得不至魯合葬。 孟母見之。」是孟母與孟 故《列 子同 而 究 皆當絕也。 至《間傳》與《喪服四制》皆云「斬衰唯而不對,齊

偕

出,處必偕處

戰國游士多家於寄。

以孟母嫠婦,孟子孤兒,則

齊而葬於魯者;

事有不可

以憑臆

斷者。

先仲氏嘗謂:

自

齊葬魯,則必

問

在

齊國

,有明據矣。

乎? 賤。 是以 列 誠 也 官備 並 衰 齊」至『止嬴』十一字括數年行止,藏無限心事。 非 講 議 執其事,故曰「身自執事而後行」。 士,則必身爲論議然後得備物具禮。 重大,正須言説 行』者,此大夫士禮也。 言」,謂喪事必言,非喪事故不言耳。 止」爲舍於逆旅,遂使異説紛起,可 使既 無此 説 :喪事不言,獨充虞一答爲喪葬盡禮之大者,故記之。 對而不言」,此則又稍 止 而以不對不言之例律之,是戒諫官以緘 天子諸侯不自言喪事,臣下得代言之。《四制》所云『百 而討論之。 」周氏廣業《孟子 《曲禮》「居喪未葬讀喪禮,既葬讀祭禮」。 ,百官具,不言而事行」者,此天子諸侯禮也。 在 如《綿 禮。 至於齊,則 他事 況人第知居 一尚可對 》詩 「日 講論以求其故。 則孟子此時可講祭禮, 言 止 反 而況祇問 出處時地 足 日 至庶人則不止言之,論議之,且 刻者。 喪不言, 時』之止, 矣 0 喪。 然孟子 何 考》云: 而不知居喪則必言。 故《既夕禮》云『非喪事不 必 留 歎 復 則在大夫與士,正 而三年之間,竟不置對 《四制》所云『言而後 也,留於此 也。 蓋 言 齋衰,亦尚在對之之 「孟子居母憂三 而況棺椁厚薄 論議喪事,古分貴 止 夫止 於嬴? 口,於禮悖矣。 所謂讀 嬴 而 後人誤 非即 若大夫與 終喪 若 者,謂 喪事 之間 當論 云因 一必身 至 自 年, 也 齊 認 事

> 説。 辭大夫,良以色養無主故耳。」斯言深得其意。 養。 禮。」揆當日情事,孟子之久留齊固 憂色,孟母問之,對曰:『道 送形而往,迎精而反。 里。」乃齊之邊境近魯與鄒者也。 去臨 況往送如慕,其反如疑,當此 因得優游終養以終母餘 也。』孟母曰:『夫死從子,禮 葬魯,以 以不反於鄒而反於齊也。 不即廬於魯或徑歸鄒,而 喪之禮,又可以 反 也。 淄淄尚 而又不欲藉口禄仕,故特不受其田里, 蓋葬以藏體魄,其魂氣每於居常遊息之地有餘戀焉, 孟母之生就養於齊也。 遠、《史記 遭喪去國,未嘗致爲臣,安得 義 正義 起。 葬日必速反而虞,孟子所以不廬於魯 年。 《喪服 必反齊 反齊矣,於嬴是止者,孟子之自齊 不用 「故嬴 《晉書 時而信宿中 也。 小 《列女傳》載: 於齊, 止 或謂: 記 由王足爲善,實因母 縣 子 嬴,何也? 劉 影云: 行乎 在 願 長 遽旋故里? 兖州 途,何爲乎? 孟子 行而母老,是以 盛曰: 『子輿 「遠葬者,❷ 子 亦不拘於職守 博 禮,吾 孟子處齊,有 葬母於魯,乃 迨 城 古無廬墓之 一葬母 縣 行乎 孟 東 愐 所以 老待 比 子 北 蓋 反 吾 憂 所 故 百 嬴

而

考》

2 0

改

終

充

虞敦匠

事於此,故繫之,則後有路問之例,亦不必詳其地。

遠 反, 原 原 誤作「速」,今從沈校據《禮記》及《孟子四 誤 作 及」,今據《孟 子四 一考》改

往

,變化自其理也。

疏注[中古]至

「理也」〇正

義

日

好

也。

世之後、孝子更去辟世、是爲

人

盡

心

也;

過

是以

哭者皆冠,及郊而後免反哭。」此言本國臣 作棺,事爲喪事,嚴爲急,急者謂不暇也。 此實孟子有望弗至之至情,權而不失其經者也。」《毛詩‧邶 墳墓,望宗廟,銜恤以待喪畢,因以爲五虞卒哭練祥之所。 堊,❶哀親之在土而寢苫枕塊。 然,但重累之數、牆翣之飾有異,非直爲人觀視之美 於棺,厚薄相稱相得也。 尺寸之度。中古謂周公制禮以來。棺厚七寸,椁薄 寸, 椁稱之, 自天子達於庶 商之旅」之敦。」曰:「古者棺椁無度。 也,然後盡於人心。 注孟子言古者棺椁薄 事敦我」,傳云:「敦,厚也。」故以「敦」爲「厚」。 孟子居師賓之位,不與在朝廷諸臣 厚者難腐朽,然後能盡於人心所不忍也 孔氏廣森《經學巵言》云:「敦,治也。 止 纔三月餘。 嬴爲齊地而介鄒、魯之間 從天子至於庶人,厚薄皆 豈忍遽加冠飾,遠入人國 方哀親之在外 人。 趙氏讀「敦匠 律。 民墓在四 非 直 中古棺 ៣ 且 爲 讀 可 已奉喪 郊之外 居 觀 如 厚 於 句, 匠爲 以 「敦 謂 美 七 無 都 展 倚 質。 也。 陶。 以前。 取徹,分國則言三等不言五等。《春秋》變周之文,從殷之 尺寸之度,是古者指殷以前, 衣也。」然則棺始於唐虞而椁始於殷人。 殷雖備棺椁,尚 正始定棺椁尺寸之度者也。孟子多言殷法。 三寸」,則木椁代瓦不始於殷,而《檀弓》特舉殷人棺椁 大抵通言黄帝堯舜。 不得棺椁同七寸矣。《易·繫辭》「後世聖人易之以棺 棺六寸。」夫子制於中都,亦爲四寸之棺,五寸之椁,是庶人 曰:「君大棺八寸,屬六寸。下大夫大棺六寸,屬四寸。 公制禮以來」也。 封不樹,喪期無數。 《禮記・檀弓》云「有虞氏瓦棺」,注云:「始不用薪也。」又云 夏后氏堲周,殷人棺椁,周人牆置翣」,注云:「有虞氏 周易· 椁,大也,以木爲之,言椁大於棺也。 火熟曰堲。 孟子學長《春秋》,每於此見之。」趙氏云「重累之數、牆 周公制禮,則自天子至於庶人皆有等。 繋辭傳》云:「古之葬者,厚衣之以薪,葬之中野,不 燒土,治以周於棺也。 孔氏廣森《經學巵言》云:「中古尚指周 後世聖人易之以棺椁,蓋取諸《大過》。 墨子偏主節葬之説,然已云「禹有

風》三王

事嚴」句。

越竟而 者也。

葬,其

去始 死

之理?

於是權其所

0 親」,原脱,今從沈校據《孟子四考》補

分田則取

似殷 助

桐

士

故《喪大記

而周乃有尺寸,是中古指「周

或謂之土周 殷人上梓。

E

牆,柳 , 由

無

之材。」注云:「孝子既啓見棺,猶 革棺 之上加抗席三,此爲一 茵 翣,大夫三月而 器 屬六寸,下大夫屬四寸,注云「大棺,棺之在表者也。 所謂屬與大棺。」《喪大記》於天子言屬六寸,椑四寸,上大夫 厚三寸,他棺 連木爲之,蓋如牀。 云:「下棺之後,先加折 三。」此士之禮 木横三縮二,加 用 各厚三寸,合六寸。 侯再重,大夫一重,士不重。 翣之飾」者,《檀弓》云: 數 也。 》云:「天子七月而葬,五重八霎; 梓 「天子之棺四重」」云云,此以内説而出 天官 在 , 椑用杝, 以是差之。上公革棺, 不被三重也, 再 棺 葬者抗木 重也; 内,椁 縫人》: 一,梓棺二。 大夫無牌, 有 重者。 抗席三, 葬,再 在上, 茵在下士。」《喪禮》下篇陳器曰: 重 「掌王宫之縫線之事 縮 此爲一重。 數 重。 者三横者五,無簣,於上加抗木,抗木 重四翣。」注云:「五重者,謂抗 「天子之棺四重。 在棺 於擴上以承抗席。 以 加茵用疏布,緇剪 四者皆周。」注 此差之,上公四 如是者 外,所 以水牛兕牛之革以爲棺,被革 重也"士無屬,不重 杝棺,所謂椑棺也。 見親之身。 謂 五則爲五重。」然則 諸侯五月而葬,三重 「重累之數」也。 也。 芸 縫 水兕革棺被之,其 重。 折猶 庪也,方鑿 有 棺飾焉,衣 「諸公三重,諸 然則大棺及屬 幅, 既載 正 義引 亦縮 也。 《檀弓》 飾 諸 梓棺, 選柳 皇氏 棺 木與 侯無 而 《周 《禮 「抗 以 横 有 六

衣柳也。 布。 紐 六。 火三列: 行 爲 當爲「帷」。 緣邊爲黼文; 不欲衆惡其親 戴前纁後緇,二披用纁。」注云:「飾棺者,以華道路及壙 池、揄絞、纁紐二、緇紐二、齊三采一貝、畫翣二、皆戴綏。 褚,纁紐二,玄紐二,齊三采三貝,黼翣二,畫翣二,皆 二,黻翣二,畫翣二,皆戴圭。 飾之所聚。《喪大記》云:「飾棺,君龍帷,三池,振容, 龍火黼黻,皆五列,又有龍翣二,其戴皆加壁。 侯禮也。 之,以爲 魚躍拂池。 魚 ,所以結連帷荒者也。 遂以葬。 大夫畫帷,二池,不振容, 柳象宫室、縣池於荒之瓜端、若承霤然。 ,縣於池下。 , 黻三列, 素錦褚, 振 《禮器》曰:「天子八翣。」漢禮器制 士布帷布荒者,白布也,君大夫加文章焉 容, 大夫以上有褚,以襯覆 大夫戴前纁後玄,披亦如之。 若存時 畫荒,緣邊爲雲氣,火黻爲列於其中耳。 也。 象 水草之動 揄, 揄翟也。 荒,蒙也。 居於帷幕 加僞荒、纁紐六、齊五采五貝 池,以竹爲之,如小車等,衣以 摇 在旁曰帷,在 而 畫 青質五色,畫之於絞,繪而 魚 行 加 躍拂 荒,火三列,黻 則 文繡。」《喪大記 又 棺,乃加帷荒於其上。 池。 魚 上 上日 士布帷布荒, 度: 拂 云君大夫以 纁戴六, 柳之言聚,諸 池。 荒 三列 飾棺、天子 》所 皆 雜 黼荒 戴綏 黼荒 「僞」 素錦 黼 所以 云諸 記 青 銅 ± 披 翣

云"「大夫不揄絞、屬於池下。」是不振容也。

士

則去魚。

然? 注悦者,孝子之欲厚送親,得之則悦也。 往,其腐朽原不能免,但及人子之身不腐朽爲盡人心所不忍 戴之言值也,所以連繫棺朿與柳材,使相值 象車蓋,蕤縫合雜采爲之,形如瓜分然,綴貝絡其上及旁。 得用之,財足備之,古人皆用之,我何爲獨不 制所禁,不得用之,不可以悦心也。 得之爲有財,古之人皆用之,吾何爲獨 父死子繼曰世,終己之身,不可使父母棺椁腐朽, 己身後以 人持之而從,既空,樹於壙中。 用之。禮,喪事不外求,不可稱貸而爲悦也。 「牆置翣之飾」也。❶「孝子更去辟世」,「辟世」猶殁世也。 不得,不可以爲悦,無財,不可以爲悦。 綏當爲矮,讀如冠蕤之蕤,蓋五采羽注於翣首也。」此所 畫者,畫雲氣,其餘各如其象。 翣以木爲筐,廣三尺,高二尺四寸,方兩角高,衣 疏「不得」至「不然」○正義曰: 《檀弓》曰 柄長五尺,車行使 無財以供,則 「周人牆置婆」,是 ,因而結前後披 翟氏灝《考 然? 不 王 禮 度 無求。 《禮記・檀弓》上云「不仁而不可爲也」,注云:「爲猶行 羊傳》云:「武氏子來求賻,何以書? 氏以「如是」釋「然」字,與鄭氏、高氏同。 秋·應言》篇云「墨者師曰然」,高誘注云:「然,如是也。」 趙 訓》云「治國則不然」,高誘注亦云:「然,如是也。」《吕氏 《大傳》云「其義然也」,注云:「然,如是也。」《淮南子・主術 足備之」解「有財」句,以「用」釋「爲」,以「足備」釋「有」也。 注云"「爲,用也。」趙氏云「禮得用之」,解「得之爲」句,「財 之,無則制哀而已,不當求。 之與有財也。」○注「喪事不外求」○正義曰:隱公三年《公 也」、尹知章注云:「爲猶與也。」《孟子》「得之爲有財」、言得 人曰:爲猶與也。《管子·戒》篇『自妾之身之不爲人持接 不然者不如是也」,意亦同。 「仁人之用國」,注云:「用,爲也。」《郊特牲》云「以爲稷牛」, 「方言》云:「用,行也。」爲、用皆訓行,故《荀子・富國》篇云 不外求」之説也。 求賻,非禮也。」注云:「禮本爲有財 莊公二十八年《穀梁傳》云:「古者税 求則主傷孝子之心。」即 王引之《經傳釋詞》云:「家大

也。

以白布。

漢禮:

也。

0 置」,據疏例及注文當行 異》云:「《檀弓》子思與柳若論喪禮曰:「吾聞:有其禮無其

有其禮有其財,❷無其時,君子弗行也。」

財,君子弗行也;

然,如是也。

而

孟子此言乃即受之於子思者。」「得之爲」猶云「有其禮

2 下「有」字,原誤作「無」,今據《禮記》改

閩、監、毛三本

譏。

何譏爾?

事 送

者 制。

有則

趙

肌膚即 體 ※云: 恨乎? 者,以形體變化言也。成公二年《左傳》臧宣叔言「知難而有 存而木猶足以護之,不使近於土。 尚存,必與土近。 化者,形骸。 者復歸於無形也。」高誘注云:「化猶死也。」不化者,精神, 有摩而神未嘗化者,以不化應化,千變萬抮而未始有極。 之間 曰逞,宋鄭周洛韓魏之間 恔乎」,趙氏云:「恔,快也。」義本此。」高誘注《吕氏春秋》、 變化,且無令土親肌膚,於人子之心獨不快然無所 心 足,不煩稱貸益之。 肌,肉也。」《廣雅 淮南子》皆云:「化,變也。」《淮南子・精神訓》云:「故形 逞、曉、饺、苦,快也。 而 獨 西日 年補敗,不外求而上下皆足。」此「不外求」謂糞田 無饺乎? 體。 「體,第也。 快。」戴氏震《方言疏證》云:「《孟子》「於人心獨無 疏注 比猶 死者形爲灰土,爲日化也。」《説文》肉部云: 「恔快」至「恨乎」○正義曰:《方言》云: 至 惟棺椁敦厚則肌膚先木而化,故至肌 •釋詁》云:「膚,肉也。」劉熙《釋名 也。 骨肉毛血表裏大小相次第也。」是膚即肌 注校,快也。 且 自關而東或曰曉,或曰逞,江淮陳楚 親,近也。 比化者,無使土親 日 苦,東齊海岱之間曰 化雖有死訓 棺椁不厚則木先腐,肌 棺椁敦厚,比親體之 而不言死言化 膚 於 · 釋形 恔,自 膚不 人 化 膚 已

以天下儉其親。」注我聞,君子之道,不以天下人所及泉壤之間,終身大恨,何日解乎。 吾聞之:君子不先厚其棺椁以護之,則恨可解免。倘無財,不可以厚,則一思齊楚之同我而有以備之,則難可解免,知親體之將親於土而齊縣,恔之訓爲快即爲逞,「獨無恔乎」猶云乃可以逞。知佛,乃可以逞」,注云:「逞,解也。」亦本《方言》。逞之訓爲快

而》篇第一。閩、監、毛三本以此羼入注中。 禮,死葬之以禮」,見《爲政》篇第二,「可謂孝矣」見《學謂孝矣。 疏「論語」至「孝矣」○正義曰:「生事之以語》曰:「生,事之以禮;死,葬之以禮。」可語》曰:「生,事之以禮;死,葬之以禮。」可

得用之物儉約於其親。

言事親竭其力者也

子曰「可」者,以子噲不以天子之命而擅 命也,故曰「私」。子噲,燕王也, 於子噲。 曰:「可。 沈同以其私問曰:「燕可伐與?」 孟 注沈同, 子噲不 齊大臣。 得與人燕,子之不得 自以 子之,燕 其私 情 以 相 問 國與子 也 非 受燕 王 孟

爲宣王。

然就《史記·燕世家》載噲初立,有「齊宣王復用

蘇

與《孟子》不同者,惟伐燕一事。

《史記》以爲湣王、《孟子》以

之,子之亦不受天子之命而私受國於子噲,故曰其 時,不可失也。」」閻氏若璩《孟子生卒年月考》云:「《史記 之時,不可失也。」《燕世家》則改云:「諸將謂齊湣王曰 老不聽政,顧爲臣,國事皆決於子之。」此燕王子噲讓國與其 「齊王奚如?」對曰:「必不霸。」燕王曰:「何也?」對曰: 「因而赴之,破燕必矣。」孟子謂齊王曰: 「今伐燕,此文武之 「因而仆之,破燕必矣。」孟子謂齊宣王曰:「今伐燕,此文武 「沈同」至「子噲」○正義曰:《史記・燕世家 《史記》此文全本《戰國策・燕策》,明云「齊 蘇代爲齊使於燕,燕王問曰: 惟《策》云「儲子謂齊宣王: 燕噲既立,齊人殺蘇秦。 鹿毛壽謂燕王不如 於是燕王大信 行王事而 及蘇 不勝 噲 秦 代」之文,是噲與宣王同時,與《孟子》合而與《六國 《六國表》燕王噲五年乙巳讓國於子之,當湣王八年。 善」,皆語 開 卒不能以自克,末年之禍亦基於此。後來傳《孟子》者乃改 不謂之賢君哉? 末年驕暴以至於敗亡。 彊於天下,與秦爲東西帝,其所以自治其國者亦必有異矣! 爲宣王時,燕人畔爲湣王時,與《孟子》亦不合。 湣王之十年,以就伐燕之歲,其增減皆未有據。 燕,則不可以爲宣王之事也。 子正與游者也。」王氏懋竑《白田雜著· 宜仆燕而儲子正爲相者也,王令章子將五都兵以伐 後丁酉前,以合孟子游齊之歲月,則《戰國策 爲昭王、當湣王十二年。若移此五年事置於宣王八年丙戌 丁未,噲及子之死,當湣王十年。後年己酉,燕立太子平,是 十五年,又三年慎靚王元年,燕王噲始立,又七年,齊人伐 「《通鑑》據《孟子》以伐燕爲齊宣王,而宣王卒於周顯王之四 元之治幾於貞觀,苻堅始用王猛,有天下大半,其初豈 其實,而湣王之「好色」、「好貨」、「好樂」、「好勇」 故孟子謂『以齊王由反手』、「王由足用爲 此則唐玄宗、❶秦苻堅之比。 於是上增齊威王之十年,下 孟子敘説考》云: 》載儲子謂 齊湣王 而又以伐燕 燕而 表》異。 玄宗 七年 一初年 宣 章 Ŧ.

子之。子之因遺蘇代百金而聽其所使。

『不信其臣。』蘇代欲以激燕王以尊子之也。

以國讓相子之,燕王因屬國於子之。子之南面

相子之之事也。

宣王復用蘇代」,與《策》同

也。

死,而齊宣王復用蘇代。

燕噲三年,與楚、三晉攻秦。

而還。子之相燕,貴重主斷。

蘇秦之在燕,與其相子之爲婚,而蘇代與子之交。

云:「易王立十二年卒,子燕噲立。

罪可伐。

疏

0 則」,原誤作「時」,今從沈校據《白田雜著》改。

《孟子出處時地考》云:「孟子事齊宣王始末,本書甚明。 城。 齊湣。 世 也。 有餘歲」乎? 王 復 事則撏撦《國策》之文云:「易王初立,齊宣因喪伐我,取 惠侯以下皆失名,又不言屬,桓、獻二公爲他書所無,而伐 王十年耳,然亦不言爲齊所破。 俱 在,故不稱謚,止稱齊王。 惠王》篇所載; 元年逆推至武王有天下已八百有九年,可云 1由周以來七百 鑑 王則處處相合,而《通鑑》之失亦可置而不論矣。」周氏 「湣王」爲「宣王」以爲孟子諱, 史記》誤以伐燕一事繫之湣王十年,以致諸家聚訟。 一家》武靈王十年,齊破燕,燕相子之爲君,君反爲臣。 Ŧ 初 用蘇代。」夫復用蘇代者爲齊宣王 絶不道 》割湣王十年以屬宣王,似矣,而録其文不計其世。 《史記》於攻伐靡不詳記,獨齊之伐燕、《世家》、《年 讓其臣子之。 明 蘇 《黄氏日抄》據《史記》伐燕有二事:一爲宣王,即《梁 秦説,使復歸。」又云:「噲既立,齊人殺蘇秦,齊宣王 矣,而其下又言湣言齊,何也? 字。 《古史》直云先事齊宣王,後見梁惠、襄,又事 一爲湣王,即《公孫丑》篇所 惟 據《表》,是年子之死,是較遲二年。 《燕表 》書君噲及相子之皆死,其年當湣 皆泥《史記》而變亂孟子之遊歷 蓋未 至《燕世家》,本極疎略, 識此意。 則 噲立、秦死俱不 且秦惠王十一年, 載。 今以宣王 時 湣王 一爲 廣業 在 赧 《趙 表》 通 據 . 湣 + 燕 如 者 尚 王 自 湣

> 《燕策》「燕王噲既立」篇,其用蘇代及儲子勸齊宣王伐燕、孟 二年矣。 《表》,在十二年。 不合。 西攻秦,又舉五千乘之勁宋」云云。《大事記》謂此説昭 我讎國也,寡人所欲報也。」代又言「齊王,長主也。 乎?」王曰: 『我有深意積怒於齊,欲報之,二年矣。 而棄《世家》,不待智者,決矣。 軻謂齊王等語俱明指宣王,與《孟子》悉合。 地送之,是較早二年。 八年滅宋事當之,則燕昭王已立二十六年,與「欲報二年」更 又言『拔宋五城』,即其事也。 位未久,其對齊貌辨,自言「寡人少,殊不知此」,❶何得 辭、《策》誤爲噲,是也,然此齊王決非湣王。 見燕王噲曰: 『臣聞王居處不安,飲食不甘,思報齊, 表》之失,一改爲「齊王」以影附《孟子》之書,此其當從《策 而改「儲子」爲「諸將」,於宣王之字一改爲「湣王」以曲護《年 「長主」,其所稱「舉宋」者,據《宋策》,康王前 則知是時宣王尚在也。 同在一書而 + 前後背馳若 年,王召公子職於韓,立爲燕王 而立職即在明年,則燕之畔齊亦不待 如 又其前「蘇秦死」一篇載蘇 宣王年老,故稱『長主』也 依《田 此! 完世家》以湣王三十 試以《國策》考之。 何也? 兩言「齊 《史》乃取 南攻 攻 湣 齊者 使樂 宋」, 王之 其 遽 王 楚 稱 即 代 文

❶ 「殊」,原誤作「殆」,今據《战國策》及《孟子四考》改。

燕前

事

即《梁惠王》篇所載,尤非。

夫易王初立,何至虐民而

王時

也。

數

年。

則

知敗魏伐齊之事必在

相

相

魏

在襄十三年。

斷

非

湣王十年而在宣王三十年内外,灼然無疑矣。

至謂

伐

魏

王曰:

之,令淖滑、惠施之趙

,請伐齊而

趙欲存之。

樂毅請

説王伐燕爲宣王甚明。

即田忌。《史》謂其與鄒忌不善,亡之楚,宣王召而復之。 見,終不及伐燕子噲一語,大可怪也。 韓、楚,趙必救之。是天以燕賜我也。」齊因起兵攻燕。 王記云"「楚許魏六城,與之伐齊而存燕。 五年,又係之威王二十六年,又係之宣王二十二年。 噲」句,輒舉其詞,雜人邯鄲之難、南梁之難二篇,繫之桓公 齊宣王十八年,《策》係於首,則知破燕在其前矣。 而舉燕。」所謂「三十日舉燕」者,非即《孟子》稱「五 夫《史》之踳駁既如彼,《策》之明白又如此,伐燕之 齊畏三國之合也,必反燕地以下楚。」據《史》,儀 《策》係之閔王即湣王,固誤。《史》則删却『子 子噲與子之國,百姓勿戴,諸侯勿與。 儀以秦、魏伐韓,齊王將救之。 《張儀傳》魏入上郡、少梁於秦,又在其前 以河東易燕地於齊王,從之。 又《趙策》武靈王首篇云:「齊破燕, 存燕。」武靈元年《史表 秦惠王時。 按,田臣思、《索隱》謂 張儀欲敗之,謂 約其年,亦宣 田 《魏策》襄 一臣思 楚、魏憎 文雖三 三十 一旬而 秦伐 日: 》當 其 思士而無從」,注以「思士」爲孟軻,蓋亦以士讀仕。 郊之地」,注云:「士,讀爲仕。」《後漢書・ 注云:「士或爲仕。」《周禮・載師》「以宅田、士田、賈田 傳寫之差也。」翟氏灝《考異》云: 衡·刺孟》篇述此文, 仕作士。 子設此以譬燕王之罪。 則可乎? 之禄爵; 有仕 伐之」,則同必齊王左右之臣,能主軍國大事。 臣」①〇正義曰: 不曰宣王而曰王,亦偶然致辭不同耳。二〇注 孟子言而致燕畔,此所以慙於孟子也。若湣王,何慙之有。 湣王邪? 若以稱謚與否爲斷,則「莊暴」章終篇不見「宣」字,將亦謂 蘇秦之説歸之,何云「倍地」,且欲出令反旄倪、止重器也 謀置君? 於此 林希元《四書存疑》云:「宣王曾以取燕問,不用 乘喪伐人,豈得云「拯之水火」? 夫士也,亦無王 一而子悦之,不告於王 何以異於是?」注子謂沈同也。 沈同無考。 疏「有仕於此」() 知爲齊大臣者以下云「彼然 《四書辨疑》云:「仕當作 「《禮記 命而私受之於子。 川 趙壹傳》「昔人或 曲禮》「士載言」 私與之吾子 取 Œ 僅十城,旋因

舉」者乎?

日

王之謀過矣。

齊策》曰

一張

0 「臣」,原誤作「夫」,今據注文及疏文改、

仕與士

任

義 日 :

《論

孟

是大臣也

「沈同齊大

之

之日 然而 天吏,天所使,謂 注 人問 其 皆此 怒 티 : 子 成十六年曰:"【夫二人者、魯國社稷之臣也。」 襄二十六 古多通用,不必 口 也。」言猶然如此之人也。 言此丈夫也。』僖三十年《左傳》曰:『微夫人之力不及此。』 土 (禮記 主 也?』《論語 問 孟 |猶言「夫人」。 君 誰 公孫丑》篇曰: 一伐燕。 也。」齊人伐 伐 子曰: 燕 孟 可 之。 淹恤 檀弓》曰「夫夫也、爲習於禮者」,鄭注曰:「夫夫猶 口 子 以 伐 勸 在外十二年矣,而無憂色,亦無寬言,猶夫人 伐之? 我未 或問 彼 天 與, 齊 定 先進》篇曰: 如 吏 王伐 傳 Ŧ 진 : 王者得天意者 勸 燕。 「夫士也,亦 吾應之日 寫 則 氏引之《經傳釋詞》云: Ŧ 我將 差也。」○「夫士也」○ 也。 可 燕,有之? 葡 注沈同 《魯語》曰:『鼈於何有 孰 以 日 同問 『夫人不言,言必有中。』《孟 齊伐 伐 可 無王命而 可 爲天 以 之。」注彼 以 也。 可伐乎,吾曰可,彼 彼然 燕,有諸?」注 伐之?』則 孟子言可,因 曰: 吏則 彼不 私受之於子。」夫 未 而伐之也。 可 Œ. 「夫猶 ·復問 如 義 以 也。 而 將 日 使 伐 孰 將 此 問 歸 夫人 之。 可, 一夫 也。 沈 應 有 我 勸

注引鄭 之日 乎? 便自 有此私意而徑應之,不省其語,是不知言也。 須 政 此 云:「夫或問 伐燕,何爲以我爲任此勸齊伐燕之事乎? 晉語》云「非德不當雝」,注 人之人。 殺 可以殺之矣。 者,問此人可 之。』今以燕伐燕,何爲勸之哉?」注今有 以殺之?』則將 殺 爲天吏乃可以伐之。」沈同意 挾私意欲自 也 人者雖當死,士師 與 可; 不 往伐之。 ? 氏注 疏注 惟殺人者 ○注「我何爲當勸 能 則將應之日 云: 一問此 孟子勸王伐燕,不誠是乎? 相 伐之也。 殺 踰 言燕雖 「當,主也。」 今有殺人者,或問之 否? 死,則 人可殺 又 應之曰:『爲 非 乃得殺之耳。 知其 有罪 可 將應之曰 否」〇正義曰: 天吏也,我 云:「當猶任 殺 齊伐燕乎」〇正義曰: 一意亦 意慊於是 也。 ,猶當王 総,則 可。 與 故 任 可。 無 「人可殺」之人指 彼 同。 何 也。」謂 士 伐燕之計矣。 宜 今齊國之政 者誅之耳 沈同問 問 爲 《文選・ 爲 如 日 師 人可 當 士官 曰 : 論 孟子,知言者 日 「燕 則 沈 殺,不 勸 . 燕可 衡 同 可 《國 雖 甘 齊 主 等 人 刺 泉賦 以 孰 可 伐 猶 譬 獄 不 伐 勸 得 語 此 伐 孟 殺 口 知 可 燕 如 則 人 燕 王

之謀定,燕人立太子平,此王所以慙

也。

而時人不知,仍以

燕衆,爲之置君

,則仍天吏之所爲也。

乃至王終不悟而諸侯

詳明,陳其利害,顯告以王速出令,反旄倪、止重器

乎?

乃廟毀器遷,諸侯兵動,王又咨焉。

孟子是

一時固

又 反 當之

謀于

行仁之道於齊見之,而勸齊伐燕之策,孟子亦何不可

天吏之爲與所以可伐之故。

使宣王是時聽而從之,則

以

德

然陳文王、武王之事,戒之以「益深益熱」之虞,是即明告以

孟子,故質之以諸臣之議,告之以「天與」之機。 孟子是時

此,所謂「齊人伐燕,勝之」也。

是時宣王以齊師之出

端端

慨

兵,因北地之衆,士卒不戰,城門不閉,雖湯武之舉,誠

應之,言子噲子之當伐,誠立言之當矣。

,倡謀有在,形迹已著,分辨未能。迨至沈同私問,未必 師,固孟子之心也。而不遽發者,特 田臣思云「天以燕賜我」者,溯厥 齊師既出,未必終其拯救之心, 自是匡章將五都之 斯時孟子豈不 例以孔子沐 未過 燕民 可 措 由 之。 等相次。《公孫丑》篇所載皆對齊臣之言,故與景丑氏、孔距 篇所載皆對齊王之言,故與梁惠王、滕文公、鄒穆公、魯平公 燕未取燕,王師也,拯民水火也,非「燕伐燕」也,可勸 非不朖朖言之。 伐燕」也。 勸伐之謀惟孟子當之,此孟子所以以「天吏」明之而以爲「燕 耐而預剌剌言之乎? 宣王,皆明燕雖可伐,須爲天吏之説,豈必沈同私問之時 心、蚳鼃、王讙等相次。其互見之旨,思之自著。 至于以燕伐燕而以 取燕,則水益深也,火益熱也,是乃「燕伐燕」也,不可 既兩對宣王之間,則燕所以可伐,所以須爲天吏,孟 蓋沈同之私問在未伐燕之先,斯時誠無容阻而 而時人勸齊伐燕之疑則在取燕之後。 勸齊疑孟子,孟子所不受矣。 王充淺學, 詎足知大賢哉? 《梁惠王 孟子兩 勸 方伐 也 不 對 既 子

所由

將有如儲子之破燕必矣。

非

陰承王旨,將假大賢一語以爲戡克借端。

知之?

阻之,非拯亂之心,詳之,失進言之體。

第以

以握

權主事别自有人,萬

浴

而

朝,則爲齊贊畫出

燕民望救如望雲霓矣。

辭所欲之矣。」按:燕噲之事,君臣易位,其亂極矣。

觀

其

也,又知言之所起之禍,其極所致之福,見彼之問則知

子出」〇正義曰:見《論語・季氏》篇第十六。 伐自天子出,王道之正也。 章指:言誅不義者必須聖賢。 疏「禮樂征伐自天 禮樂征

今竟不能有燕,故慙之。 人畔,不肯歸齊。 燕人畔。 王曰: 齊王聞 「吾甚慙於 疏注「燕人」至「慙之」〇正 孟子與 沈同言爲 孟 子。 未 勸 注 Ŧ

猶得 必 遠 此 何如 日: 此姚賈與 考其歲月。 也。」鮑彪注云: 誘 注 是 違背之意,故以不肯歸齊爲畔。 攻秦,秦王召羣臣賓客六十人而問焉。 患 王 樂毅下齊 自 有書可證。 矣。」按: 人者可 注云: 焉 立君,不肯歸附於齊矣。 自 「陳賈齊大夫」○正義曰:《國策・秦策》「四國爲一,將以 何言也?」注陳 相 宣王欲取 一周 周 以 及,獨以最 公仁 王歎 、始皇所問之人相去八十餘年,高誘欲以爲陳賈,若 最 「姚賈譏周公誅管蔡不仁不智者,在《孟子》之篇 也。 爲 城,乃 高誘嘗注 人齊,秦王怒,令姚賈讓 賈乃與李斯同時,安得見於《孟子》之書?」《魏 一智乎? 與 《趙策》又有姚賈,趙使約韓、魏,茅舉以 曰 : 燕,孟子告以置君。 「高誘,妄人也。 湣王 陳,舜後,得爲姚姓 周公孰仁且 ■韓非相毁之人爲 是何言? || 孟 事耳。 賈,齊 欲 子》。 爲 此所謂「燕人畔」也。 王解 陳 其以 大夫 言周 此皆宣王 智?」 此策以姚賈爲陳賈,初不 賈 及燕人立公子平,則 一面 陳 魏王。」鮑 孟子意,故 日 也。 公何可及也 、賈即 此人,則 姚賈對曰」云云。 孟 : 子與秦武、魏 事。 王 問 秦 王 一臣姚 彪注云: 日 王 年 至 無 畔與叛同 曰 : : 時 日 燕昭王用 賈 患 相 惡! 自 爲趙 王 哀時 燕人 ′按, 焉 絶 疏 高 無 視 太

之忠臣 注 畔 子·道應訓》「以説 説孟子也」○正義曰:《詩 曰 : 公,古之聖人也。 注賈問之也。 見而解之。」注賈欲以 仁、智,周公未之盡 使之,是不仁 之逐臣而不言其仕齊,此陳賈爲齊王説 「説」釋 孟子》,訓詁多與高氏同,而 孟子 也, 「周公使管叔 「解」。 ,吴師道以爲時不可 有諸?」 Ė: 如 見 是 孟子,問 . 也 ; 也。 注 於衆」高誘注,皆云: 曰:「使管叔監 賈問 不 監 古聖人也。」注孟 曰 也, 此 衛風 考。 殷 知 有之否乎? 曰 : 説 此但云「齊大夫」,其 管 而 而 顧 孟 周 韓非 氓》「猶可説也」,❷《 子 況 「周公, 使之,是不 公知其 叔 也。 於王 以賈爲梁之大盜、 以 ,則齊臣也。 殷,管叔 「説,解 疏注 殷 一乎? 何 日 將 畔 子曰: 一賈 也。」故 畔 言慎矣。 也 智 趙氏 欲以 然。 以 賈 知 而 淮 也 請 使 殷 而 周 以 南 此 注 趙

此

處亦

高誘注,故下云「皆」。

<sup>●「</sup>也」下,據全書文例當脱一「箋」字,或焦疏誤以:
●「最」,原誤作「毀」,今從沈校據《战國策》鮑注改。

「其弟管叔

將不利於孺子」,傳云:「三叔以周公大聖,有次立之勢。」然 也。」《史記》亦以管叔爲周公之兄。」孔似不用《孟子》之説, 義曰:《周書·金縢》云「管叔及其羣弟乃流言於國」,某氏 愛之,管叔念周公兄也,故望之,親親之恩也。 管叔不賢,亦不必知其將畔。周公惟管叔弟也,故 周公之過,不亦宜乎? 注孟子以爲,周公雖知 過矣」,高誘注云:「過,謬也。」又「過聽於張儀」,高誘注 則孔自以周公爲武王弟,管叔爲周公弟,乃爲有「次立」之 或可,孔以其弟謂武王之弟,與《史記》亦不違也。 乃下「公 云"「過,誤也。」曰:「周公,弟也,管叔,兄也。 過謬」至「謬誤」○正義曰:《國策·秦策》云「王之料天下, 「周公攝政,其弟管叔及蔡叔、霍叔乃放言於國以誣 」承「周公攝政」之下,自指爲周公弟,非承上 賈曰:聖人且猶有謬誤。 曰:「不知也。」注孟子 疏注「周公」至「恩也」○正 則聖人且有 公,弟也,管叔,兄 疏注 周 過 爲武王弟也。 云: 『公將不利於孺子。」周公乃誅二叔。」《魏志》毋丘儉《討 國。」又《張衡傳・思玄賦》云:「旦獲讟於羣弟兮,啓金縢 傳》儵云「周公誅弟」,注云:「周公之弟管蔡二叔 蔡統管。若管是周公兄,則宜以管統蔡云「誅兄」。今云「誅 通·誅伐》篇云:「《尚書》曰「肆朕誕以爾東征」,誅弟也。」 傳》,以周公爲管叔之兄,與趙岐注《孟子》合。」按"《白 弨校《白虎通》引孫侍御云:「此所引《詩》傳疑出 鮮。」《白虎通•姓名》篇「文王十子」引《詩》傳云:「伯邑考, 司馬師表》云:「《春秋》之義,大義滅親。 乃信。」注云:「成王立,周公攝政。 蔡叔,周公兄也。」誘亦嘗注《孟子》者也。 云:「管叔,周公弟。」又注《察微》篇云:「管叔,周公弟也, 弟」,則管、蔡皆周公弟也。 又云:「「誕以爾東征」,誅禄甫也。」誅弟正指管、蔡,不可以 武王發,周公旦,管叔鮮。」此以周公爲管叔之兄也。 云:「太姒生十男,長伯邑考,次武王發,次周公旦,次管叔 次曰周公旦。」此以管叔爲周公之兄也。《列女傳 同母兄弟十人,其長子曰伯邑考,次曰武王發,次曰管叔鮮 「管叔,周公兄也。」此用《史記》; 蓋漢時原有二説。《史記·管蔡世家》:「武王 高誘注《淮南子·氾論訓》云: 注《吕氏春秋 其弟管叔 《後漢 故周公誅弟。」嵇 蔡叔等

傳云:

公於此過謬,不亦宜乎?

周公。」孔氏

Œ

義云:「《孟子》曰:「周

之與?」注

賈問之也。

曰:周公不

知

其 將

畔 也。

然

· 母

與?」注過,謬也。

《韓詩 盧氏文

虎

開

春》篇

書

樊儵 言

流

於

而

謗

言

正影芸 叔,兄也。」自 注 而 叔、蔡叔弟也、爲惡、周公誅之。」又《舉賢》篇云:「周公誅弟 趙 此論正本《孟子》發之,而以文、武、周公爲管、蔡之父兄,與 聖不佑惡而任頑凶,不容於時世,則管、蔡無取私於父兄。」 列 幼穉,覺無良之子弟,而乃使理亂殷之弊民。」下云:「文王 誅 康《管蔡論》云: 大宗,稱魯宗國,三。 立宗法以嫡弟之長者爲大宗,周公、管、蔡皆嫡弟而周公爲 士,亦云此事有可疑者三。 太姒十子,亦以管、蔡爲周公弟。 .周公誅管、蔡,此於弟無厚也。」《傅子・通志》篇云:『管 ,周公先封周,又封魯,而管叔並無畿内之封,二, 小記》云: 也。」按:趙氏自有所本,但孟子直云:「周公,弟也, 典型立。」漢晉諸 氏同。 ·而顯之,發、旦二聖舉而任之。」又云:「三聖未爲不明,則 X 毛氏奇龄《四書賸言》云:「予嘗以此質之仲兄及張 「趙氏以周公爲兄、管叔爲弟、《列女傳・母儀》篇數 李商隱《雜記》云:「周公去弟。」此皆以周公爲兄 頑惡顯著,流名千里。 「父子相隱,是事已露而私之也, 是以管叔爲周公之兄。 按記、管、蔡流言、叛戾東都。 儒固有以管叔爲周公弟者,不特臺卿 趙氏所注,非 周公稱公而管叔以下皆稱 且明父聖兄曾不鑒凶愚於 《鄧析子· 無據也。」周氏柄中《辨 程氏瑶田 無厚》篇 周公使管叔 通藝録 周公征討, 周 云 叔 管 論 此 制 南

《尚書後案》云: 以過而過之。陳賈何知焉!」且古之君子,過 疑於兄弟畔之人也。一切「不仁」「不智」皆以私心測聖人 惟孟子爲能善道聖人。 之至,斷無疑其兄畔之理。故曰:「周公之過,不亦宜乎?」 公,弟也,管叔,兄也」,故私其兄而不疑之。此乃天理人情 監殷,是事未形而私之也。 監、管叔、蔡叔、 公相成王,將黜殷,作《大誥》。」《毛詩正義》引鄭氏注云: 「之也」○正義曰:《尚書序》云:「武王崩,三監及淮夷畔。 所謂君子,非真君子也。 誅三監,作《大誥》,明勅庶國,是周公改之也。 之所謂君子,真聖人賢人君子也。 之。今之君子豈徒順之,又從爲之辭!」注 之, 今之君子,過則順之。古之君子,其 而不知聖人之公,不過自遂其私而已。 自陳賈言之,以爲不智,何説之辭? 言此,以譏賈不能匡君而欲以辭解之。 也,如日月之食,民皆見之,及其更也,民皆仰 、霍叔三人,爲武庚監於殷國者也。」王氏 「《逸周書 天下無於兄弟而動畔之念者,則無 周公之爲不知而使,不待言。 作雒解》云:"武王克殷,立王子 順過 飾非、就爲之辭。 自孟子言之,則 周公雖有此 故可以使而使之,可 疏注「乃誅」至 則 今之 孟 鳴盛 一周 改 调 然 周

舉事,表裏相應,動出百全。 周。 《史記· 監」之事也。 禄父,俾守商祀。 施於使監 必 僥倖於一日之成功。 墮於敵人之術中。 公於此顧乃懵然而不察,坦然而無疑,引嫌畏罪去,不旋踵以 連大國以窺周室。 劉氏台拱《周公居東論》云: 吉卜,予惟以爾庶邦于伐殷逋播臣。」」是 事。二又云: 羣弟乃流言於國曰: 是管、蔡、霍爲三監之明文。」《金縢》云:「武王既喪,管叔及其 「我之弗辟,我無以告我先王。」周公居東二年,則罪人斯得。」 列子·楊朱》篇云: 詩》曰: Ĩ 流言之謗爲反間之謀,意欲先陷周公而後逞志於成 周公奉成王命伐誅武庚、管叔、放蔡叔。」此周公「誅三 周本紀》云: 「周公,弟也,管叔,兄也。 之時則至言也,施之於流言之後則妄説也。 「相彼雨雪、先集爲霰。」禍亂之萌見於此矣。 「肆予告我友邦君,越尹氏、庶士、御事曰:「予得 《大誥》云:「王若曰:「猷大誥爾多邦,越爾 建管叔於東,蔡叔、霍 直至四國並起,猖獗中原,然後倉皇奔命 而管、蔡以骨肉至親爲之陰伺虚實,相 「管叔、蔡叔羣弟疑周公,與武庚作亂畔 【公將不利於孺子。」周公乃告二公曰: 則周公之智,何遠出管、蔡下哉? 「四國流言,周公居東三年,誅兄放弟。」 然猶以周公之故,不敢遽發。 「武庚席勝國之餘業,地方千里, 豈忍料其將變哉?』此以 叔於殷,俾殷監 「明敕庶國」之事也 今有 論者 而周 臣。」 王。 故 機 御 0

其能 問 聞謗而不辨者,是君子 斯救敗之舉也。惟孟子不爲周公辨過而轉爲周公任過,且 東征破斧、零雨心悲、公自行其所當然、原非謂先此誤使、爲 之道也。至於閔王業之艱難,懼覆亡之無日,情危辭蹙,幾 斯,鬻子之閔斯」,所以未減其倡亂之罪而不忍盡其辭,親 斯得」者也。 繆牖户。」成王二公未始以爲憂而公獨識之,❶此所謂「罪 鴞鴟鴞,既取我子,無毁我室。」「迨天之未陰雨,徹彼桑土,綢 必當守不忍料之意以終身,則舜何以知象之將殺己哉? 之大感。此天理人情之至,以義推之而可見者也。 察而得之,必且始而駭 萬萬不料其爲管、蔡而心識其爲商人之間己,則不敢以不察。 按:三監之建在 説者紛紜顛倒,致使周公救亂之志闇而不章,豈不惜哉? 大聲而疾呼,自書契以來,哀慟迫切,未有若此詩之甚者。 有安然受之而不究所從來者乎? ,則冥頑不靈之人而已矣。況其爲反間之謀,覬覰之漸,豈 改過,特以取燕之舉過於前不能改於後 鴟鴞取子以喻管、蔡爲武庚之所脅從。 武王時,賈以爲周公使之,已非其實。 ,中而疑,終則痛哭流涕 也; 無故 加己以篡弑之名 是故流言之初起也,周 ,假周公之事以 ,引以爲終身 而安然不 而 恩斯 謂周 至於 一鴟 謂 而 於 親 公 公 X

● 「而」下,經解本有「周」字。

貺齊耳。 之恉矣。 諫飾非,愚而上同 ○注 必 調誅 「順 三監、作《大誥》爲周公改過之徵,尚非孟子 過飾 非 0 Œ 義 曰: 《荀子 成 相 》篇 굸

非,以 「順非 《論語 王. 澤、失之。 制》云「順非 而 ·子張》第十九云"「小人之過也,必文。」《禮 章 指: 諂其 澤」。 上 按: 而澤」、《荀子・宥坐》篇孔子論少正卯 言聖人親 也。 澤 即 釋, 疏「聖人」至「上也」〇 謂 親,不文其過; 順其 非 而 爲之解 釋。 正 小 義 人順 或 亦 記 日 云 云

還此 致政」, 其室也。 疏注 致」之義爲還。 退 一而致仕」,注云:「退,退身也。 下三王 (爲臣於齊,不爲其臣也。 解齊」至「室也」〇正義 孟子致爲臣 注云:「致政,還君事。」《明堂位》云「七年致政 王就 就見」則孟子尚 致政,以王事歸授之。」宣公元年《公羊傳》云 見孟子,曰:「前日願見 孟子爲卿 而 歸。 在 於齊,是爲齊之臣也。 齊,故非歸鄒,是不立朝 日 還 注 此爲臣於齊,即 《禮 致仕,還禄位於君。」然則 辭 記 齊卿 王 而 制》云:「七十 歸其室 致爲臣,是 是解 而 不可 而 於成 齊 退 也。 歸 卿

之。 寡人 謬。」按:《説文》人部云:「侍,承也。」手部云:「承,奉也,受 也。」惟孟子來就齊王,乃得承受之,與之同朝。 臣而同朝也。 見,故喜之也。 廣森《經學巵言》云: 得相見,故喜 得,注謂未來 解侍爲臨,謂孟子來臨於齊,故云「來就 大記》云「大夫之喪,大胥侍之」,注云:「侍猶臨 得侍 而 歸,進今致爲臣,棄寡人而 同 『甚喜』,王自言甚喜也。 也。 朝, 然則「得侍同朝」者,謙辭,言與 仕齊 甚喜。 疏注「來就」至 「《章句》言來就爲卿,君 也,遥 聞孟子之賢 注 來就 喜 俗讀「得 也 爲 爲卿」。 歸 卿, 也。 而 臣 君 (孟子 也。」或 《禮記 侍」絶句 不 同 義 今又 不 臣 日 能 朝 同 識 得 趙 八爲君 孔氏 得 朝, 棄 氏 喪 相 見

之?」注時子,齊臣 使諸 以繼此 日 使寡人得 孟子意欲使王繼今當自來謀 也。」注孟子對王,言不敢 : 我 大夫、 而得見乎?」江不知可 欲 相見否? 中 或 或 人皆有所 而 授孟子室,養弟子以 對 也。 日 王欲於國 : 自請 矜式。 也。 不 耳,固 敢 他日 以 續今日之後,遂 中央爲孟 請 子 心之所 了,王謂 耳 盍 固 萬 願 時 所 子 鍾 也。 築 願 可 時子

以

我爲欲富,

故

以 禄

誘我。

我往

者

響十萬

鍾

乎?」注

孟子曰:如是,夫時子安能

知

其不

可

乎

也?

如使予欲富,辭十

萬

而受萬,是爲

欲

告孟

子,

孟

子曰:「

然,夫

時

子 惡

知

其

不

子。

注陳子,孟子弟子陳臻。

陳子以

時

爾志」,注皆云:「盍,何不也。」時子因陳子

而

以

此通之、是「矜」爲敬也。「式、法也」、見《周

氏春秋・孝行》篇云「居處不莊」,高誘注云:「莊,敬也。」以 衛靈公》篇云「君子矜而不争」,包氏注云:「矜,莊也。」《吕 禮記・檀弓》云「盍嘗問焉」、《論語・公冶長》篇云「盍各言 「齊有賢人時子著書,見《孟子》、《新論》。」」《荀子・大 「欲近四旁,莫如中央。」趙氏以中央解「中國」,謂 旂《人物考》云:「齊大夫時子、《古今姓 書·謚法解》。 時子何不爲 子之言 告孟 富 ? 可 國 之 諸 乎 ? 《遇合》《慎大》《權勳》《長利》《求人》等篇,高 《廣雅》:「然, **譍也。」**《禮記·檀弓》有子曰:「然。 萬鍾則六萬四千石矣,十萬鍾則六十四萬石矣。 《漢書》多言「烏」,即 子·公孫丑》篇曰:「然,夫時子惡知其不可也?」此三然字 子有爲言之也。」《論語 詞》云: 日: 禄,以大道不行,故去耳。 然則區 豆、區、釜、鍾。 子通計仕齊所辭之數,非 辭十萬鍾」,然則齊卿之禄厚至此與?」余應之曰: 曰:「「養弟子以萬鍾」,齊宣亦自侈其厚矣,而孟子又云「曾 焉得爲君乎」、《釋文》:「焉,本又作惡。」《廣雅 但爲應詞 「焉,安也。」閻氏若璩《孟子生卒年月考》云: 惡,安也。」惡與烏、焉通。 以 距 「如是」釋「然」字,以「安」釋「惡」。 王氏引之《經 「范望注《太玄·務測》云:「然猶是也,常 而 時子之言 斗六升 不訓 四升爲豆,各自其四以登於釜,釜十 爲是。」《吕氏春秋· 也, 「惡」也。 也。 釜,六斗 一歲有也。 陽 疏注「孟子」至「言 《荀子》多言「案」, 貨》篇: 襄公二十九年《公羊傳》云「僚 今更當受萬鍾,是爲 四 升 也 一然, 晏子曰:「齊舊四 忠廉》《謹聽》《務 鍾,六石四 有 是言 · 釋詁 即「安」也 誘注皆云: 「或問 也 此豈 也。」《孟 0 此 然則夫 語 斗 則 欲 傳釋 齊卿 蓋 於 也。」 正 也 鍾 量 富 孟 余 義

〇正

義

E :

薛

應

我言之於孟子,知肯就之否?

疏注

「時子」至「之否

大夫國人皆敬法其道。

盍,何不也。

謂

中於國也。

鈞、閩、監、毛三本作均。

均、鈞字通。

《論

語

略

》篇云:

室,使養教

國

君

臣之子弟,與之萬鍾之禄。

中

者,使學者

遠

近

鈞

也。

矜,敬也;

式,

法

也。

欲

使

以 就 子,孟子弟子 受也。」《毛詩 上。 國君臣之子弟, 千八百石。 《孟子出 當亦不下六七年矣。 齊當十年矣, 倍於陳戴,則 小,漢二斗七升當今五升四,合六萬四千石,今猶得  $\exists$ 後歸,又必 孟子仕齊所見聞者,則 之,故 鍾 爲可 歲 孟 」釋「受」。 所能 爾雅 二子當是其後,氏而不名,與公都子同例。 子 則六萬四千石足以食其徒一萬八千餘人。 就 出 處 入如此 日 : 有 也。 有 時地考》引馮氏景少作《論萬鍾》云:「六石四 乃歎崇儒重道之風,雖戰國,不替也。」弟子爲 哉? 釋詁》云: 時 一二年,故曰:當不下六七年也。」周 也。 季孫 異哉,弟子之所 地 使 周 而 疏注「二子」至「就也」○正義曰: 孟子教養之,則讀『養弟子』三字爲 以 考》云:「 頌》「我應受之」,當受即 孟子 季 孟 曰:「異哉!」子叔 夫燕噲讓國 超已 子所 孫 「應,當也。」《廣雅・釋言》云:「應, 在 知 三卿之中,使其禄同於陳戴 (仕齊當五年矣;或少倍於陳戴, 魯有季孫氏、子 歷 云陳戴『蓋 孟子意 五年矣,又況於崇見王,喪母 聞 ,君臣被戮,太子復興,俱 也 不 ! 禄萬鍾」, 欲 而 子 叔 應受也。 心欲 叔 氏 疑。 戴 孟 蓋古量甚 心 並 使 爲齊 氏 門從遊 周 疑, 見 注 孟 故以 廣業 則仕 句屬 萬二 氏 ( 左 斗 公 亦 子 廣

> 乎? 數? 同。 子。 故 齊 中 弟 乎?」●「使己爲政,不 《宋史·禮志》。 《漢書·古今人表》者五人:公孫丑、萬章、告子、樂正子、高 謂從者數百,彭更既明言之,則弟子之姓名 更、盆成括而益以孟季子、周霄。 子、桃應,學於孟子四人: 孟仲子、告子、滕更、盆成括。 虞、季孫、子叔、高子、徐辟、咸丘蒙、陳代、彭更、萬章 者,趙氏注弟子十五人: 王使我 :謂告子與浩生不害是二人,因去告子而列浩生不害 使 有 爲 張 宋政和五年從祀孟廟,視 我 季孫、子叔、盆成括等幸附見七篇,尚何 卿。 私 是猶獨 九韶 爲 龍 爲 卿 斷焉。 《羣言拾唾》載孟門十七弟子,去季孫、子 人亦孰不欲 政,不 於富貴之中有此私 而 吴萊《孟子弟子考序》稱十九人,則與趙 與 ·用則 我 注 萬 樂正子、公孫丑、 孟子解二子之異意疑心,曰 亦 鍾 用則 富 之禄。 自 趙 ]貴? 止矣,今又欲 注無盆成括,爲十八人,詳 《經義考》亦去季孫 亦已矣, 登龍 而 亦 陳臻、 斷之類 獨 湮没 誰 又 於 去取之紛 不 以 公都 者何 富 使 欲 其 忧 叔、 貴之 其 子、 子 富 子 可 我 貴 弟 滕 見 竊 充 紜 勝 叔 注 廬

而

0 紜」,原誤作「紛」,今據《孟子四考》改。 市

也

,以其所

有易其

所無者,有司者治之耳。

愛憎之口歟?

皆無公也,是天命也,非我罪也。」以是推之,龍斷之説或出 敬子之孫,嘗欲納昭公,故季孫意如曰: 「叔倪無疾而死,此 有五計、五兮二音,五兮頗與疑音相近,意即其人。此子叔 十九年經「叔詣卒」、《公羊》、《穀梁》俱作「叔倪」。《釋文》倪 地考》云:「以子叔疑爲名,莫知其爲何人。惟《左傳》昭二

然趙岐熟於《左傳》,不應忘之。」古之爲

得其所。 所無」。 有 俱作「也」。 图 也」,石經、閩、監、毛三本、韓本同。 魏都賦》注引作「也」。」阮氏元《挍勘記》云:「「古之爲市 者。」翟氏灝《考異》云:「「古之爲市者」,宋本、宋石經「者」 《逸文考》云:「「古之爲市也」,石經、宋本同、《白帖》引作 本紀》云:「食少,調有餘補不足,徙居。」是也。 交易而退,各得其所。 《易·繫辭傳》云:「日中爲市,致天下之民,聚天下之貨。 禮》有關市之賦 道,亦與此賤丈夫何異也? 後世緣此,遂征商人。孟子言我苟貪萬鍾,不 有利, 罔羅 不征税也。賤丈夫,貪人可賤者也。 此賤丈夫始矣。」注古者市置有司,但治其争訟, 而登之。 市 賤 利。 丈夫焉,必求 彼此各有所有,各有所無,一交易而無者皆有,故各 《虞書·皋陶謨》云:「貿遷有無化居。」《史記 龍斷謂堁斷而高者也。 張南軒本、《孟子集疏》本亦俱作「也」。《文選・ 人皆以 而取之。人皆賤其 也。 爲賤 蓋取諸《噬嗑》。」「交易」即「以所有易 龍斷 疏「古之」至「無者」○正義曰: ,故從而征之。 而 古者謂周 登之,以左 孔本「也」作「者」。」〇注 貪,故就 左右占望,見市中 入市則 公以 征 周氏 前。 取 征 右 求 其 望 商 · 耻屈 龍 《周 廣業 • 夏 自 而

今通

解以此皆季孫譏子叔疑之言。

周氏廣業《孟子出

一處時

不合三也。」按:

鍾」自當指孟子之弟子,忽易爲齊王子弟。

我爲卿』云云,孟子正因王不使爲政而去,何忽云爾?

本文

·使其子弟爲卿」,忽倒换「使我爲卿」, 上文「養弟子以萬

文「齊王使我爲政,不用則亦自止矣,今又欲以其子弟故使

言,遽接以孟子自解語,與上節全不相屬。

不合二也。

就注

而

絶無名稱。

則

心耻之。

疏注「孟子」至「耻之」○正義曰:

趙氏以季孫、

子

叔爲孟子二弟子。

「子叔疑」猶《論語》言「門人惑」也。

此

氏佑《温故録》云:「以季孫、子叔爲孟子弟子,不應但 使教養其子弟。「使我爲卿」,則讀「爲卿」二字不屬上。

書

氏

趙

不合一也。 『異哉』 一語既不了, 疑字更未有

則孟子解之之辭。「又使其子弟爲卿」,「子弟」即上「弟子」,

<u>\_\_\_</u> Ŧī. 作「尨斷」。尨、塵雜之貌、囂塵不到地勢畧高之處也。 高者也」。 陸善經乃讀爲壟,謂岡壟斷而高者。 此引以證從网、貝之意也。 云: 斷。 字。 善經說龍斷之確證。《說文》「買」字下引下文直作「登 説愚公移山事云:「自此冀之南,漢之陰,無隴斷焉。」可爲陸 見上篇。《音義》出「龍斷」云:「丁云:「案,龍與隆聲相近。 此 音課、《開元文字》音塊。」翟氏灝《考異》云:「《列子・湯問》篇 者。』如陸之釋,則龍音壟。」又出「堁」字云:「丁云:「《廣雅 隆,高也。 廛布而入于泉府,是周時有征税,不征税是周公以前也。 涖焉而聽大治大訟。 度守門,市之羣吏平肆,展成奠賈,上旌于思次以令市,市師 訟,以賈民禁僞而除詐,以刑罰禁虣而去盜,凡市入胥執鞭 人、胥師、賈師、司虣、司稽,皆市官。 「古者」至「税也」○正義曰:《周禮 「有司治争訟」也。 「買,市也。 或讀如斷割之斷,非也。」陸云: 「龍斷謂岡壟 三家之釋,要惟陸氏爲長。」段氏玉裁《説文解字注 堁,塵 蓋古人之言耳,如胥、須之類也。]張云: 从网、貝。《孟子》曰「登壟斷而网市利」。● 壓也。 廛人掌斂布、絘布、總布、質布、罰布、 胥師、賈師涖于介次而聽小治小訟。 高 誘云: 壟、《孟子》作龍,丁公著讀爲隆 「楚人謂 地官》有司市、質人、廛 司 按,趙注釋爲「堁斷 市以質劑結信而 塵 爲堁。」趙 上斷而 「斷,如 古書 本蓋 詳 而 壟 高 止

> 馬」,注云:「從猶就也。」故以「就」釋「從」。 「罔市利」爲「罔羅而取利」也。《禮記・檀弓》云「從而謝今作網。《毛詩・王風》「雉離于羅」,傳云:「鳥網曰羅。」是及」,此以占釋望,占望即瞻望也。 罔《説文》作网,重文層,爲壟耳。」《方言》云:「占猶瞻也。」《毛詩・邶風》「瞻望弗尨、龍二字多相亂,許書亦當作「尨斷」,淺人以陸善經説改

則思禮,行則思義。 命也。 正心也。」 不能去,是病身於邪。」又三十一年《左傳》云:「君子 也。」○「不爲利回」○正 曰:《論語·憲問》第十四云: 龍斷之人爲惡戒也。 疏「道之不行命也」〇正 不爲利疚於回」,注云: 章指:言君子正身行道。 不爲利回,創業可繼。 不爲利回,不爲義疾。」注云:「回 「疚,病 五義 曰: 也。 昭公二十年《左傳》云 「道之將行也 口 邪 是以君子以 道之不行, 也。 ]與? 以 利 動 故 命 義

孟子去齊,宿於畫。有欲爲王留行者,

同。 即 郡,其 隙既 行。 宿也。 是書邑。 淄 注 西 如「晝夜」之畫,非也。 續》云"「當日爲王留行者,豈有不通姓名之理? 奇齡《經問》云: H 略,作七篇時遂從而略之。」〇注「晝 年月考》云:「繋「致爲臣」章於「燕畔王慙」之後,蓋君臣 注畫,齊西南近邑也。 「書,齊西南近邑。」是明有晝邑矣。 校勘記》云: 此 西 此。 南近邑、音獲。」故孟子三宿而出,時人以爲濡滯也。」毛氏 周 地。 按,此當是采用舊説。 北三十里,即 開,有不可以復合者矣。 (地有晝邑,城在臨淄縣西南,相傳孟子出宿處,故鑿然 疏「孟子」至「行者」○正義曰:閻氏若璩《孟子生卒 密《齊東野 此真身歷其地,見之真,故言之確者。 齊人之知孟子者追送見之,欲爲王留 是燕從西北至齊,當是畫邑, 南 「「宿於畫」,各本同 一北,字形雖相蒙,地勢無可 「齊固有畫邑,然焉知無晝邑? 戟里城。 語》云: 《史記・田單傳》[畫邑],注云: 「高郵黄彦利謂孟子去齊宿晝 孟子去齊,欲歸鄒,至晝地 戰國燕破齊時將封王蠋以萬家, 廣 故孟子決然請去。」《釋 韻》四十九宥「晝」字下云 且趙岐注《孟子》正 孔 齊」至「宿也」〇 本、韓 孟子從西 混 若畫 本畫作畫,注 也。」阮 南至 爲其人可 趙岐云: 邑, 孟 滕 子之 氏 地 正 在 在 「齊 當 圃 又 之 臨 齊 讀 義 元 0 釋

應,隱 我磬聲」,傳云:「依,倚也。」隱、依、倚三字義同 虎通• 瑟在 隱地,體危院也。』《禮記 子不應答,因隱倚其 又姓。 也。」受部云:「爭,所依據也。」爭即 跪名不通坐。」趙氏以 文》云:「跪,本又作危。」昭公二十七年《左傳》云「坐 卧」●○正義曰: 注,則是駰所見《孟子》本固作畫字邪? 音獲。」此劉熙云云蓋即其《孟子注》。 齊,聞畫邑人王蠋賢。」《集解》引劉熙云: 字不當改爲「畫」字。」按:《史記 入」,注云:「坐行,膝行。」《禮記·曲禮》云:「先生書策,琴 隱。 前,坐而遷之」,孔氏正義云: 衣裳》篇云: 晝邑大夫之後,因氏焉。 几 段氏玉裁《説文解字注》云:「卧,伏也。从人、臣 而 卧。 劉熙《釋名·釋姿容》云:「跪,危也。 「衣者,隱也。」《説文》衣部 注客危坐而言留 「危坐」解「坐」字,謂此坐爲跪 • 曲禮》「授立不跪,授坐不立 几 而 卧 也。 出《風俗通》。」《孟子》「晝」 「坐亦跪 田單 隱。 疏注「客危」至 裴駰引以 《毛詩 孟子之言也。 列 「齊西南 傳》: 也。 坐 一而言。 굸: 「燕之初 故以「倚 坐 商頌》「依 爲畫邑 近邑。 也。 通 「衣,依 名 行 兩 跪 不 白 之 畫 膝 而 而

「而卧」,據疏例當作「卧也」,蓋涉經文而誤。

禮器 云: 故曰「伏」。 取 之戒令皆聽之」、注云:「聽之、受之而行也。」《國策・秦策》 引皇氏云: 霍去病傳》注云: 宿 心來言,夫子慢我,不受我言。 勿 禮》云「寢毋伏」,則謂 請絶也。 日 ·寢不尸」是也, 卧於几, 《孟子》「隱几而卧」是也。 後漢書・吕布傳》注云:「素,舊也。」《禮記 有齊季女」,傳云:「齊,敬也。」是「齊」爲 齊字亦作齋。」今孔氏本作齋,經典通作齊。 宿,先誡之辭。」《論語》「子路無宿諾」,注云:「宿,預也。」 其伏 預持敬心,亦久持敬心也。 :「弟子齊宿而 復敢見矣。」注 素 「素,預 》云「三日宿」,注云:「宿,致齊也。」趙氏釋爲「素」者 也。 聲之轉。 疏注「齊敬」至「我言」() 「素,先也。」《文選・ 也。」是宿、 伏,大徐作休,誤。 統言之則不 「宿,舊 小爾雅 素二字之義本得相 寢於牀者毋得俯伏也。」客不 齊,敬,宿,素也。 後敢言,夫子卧 别,故心 也。」桓公元年《公羊傳》注 · 廣詁 《周禮 卧 關中詩》注引《國語》賈逵注 部 》云:「宿,久也。」《漢書 與 寝 云 言而遂起,退欲去, Ē 地官 異。 義 「寢者、卧 「敬」也。 通。 曰:《音義》云: 寢 ・喪大記》正 《毛詩・ 召南 酇 而 弟子素持敬 於牀、 「素持敬 長》「凡歲時 不 《禮記 - 聽,請 卧 也。」《曲 論 於几, 云: 悦, 心 語 義

子思以 記 明語子。 [言而遂起,退欲去,請絶也],爲下文[坐]字張本。 以 日 跪,兩膝著地,以尻著蹠而少安者爲坐。 氏若璩《釋地又續》云:「兩膝著地 不聽,是不受其言也。 之側則不能安其身。注往者 思之側則不 告」,高誘注 言語」,注云: 注 亦云:「請 言留孟子之言,迨不聽然後變色而起,孟子於是命之以安坐 則不知倦。」是卧爲倦怠。 云 《説文》心部云:「慢,惰 聽我語。 「我明告 「危坐」,於「坐,我明語子」單曰「坐」。 則王勿聽其事」,注云: 樂記》云: 道不 勿復敢見矣,起而告退之辭。」」曰: 語子」〇正義 를 : 此兩「坐」字殊不同,趙氏注於「勿敢見」下先云 注孟子止客日 行 「答述曰語。」《吕氏春秋 「吾端冕而聽古樂,則惟恐卧; 告告 能安子思,泄 則欲 ,語也。」昔者, 魯繆 去,繆公常使賢 ○注「言而」至「絶也」○正 也。」惰猶倦也。 日 : 心愛之,故不 聴 《周禮 從也, 且坐, 柳 伸 申 春官 受 ,魯繆公尊禮子思 我明告語 腰 節喪》篇云「傳以 詳 倦; 也。」隱 是倦怠 蓋 人往留之,説 及 趙 公無 無 危坐者,客跪 大司 股 氏於 化 心厭之,故卧 聽鄭衛之音 人 而 几 疏慢之也 樂 勢 乎繆公 義日 子。 而 坐 郝氏 》 諷 危 乎子 卧 而 者 《禮 言 我 疏 以 閻 相 爲 誦 而

夏官・大僕》注云:「復謂奏事也。」《呂氏春秋・勿躬》篇云

一勸,勉也。」《文選》注云:「勸者,進善之名。」《周

禮

云:

之。」」注云:「申祥、子張子。」祥、詳古字通。

云:「季子皋葬其妻,犯人之禾。

申

詳 以

告,

庚

《説文》力 E. 「請 子游之壻。

之哭言思也

妻之昆弟。」故閻氏若璩《釋地又續》云:「申詳,子張之子,

是陳之顓孫氏與吴之言氏遠爲婚姻。』《檀弓》又

柳之母死」,注云:「泄柳,魯繆公時賢人也。」孔氏正義云: 側,勸以復之,其身乃安也。 「《孟子》云魯繆公之時,公儀子爲政,子柳、子思爲臣,魯之 正義曰:以「往」釋「昔」。 方,且聽子爲政,然後子思復留。 而語之。」注云:「申詳,子張子。 繆公尊之不如子思。二子常有賢者在繆公之 今曰申詳,周秦之聲二者相近。未聞孰是。」又「申詳 ○注「泄柳」至「安也」○正義曰:《禮記・雜記》「泄 也,故云「魯繆公時賢人」。」《檀弓》云:「子張病、 若是乎,賢者之無益於國也? 亦然」,注云:「説者曰:言思,子游之子,申詳 「留,止 也。」安、 《爾雅 •釋詁》云:「安,止也。」 留 疏注「往者」至「復留」○ 皆訓 太史公《傳》曰子張姓 泄柳申詳,亦賢者 止,故以「留」 彼「子柳」即此 釋 召 人也。 也? 魯而不去。 爲哉? 也,非虚言所能止。 長者」爲「老者」也

「安」。

説文》田

部云:

也。

申詳

一泄柳

削也滋甚。

顓

孫。

賢者在繆公之側以善言勸勉而奏白之,泄柳 「管仲復於桓公」,高誘注云:「復,白也。」「勸而復之」,謂 子年老,故自稱長者。言子爲我慮,不如子思 子思進言於君,而君聽之,二子乃留。二子視子思之留 禮》《鄉射禮》皆云「衆賓之長升」,注皆云: 絕長者乎,長者絕子乎?」注長者,老者也。 政,乃不去。二子賢不及子思,不必聽二子之言,必有賢如 疏注「長者」至「長者」○正 不勸王使我得行道,而 此爲子絶我乎,又我絶子乎? 子思之賢,魯人無過之者,故必聽子思之言爲 子爲長者慮而不及子思。 但 義 曰: 勸我留 「長,其老者。」是 儀 、申詳乃留 何 禮 爲 留 而 鄉 者, 時 愠 爲留 飲 止 子 賢 孟 恨 何 酒

愚喻智,道之所以乖 章指:言惟賢能安賢,智能 也。 知微。 以

可以爲湯武,則是不明也, 孟子去齊。 尹士語人曰:「不識王之不 識其不可,然且至

孔氏廣森《詩聲類》六脂、十二齊、五十二霽同屬陰聲脂類第 聲,帶聲與旨聲同韻。 後不能用,孟子去齊。 於晝三日,怪其猶久,故云: 云: 士,齊人也。干,求也,澤,禄也。 則是干 篇云「淹回水而凝流」,注云:「滯留也。」滯與稽義同。 時則訓》云「流而不滯」,高誘注云:「滯,止也。」《楚辭・涉江 記 也」、《考文》古本作「熟稽也」、《考文》一本作「淹留」。」按:《史 是不明也;識其不可,然且至,則是干禄也。」」此亦以禄代澤。 無禄訓。 「干求」至「悦也」○正義曰:「干,求也」、《爾雅・釋言》文。 而 《説文》水部云:「澤,光潤也。」干求人君光寵以得禄位,故「干 説文》稽部云: 後出 、毛三本、足利本同。 |亦即「干禄」也。 平準書》《集解》引李奇云:「稽, 貯滯也。」 貯滯猶濡滯。 孟子不知,則爲求禄。 · 澤也。 《風俗通 書,是何濡 稽 千里而見王,不遇故去。 留留 阮氏元《挍勘記》云:「濡滯,淹久也。 窮通》篇云:「孟子嘗仕於齊,位至卿。 尹士曰: 「不識王之不可以爲湯武 段氏玉裁《六書音均表 止也。 廖本、孔本作「猶稽也」,韓本作「孰稽 滯也 从禾,从尤,旨聲。』《淮南子· 濡滯猶稽也。 士於此事不悦也。 士則兹不悦。」 尹 士與論者言之, 》同列十五部 既去,近留 滯從帶 三宿 疏注 閩 則 澤 尹

也」。 我矣。 已也。 高子, 反覆招還我」解之,以「反復」釋「改」字,以「招還」釋「反」字 春秋・慎人》篇云「反瑟而弦」,高誘注云:「反,更也。」此經文 所云「汲汲驅馳」也。 反子。 云: 云「王庶幾改之。 心猶以爲速。 所欲也; 爲解,「士則兹不悦」謂士於此事不解也。 三宿爲「猶速」也。 云:「滯,久也。」故又以「久」解之。 云「猶久」者,對下孟 十二,則滯、 而去耳,何汲汲而驅馳乎? 曰:「夫尹 「佇、久也。」《國語・魯語》云「敢告滯積, 《説文》又部云:「反,還也。」支部云: 亦齊 疏注「我自」至「我矣」○正義曰: 注我自謂 注 稽音近。 孟子曰: 人,孟子弟子。 士惡知予哉? 不遇故去, 豈予所欲哉 王如改諸,則必反予」,趙氏以「冀王庶幾能 兹之義爲此,故解「兹」爲「此事」。 悦之義 王庶幾改之! 《毛詩‧周頌》「福禄來反」,傳云「反,復 行速疾矣。 故以「濡滯 夫尹士安能知我哉? 以尹 予三宿而出 猶 冀王庶幾 千里而見王,是予 稽 士之言告孟子也。 王如改諸, 也。 高子以告。 速之義爲疾,即 「改,更也。」《吕氏 **爾** 能反覆 以舒 我不得 雅 書,於予 予不得 執事」, 了, 招 則必 釋 子以 注 詁 還

王哉? 哉?」注我豈若悁急小丈夫,恚怒其君而去,極日力 怒,悻悻然見於其 予豈若是小丈夫然哉? 徐行,即不汲汲驅馳也。「達則兼善天下」,見下《盡心》篇。 安」,注云:「安,徐也。」《後漢書・崔駅傳》駰作《達旨》,云「繁 攀彎,謂係念於王,不忍舍也。襄公七年《左傳》云「吾子其少 之。注孟子以齊大國,知其可以行善政,故戀戀望 也。 余馬以安行」,注云:「安行,不奔馳也。」三宿而後出畫,故爲 力全反,又讀曰戀。」此經云「豈舍王哉」,趙氏解云「戀戀」,即 書·外戚李夫人傳》云「上所以孿攣顧念我者」,注云:「孿音 《易・小畜》「有孚攣如」、《釋文》云:「《子夏傳》作戀。」《漢 用,以也。爲猶行也。 王之改而反之,是以安行也。 民安? 志。注浩然,心浩浩然有遠志也。予雖然,豈 達則兼善天下」也。 夫出 天下之民舉安。 王由足用爲善。 畫 而王不予追也,予然後浩然有 故「足用爲善」是「可以行善政」也。 疏注「孟子」至「下也」〇正義曰: 面,去則 王庶幾改之,予日望 王如用子,則豈徒 諫於其君而 豈徒齊民安,言君子 窮日之力 而 不受則 後宿 齊 舍 歸

也。 哉!」言己志大,在於濟一世之民,不爲小節也。 器》云:「磬,罄也。 其聲罄罄然堅緻也。」《離騷》云:「鯀婞直 注「我豈」至「節也」〇正義曰:《説文》心部云:「悁,忿也。」 而宿,懼其不遠者哉? 詞》云:「是猶夫也。《禮記·三年問》「今是大鳥獸」,《荀子· 氏不解是字,蓋以是字爲語助 毛三本作「論曰」。 云:「硜硜,小人之貌也。」婞婞、磬磬,聲近相通借也。 果勁與很直義近。 以亡身兮。」《説文》女部云:「婞,很也。 樂書》作「石聲硜」、《集解》引王肅《禮記》注云:「硜聲果勁。」 路》篇作「硜硜然小人哉」。《禮記・樂記》「石聲磬」,《史記 極也。《音義》云:「悻悻,丁云:「字當作婞,形頂切,很也,直 急」加「小丈夫」上,謂其因忿忣而小也。 爲「小丈夫」者,緣其諫君不受則怒也。 知者」,注云:「忣,急也。」「悁急」,趙氏爲「怒」字解也。 急、《説文》作及,云:「褊也。」《淮南子・繆稱訓》云「忣於不己 (説文》石部「磬」,古文從巠。 又胡耿切。字或作悭悭然、論語》音鏗。」今《論語・子 阮氏元《校勘記》云: 蓋堅執不回,不知通變,故鄭氏注 《論 **硜即磬字。劉熙《釋名** ,無所指實。 語》曰:「悻悻然,小人 《楚辭》曰 「趙注多稱「論」。」趙 因怒而小,故以「悁 怒即恚也。 王氏引之《經傳釋 「鯀婞直」。 · 釋樂 窮之言 閩、監 疏

亦訓爲是。」尹士聞之,曰:「士,誠小人也。」建尹詩外傳》作「今是」。是小丈夫,夫小丈夫也。是訓爲夫,故夫禮論》篇作「今夫」。《宥坐》篇「今夫世之陵遅,亦久矣」、《韓

士聞

義則服

章指: 言大德洋洋,介士察察。賢者志其大者,不賢者志其小者。此之謂也。 志其大者,不賢者志其小者。此之謂也。 於「大德」至「謂也」〇正義曰:《史記・禮書》云「洋洋美德 乎」、《索隱》云:「洋洋,美盛貌。」《老子》云「俗人察察」, 注云:「察察,疾且急也。」《論語・子張》第十九「賢者識其 大者,不賢者識其小者」,漢石經「識」作「志」、《漢書・劉歆 大者,不賢者識其小者」,漢石經「識」作「志」、《漢書・劉歆 之:「志,古文識。」

○正義曰: 天,不尤人。』上路,道也。 豫 孟子去齊有恨 色然。 孟子去齊。 「路,道也」、《爾雅 前 心,顏色不悦也。 日 | 虞聞 充虞路問 諸夫子曰: 『君子不怨 釋宮》文。 於路中 曰:「夫子若 疏注 《論衡 問也。 路道 至 刺孟 充虞謂 「悦也 有 》篇 不

氏注 《論衡》引此作「彼一時 也。 世者。 世者。 虞所聞「君子不怨天,不尤人」之時,時爲暇豫之時,則 等諸侯論》二注引《孟子》亦云「彼 興,有興王道者也。 豫悦樂之貌也。」是「不豫」即「不悦」也。《説文》心部云" 以 經常之論也,「此一時」爲今孟子去齊之時,爲行藏治 始興、大王、文王以來。 是有時也。今此時亦是其一時 過矣,以其時考之則可矣。 之出,是應此五百年之運而出,是聖賢之出有時也。 王道之時。 ·彼前」至「有也」○正義曰:趙氏以 恨,怨也。」心有怨恨則顏色不悦。 時也。 「塗」代「路」,路亦塗也。 此一 則 生於聖人之間也。 「彼一時」下當有「也 由周而 時」爲孟子之時,謂今時已是聖賢當出之時也 聖指王者,賢指名世者,彼即 五百年,必有王者興,其間必有名 來,七百有餘歲矣。 也,此一時 名世,次聖之才,物來能 考驗其時 《易• 字。 七百有餘歲,謂 一時也,此一時 也」、《文選・答客難》、五 豫卦》鄭氏注云:「 近通 「彼一時」爲以前 也。 注彼前聖賢之出 曰:「彼一時, 則 解以 前 Ŧī. 可 也 有 百年有 彼 以其數則 謂 周家 也。 也 前 時 名 聖賢 此即今 此 豫,喜 主 王 觀趙 **型** 疏 論爲 正 者 此 洂 充 興 注

賤

》贊云:

「仲尼稱材難,不其然歟?

以

名正於一

世,則貴賤明

而

同

異別。」《漢書

則志無不喻之患,事無困

廢之禍。

此所爲有名也。

以 必

指

實。

上以明貴賤,下

以别同異。

有循於舊名,有作於新名。

有不喻之患而事必有困廢之禍。

明

,則雖守法之吏、誦數之儒亦皆亂也。

名》篇,云: 愛憎是也。 也。

形正由名,則名不可差。

也。」《尹文子》云:

「大道無形、稱

器 民

有名。 共

黄

帝

能 成

命 百

物,

以

明

也,則憂天憫人之意不得不形諸顏色也。

《國

名不正則言不順也。] 名有三科:一曰

九等之敘:上上爲聖人,上中爲仁人,上下爲智人。

皆博物洽聞

通達古今,其言有補於世。

傳曰:

、間必有命世者焉。」豈近是乎?」「命世」即

「名世」,謂前聖 「聖人不出 衆矣,唯孟軻、孫況、董仲舒、司馬遷、劉向、揚雄,此數公者, 是也, 二曰毀譽之名, 善惡貴賤是也, 三曰況位之名, 賢愚 別同異之人爲智者,故爲「次聖之才」。《漢書・楚元王 「聖王没,名守慢,奇辭起,名實亂,是非之形不 今萬物具存,不以名正之則亂。」《荀子》有《正 貴賤不明,同異不别,如是則志 故仲尼曰: 『必也,正名乎? 故知者爲之分别,制 貴賤明,同異别,如是 自孔子後,輟文之士 命物之名,方圓白黑 財。」注云:「命, 若有王者起,必將 名也者, 正形者 • 古今人表》列 此明貴 物來能 語 魯 名 名 者也。 年。 既没,後聖未起之間,有能通經辨物,以表章聖道,使世不惑 年至厲王己未有二百七十五年。 公衍五十四年,獻公衍十八年,共衍七十二年,則自 又謂獻公即位五十年,是又誤以三十二年爲五十年也。 十六加一百五十七,則成王元年至厲王己未二百單三年 凡一百五十七年,魯公伯禽《史記》未著卒年、《曆譜》謂成 出奔彘,共和行政,爲共和前年己未。 自考公至真公十四年 十七年,獻公三十二年,真公三十年。 和 共和庚申以前有誤衍之年,其誤衍始於劉歆《曆譜》也。 己卯距赧王己酉八百一十一年,與孟子言不合。 子《皇極經世》、金吉甫 家》煬公即位六十年,是得《史記》誤本以六年爲六十年 而《曆譜》累推七十六年之朔旦、冬至,數諸公之年,謂《世 元年爲命魯公之歲,魯公四十六年,至康王六年而薨。 當周赧王三年己酉。 庚申以前之年,史遷不能紀,惟 考公四年, 煬公六年, 幽公十四年, 魏公五十年, 厲公三 江氏永《羣經補義》云:「孟子去齊在燕人畔之後,蓋 孟子言『由周而來七百有餘歲』。 《通鑑綱目前編》考之,❶周武 今《經世》諸書成王立於乙 《魯世家》自考公以下有 真公之十四年,厲王 蓋周 成 王 伐 初 以 以 Ŧ 也 耳 焬 王 其 共 自 殷 邵 元 四

0 以」,原脱,今據江永《群 經補義》補

五五

歲,推本太王文王以來,於劉歆《曆譜》之年尤羨矣。 豈不知其年數,乃缺去七十餘年邪?」按: 十九年,正與孟子語「七百有餘歲」合矣。 否則孟子生於周 酉,至厲王己未二百七十五年,正承劉歆之誤也。 我 平治天下也。 酉至梁,則去齊在三十三年以前。 十五年。 以孟子去齊在顯王時。 己卯至赧王己酉八百一十一年,除去七十二年,實得七百三 治天下耳,非我之愆。 當名世之士,時又值之,而不得施此,乃天自 功。」《吕氏春秋·察傳》篇云「必驗之以理」,高誘注云: 也。」《周禮・大司馬》「以待考其誅賞」,注云:「考謂考校其 止存七百一十四年,加以太王、文王之年,仍是七百有餘 七百三十九年,又除去赧王己酉上溯顯王甲申共二十五年, 孟子在齊不獨不在赧 驗,效也。」効、效、校通。 驗,效也。」《淮 能 乃趙氏謂孟子去齊後至梁。 也? 南子 吾何爲不豫哉 如欲平治天下,當今之世,舍 王時,亦不在慎靚 主術訓》云「驗在 閻氏若璩《孟子生卒年月考》云: 是「考」即「驗」也。 我固不怨天,何爲不悦 於武王己卯至赧王己酉 注 既以顯王三十三年乙 王時 近」,高誘注 趙氏解七百有餘 孟子自 當在顯王 夫天未欲 前計武 未 趙氏蓋 欲平 謂 云: 豫 能 歲 四 Ŧ

> 乎? 則天誠厭亂而興王者,使我得如古之名世,大展其堯舜君民 云:「此正申所以不豫之故。 章指言「知命者不憂不懼」。 是天不欲平治天下,非我之愆,我自不必怨天而不悦也。 不怨天,何爲不悦豫哉」,乃是辨其未嘗怨天、未嘗不豫,謂 之素,何不豫之有? 王者興,是天未欲平治天下也。 疏「夫天」至「豫哉」○正義曰: 蓋舊解如此。」按:趙氏之意,云「我固 上言數已過,時已可 我所以有不豫 趙氏 佑《温 ,爲此也。 而 故 未 録 故 否 有

懼也。 《法言·重黎》篇云:"「兼才尚權,右計左數,動謹於時,人 人,聖人因天。」揚氏所本也 也。天不人不因,人不天不成。」《管子 人不因,人非天不成。 章指:言聖賢興作,與時 <u>疏</u>「天非人不因人非天不成」○正義曰: 是故知 消 勢》篇云: 命者不 息。 天非 憂不 「天因 揚子

道,仕不受禄邪?怪孟子於齊不受其禄也。疏注不受禄,古之道乎?」注休,地名。丑問,古人之孟子去齊,居休。公孫丑問曰:「仕而

欲即去,是不欲跡似詭異,致見譏讓爲太甚也。

閩、監、毛三

變動不常。

是變與詭義同。

又《幽通賦》云「變化故 也。」《文選・長笛賦》「窊隆詭戾」,注云:「詭戾,乖違之貌。」 體。」《荀子・禮論》云「愅詭」,注云:「愅,變也,詭,異也。」 作「崇齊地」,今作「地名」。」○注「不欲」至「即受禄」●○正 注「崇地名」〇正義曰:周氏廣業《孟子古注考》云:「宋本 知其不能納善,退出,志欲去矣。不欲即去,若爲變 孟子言,不受禄,非古之道也。於崇,吾始見齊王。 詭,見非泰甚,故且宿留。 《禮記·曾子問》「日有食之則變乎」,注云:「變謂異 趙氏云「不欲即去、若爲變詭」,以 非猶責也。 春紀》云「無變天之道」,高誘注云:「變,戾 不欲變,故不受也。 始見於王,退而即去,形迹近似乖戾詭異, 中間 故休城在今兖州府滕縣北一十五里,距孟 閻 而 經過 非 氏若 爲此詭異,人必以太甚見責矣。 [相詭兮],曹大家注云:「詭,反也。」 也。 地名休者,少憩焉,與 璩《釋地續》云:「孟子 心欲去,故不復受禄。 於崇,吾得見王, 「詭」字釋「變」字 注崇,地名。 丑 致爲臣 論 在 疏 退 不 齊 留」。 也。 本泰作太。太、泰字通也。 既居其國,被其欵遇,惟此軍戎大事即當休戚相關 志雖不合,必宿留 之命」者,聖賢之道不爲太甚,旁通以情,故孟子於始見王, 即六書轉注之學。」按"《風俗通・ 作「須留」。 上音秀,下音溜。《東觀漢記》「和帝韶且復宿留」、《後漢書 瞽言」、《來歷傳》「此誠聖恩所宜宿留」,何氏《春秋》僖元年解 《漢·五行志》『其宿留告曉人,具備深切』、《李尋傳》「宿 讀爲秀。」古語遲延有所俟曰宿留。 孔氏廣森《經學巵言》云:「《易・ 甚,故宿留不即去也。 命,不得請去,故使我久而不受禄耳。 詁『宿留城之』,趙氏《孟子・萬章下》章句「宿留以答之」,並 志也。」注言我本志欲速去。 疏注「言我」至「志也」○正義曰: 繼 而 需與須同 有 師 而後去,既宿留 命,不可以 ,故讀爲秀也。 《音義》云:「宿留,上音秀,下 不欲迹似

子家約

百里。」

日

而有去志。

事,故曰

「居休」。

需》《彖傳》鄭君注云:

詭異,致見譏

讓

爲太

《封禪書》「宿留海上」,

留

而

歸,歸於鄒也。

休地名」〇正義

日:

也。 義曰:

(吕氏春秋·

孟

0 即」,據注文當行,或爲「復」字之訛

,可以去矣,而仍不去者!

,豈容度

五五

過譽》篇亦云「何

敢

宿

漢世訓詁皆音

義

相

將

請。

久於

齊

我

繼見之後,有

師

旅

之

知

師

命」是

旅

久,非

我

本

志

義

深矣。 正命之爲師矣,何以辭而不就邪? 孟子之學,惟趙氏知之 有 ? 心,●又以師命爲賓師之命。顧命以賓師,有何不可請之 孟子爲巖巖難近。 外置之,飄然遠引? 中國授室,養弟子以萬鍾,使諸大夫國人有所矜式,此 舊疏以不欲變爲不欲遽變其欲去之 此所以不可以請也。 説者不察,徒以

事而食其禄,君子不由也。 章指: 言禄以食功, 志以率 事。 無其

姪廷琮廷弼校字

孟子正義卷九終

0

「欲」,原誤作「可」,今從沈校據經文改。

二五六

## 孟子正義卷十

江都縣鄉貢士焦循譔集

## 孟子卷第五

公十七世,乃見《春秋》隱公以下。春秋後六世而齊滅滕 此志云懿王子,未詳其義。」《春秋釋例・土地名》云: 雍、曹、滕,文之昭也。」《系本》亦云:「錯叔繡,文王子。」 理志》「沛郡公丘」,注云:「故滕國,周懿王子錯叔繡所 子、《論語》因以題篇。 當時尊敬孟子,問以古道,猶衛靈公問 封,三十一世爲齊所滅。」師古云:「《左氏傳》云:「郜 曰:《春秋》隱公七年「滕侯卒」,始見於經。《漢書 名,文,謚也,公者,國人尊君之稱 **滕文公章句上**凡五章。 沛國公丘縣東南有滕城。」《世族譜》云:「自叔繡及宣 疏注「滕文」至「題篇」○正 泄滕文公者,滕, 也。 陳於孔 文公於 ・ 地 或 義

> 尊。自侯以下,國人統稱爲公,是尊之也。 一禮」,六「錫民爵位」。又云「施爲文也」。乃宣公嬰齊之孫、昭公毛伯之子文公繡亦謚文公,名與叔繡相犯。而孫、昭公毛伯之子文公繡亦謚文公,名與叔繡相犯。而孫、昭然毛伯之子文公繡亦謚文公,名與叔繡相犯。而矣。」《周書・謚法解》文之謚有六:一「經緯天地」,二矣。」《周書・謚法解》文之謚有六:一「經緯天地」,二

此文公爲世子,將之楚,過宋而見孟子。 孟子道性善,言必稱堯舜。 正之後也。《古紀世本》録諸侯之世,滕國有考公 康,與文公之父定公相直,其子元公宏,與文公相 康,與文公之父定公相直,其子元公宏,與文公相 應,故謂之文公也。孟子與世子言人生皆有善性, 個當充而用之耳,又言堯舜之治天下,不失仁義之 也當充而用之耳,又言堯舜之治天下,不失仁義之 道,欲勸勉世子也。 此,以是,以元公行文 一,故謂之文公也。孟子與世子言人生皆有善性, 也當充而用之耳,又言堯舜之治天下,不失仁義之 也當充而用之耳,又言堯舜之治天下,不失仁義之 道,欲勸勉世子也。 此,以元公行文 一,故謂之文公也。 此,以元公行文 本,以元公行文 本,以元公行文 本,以元公行文 本,以元公元 本,以元公行文 本,以元公元 本,以元 本,以元公元 本,以元 本,以元

在今山 賢故 路稍 王二十 卯 合傳,乃孟子道性善,荀子則言性惡,孟子稱堯舜,荀子則法 世子,將之楚,過 鄒,年六十餘矣。 周 城 不憚假道於宋之勞,其賢可知。」周氏柄中《辨 過宋都乎? 事於楚,一舉足則已入其境,何必迂而西南行三百五十餘里 者、宋、魯、滕、薛 氏若璩《釋 滕定公在位,故文公稱爲世子。則其之楚,是君命之也。 會王世子于首戴」、《公羊傳》云: 禮記 明當世父位爲君。」僖公五年「春,晉侯殺其世子申生。 縣 後、宋稱王故 氏廣業《孟 在道 也。」〇「孟子道性善言必稱堯舜」〇正義曰: 西 П 遠 東兖州府滕縣 南 喪服小記》注云:「世子,天子諸侯之適子也。」是時 性 九十里; 年,始徙都陳。 地續》云:「余向主孟子游宋當在慎 謂非 善 子出 過宋都者,以孟子在焉。 稱 也。 宋來見,蓋孟子嘗以 迂道固謬,謂 堯舜, 邾、莒,在淮泗之上國。 聞宋王偃將行仁政,往游焉。 宋都 處時地考》云: 是時楚 西 商丘 故於此標之。 南 是時楚都於鄀,在今湖北襄陽 十四 ·, 在^ 地久廣至泗上,泗上十二 一舉足即入其境,亦未明悉。」 里。 今河 「世子貴也,猶世世子 「孟子去齊居休, 自滕之楚 齊卿 '南歸 往也如是,反也如 太史公以 滕南與楚鄰 出 德 **弔於滕** 府 正》去: 而取 靚 商 時滕文公爲 孟子、 孟子生平 丘 王三 道商丘, 旋歸 稔 縣 荷有 頃 年 荀子 知其 府宜 也。」 諸 夏, 是, 襄 癸 於 滕 侯 閻

學者調 善 ; 之。 後王。 荀子云:「今人之性,飢 開悟,知有父子之親、君臣之義、夫婦之道、長幼之序,於是 道救之。 之性惡明矣,其善者僞也。」此駁孟子道性善 情。」「神明之德」即所謂 桂 伏羲觀象於天,俯法於地, 百官立,王道乃生。」《白虎通》暢其説云:「古之時未有三綱 云: 爲,非詐僞之僞。 幽 法先王而不知其統,案往舊造説,謂之五行,甚僻 起之吁吁,飢即求食,飽即棄餘,茹毛飲 六紀,民人但知其母不知其父,能覆前不能覆後,卧之詓 羲、神農、堯、舜、文王、周公者也。 義不異也。」按: 孟子之學,述孔子者也。 ,以治天下。」《繫辭傳》云: 隱 「先聖仰觀天文,俯察地理 荀言性惡,欲人之化性而勉於善。 所謂性善者,不離其朴而美之,不離其資而利之也。 而 其言云:「今人之性,生而離其朴,離其資, 和 無説,閉 孟子言先王,荀言後王,皆謂周王,與孔子從周 而 文飾之云:「孟子言性善, 的新而 孟、荀生於衰周之季,閔戰國之暴,欲 無解。」此 而欲飽,寒 「性善」 因 夫婦, 以 譏 也。 圖 孟子稱堯舜 通 畫 而 Œ 善即 陸賈 神明之德,以類 乾坤 欲煖,勞 Ŧi. 僞即爲也,乃作爲之 欲人之盡性 靈也 行, Ш ,以定人道。 《新 而衣皮葦。 孔子之學,述 始定人道, 也。 也 語 ,靈即神明也 而欲 違 又云: 爲荀 必 道 休, 而 萬物之 而 失 基》篇 無類 此人 於是 民 畫 以 樂 氏 而 詓 伏 於 略 始 之 王 喪

爲己之食,固心知之也。

是性

善也。

不可爲人之妻,固心知之也;

之性爲之即善,非由性

善而何?

禽獸既不能自知,人又不能使之知,雖爲之亦不能善。

之代乎兄:此正人性之善之證也,而荀子乃以爲性惡之證 將有所代也。」夫子之讓乎父,弟之讓乎兄,子之代乎父,弟 人知之,禽獸不知之,耕鑿以濟飢渴,人知之,禽獸不知之。 以己之性推之也。己之性既能覺於 爲之而能善,由其性之善也。 人之性不能自覺,必待先覺者 人縱貪饕殘暴,而人之食不可 以此教禽獸,禽獸不知也。 人縱淫昏無耻,而己之妻 故孔子論性,以「不移 勞而不敢求息者, 荀子又云:「今 使己之性不 其先男女無 示之以 夫婦 「教」 聖人 ,則人 然人 矣。 知。 心。 者屬之上知下愚,愚則 史蒼頡,初造書契。」是知黃帝之時,民情飾僞矣。 獸代勞乎? 必知卑賤之當敬乎己。 使鳥獸知有耕稼之教。 命 以後之天下異於治羲農以後之天下。 孝友悌,人非不能知,而巧僞由以生,奸詐由以起,故 其時善不善顯然易見,積之既久,靈智日開,凡仁義道德 當羲農之前,人苦於不知,故羲農盡人物之性以通其神明 時有「静言庸違、象恭滔天」之人、於是有 深,浸而至於黄帝、堯、舜之世,則民不患其不知,轉 之前,人苦於不知,既人人知有三綱六紀,其識日開,其 文王、周公、孔子之道而後言之者也、非荀子所 故孟子之道性善,由讀書好古,能貫通乎伏羲、神農、堯、舜 而能之,所謂爲之者,善也。 力,有一人能之,不能人人能之, 善也,而實則 許氏《説文解字敘》云:「庶業其繁,飾 人不能孝其父,亦必知子之當孝乎己,不能敬其長, 世有伏羲,不能使禽獸知有夫婦之别, 此正「率性」之明證,乃以爲「悖性」之證 「庸違」「滔天」「圮族」、「績 子讓食於父而代勞於兄,此可由 善豈由爲之哉? 仍 有 知 然荀子能令鳥讓食乎? 禽 惟男女飲食,則人人同 獸 直 夫謀而能言,以 無 文學技藝,才 「方命圮族」之人。 用弗成」,朝 知, 偽萌生,黄帝之 雖有神農,不 非 知也。 於是堯舜 徒 患其 愚 治 義農 乎? 能令 智 巧 方自 ൬ 唐 E

覺之。

故非性善無以施其教,非教無以通其性之善。

之性亦善,故知人性之善也。

善,則不能覺;

己能覺,則己之性善。

己與人同此性,

何以知人性之善也?

,則人之性亦能覺於善,第無有開之者耳。

耕耨之法,而民知自食其力矣。

禽獸不知,則禽獸之性不善,人知之,則人之性善矣。

别,有聖人出,示之以嫁娶之禮,而民知有人倫矣。

試言之,人之有男女猶禽獸之有牝牡

也。

之情性也。」是也。

人如此,禽獸亦如

此

也。

人飢,見長而不敢先食者,將有所讓也。

即

荀子所謂「僞」也「爲」也。

如

則

性不善者

也。

故同此飲食男女,嫁娶以

别

五 九

堯舜 也。 綱於此篇之首,其後申言之,可按而得也。 孟 能 能 無治法」矣,治人即能通變神化之人也。 用中於民,非 故 化之道者也。 足亂世 通 於民,實爲萬世治天下之法。 天下治。」蓋堯舜以變通神化治天下,不執一而執兩端,用 堯、舜氏作,通其變,使民不倦; 故聖人治天下之道至堯舜 是,庶民可知,固羲農以來所未有,亦堯舜以前之人所未知。 云:「易窮則變,變則通,通則久。」「黄帝、堯、舜,垂衣裳而 易》特以 子學孔子之學,惟 通變神化者,若但云「法後王」,則後王不皆能通變神化如 .法堯舜者,法後王仍法堯舜矣。故「稱堯舜」即法後王之 變神化也。 《易》特以 「稱堯舜」,欲天下後世法其通變神化,不執一而執兩端以 若云「法後王」、後王、無定之稱也。 ,其説爲詖矣。 術,呼先王以欺愚者而求衣食焉。」此正不知通變神 通 通變神化歸於堯舜之意也,又非荀子所 徒以 變」「神化」詳著於堯舜。 夫通變神化之道,堯舜所以繼羲農而開萬世, 荀子云:「逢衣淺帶,解果其冠,略法先王 其 此 蓋孟子之稱堯舜即孔子删《書 揖 「道性善」、「 讓都俞, 而 故孔子删《書》首唐虞,而 變。 命羲、和、咨二十二人之迹 神而化之,使民宜之。」又 稱堯舜 《繋辭 孟子稱堯舜,正 後王而如是,則 荀子固云「有治人 」兩言盡之。 傳》云:「黄帝 ○注「古紀」至 》首唐 知 提其 稱 也 虞 是 而 其 贊 中

矣。 稱也。 見孟 故臣民各懷舊德,私謚不獨一滕君 已有謚文者,後世不應犯同,信乎文非本謚,而但以行 是考與成字義皆通,此考公所以爲定公也。 孟子 注據《古紀世本》以文公當元公宏,則文公名宏。 食在滕,猶與鄒國鄰並 生平所得於聖教者教之。 惜其國小而偪,終以不振,至今廟 云:「滕文公爲周末弟一賢君,孟子深取其人,故一見即 王見於《國策》,在《荀子》乃云獻王。 云:「《春秋傳》: 云:「定,成也。」隱公五年《穀梁傳》云:「考之者,成之也。」 喪」,注云:「考或爲定。」高誘注《吕氏春秋》、《淮南子》皆 夫。」此云《古紀世本》是也。 文」之譌耳,未必既謚 公也」〇正義曰: 世本》十五篇,注云: 三 三 : **注**世子疑吾言有不盡乎? 子。 同時魯文公見於《史記》,在《世本》乃云湣公" 世 注從楚還, 一子疑 『成十六年夏四月,滕文公卒。』滕之先君 《漢書·藝文志》:《春秋》二十三 「古史官記黄帝以來訖春秋時諸 相望。 元又謚文也。 吾言乎? 復 《禮 誰謂賢愚? 詣 孟子, 記 矣。」趙氏佑 ·檀弓》「邾婁考公之 微弱之國,垂至於亡 世子自楚反, 夫天下之道,一 夫 欲 千古知誰是也。」 重受法 道 翟氏灏《考異 然「元」亦 《温故録 則 而 一家,有 宋康 文德 侯 也。 已 復 鬼

言

 $\bar{z}$ 

也。」按:《淮南子·齊俗訓》云「孟賁成荆無所行其 子・齊俗訓》作「成荆」。 名,出《孟子》。」段氏玉裁 **筧切是瞷字。《説文》云:「戴目也。** 知、安行,有學知、利行,且有困知及勉强行。 勇果者也」○正義曰:《音義》云:「覵,古筧切,一音閑。」古 我同丈夫耳,我亦能爲之,何爲畏之哉? 哉?』注成覵,勇果者也。 「及其知之一也,及其成功一也。」」 成 覵 因人之聖智不若堯舜文王,有二道也。 曰:『大匠不爲拙 曰:『彼,丈夫也,我,丈夫也。 王使人瞷夫子,是此字也。 觀,很視也。 》。」成慶即 ,短衣大絝長劒」,師古云: 正 「成荆,古勇士 日 戴 成 齊景公之勇臣有成觀者。」《廣韻》云:「觀,人 氏震《孟 荆。 .工改廢繩墨,羿不爲拙射變其彀率。1.言不 也。」《漢書· 《戰國策 子字 觀爲荆,猶《考工記》故書願 《説文解字注》云: 義 「成慶、古之勇士、事見《淮 音閑則當作觀。 疏證 趙 與景公言曰: 廣川王傳》「其殿門 策》鄭同云「内無孟賁之 江淮之間謂眡曰 疏 「夫道一而已 蓋才質不齊,有生 「孟子答公孫 吾 謂 「成觀、《淮 《中庸》曰: 《説文》云: 尊貴者 何 齊 威 有 或 景公 畏 作輕 瞷。」 成 彼 南 慶 注 南 與  $\pm$ 能有 得聞其道,當時稱賢者,故子張卒乞其爲志。 也。 之言。 是。 明

而

已,惟有

行善耳。

復何

疑

也?

矣」

威,荆、慶之斷」,鮑彪注云:「荆,成荆。」《史記 夫子可爲孝乎」,注云:「公明儀,曾子弟子。」儀學於曾子 注公明儀,賢者也。 解以「有爲者亦若是」爲顏淵之言,謂有爲者亦如舜。 章》引顏淵曰「舜獨何人也 言。「有爲者亦若是」乃總上成覸 也」〇正義曰: 『舜,何人也? 者」、蓋指景公言、即所爲「無 「子張之喪,公明儀爲志焉。」《祭義》云「公明儀問於曾子曰 「成荆、孟賁、王慶忌、夏育之勇焉而死」、《集解 「成荆,古勇士。」荆、慶、觀古字通也。 儀曰:『文王,我 所成耳。 疏注「公明」至「則也」○正義曰:《禮記 注言欲有所爲,當若顏 經文「是」字指顏淵庶幾,成覸不畏。 趙氏以「舜何人也,予何人也」二句爲顔 又以是勉世子 予,何人也?」有爲 師文王,信周公,言其 師 ,回何人也」,亦不連下句。 也。 嚴 顔淵 也。 淵庶 諸侯」也。 周公豈欺我 兩言,爲孟子勉 趙氏以 幾,成 疏 注 《鹽鐵論 「欲有」至「子 檀弓》云: 顔 「彼」爲「尊貴 》引許慎云: 覸 范雎 知所法則 者 淵 不 哉? 畏,乃 亦 日 傳 近 世 淵 執 公 若 通 Z

孔穎達謂是子

語

六二

子 >: 知所 絶長 乃當 不 趙氏以「大」釋「將」,故云「大五十里」。 辭。」按趙氏不以爲問 楚 韓非説秦王曰:「今秦地形斷長續短,方數千里。」又莊辛對 方地百里,文王封於岐周,絶長繼短,方地百里。1《戰國策 異》云: 以 其境界長短 張弟子,則 短 方、大也。」大五十里即方五十里也。 可得大五十里」〇正義曰 王曰: 行 瞑眩,厥疾 將 法 補短,將五十里,猶可以 時 「滕文公爲世子,將之楚,過宋見孟子而謂之云: 善 則 通 《墨子 |者也 五 「今楚雖小,絕長續短,猶以數千里。」「絕長補 言, 注無文也。 十里 則 故 相 是 諸 疏「今滕」至「善國」○正義曰: 補,可得大五十里子男之國 知 不瘳。』」注《書》,逸篇也。 非命》篇云: 『古者湯封於亳,絶長繼 也 家 法 辭, 俱 文王、 趙氏言「師文王、信周公」、下云「言其 猶 言之。❶ 賈氏 可 《爾雅 周 以 未知 爲善國乎?」以此爲文公問 公兩人。 爲善國。 《周 何本, 釋詁 禮 《書》曰:『若藥 《廣雅 》云:「將,大也。」 當 今滕 醫 有誤也。 師 釋詁》云: 注 翟氏灝《考 》疏引《孟 也,尚 滕 絶 瞑 眩 雖 長 今滕 〇注 藥 小, 短 短 可 補

傅説以 朕心。 礪; 燕朝鮮之間謂之癆,東齊海岱之間謂之瞑,或謂之眩,自 不瘳。」《方言》云:「凡飲藥傅藥而毒, 之辛苦者。 説之意,「若金」以下則皆命説之辭。《孟子・滕文公》篇引 余正四方」云云不類《尚書》之文,蓋是白公子張説武丁求傅 作書爲《説命》,韋昭 傷。」」江氏聲《尚書集注音疏》云: 之不類,兹故不言。」如 周 「若藥不瞑眩」,明稱『《書》曰」,自是《説命》之文矣。」按: ·説命》三篇,今文、古文皆無,此云「逸篇」,未知所屬 音義》云:「瞑眩,莫甸切,下音縣。 西 • 禮 若津水,用汝作舟; 謂 楚 天官 若藥 之毒。」 來,升以爲公而 語》云: 藥之物恒多毒、《孟子》曰:「若藥不瞑 不 ·醫師》「聚毒藥以共醫事」,注云:「毒藥,藥 韋 瞑 「武丁於是作 昭 眩, 注 日 《楚語 厥 是 「非也,其時未得傅説。」聲按「以 若天旱,用汝作霖雨。 使朝夕規 疾不 而又使以 **三** 三 二 二 二 書日 瘳; 「賈逵、 諫,曰 象夢 瞑 若 以 又作「眠眴」,音同。」 眩 跣 南楚之外謂之瘌 頓 求 余 :「若金,用 不 唐 瞀 正 四方之賢 視 因 四 攻 皆以武 地, 方, 啓乃心, 己急也。」 眩,厥 厥 恐 聖 足 汝 T 余 一,得 也 關 疾 沃 用 作 德 所

攻人疾,先使瞑

眩

慣

亂,乃得

瘳愈

也。

喻 正

行仁當

精

而

金匱

痓

溼暍病脉

》篇「白术附子湯」下云:

服覺身痺

惠乃洽。

疏注「書逸」至「乃

治〇

義

日

《國

<sup>0</sup> 家」,原脱,今據經解本補。

廖」、傳云:「廖、愈也。」《方言》云:「愈、或謂之瘳。」
『書眩亂目視不明、憤亂亦猶是也。《毛詩・鄭風》云「胡不無見兮」、《漢書・揚雄傳・甘泉賦》云「目冥眴而亡見」,凡熟、德惠乃洽。《史記・司馬相如傳》《大人賦》云「視眩眠而熟、德惠乃洽。《史記・司馬相如傳》《大人賦》云「視眩眠而熟、德惠乃治。《史記・司馬相如傳》《大人賦》云「視眩眠而熟、善明、三服都盡,其人如冒狀,勿怪。」如冒狀即頓瞀

《論語》·文之誤也。」 高山景行,庶幾不倦。《論語》曰「力行近仁」,蓋不虚云。 成「人常」至「虚云」〇正義曰:阮氏元《校勘記》云:「韓本人下有主字。」《音義》云:「力氏近人,蓋不虚云。」《音義》云:「力 行近上」,蓋不虚云。 與「人常」至「虚云」〇正義曰:阮是《論語》;文之誤也。」

疏注「然友世子之傅也」○正義曰:《説文》人部云:「傅,相公,文公父也。然友,世子之傅也。大故謂大喪也。大故,吾欲使子問於孟子,然後行事。」
 建定常與我言於宋,於心終不忘。今也不幸至於常與我言於宋,於心終不忘。今也不幸至於勝定公薨,世子謂然友曰:「昔者孟子」

也。』《禮記・文王世子》云:「太傅在前,少傅在後。」是世子 此,不重見其善乎? 自盡 官·大宗伯》「國有大故」,注云:「故謂凶 云傳孔子之言也。 曰:曾子之言見《論語·爲政》弟二,乃孔子對樊遲之言,故 注「不亦」至「善也」○正義曰:亦,重也。 鄒,問於孟子。 云「君無故,玉不去身」,注云: 「故謂災患喪病。」《周禮·春 有傅相也。 『孝子之於親也,生則有義以輔之,死則哀以蒞焉,祭祀則蒞 本是孔字,蓋後人傳寫之誤。 行禮,故使獨行之也。 之言,孟子欲令世子如曾子之從禮也。 之以禮,祭之以禮,可謂孝矣。」注曾子傳孔 而後行事。 「今鄒縣去徐州滕縣四十餘里。」蓋往反不過大半日 在鄒也」〇正義曰: 也。 ○注「大故謂大喪也」○正義曰:《禮記 孟子曰:「不亦善乎? 江不亦者,亦也。 翟氏灝《考異》云:「《四書辨疑》言曾字 孟子蓋自宋歸鄒也。《史記 注孟子歸,在鄒也。 曾子曰:『生事之以禮,死葬 疏注「曾子」至「之也」〇正 按、《大戴禮·曾子本孝》篇: 問此,亦其善也。 世子本善,今又問 裁。」然友之 親喪,固 疏注「孟子歸 時諸侯皆不 正義》云: 故可問 曲 疏 所 義

布

之喪。 子。」彼原其詳,此從其省。 出齋。 學諸侯之禮,嘗聞師言。 嘗聞之矣。三年之喪,齊疏之服,飦粥之食, 曾字何足疑焉?」曾子從禮,故欲世子亦如曾子之從禮。 自曾子。 之以敬。」曾子固嘗誦此告門人矣。 纓、❷菅屨者」,次章云「疏衰裳齊、牡麻絰 之誤。』《儀禮 服」,❶閩、監、毛三本、孔本齋作齊,韓本作齋。 言,蓋嘗聞諸 之哀,齊斬之情,饘粥之食,自天子達。」」是孟子亦述曾子之 問於曾子曰:「如之何?」對曰:「申也聞諸申之父曰:哭泣 至「粥也」〇正義曰:《禮記・檀弓》云:「穆公之母卒,使人 自天子達於庶人,三代共之。」注孟子言我雖不 諸侯皆不行禮,故使獨行之」,解上「故所自盡」之意。 一即獨行也。 疏屨三年者」,三章云「疏衰裳齊、牡麻経、冠布纓、削 作齊,經典假借字也,作齎者,正字也, 齊疏,齊衰也。 《祭義》:『樂正子春云: 師 喪服 諸侯之禮,吾未之學也,雖然,吾 者 也。 》首章云「斬衰裳、苴絰、杖、絞帶、冠繩 阮 飦,糜粥也。 氏 孟子學由曾子遞傳, 三代以前,君臣皆行三年 元《挍 吾聞曾子,曾子聞諸 下文「齊疏」數語 為勘記 云 疏注「嘗聞 、冠布纓、削杖、布 作齋者,齊 按、《音義 據所及聞, 「齌疏之 亦明 師言 白 杖、 云 夫 出

> 也。 也。」注云:「凡服,上曰衰,下曰裳。 士既降於大夫,則斬亦用疏,此晏嬰用士禮,所以稱麤衰 按: 斬衰不稱疏,齊衰以下乃稱疏,此天子諸侯大夫之禮 父,以臣從君而服之齊衰爲其母與兄弟,亦勉人爲高行也。」 惟大夫以上乃能備儀盡飾 枕草矣。其爲母五升縷而四升,爲兄弟六升縷 斬之間,謂縷如三升半而三升不緝也。 母兄弟之爲大夫者之喪服如士服。」注引晏嬰麤衰斬以 齊衰三年以下,皆用疏衰,故趙氏以「齊衰」釋「齊 細焉,則屬於麤也。 云:「言己非大夫,故爲父服士服耳。麤衰斬者,其縷在 公十七年《左傳》云:「齊晏桓子卒,晏嬰麤縗斬,其老曰: 「非大夫之禮也。」曰: 大夫爲其父母兄弟之未爲大夫者之喪服如士服,士爲其 小帶、 孟子言未學諸侯之禮,則所言乃士禮 疏屨期者」,傳云: 然則士與大夫爲父服異者,有麤衰斬 『唯卿爲大夫。』《禮記 「斬者何? ,士以下 -則以 不 疏猶麤 斬衰以三升爲正,微 緝 臣 也。 ,其稱齊疏 服君之斬 也。」按: 齊者何 而五升乎? 雜 疏 記》云 也。 内原 衰爲 此 齊 其 箭 父 句 襄 自 緝

<sup>2</sup> 0 作「齋」,出文當作「齋疏之服」。 冠」,原脱,今從沈校據《儀禮》及下二段引文補 齊」,原作「齊」,據阮校改。 按阮刻《孟子注疏 》經注 均

鬻,粥即鬻。 篒。」又刕部云:「鬻,鬻也。」重文「餰」、「飦」、「健」。 又云: 異於餬之濁而膏者,是飦宜爲饘也。 亦通稱餬,粥亦通稱饘。 古之饘即今之粥,古之粥則今之餬。 粥,濁於糜,粥粥然也。」蓋今俗以整米煑爲粥,粉米煑爲餬 通。 枕草。」是也。《檀弓》《釋文》云:「饘,本作飦。」是飦、饘字 有斬衰。 本作糜,孔本作曆,《音義》出曆,云: 云:「士與大夫爲父異,大夫以上斬衰、枕草,●士則疏 鬻,健也。」「鬻,健也。」《爾雅・釋言》云:「餬,饘也。」餬即 《説文》食部云:「饘,糜也。周謂之饘,❷宋衛謂之 孟子言齊疏,猶曾申言齊斬耳。 劉熙《釋名·釋飲食》云:「糜, 煑米使糜爛也。 趙氏釋飦爲糜粥,則粥之清而稀者 館爲糜,飦爲粥; 趙注「飦糜粥也」,汲古 「字亦作曆, 音義與糜 孔氏《雜記》正義 而糜 衰

繡之後。敬聖人,故宗魯者也。 「定爲」至「之喪」○ 「是,滕、魯同姓,俱出文王。魯,周公之後,滕,叔 以百官,滕之同姓異姓諸臣也。皆不欲使世子行三 是之行也。至於子之身而反之,不可。 注父 然友反命,定爲三年之喪。父兄百官皆

同。」按"《説文》有糜字,無曆、麐字。

然也。 則 ? 何與? 正義曰:毛氏奇龄《賸言》云:「滕文公問孟子,始定爲三年 訓,而滕文奉行,即又曰「五月居廬,未有命戒」,是皆商以 列國盟戒之事。 然。」遂疑子張此問,夫子此答,其周制當必無此事可知。 子張問高宗三年不言,夫子曰:「何必高宗? 古之人皆 魯周公、伯禽、滕叔繡,並無一行三年之喪者。往讀《論語 氏棟高《春秋大事表》云:「滕文公欲行三年之喪,父兄百官 然則孟子何以使行商制? 書而通不察也。 公不行、叔繡不行、悖先祖、違授受。」歷歷有辭。 之制,並非周制。 天子事耳。後讀《春秋傳》,晉平公初即位,改服命官,而 冕服,出命令、誥諸侯,與「三年不言」絕不相同。 之喪,豈戰國諸侯皆不行三年喪乎? 子張以高宗爲創見,而夫子又言古之人,其非今制 及讀《周書・康王之誥》,成王崩方九日,康王遽即 然且曰「吾宗國魯先君不行,吾先君亦不行」,則是 蓋其云「定三年之喪」,謂定三年之喪制 始悟孟子所定三年之喪,引[三年不言]爲 周公所制禮,並未有此,故侃侃然曰: 曰:使滕行助法,亦商制也。」顧 若然,則齊宣欲短喪 而世 日 一周 也 通 此 位 何

2

<sup>「</sup>草」,阮刻本《禮記注疏》作「甴」,參沈校。

<sup>「</sup>周」,原誤作「同」,今從沈校據《説文》改。

小

天子諸 備位; 遂亡。 羣 夏殷之禮嘆哉!」〇 面 孔子以大聖人而不得位,退與門弟子講習於杏壇之上, 之言,明知食粥爲天下之達禮 檜 逮子朝作亂,王室如沸,奉周之典籍以奔楚,而周天子之禮 求賻求金,甚至景王三月而葬,以天子而用大夫之禮者矣。 於晉楚者矣。 綱解紐 其 氏若璩《釋地續 孺 放肆不軌。 東門之外; ·奪宗,始封之君尊爲諸侯,則奪其舊爲宗子之事也。」蓋大 傳》之所記僅存什 \*然駭 悲曾學 (冺焉廢墜,豈一朝夕之故哉? ,儼然用王禮。 ,以三年之喪之達禮 魯號秉禮 怪。 列國不守侯度,其侈者如宋文公之椁有四阿,棺有翰 ,有以諸侯不奔天子之喪,不會天王之葬,而甘僕僕 侯喪紀已廢絶於春秋時無疑 士 齊崔 孟子去孔子之世未百年,而當日之習尚如 由是惡其害己而皆去其籍,而諸侯之禮亦 喪禮於孔子,而 有以天子貧乏,不備喪具,至七年乃葬,於魯 <u>₹</u> 上杼葬 ,而葬昭公於墓道之南, 而苟簡不備者,如晉樂書以車 「吾宗國魯先君莫之行」○正義曰: 莊公, 於千百,至孟子時,有土之君,靦 漢梅福有言『諸侯奪宗』,如淳 而怪駭爲不經、杞、宋之無徵 四翣不蹕,鄰封不與知,公卿不 天子諸侯之禮 ,而居然食食。 余嘗詳考《左氏傳》,而 也。 蓋自周道陵遲, 《檀弓》載孟 無 其餘列國,尤 由 一乘葬公於 釐 党 正。 此 馬人 日 一獨爲 敬子 亡。 故 則 閻  $\equiv$ 知 皇

爲

同宗之稱。 據《春秋》魯以文王名「出王」,以文王之廟名「出王廟」而言 宗子也。 傳》云: 周公不敢祖王季而可立文王之廟於魯國,鄭桓公不敢祖 祇以相傳之諸君爲宗 得其旨矣。」毛氏奇龄《經問》云:「古者立宗法,國君無宗 注云:「魯,周公之後。 衛、毛、畘、郜、雍、曹、滕、畢、原、酆、郇,與魯同出於文王,皆 魯與邢、凡、蔣、茅、胙、祭同出於周公,故稱六國爲同宗。 此正是宗法。 百世不遷之廟,則父君矣。 王而可立厲王之廟於鄭國。 如魯,周公之弟皆宗周公而稱魯國爲宗國。 天子諸侯之嫡弟一人立爲大宗,而諸兄弟之爲小宗者宗之。 若天子諸侯之弟,則不敢與天子諸侯爲 稱魯爲宗國。 十二年: 『凡諸侯之喪,同 宗法,大夫士有之,諸侯則 聖人,當時或原有宗聖之稱,亦未可 「宗其繼别子之所自出者,百世不遷者也。」夫别子 别子所自出 滕可稱魯, 特其稱「宗聖」則不可解。 滕父兄百官所謂 則宗子之父也。 魯 故除 滕,叔繡之後。 亦可 宗臨於祖 趙氏注云滕與魯皆出自文王,此 絶。 不敢祖, 稱滕。』則不然。 祖 「吾宗國魯先君」,是。 外, 然亦 餘皆爲宗,不立小 廟。」是管、蔡、郕、 知。 非不敢父也。 間 敬聖人,故宗魯。」真 繼宗子之父而 一宗而别爲宗族,使 或者周公以宗子而 有 或曰: 見於諸侯 然人孰無父? 《國 「宗國者 語 故《大 一》舟之 者 趙 可 宗 霍 有 夷 E 襄 如 名也。

無所統

,諸侯將無以治其國,天子將無以治其天下。

宗,傳以爲德高可尊

也。

皆與宗法無與。

子不得禰先君,公孫不得祖諸侯矣。

始,此所謂宗法也。

宗法者,大夫士别於天子諸侯者也。

宗法載《大傳》及《喪服小記》,列其節目,明其指歸。

易傳者,以國君尊族人,不敢以其戚戚君,不當有大小宗之 者爲大夫士立之,以上承夫天子諸侯而治其家者也。 若夫 雖毛氏傳以謂「爲之大宗」,而鄭箋則曰「羣臣尊之」。 所以 宗,無如長伯邑考早卒,次武王爲天子,次管叔已辟,則周公 長庶爲别子,而諸庶子皆宗之,倘皆嫡,則祇以次嫡爲别 太戊之稱中宗,傳以爲殷家中世,尊其德也,武丁之稱高 小宗之名,有遷與不遷之別,又爲之通宗道之窮,究立宗之 升爲次嫡,即别子矣。」程氏瑶田《通藝録・宗法小紀》云: 「以小惡而覆宗國,不亦難乎?」哀十五年,子貢見公孫成 宗法,自天子諸侯外,固以庶子宗嫡子。倘皆庶,則以 「利不可得而喪宗國,將焉用之?」皆指魯國言,宗在故 故毛氏於《板》之詩亦曰「王者,天下之大宗」,而鄭氏 侯遠己,内外無親,其誰救之?』專以 周公爲武王母弟之弟二人,不當爲 使無宗法,則支分派衍 至於《公劉》之詩, 故宗法 大宗 E. 公 《釋名·釋典藝》云:「記,紀也。 亦易之以爲「大宗,王同姓之適子」。 字、《左傳》亦然。」〇注「志記」至「子也」〇 我受之於孟子也。 從先祖。」」曰:「吾有所受之也。」建父兄百 兄弟之國尊之,豈得以宗法例之哉!」且志曰:『喪祭 文王於明堂以配上帝」是也。 之謂。《祭法》:「有虞氏宗堯,夏后氏宗禹,殷人宗湯,周 社稷之粢盛」,而士蔿以爲「修德以固宗子」者也。 謂「守宗廟社稷以爲祭主」、《春秋傳》里克所謂「太子奉冢 城」,鄭氏以爲「王之適子」。 别爲宗」者也。若天子諸侯,則固絶其宗名矣。 曰:阮氏元《挍勘記》云:「且志曰」,此 不可於己身獨改更也。 曰喪祭之事各從其先祖之法,言我轉有所承受之, 且復言也。志、記也。 可以宗。《孟子》稱滕之父兄百官曰[吾宗國魯先君],亦 宗武王。」此祭上帝於明堂,尊之以配食,《孝經》所謂「宗 「匪宅是卜,惟鄰是卜」,文法 疏注「父兄百官且復言也」〇正 《周禮》「小史掌邦國之志」。 蓋宗者,主也,即《震・彖傳》所 説 蓋宗之言尊也,凡有所尊,皆 正同。 紀識之也。」《周 「吾有所受之」,世子言 同姓之適子,所謂「繼 依 注,疑 與《左傳》「且 Ē 義 且 維「宗子維 日 皆非宗 禮 字下 保章 奪 諺 官官 日 義 謂 祀 1 法 熙  $\Box$ 

也。

日

僑曰:「宗國既卑,諸

宗國指魯言,宗

在故

也。

哀八年,公山不狃

對

叔孫輒

子,而其餘諸嫡皆宗之。

二六七

書也。 氏》 事,容有「喪祭從先祖」云云,故趙氏引以爲證 語 天官,①鄭司農 》所 注 謂 <del>-</del> -《儀禮‧喪服》云「受以小功衰」,注云: 《鄭 書》之屬是 云:「志謂記也。 也。」小 史所掌之志,記世系昭 《春秋傳》所謂 「受猶承也。」 實不知 湯周 志》、《國 爲何 穆之

也。

故以 璩《釋地又續》云:「『吾有所受之也』爲世子答父兄百官語。 「承」釋「受」。 承受則遵而從之,故不改更也。 閻氏若

按:趙氏前説以此言父兄百官之言,受是承受先祖 上不應加 吾」與下「謂 「日」字。 然友曰吾1字,正一人。 加「曰」字則自明其爲世子答言。 此解首發於趙 言定爲 ,然則句 氏。」

官謂然友矣。 故下「謂然友曰」上,更不加「世子」,否則謂然友竟似父兄百 三年之喪,非我臆見,吾受之於孟子,孟子則聞之於師 趙氏不以 前説爲安,故稱「一 説」,蓋前説當時 説也。

相傳之説,一 日 未嘗學問 説則趙氏所折衷也。 ,好馳馬 試 劒。 謂然友 今也父兄百官 曰 : · 「吾他 不

恐我 子。 服其心,使信我也。 足 不能盡大事之禮,故止我也。 也、恐 主父兄百官見我 其 不 能 他日 盡 於大 「恐其不能 所行,謂我志行不足,似 事。 爲我問 盡於大事」〇正 子爲 孟子當 我 問 孟 義 何

굸:

「子張曰:

**『**《書》云:

「高宗諒陰,三年不言。」何謂

也?」

我

以

疏

連上句一貫。 「其」字,直云「恐不能盡於大事」可矣。 然友復之鄒問 氏以 「其」字乃 乃父兄百官恐世子且不我足也 指 孟子。 他 人之辭。 孟子 若世 今云「恐其不能」,是 Ė. 子 自 「然,不可 ,連下意乃足 恐, 不 當 用

歠粥, 以 哀,先之也。 他求者也。 面深墨,即 注孟子言,如 孔子曰:『君薨, 位 而 哭,百官 是,不可 有 聽 用 司 於冢 他 莫 事 求 敢 宰。」 也。 不

臣。 喪尚哀,惟當以 嗣 君 但 盡 哀 哀戚感之耳。 情,歠 粥 不 食, 國君薨,委政 顔 色 深 墨。 冢宰 深,甚 大

也; 以君先哀故也。 墨,黑也。 即喪位 疏注「孟子」至「故也」○正義曰: 而哭,百官有 司莫敢不哀者 以「如

是 以起下文也。 |釋「然」字,以「用」字釋「以」字。 《論語・子張》篇云「喪思哀」、《爲政》篇云「喪 他 爲 「他事」,虚言之

父》篇云「處喪以哀爲主」,是「喪尚哀. 與其易也寧戚」、《禮記 少儀》云「喪事主哀」、《莊子 也。 《論 語 憲問 漁

0 「天官」,按小史屬春官,參沈校。 궁:

「有大夫,則特拜之。

形於面。

居喪,哀戚之甚,故面上晦黑深重

业。

甚

,故重,義亦同

也。

將命於室,主人拜於位。

深矣」,高誘注云:「深猶盛也。」盛、甚義皆爲多。《吕氏春 謂也?」孔子曰:「古者君薨,世子聽於冢宰三年,不敢服先 三年喪畢,然後王自聽政也。」《禮記・檀弓》云:「子張問 冢宰三年。』、《集解》孔氏云:「冢宰,天官卿,佐王治者也 大憂。」注引《左傳》云:「墨,黑氣也。」蓋心憂痛不舒,則色 王有墨,國勝乎?」《國語・吴語》云:「臣觀吴王之色,類有 秋・禁塞》篇云「害莫深焉」,高誘注云:「深,重也。」惟其 也。」《説文》歓部云:「歌,飲也。」重文映。「歌粥不食」謂但 王之服,履先王之位而聽焉。」」是「君薨,聽於冢宰」爲孔子 【《書》云:「高宗三年不言,言乃讙。」有諸?』仲尼曰: 「冢宰,天官卿,貳王事者。三年之喪,使之聽朝。」《尚 曲禮》云「食居人之左」,注云:「食, 古者天子崩,王世子聽於冢宰三年。1]注 哀十三年《左傳》云:「肉食者墨,今吴 設明衣裳,主人人即位。奉尸侇於 即位如西階下,庶兄弟襚,使人以 《國策・秦策》云「三國之兵 君薨,百官總己,以聽於 子張曰: 《士喪禮 飯屬 「何 堂。 孔氏同也。《説文》人部云:「偃,僵也。」《淮南子・説山 之化於上也。」《釋文》云:「尚,本或作上。」是陸德明 偃。」《集解》孔氏曰:「偃,仆也。 欲善而民善矣。 也,不從其所令,從其所行。上好是物,下必有甚者矣。二注 「之也」〇正義曰:《禮記・緇衣》篇云:「子曰:「下之事 欲,下以爲俗。 也。 甚焉者矣。君子之德,風也, 小人之德,草 謂「喪位」也。 於門外,西面北上。辟門。」是自始死以至朝夕哭皆有位,所 服,朝夕哭,不辟子卯。婦人即位於堂,南上,哭。丈夫即 銘置於肂,主人復位,踊,襲。 云「致釋駕而僵」,注云:「僵,仆也。」趙氏以僵仆乃僨斃之 《論語》作「草尚之風」,與《孟子》同。 云:「甚者,甚於君也。』《論語・ 不偃伏也。 人、衆兄弟、衆賓無不感而哭矣。 男女如室位,踊無算,主人拜賓,即位,踊。 草尚之風,必偃。 是在世子以身師之也。 是時父兄百官俱在,故主人即位哭,則衆 君子之德,風,小人之德,草。草上之風 尚,加也。 闔門,主人揖就次。 偃,伏也。 是在世子。」正上之所 顏淵》篇云:「孔子曰:「子 加草以風,無不仆者,猶 上有好者,下必有 趙氏以 疏注「上之」至 以風加草,莫 加 」解「尚」,與 卒塗,祝 三日 所 訓 見 成 取

之言也。

《禮記・

飲粥不飯也。

深、甚音近相通。

云 :

胡爲其不然也?

書大傳》亦引《書》曰:「高宗梁闍,三年不言。

子

É

「何必高宗?

古之人皆然。

寢不脱 塈,所謂堊室也。」《既夕記》云「居倚廬」,注云:「倚木爲廬, 柱 侯五月,同盟至, 義 乃肯謂曰知,心服而首肯之也。 諸 爲孟子勉世子之言。 從化之象也。 倚 而 文》可部云:「可,肯也。」《爾雅 子之能行禮 月 誠 文》引孟喜、京房云:「伏,服 義,於小人向化之義不合,故改訓 命戒、居喪不言也。 諸侯五月而葬」也。 帽所 日: 廬,寢苫枕塊 [云「至於子之身而反之,不可」,是不肯謂之曰 侯五月而葬。 在 居廬,未有命戒。 我。」注世子聞之,知其在身,欲行之也。 隱公元年《左傳》云:「天子七月而葬,同軌畢至, 謂 絰 一帶。 梁 闇。 「必偃」以上皆孟子述孔子之言,「是在世子」 也。」疏 既虞,翦屏柱楣 哭 舍外 大夫三月, 書夜無 未葬,居倚廬於中門之内 《儀 然友反命。 寢於中門之外,屋下壘擊爲之,不塗 百官族人可 異 禮 (姓同 時。 百官族 也。 同位至; 喪服》「斬 寢有席。」注云:「楣謂之梁 歠 釋言》云: ○注「諸侯」至「禮也」○正 姓之臣 粥, 伏 爲「伏」。 謂 地猶仆地。」伏爲服 朝 人可謂 世子曰:「然,是 士 日知」〇 衰」章《傳》云: 瑜 可 溢米,夕一 《易 月,外婣至。」 謂曰:「 「肯,可 正義曰:《説 曰 知也; 也。 繋解 知。 也。」始 溢米。 知世 未 至是  $\approx$ 「居 注 五. 是 有 則 釋 諸

以爲可 乃知。 知之? 中。 「可謂日 若智,非 梁楣,而冥闇不高明,故亦謂之「梁闇」,即 户也。」按:既虞之後始有楣有 皆不欲其行三年之喪,以爲不可, 曰知世子之能行禮也」,是 之制,洵坐井之見耳。 五月既葬,豈反自怠乎? 至是百官族人無不感悦 既定三年之喪,則未葬居倚廬,其既葬亦居梁闇可 居 斜 葬之前無柱無楣,但用兩木斜倚於東壁,作塹堵形。 在 頭 梁闇中,故云高宗諒陰。 倚之木,以草爲屏,故名「倚廬」。 中 至北 ·門外,東方北户。」 在高宗三年居梁闇 者,不解其義 知猶覺也,亦解也。 也。 方父兄百官不可 知」,「曰」字是矣。 ,明北户鄉陰。 《孟子》之文微奥通 也,今則 可 賈氏疏云:「 ,則未葬之七月居倚廬可 則孟子之言已驗,世子之心益堅 時,且必使然友之鄒,反復咨問 至既虞之後,柱 謂曰 或謂文公僅能五月未葬前守諒陰 「知」謂百官族人自謂其知。 若曰吾始聞其定行三年之喪,不 滕文五月居廬,謂未葬 解矣。 及至 柱。 知」, 神, 至是首 一葬, 北户者,以 趙 高宗三年不言, 謂之「堊室」,以 每 知」如 氏增成其義云 同 楣 四 《左傳》、《檀弓》。 肯 「諒陰 字,平聲; 翦 方來觀之。 而 倚東壁爲 謂 也 之日 知。 乃 知; 居 謂 其 向 西 司 吾今 始時 何以 滕 倚 其 既 雖 鄉 西 廬 文 廬 順 有

高美也。 之賓來弔會者,見世子之憔悴哀戚,大悦其孝行之顏色之戚,哭泣之哀,弔者大悦。 注四方諸侯

流」○正義曰:昭公十三年《左傳》文。
慟。「從善如流」,文公之謂也。
疏「從善如意指:言事莫大於奉禮,孝莫大於哀

暇 所云。 即懈,義爲怠惰。「不可緩」即「不可使怠惰」也。 也。 言教民畫取茅草,夜索以爲綯。 屋,其始播 怠惰? 是「爲國」即「治國」也。《易・序卦傳》云:「解者,緩也。」解 正義曰:高誘注《吕氏春秋》、《淮南子》,皆云:「爲,治也。」 以 项 政 督趣,教以生産之務也。 注問治國之道也。 滕文公問爲國。 丽 《詩》曰:『畫爾于茅,宵爾索綯,亟其乘 故又申言之云"「以政督趣,教以生産之務。」如下 乘蓋 百穀。」注《詩》、《邠風 爾野外之屋。 孟子曰:「民事不可 民事不可緩之使怠惰,當 春事 疏注「問治」至 綯,絞也。 起,爾將始 七月》之篇。 何以不使 「務也」 播百穀 及爾間 0 緩

> 矣。 義曰:《詩》在《七月》弟七章。 傳云: 文。 總爲一繩。 男」,馬融注云:「索,數也。」《毛詩·陳風》「越以鬷邁」,❸ 是絞即繩。 云:「綯亦繩名。」《儀禮 東,周、洛、韓、鄭、汝、穎而東,謂之鰍,或謂之曲綯。」郭氏 取茅謂之茅,猶搏貉謂之貉也。「綯,絞也」、《爾雅・釋言 以往釋于,以取茅釋茅,趙氏不言往者,以于之爲往易知 略同。《毛詩・周南》「之子于歸」,傳云:「于,往也。」鄭氏 索,以待時用。亟,急,乘,治也。 乘,升也。」箋云:「爾,女也。 廬之屋。❶ 其始播百穀,謂祈來年百穀於公社。」趙氏與之 李巡云:「綯,繩之絞也。」《方言》云:「車紂,❷自關 言農民之事無休已。 「鬷,數也。」箋云:「鬷,總也。」蓋以兩股摩而交之。 綯是絞,即是繩矣。《易·説卦傳》云「一索而 以其絞之索之而成,故亦名爲索爲絞 • 喪服傳》云:「絞帶者,繩 女當晝日往取茅,歸,夜作絞 毛傳云:「宵,夜。 疏注「詩邠」至「休已」〇正 十月定星將中,急當治 綯,絞也 帶也 猶繩爲 也

3

<sup>● 「</sup>屋」,原誤從毛本《毛詩注疏》作「外」,今從沈校據阮刻

<sup>「</sup>詩」,原誤作「傳」,今從沈本據文義改。 「車紂」,原誤作「當查」,今據《方言》及經解本改。

者好 有可 過什 制 猶 不 自載之也。 子既爲齊宣王言之,滕文公問,復爲究陳其義,故 陷 恒 民之爲道 終歲無休已也。 用 定名,而彈正之即 夜作絞索」,則以絞釋索,以索釋綯 繩固之,故云「乘蓋爾野外之屋」。 督趣其取茅、索綯以治屋,晝夜不緩,恐妨來春田事,所以 · 富 在 乎 心。 此又綯 施。 采,不以 位,罔 矣。』淮陽虎,魯季 罪,然後從 注 古之賢君身行恭儉,禮下大臣,賦 之制也 苟無 施 是繩 也,有恒 不得 是故賢君必恭儉禮 人廢言 民 恒 箋以「播百穀」爲祈穀於公社,與趙氏説異。 謂之繩、爾雅 索 而 聚, 心 陽 是 可 而 是索此綯 虎 也 道 産者 放 爲 刑 曰 : 相 竊寶玉大弓」,❶《公羊傳》云: 深辟 也? 之,是罔 疏注 氏 反 故云 邪 有 家臣 「爲 也。 侈, 恒 釋器》「繩之謂之縮之」是 陽 注義 ,其義同 農至冬月,可 「夜索以 陽 也。 富 心, 虎 民 無 虎 不 下,取於民 至「言也」〇正 與 也。 無 不 非 富者好 也。 仁矣,爲仁 上篇同 爲 賢者 爲 恒 取於民 綯。 以茅蓋屋 焉有仁 己。 産 以 也,言 聚,仁 者 間 鄭 暇 不 有 各 及 無 孟 云

> 誤以 篇文。 也。 親仁、君焉用之?」《論語 虎有寵於季氏,而將殺 富不親仁,則重在富,孟子引之,則重在仁。 家臣即宰也。 解》孔氏曰: 之政,則不爲富而爲仁矣。 盜 者孰謂? 陽虎爲楊子。 季氏之宰,則 《鹽鐵論》「地廣」章引楊子云「爲仁不富,爲富不仁」 專政、《春秋》以「盜」書,是「非賢者」也。 「陽貨、陽虎 謂 陽 微者也。」九年《左傳》齊鮑 虎 也。 季孫 也。 陽虎 「不以人廢言」、《論語・衛靈公司 以 陽貨》篇 不利魯國而求容焉。 季氏家臣, 者,曷爲者也? 「陽貨欲見孔子」、《集 而專魯國之政。」 文子曰 仁人不爲罔 季氏 親 「夫陽 虎親 之宰 富 民 不

名而 以七 者,藉 禹受禪於君,故夏稱 百 言「人」也。 畝 多 畝 而徹,其實皆什 少 也。 夏后氏五十而貢, 助公家; 同,故曰 民耕五十畝,貢上五 注 夏 耕 「皆什 禹之世 百 后, 畝者,徹取十畝 \_ **□號** 「夏 殷、 也。 殷人七十 也。 周 后 徹 畝 順 徹 猶 氏」。 人心 者, 以 耕七十 人 而 爲 徹 徹也; 而征 后, 賦 助 取 伐,故 物 畝 君 周 雖異 也。 者 也。 助 X

日

春

秋》定公九年「盗

義矣。 爲步,今以周尺六尺四寸爲步。1而當日因時制宜之法, 嘗易也,故曰其實皆什一也。 經者萬。 王者不過因 讓受禪爲君,故褒之稱后。 者以揖讓受於君,故稱后, 十、七十、百畝。 云:「古來田賦之制實始於禹。 也」〇正義曰:《禮記 改畛涂,變溝 理,猶禹之遺 :者,借也,猶人相借力助之也。 ,故蘇洵謂萬夫之地。 , 豈其然乎? ,故稱人。」此趙氏所本也。 ·爲澮爲道者九、爲洫爲涂者百、爲溝爲畛者千,爲遂爲 畇 殷周以干戈取天下,故貶稱人也。」以稱人爲貶,非趙 而助,周 的原隰,曾孫田之。 ○注「民耕」至「一也」○正義曰: 使夏必五十,殷必七十,周必百,則是一王之興,必 其 人 成蹟 法也。 百 洫,移道路以就之,爲此煩擾無益於民之事 其五十、七十、百畝特丈尺之不同,而 蓋三代取民之異在乎貢、助、 畝 而 而 브 孟子乃曰:「夏后氏五十而貢, 檀弓》正義引《白虎通》云: 徹。」夫井田之制,一 蓋三十二里有半,而其間爲川 我疆我理,南東其畝。」然則周之 故《詩》曰: 殷周稱人者,以行仁義,人所歸 后,君也。 《王制》曰:「古者以周尺 皇侃 水土既平,咸則三壤,後之 《論語義疏 又重其世,故氏係 「信彼南 顧氏炎武《日知録》 疏注「夏禹」至「人 井之地畫 》謂:「夏以 徹,不在 Щ 維 「夏稱后 八八尺 手五 爲路 殷 亦 爲 田 禹 氏 之 揖 有 未 九 人 甸 也。 漸小。 0 田 曰: μį

七十

者 딞

也 將 之。

也。

往

疆

可言: 畎澮距川」,明畎澮縱而川則横,周制本乎夏制矣。 遇,則爲終矣。 故夫三爲屋,遂與溝遇也。 遂爲方,一夫之田、遂與畎爲方。 之溝,倍其溝爲成間之洫,倍其洫爲同間之澮。 記》匠人爲溝洫,始於廣尺深尺之畎,田首倍之爲遂,爲井 乎溝洫1也。 述古録・三代田制考》云: 於殷,殷異於夏,必盡更夏后氏之制。 者,十分同之一:皆不爲方,水道有縱橫故也。 知畝,見遂知夫,見溝知井,見洫知成,見 成之圖,謂畎縱遂横,溝縱洫横,澮縱自然川横。 實不異。 井田始於黄帝,洪水之後,禹修而復之,孔子所謂「盡 無異則孟子何以言五十畝、七十與百畝? 與澮爲方,一成之田 夏時土曠人稀,故其畝特大,殷周土易人多,故 以夏之一畝爲二畝,其名殊而實一矣。」錢氏塘《溉 非不欲異其制, 溝洫既定,不可復變,殷周遵而用之耳。 屋者,三分夫之一; 固不能異 ●「三代田制曷以異? 至溝與洫遇,則爲通矣, 一、洫與 溝爲方; 畎,伐也。 也。 通者,十分成之 更其畎遂固 澮知同也。 其不能 一井之田 不爲夫田 賈公彦繪 日 : 禹自言「濬 異,奈 然則見 曰 : 易也,溝 使周 洫 名異 《考工 清 其 同 無 與 何 限 龃 之 力 異 畎 ൬ 畝

述」,原誤作「考」,今從沈校據原書名改

洫

則

難

澮

又

更

而

知

方,畝 少 皆 而 步 尺六寸,周以六尺。 法,而 尺長五百六十尺爲畝 是故同 畝 用 五十六分步之二十四,周 五十之爲五十六與六十也,而夫田之廣長與其步法俱得 夏之百分,殷以爲百一十二分,周以爲百二十分,通其率, 不足, 周之尺非止得夏之八寸也, 蓋八寸而有餘。 尺,周以八寸爲尺。 曰 ·南東其畝」,而韓嬰謂之「長 康有 夏制 與 數之不 獨更其畎,豈不甚易也哉? ,其積皆九萬步也。 猶 以度法之各異也。 率數相應,故夫有異畝,畝無異步,是之謂名異而實同。 何以不方? 五十、七十與百畝之數立矣。 田一 也,我 矣 溝之水注於 此一夫之田:夏以廣十尺長五百尺爲畝,殷以 同, Jij 成,即 因 何 周 抑 敷? 用 (考工》之十里,其明 洫 티 : 夏制 へ難矣。 夫殷之尺非遂得夏之九寸也,蓋九 ,周以廣六尺長六百尺爲畝。 티 : 夫如是,則自遂以上,殷周皆不必 畝 蔡邕謂夏以十寸爲尺,殷以 洫 畝之水注於遂,遂在 廣 同長百步,而夏廣二步,殷 而 在 所 我 知 通 一步,廣一步」者也。 步。 謂異 因川 殷 首 夫三代步法與其夫田之廣長 與 ,亦不 推之一里,則廣長皆三百 其名也。 周 澮 步則夏以五尺,殷以 之未嘗各異 溝 證 能 洫之不 也。 方。 其 티 : 田 名 即 能 首,故 井與 何 也。 南畝之長 詩 如 九 以 廣 何 不 一寸爲 所 夫皆 廣 則? 其 寸 異 然 更, 矣。 則 五 謂 能 步 畝 八 則 則 周

人各受田百畝,或九而取

而取 在國

通内外之率則

或 野

故繫國言之亦可。

地

在郊内,居 一,或什

中

故也。」郊外國

人爲郊外,則

「國中」爲郊内

也。

郊 内謂

之國中者,以

近

畝。 助也; 國中不同 治 之,明非什中一爲賦也。 非 皆 即 夫而税二夫,是爲什中税 九夫而税一夫之田; 之文,孔穎達《詩正義》申其旨云: 什 什一,助與徹爲九一。 夫」,故其名曰助與徹, 一个 自賦 一,奈何? 鄭康成注《周禮》,嘗引《孟子》「野九夫而稅 私事,所以别野人也。」言「别野人」者,别野人之法,使與 十步邪? 東畝之廣,分言之則皆 0 井 其中爲公田,八家皆私百畝同養公田。 「國中」言「什 《禹貢》賦有 也,烏得言非什 也。 非什中 日: 曷爲晉欲令齊盡 《爾 此殷周侯國之制 雅》云 九等,果什 一」,乃云「使自賦」,是什 者,以言「九一」即 貢者,什一 九一之與什 夏則税夫,無公田而 一?」錢氏大昕 「郊外日 《孟子》又云:「方里而井,井 也。 步。 東 而 歟? 野」,則「野 九一 其畝 而 也。 貢一夫之穀。 「周制有貢有助: 或 也? 者疑之; 耐 , 盈朒異 康 曰 : 一云一而 《潛 成 助、爲九中 研 禹 所謂「公田 公事畢,然後 人」爲 助,明 名爲貢。 孟子又 一,國中什 一之中使 堂答 以 名耳,故 則 九州 郊外 通之二十 畝 問 謂 九 必 爲等 助 **※**云: 貢爲 九 中 自 不 皆 日 廣 者 敢 賦 知 税 什 長

300

之徹。 也。

徹

, 通

也。

《論語

· 顔淵》篇「盍徹乎」,鄭注云:

「周法什

而 而

古同聲、《孟子・公孫丑》篇「耕者助而不税」,即藉

.殷人七十而耡。

后氏五十而貢,殷人七十而助,周

此。』《王制》「古者公田

 $\bar{z}$ 云: 念孫《廣雅疏證》云:「《大雅

也。」宣十六年《左傳》「穀出不過藉」,杜

治處爲耡也。

合耦相助

以

歲時合耦於耡,謂於里宰治處合耦,因

謂

藉。

精税者,借民力以

食税也。

耡利萌。」今《孟子》作助,《周禮》注引作莇。

緯

人七十而耡。

耡, 耤税也。

益明。

벢

取一、故曰

徹之爲言通也。

何休注《公羊》、趙岐注《孟子》、范寗注《穀梁》、宋均

若分公田爲廬舍,八家各二畝半,其説始於班

》皆因之,非鄭義也。」段氏玉裁《説文解字注》云:

借民力治公田,美惡取於此,不税民之所自治也。」《説文》: 「周法,民耕百畝,公田十畝,借民力而治之,税不過 杜子春讀耡爲助,謂起民人令相佐助。」按鄭意,耡者, 許意以《周禮》證七十而耡,謂其意同。」王氏 爲天下之通法。』《孟子・滕文公》篇:「夏 耡, 耤税也。」耡字亦作莇, 又作助, 助與藉 藉而不稅」,鄭注云:「藉之言借也 从耒,助聲。《周禮》曰:「呂興 《遂人》注云:「鄭大夫讀耡爲 ·韓奕》篇「實畝實藉」,鄭箋 人百畝而徹,其實皆什 康成之義,得孔氏而 耡即以耤釋之。 「耡, 殷 注 固 預 税 不 里 《樂 , 而 宰 謂 税 注 氏注 也。 《孟子》注:「耕百畝者,徹取十畝以爲賦。 授八夫,至斂時則巡野觀稼,合百一十畝通計之,而取 爲取,與鄭氏義異。 劉熙《孟子注》云:「家耕百畝,徹取十畝以爲賦也。」亦以 云: 其弊必有如何休所云「不 助 下出斂法。」是知徹無常額,唯視年之凶豐,此其與貢異處 若,終不能明。 也」,不煩更增一解,似「徹取」之義尤爲了當。 俎」、「徹樂」之類證之,皆是收取之義。 原所收之粟,以爲軍國之糧。」是又以徹爲取。 也。」賈氏《匠人》疏引之。 什一爲正。」《論語》注云:「徹,通也。 徹爲治。 義,嘗屢求其説而不得,因考《公劉》、《崧高》兩詩,毛傳皆 公田,又使收斂焉。 人》注云:「周之畿内,稅有輕重,諸 法正是八家合作,而上收其公田之人,無須更出斂法,然 「貢者,自治其所受田,貢其税穀。 徹者,徹也,助者,藉也。」趙氏注云云。 「徹彼桑土」,釋「徹」爲「取」,此注同之。 鄭氏《公劉》箋云:「什一而稅謂之徹。」又於《匠 惟《周官・司稼》云:「巡野觀稼,以年之上 姚氏文田《求是齊自訂稿》云:「徹之名 徹者,通其率以什 盡力於公田者」,故周直以 孔氏《公劉》疏亦云: 侯謂之徹者,通其 爲天下之通法。」趙 《孟子》亦言「徹 莇者,借民之力以 一爲 徹猶人徹 正也。」按: 鄭氏注《匠 《孝經正義》引 然其制 一徹取 以 他處「徹 公田 其什 者徹 率以 取 度 此 何 隰 訓 趙

二七五

也。」龍 也。 也。 云: 類而 助爲主。 注 云: 言治土地之賦無善於助者也。 貢 先儒以貢助兼用爲詞,殆未然矣。」倪氏思寬《讀書記》云: 孟子既分釋徹助之義,而又據《大田》之詩以證其與 下之謂,並非『通融』之義。 之,是爲什而税二矣。 公私緩急之異,此其與助異處。 **『**校字元有二音 「『徹者徹也』二句承上文言之。 五 ,其法亦不 疏 (者,挍數歲之中以爲常。 經文字》云:『校,音教,又音效,皆從木。』《字鑑》云: |本此校與下學校,俱作校。]〇注「龍子古賢人也」〇正 「校、户教反、从木。 商助周徹,乃先説徹後説助者,孟子意在行助 舊趙注 上之、民供奉之、有易有不易、故謂之「莫不善」 疏 子 「挍數歲之中以爲常」〇正義曰: 謂徹之爲徹,其法固良, 日 本校 異 於助,故《 ,借爲比挍字,明末避諱 字從手作 治地: 謂之徹者,直是通 《左傳》云『穀出不過藉』。 若从手,是比挍字,今人多亂之。』 莫善於 於此求之,則徹法亦可 校,與下學校字不同。 不及貢法者,有龍子云云在 至魯宣公因其舊法而 助,莫不善於貢。」 而助之爲藉,其法尤美 貢者, 挍數歲以爲常 注龍子,古賢人也。 ,校省作校。J汲古閣 盤核算,猶徹 翟氏灝《考 想見。 然民 **、徹爲賓** 助 《釋文》 同 自 上 倍 異》 法 故 徹 收 無

愛恤 歲。 子• 足,則 之而 義曰: 家取 也。 榮,國毁不以爲辱 地,其名不同 王狼戾無親」、《漢書・嚴助傳》「狼戾不仁」,以 與民同之也。 時多取於民不爲暴虐也,而反以常數少取之。 鄉,如戎蠻之國。」或其人與? 貧,視人如豕,視吾如人。 不可止」,高誘注云:「狼戾猶交横也。」《 凶 狼籍 狼,盭也。」盭即戾。 年 《淮南子·覽冥訓 學問》篇云:「所謂樂者, 飢 粒米,粟米之粒 故爲不仁無親之名。 其税必滿其常數焉。 」釋之。 不 (列子 必 歲,民人糞治其田 爲 取 而 虐, 《漢書· 仲 盈 義實 疏注「樂歲」至「之也」○正義曰: 尼 ,得而不喜,失而弗憂,視 焉。 則 》篇 相 狼、 燕剌王 寡 》云「孟嘗君爲之增欷歍阻, 引也。 有 也。 戾一 注樂歲, 取 處吾之家,如逆旅之舍; 觀吾 龍叔,謂文摯云: 而 尚無所得,不足以食 饒多狼 之 無菑者也。」年 聲之轉。 旦傳》云「首籍籍兮亡居」,注 涕之零落於地 不若從歲飢 《告子》篇「狼 樂歲 凶 豐 粒 藉, 《國策・ 年。 年 廣雅 米狼戾,多 棄捐 糞 生如 豐 一吾 穰以 疾」, 與 狼 其 無 八粟之抛 鄉譽 其遺棄不 燕策》云「趙 釋詁 戾 死,視 於 菑 趙 爲多少, 田 流 猶 地 氏 涕 故 不 ,而公 而 至 狼 鶡 富 亦 棄 狼 稱 以 取 於 是 不 以 於 甚 戾 樂 冠 藉 之 如 爲 以

爲多少

,則助

是

矣。

孔氏廣森《經學巵言》云:

税

而滿其常數,如器定受若干,如其量以盈之也。

疇,言爛草可以

糞田使肥也。」」是糞其田即是治其

田

糞治其田」。

《説文》皿部云:

盈

,滿器也。」「取

盈」是 從歲 「均

氏正義云:

「糞,壅苗之根也。

蔡云:「穀田

日

田,麻

歲,是凶年即飢歲也。

《禮記·月令》:「季夏大雨時

N

札」,鄭司農注云:

害、《説文》訓虐爲殘、殘害亦暴也。

《周禮

·遘厲虐疾」,某氏傳云:「虐,暴也。」高誘《淮南子》注訓

也

糞之則收自倍,然未有不費而食利者也。

薙行水,利以殺草,如以熱湯,可以糞田疇,可以美土疆。」孔 子》改作「狼戾」,不知古人聲音通借之例也。《周書・金縢 「烝民乃粒。」《周頌》「立我烝民」,鄭箋:「立當作粒。」 戾」,趙注云"「粒米,粟米之粒也。」《皋 「凶謂凶年饑荒也。」《孟子》亦言凶年 》所謂粒食。」按:「粒米狼戾」,言米 張之象注本依《孟 ·地官·司關》「國 羊麋犬豕之骨 而棄捐 行, 田 虐爲 段氏 是 飢 取 故 之, 子》 燒 H 穰 其 云  $\Box$ 飢 陶 舉也。 也」,《 費矣,遑供税乎? 汁,所以爲糞種之具者,孰非 成經邦國,四曰聽稱責以傳別」,鄭司農云: 作肸不作盻也。 字見《説文》,云「恨視貌」。 **盻」至「母也」○正義曰:《音義》云:「盻、《説文》五禮** 貸而 食,幸而足食,亦無餘粟以 通 四莧切。 老小轉尸溝壑。 賦當畢,有不足者,又當舉貸子倍而 父母 民盻盻然將終歲勤動 力可復,此稼穡之艱難,有國所當知也。」爲民父母 天降康,亦將不逮其平歲之穫, 者無以爲資矣。 用。 爾雅 也? 益之,使老稚 肸 言民勤身動作,終歲不得以養食其父母。 肸 丁作「肸肸然」,許乙切。」阮氏元《校勘記》云: 猶屑屑,《方言》云: 釋詁》文。 注 跨跨,勤苦不休息之貌。 《説文》:「肸,蠁布也。」「月 又凶之甚者,其所穫不足以 且來歲之田糞既不足,則土疆不美,雖 安可以爲民之父母 《周 轉 易其所無,於是來 禮 但趙注以「勤苦不休息」爲訓 乎 不 待粟而易之? 故 溝 得以養其父母,又稱 天官 「屑屑,不安也。」」「動,作 壑。 歲遇凶 • 小宰》「以官府之八 惡 也? 益滿之。 「稱責謂貸子。 ,振也。J肸、角 厪,三歲而 在,其 歲 償今歲糞 歲 動,作; 所 N 疏注 一 盻 以 則 粟不 糞 爲民 切, 至使 後 田 其 稱 「肹 使 公 趙 亦 其 之 田 足

之也。

《鹽鐵論

未通》篇云:

「樂歲粒米粱

糲

而寡取

之粒不愛恤而縱横於地

也。

因豐年饒多,故不愛恤

詩》《書》之粒,皆《王制

此即本之《孟子》,梁糲即狼戾之同聲。

謨》:

樂歲粒

米

狼

《説文解字

注》云:

「今俗語謂

米

顆

爲

一粒,《孟

 $\bar{z}$ 玉

「籍籍,縱横貌。」縱横猶

交横,故狼

戾猶狼

籍也。

賈氏 則
青出 冓省。 賦矣。 中,則 使民弗利。」「玄謂以國服爲之息,受園廛之田 國服爲之息」,鄭司農云:「貸者,謂從官借本賈也,故有息 偁,凡詮衡當作稱,今字通用稱。」《禮記• 子》「稱貸」曰:「稱,舉也。」凡手舉字當作爯,凡偁揚當作 是 齎貸子錢,子錢家以爲侯邑國在關東,關東成敗未決,莫肯 而 賦 注云:「食,養也。」「養其父母」即「食其父母」。 養,陰氣也。」《淮南子・説山訓》云「幸善食之而勿苦」,高誘 二千,二其子也。 貫。」又云: 周禮 催 冰。 稱也。」段氏玉裁《説文解字注》云:「再,并舉也。 舉 流云: 無鹽 債 ,則利息必加倍於常,如無鹽氏之利所以什之矣。 無鹽氏之息什倍。」蓋每歲萬息二千,此常息也。 地官・泉府》「凡民之貸者、與其有司辨而授之、以 當盡賦則不敢 **冓爲二爪者**,手 此 息五百。」《禮記 焉。 氏出捐千金貸 「公賦當畢 「吴楚七國兵起,時長安中列侯封君,行從軍旅, 子即 稱 責謂 息也。 什之,則貸萬息亦萬爲倍,故云「子倍」。 舉責生子,彼此俱爲稱意,於官於民,俱 」謂公家之税當完納也。 ·虧缺,無如田之所出不足,故假借於人 也。 《史記• ,其息什之。 月令》注云:「火出而畢賦。」此言 一手舉二,故曰 貨殖傳》云:「子貸金千 三月,吴楚平。 郊特牲 1并舉。 税盡賦猶冰 而貨萬泉者 貸,借也。 \*\frac{\times}{\times}. 趙注《孟 从 萬息 至窘 歲之 か爪、 食 盡

> 與? 云 倍於古,樂歲猶可勉供,凶年則不勝其誅求之苦,而皆 收,然亦每歲各視其豐凶以爲所入之多寡,與 其取民之制,❶雖云於一夫受田五十畝之中,稅其五畝之所 取盈焉。 米狼戾,多取之而不爲虐則寡取之,凶年糞其田 此積累,至使父母妻子飢寒而 家以益滿此不足之數,而所貸子錢乃倍於所不足之數。 益之言加 龍子之言以相形,而未暇深求其義理。 方勸滕君行助,以革當時之弊,意在伸助,不得不抑貢,故舉 於夏后氏以文其貪暴,龍子所以痛心疾首 然也。」蓋自魯宣公税畝以後,諸侯廢公田而行貢法,取民 孟子有激而云。 掊克,立定法以取民,不因豐凶而損益,且托貢法以文過,故 多取,凶年必取盈 上之人科定此五畝者出穀若干斗斛以爲常也。 「胡朏明曰:「龍子言貢者挍數歲之中 曰: 龍子蓋有爲言之也。 此貢之所以不善也。某謂貢異於助,惟無公田 也,即上 其所謂不善者,特救戰國之失耳,禹法實 ,賦何以有上上錯乎? 「取盈」之義。 死矣。 夏氏僎曰:「 因 .畢賦不足,又稱貨於子錢 閻氏若 其實龍子所謂莫不 然則 以 而爲是言。 「戦國 爲常。 璩《釋地二 ,助法無異, 龍子之言 藉令樂歲不 而 諸 不足則 侯重 樂歲 孟 藉 耳 續 子 不 斂 非 非 必 粒 由

❶ 「民」,原脱,今從沈校據《四書釋地》改。

猶殷

人

助

者,

爲

有

公

田

耳。

此 注

周 一詩

詩

也

助

也

注

(詩》,《小雅

・大田》之篇。

及

我私。」惟助爲有公田。

監、毛三本、韓本同。

惠王下》篇。

「賢者子孫宜有土地也。」」趙氏本此爲説

Z

德,因生以賜姓,胙之土而命之氏。

得世食其父禄。

「方里

氏言

行是矣。

則

世

禄

賜

族者也。

官有

世

禄

滕

固

行之矣。

古者諸

侯卿

善者,乃

戰

國諸侯之貢法,

田

知雖周

家

時

亦

助

也

疏

小

悦其上,願欲天之先雨公田,遂以次及我私 「未任」,音壬。 作任是也。」《詩》云:『雨我公田 古者」至「義也」○正義曰:隱公八年《左傳》云:「天子 官有世功則有官族、邑亦如之。」《白虎通・封公侯》篇 「大夫功成未封子得封者、善之及子孫也。《春秋傳》 言亦當恤民之子弟,閔其勤勞者也 阮氏元《校勘記》云:「「其子雖未任居官」,閩、 賢者子孫必有土之義也。 孔本、《考文》古本任作士。 非夏后氏之貢法也。二夫 功者,其子雖未 由此觀之,雖 諸侯以字爲謚 大夫士有 至 言太平時 也。 而 「助也」〇 《音義 云 任居 詳見《梁 滕 , 因以 田 功 周 雨 疏 固 · 遂 官, 也。 德, 业出 世 知 民 亦 公 爲 建 注 正 義曰: 哉? 風雨 畝 公田 徹無公田,《詩》曰『雨我公田』者,商家同井,公田 明其意之同。 賦。」斯言得之矣。 後儒多相因不變。若是,則周人乃百畝而助矣,何名爲 謂成周之徹法如此也。《漢書・食貨志》直 其制之異。 公田,故《孟子》云「惟助爲有公田」,言惟助 不收餘畝之税。宣公於公田之外,更稅餘畝之十一,故曰 九百畝,分之九夫,每夫百畝,中以十畝爲公田,君取其 三爲井。」《小司徒》亦云:「九夫爲井。」據此二文,是周人井 而井,井九百畝,其中爲公田,八家皆私百畝 云:「孟子言三代田制莫善於助 雨於公田,因及私田爾。 太平時」,本上「興雨祈祈」言也。 也。」周氏柄中《辨正》云:「充宗之説良不誣 周九夫爲井,公田 。」公田之稱可施於賈,獨不可 ·時,其來祈祈然而不暴疾,其民之心先公後私。 惟趙岐《孟子》注云:「周人耕百畝者,徹取十畝以 《詩》在《小雅·大田》第三章。 言「雖周亦助」,見助豐凶 若徹原是助,則人人共 《司馬法》云:「畝百爲夫,夫三爲屋,屋 在 私田 此言民怙君德、蒙其餘惠。」趙 中。 ,言助法之形體曰: 《夏小正》云: 施於徹乎? 萬氏斯大《學春秋隨筆 相通 知 箋云:「古者陰陽和 孟 徹 有則 本此以言周 ,同養公田。」非 子 亦 何 也。 然則 豐凶 一三農服 徹 用 無,以 在 徹 今天主

周

辭

私

田

相

通

入而

本

二八〇

子欲改行助法,所謂「與時宜之」者,此真通人之論也。」鍾氏 國兵争,殺戮過甚,民數反少於周初,而徹法之壞已甚,故 耳。」阮氏元《挍勘記》云:「「猶殷人助者」,宋本、孔本、《考 即徹,皆不離乎什一 然,公劉雖由夏居戎,亦循有邰之舊而不改 通 助 周爲徹,顯分其制。及引《大田》之詩,又謂雖周亦助,可知 懷《菣厓考古録》云:「孟子論井田之制,以夏爲貢,殷爲助 餘年,生齒必日繁,無田 變八家爲九夫,此則任釣臺嘗言之矣。 文》古本、足利本同。 大抵周家 正 助 徹乃通名也。 古言先服公田,而後服其田也。」可知公田之制自夏已 徹之名者,蓋因諸侯去籍,孟子末由考之耳。 正月,農及雪澤,初服于公田。」傳云: 「古有公田 切 典禮多夏殷之制, 夏后氏五十而貢,其實亦是什一,獨不得 而税。 閩、 可給,不得不舉公田授之民。 監、毛三本、韓本猶作惟。 誤以公劉創什 特其 、斟酌損益少有不同 蓋自 也。 一之税,可 商 至周歷 然則貢即助 按猶當 《夏小 乎? 及列 六百 焉 孟

也。夏曰校,殷曰序,周曰庠,學則三代共化於國。庠者,養也,校者,教也,序者,射「設爲庠序學校以教之。]出以學習禮教,

獨字之誤,閩本改爲惟,非也。」

其名與州序同可也。」《小戴》本雜記之書,陳氏能將《儀禮 等矣。 庠,蓋 代同 教以 之。 家而教之閭塾,謂之家有塾,則合五黨 者教子弟於閭塾之基,則家有塾云者,非家塾也。 州長會民射於州序,黨正屬民飲酒於序,則序,亦鄉學名 外,鄉簡不帥教,耆老皆朝於庠。 序,周曰庠。」」《漢書・儒林傳》則作「殷曰庠,周 鄭人之所欲毀者謂之鄉校,則校亦鄉學名 文》與《漢書》同,未知孰是也。 陳氏《禮書》曰:「孟子論井地而及夏曰校,商曰序, 記》言黨有庠; 倫也」〇正義曰:《史記 洪範》曰「彝倫攸敘」,謂 7)庠可 博士平等議曰: 禮樂; 名,皆謂之學。 皆所以明人倫也。 校、庠、序者,鄉學也。 降鄉 也。 《周禮 射者,三 等而謂之州長,其爵與遂大夫同 州 》遂官各降鄉官 日 『聞三代之道,鄉里 序、《記 學乎人: 耦 四 儒 《鄉飲酒》: 》言遂有序,何也? 矢 常事所敘也。 林傳》: 倫。 以 注養者,養耆老; 閻氏若璩《釋地 則庠,鄉學名也。 達物 等,則遂之學亦降鄉 人倫者,人事也,猶 「公孫 而教之鄉庠,謂之黨 一有教。 導 主人迎賓於庠門之 氣 也 宏乃謹 夏日 也; 疏「庠者」至 ,則遂之學 然鄉 又續》云: 曰序」、《説 合二十五 古之致 學 校 《周官 與 教 日 則三 周 殷 太 者 庠 也 仕  $\Box$  $\Box$ 常

庠以承序,制以

漸而始大備。

俗説謂

三代之鄉學各

變其名,不可通矣。」王氏念孫

《廣雅疏

證 

也。」文貞此説最善。

蓋

黨統於州,州

統於鄉,故序以

承

鄉 或

,故修乎禮樂容節而以射爲義:

浸廣也。 有序焉; 三代相

黨近於民,故主於上齒尊長

而

始得爲之,少則不能中律。

承亦如

此。

周人修而兼用之,而黨庠以徧:

設,僅於京師

Щ

E

自後天下州邑亦徒

廟事孔子而

言之而莫行也。

此鄉學也,而《王制》所載虞曰庠,夏曰序爲國學之稱。

也。」周氏柄中《辨正

》云:「孟子言夏曰校、殷曰序、周

滕文公》篇:「庠者,養也,校者,教也,序者,射也。」《廣雅 宋之中世始韶天下有州者皆得立學,而縣之學士滿二百人 李文貞公云"「立太學以教於國,設庠序以化於邑,董子雖 「黨有庠」者,庾氏謂夏殷制,非周法,其説皆與《孟子》不合。 周官》、《左氏》及《孟子》融會於一,無少抵牾,真經術之文 周禮》,則州黨之學皆曰序,而庠、校不見於經。《學記》云 《孟子》書當就孟子求其義,不得又以他説汨亂之。安溪 ,故總乎德行道藝,而以教爲義, 州則自黨而升而將賓於 故在漢代,辟雍太學之制,博士弟子員之 夏之時,鄉爲置校而已,殷之時,州莫不 今荒州僻縣無不設之學矣。 此則自上而下,其法浸備 以養爲義,鄉近於 此自古及今,其制 「《孟子 而 無學。 日庠 考之 校 意 惟 之義。 子 》: 也; 也。 《文王世子》:『立太傅 序、學、校、皆爲教學而設、養老習射偶一行之,不得專命名 老名也、《州長》職云「春秋以禮會民而射於州序」,謂 非經文本意也。 卷四云:「校,教也。」卷五云:「序,射也。」皆本《孟子》。 人倫」也。 教,申之以孝弟之義」也。 令德,示民軌儀也。」則射者陳列而宣示之,所謂「謹庠序之 日習射上功。」而庠之義獨取義於養老,何也? 中習射,非謂序以習射名也。 者,養耆老,射者,三耦四矢以達物導氣。」此皆緣辭生訓 於上庠」,鄭注云:「庠之言養也。」趙岐注《孟子》云:「養 之云:《説文》:「庠,禮官養老也。」《王制》「有虞氏養國 云"「掌養國子以道。」此庠訓養之説也。 也。」鄭注云:「養猶教也。」言養者、積浸養成之。《保氏》職 《爾雅》云:「繹,陳也。」《周語》云:「無射,所以宣布哲人之 序者,射也: 教之爲父子,教之爲君臣,教之爲長幼,故曰「皆所以 庠訓爲養,序訓爲射,皆是教導之名,初無別異 「適東序養老。」而序之義獨取於習射,何也? 徹者,徹也; 養國老於上庠謂在庠中養老,非謂庠以 皆因本事以立訓,豈嘗別指一事以名之 少 助 傅以養之,欲其知父子君臣之道 此序訓 者,藉也; 《王制》: 爲射之説也。 庠者,養也,校者, 「耆老皆朝於庠,元 射、繹古字 養、 《文王世 射 皆 在 庠 通 也 引 明 老

學校不修焉。」其三章「一日不見,如三月兮」,毛傳云: 老」,即本《王制》「養國老於上庠」。《説文》亦以庠爲「禮官 哉?」〇注 也。 《鄭風》詩序云: 「養者」至「敘也 Ö 「《子衿》,刺學校廢也。 )正義曰 趙氏以 「養」爲 亂 一養 世 一言 則 耆 詔之瞽宗。 曰

養老

禮樂不可

日而廢。」趙氏本此,故以

「教禮樂」言之。

其實

不僅教以禮樂,故鄭箋云:

「鄭國謂學爲校,言可以挍

正

道

射》篇云:「天子所以親射,何? 執弓,搢三而挾一个」,注云:「乘矢,四矢也。」《白虎通• 行道藝之高者以爲三耦。」❷又云「兼挾乘矢」,又云「三耦皆 作序,今文豫爲序。」序即 注云:「豫者,謂州學也。 藝。」道藝則不止禮樂也。 鄉射禮 》云「三耦俟於堂西」,❶注云: 樹、樹、射聲通、是樹因鄉射而 《儀禮‧鄉射》云「豫則鈎楹内」, 讀如「成周宣榭災」之榭、《周禮 助陽氣達萬物也。 「選弟子之中德 春氣微 鄉 立

學書在上庠爲北學矣。 德者於瞽宗」也。 王宫之左者也。 謂之學。 序、瞽宗,統言之則言掌成均之法也, 序、瞽宗、上庠統其名於成均。 方,則成均爲南學。 瞽宗,瞽宗即西學,故《祭義》云「祀先賢於西學」,即「祭有 庠」等名者,蓋統名爲學而分爲四:其東爲東序也。 則以爲樂祖,祭於瞽宗。」又有「成均」、「東序」、「瞽宗」、「上 治建國之學政而合國之子弟焉。 皆小樂正詔之於東序。」《周禮・大司樂》:「掌成均之法,以 在瞽宗,書在上庠。」又云:「凡祭與養老、乞言、合語之禮 云:「春夏學干戈,秋冬學羽籥,皆於東序。 ,帝人南學,帝人西學,帝人北學。」但仍僅謂之學也。 選士,司徒論選士之秀者而升之學。」此學即大學,在 《祭義》云:「天子設四學。」《大戴記》云: 秋學禮,執禮者詔之,冬讀書,典書者詔之。 三代同名爲學,無異名也。 其北爲上庠,秋學禮在瞽宗爲西學,則 青陽、總章、玄堂統其名於明堂; 東序、瞽宗、上庠分列東、西、 故《大司樂》分言之則 凡有道有德者使教焉, 雖 分 有四 春誦夏弦,大師 《文王世子》 名, 「帝人東 其西 而 北 則 굸 實 城 旲 東 東 道 爲 死 中 統

鄉下移於郊、遂,皆鄉學也。

又云:「命鄉論秀士升之司

徒

0 0

鄉 與

、執事焉。

不變,命國之右鄉簡不帥教者移之左,命國之左

,習鄉上齒,大司

徒帥國之俊

士

學

簡不帥教者移之右。

不變,移之郊。

不變,移之遂。」此

由

老皆朝於庠,元日習射上功

象物之生,故以射達之也。」是所云

大學也,庠、序、校皆鄉學,在郊。

《禮記

王制》云:

「耆

弱,恐物有窒塞,不能自達者。

夫射,自内發外,貫堅入剛,

「達物導氣」之義

也。

學

西」,原誤作「東」,今從沈校據《儀禮

理,與應劭、王肅義同。

之不可易者也」,注云"「理猶事也。」倫之爲事,即倫之爲 子》: 「王乃命公侯伯子男及群吏曰:反養老幼於東序。」則 代之學,序在東,瞽宗在西,米廩在北,頖宫在南。 東序、本夏學總名,西學,周名瞽宗,又名右學,本殷學 氏鼎《易堂問目》云:「今考定五學:東學,周名東膠,又名 地人之常道,如下所云五行、五事、八政、五紀、皇極三德、稽 當助天居,我不知居天常理所次敘也。」《禮記・樂記》云 助天和合其居所,行天之性。我不知常道倫理所以次敘。」 攸敘。] | 王肅注云:「言天深定下民,與之五常之性,王者當 帝學名,蓋陶唐以前,學之總名,大學,周名辟雍。 名, 北學, 周名上庠, 本虞學總名, 南學, 周名成均, 舊説 「嗚乎箕子,惟天陰隲下民,相協厥居,我不知 注《吕氏春秋・達鬱》、《淮南子・説林》等 趙氏注《告子》篇「此之謂不知類也」,亦 「惟十有三祀,王訪於箕子,王乃言 《洪範》此文,應劭注云:「陰,覆; 顧氏炎武《日知録》云:「彝倫者,天 以倫爲 曲禮》《樂記 言天覆下民,王者 類 也。 《文王世 魯兼四 其 心皆以 (彝倫 《洪 隲, 理 總 五. 章。 也。 疑庶徵、五福、六極,皆在其中,不止孟子之言人倫而已。 年稱公。《左氏》例則未葬稱子,既葬稱君,不待踰 云:「《春秋公羊傳》君存稱世子,君薨稱子某,既葬稱子,踰 周雖后稷以來舊爲諸侯,其受王命,惟文王新復 以新子之國!」注《詩》、《大雅・文王》之篇。 起者,當取法於有道之國也。《詩》云:『周雖 來取法,是爲王者師也。 也。 樂以造士,雖「申之以孝弟之義」,而一切人事常理無不講 俊選,皆由此出。 鄉學爲王大子、王子、羣后之大子、卿大夫元士之適子、國之 有敘,則正以孟子此言「人倫」即《洪範》之「彝倫」。 按:趙氏引《洪範》「彝倫」以證《孟子》之「人倫」,謂其常事 盡人之性、盡物之性、則可以贊天地之化育,而彝倫敘矣。」 治禮義以致之耳。 邦,其命惟新。] 文王之謂也。 閩、監、毛三本惟作 人倫明於上,小民親於下。 疏注「詩大」至「國也」○正義曰:《詩》在《文王》篇首 樂正崇四術,立四教,順先王《詩》《書》禮 以是勸勉文公,欲使庶幾新 維。 閻氏若璩《孟子生卒年月考》 注有行三王之道而 子力行之,亦 有王者起,必

云「類

事也」。

此

以「倫」爲「事」,即

篇,皆以類爲事。 倫爲類,高誘 諸侯國學疑皆同此制。」鄭氏注《禮記

範》,《周

書》篇名。

日:

漢書

五行志》引命

相,助,協,和

倫,理,攸,所也。

年始

其國

修

舊

蓋國學

能

至滕 耳。 君。 滕文行三年之喪,喪將終,乃聘孟子, 之1是。若孟子所稱「子力行之」則在既葬之後,但未 謂然友」是。未葬稱子,不獨既葬爲然,「至於子之身 世子、「滕文公爲世子」是, 故 子未臣於齊,恐其稱君在終喪之後,未必既葬即聘賢人。 其君之子奚齊及其君卓。」」注云: 孟 後兩稱爲君,曰「君如彼何哉」,曰「君請擇於斯二者」,然則 命戒,則亦無禮聘賢人之事可知。 諸侯於其封内三年稱子」,至其臣子,踰年則謂之君矣。」 未没喪不稱君,示 此仍在三年之内 子於滕行 何以驗之? 此二《傳》之同 而 問國 [事焉,故孟子猶稱之爲『子』。 蹤歲月 滕文公既定爲三年之喪,五月屋廬, 異 民不争也。 ,則稱子; 亦略可覩矣。」按:《禮記・坊記》云: 也。 及以《孟子》證則又有異,君 君薨亦稱世子,「滕定公薨, 既三年喪畢,則 故魯《春秋》記晉喪曰: 惟至葬後,始以禮聘孟子 「没,終也。 孟子至,未幾即終喪。 直至踰年改 稱君也。 《春秋傳 元,然 未有 踰 而 世 存 影日 一殺 孟 蓋 稱 年 反 子

> 問 問

使,知 不 田 己法。 明 爲滕 也 使 畢 臣也。 時諸 疏 戰 注 問 侯 《考工記・匠人》注引「滕文公問爲國於孟 畢戰」至 各去典籍,人自爲政,故井田 井 地 明也 **注** Ō 戦 Ē 義 曰: 滕 臣 畢戰爲文公所 也。 問 之道 古 井

不相侵奪,而井田

乃可

鈞也。

阮氏元《校勘記》云:「「井

地

趙氏以此 禮· 地官

司

市》「以次敘分地而經市」,注云"「經

界

也。」

「經界」即各國之疆界。

封建與

井

田

相

表

裏,故先

也。 畢戰來問 定受其井牧之處也。 日 井田,平穀禄。 況未必有也。」孟子曰:「子之君將行 時,則此時方改阡陌、廢井地之際,雖間或有是,亦將毀 孝公四十一年,爲田開阡陌,正在戰國,與魏惠王、齊威王 膏者間一行之,他無是也。 據《春秋 問,今以爲文公問者,畢戰,文公臣。 子」云云,「文公又問 經界不正,井 而 也。 「乃經土地而 使子,子必勉之。夫仁政,必 經亦界也。 鄭氏以井田代井地,是井地即井田 「滕文公使畢戰問井地,豈戰國 》有「井衍沃」之文,則晉亦尚作井地 ,此云「子之君」,君指文公,則子指 井牧其田野」,言正其 穀,所以 地不鈞,穀禄不平。 必先正 井 田」,賈氏疏云:「 疏注「子畢」至「處也」〇正 若戰國則 爲禄 其經界, 也。 君統臣 未必有矣。 勿侵鄰國,乃 《周 時 無 也。」毛氏奇齡《經 彼是文公使 土地之界,乃 禮 井 功,亦得爲文公 自經界始。 仁 但 1,畢戦 地與? 注子, 畢 惟 政, 《史記》秦 小 坦 也 義 司 衍 選 可 畢 《周 日 日 徒 而 擇 棄 戰 鈞 沃 戰

長争訟 忘死者,貪也。 義也。《荀子・ 矣。 男附庸,各有界矣,都鄙爲王子弟公卿大夫采地,亦各有界 制其域,凡造都鄙,制 都鄙之數,制其畿疆而溝封之。 也 也。』《列女傳• 諸臣之禄,皆可定也。 而都鄙采邑之小界正,而井田乃正。 能滿其數,合其度,而亦不均矣。惟外而邦國之大界正,內 侵占鄰邑,而采地之界不正:於是爲成、爲通、爲井者將不 之殘虐者侵奪鄰國,而邦國之界不正,自卿大夫之貪汙者 視井田之界而定,則 爲通、爲成、爲終、爲同、爲封、爲畿以界之。 至「定也」〇正義曰:《周禮・地官・大司徒》: 比上農夫,轉以爲差。 蓋建邦國 劉熙《釋名 也。 分田,賦 ,造都鄙,必審井田之形勢以爲之界,各滿其 貞順 夫貪汙之人,王何以爲哉?」是「汙. 性惡》篇云:「所見者,汙慢淫邪貪利之行 釋言語》云: 井田之在 》篇云:「且夫棄義從欲 此趙氏以「正經界」爲「勿侵鄰國」之 其地域而 廬 故可坐 井 也 各國各采邑者乃均。 「慢,漫也。 凡建邦國,以土圭土其地 封溝之。」邦國 而定 制 以之分授於夫,以之制 禄,以 也。 漫漫,心無 者,汙 邦國都鄙之界 庶 疏注「暴 爲公侯 人在 「辨其 也, 即 自 官 派所限 見利 諸 伯 邦 侯 而 國

鄙也。

采地制井田異於鄉遂。

重立國,小司徒爲經之,立其

爲都,以任地事而令貢賦。

凡税斂之事。」注云:

「此謂造都

四四

縣

九夫爲井,四井爲邑,四邑爲丘,四丘爲甸,四甸爲縣

矣。《小司徒》,《地官》職也,云:「乃經土地而

井牧其田野,

雅》「蔌蔌方有穀」,箋亦云:「穀,禄也。」禄奉以穀,故穀即禄

天府》「祭天之司民司禄」,注云"「禄之言穀也。」《詩

· 小 柄韶王馭羣臣,二曰禄以馭其富」,注云:「班

禄所以富臣

《書》曰:「凡厥

Œ

人,既富方穀。」」是以「穀」釋「禄」。

穀、禄也」、《爾雅・釋言》文。《周禮・天官・冢宰》「以

不鈞」,石經、岳本、咸淳衢州本、廖本、孔本、韓本、《考文》古

君;

汙吏,貪吏也。

慢經界,不

Ē

本

也。

必

相

侵

本、足利本同。

閩、監、毛三本鈞作均。

按均、鈞古字通也。」

仁政必自經界始。

經界不正,并地不均,穀禄不平。是故暴

經界既正,分田制禄可坐而定也。」九

此制小司徒經之,匠人

五溝、五塗之界,其制似井之字,因取名焉。《孟子》曰:「夫

君姦吏必慢其經界。

爲之,溝洫相包乃成

耳。」鄭氏以

小司

徒

所經

即

井田之界,

夫爲井者,方一里九夫所治之田也。

正,分 説異。 是 田 故 制 暴 禄 君 口 汙 坐 吏 而 必 定 慢 也。 其 注 經 界。 暴君 經 殘 界既 虐 之

經土地」之經爲「經始靈臺」之經,謂小司徒經度之,與趙氏

是有、 郤 所云「侵鄰國」 自賦 夫,轉以爲差」者、《禮記·王制》篇云:「諸侯之下士禄食九 廬 忌 之賦也。 言足以爲善政也。 十里也。 莫治野人;無野人,莫養君子。 地褊小,將爲君子焉,將爲野人焉。 食二百八十人,君食二千八百八十人。」是也。 人,中士食十八人,上士食三十六人,下大夫食七十二人,卿 「莫善於 善推其 周 詩・大雅》「婦有長舌」、《大戴記・本命》注作「婦爲長舌」。 謂二畝 犨與長魚矯争 也。」心輕慢之,不以先王所定爲制。 爲二字古通。 所 半在 助 淮九一者,井田 助者,殷家税名 爲,有也。 爲而已矣」、《説苑》引作「善推其 袁 也; 田,井 也。 廛 田 二十 在都鄙 是也。 時 謂一 請 疏注「爲有也」○正義曰:《梁惠王》篇 諸 · 而税 雖 野 夫百畝也。 則「長争訟」,如郤錡奪 侯 小國亦有君子,亦有野 前但言「侵鄰國」,此兼言之也。 以九頃爲數而 九 不 一。」時行重 也, 行 周 而 助 「以庶人在官者比上農 亦 法。 助 在邦國必相侵陵,即 用之,龍子 或 注 或 賦,責之什一 供 中 中 褊小 什 所 無君子, 夫滕,壤 夷陽 有而 什 什 一,郊 謂 所 五. 己。 者 使 田 謂 野 Ŧī.

中不宜什一,乃重賦而責其什一,是國中什一也非郊野什 十畝。 之。 什一 有一 官 也。 也。 秋》、《淮南子》,皆以自爲從。 箋云:「 以場圃任園 畝半,八家而九頃共爲一井。」蓋百畝爲一頃,九頃者九百畝 皋陶制法,不能使彊不凌弱。 傳》云:「古者什一 也 「夫饑寒並至,雖堯舜躬化,不能使野無寇盜; 一十取一,當時則什取一,是爲行重賦。 ,孟子欲其什 誅求之,故云「責之什 也。 載師》: 郊野在郊外,自百里至五百里,通 而,如 而税之; 疏注「九一」至「之也」○正義曰: 即所謂什一而税也。 夫一婦受田百畝,以養父母妻子。 而,如 而與汝通,故亦與如通、《詩・小雅》「垂帶 地。」是園廛在國中,故以此「國中」爲園 也 「園廛二十而一。」又云:「以廛里任國中之地 也。」是也。 國中從其本賦,二十 自,從也。 而藉,如殷人之行助。 而籍,什一者,天下之中正也。」注 一」也。 鄭康成箋《毛詩》、高誘注《吕 廬舍二畝半,凡爲田 孟子欲 是故聖人制井田之法而 趙氏以當時郊野之税不止 野 宜 什 請 一,則不 其國中 民不能 都鄙 宣公十五年《公羊 而税 五口爲一家,公田 使野 言之也。 貧富兼并,雖 一,以 人如 園 止 什 廛之税 一 頃 十 二 什 廛,二十 而厲」, 而 助 ; 寬之 以什 云: 氏 П 《地 什 或 分

鄉。」六鄉軍法在《小司

徒》之職:

「五人爲伍,五伍爲兩,四

鄉之軍法,故鄭氏注云:

「鄉之田制與遂同,遂之軍法如六

而六鄉田制不見於經。經獨見

達於畿。」此六遂之田制也。

野,夫間有遂,遂上有徑,十夫有溝,溝上有畛,百夫有洫 鄙爲縣,五縣爲遂。一六遂亦受地者凡七萬五千家,數如六 洫上有涂,千夫有澮,澮上有道,萬夫有川,川上有路,以 亦如之。」其治溝洫以制地也,亦遂人掌之。 萊百晦,餘夫亦如之,下地夫一廛,田百晦,萊二百晦,餘夫 其職云"「辨其野之土上地中地下地,以頒田里"上地夫一 爲鄉。」鄉凡萬二千五百家。 五家爲比,五比爲間,四間爲族,五族爲黨,五黨爲州,五州 ,四百里爲縣地,五百里爲畺地。 五十里爲近郊,百里爲遠郊,二百里爲甸地,三百里爲 百晦,萊五十晦,餘夫亦如之,中地夫一廛,田百晦, 五家爲鄰,五鄰爲里,四里爲酇,五酇爲鄙,五 六鄉之地在郊。 「王畿千里,自王城居中視之,四面皆 趙氏義如此。 其地 而什一,孟子則欲其仍從舊賦二十取 在甸。 如此者六,綜計之,受地者凡七 六遂之授地也,亦遂人掌之。 《遂人》:「掌邦之野,造都鄙 程氏瑶田《通藝録·周官畿 《大司徒》之職:「令 其職云:「凡治 五 百 兩爲卒,五卒爲旅,五旅爲師,五師爲軍。」軍萬二千五百人, 不但與經相戾,即與其自注亦不相蒙。 則小司徒經之。 稍地、縣地、畺地,謂之都鄙。 出於鄉,家一人也。 「王六軍」也。 此郊甸經地之法,在二百里内者也。 六鄉六軍、<br />
夏官·大司馬》之職所謂

稍地 里。 内經 也。

或

中不可什

故

云「寬之」也。

地考》云:

都鄙者,王子弟及公卿大夫之

其

廛

田

鄉,但異其名耳。

形體之法:

萬五千家也。

近。」❶「六遂之民奇受一廛、❷上地有萊、爲所以饒遠也。」 之田歸之甸稍縣都,且云:「郊内謂之易,郊外謂之萊,善 職》之「任地」,則又以易不易之田歸之六鄉,以上中下有 之地,與經所謂「以室數制之」者無異義矣。乃其注《載 之謂井牧。」據此,是鄭氏以都鄙授井田,爲不易、一易、再 造都鄙,授民田,有不易,有一易,有再易,通率二而當 都。」鄭氏注云:「隰皋之地、九夫爲牧、二牧而 爲井,四井爲邑,四邑爲丘,四丘爲甸,四甸爲縣, 晦,一易之地家二百晦,再易之地家三百晦。1其造都鄙也 造都鄙,制其地域而封溝之,以其室數制之。不易之地家百 采地,其界曰都,而鄙則其所居者也。 其職云: 『乃經土地而井牧其田野: 《大司徒》之職:「凡 當 井。 四 一,是 縣 九 夫

0 「善」上,原衍「爲」字,今從沈校據《周禮 注

豈謂 遂

人所掌之野

一」,原脱,今從沈校據《周禮》鄭注補。

與公同 官田 賈田 也; 之田 澮。 四 徒》、《遂人職》中,不煩復言其正田 地 公邑則六遂之餘地也。 以大都之田任畺 公邑之田任甸地,以家邑之田任稍地,以小都之田任 職 之,溝洫相包乃成」者,是也。 八尺深八尺謂之洫。 之伐,廣尺深尺謂之毗。 制 在 得 九夫爲井,井間廣四尺深四尺謂之溝。 大司 **※**云: 於稍、 ,在《考工記》「匠人爲溝洫 包 大都 牛 在畫,稍 專達於川。」鄭氏所謂 任 甸 大夫之采地也; 徒 食百里 近郊之地,以官田 「以廛里任國中 稍 田、賞田、牧田、則六郷之餘地也。 方 縣、畺言其 司 百 縣、都,授以有 徒 里,凡四 縣 地於 置; 主六 一地。」按,六鄉之田 畺 鄉 正 皆 方百里爲同,同間廣二尋深二仞謂之 都 , 因 田 之地 王子弟稍疏者 小都方五 有餘地,亦謂之公邑。 家邑之田 ,公之采地 田 、牛田、賞田、牧田 萊之地爲從其類 以 既 「井牧之制,小司 首倍之,廣二尺深二尺謂之遂。 耜 ,以場圃 所 互相足,亦以鄉遂形體 此 制 廣五寸,●二耜爲耦 都鄙 十里, 在稍,小都 田 也。 也。 在郊,宅田 授之與? 任園 經地之法 方十里爲成,成間 與 家邑方二十五里,凡 凡四 王 地 卿 一母弟、 徒經之,匠 六遂之田 任遠郊之地,以 之田在縣,大都 同 ,以宅田 而易不易之田 縣 士田 今於甸言餘 食五十里 井 也。 ,卿之采 王之庶子 田 士 溝 詳《司 賈 縣 在 載 人爲 洫 甸 田 地 田 耦 地 地 師 廣 之

甸者,一 也,皆 於縣; 周其外」, 川依此遂溝縱横參之可知。 方一 者,一 云「夫間有遂」,以南畝圖之,則遂縱而溝横。 澮,澮注入川,略舉 者,分夫間之界耳,無遂, 之,《匠人》所言爲井田之法,即殷之助法,都鄙用之。 人》井田之法, 畎縱遂横, 溝縱洫横, 澮 百夫有洫,千夫有澮,萬夫有川,方三十三里少半里。 洫與井田之異,則正義: 鄭康成以《遂人》所言爲溝洫之法即夏之貢法,鄉遂公邑用 則 有遂、云【田首倍之謂之遂』、遂則横、溝縱 宜爲自然大川 同,九澮而川周其外,則百里之内,九九八十一澮。 一同 同之地,故日 四之 其又疏 縣之地,故曰家邑。]王氏鳴盛 川 惟一 一, 四 是人造之。 澮。」一溝澮稠多,一溝澮稀少。 其異一。 者與大夫同食二十五里地於稍。 甸 非 大都; 人 成,以三隅反之,一 人所造。 一甸 《匠人》百里 【《遂人》云: 四縣者, 其 ,四縣人 其異二。 遂 其異三。 注 入溝 有澮 都之地, 縣 夫間 《遂人》云『九澮 一縱川 《周禮軍 四 同可見矣。 溝 溝 澮 有 都 洫之法 注 水注 横。 《匠人》不云夫 也。 遂,十夫有溝 故曰 人 入洫 其 賦 其 自 孤就 都 小 川 説》云: 《遂 夫間 税 餘 洫 都; 其溝 夫税 九 相 而 洫 四 於 ^ 人》 匠 井 而 澮 四 夫 III 都 王

田

五」,原誤作「二」,今從沈校據《周 禮

0

逆

間

準,初無不合。

鄭注《載師》云:「周税輕近而重遠,近者多

而役多,野九一而役少,會而通之,總

也。」則是國中什一

界森列,有條不紊,庸詎得如馬説也?

之法,如楚蔿掩所書者。

既言鄉遂用貢法,十夫有溝,則

經

「其實皆什一也」,聖

也

賢立言,文無虛設。

假令貢助果皆什一,則「其實」一語爲贅

唯立法「九一」、「什一」不同

,而論其實,則於中正

之

高下而爲之蓄洩,異於井田之溝洫,❶有一定之尺寸。

此言

地

,適足以啓慢其經界之弊矣。古人於高原下隰,別有通

行貢之地,無問高原下隰,截長補短,所爲溝洫者,不過隨

十夫有溝,當起義於此,豈得謂姑舉成數言之?

至則十

如五家爲比,二比則十夫,五家爲鄰,二鄰

蓋國中行鄉遂之法,皆五五相連屬,而五倍之

助。 皆什一,其理易明。 者,一家一人受田,其餘老小尚有餘力者受二十五 載之以俟考。 矣。一人之説已參差不一,其與趙氏之異,乂何若矣? 鄙異於鄉遂之説異。蓋又以郊内六鄉爲國中,遂以外皆野 用殷之助法,制公田不税夫。 自國門外皆然。 按: 趙氏以「國中」爲城中,野爲鄉遂都鄙通稱,則九一之制 鄭氏又謂孟子言「其實皆什一」據通率而言耳,則經文「九 畝,半於圭田,謂之餘夫也。 之民,養公田者受百畝,圭田半之,故 所謂「惟 人》注又謂野爲甸、稍、縣都,甸是六遂,則遂亦通爲野,與 十畝,所以 夫二十五畝。 津古者卿以下至於士,皆受圭田 一」、「什一」,文聯義對,鄭説雖巧而近於鑿,不得從之。」 乃鄭氏又以周制畿内用夏之貢法,稅夫無公田 士無田則亦不祭」,言絀士無絜田 共祭 卿以下必有圭田,圭田五十畝 依鄭氏則以國中當鄉遂用貢,野當都 祀。 孟子特立此文,以明助法九一之善。 圭,絜也。 既以都鄙井田異 受田者,田萊多少有 士田,故 五 十畝。 謂之圭 於鄉遂 也。 井 《遂 邦國 鄙 田 餘 若 夫 田 五 用

旨。

則十也。

係古人成法。

特姑舉成數言之,不必拘以十數。

此言殊謬。十夫有溝,明

其田

百畝。」竊嘗據鄭旨核分數,八家九百畝而公田百畝,通

匠

人》注云:「野九夫而税一。」《甫田

》箋云:「井税

一夫,

不税民之所自治。

之十一而

貢,井田之法,九夫爲井,井税一夫,美惡取於此,

其異四。」倪氏思寬《讀書記》云:「鄭氏

公私之率,無異家別一百一十二畝半。

於一百一十二畝

半

;其一十二畝半,則於九分之中而稅其一分,正合九一之

其數甚明,不待持籌而知也。馬端臨謂《遂人》之十夫

■「於」,原誤作「日」,今據《二初齋讀書記》改

二九〇

白

德 士田 下 注云: 則 禮記》云「圭爲而哀薦之饗」,注亦云:「圭,絜也。 利民之道 中下、《周 田 師》之士田 + 田 田 地 也 『吉圭爲饎。』」《吕氏春秋・尊師》篇云「必蠲絜」,高誘注云 蠲 蠲 E 、税之。」士以潔白而升,則與以圭田,使供祭祀,若以不潔 行潔白 必有圭田。』治圭田 無征」,注云:「夫猶治也。 畝。」」圭田既是仕田,則「卿以下」通大夫士而言, 所謂 者,士大夫之子得而耕之田也。」玄謂士讀爲仕,仕者亦受 官 讀日 制 ,以任近郊之地税什一。」孔氏正義云:「圭,潔也。 時 「蠲讀爲「吉圭惟饎」之圭。 載師》「以士田任近郊之地」,注云:「鄭司農云:『士 也。」《秋官・蜡氏》「凡國之大祭祀,令州里除不蠲」, 無 Ħ 圭」,是「圭」之義爲「絜」也。 主田也。《孟子》曰:「自卿以下必有圭田,圭田 也 也。 也。 禮 圭田、餘夫,孟子欲令復古,所以重祭祀、 而 夫 ₩ E 與之田。 《毛詩・小雅・天保》篇「吉蠲爲饎」,傳云: 圭 疏注「古者」至「十畝」○正 田 「餘夫亦如之」,亦如上中下之制 者不税,所以厚賢 無 殷所不税者,殷政寬厚,重賢人。 征 謂餘 征,税也。 圭,潔也。」《儀禮·士虞 夫、圭 《禮記 也。 《孟子》曰:「卿以 田 王制》云「夫圭 義曰:《周 此則《周 皆不 《詩》曰: 出 禮 即 征 禮 也 学之 《載 言 賦 周 五

> 《集解》引徐廣云:「一畦二十五畝。」《文選》注引劉熙 指不能成井者而言。 者,即授之田,正與餘夫一例。若然,則圭田不以潔取義,正 禮義,則歸之庶人。」然則士大夫之子孫,其不能嗣爲士大夫 耕、《荀子·王制》篇云:「雖王公士大夫之子孫,不能屬 與。」孫氏蘭《輿地隅説》云:「《孟子》「圭田」,或以圭訓潔 辭 揭車」,●王逸注:「五十畝曰 田,圭聲。」段氏玉裁《説文解字注》云:「《離 田以罰其不潔也。 於夏畦」云:「今俗以二十五畝爲小畦,以五十畝爲大畦。」 又即由圭形而稱焉者也。 此上二説與趙氏異。 者,合二句股之形。 非也。《九章•方田》有圭田求廣從法,有直田 也。』《孟子》曰:「圭田五十畝。」然則 圭田截小截大法,凡零星不成井之田,一 而黜 》倚沼 ,則收其田里,故士無田 畦瀛,王逸云: 《説文》田部云: 井田之外有圭田 不能 按:鄭司農以士田爲士大夫之子所 瀛,澤中 《史記・ 成井則以五十畝 畦。」《蜀都賦》劉 則 也。 不祭。 貨殖傳》云「千畦薑韭」, 一畦,田 畦从圭田 明 班 固 係零星不井者也。」 有 以圭法量之。 以 五. 爲 田 騒》 爲 + 以 會意 截圭田 畝 畦 注 畦 表其 畦 田 云: 日 ,畦之數 兼形聲 畦。 潔 Ŧī. 留 浜注 病 [法,有 《楚 + 夷 圭 於 畝 與 从 無

離 ·騷」,原脱,今從沈校據《說文解字注》補。

0

二十五畝。」彼餘夫與正夫不同者,彼餘夫是二十九已下未

餘夫,亦以口受田如比。 者爲不易上田,休一歲者爲一易中田,休二歲者爲再易下 受田,上田夫百晦,中田夫二百晦,下田夫三百晦。 則不拘何人,故趙氏兼言老小也。 云:「六鄉七萬五千家,家以七夫爲計,餘子弟多,三十壯 如比,則士工商以事人在官,而餘夫以力出耕公邑。」賈氏 也。」後鄭此處不注 鄭司農云:「户計一夫一婦而賦之田,其一户有數口者,餘 下地,以頒田里:上地夫一廛,田百晦,萊五十晦,餘夫亦 五畝」之餘夫不同。 人。」此云「如比」,則如一夫百畝之例,與《孟子》「餘夫二十 田、三歲更耕之、自爰其處。 口,名曰餘夫,以率受田二十五畝。」此趙氏義也。多於五 制也」❶○正義曰: ,其合受地,亦與正夫同。《孟子》云:「圭田五十畝,餘 中地夫一廛,田 「餘夫二十五畝」亦即蒙上 [百畮,萊二百畮,餘夫亦如之。] 注云:「萊,休不耕者。 也。 廛, 《地官·遂人》:「辨其野之土上地中 百晦,萊百晦,餘夫亦如之,下地夫一 居 ,而注於《載師》,云:「餘夫在遂地之中 宣公十五年《公羊傳》注云:「多於五 也。 士工商家受田,五口乃當農夫一 揚子雲有 農民户人已受田,其家衆男爲 圭田而 《漢書・食貨志》云:「民 田 言。 廛,謂百畝之居 ○注「餘夫」至 歲耕種 夫 有 疏 如 地 口 畝。 有妻,受口田,故二十五 予任毗」者也。 地可受,則六鄉餘夫等並出耕在遂地之中,百里之外,其 夫,其餘家口不得如成人,故五口乃當農夫一人。 夫成人,受田各受一夫,則云半農夫者是也。 故鄭注《内則》云: 「三十受田、給征役。」士與工商之家、丈 畝 又以餘夫任之。 六鄉,以九等受地,皆以一夫爲計,其

然則

畝。

若三十有妻,則受夫田

百

畝

其家内無

丈

(地則 。盡。

至於餘

夫

百里内

《孟子》,則是以《遂人》所云「餘夫亦如之」,即此「餘夫二十 於民,受地雖均百畝,然其子弟之衆或食不足而力有餘,則 如上中下之等,非亦如百畝也。 不同於《孟子》之餘夫。乃趙氏引《周禮・遂人》「餘夫」以 遂之餘夫,並亦在遂地之中受田矣。」如是則《遂人》之餘夫 夫亦如之」,故以爲此三十授田之餘夫,所授亦如一夫之百 五畝」之餘夫也。彼注者因上言「夫一廛,田 而又以百畝予之,則彼力有所不逮矣。 趙氏解《遂人》,謂一夫所受田萊多少有上中下,餘夫亦 制」,原誤作「等」,合於閩、監、 然餘夫之田不過二十五畝,以其家既受田 此《載芟》詩所謂「侯彊」、《周禮》所謂「以 陳詳道《禮書》云:「先王之 毛等本,今據本書 故其田 百晦」,下言「餘 四分農夫 及

廛,田

夫亦受此田

<sup>0</sup> 校所述宋、孔、韓等本注文改。

之一而 倒「夫」字於句 之,則周制畿内用夏之貢法,稅夫無公田, 耳」,下即引《孟子》此章文,云:「以《載師》職及《司馬法》論 稍、縣、都,皆無過十二」謂「田稅也,皆就夫稅之近輕遠重 之税,家税者,出士徒車輦給繇役。《考工記•匠人》注 接,不應别用助辭。 夫,當讀夫字斷 録 趙氏義矣。 萊之多寡而已,非謂餘夫亦受百畝之田如正農夫也。」此 合計夫,故不税夫,以優恤卿士之子孫,使得專力於祭祀也。 而不稅,關譏而不征,林麓川澤以時入而不禁」,皆以次銜 夫字直下讀,而夫之訓治,既少證佐,依趙注,則以夫爲 二十五晦,下地二十五晦,萊五十晦。 夫爲率,故有「夫家之征」,注謂「夫税家税」。 論 載師職》云「園廛二十而一,近郊十一,遠郊二十而三,甸、 語》、《 或讀夫音扶,則本文上承【古者,公田藉而不稅, 此圭田 《王制》「夫圭田無征」,注云云。 孟子》論之,周制邦國用殷之助法,制公田不稅夫 ○注「王制」至「道也」○正義曰"趙氏佑《温 上地田二十五晦,萊半之,中地二十五晦,萊 上也 在畿内,當稅夫而謂無征,正言圭田不稅夫。 ,與圭田爲二事 今按、《周禮》每言夫受田征税、皆必 蓋 井田 計 夫, 畝 ,而餘夫獨省去餘字,以 百爲夫, 圭田半之, 不 所謂 依鄭注,則《王 以《詩》、《春秋》、 「如之」者,如 夫税者,百畝 市 何 制 以 計 廛 餘 故 明 得 H 亦

更無餘· 衆以田 本如此。 字注》云:「《周禮・大司徒》:「不易之地家百晦,一易之地 也。 是。 援 易之地家三百畝,無偏枯不均也。」按: 當亦不計夫。」死徙無 是《王制》原可作夫字一句讀,與上市、 僖公十五年《左傳》,孔疏引服虔、孔晁皆云: 爰其處。」《公羊傳》注云:「三年一换土易居。」然則爰者,换 田之法。」《左傳》作「爰田」。 阮氏元《挍勘記》云:「「謂受土易居也肥磽也」,閩、 死 夫厚其生而薄其死,是敬其有知 謂」至「功也」○正義曰:《荀子・禮論》云::「死,人之終也 土易居,平 死」,則送死也。 也。 也。 平肥磽者,謂 爰土即《國語》之轅田。 《説文》走部云:「桓田,易居也。」段氏玉 夫在内。 ,易其彊畔,易亦换也。 《周書·大聚解》云: 廖本、孔本、韓本受作爰,上也字作平。 肥 磽 餘夫二十五畝,又半於圭田,其人老弱,或 也。 送死惟葬則有出鄉不出鄉之别,故云「葬 一易之地家百畝,再易之地家二百畝,三 不出 出鄉,注死謂 《食貨志》云:「三歲更耕之,自 賈侍中云: 其鄉,易爲 「墳墓相 古爰音與换近,故畔 而 慢其 關等 連、民乃有親。」是也 「晉於是作爰田」見 葬死也,徙謂 功 無 「轅,易也。 知 也。 「爰,易也。」賞 例,不必 也。」此 作爰作平 疏 監、毛二 《説 换即 注「死 訓 爲易 文解 但 治 爰 畔 굸

爰、轅

. 超、换四字音義同也。

古者每歲易其所耕,則田

班

田

一再易。

爰自在其田,不復易居也。」按,何云「换主易居」,

末世浸廢。

商鞅相

秦,復立爰田。

上

田不易,中田

一易,下

立阡陌,令民各有常制。」孟康云:「三年爰土易居,古制也。

三歲更耕,自爰其處。」《地理志》云「秦孝公用商君制轅田」,

歲者爲一易中田,休二歲者爲再易下田

爲不易上田,休一 田,上田夫百晦,中

田

夫二百晦,下田夫三百晦。

歲耕

張晏云:「周

制三年一易,以

同美惡。商鞅始割列田

地,開

田

故曰「自爰其處」。

孟康説古制易居爲爰田,商鞅自

在

其

0

云三年者,三年而上中下田徧焉。

三年後一年

仍

耕上

云「更耕自爰其處」,趙云「爰土易居」,許云「趙田易居」, 肥饒不得獨樂,燒埆不得獨苦, 廬皆 種者 晦, 也。 也〇〇 年 田 分上中下而少多之。得上田者百畝,得中田 察姦也。 禮 之害民,在開阡陌。」鄉 法,故曰「三歲更耕,自爰其處」。 畝,又明年仍耕上田之百畝,如是乃得有休一 百畝,明年耕中田二百畝之百畝,又明年耕下田三百畝之百 不復易居。 年 田 所 井之家,各相營勞也。 助,疾病相扶持, ·而徧。 以教民 耕百畝,一年而徧。 者三百畝,不令得田者彼此相易。 不 ·太宰》曰:「八日 復易居爲轅田,名同實異,孟説是 正 嗇夫别治。 義 故曰上田不易,中田 相 疾病相扶持,扶持其羸 EI: 《周禮》之制,得三等田者彼此相易,今年耕 親 睦之道。 説 从膼, 皀聲。 文》魁 則百姓親睦。 得下田 田 友,以任得民。」守 睦,和 出入相友,相 同 部 云 井, 三百畝者,亦 一易,下田再易,爰自在其田 封圻之内六鄉,六卿治之。 與商鞅法雖異而同 鄉, 也。 出 其得中 弱,救其困 也。 或 疏注[同 注同鄉之田 相 離 友耦 毎年 -田二百: 依 者二百 邑, 友,守望 歲、休二 孟 望 耕 則 民 鄉」至 相 也。 畝,得 急。 百畝,三 畝者,每 所 也。 商 助 歲之 封 鞅 F 相 和 皆 周 共 助 鞅 田 田

二歲一

墾,下田三歲一墾。

换主易居,財均力平。』《漢書・食貨志》云: 「民受

其野之土上地中地下地,以

頒

田里

上地夫一廛,田百

萊五十晦。

中地夫一廛,田

百晦,萊百晦。

下

地夫一廛,田

百晦,萊二百晦。」注:「萊謂休不耕者。」《公羊》何注云:

「司空謹别田之高下美惡,分爲三品:

上田

一歲一墾,中田

晦。

再易之地,休二歲乃復種,故家三百晦。1《遂人》:

一辨

之,美,故家百畮。

家二百

.晦,再易之地家三百晦。」大鄭云:「不易之地,歲

種

一易之地,休一歲乃復,地薄,故家二百

鄉」,原脱,今從沈校據《說文解字注》補

施行。 患難相 長; 也; 名 邑,名可 段 謂今之耕也 之人」即 畝 鄰,家得百畝,餘夫各得二十五畝。 里 謂 民乃有親。」《孟子》此文略同。 相 周 鄉之名甚析。 嗇 封 爾 共爲廬舍,各得二畝半。 書 上 夫 别 治 , 言 漢 制 ; 猶域 氏玉裁《説文解字注 而爲井,廣三百步,長三百步,一 恤 雅 飲食相約,興 釋州國》云: ,資喪比服; 專指 凡民所向往,國之别邑, 大聚解》云: 是以其民和親而相好。」此本《孟子》而衍之。「共井 救,有無相貸,飲食相召,嫁娶相謀,漁獵分得,仁恩 也 此八家爲鄰之謂也。 互 釋詁》云:「勞,勤也。」「各相營勞」謂 稱。 六鄉也。 所 誉 畿内六鄉,别乎六遂都鄙而言,此鄉之專名 封 析 而 八彈相 謂 合間立教,以 「鄉,向 言之,則國大邑小, 無 「以國爲邑,以邑爲鄉,以鄉爲間。 民域 《韓詩外傳》云: 獲 六鄉六卿 庸 者。」《 \*\text{\tin}\ext{\tin}\text{\text{\text{\text{\text{\text{\text{\text{\text{\text{\tin}\\\ \ti}\\\ \text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\text{\texi}\text{\text{\text{\text{\text{\text{\text{\text{\text{\text{\ti}\til\titt{\text{\text{\text{\ti}\}\tittt{\text{\text{\text{\text{\texi}\til\titt{\text{\text{\tilit}\tint{\text{\texit{\text{\til\tint{\text{\tin}\}\tittt{\text{\text{\til\tiint{\text{\tii}\t 其 也。 耦耕曰 八家相保,出入更守,疾病相憂, 中, 皆謂之鄉,此鄉之通名也。 廣 《吕氏春秋 衆所向 離 治之,謂周 所鄉, 雅 威爲長; 「同鄉之田 邑, 耘,男女有婚,墳墓 里其田九百畝。 家爲公田十畝,餘二十 釋 「古者八家 如 也。」以 謂 地》云: 國中離析爲若干邑。 言 歸 合族同親,以 離 禮。」按: 辨土》篇云: 往 」即同國同 宫 也。 同 各耕治其 誉 别 而 音 井。 館。 爲 劉 八家爲 此 耕 訓 熙 相連, 邑之 敬爲 田 也。」 禍災 分 或 田 **%** 也。 《釋 所 别 而 方 與

> 《漢書·食貨志》引《孟子》云: 《廣雅·釋詁》云:「望,候覗也。」 覗同伺,《一切經音義》引 《字林》云: 耦耕事」,高誘注云:「耦,合也。」農夫同志合耕,亦是友也 兼言守、司而以 察之,又戒備之,言察而守在矣。 知,望者,何察所未形。 云: 地四方,多賊姦些。」《淮南子・氾論訓》「姦符節」,高 相助」云「助察姦」,❶以察釋望也。 引《孟子》此文。 民,八曰友,以任 各盡其勤苦也。 「是故望人一守司其門户,審察其所先後。」守 「掌司斬殺戮者」,注云: 説文》又部云:「同志爲友。」《淮南子・時則訓》云「令農計 救,民是以和睦,而教化齊同,力役生産,可 「姦私,亦盜也。」是姦指 「伺,候也,察也。」伺亦通 「審察」自解之,則「審察 趙氏以「耦」釋「友」,故引《大宰》職證之。 得民。」 周禮 注云: 守之義易 「司,察也。」是也。 天官 盗 「友謂」 出 賊 大宰》: 《鬼谷子・ 入相 明,故略 《楚辭 而言。 作 同 司,《 友 井 」明 以 守者, 相 守 秋官 司 之,專言 招 故趙氏解 司即 合耦 九兩繫 得 望 捭闔》篇 亦 魂》云: 河平 相 兼明守矣。 防 守 耡 禁殺 備 望。 作 邦 也。」以 守守 疾病 所 誘 굸 或 一天 戮 上 린 之 伺 注 望

0 本 一姦」下,原有「恶」字,合於宋十行、閩、監、毛等本,今據 書及阮校所述廖、 孔 韓等本注文删

相

圃

家

畝半也」,閩、監、毛三本同,廖本、孔本、韓本、《攷文》

如井字,故爲一井也。 里者,九百畝之地也,爲一井。 是以和睦」,●是睦即和也。 共養其公田之苗稼。 事畢,然後敢治私事,所以 扶、持二字義同。 方一至「伍者也」〇正義曰: 廣野平疇,其脈必 (中爲公田,八家皆私 凡此皆由有以教化之本。 方者以爲例耳。 》篇云「以相羣居,以 無百十里直如繩、平如砥者。 若其田本方,安用算? 圃,家二畝半也。 是野人之事所 畫爲九,則積九百畝者,其方三百畝也。 方言》云:「扶,護也。」護 人有疾病則羸弱困急,保養之,即救護之 自山出。 阮氏元《挍勘記》云:「「以爲廬井宅園 或云: 公田八十畝,其餘二十畝以爲 相持養」、注云:「持養、保養也。」 方里而井。井九百畝 大約中出者必中高,邊出者必 方是法,不是形。 《食貨志》言之。《志》言「民 以别於士伍者也。 方者,開方也。「方一 百 先公後私,「遂及我私 山水之性,皆以曲而善走, 畝 别野人也。 八家各私得百畝,同 《孟子》方里云云,亦 同 亦 養公田。 救也。 古九數,一 《荀子· 注方一 里」謂 疏注 其形 公 書• 云: 田 副 圃 Ŧī. 也。

矣。

其

樂辱

救字代扶持。

縱横皆

里。

之義

也。

則

廬井宅園

即

日

方田。

邊

二畝半,税其一十二畝半,是九分取一也,無所爲公私也 助法八家皆私百畝,同養公田,則每以二畝半爲廬井宅園 畝半,是爲五畝之宅。」徹法九夫爲井,則每家受田一頃一十 古本無井字,一作二。 民,簡其兵器,以起征役。」則六遂亦當出六軍,鄉爲正,遂爲 出自六鄉。」則諸侯大國三軍亦當出自三 既分,而先後之期乃定也。 又《地官・小司徒》:「乃會萬民之卒伍而用之: 食,先之,私田,野人所食,後之.是「別野人於君子」也 然則「士伍」猶云士列也,即謂食禄之君子。 語》云「罷士無伍」,注云: ,實乃什一分之一也。 伍爲兩,四兩爲卒,五卒爲旅,五旅爲師, ,餘八十畝八家同養,是八百八十畝稅其八十畝,名爲九 爲居,井竈蔥韭取焉。」一作二,是也。 「萬二千五百人爲遂。」《遂人》職云: 費誓》云:「魯人三郊三遂。」孔氏正義云:「天子六軍 設百里之國,去國十里爲郊,則諸侯之制亦當鄉在 無井字非也。 此助法所以 「無行曰罷。 「野人」謂都鄙之人。 《穀梁傳》云: 善也。 無伍,無與爲伍也。」 此二畝半合城保一 鄉 「以歲時稽 五師 也。 惟是公私之田 公田,君子所 《國語 五人爲伍 《周 爲軍。」《尚 「古者公 禮》又 齊 人

「志言之志言」,據文意,疑衍「之志言」三字。

0

子 Œ 義

二九六

内,遂 者未知孰是。《挍勘記》云:「韓本、《考文》古本伍作位。」 也。」則「士伍」指鄉遂之人。鄉遂什一自賦,無公田私田之 王制》篇云:「故王者富民,霸者富士。」注云:「士,卒伍 分,則無先公後私之法,是「別都鄙之人於鄉遂之人」也。二 此其大略也。 「宣王能新美天下之士。」箋云:「士,軍士也。」《荀子 在郊外。 然則軍伍屬鄉郊。《毛詩・小雅・采芑》傳 若夫潤澤之,則在君與子矣。」

無

之,則在滕君與子共戮力撫循之也。 准略,要也。 其井田之大要如是。 而加慈惠潤澤 疏注「略要」至

高誘注云:「略,約要也。」約之義爲要,略、約音近 如是」〇正義曰:《淮南子·本經訓》云「其言略 而循 義 通也。 理」,

云: ○注 此法也,若無慈惠之心行之,則 而 「澤者、言其潤澤萬物以阜民用也。」井田 加」至「循之也」●○正義曰:《風俗 法 雖 立 而 民 仍 通 大要如 不被 Ш 其 澤 澤。 是。 常

而無光澤,所謂「有治人無治法」 之,則爲小惠,井田之法立而無撫循 拊與撫同。 荀子・富國》篇云:「垂事養民,拊循之,唲嘔之。」注云: 撫 循,慰悦之也。」無井田 也。 慈惠之意,則 注 之法 而加慈惠潤澤之」, 而徒撫 法亦 循 槁 唲啒 餒

> 眨惡。」又《禮書》云··「悉内六國禮儀,采擇其善。」韓本 之善」〇正義曰:《史記·太史公自序》云:「《春秋》采善 井田,賦什一,則爲國之大本也。 也,修學校,勸禮義,勅民事,正經界,均 「善之至也」四字。 章指: 言尊賢師,知采人之善,善之至 疏「知采人

孟子正義卷十終

孫授易授詩校 字

而」,原無,今據疏例及注文補

0

孔本無而字。

## 孟子正義卷十

江都縣鄉貢士焦循譔集

稱。 農爲「泰古二皇」,是也。 篇,六國時諸子疾時怠於農業,道耕農事,託之神農。」顏 稱伏羲、次神農、次黄帝、堯、舜並稱、《淮南子》以伏羲、 燧人也。 者、《白虎通·號》篇云:「三皇者,何謂也? 廛,居也。 許,姓,行,名也。治爲神農之道者。踵,至也。 而 告文公曰:「遠方之人聞君行仁政,願 廛而爲氓。」注神農,三皇之君,炎帝神農氏也。 疏注「神農」至「之稱」○正義曰:以神農氏爲「三皇」 有 或曰:伏羲、神農、祝融也。」按:《易・繋辭傳 爲神農之言者許行,自楚之滕,踵 《漢書‧藝文志》云:「農家者流,《神農》二十 自稱「遠方之人」。 女媧、祝融,孔子所未言,何足以配 願爲氓,氓,野人之 謂伏羲、神農、 省 受 門 神 師

廛即居也。 也。」《毛詩》「胡取禾三百廛兮」,傳云:「一夫之居曰廛。」是 神化、定尊卑、辨上下、爲萬世法、故孟子言必稱堯舜。 毒傷之害,故神農因天時,分地利,制耒耜,教民播種五穀 之與昏也。」《北堂書鈔・帝王部》引《尸子》云:「神農氏 教 策》篇云:「神農之世,公耕而食,婦織 於翟耳。《國策・齊策》「軍重踵高宛」,高誘注云:「踵,至 商之徒,仍託神農之言以惑天下,許行從而衍之,猶墨者之 久而耒耨之利,民皆粒食, 言」即「治神農之道」也。古之人民食鳥獸羸蛖之肉,多疾病 春秋·審時》篇「夫稼爲之者人也」,高誘注云:「爲,治也。」 言「並耕而治」,與許行同。 耕而食以勸農也。」尸佼,魯人,其書屬雜家,商鞅師之,其 受其寒矣。 不耕者,則天下或受其饑矣,女有當年而不績者,則天下或 治。」《吕氏春秋•愛類》篇云:「神農之教曰: 古云"「劉向《别録》云"「疑李悝及商君所説。」」《商子·畫 云"「神農氏夫負妻戴以治天下。堯曰"朕之比神農,猶且 禮記・大學》篇「道學也」,注云:「道,言也。」是「爲神農之 |即所謂「神農之言」也。《太平御覽・皇王部》引《尸子》 故身親耕,妻親績,所以見致民利也。」「神農之 氓與甿同、《周禮·地官·遂人》「凡治野,以下 黄帝堯舜垂衣裳而天下治, 許行之學,蓋出於尸佼。 ൬ 衣,刑政不用 士有 當 《吕氏 通變 年 而

氓」,《 曰: 劑 也。』《埤倉》曰 居 以 也 與之居處,舍之宅也。 徒 邊人云甿。」邊人亦即 日 稱 言 者,止舍之以廛宅也。 音 宅」,仍以其意未明,故又以「舍之宅」申 毛詩• 處,居也。」「文公與之處」即文公與之居,故以「居」解「處」。 也。」《荀子・ 供 氓。」《史記·三王世家》《索隱》出「邊甿」,云:「《三蒼》云 甿 甿 知 治 數十人皆衣褐, 義 《吕氏春秋·功名》篇云「故民無常處」,高誘注 貌 甿」云云,注云: 食飲 捆 淮南子・ 此變民言毗,直是異内外而已。」然則鄉遂稱民 甿 出 也。」賈氏 猶叩 羔裘》箋云:「舍猶處也。」《爾雅· 屬都鄙,故爲「野人」。 也。 捆 椓 屨 脩務訓》云「以寬民氓」,高誘注皆云"「 王制 也。 「捆, 做也。」從才。 疏 云: 疏 云: 注「 織 「變民言甿,異外内 》篇云:「定廛宅。」趙 都 ○注 丁 「文公與之居處 「大司徒、 屨 捆 鄙之民也。 其徒,學其業者也。 欲使堅,故叩之也。 音闡。 屨 ·捆猶」至「叩之也」〇 織 《國策・秦策》云「而不憂民 小小司 席 從木者誤也。 案 文公與之處,其 以 徒 許 舍之宅也」〇 爲食。 主六 也。 明之,謂 叔 氏既以「居」釋 釋言》云:「宅, 重 鄉 甿 日 皆云 猶懵。 一、加 衣褐, 正義曰: 與之居 主文公 張 賣 作裍 屨  $\Xi$ 「野民 民 正 都 懵, 貧 席 織 鄙 處 義 不

捆屨織 悦,盡 書 行神農之道也。 相 之 相捆 引許説蓋《淮 之際,祖述堯舜,憲章文武,宗師仲尼,以重其言,於道 堅」,堅亦緻也。 邪文,如今之綬,没黑見赤,亦其巧也。」謂織 衛之稚質,捆 音同。」又出 曰:「聞君行聖人之政,是亦聖人也,願 毛詩·大雅》「室家之壺」,箋云:「壺之言捆也。 弟。 氓。」 徒 藝文志》云: 緻。」孔氏正 陳 席, 聖人之政, 棄其學而學焉。 注陳 何以 相 「叩豚」、云: 南子》注。《 纂組。」高誘注云: 與 良, 爲 高注《淮南》同於許,趙注《孟子》同於高矣。 義云: 其弟 「儒家者流、游文於六經之中 食? 疏注「棄陳良之儒道」〇 儒者也; 謂 辛, 「捆逼而 仁 知 「丁音卓,擊也。 淮南子• 政 其 負 也。 注棄陳良之儒道 「賣之以供飲 陳 密 捆 耒 相, 脩務訓》云:「 a 緻。」 倒 陳 耜 ,叩椓。 良之門徒 相 而 從才旁豕。」此 見 即 食」也 自宋 組 纂,織。❶ 緻。 留留 正 許 耐 蔡之幼女 叩拯之也。 義 室家先以 意於仁 行 更學許 也; 之滕 叩 三 三 : 而 爲 陳 - 之使 爲 辛, 組 大 聖 良 漢

❶ 「織」,原脱,今從沈校據《淮南子》高注補。

則以仲尼爲歸。陳良「悦周公仲尼之道」,是儒家者流也。高。」《荀子・儒效》篇言大儒之效,首推周公,其對秦昭王,

乎 飧,趙衰以壺飧從」,皆不必夕時,渾言之也。《司儀》注云: 此析言之。《公羊傳》「趙盾食魚飧」、《左傳》「僖負羈饋盤 飧。 言孰,互文錯見也。 飧皆謂孰食,分别之則謂朝食夕食。 也。 至 府庫之富,是爲 並 而 爲 「《小雅》傳云「孰食曰饔」、《魏風》傳云「孰食曰飧」,然則饔、 養也,惡得賢?」注相言許子以爲古賢君當與 誠賢君也。 「事耳」○正義曰:《説文》食部云:「饕,孰食也。」「飧,餔 耕 治。 滕君未達至道也。 从夕食。」「餔,申時食也。」段氏玉裁《説文解字注》云: 當身自具其食,兼治民事耳。 而各自 三皇之時質樸無事,故道若此也。 陳 今也滕有倉 相見 食其 孟子,道許行之言曰: 雖然,未聞道也。 厲 力。 趙注《孟子》曰:「朝食曰饔,夕曰飧。」 病其民以自奉養,安得爲 賢者與民並 饔 廩 飧,熟食 府 庫,則是厲民 許於饗不言朝,於飧不 也。 注陳相言許行以 今滕賦税有 耕 朝 而 「滕 疏注「饔飧」 日 食, 饔, 而 君, 饔 以 賢 倉 夕 飧 則 自 君 民 廩 E

> 「小禮曰飧,大禮曰饔餼。」《掌客》: 饔。 故以「病」釋之也。 即壺飧。 響》云「賓客之飧饕饗食之事」是也。 上云「滕君則誠賢君」,此又云「惡得賢」,「賢」即指 也」,王肅云:「厲,病也。」此「厲民」正《論 病也。」《論語・子張》篇云「信而後勞其民,未信則以爲厲已 公》篇「饔飧而治」是也。」○注「是爲」至「君乎」○正義 飧」,❶傳云:「飧,熟食也。」合言之則曰飧饔,《周禮·外 篇「有母之尸饔」,毛傳云:「孰食曰饔。」《大東》篇「有饛 云;『《釋器》:「孰食謂之餕饔。」餕讀若飧。 《小雅・祈父》 飧與常食不同,且多腥,不皆孰食。」王氏念孫《廣雅 牢,侯伯飧四牢,饔餼七牢,子男飧三牢,饔餼五牢。」此饔 敬事供上日 奉,養也。」《説文》食部云:「養,供養也。」《周書・ |毛詩・大雅・思齊》篇「烈假不瑕」、箋讀烈爲厲、云: ·餕饔未就」,何休注云:「餕,熟食。 《淮南子·道應訓》「釐負羈遺之壺餕而加璧焉」,壺 是飧餕古通用。 恭」,注云:「供,奉也。」是「養」爲 昭公六年《左傳》云「奉之以仁」,注云: 倒言之則曰**饔**飧、《孟子· 昭二十五年《公羊傳》 「上公飧五牢,饗飯九 独 熟肉。一般響即 語》所云「厲己」 「奉養」也 上賢君 謚法 疏證 厲 滕文 E 餕 飧

❶ 「有」,原誤作「可」,今從沈校據《毛詩》改。

許子 也; 乎 ? 《天官·掌皮》「共其毳毛爲氈」,注云:「毳毛,毛細缛者。」 義曰: 惡之言 文》:「褐、編枲韈、一曰 趙氏不言 衣」,本《左傳》及高注也, 衣。」《説文》衣部云:「褐,編枲韤,一 攻廩丘之郛,主人焚衝,或濡馬褐以救之」,注云:「馬褐,馬 枲衣也。 而 淮南子・覽冥訓》云「短褐不完」,注云:「短褐,處器物之 然。」注相 編枲爲衣。」按:《説文》云「編枲韤」,此云「衣褐 後 云「粗布衣」,本《説文》「粗衣」也。 衣褐。 《周禮 衣乎?」注孟子曰:許子自織 褐,毛布,如今之馬衣也。」定公八年《左傳》云「侵齊, 曰:「否,許子衣褐。」注相 安也。 「取未績之麻,編之爲足衣,如今草鞵之類。 注 韈但言 딩 : 以毳織之,若今馬衣者 曰:然,許子自種之。 許 春 孟 子 衣也。 官 粗布衣也。 子曰:「許 必 司 自 粗衣。」《急就篇》「靸鞮卬 任氏大椿 服》鄭 云「枲衣」,本《説文》「編枲 身 種 司農注云:「毳,罽衣也。」 疏注「以毳」至「衣也」〇正 粟 子 深深 乃 必 曰粗衣。」趙氏云「馬 段氏玉裁《説文解字 食 衣釋例》云: 「許子必 也。 曰 : 種 之 布然後衣 邪 ? 粟 不自織 或 而 非 曰 : 枲衣亦 角 織 後 · 韤,故 日 「《説 褐韈 褐, 布, 韤 食 之 布

日

日

冠

垂至 褐。 也。 褐見; 乎?」注 衣,短而且狹,故謂之短褐,亦曰竪褐。」凡此言褐者,必曰 帝紀》「夫寒者利短褐」、《索隱》曰:「謂褐布坠裁爲勞役 完。」《新序》:「無鹽乃拂短褐,自請宣王。」《史記・秦始 注: 「豎褐童豎之褐,亦短褐也。」《淮南子·齊俗訓》: 寒,不得短褐而欲竊。」《荀子·大略》篇「衣則豎褐不完」 毛、枲、布而言之也。 短褐大布。」潘岳《籍田賦》「被褐振裾」,注:「褐,麤布也。」 子》注、《急就篇》注,並以褐爲毛布,《孟子》注又以褐爲編枲 巾」,注: 有管蹻跐踦短褐不完者。』《覽冥訓》:「霜雪 無衣,賤衣無褐。」則別褐於衣。 然則褐一衣耳,而毛、枲、布各異。 衣,又以褐爲粗布衣。 褐爲粗衣,又爲短衣,《晏子·諫上》篇: 『百姓老弱 地」,豈 師古《貢 「奚冠?」注孟子問許子何冠 衣帛,衣帛見」,則别褐於帛,即《説文》所云「粗 「褐,毛爲衣,或曰麤衣也。」按,《詩・ 孟子問相。 八禹傳 褐 之長 》注以褐爲布長襦、《演緐露》又以褐爲『裾 短亦 《詩•七月》『無衣無褐』,箋云: 《淮南子·齊物訓》注:「楚人謂 曰:「冠。」 有古今之異 《史記》劉敬 《説文》曰『粗衣』,蓋 油相 與?」「許子 也? 日日臣 「亟集, 七月》箋、《孟 曰: 衣褐,衣 短褐 冠 袍 也 一必 冠 衣 短 不 凍 爲 統

否邪? 也。 廩爨也。」此謂 也。」此因爨必於竈,故謂竈爲爨。《楚茨》傳云:『爨,雍爨、 傳 [婦人謂嫁歸] 是也。《特牲》、《少牢禮》注皆曰:「爨,竈 爨也。」又爨部云:「爨,齊謂炊爨。」段氏玉裁《説文解字 日: 疏注「織妨害於耕」○正義曰: 「害於耕。」注相 織?」注孟子曰:許子何爲不自織素乎? 孟子曰:許子自織素與? 害於耕」,閩、監、毛三本、孔本、韓本同,廖本紡作妨。 ·妨」是也。」《説文》女部云:「妨,害也。」故以「妨」釋「害」。 相 「齊謂炊爨者,齊人謂炊曰爨。 《説文》牛部云: 此言以釜甑爨, 孟子曰: 言許子以 許子以釜 相曰:許子冠素。 <u>坑</u>注「爨炊也」○正義曰:《説文》火部云:「炊, 竈。 許子寧以釜甑炊食,以鐵爲犂用之耕 粟易素。 釜甑 又曰:「踖踖、爨竈有容也。」此謂 「犂,耕 曰 : 甑爨,以 作竈,則爨不得又爲竈,故是「炊 織 也。」段氏玉裁《説文解字 妨害 曰 : 阮氏元《校勘記》云: 曰 : 曰 : 鐵耕乎?」注爨,炊 古言謂則不言曰,如毛 於耕,故不自織 「許子奚爲不自 「自織之與?」注 「否,以粟易之。」 「織 曰: 按,作 炊。 也。 注》 注 紡

注

臺耳。 也。 小, 甗一穿而大。 氏玉裁《説文解字注》云"「無底即所謂一穿。 器」○正義曰:《攷工記》:「稟氏爲量,改煎金錫則不 注 竈名,用以炊即以炊爲爨,猶犂本田器,用 云:「犂、耕二字互訓;皆謂 易之。」注相曰:不自作 或以竹爲之,俗呼蒸籠,亦甑之類也。 鍋。然土其下仍鐵其上,俗猶呼其上之鐵爲鍋,其下土爲鍋 其下、《説文》言「秦名土鬴 云「陶瓦器」。 算蔽甑底而加米其上,而餴之而餾之。」甑屬瓦陶爲之也, 無底甑。」《説文》瓦部云:「甑,甗也。」「甗,甑也,一穿。」段 寸,脣寸。甑實二鬴,厚半寸,脣寸,七穿。」鄭司農云:「甗 爲之也,故云「冶鐵」。《攷工記》:「陶人爲甗,實二鬴,厚 之以爲鬴,深尺,内方尺而圜其外,其實一 云:「鬴,鍑屬也。」重文: 孟子曰:許子自冶鐵 曰:「然。」注相曰:用之。 甑今以木爲之,其下亦以木爲櫺,則七穿之遺制矣, 按: 古釜有足如鼎,今釜無足,别以土爲鑪 一穿而大,則無底矣。」「其底七穿,故必 「釜,或從父金聲。」是釜屬 日 陶瓦器邪? 田器。」故云「以鐵爲犂」。 鐵 融」是也。 瓦 以 「自爲之與?」 粟易之也。 曰:「否,以粟 融讀若過,今俗 鬴。」《説文》鬲 以耕即以耕爲犂 疏注「冶鐵陶 蓋甑七穿 耗, 「以 爨本 金

粟者 交易,紛紛爲煩也? 病農夫乎? 粟易械器者不爲厲陶 止不肯皆自取之其宫宅中而用之。 也。厲,病也。 工交易? 舍皆取諸其宫中而用之? 党爲 何許子之不憚煩?」注械,器之總名 厲農夫哉? 且許子何爲不自陶冶? 以粟易器,不病陶冶 疏注「械器之總名也」○正義曰 冶,陶冶亦以其械器易 且許子何不爲陶 何爲紛紛然與百 陶 何爲反與百 舍者,止也。 冶亦何以 冶, 工. 爲 二十八年傳云: 「令無入僖負羈之宫。」《檀弓》云: 「季武子 云:「作于楚室。」是天子諸侯所居通

之器。 制》云「器械異制」,注云: 兵甲之專名,故 説文》木部云: 莊三十二年《公羊傳》以攻守之器爲械,而實非 《荀子・王制》篇言「喪祭械用」,《禮記 「械,桎梏也。 「謂作務之用。」《孟子》此文,又指 一曰器之總名。」桎梏爲刑罰 :桎梏 王

室也。 中而用之」,舍,止也。 也。」注相曰:百工之事固不可耕且爲,故交易也 而解又不同。」曰:「 止,又以「不肯」爲止,謂不肯皆自取宫室之中,則猶是止 稱宮焉。』」按: 宫是貴賤 千乘》篇云:「百姓不安其居,不樂其宫。」是士庶人通 哭。」是大夫通稱宫室也。 成寢、杜氏之喪在西階之下,請合葬焉。 喪服傳》云: 宅」解「宫」也。 《釋文》云:「古者貴賤同稱宫,秦漢以 「所適者,以其貨財爲之築宫廟。」《大戴 毛氏奇龄《四書賸言》云:「「舍皆取諸 百工 言止取宫中,不須外求也。 通稱,此許 《士昏禮》云:「請吾子之就宮。」 之 事 行所居 固 許之。 不 來惟 即 可 入宫而 廛 耕 趙 宅, Ŧ. 者所 注 且 禮 其宫 故 不敢 含 稱 爲 U 居 宫

下 行之非 百 當治天下政 T. 各爲其事,尚 然則治天下獨可 滕君不 事,此 親 耕也。 不 反 可 可 得 孟子 得 耕 耕 耕 且 謂 且爲與? 且 兼之,人君 五帝 爲邪? 以 來 有禮 注 自 欲 以 天 孟 義 子 子 窮 言 以 上 許

之室、室謂之宫。」邵

氏晉涵

Ē

義》云:

「《春秋》隱

五

年:

**『考仲子之宫。』《穀梁》文十三年傳云:** 

伯

禽日

大室,0羣

公曰宫。」是宫

廟

通

稱

宫 室

也。

左氏》莊

二 十

年傳

云

·號公爲王宫於玤。」《鄘詩》:「定之方中,作于楚宫。」又

「舍止也」至「用之」〇正義曰:

舍爲「居止」之止,此爲「禁

|甑耕犂而言,是凡器皆得稱械,故云「器之總名」也。

○注

止」之止,故又申解止爲「不肯」。

《爾雅

釋宮》云:「宮謂

三 〇 二

稱

宫

室也。

左

氏

》僖

<sup>0</sup> 「大」,原從邵書誤作「世」,今從沈校據《穀梁傳》改。

所見本無 【困之二二字。

路與露古通用。

並

君臣》篇云:

也」〇正義曰:

人也。

郎果切。」各本作「是率天下之人以羸困之路也」。 性」解之,是「率」即「導」也。《音義》出「路也」,云:「丁、張 之」,作即爲也。《荀子·富國》篇云:「故百技所成,所以養 明爲字斷,不與備字連也。「作之乃得用之」解「自爲而後用 云:「作,爲也。」諸經注或以爲釋作,或以作釋爲,二字轉 所作,作之乃得用之者,是率導天下之人以羸路 而路也。注孟子言人道自有大人之事,謂人君 工之所爲,備如必自爲而後用之,是率天下 云:「路與露同。」」又出「羸路」、云:「力爲切、字亦作羸、 此以「百工之所作」解「百工之所爲」,以備字倒加句上, 而能不能兼技,人不能兼官。」〇注「是率導」至「路 「道也者,上之所以導民也。」道爲導,而以 《禮記·中庸》云:「率性之謂道。」《管子 百工之所作」〇正義曰:《爾雅 且一人之身 言許子不知禮 一人而備百工之 「露羸」見於古書者 · 釋言 阮氏 而 也 也。 率 行 百 元 應。 修身》篇云「少而理曰治」、《淮南子・説山訓》云「幸善食之 子申上之辭也。 《國語‧魯語》公父文伯之母云:「君子勞心,小人勞力,先 多矣。《大雅》「串夷載路」,鄭箋以 而勿苦」,注云:「食,養也。」前章言「無君子莫治野人,無野 以先王之法,是以加「故曰」二字。「勞心者治人」以下,則孟 云「或勞心」,即君子勞心也,云「或勞力」,即小人勞力也 王之訓也。」是勞心勞力,古有此法。 年《左傳》知武子云:「君子勞心,小人勞力,先王之制 通義,所常行也。 君施教以治理之,民竭力治公田 治於人。治於人者食人,治人者食於人。 乃路」,房氏注曰:「路謂失其常居。」可爲此路字之證。」故 若奔走道路爲得。 下之通義也。注勞心者,君也,勞力者,民 瘠暴露也。《音義》前説是,亦作者非。」翟氏 曰:『或勞心,或勞力。』勞心者治人,勞力 趙注謂「導人羸困之路」,丁、張覺其未安而欲改字爲露,不 此添「困之」二字,其謬同也。 ○注「君施」至「其上」○正義曰:《荀子 《管子·四時》篇云「不知五穀之故 疏「故曰」至「義也」○正義曰: 力爲切,瘦也。 瘠釋路,俗 孟子上言大人小人,此 以 奉養其上。 灏《 攷異》云: 人乃

注。

疏注「一人而備

教化也;小人之事,謂農工商也。

下之事,不可復若三皇之道也。

有大人之事,有小人之事。

**羸路**謂瘦

國家

改

瘠爲

天下

也

天

者

襄公九

也。」

常 野人養君子之義。 破之,故孟子復引先王「勞心勞力」之辨以申明君子治野人、 孟子分别尊卑貴賤,持其並耕之説,同君子於小人,思有以 民,故不樂分别公私之界。 公事畢然後敢治私事 相助相扶持以親 君子也。 治野人也; 人莫養君子」。 而君子野人之辨明,不特小人之利,正君子之福也。 「奉養」釋「食」。 行」者也 彼云養云食,正是食即是養,故以 此云「勞力者治於人,治於人者食人」,即野 此云「勞心者治人、治人者食於人」,即 「施教化以治理之」,即使之同鄉共井,相 睦也,「民竭力治公田」,則八家同養公田 「義」而 也。 「通」,非一人之私言矣,故云「所 戰國時諸侯卿大夫但知多取於 不 知 助 法行則先公後私之分定 「理」釋「治 許行以 而 人養 君 子 友 以

也。 平 ; 林 獨憂之,舉 登 濫 而 , 禽獸 偪 於天下。草木暢茂,禽獸繁殖。 水盛,故草木暢茂, 反交於中 登,升也。 當堯之時,天下猶未平。 舜 人,獸蹄鳥迹之道交於 國。 五 而 穀不足升用 敷 懼害人,故堯獨憂念之。 治焉。 草木盛,故禽獸繁 也。 注 遭洪水,故天下 猛 洪水横流,氾 獸之迹當 中國 五穀 息 敷,治 衆 在 不 堯 Ш 多 未

「蕃、蕃息也。」《國

語 禮

晉

》「惡不殖 大司

也」,注

云 :

「殖,蕃

也。

繁

通作

蕃、《周

地

官 語

徒

》「以蕃鳥獸」,

注云:

注、《楚辭

傳云:「繁,多也。」《淮南子·氾論訓》「當市繁之時」高誘

·離騷》「佩繽紛其繁飾兮」王逸注,皆云:

草豐盛。」是「暢茂」爲「草木之盛」也。

《毛詩》「正月繁霜」

之所以長」,高誘注云:

「長猶盛也。」《説文》艸部云:

茂

小戎》傳云:

「暢轂、長轂也。」《吕氏春秋・知度》篇

「此神農

博文,則多而久之。」博多,説之盛也。 曰 : 也。 行,水逆行也。 流」二句申上「天下猶未平」也。凡事縱則 浮沉於中國。 云「折鋭摧矜,凝氾濫兮」,注云: 韻,故連稱之。 《楚辭・九辯》云「何氾濫之浮雲兮」,注云: 非其時也。 浮雲晻翳。]晻翳,雲之盛也。 説文》水部云:「濫,氾也。」「氾,濫也。」二字轉注。 吕氏春秋・執 孟子舉堯舜之事,明 《書》曰 0 經先言「天下未平」,注先言洪水,明 「禹敷土」,治土也。 注「遭洪」至「害人」〇 天下所以未平,缘洪水,水所以盛,缘逆 一》篇「神農以鴻」,高誘注云: 通變神化 《史記 「氾濫猶浮沉也。」水盛, 必法 疏「當堯之時」○ 正義 劉向《九歎・憂苦》篇 韓非傳》云: 堯舜。 日 : 順,横則逆。 鴻 洪 神農之言 、與鴻 「洪水 盛 氾 以疊 也。」 Œ 流 通 横 横 故 濫

惟逆流則浮沉於天下,而天下所以未平也。

《毛詩·秦風

也。」引《禹貢》「禹敷土」。 滕文公》篇「堯獨憂之,舉 怪鳥矣。《爾雅·釋詁》云: 憂念之,謂堯懼其傷害人,故憂念之也。 善用,猶穀不秀實則不足升用也。 年《左傳》「不登於俎」,●服虔注云:「登爲升。」是登即升 殖二字義同,「繁殖」即「繁息」,「繁息」即「衆多」也。 世家》云「自大賢之息」、《索隱》云:「息者,生也。」然則繁、 年《左傳》云「夫學殖也」,注云:「殖,生長也。」《史記・孔子 也。』《魯語》云「所以 亦「念」也。 言》云:「逼,迫也。」猛獸與人相迫近則害人,惟害人故堯獨 猶「升用」也。 「儀既成兮」,箋云:「成猶備也。」「成用」猶「備用」,「備用 成」,高誘注並云:「成,熟也。」「五穀不登」則五穀不成,故 秋・明理》篇云「五穀萎敗不成」,又《貴信》篇云「則五種不 農始升穀」,高誘注云:「升,成也。」其義亦同。《吕氏春 《爾雅• 」者,舉獸以見鳥也。 《禮記・檀弓》云「是故竹不成用」、《毛詩・齊風 王氏念孫《廣雅疏證》云:「傅,治也。《孟子・ 釋詁》云:「登,成也。」《淮南子•時則訓》云: 鄭氏解不成用爲不可善用,竹無邊騰則不可 生殖也」,注云:「殖,長也。」昭公十八 敷與傅同,故《史記·夏本紀》作 舜 見於《山海經》者,多猛獸,亦多 「憂,思也。」「念,思也。」是「憂 而 敷焉」,趙岐注云:「敷,治 偪,古逼字。《爾雅 經言「禽獸」 上注單言 隱公五 釋 烈,熾 0 禮·天官》「凌人掌冰」,杜子春 逃匿 禮 之有治字也。 一而遠 也。

登即成。

也。

即以理釋敷,亦正以分釋敷。 分也。」理之訓分,則治之義亦爲分。蓋趙氏以「治」釋「 地里也。」《禮記・樂記》云「樂者,通倫理者也」,注云:「 按"《禹貢》「禹敷土」、《史記集解》引馬氏 也。」二字轉注。《毛詩・小雅》「我疆我理」,傳云:「理,分 也。」《淮南子・原道訓》「夫能理三苗」,高誘注云:「理,治 火,使禹疏河,舜又使益、禹等分治之也。 堯一人獨憂,不能一人獨治,故使舜分治之。 也。」敷之訓布,布,散也,散亦分也。 「傅土」。今本《孟子》敷下有治字,後 「敷」,則趙本似無「治」字,乃今各本皆無無「治」字者。 · 喪服傳》云「故名者,人治之大者也」,注云:「治猶 舜使益掌火。 趙氏注經,每有此例,無碍 益烈山 然則 人 取 「敷治」即「分治」、 趙氏以 澤 注義 注 下文使益 云:「敷,分 而 加 焚之, 「治」釋 之也。」 《儀 理 理

禽獸逃匿。 竄也。 益視山 注掌,主也。 疏注 澤草 「掌主」至「正 木熾盛者而焚燒之,故禽獸 主火之官,猶古火正 讀掌冰 爲主冰,是 也」〇正 義 日 《周

猛獸

登」,原誤作「升」,今據《左傳》改。

文》:『栞,槎識也。』《國語 作「行山栞木」,又録《禹貢》「隨山栞木」作「行山表木」。 斧斤不可 焚之」,其説不同。 之。 熾,故云「熾山澤」,猶視以爲陋則云陋之,視以爲美則云美 木熾盛」者,以「熾」釋「烈」,又以 盛,即上所云「草木暢茂」也。 焚草木乃焚所當焚,不可謂之酷猛。 數》篇「無以烈味重酒 土代之也。《説文》火部云: 蓋先使益爲之,後命益爲虞,閼伯乃代益爲火正,其後又 祀大火而火紀時焉。 食於心,或食於咮,以出内火。 火正」者,襄公九年《左傳》晉士弱對晉侯曰:「古之火正,或 云:「《書》言「刊木」,而《孟子》云「舜使益掌火,益烈山澤而 云:「其威勢如猛火之炎熾。」是烈可 爾雅・釋言》:「熾,盛也。」《毛詩・商頌》「如火烈烈」,箋 主」也。 山刊木」,江氏聲 此視以爲烈,則云「烈山澤」也。 掌火猶掌冰,故「掌火」即「主火之官」。 除 者, 則 蓋刊乃常法,間有深林窮谷,薈蔚蒙蘢 《尚書集注音疏》云:「《史記•夏本紀 以 相土因之,故商主大火。」唐時有此 」,高誘注云: 炬 空之,殊 · 魯語》云『山不槎葉』, 賈逵注 「烈,火猛也。」《吕氏春秋 故以烈屬草木,謂「視山 陶唐氏之火正閼伯居商丘: 「盛」釋「熾 省人力。」按"《皋陶 「烈猶酷 訓熾。 以烈之從火與熾 胡氏渭《禹貢錐 也 熾爲盛,烈亦爲 也。」趙氏 云「猶古之 視 山 澤州 以 澤爲 《説 指 謨 同 官 相

得乎? 注云: 甲, 啓呱呱 疏九河」〇正義曰:《禹貢》: 年之中三過其家門而不 同,非《孟子》異於《尚書》也。 其意也。」然則刊木自爲表識道 之以爲表識,如孫臏斫大樹白 謂衺斫其木以爲表識也。」段氏玉裁《説文解字注》云: 害除,故中國之地 而 九 能匿也」,高誘注云:「匿猶逃也。」《説文》穴部云:「竄,匿 云:「槎,衺斫也。」《説文》木部亦云: 也,禹八年於外,三過其門而 也。」三字轉注,故以 遠」字也。 注之江,然後 河,瀹濟、漯 「導河積石,至于龍門,南至于華陰,東至于底柱,又東 「逃,竄也。」《淮南子· 注疏, 閩、監、毛三本「遠竄」上多「奔走」二字。 而 泣 ,予弗子。」如 通 而 可 也。 「鼠」釋「逃匿」。 中 注 得 或 諸 耕 瀹,治也; 濟 得 可 海,決 説林訓》云「清則見物之形,弗 《楚辭• 而 而書之曰「龐涓死此樹下」,是 里,與 食 得 此,寧 ·河爲兖州,九河既道。」又 也。 而 《書》 「槎、衺斫也。」「槎 此 汝、漢, 大招》云「魂無逃只」 排, 逃竄,則遠去,故 食 得 不入,雖欲耕, 禹 焚草木、驅禽獸 耕 壅 也。 i E 勤 乎? 也。 事 排 字壬 當 於 於是水 淮 外,八 疏 是時 禹 識 癸 泗 「禹 疏 加 不

土升也;

濟、伊、洛、瀍

土,土下容水,彼此相

混

南

也

且汾、洛、

觀底柱以上,地

虚之土,所以漸濁。

反凝結堅實而成冰;

地 散

日高;

蘇、簡、絜

、鉤盤、鬲津。

壅塞,故通利之也。

播

爲九河

同爲逆河,人于海。」《毛詩正義》引鄭氏注云:

河

水自

上至此,流

盛而

至于孟津,東過洛

汭

,至于大伾,北過

洚

水,至于大陸,又北

故水不容土,土不容水,彼此相. 則水反堅實,土反柔虚,此榮武以 則水復上升,土復下降,此河底所以日高。 問則不能濁,此積石以西之水所以最清,至積石東,漸遇柔 河之水出積石之西,寒凉之甚者也。 間、弓高以東,至平原、鬲津,往往有其遺處焉。」又云:「播, 也。」謝氏身山《黄河圖説》云:「水降土升,則河底日低而 温煖之地則水復柔虚,土復堅實,此榮武以下所以水升土 水升土降,則河底日高而地日低。 高河低,則水降土升,確然可見,滎陽以下, 徑、渭之源皆出西北寒凉之地,故水上容 水降土升,隨之而去,則溝底漸下。 九河之名: 土過寒凉,則反融化柔虚而爲塵。 、澗、池、沁之源皆出東南温煖之地, 而皆爲濁 周時齊桓公塞之,同爲一河。 地平無岸,故能 拒 徒駭、 上所以 而 河 此 皆 但水雖堅,流於衆石之 爲 太史、馬 祭武以上 水降土升也; 清 分爲九以衰其 在西北寒凉之地 河馬 凡水過寒凉 頰、覆釜、胡 ,此祭武以 一所以 今河 水降 至東 へ勢。 則 今 黄

水最 不 徙 鳴 「禹 名」,則非水也。 如 也 河。」孟 是 高 乘郡千乘; 四 省 貢 俗 如 念》、 章丘 .縣: .唐之水當爲漯水别支,《河渠書》云: 盛 道見之,曰『浮于濟、漯』,則二水之治可 此 可 惟 禹以爲河所從來者,高水湍悍,數爲敗,乃厮二渠以引其 《説文》本作濕,燥溼之溼《説文》本作溼。 通》、《釋名》皆作濟。 一糸,遂作漯,而濕轉爲溼。 ·疏九河,瀹濟漯」,皆在兖域。 濟 改 用 南 《尚書後案》云: 許 陰 而 也。 漯 康曰: 二渠,其一出貝丘西 長 則漯川 潔 書僅存古字耳。」胡氏渭《禹貢錐指 名郡、《志》及漢碑皆作 《尚書》、《周 ,平原郡高唐,桑欽言漯水所出, 雖似 Ш 水 四 以《水經注》、《元和 在 、新城、高苑、博興、樂安諸縣,皆古濟 潔 中 小誤 也。 惟《地理 沃。 河 河自王莽時遂定,惟用漯耳。』孟康言河 禮 「《漢志》言漯水所經 其以 水 所 最 過郡 志》引《禹貢》、《職方》作泲,然以 毛 春秋 北 禹 詩 釃二渠, 今小清河所 志》、《寰宇記 濕、溼二字混而無别。」王 者, 邶風 而經於濟、漯不言施功,以 濟,則知 傳、《爾 南南折者,即 謂 》有沸字,而 『禹導河,至大伾,於 東郡、平原、千乘 爲漯 知矣。 經 漢 雅》、《史記 二,漯陰; 除東武陽 》云:「《孟子 隸改日爲田,又 川,此用 》諸 人皆用濟, ,自歷 書考之,濟 「濟潔」之 河之經 傳 水所行 城 三,千 記》、《風 云『地 以 古 尚 東 義 也  $\stackrel{>}{\exists}$ 班 流 有 氏 濟

淮。」襄

7城晉

置

汝陰魏置

· 在

晉

則歷 盧

六縣

説

文》言

汝

出宏農盧氏還

歸

Щ

班

《志》:

氏縣

熊

耳 也

在

東,伊

水

出

東 水

釋例》、 《漢書 **造水數之**,歷南陽、 郡者,定陵在汝南、 城 北,至河南梁縣東 僅存爲一,故《續志》屬潁川耳。」班氏於魯陽序滍水 Щ 汝南郡無定陵。 南至定人汝。」潁川郡亦有定陵、《續郡國志》潁 新蔡, 行 北則古河 而 人汝,於定陵序汝入淮,定陵以 云"「有魯山 水,過三 正 大清河 東北 義曰:《禹貢》云: 河 汝水所出。」汝南定陵蓋即 入淮,過郡四,行千三百四十里。」南 漯二瀆,其小清河則斷爲濟水故道也。」○「決汝漢」○ 郭 如 地理志》汝南郡 滋, 璞 水所經。 所 濟陽、齊東、青城諸縣,則 經,自 至于大别,南入于江。」而汝水,《禹 山 , 滍水所 海 劉昭注於潁川定陵引《地道記》云: 歷城以 南 經 河南、潁川、汝南,故有四 潁川之間,故分屬之。 蓋宋時河嘗 經 出,東北至定陵,入汝。 注 「嶓冢導 襄城、 並 定陵云: 上至東阿,固皆 云: 漾, 潁川定陵,前漢有 潁 行潔 西統汝於滍,滍 「汝出 川、汝 東 「高陵山 瀆,及河 流爲漢,又東爲 皆古潔水 南陽 南至 |濟水 光武時省併爲 魯陽 ,汝水出 縣 陽 汝 去則大清 故道 又有 所行 川郡 以 陰 寝 信 郡 縣 亦 杜 貢》無 魯 縣分 大 汝 昆水, 預 有 至定 「高 盂 陽 東 滄 也 蒲 丽 **奉** 定 浪之 縣 縣 Ш 隸 南 河 臺 自 陵 陵 東 秋 連 東 以 人 兩 注 兼 歷 然

若禹不築堰

則

下

流散漫,何以入海?

蓋高堰創

江,又導之由天長、六合以入江,所謂『排

淮 巢

也。

人江之口漸淤,今故蹟猶存

也。

或曰高堰

始於陳 泗」者

登,

海 淮

, 其 流

(餘波之流散不盡者,又導之由

廬州

湖

脂

河 江

禹

則開清江

渠,堰其下流入揚之處,一

自清 胭

又見流千里會泗

,至清江浦

人海。

揚州地勢散漫,不能

高誘注

 $\Xi$ 

猛

Щ,

也。 而 「導

在汝南定陵縣,汝水所

之天息也。

《淮南子

地形訓》云:「汝出

猛

長短讀,蒙谷即猛山

,而猛與盂形近而譌,大盂

Ш

即猛

Ш

東

南至新蔡入淮。」此

據班 名高陸

氏

未知其指。

○「排淮泗

之江」○正義曰:《禹貢》云:

淮

自桐

栢

東會于泗

記》。

蓋汝自魯陽,越百餘里始至梁縣,《元和志》謂出

鄉 許

西 氏

天息山,此本《山海

經》,非班、許義也。

雕注於滍

雖與班氏異,而其指則同。

若《水經》言出河南梁

流

,始言汝水趣

狼皋

Щ

狼皋在梁縣西南

六十里

一,見

之,故《水經注》言汝出

魯陽大盂縣山蒙栢谷西,即

盧 氏

北,然則

漢 時

盧

近氏縣在

伊

水之南,與魯陽爲接

(壤,酈

縣

是

出

魯

山縣之天息山

,是又以魯陽大盂

混

人

三〇九

按 知 引《通俗文》云:「以湯煑物曰瀹。」皆與此文不合。 《莊子· 也。 <u></u> -理 之轉,互文耳。 淮流不爲洪澤湖之患。」上言「注諸海」,此言「注之江」,之、 芍 泄、肥水之流通淮,達於菏澤,菏澤合泲、泗之流,故云[達于 又淮流與江通之證矣。 淮 作「棄之」。」〇注 諸異者,王氏引之《經傳釋詞》云:「之猶諸也。 王 淮 豐,爲今霍丘地,禹迹至此排淮,故導江有「至大别」之文,此 湖之水,夏間猶達合肥,古迹可尋求也。 水中,故梁韋 廣 志》作「真諸」。 '陂宣洩,盛夏水漲,則逕合肥入巢湖以達於江,故宋以 一溝通之後也。 · 南支入巢湖」,合於《爾雅 北遊》云: 泗。 雅 《淮 「疏,通也。」《國語 《説文》水部云: 南子 從此達河,則至禹都矣。 「汝齊戒疏滿其心。」滿與疏連文,當與疏同義。 叡堰水破城。 疏, 原道 《詩・伐檀》篇「寘之河之側兮」、《漢書 淮之上游壽春,東則有施、 治 「疏通」至「壅也」〇 襄二十六年《左傳》『棄諸堤下』,《五行志》 也。」趙 訓 「瀹,漬也。」字同於鬻。《一切經音義 》高誘注云:「疏,分也。 周語 然則夏時貢道,正可由巢湖溯施 近世水利不修,淮 氏 》歸異同 》云「疏爲川谷,以導其氣」是 以 治 江、淮、 釋 正 出之説。 |義曰:《説文》正 、泗通流,不必 之,仍 且古説大別 肥 、肥流斷 通流,西則有 合肥城 之、諸 既 以 釃 爲 爲二, 疏 在吴 然巢 在 在 耳。 聲 地 前 安 四 部

人淮之汝,不可云「決淮、汝 以一 也。 淮,所壅者淮,實壅泗也。 使注於江。 汝、穎諸流之人於淮者,不可以此壅之,故於泗口以西,決之 漲於江矣。 推抵之, 偪令東入於海。 於泗口之下築隄以束之,不使其流漲洩於樊良、射陽之間 則決之,在下則排之。 而東,在上則汝、潁、沙、渦等水入之,在下則泗挾沂 水者也。」淮將南溢,蔽塞其南以拒之,壅即抵之推之使東 文》手部云:「排,擠也。」「擠,排也。」「抵 氏上以「治 又播爲九。」釃、播皆分,疏、瀹 而 子不知准,並不知汝邪? 亦不人江。 也。」排、抵、擠、推,皆拒而退去之之名,與通相反,故趙氏 「壅」解之。 潁 淮受諸水,泗口以東,地勢散漫,難於專流入海,故在上 趙氏蓋指高堰與? 渦等水在 」釋「敷」,此以 乃壅障之功,施於泗入淮以下,可以 壅與雍同、《周禮·雍氏》注云:「雍,謂隄 此地泗未入淮,所決者淮, 而《孟子》以汝、漢並稱爲決,下承「注江」,豈孟 其中。 下 趙氏以壅解排 -以泗 有此排而 且説者疑准、泗不入江,乃汝入淮 言「排 嘗細推之,有精義焉。 「治」釋「瀹」,皆兼 」,致與下句沓複,故云「決汝 與淮 亦皆分也。 泗」而沂在其中,言 並言 淮乃挾泗入海,而 ,義爲至精。 ,實決汝 明 開通 泗 有分義 擠也。」「推 人淮; 也; 亦分義。 淮自 壅 何爲壅? 也。 此 泗 不致 泗 入之。 防 既 《説 而 止 以 排 趙

漢」。 以 矣。 漢合入江也。 《詩》言「江漢浮浮」,孔氏正義引大别在廬江安豐縣界,則 預、 解。 使合漢水以注之江,泗入淮則壅之使並入於海,故云「決汝 江 又決出、由天長、六合人江、而潁、沙、渦諸水入淮之勢又洩 之,汝水至汝寧、鳳陽之間汝口入淮,至霍丘西決出會於巢 諸海」,故此但言「注江」,此古人屬文互見之法也。 江者,汝、漢之決也, 注海者,淮、泗之排也。 言「決淮 漢合處在揚州之境。 漢 上縣入淮、沙水、渦水自懷遠縣入淮 湖入江,淮決即汝決,而汝入淮之勢洩矣。又東則潁水自潁 合,故云「決汝、漢」,謂決汝以合於漢,而南注之江也。 決汝、淮」而言「決汝、漢」,明淮決於六安、安豐間人漢,與 壅釋排、《孟子》之義益顯。 一,轉壅障人江之路,排之使專由安東注海。 酈元疑大别不在安豐之非也。 排淮泗而注之江」。 又東,沂、泗乃自宿遷入淮,而淮勢又盛,遂不決之人 於《孟子》稱「決汝、漢」,可以考見當時之地勢,益 是時漢在安豐之間入江,汝入淮而決之入江,蓋與漢 一而言 孟子此文,至精至妙,補《禹貢》所未詳。 「決汝 一,明決淮所以 漢近淮,故淮水之決出者與之合。 自漢不至安豐而汝、漢之合遂莫可 班固撰《漢書・地理志》,其言 決汝入淮之勢也; 宣王命召公平淮夷 ,而淮勢又盛。 汝入淮則決之 以上文言「注 至 以今推 趙氏 不 蓋注 知杜 盱 不 言 江 而 胎 0 也。 云 : 云: 訓 謂

│ 《孟子》乎? ○注「書曰」至「弗子」○正義曰:《皋陶謨》文。 水道多用互見,最爲奇奧,而爲地理之學者,尚不能識之,況

其穀麥; 麥菽也」○正義曰:《素問・金匱真言論》云:「東方青色」 其穀稻; 民人育。 何」,傳云:「藝,樹也。」《説文》 異部云: 云「而樹麻與菽」、《淮南子・本經訓》「益樹蓮菱」,高誘並注 「地道敏樹」,注云:「樹,殖也。」《毛詩・齊風》「藝麻如之 云:「樹,種也。」《方言》云:「樹植,立也。」《禮記・ 人育」也。 種亦可訓植 稻、❶黍、稷、麥、菽也。 「帝曰: 「樹、生植之總名也。」是樹、藝、種、植四字義通,故 ○注「樹種藝殖也」。 「后稷教民稼穡,樹藝五穀。 北方黑色、其穀豆。」《周禮・夏官・職方》:「揚 南方赤色、其穀黍、中央黄色、其穀稷、西方白色、 注棄爲后稷也。 棄,黎民阻飢,汝后稷播 ,藝可訓 植亦可訓種 ○正義曰:《吕氏春秋·任 五穀所以養人也,故言「民 樹,種; 也。 時百穀。」是棄爲后稷 ○注「五穀謂稻黍稷 藝,殖 藝,種 五穀 也。 也。」木部 中 熟 地 Ŧī. 樹 庸 》篇 而 穀 可

「謂」,原誤作「爲」,今據廖本改。

穀大名也。 通 禾,皆兼黍、稷、稻、粱言之。 死。」「粟,嘉穀實也。」「米,粟實也。」「粱,米名也。」《聘禮》米 之謬。」其攷梁云:「《説文》:「禾,嘉穀也。二月始生,八月 其言稷者,類皆冒粟之名。 所值之年,穀之或昌或疾,東西南朔之地,地各有所宜種矣, 形狀、吕氏、淮南子,其所著書,往 程氏瑶田《九穀攷》云"「鄭康成氏注《周官・大宰》職之『九 四 州 而孰,得時之中,故謂之禾。 黍之黏者爲稷,或以黍之不黏者爲稷。 而 周官・倉人職》「掌粟人之藏」、注:「九穀盡藏焉,以粟爲 稱,抑 相 .獨不及於稷,而鄭衆、班固、服虔、孫炎、韋昭、郭璞之流 種、黍、稷、稻、麥。 州 荆 納 冒。 黍、稷、稻、粱、 州 二者,言人人殊。 稼專 宜稻 以事難件繫、 州宜黍稷,幽州 及搜尋鄭氏説、稷、粱兼收、黍、稷不溷、足正諸 《七月》詩云『禾麻菽麥』,禾爲諸穀中之一物明 言禾者,稼以禾爲主,故重見於 ,豫州、并州宜 麻、 五種,黍、稷、菽、稻、麥。」趙氏所本也。 有足相包者,屬文之法耳,非謂禾爲諸 鄭氏注三禮及箋《詩》,獨不詳稷之 大豆、小豆、麥、苽。 宜三種。」注云:「三種、黍、稷、稻。 唐以前,以粟爲稷,唐以後或以 五種,青州宜稻麥,兖州宜四 以他穀連稾者,不别立名,假借 禾,木也。 往言諸穀之得時,及太歲 今讀《説文》,較然不 木王而生,金王 上以 南方無 目之也 黍, 種, 而 家 而

> 爲增損。 也。 呼粟米之純白者曰粱米。先鄭注「九穀」有稷無粱,然於「六 《禮經》相畔,及其注「百穀」,於稷之外又復舉粱。 穀」則稷、粱並録。 是粱即粟矣。 之也。五穀於六穀中缺其一,不知宜缺何穀,不能據六穀 之宜」而知之,於九穀必入粱者,據《食醫》「六穀」有粱而 穀」,从司農説「稌、黍、稷、粱、麥、苽」,蓋據《食醫》「會膳 穀』曰『麻、黍、稷、麥、豆』,據《月令》之文,《膳夫》『王用 之説,吾於是服康成氏之識之卓也。 稷又逸粱。 穀見於經者判然兩事,秦漢以後溷 主。」鄭氏注《大宰職》「九穀」中無粟,此言九穀以粟爲 《内則》言飯有粱,又有黄粱,是粱者白粱也,今北 且五穀養疾,宜與藏氣相應,故直據《月令》配五 後鄭知稷、粱之不可相 《史記索隱》載《三蒼》云: 韋昭注《國語》,直曰「稷、粱也」。 無也 而 一之,舉粱輒逸稷,舉 其注《疾醫職》之『五 而毅然改司農九穀 「粱,好粟。」其 主, 顯 方猶 則 與 意

《大戴禮》注,亦皆同之。《素問》論五方之穀曰:「麥、黍、與《月令》同物。顏師古注《漢書・食貨志》之「五種」,盧辨「麻、黍、稷、麥、豆」,鄭氏據之注《疾醫》。《史記・天官書》故据所已見之四種而益之以菽。諸家言五穀者,《月令》曰

州所見有稻、黍、稷、麥四種,四種有稻,而《月令》五穀無稻

其注《職方》「宜五種」不据《月令》者,以本經他

者爲之注。

黍、稷、菽、麥、稻也。」《五常政大論》又進麻爲「木穀」, 以上言五穀者十二事,皆有稷無 亦可以爲諸經之左證矣。」其攷 黏者爲秫,北方謂之 之,全同後鄭。 稷、菽、麥、 一斗爲上 秶,齊 南子》 五 五 下 丽 稌,宜黍,宜稷,宜粱,宜 故以「五穀養」解「民人育」。 正義曰:《說文》去部云:「育,養子使作善也。」是育即 條,其麥、稻、菽、苽等攷不具録。 氏攷「九穀」精確不移,見載《通藝録》中,略録其梁、稷、黍三 稱黍矣。 獨有異名、祭尚黍也,不黏者有糜與穄之名,於是黏者得專 屬,故簠簋實糜爲之以供祭祀,故異其名曰 對文異,散文則通。 禾爲黍屬而不黏者也。 也。」「穄、糜也。」《説文》以禾況黍、謂黍爲禾屬而黏者、非 文》:「黍、禾屬而黏者也。 爲主,是賤者食稷,不可以冒粟爲稷也。」其攷黍云: 云: 「賤者食稷耳。」今北方富室食以粟爲主,賤者食以 重稷也。 農説九穀,稷、秫並見; 「菽、麥、蕡、稻、黍、粱、秫,惟所欲」,見秫則不見稷。 衣、逸居而 《説文》摩、穄互釋,稷、齋互釋,其爲二物甚明。」 《良耜》之箋云:「豐年之時 無教,則 飯用不黏者,黏者釀酒及爲餌資酏 禾屬而黏者黍,則禾屬而不黏者糜 後鄭不從,入梁去秫,以其闕梁 麥,宜苽,見稷則不見秫。 近 以大暑而種,故謂之黍。」「糜, 於禽獸。 人之有道也,飽 ○注「五穀所以養人也」○ 雖賤 聖人有憂之, 穄。 者 猶 黍之不黏 食黍。』 食、煖 故 内 「《説 粥之 高 而 鄭 養 程 者 穄 謂 粱 疏 司

穀:

稻、稷、麥、豆、麻也。』《大招

》於五穀外明言有菰有粱:

而

王逸則以粱爲菰米之美稱,是亦有稷無粱。

種:

至「火穀」則麥、黍互用。

《楚辭

大招》[五穀六仞,

設菰粱

只」,王逸注:

「五穀」注:

「菽、麥、黍、稷、稻。」《漢書音義》韋昭曰:

『五土所宜,曰黍、秫、菽、麥、稻。』《淮

(管子・地員》:

稻」、《漢書

地理

志

》引《職

方氏》,師古注

稻、豆。」鄭

氏注《

職方氏》之「五

種

曰「黍、

稷云:「《説文》:

「稷,齋也,五穀之長。」「齊,稷也。

高大似

蘆。

《月令》:『孟

春

行冬令,首種不人。」鄭氏注:

「舊説首種

·謂稷。」今以北方諸穀播種先後攷之:

高粱最先

高粱,或謂之紅粱,通謂之秫。秫又謂之蜀黍,蓋穄之類

重文。」「秫,稷之黏者。」稷,齊大名也。

尊。』稷、粟二穀,兩不相冒,

尊,稷米一斗得

酒

斗爲中

· 尊

粟

米一

斗 得酒

斗

爲

言五方之穀曰麥、黍、稲、粟、菽。

粟,粱也,是爲有粱無稷。

《汲冢周

書

(漢書·平當傳》注如淳曰:「律:

稻米一斗得酒

粟次之,黍糜又次之,則首種者高粱也。 而又先種,謂之五穀之長,不亦宜乎? 《周官· 諸穀惟高粱最高大 食醫職》宜 使契爲司 徒,教 以人倫:父子 有親,君臣有

日仁日 天道。 事 也。 所 庸 有親,君臣有義,夫婦有别,長幼有序,朋友有信」,此即《中 其大經不出乎五者也。 之交也,五者天下之達道也。」言身之所行,舉凡 之性。」言人物分於天道,是以不齊也。 道以有人物也。 物 兄兄弟弟、朋友貴信,是爲契之教也。 主人,教以 五品不遜,汝作司徒,敬敷五教,在寬。」此「使契爲司徒」之 「有信」○正義曰:《虞書・堯典》云:「帝曰: 也。 :性,率性之謂道。」言日用事爲皆由性起,無非本於天道 》所言「脩道之謂教」也。 則凡生生所 行皆是也。 3,夫婦 禮曰 戴氏震《孟子字義疏證》云:「人道,人倫日用,身之 天地之氣化流行不已,生生不息。 陽之謂 庸》又曰: 有 義 人事。 别, 有事,亦如氣化之不可已,是謂道。 在天地則氣化流行,生生不息,是謂道,在人 道。 稱其純粹中 《大戴禮記》曰:「分於道謂之命,形於一謂 長幼有敘,朋 『君臣也,父子也,夫婦也,昆弟也 繼之者,善也。 父父子子、君 孟子稱「契爲司徒、教以人倫、父子 正之名。 曰性曰道,指其實體實事之名; 成之者,性也。」言有天 君臣 人道本於性,而 友有信。 《中庸》曰:「天命之 然而生 臣、 契,百姓不親 疏「人之」至 夫 日用事爲 《易》曰: 夫婦 於陸者 注 性原 司徒 朋 婦 人 於 友 然

曰 : 道,純 天地之大德曰生,物之不以生而以殺者,豈天地之失德 於是乎盡。 歸於必然,適完其自然,此之謂自然之極致,天地人物之道 天,成性雖 正之名,性者,指其實體實事之名。 道」而下及「人物」,不徒曰「成之者性」,而先曰「繼之者善」, 正,然而即謂之達道者,達諸天下而不可廢也。 交,五者爲達道,但舉實事而已,智仁勇以行之而 之道曰仁與義」,所謂「中節之爲達道」是 道」、「立天之道曰陰與陽,立 故語道於天地,舉其實體實事 於北者習於寒而不耐温:此資之以爲養者,彼受之以害生。 水 繼謂人物於天地,其善固 仁」及「聖人脩之以爲教」是也。 「天下之達道五」是也。 於人,人倫日用,咸道之實事,「率性之謂道」、「脩身以 心知有明闇,當其明則不失,當其闇則有差謬之失,故 而 「仁者見之謂之仁,智者見之謂之智,百姓日用 死,生於水者離水而死, 粹中正,推之天下而準也。 殊而其善也 在天道不分言,而在人物分言之始明。 則 此所謂「道不可不脩」者也,「脩 繼承不隔 地之道 善,其 生於南者習於温而 而 其純粹中正,則所謂「立 君臣父子夫婦昆弟朋 道自 者也。 必然也; 一事之善,則  $\Box$ 見,二一 柔與剛. 善者 也也。 性,其 」是也 陰一 ,稱其純 中 《易》言『天 不 節之爲 後純 而 自然也 耐 事合於 陽之謂 寒, 不 粹中 粹中 友之 道」、 人之 道 語道 哉 生 人 以

長幼爲人倫之二矣。 之義,如之何其廢之?

日:

古經

極重名實,猶是君臣父子諸

言,必

戰國相傳別

有如此。

大來曰:

孟子所言「人倫」在春

孟子所

時已有之。

《論語》子路曰:「長幼之節,不可廢也。

君臣 臣、

欲潔其身而亂大倫。」則亦以

君

不以五達道爲五倫,不使《孟子》「人倫」闌入一字。

教」,正義謂「五教即教之義、慈、友、恭、孝五者」。 漢唐儒者 至「五品不遜」,正義謂「五品即父母兄弟子五者」,「敬敷五 典者,五常之教,父義,母慈,兄友,弟恭,子孝,五者是也。」

紀》述五教亦無異辭。

因之《虞書》「慎徽五典」,傳云:「五

秋》「義方」、《大學》「慈孝」、《康誥》「友恭」相左證。 《五帝 在寬。」是當時五倫只父母兄弟子五者,而其爲教則又與《春 友,弟恭,子孝,謂之五教。」而杜預注云: 「契作司徒,五 道在無。

程

氏

故君子之道鮮矣。」言限於成性而後,不能盡斯道者,衆也。」

瑶田《通藝録・論學小記》云: 「吾學之道在有,釋氏之

奇齡

《四書賸言補》云:「契所教人倫,在《尚書》舊傳,極是

總見《春秋》文十八年傳季文子引臧文仲之言,使史

「高辛氏舉八元,使布五教於四方,父義,母慈,兄

教

以有倫故盡倫,以有職故盡職。

誠者,實有焉而已矣。」毛氏

有親,君臣則有義,夫婦則有別,長幼則有序,朋友則有信。

有父子,有君臣,有夫婦,有長幼,有朋友。

父子則

明

白。

克告日

當。

友;

也。

臣、父父、子子。」《家人》專以門內言之,故不及 之」,言聖人又憂之也。 云 : 其真。 舉六者,爲君陳古義,倍弒之事非所宜言。 不間舊,小不加大,淫不破義。 而 成。」民即人也。 疑《孟子》也。 同於鄭氏。 烏知非石碏 夫婦之際,所宜深諱。」然則古人議事,原無 慈」「子孝」「兄愛」「弟敬」。 逆」「六順」,則省「下倍上」「臣殺君」,但言「君義」「臣行」「父 言人言徒者,徒,衆也。 徒」至「教也」○正義曰:"《禮記・祭法》云:"「契爲司徒而民 有恒心,無恒 有道也」,言人之爲道如此也,若言人之爲道也。 家道正。」《論語 ·家人》《彖傳》云:「父父、子子、兄兄、弟弟、夫夫、婦婦 「五常之道,仁義禮智信也。」王肅以五常爲五 爲「人事 《禮記·樂記》云: 司徒五教,宜以《孟子》爲定論,未可據《左傳》以 . 産 例? 王氏引之《經傳釋詞》云"「家大人曰"【人之 《白虎通· 者無恒 此 顔淵》篇: 孟子深於《詩》、《書》,所目「五教」,宜得 教 又字承上文憂洪水而言。」〇注 重民衆。」趙氏所本也。 心。」爲、有一聲之轉。 「道五常之行。」《論衡 以 惠氏棟《九經古義》云:「石碏止 封公侯》篇云:「司徒主人: 人 「孔子對齊景公曰: 隱公三年《左傳》石碏言「六 事」,亦 以 人 又公方暱嬖人, 一定,史克所説 事 趙氏前 『聖人有 解 「有恒産者 君君、 人 問孔》篇 品,亦不 君 倫 臣 解明 也。 司 不 憂 朋 臣

也。

别之,亦有不能别而具越、實兩音者。 子、君君、臣臣、夫夫、婦婦、兄兄、弟弟,又益以「朋友貴信 兄弟五者,自不可缺一,故趙氏合《易》、《論語》而言父父、子 來之」以下竄入《尚書》「敬敷五教在寬」之後,妄甚。」按"孔 日二字形近易譌,唐石經日字皆作曰、《釋文》於曰字每加音 自上文「當堯之時天下猶未平」至此,皆敘事之辭 振其羸窮,加德 之,匡正直其曲 勳,堯號也。 輔之翼之,使自得之,又從 臣、夫婦、朋友矣。 臣。」《兑》《象傳》言「朋友講習」,則君臣、夫婦、朋友與父子、 《經義雜記》云:「孫宣公《音義》引丁音日 按、趙注云云、意不以爲堯之言、則今讀日爲越者、誤 是爲契之所教,則五教之中不得偏指父子、兄弟而缺君 乃《序卦傳》云:「有夫婦而後有父子,有父子而後有君 0 對齊景切其時事,故僅舉君臣、父子,亦立言各有 遭水災,恐其小民放辟邪侈,故勞 惠 心,使自得其本善性 放勳日勞之來之, 匡之直之, 也。 疏 「放勳日」() 而 無識者横取此「勞之 振德之。 ,然後又復從 音 正義曰: 「馹,或 也 作 臧氏 蓋曰 :曰,誤 注放 來 丽 其

<sup>0</sup> 「臣」,原誤作「原」,今據經解本改。

氏

古之稱氏,如宓犧氏、神農氏、女媧

高陽氏、《左傳》亦稱

高陽等同稱也。 高辛,是爲帝嚳。

《漢書・

轅

係 氏

以

氏。

以

軒 轅、高

陽

例之,放勳之爲號信矣。《堯典》稱

、共工氏、夏后氏,是其 ,則放勳當同。」按:

號;

如斟灌氏、斟尋氏、皆國號

而

聲《尚書集注音疏》云:「《大戴禮・帝系》篇云:「少典産軒 皆實謂舜,豈本史臣贊舜之詞,屈子因以爲舜號乎?」江氏 重華遊乎瑶之圃」、《懷沙》云「重華不可啎兮」,重華凡三見, 最近古、《離騷》云「就重華而陳詞」、《九章・涉江》云「吾與 典》曰「放勳乃殂落」,許氏《説文》正同。《屈原賦》二十五篇 應,與《大學》「日日新又日新」同。下云「聖人之憂民如此 **,是爲黃帝。」又「昌意産高陽,是爲帝顓頊」。 又「蟜極産** 閻氏若璩《釋地又續》云:「古帝王有名有號,如堯、舜、 不然,徒使益、禹等勤勞,放勳轉有暇矣。 放勳、重華、文命、皆其號也。《孟子》引古《堯 帝嚳産放勳,是爲帝堯。」是放勳與軒 不自已也,日日勞來,医直輔翼,所 高陽氏、高辛氏、軒轅、 古今人表》云黄帝軒轅氏,帝顓頊 ○注「放勳堯號也」○正義 作日是也。 日字與又字相 高陽等既 皆是 言既 以 一面 轅 然 《淮南子・原道訓》云「則名實同居」,高誘注云:「勢位 《説文》: 「軭,車戾也。」字通作匡。《攷工記・輪人》「則輪 篇「昭兹來許」,鄭箋云: 軒轅。虞舜者,名曰 雖敝不匡」,鄭衆注云:"匡,枉也。」枉亦匡也、《説文》云: 來之」,亦謂聖人之勤民也。」又云:「輕,盭也。 而不相勞來」,皆謂勤也。 文》: 「勑,勞勑也。」《爾雅》: 「勞、來,勤也。」《大雅・下武 堯勞來之,不罰責之也。 之名也。」《周書・謚法解》云「大行受大名,細行受細名」,注 「允子朱」,稱「鯀」,皆名,其云「有鰥在下曰虞舜」,鄭氏注 云:「弓弩多匡輆者。」枉謂之匡,故正枉亦謂之匡,《孟子・ 曰:趙氏讀「放勳日」,故如是解也。 云:「名謂號謚。」是也。 「獸皮之韋,可以束枉戾相違背。」是也。 『日夜勞來,定我西土」,《墨子・尚賢》篇云『垂其股肱之力 「虞氏舜名」,是也。《史記・五帝本紀》云:「黄帝者,名 「重華。 「來,勤也。」《史記・周紀》武 《孟子・滕文公》篇 ○注「遭水」至「惠也」●○正 王氏念孫《廣雅 夏禹,名曰文命。」名號 遭水災,民爲不善,故 《管子·輕重甲》篇 疏證》云: 「放勳日勞之 戾與盭通 通 |《説

禹,其名也;

日

暇耕乎」四字正從「日」字一貫。

緊承此數語。

者,使自得之也而未已也,又從而振德之。

爵

號

義

稱

命益、禹、稷、契而

本作「放勳日」,與《音義》同

,他本俱作曰。

0 及阮校所述廖、孔、韓等本注文改 惠」,原作「德」,合於宋十行、閩、監、 毛等本,今據本書

王

Ы

Œ 義

名。 其蒙而復歸於善焉。 「直其曲心」,則匡爲正其邪心也。 滕文公》篇云:『匡之直之。』義有 三本「災恐」作「逆行」。」聖人之憂民 阮 而 語 篇云「張儀所德於天下者」,高誘注云:「德 窮」,此振義同。 乏絶」,高誘注云:「振,救也。」昭公十四年《傳》云「分貧振 直之,使自得之。」孟氏所本歟? 是所爲使自得之也。 通其變使民不倦 無爲而治,無 而不直 也。」趙氏以「正」釋「匡」。「匡,正也」、《爾雅 氏元《校勘記》云: 振救其羸 憲問》篇云「何以報德」,注云:「德,恩惠之德也。」又從 遭水災恐其小民 邪 而不正,放勳不憚其勤而匡之直之,使有以開牖 窮 一日息其勤民之念,實無一 而 「羸窮」即乏絶貧窮也。《吕氏春秋・報恩》 神 加 以 而化之使民宜之,所以匡之直之者,如 三 《大戴記· 放 恩德、皆孟子稱述放勳 「「堯號也」,廖本、《攷文》古本號作 正而 僻邪侈」,宋本恐作 必申 子張問人官》篇云:「枉 《吕氏春秋·季春紀》「振 相 人性本善,遭水災則心曲 反 以「使自得」者,此聖人 而 實相 如此 日見其勤民之迹, 您。 猶恩也。」《論 勤 因 者,皆 民之事也。 釋言》文。 閩、監、 而 暇 L此類 耕 毛 而

堯 以 不 得舜爲己憂,舜以 不 . 得 禹、 皋 陶

人君之道哉!

德盛乎,巍巍乎有天下之位,雖

貴

乎 ?

注

重

喻

陳

相

不用 下傳與 焉。 知 焉。』堯舜之治天 人難。 得賢聖之臣、舉禹、皋陶也。 禹而右皋陶,不下席而天下治。」孟子本曾子之言,故於舜所 君 以「治」釋「易」。 正義曰:《毛詩 皋陶爲己憂」○正義曰:《大戴禮・ 爲己憂,農夫以百畝不易治爲己憂。 天下得人者謂之仁。 也。 爲己憂。 其所由來。 ! 分人 於耕耳。 君哉,舜也 惟天爲大,惟堯則之,蕩蕩乎民 人尚爲易也。 注爲天下求能治天下者 夫以 以 財 堯法天,故民 是故以天下與人易,爲天下 甫田》「禾易長畝」,傳云:「易,治也。」故 注天道蕩蕩乎大無 謂之惠,教 百畝之不易爲己 ! 下,豈 孔子曰: 巍巍 ○注「農夫以不易治爲己憂」○ 注言聖人以不得賢聖之臣 無 無能名堯德 乎 人以 所 主言》篇云:「昔者舜左 有 難 用 『大哉,堯 得 善謂 私、生 天下 其 疏 也,故言以 憂者,農 心 者 舜以不得 也 萬物 哉 ? 之忠,爲 加 無 不 之 能 舜 而 爲 與 得 夫 名 得 亦 不 天

三八

執

,故無爲。

民運行於聖人之元亨利貞,猶衆星運行於天

不

能

與益。

知,故 也。 以 譬如北辰,居其所而衆星共之。」包氏注云: 子言「聖而不可知之之謂神」、「殺之而不怨,利之而不庸,民 所滋益於人也。 禮•士昏禮記》「我與在」,注云:「與猶兼也。」奇、兼皆加多 日 如字。」如字則讀「與之庾」「與之釜」之與,有所施於人,亦有 之義,故以「益」釋「與」。 巍」,注云: 以其無私,故趙氏既以「大」釋「蕩蕩」,又以「無私」申大之義 堯舜蕩 集解》引包云:「蕩蕩,廣遠之稱。」廣遠亦大也。 禮記・射義》云「與爲人後者」,注云:「與猶奇也。」《儀 天道」至「耕也」○正義曰:引孔子之言見《論語・泰伯》第 寒暑日月運行爲道,聖人以元亨利貞運行爲德,用中而不 遷善而不知爲之者,故君子所過者化,所存者神」。 其云「巍巍乎舜禹之有天下也而不與焉」,與此小異。 《方言》云:「巍,高也。」《楚辭 無能名,無爲而治,故不可 蕩 「巍巍,大貌。」高、大亦盛,故趙氏以「盛」釋之。 巍巍如此,但不用心於躬自耕也。 《周書·謚法解》云:「民無能名曰神。」孟 《音義》出「不與」,云:「下音預,又 知。 ·遠遊》「貌揭揭以 《論語》: 「德者無爲。」天 「爲政以德, 所以大者 不可 巍

之? 何以爲德? 子之言而申明之云「豈無所用心哉」,蓋惟恐説者誤以「民 能勞力以躬耕乎? 化,此堯舜之「用其心」也。「用心」即「勞心」,勞心如此,何 爲「爲政以德」。 爲而治」,即不能「民無能名」,亦即不能「有天下而不與」,是 則勞,其法疏而心以聯之則密。 面」,曰「脩己以敬」,曰「使民不倦」,曰「使民宜之」,非用 能名」、「有天下而不與」爲屏棄一切,無所用心。 無爲」,正堯舜之「用 故堯舜治天下,非不以政不以法,其政逸而心以運 何以爲恭爲敬? 執其兩端,用其中於民,此堯舜所以通變神 心。 日 「爲政以德」,曰「恭己 非運以心,聯以 何以能使民不倦 心,不 蓋堯舜 孟子述孔 ,使民宜 能 IF. 之 南 之

也。 注當以諸夏之禮義化變夷蠻之人耳,未聞變化於夷 北方之學者未能或之先也。 良,楚産也,悦周 蠻之人,則其道也。 謂效法夷蠻之道。 吾聞 用 夏 變 公仲尼之道,北學於中國。 疏注「則其道也」〇正義曰: 閩、監、毛三本 夷者, 未聞 彼,所謂豪傑之 作「同 變於 其 夷 道 者 則,法 也。 陳

辛也。 者也 士也。 語 冢上祭祀壇 後 聲,然後歸。 字見《禮記 君 形體》云:「背,倍也。 大學》云「而民不倍」,注云: 按:《荀子•大略》篇云: 之」,云:「丁云:「義當作偝,古字借用耳。」下「子倍」同。」 非之也。 慎終 ,背行先些」,注亦云::「背,倍也。」偝、背、倍三字通。 歸 治任將歸,入揖於子貢,相嚮 >云「負任儋何、服牛軺馬 生民》篇云「是任是負」,箋云: ),可謂豪傑過人之士也。 追 注陳良生於楚,北游中國,學者不能 數十年師事陳良,良死而倍之,更學於許 任, 子之兄弟事之數十年,師 遠 坊記》。 疏 場也。 也 師 擔也。 子貢反築室於場,獨居三年,然 死 疏注 而遂倍之」〇 在後稱也。」《楚辭 子貢獨於場左右築室復三年, 昔者孔子没,三年之外, 失聲,悲不能 「教 「任擔 ,以周四方」,注云: 「倍,或作偝。」劉熙《釋名 而 也一〇 不稱 子之兄弟,謂 「抱負以歸。」《國 正義曰: 師 正 ,謂之倍。」《禮 成聲。 義 招魂》云「工 日 而哭,皆失 《音義》出 Ⅰ:《毛 死 「背曰負,肩 陳相 而 場,孔子 育先之 詩 語 遂 · 大 祝 記 行。 一倍 門 倍 陳 偝 釋 齊 招

注云: 孔 也。 揚子《法言》謂之「靈場」,《説文》謂之「祭神道也」,後人樹 巾拭閎泣。」此言先伏地而 皆哭失聲。」此失聲正謂放聲。 《禮記·檀弓》云:「文伯卒,朋友諸臣未有 謂之嗴哴。」哭極音絶,啼極無聲,此趙氏所云「悲不能成 兒泣而不止謂之嗴,哭極音絶,亦謂之嗴,平 載於車者,通謂之任,散言之則通也。 也。」孕懷抱在前,則任之爲抱,其本義也。 我牛」,傳云: 文》土部云: 云"「王莽斥出王閎,太后憐之,閎伏泣失聲, 記·樂記》注 E 於齊。」高誘注云:「任,載 有輓輦者,有將車者,有罄傍牛者。」《淮南子•道應訓》云: 甯越欲干齊桓公,困窮無以自達,於是爲商旅,將任車以 儋。 」○正義曰:《方言》云:「自關而西秦晉之間,凡大人小 |至「三年」〇正義曰: 按: 任, 除地曰場。」蓋於冢墓之南,築地使平坦 失亦與佚通,佚之言放,「失聲」或 抱也。 「場,祭神道也。」《國語 云: 「任者,輦者,車者,牛者。」箋云:「有負任者 何,揭也。』《毛詩・ 「孕,任也。」《郊特牲》注 《爾雅 泣,繼而至於放聲也。 也。」按: 《太平御覽》引《漢名臣奏 釋宮》云: • 楚語》云「壇場之所」 婦人懷子爲 小雅》「我任 ○注「失聲悲不能 出涕者, 亦謂 因而擔於肩者 場,道 太后親自以 ·原謂 云:「孕,任子 以爲祭祀 我輦 「放聲」也 任子、《禮 啼 也。」《説 而 極 注「場 内人 我 無 聲 碑 手 商 車 磬 成

游

夏五六月,盛陽也。 禄來反」,傳云:「反,復也。」趙氏以「復」釋「反」,故云「復三 師,師之如夫子時也。」趙氏所本也。 疏注「有若」至「孔子」○正義曰:《史記・仲尼弟子列傳》 欲以有若之質放聖人之坐席乎? 聖人之潔白如濯之江漢,暴之秋陽。 朝夕奉事之,如事孔子,以慰思也。 之, 皜皜乎不可尚已!』注有若之貌似孔子, 此 子,曾子曰:『不可。 游以有若似聖人,欲以所事孔子事之。彊曾 氏若璩《釋地續》云:「反云者,子貢送諸弟子各歸去,己獨 云:「孔子既没,弟子思慕,有若狀似孔子,弟子相與共立爲 曰:「甚哉,有子之言似夫子也!」」然則有子之似夫子, :左偏右,猶倚廬、堊室之偏倚東壁也。 「子貢反築室於場」爲一句,「反」字連「築室」也。 或曰反,復也。」他日,子夏、子張、子 而不可復見,故欲尊有若以作聖人, 神道 皜皜,甚白也。 在家 江漢以濯之, 秋陽以 前、未可 《禮記·檀弓》云:「子 當 尊師道、故 《毛詩·周頌》「福 曾子不肯,以爲 正中而室,故知 何可尚? 秋陽,周之秋, 不肯。 而乃 暴 閻 在 《説文》: 《説文解字注》云: 名。 來訓作潔白。 云: 也。 不特狀貌然矣。 杲,白也。』《漢書 白也」〇正義曰: 自好者始有高潔之目,此 狷者爲「不屑不潔之士」,司馬遷稱屈原「其志潔」,大抵獨行 王氏 · 司馬

三子者思孔子

於此

,謂之神道碑。

偏

年」,讀

還次於墓所。

子·内業》篇云:"【杲乎如登乎天。』《孟子·滕文公》篇「皜 暘之義當從鄭。《孟子》「秋陽以暴之」亦當作「秋暘」。」周 暘」,某氏傳云:「雨以潤物,暘以乾物。」《祭義》「夏后 毛氏奇龄《四書索解》云:「「江漢以濯之、秋陽以暴之」,從 皜乎不可尚已」,趙氏注云:「皜皜,甚白也。」義與杲相近。」 同,字又作晦,重言之則曰 其闇,殷人祭其陽,周人祭日,以朝及闇』,鄭云:『闇 六月,又當日中,最能乾物。 建子,改時改月,故周之秋乃夏之夏,周之七八月乃夏之五 故夫子稱「丈人欲潔其身」、孟子稱「西子蒙不潔」、又 陽讀爲「日雨日暘」之暘,謂 「周之秋,於夏爲盛陽也。」亦仍趙氏也。 「杲,明也。」《衛風 夫道德無言潔白者,惟志行分清濁,則有 ○注「秋陽」至「陽也」○正 「暘,日出也。 念孫 相 **嘀嘀。**」又云:「杲之言皎皎 如傳》云:『暠然白首。』暠 《廣雅 《文選》注引綦母 伯兮》篇: 日中時也。 《洪範》「八庶徵 疏證》云: 義曰: 「杲杲出日。」《管 朝,日出 「《釋訓》: ○注 邃《孟子 段 「皜 日 時 氏 香 與果 順語 也。」 氏 雨 玉 「杲 是 IE 肼 祭 裁 日

非聖德也。

夫子自云 不曰白乎

陽之暴也。 釋天》云: 湼 也。」」趙氏意本此。 曰:《史記·仲尼弟子列傳》云:「他日弟子進問曰」云云, 貢也。 其如天之皜皜不可上矣,此曾子之推崇比擬尤逾於宰我、子 濯也,不能及江漢之濯也,同一火,燔燎可暴也,不能 也「不可上」即子貢云「猶天之不可階而升也」。 皓皓也。」然則皜皜謂孔子盛德如天之元氣皓旰。 首以爲期」,注云:「皓與顥,古字通。」《説文》頁部云: 也。」按: 毛氏説是也。《列子·湯問》篇云「皜然疑乎雪」, 之《詩序》「《白華》,孝子之潔白」,此但以物言,並不以德言 夫子也。 「皜皜乎不可上」,以天比夫子也。 同一水,池沼可 「江漢以濯之」,以江漢比夫子也,「秋陽以暴之」,以秋陽比 釋文》云:「皜,又作皓。」《文選·李少卿與蘇武詩》云「皓 有若默然 超堯越舜」,而僅云「潔白」,非其旨矣。 同。 而不淄」。 《楚詞》曰:「天白顥顥。」」皜皜即是顥顥。 徒以爲潔白,良非矣。 豈有曾子擬夫子,反不若子貢之[如天如日],宰我之 「夏爲昊天。」劉熙《釋名・釋天》云:「其氣布 乃以江漢擬之猶未足也,以秋陽擬之猶未盡也, 祇以不爲物污,與《屈原傳》之「皭然泥而不滓」 以 應。 阮氏元《挍勘記》云:「『於聖人之坐席 弟子起 日: ○注「放聖」至「席乎」○正義 有子 避之, 況潔白二字,曾見 此非子之座 以此推之 《爾雅 尚即 及秋 「 顥, Ė 散

《詩》云「七月鳴鴃」,應陰而殺物者也。 棘而鳴其上。」注《淮南 《禮記·月令》云:「仲夏之月,鶪始鳴。」《大戴禮 放。《音義》出「質放」。 乎」,閩、監、毛三本同。 月,陰作於下,陽發於上,伯勞夏至後,應陰 勞也。」高誘注《吕氏春秋・ 鴃,故趙氏以 云:「五月鴃則鳴。 也。」引《詩》在《豳風・七月》篇第二章,亦云「七月鳴鶪」。 舌 傷害道德,惡如鴃舌,與曾子之心亦異遠 古,非先聖王堯舜之道,不務仁義而 學之,亦異於曾子矣。 出深谷,上喬木,今子反下喬木,入深谷。 行乃南楚蠻夷,其舌之惡如鴃 木者,未聞下喬木而入於幽谷者。 南蠻鴃舌之人,非先王之道。子倍子之師 至「物者也」〇正義曰:《爾雅 「鴃」爲 鴃者,百鷯也。」百鷯即伯勞,是鶪通作 「博勞」。 廖本、孔本、韓本、《攷文》古本於作 放是也。 時則訓》云: 仲夏紀》云:「鶪,伯勞也。 鄭氏 吾聞出於幽谷遷于 放者,今之做字。」今也 · 釋鳥 》云: 《月令》注 鳥耳。 「五月,陰氣生於下 欲 而 使君 鴃, 亦云: 許子托於大 殺蛇,磔之於 注今此許 也。 · 夏小 博勞 「鶪,伯勞 疏注「其 臣 並 人當 也。 Ē 喬 而 是

作「止喬木」,非是。

《魯頌》曰:『戎狄是膺,荆舒

0 0

谷」爲「深谷」。下云「下喬木」,則「遷」是「上喬木」矣。俗本

《爾雅·釋言》云:「幽,深也。」故解「幽

有若。

孟子謂陳相之倍陳良而從許

也」貫下斥陳相。

猶疏也。」《淮南子・道應訓》「襄子疏隊而擊之」,高誘 也。」《吕氏春秋・知接》篇「願君之遠易牙」、高誘注云:「遠 氏明以「夷」釋「蠻」,非謂其音之蠻與鴃舌同也。 並耕之説害之,故惡如伯勞之舌,非謂其聲之曉曉啅譟 云:「疏,分也。」以是通之,則異有遠義,故以「遠」釋「異」。 禮記·王制》云:「南方曰蠻。」許行楚人,故稱「南蠻」。 許子「傷害道德,惡如鴃舌」,正以鴃應陰氣而鳴,鳴則 趙氏注「惡如鴃舌」以上斥許行,「與曾子之心亦遠 堯舜仁義之道,亦天地之生氣也。許子以 南蠻言其地,鴃舌言其賊害也。 正義曰:《説文》異部云:「異,分 行,異於曾子之尊孔子而不 南蠻不皆 ○注 也。 趙 事 傷 異 注

鴃舌, 鴃舌不必南蠻。

與曾子」至「人深谷」○

害天地之生氣。

謂 動 説恐未然也。

曹植《惡鳥論》云:

陽爲生仁養,陰爲殺殘賊。

伯勞蓋賊害之鳥也。」趙氏 「伯勞以五月鳴,應陰氣而 鄭

氏謂

地晚寒」,豳極西北,寒當早於中國,晚寒之

風 伯

》獨云七月者,王肅謂古五字如七,則《詩》亦本是五月

勞夏至應陰

而鳴。」伯

勞即

博勞,伯、

博

聲之轉

也。

豳

鳴

話」,原誤作「詩」,今據《爾雅》改

年」,原誤作「王」,今從沈本據《史記》改。

舒尚 周公俾之也。 章言成王封魯,魯子孫率由不愆,祭則受福。 年秋,王以戎難告於齊,齊徵諸侯而戍周。齊桓舉義兵,僖 沔水》篇「寧莫之懲」,傳云:「懲, 之」,不可云「方且當之」,故以「擊」釋之也。《毛詩・小 遂荒徐宅」,顯係伯禽事. 敢承」皆周公而不屬僖公也。 宇」者,非 舒是懲」,第四章文也。上三章未暇序及周公,所云「周公之 周公之宇也。」首二章止陳姜嫄、后稷、太王、文武之勳。 之。」翟氏灝《攷異》云:「《詩序》云:「《閟宫》,頌僖公能 十七年滅舒庸,襄二十五年滅舒鳩。 中者?」周氏柄中《辨正》云:「《春秋》宣八年 公無役不從,況勤王戍周尤爲第一義,豈有兩諸侯無魯在其 氏 爲僖公與齊桓舉義兵之事。 謀發慮」,注云:「方猶常也。」故以 又釋以「止」,明艾之即所以止之。 ·,方頌僖公復宇。 》僖十三年秋,爲戎難故,諸侯戍周,齊仲孫湫致之。 未滅。 於此章頌之而 正義云:『舒,楚之與國,故連言荆、舒。』此説得 五章六章,繼周公而頌伯禽,所謂『淮夷來同 如此 孰頌 見諸 説之,則《詩》、《書》、《春秋》、《孟 閻氏若璩《釋地又續》云: 哉? 「俾爾 《尚 《禮記・内則》云「方物 止也。」趙氏既釋以「艾」, 書 故自『公車千乘』至『莫我 「常」釋「方」。 昌而熾 當僖公從齊桓伐楚時 費誓》者也。 ,俾爾壽而富」, 『戎狄是膺, 楚滅舒蓼,成 鄭氏 七章八 十六 | 左 雅 以 Ξ 荆 此 復 出

> 是人而學其道」。「反悦」者,應上「方且」之詞也 皆確指爲周公,必有自聖門授受師説,不得 子》彼此悉無疑義,而《詩》簡 反疑孟子。」「子是之學」,子字一頓,是指許行,故云「子反悦 亦未嘗有錯。 以漢儒箋注之訛 孟子兩 引此 文

雖

虚、《國 記 二賈,不相僞誕,不相欺愚小也。 本經訓》「其心愉而不僞」,高誘注云:「僞,虚詐也。」 不貳」,趙氏云「無二賈」也。 謂斤兩,多寡謂斗石,大小 相復爲孟子言此。 多寡同則賈相若,屢大小同則賈相若。」注 則賈相若,麻縷絲絮輕重同 不相偽誕」〇正義曰: 萬章》篇「然則舜僞喜者與」亦云:「僞,詐也。」《淮 「無二賈」者也。 使五尺之童適市,莫之或欺。 王制》「喪事不貳」,注云:「貳之言二也。」故經言「市 應言》篇云「令許綰誕魏王」,高誘注云: 語 從許子之道,則市賈不貳,國中 • 楚語》「是言誕也」, 如使從許子淳樸之道 疏注「可使市無二賈」〇正義曰: 《説文》人部云: 閩、監、毛三本賈作價。 謂 注云: 尺寸,皆言其 則賈 「誕,虚 長短謂丈尺,輕 布帛長 (相若, 詐 「誕, 詐也。」故 也。」《吕 可 也。」趙 同賈,故 使 無 南子 詐 Ŧi. 短 市 僞。 氏 兼 氏 《禮 穀 同 陳 以 注 重 無 價

日

秋

也 小

小,

細

屨

也

如

使

同賈而賣之,人豈肯作

其 粗 以

細

哉

時

許子

,教人僞者耳,安能治國家者也?

疏

則 Ŧi. 麗

不齊同

乃物之情性也」〇

正義曰:《楚辭·雲中君》

玉之璧尺寸

厚薄適

(等,其

(賈豈

可

同

哉?

子欲

大

相比而同之,

則使天下

有争亂之道也。

E,

屨

,十倍也。

至於千萬相倍。

譬若和氏之璧雖

與

凡

惡

能治國家?」注

孟子曰:

夫萬物

好醜異賈,精

粗

異功,其

不

齊同,乃

物

之情

性

也。

蓰,

五

倍

也;

豈

爲之哉?

從許子之道,相率

而

爲僞

者

也,

比

而同之,是亂天下也。

巨屨

小

屨

同賈,人

之情也。

或相倍蓰,或相什百,或

相千

-萬,子

尺,無至丈者,故云「尺寸」。

小謂尺寸」〇正義曰:

愚小

也。

日:

閩、監、毛三本作「不相欺愚小大」,阮

氏元《校勘

記

「孔本、韓本作「不欺愚小民也」、《考文》古本作「不相

愚小謂五尺之童也、《考文》古本得之。」○注

大

氏

正 情 欺

布帛長至數丈,故云「丈尺」; 屨大極

曰:「夫物之不齊,物

行本作「爲

詐」,爲即僞也。

○注「不相欺愚小也」○

Œ

趙

氏

此

注以

誕」釋「僞」。

閩、

監、

毛本作「僞

詐」,

義

同

+ 義

乎? 也; 記・ 形 異。 謂 高誘注 也。」觕同粗,即麤字。 春秋‧蕩兵》篇云「有巨有微而已矣」,高誘注云:「巨' 争 Ŧī. 臂若和氏」至「同 精 趙惠文王時得 萬物大小也。」是「精粗 城請易璧。」璧之尺寸等耳,此璧值十五城,不已千萬相 此堯舜所以用心而通變神化也,豈特 小爲精,即爲細也。 |釋「亂」。○注「巨粗屨也小細屨也」○正義曰"《吕 曾子事父母》篇云:「争辨者,作亂之所由興也。」故 許子屨大小以形論,此巨小以情論。 細也。」《禮記・樂記》云「凝是精粗之體」,注云:「精粗 ○注「則使天下有争亂之道也」○正義曰:《大戴禮 云:「小,細也。」《漢書·揚雄傳》《集注》引應劭云: 和氏璧、秦昭王聞之、使人遺趙王書、 [哉」○ 《淮南子・主術訓》云「而枹鼓爲小」, 粗 正義曰:《史記 」通謂之「大小」。 疏易成,細巧功密,此物情之迥 一屨之微哉 治國家以情不 巨爲大,即 藺相如 傳》云: 願以 爲 觕 以 氏 魔魔 略 以 倍 +

氏 理 蔽 下之敘以匡之也。 春秋・ 萬情,謂之敦樸。 道,同之君臣。 章指: 言神農務本,教於凡民, 上農》篇云:「古先聖王之所以導其民者,先務 陳相倍師,降於幽谷,不 疏 是以孟子博陳堯舜上 神農務本」〇正義曰: 許 ○ 吕 行

> 於農。 正之。 曰: 下之敘以匡之」〇正義曰:《漢書·藝文志》云:「農家者 利本作「淳樸」。敦通純,純亦通淳也。○「博陳堯舜上 易用。」又云:「民舍本而事末則不令,后 爲「同之君臣」也。① 下之序。」又云:「儒家者流,祖述堯舜。」君 流,及鄙者爲之,以爲無所事聖王,欲使君臣並耕,誖 者,老子云:「敦兮其若樸。」趙氏所本也。 耕織者,以爲本教也。」」○「不理萬情謂之敦樸」○正 萬、《攷文》古本作万、足利本、韓本作「物情 民農非徒爲地利也,貴其志也。 詩亂上下之敘,故以「上下之敘」 民農則 稷 臣 《攷文》引 日 並 耕,即 樸, 所 敦 樸 以 足 樸 所 則

是以貴儉,養三老五更,是以 書 以辯道也。 治墨家之道者,徐辟,孟 藝文志》云: 墨者夷之因徐 疏注「夷之治墨家之道者」○正義曰: 「墨家者流,蓋出於清廟之守。 辟 而 兼愛,選士大射,是以上賢, 子弟子也。 求見孟 子。 求 見 茅屋采椽 注 孟 益子,欲 夷之, 《漢

0

傳釋詞》云"「不,毋也,勿也。

之。夷子不來。

之,今值我病,不能見也,病愈將自往

之役纏子」。

皆所謂「墨者」也。

見,今吾尚病。

之墨者謝子。《淮南子》墨者有田鳩者。

墨,有相夫氏之墨,有鄧陵氏之墨。

宗祀嚴父,是以右鬼,順四

...

下,是以上同:此其所長也。

也。」孟子曰:「吾今則可以見矣。不直,則道 亦孟子言,謂我病愈,往見夷子,夷子不必來。王氏引之《經 來」〇正義曰:趙氏以「夷子不來」是記其實事,近時通解謂 夷子聞孟子病,故不來,他日復往求見。 疏 「夷子不 非禮,推兼愛之意,而不知別親疏。」共六家:《尹佚》二篇、 (吕氏春秋))墨者有鉅子腹欝居秦,又墨者鉅子孟勝,又東方 墨子》七十一篇。隨巢、胡非皆墨翟弟子,我子爲墨子之 .田俅子》三篇、《我子》一篇、《隨巢子》六篇、《胡非子》三篇、 《韓非子·顯學》篇云:「自墨子之死也,有相里氏之 馬氏驌《繹史》云:「田鳩蓋即田俅子。」《論衡》「墨家 他日,又求見孟子。 病愈,我且往見。」注我常願見 及蔽者爲之,見儉之利,因以 言我將往見夷子,夷子勿來 而行,是以非命; 孟子曰:「吾固 儒分爲八,墨分爲三。」 田鳩亦見《韓非 見。 注 以孝視天 以 是日 辭 願 卻 月。 之也。 冬服,夏日夏服,桐棺三寸,服喪三月。 法: 死於陵者葬於陵,死於澤者葬於澤,桐棺三寸,制喪三 星衍《墨子後序》云:「其節葬,亦禹法也。 上毋通臭。壟若參畊之畝,則止矣。」此以薄爲道也。 足以朽體,衣衾三領,足以覆惡。以及其葬也,下毋及泉 亡,下篇尚存。其言云"「古聖王治爲葬埋之法,曰棺三寸 喪以薄爲其道也」〇正義曰:《墨子》有《節葬》三篇,上中 者又可鄙,足爲戒也。 以所賤之道奉其親也,如其薄也,下言「上世不葬」 爲非是而不貴之也? 厚,夷子思欲以此道易天下之化使從己,豈肯以 親也。」注我聞夷子爲墨道。 貴也? 然而夷子葬其親厚,則是以 其道也。 子矣。不直言攻之,則儒家聖道不見。 不見。我且直之。 建告徐子曰: 今我可以見 見《後漢書》注。 吾聞夷子墨者。墨之治喪也 夷子思以易天下,豈以爲非是 《韓非子·顯學》稱墨者之葬也,冬日 吾欲以此攻之也。疏「墨之治 如使夷子葬其父母厚也,是 墨者 然則三月之喪,夏有 《尸子》稱禹之喪 治喪貴 我 且欲· 所賤 以 薄 而 薄 直 孫氏 而 爲 事 不 攻 夷 賤

是 親」,攻其隙所以激發其性也。 節葬 曰: 夏禮以聚萬民哉? 此爲天下大水不能具禮者言之, 其禮以贊周人三年之喪哉? 箕山之陰,則夏之爲君三年矣。 事 百姓如喪考妣,其可見者也。 帝 孟子因其有 道』也。」○「然而夷子葬其親厚」○正義曰: 法。』則謂墨子自製者是也。 云,則是説辭。 堯舜垂衣裳而天下治,則五服精粗之制立矣。 制 ,則禹之爲父三年矣。 遣奠,大遣奠,皆用夏祝。 ,墨始法之矣。」汪氏中《述學》云:「古者喪期無數。 「聖王制爲節葬之法。」又曰: 「墨子制爲節 此 實事,異乎墨子之道, 近時通解以「夷子葬其親厚」乃是夷子實事, 墨子者,蓋學焉而自爲其道者也。 禹崩,三年之喪畢,益避禹之子於 故曰「墨子之治喪,以薄爲其 使夏后氏制喪三月,祝豈能 若夫「陵死陵葬,澤死澤葬」, 夏后氏三年之喪,既殯而 此説爲得 《士喪禮》自小斂奠,朔月半 荒政殺哀,周何嘗不因 故直 指爲「以所賤事 趙氏「如使」云 放勳姐: 葬之 故其 於 習 致 黄

儒家曰:「古之治民若安赤子。」此何謂乎?之以爲愛無差等,施由親始。」注之,夷子名也。言古之人『若保赤子』,此言何謂也? 之則以徐子以告夷子。夷子曰:「儒者之道,

乎? 詩·魏 厚之事」。徐子以告孟子。 「土階三等」,高誘注云:「等,級也。」《禮記・樂記》「然後立 鴟鴞》篇云「恩斯勤斯」,傳云:「恩,愛也。」是「愛 愛鄰人之子等邪? 子之罪也。 故趙氏以「愛」釋「施」,恩、施、愛三字義通。「愛無差等」即 惠也。」《周書・謚法解》云: 有次第也。 也。《廣雅·釋詁》云:「差,次也。」《吕氏春秋· 爲當同其恩愛,無有差次等級 信以爲人之親其兄之子爲若親其 之樂等」,注云: 保」。 先從己親 「若安赤子」○正義曰:「若保赤子」、《周書・康誥》文。 施無差等」,「施由親始」即「愛由親始」。 ○注「之以爲」至「始耳」○正義曰"《毛詩 彼有取爾也。 風》「他 屬 《國語 始 注親,愛也。夫夷子以爲人愛兄子 人是保」,傳云:「保,安也。」故以「安」釋 「等,差也。」是差、等二字 耳。 • 晉語》「夫齊侯好示務 若此,何 彼取赤子將入井,雖他 赤子匍匐將 「惠,愛也。」《爾 爲 孟子曰:「夫夷 相殊 獨 非 也, 墨 義 孔本、韓本作「施 施 道 雅 同。 入井,非 但施 鄰之赤 也? 注云:「施 釋詁 有階 召類 人子亦 即 愛之事 翢 疏 恩 風 級 《毛 》同 》篇 子 與 赤

保救之。

故云若。若之言同也。

故趙氏云:「雖他人子亦

其將犯刑罰。

也。

親近始保救之,猶赤子無知而將人井,不必爲吾兄之子始

記

郊特牲》「水歸其壑」,注云:

「壑,猶坑也。」趙氏以

愛救之,謂之愛同也。」蓋赤子唯保救其將入井,愚民惟保救

至於平時親愛之,則鄰之赤子終不若兄之子,

音義》引《蒼頡篇》云:「親,愛也。」親之爲愛,猶愛之爲 匐將入井,非赤子之罪也。」詳孟子之意,謂愚民無知,與 無差等,施由親始」。 孟子解之曰:「彼有取爾也。 赤子匍 者夷之求見孟子,稱儒者之道,古之人「若保赤子」,以爲「愛 人。』《禮記・中庸》云:「仁者,人也。 親親爲大。」《一切經 意。」〇注「親愛也」〇正義曰:《論語》:「樊遲問仁,子曰愛 能扶持防護之,使不至於入井,保民者當明其政教以教 赤子無知,或觸陷於死地,惟在保之者安全之,小民亦猶是 ·赤子」至「罪也」〇正義曰:江氏聲《尚書集注音疏》云: 《康誥》此言主用刑,言民無知而將犯刑罰,不必爲吾之 保民如保赤子,則民其安治矣。《孟子·滕文公》篇墨 夷子必以此況之,未盡達人情者也。 但以赤子無知,非其罪 此孟子説《書》之 保赤子者必 惡, 疏 仁 赤 道 愚民終不若己之父兄。是以鄰里有喪非不助之殯葬,然斷 情。 也。」注云:「壑、谿壑也。 云: 云: 也。 時。 二本,故欲同其愛也。蓋上世嘗有不葬其親者。 各由一本而出。今夷子以他人之親與己親等,是爲 也使之一本,而夷子二本故也。 不必厚如葬其親也,此人情也。 路」至「中 二事相因,自有藥梩之掩遂漸成衣薪葬野之世。]〇注 其親死,則舉 「此云「上世」,乃上古也,故與《易》所言古事不同。 「古之葬者、厚衣之以薪、葬之中野。」翟氏灏《考異 孔本、韓本「亦愛救之」作「驚救之」。 疏注「上世未制禮之時」○正義曰: 壑,路旁坑壑也。其父母終,舉而委棄之壑中 也 ( ) 正義曰:《爾雅 而委之於壑。 **院**院謂 夷子不知此,是爲不達 院 重也。」 院即坑字。 釋詁》云:「壑、阬 注上世,未制禮之 ❷≪易・繋解 且天之生物 注天生萬物 院, 《禮 傳 妖

子同其或入於刑辟,猶赤子之人井,非其罪也。

之,使不陷於罪戾,是之謂「若保赤子」。

故救之耳。

愛救之,❶謂之愛同也。

0 文及對孔、韓本之交代改。 「愛」,原作「驚」,合於廖、孔、韓等本,今據疏文複舉 注

0 「正」,原脱,今據經解本補。

石 種

之,蠅 也。」」趙氏佑 訥,云: 作貍。」〇「蠅蚋姑」〇正義曰:《音義》出此三字,云:「張 親 泚 親 梩 泚 此,是壑在路旁也。 釋 云: 可 出 中  $\bar{\Xi}$ 集 其心。 有 以 心 汗 而 也 亦必有道矣。」 建嘬,攢,共食之也。 |壑||而云「路旁」者,以下云「他日過之」,過則偶然行路 「石經狸作貍。 「委,棄也。」故以「棄」釋「委」。 蚢 以 取 慙,故汗泚 掩之。 非 出 同, 「諸本或作鰡、誤也。」丁云:「鰡、未詳所出。 土者 蚋 也。 泚泚然也。 聖人緣 爲 姑 謂 北人謂之喇喇姑,亦曰 也。 《温 、嘬之。 蜉 疏 人泚,中心達於 掩之誠是也,則孝子仁人之掩 故 蚢 泚然出 狐 人心 而掩之實是其道,則孝子仁人掩其 録 也。 案、《詩》『取彼狐狸』、《釋文》、唐石經皆 《楚辭・離騷》云「委厥美以從容兮」,注 狸食之」〇正義 見其親爲獸蟲所食,形 其 音由。」又一説云:「嵧 而 於額。 顙 制 姑, 禮 有 螻蛄也。 1螻狗。 也。 泚, 非 面 他日過之,狐狸 i E 爲他 目。 虆梩 睨 初生鳴土中, 阮 南 而 人而慙 氏元《校 蓋歸,反 人謂之地 不視。 籠 顙, 姑 臿 體 即 或以鰡 一之屬, 也,自 毁 額 勘 食穀 螻 載。 敗 也。 記 其 虆 夫 食 姑 音 過

> 説云: 物。 之毒者。 蟲字括之。 足,穴土而居,至夜則鳴,聲如 容螻蛄也。」或又謂之蟷蛄、《埤 秋·應同》篇『黄帝之時,天先見大螾大螻」,**●**高誘 之拉拉古,即螻蛄之轉聲也。 杜狗,或謂蛞螻。」今人謂此蟲爲土狗,即 爲蛞螻。 念孫《廣雅疏證 以「蚋姑」爲一 「螻蛄,會稽謂之蟷蛄。」《孟子音義》:「蚋,諸本或作蛁。 ·螻,螻蛄也。」《慎小》篇云「巨防容螻」,注云:「隄有孔穴 月令》「孟夏螻螂鳴」,即 輪周塍 最 説文》虫部云: 在 螻姑即螻蛄也。」蛁與螻聲正相近矣。 螟蟘蟊賊先。 《方言》: 《音義》一説蚋或作蝌,一 左右壓治之。 爲蠅,爲鰡蛄, 物。 **※**云: 『螻螲謂之螻蛄,或謂之蟓蛉。 予在山東,一老門子爲予言甚詳,因 「螻蛄,疊韻字,聲轉爲螻蜮,倒言之則 「蜹,秦晉謂之蜹,楚謂 東俗每於布穀後,候苗 及秋飛出,趁燈光,能咬人起 此物也。 則二 蚯蚓。」按: 其單言之則或爲螻、品氏 雅》引 物; 説「鰡姑即螻姑也」,則 蟈與姑聲 爲蠅、爲蚋、爲 《廣志 杜狗也。 趙氏無訓 之蟁。」阮 相亂耳。」王 螻蛄 小學》篇云: 將 發 順 南楚謂 但 短 注 則 天人謂 瘡,蟲 則三 翅 以 氏 以 Щ 及 似 小

<sup>0</sup> 秋》改。 螾, 誤 作「蟥」,今據經解本及《廣雅疏證》、《吕氏

以

爲慙不如

以

爲哀痛

而

疾首,泚宜

|至「取土者也」〇

Ē 止義曰:

段氏

有疵

頭額病,猶云「疾首」也。

釋詁》云:

泚爲清。

文》心部云:「慙,媿也。」人媿則汗出於額,故以爲「慙」。 風》「新臺有泚」,傳云:「泚,鮮明貌。」《説文》作「玼」,而訓 疵。」賈氏疏云:「俗人謂顙頟之上有疵病,故從之也。」《爾 云「毋嘬炙」,注云:「嘬謂一舉盡臠。」蓋獸食之餘,諸蟲又 咀嘬之也。」○注「嘬攢共食之也」○正義曰:《禮記・ 人爲未,庇長尺有一寸」,注云:「庇,讀爲「其顙有疵」之 云「會猶最也」,注云:「最,聚也。」最之爲言聚。《文選·西 公》「蠅蚋姑嘬」之姑,與《方言》盬同,即 釋且》云:「且字加口爲咀。《春秋左傳》僖二十八年『晉侯 「中夏謂之領、東齊謂之顙。」領即額也。《考工記》「車 「盬,且也。」且與姑同音,故姑亦有咀義。 》注引《蒼頡篇》云:「攢,聚也。」趙氏讀嘬爲聚,故 趙氏謂「攢共食之」者、嘬從最、隱公元年《公羊傳》 蓋顙色鮮明,必爲汗漬,故以爲汗出泚泚然。 ○注「顙額」至「出於額」○正義曰:《方言》 「疵、病也。」是《孟子》本有作「疵」者。 同,謂咀啑其腦。 趙氏本作「泚」、《毛詩 【玉裁《説文解字注》云: 爲 一班之借 阻也。 耳。 《孟子·滕文 謂蠅與 故《方言》 0 「其顙 曲禮》 注「虆 蚋 《説 然 邶 以 同 教矣」。 云: 者。 里。 音義》引《三蒼》云: 悵然也;爲間者,有頃之間也。「命之」猶言「受命 薄葬不合道也。 字異而義同。」按: 雅》「 解謂之睫」,郭注云: 「皆古鍪鍤字。」《管子・度地 也。」豪即欙之假借,可以舁土者, <u>궁</u> 「相,臿也。 然」、《集解》云: 然,爲間,曰:「命之矣。」注孟子言是以爲墨 南子》皆云: ○注「而掩之實是其道」○正義曰:高誘 云「籠臿版築各什六」、《齊策》云「坐而織寶、立而杖插」、 歸反虆梩 「猶悵然 「梩、土譽也。」本此。」王氏念孫《廣 「梩,或解作臿,或解作鍬。 《周禮》注引《司馬法》曰:『輦,一 日 也。 徒 疏注「夷子憮然者猶悵然也」○正義曰:《一切 而掩之」,趙曰:「虆梩,籠臿之屬,可以取 從木, 吕聲。 土輂,此别 「誠,實也。」徐子以告夷子。 按: 「謂其不達己意。」與趙氏 徐子復以告夷子。夷子憮然者 籠費即豪臿,插即裡,故云「籠臿之屬」。 「憮然,失意貌也。」失意則悵恨,故以 論 語 義,謂相即 曰徙土華,齊人語也。 微子》篇「子路行以告,夫子 鳅、臿亦不殊。」《孟子》『蓋 裡同相, 欙。 斧一斤一鑿 注《吕氏春秋》、《淮 雅 孫奭《孟子

云

攢共」解之。

 $\bar{z}$ 

盡之也。

夢楚子伏己而盬其腦」, 盬

與 咀

此

注義同。

73

並

夷子

憮

一,猶

疏證》云:

可

以

臿

揠 土

音義》 「《爾

梩,或從

遂反。 同,往 然,中 操激厲 才思。 雅 於禰 辨 邕至門,試潛聽之,曰:『憘! 四字絶句,「爲間」二字絶句,謂不動聲色者良久也。 然不動,久而乃有「鳥獸不可同羣」之言,此夷之聞徐辟述 撫爲定,安、定皆不動之義。 有 亦謂衆聞邕言,莫知所謂, 然不動。 駭。」蓋是時劉表必正稱譽歡笑, 衡突將章奏擲諸 書·文苑·禰衡傳》云:「表嘗與諸文人共草章奏,並 孟子之言,寂然不動,久而乃有「命之」之言。是「夷子憮然. 説文》心 沮 ·躊蹰不解其故,或蓄怒而未形,或懷疑而莫決,如 釋言》云:「憮,撫也。」《廣雅・ 衡 「邕在陳留,其鄰人有以酒食召邕者。 溺是也,有以見其説之是,則夷之之從孟子是 往静默不動。 夜而起。」」大凡聞人之言,見人之事,與己所期所見不 時衡 融云: 主人遽自追問其故,邕具以告,莫不憮然。」此 陳留賓客之於蔡邕是也。 揣其 部 **금** 出、還見之、開省未周、因 『當收舊好 、心,以爲此時所以不動者,爲駭之也。 憮 躊蹰既久,有以見其説之非,則夫子之 愛 也。 而 都 蓋夫子聞子路述沮、溺之言,寂 怨毒漸積, 寂然不動也。 以樂召我而有殺心,何 韓 鄭 《説文》以「不動」二字 釋詁》既訓撫爲安,又訓 E [毀以 憮。 志相 抵 《孔融傳》: 客有彈琴於屏 地。 日 危害,聞 不 地, 表憮 動。」《 劉 表乃 《後漢 也; 憮 《蔡邕 也?] 表之 之憮 然 極 然 一曹 寂 其 亦 爾 爲

之,精 ○注「命之猶言受命教矣」○正義曰: 黄帝》篇云「立有間,不言而出」、《釋文》云: 秦策》云「乃留 秋・去私》篇云「居有間」,高誘 防欲」,注云: 矣。 0 注 止間曰」,高誘注 「爲 「命謂教命。」 間 者 有 頃 之間 云 注 云: 也〇 間 間 《禮記・坊記》云「命 須臾 正 頃 義 「間,少時 也。」《列子 也。」《 日 國 吕 也。」 氏 策 春

以

也。 化隆,世篤元同。」《後漢書 其 自 其光,同其塵。」是謂 有《尚同》三 云:「元者,天也,道也。」此 元同,質而違中。 序》云: 理 違中,故不可 也。 章指: 墨 篇 疏[墨子元同質而違中]○正義曰:《墨子 者 言聖人緣情,制 同即 儉 "編從也 而 「元同」。 「無差等」之謂也。 難遵 以直正 . 一元同 是以 張衡傳》注 左思《 其 枉,憮然改容,蓋 謂 事 魏 禮奉終; 道同 亦 都賦 《老子》云:「和 引 徧 也。 桓譚 循。」 《太史公 新 「道洪 論

姪 廷 琮 廷 弼 校

子正義卷十 终

孟

## 孟子正義卷十二

江都縣鄉貢士焦循譔集

## 孟子卷第六

滕文公章句下凡十章。

欲使孟子屈己信道,故言宜若可爲也。疏『且志曰枉得行道,可以輔致霸王乎? 志,記也。枉尺直尋,以是爲介,故言此介得無爲狹小乎? 如一見之,儻見諸侯有來聘請孟子,孟子有所不見,以爲孟子欲見諸侯有來聘請孟子,孟子有所不見,以爲孟子欲見諸侯,宜若小然。今一陳代曰:「不見諸侯,宜若小然。今一

也。 者,亦中士四人,餘皆下士及府史等,自不敢上擬乎大夫,招 虞每大山中士四人,澤虞每大澤大藪中士四人,迹人掌田 閻氏若璩《釋地三續》云:「虞人,守苑囿之吏也。《周禮》山 不敢進。」乃舍之。仲尼曰:「守道不如守官,君子韙之。」 也, 旃以招大夫, 弓以招土, 皮冠以招虞人。 臣不見皮冠, 故 沛,招虞人以弓,不進。公使執之,辭曰:"目我先君之田 之」〇正義曰:昭公二十年《左傳》云:「十二月,齊侯田 招之當以皮冠而以旌,故不至也。 仁義者,其數長大,取仁義者,其數短小。」孔氏正義云: 子。陳代所云志,或者即此等書。]〇注「得無爲狹小乎」〇 初人,而尸佼爲商鞅師、《穀梁傳》嘗引其言,亦略前於孟 孔子曰: 「詘寸而信尺,小枉而大直,吾爲之也。」文子,東周 賓碑》「進退不枉尺直撏」,用《孟子》而以撏爲尋。《文子・ 尺而直尋」〇正義曰:翟氏灏《考異》云:「《隸釋・議郎元 正義曰:漢金廣延《毋纪産碑》云「耕殖陝少」,陝少即狹小 上義》篇:『屈寸而申尺,小枉而大直,聖人爲之。』《尸子》引 人以旌,不至,將殺之。注虞人,守苑囿之吏也 「小謂所施狹近也。」孟子曰:「昔齊景公田,招虞 《禮記・表記》云「仁有數,義有長短小大」,注云:「性 疏「昔齊」至「殺 于

地 :: 也。 也。 不忘 仁,死而後 士、「仁人」並 子之前,不知於何聞之。 以 生以害仁, 復見夫子,子爲之乎?』巫 曰:「使子無忘子之所知,亦無進子之所能,得此富終身, 人有處師氏者,脂車 妄見諸侯者,何爲 虞人不得其 孔子奚取 勇士,義勇者也。 旌 贵 君子固 ·韓詩外傳》云:「子路與巫馬期薪於韞丘之下,陳之富 子不 『吾嘗聞之夫子: 如 喪其元。』孔子奚取焉? ,與《孟子》輒異。」『志士不 敢 不待 有殺 進? 成仁,則志士仁人不愛其身也。」孔子謂「殺 知予與,試 第,故 招尚不往,如何君子而不待其招,直 稱。 取「守死善道」, 身以 其 此守官 《論 招 常念死無棺椁,没溝 成仁。」《集解》引孔曰: 百 也? 元,首也。 「乘,態 語·衛靈公》篇云:「志士仁人無求 而 予與? 也 勇士不忘喪其元,志士仁人不 所傳尹公佗學射庾公差,齊侯田 往 馬 而即 疏注「志士」至「善 期喟 何哉? 於韞丘之上。 守 意者其志與?」」此 然仰天 非 道 以 也。 禮招 ·忘在 義 則喪 取 注 而嘆, 闔然投鎌 左氏生六國 己 非 志士,守義 子 壑 溝 「無求 則 首 其 路與 而 道」() 壑, 不 不 不恨 招 往。 生以 巫 顧 以 勇 不 初 身成 ·忘在 馬 正 「志 也。 也。 言 往 士 事 者 期 孟 害 於 無 義 于

> 壑而 文。 子之元。」皆喪其元之事也。「守死善道」、《論語 狄人歸其元,面 義,雖喪元不顧,第要離、聶政之流,非君子所貴矣。 「元,首 義爲亂,小人有勇而無義爲盜。」故云「義勇者」也。 言。 則死何難於在溝壑。 亦守義者也。 仁」,孟子謂「舍生取 也」、《爾雅· 「匹夫逞志於君而無討,敢不自討乎?」 免胄入狄師, 不恨者 ○注「直事妄見諸侯者」○ 論語 也。 釋詁》文。 陽貨》篇云: 巫馬期不願處師氏之富,固死無棺椁,棄尸 如 死不愛其身,則生可喪其元, 生。」哀公十一 義」, 志與勇皆以義揆之,故趙氏均以 僖公三十三年《左傳》:「先軫曰 惟取 君子義以爲上。 義乃成仁, Œ 年《傳》:「公使大史 義 日 《韓非 故志士爲仁 君子 子 生不愛其元 有 泰 喻老》篇 固 勇 勇 死焉。 伯 人 而 歸 而 「義 》篇 國 溝 即 非

以利言· 疏 爲 軻稱不枉尺以直尋,況於枉尋以直尺。」 蓋不待招 與? 則 枉 也。 至「爲與」〇 产尺小尋大,不可枉大就 如 以 Ĕ 利, 義 日:《 則 枉 風 尋 俗 直 通 小 尺 + 而以 - 反》篇 而 利,亦 而 要 見,實不 云: 利 孟 也 可

事。

無端而往,是爲「妄」也。

且

夫

枉

尺

而

直

尋者,

云:「事,爲也。」「直事」者,不俟其

招

徑,

直爲此見諸

侯之

能

見即霸

王,是枉

尋

直尺

而

己。

趙

氏之義

與應

劭

正

同

南子

爲

、整齊而斂諧,投足調勻,勞逸若一,心怡氣和,體便輕

· 覽冥訓》云:「昔者王良、造父之御也,上車攝

兮,誠

無

Ξ

良

之善御;

見執

轡

者

非 其

人 兮,

故

駒

跳

而

御之事。

古者車駕四馬

下云『子良授綏』是也。 郵無恤御簡子」,注云:

善御最有名,於書傳多稱之。

《楚辭》云:『當世豈

無騏

子。二〇注

工良善

御

者 也

 $\overline{\bigcirc}$ 

Œ

「郵無恤

年,趙武爲正卿。

趙武生景叔。

盾。 云:

趙盾卒、謚

子

朔嗣,屠岸賈殺趙朔。

云云。

又云「初,伯樂與

尹

,鐸有怨,以

其

八賞如

伯樂氏」。

去。」《國語

晉語》云「趙簡子使尹鐸爲晉陽,郵

無正

進

云:「無正,晉大夫郵良伯樂。」又云:「伯樂,無正字。」《淮 一禽,故反命於簡子,謂王良天下鄙賤之工 一御之爲難,故爲六藝之一。 王良之 服虔曰: 「王良也。」 孟子説王良善 義曰:哀公二年《左傳》云 趙景叔卒,生趙鞅,是爲簡 ,王良也。」孔氏正義云: 平公十二 趙衰生 轡,馬 世家》 畢, 日 以 簡 注 驥 遠 不肯。 也。 良也。 티 : 爲 雅·廣言》云"「掌,主也。」謂王良。 安勞樂進,馳鶩若滅。」高誘注云:「王良,晉大夫郵 禮·天官 注掌,主也。 禽,故謂之「良工」。 奚反命曰:『天下之良工也。』注以一 而 日: 爲「鄙」,謂其技藝鄙陋。 天駟星,天文有王良星是也。]〇注 正義曰:王良爲大夫,不可爲卑賤。 云:「大師,上工也。」是工亦 0 之詭 後 我爲之法度之御,應禮之射,正殺之禽,不 以 横而射之曰 『請復之。』注聞嬖奚賤之,故請 可,汪强嬖奚乃肯行。 所謂御良也。 曰:『吾爲之範我馳驅,終日不獲 「師」釋「工」者、《儀禮・燕禮》「大師告於樂正」, 遇,一 · 淩人》注云: 「杜子春讀掌冰爲主冰。」《小 使王良主與女乘。 詭 朝 遇。 簡子曰:『我使掌 而 名孫無政,爲趙簡子御 鄙野異於國中,言其俚野,非 獲十。 非禮之射則 稱 師 也。 「天下鄙賤之工師 「賤」與下「良」對,故 注 朝而獲十 疏注「掌主也」〇《周 或以告王良, 良不可,注王良 範, 能 法 施獲十。 復與 與 也 女乘 朝 禽。 而 無恤 也一〇 言嬖 得 王 能 或 精 强 良 良 壁 + 得 爾 注 於 子 T

不能得

子,晉卿也;

王良,善御者也,嬖奚,簡子幸臣

師

也。

疏注「趙簡子晉卿也」○正義曰:《史記・趙

「晉獻公賜

趙夙 爲宣

耿。 孟。

夙生共孟。

共孟生趙衰。

禽。

嬖奚反

命曰:『天下之賤工也。』注趙

昔者趙簡子使王良與嬖奚乘,終日

而

不

獲

之。 也。 奚小人也,不 事 客,下殺以其中 故以爲乾豆,次殺以其遠心,死稍遲,肉已微惡,故以爲賓 成禽不獻。」孔氏正義云:「上殺以其貫心死疾,肉最潔美, 傷不獻,不成禽不獻。」所云車軌塵、馬候蹄者,「法度之御」 日 追。」題禽, L. 左,舉下殺之射左髀 於右腢,當自左脅也。 本次之、射左髀達於右髃爲下殺。 三曰充君之庖。 不失其馳。 穀梁傳》云: :「範,法也」、《爾雅 疏 刈 ,皆逐從左廂而射之,達於右鶻。 ,流旁握,御轚者不得人。 《毛詩 翦毛不獻,謂 證》云: 次殺、中 草爲防 題 然後射者能中。 「《釋天》: 小雅. 「艾蘭以爲防、置旃以爲轅門、以葛覆質以 迎 敺 殺皆爲「應禮之射,正 習於禮。 脅,死最遲, 故自左膘而射之,達於右腢爲上殺,達右耳 禽而射之。 而射之,不題禽,不 在旁而逆射之。 車 可 釋詁》文。 次達右耳本,當自左肩腢也,不言自 攻》篇傳云: 『王者以四 推 而 疏 知也。 車軌 肉又益惡,充君之庖也。 過防弗逐,不從奔之道也。 垝遇謂旁射 注 塵,馬候蹄,揜禽旅 「範法」至 時畋,以 昭公八年「秋,蒐于紅」, 二者皆爲逆射。]按: 面傷不獻,踐毛不獻,不 \_ 殺之禽」。 面傷不獻者,謂 獨言射左髀爲上殺,達 垝遇,不 日 也。 乾豆,二日 奉宗廟 「於禮」〇 捷草、越 王氏念孫《廣 垝,或作 因簡 當 「賓客, 御 防不 正 凡射 面 詭, 者 爲 戎 義 此 面 射

「古」字。 遇」,則 班 使范氏御之,以行程南 遇。」《文選》李善注引《括 固 梁傳》但言面傷,亦括横射言之也。 皆爲「非禮之射」。 《説苑・修文》篇云: 『不抵禽,不詭遇。』 班 逆而射之,旁去又不射。 四年《左傳正義》引鄭注云:「失前禽者,謂 遇」句,非「范氏 範我馳驅」,連下「爲之詭遇」,又引劉熙注「横 文必不作「范氏」矣。 有之,我、氏形近,其作氏者,譌也。 「弦不睼禽,轡不詭遇。」抵、睼並與題通。」按:此題禽、 如之,降者不殺,奔者不禦,加 『横而射之曰詭遇。』《比》: 孟子・ 或作范氏。 固傳 《東都賦》云:「游基發射, 引 》此文則云「范氏、趙之御人也」,此「趙」 滕文公》篇「爲之詭 引《孟子》此文亦作「範我」,又引趙注 括 地圖 范氏,古之善御者。」範古與范通。 」即《孟子》之「範我」也。 王良僅云詭遇,蓋亦括題禽言之。 注 《音義》見誤本而以爲 「范氏 方。」又引《孟子》此文,仍作 惟背走者,順而射之。 地圖》云: 施御 遇,一 『九五,王用三驅,失前禽。』桓 范氏 以仁恩養威之道。」亦其義也 一句 施 朝而 《音義》出 「夏德盛,二龍降之,禹 趙 御、弦不失禽、轡 引《孟子》注 氏訓 獲十一, 李賢注 固《東都賦》云: 古之善御者。 範爲法 禽在 而 「範我」、云: 趙 一字誤 用兵之法 「範法也」云 範或作范 《後 前來者,不 射 岐 「吾爲 轡 則 之日 漢 注 如《穀 書 示 不 其 云: 是 詭 詭 之 詭 班 經 者 遇

法也。

爲以法式爲御,故不獲禽。

詭,譎也。

不依御,故荷

正

而已。

《白氏六帖·

執御》篇引《孟子》此文及注云:

範,

何屬邪?

即使誠有異本《孟子》作「范氏馳騙」,究以趙氏爲

賦以范氏儷由基,范氏爲範我矣,由

基

王良何取於范氏?

得矣。」與趙氏

注異。

白氏引之、蓋唐以前舊注,其釋範爲

法,亦同於趙。《音義》作「范氏」,非也。

 $\wedge$ 

詩》云:

不

賦言之,皆未足以證《孟子》之爲「范氏馳驅

也。

凡説

經

先 固 范

· 而

氏驅, 雖容步中畿。

豈效詭遇子,馳騁趣危機。」此則本班

孟子》之「範我」也。

《宋書

樂志》《馬君》篇云:

「願

爲

禽謂由基也,彎不詭遇謂范氏也。」范氏指賦所云之范氏,非

云,然則李賢所引《孟子》不作「范氏」可

知。

又云:「弦不失

求辭達,若作「范氏」,則云「我爲之范氏馳驅」,於辭不達

雅 辭。」 故 貫 其馳驅之法,則射者必中之。 失 發 請 習也。 其 車 貫臧,應矢而 注《詩》,《小 馳,舍矢如 攻 》篇第六章。 疏注「詩小」至「射也」○正義曰: 我不習與小人乘。 雅・車 死者如破 毛傳云: 破。」我不 攻》之篇 「言習於射御法也。」不失其 順毛 矣。 不 貫 願掌 也。 此 而入,順毛而 與 君子 與 小人乘, 言御者不 引《詩》在《小 嬖奚同 之射 乘, 也。 出 請 失

與

知耻

굸:

如

平,❶矯枉以爲直」,高誘注云:「矯,正也。 也。 云: 同 宋衷注云:「曲者更直爲矯。」蓋物之曲者,以直物糾戾之使 高誘注云::「過,謬也。」《淮南子·本經訓》云「壞險以爲 文》矢部云: 枉己者未有能直人者也。」注謂陳代之言過謬 過謬也」〇正義曰:《國策·秦策》云「王之料天下過矣」, 直,故云「以直矯枉」也。 羞,耻. 人當以直矯枉耳,己自枉 也。」閩、監、毛三本作「羞耻」。 「矯,揉箭箝也。」《易・説卦傳》云「坎爲矯揉」, 曲,何能正人? 枉,曲也。」《説 且子過 疏注 矣,

無攷。 與之盟 道者,盍往觀焉? 篇:「昔周之興,伯夷、叔齊相謂曰:吾聞西方有人似有 義曰:周氏廣業《孟子章指攷正》云:❷「伯夷不就 富貴,君子不許。 讓以天下而弗受,二人餓死首陽之陵。」《莊子・讓 命,伯夷亦不屑就也。 而笑曰 日 章指: 言脩禮守正,非招 惟《韓非子・和氏》篇:「古有伯夷、叔齊者,武王 嘻 加富二等,就官一 異哉! 至於岐陽、武王聞之、使叔旦往見之、 此非吾所謂道 是 以 列, 疏「是以」至「就也」〇正 諸侯 ш 也。 牲 雖 而埋之。 不往; 比 有善 人至首陽之 二人相 其 枉 辭命, 王 辭 道

,遂餓而死焉。』《孟子》所云或即指此。」

山

哉 ? 權事制宜,受命而不受辭,此其所長也。 爲齊所殺矣。」又《孟子古注攷》云: 諼詐而棄其信。」凡十二家,以蘇秦、張儀爲首。 不能專對,雖多,亦奚以爲?」又曰:「使乎使乎!」言其 者流,蓋出於行人之官。 「景春」至「術者」○正義曰:《漢書・藝文志》云:「從横 故言懼也,安居不用辭説,則天下兵革 公孫。張儀,合從者也。 爲「犀首」,常佩五國相印爲從長。 春,孟子時人,爲從横之術者。 孟子出處時地考》云:「景春稱儀、 景春曰:「公孫衍、張 怒而諸侯懼,安居 孔子曰:『誦《詩》三百,使於四 一怒則構諸侯,使强 「≪漢• 儀 衍 公孫衍,魏 而 而 豈 天下 及邪人爲之,則 秦王之孫 不及蘇秦,秦時 不 藝文志》兵陰陽 · 熄 也 誠大 ·熄。 注 周氏 人 也, 凌弱 , 故 丈 疏注 廣 夫 E 景 號 P. 業 方 家 上

0

<sup>0</sup> 按,「淮南子」以 正」,據全書他章引文當作「證」。 以 直矯枉 下 疏 注文「過 謬也」 乃 疏 注 文

即 以 衡

其

(用陳軫之計,三國委事,

亦並

無合從事跡;

其爲秦敗

4

傾張儀而然,非合從也。

離秦魏之交,致義渠之襲者,特以

· 彊秦者,大抵皆三晉之人。」是衍亦衡人之彊秦者也。

所

0 0

魏犀首。」吴師道云:「《年表》「陰晉人犀首爲大良造」,則非 長」❷○正義曰:《史記·秦本紀》云:「惠文君五年,陰晉人 今之華陰也。」衍爲大良造時,陰晉尚屬魏; |國策・秦策》云:「王用儀言、取皮氏卒萬人、車百乘、以 「犀首,魏官名,若今虎牙將軍。」按: 人相秦,嘗佩五國之相印,爲約長。」《集解》引司馬 而《韓策》摎留以「犀首」、「張儀首」言,何爲一人獨 又《張儀列傳》附《公孫衍傳》云:「犀首者,魏之 六年,魏納陰晉,陰晉更名寧秦。」❸裴駰 意者先在魏爲此官,後遂以爲號,故 姓公孫,名衍。」徐 此人。」〇注「公孫」至「爲 與張儀不善。 趙氏云號爲犀首,未詳所本。 魏亦有犀武。」按: 此則衍在魏爲犀 張儀已卒之後, 衍爲陰晉人,是 廣曰:「陰晉, 犀首即 公 從 以 與 彪 人 事。 衡 爲客卿。」二説不同。《索隱》云:「張儀説六國,使 用於秦者,乃使人微感張儀。 王而得相約從親,然恐秦之攻諸侯,敗約後負,❶念莫可 君。」《史記・張儀列傳》云: 秦、留有間、惠王悦而相之。 氏餘子也。 魏,趙氏謂「秦王之孫,故曰公孫」,亦未知所出。 非其實。 楚,則見於《韓非子》、《史記》等書,黄東發謂 而賓秦也。 秦,故云成其衡道。」然山東地形從長,蘇秦相六國,合從親 合從者也」○正義曰:《吕氏春秋・ 秦爲約長』,此言衍相秦,約五國與秦衡親, 故蘇爲合從,張爲連衡也。 「約長」非「從長」也、未有相秦而合從者也。」衍 趙注云「衍嘗佩五國相印爲從長」、《史記》「犀 關西地形衡長,張儀相六國,令破其從而連 將西游於秦,過東周,昭 「張儀者,魏人也。 張儀所德於天下者,無若 張儀遂得以見秦惠王,惠王以 乃趙氏以儀爲合從者, 報更》篇云: 文君送而資之。 衍

犀首

首之官,在秦爲大良造之官。

陰晉人也。

名衍,姓公孫氏。

魏人」也。

犀

首爲大良造。

正破從爲横之

○注「張

儀

生長於

「張儀,魏

至

於

昭

或從或

衡

殊

首

集解》云:

「犀首、官名。

家有《景子》十三篇,❶

疑 即

官名。

官稱乎?

恐犀首或姓名也。

孫

衍,明見《史記》。

正》云:「

通稱之。《史記》言「約長」,趙氏言「從長」者,周氏柄中《辨

衍本衡人、《史記》以儀、衍同傳而贊云: 「夫言從

使

連

衡

而

事

秦之

蘇秦已説

捎 文

陰陽」,按《漢志》、《景子》在兵形勢家,參沈校。

爲」,原誤作「合」,今據注文改。

秦」,原誤作「泰」,今從沈本據《史記》改。

後」,原脱,今從沈校據《史記》補

所本。 學禮乎? 璩《釋地又續》云:「門即父母家之門,非女子所適之壻家之 不親教子之意也。」」○「女子」至「夫子」○正義曰:閻氏若 子,皆有言以勸勉之。 之文,賓則有三加祝辭,又有醴辭字辭。 安得爲大丈夫也? 道 必敬必戒,無違夫子。』以順爲正者,妾婦之 夫鄉先生,如晉趙文子冠,見樂武子、范文子、韓獻子、智武 辭矣。」周氏柄中《辨正》云:「陳亦韓曰:「《士冠禮》無父命 德」。今此二子從君順指,行權合從,無輔弼之義, 女子則當婉順從人耳。男子之冠,則命曰「就爾成 也,母命之,往送之門,戒之曰:『往之女家 人迎送不出 也。 今人祇緣俗有母送其女至壻家禮,遂以爲壻門。 江氏永《羣經補義》云:「父命之者,迎賓冠子,父主其 至於《士冠禮》諸祝辭,皆賓祝之,非父命也。 父醮則 孟子曰:「是焉 注孟子以禮言之。男子之道,當以義匡君, 丈夫之冠也,父命之。女子之嫁 門,又内言不出於梱,古豈有是耶? 蓋父不自命而以其命之意出於賓,亦 疏「丈夫之冠也父命之」〇正 得爲大丈夫乎? 冠後以贄見於卿 子 不知 未 義 大 有

作階 上 子》此 者非止母一人,與所送亦非止門一處。大抵《孟子》言禮 之曰:敬恭聽,宗爾父母之言,夙夜無愆,視諸衿鞶。」是 之 : 當違,一 匡君」,義不可從則須諫 邶風》「燕婉」傳云:「婉,順也。」《説文》女部云:「婉 策》恐未可據。」○注「男子」至「丈夫也」○正義曰:《毛詩 昏禮傳》所言「庶母及門内」略同,並 送不出闕門,謂祭門外兩觀門也。 送諸母還」,謂諸母有送至壻門者。 止於階矣。 門」、《穀梁傳》亦言『送女不出祭門」,乃指廟之大門,則送不 善魯,而衛當日仍行自若。」周氏柄中《辨正》云:「《士昏禮 各隨其俗。 主大綱,不暇及詳。 之,夙夜無違宫事。 女父不降送,母戒諸 .春秋傳》曰:「太子痤婉。」」是「順」之義爲「婉」也。 戒之敬之,夙 一禮與《儀禮· 一西面戒女,母戒諸西階上,不降。] 又云: 『父送女,命 概無違,是「以順爲正」,非以義爲正者也。 或説送至壻門,毛西河引《戰國策》「婦車 如衛人之祔也離之,魯人之祔也合之。 抑《儀禮》定於周初,而列國行之久,頗 庶母及門内施鞶,申之以父母之命,命 西階上,亦不降,而《孟子》言『往送之 夜毋違命。 士昏禮記》亦殊不同。《記》云: 『父在 正,是以義爲正 母施衿結帨,曰: 勉之敬 所指諸侯嫁女之禮與《十 按、《穀梁傳》諸 無送至壻門之説、《國 也; 不 論義 雖孔子 母兄弟 故趙氏 以 順 至 也

爲婉 道。 夫亦當諤諤有以調和而補救之,惟妾婦婢媵之流,徒以取容 至孟子時,則徒以 以 謂利,以利物言,故孔子贊之云:「利者,義之和也。 《莊子・人間世》云「就不欲人」,注云:「就 行 古今之不同,賴聖賢發明之。 爲順者也; 云: 文也。」按:《儀禮・士冠禮》作「順爾成德」,此改爲就者,以 冠禮》「祝曰令月吉日,❶始加元服,棄爾幼志,順爾成德」之 以「婉」解之,别其不 孟子斥「順」爲「妾婦」,故易「順」爲 云: 就」亦「順」也。 和義。」蓋至孔子時,所謂利,共以爲利己,於是以「放利而 《易》屢以順言,其時以 |爲利,故孔子罕言利而以義爲利。 媚 「以從命而利君謂之順,從命而不 「注「男子之冠、則命 孟子之斥順,猶孔子之斥利也。 「就,歸也。」《賈子・道術》篇云:「行歸而過謂之順。」 耳。 惟以 居天下之廣居,立天下之正位,行 無違爲順而 乃所順在成德,成德則能以義匡君,是以義 「從君順指」爲順,故孟子斥爲「妾婦之 能 「以義匡 「輔弼正君」爲順、《荀子・臣道》篇 日 就爾成德」,補義甚好 不以義,則妾婦之順也。 文王繁《易》以利爲重,其時所 君」矣。 「就」。《廣雅・釋 《易》以坤爲順,孔子 妻道猶臣道,妻之順 利君謂之諂。」是也 趙氏 者, 化《温 形 ,此出《士 利物足 順。」是 山故録》 言有 詁

能屈。 志也。 天下之大道。得志,與民由之,不得志, 又身爲男子,位如此其正也,則所行自宜爲天下之大道 順爲道、故爲「大道」也。 之道曰仁與義。分陰分陽, 迭用柔剛。」 異乎妾婦之徒以柔 傳》云:「是以立天之道曰陰與陽,立地之道曰柔與剛,立人 則囿於一家,外則周乎天下,故「居天下之正位 乾、《易· 共生天地之間,在女子則當婉順。 得,必以富貴而婉順求之,是天下至廣而所營至狹矣。 廣居」即謂人生天地 至「道也」〇正義曰:趙氏以「廣居」爲「天下」,則「居天下之 道不回也。 得志,行正,與民共之,不得志,隱居,獨善其身,守 正位謂男子純乾正陽之位也。大道,仁義之道 行其道。 三者不惑,乃可以爲大丈夫矣。 此之謂『大丈夫』。」注廣居謂 家人》《彖傳》云"「女正位乎内,男正 富貴 淫,亂其心也,移,易其行也,屈 不能淫,貧賤 間也。 蓋既生於天地間,居如此其 天地之間至廣大,隨在可 既身爲男子,則在八卦 不能 移 疏注 位乎 威 也。 天下也。 一,挫其 外。」内 「廣居 《説 (廣也 男女 也也。 以自 不 獨

●「令」,原誤作「今」,今從沈校據《儀禮》改

其行,威武不能挫其志,自彊不息,乃全其爲男子,全其爲男 字。』《廣雅 道 隱居,而以此仁義之道獨行於身:何處不可居,何處不可行 義之道可仕而爲政,則以此仁義之道共之於民,不可仕則 至「夫矣」〇正義曰:《論語 全其居廣居、立正位之身也。 奈何跼蹐 周 淫,亂 挫也。 移,易也。」《漢書• 也? ,斯得爲大丈夫也 「得志」,「行正」即「爲政」也。 天下之居既廣,而男子行仁 禮 也。」又《蕩兵》篇云「而工者不能移」,高誘注云: 《吕氏春秋·古樂》篇云「有正有淫矣」,高誘注云: 地官・黨正》注云: 男子行仁義之道,故富貴不能亂其心,貧賤不能易 而效妾婦爲也? · 釋詁》云:「 揚雄傳》《音義》引諸詮云:「屈,古詘 詘,屈也。 下數句即申明行天下之大道以 「正之言政也。」趙氏以 趙氏注精矣。 顏淵》篇云:「政者,正也。」 挫、詘 ,折也。」是 ○注 「得志行 「行正 一屈 即

丈夫; 有《禮運》篇。」按:《莊子·山木》篇云:「運,物之泄也。」 歸柔順,故云「妾婦」,以況儀、衍。 運」〇正義曰: 章指:言以 阿意用 周 謀,善戰 氏廣業《孟子章指攷證》云: 道 匡君,非 務勝,事 禮 不運, 雖 有剛,心 疏「非禮 「《戴記》 稱 大

釋文》引司馬注云:「運,動也。」

吴師道 之誠,致己之悃愊也。」《儀禮·士相見禮》云:「贄,冬用雉 變而不佐君化,故皇皇如有求而不得。 執以見君者也」〇正義曰:《音義》出 質。」注質,臣所執以見君 若以爲此人,則非安釐之世矣。」孟子曰:「仕。 魏。」」鮑彪注云:「疑即霄。」吴師道正云: 不遠也。」周氏廣業《孟子出處時地攷》云:「按、《史》田 犀首。」鮑彪注云:「周霄,孟子時有此人,至是三十年矣。」 魏人也。 云「義與贄同」。」《白虎通 肖謂宮他曰: 『子爲肖謂齊王曰: 犀首皆在秦惠王時,故霄得問於孟子也。」《魏策》又云:「周 正義曰: 曰:『孔子三月無君則皇皇如也。 周霄問曰:「古之君子仕乎?」注周霄, 正云:「田文前相魏,當襄王時,孟子見梁襄王,相去 《戰國·魏策》云:「魏文子、田 問君子之道當仕否? 瑞贄》篇云: 1者也。 肖願爲外臣,今齊資我於 疏注「周霄魏人也」〇 「載質」,云:「張音贄 三月,一時 需、周霄相善、欲罪 「贄者、質也。 「《孟子》記魏人 疏注「質臣所 出疆必 也。 質己 載 需 傳 物

有求

而 弗得

皇皇

如

有

望

而弗至。」注云:

春夏秋冬以類

、相應也。」《禮記・檀弓上》云:「

既

殯,瞿

瞿

慶賞罰 寒而

刑

慶賞罰刑,異事而同功,皆王者之所以成德也。

當春,以賞副暑而當夏,以

罰副

清而當秋,以刑副

當

天之所以成歲也。

聖人副天之所行以爲政,故以

暖

夏暑以養,秋清以殺,冬寒以藏。

息之期也。

春夏物變盛,秋冬氣變盛。」此「三月爲

一時

而

時

變」之説也,變即化也。

化。

《春秋繁露

四

時之制》篇云:「天之道、春暖以 歷一時而物變化,君子亦當趣

暖暑清寒,異氣

不同同 慶副

功

時

》篇云:

「歲時何謂?

春夏秋冬也。

時者,期也。

天有四時

,時三月,如天之時,固

有四變也。」《白

虎

通

官制象天》篇云:

「三人而爲一

選儀,於三月而爲

時

成。」《易·繫辭傳》云:「變通莫大乎四時。」《春秋繁露

質三字通。

〇注「三月」至「不得」〇正義曰:《大戴記

「摯,雉也。」是「見君用摰」也。

贄、

夫、鄉先生。」注云:

言,不能化。

某見。」」注云:「贄、所執以至者。

用

腒。

頭奉之,曰:「某也願

見,無由達。

某子以

君子見於所尊敬,必

謂

田

服。」注: 畝。 文也。 之助力,故云 天子雖躬耕,不過三推而 民,故名。 以爲之。天子藉田千畝,諸侯百畝。」蓋田名藉田,以 藉 是乎出。」」又云: 至「祭服」〇正義曰: 器械不備,不可以 服。」又成十七年《穀梁傳》云:「宫室不設,不可以祭; + 純 統 亦 云:「大夫士宗廟之祭,有田則祭,無田則薦。」〇注 禮記 孟子》所言略同。 服。 ·四年《穀梁傳》云:「天子親耕以共粢盛,王后親蠶以共 可 ,后稷監之,膳夫、農正陳藉禮,太史贊王,王敬從之。 一墢,班三之,庶人終於千畝。」注云:「藉,借也。 书乎? 虢文公諫 《禮記 三: 諸 一天子 樂記》云"「耕藉,然後諸侯知所以敬。」此 侯耕於東郊,亦以共齊盛,夫人蠶於北郊,以共冕 天子先親耕 「齊,或爲粢。」孟子所引之《禮 · 曲 「收其藉 親耕於南郊,以共齊盛, 王后蠶於北 曰:「不可。 疏 「及期,王裸鬯乃行,百吏庶民畢從。 禮》云: 祭; 然則 禮曰」至「衣服」〇正義曰: 《國語 助 有司一人不備其職,不可以 而 「犧牲不成」以下,亦孟子述《禮》之 린 後民終之,是 也。 「無田 夫民之大事在農,上帝之粢盛於 周語》云:「宣王即位,不藉千 其終收穫,得 是 禄者不設祭器。」又《王制 耕 爲 躬 「躬耕 耕 》蓋如是也。 共築盛,實由 助 勸 爲 率 《禮記 民 於 「耕藉 郊, 借民 助。 民 借助 祭。」與 諸 以 車 桓 也。 侯 」專 若 民 於 力 王 及 馬 祭 公 共 祭

> 則齍、盛可互稱也。 實,亦統名秶。 以黍稷曰秶、在器曰盛爲互釋, 穀在器言之謂之盛。 古文,《禮記》作「秶盛」,用今文。《左傳》作「秶盛」,則用今 是以名。 或兼言叠盛,若《春人》、❶《肆師》、《小祝》是也; 曰盛,故云「盛,稻 之實言之謂之靈,即築也,稷爲穀長以統衆穀而名也, 可盛以爲簠簋實。」《春官 春人》「祭祀共其叠盛之米」,注云: 年《公羊傳》注云:「黍稷曰秶,在器曰盛。」《説文》皿 人》是也。 云:「叠讀爲秶,六秶謂六穀,黍稷稻 、大宗伯》、《小宗伯》、《大祝》是也; 齊,黍稷器,所以祀者。」盛黍稷在器中以 躬耕藉 名,助爲民助也。 齍、築古今字也。 田 《小宗伯》「逆齍」,注云: ,與孟子云「耕助 段氏 也。 《甸師 玉 「粢,稷」,《爾雅 黍稷稻粱等皆在器,皆爲盛也。 裁《説文解字注》云: 其實黍稷在器亦名盛,稻 《毛詩 》注云: 小宗伯》「辨 一不同。 趙氏 「秶,稷也。」穀者稷爲長 「叠盛謂 「受饎人之盛以入。」然 單言盛、若《饎人》、《 甫 以 釋草》文。 助雖 粱麥苽。」然則以器 田 黍 黎日 》作齊,亦作齍,用 祀者也。 六叠之名物」,注 與 黍稷 、藉義 「《周禮》 秶,則 單言齍,若 同 稻粱之屬 桓 粱 《地 八爲簠 一公十四 是 然 部 稻 解 以 官 耤 云 書 篡 内 者 諸 指

春人」上、《說文解字注》有「甸師」二字、參沈校。

0

充貌 티 : 也 牲以告曰「博碩肥腯」,謂民力之普存也,謂其畜之碩大蕃 即 手振之以出緒也。」此「夫人繅」之事也。 之吉者,使繅,遂朱緑之,玄黄之,以爲黼黻文章。 吉者,使人蠶於蠶室,奉種浴於川,桑於公桑,風戾以食之。」 桑蠶室。 説字不 字從皿,故謂『其器可盛 云 字之始。 先王先公。]注云:「三盆手者,三淹也。 獻繭於夫人。 此「夫人蠶」之事也。又云:「世婦卒蠶、奉繭以示於君、遂 因 在 率 謂其所盛黍稷曰齍。 盛。」鄭注 謂其不疾瘯蠡 「器曰齍,實之則曰盛。」似與毛、鄭異。 也。 也。」桓公六年《左傳》云: 中 禮記 相妨也。』《禮記 是則築之與盛别者, 叠謂穀 《左傳》曰 春,韶后帥外内命婦,始蠶於北郊,以爲祭服 是「衣服」即祭服也。 及大昕之朝、君皮弁素積、卜三宫之夫人、世婦之 《周 曲 及良日,夫人繅三盆手,遂布於三宫夫人世婦 禮 ·禮》, 靈或專訓稷, 或訓 影云 也, 「絜秶豐盛」,毛傳云:「器實曰 「豚 謂 ·祭義》云:「古者,天子諸侯必有公 凡文字故訓,引伸每多如此,説經與 -- 泰稷日**齊」**。 日 其 備 腯肥」,注云: 腯 「吾牲牷肥腯。」又云: ○注「不成」至「辭也」○ 咸有也。」「犧牲」而 也,盛謂 要之, 齍可盛黍稷, 而 黍稷稻粱;盛則 《周禮·天官 凡繅,每淹大總 「腯,亦肥也 蓋許主説字,其 在器也。 君服以 齊, 云「不 「故奉 正義 許 皆 在 腯 而 帥 内 則 器 滋 祀 訓

日

飲,誤。 禮》: 同意。 注云: 《儀禮·特牲饋食禮》爲諸侯大夫士祭祖禰,《少牢饋 章句》云:「惟,辭也。」〇注「牲必特殺故曰殺」〇正義曰 《文選・羽臘賦》云「帝將惟田、於靈之囿」、注引薛君《韓 熟,犧牲之不實謂其不肥腯,故又申之以「肥腯. 成」、《禮記  $\mathbb{I}$ 者也」○正義曰:《説文》: 正作豕。 北上,牲北首東上。 爲諸侯卿大夫祭祖禰之禮,以「少牢」、「特牲」名篇。 風》「儀既成兮」,箋云:「成猶備也。」「不成」亦爲不備 云:「成,熟也。」此不成亦即不實。 義 「五穀萎敗不成」,又《貴信》篇云「則五種不成」,高誘 〈釋名・釋言語》云:「成,盛也。」肥腯爲充盛也。 側殺,殺一 爲幎之假借,似非孟意」。 亦爲實,故以「不實」解「不成」。 「主人朝服,即 「刲、擊皆謂殺之。」《特牲禮》:「宗人視牲,告充,雍 讀若猛。」段氏玉裁《説文解字注 《孟子》「牲殺器皿」,趙注:「皿 夙興,主人立于門外東方,南面,視側殺。」注 牲也。」此皆「特殺」之事也。 中 庸 || 云: 司馬刲羊,司士擊豕,宗人告備,乃退。」 位于廟門之外,東方南面,宰、宗人西 「誠者,自成  $\Box$ 廷琥按: ,飯食之用器也。 《吕氏春秋 也。」誠之義爲實則 但五穀之不實謂 Ш ,所以覆器者。」此 一》謂 本無覆器之訓。 0 注「皿所以 「汲古閣本 明 象形,與 也。 《詩 理 《少牢 食禮 腯 》篇 成成之 飯 覆 其 劉 注 云 也 Ш. 作 器 煕 不

牢饋 書 殺 籩 豆豆 以 用綌若錫」、《少牢》「尊兩甒於房户之間,同棜,皆有幂」,所 禮 用 服 | 云: 士有豕鼎魚 故字作 鼏 氏覆器之訓,似 讀 周 簠有蓋 特牲禮》「 影尊 通。 布巾幂八 由 、豆、簠、簋皆有幂,故趙氏以「覆器」二字統之,而 覆尊者也。 布或用葛。 若 禮 此分焉。 猛、古音冥、孟 食禮》「皆設扃幂」,幂即鼏 「冥者,明之藏也。」 菹 「幎,慢也。」《周 《公食大夫禮 綌幂」、《鄉射禮 大巾 鼏 幂 醢 天官・ 四四 **適中以** 彝。 鼎 鼎,庶人魚炙之薦無鼎 豆, 《特牲 有司 《大射儀》「膳尊兩甒 謂之幂。 天子祀天地則以 **鼏以茅爲之。** 非孟 幂人》注云:「以巾覆物曰幂。」《小爾雅· 《幂人》「凡王巾皆黼」, 兼巾之」,所 綌纁裏」,所以覆籩者也。 徹 同 意, 禮》「覆 》「甸人陳鼎、設扃鼏、鼏若束若编」、《少 禮》有 》 簠 爲 幂即巾 》「尊綌幂」、《燕禮》「公尊瓦大兩,幂 , 豈以器之有幎, 一皿、幎 有蓋幂」,所以覆簠者也。 部、孟 幎人,幎即幂, 兩壺卒奠幂」,所以覆壺者 天子諸侯有牛鼎,大夫有羊 以覆豆者也。 也。 疏布 假 ,此覆鼎之幂也。 借,段 津 以 巾幂八尊,祭宗廟 幂用錫若絲」、《鄉飲 亦 則 其幂物, 日 亦 則諸侯大夫士之巾 説是也。 無關禮 盟 無騙, 亦作冪。 津。 《士昏禮》「醢醬 《公食大夫禮 故亦謂之幂 制手? 此不待 揚子《太 以其覆鼎 段又謂 尊、壺 冪 上下等 則 亦 言言。 《説 鼎 也。 以 酒 廣 與 趙 玄

正 貫。 尊 ; 君尊 見者也。 瓜當在公庭」,則不用巾者亦以尊厭卑,又巾幂等級之可 者副之,巾以絺,爲國君者華之,巾 矣。 尊卑貴賤。 醮 不 故趙氏以幎字假借解之。 云云蒙上「禮」字,若皿 疐之,庶人齕之。」大夫降於諸 無幂,亦足爲「庶人不用幂 祭之幂用葛而已,冬夏同也。」是幂之有無分乎文質,即 旅,衆也。 大射之幂用葛若錫,冬夏異也, 器 外,爲媵御賤 用酒亦無幂者,從禮于質也。 黼 《燕禮》:「公尊 有幂, 矣。 趙 士旅食于門西,兩圜壺。」注:「尊方壺爲卿大夫士 義曰:《禮記·檀弓下》云「喪亦不可久也」,又云「喪 氏之訓未必非孟意也。 賈公彦《鄉 士之祭禮用 方圜 即所以覆器也。 士衆食謂未得正禄,所謂 庶人分卑,魚炙之薦,質而無文,則其無幂 壺則 ,故無幂。」陳用之云: 無幂。 瓦大兩, 射 幂 是飯食之器 禮 《禮 日 疏: 一之一證。 殺字與牲字 昏 有幂 「牲殺」,殺即 ~ 侯 禮 ○注「不祭則不宴猶喪人也 人臣,卑也,故鄉飲、 或以尊厭卑 凡 明 尊于室, 即 用 文。 尊于 ,則本文器字已可 庶人在官者也。」方圜 **倫** 不 以俗,爲大夫累之, 醴不 用 「人君,尊也, 一貫,皿字與器 《孟子》「惟 禮》: 東楹之西 ф ф 故 所 見 以 有 亦 用 用性 孔 幂; 「爲天子 幂 無 流謂 幂 也 士 質 兩 士 故 尊 該 無 此 故 字 削 方 也 分 昏 于 燕 也 括 田 也 乎 - 喪 與 禮 削 赤  $\Box$ 瓜 毒 官 房

人不佞,失守魯國之社稷」,注云:「自謂亡人。」無寶」,注云:「喪謂亡失位。」昭公二十五年《公羊傳》云「喪

孟子。 亦仕 復載 踰 亦君子遊 亦仕國也」,則趙氏注「我晉人也」爲無所附矣。近解謂晉國 四字,謂我爲晉人,亦仕於晉國也。乃相傳諸本俱作「晉國 仕 仕國也」。 急若此」〇正義曰:推趙氏注,似趙氏所據之本作「晉人亦 嘗聞仕如此其急。 急、若農夫不可不耕。 農夫豈 女子生而 牆 ,何也?」 , 魏本晉 一,而不知其急若此。 質? 不待父母之命、媒妁之言,鑽穴隙相 相 何爲不急仕也? 出 爲 從,則父母國人皆賤之。注言人不可 宦之國。 「我晉人也 疆 出疆 願爲之有家。父母之心,人皆有 曰:「士之仕也,猶農夫之耕 必載質,何也?」注周霄問 舍其耒耜哉?」正孟子言仕之爲 曰:「丈夫生而 」解「晉人」二字,「亦仕」解 仕如此其急也,君子之難 曰:「晉國 也。 疏注「我晉人也亦仕而不知 君子何爲難仕? 周 霄曰:我,晉人也, 願爲之有室, 亦仕國也,未 出疆 「亦仕國也」 君子謂 何爲 窺, 也 其

> 語助 字。 部云: 也。 觸情從欲,須禮 絶句。」此以與字屬上句讀。 鑽穴隙者何異」〇正義曰: 仕,如不由其正道,是與鑽穴隙者何異? 行觴也。 也。」②段氏玉裁《説文解字注》云: 故謂之媒妁也。」《周禮・ 義》出「媒妁」,云:「音酌。 而 人未嘗不欲仕也,又惡不由其道。 亦與鑽穴隙者無異」。孔氏廣森《經學巵言》云:「與音歟 往者 疑趙氏所據本作「與鑽穴隙類也」。 也。 謀合異類,使和成者。 「媒,謀也。 「斟酌二姓」者,如挹彼注兹,欲其調適也。」古之 無意義。」 ,與鑽穴隙之類也。」注言古之人雖欲 而行。 謀合二姓。」「妁,❶酌 趙氏與字屬下讀,「何異」解 地官 疏 今齊人名麴麩曰媒。」《説文》女 丁云: 王氏引之《經傳釋辭》云:「與 「媒妁之言」〇 媒氏》注 「謂媒氏酌二 「斟者,酌也; 閩、監、毛三本作 也。  $\overline{z}$ Œ 不由其道 疏注 是 「媒之言謀 姓之可 椹 酌者,盛酒 户 :: 酌 類 否 音

章指:言君子務仕,思播其道。達義

9 0

<sup>「</sup>妁」,原誤作「灼」,今從沈校據《説文》改。

<sup>「</sup>也」,原誤作「人」,今從沈校據《説文》改。

之所 《韓詩 行仁,待禮 賤,故 傳 충: 弗 而 偷偷 動。 爲 也。 合苟 苟容干禄,踰牆之女,人 容 疏「苟容干禄」○正義曰: 以持 禄養身者,是謂 或

也。」

其飲食也。 得 以 奢泰,游抏之修」,注云:「泰與汰同。」「奢」「泰」連文,是泰 轉轉相傳,無常主也。」然則「傳食」謂舍止諸侯之客館而受 五年《左傳》云「晉侯以傳召伯宗」,注云:「傳,驛也。」劉熙 切,言轉食也。」按:《爾雅・釋言》云:「馹,遽,傳也。」 成公 微賤則無之。」孟子後車即弟子所乘者,不然,從者徒步矣。」 更,孟子弟子。 ○「傳食於諸侯」○正義曰:《音義》出「傳食」,云:「丁直戀 昊天泰憮」,箋云: 釋名•釋宮室》云:「傳,傳也。 釋地三續》云:「《詩綿蠻講義》云:「古人惟尊貴有後車 無爲甚奢乎? 傳食於諸侯,不以 彭 更問 ○注「泰甚也」○正義曰:《詩・小雅・ 曰:「後車數十乘,從者數百 怪孟子徒衆多而傳食於諸侯之國, 「泰言甚也。」《荀子・王霸》篇云「縣樂 疏「後車數十乘」○正義曰:閻氏若璩 泰乎?」 人所止息而去,後人復來, 注泰,甚也。 巧 人, 言 彭

> 作車者。 於人; 冠禮》云「櫛實于簞」,注云:「簞,笥也。」蓋雖有方圓之別 亦奢也。 之工七,梓匠輪輿是其四者。 事,乃可 梓匠輪輿皆得食於子。 不足,則農有餘粟,女有餘布,子如通之,則 食人者,不可也。 也。」注彭更曰:不以舜爲泰也。 亦得通稱之也。 者」,注云:「簞笥,盛飯食者。 也」○正義曰:《禮記・曲禮》云「凡以弓劍、苞苴、簞笥問 不可受也。子以舜受堯天下爲泰乎? 子以爲泰乎?」注單,笥也。 如其道,則舜受堯之天下不以爲泰。 各以奉其用。 孟子曰 交易則得 曰:「否。 二、非 曰:「子不通功易事,以 食於子之所有 梓匠,木工也,輪人、輿人, 其 圓日節,方日笥。』《儀 注孟子言凡人當通功易 道 士無 羨,餘也。 , 則一 **算食**不可受 非以其道,一笥之食 矣。 謂 事 士 愐 無 周禮 疏注「周禮 食,不 疏注「簞笥 ※ 功事 以攻木 禮·士 羨 而 補 口 虚

旌

則 心

也。 以扶持後學; 氏讀待爲持,謂扶持後之學者,使不廢古先之教。 禮》「左人待載」,注云:「古文待爲俟。」《周禮・服不氏》「以 以化俗」解「以待後之學者」。 若此不得食子之禄,子何尊彼而賤此也? 者」〇正義曰:上,尚也。 順也」〇正義曰:《白虎通·三綱六紀》篇云:「弟,悌 後之學者,而不得 則皆無不足,惟不相補則各有所餘,斯各有所不足矣。 餘即上「以羨」之羨。 也。」趙氏以「餘」釋「羨」,明《孟子》「農有餘粟,女有餘布」兩 曰:《毛詩・小雅・十月之交》「四方有羨」,傳云:「羨,餘 至「其四」❶○正義曰: 順, 居乏而待獲」,杜子春云:「待當爲持,書亦或爲持。」蓋趙 |順行篤也。|是「悌」爲「順」也。 輕爲仁義者哉?」注入則事親孝,出則敬長順 「有人焉,人則孝,出則悌,守先王之道以 悌,順也。 若以幼陵長,則失其序而非順矣。 所以有功 守先王之道,上德之士可以化俗者。 女以所羨之布易農所羨之粟,兩 見《考工記》。 食於子,子何尊梓匠 「尚德之士」解「守先王之道」,「可 待無化義、《儀禮·公食大夫 由長而幼,不失次第之序 ○注 ○注「守先」至 「羨餘也」〇正 惟守先道 疏注 輪 相 也。 「悌 於 一俗 待 輿 補 義 2 0

此

而

《孝經釋文》引《蒼頡篇》云: 子食乎? 復墁滅之。 子何食乎? 彼志於食,此亦但志食也? 詁》云:「破、碎,壞也。」《小爾雅 也,則子食之乎?」注孟子言但破碎瓦,②畫 曰:「有人於此,毁瓦畫墁,其志 其志爲哉? 養生也,粥壽也?」三也字皆與歟、邪同。 正義曰: 也字當作邪字。《荀子•正名》篇云: 「其求物也 之爲道也,其志亦將以求 且子食志乎? 日 吮注「孟子」至「爲也」○正義 此無用之爲也,然而其意反欲求 梓匠 曰:「食志。」注彭更以爲當食 其有功於子,可食而食之矣。 輪輿,其志 食功乎?」注孟子言禄以食功 「毁,破也。」《説文》石部云: 疏注「此亦但志 食與?」注彭更以爲 將以 廣言》云:「毁,壞也。」 求食也; 曰:「子何以 曰:《廣 將 以 食 雅 小食,則 志 求 也〇 地 也 食 則

者」字。 四下, 據 本 書 及 阮校所 述廖、孔、 韓等本注文,當

有

但」上,廖本有「人」字

同。 墁, 豫讓 異》云: 張武安切,云「與謾同」。」阮氏元《挍勘記》云:「謾必誤字。 事。 云: 此。」按: 冰,費日損功之意。 謾者,欺 瓦 則 室」,注云:「圬人,塗者。 器 皆作扞。 名,人宫塗厠,欲以刺襄子。 云: 「杇, 破,碎 此器,今江浙 破 塗謂之圬,即謂之槾,因 一聲相轉。 「圬,槾也。」襄公三十一年《左傳》云 也。 所以 碎之,非以 「鏝,鐵杇也。 说文》云:「畫,界 《論語・ 集韻》鏝、槾、墁三字同 石也。」是「毀瓦」即「破 ,謬甚。 「趙氏以「毀瓦 也。 刃其杆,曰: 涂 《爾雅·釋宫》云:「鏝謂之杇。」《説文》木部 也。 於此文理不順。 以 破碎瓦畫地 推趙氏之義、蓋 刃其杆,謂皆用 八佾》篇云「糞土之牆,不可圬也」,王 秦謂之杇,關東謂之槾。 鐵爲之,或以木。 或從木。」段氏玉裁《説文解字注》云: 宋張芸叟著雜説一卷名《畫墁集》, 欲爲智伯報仇。1 杆謂塗厠之杆,今本 畫墁」四字爲 也。 塓,塗也。」圬、槾皆器,用以 也; 而塗牆之人即謂之圬人。 象 襄子如厠、心動、執問塗者 也。 依注云 【墁滅】,則 碎瓦」也。 田 木 「畫地則復墁滅之」,别爲 「破碎瓦」爲一事,即 四界。 而獨刃之。」然則墁、 墁乃槾之俗。」 翟氏灝 《戰國策》: 一義,則畫墁是 《音義》云: 聿,所以畫之。」又 圬 槾, 杇 人以 「豫讓 當云「與槾 時頃 也。」 謂 畫 塗 塓即 變姓 金部 肅 杅 館 蓋 將 云 脂 墁, 牆 則 全 宫 注 皆 取 鏤

> 曰: 也。 碎,則 刀部 用錐刀剺劃之,義亦通。 無用也。 「剺,剥 地已有界畫,而復將所界畫之迹用泥 云 如是則子果食功也。 E 無能造屋,所畫界圬滅則等差無所驗。 也 "「然則子非食志也,食功也。」注 若劃,爲古文畫。 ,劃也。」「劃 則 ,等畫物也。」謂物有差等, ,錐刀曰 曰:「否。」注彭更曰: 《説文》刀部云: 劃。」依此則謂 涂而 畫 以 是皆以 一刻,劃 爲 新圬墁 滅去之。 界。 之牆 傷 捎 有 不然 孟 也。 用 瓦 氏 而 爲 謂

田

日: 風 雖食諸 尚 易俗,天下皆寧。」 義,國之所尊。 語見《孝經》「廣要道」章。 章指: 言百工 侯,不爲 素餐。 食力,以禄養賢; 移 風 又《禮記 疏 易 俗, 移風易俗」〇 其 樂記》云: 功 可 脩仁 正 珍。

世家》云: 齊 政, 楚何也? 齊楚惡 萬 章 偃 問 自立 而伐之,則如之何?」 疏「今將」至「伐之」〇正 曰 : 爲 宋 宋, 君。 君偃十 小 或 也 年, 義 日 : 自 注 今 立 《史記 問 將 一爲王 宋 行 當 王 如 東 宋

葛

伯

放

而

不

祀,湯

使

人

問問

之曰:『何爲不

0

正

在

所稱,審皆剔成矣」,吴師 拔宋五城。」是也。 云:「齊攻宋,使臧子索救於荆,荆王許救而卒不至,齊因 乃其晚節不終,時孟子去宋已 笞地」、《世家》所書「淫於酒、婦人」、「諸侯皆謂桀宋」者、 慮,孟子以湯武之事告之,蓋以弔伐望宋王也。 王偃將行仁政,往游焉。 齊楚惡之之口、《史》非其實歟? 其復爲紂所爲,不可不誅。1 告齊伐宋。 史記》稱宋王爲桀紂,與萬章「行王政」之言迥别,或出 考》云"「孟子去齊居休,旋歸於鄒,年六十餘矣。 、婦人。 一殺子 「齊伐宋,宋急,蘇代乃遺燕昭王 答,❷意其 與 Ŧī. 噲後。」孟 魏、 國。 羣臣 城; 楚伐宋,殺王偃,遂滅宋,三分其地。」按" 盛 南敗 諫 血 初政尚 者 《策》繫於剔成之世,鮑彪注因言「孟 子曰 以 楚, 輒射之。 韋 取 囊 有可 會齊楚惡而伐之,萬章以國 道 地 已譏 縣 三百 「湯居亳,與葛爲 觀者。 於是諸 人矣。 而 射 其 里 周氏廣業《孟子出 《戰國 傅 之,命 侯皆 齊楚之伐、《國 西 會。 書,勸之伐齊。」亦 王偃立四十七年, 敗 日 策》所謂「射 魏 又《史 射 軍。 「桀宋,宋 觀孟子 天。 蘇 淫 聞 鄰 小 處 乃 策 爲 秦 於 子 天 與 宋 時 於 與 今穀熟 之遷 羊。 0 祀 縣 正 陰縣是也。 姓之國。 皇 河 之曰: 是,即 甫 都 謐 也。 縣 以偃 是

萬章問

地

齊湣王

敗

取

魏爲 齊,

酒

若湯居偃師,去寧陵 所云「湯都在穀熟」,事並不經。 安得湯冢乎?」閻氏若璩《尚書古文疏證》云:「亳有 鄰」○正義曰:《漢書・地里志》「陳留 故葛伯國,今葛鄉是。」「山陽郡 南亳,後漢梁國 ? 曰: 南郡偃師,尸鄉,殷湯所都」,臣 葛伯食之,又不以祀。 景亳,湯所盟地; 湯 放 鄭康成謂湯亳 今毫有湯冢。」師古曰 也。」其 居亳,與葛爲鄰。 縱 無 無道,不祀先 穀熟縣是,湯所都 以 説 八百 精 供 餘 矣。」王 犠 在偃師,皇甫謐即 里 西 一,豈 牲 亳, 葛即今梁國寧陵之葛鄉 薄, 祖 氏 劉向云: 當使民 也 河 鳴 瓚 』。」湯 墳 南尹 也; 臣瓚 盛 注葛,夏諸 日: 疏 郡 説 《尚 爲之耕乎? 寧 偃 Ĥ: 湯 湯 殷湯無 陵」,孟 非 使 書後案》云: 北亳,梁國 師 據《孟 居 也。 居亳, 湯 縣是,盤 遺 亳 與 葬 皇 所 康 侯,嬴 之牛 子 葛 甫 今濟 Ξ 處。」 都。」 日 》以 亳 爲 謐 庚 蒙

軍」, 原誤 作「君」,今從沈校據《史記》改

師

爲

西

亳,

而

别

以

蒙

爲

北

亳,

穀

熟

爲

南

亳

「答」, 原誤作「達」,今據《孟子四考》及經解 本改。

名亳。 之, 謐 此,後 可 師 節 傳 彪 紀 丘 成 瓚 薄 丘 經 鄭 南 故 案,《續 孟子》「湯居亳、與葛鄰」,葛 之可 縣北 注》: 亳時 知湯 馬馬 分 縣不言是毫, 注 自注[湯 而 《史記正義》云:『湯即 偃 司 也 名三,其實蒙、穀熟古但名商丘 》注之云: 説似 師 馬 乃 觀 事,見 四 本 志》梁國屬 王皆以 『汳水東經大蒙城北。』大蒙城在今河 北 彪皆晉 相 遷 即 乎? 《漢志 + 居 亳; 非 去七八 所都」,此蓋彪本之臣瓚者。 偃 里, 如其説,只有東西二亳耳,奈何於數十 南亳穀 《帝 無 師 湯始 穀 「蒙縣西 可 穀熟故城在今商丘縣 省 其 人, 稽 告 熟,南 百 縣 見謐 辨 於偃師 即 熟,後 劉 居 釐 里, 有 但 其 商 昭 沃序 因 蒙有 馬 也。 後 亳」之文。 北 梁 丘,後 蒙、 位,都 乃遷西 經言三毫, 微 言「湯都」,而梁國 鄭 人, 有薄城,中 》疏 穀 穀 在 既 子 惟 熟 遷於亳,當 熟 妄 名三亳,宜 封 寧陵,去偃師 南亳, 言湯 [亳偃 劉 相 此 相 梁國屬 盤 附 ,不名亳 遂造北亳、南 曾 昭 東 師。 去只數 亦 庚 後 有湯冢。」於是 和 居 劉 注 南四十里,湯 以 徙 · 豈 言 商丘 縣 即 五遷之二。 昭 與 遠 湯 西 十里 也。 商 葛鄰 又引 引 蒙縣、山 如 八百里太遠 又 之舊 亳。」 近 南 商 班 先 有 謐 相 歸 杜 王 乃 杜 固 薄 -里中 分 丘 德 謐 帝 等。 亳 邑 預《 預、 五 之 是 又以 張 鄭 配 司 陽 本 而 本 府 王 《水 遷 郡 居 左 强 無 商 康 臣 偃 不 封 居 商 守 馬 世

也。」春 葛爲國 諸 之民 故臣 舜 桓 蒙、穀熟與薄,並 昌、壽張、皆宋分也。」蓋諸郡國皆微子所封、社 昭 而 北 者 宋 指 時 云: 地 分爲二, 侯嬴 亳城 也, 漁雷 大不 時 説 所 地 稱 人或以亳在 公」,葛嬴 『宋地,今之沛、梁、楚、山 葛尚 謂 無 亳 而 也 |瓚所謂 | 湯 亦 姓之國」〇正義曰: 僖公十七年《左傳》云「葛 偃 在 澤、湯止於薄。」則此爲湯嘗游 類 秋 分 涉 者 即 欲 嬴 存歟? 薄,薄 梁 時 師 爲三亳」,本一耳,焉得有三? 也。 也。 司 何 以 爲 爲如 秦、 國 去葛太遠,不便代耕,不足辨 馬 充 Ш 姓 宋 | 沸陰 蓋 也,非 徐、江、黄 彪 都 數乎? 而 險之有 矣。 地。 夫人之一,以 改屬梁國。 薄縣 所 ○注「放縱 在 亦 謂「在梁國 **泲陰亳縣」者** 即 山 《説 亳 班 者,漢 陽 皇 也。 氏於此、 而 其 郯、 文》女 之間 甫 辨 云 《立政》『三亳』,鄭 謐 本 晉又改薄 無道」〇正 阪 衛 陽、沸陰、東平,及東 莒 而 所 屬 乎? 一薄 文下又云: 也。 部 姬 分屬 皆嬴姓 即其 Ш 縣」,杜 其 云: 鄭 陽 宵 商 息之地,後人遂 於蒙、 其 (所謂 爲 姬 郡,後 「嬴 湯 丘 義曰 辨 葛 華 亳, 矣。」〇 湯 都 平 預 ",帝 一昔 在 嬴猶 都 子 穀 所 且 則 衍 漢 也。 謂 等例 解爲 熟者 **| 堯游** 改屬 定 在 猶稱亳, 少 Ш 分 楚 與 在 徐 偃 注 在 陽 皡 其 郡 辭 成 一遷 沸 師 漢 之, 偃 也 薄 成 之 葛 嬴 地 之須 蒙 往 皋 師 縣 陰 志 姓 等 離 則 夏 亳 本 縣 置 與 生 往

序》湯征

諸侯,葛伯

不 王

祀 氏

,湯始征之,作《湯征》」,則「葛

伯

也

正義曰:

盛《尚書後案》云:

「考之《書

之。有童子以黍肉餉,殺而奪之。《書》曰 注童子未成人,殺之 九歲以下皆是。 某甫」,注 小童」,注 言湯所 狀 殺 伯 盛 人 怨之。 矣。 《尚書集注音疏》云:「仇餉 也。 仇餉」及「湯 葛仇殺餉,是葛伯以仇怨授餉者,故云「仇餉」也。 如是也。 注「爲一夫報仇也」〇正義曰:《周禮 之民皆曰: 篇甚明。」桓公二年《左傳》云「怨耦曰仇」,是「仇」爲「怨 不復言《書》曰,至其下「徯我后」,則又加《書》曰 餉」既言《書》 曰 『非富天下也,爲匹夫匹婦復 葛伯不當怨餉者,云「仇餉」是謂其殺童子,使餉者 爲其殺是童子而征之,四 不云「餉者仇葛伯」而云「葛伯仇餉」,古人屬文每 下云「爲匹夫匹婦復仇」,則仇在匹夫怨葛伯 一征自葛始』云云,正《湯 湯不貪天下富也,爲一夫 則中 雖 間以釋《書》,而其下引了一征」則 謂 葛 伯 殺餉者。」是 征 海之内皆曰 讎 天官 崇 也。二 報 語。 仇 宰夫》「諸 仇 , 其 上引仇 此 江 四 氏聲 非一 疏 海 仇

記・ 之。 侯之復」, 晉世家》云: 趙氏以 注 仇釋讎 云: 「復,報 「仇者,讎 ,明孟子言讎即 也。 也。」《書》 是「 復 《書》仇餉之仇 讎 作 即 仇 孟 報 子 仇 以 讎 中

陛下,身當伏誅」,師古曰:「狀,形

也。 謝

無狀猶言

面以見人也。

日

自言所行

醜

惡

狀。」按:

趙

氏 無

無狀」爲葛伯

罪,當

間其

醜 鳴

惡

無善

狀 無 貌 首

也。 善

0

注

尚

書

至 用 顔 ○正義日:

《禮

記

曲

禮》云「自

稱

於其

君

云:「小童,若云未成人也。」《雜記》稱

陽

童 日 以伐殺葛伯,怨其害此

銄

也。

疏注「童子」至「無

尤無狀。

《書》、《尚書》逸篇也。

仇,怨也。

『葛伯仇餉』,此之謂

也。

云:

「童,未成人之稱也。」《少儀》「童子曰聽事」,注云:

童子、未成人。」《詩・芄蘭》正

義以十

漢書・東方朔傳》「竇太主徒跣

頓

日

:「妾無狀,負

問

之日

: 『何爲不祀?』曰: 『無

以

供

粢

又

使

也。」湯使毫衆往爲之耕、老弱饋

食

葛

率其民,要其有酒

食黍稻者奪之,不授者

騒

》云「夏康娱以自縱」,注云:「縱,放也。」 湯

0 有「書」字。 尚 書」上,據本書 及阮校所述廖、孔、 韓 等本注 文,

文《尚 云: 湯再征 民,如 休 逸篇 也。 下。 故 載」,孫炎注 略 雅 止,不以有軍來 + 后 曰 : 同。 也。 》煬帝伐高麗 來其無罰。』建載,始也。 説以 釋詁》云: 載,始也。」《梁惠王》篇云: 也。 征 書 歸市者弗止,芸者不變。 東面 奚爲 『湯始 時 疏注 + 而 即 載作再。 雨降。 仲 民 服 \(\frac{1}{2}\) 始 而 虺 天下。 國。 日 後我?』民之望之,若大旱之望雨 「載始」至「國 也。 「哉,始也。」故《毛詩・周頌》「載見辟王」,傳 詔 征 「載取 征 待我 云 征,故市者止不行 載屬下讀則 始即 , 自葛載。 』 十一 再十一,凡征二十二國也。 西 》作 民大悦。 「黄帝五十二戰,成湯二十七征。」此 萬物 君,君來,我則 [夷怨; 説言當作「再」字。 載 初 也。 終 也一〇 征 而 自 「湯始征自葛」爲句。 湯 復始。」終 《書》曰:『徯我后, 爾雅 南 葛」,蓋 Œ 言湯初 義 面 征 日 : 也。 無罰矣。 征 而 本 誅其君,弔其 釋天》云「唐 ,自葛始。」與 而 此 征 而 征 復始, 載與哉通、爾 不使芸者變 ,北狄怨, 再十一 無敵 自葛始 説 義爲再 歸 也。 晚出 《書》, 於天 市不 虞日 此 者, 也。 古 文

邑周 文。 於匪 雅 黄于匪」至『取其殘而已矣』。 玄三纁二之帛,願見周王,望見休善,使我 所執往,無不惟念執臣子之節。 周 攸 爲始,易始爲載耳。」○注「不使芸者變休也」○正義曰: 案 》云: 又多於二十二。 書》文也。 武王之師救殷民於水火之中,討 不類《孟子》之文而大類《尚書》, 從有攸」至「賊也」〇正義曰:江氏聲《尚書集注音疏》云: 有攸」以下,道周武 •釋詁》云:「休,息也。」謂芸者本勤動 王 不 攸,所也。言武 家也。其君子、小人各有所執以 救民於水火之中,取 以迎其君子,其小人簞食壺 見休,惟臣附于大邑周。』其君子實玄 惟 「其蘇、無罰互異,乃古人引經不拘處,猶上文易 臣 據《孟子》本文承「大邑周」之下,云「其君子實玄 東 古書殘缺,未知所本矣。 征 綏 王東征,安天下士女,小 王伐紂時也,皆《尚 厥 士女, 趙氏《章指》於『而已矣』下乃 其 雖不 匪厥玄黄 殘 匪 其 稱 而 厥 王氏鳴盛 ,變而止息。 殘 書 迎 漿以 已矣。 玄黄, (賊也。 其  $\stackrel{>}{\exists}$ 書》逸篇 類 得 謂 迎 ,自是《尚 人各有 也 附 諸 尚 其 紹 疏 就 侯 『有 書後 **爾** 黄 小 我 注 大 從

傳云: 雅

所也」、《爾雅・釋言》文。《大戴記・夏小正》「綏多士女」, 文,則「其君子」以下乃孟子申説《書》意,非《尚書》文。」「攸 也」、是則統「其君子」以下云云皆爲逸《書》文矣。詳繹其

「綏、安也。」「綏厥士女」即「安天下士女」也。

爾爾

云「從有攸以下,❶道武王伐紂時也,皆《尚書》逸篇之文

章指」,沈校: 當作「章句」。

纁之率,玄居三,纁居二。」賈氏疏云:「言率皆如是。

黄于匪」。

非借用,乃正字也。

竹部

**篚訓「車笭也」。」《儀** 

禮》云「釋幣

制玄纁,束」,

注云:「凡物十日

東。

玄

《挍勘記》云:「《説文》匚部:「匪,似竹篋。」引《周書》「實玄

云

「義當作篚,篚以盛贄幣。

此作匪,古字借用。二阮氏元

來安之也。

申言「東征、綏厥士女」、謂士女所以有所惟臣者,以武王東

趙氏倒解之耳。《音義》出「匪厥」,云:「丁

「惟念執臣子之節」也。「有攸不惟臣」乃小人,故

所處也,即

士女,故通下而言「有所執往」也,謂其執往非無處也。

其有

所」,「有所」即「有處」。 因下言「其小人簞食壺漿」,小人即

「所,處也。」《孟子》云「無處而餽之」,此「有攸

」即「有

承」承也,故以「無不」解「不」字。《詩・

商頌》「有截其所」,

詩》云:「惟,念也。」云「小人各有所執往」,解「有攸」二字,

釋詁》云:「惟,思也。」《詩・維天之命》序《釋文》引《韓

無不惟念執臣子之節」,「不惟」惟也,猶「不顯」顯也、「不

0

玄三

《書論》依《尚書緯》云: 不與 德優 有簞 侵紂 末,民 其時列於學官二十九篇之《太誓》乃民間於壁中得之,故 學者謂《尚書》惟有二十八篇。」惠氏棟《古文尚書攷》云: 書·藝文志》:「《尚書》古文經四十六卷,爲五十七篇。 其《書》,亡數十篇,獨得二十九篇。」劉向《别録》云: 趙氏云「古《尚書》百二十篇」所本也。 法者百二十篇。 疏注「太誓」至「古太誓」○正義曰:《尚書序》正義引鄭氏 二十八篇者,伏生也, 二十九卷,大、小夏侯二家。」《楚元王傳》注臣瓚曰:「當時 後得以充學」也。 秦時焚書,伏生壁藏之。 , 迄於秦穆公, 凡三千二百四十篇, 斷遠取近, 定可以爲世 之疆 古《太誓》同 前代也。 食壺漿之歡。 (有得《泰誓》書於壁内者,獻之,與博士讀説之。」《漢 篇。」蓋伏生所藏百篇僅存二十八篇,已無《太誓》。 界。 今之《尚書 以百二篇爲《尚書》,十八篇爲《中候》。」此 則 此文明云《太誓》當時後得之,《太誓》無 取 比於湯 于 諸 二十九篇者,夏侯也,依伏生數增 「孔子求《書》,得黄帝玄孫帝 殘 傳 其後兵大起,流亡。 賊 記 · 太誓》篇後得以充學,故 伐桀爲 者 引《太誓》皆古《太誓》。 以 張 《史記· 有 殺 光 伐之功 寵 漢定,伏生求 儒林傳》云: ,●美武 也 武 魁 Ŧ 經 之 民 帝 惟 此

誓》一篇」者,得之。 伏生所誦合三十篇。 誓》曰「朕夢協朕卜,襲於休祥,戎商必克」,《孟子》引《太誓 皆掇拾成篇。 有得《泰誓》於壁内者』。 釋文》云: 不在《太誓》者甚多,弗復悉記。」趙氏云「諸傳記引《太誓》皆 鄭云「今《太誓》無此章」,則亦以爲古《太誓》矣。 武王誓衆以伐紂之辭也。 古《泰誓》,固馬氏説也。 良」,今文《太誓》皆無此語。 予武,唯朕文考無罪,受克予,非朕文考有罪,惟予小子無 孫卿引《太誓》曰「獨夫受」,《禮記》引《太誓》曰「予克受,非 敘》云:「《泰誓》後得。 (左傳) 文,故趙氏以爲是古《太誓》也。 《史記・周本紀》載之。 「我武惟揚,侵于之疆,取彼 》所引《太誓》皆適在其所未見兩篇中。 「漢宣帝本始中,河内女子得《太誓》一篇獻之,與 然《坊記》引「《太誓》曰」云云,鄭氏注云: 蓋漢世僅見三篇之一。 漢世行之。」按,劉向《别録》云『武帝末 按,其文似若淺露。 陸謂本始中,非 孔氏廣森《經學巵言》云:「《經 近儒王氏鳴盛、江氏聲、孫氏星 今《太誓》無此章,則其篇散 吾見書傳多矣,所引《太誓 凶殘,我伐用張,于湯有光」, 後得之《泰誓》今亦 也。 《春 故《語》、《孟 意時博士 然其云『太 秋》引《太 馬 八融《書 不 有 存 典 而

日

<sup>0</sup> 比」,原誤作「此」,今據廖本改。

政, 耀也。」是「光 會《書序》强分爲三者,乃適致馬融之疑耳。」「時維 楚雖大,何畏焉?」注萬章憂宋迫於齊楚,不得 行政,故孟 (毛詩 四海之内皆舉首而望之,欲以爲 大雅・大明》第八章文。 》九二傳云「承天寵也」、《釋文》引鄭注云: 子爲 即 「龍」也。 陳殷 湯周 不行王政云 武之事以 傳云"「如鷹之飛揚也。」 喻之。 爾。 君。 苟行 誠 「寵,光 鷹揚」, 能 齊 王 行

之臣,反讎桀紂而臣湯武。」」是其義也 之間,四海之内,善之則吾畜也,不善則吾讎也。 武」○正義曰: 儲説》衛嗣 夏商之末,民思湯 疏「脩德無小暴慢無强」○正義曰:《韓非子・ 章指:言脩德 君曰「治無小 <sup></sup>淮 南子 前 武。 無小,暴 道 [亂無大」,亦此意。 應訓》云:「尹佚曰: 雖欲 慢 不王,末 無 强 〇「民 昔夏商 一天地 由 是 思湯 故 也 内

之,天下思以爲君,何畏齊楚焉?

與? 我明告子。江不勝,宋臣。疏注「不勝宋孟子謂戴不勝曰:「子欲子之王之善

齊言, 子》。 宋,而 子• 諸 之 是鮑彪,其考古最疏略。」有楚大夫於此,欲 子所以往而受七十鎰之饋 之,如不勝議行什一,議去關市之征,進 宋亦有故。 子不見諸侯,故問答止於梁齊,小國 當周 得也。」全氏祖望《經史問答》云: 公族執政者。 氏佑《温故録》云:「戴不勝即戴盈之,一名一字 子」,注云:「載讀爲戴。 臣」〇正義曰: 曰:「使齊人傅之。」注不勝曰 至戰國晉分齊篡,而宋猶綫 齊 ? 内儲説上》。 慎靚王之三年,正 或曰:戴子,戴驩也。」按: 於康王無問答,則不足以定其見與否 語 當 使 也 孟 蓋康王初年,亦嘗講行仁義之政,其 齊 子 唯宋始終以公族爲政、《左傳》紀列最詳 《荀子 則 人 假 楊倞以 傅 喻 使 之 有楚大夫在 康王改元之歲,宋 解蔽》篇云「唐 齊人傅諸? 戴不勝 「或日」 邪, 也。 脈 使 相 謂孟子 使 别之,則不勝 戴 延,不失舊物,本枝之道 楚 「潛丘謂孟子去齊適 、驩爲 解居 此、欲 人 則 鞅 在辟公時 居州以輔王,斯 自 使齊人。 蔽 宋太宰,見《韓 滕 州 始 使 傅 於欲 也 稱 傅 圃 變其子 非驩 르 Ŧ. Ŧ 相 楚人傅 然所 是 游 也,宋之 臣 雖 也。 矣。 其 间 米, 見《孟 日 使 如 以 曾 逐 學 盈 游 趙 載

氏 同。 呼 莊 此 作權,非 **講同。」**阮 嶽,齊街里名也。 撻 雖 齊 一得 「按、《玉篇》音囂,召呼也。 日 音囂」。 咻之者讙也」○正義曰:《音義》出 之、欲: 也 語 也,不 傅 襄 日 敗」,注 慶 知録》云: 。」與 齊 甚 相,衆 公二十 氏 撻 云: 誤。 人 宋費 之木 ○注 唤同。」 使齊言, 而 並 氏元《校勘記》云: 可得 讙 傅 「嶽,里名。」昭十年「又敗諸莊」,哀六年「戰 讙不 楚 求 同。 即 衮 「莊是街名,嶽是里名。 百 之, 「莊 其楚, (年《傳 今之諠 人 車 然 · 得 梁 矣。 、咻之。 閻 嶽 於 則 不可得矣。 有囂音。 衆 谿 多人處之數年 氏 齊 莊 丁云 漫 若 譁字 楚 街 亦 引 1璩《釋 志》 里名 咻之者, 人 又 注 不 「按、《玉篇》作 而 今釋注意,音歡爲便。 也。 解《孟 攷《玉篇 궁: 咻 云:「六 「韓本作讙 可 置 也一〇 地》引 **ズ**玉 之, 言寡 之莊 得 曹 子》「莊 讙 矣。 「嚾也」,云: 而 《左傳》襄 正 參 » === 篇》音囂, 雖 軌之道。」「反 炳 不勝 也。 嶽 義 自 爲 是,●孔 部 日 燭 嚣 日 : 注言使 之間 齊 嶽 齊 點, 齋 凹,轉寫 撻 衆 如 即即 也。 相 隨 召呼 顧 二十 也。 此 而 荒貫 丁 本、 筆 數 蓋字 屬 氏 引《 》與 求 疏注 雖 譌 一齊 後 陳 炎 也, 八 盧 云 年 莊 切 其 本 相 左 干 年 武 作 讙 日 顧 于 0

乎? 也。 乎? 宋王 世 注 所。 王 也 日 齊闤闠之地,姦人所 如 誰 善 卑 列 其 以 宣四年《左傳》 何」〇正 此 ? 如 使在王左右者皆 尊 士也,使之居於 與 或 不 使 獨 齊 趙 皆 辥 爲 皆 在 何 獄 在 勝 氏 居 力以待之?』《孟子 僭 辥 義 善 王 市 義 王 常 州 號 日 爲 也 居 所 ? 所 言 獨 寄, 自 Ĕ: 者,長幼 者 州 居 獨 如 王 稱 勿 州, 猶 小大皆 也 容, 宋 氏 「棄君之命, Ξ, 擾 辥 非 ·, 王 引之《經傳 王 故 也 宋之善 也 王 故 居 居 何 當 所。 卑 如 誰 日 州之疇,王 州 獄 而 僅 勿 宋 尊 居 滕 與 能 擾 字 士 獨 文公》篇 居 獨 州 皆 在 之耳。二子 合 化 釋 爲 王」也。 也, 誰愛之?」《 從 州 之 如 於 詞》云: 非 則 不 嶽 也 獨 當 宋 辥 欲 王 善 王 音, 日 能 使 誰 Ŧ. 誰 所 居 謂 如 疏 蓋 居 周 與 與 者 何 州 獨 宋 謂 楚 注 爲 於 之 爲 「, 長 猶 獨 辥 王 也 嶽 語 末 Ŧ 居 善 不 將 居 何 市

善

子

幼

州

乃 曰

讙 原 誤 作 今 據 阮 元《孟 子音 義校 勘 記 卷 上

改

日

章指: 言自非聖人,在所變化。故諺

州,獨如宋王何?」

耳。 子章句》云:「白沙入泥、不染自黑。」此泥字乃涅之譌。 釋詩之涅矣?《説苑》作「白沙人泥」,李善蓋以是誤也。 詩作涅,注並引曾子、趙岐,明涅是泥。若均作泥,何以 渝」,注既引曾子曰:「沙在泥,與之俱黑。」又引趙岐《孟 代「泥」。《文選》潘安仁爲賈謐作《贈陸機詩》云「在涅則 水部云:「涅謂黑土在水中者也。」黑土在水中即汙泥 白沙在泥中,與之俱黑」者,土地教化使之然也。」《説文》 補《史記•三王世家》云:「傳曰【蓬生麻中,不扶自直", 居必擇鄉,遊必就士,所以防邪僻而近中正也。」褚先生 衆。」《荀子・勸學》篇云:「蓬生麻中,不扶而直,故君子 扶自直, 白沙在泥, 與之俱黑。」注云: 「古説云扶化之者 ○正義曰:《大戴禮記·曾子制言上》云:「蓬生麻中,不 扶自直。」言輔之者衆也。疏「白沙」至「衆也」 曰:「白沙在涅,不染自黑,蓬生麻中,不 《説苑》又作「蓬生枲中」,枲亦麻也。 《音義》出涅字,云:「奴結切。」是趙氏作涅不作泥也。 故《廣雅·釋詁三》云:「涅,泥也。」故趙氏以 扶即輔也。 涅

孟子正義卷十二終

## 三六〇

## 孟子正義卷十三

江都縣鄉貢士焦循譔集

也? 干木踰垣而辟之」○正義曰:《史記・老子列傳》云:「老子 於段干,段干應是魏邑名也。」而《魏世家》有段干木、段干 之子名宗。 心,而此二人距之太甚。迫窄則可以見之。 可以見矣。注孟子言魏文侯、魯繆公有好義之 辟之,泄柳閉門而 貴也」○正義曰:《論語・述而》篇文。 段干 木 踰 垣 爲臣,不肯見不義而富且貴者也。 怪 孟子不肯每輒應諸侯之聘。 不見之,於義 公孫丑問曰:「不見諸侯,何義?」▓Ⅱ 孟子曰:「古者不爲臣不見。注古者不 宗爲魏將,封於段干。」裴駰《集解》云:「此云封 不内。 是皆已甚。 疏注「不義而富且 迫,斯 疏 段 謂 而 何

則往拜其門。此大夫禮也,乃引之以稱陽貨。

向以此詢之

近。 義 曰: 爲姓。 毛氏奇龄《四書賸言》云:「大夫有賜於士,不得受於其家 子、《田完世家》有段干明、疑此三人是姓段干也。 大夫也。孔子,士也。 士,不得受於其家,則往拜其門。 我則可以見之。窄即答字,又通作迮。《爾雅·釋言》云: 部云:「笮,迫也。」 辵部云:「迫,近也。」 蓋謂君既來近我 則其始雖踰垣避,其後亦見矣。 春秋·下賢》篇云:「魏文侯見段干木,立倦而不敢息。」然 嘗不軾也。秦嘗欲伐魏,或曰:『魏君賢人是禮,國人稱仁, 義》出『不内』。作内是也。」○注「迫窄」○正義曰《説文》竹 侯欲見,造其門,干木踰牆避之。 義》引皇甫謐《高士傳》云:「木,晉人也。守道不仕。 上下和合,未可圖也。」文侯由此得譽於諸侯。」張守節《正 矣。《魏世家》云:「文侯受子夏經藝,客段干木,過其間未 「逼,迫也。」《小爾雅・廣詁》云:「逼,近也。」是逼迫義亦爲 陽貨欲見孔子而惡無 閩、監、毛三本内作納。 《風俗通・氏姓》注云:「「姓段,名干木。」」恐或失之 疏「大夫」至「其門」〇 阮氏元《挍勘記》云"「《音 ○「泄柳閉門而不内」○正 文侯以客禮待之。」《吕氏 禮。 大夫有賜於 注陽貨,魯 本蓋 Œ 義 : 因 邑

拜,孔

疏云:

酒

肉輕

但

又拜于其室者,禮謂之『再拜』。

非

《小戴記•玉藻》篇有云:"大夫親賜於士,士拜受,又拜於 謀,季康子欲伐邾,問之諸大夫,季氏之臣申豐,杜氏注 引文字,不必屑屑章句,而孟子爲甚。 也。」下言「大夫親賜士、士拜受、又拜於其室」,孔疏云:「此 藻》,非如《孟子》所云也。」周氏柄中《辨正》云:「既拜受而 「屬大夫」,公叔文子之臣、《論語》稱爲「臣大夫」。 此家大 酒肉之賜,故再拜。」陽貨饋蒸豚,正所謂酒肉之賜弗再拜 此苦心曲意,而乃謂其所行者爲大夫之故事,則不惟 敵者不在,拜於其室。」則是大夫有賜,無問在與不 然則陽貨大夫矣。」全氏祖望《經史問答》云: 《尚書》、《論語》及諸禮,文互異者十之八九。古人援 若不得受而往拜者,是乃敵體之降禮。 知季氏家臣原稱大夫,季氏是司 初賜至時則拜,至明日 然則孟子非與? 此《記》上言「酒肉之賜 正惟以敵者之故,不得不 徒,此大國命卿之臣之 陳子車之妻與家大夫 如郈邑大夫、郕邑大 孔子所行者是《玉 曰:《孟子》七 不重 「嘗考 陽虎 弗再 誣孔 往 拜 爲 饋也。 也。 文》則闞是正字。」趙氏佑《温故録》云:「陽貨援大夫賜士之 《類篇》: 注 也。 反以孟子爲冤誣,妄矣。」陽 者,故必瞰亡而來,非以敵體之禮 可見」之意,言以貨之悖慢,孔子猶往拜之,使是時貨果能 亦矙亡而往,乃孔子之以人治人,終於不見,不得謂之往見 禮以嘗孔子,又瞷亡 也。」」阮氏元《挍勘記》云"【《音義》"「鷳或作闞。」依《説 之」,義與觀同。 云: 「時,何也。」《論語 孔子亡而饋之者,欲使孔子來答,恐其便答拜 時,陽貨先,豈得不見? 孔子蒸豚,孔子亦矙 觀、關、視也。 饋孔子豚」、《孟子》曰 「矙視」至「見之哉」○正義曰:王氏念孫《廣雅疏證》云: 孟子蓋即從往拜一事原聖人不爲已甚之心,以申「迫 孔子矙其亡者,心不欲見 是時陽貨先加禮,豈得不往拜見之哉? 「覩,又音時。」引《廣雅》:「覩,視也。」《釋言》篇 《玉篇》、《廣韻》並云: 闞與瞰字同。 丽 讀,無 • 陽貨》篇「孔子 其亡 「蒸豚」。 貨 禮已明,不 字亦作矙。 矙 也而往拜之。 注職,視也。 陽貨 孔子之亡也 豚 「覩,視也。」《集韻 得謂 非 時其亡 也。 《説文》:「闞,望 全氏讀禮 大牲,故 貨之能

其室。

在,皆當往拜。

子,亦並冤陽貨也。

或曰:

出

篇所引

若以大夫之禮來,尚何事矙亡?

夫也。

下有大夫二人,一

日小

宰,

日 小司

稱

也。

故邑宰、家臣當時通稱大夫。

夫、孔子父鄹邑大夫。

此邑大夫也。

座客,皆四

顧 駭愕。

不

徒,

而

然也。

不審

而

而

饋

論

語

日

用

熟

疏

使

人

陽貨

視

當

是

也

而

往

拜

先

也

三六二

朝,竦 趙氏注與之同,悚、竦字通 笑也。 豕。 門之甚者哉? 「《漢書 云:「今視女諸侯及卿大夫,皆脅肩諂笑,以 畦 也。 見陽貨也。」明以不見爲實事而先爲設辭,「豈得」二字爲反 加 肩諂笑,病于夏 言》云:「豬 猶不見,孔子不先不見也,不先而見,則小人而已矣。」《方 言以申之,不似俗解直以貨之饋爲先,而孔子之往拜爲見 鄒 文選・ E : 禮如 陽傳》「脅肩低首」,師古注並 灌 雄 其子或謂之豚。」是 蓋此兩節皆正答不見之義。 一體敬 傳 **《詩** 園 病,極 文侯、繆公之來就見孔子,豈 揚雄解嘲 》則 外戚傳》上官太皇太后親霍后之姊子,故常霍 己之勤 而禮之,豈諂之謂乎? 作「翕肩」,注則云: ,北燕、朝鮮之間謂之豭,關東西謂之彘,或謂之 大雅 也。 也。 注似能體之,故云: 》注引劉熙《孟子注》云: 抑》篇云「視爾友君子,輯柔爾顔 言其意苦勞極,甚於仲夏之月治 畦。」注脅肩,竦 疏注「脅肩竦體也 「豚非大牲」也。 也。 「翕,斂也。」蓋斂其兩肩,爲 云: 閻氏若璩《釋地又續》云: 以見之必待於先,段、泄先 《吴王濞傳》「脅肩絫足」、 「孔子矙其亡者,心不欲 有必不見之如 「脅、翕也。」謂斂之也。 餡笑强笑也」〇 外體也; 曾子曰:『脅 「脅肩,悚體也。」 和 安女顔 諂笑,强 踰垣 色。」 」, 箋 后 正 閉 月四 記 春秋 子 白。

是竦。 也。」是苦、勞、極皆 爲媚悦之顔也。 訓爲起而徒以斂訓之,閻氏依以譏 所履也。」此正以卑諂言,謂雖卑諂 見疑於上,脅肩低首,絫足撫衿。」兩脅肩正言竦 釋。』《鄒陽列傳》公孫玃爲濟北王説梁王曰:「功義如此: 説膠西王曰:「常患見疑,無以自白,脅肩絫足,猶 肩,蓋人低首爲恭敬,則兩肩必竦起。 卑縮之狀,小人之事人者耳。」按: 南子・精神訓》云「好憎者使人之心勞」,高誘注云:「勞,病 也。」又《權勳》篇云「觸子苦之」,高誘注云:「苦,病也。」《淮 由中,故是「强 云:「希意道言謂之諂。」因人之意爲笑,是爲「諂笑」,笑非 **翕聲相近。《説文》羽部云:「翕,起也。」翕肩** 月。 《列女傳》魯義姑姊云: 貨殖傳》云「千畦薑韭」、《楚辭・ 脩身》篇云:「從命而不利 適音》篇云「以危聽清則耳谿極」,高誘注云:「極,病 鄒陽於「脅肩」「絫足」之間加入「低首」二字,尤 趙氏以 也。 ○注「病極」至「之勤也」○正義曰 「仲夏 病 脅肩者,故爲竦敬之狀也; 也。 」言,則周之五月,夏之三月也。 孟子言周 「如是則脅肩 君謂之諂。」《莊子 趙 亦不吾與。 Œ 趙氏,未爲得 氏以 離騷》篇云「畦 《吴王劉 ,則夏爲夏之二月三 無所容,而累足 爲 「竦 濞列傳 正是 師 諂笑者,强 懼 體 古 · 漁 也。 則 留 懼 竦 者 不 合吕 》應高 爲明 起 夷 知 脅 不 **©**史 《荀 父 脅 氏 見 翕 無 正 尚 其

灌。子貢告以鑿木爲機,後重前輕,挈水若抽,其名爲橰,日 子·天地》篇敘漢陰丈人方爲圃 浸百畦。 是先築土爲行水之道,灌 揭車兮」,是畦爲菜圃之埒 是其事也。 子路曰:『未同 園則 也。 枯 何氏焯《讀 一畦,鑿隧而 橰俯仰,引水注之。』《莊 而 書記》云:「治 入井,抱甕而 言,觀其色 出 畦

間凡愧而見上謂之赧。 正 也 慙赤也。」《小爾雅 公》篇文。《方言》云:「赧,愧也。 爲「志未合」也。 九《傳》云: 「同人于郊,志未得也。」是同以志言,故「未同 也。」《易·同人》《彖傳》云:「唯君子爲能通天下之志。」上 子·説林訓》云「異形者不可合於一體」,高誘注云:「合,同 然面赤,心不正貌也。 赧 面 ·不可與言而與之言」謂之「失言」也。 非由所知也」。 疏注「未同」至「言也」〇正義曰: 也 赧 一赤愧 面慙曰戁,心 然,非由之所 日報」。 由 是觀之,則君子之所養可 「不可 赧、 慙日 ·廣名》云:「不直失節謂之慙。 、
熟音 與言而與之言,失言」、《論語 **恧,體慙**曰逡。」郭璞《方言》注引作 梁宋曰惟。」《説文》赤部云: 知也。」注未同,志未合也。 由,子路名。子路剛直,故 近,古通也。 晉曰悔,或曰惟,秦晉之 不直失節,是「心不 觀其色赧 知已矣。」 慙,愧 「赧,面 <sup>《</sup>淮 衛靈 赧 日 南

> 注 觀」至「邪也」○正義曰:孟子言「所養」,即養浩然之氣。 志,可知矣。 氣在於持志,故 孟子言由 是觀曾子、子 謂君子養正氣,不以 「可知」謂志可知。 路之言以 脅肩諂笑、未同而言皆不 人邪 觀 也。 君 子 疏注「以 之所 養 養

正,故云「邪」。

利本脱此九字。

章指: 言道異不謀,迫斯强之。段、

和本脱此九字。

《釋地三續》云:「兹,年也。 之,宋大夫。 大喪,明年齊有亂。」杜注曰:「今兹,此歲。」《吕氏春秋》: 古,何如? 能,請輕之,以待來年然後已,何如?」注 一之賦,今年未能盡去,且使輕之,待來年 戴盈之曰:「什一去關市之征,今兹未 疏注「今年未能盡去」○正義曰: 問孟子,欲使君去關市征稅,復古行 《左傳》僖十六年:「今兹魯多 閻 然 氏若 後 戴 復 璩 什 盈

也。 月攘 躬其父攘羊」,高誘注云:「凡六畜自來而取之曰攘之。」 虔」,鄭氏注云:「有因而盜曰攘。」《淮南子・氾論訓》云「直 疏注「攘取」至「物也」○正義曰:《周書・吕刑》云「奪攘撟 取 斯速已矣,何待來年?」 雅攘,取也,取自來之物 善收。LI孟子曰:「今有人,日攘其 或告之曰: 『是非君子之道。』曰: 『請損之, 又復求割地。』《後漢・明帝紀》:『昔歲五穀登衍,今茲蠶麥 「今兹美禾,來兹美麥。」《史記·蘇秦傳》: 「今兹效之,明年 孟子以此爲喻,知攘之惡當即止,何可損少,月 雞,待來年乃止乎? 一雞,以待來年然後已。』如 謂盈之之言若此類者也。 知其非 鄰之雞者 義,

新」〇正義曰:阮氏元《挍勘記》云:「孔本新作心,非。」 氏《書》傳云:「不忌故犯,雖小必刑。」《説文》支部云: 曰:《論衡·答佞》篇云:「故曰刑 變惡自新,速然後可也。 爲之,罪重 故,使爲之也。」知而使之即 章指: 言從善改非,坐 一於故。 譬 知 猶 而爲之」也。 攘雞,多少 疏[罪重於故]〇正義 故無小, 宥過無大。」某 而 待旦。 ○「變惡自 同盜 知 而

> 父母》篇云:「孝子之諫,達善而不敢争辯。 子言性,高子説《詩》,慎到、宋鈃各鳴所見:孟子均與辯 聖道湮塞,百家妄起,許行農家,景春、周霄從横家,他如告 所由興也。」《説文》言部云:「訟,争也。」《淮南子・俶真訓 氏焉。」○注「好辯」至「辯争」○正義曰:《大戴記·曾子事 何也?」注公都子,孟子弟子也。外人,他人論 其是非,不獨楊朱、墨翟也。 云「分徒而訟」,高誘注云:「訟,争是非也。」又《易・訟》卦 八十五氏。《孟子》稱公都子有學業。 子孟子弟子也」〇正義曰:《廣韻》「公孛」,注云:「漢複姓 者也。好辯,言子好與楊、墨之徒辯 釋文》引鄭注云:「辯財曰争。」是「辯」有「争」義。 公都子曰:「外人皆稱夫子好辯, 故云楊墨之徒。 楚公子食邑於都,後 争。 争辯者,作亂之 孟子曰: 疏注「公都 孟子時 敢問 議 論

巢,上者爲營窟。涯天下之生,生民以來也。迭氾濫於中國,蛇龍居之。民無所定,下者爲之生,久矣,一治一亂。當堯之時,水逆行,之生,久矣,一治一亂。當堯之時,水逆行,水逆行,

重窟即鄭所云累土。

穴毀隄防

即

趙所云「鑿岸」。

按:

《説

云:「復穴,重窟也。

説穴毀隄防,崖岸之中以爲窟室。」

增累以土。

《淮南

子

氾論訓》云

爲屋,故鑿而爲窟。

巢於樹上,如鳥之巢。

僧巢」,不必在樹上。

巢。」注云:「寒則累土,暑則聚薪柴居其上。」此上古之世。 檻。」按:此緣夏月暑熱,故架柴爲闌檻。或依樹爲之,故稱 言》云:「其檻及蓐曰橧。」今牧豕者積草以居之,旁爲之 大高卑」,高誘注云:「營,度也。」高原水所未溢,而民 禮運》云:「昔者先王未有宫室,冬則居營窟,夏則居橧 鄭氏以累土解營窟,則是於窟穴之上又 疏注「埤下」至「處之」○正義曰: 《吕氏春秋・孟冬紀》云「營丘壟之小 此以水溢之,故埤下已沈水中,故必 「《禮運》「夏則居橧巢」,是上古穴 有宫室,則橧爲豕所寢矣。 埤下者於樹上爲巢, 「古者民澤處復穴」,注 •釋獸》云:「豕所寢, 鑿岸 堯時洪水氾濫,民 蛇 龍 而 居民之地 營度之, 無力 《方 《禮 洞即 洚、 也。 窟」矣。 此 天地鴻洞」,高誘注云: 洪、是曰轉注。水不遵道、正謂逆行、惟其逆行、是以絶大。 詁》曰:「洪,大也。」引申之義也。 共聲。洚、水不遵道。《堯典》、《皋陶謨》皆言「洪水」、《釋 我也。」段氏玉裁《説文解字注》云:「洪水、洚水也。 涯。」《説文》言部云: 水部云「洚、水不遵其道」,故趙氏云:「水之逆行,洚洞 「《堯典》曰「湯湯洪水方割」,孟子釋此「洚水」即《堯典》所謂 之逸篇,不知百篇中何篇也。 文》宫部云:「營,市居也。」凡 「洪水」也。 洚水」。 「營窟」當是相連爲窟穴。「營度」即是「爲」,不得云「爲爲 洪二字,義實相因。」《淮南子・ 洚洞。 注《尚書》逸篇 洪,大也。 書》曰: 《孟子・告子》篇云「水逆行謂之洚水」、《説文》 馬融《長笛賦》云「港洞坑谷」,李善注云: 『洚 「警,戒也。」《爾雅 疏注「尚書」至「大也」○正義曰" 「鴻,大也。 也。 水警余。』 洚水者,洪水 江氏聲《尚書集注音疏》云: 市関 水逆行, 孟子以洪釋洚,許以洚釋 原道訓》云「靡濫振蕩,與 軍壘,周 洞,通也。」鴻與洪通,鴻 洚洞 111 釋詁》云:「余 相 無涯,故 連

僧。」邵氏晉涵《正義》云:

居野處,槽亦爲人所居。

既

居蕩没,故仍爲巢爲

窟

也。

《爾雅

五帝時已有臺榭宮室牖户,●不爲巢窟。

也。

民

患水避之,故無定居。

鳥之巢也。

上者,高原之上也。

有

亂

治,非

世。

水

生

蛇

龍,

水盛

則

皆

日 營。

謂

日

記

以

爲窟穴而處之。

0 室」,原誤作「官」,今據經解本改

从水

注「水去故鳥獸害人者消盡也」〇正義曰: 子》,皆以去釋行,是「水由地中行」即水由 也。 故 於地 澤 之。 蒩 蒩 龍 所 孔氏正義云: 洞 日 使禹治洪水,通九州,故曰「掘 獸之害人者消,然後人得平土 由 「行者、去也。」鄭 。」沮與蒩通。」然則《孟子》之菹即《王制》之沮,綦毋邃 生曰沛。」言沮地,是有水草之處也。」左思《蜀都賦》云「潛 ,黄公紹《韻會》引《孟子》作葅。 蟠於沮澤」,李善注云: 鳥獸 生草 地 相 《禮記・王制》云「居民山川沮 「槭,水行也。」重文流。 ○注「水流 而 中行、江、淮、河、漢是也。 禹 通 者也。 害人者消 去也,民人下高就平土,故遠險阻也。 掘 地而 港, 「何允云"「沮澤,下溼地也。 行於 今青州 氏 胡 注之海,驅蛇龍 注 盡 貢 地 《檀 也。 切。 而去 謂 「綦毋邃《孟子注》曰:『澤生草曰 弓》,高 也」① 澤 港 《越 疏注「菹澤」至「爲菹」○正 洞 有草者爲「菹」。 絶 亦 誘 澤」,注云:「沮謂萊沛。」 地而注之海」也。 〇正義曰: 書 葅即菹字, 蒩爲葅之通 即 注《 泽 吕 篇 而居之。 而放之菹。 險阻既遠,鳥 地中 洞 氏 敘外傳記 説文》水部 草所生日萊,水 春 《説 流去也。 秋 使 》、《淮 文》沝 水流 水去, **※**云: 注堯 禹 云 菹, 水 治 0 南 部 作 義 行

> 作, 之行。 池沛澤 客」,干寶注云: 暴」,高誘注云:「暴,虐亂也。」《易·繫辭傳》云「以 亂君更興」○正義曰:《淮南子・主術訓》云「其次賞賢 疇不墾,故禽獸衆多,謂羿、桀之時也。 之厄。 以姦寇釋之。《説文》人部云:「代,更也。」代作謂 囿;長逸遊 殘壞民室屋,以其處爲汙池,棄 囿,使民不得衣食; 壞宫室以爲汙池,民 「消,盡 京賦》云「邪贏優而足恃」,薛綜注云: 非 也。」堯舜既没, 君也。 沛,草木之所生也; 其小人則放辟邪侈,故作邪僞之説,爲 多 而 而 ○注 「卒暴之客爲奸寇也。」故下「暴行」,趙 棄本業,使民不 禽獸 「故作邪僞之説 至。 邪説 聖人之道衰,暴君 無 注 所 澤,水也。 暴,亂 安息; 暴 得 **9** 衣 五 行又作, 食, 穀之田,以 「邪,僞也。」《吕氏 正義日 也。 棄田 至,衆 有 疏注 亂 飢 君 袁 以 暴 也 寒 代 更代 文選 更 有 姦 並 爲 待 氏 而 亂 興 汙 袁 寇 而 袁 又 田 至 罰 也

西

<sup>0</sup> 0 一也」,原作「之」,合於宋十行、閩、監、毛等本,今據本書 作」,原誤作「爲」,今據本書注文改。 阮 校所述廖、孔 韓等本注文改。

者五十,驅虎豹

犀

象

而

遠之。

天下大悦。

注

方無道

國。

武

王伐紂至於孟

津,還歸,二年

· 復

三年。

討其君,驅

飛

廉

於

海

隅

而

戮之,滅國

之身,天下又大亂。

周

公相武王,誅紂

(伐奄,

身」,紂之前,暴君著於書傳者惟羿、桀,故舉之耳。及紂

云:「致謂聚衆也。」至與致通,故以「至」爲「衆多」。○注

謂羿桀之時也」○正義曰:上云「暴君代作」,下云「及紂之

即 猶舜 伐,前後三年也。 國是皇」,毛傳云:「四國,管、 也。 也。 所誅。 注《書序》云「奄在淮夷之北」,注《多方》云「奄在淮夷旁」,是 服矣。」商蓋即商奄也。 攻商蓋,辛公甲曰:不如服衆,小以刼大,乃攻九夷而 也。」《爾雅》云:「弇,蓋也。」故商奄亦呼商蓋。 之民,命伯禽而封於少皞之墟」,是也。 又云商奄,如昭九年「蒲姑商奄,吾東土也」,定四年「因商 疏注「奄東」至「自奄」○正義曰:《説文》邑部云:「 奄」、「歸自奄」、「伐奄」,昭元年「周有徐奄」,是也。 奄, 絫呼曰商奄。 大國,故特伐之。 「周公旦非關叔辭三公,東處於商蓋。」《韓非子》:「周 周公所誅叛國商奄」是也。 括地志》之「奄里」,此可證「迸散在魯」之説。 祝鮀説 今山東兖州府曲阜縣縣城東二里有奄城,云【故奄國」, 放四 **鄶國在魯。」段氏玉裁《説文解字注》云:** 罪 因 也。 商奄之民封魯者,杜云: 《書序》、《孟子》、《左傳》皆云奄, 滅 《尚書 飛廉,紂諛臣。 與 奄在淮北 紂 共 奄、郁二字,周 · 多方》曰:「王來 蔡、商、奄也。」商謂武庚: 爲 ,近魯,故許云「在魯」。 亂 政 驅之海隅 者 「或迸散在魯。」是 大部云:「奄、 時並 Ŧi. + 《墨子》曰 行。 || 玉 《豳風》「四 國 而 郁,周 自 **企** 也。 單 戮之, 如「踐 一篇》作 奄。 則 公將 呼 商 此 鄭 布 Ė 奄 覆 公

以

「草木」屬沛,又云「水草交厝名之爲澤」,是也。

○注「至

以水草相半」爲沛、是也。

澤之水亦草所生,此《風俗通》既

衆」至「衆多」○正義曰:

《周禮・夏官・大司馬》注鄭司農

即生於水,此劉熙《釋名》專以「下而有水」爲澤,注《孟子》又

芾名,澤以水潤澤名,故趙氏注與何休同, 通言之則沛之草

之中」,注云:「草棘曰

沛,漸洳曰澤。」蓋分言之則沛以草蔽

蔽茂,禽獸之所蔽匿也。」僖公四年《公羊傳》云「大陷於沛澤 云:「沛,水草相半。」《風俗通·山澤》篇云:「沛者,草木之 至「水也」○正義曰:《後漢書・崔駰傳》注引劉熙《孟子注 也。」《淮南

子

本

訓》云「其

心

而不僞」,高誘注云:

秋

離

謂》篇云

一辨 經

而

不當理

則僞」, 愉

高誘

注

云:「僞,巧

偽,虚詐

也。」巧詐則不正,故以「邪」爲「僞」。

○注「沛草

比諸 紂石 二,犀十有二, 之。」酈道 九,馘俘若干,凡服國六百五十有二。1 憝國謂 云: 蓋殺者一處,葬者又一處,其詳不可得聞矣。」翟氏灝《考異》 詮 務 閻氏若璩《釋地 霍太山。」然則武王未殺飛廉,但驅之海隅以戮辱之,故趙氏 俱以材力事殷紂。 保西垂,生蜚廉。 記 或 傳 解。 盡 ,而《吕氏 九十有九 以善走漏網,竄伏海隅,以爲周無如我何。 商、奄爲二。」按: 並 也。 「《逸周書 北 周本紀》。 ,於窮無復之之地 「舜放四罪」而已。 言,則亦此三年時事矣。 而 方,還無所 「武王伐紂 元云: 皇 耐 ·仲夏紀》言「象爲虐於東夷,周公以師逐之,至 甫 熊羆 滅 謐 然則「三年討其君」指武王伐紂伐奄。 續》云:「說者謂 霍 世俘》篇云:『武王既克殷,狩禽虎二十有 止 云:「河 蜚廉生惡來。 報,爲壇 五 氂塵等若干。 周武王之伐紂,並殺惡來。 |太山 ,至於孟津 奄在淮夷旁,爲周所伐,是「東方 + 仍執 或云: 蓋 東彘縣 上 霍太山,而報得 又宥其半也。 有 而 飛 一戮之以 《秦本紀》云:「中潏在西戎 還 戮即殺也,《史記》非其 惡來有力,蜚廉善走,父子 十五里 武王誅紂,並 廉 遂征 歸,二年復伐」,詳見《史 墓。』皆與《秦紀》文合。 彰天討。 四 有飛廉冢,民常祠 方,凡憝國九十有 一狩 石 棺。 豈知聖人除惡 不順 殺惡來,飛廉 禽』文但 是時蜚廉爲 此亦是隨 死遂 服國 與「誅 未及 無道 葬於 八實。 也。 文

亦明注 正二而

毛西河

又謂《

《多方》本文明言

「至於再

至

於三」,

『再叛三叛』,是以周公伐奄有三。

是相

武王

寬《讀

書記》云:「據《書》所言,伐奄總在成王之時

林曰:

伐

奄,成王時事。

上言

相武

王,因

誅

紂而

連故

一 舊 信 之

顧

亭

於九里。 滅國、 得既爲武王伐紂之三年,又爲成王踐奄之三年也。]倪氏思 『伐奄』二字屬下『三年討其君』句。 國在淮夷之旁。 踐奄,作《成王征》。 犀象而遠之』者,出於此篇。 説。 討其君』專指伐奄。 之。1此自周公相成王時事,奄非武王所滅,故説者謂「三年 方》。』《多方》云:「惟五月丁亥,王來自奄。」鄭氏注云: 召公,作《將薄姑》。 獸,識其政事,作《武成》。」 『歸獸』之事 孔氏廣森《經學巵言》云: 而全置也。」趙氏 於江南,乃爲《三象》樂以嘉其德』。 惟《逸周書》:"「凡所征熊盈族十有七國,俘殷獻 一、驅獸 熊,楚之先。 一事,正經中不得明證 周公居攝之時亦叛,王與周 佑 温 則 成王既踐奄,將遷其君 成王 盈即嬴,飛廉同姓。 「誅紂」二字當屬上「周公相武王」句 故録》云: 一歸自 「《書序》:『武王伐殷,往 《書序》云:『成王東伐淮夷 奄,在宗周, 誥 故 「滅國者 蓋『三年討其君』一句不 適補《周書》所缺。 邊旁之書 蓋 孟子所謂 可備五十之一。」 于薄姑 公征之,三年 五十二, 庶邦,作《多 |未可 ,周公告 諸 以 伐, 民, 虎 家 駁 武 「奄 滅 遂 遷 豹 無 雜 周

見二十八篇中,是逸《書》也。

詁》文。

《禮記·

「顯,明飾也。」《毛詩・秦風》「不承權興」,

祭法》云「顯考廟」,注云:「顯,明也。」《説

0

「丕,大」、「烈,光」、《爾雅

釋

之功也。

謂成、康皆行正

道,無

虧 缺

也。

篇也。

丕,大,顯,明,

請舉事,叛至再三,仍但遷之於蒲姑而 十國則滅矣,奄雖特伐,實未滅,故至周公攝位時又嗾禄父 子》特以奄與紂並稱而不渾入五十國之内,故申明之。 紂爲虐,惟奄爲最大之國,豈有既誅紂而可以不伐奄之理? 奄、《孟子》所云是也,一是周公攝政初年又伐奄、《多士》所 文王大顯明王道,武王大纘承天光烈。佑開後人, 佑啓我後人,咸以正無缺。」注《書》、《尚 一時事,又引《多方》者,明奄爲大國耳。 相武王時伐奄、《孟子》本文也,何得因他經書無 疏注「書尚」至「功也」○正義曰:此引《書》亦不 承,纘;烈,光也。 趙氏以 反覆思之,覺西河考訂之 且據事理論之,當時助 此周公輔 丕承哉,武王 「伐奄」與「誅紂」 已,終不 相 趙氏以《孟 以 滅 撥 且. 也。 言 亂 Ŧī. 乎? 有之。 烈。 云:「承,續也。」《豳風》「載續武功」,傳云: 《易·師》九二傳云「承天寵也」,光亦寵也,故云「承天 周 則發聲也。」趙注訓「丕」爲「大」,失之。 顯休命」,昭公三年《左傳》云「昧旦丕顯」,注皆云:「丕,大 之正,故咸以正也。僖公二十八年《左傳》云「奉揚天子之丕 「承」即「續」也。 事也,是故孔子曰:『知我者,其惟《春秋》 説暴行有作。 曰:「不,詞也。」經傳所用或作丕。 也。」丕顯與此丕顯同。 人,是爲成王、康王。 論説,一如大禹、皋陶,顯明帝王之道,故云「大顯明 衰之時也。 啓之義爲開,咸之義爲皆,缺之義爲虧,文王、武王 罪我者,其惟《春秋》乎?』注世衰道 孔子懼,作《春秋》。《春秋》,天子之 孔子懼王道遂滅,故作《春秋 《爾雅·釋詁》云:「謨,謀也。」文王所圖 臣弑其君者有之,子弑其父者 邪説既消,正道復著,周公輔相 王氏引之《經傳釋詞》云:「《玉篇 顯哉承哉,贊美之詞,丕 世衰道微, 續,

皆武王

書》曰:『丕顯

哉、文王謨

學,誠有出於亭林之上者矣。」按: 豈有討紂而可以不討奄君之理?

撥

亂

反

考而轉《孟子》伐奄亦是成王時事?

云是也。●

繼 也。

是

王

道

光

「也」下、《二初齋讀書記》尚有「一是周公從成王居洛之 後又伐奄多方所云是也」二十字,始足「有三」之數。

因

魯

邪

君,師 史記 尊 以 謂『《春秋》有王魯之文』。 之宗而尊之,故孟子曰:『《春秋》,天子之事也。』董仲舒 知《春秋》尊宗周,莫知《春秋》尊宗國。 爲姦,凡有 久,政柄下移,羣臣知有私門而不知公室。 説以濟其暴,遂若其君真可弑而己可告無罪 君,必飾君之惡,張己之功,造作語言,誣惑衆庶是也。 君」是也。 傳耳。」萬氏斯大《學春秋隨 有之,子弑其父者有之1所本。 有弑其君,子有弑其父者矣。」此二語似《孟子》「臣弑其君者 秋 王 春秋》也。 四 非 爲 綱 [書賸言》云:「《管子・法法》篇云:「故《春秋》之記,臣 | 撥 自 王 也 設 曠、史墨之言可證 亂 魯誠不可; 素王之法,謂天子之事也。 春 也。 罪 所謂「邪説」,即「亂臣賊子」與其儕類將不 秋》始也。 逆節,多 則意封建之世多有此禍,特夫子以 我者 疏 匹 蔽 世衰」至「春秋乎」〇正義曰: 夫而行天子之事 謂 古 過 也。」惠氏 於君 時 者,太史采風獻之天子,而 諸儒聞之,羣起而譁,譊 人見彈貶者。 筆》云: 鮮 然此是舊時《春 有罪及其臣 士奇《春秋説》云: 「「暴行」即「弑父」「弑 ,可乎哉 《春秋》以魯爲列國 知 且鄰封執 言孔子以 我者」謂 然者。 者 前簡策總不 秋》,非夫子 如 毛氏奇齡 且宗國之 読罐 魯不 相習既 政 魯 「人皆 我 利於 相倚 有邪 衛 **奉** 咋, 亦 出 正 陳

之。 辭; 二年[冬十月乙未,子般卒,公子慶父如齊],明弑子般 禮 薨,不地亦不葬,至尊之體當然,故曰「魯王,禮也」。 其情不更顯乎? 皆以子般、子赤之卒連而 情 獨襄仲, 父也。文公十有八年[子卒,季孫行父如齊],明弑子赤 之責予魯,明宗國亦得奉天王之命 行於邦國,而訝士亦失其官,故君子於宋督弑 不服,大司馬以九伐之法,或正之或殘之。 其爲《春秋》乎』。 崩,諸侯薨,大夫卒。 尊久矣,是以孔子獨尊之。 詩 而成之者矣。 而 曰:「會于稷,以成宋亂。」言宋之亂天王不能 :亦異,有連而書者,事同 宗國亦微 如尊宗周而爲僭焉,故曰『知我者其惟《春 ,故魯詩列於《頌》, 成之者斷之也。 獨魯稱薨者,臨 而行父亦與聞焉。 顧 故《春秋》特一書不再書者以此。 往朝齊晉及楚而聽 四 或日: 方亂獄莫大於弑 斷其孰爲首孰爲從而 次《周 《春秋》諸 國之辭,亦所以 魯桓 書 而 《春秋》書法 以 之者 頌 情 爲至尊無弑道,故不書弑 非 亦同。 前 其 也。 侯薨皆書卒者,臨 在 而往 命焉,四 人, 曷爲以成之之責予 商 據 尊宗國。 慶父、行父前後 君、天王 有離 經覈傳,前 成 頌 之 後 春秋九伐之法 》之上,則 [方亂獄,莫 而 秋 行 成, 君, 書者,事異 公》乎,罪 自 先 莊公三十 刑 雖 特著 尊宗 是 耐 命 後若 宗 訝 天下之 宗 以 如 者, 如 天子 成之 一國之 國之 有 周 其 士 我 負 而 齊 微 成 非 有 法 固 者 而 往 不

君賤

者

窮

諸

人」,❶莒稱「人」者,賤之。

祖

母

王姬

使

帥

甸

師攻而殺之,而謂之「賤」,可乎?

宋平公

0

君

「冬,宋人弑其君杵臼。」杵臼者,宋昭公,弑昭公者乃其

及厲公死而書乃弑君之賊,其名卒不復見矣。《穀梁》謂 之亂亦來告,可知桓公乃假成之之名而取賂焉。由是宗國 郤至之伐,仍不能揜其忠,雖盛稱樂書之美,仍不能揜其惡。 國者其義,不稱名者其文,仍其文而存其義。《左氏》雖虚張 直稱名,書獨隱其名而稱國,則晉之董狐失其官矣。 能會諸侯往而成之,則宗國之微,自隱公始。桓公二年宋督 (春秋))數稱樂書帥師,一救鄭,一侵蔡,一伐鄭,明專國 《假成之之名而反取賂焉,《春秋》因直書之而不諱矣。 蓋以魯爲列國之宗而來告也。 丘竊取之。」然則其義安在? 孔子曰: 「吾猶及史之闕文也。」 樂書弑厲公猶趙盾弑靈公。 弑君,凡三書「及」,所以 隱公四年春「衛州吁弑 春秋之初,四方亂 文公十有六 稱國謂專國者, 若夫桓 隱公不 董史失 公不能 年: 也。 獄 私 稱 盾 縊慶父,其功未足以揜其罪也。」○注「設素王之法」○正 譏。 盜也亦宜。 爲君,其誰曰 斥君 殺其子,可直斥宋公,襄夫人殺其孫,不可直斥君 莒,君子謂季友有無君之心,當坐與聞乎弑之罪,雖酖叔 「逸賊」。宋萬出奔陳,宋人力不能討 姓、公孫霍」,明皆辰之黨而辰獨出奔,譏失盜也。《左傳》 赴,故稱「盜」。又蔡昭公將如吴,明不在國而在塗,則 慶父弒閔公、宋萬弑殤公同,而經稱「盜」,何也? 孫辰出奔吴。」明弑蔡侯申者,公孫辰也。 也,在朝之臣固已北面稽首而君之矣,一國之人亦莫不奉 君也,曷爲直稱君? 文公十有四年: 「九月,齊公子商人弑其君舍。」此未踰 世君母臨朝而擅 君祖母王姬之尊且貴而與賤者同辭, 「蔡人逐之」,則慶父亦魯人逐之可知。 魯季友力能討慶父,及不討而緩追逸賊,使慶父出 祖母,則名不正而言不順,辭窮,故稱「人」以賤之。 傳稱文之鍇殺公孫翩,經書「蔡殺其大夫公 非君也? 廢置其君之柄者,亦當以 踰年稱君者,緣孝子之心不忍當君 哀公四年: 「春,盗弑蔡侯申,蔡公 此《春秋》之特筆。 也,《春秋》猶書以 不殺之而逐之,是爲 此連而書者,與 《春秋》爲鑒 蔡人以 祖

旌

死難之臣也。

弑君何爲或稱名或稱國?

益微,不可復振矣。

宋兩弑君,晉一

晉之專國者樂書,故稱國。

其官,曷爲孔子不正之?

曰:「其文則史,其義則

《春秋

》有書

事

而兩義並見者類此。

其君,衛人來告亂」。

未聞告亂於宗周,猶來告亂於宗國。

之?

以

成之之責予魯,非予

桓

公也。

母。

以 直

年 焉

穀梁」,按引文出哀公四年《公羊傳》,多沈校。

其

本紀 天子 티 : 也。」杜預《左傳序 素上皇,其道質 天特生以 生麟二,事 之,非感麟而作,麟亦非應經而至。 之文,次論哀十四年乃孔子卒前二年,適遇獲麟,因 理,次論齊人歸三田 文、滕、薛稱子乃時王所黜,聖人必無貶削天子升降諸侯之 存 次論孔子必不敢改 又不足言。 天子自處,當時之天子聽其忽貶忽褒,甚至以天自處,天子 家黜周王魯之説出。 岐「設素王之法」一語,似孔子意中别設 紀周時之事,豈有出於周外,先自爲倍,而猶以責人者? .孔子作《春秋》,先正 周禮,非以其周公之後而假之, 趙 也。 》伊尹從湯言素王及九主之事。 首論《春秋》乃明天子之義,非以天子賞罰之權自居, 氏 佑《温故録 示瑞。 孔氏憲章文武 親見之。 惟 明 素,故 可 新 辨 謂 Œ 鄭 \*\frac{\times}{\times} 麟固有種, 麟之時有時無俱 小事,非聖人自書其功,深斥以 及宋以後,又多謂孔子改制行權,直以 素王、素臣,孔 迥 朔 王而繫以萬事,是素王之文焉。」賈逵 相國高文襄拱《春秋正旨》一卷可稱 稱素王。 出 ,用夏時; 學禮從周 「知《春秋》者無如孟子。 諸儒之上。 九主者,三皇五帝及夏禹 次論託之魯史者,以 次論王不稱天乃偶 其後又述嘉靖己酉鄭 爲下不倍;以周時之人 疏述董仲舒《 《索隱》:『素王者,太 素王本出《史記 一天子,蓋從《公羊》 《對策》云: 無關 天子,周 天白 係 然異 其尚 而 殷 趙 非 州 書 處

久矣! 也。」《列子・黄帝》篇云「横心之所念」、《釋文》云:「横、放 之恣行」,高誘注云"「恣,放也。」《説文》心部云"「恣,縱 子」至「世也」〇正義曰: 興,戰國縱横,布衣處士游説以干諸侯。 無 而空王之,非孔子自號。先儒蓋因此而謬 太史子餘歎美孔子云『天其素王之乎』。 麟,自號素王異矣』即杜所誚 皇之稱。 縱也。」是「放恣 徒,無尊異君父之義而以 我,是無君也,墨氏兼愛,是無父也。 盈天下。 不作,諸 王之法。 秦既稱帝,患周之敗,以爲起於處士横議 ·水精之子,生衰周而爲素王」之語,益妖妄不足道。」 聖 春秋序》云: 君, 是 賴 其以丘明爲素臣,又未知誰所説。 趙岐所言由 杜預始雪之者也。 禽 侯放恣,處 天下之言,不歸 『就是非之説,立素王之法。』 蓋皆以 獸也。 即 「縱横 此。 《吕氏春秋・禁塞》篇云「而無道 注言孔子之後,聖王之道 也。 至鄭氏《六藝論》『孔子 士横 非 横議 若彼造《祖 《漢書 通論」,而 議 楊 於 則 楊 世 異姓 歸 素,空也。 朱、 也。 心注 庭 ,遂謂《春秋》立 孔亦引《家 墨。 諸侯王 嗚乎,孔子被 廣記》者,復 墨 芸 疏注[言] 若楊、墨之 楊 翟之言 既 素王 「處土謂 西 無 氏 語 無 狩 爲 父 爲 | 齊 Ŧ 孔 不 者 位

餓莩。

此率獸

而

人君但崇庖廚,養犬馬,不恤

民,是爲率禽獸

以

前無三綱六紀,人與禽獸同。

横議」,而天下亂矣。」按從則順,横則逆。

横政」,行之不順者爲「横行」,則議之不順者爲横議。

段氏玉裁《説文解字注》云:「議者、誼也。

亦謂跂足自

高而訾毁於人。」按:

士君子之所不能爲。]注云:「離縱謂離於俗而放縱。

偽險穢

而彊高言謹慤者也,以不俗爲俗、離

而

楊墨之説行,至於無父無

君 仍

與

禽潤

等

矣。

庖有

肥

肉, 廐有肥馬, 民

有飢

下,於是有君臣父子之倫,此人性之善所以異於禽獸也。

言得其宜之謂議。至於《詩》言「出人風議」、《孟子》言「處士 也,脩正者也,知命者也,著是者也,今之所謂處士者,無能 子·非十二子》云:「古之所謂處士者,德盛者也,能静 夫布衣韋帶之士,脩身於内,成名於外。」注云:「言貧賤之 云能者也,無知而云知者也,利心無足而佯無欲者也,行 横音胡孟反。」又《賈山傳》《至言》云: 食人也。」注公明儀,魯賢人。 既設卦觀象,定人道,辨 離縱、跂訾即「横議」也。 故政之不順者爲 誼者,人所宜也。 縱而跂訾者也。 色,野 公明 而 跂訾 庖 《荀 有 儀 食 上 自 羲 者 人也。 别。 我,互相殘害,故「將相食」。 日: 説 朱,惡鄭奪雅。 人立必欲立人,達必欲達人,反若多所罄攬。 是何如慈惠。 應,無可驚可喜。 **劄記》云:「聖人之仁義何以** 是「禽獸」。 其言足以惑天下,故孟子切指之曰「無父無君」,且深斥之曰 其禍與楊等。 薄親。夫以布衣處士舍其親以施惠於人,此尤亂賊所爲,故 我」之害。乃楊氏厚身而薄人,固人受其害,而墨氏厚人 知爲我,不顧民之飢寒,故「率獸食人」, 仁義之道不明,是仁義爲邪説所擠,故爲「充塞仁義」也。 人相食。此亂之甚也。 人,人將相食。 誣 楊氏之義,至於拔一毛而利天下不爲,是何如清净。 無父是不仁,無君是不義。 民,充塞仁義也。 楊墨之道不息,孔子之道不著。 自有孟子而後,世乃知楊墨之非道也。 聖人親親而仁民,仁民而愛物,反若多所 當時楊墨之言滿天下,天下不歸楊則歸墨,必 豈. 墨氏之仁,至於摩頂放踵利天下亦爲之, 惟亂之? 注言仁義塞則邪説行, 此似專指諸侯放恣,爲楊氏「爲 爲楊墨所塞。 疏注「言仁」至「甚也」〇正 又能奪之。 仁義 無父無君之説滿於天下 充 何者? 因 塞 曰:聖人隨 一而民 故曰: 則 黙食 亦 率 朱不如 佘 惡紫奪 但 潤 是 人 心 知 則 食 邪 聖 爲 仴

不官朝

而

居家者也。

人也。」布衣之士即不仕家居之士也,故云「布衣處士」。

三七三

習故 乎聖也 陽也」。 非。 道 楊 習之乃能知之,知之乃能法之,法之乃能防之。 疏注「閑習」至「距之」○正義曰:「閑,習」、《爾雅・釋詁 空憑心臆 文。此字或訓防,或訓法,然非講習於六經無以知其道。 聖人之道不著,爲邪説所乘,故習聖人之道以距之。 者 此 子之道,即 道 之艷,雅不 禮記 立天之道曰陰與陽,立人之道曰仁與義。」仁義即「一陰 墨者又互 載在六經者,莫有述而明之者也。 即 不得作。 懼 孔子之道 然則欲知言之邪正是非者,仍求諸六經可矣。 講習 閑 因 趙氏謂孔子之後、聖王之道不興、即此帝王相傳 哀公問》云「淫德不倦」,注云:「淫,放也。」《周禮 孟子與 而依附以爲先聖,此曰吾防衛乎道也,彼曰吾守法 六經 而門户各立,傾軋相加,不自知其身爲楊墨,而 如鄭之濃也。 能知伏羲以來聖人所傳述之道,故深悉楊墨之 先聖之道。 相楊墨焉, 乃述伏羲、 不空憑 注開,習 楊墨辨,必原本於習先聖之道,習先聖之 天下國家遂陰受其害 心悟 神農、黄 爲我、兼愛之能充塞仁義亦若是。」 也。 距 也 楊 淫,放也。 趙 帝、堯舜、文王周公之道 墨,放淫 氏訓閑 孟子明於六經,能述孔 爲習,其義精矣 一而不 孟子言我 辭。 未習六經 知是皆 邪 吾 既 懼 説 爲 不 此 之

害於其 起,不易吾言矣。 畀豺虎,深絶之也。 廣言》云:「放,投棄也。」蓋不啻舜之放驩兜,屏之遠方,投 傳》云:「放,屏也。」《説文》支部云:「放,逐也。」《小 其原,於是放逐其依附淫佚之辭以絶其流。 獸」,高誘注云:「距讀爲拒守之拒。」是也。 不可者拒之」,石經作距。 淫辭起於楊墨,故先距之。 害,所謂「淫辭」也。 亦不習六經,由楊墨之言而又放濫之,遂成一無父無君 不習六經,違悖先聖之道,作爲爲我、兼愛之言,因 宫正》「去其淫怠與其奇衺之民」,注云: 起以行於世,皆習六經 作,行也。」使天下後世深知其無父無君必亂天下,不復興 彼先言政後言事 事; 作 於其 《詩·大雅·常武》「王舒保作」,箋云: 孟子習六經先聖之道 注説 明 ,此先言事後言政 《淮南子·本經訓》「戴角出距之 事, 先聖之道故 距與拒通。 丑 與 害 上》篇 上篇同。 於其 《論 也 「淫,放濫 ,知此無父無君 政。 語 彼 氣 宣公元年《穀 既 作 疏注 · 子張》篇「其 此不同 章 拒 於其 聖 也 楊 而 也。」楊 「説與 墨以 爾 人復 天下人 彼 雅 相 於 H 梁 之 云 滌

其事」。 發明,非 篇同」〇正義曰:上篇,《公孫 「生於其心」,此云「作於其心」,彼云「發於其政」,此云「作 偶然也。 彼謂詖淫邪遁之辭皆生於心之蔽陷離窮

之,《王制》言「樂正崇四術,立四教,順先王《詩》《書》《禮

教之六藝、六儀,大司徒以六德、六行、六藝教萬民

而賓興

下,教學爲先。

師氏以三德、三行教國子,保氏養國子以道,

格拒而莫能行矣,故「害於其政」也。 自下行其邪説於事,則

惑之,點者傳之,遂成一無父無君之天下,而君之政有爲所

害君上之政,自上用其邪説於政,則害士民之習。

聖人治天

守,是爲「作於其事」矣。

爲下者妄作其言,妄作其事,愚者

非妄作;

今不述先聖之道

而憑諸

心,則措之於事,無所

法 而

言措之於事而事害矣。

述先聖之道以爲法,則事有所憑

《樂》以造士,春秋教以《禮》、樂》,冬夏教以《詩》、書》。」習於 《廣雅 之也。 距之。 也。 曾子云「傳不習乎」,注云:「言凡所傳之事,得無素不講習 博之,患其不習也。既習之,患其無知也。」《論語·學而 《大戴禮·曾子立事》篇云:「君子既學之,患其不博也。 下」連稱,是抑即下。 賊子懼《春秋》之貶責也。 也。 寧,孔子成《春秋》而亂 洪水而天下平,周公兼 復起,不易吾言」。「吾言」指此辨楊墨之言。 宗者、皆亂天下之楊墨也。 而傳之乎?」不習而傳諸人,是「生於其心」「作於其心」之言 學上達。 道漢、道淮也。 詩》《書》《禮》《樂》則不致以邪説害政。 楊墨無所習而言爲邪説,孟子博學而習,故知其邪説 周公兼懷夷狄之人,驅害人之猛獸 舍六德、六行、六藝、《詩》《書》、禮》《樂》而 洪水高溢地上,道之使歸地中,是爲下鴻,亦即所以 釋詁》云: 「古」即先王之道也,「學」即《詩》《書》六藝之文也 《荀子·成相》篇云: 「道、抑、治也。」「抑洪 《説文》手部云: 孟子本習述先聖之言,故 夷狄、驅 疏注「抑治也」〇 臣 賊 「禹有功,抑下鴻。」「抑 「抑,按也。」按之亦下 子懼。 水 孔子好古敏求,下 猛 即 也。 昔者 潤 道 注 河、 正義曰: 而 以 言 心 抑, 白 禹 「聖人 道 亂 悟 》篇 江 姓 抑 治 臣 而 既 爲

習六經、知先聖之道者出而距之放之,其説行於天下,以

未嘗不攀援古昔,附會聖賢,而已淪於無父無君之害。

苟

無

其

不習不述,惟憑心之空悟,自道其道,自仁其仁,自義其義,

其心,故以其言措之於事而事不悖,施之於政而政不亂。

道。

其

心也;

作於其心,非述於其心也。

惟習於其心,因

一而述於

乃

言

其鈍者以

空悟而

無

所憑

依

遂自以

爲是,造作語言。

其點者以

心

争

心,則楊之外有墨,墨之外

而

心之蔽陷離窮則由於不習六經,不知先聖之道,憑己心之

楊似墨者又有歸似楊似墨之人。皆未嘗習六經,知先聖之

心襲心,則楊有歸楊之人,墨有歸墨之人,似

有楊,楊墨之外又有似楊似墨之

其邪説由心而生,即由心而作,故云生於其心,非習於

三七五

賊子 即是 云: 之不早辨也。」」按:顧氏説未盡善。 弑其君,子弑其父,非一朝 路馬有誅」是也。 亂,保邦於未危」是也, 防微杜漸之道。 況人已成其篡弑 以 而 ○正義日 包 本諸此。 之容物亦猶天子之同徐方。 同、容三字義同。 功。」此之謂也。」上言容,下引《詩》言同,中言兼術,是兼、 相 治之也。 懼乎? 示於前 亦懷也,故趙氏以 而能容雜,夫是之謂兼 》篇云: 「兼弱攻昧,武之善經也。」下又云:「撫弱 懼論 兼弱 容之義爲包,包之義爲懷。 ○注 ,故孔穎達《尚書正義》解「兼昧」云··「兼謂包之。」 ,而彼不知懼也。 「故君子賢 吾恐元凶劭及安慶緒、史朝義之徒, 顧 氏棟 一謂 「周公兼懷夷狄之人」〇正 爲爲人君父者言之,則《書》所云「制治於未 聖人嘗自發其旨於《坤》卦《文言》曰: 懼 故楊倞注以 到 高《春秋大事表》有《孔子成春秋而 之亦復何益? 而 懷」釋「兼」。 臣賊子懼」者,第書其弑逆之名於策 爲爲人臣子者言之,則 能容罷,知而能容愚,博而能容淺, 術。 一夕之故,其所由來者漸矣,由 且此亦夫人能書之,何待聖人? 《廣雅・ 《詩》曰:『徐方既同,天子之 「兼術 ○注 聖人之作《春秋》, 若謂作《春秋》爲爲人 釋詁》云:「兼 爲 宣公十二年《左傳 「言亂臣 「兼容之法」。 義曰:《荀子• 《 禮 雖 耆昧。」撫弱 」至「責 日揭 》所 , 同 云『齒 君子 其策 亂臣 蓋有 也。」 臣 也 辨 非

矣。 何待神農」乎? 神農教之,無論智愚, 定之,何待伏羲」。 父與君之爲亂臣賊子,自孔子作《春秋》而人盡知之。 自飾以周公輔佐成王,一聞方孝儒、卓敬等篡奪之言,遂 討賊者代不乏人。 師、劉裕、蕭道成、高歡、宇文泰之流,奸竊已成,而舉 而天下後世無不明大義所在。 行而作,趙氏謂「懼《春秋》之貶責」是也。 以爲不可弑不可逐,則 逐,則有所借口 也、《春秋》則無論君有道無道,逐之罪皆在 無論君有道無 作《春秋》,直書其弑。 説如師曠、史墨之言有以蔽之,則有所恃而 君父者言之,則孔子成《春秋》非 臣賊子,夫人能書之,何待孔子」,得毋曰 夫妻父子,自伏羲作八卦 而磔其身,夷其族,其怒也即其懼也。 人之性所以異於禽獸者,以其知有父子君臣 道,弑之罪 而無懼,無懼則漸視爲固 伏羲定人道之後不能無淫奔,然人人知其 譬如五穀,神農未教之前人不能知,既 明成祖亦歡、泰之類也 無不知五穀,豈曰「五穀,夫人能辨之、 邪説者曰君無道,可 無所 而人盡 皆 借口 在臣; 宋劭、 知之; 使亂臣 而懼。 邪 、梁珪固即伏誅 説 孔子之前,人不知 伏羲之前,人不知 《春秋》全爲 賊子懼, 「然而世莫以」 「夫妻父子,夫人能 者 以 自孔子作《春 臣 弑 不 日 也。 知 君 「靖難」爲 懼。 是使君父 以爲可弑 無 《春秋》 也 道 即 爲怪 自孔 義 邪 謂 司 可 説 惟 「亂 秋 有 弑 有 以 邪 懼 可 逐 子

爲淫 早也。 聖人之道,謂 耳,豈好之哉? 息邪 膺也 之,何必又作《春秋》。 戒早辨,治未亂,防其亂也, 挽回於俄頃,而仍徒徐徐責其不善調和保護,可乎? 之説,譬諸病已危急,宜審其寒熱虚實以大温大寒大補大攻 其君,子弑其父,非一朝 知其爲亂賊也而誅之。《易》治未亂、《春秋》治已亂。 距 辨哉? 承。』北此詩已見上篇説。 治已亂,還 秋》之作仍不過「履 也。」注孟子自謂 詩》云:『戎狄是膺, 跛行,以奉禹、周公、孔子也。 奔也而賤之; 説 惟不能辨之於早,而臣已亂、子已賊,此時仍理早辨 注是周: ,距詖行,放淫辭,以承三聖者。 予不得已也。注孟子言我亦欲正人心, 其 未 名世者 亂也。 公所欲伐擊也。 孔子作《春秋》之後不能 霜」「早辨」之義,則孔子贊《易》已足明 能 能言距楊、墨者、聖人之 也 距楊 一夕之故,所以戒天下後 余《春秋左傳 、墨也。 疏注「徒黨也」〇正義曰: 荆舒是懲,則莫我 無父無君,是周公所 不得 我 徒,黨也。 補 亦欲正人心, 疏 無 己 学中 亂賊,然人人 而 世辨之於 詳 可 與 懼亂賊, 豈好 言 使《春 以 人 臣弑 之。 《淮 徒 敢 辯

> 論》: 云 南子・俶真訓》云「分徒而訟」、《吕氏春秋・報更》篇 立也,而孟子非之。」此可見其大略也。」 之法,於是楊墨之黨舌舉口 乃知所從。」陸倕《答法雲書》:「昔者異學争途,孟子抗周 之,廓如也。』此即距楊墨之言而推衍之也。 王充《論 子逸文考》云:「楊子《法言》:「古者楊墨塞路,孟子 天下之賢者爲徒」,高誘注並云:「徒,黨也。」周氏廣業《孟 《淮南子・氾論訓》云:「全性保真,不以物累形,楊子之所 **『楊墨之道不亂仁義,則孟子之傳不造。』**《牟子 『楊墨塞羣儒之路,車不得定,人不得步。 張。」皆此意也。 楊之學無傳。 孟子闢之 衡》亦 云「與 而 公

下張尼切。 也? 記 躓 《孟子章指考證》云:「《文子・自然 皇、墨突不 匡之。是故禹稷駢 、乃「顛躓」字,音致,宜依《史記》讀之爲是。 李斯傳》稱「禹手足胼胝」,毛晃《禮 章指: 言憂世撥 疏「禹稷駢躓」○正義曰:《音義》云:「蒲 丁云: 及 || 史記 汙。 聖 躓 》作胼胝,謂手足生胝 賢若是, 豈 ,周公仰思,仲 亂,勤以 》篇稱「胼胝」、《史 部增 、濟之, 韻 得 周 》引趙 氏廣業 不 尼 義 田 切 皇 辯 以 此

見繁絆 作趼 注》。 傳寫之誤。 躓 行足躓株焰」,焦貢《易林》「擔載差躓,踠跌右足」,又「跛 作駢,其 兆 足不相過者、《穀梁》昭二十年《傳》有云:「兩足不能 子》云:『禹手不爪, 足不相過。』《荀子・ 字,無胼字,胝訓爲腄 云:「皮厚也。 詩》「載躓其尾」,言顛躓也,陟利切。 未起,失利後市」,皆此 ,齊謂之綦,楚謂之疏,衛謂之輒。]陸德明《釋文》據 禹步。」《尚書大傳》云『禹其跳』,其跳者,踦也。 「駢躓」、《韻會》先韻 《吕氏春秋·求人》篇云:『禹顔色黧黑,竅氣不 蓋駢是「攣局不分」,與《左傳》「駢脅」、《莊子》「駢 例。 通作駢。」引《孟 「綦,連併也。 也。」據此,則「駢 確證也。 似胼駢、 《列子・楊朱》篇「禹身體偏枯,手足駢胝」,正 然顔師古注《漢書》胼字云: 又趼也。 躓胝之字初無異義。 躓謂「痿蹷弱行」、《列子・説符》篇「其 脛不生毛,偏枯之病,步不相 非 疏,聚合不解也。 ,謂癥胝也,竹尼切,躓訓爲跲,引 注》爲 胼字注云: 相》篇「禹跳湯偏」,楊倞注引《尸 躓』正言手足不仁,非直 或作跃,亦作躓。」其下亦引《孟 義。 證。 其 八以駢 支韻脈字注 ●「胼胝、皮堅 躓 然《説文》但 輒,本亦作縶, 則其音義固判 「併也。」猶不失 爲胼胝 引《廣 乃後 重繭 也。 温,人 所謂 有 通 韻 明 如 劉 駢 或 然 相

> 其實非 墨以 其語。 其本。 子厄於陳蔡,顏回、仲由 栖,突不暇黔。」則黔突本係孔子事。 席。」陸賈《新語》亦云:「墨子皇皇,席不暇 篇、《淮南子・脩務訓》並 突不及汙」○正義 繼日,幸而得之,坐以待旦。」是其事也。 稷當平世,三過其門而不入」也。 無可考,蓋因禹及之,猶 「聖哲之治,栖栖遑遑,孔席不煗,❷墨突不黔」,始 曰:《音義》云: 「『仲尼皇皇』出揚子《法言・學行》篇。 「周公思兼三王以施四事,其有不合者,仰而思之,夜以 [取食之。]是墨突即塵甑之謂。 承三聖,墨安得與禹稷、周 也。 唐韓昌黎因之,云『孔席不暇暖,而墨突不得黔」。 自字書不審本末,輒云相通,去之遠矣。」稷 趙雖 「按,字書卬讀如仰。 稍後於班、未必遽襲其誤。 E: 周氏廣業《孟子章指攷證》云: 泛論 次於壞屋之下,有 云: 『孔子無黔突,墨 語》「禹稷躬稼」、《孟子》「禹 孔並列? 「去齊接淅」又孔子質 ○「周公仰思」○正義 又《離婁下》章云: 自班固 ○「仲尼皇皇墨 《文子· 埃墨 《家語 況本書 暖; 《答賓 墮飯 仲 子 自 駢 距楊 無暖 顛 尼 孔 然 躓 倒 栭

2 0

П

煙」,原誤作「暇」,據《漢書》改 胼」,原作「駢」,今據《古今韻會舉要》改。

事,故趙氏以此證其皇皇耳。其改黔爲汙,蓋以協韻

故

也。」

同樂正 《孟子出 屢掌軍伐。 之,秦兵大敗。」一在《燕策》:「齊宣王令章子將五都之兵, 也。 螬,蟲也。 子,齊一介之士,窮不苟求者。 然後耳有聞,目有見。」注 医章,齊人也。 李,螬食實者過半矣。 以因北地之衆以伐燕,齊大勝燕。」然則章子在齊歷仕兩朝, 於陵,三日不食,耳 於魏王之前」,高誘 人」,不以爲弟子也。 在《齊策》: 疏注「匡章齊人也」○正義曰: 匡章見於《戰國策 匡章曰:「陳仲子豈不誠廉士哉? 謂 處 爲著録也宜。《吕覽》有匡章與惠王及惠施問答, 時地考》云: 當孟子在 李實有蟲,食之過半,言仲子目不能 「秦假道韓魏以攻齊,齊威王使章子將 注 《吕氏春秋・不屈》篇云「匡章謂 齊時,章年固亦長矣。 云:「匡章,孟子弟子也。」周 「章在孟門,所禮異於滕更,稱子有 無聞 匍匐往,將食之,三 月目 無見也。 是以絶 趙氏但云「齊 糧 井上有 而 氏 餒 陳仲 廣業 惠子 而應 也。 咽 居 擇

> 乎? 稱謂。 正 《淮南子·氾論訓》云:「季襄、陳仲子立節抗行,不入洿君 稱。」《韓非子·外儲説左》云:「齊有居士田仲者,宋人屈 見於《戰國策·齊策》。趙威后問齊使云:「於陵子仲尚 爲姓,章爲名。 子,以及秦魏冉亦稱爲冉子,皆此類。」《莊子·盜跖》篇云 宣 始從遊於梁者歟?」閻氏若璩《釋地又續》云:「《戰國 田 曰:「田仲不恃仰人而食,亦無益人之國,亦堅瓠之類也。」」 何妨是時尚在? 表》,自宣王元年至王建元年,凡七十有九年,仲子若壽考, 矣。」愚按,陳仲子齊宣王時,趙威后,齊王建時。 侯,此率民而出於無用者,何爲至今不殺乎?」周氏柄中《辨 諫其父,爲父所逐,終身不見父。」按:此事見《孟子》,是匡 「匡子不見父」,❶《釋文》引司馬彪注云:「匡子名章,齊人。 仲即陳仲。 一王與羣臣皆稱爲章子,蓋於人名下繫以子字,當時多有 是其爲人也,上不臣於王,下不治其家,中不索交諸 田 「鮑彪注:「此自一人。若孟子所稱,已是七八十年 的人稱爲盼子,田嬰人稱爲嬰子,田文人稱爲文 不仰人而食,所謂 ○注「陳仲子」至「餒也」○正義曰: 況云 其率民而出 介之士、窮不苟求者也 於無用」,明是孟子 考《六國 陳仲子 策 >齊 所 存

●「父」,原誤作「母」,今據《莊子》改。

有李實 蟲也」。 之轉。 子目 在螬字上,是時仲子匍 仲子,齊一 豈不誠廉士哉? 也。 也。」按:《 氏 頌 螻。」《説文》蚰部云: 之蛒,或謂之蝎,或謂之蛭蛒, 氏所不用也。 之朝,不食亂 有 自關而東謂之蝤蠀,或謂之卷蠾,或謂之蝖轂, 蟲 人,孟子弟子,居於陵。」以仲子爲孟子弟子,未詳所出 「領如蠐螬」之螬。」螬 蠢, 廣業《孟子古注攷》云: 》注引劉熙《孟子注》云:「槽者,齊俗名之,如酒槽也。」周 無見也。」此 又《文選》張景陽《雜詩》注引《孟子章句》云:「陳仲子 桑有蝎,螬食李。」即李木中蠹也。 緩呼爲蠐螬, 以背行駛於足狀似 「蟦,蠐 介之士也。 淮南子 食者過半矣,匍 世之食,遂 ○注 塘。 注與 居於陵,三日不食,耳無聞,目無見。 氾論訓 「螬蟲」至「擇也」〇正義曰:《爾雅 急 蝤, 「蠹,木中蟲。」《論衡 趙 槽固可假借 螬 匐 呼則單爲螬。 氏 蠐蝎。」《方言》云:「**蠀** 餓 蟲也。 而往, 路同 匐往 「槽疑螬字之譌、《説文》作 》「槽矛無擊」,高誘注云: 酒槽,以齊俗所名,故謂之蠐螬 而 死。」高誘 秦晉之間謂之蠹,或謂之天 則 而 ,將食之。」下 李實有蟲,食之過半,言仲 ,而蠐與蠀通 《章句 必李實之墜於地者。 以 注云: 爲「齊俗名之」,非 《文選》劉伶《酒德 》則以實字連李字, 商蟲》篇云: 引劉熙曰: ,皆與螬爲聲 「陳仲子,齊 梁益之間謂 螬謂之蟦。 一槽 「蟲,齏 井上 「陳 「桂 然 釋 趙 讀

將指、 雅 鉤 仲 之。 升《摭餘説》云: 泉,極廉矣,然 蟲 吾必以仲子爲指 壤,下飲黄泉。 以仲子爲巨擘焉。 非以仲子爲可尚也。 不知擇也。 者,不及細嚼也。 劉、趙倒置於上以明井上有李指李實,不指 倒 介,亦猶蚓 「嚥,嚥物也。」嚥即咽,食物 文選》注引《孟子》每有增減,未可爲 ·弦」是也。《孟子》稱巨擘,亦稱大擘,鄭注『右巨指,右手 1置,趙氏注亦恒顛倒明之,故《孟子》實字原在食字下, 也。 子之操, 《説文》口 釋言》云: 無名指、小指。」巨指 充滿 夫螬食之餘,匍匐就 也。 其 部 則 「將,資 「《春秋正義》: **云** 操 無 井上之李實非 疏 蚓 中大者耳,非大器 行, 心 注巨擘,大指也。 咽 注 而 孟子曰: 也。」 無 「巨擘 似蚓 後 · 嗌 即《儀 識 雖然,仲子惡能 謂 下於 可者也。 也。」劉熙《釋名 至「器· 而 匍匐而 「手五指之名曰 仲子不知仁 禮 食, 可 一,特取此螬食者,是目 咽 「於齊國之士,吾必 隘,故即 行 極形仲子之不堪 也」〇 據。 大射儀 往井上,資此李 者 也。 夫 比於齊國之士, 也。 蓋古 正 蚓,上 謂 》所謂 義 一義,苟 釋形體 李 蚓,丘 之嚥。 【人屬 巨 蚓 日 廉? 樹 指、食 食 也 左巨指 文 曹氏之 食 蚓 <u>₹</u> 守 土 匡 實 每 指 之 飲 章 盲 食 爾 咽 而 多

彊

則爲蚓爲螾、荀子・

出。」「仲冬、蚯蚓結。」《淮南子・時則訓

小

丘

蚓至 也。

「蚓也」〇

IE

義 日:

《禮記

所

居

所

指

而

將指、無名指

。」則第四

指 亦 非

竟無用也。

「極猶放也。

寡則挾以食指、將指,多則以餘指分挾之。

指

非也。

指。」闔閭所傷是足,故下云「取其一屨」,而賈誤以解手之中 夕禮》亦名「中指」,蓋足以大指爲將指,手以中指爲將 將指挾之。」賈疏以《左傳》「子公之食指動」釋第二指是也, 於二指之間横之」,鄭注:「二指謂左右之二指。 又作「季指」、《特牲饋食》、《少牢食禮》「挂於季指」,注 用,然敖氏繼公謂「凡挾矢,有挾一矢者,有挾四矢五矢者。 名,無名指者,非手之用指也。」按,《大射儀》「朱極三」注: ,上食埃土,下飲黄泉,用心一也。」螾即蚓也。 以《左傳》「闔閭傷於將指」釋第三指則不然。 而敖氏則直謂「季指,左手之小指」是也。」〇注「蚓 無名指僅一見於《孟子》,趙岐注:「以其餘皆 所以韜指利放弦也,以朱韋爲之。三者,食指、 稱擘指、《鄉射禮》賈疏「以左擘指拓弓,右擘 勸學》篇云:「螾無爪牙之利,筋骨之 其拇』疏: 月令》: 》作「丘螾」。 鄉射禮》「凡挾矢 鄭惟謂 小指亦餘指 「孟夏 一拇 《大戴禮 第三 此以食指、 小指短不 單名之 是 指 「季猶 足大 蚯 也。 指。 有 蚓 築與? 不可 也。 易本命》云「食土者無心而不息」,注云: 盗跖之所築所樹,知此「是未可知也」專屬盗 不可居食。 食必伯夷所築所樹乃可,若爲盜跖 也」〇正義曰: 蚓必至清至潔而食,使仲子如蚓,則 盜跖之徒使作也? 子豈能必使伯夷之徒築室樹粟乃居室之邪 至潔而無汙。 也」,注云: 孟子謂之「槁壤」。 土乾則成塵,故《荀子》作「埃土」,埃即塵也。 也。」郭璞《爾雅讚》云:「蚯蚓土精,無心之蟲。」故趙 之所樹與? 子所居之室,伯夷之所築與, 一,《孟子》以蚓喻仲子之不知仁義,故趙氏言「無心無識 無心」。《荀子》以喻目不能兩視,耳不能兩聽,故言螾之心 《大戴禮・勸學》篇作「上食晞土」,晞乃「日暴乾」之名 知而漫居之食之,是不能 所食之粟,伯夷之所樹 然築者樹者不可知,則不能決其爲至清至潔矣。 「地中之泉、故曰黄泉。」黄泉至清而 充其操,必食此至清至潔,如 是未 隱公元年《左傳》云「不及黄泉,無相 是殆未可知 可知 如 也。」 蚓 所築所樹則不清不潔 也。 也。 注 抑 下一是 「蚯蚓之屬,不氣息 孟子 與 疏「仲子」至 亦 蚓 跖 乃可 何傷哉」專 土枯無澤,故 盜 問 抑 所築所 無濁, 抑 匡 跖之 亦

指鉤弦」是也。 大擘』是也。

食指、將指俱見《左傳》。

氏

亦

而

説文》:

「拇、將指

也。』《易》『咸

所

一章,仲

亦

得

知

盗

跖

也。

仲

槁

壤

湅 日 : 音劈。 曰: H 之縷,如生絲然,故 湅 縷 布 趙 也 趙 織 其 易之也。」 言。 布縷者,以别乎 身自織屨,妻緝 禮 日 凍治之也。 縷 岐、劉熙注《孟子》『妻辟纑』皆云:『緝續其麻曰辟。」辟, |。]當云 [治萉枲之總名],下文云 [林人所治也]可證。❶ 氏 屨,妻紡纑,以易食也。 (麻曰纑,故曰 ,總衰之縷則凍之,若吉服之縷則無不凍者。 經 《文選》張景陽《雜詩》注引劉熙《孟子注》云: 4 『凍麻曰纑。』麻部: 纑,未凍日 也。」劉熙《孟子注》云:「練絲曰纑。」練絲謂取所緝 略 曰 : 》縷分别若干 今俗語績麻析其絲曰劈,❷即林也。」「糸部云:「纑, 同。 蓋縷有不凍者,若斬衰、齊衰、大功、小功之縷 段 是何 注匡章 練者,揀也。 氏 **黛** 絲 /艫,以 玉裁《説 縷 「辟纑」。 傷哉? 日 升 《廣雅》曰: 也。 綃 曰,惡人作之何傷哉? 以 「斄、未凍治纑也。」 然則凍治 也。 易食宅耳。 爲麤 績之而成縷, 緝 文解字 練者, 簡也。 續其麻曰辟,練絲曰 如 疏注「緝績」至「辟纑」○正 細, 彼身織屨,妻辟纑 成 『斄,綃也。』綃是生絲未凍 Ŧī. 國謂已凍日 注》云"「【林, 萉之總 服 緝績 之縷 可 **汏諸漂潎之也**。 以 不 爲 其 練絲。」❸ 麻田 同 布,是日 不凍 纑 也 「仲子 彼 也。」與 辟, 仲 者 皆 之乃 趙 纑。 言 以 之 練 子 已 名 日 不 岐 自 義

> 鍾。 之世卿大夫之家。 也。 之禄 世家 不義之,竄於於陵。 熙作「緝 使長,則績也,其續處以兩手摩娑之使不散,則緝也。 即績也。 斄,凍者曰纑,統呼曰 也。」「績、繼也。」先以爪剖而分,則辟也, 水經注 「緝績」相疊者、蓋二字亦有別、、爾雅・釋詁》云:「缉、光 脱文》糸部云:「缉,績也。」「績,緝也。」二字轉注。 仲子以爲事非其君,行非其道,以居富貴。 避兄離母,處於於陵。注孟子言,仲子, 也。 而不食也,以兄之室爲不義之室而 ·濟水》篇引《孟子》云:「仲子,齊國之世家。 續其麻」。 《毛詩 兄戴 陳風》《釋文》:「西州 蓋 緝續即 兄名戴,爲齊卿,食采於蓋,禄 縷。」周氏廣業《孟子古注考》云: 疏注「兄名」至「於蓋」○正 禄 萬 緝續也。」曰:「仲子,齊之 鍾。 以 兄之禄爲不義 人謂績爲緝。」按 續其短者而連 義 不 故劉 趙 日 居 故 兄 萬 齊 之 氏

4

0 0

今」,原誤作「合」,今據《說文解字注》改。 人」,原脱,今從沈校據《說文》、《說文解字

如,

則」,原誤作「曰」,今據《說文解字注》改。 原誤作 「知」,今據《説文解字注

下子六切。《易 義曰:《音義》出

「己頻頗」,云:「上音紀。

頻

亦作嚬,同。

復》卦六三「頻復」、《釋文》云:「本又作

鶃鶃者爲乎?

鶃鶃, 鯡鳴聲。

疏

注

頻頗不悦」〇正

鶃者爲哉?」注他日,異日也。

人之鸃而非之。己,仲子也。

頻顑不

悦曰:

安用

是

志》:

於陵」〇正

水,南出長白山,東抑泉口

朋,蓋戴車載。」是李氏「戴蓋」之語未爲無本矣。」○注「竄

義曰"閻氏若璩《釋地續》云"「顧野王《輿

《揚子》八十一《家務之次》四曰:『見矢自升,升羽

字,則戴字連兄字,是爲其兄之名,用趙氏注也。

,禄萬鍾,仲子非

前

不食。」古人引書每自增損,

乃此

孔氏廣

「戴蓋祇是乘軒」。

0 東我行弔遺跡 江 上、《四 [書釋地》有「張説詩 感歡石泉空」二十 云長自 四 字 多沈校 臨江上於陵入濟

河是。

子》所謂井者邪?

太子賢曰:「在今淄川長山縣南。」與《通典》合。

則

有

饋其兄

己頻

顣

日

『悪

用

乎? 居兄 而 之。孟子非其不食於母 兄疾之,告曰: 爲能 字,正見其孤矯非人情。「克己復禮爲仁」,正克此己耳。 交際之常,人人不以爲怪,獨仲子一己以爲不是也。 操者也。」注異日母食以驗,不知是前所頻頗者也。 之,以兄之室則弗居,以於陵則居之。 是 肉 也 加 切 注 哇吐之」〇正義曰: 鳥作鶃,則爲《説文》「六鶃」字。」他 《孟子》書本作兒,如今人之讀小兒,與騀聲相近也。 **,**鷻也。」阮氏元《校勘記》云:「五歷切與鰁鳴聲不相 1,與之食之。 其兄自外至,曰:『是鶃 「鶃鶃駺鳴聲」○正義曰:《音義》出「鶃鶃」,云:「丁五歷 也。』出而哇之。 室而居於於陵人所築室也。 充其類也乎? 如 蚓之性然後可以充其操也。 以吐 代哇,是哇即 是鶃 論 鶃之肉也。 以母則不食,以妻則 若仲子者,蚓 而食妻所作屨纑易食也,不 衡·刺孟子》篇述此文作「出 吐 也。 ○注 仲子 日<sub>,</sub> 孟 是尚 疏注 子」至1 其母 ,出門 而後 能充 「仲子 殺 而 用一己 鶃 充 是鯡 也 人類 哇 俗人 出 0 其 尚 之 似 食 吐 0 而 門

> 也? 子欲化之,仲子遇孟子,則孟子力詆之,便是聖賢分際不同 沮、桀溺、荷蕡、荷蓧、楚狂、晨門一流。 何待厚齋發此公論? 彼第生於七國之時,所謂「天子不臣,諸侯不友」之士不特目 利苟得之徒如腐鼠,乃公允之論。 嘗竟絶,孟子責之過深矣。 義、故仲子孑然長往、但觀其他日之歸、則於寢門之敬亦 其兄之蓋禄萬鍾,雖未知其爲何如人,然諒亦未必盡得 矣。平情論之,若如孟子之譏仲子以母不食、❷以兄不食, 篇之中不甚及隱士逸民,較之孔子之惓惓沮溺一輩,稍遜之 須知仲子辭三公而灌園,豈是易事? 子極口詆之、《國策》中趙后亦詆之、厚齋王氏則又稱之, 直是不孝不弟。 正》云:「孟子以仲子爲齊之巨擘,自非徇利苟得之徒可 士逸民之有補於末俗,正在無用中得之也?」周氏柄中《辨 未之見,抑亦耳未之聞,而以爲「帥民出於無用」,亦 티 : 厚齋先生之言是也。 然仲子豈真不食於母? 但其辟兄離母,不可爲訓 故厚齋謂其清風遠韻,視末世 仲子若生春秋之世,便是 若趙后,何足以 孟子是用世者,故七 然諸人遇孔子則 不過不食於兄。 ,故孟子極 知 此? 知 隱 徇 於 孔 長 何

0

IE.

義曰:

全氏祖望《經史問答》云:

「問:陳仲子之生平,孟

<sup>「</sup>子」,按《論衡》無此字。

② 「以」,原誤作「則」,今據《經史問答》改。

陳爲齊之同姓

詆之。

而全氏謂兄戴之禄未必盡得於義,他日之歸未嘗竟

絶寢門之敬,以此爲仲子解説,則大不然。

姪

廷琮廷弼校字

子正義卷十三終

孟

固公族也。蓋禄萬鍾,受之先君,傳之祖父,有何不義而汲思之? 於陵在今濟南府長山縣西南,離其母所幾二百也,特以不任無義即爲亂倫,而仲子辟兄離母,并長幼之節起,特以不任無義即爲亂倫,而仲子辟兄離母,并長幼之節也,特以不任無義即爲亂倫,而仲子辟兄離母,并長幼之節臣,特以不任無義即爲亂倫,而仲子辟兄離母,并長幼之節氏左袒仲子,拾王充《刺孟》之唾餘,沾沾焉動其喙,不亦妄乎?」章指:言聖人之道,親親尚和。志士之果,伙个寺立,可以啟蜀,不可常去。是之果,伙个寺立,可以啟蜀,不可常去。是之果,伙个寺立,可以啟蜀,不可常去。是

也; 目 法也。」僖公十六年《公羊傳》注云:「石者,陰德之專者 濁不可常法」○正義曰:《尸子・君治》篇云:「水 以孟子喻以丘蚓,比諸巨擘也。 之操,耿介特立,可以激濁,不可常法。 云:「清節之士大率多能自治而不能治人,所以不可 夷之謀事事耿介自用,卒以五年見執,六年終敗,如五 鷁者,鳥中之耿介者也。 揚清激濁,蕩去滓穢,義也。」《漢書·兩襲 宋襄欲行霸事,不納公子 疏「可以 博》 有 是 激 贊 四

三八五

## 三八六

## 孟 子正義卷十四

都縣鄉貢士焦 循 譔 集

江

孟子卷第七

引司馬云"「黄帝時人。百步見秋毫之末。一云『見千 色,淫文章,青黄黼黻之煌煌非乎,而離朱是矣。《釋文 朱索之而不得。」又《駢拇》篇云:「是故駢於明者亂五 崙之丘而南望,還歸,遺其玄珠,使知索之而不得,使 曰:《莊子·天地》篇云:「黄帝遊乎赤水之北,登乎崑 然必須規矩,乃成方員,猶《論語》「述而不作,信 者,黄帝時人也。 而 離朱即離婁也。 離 好古」,故以題篇。 **妻章句上**❶凡二十八章。 能視於百步之外,見秋毫之末。 黄帝亡其玄珠,使離朱索之, 疏注「離婁」至「方員」○正 注離婁,古之明目 義

> 方也。 「請問用矩之道。」商高曰: 得成三四五,兩矩共長二十有五,是爲積矩。」周公曰: 廣三、股脩四、徑隅五、既方其外,平其一矩、環而共盤 員 必以規也。《周髀算經》:「商高曰:「數之法出於圓方。 乃必水地以縣、爲規而後審,則目雖明,不可恃也。 者,爲其難審也。」望地之高下,眡景之出入,目爲之也, 地中央樹八尺之臬,以縣正之。 縣以水,望其高下。 中之景,夜考之極星,以正朝夕。」注云:「於四角立 以縣, 眡以景。 以爲方員平直。《考工記》:「匠人建國,水地以縣 故執柯伐柯,睨而視之,猶以爲遠,然目必憑以規矩準繩 朱之爲婁猶邾人呼邾聲曰婁也。 「離朱,黄帝時明目人,能百步望秋毫之末。」朱、婁音近 里針鋒」。《孟子》作「離婁」是矣。」《列子·湯問》篇云: 「離朱、子羽方晝,拭眥揚眉而望之,弗見其形。」注云: [出於方,方出於矩,矩出於九九八十一,故折矩以爲句 日出日人之景,其端則東西正也。 爲規,識日出之景與日人之景,晝參諸日 高下既定,乃爲位而平地,於所平之 「平矩以正繩,偃矩以望高 眡之以其景,將以正四 凡治器工必以目程之, 又爲規以識之 置樂 此目 植 而

0 「上」,原誤作小字,今據經解本改。 近取諸身、遠觀於物、伏羲所因也。

《書》,博學而詳説之」,所謂因也。

仰觀於天,俯察於地, 神農則因於伏羲,故

云「伏羲氏没,神農氏作」。

黄帝、堯舜則因於神農,故云 惟其因,乃有所變通。

「通

神農氏没,黄帝堯舜氏作」。

王之道,習先聖之道,行先王之道,必「誦其《詩》,讀其

説誣民」,孟子所距者也。

孟子之學在習先聖之道,行先

治平之本,以不屈於君父爲能,以屏棄文藝爲學,真「邪

心以爲道存,不復求《詩》書》、禮》、樂》之術以爲脩齊 ·競,不復顧尊卑上下之分以全至誠惻怛之情,弱者恃 聖之道,故此章首發明之。目雖明如離婁,耳雖聰

曠,心雖仁如堯舜,不以規矩則目無所憑,不以六律

指其爲「生於其心」、「作於其心」。作於其心,則不習先

待規矩乃成方圓也。

目

雖

明,無可恃也。

此目必以矩也。 孟子習先聖之道

所以離婁之明,必 ,闢楊墨,放邪説

覆矩以

測深, 卧

屬

地,圓屬天。

天圓地方,方數爲典。」以方出圓,正 矩以知遠,環矩以爲圓,合矩以爲方。

繩

方

望高、測深知遠皆目之明也,非平矩、偃矩、覆矩、卧

矩,

「季康子之母死,公輸若方小,斂,般請以機封。」注云:「公 也。 族,則亦氏公輸,故稱「公輸子」。 掌斂事而年尚幼,請代之,而欲嘗其技巧。」般爲公輸若之 也,或以爲魯昭公之子。 策 》云: 輸若,匠師。 規矩,不能成方員,社公輸子,魯班,魯之巧人 6位注「公輸」至「之子」○正義曰:《禮記・檀弓》云: 孟子曰:「離婁之明,公輸子之巧,不以 「公輸般 方小,言年尚幼。 爲楚設機,將以攻 雖天下至巧,亦猶須 般,若之族多技巧者。 班與般同。 宋。」高 誘注云: 《戰國策 「公輸 規 宋 矩

其

世

可用其明,不以六律便可用其聰。

於是强者持其理以

與

心覺爲宗,盡屏聞見,以四教六藝爲桎梏,是不以規

矩

便

無所憑,不以先王之道則心無所憑。

明人講學,至徒以

《孟子》,可謂深知孟子者矣。

.則耳

如

師

云: 也。 南風不競多死聲,楚必無功。」」又:「齊師夜遁,師曠告晉侯 至聰,不用六律,不能 或 周氏柄中 般 洗、蕤賓、夷則、無射、黄鍾,五音,宫、商、角、徵、羽 不能正五音,注師曠,晉平公之樂太師也。 在魯昭公二十六年,兩人正當其世。 班爲楚攻宋、墨翟禦之、《戰國策》在宋景公時。 云: 「或曰並孔子時,或曰在其後。」蓋生稍後而實同時也。 康子同時,則爲春秋時人無疑。 謂墨子之書恐非事實,未必有兩公輸般,一在春秋,一在戰 兩輸、般。 [墨子》不足據,亦未之考耳。] 師曠之聰,不以六律 「魯班與公輸氏皆有巧藝,故《樂府》云公輸與魯般。」吴斗南 晉平公鑄爲大鍾 "「鳥烏之聲樂,齊師其遁。」」《吕氏春秋 也。 ,魯般之號也。」蓋般爲魯人,故又稱魯般,當時有此號也 「晉人聞楚師,師曠曰:『不害,吾驟歌北風,又歌南風。 疏注「師曠」 愚按,公輸班或以爲魯昭公之子,雖未可信,而與季 《辨正 班固 《答賓戲》「班輸摧巧於斧斤」,顏師古注 》云:「事亦見《墨子·魯問》篇,説者因謂 ,使工聽之,皆以爲調矣。 至「至聰」〇正義曰:襄公十八年《左傳》 Œ 五音。 墨翟亦生春秋之末、《史記》 六律,陽律太蔟、姑 顔注固非,而斗南疑 長見》篇云: 師曠日不調,請 景公即位 其聽 有

鍾長七寸二千一百八十七分寸之千七十五,姑洗長七寸九 籥,下生者三分去一,上生者三分益一,五下六上,乃 也,下生林鍾之初六,林鍾又上生大蔟之九二,大蔟又下生 焉, 姑洗, 辰之氣, 三月建焉, 南吕, 酉之氣, 八月建焉, 二月建焉, 大蔟,寅之氣,正月建焉, 應鍾,亥之氣,十月建 鍾、南吕、函鍾、小吕、夾鍾。 皆文之以五聲: 陽聲,黄鍾、太蔟、姑洗、蕤賓、夷則、無射,陰聲,大吕、應 更鑄之。」皆「其聽至聰」之事也。 者,象子母。 射之上九,無射又上生中吕之上六。同位者,象夫妻,異 又上生夷則之九五,夷則又下生夾鍾之六五,夾鍾又上生無 三,應鍾又上生蕤賓之九四,蕤賓又下生大吕之六四,大吕 南吕之六二,南吕又上生姑洗之九三,姑洗又下生應鍾之六 表裹然,是其合也。其相生,則以陰陽六體爲之。 九月建焉, 夾鍾,卯之氣,二月建焉。 之氣,七月建焉,中呂,巳之氣,四月建焉,無射,戌之氣 賓,午之氣,五月建焉,林鍾,未之氣,六月建焉,夷則,申 羽。」注云:「黄鍾,子之氣,十一月建焉,大吕,丑之氣,十 義曰:《周禮 大吕長八寸二百四十三分寸之一百四,大蔟長八寸,夾 所謂律取妻而吕生子也。 ·春官·大師》"「掌六律六同以合陰陽之聲。 ○注「六律」至「羽 辰與建,交錯貿處,如 黄鍾長九寸,其 宫、商、角、徵 黄鍾初 也一〇 終 位 九 蕤 Œ 也。

蓋

五音者,正宫、正徵、正

商

正羽、正角之律, 二變者

以

不止

律既不止七,又何故止於十二?

惟七,故十二

音既七,

以

仍名之爲宫徵,所謂變化而不離乎五音者也。

比

宮、比徵之律。

既有比宫、比徵之律,則必有比商、比羽、

周語》王問泠州鳩曰「七律者何」,注云:「周有七音,王問

依《月令》自夏時孟春數之,故始大蔟,終黄鍾也。

《國

語

七

該六吕也。

大師自子丑爲次,六律首黄鍾,終無射。

趙氏蓋

律五聲八音」,鄭氏注云:「舉陽從陰可

知也。」蓋舉六律

以

使之相次,如錦繡之有文章。」《尚書・皋陶謨》云「予欲聞六

夷則長五寸七百二十七分寸之四百五十一,南吕長五寸三 百七十四,蕤賓長六寸八十一分寸之二十六,林鍾長六寸,

音之律,意謂七律爲音器,用黄鍾爲宮,大蔟爲商,姑洗爲

角

鍾

爲徵,

南

吕

爲羽,應鍾

之。止云正五音者,吴氏鼎《考律緒言》云:「音有萬而

謂即宫、徵、商、羽、角、變宫、變徵也。

然則七音自虞已

有

·律曆志》引《尚書》「在治忽」三字作「七始詠」,李氏光地

三八九

既與首 外乎十二律吕所生之七音也。 以 司馬氏《律書》徵羽之數小於宮而《管子》徵羽之數大於宮 三分去一爲七十二,是爲商,商之七十二,三分益一爲九十 爲百有八,爲徵,乃此絃首音全分之度也。 言此度之聲立爲宫位,其小於此絃之他絃,皆以是爲主,故 宫聲之分也。「小素」云者,素,白練,乃熟絲,即小絃之謂。 三倍全分之數,四分之而取其一,以合九九八十一之度,爲 因之,其數大於全分之度爲三倍也。 也。 所謂「凡將起五音凡首,先主一而三之,四開以合九九」者 去其一分而用其三分,其聲應於全分首音之第四音,此度乃 音,無論某絃之全分,定爲首音,因而半之,平分爲二,其聲 謂絲之屬於卦爲《離》,其德象火,故其音尚徵也。 六,是爲羽; 曰「以是生黄鍾小素之首以成宫」也。 全分首音與半分八音之間,又平分爲二分之度,是即《管子》 「八音法《易》八卦。 律書》此三者,絲樂絃音之大本也。 各絃全分之音與各絃内所分之音互相應合爲準,是 「先主一而三之」者,以全分首音一分之度爲主,而以三 音相合而爲第八音矣。 羽之九十六,三分去一爲六十四,是爲角。 絃、《離》音也。 次以首音之全分,因而四之, 《管子》、《淮南子》、司馬氏 盛德象火,其音徵。」蓋 「四開以合九九」者,以 又考之《白虎通》 以八十一,三分益 於是以百有八, 夫審弦 Ĕ: 以 按 不

明。 宫,立一均之主,各統七聲,而十二律吕皆可爲五 管,旋相爲宫。』《孟子》曰:「不以六律,不能 宫乃秦漢以前諧聲之法,聲調爲隋唐以後度曲之名。 二變之七音,而調也者,所以調七音而 五聲之分,律吕旋宫遂失其傳。 旋宫之法合竹與絲並著之,而自隋以迄于今,獨以弦音 語》泠州鳩曰 雜以鄭聲,所見於經史注者類多臆 宫之義所自來也。 以合陰陽之聲,七音之名見於《左傳》、《國策》,至《管子》 於古,六律五聲八音肇自《虞書》,而《周官》太師掌六律六同 四則小,此所以絃音之度必起於下徵 爲六十分小餘七五,比宮之變徵五十六則大,比宮之角六十 謂「去其乘而適足」也。若以宫之八十一取其四分之三, 下徵之故焉。 下徵,即《白虎通》「絃音尚徵」之義。 者 (淮南子))始着五聲二變之數。 樂之節奏成於聲調,而聲調之原本自旋宮。 ,用徵羽之倍數,所謂「下徵」、「下羽」者也。 然周人遺書猶可考證,如《管子》徵羽之數大於宮,《國 「宫逐羽音」,即 以下徵之百有八取其四分之三爲八十一,所 迨及漢晉之世、《樂經》殘缺,律吕失度 此二者,旋宫之法可定焉。 《禮運》篇: 夫旋宫者,十二律吕皆可爲 見,故 然而猶有不得不起 而理始明也。」又云: 互相 旋 「五聲六律十二 宫之理晦 正五音。」此旋 爲用者也。 聲也者,五聲 其首絃 聲二 發 稽 而 起 明 古 旋 不 之 於

鄭氏注云:

「聲之曲折,又依長言。

詩言志,歌永言。

聲依永,律和聲,八音克諧

之。

當二變與徵位者,亦不用焉。」按:《尚書

俱

不得起調也。

後,二音與羽相近,得聲淆雜

不合者亦不得起調。

宫,故爲一調之首,即《國語》之「宫逐羽音」也。

調 不

起調皆以宮位爲主,故曰宮調。

然調雖以宫爲主,而

起調。

自爲宫,調又自爲調。

以宫立羽位主調,則商當變宫不用,以羽立羽位主調

所謂無商調與無徵調,二者名異而理則同也。

之法也。

《周禮

大司樂》未載商調,唐宋以來無徵調

之分,則爲八十四聲。 六十調,實皆生於弦度。

除二變不用,止以五聲之位遞配

一律吕之分,則爲六十調。

羽首音淆雜不合,此所以當二變之位,與五正聲中當徵位者 立宫,一均七聲之位已定,則當二變者不起調,而與調首 至於止調,亦取本調相合、可以起調之聲終 蓋調以羽起調,徵在其前,變官居其 如宫立一均之主,而下羽之聲又大於 以絃音七聲之位遞配以十二律 此乃案分以命聲調,非旋宫轉調 ,故不相合而變徵爲六音,亦 五聲二變旋於清 若夫八十四 堯典》云: 羽主調,宫 則 宫又 轉 以 主 微 + 與 音 夫 吕 聲 濁 調 常日 欲正五音非六律不可,欲正六律非管絃 律,六律有律無音。 聰,不以六律,不能 聲。」都四德乾文氏《黃鍾通韻》云:「《孟子》曰:「師 聲之較以 律吕之理相通,若覈其至,要用五聲相生之理最爲簡便。 理而象樂之長短多寡輕重,皆得其指歸。 得之解,略附於後。 也。 音以 以平其鍾,和其聲。」又云:「聲以和 中 語 金石之音。 之音, 黄鍾所容千二百黍之重, 爲銖兩斤鈞石曰 竹之音,黄鍾之容千二百黍,爲龠合升斗斛曰量 正此五音也。 六律,不能正五音。」蓋以六律六吕三分損益、隔八相生之理 聲而量之,以制度律均鍾。」注云: 《律吕正義》已得音之精微,近時學者研求實學,多有 [樂極。 和平爲正。」「以六律 周 語 五聲 》泠州鳩云: 因五聲之數以取聲無 極之所集曰聲,聲應相保曰和,細大不踰曰平。 黄鍾之長九十黍,爲分寸尺丈引曰度,以較 而不 正五音。」細 以六律多寡之數正五音輕重之聲,是 用律吕,猶之衆樂較以 王氏坦 「律所以 正五音」,即 《琴音》云:「《孟子》曰: 立均 詳《孟子》之言,五音有 迹可見 樂,律以平聲。 出 「度律、度律吕之長短 以律 度 無憑。 也。 故 絲樂之取聲 和 律吕 用律 聲 古之神 陽爲律,黄鍾 權 而 吕 以 以 物 不 律 較 相 不以 瞽,考 曠 用 以 平 得 音 雖 土 生 知 無 之 五 絲 與 之 匏 自 聲 其 較

也;

聲調者

,聲自爲聲,調自爲調,

而又有

主調、起調、

之異,故以轉調合旋宮言之,名爲宮調。

一均之一十四聲,則成九十八聲,此全音也。

聲中律,乃爲和。」《國 ,無相奪倫。」 爲陽律之本,在管爲筩内聲,在琴爲第一弦,聲氣至重至低

猶

律。 能分爲方圓十二律。 孔爲陽六律; 律,仲吕巳爲六陽第六律。 寅 家,盡知七均爲 律 插 十二律對待則爲六律,錯綜則爲七均。七均合爲一調,若更 賓爲七均,自蕤賓下降至黄鍾爲七均,循環消長,共爲 弦、《左傳》謂「七音」、《漢前志》謂「七始」。 絃 應鍾亥爲六陰第六吕。 三陰第三吕, 之本,在管爲極上孔,在琴爲第七弦,聲氣至輕至高。 Ŧi. 吕二聲,合爲七均,方能循環一 爲 陰 音加 .錯綜爲七均,以五音來往爲循環,方能被於管弦。 前進至第六弦爲陽六律,自第七絃後退至第二絃爲陰六 陰、屬午爲第 聲,便不合管孔、琴弦。管只有七聲,❶琴只有七絃,不 六律定,然後能正五音。」「宫、商、 一陽第三律,夾鍾卯爲四陽第四律 陽,屬子爲第一 二變爲七均; 南吕酉爲四陰第四吕,無射戌爲五陰第五吕, 自極上孔下降至第六孔爲陰六律。 一吕,下降林鍾未爲二陰第二吕,夷則申爲 調 ,而俱不以陰陽六律錯 不 以五音循環,加變宮變徵,只可將十二 律,上升大吕丑爲二陽第二律,大蔟 分陰陽 陰陽各六管,自筩内聲上升至第五 陽極生陰,陰爲吕。 調。 各爲六律 所以管有七聲,琴有 角、徴、 ,姑洗辰爲五陽第 而 自黄鍾上升 綜爲七均; 、羽五音必得 渾 用 蕤賓爲陰 陰陽 琴自第 律吕各 惟 六陽 + 至蕤 調。 七 吕 以 律 五

> 幹 ; 律合管,一邊陰律合琴。 十二,不曰「十二律」而曰「六律」者,只用一邊之故。 聲至高。 以徵、 以黄鍾爲律本,以羽、角、宫、商、徵爲五位, 自重至輕爲羽、角、宮、商、徵,自輕至重爲徵、商、宮、角、 之數正五音輕重之位。 謂欲正五音,仍依《漢志》所載,以黄鍾爲律本,以六律多寡 十二律作爲變宮、變徵,變律、半聲,是五音能正六律矣。 算,其寒暑失節,春秋失序,亦理之所必至。 低奪倫、輕重失次者,又作變律半聲之例。 二律中猶虚五律,乃又以宮循環遍臨五律以敷,其數致 林鍾爲徵,南吕爲羽,五音不敷六律,乃以應鍾爲變宫 五音,五音不能正六律。 不敷七均,乃以蕤賓爲變徵。 不以子午月爲二至,卯酉月爲二分,惟 陰律。 商、宫、角、羽爲五位。 二律單用,其餘十律同位同音,陰陽並用。」「律有 陰陽六律俱是各自相 宫居中位,❷以五數論, 琴是六陰律用 若因五音不敷循環十二律之故 黄鍾屬子,聲至低; 變宮、變徵雖敷七均, 生。 陽律,管是六陽律 宫爲土屬第四 猶如不用枝惟 以 況惟 憑甲乙 蕤賓爲吕本 宫居三 蕤賓屬午 六律 一邊陽 循 變宮 能 丽 環 有 位 羽 竊 以 推 用 高 + 正

0

0

用

律,不以黄鍾爲律本,而以黄鍾爲宫,大蔟爲商,姑洗爲角,

位」,原脱,今據《黄鍾通韻》補 聲 原 誤 作 管」,今據《黄鍾通

之律

,管孔琴徽又不見有相間一分之律,是知變徵徵不成

六十四、夾鍾五十四之間,與夾鍾止間得

一分,多

二間

一分

0

2

分之均不能成調,是知變宫宫不成宫,變徵五十六,在大蔟

中以宫爲首。❷

也。 方成

調。

十二爲至輕至高之均,與今之管弦三十六不相合,少一輕 均六十四,第四均五十四,第五均四十八,第六均四十二,第 管弦。今之管弦七均"第一均八十一,第二均七十二,第三 十四,變徵五十六,正徵五十四,羽四十八,變宮四十二。 七均三十六。至重至低之均八十一,至輕至高之均三十六, 正聲、半聲之處甚爲詳細,然止可施之於筆墨,不能被之於 均只有六律,六律只有五音,故《孟子》曰: 『不以六律,不能 孔、琴之第二弦,與第七律蕤賓合律同音,故只有七均。 、律吕新書》有《八十四聲圖》、《六十調圖》,內注正律、變律、 中聲定,其餘輕重高低之聲皆依律數可定,是以五音之 五十四爲陰陽際會之中,理應爲宮。 五律,三角爲木屬第三律,四徵爲火屬第六 圖内所載七均: 宮八十一,商七十二,角六 自寒至暑俱是正律,並無變律。」●「蔡季通 五羽爲水屬第二律,第二律是管之極下 四時惟依寒暑,五 一律黄鍾 宫者,中 合律 四 七 六 徵。 《禮運》「五聲六律十二管,還相爲宮」、《孟子》「不以六律,不 者,乃用宫聲爲合字也。 時,鄭譯以其言不雅馴,故假聲律緣飾之,其言曰: 能正五音」、皆此義也。燕樂之字譜、即五聲二變也。 《堯典》「律和聲」、《大師》「掌六律六同」,皆文之以 其高下相旋於六律六同之中無定者也。 爲無射也,應鍾之短,不可爲大吕也。 者,六律六同也,其長短分寸有定者也。 變徵五十六,相間甚微,雖師曠之聰,亦未必易正,故前 合字,宫聲不當爲合字。 濁,故以合字配之。 又云「應用林鍾爲宫」,則亦疑徵聲當爲 宫聲也,所謂宫者,則字譜之合字也。 林鍾爲宫,乃用黄鍾爲宫。」所謂林鍾者即徵聲也,黄鍾 於龜茲之樂,中外之語不同,故其名亦異。當其初入中 角,又可爲宫,大蔟爲徵,又可爲角, 「變聲非正,故不爲調」之説。」凌氏廷堪《燕樂考原》云: 宫不成宫、徵不成徵、古人謂之『和繆』。正徵 至宋楊守齋以琴律考之,確然知 以聲配律,實始於此。 姑洗爲羽,又可爲徵 猶言應用徵聲爲合字 聲者,五聲二變也 如黄鍾之長,不可 如大司樂黄鍾爲 黄鍾聲最 Ŧi.

五聲。

音亦惟依高低。

正五音。」五音如四時,十二律如十二月。

同聲,故只有六律。

第六律是管之正中孔、琴之第六弦,與第

二商爲

金屬

第

十四,

人有

「律

律」,原誤作「聲」,今據《黄鍾 通韻》改

音」,原誤作「聲」,今據《黄鍾通韻》改

蓋

一應

者

即 用 國 出

口

以聲配: 樂者以 定黄鍾 爲宫聲也。 吕及四清聲者,蓋即字譜高下之别名耳,不可以稱謂之古, 何嘗以合字爲宫聲,上字爲角聲哉? 爲合字,故以合字配黄鍾,三弦爲上字,故以上字配仲吕 樂典書》云:「古者一律一呂,各爲一 啓之也。 律者以三弦獨下 變宫聲 律則以爲徵聲,遇南吕之律則以爲羽聲,遇應鍾之律則以 遇大蔟之律則以爲商聲,遇姑洗之律則以爲角聲,遇林鍾之 遂疑其别有神奇也。 古不解之惑可片言而決矣。」程氏 其故,遂怖其言若河漢之無極,苟明律與聲不同之故,則 人以六律六同代字譜者,蓋緣飾之以美名,即鄭譯之意也。 論 尚書》、《周禮》、《孟子》諸書舉不可讀矣。 燕樂者以宫聲爲合字而有一凡不當應鍾蕤賓之疑,論 非合字,乃以仲吕爲宫聲, 律始 七聲用七律 一均,不可移易,不論何均,遇黄鍾之律則以爲宫聲 ,遇蕤賓之律則以 不 蓋琴律一弦爲黄鍾,三弦爲仲吕。 於鄭譯,成於沈括 知燕樂字譜 徽而 :而有 自學者不明律有定、聲無定之理,遂泥 即 有不用姑 隋廢旋宫 爲變徵聲,而 Ŧī. 聲二變也,非 燕樂以仲吕 ,皆無他奥義。 瑶 洗而 止 田《通藝録・論黄才伯 聲。 存黄鍾 宋人樂譜所注十二律 旋宫之義遂晦。 用仲吕爲角之疑,而 其每管設孔,備五 配上字,是以 六律六同 皆以聲配律之説 後儒不遑深求 均之疑,論琴 正宫調 也。 於是 上字 也。 宋 爲 千 雅 弦

以

通

「有聞無聲」,傳云:「有善聞。」又《大雅・卷阿》篇「令聞令 聲二 者,五藏之主也。」雖或以心配土,或以心 信。」性既有五而獨言仁者,仁足以貫五性也。 然,猶 當行仁恩之政,天下乃可平也。 ○注「仁聞」至「聞也」○正義曰:《毛詩 而趙氏以 者何謂? 氣者仁,陰氣者貪。 疏注「仁心性仁也」○正義曰:《白虎通・ 道 民 也。」堯舜之道,不 弦,其遺矩也。 復清濁高下,五音何由 心。 以是推求制律之本。 》亦云"「心之言任也,任於恩也。」任 也。 不被其澤,不可法於後世者,不行先王 變之數,兼旋宫换調之法,乃 性之仁,發諸 須行先王之道,使百姓被澤, 注仁心,性仁也, 「性仁」解「仁心」者、《淮 仁義禮智信也。 只以一 心也。 故情有利欲,性有仁也。」又云: 以仁政,不能平 律正一音,不聞無孔之管不能正 而正? 是書言吹無孔之管則氣從下 五藏,肝仁,肺義,心禮,腎 人性仁,皆有惻隱之心,故 夫以 仁聞,仁聲遠 後 南 律 世 今有仁心仁 子 正音, 樂器 於恩即 配火,而 乃可爲後 原 性 小雅 治天下。 律吕 即今之吹 道 情》篇云: 五藏心主禮 訓 聞 任於仁 之用 五藏 車攻》篇 也。 Ž: 法 <u>元</u> . 聞 洩,無 智 《白虎 也 實統 <u>Ti.</u> 一心 矣。 也 之 而 注 脾 雖 未 陽 性 定

也;

有法而不以仁心施之,仍與無法等。

有善心而不以

法

有善法度」。

與無善心以施行法同一不行先王之道也。先王之道既不行

習先王之道者發,趙氏能發明之。《易·繫辭傳》云:「制而 用之謂之法,利用出人、民咸用之謂之神。」非法,無以爲通 於無善心之人,又不行於有善心之人。孟子爲作於其心、不 誘注云:「徒,但也。」故「徒善」是「但有善心」、「徒法」是「但 ○正義曰:《吕氏春秋·離俗》篇云「惕然而寤,徒夢也」,高 《考文》古本無「世之」二字,韓本、足利本無之字、也字。」故 且或恩及此而害在彼,祝在甲而詛在乙,此未習先王之道, 遠,然惠及一人,不能徧於人人,惠及一方,不能普於天下, 聲施千里」,高誘注云:「聲,名也。」是「仁聞」謂仁之聲名 行仁政必有法,徒有仁心而無法,不可用爲政 人以仁惠之心所發,有所施濟,其名亦可播於 ○注「乃可爲後世之法也」○正義曰: 阮 注  $\stackrel{>}{\succeq}$ 可 忘。 雅・假樂》第二章。 可忘者,以其循用舊故文章。 《大雅·嘉樂》之篇。 變神化之用也。 用舊典之文章。」趙氏注略同。 趙氏作「嘉」。 作「嘉樂」。 聞有過也。 己目力,續以四者,方員平直可 規矩準繩 者,其愆忘可勝言哉! 義是也。 趙氏以孟子下申言專指出過字,故以「不愆」爲「不過差」,而 云:「愆,過也。 章。」遵先王之法而過者,未之有也。雖詩 「不忘」别屬下,謂不可忘者,因其遵舊法而無過也。 勝 遵用先王之法乃不愆不忘,則屏棄《詩》《書》,專恃心覺 極也。 愆,過也。 此作「嘉樂」,與《中庸》同。《音義》出「嘉樂」, 以 疏注「盡己」至「極也」○正 閩、監、毛三本作假,蓋以《詩》改之也。 疏注「詩大」至「過也」○正義曰:《詩》在《大 率,循也。 《詩》云: 爲方員平直,不可 毛傳云:「假,嘉也。」《禮記・中庸 忘爲遺失,亦過也,孟子言過 聖人既 愆,過也。所行不過 成王之令德不過誤,不遺失,循 惟鄭以「不愆」「不忘」平對 『不愆不忘,率 竭 遵用先王之法度,未 得 目 而 義日 勝 力 審 知 焉 用 故用 《禮記 也 ,繼之以 差矣,不 兼該 按: 由 之不 影引 愆 舊 盡 鄭 則

但

施之,法度亦不能獨自行也。 疏注「但有善」至「行也

有善心而不行之,不足以爲政,但有善法度而

不

徒善不足以爲政,徒法不能以自行。

曰 :

氏元《挍勘記》云:「閩、監、毛三本同。

廖本無之字,孔本、

不足爲後世法也。

播於遠方也。

望」,箋云:「人聞之,則有善聲譽。」《淮南子・脩務

訓

音,不 制而 化 窮 乃聖人既竭目力,仍必繼之以規矩準繩。 之聰明睿智 盡之言窮也,窮之言極 續也。」《文選·神女賦》云 傳》云「人道竭矣」,注云:「竭,盡 耳目心思而必繼述規 直必不能以臆成之,而其用窮矣。 力所竭乃能不窮其用; ,運用不窮也。 用 聖人原非全恃規矩準繩而不竭目力,然其通變神化在 也,雖聖人不能不繼述之。 可 勝用 而既竭盡 也; 既 竭 矩準繩,而 其力,可憑其目力以爲方圓平直矣。 也。 倘舍去規矩準繩 注音須律 耳力焉,繼之以六律 「不可勝贊」,注云: 若果無待於規矩準繩,則以聖人 耳目 也。」《説文》系部云: 「不可勝用」猶云「用之不 惟其繼述規矩準繩,而目 而正 心思所竭 9 但準 規矩準 也。 ·目力,方圓 「勝、盡 乃能 疏注 音 繩、先王所 通 正 變神 繼, 也。 須 五 平

心思焉,繼之以不忍人之政,而仁覆天下矣。心必待先王不忍人之政而覆天下,可勿繼述之乎? 既竭須即待也。音必待律而正,方圓平直必待規矩準繩而成,仁律而正也」〇正義曰:《易・需卦》《彖傳》云:「需,須也。」

覆衣之仁也。 <u>硫注「盡心」至「仁也」〇正義曰:《楚辭・注</u>盡心欲行恩,繼以不忍加惡於人之政,則天下被

:魂》云「皋蘭被徑兮」,注云:「被,覆也。」《易·

繋辭傳》九

爲高爲累土,爲下爲掘深,與鄭異義。 必因先王之道」。趙氏謂「因自然則用力少而成功多」,是以 《禮記 故 是天下被其所覆衣之仁也。不行先王之道,雖有仁心,而 經言「仁覆天下」,是聖人以仁衣芘天下,而天下皆被 是以惟仁者宜在高位。 圜丘之上,夏至祭地在方澤之中。」孟子引此二句以起「爲 月,爲高必因丘陵,爲下必因川澤。]注云: 用力少而成功多矣。 政不因先王之道,可 此既竭心思,又繼述先王之道之人也。 不能以自行」,荀子所謂「有治人無治法」也。 而法行,非徒法矣,法行而心之仁乃行,非徒善矣。 矣。「不忍人之政」,仁政也,即先王之道也。 不被其澤,今既有仁心,又能繼述先王之道,民被其澤可 家注云: 日 禮器》云: 『爲高必因 「衣取象乾,●居上覆物。」是被、覆、 「故作大事 疏注 丘 謂智乎? 陵,爲下 必順天時,爲朝 「言因」至「多矣」〇正 不仁者在高位 因 舍治法亦無治人矣。 必 注言因 即 大 「謂冬至祭 「有治人」 以仁心行仁 衣三字 所云「繼 111 夕 必 澤。』爲 自 放 義 其澤. 同 然 即 天於 於 徒 日 義 則 政 H 有 法 政 知 民

❶ 「象」,原誤作「乾」,今據《周易集解》引九家注改。

設

施

也

術

其本者謂之虚

「道,術也。」賈誼《新

至「道也」〇正義曰:

之政、然而國存者、僥倖耳、非其道 君子之道也,小人觸刑,愚人罹於密罔 道,不遵先王之法,不能竭心思而繼之以不忍人之政, 之法,而繼之以不忍人之政 之「仁者」,則不獨有仁心仁聞,乃實能因先王之道,遵先 百工之作不信度量。 信道,工不信度。 春官·大師》「皆播之以八音」,注 昭公三十年《左傳》云: 無法度可以守 也者,所從制物也 ,其末者謂之術。 幸也。 江仁者能 書 《國 無道 人也。 職奉命。 君子觸義之所禁,謂學士當行 道術 語 • 注言君無 也,非 揆也,下無 君子犯義,小人犯 吴語》云「道將 動静之數也。 》篇云: 由先王之道。不仁逆道 疏注「仁者」至「人也」〇正 將 虚者言其精微也,平素而 徒善者也。 朝廷之士不信道 焉 「道者,所從接物也。 云: 用自播揚焉?」《周 道 也。 術可 「播猶揚也 法守也。 凡此皆道也。」 不行」,注云: 也。 疏注「言君 不因 以揆 此亡國 先 度天 則 王之 こ。調 刑。 德 朝 爲 王 無 務訓 也。 亨利貞謂之四德。 尊之。』《爾雅·釋言》云: 又云:「術 王之道,遵先王之法者也。 詐偽欺誣 不知義,故君子觸義之所禁而妄爲也, 守犯太微」、《集解》引韋昭云: 百工」,百工即謂百官,度謂法度也。 德,皆道也。 承天,故以「守職」爲「奉命」也。 變神化,所以垂衣裳而天下治也。 法守,至於工不信 人心,蠹風俗也。」按: 犯刑即 》云「犯津關」,注云: ,無所不至而 觸 刑也。 度 而 有道 「愚人罹於密罔」矣。 犯 義 術而後知義禁。

意,臣

國之所存者

不

不仁,如下所云。

Ŀ

禮 義 則自播

揚其惡

於

衆

日

其

於衆也。

「工、官也。」《國語・魯語》「夜儆百工」、《尚書・堯典》「允釐 録》云:「工爲四民之一,特言之者,奇技淫巧之興,皆以 度天意,乾健之不已也,守職奉命,坤順之承天也。 能揆度則不能制而用之爲法,臣下遂無以 趙氏以「工」爲「百工」,以「度」爲「度量」。 者,接物之隊,其爲原 不以道揆則不信道,故云「朝廷之士不信道 顯道神德行,全在能揆度以合天德,此 《毛詩・ 犯,觸 「揆,度也。」| 「自下觸之曰犯。」《淮南 以揆度言爲術,以施行言爲 周頌》「嗟嗟臣工」,傳 無 也。」是 若無道術則不能揆度,不 屈 《史記·天官書》「 其 應 犯 陰 守職奉命矣。 變 義 陽之謂 無 趙氏佑 即 極 奉命 故 觸 道, 温 義」, 其人 云 聖 揆 蕩 元 人 故 猶 通

雖有仁心

而不能以道揆,則

下 因

無 先

此皆不

能

上既不知義

,則小人

不以道

術

揆

度

則

犯

刑

亦

仍

歸

於不

孟

子

婣

黨 時

災也; 徵令。 藝,終 也 藝,有鄉射之禮、大比之禮。 徒 徒 甿 Ŧi. 比 通 至「必亡」〇正義 朝 不 上無禮,下無學,賊民興, 詞》云: 因 幸也。」故曰: 此也 黨爲州,州有序。 解以「下」指民。 雜 頒 夕,無復有期 知禮,臣不學法度,無以相 五 五 退 」言「繼先王之道」,在 職 作,至愚且 學非特以教國子,國之貴遊子弟,國之俊秀也 比爲 日 丽 鄉 事十有二於邦國都鄙, 服 頒之於其鄉吏,使各以教其所治,考其德行,察其道 「所猶若也 田 野 師 不揆度,則徒 事。 間間間 鄉 賤, 大夫各掌其鄉之教,以 小 不辟,貨 E: 有 日。 司 或也。 自六尺以上,皆比 趙氏佑《温故録》云:「古之教者,五家爲 城 塾 大而六鄉六遂皆有序曰學,匪 徒 趙氏以「下無學」爲臣不學法度,近 頒 郭 法 言國無禮義必亡。 0 比 通 不完,兵甲 不 「國之所存者幸也」,言國之或存 法 四 能 變神化。 州長各屬其州之民而讀法, 財不聚,非 以 於六鄉之大夫,以 .間爲族,五族爲黨,黨有庠, 自行矣。 登萬民, 檢制 喪無 而使入其中。 因 正月之吉受教法於司 Ŧ. 者,因此 不多,非國之 日 則 氏引之《經傳 日稼穑,十日 賊民 矣。 國之害也。 疏注「言君 施政 也; 獨國 興,亡在 注言君 舉彼耕 故 教、 繼者 大司 有學 行 歲 學 時 釋

强

性 有

等列有常,自其上世以來,習知賤之不可以干貴,愚之不可 《書》之文、孝弟忠信禮義廉耻之事。 至四 平日相保相受既有以察知其衆寡之數,明其禁令,又擇夫仕 矣。 焉而已者爲之大師 尋干戈,遑問學校,民皆救死不贍,疾視其上,去從椎埋 理之者蓋非無人,故其民猶知先王之澤。 賢,亦難於亂也。 老得而觵撻之,無有黨同相 州學、鄉學。 之淳哉 窮巷小民起而 力之諸侯卿大夫爲之,至於征 敵賢,各循其分而 有學者。 祭祀州 ,有屬民而飲酒於序以 然而鄭存鄉校,魯聞弦歌,原伯不説學,則以取譏 十五日出學。 社亦如之,有會民 以逮閭胥、比長所掌,莫不設之學,董之官。 民不皆選司 由 教化之積也。 相抗撓爲寇亂,如 蓋教學之功如此。 小 學有進 不 師。 敢 肆浸淫漸 '徒人太學,而已知《禮》《樂》《詩 正 民 則 濟者。 而 齒位之禮。 自新 迨戰國,遂以蕩然。 由比閭而升之族黨,以次升於 射於州序之禮。 役 穀既成,餘子皆人學,距冬 後世史書之事者 煩興, 官長賢,易於治; 摩,雖有桀黠不 降而春秋,此意亦既 一國之中,貴賤賢 族師掌書其 暴 骨 時 如 相 黨 莽 攻 其君 正 帥 相 官長不 豈 各 而 於時 取 方日 罕 弟 掌 其 皆 否 微 孟 民 聞 里 睦 其 其

以

蓋

四

家之别

也。●

一誻

誻,

語相 及

也。」踏

解字 也。 義

日

泄

**呭。**』《孟子》、毛傳皆曰: 多沓沓也。」言部又云"【泄,多言也。」引《詩》「無然詍詍」, 子蓋逆知六國之必亡,暴秦之不終, 先王之道,而不相 教化之行,引中人而納于君子之塗"是謂章化。」斯言也,爲 加小人,化其形 夫學也者乃所以明義也。 爲歸本於「上無禮」,其於下也,不曰「無義」而曰「無學」,謂 君無義,進退 天之方蹶 洞於道揆法守,不可以老生之常談忽之。」《詩》云: ,是謂養生。 人不樂生,不可勸以義。 !泄猶沓沓也。」箋云:「天,斥王也。」段氏玉 詩》在《大雅 言天方動,女無敢沓沓,但爲非義非禮,背棄 注 「呭,多言也。 《詩》,《大雅 也。 禮教榮辱以加君子,化其情也, 桎梏鞭扑以 無 無禮,言則非先王之道者,猶沓 然 若教化之廢,推中人而墜於小人之域, 匡 板》篇之第二章。 正 泄 謎誻也。」「謎, 謎 「泄泄猶沓沓也。」曰部云: 漢荀悦有云"「人不畏死,不 也。 泄。 从口,世聲。 板》之篇。 疏注「詩大」至「正也 故在上者先豐民財以 泄 而間 泄 猶沓沓也。 《詩》曰: 左之禍將作 天謂王者。 毛傳云: 無 一裁《 「蹶,動 沓 也  $\overline{\bigcirc}$ 然毗 説 定其 可 蹶, 事 故 語 懼 E 文 之所不 與日 注: 而行 即勉其君之所能 注「人臣」至「君也」〇正義曰: 是爲恭臣; 進君於善。 然 軻以彊其君之所不能爲忠,量其君之所不 無泄泄然」也。 之,或勉彊而行之,及其成功,一 能 謂 「責難於君」也

沓也

動

也。

邪謂之敬,吾君不能謂之賊。」注人臣之道,當 以心覺心悟,自以爲是,一 淫、爲邪、爲遁之言。 言不本諸《詩》、書》,道不揆諸先聖, 之道」爲沓沓,「言則非先王之道」即「生於其心」,而爲詖、爲 湯之沸、羹之方熟。」亦以沓沓屬笑語。 吾君不肖,不能行善,因 |爲「無敢」,鄭氏以 「誻誻,多言也。」」按: 部沓字音義皆 陳善法以 責難爲之事,使君勉之,謂行堯舜之仁 故 同。 日 「然泄泄 荀 禁閉君之邪心,是爲敬君, 責難 《蕩》篇箋云: 不諫 倡百和 卿 書「愚者之言, 誻 |爲「泄泄然」,「無然泄 於君謂之恭 正,此爲賊其君也。 ,真沓沓矣。 孟子以「言則非先 「其笑語沓沓 誻 趙氏 陳 然 愐 善 以 泄 又 沸 疏 閉 即 如

以罪;

志

能

0 别」,原作「訓」,今據《說文解字注》改

也

《禮記·

中庸》云:

「或安而行之,或利

也。」劉熙《釋名

疆即勉

也

彊

《後漢書

郅

惲傳》云:

能爲賊。」彊其 其君之所不

外 指諫 道,而 春秋• 諫 有 害 則 君 彰 塞,且 也。 而 Ŧī. 邪心自絶,此所以爲恭爲敬。 難於君,即陳善閉邪 語 「求者, 復前, 而 諫, 五、吾從諷之諫 心,此仁之性 一常,故知諫有 而 ,勵志忘生,爲君不避喪身,此義之性  $\check{\Xi}$ 《説文》貝部云: 諷告焉,此智之性也。 不 五日 《詩》所刺也。」孔子取諷諫,則指與 此信之性也。 激而成害矣。 婞直以觸之,矯拂以争之,言不可得而入,邪究不 請也。」君所憚爲,臣請求之,使君勉强爲之。 君守》篇云: 以禮進退,❶此禮之性也。 難 陷諫。 故《曲 憚 Ŧ 也 也。 禮》曰: 「爲人臣者不顯諫。」 纖微未見於 。』事君 諷諫者,智也。 其一 「外欲不入謂之閉。」乃不知所以閉之之 闚諫者,禮 故欲閉其邪,惟婉陳其善道。 陷諫者,義也。 是也。 人所忌憚也。」「難爲之事」,憚爲之事 「責、求也。」定公元年《穀梁傳》云: 曰諷諫,二曰順諫,三曰闚諫, 進 思盡 順諫者,仁也。 君有邪心,故憚於爲善。 《白虎通 也。 忠,退思補過。 知 惻 視君顔色不悦,且卻 指者,質也。 患禍之萌深,睹 隱發於中,直言國 也。 、陷所不取矣。 諫諍 出辭遜順,不逆 故孔子曰:『諫 》篇云: 去而不 質相 善道 何以責 其事 **~**吕 「人懷 其 四日 明 可 訕 悦 之 未 氏 事 則 閉

章指: 言雖有巧智,猶須法度。國由

考證》云: 行也。 誣君不 先  $\pm$ 禮 諫,故謂之賊。 疏「國由先王」〇正義曰: 「國,小字宋本作因。」 義 爲要。 不 仁在位, 明上下 周氏 相 播 廣業《孟子章 須 越 而道化 其 惡。

道備。 人。 道。 小雅 義 :: 也;不以 令》「農事備收」,注云:「備猶盡也。」君臣是人倫,堯舜是聖 於聖人,猶方員須規 倫之至也。 「人事之善」。欲爲君,盡君道,欲爲臣,盡 不 •節南山》箋云"「至猶善也。」故又以「人倫之至」爲 二者皆法堯舜而已矣。 「至」之爲「極」,通訓也。 孟子曰:「規矩,方員之至也; 以 疏注「堯舜之爲君臣道備」○正義曰: 舜 堯之所 之所 注至,極 以 以 矩 治 也。 事 也。 民 堯 「人倫」即人事也。 疏注「至極」至「矩也」○ 人事之善者,莫大取 治民,賊其民者也。 事 君, 注堯舜之爲,君 不 . 敬 《禮記 聖人,人 其 《毛 詩 臣 法 月 臣 īE.

❶ 「進」,原脱,今從沈校據《白虎通》補。

在

夏后之世。」此之謂

也。」這《詩》,《大雅·

厲。」是幽厲爲「章其惡」也。 謚之也。 孔 注言舜之事堯,敬之至也; 受大名,細行受細名。 之」至「其惡」○正義曰:《逸周書・謚法解》云:「是以大行 則法堯舜,故疊引孔子之言及《詩》之言以明之。 以後之遭禍言,非以暴之有甚不甚。 趙氏佑《温故 何能改也? 安,不仁則國危亡。 甚,則身弑國亡; 紂,猶紂之不能鑒桀也。 王 幽厲,雖孝子慈孫,百世不能改也。 流於彘,幽王滅於戲,可謂身危國削矣。 子曰:『道二,仁與不仁 又云: 趙氏以 謚 「壅遏不通曰幽。 。録》云:「「暴其民」句,「甚」、「不甚」各爲句。 以幽、厲 炕注「甚謂桀紂不甚謂幽厲」○正義曰: 甚指桀紂,以下引《詩》言。 行出於己,名生於人。」是「名」即「諡」 以 不甚,則身危國削,名之曰 甚謂桀、紂,不甚 堯舜之道,仁其民者也。 章其惡,百世傳之,孝子慈孫 動祭亂常曰幽。」「殺戮無辜曰 《詩》云:『殷鑒 堯之治民,愛之 而已矣。』暴 幽厲之暴,豈猶得爲不 謂 厲王不能鑒 幽、厲。 注仁則國 鑒于桀紂 ○注「名 名之謂 盡 其 遠 也。 民 厲

亦爲「鏡」也

「金錫半謂之鑒燧之齊」,注云:「鑒,鏡也。」是「鑒 也。 箋云:「此言殷之明鏡不遠也,近在夏后之世。 惡爲明鏡 之篇也。 詁》云:「監,視也。」監與鑒通,亦作鑑。 「詩大雅」至「亡也」○正義曰:《詩》在《大雅・蕩》第八章。 後武王誅紂。 殷之所 也。 欲使周 今之王者,何以不用爲戒?」《爾 鑒 視,近在 亦鑒於殷之所以亡 夏后之世 《考工記·輈人》云 耳。 也 以 謂湯 爲 前 雅 疏 代 誅 善 釋 桀

改也。 有巧手,弗脩規矩,不能 舜,願學孔子,承前章而又申明之如此 聖。」蓋孟子之學在習先聖之道而行先王之法,故言稱 先王之遺道亦天下之規矩六律 不能定五音,雖有知心,不覽先王,不能平天下。 露·楚莊王》篇云:「《春秋》之道,奉天而法古。 桀紂,避遠危殆。 章指: 疏「法則堯舜以爲規矩」○正義 言法則堯舜,以爲 名謚一定,千載 正方員; 也。 雖 故聖者法天,賢者 有察耳,不吹 規 曰:《春 矩 而 是故 六六律, 鑒 不 然則 秋 口 戒 繁

孟子曰:「三代之得天下也,以仁,其失

遷以 體 保宗廟,士庶人不仁,不保四體。 今惡死亡 四 謂禮樂征伐不自天子出,天下不奉天子之令也。 仁與不仁也。 然。注三代,夏、商、周。 天下也,以不仁。 而樂不仁,是由惡醉 海; ,身之四肢。 (後,祚雖未改,亦爲失天下也。 諸侯不仁,不保社稷,卿大夫不仁,不 疏注「三代夏商周」○正義曰:「失天下」 强酒則必 國之所以廢興存亡者,亦 而强 醉也。 國謂公侯之國。 酒。」注保,安也。 天子不仁,不 故周自東 存亡在 保 四

勿去,患必在身。自上達下,其道一焉。章指: 言人所以安,莫若爲仁,惡而

反求 反其 敬,己敬猶未恭邪 己仁猶未至 諸己。 智,禮人不答反 孟子曰:「愛人不親反其仁,治人不治 一邪? 其身正而天下歸之。 反其智,己智猶未足邪? 反求 其 、諸身。 敬。 行有 身已正則天下 注反其仁, 不得者,皆 反其 歸

> 迁哉?」○注「則天下歸就之」○正義曰: 福。』」推此詩已見上篇,其義同 云"「歸,就也。」《詩》云:『永言配 怨人? 怨人者窮,怨天者無識。失之己而反諸人,豈不亦 吾必不長也, 臨財而不見信者, 吾必不信 曾子云:「同遊而不見愛者,吾必不仁也,交而不見敬者。 不親則反其仁,治人而不治則反其知。」《荀子・法行》篇引 十二年《穀梁傳》云"「故曰"禮人而不答則反其敬,愛人而 就之,服其德也。 疏「愛人」至「其敬」○正義曰: 也。 命,自 《廣 三者在身,曷 雅 僖 求 釋詁 公二 多

責己之道也。改行飭躬,福則至矣。 章指: 言行有不得於人,一求諸身,

爲本,治其國者,不得良卿大夫無以爲本, 注恒,常也。人之常語 家,家之本在身。」推治天下者,不得良諸 謂諸侯之國,家謂 曰:《爾雅·釋詁》文。 孟子曰:「人有恒言,皆曰『天下 卿 天 大夫也。 也。天下謂天子之所主,國 下之本在國, 疏 注「恒 常也」〇 國 之本 國家』。 治 侯 其 無 Ĕ 家 以 在

者,不得良身無以爲本也

則 立,本傾則踣。 章指: 言天下國家,各依 雖 曰常言,必須敬慎也 其本。 本正

之家也。」趙氏佑《温故録》云:「「不得罪巨室」非狥巨室也 注 巨室之資力有餘,氣習深固,易爲善亦易爲惡。 謂富之廣也。」孔氏正義云:「大家謂富貴廣大之家,謂 若伊、巫之族。」《禮記・少儀》云「不願於大家」,注云:「大 田、楚昭、屈、景之類是也。」周氏用錫《尚書證義》云:「大家 終葵氏,即衛之大家。 云: <del>조</del> 公分康叔以殷民七族,陶氏、施氏、緐氏、錡氏、樊氏、饑氏、 鎮,《九兩》所謂「宗以族得民」,《公劉》所謂「君之宗之」。 言不難者,但不使巨室罪之,則善也。 善也」〇正義曰:以「巨室」爲「大家」者、《尚 ,爲德鄉里,與或妄自尊大,武斷把持者,所在多有。 巨室,大家也。 「大家者,封建諸侯,使與大家巨室共守之以爲社稷之 「以厥庶民、暨厥臣、達大家。」王氏鳴盛《尚 孟子曰:「爲 謂 降至春秋,猶有晉六卿,魯三桓,齊諸 政 賢卿大夫之家,人所則效者。 不難,不得 罪 疏注[巨室]至 彼其謹 於 書・ 書 巨 後 梓 古之 厚世 大夫 室。 案 材 周

> 阿勢利 慕]? 善之而一國隨其所善也,政不善則巨室惡之而 辭‧懷沙》云「邈不可慕兮」,注云:「慕,思也。」政 滿溢於四海之内。 疏注「慕思」至「之内」○正義曰: 其善政,則天下思以爲君矣。 慕,思也。 慕,天下慕之。 之屬邪?」巨室之所慕,一 理之是非,下以飽欲壑,上以弋能名,其亦爲巨室者有以階 深,偏樂得搢紳素封之事而文致之,不察其平居之望 類族辨物,無過也,無不及也。 而有裨吾德教也。「不得罪」奈何? 惟賢,故不愧爲巨室不可以得罪,能使一國慕之,天下慕之, 注故深體經文,以「巨室」爲「賢卿大夫之家,人所則效者」。 仁,如律所 爲政,有行法不避貴戚大姓,爲史書稱者。 爲政者自宜亟創懲之,爲齊民先,而何得罪之與 而虐愚柔,固龌促不足道; 謂 賢卿大夫,一國思隨其 『勢惡土豪,爲世指 故 沛然德教 後世政不古若,庸才下吏,專 國慕之; 疾」, 沛然大治德教,可 其有故持成見,務 日: 溢 、所善 何 禮而已矣。 乎 足言了一 果其人積 恶; 四 或 或 海。 善則 國之所 隨 之 或 一實,事 禮以 爲刻 負 其 巨 《楚 所 注 以 思

惡也。 音義》引《三倉》云:「治,徧澈也。」徧澈亦盈滿之義,故 《廣雅 •釋詁》云"「沛,大也。」「溢,滿 也。」《一切

溢乎四海」,然則巨室之所慕 「大治」 釋 室,而爲政不難矣。 沛 然」。 大洽即是滿溢, ,慕其德教也。 滿 溢 即是 有此德 沛然 也。 教 一德 即 不 教

海也。不罪,咸以爲表。德之流行,可以充四不罪,咸以爲表。德之流行,可以充四章指:言天下傾心,思慕鄉善。巨室

所以自: 『既不 於吴。 之時,小國弱國 令告鄰國,使之進退,又不能事大國,往受教命,是 天時所遭也。 世,小德小賢樂爲大德大賢役,服於賢德也, 者,天也。 役大賢, 天下無道,小役大,弱役 孟子曰:「天下有道,小德役大德, 絕於物 能令,又不受命,是絶 注齊景公,齊侯,景,謚 順天者存,逆天者亡。 當順從之,不當逆也。 . 畏懼而役於大國强國 物 事 也 大國 不 物 也。 與之通朝 也。』涕 言諸侯既不能 齊景公曰: 也。 油有 强。 此二者, 出 聘之事 斯 小賢 而 無道 道之 女

> 君 ? 景公言蓋本其意。」○注「物事」至「事也」○ 而與 也。 三善皆得者」,注並云:「物猶事也。」兩國相交之事莫如 七年,孔叔言於鄭伯曰:「既不能彊,又不能弱,所以斃 質於吴,因爲太子波聘齊女。」注云:「齊景公女。 聘,故以「絶物」爲「不與通朝聘之事」也。 大司徒》「以郷三物教萬民」、《禮記・文王世子》「行 詩・大雅・ 之。」《吴越春秋·闔閭内傳》云: 不能聽,是生亂 矣。』高夢子曰:「齊負海而縣山,縱不能全收天下,誰干我 篇云:「齊景公以其子妻闔廬,送諸郊,泣曰: 「涕出而女於吴」即此也。」翟氏灝《考異》云:「《左傳》僖公 八爲婚。 吴, 蠻 愛則勿行。」公曰:「余有齊國之固,不能以令諸 烝民》「有物有則」,傳云:「物,事 夷也 疏 也。 「涕出而女於吴」○正義曰: 時 寡人聞之,不能令,則莫若從。」遂 爲 强國,故 「闔閭謀伐齊,齊侯使 齊 侯畏 今也 而 正義曰: 《説苑• 也。」《周 「余死不汝見 耻 孟子所謂 之, 小 或 權 泣 物 也。」 女爲 禮 《毛 師 涕 朝 而

也。 命,不從其進退,譬猶弟子不從師 「度焉」〇正義曰: 注今小國以大國 《禮記 爲 學記》云:「夫然,故安其學而 師,學 法 也 度 (焉, 而 疏注「今小 耻 受 教

大

或

而

耻受命焉,是猶

第子

而

耻

受命

於

先

師

王由百里起,今大國乃踰千里,過之十倍有餘,故五 於天下矣。文王時難,故百年乃洽, 今之時易,文 《詩》云:『商之 》第四章及第五章。 疏注「詩大雅」至 大傳》云:「學,效 言殷帝之 侯服 學」釋 膚, 殷 注 政 就 於 文 法 以 雅 殊。 云: 也。 也。 四章毛傳云: 秋繁露。 隱公五年《公羊傳》云: 乃鄭氏云「善則就之」,是以「服于周」爲「就于周」,與趙 服于周二云「惟服于周」,則是以 内」,是以君釋侯,以九服釋周服。 謂不止二十萬也。 不億」謂其偶不止於億也。 與麗同。 趙氏義略同。《方言》云:「勵,數也。」注云:「偶物爲勵。」勵 常者、善則就之、惡則去之。 後,乃爲君於周之九服之中,言衆之不如 「以奏膚公」,傳亦云:「膚,大也。」大與美,其義 謂鬯酒也。」古鬯通作暢、《禮記 一敏」爲疾,才識捷速,正其「達」也。 裸,灌 「則見天命之無常也。 微子封於微,趙氏舉此爲殷士,則亦以 廣言》云:「麗,兩也。」凡物自兩以上,皆數也。 商之孫子,其數不徒億,多言之也。至天已命文王之 《周禮 執贄》篇云「天子用暢」,是也。 鬯也。 麗 ·夏官 ·校人》注云: 周 數 鄭以「侯于周服」爲「爲君於周之九服之 人尚臭。 也。 「美大之之辭也。」《毛 盛德不可爲衆也。]箋云: 十萬爲億 殷之臣壯美而敏,來助周 殷士,殷侯 將,行; 「惟」釋「侯」、以 雜記 趙氏此句無釋,而注 《音 京,大也。」箋云: 億而偶則二十萬 》云「暢臼以椈」、《春 麗 也。 義 孔子曰:『仁, 德也。」五章毛 当 「殷士」爲殷侯 耦 暢字,丁 服 詩 也。」《小 亦 爲 「其 通 小 服 義不 祭。 也 侯 麗 爾

之。今師效文王,大國不過五年,小國七年,必得

丢。

師文王,大國五年,小國七年,必爲政

**注**文王行仁政以移殷民之心,使皆

天下矣。

度,故疊以「師」、「學法度」明之。

取法則。」「法則 也。」《淮南子·

即

法

度」。

以大國爲師即是以大國爲

如耻之,莫若師

親其師。」又云:

師

也者,所以學爲君也。」故趙氏以

大國

即

「學大國

」也。《書·

脩務訓》「以趣明師」,高誘注云:「師,所

子孫,其數雖不但億萬人,天既命之,惟服於周。

詩》、《大雅·文王》之篇。麗、億、數也。

于周,天命靡常,殷士膚敏,裸將于京。

孫子,其麗不億,上帝既命,侯于周服。

年足以爲政,小國差之,故七年。

之美士,執祼暢之禮,將事於京師,若微子者。

大,敏,達也。

此天命之無常

也。

□○正義

曰:《詩

》在《大雅

文王

之,去其皾莫。」②此 之。」孔氏正義云: 「炮,取豚若將,❶塗以謹塗,炮之,塗皆乾,擘之,濯手以摩 篇。 「當如手持熱物之用濯。」與趙氏義同。 而 以仁,是猶 天下無敢與之爲敵。 子云,行仁者,天下之衆不能當也。 不 能執熱,逝不以濯?」」注《詩》,《大雅・桑柔》之 無敵 可 桑柔》篇第五章。 誰能持熱而不以水濯其手? 爲衆也。』夫國君好仁,天下無敵。 也。 疏注「詩大」至「敵也」○正義曰:《詩》在《大 執熱而 「手既擘泥不净,其肉又熱,故濯手摩 「執熱以濯」之事也。 毛傳云:「濯,所以救熱也。」箋云: 不以濯 今也欲 也。 無敵於天下 《禮記 喻爲國誰能違仁 《詩》云:『誰 諸 侯有好仁者 内則》云: 前 注 不 孔

執熱須濯,明不可違仁也。行仁,天下莫敵。雖有億衆,無德不親。章指:言遭衰逢亂,屈服强大,據國

而利其菑,樂其所以亡者。不仁而可與言,孟子曰:「不仁者可與言哉? 安其危

子也。 敗。 之義。 去。 足」〇正義曰:《楚辭·漁父》云: 自取之,喻人善惡見尊賤乃如 斯濯纓,濁斯濯足矣。 濁兮,可以濯我足。』孔子曰: 『小子聽之: 此言不仁者改其不可與言而爲可與言,則國可不亡,家可不 疏「不仁者」至「之有」○正義曰:以上四章示人反身改過 能從諫從善,可與言議,則天下何有亡國敗家 爲危者反以爲安,必以惡見亡 則何亡國敗家之有? 曰:『滄浪之水清兮,可以 利」之也。 歌曰:「滄浪之水清兮,可以 此孟子發明《周易》之恉也。 前言改其師大國者師文王,則轉弱爲强,化小爲大 小子,孔子弟子也。 故趙氏於「利其菑」不復注。 自取之也。』建孺子,童 注言不仁之人,以 清濁所用,尊卑若 濯 「危」即「菑」也,「安」之即 此。 濯 「漁父莞爾而笑,鼓 而樂行其惡。 語 纓; 我纓; 疏「有孺子」至「我 滄浪之水 有孺子 滄浪之水 其 如 濁兮 也? 所以 使 此。 歌 清 其 而

0

<sup>「</sup>若」,原誤作「及」,今從沈校據《禮記》改

<sup>「</sup>莫」,原誤作「矣」,今從沈校據《禮記正義》改。

氏鳴盛《尚書後案》云:

「《水經

夏水》篇注引鄭注下即

引

澄之《永初山

水記》云: ❶「夏水,古文以爲滄浪,數父所

Щ

海經》凡山、

類

浪蓋地名也。

漢水流經此地,遂得名滄浪之水。

此,假爲漁父之辭耳,非其本也。

違水地。」按:

歌出孺

子,孔子所聞,遠在屈原之前。

通

稱耳。

纏絡鄢、郢,地連紀、鄀,咸楚都矣。

書

過

而言「爲」者,明非他水決入也。

水清兮,可以

濯我纓;

弱、黑並配水,漾單舉,沇配水,皆屬辭之體應爾,非有他義 胡氏渭《禹貢錐指》云:「水名或單舉,或配水字,各有所宜。 非水之正名而因以爲名,則以「水」别之,若滄浪之水是。」」 夢得言: 「大抵《禹貢》水之正名,可以單舉者,若漢若濟之 水」也,亦古人屬辭之體,安見滄浪爲地名而非水名乎?」王 是,不可單舉者,則以「水」足之,若黑水、弱水之類是, · 禹貢》言「導漾水、東流爲漢、又東爲滄浪之水」。 不言 水二字爲名者,其上必加之字,猶此「滄浪之 滄浪之水濁兮,可以濯我足。」按、《尚 閻氏若璩《釋地》云:「滄 庾仲雍《漢記》謂之千 蓋漢沔水自下有滄浪、 漁父歌之,不 善乎,宋葉 「滄浪之 「水出荆 屈原取 縣西 龄 考》云: 謂滄浪 念楚都 歌 謬。 浪,水色也。」蘇子美於吴下作滄浪亭, 非謂天之色如水,以滄浪相比況也。」周氏廣業《孟子古 後時者,弱苗而蒼狼」,亦言其青色。蒼、倉、滄三字並通 用倉浪天」,天之色正青也。 是滄浪旋繞楚都,正當在江陵。」盧氏文弨《鍾山札記》云: 善注引《左傳》屈完所謂「楚國方城以爲城,漢水以爲池」, 歌以爲楚都之切證。 音義全別。 乃均州漢水中一小洲,即庾仲雍所云千齡洲。 改爲滄浪洲以當《禹貢》「滄浪之水」,其説詭甚。 過華容縣南。」即所謂「又東爲滄浪」者也。 天』,俱見《晉》《宋書・樂志》。 倉浪,青色。 也。」鄭云:「今謂之夏水。」意以今之所謂 張平子《南都賦》:「流滄浪而爲隍,廓方城而爲墉。」李 也。 而托歌滄浪,正當在古郢都,今江陵,故《地説》援 「《文選 《水經》云:「夏水出江,流于江 即 在竹日 屈原遊江潭,遇漁父,並不在均州之境。 塘 蒼筤,在水日 酈乃云「漁父歌之,不達水地」,尤爲妄 上行》劉熙 艷歌《何嘗行》「上慙滄 又《吕氏春秋・審時 注「滄浪之水清兮」"「滄 滄 浪,古詞《東門行》「上 正取 酈氏强以千齡 陵縣 此 夏水即 義。 千龄、滄 東南,又 酈所指 》篇「麥 古之所 又思 浪 浪 用 則

洲 北 可

也。

是世俗語訛,音與字變矣。

《地説》曰:

四十里,漢水中

·有洲

名滄浪洲

·以濯吾足。」、《水經》「沔水過

武當縣

東北」,注云:

Ш

東 非

(南,流

爲滄浪之水。」是近楚都,故漁父歌曰:

0 上「注」字,原脱,今據《尚書後案》補

子》。 濁, 活。 染。 晉 克、先友、杜原欵稱申生爲「孺子」,里克又稱奚齊爲「孺子」。 惡 乎?」按: 者其本然,而濯足之辱,乃水自取之也。 取之也」〇正義曰: 而 水本可濯纓,由 濁 水至濁,與江湖水合,其流必澄,故常填淤」。 水自發源嶓 而 金縢》、《洛誥》、《立政》之『孺子』謂周成王 養新録》云: 襄陽縣志》云:「漢水重濁,與大河相似。」童承叙亦謂 避 獻公之喪,秦穆公使人弔公子重耳,稱爲「孺子」,而舅犯 尊 其時而 滄浪又去源未遠,名之「滄浪」者,惟其清也。 而善也。 暑録 由 周氏之辨,非也。 下云「自侮」、「自毀」、「自伐」,俱從「濁斯濯足 ,皆自取矣。 考諸經傳,則天子以下嫡長爲後 善而惡也"「不仁而可與言」,是既濁而自改爲清,由 話 滄浪是夏水,本以清得名,則其清是本然,濁乃習 》謂 清者,正以 「清斯濯纓」承上,「濁斯濯足 冢,流至武當之滄浪洲,幾二千里,去源遠 「滄浪,地名,非水名」,非也。」○「清斯」至 「今人以「孺子」爲童稚之通稱,蓋本於 自濁而濯足,人本可活,由自作孼 周氏柄中《辨正》云:「或云:漢水本清, 注 「自作孼,不可活」,是本清而自變爲 合他水而 「孺子童子也」〇正義曰: 流 澄, 安得言 者乃得 愚按、《水經注》,漢 」起下,尊 也。《晉語 然則漢水本 清者其 則可以 稱「孺子」。 錢氏大昕 」相貫,是 而賤,賤 而 本 濯纓 不 》里 矣。 「漢 白 可 然

稱。 後人伐之。 侮之,家必自毁,而後人毁之,國必自伐,而 之門人小子」、《集解》引包曰:「言子夏弟子。」此「小子」自 子」、《集解》引周生曰:「小子,弟子也。」又《子張》篇「子 母死而孺子泣者」,此爲童子通稱,與《孟子》同。」〇注「小子 孔子呼之,是「孔子弟子」也。 小子有造」,箋云:「成人謂大夫士也。 孔子弟子也」〇正義曰: 是孺子貴於庶子也。 爲晉卿而胥午稱爲「樂孺子」。《左傳》稱孟 子」,其死也謚之曰「安孺子」,則孺子非卑幼之稱矣。 亦以世子待之也。齊侯茶已立爲君,而陳乞、鮑牧稱爲「孺 亦 注云:「小子,弟子也。」《詩・小雅・思齊》篇「肆 「異爲孺子室於宫中,母某敢用時日,祗見孺子」,亦貴者之 宣子稱鄭子齹曰『孺子善哉』,皆世卿而 速」,武伯曰「孺子洩」,莊子之子秩雖不得立,猶稱「孺子」, 《論語 稱之,是時秦欲納之爲君 惟《檀弓》載有『子與子游立、見孺子慕者』、『弁人有其 泰伯》篇「曾子 注人先自爲可侮慢之行,故見 齊子尾之臣稱子良曰『孺子長矣』,韓 有 《禮記・少儀》「小子走而不趨」 疾, 也。 夫人必自侮,然後 召門弟子 孺子 鞼之喪, 嗣立者也。 小子,其弟子也。 吾 莊子爲「孺 哀公欲 知免夫,小 成人有德 《内則 侮慢 設 欒 撥 盈

誅伐之政,故見伐也。 也; 伐驩兜」,注云:「伐,亦誅也。」太甲曰: 『天作孽,猶 也。」《小爾雅・廣言》云: 曰:《吕氏春秋·遇合》篇云「是侮也」,高誘注云:「侮,慢 上 可違,自作孼,不可活。」此之謂 篇,説同也。 家先自爲可毀壞之道,故見毀 「毀,壞也。」《荀子・議兵》篇「堯 疏注「人先」至「伐也」○正 也; 也。」注已見 或 先自爲 義 可

其事。』《淮南子・ 云:「戰戰恐懼。」《說苑 惴如臨深淵,禹居民上,慄慄如不滿日。」《史記• 恐也。」《後漢書》注引《太公金匱》云:「黄帝居民上,惴 小雅·小閔》篇云「戰戰兢兢,如臨深淵」,傳云:「戰戰, 丁云:「義當作慄,古字借用。」趙氏本作栗也。 ○正義曰:「恐栗」,一本作「恐懼」。《音義》出 臨深淵,戰戰恐栗也。 毁伐,人乃攻討,甚於天孽,敬慎而已。 日。 章指: 言人之安危,皆由於己。 人間訓》引堯戒曰 説叢》篇云: 疏「如臨深淵戰戰恐 「戦 戰戰慄慄, 戰慄慄, 《毛 「恐栗」, 先自 樂 詩 日 日 書》 栗 如 慎 慎

孟子正義卷十四終

## 孟子正義卷十五

江都縣鄉貢士焦循譔集

矣。 道。 下畔之, 簞食壺漿以迎武王之師是也。 得天下有 也; 之。爾,近也。 之,所惡勿施爾也。 其心,斯得民矣。 《禮記• 」,注云: 疏注「欲得 失其民者,失其心也。 得其民,斯得天下矣。 孟 曲 子 禮》注云: 聚,共也。」「所欲與之聚之」即 日 : 勿施行其所惡,使民近,則民心 」至「與之」○正義曰: 桀 「聚猶共也。」《國語・ 得 紂 其心 注欲得民心,聚其所欲 之失 有道。 天 注失其民之心則天 得其民 下 「聚」之義有二: 晉 「所欲與之共之 所欲與 也, 語》云「聚居異 有道。 失 其 之聚 可得 而 得 民 與

> 言理; 理。 絶 ? 也。 取。 然後君子,而小人之爲小人也,依然行其貪邪 怨、飲食男女、常情隱曲之感。 矣,不貴無欲。 欲則無爲矣。有欲而後有爲,有爲而歸於至當不可易之謂 其所謂「存理」,空有理之名,究不過絶情欲之感耳。 震《孟子字義疏證》云:「宋以來儒者舉凡飢寒愁怨、飲食男 也。❶《楚策》曰『吾與子出兵矣』言吾爲子出兵也。 而 與 通。 而罪之,此理欲之辨使君子無完行者,爲禍如是 女、常情隱曲之感,則名之曰「人欲」,故終其身見欲之難制 趨 與之」也。 爲字讀去聲。『所欲與之聚之』言民之所欲則爲民聚之 《易·萃卦》《彖傳》云「聚以正也」、《釋文》云: 高帝紀》「漢王爲義帝發喪」、《漢紀》「爲」作「與」。」戴 劉熙《釋名·釋言語》云: 無欲無爲,又焉有理? 、趣、取 天下必無舍生養之道而得存者。凡事爲皆有於欲,無 聖人務在有欲有爲之咸得理。 通。 王氏引之《經傳釋詞》云:「家大人曰: 君子使欲出於正不出於邪,不 趙氏言「聚其所欲而與之」,即是「趣其所 老莊、釋氏生於無欲無爲,故不 取, 於是讒説誣辭反得刻議君子 趣也。」趣亦即趨,是 是故君子 必 獨執 也 亦無私 無 「荀本作 飢 與 此 何以能 以 此以爲 八猶爲 無 寒愁 而 《漢 欲 氏 欲

也

《左傳》「顔涿聚」《説苑

正

諫》篇作「燭趨」,是聚與趨

❶ 上「民」、字、原脱、今據《經傳釋詞》補。

以爲言,是以弊至此

也。

心於民,

其所謂理,非

古聖賢之所謂理。

爲欺僞之人,爲禍何可 使之忍而不顧之爲理。

勝

言也!

不待告以天理公義而人易免於罪戾者之有道也?

「救死而恐不贍,奚暇治禮義哉」?

應乎上,則曰人之不善。

殘殺之具,爲禍又如是也。

·視民如傷」,何一非爲民謀其人欲之事?

子,且自信不出

於欲

則

日

心無愧怍。

一此之謂乎?

也

有

君子者,謂

不出

於理則

出於欲,不出

出於欲則

出

於理。

歸於善。

然宋以來儒者皆力破老釋,不自 蓋離乎老釋之言 知 也。 故云諸 侯 好爲仁者歐民, 若此 也。 湯 武 行之

種

穴也。 之,世謂之祭魚。』《淮南子· 證 矣,如 魚」,❶高誘注云:『獺,殯,水禽也。 小狗,水居食魚。1李善《羽獵賦》注引郭璞《三倉解詁》云: 部之毆義別。」○注「獺獱也」○正義曰:王氏念孫《廣雅 魚,爲叢歐爵,爲湯武歐民」,皆用古文,其實皆可作驅,與殳 施於馬而驅之也,故古文从支。 馬部云: 故字亦通於廣。 黄》篇「率 至「所樂」〇正 《周禮》『以靈鼓敺之』、『以炮土之鼓敺之』,《孟子》『爲淵敺 、説文解字注》云:「攴者,小擊也,今之扑字。 鞭箠策,所以 「晉侯執玉卑」,注云:「卑,下也。」《説文》土部云: 殯似狐,青色,居水中,食魚。1《吕氏春秋 居於曠林」,賈注云:「曠,大也。」野空濶故大。 《御覽》引 、其害魚也。」故《鹽鐵論・ 一曰大也。」其訓大者通於曠、《毛詩・小雅・何草不 有則之者, 「《説文》「猵,獺屬也。」或從賓作獱。 「驅,驅馬也。 ·彼曠野」,傳云:「曠,空也。」昭公元年《左傳》云 義日 《博物志》云: 趙氏以「壙野」釋之、讀壙爲曠也。《説文》 雖欲不王,不可 埤與卑通,亦作庳。 从馬,區聲。 兵略訓》:『蓄池魚者必 「獲,頭 輕重》篇云『水有编纂 引申爲凡駕馭追逐之稱。 敺,古文驅。」段氏玉裁 取鯉魚置水邊,四 如馬,腰以下似 得 也。 《國 孟春紀》「獺祭 又云:「獭,如 語 疏注「民之」 大即廣也, • 周 「壙, 塹 而 蝙蝠 語 去骗 面 池 崇云 陳 疏 魚

年病而 此」,此指獺鸇。 爲灸人病,乾久益善,故以爲喻。 死亡。注今之諸侯欲行王道而不積其德,如 終身不得。苟不志於仁,終身憂辱,以陷於 今之諸侯皆爲之歐民,亦如桀紂爲湯武歐民矣。 紂爲之敺民使歸之,今天下之君有好仁者以湯武爲法則 至「得也」〇正義曰:「好爲仁者」當作「爲好仁者」。 嚮風摇翅,乃因風飛急,疾擊鳩鴿燕雀食之。□○注 謂之土鸇。《詩》疏引陸璣疏云:「鸇似鷂,青黄色, 邵氏晉涵《爾雅正義》云:「鸇爲鷹類。 也」〇正義曰: 師古注《漢書 毛似獭,大可五六十斤。」《名醫别録 不畜藏之,至七年 王者,猶七年之病求三年之艾也,苟爲不畜 ,<br />
殯獭形大,<br />
頭如馬,身似 卻求三年時艾。 《爾雅・釋鳥》云「晨風,鸇」,注云:「鷂屬。」 揚雄傳》以 趙氏讀「有好仁者則」爲句、言湯武好仁、桀 而欲卒求之,何可得乎? 獲爲小 當畜之乃可 蝙蝠。』則 獺 獲乃獺之大者。 》陶注亦云: 非也。」〇注 有生於土窟者,故亦 志仁者亦久行之。 得。 以三年 今之欲 艾可 「鸇 獺 一諸 燕 至 土 而 有 一若 喙 侯 時 七 鸇 顔 兩

<sup>0</sup> 紀」,原誤作「絶」,今從沈校據《吕氏春秋》改。

不熟了皆言苟使也。《詩》云:『其何能淑? 子·離婁》篇「苟爲不畜」,又「苟爲無本」,《告子》篇曰「苟爲 王氏引之《經傳釋詞》云:「爲猶使也,亦假設之詞也。 从火,久聲。」○注「以三年時不畜藏之」❶○正義曰: 究。孫氏不爲音。 所以療疾。」《名醫别録》云:「艾葉、味苦微温、主灸百病 不行之則 及溺。』此之謂也。」注《詩》,《大雅・桑柔》之篇。 益善」〇正義曰:《毛詩·王風》「彼采艾兮」,傳云: 名冰臺,一 「爲」爲「何爲」「奚爲」之「爲」,爲猶以也,故云「以三年」。 優辱以 名醫草。」阮氏元《挍勘記》云:「灸,音久,亦音 俗譌作炙。」《説文》火部云:「灸,灼也 陷 死 亡,桀紂是 也。 疏注「艾可」至 載胥 艾 趙氏 **念孟** 

相; 乎 ? 淑,善 何能善? 相與 Œ. 義曰:《詩 八陷溺於禍難。」孔氏 及,與也。女若云: 也。 但 章指: 相與爲沈溺之道也。 但君臣相與陷溺而已。」趙氏與王肅同 載,辭也。 》在《大雅・桑柔》第五章。 言水性趨下,民樂歸仁; 其於政事何能善乎? 胥,相也。 正義云:「王肅以爲: 疏注「詩大」至「道也」〇 刺時君 箋云: 臣 「淑,善,胥 如 則女君臣 何 今之政 桀 紂 皆 其

之歐,使就 其君。 三年之艾,畜而 可 得;

> 文》當作湛。 猶 時欲仁,猶 得沈溺」〇正義曰: 沈,假借字; 將 沈 阮氏元《校勘 溺 沉,俗字。」 所 以 記 明 鑒 <u></u> 굿 戒 沈 也 依《説

疏

選• 也。 **秋** 哉」○正義曰:《論衡・藝增》篇云:「曠,空也。」《呂氏 也。 굿: 正路而不由,哀哉!」 宅也;義,人之正路 言人尚自暴自棄,何可與有言有爲? 仁,人之安 也, 吾身不能居仁由義,謂之『自棄』也。 者不可與 《廣雅• 西京賦》云「矢不虚舍」,薛綜注云:「舍,放也。」放即縱 無義》篇云「則無曠事矣」,高誘注云:「曠,廢也。」《文 弗由、居是者,是可哀傷哉 哀,閔也。」《國策· 孟子曰:「自暴者不可 釋詁》舍、縱並訓置,則舍亦縱也。《説文》口部 (有爲 也。 秦策》云「天下莫不傷」,注云: 言非 也。 注 曠,空,舍,縱,哀, 禮 曠安宅而弗居,舍 義,謂之『自暴』 與 施注「曠空」至「傷 有言也,自 注 棄 春

0 時」,原脱,今據注文補。 又,本條疏當居上條前

「傷,愍也。」愍即閔也。

「曠仁舍義」也,故兼暴、棄言之。或説下二節專指自曠之舍之,與非之以爲不足居、不足由而曠之、舍之,同「自棄」,則曠弗居、舍弗由承上仁義而言,乃自謂不能而「自棄」,則曠弗居、舍弗由承上仁義而言,乃自謂不能而

作爾。❶

棄者,以自暴者已「不可與之言」也

以其親、其長。 天下之道也,事即平天下之事也。 下必因先王之道、行先王之法,反復申明,歸之於「居仁由 難 注 求之難。 人求之難也。 也 邇,近也。 堯舜之道,孝弟而已。 何爲仁? 孟子曰:「道在邇 疏 「道在」至「天下平」〇正義曰: 人人親 親 道在近而患人求之遠也,事在易 謂不親其親,不事其長,故其事 親親是 其 親 則 其親,長其長 也。 不致 其爲人也孝弟,犯上作亂未之有 何爲義? 於無父,長 而求諸遠,事在 指之以 敬 而 其 自首章言平 在 長是也。 長則 邇、在易,要之 天下平。」 不 道即 致 易 遠 而苦 ·治天 於 而 而 平

> 也。 字、難字爲句,謂道在邇,不必他求也,若求諸,則遠矣, 在 也。 易,不 舍此而高談心性、辨别理欲,所謂「求諸遠」、「 或説: 必 他 道可致而 求 也, 若求之, 不可求,求便非易簡之道。 則 難 矣。 邇,《考文》古 蓋 求 讀 諸 事 遠 難

而易也。 章指:言親親敬長,近取諸己,則邇

篇與此同。 之有也。 之意先從己始,本之於心。 身有道,不明乎善,不誠其身矣。 矣。悦親有道。 上矣。信於友有道。事親弗悦,弗信於 得而治也。 孟子曰:「居下位 疏「居下位」至「身矣」○正義曰: 鄭氏注云:「獲,得 獲於上有道。 反身不誠,不悦於親 而 也。 心不正而得人意者,未 不 不信於友,弗 言臣不得於君, 獲 於上, 注言人求上 《禮記 矣。 民 則 獲 不 不得 友 誠 於 可

❶ 「邇考」至「作爾」,據阮校當在《章指》「則邇而易也」下。

人之道

也。

至

誠

而

不

動

者,未之有也,不

盡其實之謂誠。」

是

故

誠

者

,天之道

也;

思

誠

者,

及勇。

質言之曰 義曰禮。

血 所

謂「明

此者也;

所

謂「有

德性之美不可勝數、舉智、仁、勇三者而德備矣。 仁,而兼及義兼及禮,言乎其能盡道,莫大於智, 德之盛,「自明誠」者也。 義,善無以加焉,「自誠明」者也,學以講明人倫日用,務求 氣心知之外別有智、有仁、有勇以予之也。 盡夫仁,盡夫禮義,則其智仁勇所至,將日增益以於聖人之 全乎知仁勇者,其於人倫日用,行之而天下覩其仁、覩 氣心知者,分於陰陽五 是故善之端不可勝數、舉仁、義、禮三者而 人倫日用皆血 言知善之爲善,乃能行誠。」戴氏震《孟子字義 氣心知,精言之曰智曰仁曰勇。 舍人倫 善」,明 誠」,有 禮也。 據《中 氣心. 質言之曰人倫日用,精言之曰仁曰 此者 此者 日 庸》言之,所實者,知、仁、勇 知所 用, 由 行 血 也; 也。 無所謂仁、 氣心 有事,故曰「率性之謂 而成性者也,故曰 [天命之 所謂『誠身』,誠此者也。 言 知而語於智仁勇,非 平其 就人倫日用 所 盡 所謂「致曲」,致 謂 道,①莫大平 而兼及仁兼 義 日 善備 善日 所 矣; 其禮 道。 也; 謂 而 德 禮 ш 語 疏 人也。 固執。 也。 者,實有而已矣。 誠 無 性善也者,實有此 動金石,不誠 故曰「天道」; 「誠者、天之道也; 物。 \*\*,未有: 疏 「誠者」至 能 動 以 者

思行其 鳥獸 「動者也」〇正義曰: 也。 不可 誠 以 注 親狎,故 奉天者 授 人 誠 1,人道 《禮 日 善 之性 未 記 也 有 者,天 中 能 庸》云: 至 動 誠 者 則

居

位治

民。

證

「誠

實也。

實之者,仁也,義也

也。

血

於仁,語於禮義;

謂性」。

則得之先立乎大。」程氏瑶田 有九思」,曰『思不出其位』。 明示人以反求諸身爲誠身之要。 其辭,獨揭一「思」字加本句上,則 所學所問而次第及之,然後進以「明辨」、「篤行」。 庸》言「誠之者」而下詳其目,故以「慎思」爲 性也,誠之者,學而誠之者也。」趙氏 人有性,性有仁義禮智之德,無非實有者也 君子無往而不致其思,無思而不要於誠。 死乃無此人,未死則實 天實有此天也, 善焉者也。 誠之者,人之道也。」 孟子嘗警人之弗思而教以 《通藝録 有 故曰: 此 地實 惟思 統所知所行而 人,實有此性,實 誠 佑 有此 故能擇善,惟思故 者,物之終始,不 論學 《温故 注云: 地也,人實有 誠之一事 小 録》云: 「言誠 記》云: 歸重言之 故曰「君 孟子渾 有此 故 者,天 乃 日 「誠 性 誠 此 子 能 括

0 道」,原誤作「通」,今據《孟子字義疏 證》、 經 解本

當信 者自 之善。 其不明; 此「誠者,天之道也」。 前 「色即是空,空即是色」,其語不反覺精妙 不 終 此人之氣質,亦安能 此 性 友,由信友而獲 而 人而已矣。 能 『誠之者』。 而歸之於誠; 實有,異乎吾學從物上致力焉者也。」謹按: 謂 能 先終,不誠矣。 性,故人人能擇善。 由教入,實有此能 未有人倫,不 非不實 也 誠而明 空與無者 氏空之無之,是已無物矣,此不必與辨者也。 誠之也。 實有此性之善,故曰『誠者』, 上之當獲 既 有此 有誠者,無誠之者,雖有教無 明矣,又 誠之者,自明 ,因以覺人,而人亦 是故不空之謂實,不無之謂有,皆 而 £ 性 ·知有 其反身 日 惟不實有,故曰無物。 而民之當治也; 也; 由 患其不誠。 雖空而實實,雖無而 也。 實 善, 獲 人性 有 固執以誠之,而實有此教矣。 如 /而誠 Ê 不 誠 此性之善乎? 故曰『自誠 何 而 既誠 以 實 者 治民,皆人倫日用之常也,必 也,必歸之以明善。 也。 有誠? 有 無不自 故 此性 有 莫不 亦莫不曰 能 此 明謂之教」。 能 自明 善,則自能明,故先覺 則 誠 乃天既授人以善性, 知 實有此性之善, 益 邪? 親 實有,此釋氏所謂 是不誠之者也,非 若夫未死先已,未 自 而 誠 也。 明。 誠 吾能悦親 之當悦 實 明者,天下 由悦親 從空無 有此 惟人皆實 指物 然未明,患 雖不 蓋伏羲之 今乃指其 也,友 非實有 能 他,吾 而 而 下 謂 故 也; 言。 之 反 轉 有 信 之 日

則明 明則 未明 人之性, 下未明 誠謂之教」也。 明謂之性 明,由其誠也。 亦惟 則 而 明 不信,親不悦,此非不明之故, 能 在 以 地之化育,可以贊天地之化育則可以與天地參矣。」此 不治,所謂「未有能動者」也。 能悦親、 以 悦親 於明 盡其性; 善、又由明 誠授我也,是我未嘗思也。 信 友信,事上而上獲,治民而民治,「至誠 誠 誠 明 我實有此善 友也,吾能獲乎上 誠於事上、 於悦 而親不悦,信 ,誠又生於人道之思誠。 蓋 則 能 信 也。 雖明 動,動則變,變則化。 盡人之性則能 友、獲上、治民,所謂 既明之後, 親 善 也 「惟天下至誠爲能盡其性。 曲 而仍 「其次致 而 而物 者,明 誠於治下 明 申言思。 於信. 友而友不 未明,所 乃可 則 而治乎民 而 曲 自明 友而 盡物之性,能盡物之性則 不誠 動。 也 誠既明矣,又思其誠。 曲 以 信 未明 是以 而 惟天實授我以善而我乃能 而不誠之故。 動 也。 能 曲 誠則明,明 惟天下至誠爲能化。」「自 人能思誠 也。 故 誠 事 有 也。 誠 孟 以 誠其身,仍 也, 未明之先,則自 誠 上 於信 子既 致 乃民不治,上不 而 何 以其曲。 誠 悦 也? 上 而 友 則 能盡其 生於天道 由誠身而 由 不 動物 親 不誠者,非 也 形,形 其明也. ·獲,治 必明其 而 明 明 致 親 於悦 世, 於事 曲 性則 可 悦,信 誠 則 之功 之誠 誠 以 民 歸 (善矣。 身, 著, 獲, 白 人能 親 耐 不 Ł 贊 能 而 重 天 明 著 誠 乃 仍 明 誠 天 民 友 友 而

乎人。」又《具備》篇云: 存乎心而木石應之。」故君子誠乎此 而悲,歎嗟曰:「悲夫悲夫! 者楚熊渠子夜行,見寢石以爲伏虎,彎弓而射之,没金飲羽, 無巔墜。 消,然輕羣異類,亦無所多怪。」又云:「誠心無二者,則 獸不可親狎」者,「海上漚鳥舞而不下」是也。 天。木石之性,皆可動也,又況於有血氣者乎? 金石爲之開。」《吕氏春秋・精通》篇:「鍾子期夜聞擊磬者 下視,知其石也。 火而不燋溺,涉木石而不悸駭,觸鋒刃而無傷殘,履危險 人從石壁中出,子夏言『游金石,蹈水火,皆可』」是也, ○正義日: 海童誠心充於内,坦蕩形於外,雖未能利害兩忘,猜忌兼 孟子》此章,括《中庸》之旨而言之。 萬物靡逆其心,人獸不亂羣。』《韓詩外傳》云: 此本《列子・黄帝》篇爲説。 因復射之,矢躍無迹。 「誠有誠乃合於情,精 心非臂也,臂非椎非石也,悲 而諭乎彼,感乎己而 ○注「至誠」至 「動金石」者,「有 熊渠子見其誠 張湛注云: 有精乃通 故凡説 「親 處水 心 「鳥 狎 與 於 發 而 而

矜,以誠爲貴也。 疏「曾子三省大雅矜矜」〇正義悦親,本在於身。 是以曾子三省,大雅矜堂指:言事上得君,乃可臨民,信友

治之務,莫若誠。」

《幽通賦》:「蓋惴惴之臨深兮,乃二《雅》之所祗。」 趙意謂雅德君子常自恐懼脩省,必以誠身爲貴也 章亦言「大雅先人」。又、《文選》韋孟《諷諫詩》「矜矜元 雅。」《文選•西都賦》「大雅宏達」,李善注云:「大雅 美德者皆稱「大雅」。《史記·孟子傳》:「不能尚德若大 氏特引「三省」證之。下二句乃申費之辭。」《詩序》云: 曰:周氏廣業《孟子章指考證》云:「是章歸 王」,李善注引孔安國《尚書傳》曰: 云:「夫惟大雅,既明且哲,以保其身。」趙氏於「盆成 有大雅之才者。 材七十二人、《大雅》之材三十二人」是也。 雅者,正也。」雅詩皆正人君子所作,張楫謂《小 《詩》有《大雅》,故以立稱。」《漢書》贊 「矜矜,戒懼。」 重 因 誠 借言凡 身,故趙 ·雅》之 則 班 括 知 謂 有 固

濱。 在孤竹、聞西伯善養老、盍往歸之。 夷」至「老者」〇正 老者。』注伯夷讓國,遭紂之世,辟之,隱遁 文王作興,曰:『盍歸乎來? 聞文王起興王 孟 |子曰:「伯夷 義曰:《史記· 道。 (辟紂, 盍歸 周 乎來,歸周 居 太顛、閎夭、散宜生、鬻 本紀》云: 吾聞 北 海 之濱。 也。 西 「伯夷、叔 伯 北 疏 善 海 伯 養 之 聞 齊

作 夷居北 ○正義曰:《史記・齊太公世家》云:「吕尚蓋嘗窮困年老 養老,二人皆老矣,往 可 此「作興」二字。《子華子》雖似後人擬托,然猶唐以前 可 周。
 1毛西河之説良是。 奇齡 子、辛甲大夫之徒皆往歸之。」此伯夷歸文王之事也。 句者。」翟氏灝《考異》云:「《毛詩・酌》篇正義:『孟子説伯 紂,居東海之濱。 聞文王作興。1則正引《孟子》文而以興字 來」、《莊子・人間世》篇「嘗以語我來」,又「子其有以 引之《經傳 來」,來字皆語助。」〇注「聞文王起興王道」〇正義曰: 證。 備 興,曰:『盍歸 亡國》篇:『昔伊尹 太公避紂之惡,居於東海之濱,聞文王作興,亦自 《四書賸言》云: 「吕望之鼓刀兮,遭周文而 證也。」太公辟 又《子華子・北宮子仕》篇『王者作興,將以濯滌』,用 海之濱,太公居東海之濱, 釋 望 詞》云:「來,句 也。 亦 「趙注「聞文王作興」,以興字句。 乎來,吾聞 《離騷章句》外,更有《詩》疏、《中 在田畝之中,聞成湯作興而自夏如 辟 紂, 歸文王 紂 居 世,隱 末 語 也。 東 聞文王作興而歸之。》中 得舉。』王逸注:『太公避 助 海之濱。 居 西伯善養老者 也。 疏「太公」至「老者 東 《孟子》「盍 海。 日 聞 聞 文 書,亦 西 毛氏 商 語 歸 王 《離 論 Ŧ. 伯 我 氏 如 平

子也。 之也。 國海曲縣,劉昭引《博物記》注云:「太公吕望所 古之北海,在今昌黎縣西北,亦是當日避 在 晉 莒縣東,則當日太公辟紂,居東海之濱 其當在琅邪海 吕 世家》:「太公望吕尚者、東海上人。」注未悉。 老。』此二人者,蓋天下之大老也。 紂,居東海之濱,皆率其屬曰:<br/>『盍歸乎? 子》爲斷。 西伯拘羑里 侯,無所遇而卒西歸周 矣,以漁釣奸周西伯。 注「太公」至「東海」○正義曰:閻氏若璩《釋地續》云:「《齊 西伯賢,又善養老,盍往焉?」、《史記》列 立爲師。 「淵明引此,謂出《尚書大傳》,知《孟子》引逸《書》之辭。」〇 盧龍 盧無忌立齊太公碑以爲汲縣人者,誤。 鄉 又釣於棘津 《前漢》遼西郡令支縣有孤竹城,《括地志》孤 天下之父歸之,其子曷往?」王 縣 或曰: 南十二 陶潛《聖賢羣輔録》引《尚書大傳》云:「太公避 散宜生、閎夭素知而 曲 太公博 里,余謂今永平府治。 此城殊非。 ,其浦今存。』又於清河國 西伯獵,遇太公於渭之陽,載與 西伯。 聞,當 余謂海曲 或曰: 事 紂。 招吕 往而歸之,是天下之父歸 吕尚處 紂無道,去之,游 即 尚 河入海從 楙 故 / 紂處, 伯夷,孤 吕 是其家。 城城。 三説,是當以 《野客叢書》云: 吾聞西伯昌 廣 一尚亦 涧 士,隱海 《 通 《後漢》琅 去其國都不 出。 縣棘津 九右竭 日 : 竹國之世 漢崔 典 今有 竹 石, 吾 俱 古城 稱 善善 説 城 《孟 瑗 歸 周 正 在 辨 東 邪 養 聞 諸

鶉及駟七列

南

\(\frac{1}{2}\)

注今之諸侯如有能行文王之政者,七年之間必足以 子將安如? 遠。《通 往也。」韓本「將往」作「歸往」,閩、監、毛三本同。 曰:《爾雅·釋詁》云:「如,往也。」《廣雅 父也,其餘皆天下之子耳。子當隨父。二父往矣, 之大老也,而 行文王之政者,七年之内必爲政於天下矣。」 下之父歸之,其子焉往? 注此二老猶天下之 志》以 居 言皆將往也。 北 歸之、是天下之父歸之也。天 海爲濰縣者,亦誤。」二老者,天下 疏注「子將安如」〇正義 • 釋詁》云:「歸 諸侯有

復卦》《彖傳》云:「七日來復,天行也。」《國語 七政。」《周髀算經》以「日月運行之圓周」爲「七 十八宿面七。]按:《白虎通• 衆,易以行善,故 周時易,故速也。 又云「陽數七」。《説文》云:「七、陽之正也。 正義曰:昭公十年《左傳》鄭裨竈云「天以七紀」,注云:「二 爲政矣。 天以七紀,故七年。文王時難,故 北之揆七同」,●韋昭注 五年足以 上章言大國五年者,大國地廣 嫁娶》篇云:「七、歲之陽也。」 治 也。 疏注「天以七紀」〇 「鶉火之分,張 如日月五星爲 衡」。 周語》云「自 久; 衰 人

> 證。 午至子,其度七同。」皆以七紀數也,不獨二十八宿 星在天黿子。 合七宿,謂張、翼、軫、角、 公成文武之德,七年而天下太平。 雀,武王俯取白魚,受命皆七年。 已。乃《尚書·洛誥》「惟周公誕保文武受命惟七 十三度。❷ 不敢過其數也。」此言「行文王之政」,故以「七年」言之。 注云:"「周公攝政七年,天下太平。」鄭氏注云:"「文王 遠徵天紀,或近迂矣。 駟,天駟。 鶉火,周分野。 房五度。 · 亢、氐、房也。」「歲在鶉火午,③辰 天黿及辰水星,4周 歲月之所在從張至房 文武受命七年而 諸侯效法文王,是可爲 年」, 所 崩,周 出。 面 七列, 得 馬 七 周 公 赤 融 丽 自

勤之,二老遠至。 七年爲政,以勉諸侯,欲使庶幾於行善也。 章指:言養老尊賢,國之上務。 父來 子從,天之順道。 文王

0

「午」,原誤作「五」,今從沈校據《國語》章注改。

<sup>「</sup>七」,原誤作「北」,今從沈校據《國語》改。

<sup>「</sup>三」,原誤作「六」,今從沈校據 《國語》韋注改。

水」,原脱,今從沈校據《國語》章 注 補

在; 之。 斂 則 中 欲以 也。 孔 弟子 子 小子 德 而 語 徒」,疾之也。 以 季氏,魯卿 用 ៣ 雖 ,斂從其薄,如 私於冉有曰: H 冉 田 爲國老,待子 而 以 子曰:『非吾徒也。 附益之,斥爲非吾徒, 田賦使冉有訪諸仲尼。 鳴鼓、聲其罪以責之也。」哀公十一年《左傳》云:「季氏 "「冉求爲季氏宰,爲之急賦稅也。」鄭曰"「小子,門人 先進》篇云:「季氏富於周公,而求也爲之聚斂 鳴 求不能改季氏使從善,爲之多斂賦粟,故欲 賦。」用 鳴 田賦 賦 孟 欲 鼓 荷 鼓 粟 子 以 而 , 將又不足。 季康子。 田 加 倍 日 行,又何訪焉?』弗聽。」十二年 聲 賦 : 『君子之行也,度於禮。 攻之,可 他 而行。 疏注「求孔子」至「疾之也」○正義曰 是則以 其 自是季氏, 「求 日。 罪 宰,家臣。 若之何,子之不言也?」仲尼不對。 丘亦足矣。 也 小子鳴鼓 且子季孫若欲行而法,則周公之典 而 孔子曰: 孟子言「無能改於其 也。』注求,孔子弟子冉求。 爲季氏 攻伐 曰: 『丘不識也。』 三發,卒曰: 孔 子直責冉 而 責讓之。 若不度於禮 小子,弟子也。 攻之,可也。』《集解 求, 宰, 有 施取其厚,事 無 非我 謂 曰「求 能 春 德 冉 而 王 改 有 而 貪冒無 徒也。 爲之聚 正 而 賦 於其 月 孔子 非 奉其 粟倍 附 《論 使 我 厭 益

之。 他日 改之。 税、井别出馬一匹、牛三頭」。 攻」,故趙氏以「攻伐」釋之,乃係假借 是「攻」即 於常也。」《説文》支部云:「攻,擊也。」人部云:「伐,擊 丘民之家資,令出 其出馬牛乃多於常一十六倍。 爲革車一乘。」今用田賦,賈逵以爲「欲令一井之間出 正義云: 匹、牛三頭。 位。 莫能匡 改之使從善,則季氏賦粟倍他日即 冉子聚斂財物」,❶失之矣。 伐。」《釋例》云: 注《左傳》「用田賦」云:「丘賦之法,因其田、財 用 皇侃《論語義疏》引繆協云: 救。 舊制丘賦一 [田賦時正康子爲政,故知「季氏」爲「季康子」也 賦粟倍他日 「《司馬法》: 「伐」也。 致譏於求,所以 今欲别其田及家財各爲 一馬三牛,田之所收 馬三牛,今别其田及家資各爲 「鳴鐘鼓以 莊公二十九年《左傳》云:「凡師 」即指季氏用田 四四 丘 深疾季也。」是也 爲 季孫斯以哀公三年卒,康子 如此則一丘之内有一十六井 聲其過 甸 杜以 有馬 「季氏不能 爲冉有「爲之聚斂 賦、緣冉有爲其 如 用兵之鳴 日 少更出 此 賦,故言田 四匹,牛十二頭,是 伐。」經言 則非 一馬三牛,是 納練, 民所能 鼓 邢 通出 而 賦。」孔氏 昺 賦,計 (宰,不 「鳴 有鐘 故 攻 疏 而 — 丘 給, 鼓 也。」 馬 以 求 附 故 鼓 倍 之 其 而 即 杜 爲 也 益 能

預

日

<sup>0</sup> 邢」, 原誤作「刑」,今據邢昺《論語 疏 》及 經

者。 也。 況 篇云:「攻者,責也。 實孔子言攻但爲責讓,故又以 之人也。 上刑。 服 如「移之郊」、「移之遂」、「屏之遠方」之意也。 每顛倒解之。 仁之君」解 仁之君者」〇正義曰:「不仁之君」解「君不行仁政」,「富不 於争城争地而殺人滿之乎? 肉」,罪不容於死。 城以戰,殺人盈城。 觀之,君不行仁政 日 攻,六曰説」, 上 於爲之强戰? 辟草任土, 言其罪大,死刑不足以容之。 注孟子言天道 ·刑,連諸侯者次之,辟草萊、任土地者 上刑,重 「而富之」,謂富此不行仁政之君也。 疏 《荀子・王制》篇云「不安職則弃」,弃即棄也 注「孟 注云:「攻、説則以辭責之。」是也。 不 刑 也。 務 責讓之也。」《周禮・春官・大祝》「五 子 重生,戰者殺人,故 修 言 争地 而富之,皆棄於孔子者 注孔子棄富不仁之君者,況 連諸侯,合從者也,罪 天 德 此所謂『率土地而 道 而 「責讓」釋之。 以 重生」❶ 富 此若率土地使食人肉 國 戰,殺人盈野; 者,罪次合從 疏注「孔子棄富不 Ō Œ 《論 使善 義 故善戰者 趙氏於經文 衡 日 戰 次善戰 《韓 食 由 順 連 者 也 鼓》 争 次 人 此 服 非 横

幾何? 子 軍,無忿争之心。」又云: 궁: 有熟。 重 者亶地而已,不逮物也。」此「天道重生」之説也。 太陰不與,少陰在内而太陰在外,故霜加物而雪加於空。 皆成矣。 乃始多於陽,天於是時出凓下霜。 其下孰倍? 生之,出陰爲清以成之。 而小刑之意也。」又《煖燠孰多》篇云:「天之道 陰常居空位而行於末。 始。」又云:「陽氣生而陰氣殺,是故陽常居實位 覆育萬物,既化而生之,有養而成之。 無死地,而謂之善攝生矣。 春秋繁露•王道通》云:「仁之美者在於天。 刑 正 解老》篇云:「凡兵革者,所以 也」〇正義 自正月至於十月,而天之功畢。 一刑適 薰與凓其日孰多? 功已畢成之後,陰乃大出。 輕下 故從中春至於秋,氣温柔和調,及季秋九月,陰 曰:《方言》云:「上,重 服,下刑適 天之好仁而近,惡戾之變而遠,大德 是故非薰也不能有育,非凓 「禮天地之道, 愛子者慈於子,重 距物之初生至其畢成,露 重上 一服。」 出凓下霜 備 天之成功也,少陰 害 某氏傳 故 也。」《尚書 計其間陰與陽 事功無已, 也。 H 無死 而天降物 天,仁也。 生者慈於身。 重 云 出 生 而行於盛 ○注「上 陽 地 終而 爲煖 重 焉。 也 與 固 與 雖 刑 各 不 天 刑 空 īffi 復 動 人

●「言」,原脱,今據注文補。

徑遂。 任 勘記》云: 家也; 服 將盡也。」陳組綬《燃犀解》云: 續》云:「連諸侯是封建之將盡也,辟草萊、任土地是井田之 按、《音義》出「任土」,則作「任地」非也。」閻氏若璩《釋地又 也。 言「罪不容於死」,則上刑不得適輕,「服上刑」則不減等下服 下刑之科而情適重,則 江 可 講耕耨蓄藏之術,專以富國爲事,則不務修德。 商鞅等是也。 氏聲 土地而助之戰,均非身親爲戰者,姑次之。 ,加等也。 以 合從,❶蘇秦是也,連横,張儀是也,辟草萊、任土地 虧 連諸侯,從横家也; 皆開墾,是爲「辟草萊」。《吕氏春秋》有《任地》篇,乃 減, 《尚書集注 「廖本作「辟草任土」,孔本、韓本作「辟草任 則之輕服下罪,一人有二 本在 井田之法,有萊田,有一易再易之田,有阡陌 上刑之科而情適輕,則減 音疏》云: 加一等治之。」按: 辟草任土,農家也。 「服,治也。 「連諸侯而使之戰,闢草萊 罪,則之重而輕并數。」 下服 重刑,死刑也。 一等治之;本 ,減等也; 阮氏元《校 善戰者,兵 地」。 上 在 上

不容死,以 行之,固聞 聚斂富君」○正義曰: 章指:言聚斂富君,棄於孔子。 爲 鳴 鼓。 大 戮。 韓本、孔本作「富民」,非。○「以 以 戰殺民,土食人 重人 命之至也。② 肉, 冉求 疏 罪

> 命至重,望之所坐,語言薄罪,必亡所憂。J」 ○正義曰:《漢書·蕭望之傳》云:「獄吏顯等曰:❸「人不敬,取其鯨鯢而封之,以爲大戮。」○「重人命之至也」爲大戮」○正義曰:宣公十二年《左傳》云:「古者明王伐

眸,冒也。 膚幕相裹重也,子,小稱也,主謂其精明者也。 牟、 童皆不从目。 劉熙《釋名・釋形體》云「瞳子,瞳, 云:「盲,目無牟子。」「縣,盧童子也。」「睞,目童子不正也。」 非相》篇「堯舜參牟子」,注云:「牟與 人之善惡也。 云: 子不能掩其惡。 「眸謂 孟子曰:「存乎人者,莫良於眸子。 相裏冒也。」《荀子・大略》篇云「眸而見之也」,注 以 眸子審視之也。』《廣雅 疏注「眸子」至「惡也」○正義曰:《荀子 注眸子,目瞳 釋親》云: 子也。 (眸同。」《説文》目 存人,存在 或日 「珠子謂 [眸子。 重 也 眸 之 部

顯

0 0

非

獄吏,焦氏臆加。

<sup>「</sup>合從」以下,依疏例當另立條。

<sup>「</sup>獄吏」,沈校:按《蕭望之傳》無此二字,且弘恭、石「至」,原誤作「民」,今從沈本據廖本及下疏文改。

署

之節」,注云:「在,察也。」趙氏以「在」釋「存」而云「存 文》土部云:「在,存也。」《禮記・文王世子》云「必在視寒煖 眸。」蓋亦有从目者。 察人之善惡也 之善惡」、《章指》云「存而察之」,蓋以存爲在即以在爲察,謂 胷中正, **爾** 雅 則 釋訓》云:「存存,在 浴眸子 瞭 焉 胷 也。」《説 中 在 不 人 疏

不明,蒙蒙然也。」《廣雅·釋訓》云:「蒙蒙,暗也。」眊、蒙 精也。」目少精即是不明。 官 明之貌。 正,則眸子眊 ·眡瞭 》注云: 疏注「瞭明」至「之貌」○正義曰"《周禮 馬。 「瞭,目明者。」《説文》目部云: 注瞭,明 劉熙《釋名・釋天》云:「蒙,日 也。 眊者,蒙蒙目 「眊,目 • 春 不 光 少

曰:「人之善不善在其目。 瞭,心濁而眸子眊。」又《佚文》篇同。《白氏六帖》述《孟子 音之轉,故趙氏以眊之不明猶日之蒙蒙也。 云:「《論衡·本性》篇:「孟子相人以眸子焉。 其心正則童子瞭然,其心不正 翟氏灝《攷異》 心清而眸子 則

之。.聽其言也,觀其眸子,人焉廋哉?」注度, 隱者。」蓋《孟子》此章所本。 者,事之指也。作於中則播於外矣。 童子眊然。」《大戴記·曾子立事》篇:「目者,心之浮也,言 也 聽言察目,言正視端,人情可見,安可匿哉? 故既詳言眸子,下復兼聽言言 故曰:以其見者占其

> 哉」、《 趙氏以「匿」釋「廋」、《章指》又以「不隱」釋之。 注「廋匿 集解》引孔曰: 也一〇 Ē 「廋,匿也。」《方言》云:「廋,隱也。」故 義 日: 論 語 ٠ 爲政》篇云:「人 焉 廋

不必爲目珠之睛所假借。 之精之候,則精神即在此目矣。 子章指考證》云:「精與睛 葉,目爲之候。」此「神候」猶云「精候」耳。 疏「目爲神候精之所在」○正義曰:《白虎通・性情 察之,善惡不隱。 是一事。 不點眼精。」是也。」按:精即謂肝木之精。 曰:「吾目中無守精。」《晉書》: 云:「肝,木之精也。 章指:言目爲神候,精之所在。 《大戴記・曾子天圓》云「陽之精氣曰神」是 萬物始生,故肝象木色青 通。 知人之道,斯爲 目,珠子也。 「顧愷之每畫人,或數 上言「神」下言「精」,正 周 目 《魏 氏廣 既 志》管輅 審矣。 爲 而 業《孟 肝 有 》篇 而 年 木 枝

爲恭敬者,不悔慢人,爲廉儉者,不奪取 侮奪人之君,惟恐不順焉,惡得爲恭 6億? 有好 注

孟子曰:「恭者,不侮人,儉者,不奪

其名」。 高誘注 借。 作奪。 雅 相 恭,無欲 侮 也,無欲謂 詁》云:「儼,敬也。」《禮記 爲之哉? 彊取也。 之儉。」《説文》又部云:「奪,手持隹失之也。」支部云: 悲」,高誘注 爲恭儉之行也? 人,儼然無欲,自取其名。 説 廉斂 論語·子張》篇云: 應而 ·釋詁》云:「恭,敬也。」《吕氏春秋 · 遇合》篇「是侮 .奪人之君,有貪陵之性,恐人不順從其所欲,安得 文》欠部云: 恭 調 也。 奪爲手持隹鳥失之,即「脱去」之脱 云:「侮,慢也。」《淮南子·原 《賈子・ 儉豈 而 《周書》曰:「敚攘矯虔。」」「奪取」當作敚,經典 和 儉。 廉儉 自檢斂也。」《賈子·道術》篇云: 云: 疏注「恭儉」至「爲之哉」○正義曰: 調 可 也。 「欲、貪欲也。」不貪欲、故爲廉也。 「廉猶 六術》篇云: 恭儉」之名以 和 以聲音笑貌爲哉?」 耐 《論語 「望之儼然。」「儼然」即「儼若」,謂恭敬 疏注 成 儉也。」劉 理,謂 「爲恭」至「取 ・憲問 曲禮》云: 「是故五聲宫商角徵羽 「儼然無 豈可以 之音。」《白 熙《釋名· 》篇云:「公綽之不欲。」 欲 道訓》云「不以 和 「毋不敬, 儼若思。」 人」〇正 取 聲諂笑之貌 也。 虎 之,故云「自 釋言語》云: 通 「廣較自 注恭儉 奪乃敚之假 爾爾 義曰: 禮 儼 雅 樂 1斂謂 廉爲 也, 唱 然 一般 小》篇 《爾 之 通 强 釋 而 和 取

> 聲 云:「皃,頌 云:「音者,飲 則笑見於面,故趙氏以 釋「聲音」, 「强笑也。」 儀也。 也。 謂聲而音,言其和 言其剛柔清濁 从人白 「諂笑之貌」釋之。 象人面 也。 和而 形。」君子樂然後笑,「笑 相飲 貌、《説 也。」趙 趙氏前注 文》作「兒」 氏 以 和

貌

故及此 忠矣。」 在兩漢則宰輔皆是也。 言「侮奪人之君」,趙氏推及人臣。 錯其心? 恭儉,明其廉忠。 耳。 章指: 言人君恭儉,率下移 史 疏「人臣恭儉明其廉忠」○正義曰: 記 魯 趙氏習見當時張禹、 世 侮奪之惡, 家 君 蓋孟 子 何 子指 由 風; 季 胡 當 干 廣之流 世 文子 人臣 諸 孟子 侯 廉

諫説慕晏嬰之爲人也,然而 淳于髡,齊人也。 孟荀列傳》云:「淳于髡,齊人也。 而見七人於宣王。]又:「齊欲伐魏,淳于髡止之。」《史記 于髡齊人也」〇正義曰: 淳于髠曰:「男女授受不親,禮 問: 《戰國策・齊策》云:「淳于髠 禮,男女不相親授? 承意觀色爲務。 博聞强記 ,學無所主。 客 有見髡於梁 與? 疏注 注 日 其

不同

巾

櫛,不親授。」《坊記》云:「好德如好色,諸侯不下

授」○正義曰:《禮記・曲禮

「男女不雜坐,不同

椸

枷

渔

「問禮男女不相

親

「夫子」,自稱曰「髡」,知年相若也。」○注

年使之趙請

救兵。

至與孟子

相

見,年當耆老,而

稱孟

子 王 能援, 詎肯作是語?

千載而下,始可以情測哉!」周氏廣

孟子出處時地考》云:「淳于髡見《史記·滑稽傳》,威

不援天下。

仕,真有孔子循道彌久、温

温無所試之象。

髡故發問

孟子素不見諸

侯

祇因

惠

王延禮,始至其國,又

是去齊之後不待言,前章似相值於梁惠王朝。

何則?

家

》明云「卑禮厚幣以

招賢者,鄒衍、淳于髡、孟軻皆

賞一人,誅

人。

奮兵而

出

諸侯振驚,皆還齊侵地。

三十六年。」然則髡在齊仕威、宣兩朝,又仕於梁惠王者

之贅壻也。

長不滿七尺,滑稽多辯。

數使諸侯,未嘗屈辱。

命

日

頗采騶衍之術以紀文,於是齊王嘉之。

,東帛加璧,黄金百鎰

,終身不仕。」又云:「齊諸騶子

亦

自如淳于髡以下皆

惠王云云,惠王欲以

·卿相位待之,髡因謝去。

於是送以

四 五

賢之道即聖賢之權也。 以道濟天下爲權。 行,一 孟子之不枉 正人心,此即孟子援天下之權也。 之所謂 儀、衍之流以順爲正,突梯滑稽,如脂如韋,相習成風,此髡 至「天下乎」〇正義曰:此孟子論權與道合之義也。 子欲手援天下乎?」注孟子曰:當以道援天下 順 故反其法以通之,不變則不善,故反而後有善,不變則道 可 變而通之之謂也。 而道不得行,子欲使我以手援天下乎? 日 也 以爲權也。 而不進則消,樂盈而不反則放。 反。 ?」注髡曰:今天下之道溺矣,夫子何不援之? ,故反而後至於大順。 寒 「天下溺,援之以道,嫂溺,援之以 夫經者,法也。 「權」也。 一暑,四 道正 曰:「今天下溺矣,夫子之不援,何 是以 孟子不枉道以見諸侯,正所以挽回世道,矯 時乃爲順行。 髠譏孟子不枉道是不以權援天下,不知 變而通之,所謂「反復其道」也。 權援天下。 制而用之謂之法。法久不變則弊 髠不知道,亦不知權 如反寒爲暑,反暑爲寒。 恒寒恒燠,則爲咎徵。 禮 權 髠以枉道隨俗爲權,孟子 有報而樂有反,此反經所 外無 道 矣 道 疏 外 無權。 天下溺 孟子時 日 權者, 手。 禮 月 生 聖 運 減 不

章指: 言權時之義,嫂溺援手, 君子大

也」〇正義曰:《易・序卦傳》云:「進必有所傷,故受之以

行,拯世以道。道之指也。

公孫丑曰:

「君子之不教子,何也?」注

云: 也。 指。 矣。淮父親教子,其勢不行。 正 之於伯魚一輩子言矣。」孟子曰:「勢不行也。 閻氏若璩《釋地又續》云: 則責怒之。夷,傷也。「父子 怒,則反夷矣。 『夫子教我以正,夫子未出 者,必以正。 問父子不親教,何也? 直承曰「勢不行也」,則知丑所問原非爲周公之於伯禽、孔 一説曰:父子反自相非,若夷狄也。子之心責其父 「肸又無子」,子謂賢子也,不然,當日楊食我見存。 也。』則是父子相夷也。 如『君子之不教子』,子謂不肖子也。 夫子教我 執此 意則 以 爲 以正不行,繼之以怒,繼之以 反 正 道,而· 夷矣,故曰 「古人文字簡,須讀者 疏「君子之不教子」○正義曰 夫子之身未 相責 教以正 「惡」也。 父子相夷, 怒」,則 猶《左傳 道 必自 而不能行 疏 傷 會 行 》叔 觀孟 義 其 則 「夷傷 正 意 向 惡 於 道 H 所 子

夷者,傷也。」教之以正道,子違而不行,即繼以怒,求 一屬上讀。謂父之教子,本望 教,相成以仁。教之義也。 章指: 言父子至親,相責離恩, 易子而

明夷。

之太驟也。「反夷」有二解。

事也。趙氏言「子之心責其父」云云,而承之云「執此意則爲 父。下「夫子教我以正,夫子未出於正也」,即申上「反夷」之

反夷」,是以「反夷」屬其子,即指心責其父云云也。舉一説

云「父子反自相非」,謂父子本宜有恩而反相非貴。

此

解

·反」字有不同,故以「一説」别之。 「父子相責怒」解「父子相

其善,非傷之也。今繼以怒,反是傷之矣。 一屬下讀。父既

繼之以怒,其子不受而心誹以報之,因父之傷己而反以傷其

也。 之聞也。 子言不過解,動不過則,百姓不命而敬恭,如是則能敬其身。 敬身爲大。身也者,親之枝也,敢不敬與? 不能敬其身,是 親,事之本也。 也。失不義,則何能事父母乎? 者,吾聞之矣;失其身而能 孰爲大? 守身爲大。不失其身而 傷其親,傷其親,是傷其本,傷其本,枝從而亡。」又云:「君 也」〇正義曰:《禮記・哀公問》孔子云:「君子無不敬 能敬其身則能成其親矣。」孟子此義蓋本於此。 注先本後末,事、守乃立也。 孟子曰:「事孰爲大? 事親 注事親,養親也,守身,使不陷於不 孰不爲守? 事 孰不爲事? 守身,守之本 ·其 疏「孰不」至「本 親 爲大。 能 者,吾未 言不過 事 其 也 親 義 守

0 及經解本改。 經」,原誤從《經籍賽詁》卷九十三作「行」,今據《莊子》

易子而教,不欲自責以善。父子主恩,離則不祥

莫

間不責善。

責善則離,離則

不祥莫大焉。」注

意即爲反以

相 傷也。

古者易子而教之。父子之

出於正」即「未行於正」。不必形之於口,即此心責,而執此

人者,以己出經」,❶《釋文》引司馬注云:「出,行也。」是「未

不得爲報,故爲「反自相非」也。

《莊子・應帝王》云「告我君

一説以夷爲夷狄,則反

反自相非」之一説,故倒相夷在前。

夷」後言「相夷」,趙氏先解「相夷」後解「反夷」,因「反夷」有

夷」,「則傷義矣」解

「則惡矣」,「惡」謂「傷義」。經先言「反

嗜之,將復作新者以進之爾。」按: 但道其質而已。 亦曰 所謂 有言無明 能 曾皙所欲與子孫所愛者也。 也 所 曾 有 以情揆之。 巵言》云: 爲至孝也 意,故曰「養口體 故曰「養志」。 行不過則 養志耳,何至嗇飲食之費以欺其親,遂同下愚所爲? 與。 皙 酒 「有」,所謂「孝子唯巧變,故父母安之」者。 曾元不能 肉。 事 死,曾元養曾子,必有酒 『養口體』者也;若曾子,則 夫曰「亡矣」者,乃實無也。 矣。 問 親若曾子者,可也。」注將徹 「注云「欲以復進曾子也」,此似不然。 ,則能守身,不陷於不義矣。 既對「無餘 有餘,曰『亡矣』,將以復進 將徹,必請 蓋 疏「將以復進也」○正義曰: 此與「必曰有」對文而不云「必曰亡」、非實 「將以復進也」亦曾元之辭,言餘則無矣,若 曾元日 也 而復以餘進,其父能無疑乎? 無,欲以復進曾子 事親之道,當如曾子之法,乃 所與。 必 孔氏之説是也。 曾子之「必曰有」,雖無 日 問有餘,必 肉。 曾子養曾皙,必 有,恐違親意 可謂『養志』 孔氏廣森《經學 將 也,不求 請 徹,不請 曾元 也。 所與,問 日有 孟子深 能 但 也。 此 且 親 不 無

> 是。 要之以「道揆」,蓋不獨平天下宜如是也,人倫日 是以教其子,子當如是以事其父。 身爲大」。不失其身則出於正,未出於正則失其身。 於父之教子也,曰「夫子未出於正」,於子之事親 有」以「養志」。 父子之間且宜如是,何在而可不揆以道乎? 子之事親宜其養矣,有時 子宜以正矣,有時而「勢不行」,則宜變通,使「易子而教」, 於《易》,悉於聖人通變神化之道,故此篇首言行先王之道 既明「援天下以道」,道何在? 而同問 有餘」,則宜變通,使 又兩章互發明者 通變神化也。 也 用均 如父之教 父當 日「守 必必 宜 日 如 如 而

曾子也。 事親,可謂至矣。孟子言之,欲令後人則 章指:言上孝養志,下孝養體。曾參

輔臣,乃能 居位,不足過 惟大人爲 云:「室人交徧適我。」間 孟子曰:「人不足與適也,政不 正 能 君之非 責 格 也,政教不足復非 君心之非。 法度 · ; 非; 也。 格,正 疏 注 訧 政不 適, 也 足 獨 過 足間 間 得 也。 時 大 皆 人 小 Œ 也, 詩 爲 Ĺ 義

讁。」《商頌・殷武》「勿予禍適」,箋云:「適,過也。」《列子・ 曰:諸本作「政不足與間也」、《音義》出「足間」二字,則趙氏 《方言》云:「讁,過也。 北門》作「室人交徧讁我」,❶傳云:「讁,責也。」讁與適 ○注 「適過」至 南楚以南,凡相非議人,謂 「度也」〇正義曰:《毛詩 邶 之

通。

本無

風

也。」僖公二十六年《穀梁傳》云:「人,微者也。」莊公十七年 雅・廣言》、《方言》皆云:「間,非也。」《方言》云:「格,正 力命》篇云「不相讁發」、《釋文》云:「讁謂責其過也。」《小爾 《穀梁傳》云:「人者,衆辭也。」下言「大人」,上言「人不足

以 章句》云"「尤,非也。」就與尤通,故趙氏以 也,「皆」之言衆也。《文選》盧子諒《贈劉琨詩》,注引《韓詩 「訧」釋「非」。 或作「非説」,誤也。上二章言父子,此章言 「非」釋「間」,又

間」,則人兼微、衆二義,故云「時皆小人居位」,「小」之言微

君臣。 君之定國必先正其心之非,而臣之輔君必先自居於正。 「大 合其吉凶。」臣之身無不正,以是輔君而君心之非自 人者,與天地合其德,與日月合其明,與四時合其序,與鬼神 父之教子必先自出於正,子之事父必先不失其身, 格; 君

者皆小人而過責之,徒見政事之未善而非說之,不自覺其未 正而剌剌焉言君之不正,其乖忤抵觸,不相激而成禍不止。 無不正,而國自安定。 然則臣之德未至於大人,而徒見居位

> 也。 所用之人,又未嘗非就其所行之政,而曰「能格」,則是格 是未讀《孟子》者也。 卒之,人相傾軋,政益乖違,猶自以爲直爲忠,而予君以非。 非以言格之,非以貌格之,即以自修其身,成大人,故能格之 然則未能格君心之非者,亦自反己未爲大人可耳。 顧非在君心而 能格之,既未嘗過 責其

正之。 君而國定矣。」注正君之身,一國定矣。欲使大人 仁莫不仁,君義莫不義,君正莫不正。 疏「君仁」至「定矣」〇正義曰: 何爲正? 正 仁義而

已,❷何以爲大人? 居仁由義而已。

何間 正君,使握道機。 也? 章指:言小人爲政,不足間 君正國定,下不邪侈,將 非 賢 臣

孟 子曰: 有不虞之譽,有求全之毁。」

0

2

作」,據全書文例當作「云」。

而已」改 而」,原誤作「爲」,今從沈本據文意及下文「居仁由

遂駭 義也; 漁爲監取魚之官。 死。」其宰曰:「免,是反子之義也。」與之皆死。」杜預 聞 行義,天下鮮矣。』」事亦載《新序・義勇》篇。 食則失哺,上車失軾,雖往,其有益乎?』陳不占曰: 往死之。 詩外傳》云:「崔 於梁下。 釋言》云: 弱之毀者也。 溺 若尾生本與 注 云:「占,瞻 人。」〇注「求全」至 崔杼之難、申蒯、侍漁者、退 「尾生」,一本作「微生」。《戰國策》作「尾生高」,高誘以爲 而 金鼓之聲,失氣 而 無勇、私也。」遂驅車至門。 獲守信之譽,求全之毁,若陳不瞻 度也。 死。 湌則失哺, 女子不來,水至不去,抱梁柱而死。」《釋文》云 「虞,度也。」《莊子・盜跖》篇云: 也。」占與 君子聞之,曰: 婦 言人之行有不度其將 杼殺莊公。 疏注「虞度」至「之譽」○正義曰: 人期 侍之言寺也,寺之言司也。 「毀者也」○正義曰:《太平御覽》引 上 而死,可謂 瞻 於梁下,不 車失軾。 古 通。 「陳不占可 陳不占,東觀漁 謂其宰曰:『爾以帑免。 襄公二十五年《左傳》云: 僕 曰: 欲求全其 聞鐘鼓之音、 度 謂 水 『敵在數百里 志士矣。 之卒 有名 「尾 《廣雅 者 節 侍漁即 1譽而 至 將赴君 生與女子期 戰鬭之聲 聞 而 一,遂 無勇而能 爾 反 君 注謂 死君 得 釋言》 外, 司 難 有 至没 我將 雅 難 者 漁 韓 怯 侍 將 魯

> 爲蒯 即所謂 之,尚可仿佛耳。 ,猶覘之爲窺。 東觀漁者」。 周 申、 秦人姓氏往 陳音近。 往記録 申 蒯 蓋即 有異同,以聲音求 陳不 Ŗ 占之

之也。 也。 戒。」戒猶備 受毁,未足懲咎。 象傳》云: 疏「不虞獲譽不可爲戒」○正義 章指言: 「戒不虞。」襄公三年《左傳 也。 趙 不虞獲譽,不 氏本此, 君子正 謂 此不虞之譽 一行,不 可 \* \*\frac{\times}{\times} 曰:《易 爲 由 非 戒 「不虞之,不 可 斯 豫備 求 萃 卦 者 全

矣。 以盡 各。 之矣」,注云:「易,輕易也。」《説文》訓 「人之」至「責也」〇正義曰: 注人之輕易其言,不得失言之咎責 輕易不肯諫正君者,以其不在言責之位者也。 無責之時,先當自慎矣。 各者,相違 ,故以「咎」釋之。 孟子 曰:「人之易其言 也。」「輕易其言」至於相 《説文》人部 《禮記 樂記》云「易慢之心人 也 責爲求,求之義不足 咎,災也。 違成災咎,則已 也 無 責 説 : 耳 从 人之 疏 晚

## 章指: 言言出於身,駟不及舌,不惟

其責,則易之矣

孟子曰:「人之患,在好爲人師。」注人之點,皆是也。
 孟子曰:「人之患,在好爲人師」○正義曰:《禮記·樂記》「論倫無患」,注云:「患,害也。」《章指》言「不慎則有患」,則此「患」,則上宣「責」字同。易其言則有災咎,好爲師則有患害,字正與上章「責」字同。易其言則有災咎,好爲師則有患害,字正與上章「責」字同。易其言則有災咎,好爲師則有患害,字正與上章「責」字同。易其言則有災咎,好爲師則有患害,字正與上章「責」字同。易其言,如趙括、韓非凡好建白相傾軋攻擊。

此「好爲人師之人」即「易其言」之人、皆由於不知「臨事 本章不甚合,恐有誤。似宜在前「駟不及舌」句下。」按: 也」〇正義曰:周氏廣業《孟子章指考證》云:「四句似與 桐子之命。」不慎則有患矣。 時然後言,畏失言也。 「故曰」二字承上,則非有誤。 章指:言君子好謀而成,臨 故 曰: 蓋趙氏以兩章相貫而言。 疏「君子」至「言 師 哉 事 而 師 哉 懼

語

助,不可改易。

學行》篇,司馬光《集注》:『桐,侗也。 爲僮。」《音義》云:「與童字同。」按,二語出揚子《法言 乎風俗人心,繼則禍於朝廷軍國。 言而高談心性,傳播宗旨,入主出奴,各成門户。始則害 僚友、則輕易其言以爲蹇直、不學者依附之、又輕易其 執其一端,自以爲是,不顧其成,不知其害,用之於君父 而懼」「好謀而成」也。 何黨之乎?」此師字作衆字解,與此絶異。 哀五年齊景公卒,五公子争立,萊人歌 知之時,制命於師也。二孔、韓本哉並作乎。按:《左傳 義曰:周氏廣業《孟子章指考證》云:「古本旁注: 牽連言之,爲知言矣。 人。」「此,君子。」則「不虞之譽」也。 ○「故曰師哉師哉桐子之命」○ 蓋未能博學詳説、習先聖之道,而 以上三章相貫,趙 而或且曰:「此,正 E 桐子侗然未有所 乎、哉雖同 師乎師乎! 「桐

樂正子見之也。孟子曰:「子亦來見我乎?」子敖使而之魯,樂正子隨之來之齊也。孟子在齊,注魯人樂正克,孟子弟子也。從於齊之右師子敖。樂正子從於子敖之齊。樂正子見孟子。

子曰: 之間 來、既至齊、 至。 旅之賓客館焉」,注云: 孟子重愛樂正子,欲 故趙氏解爲昨日, 此上承「幾日」,則不止昨日,故以「數日 日 爲「數日之間」,「數日」即「幾日」,是孟子已知樂正子來已 幾 何 注 E 也」〇正義曰:《楚辭 出 昔,往也。」《公孫丑》篇「昔者辭以疾」承上「明日出弔」言, 舍館未定。」注克曰: 所止舍館未定,故不即來。 此 召乎? 爲出 此 |孟子見其來見遲,故云「亦來」也。 昔者,往也,謂數日之間也。 言? 「昔者,則我出此言也,不亦宜乎?」注 解 乃實詰之辭。 昔 者· 之。 此言也?」注樂正子曰: 遂不相 疏注 疏「子來幾日矣」○正義曰:下趙氏以「昔 來 若 至而 昨 「館客舍」〇正 「子來幾日矣?」 日 依而 ·離騒》云「昔三后之純粹兮」,注云: 來,今日 曰 : 今乃 「館、舍也。」樂正子雖從子敖之便 自投客舍, 亟見之,思 「昔者。」注克曰: 來,我 見,尚不得 義曰:《周禮 此語 出此言, 深望 疏注「昔者」至「間 先生何爲非克而 亦有意也。 爲遲之又久也。 孟子問 重 ・委人》「凡 曰:「先 亦其 也。 昔者 (宜也。 子來 曰 : 日 生 來 而 軍

曰:「克有罪。」注樂正子謝過服罪也。子曰:子聞見長者之禮,當須舍館定乃見之乎?「子聞之也,舍館定然後求見長者乎?」注話

大綱。 「孟子譏之, 責賢者備」, 此爲得之。」 賢者。」毛氏奇龄《聖門釋非録》云:「王草堂曰: 不絶驩,或驩故以禮遇之,未可遽絶,原非失身。」趙氏云 備。』《新唐書 備 云「無求備於一人」,求猶責也。 君子不責備於一人。』《漢書 惟陛下 也。 章指: 留 疏「責賢者備也」○正義曰:《論 樂正子好善,故孟子譏之,責賢者 神於擇賢,●記 言尊師 太宗紀》贊云:「《春秋》之法,常責備於 重道 善 忘過,容忍臣子, • 《淮南子· 王嘉傳》上 ,敬賢事長,人之 語 氾論訓》云: 一疏哀 微子》篇 『樂正子 勿責以 帝 云:

徒餔啜也。我不意子學古之道,而以餔啜孟子謂樂正子曰:「子之從於子敖來,

❶ 「擇」,原誤作「釋」,今據《漢書》改。

以

孟

輔行,驩之在魯,必謬托爲孟子之交,此樂正子所以識之也。

子道行於齊,驩又招之以禮,故從子敖之齊,此實録也

揭其醜,以爲飲食之人,何至於此?

,非偶然從其便也。

是時

孟子仕齊,出

弔於滕,驩且嘗爲

資糧之乏而從子敖?

且子敖雖便,豈能無端而從之?

既

可相從,必爲相識。

即偶從一

相識貴人之便,爲之師者遂直

蓋樂正子從於子敖之

顧樂正子,孟門之賢者也,自魯之齊,亦非甚遠,何至以

車馬

未免依附。

又謂觀

餔

啜」二字,當時必有優偓可憑藉者

必不從之以求爵位。

欲見其師而資斧未充,因乘子敖之便

不 則一見斥之,又明揭其從子敖。」 Ē 有納交孟子之心,或欲假諸徒以致其師,必 知其説有不然也。 謂之「從」。然既爲長者來,即當直造師門,何勞別定舍館 「或疑不過附便偕行,因以得見長者,則亦可謂之「因」,不可 爲飲食之人之可賤惡也。 之,謂此來但爲沈浮隨俗,不能行道匡 孟子方將致臣而去,則樂正何爲貿貿而來? 知是時 樂正子與子敖或故或新,其 孟 子 雖仕齊而道實不行, 仕不受禄, 久非其 凡言「從」者,皆彼爲政 趙氏得之。 來見 必有欲白 趙氏佑《温故録》云: 正,非 而我從之。 一將有 謂偶從子敖,遂 故以 一之辭。 術 「餔啜」言 念。 以 子敖 動 孟 子 在 樂

啜也。

疏注

「學而」至「啜也」〇正義曰:

趙氏以「食飲」解

人之道,而今隨從貴人,無所匡正,故言不意子但

道

食飲

而

已,謂之「餔

啜」也。

樂正子·

本

學

古

聖

餔

也

。」注子敖,齊之貴人,右師

王驩

也。

學

而

不

行

其

隱 與詩意合。 《墨子》曰:「文王舉閎夭、泰顛於罝網之中,授之政。」正 本、足利、孔本、韓本並作「兔置」,今從小字宋本。 義曰:周氏廣業《孟子章指考證》云:「「兔罝」,古本、宋 是以孟子咨嗟樂正子 林」,五臣注劉良曰:「兔罝 詩 逸,兔罝 周南》「肅肅兔買」,鄭箋云:「兔買之人,賢者也。」 章指:言學優則仕,仕 《文選》桓温《薦 窮 處。 餔 網網 譙 也。 啜沈浮,君子 也。 元彦 《詩 表》「兔罝絶響於 疏「兔買窮處」○ 以 ₩ E 行道; 「肅 肅 不 兔買 否則 按 中 Œ

移、同

流從俗之意。

向

來說此章者,率謂

驩本倖佞,樂正子

云「從其俗也」,注

「啜釃」云「食其禄也」,然則餔啜即與世

推

注

「淈泥」云「同其風也」,注「揚波」云「與沈浮也」,注

餔

糟

其泥而揚其波?

辭,非實指飲食也。《楚辭·漁父》云:「舉世皆濁,何不淈

衆人皆醉,何不餔其糟而啜其釃?」王逸

餔啜」,於《章指》又以「沈浮」釋之,則「餔啜」二字乃假借之

腹 不 當隱處,不 當徒餔 殷紂之賢人退於山林,網禽獸而食之。」趙氏引此以見 也 啜之意。」按: 可沈浮隨 俗, 趙 氏謂 與 世 推移, 仕所以行道 是 不以餔 ,道不能 啜 爲 行 П 則

也; 也。 也; 也。 也; 而 明《周易》變通之義。 父母,禮也,舜不以告,權也。故曰「猶告」,與告同 後,故不告而娶。 先祖祀,三不孝也。三者之中,無後爲大。 禮,有不孝者三事,謂阿意曲從,陷親 而 不得娶而 明矣 ·娶,爲無後也,君子以爲猶告也。」 注舜懼 不告與告同,則 爲無後 告則不得娶至於無後,故不告與告同。 家貧親老,不爲禄仕,二不孝也,不娶無子,絶 疏注「舜不以告權也」〇 孟 子曰:「不孝有 不告 必告 而娶,可 ,皆非禮非道。 亦禮也,道 君子知舜告焉不得而娶。 道不行 變 通者也。 而徒沈浮餔啜,不可變通 也。 正義曰:《孟子》之書全是發 三,無後 於此量度之,則權之即禮 告而得娶而不告,與 趙 氏以 爲大。 不義,一不孝 謂告,禮 「權」明 舜不告 娶 也,道 之,是 注 而 無 於 告 即 告 者

大聖,卓然匪疑,所以垂法也。舜受堯二女。夫三不孝,蔽者所闇,至於章指: 言量其輕重,無後不可。是以大

義 :: 敬之容,而中心樂之也。 注禮樂之實,節文事親從兄,使不失其節,而文其禮 事皆有實。事親、從兄,仁、義之實也。 者,樂在斯二者,乃爲禮樂之實。 之實,節文斯二者是也。 仁義之用在斯二者而不能力行,則所知仍虚而不實矣。 之名,皆虚妄矣。不知仁義之實在此二者,非智之實也, 指其爲「事親從兄」,然則於此二者有未盡! 曰:仁義之名至美。慕其名者高談深論,非其實也。 而不去之,則智之實也。 從兄是也。 禮之爲節文,樂之爲樂,不 太過則失其節,故節之,大質則無 孟子曰:「仁之實,事親是也;義之實, 智之實,知斯二者弗去是也。 疏注「事皆」至「實也」〇正 疏注「禮樂」至「樂之也」○ 待言者 樂之實,樂斯二者。 凡「實」字皆指事親從兄 也也。 ,雖日馳鶩於仁義 禮敬之容,故文 然節 知仁義所用 文 孟 īĒ. 知 子

仁、義、智、禮、樂之名皆爲斯二者而設

則

惡

可已也?

惡 可 Ė,

則

不 知

曲哉?

樂生之至,安可已也?

云:「故歌之爲言也,長言之也。

弟則犯亂不作,爲仁之本。其言之廣狹各有所當,而 老民興孝,上長長民興弟,爲平天下之大道。有子申之以 而 最發明之者爲孟子。 曰「人人親其親、長其長,而 義 武、周矣。

養志,便是「惡可已」。」變。然閔子竟能化其父母,便是「足蹈手舞」地位,曾子之變。然閔子竟能化其父母,便是「足蹈手舞」地位,曾子之足盡禮樂之實耶? 曾子以皙爲之父,處其常,閔子乃處其則禮樂之極隆者也。然則無位者之孝弟,至於曾、閔,尚未德者大,破斧缺斨之恫不足以玷其《麟趾》《騶虞》之仁也,是

乃至本末兼該, 言也。 而 舞」即謂 之至,通於神明,況於歌舞不能自知? 曰:《論語·學而》篇云: 有諸中形諸外也。 「孝弟之至,通於神明」,見《孝經》「感應」章第十六。 不極 仁義智禮樂必本孝弟乃實,孝弟必依仁義智禮樂 於禮樂,皆失之也 章指: 言仁義之本,在於孝弟。 足蹈手舞也。 内 外 貫。 言「歌」者,以 「孝弟也者,其爲仁之本與!」 疏「仁義」至「外也」〇正 説仁義而不本孝弟,説孝弟 《樂記》「蹈舞爲歌」 孝弟 歌 蓋 義

下將歸己爲樂,號泣于天。不得乎親,不可以爲悦而歸己猶草芥也,惟舜爲然。 建舜不以天孟子曰:「天下大悦而將歸己。 視天下

「余嘗以《五帝紀》「舜之踐帝位,載天子旗往朝瞽瞍,夔夔惟

「順乎親有道」正同。」○注「底致」至「定也」○正義曰"「底 親」是不相能,如虐子教子類,順則悦之矣,即下文「底豫」。 兩語爲「爲非人子」。毛氏奇龄《四書賸言補》云:「「不得乎 티 : 者,皆人子於事親之道未盡也。 道,卒能至於豫樂,則是天下無難事之親。 凡其親不能致樂 樂者,由不樂而至於樂也。 致也」、《爾雅・釋言》文。 所謂底致豫悦是也。 括「不得」、「不順」兩語,而並「不可以爲人」、「不可以爲子」 子之道者定也。 頑父也。 以不順親意爲非人子。底,致也。 於父母之難事 下之事親者皆由是而化,亦由是而定。 而瞽瞍底豫,瞽瞍底豫 人;不順乎親,不可以爲子。 而天下之爲父子者定,此之謂『大孝』。」注 趙氏以「不順乎親」所以「不得乎親」,故「不順親意」兼 盡其孝道而頑父致樂,使天下化之,爲父 丽 不 疏注「舜以不順親意爲非人子」○正義 盡 悦親之由,全在舜能盡其道,與《中 其道 「豫,樂也」、《爾雅 以父之頑如瞽瞍,而舜盡事親之 也。 而天下化。 閻 夫以瞽瞍之頑而致樂,則天 氏若 「定」者,人子不得疑 璩 豫,樂也。 舜盡 《釋地又續 ・釋詁》文。 瞽瞍 事 親 瞽瞍 之道 庸 豫 致

私

於臣也。 子不能得之於父也, 堯亦知告焉則不得娶, 是君並不能得 前此雖云「克諧以孝」,舜猶不告而娶,以爲告則不得娶,是 將歸己」節有「不得乎親」語,此皆試舜於畎畝之中事也。 之身爲庶人僅云『不格姦』者,殊有淺深次第之不同。 謹,如子道」,此方是「瞽瞍亦允若」、「瞽瞍底豫」時候,較舜 孝之虚情,焉能變化其頑嚚之本質? 以孝」,則舜之和其兄弟以怡父母,於此句見之。 艾爲養者,故爲此言。 親,厚以奉養,使不致於姦惡。 生云:「楊孟文《石門頌》曰「烝烝艾」是本諸《尚書》,則 以孝,烝烝乂,不格姦。」江氏聲《集注音疏》述其師惠松厓先 六十始臻斯境,豈易言哉?」按:《尚書·堯典》云:「克: 于姦惡,其格淺, 之,概未嘗設身乎處地與爲按文切理者也。 章斷非傳聞,史遷斷非 云:「上歷言三惡,此美舜能養之。」 蓋孔穎達必見漢注 「帝使其子九男二女」節有「爲不順於父母」語,「天下大悦而 尚書》作「艾」也。 也 瞽 一艘蓋 其頑至此,則既娶之後,猶復欲殺之而分其室,萬 亦市井之人,營營於耳目口體之欲,故違於德 親 艾,養,格,至也。 能諭之於道,其格深。 由此知艾當訓養。」此説是也。「克諧 無據可知。 僞孔本艾作乂,訓爲治,正 而諸儒或疑之,或傅 言舜能和於弟,孝於 故必厚以養之。 以舜之聖,年 大抵親但不至 然徒以 只觀 有訓 姦 況 和 古 諧 踰 會 義

事親之道可於是參之矣

乎? 可知。 義耳; 帝位,以天下養而又能變變齊慄,既養其身又悦其心,所以 父,未可以例瞽瞍,況以曾子養志於曾皙,且須酒肉,則所以 養而但空言克諧,亦未必其即諧也。 致樂也。今之孝者,能養而不能敬,固不可以爲大孝, 舍厚 所以不至於私。 舜之耕稼陶漁而 既厚以養之,則己得 聖人變通神化之用,必從實處行之, 號泣如窮人者,均坐此耳。 滿 所欲,豈 菽水承歡,可以 尚 與 人人争 利 迨至踐 而 事賢 無 賴

之,父子加親。 在 祀虞帝。 德,寘德於遂,遂世守之。 年《左傳》史趙云:「自幕至於瞽瞍無違命,舜重之以 於親,故能懷協頑嚚,底豫 與比崇也。 齊,其兆既存矣。」《史記 章指: 言以天下之富貴爲不若 臣聞盛德必百世祀,虞之世數未也。❶ 疏 故稱」至「崇也」〇正 故稱盛德者必 及胡公不淫,故周賜之姓,使 陳杞世家》贊云: 而 欣,天下 百世祀, 義 日 「舜之德 昭公八 繼守將 得 化 意 無 明

0 數」,原誤作「又」,今據《左傳》及經解本改

可謂至矣! 禪位於夏而後世血食者歷三代。● 及楚滅 陳而田常得政於齊,卒爲建國,百世不絕,苗裔兹兹,有

土者不乏焉。」

姪廷琮廷弼校字

孟子正義卷十五終

0

「歷」,原誤作「居」,今據《史記》改。

四三八

## 孟子正義卷十六

江都縣鄉貢士焦循譔集

## 孟子卷第八

離婁章句下凡三十三章。❶

> 選》篇言殷湯「登自鳴條,乃入巢門」。《淮南子・主術訓》: 所在則未詳也。 伯、仲伯作《典寶》。」《後漢書·郡國志》「濟陰郡定陶縣有三 作《湯誓》。夏師敗績,湯遂從之,遂伐三朡,俘厥寶玉,誼 《書序》云:「伊尹相湯伐桀,升自陑,遂與桀戰於鳴條之野 遷、伏生之意,似讀《孟子》遷字如《益稷》篇「懋遷」之遷 夏。1孟子曰:「遷於負夏。」是也。」翟氏灝《攷異》云:「司馬 時,若言乘時射利也。《尚書大傳》云:「販於頓丘,就時 之人也。舜耕歷山,漁雷澤,作什器於壽丘,就時於負夏。」 終」之義,故以「始終」言之也。○注「諸馮負夏」至「人也」○ 尚在。」舜、文王爲天子諸侯,不當稱卒,其稱卒爲「君子曰 平生,故曰卒也。」《檀弓》云:「君子曰終,小人曰死。」注 於蒼梧之野」,而《孟子》言「卒於鳴條」。又《吕氏春秋・簡 鬷亭」,三鬷即三朡,由鳴條遂伐三朡,則鳴條當亦不遠,其 正義曰: 諸馮,不可攷。《史記·五帝本紀》云::「舜,冀州 云:「事卒爲終,消盡爲澌。」孔氏正義云:「言但身終,功名 《集解》引鄭康成云:「負夏,衛地。」《索隱》云:「就時猶逐 鄭康成以爲「南夷地名」,蓋《檀弓》謂「舜葬 負

「凡三十三章」,原作中字,今據經解本改爲小字。

「湯困桀鳴條,擒之焦門。」《修務訓》:「湯整兵鳴條,困夏南

0

此以推 乎? 者,其 舊邑,近畎夷。 也」,上「負」字衍。 皆專主河東,於是諸馮湮,注意隱矣。」按:孔本作「負 虞舜、《史》言冀州 地,以所生爲斷,遷、卒皆在後,孟子亦據舜生而言東也。 府有諸城縣,大海環其東北,説者以爲即《春秋》書 蓋略聞諸馮之地之負海而未得其實,故渾 夏、衛地、見《檀弓》注。 注 鳴條皆貫,故鄭意鳴條之在 巢,譙以其過,放之歷 夷之人也。 土,班班可 大東,海在其北,故郡稱北海。 青、徐、揚三州,《禹貢》並言海,而徐、揚之海在東南,惟青 「舜,冀州之人也。」 古冀州 不詳 必 地 地所在之實而言名,又言「負海」,豈以爲經「負」字釋 則 有所謂馮 無之理也。 攷。 知歷 Ш 注岐周、 若河東之虞、蓋本舜祖虞幕之封、故 畎夷 Ш 猶後 雷澤、河濱與夫負夏、壽 文王 負海也 、馮村、蓋相傳自古、竊疑近是。 山。」南巢即焦門,在今江南巢縣,均 在 人稱祖籍,標郡望耳。 鳴條,見《書序》。 畢 西,故 生 直 南也。」趙氏佑 者 郢 於 北 ,明其地之負海也。 海 位,非東,亦未嘗近海。 岐周,卒 地 日 在北,如負之者然。 西夷之人也。 名 也。 《温故録 而言之。 丘、頓丘之皆 《史記》則 於畢 岐 然自漢以 山下 \*\frac{\circ}{\sigma} \frac{\circ}{\sigma} \frac{\c 郢 夷考負 凡言人 「城諸」 今青州 《書》稱 ~ 周 負海 趙氏 日: 書 捎 之 西 居 惟 來 東 由 與

還葬畢 於豐而言卒於畢郢,就據其葬地言之耳。」劉氏台拱《經傳小 近於 程,以别於郢楚之郢。 所滅,文王遂居之。 爵、羣臣貌匱 傳所傳之《太誓》三篇,無此 發上祭於畢,下至於孟津之上。」此即後出之《太誓》,合今文 昆夷之患。」是也。 周大王所邑。」又云:「大王徙郊,文王作酆。」 書 之大荒。」是也。 云:「郢與程通、《周書・ 續 王生時尚未徙 日 二十八篇爲二十九篇 办,今岐山縣是。 書》曰云云。 \*\frac{\times}{\times} : 「太子發上 • 地理志》:「右扶風美陽、《禹貢 酆、 程 「畎夷即文王之所事者。《采薇》序: ,故成王葬周 鎬 也。 ,此而戾民,畢程氏以亡。』畢程 今見於《毛詩・ 豐, 土地名字,後 祭于畢,下 岐 酆,今長安西北界靈臺鄉豐水上是。]文 疏注 引《書》,在《太誓》篇,云: 《大匡解》曰: 在豐 者 公於畢,以爲從文王墓。 文王既伐于崇,作邑于豐,然其卒 史記解》曰 也。 「岐 西而近 周」至 文也。」孔 周頌• 趙氏 至于 人多改从 下旁,其實仍當 於畎 「惟周王宅程三年,遭 時 》岐 「鎬 盟 思文》正義所引。 『昔有畢程氏 此篇 夷。 氏 ш 也 津。」畢, 廣森《經 在 尚 閻 0 本商 西北。 「文王時,西 惟 一顔師 存,故 氏若璩《釋 正 孟子不言卒 四 時 古 文 學 國 月,太子 中 日 損 直 注 王 ·巵言 水 禄增 引 爲 僞 《漢 墓, 鄉 也 周 天 FI. 有 地

謂「文王卒於畢郢」也。

也

在渭

北,

在渭

八里畢原上」,則唐

亦謂

之畢原。

是故

有咸陽縣之畢

縣 鎬 遠

縮聚

東杜中」,而

《括地

志》以

爲「在雍州

萬年

縣

西

東 矣。 郢。

《周

又按,畢

·地有二,其一文王墓地

也。

太史公曰

程。 岐

《吕覽·具備

》篇云:

「武王嘗窮於畢程矣。」畢

周。 阈

程者,王季所邑,而畢

之小别也,故繫畢

以

后稷

功,受此五國爲西土之長」。

是則岐

建

也。

也。 南 陵

畢

者,程地之大名;

程者,畢中之小號

也。

杜佑

邑中之地爲程

也。

其西有畢陌,

西畢

陌。

《元和

郡縣

志

畢

原即

咸

陽

縣

所理

書 記

地

理

志

着

扶風安陵

,關駰以爲本周之程邑。

釋

畢

郢

굸:

自

來

注

| 孟

子》者不

. 詳

郢

地

所

在

云

「安陵故

城在

有萬年縣之畢原,所謂「文王 南、異所同名、往往 相亂。 杜 佑言 則岐周之地爲東也。 **《鹽** 鐵 論 或 病》篇賢良曰:「

璽 千里 澤 都 節 節 里以 生之年數 計 千里而 後 差,文王生北夷。」地之相去也千 生於商祖甲時,約五百二三十年。 十歲,歷夏十七帝並浞之四十三年,共四百四十二年。 里之外,故云千有餘里 生之諸馮 至「外也」〇正義 國,蓋謂 先聖後聖,其揆 部者用 節 國 》:「掌守邦節 千一 也 用 而 道 揆,度也。 外 Ŧ 遥; 龍 遥。」文王所 路 也。 節 角 百年之内。 王 至文王之卒,當 在東河之東 有 用旌 節 自東河至於西河,千 也。 皆 餘 舜 金 節。」《秋官· 而 凡 曰:《禮記• 至文王,千二百 歲,得志 也 如 言聖人之度 辨其用 邦國之使節 生之岐 合符節,節 以 趙 而未 一也。」注土地相 也。 氏 英蕩輔 至東 以 商 言舜至文王千二百 周 舜生於帝堯四十年内外,壽 行乎 在 小行人》:「達天下之六節: 王 輔 紂 之。 海。 西 ·里而 量同 王 時 制》云: Ш 玉節 命。 河 自舜之生至文王之生,約 也。 或 中 之西 約在 歲。 近, 用 -有餘 也。 門 守 國, 自 虎 也。 關 周 邦國 而 自西河 去千 二千里之内, 得 節 用 禮 未 疏 東河至 土國 若合符 里,世之相 志 ^ 符節 至 者 歲者,蓋 • 周 注「土地 有餘里,千 行政 至於流沙, 用 地 流 禮》有、 貨 用 於 沙,舜所 玉 官 人節, 於中 節 東 文王 白舜 百有 賄 節 一 千 海, 守 相 用 掌 六

> 竹附之,故趙氏直以 璋、 璽郎。」又注其職云: 也。 關者用符 下,貨 言符節 行人》云:「管節,如今之竹使符也。」然則 焉,今漢有銅虎符。 之名,符爲竹節之名。 竹所爲,故申之云《周 節 瑞玉器之藏。」鄭 用角卪,使山邦者用虎卪,土邦者用人卪 節」 用 Ш 《説文》玉部 説文》 乃節之本,故掌守 國 旌 穀圭、琬圭、炎圭也。」此皆玉也,而八節亦首以 乃六節中之一,而「玉節」亦《掌節》八節中之一。 節 用 漢制以竹長六寸,分而相合。」蓋符與節爲瑞信之通 虎節, 門關 而趙氏以玉 · 部 云 굸: 土 用符節,都鄙用管節 一國用 賄用璽 1,道 「卪,瑞信也。 注《序官》云: 「瑞,以玉爲信也。」《春 符節 節釋節字,又引《周禮》之六節, 邦節。 人節,澤國 「節」爲「玉節」。 「瑞,符信也。」節 禮 鄭氏注《掌節》云: 》有六節 者,如 鄭氏 路 守邦 今宫中諸 瑞, 用 也。 用 注 龍 ,皆以竹爲之。」然則「符 旌卪。」竹部 云: 國 節 玩 節 又以節之名通於 爲 者 瑞 皆以 説 官・ 「邦 澤邦者用 官 瑞信之名,則 也 用 漢時 以 文》,則 詔 玉月,守 節 典瑞》: 金爲之; 符 典瑞、若 金爲節 者,珍圭、 金竹皆名爲 云 也。」 節 玉 龍 乃孟 「符,信 都 何 爲 而 注《小 掌 阿門門 今符 是 鑄 玉 角 鄙 也 道 角 名 牙 象 節 金 金 玉 玉 者 子 路

0

<sup>「</sup>蕩」,原誤作「簜」,今據《周禮》改。

主焉; 也。」注云:「如合符節,言不差錯也。 子·儒效》篇云:「張法而度之,則晻然若合符,是大儒者 節,實一而已。《孟子》所言豈專指八節中之符節哉?」《荀 帝合符釜山、蓋符與節皆信也、故或言節或言符、或並言符 不必專於門關之所用。 傅别。」注云:「故書作「傅辨」,鄭大夫讀爲符别。」則符之名 符。《天官·小宰》:「以官府之八成經邦治,四曰聽稱責以 者,所以抒其志也。」 之一,而至合者在至不合乎? 言其度也,蓋指聖人之所以度量天下者。 言事有古今,量度 通變神化之用也。 執其一,合之以爲驗也。」楊氏以符節爲門關所用,與趙氏義 之物也。 乃《荀子》謂「張法而度之」,即《孟子》所謂揆矣。 按圖索駿,膠柱鼓瑟,安有是處? 《周禮》門關用符節,蓋以全竹爲之,剖之爲兩,各 陳組綬《燃犀解》云:「符節言其驗也,揆 周氏柄中《辨正》云"「《史記》言黄 不曰「得位」而曰「得志」,位 晻與暗同,符節 夫孰之不一者爲 揆者, 相 合

不比,由通一軌。故可以爲百王法也。 章指:言聖人殊世而合其道。地雖

子産聽鄭國之政,以其乘輿濟人於溱、

洧。 水上有梁,謂之桐門橋。」則洧水之宜置有梁,孟子言殊非無 水、汝水、穎水、潩水、渠水、沙水皆不載有橋梁,獨洧水 與溱合」、《水經》亦云。 城山東南入穎。」《史記》注引《括地志》以爲「古新鄭城南,洧 引《詩》「溱與洧」作「潧」,曰: 指訟獄也。 同聽」,鄭氏注云:「聽,議獄也。」趙氏以聽爲平察,故以 教而聽其治」,注云:「聽謂平察之。」《尚書大傳》云「諸侯 注云"「政,治也。」《周禮・地官・鄉師》「各掌其所治鄉之 以賢者之故邪?』《淮南子・氾論訓》云「聽天下之政」,高 聘」,韋注云:「成子,子産之謚也。」其子子思亦謚桓。❶ 陳氏厚耀《春秋世族譜》云:「襄公八年,代子皮爲政,昭 見人有冬涉者,仁心不忍,以其乘車度之也。 曰"「又東逕陰坂北,水有梁焉。」再則曰" 二十年卒。 子産」至「度之也」○正義曰: 注子産,鄭卿。 閻氏若璩《釋地》云:「溱、洧、二水名。 鄭卿多無謚。 余讀酈道元注,於溱水相鄰者,若丹 爲政,聽訟也。 《晉語》「鄭簡公使公孫成子來 「潧水出鄭國,洧 子産,子國之子公孫 又屈而 溱、洧,水名 水出 南流,其 一類川 《説文》 僑也。 疏注 則 豈 陽 政 不 誘 公

● 下f子」字,經解本作「思」。

之母也 此所記 子曰: 因。 修 也 歲 惠也 口 涉水者 也。」度與 爲「千乘」「萬乘」之乘 鄭氏言乘車,此同之。 燕居》云:「子産猶衆人之母也,能食之,不能教也。」注 有 藩 「愛民謂之德教,何 家語 子産嘗以其乘車濟冬涉者 未修 以 溷 + 竊以 梁, 成 ,可得聞乎?』孔子曰: ,皆應繩墨。 注以爲子産有惠民之心 一月徒 「子産以所乘之車 與 以 步 出 能食之而 正論解》: 公孟 (渡同。 民 諸葛武侯相蜀,好治官府次舍橋梁道 車濟· 而脛寒,後景差過之,下陪乘而載之,覆以 度之功; 何 子 由 ,》異。 人,而孟遂即其事以深論之。」《 杠成,十二月 《説苑• 子産治鄭,何獨不然? 病 不能教也。」子游 「子游問於孔子曰:『夫子之極言子産 翅惠哉?』孔子曰: 苦 周 乘車是所乘之車。《音義》音剩,則讀 非 孟 涉 濟冬涉,是愛而 政 十二月,夏十月 也。 子 水 理 ,而車梁不成,是慈仁亦違 「謂在愛民而已矣。」子游曰 乎? 日 》篇云: 《爾雅·釋言》云: : 而不知爲政。 輿 EI: 周 「景 梁 惠 『夫子産者,猶 十 『其事可言乎?』孔 無教也。」」車即興 成, 而 差相鄭,鄭 此 可 不 亦不過偶 月,夏九 民 路 禮 知 以 所 未 記 當以 成輿梁 爲 濟, 上衽。」 人有 至井 病 衆人 於 禮。」 政 굸: 仲 月, 涉 時 渡 冬 之 橋 尼 竈

云: 曰 : 單子云: 也。 孔本、韓本作「周十 自爲周· 月,可以成輿梁也。」與《爾雅 地治道,水上爲梁,便利民之轉運。」準 道致梁,以利農也。」孔 使不涉也。」《禮記・ 夏后氏之令,周所因 水始涸。」天根見,乃盡竭。 露雨畢之後五日,天根朝見,水潦盡竭也。 十月成梁。]]注云: 被澤之義。 正建寅,人人之所熟悉,安可以如是言之? 注云:「周十月,夏九月 【《孟子》十一月,此作十月,脱誤,或所見本異。] 今注 校勘記》云: 月 「雨畢 「《爾雅・ 徒杠成,十 疏 一一月,下自爲周十二月,此舊書所 「夫辰. 惠 而除道 ○注 而不 釋 「「周十月夏九月」,閩、監、毛三本同。 角 月 宫》注引《孟子》『歲十月 「周十」至「梁也」〇 知 水 見 成梁即 爲政」〇 「天根 月令》注引《王居明堂禮》云: 也。 月」,推求文義,趙氏本作「周十月夏八 涸 而 氏正義曰: ,可以成步度之功; 而成梁。」故《夏令》曰: 雨 除 畢,天 氐、 十二月輿梁成。 道 九月雨畢,十月水涸。 正 》注所引却合。 所 義 亢之間也。 以 根 日 「農既收 便行 見 正義 此 而 此 旅 申 水 曰 則季秋致 徒 《月令》:「仲秋 明 以 涸 然周正· 成 周十一月,夏 則當運輦,故 涸 舊本趙氏 翟 《國 杠 可 有 梁所以 成一, 氏 竭也 故 貴。 九月除 語 灝 先 心 季 《夏令》 建子,夏 阮 梁即 一疏本趙 疏 王 廖本 而 注, 便民 周 秋 之 氏 日 民 異 道 語 + 除 教 元 + 法 寒 不 南 榷

北

者也。

獨取利

終,曰

Œ.

歲,日

日

歲

周

正

也也。

月」,謂夏正,

》同例。

本

則似是而

實非

也。

《周禮》之例,凡夏正皆曰歲,凡曰

月輿梁成」,後人亂之。

而閩

、監、毛本尚存舊迹、廖、孔、

月」、「周十

一月夏九月」,而經文本作「歲十月

徒杠

成,十

段氏玉裁《説文解字注》云"「榷,水上横木,所以渡者。 爲「夏八月」「夏九月」,恐亦無確證。 月輿梁成」,則據閩、監、毛三本之「十月」「十一月」而改趙氏 成」、《仲尼燕居》正義引《孟子》亦作 月」「夏十月」,則其時之本自是十一月徒杠成,十二月輿梁 曰「十月成梁」,《孟子》與《國語》合。」按:趙氏注明作「夏九 歲十月徒杠成」,趙岐釋爲「步渡」,郭釋云「步渡彴」,然則 兩頭聚石,以木横架之可行,非石橋也。 也。』水梁者,水中之梁也, 趙注未解其例,今本則經注又皆舛誤矣。 然其字本從水 歲十有二月,皆謂夏時也。凡言正月之吉,不 兩言「七八月之間」, 権,謂禁民酤釀,獨官開置 説詳《戴震文集》。 杠與権雙聲、《孝武紀》曰 《釋宫》云: 則橋梁其本義, 「石杠謂之徛。」《孟子》 《孟子》言『歲十月,十 歲十一月徒杠成,十二 備録如右,識者參之。 則 梁者,宫室所以 謂周正。 「権酒 如道 而 棟梁其假 凡直 路設木爲 酤」,章 正 《夏令》 與《周 者曰 關 橋 借 舉 昭 云: 「丁、張 並 音闢, 亦 如 字, 注「辟

水梁也。

梁,水橋也。

杠,横者亦曰 石杠者謂

杠

「以木渡水日

牲 也。」《説文》貝部云:「貪、欲物也。」趙氏以每爲貪,以貪爲 日: 世》「無門無毒」、《釋文》:「毒,崔本作 以 語 人可 禮 人」與「卑辟尊」字同義亦同。 也。」辟之言邊也,屏於一邊 者,法也。 屏人使 則八人夾道」,注云: 云:「音避。」《 小 「凡有節者及有爵者至,則爲之辟」,注云:「辟,辟行人。」 誼傳

派服 意大略 也。 》是也 • 閻人》: 『凡外内命婦出 每 爾雅 『辟、逡遁不敢當盛。』他書辟人、辟邪、辟寒、辟塵之類, 也。」《曲禮》:「若主人拜,則 人而 「主人盤 有由 俗以「辟除」之辟作闢、「辟尊」之辟作 避之。 ·廣言》云:「辟,除也。」是「辟人」即「辟除人」,謂 相似。 自 悦 引申爲辟人之辟。 辟 賦》云「夸者死權、品 退者言,則 之」爲「欲 旋 周 馬。」包 段氏玉裁《説文解字注》云: 自屏 禮 日 辟,賓盤 「趨辟 秋官 之者言, 咸《論語》注: 自 《曲禮》、《投壺》、《論語 加 趨 也,僻之本義如是。 旋曰 恩 條 人,則爲之辟。』《孟子》: 《音義》雖兼存兩音,音兩而 辟人而人避之亦曰 則 以 而辟行人。』《秋官・ 狼氏》「掌鞭以 庶毎 悦 辟。」《大射儀》「賓辟」,注 《閻 其意」者、《莊子 客還辟,辟拜。」《郊特 人》、《離婁》篇、《郊特 『躩,盤 每,云貪也。」《漢書 生」,孟康云:「每,貪 「解,辟 避,非古義矣。 辟兒也。」《投 趨 然則 注 辟。 辟,王 野 · 人間 所 也。 「行辟 若《周 廬氏 「辟 出 굸 是 辟 義 除 人

> 候,即 也。 鄙有章,上下有服,田 趙氏佑《温故録 政也,是子産將不得爲君子也。」 之理,曾子産而有之? 細事,本不足爲執政輕重,而當執政經 與之、泰侈者因而斃之、蓋能平其政、非務悦人明矣。 欲,「每人而悦」是貪於悦人,故云「欲 大夫之乘非小人所得假,其 「君子」即謂子産。 有往來喧競 \*\frac{\circ}{\sigma} ,自當静俟軒車,必無辱觀聽而煩左右者。 有封洫,廬井有伍,大夫之忠儉者 「此節正辨子産以 子産有君子之道者也。 而世徒妄傳失實,是則子産 人既衆 贵 自 臨 乘 加 輿 輿衛 恩以 輿 所 濟 森嚴 能 悦其 其爲政 人之無 用 · 津 不 此 意 知 吏祗 濟 使 其 必 從 也。 爲 無 涉 都 而 事

[由,義當作猶。猶,如也。古字通用。」」 取也。<mark>碗</mark>「人君由天」○正義曰:《音義》云:「丁云:由天,天不家撫。是故子産渡人,孟子不由天,天不家撫。是故子産渡人,孟子不

君 則 如 臣 國人, 记視君 孟 子告齊宣 如 君之視臣 腹 心; 王 君之視臣 日 如土芥,則 \_; \_ 君 之視 如 犬 臣 臣 馬 視君 如 則 手 如 臣 之 文 寇 視

故服

齊衰三月也。

言與民同

也。

何大夫之謂乎?

言其以

道

去君

而

猶

未絶

也。」」然則

有

致

仕之舊君,有去國之舊君

乃背先蔑

戊子,敗秦師

于令狐,至

者也。

何以服齊衰三月也?

言與民同也。

君之母妻,則

小

齊衰

爲舊君、君之母妻,傳云:「爲舊君者,孰謂也?

三月也?

妻言與民同

也。

長子言未去也。」舊君,傳云:

大夫爲舊

君,何

以

服

齊衰三月

也?

大夫去君,歸其宗廟,

君也。」大夫在外,其妻長子爲舊國君,傳云: 「何以服

疏注

禮

舊

臣

爲

舊

君

服 喪

喪服

0

正 君

義

E:

《儀

喪

服

禮,舊

臣

爲

舊

君

服

服

問

恩

何

如

則可 禮

爲服

爲

舊

君

有

服

何

如

斯

可

爲

本諸

心

相

視,非 逢滑。

形

相視,故

曰「心之所執若是」。

王

日:□

故曰草莽。」然則土芥謂視之如土如草,不甚愛惜也。

)注「臣緣」至「是也」○正義曰:

趙氏以

如莽。」注云:「芥,草也。」又云:「草之生於廣野,莽莽然

楚雖無德,亦不艾殺其民,吴日敝於兵,暴骨

往;

去三年不反,然後收其田里。

此之謂

諫

芥,是其禍也。

若是

也。

疏注「芥草芥也」()

正義曰:《方言》云:「芥,草

讎

。」江芥,草芥也

臣

一緣君

恩以

爲差等,其心

所

執

也。

白關

而

西

或曰草,或曰芥。」哀公元年《左傳》逢滑

臣

聞

國之興

也,視民

如

傷,是其福

也;

其亡也

以以

民

爲土

有

故

而

去,則

君使人導之出

疆,又先

於其

所

日:

服矣?」注宣王問, 仕焉而已 「視」爲 禮, 孟子 ? 其田菜及里居也。 竟,又先至其所到之國,言其賢良。三年不反,乃收 晉,隨會奔秦,是也。古之賢君遭此,則使人導之出 言從,德澤加民。若有他故,不得不行,譬如華 有禮焉。 八月,葬宋共公,於是華元爲右師,蕩澤爲司 若有」至「秦是也」○正義曰:成公十五年《左傳》云: 如此 則爲之服矣。 此三者有禮,則爲之服矣。 注爲臣之時 馬。 蕩澤弱 疏 元 奔

偪 於朝,出 士會如秦逆公子雍。」七年《左傳》云: 少,晉人以難故,欲立長君。 出奔晉。」文公六年《左傳》云: 今宫室卑而 室,殺公子肥,華元曰: 朝則抱以適趙氏。 不能 而立靈公,以禦秦師。 正,吾 罪大矣。 「我爲右師。 宣子與諸大夫皆 趙孟曰: 「八月乙亥,晉襄公卒,靈公 不能 治 君臣之訓, 「立公子雍。」使先蔑 「穆嬴日抱太子以 官 敢 患穆嬴, 賴 師 寵 乎?二乃 所 司 「秋 也 啼 公

云: 廖本、韓本作『乃收其田 記》云"「了乃收其田 之言,如二大夫之於莊子,騎士之於酈生也。 其所往」之先與之同,故趙氏云「言其賢良」。 竟内累矣。」、《釋文》云:「先焉,先謂宣其言也。」此「又先於 騎士,適酈生里中子也。 云 : 也。 乃收其 臣里中有酈生,年六十餘,長八尺,人皆謂之狂生,生自謂 人,多大略,此真吾所願從游,莫爲我先,若見沛公,謂曰 也。」是「往」即 犯,其知足使也,❷且無罪。」」此 成子曰: 廣 趙宣子曰: 狂生。」」「臣里中」云云,即「爲之先」也。 「疆之爲言猶竟也。」竟與境通,是 「莊子釣於濮水,楚王使大夫二人往先焉,曰: ○注「古之」至「服矣」○正義曰: 《音義 田 釋詁》云:「往,至也。」《爾雅 『賈季亂,且罪大,●不如隨會能賤 己丑,先蔑奔秦,士會從之。」十三年《左傳》云: 萊及里 》亦出 「隨會在秦,賈季在狄,難日至矣,若之何?」部 「到」也。 『田菜』,菜當作采,大夫采地字古書多或 居 里田 也 《史記· 菜及里居也」,孔本、《攷文》古本作 足 業也里 酈生謂之曰:「吾聞 利本作「乃 酈生列傳》云: 「華元奔晉、隨會奔秦」之事 居 也, 出 昭公元年《穀梁傳 收 閩、 釋詁》云:「到,至 其 《莊子・秋水》篇 疆」即 而有耻,柔而不 監、 田 蓋先則有所宣 阮氏元《校勘 沛公慢 里 毛三本 「出境」也。 「沛公麾下 田 萊 「願以 及 而 同。 里 易 我

> 令 》: 之於其 寇讎。 里,三也。 道之類。 有姦罪者,搏執之也。」亦 慎罪邪,務搏執。」鄭氏不注。 故人其家而索之族親,正釋搏字,其義精矣。 執之,故知爲「搏執其族親」。 家訓》引《通俗文》云:「人室求曰搜。」人其家室,搜索 文》手部云:「搏,索持也。」宀部云:「索,人家搜也。」《顔 注「搏執」至「有乎」〇正義曰:《音義》云:「搏,音博。」《説 極 澤不下 疆,一也;又先於其所往,二也; 作菜,菜誤爲萊,作業則更誤矣。」「三者有禮」, 者,惡而困之也。 「孟秋之月,命有司脩法制 (所往; 罪此邪人,必審慎得其實,既 於民,有故 寇 今也爲臣,諫 讎, 何 去之 服之有?」注 遇臣若寇讎 未詳 日 而 族親指其父母妻子兄弟而 遂 去, 則 高誘注《吕氏春秋》云: 溯。 繕囹 收 不行,言 去三年不反,然後 則君 按: 其 ,何服之有 [圄,具 審得其實 此姦邪 搏 田 搏 里。 執 則不 桎 執之,又 其 蓋 《禮 使人導 則 指 族 此 禁 乎。 必 邪 收 親 之 「慎 止 搜 説 之出 其 而 也 言 謂 極 疏 月 索 戒 氏 H

<sup>● 「</sup>足」,原脱,今據《左傳》及經解本補。
● 「且」,原誤作「其」,今據《左傳》及經解本改。

章指:

言君臣之道,以義

爲表,以恩爲

其家,執而禁之。 緣其所以困之之故,則云「惡而困之」也。 聖人於惑民致亂之姦邪,不姑息以遺 窮」,《集 《説文》 患如 《尚 去;

書• 此。 穴部云:「窮,極也。」《論語・堯曰》篇云「四海困 之送帑,且如商任之會,禁錮樂盈,使諸侯不得受,則所以 管之不許他往,所以困之窮之,使之終死於是,所謂「極」也。 放居東裔,至死不得反於朝。」蓋置鯀於東海永不復用,又收 羽山,亦是困之於羽山。《鄭志》答趙商云:「鯀非誅死,鯀 於其所往也。 注》引包曰:「困,極也。」極是困窮,「極之於其所往」即困之 「極之於其所往」蓋既不得如士會之復歸,又不能若賈季 《孟子》之「搏執」非《月令》之「搏執」,亦明矣。 洪範》云「鯀則殛死」、《釋文》云:「殛,本作極。」極鯀於 困

之義 乎? 也。」爲兵主來攻伐 又何反服之禮之有?』注云:「言放逐之臣不服舊君 曰「戎首」。 **《孟** 子》此章正申明 子 思

曾。

子進人若將加諸膝,退人若將隊諸淵,

毋爲戎首,不亦善

之君子進人以禮,退人以禮,故有舊君反服之禮也,今之君

「穆公問於子思曰:「爲舊君反服,古與?」子思曰:「古

讎,非

真如興

曲

沃之甲,轉身爲亂

賊

也。

《禮記

檀弓》

一寇

也。

此

之窮之者至矣。是時臣之心惟恐遭其荼毒,故擬之曰

裹。 有所 興。 表裹 諷 相 諭宣王, 勸以仁 應,猶若影 響。 也。 舊君之服、蓋

云 深退。」」顏師古注云:「載,鴟也。 鳳,鳳專執擅朝,而京兆尹王章素忠直 逝。」此之謂也。 疏注「惡傷」至「謂也」〇正義曰:士大 視其下等,懼次 福上書曰:「夫載鵲遭害, 「士」與「民」爲類。 夫爲類而六等,上士一位,下於大夫,士農工商爲 〈詩》「鳶飛戾天」、《釋文》云:「本又作載。」阮氏元《挍勘記 「仁鳥增逝」,閩、監、毛三本同。 作曾是。 引「語」者、《漢書・ 無罪 孟 子 而 曰:「無 曾,高也。」 戮 士居四民之首,則民下於士,故爲「下等」 及 民, 也。 則士可以 梅福傳》云:「成帝委任大將軍 罪 則仁鳥增逝; 語 丽 日 殺士,則大夫 音緣。」《禮記 徙。」注惡 鳶鵲 廖本、孔本、韓本增作 譏刺鳳 愚者蒙戮 蒙害,仁 ,爲鳳所誅 傷 中庸》引 則 四 其 可 民,是 一鳥曾 知士 類 以 王

犢,孔子臨河而不濟也。 章指: 言君子見幾 而 疏 「君子」至 作。 故 趙 「濟也」〇 殺 鳴

Щ 四 九

則 ? 歎 曰: 涸 賢大夫也。 而 「孔子將西見趙簡子,至於河,聞實鳴犢、舜華死,臨河而 也。 正 漁 進 義曰:《易· 君子見幾而作,不俟終日。」《史記・孔子世家》云: 曰:「敢問 君子諱傷其類也。」 則 『美哉水,洋洋乎,某之不濟此,命也夫!』子貢趨 蛟 龍不合陰陽,覆巢毁卵,則 某聞之也: 繋辭傳》云:「幾者,動之微,吉之先見者 何謂也?」孔子曰:「實鳴犢、舜華,國之 刳胎殺夭,則騏驎不至郊,竭 鳳凰不翔。 澤 何

而非義,藉交報仇是也。

此皆大人所不爲也。

疏

爲。」注若禮而

非禮,陳質娶婦而長,拜之也,

若

當自脩其身,此言人君自格其心,明人君當自脩其身。 義。」注 君仁」至「不義」〇正義曰:前言人臣格君心之非,明人臣 孟 君者,一 子曰:「君仁,莫不仁,君義,莫 或 所 瞻仰以 爲 法,故必 從之。 疏 不

通 上爲下效也。 疏「上爲下效也」〇正義曰:《白虎 三教》篇云: 章指: 言君以仁義率衆,孰不順焉? 「教者,效也。上爲之,下效之。」

孟子曰:「非禮之禮,非義之義,大人弗 老。 交即借交也。」 音子夜切。」孫宣公《音義》:「藉,慈夜切。 耳。』《游俠傳》云:「郭解少時陰賊,以軀借交報仇。」《漢 殖傳》云: 『閭巷少年,借交報仇,篡逐幽隱,實皆爲財 是也」〇正義曰: 胥之爲古乘。 絶。」」按:古事相傳,名姓往往各異,如虞慶之爲高陽魋,盍 義》本陳質亦作賈。 之,以定齊國。」此拜妻之證也。 曰:「寡人欲以仁義治齊,今子以仁義亂齊。 寇,太公問治國之要,曰: 『在仁義而已。 仁者愛人,義者尊 是奠贄之義。」董子《繁露·五行相勝》篇云:「營蕩爲齊司 義,皆似是而非者也。 書》:「朱雲少時,通輕俠,借交報仇。」師古注:「借,助也 若禮」至「之也」〇正義曰: 愛人者有子不食其力,尊老者妻長而夫拜之。」太公 此營蕩之爲陳質,亦其類耳。 周氏廣業《孟子古注攷》云"「《史記 按,孫志祖云:『長讀長幼之長,長字句 周氏廣業《孟子古注攷》云:「陳質疑 若,猶似也。 阮氏元《校勘記》云: 似禮 義與借同。」則藉 ○注「藉交報仇 非禮 寡人立 似 · 貨 而 義 用 非

章指: 言禮義,人之所以折中。 履其

也。《文選・羽獵賦》云「不制中以泉臺」,注引韋昭云:云:「夫禮,所以制中也。」《表記》云:「義者,天下之制「禮義人之所以折中」❶○正義曰:《禮記・仲尼燕居》正者,乃可爲中。 是以大人不行疑禮。 疏

「制或爲折。」

義 賢者亦兼指才而言矣。 德行,有德行故「謂之賢」。《説文》貝部云:「賢,多才也。」 故 得謂之賢,故下承言「賢父兄」,兼中與才而言也。 者能者」,注云: 疏注「中者」至「謂之賢」○正義曰:《白虎通・五行》篇 育教誨不能,進之以善,故樂父兄之賢以養己也。 謂之賢才者,謂人之有俊才者。 中」爲「賢」,下亦云「賢者養育教誨不能」,不能即不才,則 |老子》云「不尚賢」,王弼注云:「賢猶能也。」然則中、才皆 日 人樂有賢父兄也。江中者,履中和之氣所生, 「中,和也。 孟子曰:「中 淮南子· 「賢者,有德行者。」「履中和之氣所生」則有 中和居六德之首。』《周禮 氾論訓》云「天下雄俊豪英」,注云:「才過 ○注「才者謂人之有俊才者」❷○正 也 養 不中,才 有此賢者,當以養 鄉大夫川興 也 養不 趙 氏以 す。 腎

> 則》云 育。 是以善教不善,則不善者進之以善, 以 己」,即是樂父兄之賢以教己也。 即是中也教不中,才也教不才也, 積浸成長之。」《説文》去部云:「育,養子使作善也。 世子》云「立太傅少傅以養之」,注云:「養猶教也。言養者 語·晉語》云「夫教者,因體能質而利之者也」,注云: 也。」《天官・太宰》「四曰使能」,注云:「能,多才藝者。」《國 學,曰俊士。」《月令》云「命太尉贊傑俊」,注云:「傑俊,能 千人爲俊。』《禮記・ 育一教育連文,育即是教。 長天下之子弟。《爾雅・釋詁》云:「育,長也。」馬亦讀胄爲 曰:『教育子。』」馬融注《堯典》「教胄子」云:「胄,長也。 才也。∫○注「有此賢者」至「己也」○正義曰:《禮記 「教誨」釋「養育」,下言訓導,訓導亦教誨也。 孟子言「得天下英才而教育之」,「教育」即《堯典》之「教 獻其賢者於宗子」,注云: Ŧ. 制》云: 此「中也養不中,才也養不才」 司 「賢猶善 故趙氏以「育」釋「養」、又 徒論選士之秀者 注云「樂父兄之賢以養 賢既得兼才、能 也。」以賢教不 《禮記・ 《虞書 ・文王 而 而言 能 升

「以」,原脱,今據《章指》補。

0

0

本書及阮校所述廖、孔、韓等本注文改。「謂」上,原有「是」字,合於宋十行、閩、監、毛等本,今據

其間 度」,凡此皆以覺爲校也。 倍』、「宋書・天文志》『斗二十一,井二十五,南北相覺四十八 書‧傅玄傳》『古以步百爲畝,今以二百四十步爲畝,所覺過 志》中「至元和二年,《太初》失天愈遠,日月宿度相覺浸多」,《晉 弟多賴」章「聖人亦人也,其相覺者以心知耳」,《續漢書・律曆 子》「中也養不中」章「如此,賢不肖相覺,何能分寸」,又「富歲子 之方中》正義引《鄭志》云「今就校人職相覺甚異」,趙岐注《孟 字。」盧氏文弨《鍾山札記》云:「覺有與校音義並同者,《詩・定 覺」,丁云: 「義當作校。」 蓋覺即校之假借字,古書往往用 曰"阮氏元《挍勘記》云" 而且不知,是亦「近于愚」矣。 兄所當教也。棄而不教,是未知當教也。以子弟爲父兄所當教 可不相訓導也。 則賢亦近愚矣。 如中也棄不中,才也棄不才,則賢不肖之相去, 云「有此賢者」,下云「教誨不能,進之以善」,互發明之也。 「不養其所以當養」,廖本無「以」字,是也。 子弟之不中不才,父 以賢教不賢亦是以能教不能,則不能者亦進之以能。 不能以寸。」注如使賢者棄愚,不養其所當養 如此,賢不肖相覺,何能分寸? 疏注「不養」至「愚矣」○正義曰:諸本作 後人有不得其義而致疑者,更或輒改 「孔本覺作較,非。按,《音義》出『相 ○注「如此賢」至「分寸」○正義 明不 上 覺

連言分寸,明此寸謂十分之寸也。他字,故爲詳證之。」《説苑・辨物》篇云:「十分爲一寸。」趙氏

改,乃歸自然。 章指:言父兄已賢,子弟既頑,教而

不

析能 之。 也。」趙氏以「不爲」爲「不爲非義」,蓋本於此 若日月,與舜禹俱傳而不息。 乎耳出乎口,鉤有須、卵有毛,是説之難持者也,而惠施、鄧 其當之爲貴。 負石而赴河,是行之難爲者也,而申徒狄 苟》篇云:「君子行不貴苟難、説不貴苟察、名不貴苟傳、唯 苟得,趙氏以讓千乘爲有爲,故云「義乃可申」。《荀子·不 則不爲。人能知擇,故有不爲者有爲者。 趙氏以「不爲苟得」解之、是也。 有」至「有爲」〇正義曰:有不爲,是介然自守,行己有 爲。」注人不爲 之。 然而君子不貴者,非禮義之中也。 孟子曰:「人有不爲也,而後可 然而君子不貴者,非禮義之中也。 苟得,乃能 然而君子不貴者,非禮義之中 義可爲乃爲之,義所不可爲 有讓千乘之志。 Ш 讓千乘,仍是不爲 淵平、天地比,人 盗跖吟口,名聲 疏「人 以 能

章指: 言貴廉賤耻,乃有不爲。不爲

乎! 慎之。 將來之患,則患不在人之不善而轉在吾之言矣。是當 注人之有惡,惡人言之。言之,當如後有患難及己 禽獸,正所以息其無父無君之患也。若言人之不善而轉貽 疏「言人」至「患何」○正義曰:孟子距楊墨,比之爲 孟子曰:「言人之不善,當如後患何?」 審而

日 「不忮不求,何用不臧?」 章指: 言好言人惡,殆非 君 子。 故

邪以 父,不以人言而不加 不苟取,而 嘗不受。 諸侯,而齊、梁好士,未嘗不往,任不受禄,而宋、辥之餽,未 尼不爲已甚者」〇正義曰:郝敬《孟子説解》云:「孟子不見 正,正斯可矣。 孟 道不苟合,而不爲小丈夫之悻怒,故去齊三宿, |子曰:「仲尼,不爲已甚者。」<u>注</u>仲尼彈 不爲陳仲子之矯情,故交際不辭。 禮貌; 故不欲爲已甚泰過也。 夷之受學於墨,不以異端而吝其 匡章得罪 疏一仲 於 廉

> 教誨。 謂其鋒鋩太露,何歟?」 下惠爲不恭,以仲尼爲不爲已甚,其所向慕可知。 辭,嫌疑立解。宛然孔子待陽貨、公伯寮氣象,豈非願學之 滕,而未嘗不與之朝暮。雖不悦於公行子之家,而 臧倉之謗不遇於魯,而未怨其沮己,以王驩之佞倖 故曰"「人不足責,政不足間,惟格君心之非而已。」是故以 深,有得於温良恭儉讓之遺範者歟? 其告君也,園 囿 亦 可,臺池鳥獸亦可,好貨好色亦可, 是故以伯夷爲隘,柳 而世儒 從容片 出 一
>
> 一
>
> 形
>
> 於 猶

故孟子譏踰牆、距門者也。 章指:言《論》曰:「疾之已甚,亂也。」

惟義所在。 帝紀》云「杖義而西」,注云:「杖亦倚任之義。」〇注「義有 本作「杖」,當爲杖。《説文》木部云:「杖,持也。」《漢書・高 者,若親在不得以其身許友也。 必信其言,子爲父隱也,有不能得果 果,惟義所在。」推果,能也。大人杖義,義有 孟子曰:「大人者,言不必信,行不必 疏注「大人杖義」○正義曰:諸本作「仗」,孔 義或重於信,故 行其所 欲 不

孟子正義卷十六

也。」又云:「惡果敢而窒者。」 好學,其蔽也賊。」《集解》引孔曰:「父子不知相爲隱之輩 鄭 子路》篇云:「言必信,行必果,硜硜然小人哉!」《集解》引 通》云:「親友之道不得行者,亦不許友以死耳。」」《論 則得許友報仇。 死。」注云:「爲忘親也。 得行即不能 乎?」荆王乃不誅。孔子曰:「異哉,直躬之爲信也! 得果行其所欲行者」,疊能、得、果三字,不果行即不得行,不 大卜》「五曰果」,注云:❶「果謂以勇決爲之。」此云「有不能 連文,是果即能。 記 吏曰: 『父竊羊而謁之, 不亦信乎? 者,其父竊羊而謁之上。 父隱,直在其中矣。」《吕氏春秋 至「隱也」〇正義曰: 也」〇正 而載取名焉,故直躬之信,不若無信。」」〇注「有不」至「友 日 · 中 「行必果,所欲行必敢爲之。」《陽貨》篇云:「好信 庸》云「果能此道矣」,注云:「果猶決也。」果能二字 義曰: 行也。 趙氏以 故《周禮》有主友之讎,視從父兄弟。 果義爲決,能義亦爲決。《周禮·春官 禮記 《論語・子路》篇云:「父爲子隱,子爲 「能」釋「果」,見《梁惠王》篇。 死爲報仇讎。」孔氏正義云:「親亡 上執而將誅,直躬者請代,將誅 · 曲禮》云:「父母存,不許 當務》篇云:「楚 父誅而代之,不亦孝 有 《白虎 一父 語 友以 直 《禮 , 告 不 躬

章指: 言大人之行,行其重者。不信不

改。

果,所求合義也。

人。 雖與聖人之誠 無所不知之誠, 赤子之誠, 一無所知之誠也。 如赤子之无妄矣,而卒不得謂之爲明明德者 必先於格物以致其知者,何也? 非能格物以致其知者也,此可以見人性之善。 知,大人通變,其相異遠矣。 疏注「大人」至「大人也」○正義曰: 未變化,人能 心之謂也。 也。」建大人謂君。國君視民當如赤子,不失其民 『大人者,不失其赤子之心者也。』則誠意莫如赤子。 説爲定。 然則使赤子中有生而能爲聖人者,亦必不能不格物致 孟子曰:「大人者,不失其赤子之心者 程氏瑶田《通藝録 通 不失其 説曰:赤子,嬰兒也。 一無二,而赤子之爲赤子則 、赤子時 趙氏雖 • 論學小記》云:「孟 心, 蓋以意誠誠矣,意之誠誠 存兩説、《章指》則 前一 則 爲貞正大人也。 少小之心專一 説 也。 不必 是也。 而吾 故赤子之誠 明明德 其皆爲聖 嬰兒 子曰 人之學 而 赤子 以

「注」,原誤作「德」,今從沈校據《周禮》鄭注及全書文例

子•

臣道》篇云:「若馭樸馬,若養赤子,若食餧人,故因其

之,唯恐其不至於大也。」此

猶赤子乎?

之養之言。《説苑・貴德》篇云:「聖人之於天下百姓也,其

饑者則食之,寒者則衣之,將之養之,育之長

正所謂不失赤子之心也。

《荀

氏注云:「養子者推心爲之,而中於赤子之嗜欲也。」皆以保

·大學》引此,釋之云:「心誠求之,雖不中,不遠矣。」鄭

匐將入井,非赤子之罪也。」蓋以愚民無知比赤子無知。

《禮

惟民其康乂」。

孟子因墨者夷之引此而解之云:「赤子匍

言之。《康誥》言「如保赤子」,上承「惟民其畢棄咎」,下

接申

一説而亦疑赤子之心不可以擬大人,故爲之分别

記

主後

此之謂明明德,而大異乎赤子

一無所知之誠矣。」按:

而 程 氏

也。

聞之時

必 此

.待其人而後行者,待此格物以致其知之人,乃能於獨見獨.古昔聖人所以緣人情以制禮,而禮儀三百威儀三千所以

,慎之又慎,以造其意而誠之,而於是乎能行此禮

其身於格物致知

而至於七十乃自信其從心所欲不踰矩

也。

知

而

徒恃

其一

無

所知之誠以造乎其極也。

此吾夫子所以終

懼

也

偂

改其過,因其憂也

而辨其故,因其喜也而人其道,因

心

可

以

比大人也。

發明聖

人通

「變之旨,豈取一「專一未變化」之赤子而擬之

0

孟子方言「不爲已甚」,「惟義所在」,所以

其怒也

而除其怨,曲得所謂焉。」此且以比暴君,未聞赤子之

何由 哉 ? 人雖 故匍匐可以入井、必多方保護之、教誨之、自桑弧蓬矢、方名 肉者又凡幾? 時也,陰陽和静,鬼神不擾,四時得節,萬物不傷,羣生不夭。 性》篇乃云:「古之人在混茫之中,與一世而得淡漠焉。 子夫婦之倫,人道不定,天下大亂,可推而知也。 紀,飲食男女之事與禽獸同。 下谿、常德不離、復歸於嬰兒。」此亦自比愚人之無知 如嬰兒之未孩。」又云:「知其雄,守其雌,爲天下谿。 子之心」矣, 卒之文字不能通, 農商不成就, 衣食不能自力, 立而不反。 其靈於鳥獸者凡幾? 説之義也。 人詐之而莫悟,衆擠之而弗酬,衆共以爲愿,可謂「不失其赤 六甲,就外傅,人小學,以 人之樸散,爲老氏清净之宗,與孟子正相反者。 而節? 有知,無所用之。」豈知 《老子》云:「衆人熙熙,如登春臺。 若失而不教,則終於愚而無知。 人之爲赤子猶天地有洪荒! 漁佃之利未興,弧矢之威未作,人與鳥獸 而謂之不傷不夭,不亦妄乎? 不知粒食,其疾病疢毒於鳥獸蠃蛖之 至博學無方,乃 晦芒憔悴之初、八卦 自伏羲定人道 伏羲以 我獨泊然其 能 吾見若而人者 知 而 類通達,●强 赤子之無知 乃有 前 此趙氏又一 未畫 《莊子・ 無 君 未兆 四四 相 爲天 臣 雜 肼 繕 是

「達」,原誤作「遠」,今據《禮記・學記》及經解本改。

所以正己而物正。 農、黄帝、堯舜、文王、周公、孔子是也。惟不失其赤子之心、 知,不以己之聖而忘人之愚,不以己之明而忘人之闇,如義 必果,惟義所在」,此又云「不失其赤子之心」,後又云「正己 禮,非義之義,大人弗爲」,再則云「大人者,言不必信,行不 君心之非」,故申言其所以爲大人者如是。 所謂「大人」,即《易》之「利見大人」也。 聖賢,相習成風,其禍於天下,與吃菜事魔者等矣。 夫孟子 能知聖人之道,故爲是詖辭耳。 爲真樸未散,不亦慎乎? 父母不能養,妻子不能保,自轉尸於溝壑。 而豈擬以無知之赤子哉? 大人以先覺覺後覺,以先知覺後 而物正」,高出乎事君人、安社稷,達可行於天下之人之上 則不失乎赤子之心而即爲大人。於是傭人匠賈皆可自命爲 文、不必好古、不必審問而明辨、第静其心、存其心、守其心、 孟子蓋深於《易》,而此其發明之者也。 夫老莊之徒非不學者也,學而 於是受其説者以爲不必博 前云「惟大人爲能格 彼老氏之徒乃以 一則云「非禮之 不

則然,民懷之矣。大人之行,不過是也。 章指:言人之所愛,莫過赤子。 視民

孟子曰:「養生者不足以當大事,惟送

0

也。」謂人子之職,惟此爲大。 也。」謂人子之職,惟此爲大。 是《說文》史部云:「事,職 以踊」,注云:「大事謂喪戎。」《禮記·雜記》云「於士既事 之大事」,注云:「大事謂喪戎。」《禮記·雜記》云「於士既事 之大事」,注云:「大事謂喪戎。」《禮記·雜記》云「於士既事 之大事」,注云:「大事謂喪戎。」《禮記·雜記》云「於士既事 之大事」,注云:「本事謂喪戎。」《禮記·雜記》云「於士既事 之大事」,注云:「本事謂喪戎。」《禮記·雜記》云「於士既事 之大事」,注云:「本事謂夫小斂之屬。」《少儀》云「喪俟事,不植 本」,注云:「事,朝夕哭時。」 《说文》史部云:「事,職 也。」謂人子之職,惟此爲大。

謂之「大事」。送終,行之高者。事不違禮,可謂難矣,故善章指:言養生竭力,人情所勉;哀死

注「造致」至「有之也」〇正義曰:鄭氏注《禮記》、《周禮》、之以知道意,欲使己得其原本,如性自有之也。 疏之也。 ] 造,致也。言君子問學之法,欲深致極竟之也。 ] 五子曰:「君子深造之以道,欲其自得

<sup>「</sup>哭」,原重,今據《禮記》鄭注及經解本删。「犆」,原誤作「植」,今據《禮記》及經解本改。

也。

博學而不深造則不能精,深造而不以道,則不能

變。

精

成天下之務」也。 極深」也,「以道」即

陰

一陽之謂道」,道者,反復變通者

也

,故能通天下之志;

繋辭傳》云:「夫易,所以極

深 而

心知之明進於聖智。

而

意,不求深解以終其學。

博學、詳說」之事也。

也。」《楚辭·

而能

自 無 神也。

儀禮》,皆云:「

造,至也。」至即致也。

爾爾

極,至也。《國

語

0 左」,原誤作「右」,今據經文及經解本改

道

與 而 性 也

原」,即 思 得此道也,自得之則學洽於思,居之,居此道也,居之安則 居 者,不能自得之也; 宜 迹 聖之道即 性 緼於學。 之,無不逢其原 隔 ,則不安也。 ,故「資之深」也。 性與道睽,故居之不安。 「執其兩端, 取乎吾之性,非淺襲於口耳之間 舍學而言恃心,舍心而守學,兩失之矣。 深造憑於心之虚,以道憑於學之實。 也。 用其中 「思而不學則殆」,殆者,空悟 至於資之深,左取而左宜之,右取 左右者,兩端也。 於民」也。 既自得 「學 而居之安,則取 ,非强擬於形 而 「取之左右逢 不 思則罔 而本無所 得之, 三, 罔 於古 似 耐 其 右

굸: 政 孫 即 所 能 丑下》篇。 根本也。 以 臨 名,事來不惑。 朝益暮習,小心翼翼。 事不惑,遂立名 、臻也。 章 指: 孔本作 《 漢 書 • 言學必根原, 疏「學必」至「臻也」●○正義曰:「根原 「根源」,非是。 雋不疑傳》贊云:「雋不疑學以 迹,終始可述。」《管子 君子好之,朝益暮習,道 一此不解,是謂學則。」 如 「物來能名」,詳見《公 性自得。 ・弟子 物 職 從 來

也。」 注 孟 子 博,廣 曰 : 詳, 博 學 悉 也 而 詳説之,將 廣學 悉其 微 以 言 反 而 説 説 約 之

> 其要。 非要; 者,將 博 不屑 疏注 要言之」,得之矣。 詳而言約,何以能解? 也,博學而不能解説,文士之浮華 之要即根原也。 學則無不學、《大戴記・曾子立身》云: 言而篤行之。」趙氏本此, 子・主術訓》「所守甚約」,高誘注 禮》,多以廣釋博。 詩 説 無 幽 文》心部 解。 隱, 以 衛風• 博 通矣。 但知其大略,則 博、詳與約相 以 「悉其微言而説之」,則 廣」至「言 約 纖細。 云 説 氓》篇云「猶可説也」,箋云:「説,解也。」《淮 博其方,約其説。」趙氏云 其要。 不博學而徒憑 言幽隱則輕淺者不易解,言纖細則高簡 悉,詳 戴氏震《孟子字義疏證》云: 《荀子・ 反, 之也」〇 淺而非 命申 惟博且 意不盡 以「微言」即 盡 鑒 修身》篇云「多聞日 也。」 Œ. 要。 時事》篇云: 詳 盡其幽隱纖 空悟者,非聖賢之學, 義 知,則不 言 也。 <u>-</u> 日 :: 故必 反 部 能解 詳 「約,要也,少 但 鄭 굸 無所 示 「博學而孱守之、微 知其 説 Æ 得 能盡 能 注《周 細之言,而 道 不 「説 其 要言 約 解 微 「約謂 雖要 知,則 端 博」,是 説 而 有二義: 禮 釋 也。」 女也, 則 之 舍 後 不能 博 得 能 也。 詖 無 解 也 也 其 非 Ħ. 釋 者 廣 南 知 而 論

❶ 「學」上,原衍「注」字,今據全書文例删。

以勝天下,吾見其亂矣。

以勝天下,吾見其亂矣。

以勝天下,吾見其亂矣。

以勝天下,吾見其亂矣。

以勝天下,吾見其亂矣。

以禮。」」達巷黨人以博學深美孔曰:「博學而詳説之。」故先王遺文有一未學,非博也。」按:
曰:「博學而詳説之。」故先王遺文有一未學,非博也。」按:
曰:「君子博學於文,約之以禮。」 達巷黨人以博學深美孔至當。」 阮氏元《曾子注釋》云:「孔門論學,首在於博。孔子至當。」 阮氏元《曾子注釋》云:「孔門論學,首在於博。孔子

至義,還反於樸。説之美者也。章指:言廣尋道意,詳説其事,要約

也; 服人」爲「善於服人」,「善養人」爲「善於養人」,故以服爲威 恩,然後心服矣,文王治岐 而 威力服人者也,故人不心服,以善養人,養之以仁 而 王也? 王者,未之有也。」注以善服人之道治世,謂 以善養人,然後能服天下。 孟子曰:「以善服人者,未有能服人者 疏注「以善」至「心服矣」○正義曰:趙氏解 是也。 天下不心服,何 天下不心服 一善 以 由

仁義求勝於人,即有相形相忌之意,何能服人?力,養爲仁恩也。兩善字皆虚活。近時通解善即指仁義,以

作「霸」,非趙氏舊矣。 一也,功則不同。上論堯舜,其是違乎?一也,功則不同。上論堯舜,其是違乎?一也,功則不同。上論堯舜,其是違乎?

祥。 部云: 指》以「蒙顯戮」爲「不祥」,則以「善」釋「祥」,固以 不祥者,恒言也。」《爾雅·釋詁》云:「祥,善也。」《説文》示 實,何等也? 也,善之實,仁義是也。祥,善,當,直也。不善之 賢者當之。」注凡言皆有實。 「凡言」至「實也」○正義曰:《説文》言部云:「直言曰 論衡・書説》篇云:「出口爲言。 禍福將至,善必先知之。」祥、善、福三字義相近。《章 「祥,福也。」《禮記·中庸》云:「國家將興,必有禎 孟子曰:「言無實不祥。不祥之實,蔽 蔽賢之人,直于不善之實也。 言謂言語,言語中有所謂 孝子之實,養親是 「福」爲 疏注 言言。

爲善之實也 蔽賢者與相直也。 直也。」趙氏以「實不祥」三字連屬,謂人每言不祥,不過空泛 言之,無有指實其所以不祥之處。 《吕氏春秋· 蔽賢爲不善之實,猶養親爲孝之實、仁義 孟夏紀》云「必當其位」,注云: 試爲按之,不祥之實,惟 「當,

祥; 《鶡冠子·道端》篇云: 子春秋• ○正義曰:《漢書・武帝紀》元朔元年詔云:「且進賢受 故謂之「不祥」也。 上賞、蔽賢蒙顯戮、古之道也。」亦見《説苑・談叢》篇。❶ 知而不用,二不祥; 章指: 言進賢 諫下》篇云:「國有三不祥: 「進賢受上賞,則下不相蔽。」《晏 用而不任,三不祥也。」亦見《説 受 疏 上賞,蔽賢 進賢受上賞蔽賢蒙顯 有賢而不知,一不 蒙顯 戮 戮

哉!」何取於水也?」注徐子,徐辟 何取於水而稱之也? 舍晝夜,盈 徐子曰 科 :「仲尼 而後進,放乎四 亟 孟子曰:「原泉混混,不 稱 於水曰 海。 : 也。 有本者如 『水哉,水 問 仲 尼

苑

君

道》篇

日

馬相 子 • 音。 《山海經》曰「其源渾渾泡泡」、郭云:「水濆涌也。」衮、泡二 云: 子• 頭, 之流也。《孟子》曰「源泉混混」,古音讀如衮,俗字作「滚」。 水之誤矣。」段氏玉裁《説文解字注》云:「混,豐流也。 正字,源,俗字。上文「取之左右逢其原」不从水,可以 宋九經本、岳本、咸淳衢州本、廖本、孔本、韓本源作原。 曰"阮氏元《挍勘記》云"「『源泉混混」,閩、 事,有本者皆如是。 科,坎,放,至也。 是。是之取爾。 《説文》皿 **❷**《集解》云: 原道訓》云: 富 渾渾者,假借渾爲混也。」王氏念孫《廣雅 如《上林賦》云『汨乎混 「科,空也。 國》 篇 部 云「財 云"「盈,滿器也。」王氏念孫《廣 一混 《史記 『科頭謂不著兜鍪人敵也。』亦空之義也 貨渾 至於四海 混 注言水不舍晝夜而進。 是之取也。 汩 渾 汨。」〇 張 流。 如 儀傳》『虎 泉源」, 者,有 重言之則曰 注「盈 疏「原泉混混」○正義 渾 原 賁之士, 跿 本 滿科坎」〇 與 監、毛三本同 混 疏 也。 同。 混 證 盈 雅 混。 以 疏 況 滿 跔 淮 盛滿 證从 Œ 《荀 原 證 於 南

2

<sup>),</sup>原誤作「跼」,今從沈校據《史記》改。 談 叢」,原誤作「叢説」,今從沈校據《説苑》改

地。

指地之中又有此

二義:

周

禮 愐

》注所云也。

況者,比也,譬也。

下字面

四

四

海爲壑」,此得謂不以

水言邪?

四

海。

釋地》不繫水。」余曾以

於海」之海。

海

五,從水之科滿」,科亦坎也。

**臽,坑也。」《説文》:「阬,虚也。」阬與坑同。** 

爾雅》:

《説文》:

禮》注「四海猶四方也」解者,如上云「天下慕之」下云「溢乎 宜從《爾雅》解者,「四海遏密八音」是也,有宜從鄭康成《周 也,不盈科不行」,趙岐注並云: 「科,坎也。」《太玄・從》「次 注云:「科,坎也。」義並相近。」又云:「《釋水》:「飲、窞、科 《孟子・離婁》篇『原泉盈科而後進』、《盡心》篇『流水之爲物 四海」解以解凡云「四海」者,曰:「九夷八狄七戎六蠻謂之 放至」至「取也」○正義曰:《禮記・祭義》云「推而放諸東 而準」,注云:「放猶至也。」「至於四海」即「注諸海」、「人 海」,上云「中天下而立」下云「定四海之民」,蓋四海 也。」按" 閻氏所云四海之義有二者, 當一指 古書所稱四海皆以地言,不以水言,故《爾雅》此條繫 「窠、空也。」《孟子・離婁》篇「盈科而後進」,趙岐 「康、虚也。」康、坑、飲、科、渠、皆空之轉聲也。 閻氏若璩《釋地又續》云:「胡朏明執《爾雅 《書經》質《孟子》「放乎四海」,禹「以 范望注以科爲法,失之。」〇注 爲《爾雅》所云,一 大抵四海之義有二: 以水之有原本者比 坑之言康也 爲 水 鄭 即 指 有 事 氏 天 横,洫 有畛。 當備。 涸。」是雨集在周八月夏六月也。 也。 之有原本者。 夫間。 也。 川,川上有路,以達於畿。」鄭氏注:「以南畝圖之,則遂縱 夏至之後五六月間多大雨者,常也,或秋霖不時 令》:「季夏之月,水潦盛昌,大雨 皆盈,其涸也,可立而待也。注苟,誠也。 十夫有溝,不可謂二十夫之間,故變間言夫也。 田,析之百毗以爲百畝。 澮」,當有誤。 令無本,若周七八月夏五六月天之大雨,潦水卒 人職》云:「凡治野,夫間有遂,遂上有徑。 大溝小澮皆滿。 「苟志於仁矣」、《集解》引孔曰:「苟,誠也。」《禮 南畝故毗横,毗流於遂,故遂縱,遂在兩夫之間,故謂之 縱澮横,九澮而川周其外焉。」按,畝,長畝也。 疏注「苟誠」至「故也」○正義曰: 百夫有洫,洫上有涂。千夫有澮,澮上有道。 孟子奉 夫間,東西之間也。 程氏瑶田 苟爲無本,七八月之間雨 周 朔、舉其常耳。 然其 通藝録・ 南畝者, 涸乾 其 南北 可立待者,以其無本故 自 乃孟秋之月亦備水潦,蓋 澮大于溝,此言「大溝 溝洫疆 之間則 時行。 北視之,其畝横 《論語 溝横連十夫,故曰 理小記》云: 仲秋之月,水 十夫有溝,溝 里仁》篇 集,溝 溝經十夫 而至,亦 記 萬夫有 一夫之 陳於南 「《遂 誠 澮 月

小 所 始

之水並· 其文者,蓋自有義,不宜襲用《遂人》之文矣。 間 Ш 而 不若《遂人》夫爲 宜 有川焉,大川之上必有涂焉。]按,毗在 謂之澮,專達於川 九夫爲井,井間 伐 考之不察矣。 路復有横路邪? 澮 千夫中 夫有洫 流 ·井,不嫌井 承之,井中 入于 鄭氏猶以『遂者夫間小溝』釋之。 八尺深八尺,謂之洫。 首 而爲之南畝, 照横順其畝之首尾, 而 也 ,廣尺深尺謂 JII 周 謂 井 也。 洫 入於川 之屋者、三夫 田 其外」,恐不然矣。 故曰千夫有澮 洫 夫三爲屋,三夫田 間之稱。 無溝,溝 之長如溝, 匠 之水人澮 ,故曰萬夫有川, 廣四尺深四尺,謂之溝。 其横者則一 ,各載其名。 人爲溝洫 遂以受毗水,此 當兩 田 溷十井之縱者,其縱亦遂之在屋間 相 縱承十溝,十溝之水皆人焉 首倍之。 ,澮長十倍於洫而横承十洫之分 方百 也。 連 井之間,故以井間 綿 一萬夫間之道也。 Ш ,耜廣五寸,二耜爲耦, 首同枕 如 里 澮十之,横 凡天下之地勢,兩山 上有 澮横川自縱 上爲同 屋 所以 廣二尺深二尺,謂 然 以 遂非 路以 行水入於遂,故 同間 别夫間 但 遂。 一夫百畝中,物 不 達 疆 貫萬夫之中,十 方十里爲成,成間 之以 也。 在 於畿,安得 遂 廣二尋深二仞 命之。 遂流井外, 夫間 而 在屋間 澮但言九,亦 别 言 鄭氏謂『九 而 田 夫 , 故 其 之間 非 之遂。 首 而 耦之 其 長 記 有 遂 日 也 己。 溝 縱 布 而 連 變 夫 在 土 必 澮 百

者亦 若然 之。 間。 同之間 也。 洫縱當兩成之間,故曰成間有洫 爲之而以爲 匠人二法所同者。 子戎車之利」也。 伐齊必向東,東畝 縱洫横,澮縱川横。]余謂 同,標録自爾殊致矣。 川」之文,而萬夫有川 析疑,舊聞舛互 名斯稱矣。 山 成間之稱。 受畖水者 **夫間縱者但** 一之間 如 由 是井田 萬夫之田十澮,納百洫之水,故一 洫十之,含萬井爲一 以例 一不明田首之遂不命夫間之故,而以爲 賈説,是東畝法 故 也。 日 分其畍 況夫間爲兩夫之間,人所共知,遥 溷十成之横 田 一同間 澮 之制必 溝十之,含百井爲 首 在 ,咎安辭哉? 1必在 則川 有澮 同 而無遂,又不明遂人夫間之遂亦 賈氏不明匠 間、 無南畝 世。 但 百畝之南,故必易其縱横以 横 耳。 賈公彦云: 者 爲東 洫 準 而 同,十洫之水咸 縱横無定法,視其畝之東南 在 矣。 《左傳》晉 其 ]1] 溝水十遂之目。 澮達於川 成間、 畝 是故萬井之田 横 上路乃可 人於遂不命夫間之故 也。 豈其然乎? 亦溝之在井間 成,十溝之水,咸 『井田之法,町縦遂横 溝 洫之長連十成,亦 爲 使齊 在井 同之澮獨著「專達 JII 東 南 人於澮, 在 間,其 盡 畝 西 Ш [行,故 與 之確證 形 東 而 間,命 澮 相 後世 遂人夫間 其 體之端 而受遂 疏 事 界 , 澮横當 畝 通 日 證 相 人 解斯 而以 之日 於 兩 遂 其 惟 同 於 田 而 緒 辨 以 同 水 不 説 洫 記 首 爲 溝 之 厥 嫌 吾 晉 爲 於 惑 兩 兩 者 不

溝

洫

之制

存

而不壞

, 豈惟原田之利?

農無水潦之患而

天下

矣。 神禹之治水也,濬毗澮以入於川,是故水之行於地中也,小 於是專達於川之一澮,不得不十倍增之而又或以爲九矣。 考,而强以屋間之遂當井間之溝,以井間之溝當成間之洫 遂同其實而横爲之,於三夫相連之中因置間字之義勿復深 若以之備旱,則宜豬之不宜溝之,宜蓄之不宜洩之。 爲備潦,非備旱也。 溢之害也。 衆水,以達於川。 横之説也。 曷爲承之以溝也? 狹淺深之等不足以盡 以,即澮;衆以爲川。 大之形三者而已。 夫然後 洫字从血 成間之洫當同間之澮,而以同間之澮當兩山之間之川,而 而 而 其承毗者名之爲遂,何也? 澮,又等而增之而洫 遞 一深也,是溝之法,非豬之法,是洩之非蓄之也。 日 ,以洫承溝,謂是血脈之流通也。 鄭氏注《小司徒》云:「溝洫爲除水害。」余亦以 名之曰 |雨集,以大受小,遞相 初分終合,所以盡水之性情,而不使 故制字以象形,一水爲く,即畖,二く 溝,所以象其形。 歲歲治之,務使水之來也,其涸可立待。 一縱一横,乃見交暢之義。 疏瀹之理而奠萬世農業之安,於是由 及其盡力於溝洫也,則以爲非多其廣 而溝而遂,乃以承夫百畝中之毗。 慮其蓄而弗暢也,故遂之。 承焉,不崇朝而 象形曰溝,會意 澮,會也。 溝, 冓也 盡達 今之遞  $\exists$ 故使 會上 於川 有 洫 縱 爲 汎 耻之。 燥也。 溝洫

III

《廣雅・ 得善聲, 詁》云:「涸,竭也。」《章指》以「不竭」爲「有本」,是以 溝洫不治,則入川之水皆汙濁之渾流,實足以爲川害。 之川,亦因之而治矣。 個」也。 涸,枯也。」《藝文類聚》引《洪範五行傳》云:「旱之言乾。」 不壞,即 故聲 釋詁》云:「肪,乾也。」肪即枯。 《吕氏春秋·慎大》篇云「商涸旱」,高誘注云: 令聞 聞 謂天下之川永無崩決之虞可也。」《爾雅 過 過 其 情,君子耻之。」注 情,若潦 夫川之淤塞也,有所以淤塞之者 水不能久也,故 乾枯皆燥,水竭故 人無本行,暴 「竭」釋 君 然則 也 子

以

晝 學》云「無情者不得盡其辭」,注云:「情猶實也。」故 語 過實,君子 過 逝者如斯。」疏「虚聲過實」〇正 夜。二 ·子罕》篇云:"「子在川上,曰:"逝者如斯夫,不舍 宣」爲 章指:言有本不竭,無 「過情」。 耻諸。 〇「是以 是以 至「如 仲尼 斯」〇 本 義 在 則 日 ]]] 正 涸 禮 H 日 記 日 虚 此 • 聲 以 大

孟子曰:「人之所以異於 禽 潤 者 幾希。

摆; 之。 存,必賴君子教而存之。 能 獸亦有此性,未嘗異也。 此良人妻妾何異也?」何異猶曰幾何,亦豈遠之意。 泣者幾希矣」,注云:「言今苟求富貴,妻妾雖不羞泣 爲近,則以希爲少,二義可互明。 訓 人相 深山之野人者幾希」,注云:「希,遠也。 注云: 無幾也」〇正義曰:《告子》篇「其好惡與人相 不知義之間耳。 庶民去之,君子存之。 言》云:「希,摩也。」《廣雅》希、剴皆訓磨。 幾者動之微」,微、靡義同無。 爾雅 知義與不知義之間耳」〇正義曰: 知義,禽獸 少,無幾即甚近甚少之謂。 趙氏不愧通儒也。 心雖能知之而 去豈遠?」此 「幾,豈也。 釋詁 不能知義也。 <u>\tilde{\</u> 豈希,言不遠也。」《盡心》篇「其所以異於 衆民去義,君子存義也。 舍而去之,則同於禽獸矣。 兩注互 「饑, 汔也。」郭璞注云: 舜明於庶物,察於人倫,由 此孟子道性善之本旨,而趙氏 乃人之性善,禽獸之性不善者,人 相 因此心之所知而存之,則異於 訓詁。 注幾希,無幾也。 以希爲遠,則幾爲豈, 幾、希二字疊韻,幾訓 又「其妻妾不羞也而 飲食男女,人有此性,禽 幾通作 當此之時,舜與野 「謂相摩近。」《方 蟣, 蟣 磨、 近也者幾 庶民不能 疏注「幾 摩皆 與豊 知 近,希 通 者, 義 ○注 以 《希」, 不 能 靡。 通。 與 明 自 禽 與 相 幾 希

之。 仁 能知仁義; 於庶物、察於人倫、故去之、舜能明於庶物、察於人倫、故存 使知仁義也。 識 秋·功名》篇云「不可不察」高誘注,皆云:「察,知也。」知 篇云:「而亂大倫」、《集解》引包曰: 注「倫序」至「堯舜」○正義曰:《説文》人部云: 行,非彊力行仁義 明庶物之情,識 亦必不能 獸性本不知有仁義,而彊之行仁行義,則教固 人倫」,知人可教之使知仁義 又即人理。《楚辭・懷沙》云「孰察其撥正」王逸注、《吕 序,義亦同也。 云:「倫,比也。」顔師古《匡謬正俗》云:「序,比 既夕記》云「倫如 日 也,庶物即禽獸也。 一義行, 道 性本知有仁義,因而存之,是由本知之仁義行也, 也。」等輩則有類次,故趙氏以「序」釋「倫」。 制。 非 庶民知仁義而行之,亦是由仁義行,非彊之以 :行仁義· 同此飲食男女,人有知則有倫理次序。 故庶民不知仁義者,君子教之使知,則 「一曰道」,則人倫即是人道。 ,朝服」、《禮記·中庸》云「毛猶有倫」**,** 人事之序,仁義生於内, 也。 「明於庶物」,知禽獸之性情不可 也。」注倫,序, 故道 也。 性 舜,君子 善,言必稱 「倫,道 也。 察,識 理也。」 《論語・ 必不能 庶民不 也。」倫、 堯舜 由 「倫,輩 《儀禮 其 也。 則 庶民 微子》 「察於 行,威 中 教之 人倫 注並 能 氏 也 比 疏 即 舜 所 而 明

義濟其不義。 皆知有仁義而莫不曰行仁,莫不曰行義,以仁濟其不仁,以 通變神化,使之由仁義行,由即「民可使由之」之由。 有人倫矣,故其不仁義也,非昧也,是去之也。 物、察人倫,始於伏羲氏。 本不能知而使之行仁義也。 H 禽獸,直可謂之昧,不可謂之去。 用 而不知,乃正所以存仁義也。此孟子所以不稱伏羲氏 蓋行仁義正所以去仁義也,由仁義行則百姓 其時民全不知有人倫之序,同 此庶民所以異於庶物也。 人道既定,庶民雖愚,皆 舜明之察之 是時民 明 知 於 庶 義

章指:言人與禽獸,俱含天氣,就利 章指:言人與禽獸,俱含天氣,就利 章指:言人與禽獸,俱含天氣,就利 草指:言人與禽獸,俱含天氣,就利 草指:言人與禽獸,俱含天氣,就利 m

堯舜也

美酒 也 孟子曰:「禹惡旨 儀狄 作 酒 禹 飲 而甘之,遂 酒 而好善言。 疏儀 狄 注旨 而 絶旨 酒

酒。 常矣。 其從何方來。 酣,請魯君舉觴,魯君興,避席擇言曰:「昔者帝女令儀 義言之。《論語・八佾 常,謂不滯於一隅也。」此以無常爲不滯於一隅,則兼方所 遲疑,今聖臣應之疾速如響之應聲。 者也。」注云:「齊,疾也。 卒遇變,齊給如響,推類接譽,以待無方,曲 也」〇正義曰:《禮記・檀弓》云「左右就養無方」、《内則》云 中,立賢無方。 必有以酒亡其國者。」」引《書》詳見《公孫丑》篇。 酒而美,進之禹,禹飲而甘之,遂疏儀狄,絶旨酒,曰:後世 上執中之有權,「無方」當如鄭氏注之爲「無常」也。 之」,即《荀子》「應卒遇變,齊給如響」之謂,是兼以無方爲 爲「不問其從何方來」,是以方爲「方所」之方。 方。」此方固指方所,而鄭氏亦訓爲「有常」。 「博學無方」,注皆云:「方,常也。」《荀子・臣道》篇云: 日 《書》曰「禹拜讜言」。 《戰國策・魏策》云: 蓋執中無權猶執一之害道,惟賢則立而無常法,乃 舉 伊尹以爲相 注執中正之道,惟賢速立之,不 》篇云:「父母在,不遠遊,遊必 應事而至謂之給。 「梁王魏嬰觴諸侯於范臺, 疏注「旨酒」至「讜言」〇 也。 無方,無常也。 疏注「執中」至「相 成制 趙氏以 夫卒變,人所 云「惟賢速立 象,是 《史記 待之無 「無方 湯 致作 聖 執 問 臣 正

○注 擾,故 道 通 虚賦》云「先生又見客」, 福也。」杜注:「如傷、恐驚動。」與趙注「雍容不動擾 疏 未 之,仍無常之謂也。 殷 證》云: 注 所言,與趙氏同。 以執中爲「執中和」,以無方爲「收天下雄雋之士」,亦以無方 中 以 云: 合。」按:《吕氏春秋・分職》篇云「天寒起役恐傷民」, 和 正天人之道, 滋味悦湯 本紀》云: 盡,尚有賢 》歷述帝王之號,自伏羲定人道,祝融屬續三皇之道,顓 注「視 視民如傷者,雍容不動擾也。 殷者,中也 「傷,病也。」文王視民如有疾病,凡有疾病之人不可 「望道」至「紂也」〇正 ,舉伊尹,收天下雄雋之士。」此即本孟子此言而衍之。 「如傷」爲「不 「《左傳》逢滑曰:「臣聞國之興也,視民如傷,是 民」至「擾也」〇正義曰: ,致於王道。」趙氏引伊尹 「伊尹欲干湯而無由,乃爲有莘氏媵臣,負 (臣,道 明 能 當爲中 文王視民 動 《越絶書・外傳・枕中》篇云: 推 擾 未得至,故望 信 二,因 顔 和之道 堯 義曰:《漢書· 師 道。 不動擾,故 古注 如傷,望道而未之見。 也; 夏者 \(\frac{1}{2}\) 周 ,似謂自媵臣保伍 望道 周者,至也,密也, 氏廣業《孟 而 大也 「見猶至 不致 司馬 雍容」不急迫 而 明當守 誅 未至,殷録 相如傳》《子 也。」《白 於 子章指攷 「湯執其 紂 也」正 持 中 鼎 也 也。 道 動 其 升 大 頊 虎 注 俎

侯也。 見也。 也。 也。 德周 栗,此皆「不泄邇」之事也。 發,言奉文王以伐,不敢 狎也。」《説文》女部云: 王子旦、問粥子、《管子》載其問癸度、觀兵孟津 王師,脩文王緒業。 緑衣》「曷維其亡」,箋云:「亡之言忘也。」是「忘」即 辵部云: 於媒,故以 上,望天下有治道而未之見,此仍趙氏義而稍變者也, 文王而不代殷有天下也。 天下有其二以服事殷,故望道而未至。 己誅無道。」趙氏之意謂紂無道,誅之所以致 「橋泄者,人之殃也。」注云:「泄與媟同。」泄本發洩之洩,通 而」爲「如」,謂文王愛民無已,未傷如傷,望道心切,見 武王以太公望爲師,周公旦爲輔,召公、畢公之徒左右 密,無所不至也。 不泄狎近賢,不遺 武王不泄邇,不忘遠。 疏注「泄狎」至「侯也」○正義曰:《方言》云: 「遺,亡也。」心部云: 「狎」釋之也。 《説苑》載其問太公、《賈子新書》載 又云:「王者受命,質家言天命己, 自 「媒,嬻也。」《荀子・ 「邇近」、《爾雅 近時通 專,乃告司 忘 是「邇 遠 「忘,不識也。」《詩・ 善。 解有 一謂朝臣 馬 近謂 注 道即命也,天命已 釋詁》文。 司徒 也。 泄,狎;邇 朝 道。 謂文王以 榮辱》篇 《牧誓》告「友 臣, 司 ,自稱太子 空諸 文王 遠 《説文》 邶 其問 風. **Ξ** 媒 如 紂 近 讀 諸

之時,則所以合不合者,非思莫得也。

三王四事,先王之法

各有合。

至周公相成王,成文武之德,其時又異於禹湯文王

以安天下,則所以通其變於文王之服事也。

凡三王之事,皆

於湯之放桀也,武王時,紂益無道,故不泄邇,不忘遠,修己 文王但愛民以輔救之,守臣節以帥天下諸侯,則所以通其變 立賢無方,以通其變,商紂之初,民傷已極而天眷未更,故

既事而退,柴于上帝,祈于社稷,奠于牧室,率天下諸侯執豆 通其變, 夏之末,必各執偏意而用人拘以資格,故湯執中, 堯舜之後,天下乂安,則易生驕泆,故惡旨酒,好善言,以 ·待旦。」注三王,三代之王也,四事,禹湯文武所 疏「周公」至「待旦」〇 而思之,參諸天 幸而得之,坐 「牧野 物, 有 禹 是 知 也。 仰昊天」、《列子•黄帝》篇云「中道仰天而歎」,故以 通神化者也。 爲萬世法。 《易・繋辭傳》云「仰則觀象於天」、《詩・大雅・雲漢》云「瞻 作『也』。韓本是也。」〇注「仰而思之參諸天也」〇正義 本、廖本、孔本、《攷文》古本同。閩、監、毛三本世作者,韓本 也」〇正義曰: 按:参三才合四時,亦損益通變之義。〇注「己行有不合 事謂四時之事。是則帝王出政必參乎三才,合乎四時。」 施於春秋冬夏』,据此 兼三王,以施四事」,伏生《大傳》則云『周公兼思三王之道以 參諸天」。 有不合則思,所爲以道揆也。 按: 自下望上爲仰,自後觀前亦爲仰,此仰思蓋 孟子歷述禹湯文武周公以明之,皆法堯舜之變 江氏聲《尚書集注音疏》云:「《孟子》『周 阮氏元《挍勘記》云:「「己行有不合世」,岳 ,則《孟子》所言三王謂天地人三統,四 堯舜以 通變神化治天下, E:

也。

坐以待旦,言欲急施之也。

行事也。不合,己行有不合也。

仰

不合者,仰而思之,夜以繼日;

正義曰:

封

遠」謂諸

侯也。

周公思兼三王以

施

四

事

其

籩,駿奔走」、《史記》言「封諸侯,班賜宗彝,作分殷之器

先聖王之後,封功臣謀士」,此皆「不忘遠」之事也。

邦冢君,及庸、蜀、羗、髳、微、盧、彭、濮人」、《大傳》言

承

也,云「其有不合,仰而思之」,則所以通變神化可知也。

細審此章之指,云「兼三王」,明三王不相沿襲可

王太平之隆。 章指: 言周公能思三王之道 禮樂之備,蓋由 此 也。 以 輔 成 即謂仰舉三王之事而思其合也

亡然後《春秋》作。 孟子曰:「王者之迹熄 注王者,謂聖王 而《詩》亡、《詩 也。 太平道

四六七

衰,王迹止

鬼,頌

聲不作,故

《詩》亡。

《春秋》撥

亂

弑,三 雄封。 鞏固之天下而 王 原 無爲王敵愾者。 伐,不惟無功,日後荀賈且爲晉所滅。 德討罪、興滅繼絶之義。 突救衛書『王人』, 樊皮叛王, 號公奉命誅不服: 庶幾得 還 子 滕、辥、杞本列侯也,降爵而爲子伯。 以 天下,然當春秋初年,聲靈猶未盡泯也。 作於衰世 右卿士,鄭據虎牢之險,號 詩》亡、《詩》亡然後《春秋》作。』東遷以後,政教號令不 春秋大事表·王迹拾遺序》云:「孟子曰: 『王者之迹 朝不 **%賜晉** 王朝; , 諸侯之妾猶不敢僭同於夫人。 王師伐邾,秦偕 綱盡矣。 其時賦 復 ,舉崤函之險固、河内之殷實,悉舉而畀諸他人,自是 能 曲沃以支子篡宗,赫然興 也。 出 陵夷衰微至此,豈 車萬乘,諸侯猶得假王號令以征伐與國,故鄭 嗣 旅 而僖王之世,命曲沃爲晉侯,貪寵賂,獎篡 疏 「王者」至「秋作」〇 後王室益微 王師伐魏。 與 初 然鄭以懿親 年聲勢大異 有桃林之塞,左提右挈,儼然三輔 二邾本附庸也,進爵 迨至晉滅虢而 虎牢已兼并於鄭,仍奪之 師 朝 而 矣。 列國之卿猶請命於天 ,而且交質矣。 甚至射王中肩,列 致討。 夕之故哉? 正 鄭伯、號公爲王 以 義 文武成 日 : 襄王 衛朔逆命,子 顧 而爲子; 一復以 康維 曲 氏 惠、 沃之 行於 熄 棟 温 左 襄 持 國 命 IIII 高

年王師伐翼伐曲沃至莊六年救衛,未嘗無征伐之事,而 要之,桓、文正未可輕貶者也。 戰國,王者之不作已久,生民之憔悴已甚,齊宣有其地 鞏伯,而王孫滿以片言却强楚於近郊之外,譬之以太阿授人 以 孔子作《春秋》繼之。 於經,蓋霸者之事即王者之迹,霸者亡而王迹熄矣。」顧 會召陵而後,成桓公之會侵鄭,單平公之會黄 大征伐必皆請王人主之,諸侯亦遂無敢抗者。 宋,齊桓請師於周,單伯會之,取成於宋而 倒置,喜怒失常,故號令不行,每戰輒敗。 民而不行王政,僅僅以桓、文爲問,故孟子斥之爲不足道 王迹熄者,桓、文之力也,故孔子仁管仲而 文之罪。 書》云: 而 獨能憑藉先靈,稱述祖制,折服强暴,若襄王拒請隧,定 侯之師,蓋齊家之道有闕,政本不脩,皇 虞東學詩 詩》亡、《詩》亡然後 後,世有兄弟之難,子頹、子帶、子朝迭亂王 欲以朽索控跅趾之馬 「竊嘗論《春秋》家之弊在於賤霸,謂 桓、文時天命未改,周室已衰,陵夷至於敬 迹熄詩亡説》云: 《春秋》作,其事則齊桓晉文。』蓋: 迹熄《詩》亡,著明所以作《春秋》之義 ,嗚乎其難哉!」楊氏椿《與 「《孟子》歷 孟子曰: 『王者之迹熄 綱陵遲,君 放羣 莊十四年諸 還。 正 《春秋》專 一齊桓。 室, 池,皆不 聖之事 定四年 自是大盟 數 子 孟 顧 數 自隱 王然後 関 治 有其 氏 復 劉 子 王 勤 而 侯 是 馬 桓 伐 見 會 非 Ŧī. 而 諸 熄與不熄,不繫於本書之有與無也。」趙氏佑《温故録》云:

注『太平道衰,王迹止熄,頌聲不作,故《詩》亡』,不用雅亡

多録東周、《魯頌》亦當僖世,則愚謂《詩》之存亡繫於王迹之

所以存王迹于筆削之文,而非進《春秋》於《風》《雅

詩》者、《風》《雅》《頌》之總名,無容舉彼遺此。

若疑《國風

》之後。

熄而《詩》亡』也。孔子傷之,不得已而托《春秋》以彰衮鉞,

子不省方、諸侯不入覲、慶讓不行而陳《詩》之典廢、所謂「迹

海

,中興之迹爛然著明,二《雅》之篇可考焉。

洎乎東遷而

天

蕩》,

而

南田》東狩,爲芾來同,撻伐震於徐方,疆理及乎南

考其得失,而

慶讓行

焉, 所

謂迹也。

夷、厲以

來,雖

經

《板

守述職。

巡守則天子采風,述職則諸侯貢俗。

太史陳之以

離莫據,即迂仲諸説

亦可

存而不論。

蓋王者之政莫大於巡

春秋》之作何預於迹?

此義不明,則不獨《黍離》降風,支

風降之說,獨爲正大,而向來罕述之者。」晉之《乘》、楚 亦曰「趙盾弑其君」。 出奔』。 諸侯之策曰「孫林父、甯殖出其君」、《春秋》書之曰 修《春秋》曰「雨星不及地尺而復」,君子脩之曰「星質如 則孔子取之。 盾、崔杼之事,時史亦直載其名,安見亂賊之懼獨在《春 斯大《學春秋隨筆》云:「《春秋》書弒君、誅亂賊也, 者,故舉之。 事之名。其 記惡之戒,因以爲名。 賦乘馬之事,因以爲名。《檮杌》者,嚚凶之類,興 之矣。』」推此三大國史記之名異。 之《檮杌》、魯之《春秋》,一也。 而不在諸史? 竊,亦聖人之謙辭。 以爲素王也。 晉文,其文則史,孔子曰:『其義,則丘 此以變爲義者也。 (事,則 諸史無義而《春秋》有義也。 其文,史記之文也。 曰: 孟子言之矣。《春秋》之文則史也,其義 孔子人臣,不受君 齊史書曰「崔杼弑其君」、《春 五伯所理 疏「晉之」至「之矣」○正義曰: 《春秋》,以二始舉四時 晉史書曰『趙盾弑其君』、《春秋 也。 命、私作 孔子自知 桓、文,五 《乘》者,興於田 其事則齊桓、 義有變有因。 謂 之,故 伯 秋》亦 一衛 ; 記 竊 之 取 萬氏 雨」。 侯衎 mi 秋 盛 取 於 萬 不 之

略具。

愚竊以爲所欲究者,王迹耳,王者之迹何預於《詩》?

立兩義,後世鄭學盛行,遂遺趙説。

李迂仲兼而存之,古義

曰「太平道衰,王迹止熄,頌聲不作,故《詩》亡」。

黍離

》於《國風》,齊王德於邦君』。

然考趙岐

注《孟子》,則

是漢儒原

自鄭康成有『不能復雅』之云,而

范甯序《穀梁》遂謂

一列

功。 玉。 之言。 秋 故 者,義之和,變而通之以盡利,察於民之故乃能變通,即 爾。」此與孟子所述略同。 序則齊桓、 昭公十二年《公羊傳》引孔子之言云:「《春秋》之信史也,其 莒之弑逆得董狐、南史其人,則書必以名,赴必以實,鮑與庚 以 机》,孟子論《春秋》而幸及。 察於人倫」也。 其義」,則義指貶刺撥 由 慮。 (趙氏注「罪我」爲「時人見彈貶者」義同。 《必不書人書偃,僕、光必不稱國,良史又曷可少哉?」按: 名赴、《春秋》得以名書、賴史官之直筆也。 》而不在諸史,有由然也。 杼 無惡不顯,三綱以明,人道斯立、《春秋》之義遂與天地 仁義 彼董狐、南史、左氏傳《春秋》而獲存,晉《乘》、楚《檮 孔子當迹熄《詩》亡之後,作《春秋》以撥亂反正,亦由察 弑其君」。 精義入神以致用,即周公之「思兼三王」也。 何休注云: 義者,宜也。 行 晉文,其會則主會者爲之也,其詞則某有 而 不 此 天下何思何慮? 行仁義,周公思之,故知其 「其貶絶譏刺之辭有所失者,是丘之罪。」 以 因爲義者 舜之所察,周公之所思,皆此 3 亂可 其云「有罪」者,則括「知我罪 知。 當時則書,久則亡焉。 雖然,以盾、杼之姦惡,齊晉得 也。 孟子述孔子之言,特指 天下同歸 因 與變相參,斯 而殊 有 公羊氏以此 使晉、宋、吴、 不 途,百 合 懼在《春 舜察之 義。 有美必 而 罪 兼 致而 舜之 我 當 利 出 焉 同

> 《乘》、《檮杌》兩名,故趙氏以爲「三大國史記之名異」。 著在 《墨子》書稱「吾見百國《春秋》」,又云「著在周之《春秋》」、 也。」凡此諸文所説皆在孔子之前,則知未脩之前,舊有《春 曰: 云: 「教之以《春秋》。」《禮·坊記》曰: 궁: 年,所以紀遠近、别同異 記之名也。 孔子不得位 之思之而知其義也。 秋》之目。 至「謙辭」❶○正義曰: 秋》」,則孔氏以爲「同名《春秋》」,似矣。 起聘魯, 春 四時,故錯舉以爲所記之名也。」孔氏正義云:「昭二年韓 秋正義》又云:「《春秋》是其大名,晉楚私立别號魯 殺其君之子奚齊。」又《經解》曰:「屬辭比事、《春秋》教 『羊舌肸習於《春秋》。』《楚語 燕之《春秋》」、「著在宋之《春秋》」、「著在齊之《春 稱見魯《春秋》。 據周世法則,每國有史記 記事者以事繫日,以日繫月,以月繫時,以 ,所變通在言,亦變通趨時之妙也。 舜以王,周公以相,所變通 杜預《春秋序》云:「《春秋》者,魯史 也。 《外傳 故史之所記,必 晉 半 當同 語 - 叔時 乃孟子於晉楚明舉 《魯春秋》記晉 》司 名《春 表年以 論傅太子之法 馬 侯 在 秋》。」按: 對 注 行 首 晉悼 在 「此三 事,年 孔氏 無別 時繫 施 喪 公

有

<sup>0</sup> 本書及阮校所述廖、孔、韓等本注文改。 辭 下 原有 爾」字、合於宋十行、閩、監、 毛等本,今據

爲

檮

《檮杌》者,在記惡而興善也」。」惡獸本服虔,假獸之惡、人之 《乘》者,取其善惡無不載。 也,檮 子,不可教訓,不知話言,舍之則嚚,傲很明德,以亂天常。 及陰陽地里農耕國筴之事。 馬》、《臣乘馬》、《乘馬數》、《問乘馬》等篇,本以一乘四馬,廣 頭則名頑。 未析者名桡,即名槶。 文》頁部云:「頑,槶 惡爲戒,其義亦同。 柮」,云:「斷木也。」引《春秋傳》。《國語・周語》云「商之興 民知神姦之例,故云「興於記惡之戒」。《説文》木部作「樗 是「檮杌」爲「嚚凶之類」。史記以《檮杌》名,亦鑄鼎象物,使 于此,謂作于此也。 能屬不退。」《音義》云: 云:「檮杌,狀似虎,毫長二尺,人面虎足猪牙,尾長丈八尺, 天下之民謂之檮杌。」賈逵注云:「檮杌,凶頑無儔匹之貌。」 院,楓木薪也。」「析,破木也。」按:薪有析者有不析者。 放守其本名。」是也。 杌,亦戒惡之意也。 机次於丕山」,注云: 是檮杌即頑之名。 惟檮杌皆從木,則爲斷木之定名。 文公十八年《左傳》云:「顓頊有不才 頭也。」木部云:「楓、梡木未析也。」 縱破爲析,横斷爲檮杌,斷而未析 「乘,丁音剩,云「晉名《春秋》爲 乘是兵車之名,《管子》書亦有《乘 孔氏《春秋正義》云:「年有四時, 檮杌,惡獸名也。楚謂《春秋》爲 「檮杌、鯀也。」服虔引《神異經 晉史之名《乘》,或亦同之。 因其頑,假斷木之名以名之 《説 其 其 興 0 既自名又稱竊,故云「亦聖人之謙辭」也

静郭君」,高誘注云:「竊,私也。」故以「竊取」爲「私作」。 詳見《滕文公》篇。 趙氏名「記萬事之名」、●「以爲素王」,亦本此爲説也。 策》云:「孔子作《春秋》,先正王而繋萬事,見素王之文焉。」 時」,二始即春爲陽始,秋爲陰始。 賀道養云:「春貴陽之始,秋取陰之初。」趙氏言「二始舉四 冬,故舉二字以包四時也。 記之名。春先於夏,秋先於冬,舉先可以及後,言春足以見 不可编舉四字以爲書號,故交錯互舉,取春、秋二字以爲所 而》篇言「竊比於我老彭」,亦自謙之辭。 休以孔子稱有罪爲「聖人德盛尚謙,故自名」。 冬夏也。「記萬事之名」,即所謂「無物不記」也。 法陰陽之中,春爲陽中,萬物以生, 在其中,《春秋》之書,無物不包,無物不記。賈逵云:「取 《吕氏春秋・知士》篇云「孟嘗君竊以 四時之内,一切萬物生植孕育盡 舉謂包舉,即舉春秋以 秋爲陰中,萬物以 此云「丘竊取之」、 《論 董仲舒《對 語 素王 成。」 述 何 諫 包

號

無所詠、《春秋》乃興。 章指:言《詩》可以言,頌詠 假史記之文,孔子 太平。

上「名」字,據文意疑當作「云」或「曰

矣」,注云:「頌聲者,太平歌頌之聲,帝王之高致也。」 平告文王也。」宣公十五年《公羊傳》云「什一行而頌聲作曰:《毛詩序》云:「發言爲詩。」又云:「《維天之命》,太正之以匡邪也。 疏「詩可以言頌詠太平」〇正義

雅• 疏注「予我」至「人也」○正義曰:「予,我」、「淑,善」,皆《爾 也。 爲聖賢不在位者。予未得爲孔子徒也,予私淑諸 斬。 人,人謂子思之徒。是孟子與子思年不相接。《孔叢子》有 人也。」注予,我也。我未得爲孔子門徒 于後世,猶水之潤澤。近時通解以君子爲聖賢在位者,小人 及後世,自高祖至玄孫,善惡之氣乃斷,故曰 澤,五世而 「斬,斷也。」趙氏以君子爲大德,小人爲大凶,其善惡之氣流 澤,光潤也。</a>。</a>《毛詩·小雅·節南山》「國既卒斬」,傳云: 釋詁》文。 我私善之於賢人耳。 疏注「澤者」至「而斬」○正義曰:《説文》水部云: 孟子曰:「君子之澤,五世而斬,小人之 斬。 江氏永《羣經補 注澤者,滋潤之澤。 蓋恨其不得學於大聖也 義》云:「孟子言予私淑 大德大凶 也。 五世而 淑,善 一,流 諸

孟子、子思問答語,不足信。」

「不知一跌將赤吾之族也」,注云:「跌,足失厝也。」小人,斬各有時。企以高山,跌以陷汙」〇是以孟子恨不及乎仲尼也。 疏「跌以陷汙」〇是以孟子恨不及乎仲尼也。 疏「跌以陷汙」〇是以孟子恨不及乎仲尼也。 或「跌以陷汙。

孫授易授詩校字

孟子正義卷十六終

## 孟子正義卷十七

江都縣鄉貢士焦循譔集

既可以 與爲惠乎? 之兩可者也。 爲勇乎? 亦人所共知也。 勇之名。 義曰:趙氏以「出 可 但傷此名,亦不陷於惡也。 死,死傷勇。」注三者皆謂 取」、「與」、「死」。 以與,可以無與,與傷惠; 孟子曰:「可以 無取,可以無與,可以無死,故取、與、死則傷廉、 可以取 而不知其傷惠、傷勇正與傷廉者同。 若可以死,可以無死,則 既可 若可以與,可以無與,則忠厚長者豈不以必 ,可以無取,取則傷廉之名,此廉士所知也, 解 取 一事可出可 可 「無取」、「無與」、「無死」,以「入」解 與、可 取,可以無 人,謂取可,無取亦可,是事 死,故取、與、死亦非惡。 疏注[三者]至[惡也]○正 事 可 忠臣烈士豈不以 可 出 取,取 以 人,不至違 死, 傷廉不得名 可 傷 以 廉 必 義。 惠 無 但 死

《説苑 《列士傳》三卷,見《隋書・經籍志》。 本作「則列」是也。 疏「列士病諸」〇正義日 三名,列士病諸。 臣術》篇云: 章指: 言廉勇惠,人之高行也。 《周髀算經》云: 「列士者,所以參大夫也。」劉 故設斯科以進能 韓本、《攷文》占本作「列」,孔 ❶「此列士之遇智。」 者 喪此 向 也 有

之家 爲愈己,於是殺羿。 衆 逄蒙學射於羿,盡羿之道,思天下 也。 《春秋傳》 曰:「羿將 津羿,有窮后羿; 歸 自 田,家 逄 惟 衆 殺 羿 羿

●「髀」,原誤作「裨」,今據原書名改。

羿弟子也,亦能百中。」《淮南子・原道訓》云「重之羿、逄蒙 日 也。  $\overline{z}$ 法》。」《荀子•王霸》篇云:「羿、蠭門者,善服射者也。」注 傳》所云家衆即逢蒙、《左傳》不詳言其姓名。 慝而專其權勢。 筴傳》云「羿名善射,不如雄渠蠭門」、《集解》云:「《淮南子》 民事,信任寒浞,使爲國相。 寒浞,羿相也。 射夫封狐。 之,以食其子。」《楚辭· 傳》即襄公四年《左傳》。《傳》云:「將歸 名羿,故趙氏明此羿爲有窮后羿,非他司射者也。 窮爲國號 莊子云「夏訓有之曰有窮后羿」,注云:「有窮,國名。 之。」 疏注「羿有」至「殺之」〇正義曰: 今有羿、遙蒙、繁弱於此而 家衆謂羿之家衆人,反羿而從浞,爲浞殺羿也。」《史記・龜 「鑑門即 「射者重以逄蒙門子之巧。」劉歆《七略》有《蠭門射 「羿,夏之諸 羿,有窮君之號。」孔氏正義云:「羿居窮石之地,故以 以「有」配之,猶言有周、有夏也。」古司射之官多 國亂流其鮮終兮,浞又貪夫厥家。」注云:「浞, 逢蒙,學射於羿。」《吕氏春秋 言羿因夏衰亂,代之爲政。 侯,有 羿田將歸,使家臣逄蒙射而殺之。」是《左 窮 離騷》云:「羿淫遊以佚田兮,又好 之君 無弦,則必不能中也。」高誘注 浞行媚於内,施賂於外,樹之詐 也。 善射 襄公四年《左傳》魏 百發百 自田,家衆殺而 娱樂田獵,不恤 具備 孔氏正義云: 中。 引《春秋 》篇云: **鑑蒙**, 后,君 亨

子。 爲師,我則遠矣。1公孫丁授公轡而射之,貫臂。」注云:「子 學射於公孫丁。二子追公,公孫丁御公。 曰 : 蠅,古之善射者,彀弓而獸伏鳥下。弟子名飛衛,學射於甘 師,不射爲戮。 庾公爲衛人所使,故知爲衛大夫。 子」至「瘧疾」〇正義曰:孺子爲鄭人所使,故知是鄭大夫, 孺子,鄭大夫,庾公,衛大夫。疾作,瘧疾。 『今日我疾作,不可以執弓。吾死矣夫!』注 子侵衛,衛使庾公之斯追之。子濯孺子 故以下事喻之。 計天下之敵己者一人而已,乃謀殺飛衛。」《吕氏春秋・ 蠅而巧過其師。 引此作「逄蒙門子」,衍一門字也。 《列子・湯問》篇云:「甘 子之巧」,高誘注云:「羿,古諸侯有窮之君也。 孟子曰:「是亦羿有罪焉。」注罪羿不擇 言》篇云:「蠭門始習於甘蠅。」與《孟子》所述事 「衛公出奔齊,孫氏追之。 皆攻射而百發百中。」蓋蒙、門一 薄乎云爾,惡得無罪? 射 紀昌者又學射於飛 爲禮乎?」射 公明 初,尹公佗學射於庾公差,庾公差 儀 兩軥 티 : 襄公十四年《左傳》云: 衛。 音之轉,蒙即門。 而 「宜 還 鄭人使子 子魚曰:「射爲背 紀昌既盡衛之術 若 尹公佗曰: 無 逄蒙, 疏注「孺 罪 近 人也, 焉。 濯 日 而 羿 裴 異。 孺 駰 弟

突然疾作,知是暴疾,故以

「虐疾」明之耳。

瘧即虐也

問

虐疾」正同。」孺子若素有恒疾,則知其期,不當使來侵鄭。

瘧疾寒熱暴至,故名瘧。

虐,古瘧省。

《書·金縢》:「王有疾弗瘳,史乃祝册曰:惟爾元孫某,遘 國間,其記事不同多類此。」按此知孟子未見《左傳》,則《左 於尹公佗,其中或射或不射,即此事而不甚合。大抵春秋戰 當假爲之辭,此傳應是實也。」毛氏奇齡《四書賸言》云:「鄭 行義與此正反,不應一人之身有此二行。孟子辨士之説,或 魚,庾公差。」孔氏正義云:「《孟子》云云,其姓名與此略同, 九年《左傳》「許悼公瘧」,此瘧亦是暴至之疾,與武王之「遘 秋,注云:「瘧疾,寒熱所爲者。」今《月令》瘧疾爲「厲疫」,蓋 厲虐疾。」某氏傳云:「虐,暴也。」周氏用錫《尚書證義》云: 昨,言作則有止,疾之以日作止者,瘧是也。 者、孺子「今日我疾作」、注何必知是瘧疾? 人使子濯孺子侵衛事、《左傳》是孫林父追衛獻公事、非鄭侵 作與年月一作、多日不作而作者,安必其獨瘧乎?」按" 且是尹公佗學射於庾公差,非庾公差學射 「趙氏佑《温故録》云:「古説有難盡解 《月令》「民多瘧疾」,《月令》在孟 諸凡暴至之疾均可謂之虐,昭公十 然疾儘有偶然 殆以言今則有 必生矣。 其僕曰:『追我者,誰也?』其僕曰:『庾公之 始,故斯學於他,他學於孺子,爲其所出之本始也。 繼堯,三聖相受而守一道。」原即本也。 云:「道之大原出於天,天不變,道亦不變。 非有本。」❶《釋文》云:「出,生也。 義曰:《莊子·庚桑楚》云「出無本」,郭象注云:「欻然自生 本所出,必不害我也。 取友必端矣。』建端人,用心不邪辟。知我是其道 公之他學射於我。 謂也?』曰:『庾公之斯學射於尹公之他,尹 夫儼其正策兮」,舊注云:「僕夫謂御車人也。」其、僕 曰: 斯也。』曰:『吾生矣。』注僕,御也。 之斯至,曰:『夫子何爲不執弓?』曰:『今日 『庾公之斯,衛之善射者也。夫子曰吾生,何 「召彼僕夫」,傳云:「僕夫,御夫也。」《文選・思玄賦》云「僕 疏注「僕御也」○正義曰:《毛詩・小雅・出車 夫尹公之他,端人也,其 疏注「知我是其道本所出」〇 本,始也。」董子《對策 凡授受相承皆有其 是以禹繼舜,舜 孺子曰:吾

衛而衛使追也。

》固晚出之書也。

0 「非有」,原誤作「無無」,今從沈校據《莊子》郭注改。

庾公

去」,謂 禦四 不 四發爲禮射。 之他 不敢 還歸於衛,不追孺子,故趙氏以「去」解之。云「禮射四 亂兮。」傳云: 禮 止,每射四矢,皆得其故處,此之謂復射。 兮」○正義曰:《毛詩 反。」注庾公之斯至,竟如孺子之所言。 我不敢廢。」抽矢叩 子之道反害夫子。 公之他,尹公之他學射於夫子。 我疾作,不可以執弓。』曰:『小人學射於 孟子言是以明羿之罪。 儀禮 同 ,射四發而 方之亂也。」「發乘矢而後反」,反是還歸 而教之,何 廢君事。 既去矢鏃,乃以 趙氏引之, 大射儀》云 「四矢,乘矢。」箋云:「反,復也。 至《詩》之「反」,謂反覆其正鵠之故處,與 去。 故叩輪去鏃,使不害人,乃以射 非 由有逄蒙之禍? 司 乘,四 以《詩》之反即 ·齊風·猗嗟》云:「四矢反兮,以禦 禮 馬 雖然,今日之事,君事 射四發其矢而歸 ·輪,去其金,發乘矢而 師坐乘之」,注云:「乘,四 也。 假使如子濯孺子之得尹公 《詩》云:「四矢反兮。」 庾公之發四 疏注 必四矢者,象其能 去。 我不忍以 庾斯發四 「禮射」至「反 引 禮,射三而 矢 圃 詩 而 日 孺 反 议 四 (反去 發 矢而 也。 子。 也 後 夫 尹 我 而 數 譜

> 云「其以乘壺酒」,注云: 之。」《聘禮》云「乘皮設」,注云:「物四曰 乘。」凡四皆爲乘,是「乘」爲「四 以全,善凶 章 指: 獲患。 言求交取 「乘壺 是故子 ,四壺也。」《方言》云: 友,必 也 濯 得 乘。』《禮記 濟 其 難 夷 得 四四 少 儀 以 善

日

殘,可以鑒也。

過之。 汙巾帽 豈越之西施冒古之美人以爲名邪?」按,傅玄謂《管子》書過 之好女」也。 怨氣於面,不能以爲可好。」西施見《管子》,故趙氏以爲「古 曰:《管子·小稱》篇云:「毛嫱、西施,天下之美人也。 皆掩鼻懼聞其臭。 墨莊漫録 孟子曰:「西子蒙不潔,則人皆 而蒙其頭 淮西子,古之好女西施也。 周氏 「管仲在滅吴前二百 柄 也。 中《辨 <u>疏</u> 注 面 正》云: 雖好,以蒙不絜,人過之者! 「西子古之好女西施也」〇正義 「西子即 餘年而 蒙不絜,以 其書 西 施。 己 掩 云西 張 鼻 不絜 邦基 盛 而

子》「厲與西施」,司馬彪注云:「夏姬。」夫越女名西施, 半是後人好事者所加,其稱引西施或是後人附益。① 亦稱西施,則又似古有此美人而後世相因,借以相美, 然《莊 ,夏姬 賈誼 如 善 治以仁義,

티 : 誘注 《新書‧勸學》篇云:「夫以西施之美而蒙不潔,則過之者莫 射者皆稱羿之類。」〇注「蒙不」至「其臭」〇正義曰: 之美人,若使之銜腐鼠,蒙蝟皮,衣豹裘,帶死蛇,則布衣韋 鼻之客也。』《淮南子・脩務訓》云:「今夫毛嬙、西施, 不睨而揜鼻。 帶之人過者莫不左右睥睨而掩鼻。」此本《孟子》而衍之。 「西子蒙不潔,則人皆掩鼻而過之。」是也。」趙氏言「汙 Z: 「雖有美姿,人惡聞其臭,故睥睨 今以二三子材而蒙愚惑之智,予恐過之有 掩其鼻。 · 天下 孟子 高 掩 曰 :

劉熙《釋名‧釋首飾》云: 前也。」《考工記・韗人》「凡冒鼓」,注云:「冒,蒙鼓以革。」 巾帽蒙其頭」,亦本《淮南》爲説。《周禮・夏官・方相氏 「掌蒙熊皮」,注云:「蒙,冒也。」《説文》月部云:❷「冒,蒙而 著黄冒」, 注云:「冒,所以覆冒其首。」是蒙爲冒,而 「帽,冒也。」《漢書・ 雋不疑傳》 冒 即

則可 戒沐浴, 以祀上帝。」注惡人,醜類者也。 自治絜净,可 以 侍上帝之祀。 面 言人當 雖 醜 自 而

帽,故以「巾帽」釋「蒙」字也。

雖有惡人,齋戒沐

浴

類者」也 醜也。」《釋文》引李云:「哀駘,醜貌。 子·德充符》云「衛有惡人焉曰哀駘它」,郭象注云: 注云:「惡,醜也。」昭公二十八年《左傳》云「鬷蔑惡」,又云 秋・去尤》篇云:「魯有惡者,其父出而見商咄,反而告其鄰 罰。」貌恭則容儼形美而成性以終其命,容毀故致惡也。 曰:《書·洪範》六極 · 昔賈大夫惡」,皆指貌醜。 「商咄不若吾子矣。」且其子至惡也,商咄至美也。」高誘 乃 爲善也。 五五. 日 此「惡人」對上「西子」,知爲「醜 疏注「惡人醜類 惡」,鄭氏注云: 它,其名。」《吕氏 「惡,貌不恭之 者 也 0 「 思 Œ 《莊

不潔,鄙人掩鼻,惡人盛飾,可以宗祀上帝。」 疏 潔服,供事上帝。 「明當脩飾 章指: 言貌好行惡,西子冒臭; □○正義曰: 明當脩飾,惟義爲常也 《鹽鐵 論》「殊路」章云: 醜 X

孟子曰:「天下之言性也,則故 而

0 0

引」,原誤作「加」,今據《四書典故辨正》改。

同」,原誤作「曰」,今從沈本據《說文》改

智計 故原 穿鑿之意,正與全文言智相合。 子• 義曰: 故,則 語 與 爲 水性也。」此適有「故」與「性」二字,疑戰國時 故則智不鑿。《易・文言傳》云:「利者,義之和 「以利爲本」,然後斷以己意。 故者,以利爲本。 荷求其故」之故。 順 氣,自指汎言性者,與「人之爲言」、「彼所謂道」語 (戾。)仁爲性,反其仁則乖戾,故失其利也。 (己和順。)利之義爲順 和 桮棬,非杞柳之性也。 其故」也。 「莊周有云: 『吾生於陵而安於陵故也, 長於水而安於 耳 有訓智者。 臣道》篇云: 《四書賸言補》云:「『天下之言性也,則 人者謂之順。」《詩 曲阜孔氏所刻趙氏注如此,其義明白可見。 利之也。 顧 智 「亦何害? 《賈子·道術》篇云:「心兼愛人謂之仁,反仁 《淮南 「從命而利君謂之順。」《脩身》篇云: 改戾其性,則失其利矣。 推步者求其故則日至可知,言性者順 ,故虞翻《易》注謂巽爲利,是 注言天下萬物之情性,當 原道訓 鄭風》「知子之順之」,箋云:「順謂 但當以 因是時俗尚智計,多用穿鑿, 疏注「言天」至「之性也」○ 通 是以 》「不設智故」,謂不用 利 不穿鑿爲主。 孟子言天下言性 故而已矣。」觀 有 《湛囦 此 若以 語。」毛氏 也。」《荀 「故」即 同。 夫所惡 利 静 杞 順 不 機 以 語 」爲 柳 其 智 至 過 其 正

故。 也。 於智, 則人性之善可知矣。《繫辭傳》云「感而遂通天下之故」,又 肖,皆變化 嬴蛖之肉,飢則食,飽棄餘。 之民始不知有父,惟知有母,與禽獸同。 者,義也。」注云: 變化,則知其性之善。 傳》云:「變而通之以盡利。」《彖傳》云:「乾道變化,各正 子獨於故中指出利字,利即《周易》「元亨利貞」之利。 舜」,及《荀子•性惡》篇所云「曾、騫、孝已,獨厚於孝之實 善,幽厲興則民好暴」,「以堯爲君而有象,以瞽 往之事。 云「是以明於天之道 命,保合太和乃利貞。」利以能變化言。 全於孝之名,秦人不如齊魯之孝具敬父」,皆所謂故 人道,無論賢智愚不肖皆變化而知有夫婦父子。 義者謂宜在我者。」其性能知事宜之在我,故能變通。 孟子》此章自明其 《易·雜卦傳》云:「革,去故也。 通者,通其故之利也,察者,察其故之利也, 爲穿鑿也。 當時言性者多據往事爲説,如云「文武興則 而知有火化粒食。 「謂斷以事宜。」《春秋繁露·仁義法》云: 如不穿鑿,則行水治曆,智亦大矣。」 「道性善」之情,與前「異於禽獸 而察於民之故」,又云「又明於憂患 利者義之和、《禮記·表記》云: 神農教之稼穑,無論賢智愚 是爲利也。 鼎,取新也。」故謂 於故事之中審 伏羲教之嫁娶, 於故之中 一艘爲 始食鳥 明者,明 知其 相 也。 父 《繫 上古 其 民 而 發 利 E 孟 好 明 而 有

也。

孔子言「性相近習

相遠」、「惟上智與下愚不移」,移謂

變

也。

禽獸無知,直不能移其性之不善,所以與人異。

則人

以養之,不可戾其情性以養之。

也」,注云:

改」釋之。

改即更造也。

趙氏以「養物」言,言當順其情性

按:此「智」即人性之「利」

爲

其鑿

也。

注惡人欲

用

智而妄穿鑿,不順物之性

而

改道以養之。

疏注「惡人」至「養之」○正義曰:《説

而

已矣,即一義而已矣,即一

智而已矣。

所惡於智者,

不宜,則不智也。智,人也,不智,禽獸也。幾希之間,一利

義不義,義不義即宜不宜。

能知宜不宜,則智也,不能知宜

爲本」,明人之所以異於禽獸者在此利不利之間。

利不利

即

直指性爲善,於此括全《易》之義而以六字盡之云「故者以利 孟子私淑孔子,述伏羲、神農、文王、周公之道,以故之利

文》金部云:「鑿,穿木也。」成公十三年《公羊傳》云「公鑿行

「鑿猶更造之意。」故趙氏以「穿」釋「鑿」,又以

無 通

論賢愚

皆能

知

即皆

I能轉

移,愚者可

以

轉而善,智者可

以

轉而 鑿也。 則爲鑿。 河」,使由地中行,「空虚 之宜,引之就下,行其空虚無事之處。 無 水 讀書好古之實,是鑿也,是智小也。 之空見以爲仁,憑己之空見以爲義,極精微奧妙之論而不本 也,是智小也。 義以濟其不義,用忠孝廉直之名以行其巧詐離奇之術,是鑿 自明鑿字之意,「行所無事」,「由仁義行」也,然則「行仁義 則細,空虚細小皆非大智。下言「行所無事則智大」,此孟子 也;其一爲細、《楚辭· 鑿有二義:其 知,則聖人轉惡其智,故無爲而治,可 則惡其愚; 之處」〇正義曰: 精、鑿也。 也,則 事 爲不善,此習所以相遠。 也。 惟其因智而鑿,故惡其智。 夫知其爲仁義,是已智矣,乃假仁以濟其不仁,假 無惡於智矣。 凡物精之則細小。」是也。 黄帝堯舜以後人不苦於不知,正苦於知 注禹之用智,決江 一爲空,《荀子· 哀公》篇云 知其爲仁爲義,是已智矣,乃無所依據,憑己 趙氏謂水性就下,宜行地中,故 」謂地中也。 離騒》云「精瓊靡以 智者何以 禹之行水 疏 蓋伏羲以前人苦於不知 河,因水之性,因 水行地上則失水之性 如智者若禹之行 使 鑿其内則空,鑿其外 轉 由 而 而 心也,行: 疏注「禹之」至 爲不善? 五 爲粻」,注云: 不可 鑿 爲 使 「決江 而鑿其 其 正是 知 爲其 所 也 地 疏

其故之利

也。

故者,事

也。

傳云:

「通變之謂

事。」非

利不

足

以言故,非通變不足以言事。

諸言性者據故事而不通

其

故

之利,不察其故之利,不明其故之利,所以言性惡,言性善惡

混

,或又分氣質之性、義理之性,皆不識

「故以利爲本」者

也。

而

四七九

《陰陽終始》篇云:「陰之行固常居虚而不得居實,至於冬而 哉 ? 行水。 穿鑿。 居 物 止空虚,太陽乃得北就其 使得爲陽也; 行於盛,陰常居空位 所無事也。《春秋繁露·王道通三》篇云:「陽常居 若禹祗憑空論,無有實事,則 禹 陸。」此穿地之事也。 史公曰: 『禹厮二渠以引其河,北載之高地,過洚水,至於大 及皆以爲妄,過泥「禹之行水,行所無事」之言,謂禹絶無所 破碣石。」此鑿山之事 而 空虚 功,並垂天壤矣。 水不能安於無 ·察人倫,仰而思之,夜以繼日,憂勤極矣,乃所以使民 大禹治 冬出居上,置之空處也。 按: 無 審如所云,則後世築隄置埽,開渠減水之人,皆得與 殊不知堯之水災非尋常之水災,禹之行水非尋常之 事。 禹鑿 水 無事之時,起之空處,使之備次陳守閉塞也。」 Ш 趙氏之言本此 Ш **ふ事矣。** 陵當路者毁之,故鑿龍門 穿地,不能無事,正 而 鯀何以績用弗成? 儒者蔽於一己之意見,凡耳目所不曾 也。 行於末。 胡氏渭《禹貢錐指 類 孟子曰:『禹掘 而與水起寒。」此謂寒水之性 水轉不能 養長之時伏於下,遠去之,弗 如 故陰夏人居下,不得任 智者 所 無事矣。 以 禹何以配天無極 地而 亦 \*\frac{\times}{\times} 辟伊闕 使水行所無 行 注 「賈讓 其 聖 之海。」太 析底柱 實位 人明 所 日 事。 無 行 宜 歲 而 庶

事

則

智亦大矣。

**注**如用智者不妄改作

作事

循

無

否乎?」岐 之行,千歲 端,用其中於民。」舜之大智即舜之無爲,而舜之無爲本於好 正義曰: 致,至也,知其 而 也 禹之行水例之。 無爲而治。 問察言,執兩用中。 事。「行所無事」即舜之無爲而 理 天下亦不能行所無事,此智之大小所由分也。 由仁義行。 行所無事,無爲而治,必 舜其大智也與? 亦大矣」〇正義曰: 窮 教。」率乎性則行所無事,自以 ,星辰之遠 ,若禹行水於無事之處,則爲大智也。 致也。」注天雖 也 日 《禮記・ 伯 月 《中庸》云:「天命之謂性,率性之謂道,脩 孟子恐人以行所無事爲老氏之清浄無爲,故以 星辰 日 曰:「地爲人之下,太虚之中也。」曰:「憑 至之日 日 行水,必決河 中 也,苟求其故,千歲之日至 繫焉。」《素問》云: 舜好問 至 庸 好問察言,執兩用中 高,星 孟子以禹之行水明大智 在 》篇云:「今夫天,斯 何 好問察言, 可 而好察邇言,隱惡而揚善,執 日 坐 辰 疏江,鑿山 也。 知 治也。 雖 爲 也。 智而 遠,誠能推 執兩用中 疏 「黄 《禮記 用其智則 「天之」 星 穿地 帝 ,則由仁義行,所 辰 昭昭之多,及其 日 • 中 日 , 而 至 疏 者之行 而 求 月之會。 天之高 地之爲下 非率 乃能 「致也」() 乃 其 庸》云: 如 能 可 智 故 其 性 道 使 使 所 常 坐 之 而 民 水 以 兩 無 至

謂

白露、秋分居之。

、霜降居之。

自尾四度至斗六度謂之「析木之次」,立冬、

自亢八度至尾四度謂之「大火之次」,寒

自軫六度至亢八度謂之「壽星之次」,自張十二度至軫六度謂之「鶉尾之自棚三度至張十二度謂之「鶉火之

次」,立秋、處暑居之。次」,立秋、處暑居之。

沈之次」,立夏、小滿居之。

自井十度至柳三度謂之『鶉首之

之「降婁之次」,驚蟄、春分居之。自胃一度至畢六度謂之度謂之「豕韋之次」,立春、雨水居之。自壁八度至胃一度謂

「大梁之次」,清明、穀雨居之。 自畢六度至井十度謂之「實

分之十四,日至其初爲節,至其中爲中氣。分度之一,分爲十二次,日月之所躔也。每

室、壁爲玄武。蔡邕《月令章句》云:「周天三百六十五度四奎、婁、胃、昴、畢、觜、參爲白虎,北方之宿斗、牛、女、虚、危、

会。自危十度至壁八每次三十度三十二

春秋分。 小雪居之。自斗六度至須女二度謂之「星紀之次」,大雪、冬 謂「故」也。「求其故」,求日所行於星辰之度也。 十八宿之間,則此黄道之絡於星辰者,爲日躔之軌迹,即 柳,孟秋日在翼,仲秋日在角,季秋日在房,孟冬日在尾,仲 間,故日之出入南北,皆以星辰爲識。《堯典》「日中星鳥,日 又轉而北行,至春分復交於赤道,其道斜絡於二十八宿之 轉而南行,至秋分交赤道之南,至冬至而極南,距赤道最 非甲子。二十蔀爲一紀,凡一千五百二十年,冬至朔旦乃甲 七十六年爲一蔀,朔旦冬至在夜半子,與第一章同,而 是爲「曆元」。 九年爲一章,第一章之初,年月日時俱會於甲子朔旦冬至 至,故以「日至」言之。張氏爾岐《蒿庵間話》云:「曆法每十 度即其故,而可知其所在 冬日在斗,季冬日在婺女」,是也。 日在奎,季春日在胃,孟夏日在畢,仲夏日在東井,季夏日 永星火,宵中星虚,日短星昴」、《月令》「孟春日在營室,仲 行一度。天行赤道,日行黄道。 居之。」此十二次即爲十二辰。天每日左旋一周,日每日 至居之。自須女二度至危十度謂之「玄枵之次」,小寒、大寒 自春分交赤道之北,至夏至而極北,距赤道最遠; 以後章首冬至必在朔旦而非甲子日時。 ,則兩分兩至定矣。 黄道斜交於赤道,其交處 日每歲環行於十二辰 日之行極於兩 日所行 四 日 遠 月 章 在 爲 所 右

龍

南方之宿東井、鬼、柳、七星、張、翼、軫爲朱鳥,西方之宿

東方之宿角、亢、氐、房、心、尾、箕爲蒼

故測天者先測星辰

測星辰者先求日至。

星辰爲度,星辰本無度,以日行爲度。

辰者,十二次也。

分天爲十二次,依於星象。天本無度,以

高之無窮也,所可測者日月星辰而已。

星者,二十八宿也,

乎?」曰:「大氣舉之也。」」蓋地居中,天周其外。

而地之去

其

天,《楚辭・天問》雖云「圜則九重」,而其里度實不可知。

月日時 以 所實測,以旁證於書傳之所傳,約其合者既有數端,遂援 又非 於前,直以巧算取之而已。 法之根數也。 元。 梅氏 至,正 子 近 算之端, 截算之元,自元《授時》不 自漢《太初》至金重修《大明術》各所用之積年是也,其一爲 司 而 同 矣,又安得以爲定法乎? 測 立術,於是溯而上之,至於數千萬年之遠,庶幾各 所 今西法亦以崇禎戊辰爲元是也。 日 H 其 甲 也。 文鼎《曆學疑問》云: 載 而 積年之法所由立也。 然律元之法有二: 始也 諸家律 求此 皆會甲子,而又日月如合璧,五星如聯珠,取以爲造 子 年 零分秒之數必不能 當其立法之初,亦皆有所驗於近事,然後本其時 月 時 而已矣。 日 耐 據 元無 元之初,年月日 時俱 使其果然,雖萬世遵用可矣。 非甲子歲首。 近 測 會於甲子 以 夫所謂『七曜齊元』者,謂上古之時,歲 同者,是其積年之久近,皆非有所受之 求 其 積 用 「造法者必有起算之端,是謂『律 然謂其 年; 然既欲其上合律元,又欲 積年日法,直以 一遠溯初古,爲七曜齊元之元, 《 授 齊,勢不能 三紀共四千五 如 時俱會甲子朔旦冬至者也。」 初矣。 其既 以時術 一無所據而出於胸臆,則 二者不同,然以是爲起 也 》知其然,故 孟子所謂『千歲之日 不稍 且 將因 至元辛巳爲元 百六十年,至 爲整 乃今二十一史 積 頓 年 1率可 以 以 其 而 實測 求 不 改 沂 巧 違 以 之 > 朔

也。 何 爲憑 與天行不合。 鑿者也。 鑿附會不少矣。」按: 孟子以水之「行所無事」比例率性 孔子删《書》斷自《堯典》,司馬遷作《史》必欲追至黄帝,而 觀象亦兼永短二至,其專以冬至爲元者,亦始自《太初 二至在内,非專指冬至也。 「求其故」 性 赤道,日之行黄道,其所躔於星 追上古十一月甲子朔夜半冬至耳。 元之説。 立元。」方氏觀承《五禮通攷》云: 至可知其日,疏則直云『千歲以後之日至可坐而定』,初 天正冬至爲元,其見卓矣。《孟子》『千歲日 行所無事」,仍恐其不明也,故又例之以求日至。 《太初》之術而預言之? 也? 必不容鑿空之日至以例言性,所以明性之不容鑿空也 如 而 此 天之行如此,吾測之,吾求其故也,其至可致也, 不 凡治曆者極精微巧妙,必與實測相孚,稍一鑿空,便 吾察之,吾求其故 立元至《太初術》始有之,孟子當時豈知後 談性者可以鑿空,求日至者斷不容鑿空,故孟子 用積年虚率,上考下求,即以至元十八年辛巳 言性者雖以故爲説,實未嘗求其故,故不知以 所以學問之事至於測天,斷不容以小智妄說 夫律豈無元? 也 《周禮》土圭反專重夏至、堯典 , 其 辰而爲分爲至,不容小智之 利可 「《孟子》此章極精 孟子所謂 知 也。 然隨代可 至」,趙注 引 日至 喻之義 夫天之行 一者,亦 立,不 並, 世 只云 者之 业也 不言 全 將 歲 無 利 穿 有 前

數

愈多

,然後共見而差法立焉。

十年始差一度,歷二萬五千餘年而

始

得

壽,所見之差不過一二度,亦安從辨之?

周,已不若前數之易見矣。

分,所差甚微,非歷

多周,豈

能灼見?

則 移

+

土星則二十九年。

夫至於十二年、二十九年

此

歷一歲

而可

知者也。

乃若熒惑之周天則歷二年

月

而可

知者也;

時有春夏秋冬,晝夜有永短,中星 有弦有望,有生魄,有下弦,有

也; 矣: 而不隨

月 日

有 有

朔

有生明,

又其每周之間必有過不及之餘 此非前人之智不若後人也, 乃若歲差之行,六七 迨其歷年既久,差 若預爲一定之法 周,雖有期頤上 吾嘗徵之天道 ,歲星 \*\\ \overline{\times} 而一 深審 天行 至不 離其 深 云 有 此 知 凡 推 歷 者 治 審 見。 愈久而 《元史》有六術冬至,開載魯獻公戊寅至至元庚辰四十九事 氏永《冬至權 之日至不可致。 舍故則日至不可知 不易言也。 時 不易合也。 暑晝夜有常, 測日景之長短,歷代皆用實測,未有鑿空以言者也。 天,是則合天下萬世之聰明以爲其耳目 前 紀《大衍》、《宣明》、《紀元》、《统天》,重脩《大明授時 至,且求千歲以上冬至,證之史傳,或 方之宅、舜又有璇璣玉衡之在、《周禮・地官》用土圭之法 官,顓頊 也。」按: 人深知天載之無窮而不爲一定之法,必使隨時脩改以 人之智有所窮歟? 人不能預見後來之差數而後人則能 而變,亦如天行之有歲差也,非即其故 孟子言日至而曰「千歲」,「千歲」二字即 愈明、法愈脩而愈密、勢則然耳。 制曆 自黄帝迎日推策,致定日星,少 歲而無差,則故不必求,日至不千歲,則差不著 人性之善亦如寒暑晝夜之有常也。 度》云: 由 而其差則隨 來尚矣。 此孟子言曆之精, ,泥其故而不能隨 曰 : 「履端於始,序 使聖人爲一定之法,則窮矣。 時 而《堯典》則 而 變,非即 即 則 時 孟子言性之精 盡考前 其故 紀嵎 離 不 以實測求之則 問 ,聖人之所以 而 | 韓立司 或合,其故難言。 您 者曰: 而時 夷、 時 代之度分。 括歲 時 術 南交、 至其智之隨 察之思之 時 家詳 分司 若是 差 求測之, 》時刻之 誠以 也 而 西 求 惟 求 7 至 不 則 朔 之 冬 江 歲 以 窮 合 聖 聖 理

爲本;

言天者雖以故爲説,實未嘗求其故,故千歲之日

能

而

致

禮 記

禮器》云「物産之致也精微」,

注

致

致

密

也。」《樂記》云「致樂以治心」,注云:「致猶

不測

,以變爲常,至於千歲,則不能

不通其變。

蓋不能

曆必求其密,

密必 坐而

由於深審

1,所以

必深審而密

者,則

以

也。」然則

可

致

即

可

坐而密

亦即可坐而深

審。

之,斯其術乃可坐而知其密也。

梅氏文鼎《曆學疑問

求其故即

實測

愐

治

曆者當順天以求合,不當爲合以驗天。

一時修改以求無弊,是爲合以驗天乎?

朝有禺,有中有昃,有夜有晨,此歷

日

而可 晦

故而不能拘守其故,所以必求其故。

焉。 致」者,此爲庶幾焉。 則 法有不合,則知 平冬至時 此不易之法也。 此爲平行之歲實小餘 小時三刻三分四十五秒,以萬分通之,爲二四二一八七五 與歲實,然合今則戾古,合古又違今。《統天術》遂立距 之中爲平歲實,但 以前,太陽高卑之理未明,雖知一歲之行有盈縮,不悟盈縮 異 差之法,暗藏消長以求上下兩合,《授時術》本之,有百年 會,逐月不同,五星有實合,每周不同也。《授時》、《大統 古今冬至不能以 之行,以視行加減平行。二十四氣時刻多少,歲歲不同,而 實」,與月五星周平朔策合率同 定者用實法推算,有不合者斷其爲術誤史誤,俟知數者考 各以其術本法詳衍,算術雖明而未有折衷。 同 知史傳 消一之説。 勿菴梅氏因之作《春秋以來冬至考》,删去獻公 論『平歲實』。太陽本天有平行,盡黄道一周爲『平 所記 刻,乃以定冬至較之,知其距最卑之遠近。 西法本《回回》,以春分相距測定歲周,小餘五 非實測。 其時本輪均輪之有半徑差,有相去之遠者 欲考往古冬至,當以「平歲實」爲本,算當年 一率齊之,是爲活汎之歲實。 求歲實於活汎之冬至,故 倘以《授時》之歲實爲歲實而以百年長 ,而各節氣之定氣則以均度加減定之, 所謂 「苟求其故,千歲之日至可坐 理。 别有本輪均輪最高最 一術必更一 永因梅氏所 猶之月有實 或與今 差躔 周 事 而 長 率 卑 歲 考

> 理。 爲縮 此爲準焉。 卑有行度故也。 減時,減 能定者也。 冬至者,視今時必稍贏焉。 多於此半徑,大則加減差亦大,而以均度變時 千萬分之三十五萬八千四百一十六,而今又漸減 冬至考之,此率似微朒,大約當加二秒,上求古時定冬至,以 是以前定冬至皆在平冬至前,以後定冬至皆在平冬至後,最 今又有不同,則距地遠近兩心有差。 在均輪,均輪之心在本輪,本輪之心在本天,此 消 平冬至之改爲定冬至也,視此點之前後遠近以加 末盈初之端,歲有推移,與月入轉五星入律皆有 爲準,則非法矣。 度而加時焉。 上考往古,又當以此消息之。」 論「輪徑差」。 西法近率,最卑歲行一分一秒十微,以 至元辛巳間,最卑與平冬至同 此差率出於恒 論「最卑行」。 既卑既有行度矣,而太陽之體 西法始定兩輪半徑,併 差之外 太陽本 分, 兩輪半徑,古 ,術家亦不 ,則古時 輪最 加減於平 盈 度,自 遠年 度同 度 卑 點 必 而

守故」❶○正義曰: 智改常,必與 章指: 言能 道 周氏廣業《孟子章指攷證》云:「脩 乖。 脩 性守故,天 性 命之指 道 也。 可 疏 知 修性 妄

❶ 「故」,原誤作「改」,今據《章指》改。

文選》注作循。 唐人書脩循二字多混淆。」

者。 喪也。 之喪也。 之喪」,不成有人母人姊之喪乎?」錢氏大昕《潛研堂答問 曾子弔之」。禮,凡稱有某喪,皆實指死者言之,謂其人之死 諸臣皆往弔。」毛氏奇齡《經問》云:「或問公行子有子之喪, 子」至「言者」〇正義曰:顧氏炎武《日知録》云:「禮,父爲 子敖。公行之喪,齊卿大夫以君命會,各有位次,故 子,正身爲喪主以受賓弔,一如《檀弓》所云『子夏喪其子而 喪,父在父爲主」,是子喪父主,明有定禮。 爲子主者,如《小記》云『父主子喪而有杖』,又《奔喪》云《凡 其子,非身居子喪也。 説者皆曰公行子喪親而身居子位。 長子斬衰三年,故云公行子有子之喪,而孟子與右師及齊之 下云「朝廷」也。 而 上公行子,齊大夫也。 與右師言者,有就右師之位 公行子有子之喪。 若以指生者,則《檀弓》「曾子有母之喪」,「子路有姊 然乎? 日 與言者,皆諂於貴人也。 非也。公行子有子之喪,謂公行子喪 凡喪必有主。然有君爲臣主者,有父 右師往弔,入門,有 右師,齊貴 名曰「子喪」,謂有人子 而與右師 當時公行氏喪 臣王驩,字 疏「公行 言

焉。」孟子不與右師言。 子著書。《左傳》晉成公以卿之庶子爲公行大夫,其後氏 子曰: 「公行子有子之喪,右師往弔。」趙岐注云: 「齊大夫 師主其事,孟子蓋不得已從衆也。」〇注「公行子齊大夫也 往弔,先集而右師獨後至,書法特書「右師往弔」,亦似以 謂「踰階」也。 稱不歷位、不踰階之禮,即職喪之禁令也。」趙氏佑《温故録 者也,在家謂之門子、《春秋傳》「大夫門子皆從鄭伯」是 子蓋長子也。 鄭氏注云:『此言爲父後者然後爲長子三年,重其當先祖之 於上,又乃將所傳重也。 喪服》篇「父爲長子斬衰三年」,傳曰:「何以三年也? 也。1子之,蓋其先也。」《廣韻》「公」字注云:「《孟子》有公行 ○正義曰:《荀子・大略》篇云「公行子之之燕」,注云:「孟 云:「進,前也。此右師甫入門未即位時趨迎揖之者,即 故其喪也,父爲之服斬衰三年,君使人弔,卿大夫咸往會焉。 正體,又以其將代己爲宗廟主也。」公行子當是爲父後者,其 云"「問:公行子有子之喪,何以君命往弔? 《周禮》卿大夫士之喪,職喪以國之喪禮涖其禁令。孟子所 與下就右師之位,皆人之進、人之就。衆人皆 大夫之嫡長在國謂之國子,入學與世子齒焉 庶子不得爲長子三年,不繼祖也。」 右師不悦,曰:「諸君 曰:《儀 Œ 也 所

孟子正義卷十七

日

至「揖 思禮以 之不同 燕居之禮 君臣皆須違位而 所宜敬者,當離己位 疏 注 子皆 違其位。」孔氏正義云: 而 子以禮言之。 云以「禮」者,心惡子敖而 日 敖以我爲簡,不亦異 也簡。」簡 簡士」,高誘注 ·君降階爾卿大夫」,鄭注云: : 「是簡驩也」〇 右 相 我欲 師 也」〇正義曰:《禮記 與 與言,不踰 脩 ,所主之禮異也。」〇注「反以我爲簡易也」〇 謂 、驩 身,則 者,易野 孟子所言,朝廷之禮。 行禮,故 孟 言, 云: 子 孟 怠惰慢易之節不至。]又云: 揖 正義曰:《吕氏春秋·驕恣》篇云「自 簡 孟子 也。 子 「簡,傲 也。」陳祥道 一而總 其 不 階 聞 易野者,無禮文也。」簡則非禮,故 「位謂己之位也。 無 歷 彼遥 獨不與驩言, 而 之, 曰: 德, 位 也。」《説苑· • 乎?」注孟 相 爾 曲 外 揖。 而 故 揖 《禮記講 禮》云: 順其辭 言。 ,近也。」揖而後移近之,明 朝廷 不與言,是 禮以變爲敬,是以 也。 禮, 反 一尚嚴 「臨喪不笑,揖 脩文》篇云:「君 義》云:「此 也。 以 子聞子敖之言 我 於位而見前 朝 是簡 我 ,燕居 欲行禮,子 「孔子曰: 廷不 疏「禮朝廷」 爲簡易也。 以 驩 尚 不 **此所言乃** 和 《燕禮》 歷 悦 也。 正 人己 人必 [騙則 也 可可 位 義 言 孟 子

> 萬物 書• 云: 流 事貴,脅肩所尊,俗之情也。 趙氏以「易」釋「簡」 而 0 皆 劉 章指: 金石 向傳》武帝詔曰: 水浮萬物,玉石留止 流 而 金 獨 石 言循禮 啃 獨 也。 止 0 疏「阿意事貴」() 「周堪不能 閩、 而 正 動,不合時 監、毛三本作「異」,非 義 日 阿 尊事貴。」〇「是以 説 是以 苑 正 義 萬 談 日 物 呵 《漢 意

禮也。 人; 心也。 横 也」〇正義曰: 趙氏以 者人恒敬之。 淮存,在也。 察其心。 逆, 有禮者,敬 孟子曰:「君子所 愛敬施行於人,人必反之己也。 則 下文「自反」皆察也。 君子以仁存 君子 必 人。 自 「在」釋「存」、蓋以在爲察、在心 反 心,以 愛 也 人 以 有人於此,其待 者 我必不仁也, 禮 異 君子之在心者,仁 人恒愛之,敬 存 於人者,以其 心 疏注「存 仁者, 必 我 即 無 以 人 存 與 省 在

❶ 「談」,原誤作「説」,今從沈校據《説苑》改。

作」,故妄作即猶禽獸之無知也。

0

注

(易・无妄》云:「妄,亡也。」亡即無也。

爲仇讎。1〇注「妄人」至「知者」〇正義

E:

調人》「掌司萬民之難

而調和之」,

載

心

云「今衆人之命儒也

異於禽獸,又何足

難也?

注妄人,妄作之人,無知者。

與

禽獸

何

此

,則與禽獸奚擇哉?

於禽獸

又

逆由

是也,

君子

· 曰 :

此

忠。

注君子自謂

我必

不忠。

來,故云「來加我」。

其自反

矣,其横逆由

喻老》篇云:「

「事,爲

 $\bar{z}$ 至

「加

我」〇

道

加

我

也。

君

子

自

思

省,

謂

高誘

朝

誘

注

物

事

也。

推

此

人人何

爲 反

以

此

事

來

加

我

禮

也

此

物

奚宜至哉?

注

四 八七

而

5 西子

加

志

檀

勿

一朝

之

注君子之行,本自不致患。 禮 也。 天」,謂委任於天也 史二千石之選歸任三司」,注云:「歸猶委任也。」此云「歸 ∭注「故君子歸天」○正義曰:"《後漢書・順帝紀》云「令刺 横來之患,非己愆 無行也。 若夫君子所患則亡矣。 注憂之當如之何乎? 如有 也。 朝之患,則君子不患矣。」 故君子歸天,不以爲患 常行仁行禮,如有一朝 如舜而後可,故終身憂 非仁無爲 也,非 也。

門者,身爲公卿,憂民急也,當亂世安陋巷者,不用孟子曰:「禹、稷、顏回同道。 正當平世三過其飲,人不堪其憂,顏子不改其樂。孔子賢之。顏子當亂世,居於陋巷,一簞食,一瓢禹、稷當平世,三過其門而不入。孔子

也」〇正義曰:《音義》於上章「我由未免爲鄉人也」云:「丁 其心亦然。不在其位,勞佚異矣。 則皆然。 之也。是以如是其急也。 者,由己溺之也,稷思天下有飢者,由 於世,窮而樂道也。 云:「由與猶義同,後皆放此。」」然則此「由」亦「猶」也。 用之宜若是也,故孔子俱賢之。 **淮**禹、稷急民之難若是,顔子與之易地 孟子以爲憂民之道同 禹、稷、顔子易地 禹 疏「禹思」至「飢之 思天 下 用用 己 有 與 飢 不

之,雖被髮纓冠而救之,可也;鄉鄰有鬭者,合。」此深得孟子之恉矣。今有同室之人鬭者,救己,己既爲后稷,則天下之飢由於己。讀爲猶尚是譬況,未少宰墉謂:「由當讀如字。蓋己既爲司空,則天下之溺由於

闔户 云: 曰:《説文》系部云:「纓,冠系也。」劉熙《釋名·釋首 救,是其理也,喻禹稷走赴,鄉鄰 注纓冠者,以冠纓貫頭也。 被髮纓冠而往救之,則惑也,雖閉户可 「纓,頸也。 而高枕 也。 自上而下繫於頸也。」急於戴冠,不及使纓 疏注「纓冠者以冠 鄉鄰 同 非其事,顏子所 纓貫 鄉 頭 也。 也〇〇 同 也。 室 正 相

攝於頸,而與冠並 適。」《韓非子·守道》篇云:「戰如賁、育,守如金石,則君人 釋首飾》云:「冠,貫也。 此注精矣。 侯世家》、楊雄《解嘲》皆云「高枕」。 高枕而卧,國必無憂矣。」」賈誼《新書・益壤》篇、《史記・留 者高枕而守已完矣。』《戰國策・魏策》: 正義曰:《楚辭·九辨》云:「堯舜皆有舉任兮,故高枕 讀若冠。」是冠有貫義。○注「顔子所以闔戸而高枕也」❶○ ○注 「以冠纓貫頭」〇廷琥曰:按,劉熙《釋名 加於頭,是以纓爲冠,故云「纓冠」。 所以貫韜髮也。」《説文》云:「毌 「張儀曰:「則大王 趙氏 而 白

知止。 Œ 卿士名臣,參差不齊,一概諸聖。」〇「失其節則惑矣」〇 曰:揚子《法言·重黎》篇序云:「仲尼以來,國 失其節則惑矣。疏「上賢之士得聖一概」〇正義 之心,有同 一義日 章指: 言上賢之士,得聖一概。 易 禹稷。時行則 雜卦 傳 **※**云: 「節,止也。」「失節」謂 行, 時 止 君將相, 則 顔子 咋 不

夫子與之遊,又從而禮貌之,敢問何也?」228公都子曰:「匡章,通國皆稱不孝焉。

九章・ 子,不顧父母之養,三不孝也,從耳目之欲 支,不顧父母之養,一不孝也,博奕,好 爲貌。」孟子曰:「世俗所謂不孝者五:惰 敬,婦人之所以姣好也。 匡章,齊人也。一國皆稱 以 酒,不顧父母之養,二不孝也,好貨財,私 在匡章,則當爲和親。 和以親。」《荀子》言禮貌屬君,則當爲尊嚴,《孟子》之禮貌 廟,敬以忠,其以入鄉曲,和以順, 苑•脩文》篇云: 也」〇正義曰:《荀子・禮論》篇云「情貌之盡也」,注云: 遊,又禮之以顏色喜悦之貌也? 情、忠誠也。 爲父母戮,四不孝也,好勇鬭很,以 惜誦》篇云「情與貌其不變」,注云:「志願爲情,顔色 貌、恭敬也。 一書日 故以爲「顏色喜悦之貌」也。《楚辭 五事,一曰貌,貌若男子之所以 其以入君朝,尊以嚴,其以 言人所施忠敬無盡於君者。《説 不孝。 其以入州里族黨之中 問孟子何爲與之 疏注「又禮」至「貌 危父 其 人宗 飲 四 恭

及阮校所述廖、孔、韓等本注文改。「闔」,原作「閉」,合於宋十行、閩、監、毛等本,今據本書

戚徇 親戚。 子 之大者。 遇 且爲之,是忘其親也。」注云:「蓋當時禁鬪殺人之法,戮及 行,不可施諸經典。」《荀子・榮辱》篇云:「鬭者,忘其身者 狠。」蓋以狠代很,唐 之很,而坊本多誤作『狠』。 謂不孝之行,章子豈有一事 作,極耳目之欲以 母,五不孝也。 不能相得,父逐之也。 也,忘其親者也,忘其君者也。 聲。」兩字截然不同。 好勇鬭很」〇正義曰: 很,胡懇切,不聽從也。 相責以善,賊恩之大也。 也。 ,然且爲之,是忘其身也。 一言而不顧之也。三夫章子,子父責善而 《尸子》曰: 『非人君之用兵也,以爲民傷鬭 責善,朋友之道也,父子責善,賊 注遇,得也。 章子有一於是乎? 固嘗有之。 陷 此『鬭很』字必當如《曲 罪 翟氏灝《考異》云:「《説文》彳部: 盭也。」犬部:「狠,五還切,吠鬭 , 戮及父母, 凡此 朋 據《廣韻》『很』字下注云:『俗作 章子子父親教,相責以 室家立殘,親戚不免於刑戮,然 友切磋,乃當責善耳,父 行其少頃之怒而喪終身之 疏注「遇得也」○正義曰 於是五不孝中也? 然音與義悉大別,縱或俗 禮》「很毋求勝」 五者, 注惰懈 則 不 人所 以 善 恩 相 疏 親 不

秋後語 孝,而不知是則似於揚父生前之過,自君子言之,以 勝秦而還 也? 死。 威王 得也。」桓公十年秋,公會衛侯于桃丘,弗遇。《穀梁傳》云: 隱公四年夏,公及宋公遇于清。 庸 在章子亦以恫母之至,不僅以 蓋必勸其父以弗爲已甚而父不聽,遂不得近。 君?』章子大勝秦而返。《國策》所述如此 章子對曰:『臣非不能更葬母。 所殺,埋於馬棧之下,謂曰:「全軍而還,必更葬將軍之母。」 威王時,頗疑與孟子不相接。 不相遇,恐即此事。 氏祖望《經史問答》云:「章子之事見於《國策》,姚氏引《春 大變,章子之黜妻屏子,非 秦者三,威王不信。 「弗遇者,志不相得也。」〇注「章子」至「大也」〇正義曰: 矣。 一時。 臣葬母,是欲死父也。 蓋章子自勝秦以 故孟子亦未嘗竟許之。 》證之,所紀略同。 據《國策》,威王使章子將而拒秦,威王念其母爲父 ,則王必葬其母矣而章子之黜妻屏子終身如故,是 然必《國策》所云,何以言責善? 有司請之,王曰:『不欺死父,豈欺生 前所以處此事者本不可以 吴禮部 過也。 故不敢。」軍行,有言章子以 答 曰: 而究之矜其遇,諒其心, 臣之母得罪臣之父,未教而 奉君命得葬了事。 《穀梁傳》云: 日 然而 章子見《國策》,最早當 孟子以爲子父責 孟子以 然則所云「責善 爲賊 遇 此自是人倫 言遇 恩 者 未嘗非 爲 ,然其 蓋章 兵善而 非 則 況 兵 志 降 中 何 在 全 相

章」至「與言」〇

Ē

義

日

周氏廣業《孟子古注攷》云:

「宋

以此意張設於心、彊而莫改、故爲「執持此意」也。

○注

一是

子自是至性孤行之士、晚近所不可得、雖所行未必盡合、而 但章子之事未必在威王之世。 威王未嘗與

則恐其誤編於威王《策》中者。 秦交兵,齊秦之鬭在宣王時,而伐燕之役,將兵者正是章子, 直不失爲孝子。 即不然,亦是威王末年。一夫

父,不得近,出 章子豈不欲有夫妻子母之屬哉? 爲得罪於 妻屏子,終身不養焉。 注夫章

身不爲妻子所養也。其設心以爲不若是,是則 身得罪於父,不得近父,故出去其妻,屏遠其子,終 子豈不欲身有夫妻之配,子有子母之屬哉? 但以

自責罰,是則罪益大矣。是章子之行已矣。何爲不 執持此屏出妻子之意,以爲人得罪於父而不若是以 罪之大者。是則章子已矣。」注章子張設其心,

云:「設,施陳也。」弓部云:「張,施弓弦也。」是「設」即 可與言? 國策. 張則有彊義,昭公十四年《左傳》云「臣欲張公室也」, 西周策》云「破秦以張韓魏」,注皆以 疏注「章子」至「之意」○正義曰:《説文》言部 張爲彊 是也。 「張

本、古本有之,今並闕。」

養,下以責己。衆曰 章指: 言匡章得罪,出妻屏子。上不 不孝,其實則否。

得

以孟子禮貌之也。

祥縣。愚按,嘉祥縣有南武山,上有阿城,亦名南武城,後人 爲南武城,今故城在費縣西南九十里,屬兖州府。」又云: 稱耳。武城、《漢志》作「南成」、《後漢志 城者,因清河有東武城,在魯之北,故加南以别之,據漢人之 酇」,是曾子所居即費縣之武城,非有二地,而《史記》云南武 「魯人攻酇,曾子辭於酇君。」《戰國策》甘 因南武山之城,遂附會爲曾子所居,此大謬也。《新序》云: 城,而謂子羽爲今費縣之武城,曾子則别一武城,在今之嘉 「曾參,南武城人。澹臺滅明,武城人。」後人遂疑魯有兩武 正義曰: 周氏柄中《辨正》云: 「《史記・仲尼弟子列傳》: 人曰:寇方至,何不去之? <u>疏[曾子居武城有越寇]</u>○ 去諸?」注蓋,何不也。曾子居武城,有越寇將 曾子居武城,有越寇。或曰:「寇至,盍 》作「南城」,至晉始 茂亦言「曾子處

南九十 壤。 今山 即 武城爲曾子本邑者。 曾子居武城自即今費縣之武城,爲子游、子羽邑,而非即 東地方百里。 寇魯。 於吴境田焉 來,方將效死, 滅明,武城人。」同言「武城」而上獨別之以「南」,明是兩地。 十七年,越使后庸來聘。 五年,公至自越。二十六年,叔孫舒帥師會越人納衛侯。 謂「吴未滅與吴鄰,吴既滅與越鄰」是也。 師至,拘者道之以伐武城。」觀此則沂州之地,久已爲吴之錯 「《漢志》:「越王句踐嘗治琅琊,起館臺。」 攷春秋時 而 温故録》云: 一云爲 一年,叔青如越, 哀公嘗欲以越伐魯而去三桓。 越滅吴而有其地,且徙治琅琊,則與武城密邇。 説者因 東沂州 里。 師,亦黨庠里 此並無所據。 哀八年: 謂 ,拘鄫人之漚菅者,曰: 府,魯費在沂州府費縣西南七十里,武城 「《仲尼弟子列傳》: 以此觀之,越自滅吴後與魯脩好,未嘗加 徙無出鄉,相守望扶持之義,而徒以舍去鳴 越 越 寇季氏 諸鞅來報聘。 塾之常,所謂鄉先生是矣。 「吴伐魯、從武城。 《左傳》哀二十一年,越人始來。二十 若其本邑也,則家室在焉,丘墓在焉, 非寇魯。 是年八月,公如越。 二十四年,公如越。 武城近費,季氏之私邑在 亦臆度之言耳。」趙 「曾參,南武城人。 何故使吾水滋? 初,武城人或 或云越寇季氏,非 越又嘗與魯泗 旦 閻潛丘 二寇難之 琅 在 二 十 澹臺 氏 及吴 琊 有 縣 兵 \_ 南 佑 因 西 爲

君臣 城。 退,則急脩我牆屋,我猶反耳。此曰字,義如「曰爲改歲」之 以前十一字皆曾子屬武城人語, 間,或曰寓。」孔氏廣森《經學巵言》云:「按,兩「寇退」文複。 地 效之,寇退安寧則復來還,殆不可如 武城邑大夫敬曾子,武城人爲曾子忠謀, 退 如 日,語辭也。」 寇退,曾子反。 云:「寓,寄也。 者,我將來反。 其 爲南武城人,非武城人。」曰: 高, 豈緊人情? 恐其傷我 寓,寄也。 (薪木。 ,曾子祠墓存焉。 則 此 武城地險多事,故見經屢,南武城没不見經。 忠敬如此,而先 反,始於不可。」建左右相 其忠且敬也。 薪草 曾子欲去,戒其守人曰:無寄人於我室 寇退,則 齊、衛、宋、魯、陳、 嘉祥今於曲阜爲西南,與鉅野縣皆古大野 樹 疏注「寓寄」至「來反」○正義曰:《方言 木 質諸傳記,或離或合。 也。 生寇至則先去,使百 日 寇至則先去 脩 寇退 無 我牆屋,我將反。」 言無毀傷 晉、 左右 , 則 寓 、汝、穎 與非議曾子者,言 人於我室,毁 E. 以 是。 我薪 荆 要於魯 治 爲 勸使 州、 「待先 怪曾 1姓瞻 牆 民望,寇 木,假令寇 而曾子 江、淮 室之壞 有 避 子 望 兩 生 注 傷 何 而 之 武

日

錢氏大昕

《潛研堂答問》云:

「《春秋》有曹伯負芻,《史

郡高宛。

地與氏,古應相因,

地既讀審,氏亦未必他讀

《廣

備博聞而已。」○注「時有作亂者曰負芻」○

正義

與 攻

八臣同。

子歲爲沈猶侯」,晉灼注曰:「沈音審。」《王子侯表》屬千乘

其羊。』沈猶,蓋魯之著氏也。 門徒七十人,舍吾沈猶氏。 云:「《荀子·儒效》篇: 孝子也。《孟子》「殆於不可」,言殆爲不可 禮•曾子本孝》篇曰「如此而成於孝子也」,言如此而後成爲 也」,又曰「於其質而已矣」,皆謂爲其質不爲其文也。 十一侵::「沈,直深切。 行,非汝所能知也。先生,曾子也。 沈猶行,曾子弟子 負芻之禍,從先生者七十人,未有與焉。] 注 羲。)沈猶行曰:「是非汝所知也。 《沈猶氏。 先生率弟子去之,不與其難。 言師賓不 <u>疏</u>注「沈猶行曾子弟子也」○正義曰:《廣韻》二 「殆於不可」〇正義曰: 王氏引之《經傳釋 《禮記 也。 漢複姓有沈猶氏。」翟氏灝 「仲尼將爲司寇、沈猶氏不敢 行謂左右之人曰: 先 ·郊特性》「埽 《漢書·楚元王傳》『景帝 時有作亂者曰負芻,來 往者先生嘗從 地而祭,於其質 也。 昔沈猶 於與爲同 《大戴 生之 封其 朝 異》 有 飲 質爲臣當死 寇。 去留皆可,於道無所虧缺也。 則其父兄,故去留

以行之也。

疏

詞》云:「於猶爲也。

記》有楚王負芻,負芻爲人名審矣。」子思居於衛,有齊 疏注「故去留無毀」○廷琥按:《説文》土部云:「毀,缺也。」 然。」注孟子以爲二人同道。 也,子思,臣也,微也。 子曰:「曾子、子思同道。曾子,師也,父兄 生伋,字子思,年六十二,曾困於宋。 家》云:「孔子生鯉,字伯魚。 赴難。 疏注「伋子」至「赴難」〇正義曰:《史記 去,君誰與守?」注及,子思名也。 廣雅・釋言》云:「毀,虧也。」「去留無毀」謂曾子處 或曰:「寇至,盍去諸?」子思曰:「 難,故不去也。 .無毁,子思,微小也,又爲臣,委 伯魚年五十,先孔子死。 曾子、子思易 子思與曾子 曾子爲武城 子思作《中庸》。」 子思欲 易 . 孔 處 人作 地 助 同 則 師 如 衛 子世 位 伋 君

同。 處義,非 疏「謂得其同」〇正義曰: 章指: 言臣當營君,師有餘裕。二人 殊 者也。 是故 孟子紀之,謂 周氏廣業《孟子章指 得其

證 <u>\*</u> 「同,小字宋本、足利本並作宜。」

舉,相 國策 人也。 也。 之人無有也,學者不道也。 趙氏以視釋矙,自非瞷字。 閩 淳衢州本、孔本、韓本、《攷文》古本同。 氏元《挍勘記》云:「「王使人瞷夫子」,●宋九經本、岳本、咸 孟子曰: 王言賢者身貌必當有異,故使人視夫子能 有 婁》篇「王使人瞷夫子」,注云:「瞷,視也。」瞷與覸同。」按: 文公》篇「陽貨矙孔子」同字,音勘,譌爲瞷而以古莧切之,非 有異於衆人之容乎。 人乎?」注儲子,齊人也。 方言》云:「瞷, 眄也。 本注作『矙』。 也,學者不道 下章同。」〇注「儲子」至「容乎」〇正義曰: 人之形 儲子曰: 王氏 燕策》,謂齊宣王破燕者。 念孫《廣雅 狀 也。 顔 按、《音義》出「瞷夫」作「瞷」、蓋此正 色 王 故 而 (相形不如論心,論心不如擇術) 知 一使人 吴、揚、江、淮之間曰瞷。」《孟子・離 疏證》云: 疏「王使人矙夫子」○正義曰: 其吉凶妖祥,世 《荀子·非相 古者有姑布子卿,今之世梁有唐 矙夫子,果有 矙,視也。 此亦言儲子爲相,是爲 「覸之言間 監、毛二本間作職, 俗稱之,古之人 》篇云: 果,能也。 也間,覗 儲子見 以異 「相 與 人,古 形不 也。 《戰 《滕 於 謂 阮 無 齊

内

舜之貌與凡人同耳,其所以異,乃以仁義之道 生同受法於天地之形,我當何以異於人哉? 日 義之道 相孟子之形狀也。 知其利害」,注云: 勝心,心不勝術。」相即視也。 也 何 在内」,即 以 異於人哉? 荀子「相 「相,占視也。」趙氏蓋以 下注言「堯舜之貌與凡人同,所以異乃仁 形不如 《周禮·大司徒》以 堯舜 相 與 心」之説 人同耳。」注 齊王使 也。 善相 相民 孟子 在 且 宅 堯

篇云: 也。 地。』《漢書 謂圓,下首之謂方。』 注云:「人首圓 乎?」曾子曰:『天之所生上首,地之所生下首。 足方,善惡 宵類也。 「單居離 硫「頭員足方」○正義曰:《大戴記・曾子天員 章指: 言人以道殊,賢愚體别, 頭員象天,足方象地。」周氏 刑法志》云「人宵天地之貌 如 問於曾子曰: 儲子之言,齊王之不 一天圓 而 足方,因 地 廣業《孟 注引應邵 方者, 繫之天 誠 子章指 上首之 頭 有 · 達 員 之

0 瞷, 原作「矙」,今從沈本據阮校改。

嘗有 義 其詐 酒 良也。 名 必饜酒 故趙氏明之。 之人皆有姓名,其夫必悉言之。 聲之侈弇耳,猶古者婦稱夫曰良,而今謂之郎也。」當時富貴 是良與長同義。 云「媵御良席在東」,注云:「婦人稱夫曰 富 ·將見良人之所之。」」王氏念孫《廣雅疏證》云:「良,長也。 齊語》云: 日: 也。 肉 貴 ,故欲視其所之。 顯者來。 也。 臧 而 《少儀》「負良綏」,鄭注云:「良綏,君綏也。」良與郎 齊人有一 疏注「良人」至「名也」○正義曰:《儀禮・士昏禮 氏 肉 後 琳 『四里爲連,連爲之長。 注良人, 夫也。 而後反。 反,問其 《經義雜記 其 婦稱夫曰良人,義亦同也。」又云: 吾將矙良人之所之也。」注 妻告其妾曰:「良人出 妻一妾而處室者,其良人出 \*\(\times\): 與飲食者,盡富貴 其妻問 疏 「吾將矙良人之所之也」〇正 「《祭義》記: 經渾括其辭云「則盡富貴」, 盡 富貴者、夫詐言 所與飲食者, + 連爲鄉,鄉有良 良。《孟子》曰: 「燔燎羶薌,見以 也 則 「郎之言 必 而 則 妻疑 其 未 饜 盡 則 姓

所餘 他。 鄭訓爲雜,與《説文》義合。《孟子》『將觀良人之所之』者,謂 也。 不欲使良人覺也。 察其是非 語意未周。」按: 齊人妻將雜並衆人之中而視其夫所至也。 **覵即**觀之俗。 東郭墦間,之祭者乞其餘。不足,又顧 施從良人之所之,徧國中無與立談者。 本瞷自是躝,故訓爲視。 文公上》「成覸謂齊景公曰」與《離婁下》「覸良人」同字,然則 云:「觀,很視也。 據意皆是覸雜之理,觀此可知。 見間,皆當爲覵,字之誤也。 蕭光。]又: 庚子日施兮」、《漢書》作「斜」。 **《潛** 覸以俠甒,謂雜之兩甒醴酒也。」正義曰:「覸謂雜 酒 研 此其爲餍足之道也。 肉 堂答問 也。」此不過察其是非,不必 也 「薦黍稷、羞肝肺首心、見間以 《説文》:『覞,並視也。 鄭以覵爲雜者,讀覵爲間 疏注「施 齊景公之勇臣有成觀者。」今《孟子・ 「施,古斜字。 墦間,郭外 《釋名·釋姿容》云: 者邪 燔燎馨香,覵以蕭光,取牲 施 《説文》見部無「覵」字,覞部 邪、斜音義 丽 注施者 冢 行 爲間諜 从二見。」觀从覞,故 間 (史記 Ö 俠甒。一注: 也。 雜之間 正 趙氏祇訓爲視 邪 同 義 也。 也。」按: 賈 曰:錢氏 乞其祭者 「視・是也 施 也。 生 蚤起, 而 卒之 而之 「見及 列 趙氏 也。」 祭脂 傳 行 滕 施

四九五

元

墓,不 也。」閻 云: 之, 衺 與 緣至東漢建 疆 可 非 不墓祭」,魏文帝黄初三年詔曰「古不墓祭」,自作《終 注: 「墦間 般 日 成王 周 慶 古。 也。 哉?」曹氏之升《摭餘説》云:「何氏焯《讀書記》云: 言者,孟 墓祭之見於集乎? 理小記 也。」故 迤 都 「禮不墓祭」,此言既 則 禮 「《釋丘》: 通 如 上祭於畢」,畢,文王墓地也 僊殁,蓋 墦 歲 氏若璩《釋地》云:「余每讀 余謂《孟 方言》云: 時 冢 雞 間 趙 ,郭外冢間也。」以爲此古墓祭之切證。 奉祠 子之前,孔 人》「凡祭墓爲尸」,非 淮 豚 亦 寧 氏以 南 猶 逮親存。』非墓祭之見於子乎? 葬於兹,名曰靈臺,上立黄屋,堯所奉 五年,蔡邕從車駕上陵,謂 「墦,冢也。」《説文》::「冢,高墳也。」墦 孔 子 子》且 兩者之間 「東郭墦 邪 子 冢 釋 要 「般,大也。」山 勿論, 子卒,葬 略 · 豈 興,下 施施 韓 訓 間」,播之言墳 有非 類 ...詩 請  $\stackrel{>}{\succeq}$ 到今紛紛撰述,皆以墓祭爲 也。」王氏念孫 外傳》曾 博徵之。 魯城 禮 程 墓祭之見於經乎? 之祭 接 氏 東 ,非墓祭之見於史乎? 徑 北 有嶓冢之名,義 瑶 郭墦間之祭者」,趙 直 而 泗 子 田 《成陽靈 E: 也。 施, 敢 水 《通 同 轍 上,魯 坐者曰『聞 《廣 権件 藝 以不墳 上 注 《周 聖 録 云: 雅 臺 不知 工人之家 世 本 疏 碑 -祠。] 亦同 之言 世 更 而 者 溝 宋 證 紀 制 施 間 相 有 祭 古 何 洫

與

東郭墦間,之祭者乞其餘,不足,又顧而之他,此其爲饜足 二筆》謂「《孟子》「齊人有一妻一妾」云云反復數十 屬下「東郭」,東郭之墦冢非 下云:「蚤 肉 子》敘事,前云「其良 正侯犯殺郈宰」云云、末以「使如之」三字 而以「今若此」三字結之。 疏注「妻妾」至「毀之」○正義曰: **注**妻妾於中 告其妾, 祭者所餘酒 之東郭墦間 字、「之祭者」字、「之他」字、緊相貫注。 句,「又顧而之他」句。 也。」《一 今若此!」 刊 飲食者,則 而 後 本以「卒之東郭墦 反,問 切經音義》引《蒼頡篇》云: 起,施從良人之所之,徧國 曰 : 矣。 肉,固以「之祭者乞其餘」爲句。」其 盡 所與飲食者,盡富貴也。」複上文,不嫌 與其妾訕 庭 富貴 再瞷之,乃之祭者乞其 悲傷 「良人者,所 也。 人出,則必 間」句、「之祭者乞其餘」句、「不 其良 上文「瞷良人之所之」,此「卒之」 其妻告其 比諸《左傳》『叔孫 其良 人,相 一,不必冢間皆有祭者,則 層酒 《説文》言部 人 妾 仰 對 中 肉 而 〇 日 : 訕 泣 望 無與立談者,卒之 而 相 按,卒字句,之字 餘 後 ,誹毁也。」《容 良 涕 結之。」按: 而 泣 矣。 反,其 人出 武 而 終 於 趙 叔 謗 身 必必 二訕 中 妻 妻 使 毁 氏 煩 百 問問 言乞 饜 郈 庭。 也 歸 之。 足 也 酒 所 孟 齋 謗 其 馬

已歸 之道 者,所仰望而終身者也。今若此!」此字指上四十四字。 括上四十四字,●不須複述也。既告之後,乃復曰:「良人 如此,所歸而告於妾者亦如此。 貴」同。 此」三字下云「與其妾訕其良人」,乃渾括之辭,與「則盡富 瞷良人之所之也」,下接「其妻歸告其妾」,所瞷於目中 字 也。 也。 而告,故用此字指之。「其妻歸告其妾」六字句,不連 「今若此」三字 其下原 其妻歸告其妾。」「蚤起」下四十四字上承「吾 有訕毀之辭,不復行之於文,故於「今若 非 結 語 也。 用「其妻歸告其妾」六字 而 良人未之知 將 人」之由則爲猶之通借字。

日

喜悦之貌。 也 施施 施從外來,驕其妻妾。 以爲妻妾不知,如故驕之也。 注施 施 猶扁 疏注 扁, 施

字。 來見己之貌。」趙 麻》傳云:「施施、難進之意。」箋云:「施施、舒行伺間, 施猶 《詩》曰:「將其來施施。」」按:《毛詩・王風・丘中 扁扁喜悦之貌」○正義曰:《音義》云:「施 氏皆不用,以爲「猶扁扁」者,《詩 施,丁 獨 有 依

亦爲衺。 鷦鷯賦 巷伯》「缉 敘 <u>\*</u> ž 施施 「翩翩然有以自樂也。」施之義爲衺,偏 魏 猶 緝翩翩」、《釋文》云:「翩,字又作扁。」張 其 扁 翩 扁,即 翩 画 顔 猶 偏 師 偏,以 古注 亦云: 轉 注 爲假借也。 翩 翩,自 喜之 之義 小 漢

> 貌。」由君子觀之,則人之所以 用也」〇正 由,用也。 房」,傳云:「由,用也。」此由如字,故訓用。 妾雖不羞泣者,與此良人妻妾何異也? 妾所羞爲、所泣傷也。 道昏夜乞哀而求之,以驕人於白日,由此良人爲 者,其妻妾不羞也 義曰:《毛詩 用君子之道觀今求富貴者,皆以枉曲之 而 幾希者,言今苟求富貴,妻 王 不 風》「君子 相泣 者,幾希 陽陽, 求富貴 下一曲 右 疏注「由 招 利 此 我 注 達 妻 良 由

著以爲戒,耻之甚焉。 觀之,與正 章指:言小人苟得,謂不 一道乖。 妻妾猶羞 , 況於國 見知。 君子

姪 廷 琮 廷 弼校字

孟 子 正 義卷 十七

歸一, 原 脱,今從沈本據前後文意及經文補

0

章之功亦偉矣。」

## 孟 子正義卷十八

江 都縣鄉貢士焦循課集

孟子卷第九

之傳,深窺古人之心,與其徒相發明而是正之。 賢遺事。 《温故録》云:「《萬章》上卷皆以類相從,論次古帝王聖 於依託,放恣横議而譌傳悠繆之談以滋。 孟子獨得聖人 因以題篇。 孟子弟子也。 萬章章句上 凡九章。**●** 云:「萬章,滕州南萬村有墓,齊人,孟子弟子。」趙氏佑 、詩》《書》傳記之稱述或失其指歸,帝王聖賢之行事徒便 蓋自仲尼没而微言絶,七十子喪而大義乖, 疏注「萬章」至「子也」○正義曰:《齊乘》 萬章問舜孝猶《論語》顏淵問仁, 注萬章者,萬姓,章名, 萬子尤

> 也? 謂耕於歷山之時。 萬章問曰:「舜往于田、號 泣 于旻天。

乎?」注言孝法當不怨如是,舜何故怨? 不忘,父母惡之,勞而不怨。 惡之厄而思慕也。 説也。」孟子曰:「怨慕也。」注言舜自怨遭父母 説「仁覆閔下,則稱旻天」,則日部所引《虞書》,乃古《尚書] 也。」是「往」即「至」也。王氏鳴盛《尚書後案》云:「『往于 氏春秋・貴生》篇云「必察其所以之」,高誘注云:「之,至 田」三句見《孟子》,不言是《書》辭。」江氏聲《尚書集注音疏 云:「仁覆閔下,則稱旻天。」據許君《五經異義》引古《尚書 云:「文似《尚書》,而不稱『《書》曰』。《説文》日部引《虞書 曰:《禮記・玉藻》云「大夫有所往」,注云:「往,之也。」《吕 何爲,其號泣也?」注問舜往至于田,何爲號泣 萬章曰:「父母愛之,喜 疏注「舜往至于田」〇正 然 則 疏「父 舜 而 見

孟門高弟,故其辨難獨多。

然則孟子誠不在禹下,而萬

公明

高以孝子之心爲不若是恝。

語

傷,故云「憂」。

「陰氣」,閩、監、毛三本作

旻,閔也。

物就枯落,可

憂陰氣也。

故訴于旻天。

息,公明高弟子,公明高,曾子弟子。

日

爾所

知。

母」至「不怨」〇

正義

日

《禮

記

言者爲號」,此云「號泣」,則是且言且泣,故云「訴 釋言》云:「號,謼也。」宣公十二年《左傳》「號申叔展」、《國 之選也。」《説文》心部云:「惪,愁也。」「愁,惡也。」憂愁即閔 吾既得聞命矣,號泣于旻天,于父母,則吾 愛之,喜而弗忘,父母惡之,懼而無怨。」注云:「無怨,無怨 釋天》云:「秋爲旻天。」劉熙《釋名·釋天》云:「秋曰旻天。 不知也。』公明高曰:『是非爾所知也。』注 <sup>咎。]</sup>曰:「長息問於公明高曰:『舜往于 篇引曾子云:「父母愛之,喜而不忘,父母惡之,懼 於父母之心。」亦見《大戴記・曾子大孝》篇。《尸子・ |秋之爲言愁也。」《春秋繁露・官制象天》云:「秋者,少陰 晉語》「公號慶鄭」、《顔氏家訓・風操》篇云「禮以哭有 疏注「旻天」至「旻天」○正義曰:《爾雅 関傷也。」《禮記·鄉飲酒義》云: 高非息之問不得其義,故 祭義》云:「曾子曰: 幽陰。 旻天,秋也, 注恝,無愁 也 **爾** 田 勸 父母 雅 而 學》 夫 則 長 無 之貌。 感焉。 相對 子必不若是也。 也。 九男二女,百官牛羊倉廩備,以 以我既竭力耕田共子職矣,尚有何罪而父母不我愛哉? 哉」正言罪之多也。 得罪於父母處亦甚多,不知父母之不我愛是於何罪 今字。1我竭力耕田,共爲子職 當怨悲,豈可恝恝然無憂哉? 不我愛,於我之身獨有何罪 不我愛,於我何哉? 合,知本作「忿」也。」段氏玉裁《説文解字注》云:「忿、恝古 「忿」,今作「恝」爲俗字。 子》曰:「孝子之心不若是忿。」,據此,知古本《孟 文》心部無「恝」字,有「忿」字,云:「忽也。 疏注「恝無愁之貌」○正義曰:臧氏琳《經義雜記》云:「《説 我雖竭力耕田,不過共子職而已。 如 此。 疏「我竭」至「何哉」○正義曰: 孟子以萬章之問 夫公明 此説與經文不達,宜從趙氏。 一説此申言上「恝」字,若恝然無愁,則 高以 忽忘於心即是「無愁」,與趙 難 爲,孝子不 注我共人子之事,而父母 自距之,故爲言高、息之 哉? 因爲萬章具陳其 而已矣。父母之 此外宜盡者甚多,則 自求責於己 此即代述訴天之言 得 从心,介聲。 事 意 舜 帝使其子 於父母,自 於畎畝 也。

匹 九九九

耐

悲

「何

老

子

意。

氏義

舜所自有,故趙分别言之。言此牛羊、倉廩爲百官所致者, 推之,堯時當亦然也。 致牛羊,倉廩致粟米之餼」,倉廩亦百官所致也。 稟,委人掌芻薪之委。」是牛羊米粟皆有官掌之,故云「百 賈氏疏云:「以委積有牛羊豕米禾芻薪之等,舍人掌給米 則 禮,「舝四牢,米百有二十筥」。《掌訝》:「若將有國賓客至, 官・掌客》:「掌四方賓客之牢禮餼獻飲食之等數。」其饋 二女事舜是妻舜,九男云事舜自是事以爲師。 ○正義曰:堯舜皆稱帝,此使事舜者堯,知「帝」即「堯」也。 故不見於《堯典》。 丹朱以胤嗣之子臣下以距堯求禪,其餘八庶無事, 文。孟子諸所言舜事,皆《堯典》及逸《書》所載 自有之。《堯典》曰 奉事舜於畎畝之中。 妻舜,百官致牛羊,倉 於《春秋》,其餘四子亦不復見。疏注「帝堯」至「有之」 尚書》凡百二十篇,逸《書》有《舜典》之敘,亡失其 ·戒官修委積。」注云:「官謂牛人、羊人、舍人、委人之屬。」 注帝 堯也。 猶晉獻公之子九人,五人以事見 「釐降二女」,不見九男。 後云「牛羊父母,倉廩父母」,則是爲 由是遂賜舜以倉廩牛 廩 堯使九子事舜以爲師,以二女 致粟米 之餼 備 具 《周 -羊,使 以 饋 孟 禮 《周 禮 子 以以 禮 獨 時 得 秋 官

Ļ, 帝曰: 乃初以 其文,依次抄入《紀》中。 《舜》二典出伏生壁中,謂之今文。 堯九男皆益篤。」毛氏奇齡《舜典補亡》云: 居嬀汭,内行彌謹,堯二女不敢以貴驕事舜親戚,甚有婦道 典》,蓋疑九男事在所亡失之《舜典》中。《史記·五帝本紀 典》,如《論語》「天之歷數」,《孟子》「祗載見瞽瞍」,皆《舜 孔安國所得真古文與之合。 接,本係一篇,直至「陟方乃死」,皆《堯典》也。 皇,次曰女英。 ○注 云:「堯乃以二女妻舜以觀其内,使九男與處以 言「逸《書》有《舜典》之敘,亡失其文」,是趙氏未見古文《舜 氏鳴盛《尚書後辨》云:「「慎徽五典」與「帝曰欽哉」緊相 嬀汭,嬪于虞。」江氏聲《尚 曰:「瞽子,父頑,母嚚,象傲,克諧以孝,烝烝乂,不格姦。」 論衡 細檢其辭,則《舜典》尚存半篇在《堯典》後,徒以編今文 但 「堯典」至「復見」〇正義曰: 『我其試哉! 「逸《書》不列學官,藏在秘府,人不得見。」按: 賓禮饋舜之餼牽也。 正説》篇云:「妻以二女,觀其夫婦之法。」是也。」王 夫婦之際,人道之大倫,故堯欲以此 女于時,觀厥型于二女。」 釐降二女于 相傳亡《舜典》一 書集注音疏》云"「二女,長曰 其舜得自有之者,則堯所 安國於《堯典》之外又 漢司馬談作《本紀 《虞書 篇,不 「《尚 堯典》云: 此伏生本,而 觀其外。 書 ·知何 》有 有《舜 賜 》時采 觀 時 趙 《堯 岳 典 舜 也 而 舜 氏 娥 承

紀》不於《舜本紀》。

文《舜典》别自有

典》之文,正可申明趙氏注義。

以

掇皆不用原文,然踪跡可見。

殂

落」以前、《史記·

典」之前,以爲《舜典》不亡。

舜典》後截在《堯典》中,以

者脱去《書》序,誤

與《堯典》

余嘗意『舜

語,安

戰國間諸書引經凡稱《堯典》者,祇在「慎徽五典」以後「放勳 勳乃殂落」止是《堯紀》,即是《堯典》,自「月正元日」起至 勳殂落」尚是《堯典》,惟「月正元日」以後始是《舜典》。 不同,故《孟子》引「二十有八載,放勳乃徂落」爲《堯典》不爲 「《孟子》趙岐注云云,則可證其未嘗見古文《舜典》矣。 然大概可睹也。」毛氏此説,則《史記》言「九男」,即 在「月正元日」以前者補《舜典》之亡。 「舜生三十徵庸」止是《舜紀》,即是《舜典》; 「舜典》、《史記》載「慎徽五典」至「四罪 、舜典》二十八字於大桁頭,妄攙之「釐降二女」之後「慎徽五 前則尚有《舜典》半截在《帝舜紀》中,因即取《帝舜紀》 而其在古文,則實亡《舜典》前截,未嘗全亡。 一篇,與今文之《尚書》析《堯典》而爲二者 孟子時典謨完具,篇次未亂,固的 五帝本紀》則正載二《典》之全者,雖引 而不知「慎徽五典」以後至「放 致蕭齊建武間,吴人姚 連篇,謂但 是自「曰若稽古帝堯」起至「放 惠氏棟《古文尚書考》云: 而天下咸服」於《堯本 雖其辭與本經不同, 有《堯典》而 而「月正元日」 刺取《舜 方興 而 無《舜 蓋古 春秋 然可 不曉 文 得 語也。 也。 嗣。 説耳。 當作「孟子所言諸舜事皆《舜典》逸《書》所載」,謂亡失文中 信,馬遷亦親從安國問古文,其言亦未爲謬也。 氏廣森《經學巵言》云:「丹朱之外尚有九庶,高誘亦以 生丹朱,又有庶子九人,皆不肖也。」此依《吕覽》爲説 子中。《史記索隱》引皇甫謐云:「堯娶散宜氏之女曰女皇」 不在數中。」趙氏於丹朱外稱八庶,不依《吕覽》,以丹朱在九 去私》篇云:「堯有子十人,不與其子而授舜。」高誘注云: 登庸以後事全見於《堯典》,登庸以前及家庭事乃在 來」數語,及「祗載見瞽瞍」數語,皆當是《舜典》中語。 氏言「皆《堯典》及逸《書》所載」,此《堯典》乃《舜典》之誤 文無疑。」惠氏略與毛氏同。段氏玉裁《尚書撰異》云"「趙 類《孟子》本文。《史記·舜本紀》亦載其事,其爲《舜典》之 知非《舜典》之文? 又「父母使舜完廩」一段,文辭古崛,不 往于田」「祗載見瞽瞍」與「不及貢,以政接於有庳」等 「及」字符,傳寫之失也。 孟子曰「堯使九男二女事舜」,此曰「十子」,殆丹朱爲胄子 此注上文云「逸《書》有《舜典》之敘,亡失其文」,則此正 或當事舜之時長子已亡,惟有九男,丹朱仍得在數中, 若據《莊子》「堯殺長子考監明」,則丹朱 「舜」既譌「堯」,淺人乃又妄沾「及」字。」《吕氏春秋 此章及「不告而娶章」及「原

本以

次長官

意

也。

《舜典

蓋舜

原 而

多就之者。 者、重耳之外、若申生、夷吾、奚齊、卓子是也。 公之子九人,惟君在矣。」君謂重耳。 也。」引晉獻公之事者,僖公二十四年《左傳》介之推云:「獻 天下也。 無預設成心,急圖改計,求不知誰何之人,草次而爲之,是亂 賢相以輔之可矣。 平,堯止應率其常。 然且至歷年多,施澤於民久而後定。 與子,本萬古之常經。 並非求禪,未知趙氏所本。 子丹朱開明。」此事指上羲、和而言,馬氏正本此爲注。 功曰庸。」「若時登庸」,順天時以成民功也。」《史記》本紀於 言》:「若,順也。」《釋詁》:「登,成也。」《周 時之職,欲用以代義、和。」周氏用錫《尚書證義》云: 又未可定。」 疇容若時 命羲、和」之下即承云「堯曰: 羲、和爲卿官,堯之末年皆以老死,庶績多闕,故求賢順四 **豈堯之所以爲堯哉**? 登 謂 庸。」放齊曰: 丹 帝將胥天下而遷之焉,爲不順於 朱獨見《堯典》」者、《堯典》云:「帝 萬不獲已,擇九男中之賢與之可矣。 苟欲息肩,亦惟禪子,朱即不肖,擇在朝 自堯始變之,亦以得人如舜而然耳。 趙氏佑《 『胤子朱啓明。』馬 誰 彼以疇咨爲求禪,不可不辨 可順此事? 温故録》云:「天下定於 若當洪水未作,天下方 五人以事見於《春秋》 禮 司勳》: 天下之士 放齊曰: 融注 然則 「《釋 굸: E: 民 必 嗣

堯曰: 「終不以天下之病而利一人。」而卒授舜以天下。」以 悦之。 父母 舜則天下得其利而丹朱病,授丹朱則天下病而丹朱得其利 既歷試諸艱,齊七政,類上帝,揖五瑞,作教刑四罪,而天下 及也」,注云:「胥,待也。」待即須也。 云:「堯知子丹朱之不肖,不足授天下,於是乃權授舜。 輔相天下,《易》所謂「裁成輔相,以左右民」也。 咸服,然後令舜攝行天子之政也。 隱》云:「胥、須古人通用。」《管子・大匡》云「姑少胥,其 不戴説。」○注「胥須」至「禪之」○正義曰:《漢書・敘傳上 也,登爲天子,賢士歸之,萬民譽之,丈夫女子振振殷 天下悦之,秀士從之。」「善士」即「秀士」也。又云:「其遇時 氏春秋·慎人》篇云:「舜耕於歷山,陶於河濱,釣於雷澤, 帝本紀》云: 所歸往也。 順,愛也。 胥,相也。」《方言》云:「胥,輔也。 集注》引應劭云: 胥,須 如窮人無所歸。 爲不愛於父母,其爲憂愁,若困窮之人無 「一年而所居成聚,二年成邑,三年成都。」《吕 疏注「天下」至「悦之」○正義曰:《史記 也。 「胥,須也。」《史記 堯須 天下悉治, 王天下之善士多就 吴越曰胥。」「胥天下」即 按:《爾雅 「堯待天下悉平」,謂 廉頗 將遷 磁相 位 《史記》本紀 釋詁 而 如傳》《索 禪 ž 般,無 舜 之。 授 Ŧī. 自 而

也。」登 貴,無足以解憂者,惟順於父母 **貴爲天子而不足以解憂。人悦之、好色、富** 欲, 我愛」,故以 利天下 注言爲人所悦,將見禪爲天子,皆不足以 誘皆以貪釋欲。 樂》篇云「天使人有欲」、《論威》篇云「人情欲生而惡死」,高 ○正義曰:《説文》欠部云: 欲,富有天下而不足以解憂,貴,人之所欲, 士悦之,人之所欲也,注欲,貪也。 窮。」《廣雅・釋詁》云: 往也」〇正 妻帝之二女而 即 而授舜,即 升 義曰: 也,進 「順」爲「愛」也。 是輔 而不足以解憂,好色,人之所 也 趙氏以「不順於父母」即上云「父母之不 謂 相 「困,窮也。」「歸,往也。」天下之 不足以 進 天下也。《説文》是部云:「遷,登 而升諸 「欲,貪欲也。」《吕氏春秋・大 《論語·堯曰》篇云:「四海困 君位也。 解憂,富,人之所 可以 疏注「欲貪也」 ○注 解憂。 「順愛」至 解憂。 獨

注慕,思慕也。人少,年少也。 艾,美好也。不得於子則慕妻子,仕則慕君。 不得於君則熱中。「人少則慕父母,知好色則慕少艾,有妻

見愛於父母爲可以解己之憂。

好艾大夫殆」、章昭注以艾爲嬖臣、乃指男色之美好者。 與幼艾」,高誘注云:「艾,美也。」屈子《九歌》「慫長劍兮擁 同取於艾之色也。 白義含有二焉"以髮蒼白言謂之老,以面白皙言則謂之美, 君,失意於君也。 程氏謂傳載中無以艾爲好者,豈誠説乎? 張衡《東京賦》「齊騰驤以沛艾」,薛綜注以沛艾爲作姿容貌 幼艾」、王逸注亦以艾爲美好。《晉語》狐突語 少當讀爲「少長則習騎射」之少。艾當爲又,艾即衰減之義 古篇》曰:『經傳無以艾爲好之文。衢有士子陳其所見云: 疏注「艾,美好也」○正義曰: 爲彦。乂爲芟艸,故義亦爲絶。宣公十五年《左傳》云「酆 爲俊,百人爲乂。」以美好爲乂,猶以美才爲俊,即猶以美士 通刈、《説文》云:「乂,芟艸也。 頌》、《曲禮》訓爲「長老」,遺《孟子》、《國語》、《國策》等所用 『五十曰艾』,疏謂『髮蒼白色如艾也』。 蓋古但訓艾爲白,而 一義,不當因以改讀《孟子》。」翟氏説是也。 慕少艾」云者,知好色則慕差減于孺子時也。」按、《典禮 書·皋陶謨》云「俊乂在官」,馬、鄭注並云:「才德過千人 《戰國策》魏牟謂 熱中,心熱恐懼也。 翟氏灏《考異》云:「程氏《考 或从刀。」是乂、刈、艾字同 趙王曰「王不以予工乃 《説文》祇據《魯 然艾古通乂,亦 是乃人之情。 申生日【國 漢

母。 之人終身慕父母,若老萊子七十而慕,衣五采之衣, 借 然。」此謂熱中之病,心不和緩。 非缓心和人,不可以服此二者。」」又云:「熱氣慓悍,藥氣亦 伯曰:「夫芳草之氣美,石藥之氣悍,二者其氣急疾堅勁,故 禁高梁,是不合其心,禁芳草石藥,是病不愈,願聞其説。」岐 藥,石藥發填,芳草發狂。 中 將被謫斥,故恐懼耳。 於心虚不生於心熱。 中爲心熱。《素問· 記・文王世子》云「禮樂交錯於中」,注云: 於艾色之白也。 稱美色者爲絕色。 有三雋才」,注云:「雋,絶異也。」雋即俊,美好之爲艾,又如 云:「心虚則腎并之,爲恐。」然則恐懼生於寒不生於熱,生 〈宣明五氣篇》云:「五精所并,精氣并於腎則恐。」王冰 病之熱 論》云"「帝曰"【夫子數言熱中 以生喜怒悲憂恐。 五 + 中以形 而 慕者,予於大舜見之矣。」往大孝 ○注 容失意于君 彼以艾無美好之義者,鄙矣。 陰陽應象大論》云:「人有五藏,化 趙氏以「不得於君」是不爲君所寵 近時通 北 「熱中 方生寒,在變動爲慄,在志爲恐。」 夫熱中消中者,皆富貴人也。 心熱恐懼也」〇正義曰: 解以熱中爲躁急,是也。 者也。 心不和緩,是爲焦急。 ·消中不 大孝終身慕父 可 「中,心也。」故熱 服高梁芳草石 然亦 孟子 非 《禮 《腹 用 今 注 五 取

> 也。 發中。 父母。 十徵庸,二十在位,五十載、《大戴禮·五帝德》、《史記 肅、 作「三十在位」,閩、監、毛三本三作「五」,《考文》古 親側。」今劉向《列女傳》亦無此文。 **斒爛衣**。 傳》云:「老萊子孝養二親,行年七十,作嬰兒自娱,著五 所終。」今皇甫謐《高士傳》無此文。 前,言不稱老,爲親取食上堂,足跌而偃,因爲嬰兒啼,誠 時尚慕,故言五十也。 爲嬰兒匍匐於父母前也。 〇正義曰: 極甘脆,❶年七十父母猶存,萊子服荆蘭之衣,爲嬰兒戲親 曰:舊疏引《高士傳》云:「老萊子,楚人。 姚方興本之爲舜年百十二歲之説,今文《尚書》舜生三 古文《尚書》舜生三十登庸,三十在位,五十載,馬 段玉裁曰: 楚室方亂,乃隱耕於蒙山之陽,著書號《萊子》,莫知 《書》曰:「舜生三十徵庸,三十 嘗取漿上堂,跌仆,因卧地爲小兒啼,或弄雛鳥 阮氏元《挍勘記》云:「廖本、孔本、韓本、足利 作五者非也,作三者亦未是,作二者 疏注「若老萊」至「前 我於大舜見 ○注「書曰」至「五十也 馬氏驌《繹史》引 少以孝行養 五十 在 位。 也」〇正 而 、融、王 **刻** 尚 在 · 五 本 親 位 是 作 本 於 慕 女 至

❶ 「脆」,原誤作「跪」,今從沈本據僞孫奭疏及經解本改。

本不如是也。此所以馬、王、姚作三十在位而鄭作二十也。」 而已,未嘗有「鄭玄讀此經云」之例。 冠之以「鄭玄讀此經云」六字。不則直曰「鄭某云」、「鄭云」 年,舜年一百歲也。」此正鄭説三當作二,以今正古,故正義 謂歷試二十年,在位五十載陟方乃死,謂攝位至死爲五十 曰:「鄭玄讀此經云,舜生三十,謂生三十年也,登庸二十, 文、古文之異也。鄭康成注古文,而用今文正古文。 正義 在位作三十在位,使下文「適百歲」之語不可接,皆由不知今 之證。今本作三十在位,何可通邪? 慕,故言五十也。』合三十二十,正是五十,乃爲[五十而慕 十而慕」云: 『《書》曰舜生三十徵庸, 二十在位。 徵用,二十在位,五十載陟方乃死,適百歲矣。」趙注此章「五 充、趙岐、皆從今文者也。《論衡·氣壽》篇曰: 『舜生三十 帝本紀》、皇甫氏《帝王世紀》皆本之爲舜年百歲之説。 「讀此經」者,明此經之 今本《論衡》亦改二十 在位時尚 王

「孔、韓本作夫、古本作大。」《白虎通》:「孝道之美,百行孝」至「先之」〇正義曰:周氏廣業《孟子章指考證》云:春可也。孝道明著,則六合歸仁矣。 疏「夫之。雖富有天下而不能取悦於其父母,莫之。雖富有天下而不能取悦於其父母,莫

先於孝。」《漢書・杜欽傳》欽對策白虎殿云:「孝,人行孝。」鄭康成《論語》注:「孝爲百行之本。 人之爲行,莫之本也。」《漢書》平當上言稱《孝經》曰:「人之行莫大於

之所先也。」

人之大倫也。如告,則廢人之大倫以懟父 娶宜莫如舜」。《詩》在舜後,趙氏謂「舜合信此詩之言」,非 近時通解「信斯言也、宜莫如舜」謂「誠如詩之所言、則告而 爲「告廟」,而箋則兼言生死以補之。 禮,議於生者,卜於死者,此之謂告。」蓋詩爲文姜嫁魯桓 在《南山》篇第三章。 娶妻之禮,必告父母。舜合信此詩之言,何爲違禮 其義也。 而發,時魯惠公及仲子俱殁,桓娶文姜無父母可告,故傳以 不告而娶也? 而娶,何也?」注《詩》、《齊國風・南山》之篇。 必告父母。』信斯言也,宜莫如舜。舜之不告 萬章問曰:「《詩》云:『娶妻如之何? 孟子曰:「告則不得娶。男女居室, <u>坑</u>注「詩齊」至「娶也」○正義曰: 傳云:「必告父母廟。」箋云:「取妻之 舜之告則議於生者矣。 引《詩

疏注 則不 禮 之子不教,唯恐弗堪。 吉、納 妻舜 母 之辭云: 不敢辭。]致命曰:『敢納采。」]記問名之辭云: 也請納采。」對曰:『某之子惷愚,又弗 揜井,亦其事也。 且以備數而擇之,某不敢辭。」」記納吉之辭云: 云:「昏辭曰: 以辭,是相告也。 曰 吾子有貺 ·某既受命,將加諸 舜父」至「母也」○正義曰:「父頑母嚚」、《尚書・堯典》文。 史記• 子,是以 一:「舜之不告 ,儷皮束帛, 徵、請期,然後親迎也。 「禮娶」至「告也」〇正 而不告,何 其 五帝本紀》云: 「納徵曰:『吾子有嘉命,貺室某也。 命 娶,是廢人之大倫以 不告也。」注 某 『吾子有 使某也請納 加 《爾雅 諸 卜,敢請女爲誰氏?」對曰: 『吾子有命 而 也?」注禮,娶須 帝 1 子有吉,我與在,某不敢辭。」」記納 惠, 貺室某也。 「瞽瞍愛後妻子,常欲殺舜。」後焚廩 娶 謂 占 義曰: 堯也。 則吾 舜父頑 日 徵。」致命曰:『某 釋言》云:「懟, 《儀禮 古, 使 五. 怨懟 既 何不 禮者, 某 母嚚,常欲 得 能教。 士昏禮》記納采之辭 也敢 某有先人之禮 於父母 聞 五 · 告舜 蓋納采、問 告。』對曰: 禮,父母 命矣,帝之 怨也。」萬章 吾子命之,某 敢納徵。」對 某 父母 「問名曰: 也。 「納吉曰: 有先人之 害舜,告 ,使某 名、 也? 亢答 疏 「某 納 徵 注

> 爲違父也。」析義精審 瞽義不可以違帝 還軍亢父」,注引鄭氏云:「亢音人相抗答。」 請期之辭云: 日: 注 父母止之,舜不敢 聽。]使者曰: 命是聽。』曰: 是三族之不虞,使某也 「抗,對也。」抗與亢通,亢答即對答。 《史記・酈生陸賈傳》云「與天子抗衡」,《索隱》引崔浩云: 「某日」。 帝亦知告焉 「帝堯」至「不告」〇正義曰: 『吾子順先典,貺 對日: 「某命某聽命於吾子。」對曰: 「請期曰: 『吾子有賜命,某既申受命矣。 『某使某受命,吾子不許, 『某敢不須敬?』」凡此皆父母亢答之辭 而可以 則 違 不 某重禮。 請吉日。」對曰:『某既 則 禁其子,帝力可 得妻也。」注帝 不 得 趙氏佑《温 某不敢 妻之。 《漢書・ 辭, 以 某敢 故 敢 制 故 堯知 是也。 「某 瞽 高帝 録》云: 亦 不 前受命 不 承 而 不 告期?」日 固 舜 命?」 紀》 不 告。 可 惟 大 曰 : 「此言 矣, 强 命 孝。 疏 是 惟 記 唯

焚廩 也。 倉; 廩。 階,梯 也 使浚井,出,從 萬章曰: 説 使舜浚井, 捐階,舜即 也。 使舜 「父母 登 舜 旋 入而 廩屋,而 從階下,瞽 而 使舜完廩,捐階, 揜之。 即 出 捐 去其階 注完,治也。 瞽 瞍 瞍 不 知 不 焚燒 其已下,故 知其已出 瞽 瞍 其 廩, 焚 廩

而

下,去,得不死。

後瞽瞍又使舜穿井,舜穿井爲匿空旁出。

欲殺之,

紀》云:「堯乃賜舜絺衣與琴,爲築倉廩,予牛羊。

瞽瞍尚

使舜上塗廩,瞽瞍從下縱火焚廩。

出是入而即出

,故以捐階是「旋從階下」也。

也。」環、還字通、捐爲環、是即爲旋也。

「捐階」與「出

文》云:「 一 , 穀所振人宗廟粢盛, 倉黄 一 取之, 故謂之 一。 祭統》云「不明其義,君人不全」,注云:「全猶具也。」蓋原有 榮辱》篇云「有囷廩」,注云:「方曰廩。」是 「梯、木階也。」蓋階與梯畧 廣言》云:「旋,還 倉黄取而藏之,故 舜乃以兩笠自扞 《史記·五帝本 」對言 「方者 階, 《爾 《説 義 復 去 别 梯 瞽叟更娶妻而生象。」是象爲舜異母弟也。 子之恩原不冺斷,到死生之際自有以斡旋之,即謂之慈父可 或云使完廩者,父母也; 井出,去也。」按"今《列女傳》但言「舜往飛出」,不言鳥工。 引《列女傳》云「二女教舜鳥工上廩」是也。 舜既深入,瞽瞍與象共下土實井,舜從匿空出,去。」《 也。《史記集解》引劉熙云:「舜以權謀自免,亦大聖有神人 所以得免。 蓋飛出即所謂旋也。 云:「謨,謀也。」《釋言》云:「弇,蓋也。」孫炎注云: 正義曰:《史記•五帝本紀》云:「舜父瞽叟盲,而 有,取其善者,故引其功也。 言謀覆於君而殺之者,皆我之功。 有牛羊倉廩之奉,故謂之君。 母 之助也。」象曰:『謨蓋都君咸我績。 曰:「去汝裳衣龍工往。」入井,瞽叟與象下土實井,舜從他 衣裳鳥工往。」舜既登廩,得免去。 云:「瞽叟使舜滌廩,舜告堯二女。 弟。 謨,謀; 「出從而揜之」,此句尤明。 蓋,覆 《通史》梁武帝撰,見《隋書・ 焚廩者,瞽瞍也。 也。 都,於也。 舜穿井,又告二女。二女 疏注「象舜」至「功也」○ 咸,皆; 女曰: 『時其焚汝 蓋雖惑於後妻,而 欲與父母分舜之 《正義》引 績,功 君,舜 只一瞽瞍,此舜 《爾 注象,舜 雅 經籍 舜母 也。 也。 《索隱 通 釋 鵲 詁 史 死 異

乎東階西階之階也。

《説文》手部云:

「捐,棄也。」棄即

也

故

云「捐去其階」。

「一説旋階」者,訓捐爲旋也。

器》云:

「環謂之捐。」《小爾雅

有别。

此完廩所用以升屋者則是木階,故以「梯」釋之,以

所乘以升屋者。」《説文》木部云:

之有等差也。」《禮記·喪大記》云「虞人設階」,注云:

倉、廩通稱也。

劉熙《釋名·釋宫室》云"「階,梯也。

如

倉。 |《荀子·

謂之倉。』《吕氏春秋・

季春紀》「發倉節」,高誘注云:

从人回,象屋形中有户牖。」「倉,穀藏也。

此廩屋,有破毁處,使舜登而補葺完全之,亦是「治

也。

曰 :

部云:「完,全也。

古文以爲寬字。」《禮

記

從

蓋其井,以爲死矣。

疏注「完治」至「死矣」〇正

五〇七

一蓋

亦覆

害也。 氏謂 弤, 彫弓也。 棲。』注干,楯,戈,戟也。 與 所著矣。」牛羊父母,倉廩父母,注欲以牛羊倉廩 爲「於」。 諸侯及卿大夫有地者皆曰君。」雖成都、未嘗君之、故解「都 奉,則是尊官。 得餐錢奉邑」之奉。 覆蓋之。」是「蓋」爲揜,即爲「覆 之意。」襄公十七年《左傳》云「不如蓋之」,服虔注云: 近,每加偏旁互相假借,若以爲正字則失之。《書·吕刑》曰 本作害。」《孟子》「謀蓋都君」,此兼井、廩言之,蓋亦當訓 「爾雅・ ·使鰥寡得所,無有掩蓋。]失之矣。 「鰥寡無蓋」,蓋即害字之借,言堯時鰥寡無害也。 其父母。 `於也。」近時通解謂舜所居三年成都,故謂 「有倉廩牛羊之奉,故謂之君」。 若專以謀蓋爲蓋井而不兼焚廩,則「咸我績」咸字無 釋言》: 功也」, 是時未知所處何等,故但以奉知爲君也。「咸,皆 干戈朕,琴朕,弧 《儀禮 天子曰彫弓。 均 『蓋,割裂也。』害、曷、盍、末、未,古音皆相 《爾雅 《廣雅·釋詁》云:「奉,禄也。」既食禄 • 喪服傳》「君至尊也」,注云:「天子 釋詁》文。 堯禪舜天下,故賜之彫 琴,舜 也。 《爾雅釋文》:『蓋,舍人 奉即《漢帝紀》「列侯幸 , , 二 《爾雅 阮氏元《釋蓋》云: 所 彈 嫂 Ŧī. 釋詁 都君」。 弦琴 使 偽傳云: 治 \*\frac{\times}{\times} 蓋, 也。 朕 捎 爲

弓。 弓也。 字同。 也。 按:《廣韻》引《埤蒼》云:「張,舜弓名。」趙氏佑《温故録》之 車部云: 彫,古今之異。彫是畫飾之義,故曰:「敦弓,畫弓也。」《冬 弓」。《毛詩・大雅・行葦》「敦弓既堅」,傳云:「敦弓,畫弓 引揚雄《清英》云:「舜彈五弦之琴而天下化,堯加二弦以合 戟」,詳見《梁惠王下》。 或别一弓之名,舜所常用,亦如 意,以弤爲天子之弓,於義未協。 四年《公羊傳》何休注云:『天子彫弓,諸侯彤弓,大夫嬰弓, 畫,文不具耳。此述天子擇士,宜是天子之弓,故言『天子敦 君臣之思。」」是舜彈五弦之琴也。 爲妻也。 士盧弓。』事不經見,未必然也。」按: 氏、周皆訓至。《説文》 官》「弓人爲弓」唯言用漆,不言畫 丁音彫,云:「義與弴同。」」趙氏讀 天子敦弓。」《釋文》云:「敦音彫。」孔氏正義云:「敦 其諸侯公卿宜與射者,自當各有其弓,不必畫矣。 輖之爲抵,猶彫之爲弤矣。 棲,牀也。二嫂,娥皇、女英。 「蟄,抵也。」鄭氏《士喪禮》注云:「輖,墊也。」墊、蟄 疏注「干楯」至「妻也」○正義曰: 邵氏晉涵 五弦之琴爲舜自作者耳。」 趙氏佑 《音義》云:「弤,都禮切。 乃此時 ,則漆上又畫之。 《爾雅正義》云:「《通典 「弤」爲「彫」,故以爲「彫 **温** 堯不當有禪舜之 使治牀, 「干,楯」、「戈 故録》云: 彼不言 欲以 與

懌

五帝本紀》云:「象乃止舜宫居,鼓其琴。

「在,存也。」存亡猶死生也,故以

子》略不同。

按:《孟子》之文,舜已出井而象乃揜蓋。

反

辭

曰:我鬱陶思君,故來。

爾,辭

也。

忸 怩

是其情也。

陶

思君爾。』忸怩。注象見舜生在

云侍寢也。

象往人舜宫,舜在牀琴。

草茅之中,與之語禮樂而不逆,與之語政,至簡而易行,與之 即庋閣之意也。」《藝文類聚》引《尸子》云:「堯聞其賢,徵之 先已在宫,象揜畢而後來,未見舜,先已聞琴,故愕然反。 之治也」,高誘注云:「治,整也。」使二嫂整理安息之處,猶 修身》篇云:「少而理曰治。」《吕氏春秋・振亂》篇云「欲民 語道,廣大而不窮,於是妻之以蝗,媵之以娥。」《列女傳・ ·舜娶於帝堯之子,謂之女匽。」 匽、英一聲之轉也。《荀子· 「漢書・古今人表》女英作女罃。《大戴禮記・帝繋》篇云: 曰"「我思舜正鬱陶。」舜曰:「然,爾其庶矣。」」此與《孟 疏注「象見」至「情也」○正義曰:《説文》土部 》云:「棲者,人物所棲也。 「生」釋「在」。《史記 舜往見之,象愕不 長娥皇,次女英。」 牀鼓琴,愕 象曰: 而 「鬱 是舜 慙, 然 母 愕 可得。 也。 也。 孔子聞之,告門人曰:「參來勿内也。 蹙然而起,退屏鼓琴而歌,欲令曾皙聽其歌聲,令知其平也 瓜而誤斬其根,曾皙怒,援大杖擊之。 以 出,潛自入宫,知象將來,故鼓琴以示之。 迹,則鬱陶思舜之言何能自揜? 之。若此,則象先不知舜未死,既居舜宫,必已彰其跋扈 舜乃從匿空旁出,故以爲象先居舜宫,鼓其琴,舜後 謂悔其不當來而變易其初心也。 訓》云「紂居於宣室而不反其過」,高誘注云:「反, 與遌同、《説文》是部云: 也。」凡經傳言「鬱陶」者皆當讀 非漫然矣。 云「良愕然,欲歐之」,注云:「愕,驚貌也。」《淮南子• · 悠悠我思」,合言之則曰鬱悠。 列子・仲尼》篇云「回能仁而不能反」,注云: 「反,變也。」 和,此象所以愕然而悔也。 《楚辭・九辨》云「馮鬱鬱其何極」、《鄭風・ 舜之事父也,索而使之,未嘗不在。 晉、宋、衛、魯之間謂之鬱悠。」鬱猶鬱鬱也,悠猶悠悠 小箠則待,大箠則走,以逃暴怒也。」」然則舜之牀琴 王氏念孫《廣雅疏證》云:「《方言》:「鬱悠, 「遌,相遇驚也。」《漢書・ 《説苑·建本》篇云:「曾子芸 《方言》注云: 如「皋陶」之陶。 《史記》非也。 《史記》以瞽瞍與象實土 曾子仆地,有頃,蘇 汝聞瞽瞍有子名 側求而殺之,未嘗 既示其未死,且 「鬱悠猶鬱 惟舜先從 鬱陶、 子衿》篇云 張 悔 入宫見 良傳 氾論 也。」 鬱

説爲得之矣。

《廣

雅 •

「棲謂之牀。」《釋詁

棲, 过也。」王氏念孫

《廣雅疏證 釋器》云:

儀傳》云:「有虞二妃者,帝堯之二女也。

義 雅 文疏 弓》鄭注云: 陶思君,故來。 必 辯 記 注 舜之意,故舜亦誠信而喜之,非謂鬱陶爲喜也。 辭 以鬱陶爲憂思之誤。 憂 孟 而 引《孟子》趙注云:「象見舜正在牀鼓琴,愕然反辭曰: 引《孟子》「鬱陶思君」。 古 喜,必自道其相思之切,豈得即 思之意,非喜之意,言我鬱陶思君,是以來見,非喜而思見之 也。 ,且以《史記》及各傳注爲非,傎矣。 欲 》云 『 豈不鬱陶 亦憂」,特以引起下文,非真有象憂之事也。」因悉數諸 子固已明言「象喜亦喜」,蓋統括上二段情事,其先言 思見之辭,故 同 》之訓爲喜者不同。 云: 『我鬱陶思君,故來。』是趙 解鬱 聲。 證 五帝紀》述象之言,亦云「我思舜正鬱陶」、《楚辭 孟子言「象喜亦喜」者,象見舜而僞喜,自述其鬱 陶爲喜、『喜 讀 |《爾 「陶、鬱陶也。」據此則象曰「鬱陶思君爾」 陶 爾,辭 舜亦從 如 而思君兮」,則 雅 「陶冶」之陶、失之矣。 念孫按,象曰『鬱陶思君爾』,則 也。 而思君 郭璞以 釋詁》篇: 耐 《禮記》曰:「人喜則斯陶。」邢 喜日 忸怩而慚,是其情也。」又引下《檀 爾」,甚爲不 (孟子)證 鬱陶 道其相思之切爲喜乎? 惟 意 「鬱陶、繇,喜也。」郭 爲思,其義甚明 亦不以鬱陶爲喜。 兹臣庶,女其于予 《爾雅 又按、《爾雅》:「悠 閻氏若璩《尚 解。 》,誤也。 既 凡人相見 不 達 鬱 與 閻氏 陶思 陶 治。」 一乃喜 我 昺 書 於 璞 **©**史 爾爾 象 經 趙 九 乃 鬱 注 而 書 疏 古

鬱陶以 同。 鼓鐘 助。」是也。《方言》云:「忸怩,慙澀也。 余安能乎留斯?」夏侯湛《大暑賦》 思憤盈亦謂之鬱陶、孟子》、《楚辭》、《史記》所云是也。 弓》正義引何氏《隱義》云: 憂、喜二義,鬱陶 雅》云:「鬱陶、繇,喜也。」又云:「繇,憂也。」則繇字 君未敢言」,皆以鬱陶爲憂。 臆也。」魏文帝《燕歌行》云「憂來思君不敢忘」,又云「鬱陶 日 云: 憂。 傷 氣 蕴隆亦謂之鬱陶, 亂之爲治、故之爲今、擾之爲安、臭之爲香,不可 是陶爲憂也。 文》: 「悠,憂也。」《小雅・十月之交》篇「悠悠我里」, 毛 爾 「鬱陶。 ,憂思也。」悠、憂、 爲「辭 閻 『悠悠,憂也。』是悠爲憂也。 《管子· 》篇「憂心且妯」、《衆經音義》引《韓詩》作「憂心且 氏謂 興 《九辯 熱。」是也。 一者、《禮記 「憂喜不同名、《廣 内業》篇云「憂鬱生疾」,是鬱爲 故 》「鬱陶而思君」,王逸注云: 亦猶是 《廣雅 摯虞《思游 思三字同 事 檀弓》「爾毋從從爾」,注云: 雖 也。 釋言》云:「陶,憂也。」合而言之則 不 「鬱陶,懷喜未暢意。」是 凡一字兩訓而反覆旁通者, 口 是故喜意未暢謂之鬱陶 義,故鬱悠 雅 而 賦》云:『戚溽暑之鬱陶 同爲 談誤 悠與陶古聲同。《小雅  $\stackrel{\sim}{ imes}$ 公訓陶 鬱積 何 楚郢江淮之間謂之 既 爲憂」,亦 之義,故 太陽之赫曦,乃 「憤念蓄積 訓 爲 憂 悉數。 思 也 命名 也。 非 又 也。\_ ,《檀 即 陶一 訓 盈 《説 兮, 暑 憂 爾 若 有 爲

於通。 問 也。 衆,汝故助 謂之衄,又謂之贓, 縮不伸之貌也。 疏 而 忸 「女故助我治事」是也。」閻氏若璩《釋地又續》云:「《孟子或 云: 素憎舜,不至其宫 日 詩 爾雅 汝其于予治 以天下禪舜,瞽、象雖愚,亦豈不利其子與兄之爲天子 云: 證》云: 慙。』《廣雅》: 顔」,章 · 怩,或謂之啓咨。」戴氏震《方言疏證》云:「《晉語》「君 :"『惟兹臣庶,汝其于予治。』]建兹,此 》著於淳熙丁酉後,其 王氏引之《經傳釋詞》云:「于,爲也。 「姑者、故也。」《毛詩 周頌・維天之命》序《釋文》引《韓詩》云:「惟、念也。」 「姑,且也。」「汝其于予治. 爾 釋詁》云:「兹,此也。」「惟,思也。」「庶,衆也。」 -昭注云:「忸怩,慙貌。」趙岐注《孟子》云: ❶「忸與蚆同。 雅 我治事。 |解爲「汝故助我治事」者、《白 釋 《釋言》云:「衄 『忸怩,啓咨也。』忸怩、啓咨並雙聲。」《廣 詁》云:「於,代也。」代予治即是助 也。 猶 慙謂 辭 疏注「兹此」至「治事」〇正 想字从心, 衄聲。 故舜見來 曰: 『林氏謂司馬公以爲是時 周南 之忸 」謂汝姑且于予治 ·卷耳》「我姑酌彼金罍」, ,縮也。」 縮與慙 怩, 又謂 而 喜日: 爲,助 之唇咨也。」 虎通. 忸怩、唇咨皆局 惟 義 也。 也。 五行》篇 念此 也。 相近, 義 忸 于與 Ē: 趙 我 舜 象 臣 治 縮 而 注 雅 怩 忸 0

之哉? 難矣。 也。 若金氏謂『祇在發明聖人處變之心,苟得其心,則事迹 無。 聞之事,有非實者,必辯而明之,以曉天下後世,豈有知其 欲殺之乎? 都不必辯」,殆幾於戲矣。 而明之以曉天下後世者。 然而不暇辯者哉?」余謂世誣舜以瞽瞍朝己,孟子則辯 之所在,則亦未爲甚頑且傲,而舜之所處亦未足爲天下之至 萬章傳聞之誤,而孟子有不暇辨耳。 以爲舜之側微,已能使瞽、象之不格姦矣,豈至 奚,何也。 之將殺之與? 知象之將殺己與?」 奚 誣舜以放象,則辯其未嘗有。 蓋天下之事有不可以常情測度者,使瞽、象而猶知 而 不格姦者,但能使之不陷於刑戮。 以此皆疑《孟子》之誤。 不 知 孟子 借使殺之,堯必誅己,宜亦有所不敢矣。 也? E: 何 爲 舜何爲不知象惡己也? 象 好 人固習而不察耳。」不識 憂 豈有知其不然而故設言其 言 注萬章言 順 亦憂,象喜 程子以爲此非孟子之言,乃 辭 凡於傳譌之迹,未有 是數説者,恐其皆未安 以 我不 答 且聖賢於世俗 象 知 也 亦喜。」 此 舜 而 不 日 舜 知 理? 蘇 有 不 其 利 欲 注 不 不 氏 無

) 「廣」上,據本書文例當有「王氏念孫」四字。

愛其弟,憂喜隨之。  $\Box$ 象方言思君 ,故以順辭答之。 也。 萬

舜

所哉」。 喻之。 同。 朝之,孟子曰否」,注:「言不然也。」又「萬章曰堯以天下與 子言舜不詐喜也。」又「咸丘蒙問舜南面而立、瞽瞍亦北 不詐喜也」○正義曰:段氏玉裁《説文解字注》云:「否,不 之,反命曰:『始舍之,圉圉焉,少則洋洋焉, 緩摇尾之貌。 主池沼 哉!』注孟子言否,云舜不詐喜也,因爲説子産 攸然而逝。』子産曰: 『得其 生魚於鄭子産,子産使校人畜之池。 僞」,高誘注云:「僞,虚 章言如是則 偽詐也」〇 《孟子》「萬章曰然則舜僞喜者與,孟子曰否」」注:「孟 不者,事之不然也; 子産,鄭子國之子公孫僑,大賢人也。校 小吏也。 重言之,嘉得魚之志也。 「然則舜 Ē 爲舜行 義曰:《淮 攸然迅走水趣深 幸 圉,魚在水羸劣之貌; 至誠,而詐喜以悦 爲喜者與?」注爲,詐 詐也。」曰:「否。 否者, 説事之不然也。 南子・本經訓》云「其心愉 處也。❶ 所 疏注 哉 「孟子言否云舜 人矣。 昔者有饋 故曰「得 故音義 得其 校人烹 洋洋,舒 疏注 而不 面 人, 所 皆 其 以 而

> 禮·夏官》,掌馬政。 子曰否然」,注皆曰:「否,不也。不如是也。」注以不如是釋 之,掩其上而柴其下。」《地官·媒氏》注云:「亡國之社,奄 云:「校, 概柴也。」 哀公四年《公羊傳》云: 馬耳,故呼爲閑也。」按: 馬,因云校獵,亦失其義。 此於畜魚之校人無涉。 氏疏以爲「讀從 符鄙切。」○注「校人主池沼小吏也」○正義曰:校人見《周 引申之義訓爲不通、如《易》之「泰否」、《堯典》之「否德」、❷ 否然,今本正文皆誤作「否不然」,語贅而注不可通矣。 疽,孟子曰否然也」,萬章又問『百里奚自鬻於秦養牲者,孟 伊尹以割烹要湯,孟子曰否然也」,萬章又問「孔子於衛主癰 校,遮止禽獸而獵取之。 天子校獵」,顏師古注 小雅》之「否難知也」、《論語》之「予所否者」、皆殊其音、讀 、有諸,孟子曰否」,注:「堯不與之。」又「萬章問曰 《曲禮》與《少儀》『效馬效羊』,取效見義 鄭康成以爲「主馬者必仍校視之」,賈 云 : 《漢書 師古解校人是也。 説者或以爲《周官》校人掌田 養馬稱校人者,謂以爲闌校以養 「校獵 司馬 者 以 相 木 如 「亡國之社蓋 相 傳 《廣雅• 貫 (穿,總 上林賦》云 人 釋木 有 爲闌 獵之 言 字

0

<sup>2</sup> 「典」,原脱,今據《說文解字注》補。 趣」,原作「趨」,今據廖本及疏文改。

凰

義 以

日: 木相 麒麟

爾雅 画

釋言》云:

「圉,禁也。」圉與圄通,宣公四

貫穿爲闌校以

遮禽獸也。

○注「圉圉」至「志也」○正

左傳

云

伯

嬴

注

 $\overline{Z}$ 

画

囚

也。」《説文》口

部

云:

吾

,所以拘辠人。」囹

圉即囹圄也。

下「洋洋」爲「舒緩

以 以

棘。」謂以棘柴其下也。

爲主池沼小吏也。

《春秋左傳》:「吴囚邾子於樓臺,栫之

《説文》木部云:「校,木囚也。」以

編木囚繫人,與以編木繫馬畜魚同。《禮記·禮運》云:「鳳

,皆在郊椒,龜龍在宫沼。」此郊椒蓋即校棷,即

所謂

爲校。

則爲馬棧,亦即爲校爲閑; 之門,用於車上爲車箱 於亡國之社,則爲柴其下;

,則爲棧車,亦爲柴車,用以畜

馬

用以畜魚、則爲積柴爲橡、即

用之以護箕子之居,則爲柴箕子

箕子亡之朝鮮,舊居空,故柴護之。」蓋編木圍其四面,用之

直 굸 其

木無所施矣;

先傅直木,直木又求直木,直木已傅,曲

木

道應訓》云「柴箕子之門」,注云:

(上而棧其下。)是柴即棧,亦校即棧也。

「傅馬棧者最難,先傅曲

木, 曲

木又求曲木,曲木已傅,

《管子·

内業》篇

亦

無所施矣。』《淮南子・

郭璞《江賦》云:「栫澱爲涔。」編木爲棧以養馬,因而

編木爲涔以養魚,因而主魚者稱校人。

此校

人人所

主馬

者

也。 孫

炎 亦

校人;

云:「積柴養魚曰涔。」《説文》木部云:「栫,以柴木雕

《爾雅·釋器》云:「槮謂之涔。」《毛詩正義》引

也? 故不虞其欺耳。 之言有倫有脊,實有此圉圉洋洋攸然而逝之情而比類之也 比,類之義亦爲比。 訓 言來向舜,是亦其 事 **| | | | | |** 類 、欺,故 疏注「方類」至「類欺」○正義曰:《淮 萬物爲一 子 産不 方」,高誘注云:「方,類也。」方之義爲 凡事之荒誕非理者則無所比類。 (類也。 知校人之食其魚。 故誠信之而 象 喜,何爲僞 以其愛兄之 一南子・ 校人 精 喜 神

有

達 權之義也。 章指: 言仁聖所存者大。 不告而娶,守正道也。 舍小從大,

象之事 放 邪説悉不 仁。』則云象欲殺舜,猶其繆之小焉者矣。 爲舜父而舜放之,象爲舜弟而舜殺之。 放之何故」○正義曰:翟氏灝《考異》云:「韓非有云: 子 則放之,何也?」注怪舜放之何故。 。」注舜封象於有庳,或有人以爲放之。 萬 而 待 章 不 能 辨 問 無疑於放象之説,孟子力辨其并無之,則其餘 而息已。」孟子曰: 日:「1 象日 以殺舜爲事,立爲天 「封之也。 放父殺弟,不 萬章知無放 疏注「怪」 或 「瞽瞍 瞍 可 E 殺 爲 舜

其罪 於羽山 屈原日 槃。 傳》曰: 也。 崇 作極。』《多方》「我乃其大罰 宋本「極紀力反 放之令自匿。 他人當誅之,在弟則封之。 妄人所改也。」「竄三苗于三危」,與言流、 天下咸服,誅不仁也。 人則誅之,在弟則封之。」 建舜誅四 左傳》昭七年「昔堯殛鯀於 魰,塞也。 庫之人奚罪焉? Ш 此《虞書・堯典》文也。 三,注: 槃爲正字,竄、殺爲同音假借: 象惡亦甚而封之,仁人用心 ,殺三苗于三危, 萬章 「流四凶族、投諸四 , 絶在不毛之地, 三年不舍其罪 「永遏在羽山,夫何三年不施」,王注:「言堯長放 「廢猶放也。 讀若《虞書》「竄三苗」之竄。 曰 故《孟子》作「殺三苗」即《左傳》「黎蔡 可 證。 舜 《洪範》「鯀則 流 舜極鯀于羽山是也。」此條《釋 仁人固 裔。」劉向 殛之」、《釋文》: 共 羽山」、《釋文》: 段氏玉裁《説文解字注》云: 象至不仁,封之有庳, 殛 Ι. 疏 鯀 于 殛 舜流」至「咸服」〇正 于 殛死」,《 曰:「舜有四放之罰。」 幽 當 也。」《 鯀 如 羽 言放、言極一 二 竄本皆作「寂」 爲極之假借。 州 如 是 Ш 是 乎? 周 釋文》: 「本又作極。」 乎? 佞, 放 本又作極。」 禮》 驩 四 以 廢以 「本又 叔」之 例,謂 罪 在 兜 其 罪 **定** 文》 干 悪 他 而 在 馭 鯀 義

或

《周禮

大司馬》職云「犯令陵政則杜之」,鄭注云:

一杜

6 2 0

戎,殛鯀 以變北

于

羽

Ш

以

變

東夷。」、一家、塞也。

謂

塞之使不得

通

中

狄,放灌

吸于崇

山以變南蠻,遷三苗于三危以

變西 幽

極

江  $\exists$ 

氏聲《尚書集注音疏》云:「《史記》云:「請

流共工于

陵

尚 山

亦如《孟子》假殺爲竄。 於羽山」,鄭所見《尚書》自是「極」,不作 也。」鄭曰:「極,誅 武王致天所罰,誅紂於牧野。 《洪範》、《多方》殛字鄭作「極 魯頌》「致天之届,于牧之野」, 先殛後死」,此當作「先極後死」。 極,誅」、《釋言》文。」合《魯頌》、《小雅》兩箋兩正義觀之,則 海經》「殺鯀於羽郊」,則言之不從,不可信矣。 此皆用《釋言》「極誅也」之文、❷謂正文殛當作「極 ·極」、「虞,度」、《釋言》文。 殛是殺,非也。」《小雅》「後子極焉」,毛曰:「極,至 趙注《孟子》,韋注《國語》,皆云「殛,誅也」,何 又云「天所以罰極紂于商郊牧野」,正義云: 也。」此當作「放 」甚明。❶ 也。」正義曰:「極, 鯀因極而死於東裔。 今《爾雅 」例之。 定本、《集注》皆云『殛紂於牧 《釋言》又云:「極,誅也。」 箋云: 而 若《吕覽》「副之以吴刀」, 死 則知《周禮》注引「極鯀 》作「殛誅也」、蓋誤以 也。 「届,極也。」引《書》 「殛」也。 至」、《釋詁》文。 高注《吕 韋昭注《晉 假殛 然則馬注 「覽》云 三爲極, 也? 也。 語 疑。 都蒲 封也。 之。 零陵,陸阻太行,水絶洞 之貢期、五年之朝期以伸吾親愛情,豈有兄居蒲版,❸弟居 古定所。 閻氏若璩《釋地續》云: 上古諸侯之封萬國,其時中原之地必無間土可以封故也 而來,何以不在中原近畿之地而置之三千餘里之外邪? 之,非殺之也。」按: 而 且果零陵之國比歲一 .數至,勢必日奔走於道路風霜之中 版 經文:「欲常常而見之,故源源而來。」不及待 至,則往反幾將萬里,其勞已甚,數歲

釋言》之爲「極誅

云:

一殛,放

而殺

之者,杜塞使不得與鄰國交通。」亦此義也。 名,在今永州營道縣北。」《袁譚傳》注: 「今猶謂之鼻亭。」舜 經注》王隱曰:「應陽縣本泉陵之北部,東五里有鼻墟,象所 〇「封之有庫」〇正義曰: 如孟子所論,親之欲其貴,愛之欲其富,又且欲其 山下有象廟。」《後漢·東平王蒼傳》注: 『有鼻,國 而封象於道州鼻亭,在三苗以 萬章以舜放象爲問 顧氏炎武《日知録》云: 南荒服之地,誠 故舉四 殛誅,誅謂 罪 之放 《水 爲 責 源 以 可 例 遣 源

二届

鯀

則

極死」。

庭,

較諸驩兜放處尤遠千里之理?

而不少寧息,親愛弟

」,原誤作「殛」,今據上下文義改

「言」, 原誤作「文」,今據文義

豈」,原誤作「者」,今據《四書釋地》改。

蓋

「有庳之在今永州府零陵縣,已成

Ŧ

年

中 佞。 子也;佞 子則以禮防 굸  $\Box$ 王 謂之無道 貪利之欲,踰禮犯義,故進得苟佞,苟佞則有罪。 罪」,趙氏謂之「四佞」者,明其罪 爲鼻亭神。」 然則今零陵曷爲傳有是名也? 古 故其字得 而大,舜猶侯之有鼻。」庳與鼻皆從畀與之畀,音皆讀爲庇, 封有鼻。』《三國志・樂陵王茂傳》亦曰:「昔象之爲虐,至甚 曰:『音鼻。』又《武五子傳》『舜封象於有鼻』,師古注 道縣北六十 「有鼻在零陵,今鼻亭是也。」《後漢・東平王蒼傳》: 『昔象 -大佞 一賞勸 如 》作『封之於有畀』,服虔注曰: 當與嘗 「富貴皆人所欲也。 世人操行者可盡 是乎? ,賢在善中。 ,惡中之雄 人,小人也。 ,惡中之巧者謂之佞人。 通借。」〇注 通。 情, 此 ·里,故 蓋 爲得之。」翟 以義制 有 《萬章上》篇「是時孔子當阨」、《説苑》引作 老傳言舜葬九疑、象來至此、後人立祠、名 庫之封必近在 也。」〇注 純潔之賢,善中殊高,賢 謂 欲,故得循道,循道則 舜 佞 一 佞乎? 雖有君子之行,猶有飢渴之情。 人問 誅 氏灝《考異》云:「《漢書 「仁人用 四 티 : 佞| 〇 曰: 帝都, 《括地志》云:『鼻亭神在營 在佞也。 『畀,音畀予之畀。]師 聖人形憲,佞在惡中; 行合九德則賢,不合 諸非皆惡,惡中之逆者 心當 Œ 而今不可考。 義 《論衡·答佞》篇 如 曰:《書》言 是乎」〇 中之聖也; 無 禍。 夫賢人,君 小人縱 或 正 鄒 古注 日 日 四四 君 陽 善 聖 則

而

可使爲匹夫也? 王引之《經傳釋詞》云"「固猶乃也。」曰"「仁人之於 乎」,注云: 愛之乎?」注孟子言仁人於弟,不問善惡 庳,富貴之也。身爲天子,弟爲匹夫,可 親之,欲其貴也,愛之,欲其富也。 本亦作嘗。」是當、嘗、 爲嘗。」是也。 固,常也。」固之義爲常、嘗,即亦爲當,故趙氏以「當」釋之。 是孔子嘗阨」。 른 也,不藏 封之,欲使富貴耳。 「固猶嘗 《禮記‧少儀》「馬不常秣」、《釋文》云: 怒焉,不宿怨焉,親愛之而已矣。 《荀子 也。」《禮記· 常三字通 君子》篇 身爲天子,弟雖不仁,豈 「先祖當賢」,注 曲禮》「求毋 國 語 周 語》「 固 ,親愛之 封之有 固 注 謂 當 云 有之 親 或

弟

民哉 治其國 亦不侵其民也。 之意。曰:「象不得有爲 而納貢賦 ? 敢問 而 與之,比諸 1 象不得 納 或日 其貢 疏「象不」至「民哉」○ 放者, 施教 税焉 見放 於其國。 ,故謂之放。 也。 何 於其 謂 有 也 庫 ? 天子 國。 雖 正 不 注 義 使吏代 天 豈 得 萬 日 賢君 子 得 章 趙 暴 使 其 問 氏 象 治 彼 吏 放

事

接

見有庫之君者,實親

親之恩也。

侯

常

禮乃來

也。

其間

歲歲自至京師

謂若天子

以

源 象

而

來

如

流

水之與源

通。

不及貢者,不待朝

貢

得

豫政

事,舜以兄弟之恩,欲常常見之無已,

故

之心,委婉詳盡如此。」雖然,

欲

常常而見之,

故

論舜之待象當如此不當如彼也。

源

而

來。

『不及貢

,以政

接

于

有庫」,進雖

觀己所行以

益進於善。「此之謂也」與上「故謂之」相比

聚,與他人必及朝貢之期者不同。

又時以

常常來見。

教,亦自不至於暴民,然舜之爲是,正不慮象之暴民,第

唯使治國有人,賦入無缺,故象得輕身,時

語意也,故下復有「雖然」一轉。

民之事哉? 是皆孟子推「或言」之意,又正答「有庳之人何 故録》云"「象不得有爲,非舜禁之使不得也,乃或之見 蓋天子使吏治其國,即大國三卿皆命於天子,使 蓋孟子所以發明仁人親愛 此時象久被舜烝乂之 或者不察,遂妄意舜 政事相接,使象得 疏注「欲常常見 不使 來歡 欲其 有暴 照, 意。 是, 源 源 政 諸 季來朝; 也。 徐語 季來朝; 源 之無已」〇正義曰: 氏正義云:「武公既爲鄭國之君,又復入作司徒。」《衛風 故歲歲自至京師 侯之朝分爲四部,四年乃 五年一朝天子,天子亦五年 守之明年,東方諸侯春季來朝京師,其又明年,南方諸 朝於京師也。」王氏鳴盛《尚書後案》云:「鄭意謂 恉。」○注「不及」至「恩也」○正 裁《説文解字注》云:「趙注「如流水之與源通」,據此謜 意。」按: 「五載一巡守,羣后四朝。」鄭康成注云: 「源」,源古作「原」,蓋許引《孟》「原原 、説文》云:「長,久遠也。」長而又長,故爲無已。 詩 孝經》注先儒 而來如流水之與源 也。 巡守之年諸侯見於方岳之下,其間 鄭 風 此所謂常禮也。 又明年,則天子復巡守矣。 又明年,西方諸 从言,原聲。 緇 疑非鄭 衣 也。 》序云:「父子並爲周 《詩・大雅・文王》箋云:「長 「謂若天子以 通」〇正義曰:《説文》言部云: 注。 《孟子》曰:「故 侯秋季來朝; 常禮五 徧。 然此 巡守。」熊氏以爲虞夏制 總是五年 義 條則 年 政事 E : 《孝經》鄭注云: 是 朝,此不待朝 而來」證從原會意之 謜 司 又明年,北 接見 四四 四 虞書 熊氏推 源而 徒 朝,天子乃巡守 年 朝,四季朝 ,善於其職。」孔 有庳之君 四 · 堯 來。」段 方 流行,亦 方諸 猶常 每天子 諸 典》云: 注 貢常 侯 法、諸 「故源 得鄭 一候夏 本作 也。 分 京 氏 侯 謜 師 玉

後世

一始擅

命

白爲。

然漢制諸侯王猶爲置

傅

相、蓋循

古

其大夫爲三監,監於方伯之國,國三人事,古封建之本如

爲如是耳。

温

之禁象,使不得有爲,故謂之「放」。

就令如此,象亦豈

舜固以之休逸象,優其賦入以奉養象。

Ŧī. 七

事矣。 逸文,庶幾近之。」 乃孟子之言,非古書成文矣。 也。 於國,故謂之「放」,不知所以不得有爲於其國者,正 庳而兼掌朝政,所以不得有爲於其國也。 歲歲自至,故若兼治京師政事,而天子以政事接見之也 之政事。 如蘇公爲司寇,齊侯吕伋爲天子虎賁氏,皆以諸侯兼理京 公。」卒章傳云:「卿士者,卿爲典事,公其兼官。」在 周。」孔氏正義云:「武公將兵佐周平戎,甚有功,平王命 庳』以上自是古書成文,當是《尚書》文矣。 篇之辭。 文直云「以政接於有庳」,則是實有政事,原非空至。 天子之朝也,其非放也明矣。 ·此常」至「謂也」○正義曰: ·汝其于子治」,則象以諸侯兼治王朝政事可知。 雖然」之下、「雖然」云者,承 澳 江氏聲《尚書集注音疏》云:"「據云『此之謂 此之謂也。」注此「常常」以下,皆《尚書》逸 推之於虞,當亦有然。 孟子以 「淇澳,美武公之德也。 告 萬章,言此乃象之謂 上轉下之詞 趙氏增「若」字,則以本非有政 趙氏蓋亦以此文在《舜 斷自「不及貢」始以爲 有庫之君不依朝貢常期 以禮自 ,則「欲常常」二句 人見其不得有爲 其『欲常常』句承 防,故能 也。 也」,則「有 封象於有 立有爲於 觀 《尚書》 《尚 典》中 疏 上云 相 書 注 經 而 師 于

《後漢書·袁紹傳》云:「友于之性,生於自然。」
「一方子、別其仁賢乎?」 60. 「友于之性」〇正義曰:一之心也。 象爲無道極矣,友于之性,忘其之能: 言懇誠於内者則外發於事,仁人

《孟子》有咸丘蒙隱居。」閻氏若璩《釋地續》云: 蒙,孟子弟子。 侯 居之地得姓氏,不必定常於其地。 弟子」○正義曰:《廣韻》「丘」字注云:「漢複姓四十四氏 自安也。 哉,岌岌乎!』不識此 瞍,其容有蹙。孔子曰:於斯時也,天下殆 得 故曰「殆哉」。 臣,父不敢子。 北面 而 咸丘二字,見《爾雅》『左高曰咸丘』,見《春秋》桓公七年 臣,父不得而子。 咸丘蒙問曰:「語云:『盛德之士,君不 而朝之, 瞽瞍亦北 孔子以爲君父爲臣,岌岌乎,不安貌 不知此語實然乎? 堯與瞽瞍皆臣 語者,諺語也。 語誠然乎哉?」注 舜南 面 如 事舜,其容有 言盛德之士,君 咸丘魯地而蒙則齊人 而朝之。 面 疏注「咸丘 而 立,堯 「古人以所 舜見 蹙踖 立蒙孟子 帥 示 咸 瞽 諸 不 敢 丘

曰:

《淮南子·道應訓》: 天地》篇述許 盈者乎。」並以造代蹙。 堂治喪,衛君問知其故,造然召蘧伯玉貴之,而退彌子瑕。」 於書者矣。蹙、造二字古通、《韓詩外傳》:「史魚死,不於正 下岌岌! 舜見瞽瞍蹴然,此時天下圾乎!!《韓非子·忠孝》篇引記 蹙]五句,《墨子·非儒》篇:『孔丘與其門弟子間 【焚咸丘】,杜注:「咸丘,魯地,高平國鉅野縣南有咸亭。」咸 『圾,本又作岌。』《管子・小問》篇:『桓公言欲勝民,管仲 岌岌,欲毀壞也。」翟 而不安。 複氏自以此。」〇注「其容」至「實然乎」〇 》所引之記即咸丘蒙所引之語,蓋當時早有以此等説筆之 「蹙踖」,蓋讀蹙爲「曾西蹵然」之蹵,即「踧踖」也。 危哉,君之國岌乎!!二孟子曰:「否,注言不然 諷諫詩》注引《孟子》曰:「天下大哉岌岌乎!」按、《韓 離騷》云「高余冠之岌岌兮」,注云:「岌岌,高也。」高 『舜見瞽瞍,其容造焉。 有道者,父固不得而子,君固不 《漢書·韋賢傳》云「岌岌其國」,注引應劭 由之言亦 母孔子觀宥巵,造然革容曰:善哉持 氏灝《考異》云:「『舜見瞽瞍 「殆哉岌乎」乃時人恒語。《莊子・ 云「殆哉, 圾乎天下」、《音義》曰: 孔子曰:當是時也,危哉,天 得 正義曰:趙氏連 而臣也。」《文 坐, 曰: 其 容 \(\frac{1}{2}\) **《**楚 夫 有 則 也。 0

選•

曰 :

辭

危

丘

굸

非

《四書賸言》云:「《孟子》「堯典曰二十有八載」至「四海 野,東作田野之人所言耳。咸丘蒙,齊人也,故 典》一篇,無「粤若稽古帝舜」二十八字,以舊别有《舜典》而 音不作,哀思甚也。 喪考妣,思之如父母 行事耳,未爲天子也。 喪考妣,三年,四海 典》曰:『二十有八載,放勳乃徂落。 年,以鎮而名,於《孟子》無涉。」堯老 之西或北野人乎? 野人之言。 八音」,今所行《尚書》在《舜典》中。 續》云:「趙氏注此章,於「東」字妙有體會。 (書・堯典》以證之、非東爲「東方」之東也。 東野」至「事也」〇正義曰:趙氏以東爲東作治農事,故 此非君子之言,齊東野人之語 《書》曰「平秩東作」,謂治農事也 至今濟南府齊東縣,則置於元憲宗三 也。 疏「堯典曰」○正義 遏 放勳,堯名; 遏,止也; 密 八音。」注 按,伏生《尚書》原 而 密,無 徂落,死 舜 不然,何不云齊 閻氏若璩 日 : 攝 孟 也。 、聲也。 子言舜 也。 毛氏 百 也。 姓 注東 只《堯 《釋地 聞  $\Rightarrow$ 疏 奇齡 遏密 如 堯 如 攝 引 齊 注

<sup>「</sup>子」,原脱,今據經解本及全書文例

《虞 子 • 章帝 二,以「慎徽五典」至末謂之《舜典》而加二十八字於其中,此 其時已亡,故東晉梅 後案》云: 篇: 僞書也。 武年,吴興姚方興於大航 日 攝行天子之政,薦之於天。 文》引馬融注以放勳爲堯名。 妣 姓 殂 而 諸文,亦稱《堯典》。 冠 之來之」,注: 堯典》。 以 落,百 "「堯在位凡九十八年。」按,上文堯欲巽位,自言「朕在位 如喪考妣,三年,四 「今誤分之,非古書二篇而今誤合之也。」今《尚書》作「帝 書》曰: 四 萬章上》: 時陳寵奏「言唐堯著典、眚災肆赦」、皆是《舜典》文而 《堯典》之名。 【《尚書》曰:二十有八載,放勳乃殂落, 海之内閼密 姓 後西晉武帝初,幽州秀才張髦上疏 故漢光武時張純奏「宜遵唐堯之典,二月巡狩」,至 「《史記》: 如 放 「放勳 喪考 助乃姐落。」此 【《堯典》曰:二十有八載, 妣 即《前 八音三年。』《説文》姐部: 自僞書 賾 堯號 海遏密八音。』《春秋繁露 Ξ 『堯立七十年得舜,二十年而老,令舜 獻 載。」臧 漢 頭 尚 也。」此古義也。」王 堯辟位,凡二十八年而崩。]徐 一出而羣然改從,則是古書 得孔氏傳古文,始分《堯典》爲 可 書 《孟子・滕文公上》『放勳 王莽傳》所引十有二州 「》孔傳 證《尚書》本作 氏 琳《經 亦 無《舜典》。 義 放勳乃徂 雜記》云: ,引「肆類上帝」 一氏鳴 「姐,往 「放勳」。 百姓如喪考 煖燠孰多 盛 至 落,百 死 。 皆  $\leq$ 齊建 尚 一篇 日 **釋** 也。 孟 廣 書 勞 乃 稱 皆

書》? 證。 品不遜」是也。 《尚書》也,許所稱者古文《尚書》也。 曰 : 有指小民言者,不必夏代,亦始自唐虞之時,「百姓不親,五 落字者。」閻氏若璩《釋地又續 今文《尚書》,且《爾 死者各自見義。 薨、無禄、卒、殂落、 以但言殂? 或言放勛或言勛, 壁中文也而無「放」、「落」二字。 此作「勛乃殂」,據力部勳者小篆,勛者古文勳,則許所稱 落」見《孟子》、《春秋繁露》、皇甫謐 勛乃殂落」,或用改大徐本。 裁《説文解字注》云"「姐,往死也。 七十載」,合二十八載凡九十八年,《史記 言者、《書》百姓與黎民對、《禮・大傳》百姓與 古注《王莽傳》,引《虞書》「放勳乃殂」,則唐 『勛乃姐。」二徐本皆如是,宋本《説文》及洪邁 至《集韻》、《類篇》乃增「放」字,至李仁甫乃增之曰「放 伏生本 云殂則已足矣,不必言殂落也。 與 四《書》中百姓凡二十五見,惟二百姓如喪 堯見慘痛之,舜見終,各一也。」此其所據皆 孔安國本皆 |雅》無妨「殂」、「落」二字各爲一 殪,死也。』《白虎通》曰: 也。 蓋當時臣民所 『堯典曰二十有八載,放勳 出 <u>\tilde{\</u> 周 蓋孟子、董子所稱者皆今文 時。 《帝王世紀》所引皆如 百百 从歺,且 孟子何以稱今文《尚 放 姓義二: 稱 》與 勛 初 不 『《書》言 何 經合。」 庶民對是 <sup>||</sup> 尚 《釋詁》: 也 以 書 有 句 但 所引皆 《虞 》尚 段 指 也 稱 殂 殂 也, 勛? 乃殂 百 有 落 氏 是 官 何 真 無 師 可 玉

也。」《詩・周頌》「夙夜基命宥密」、《禮記・孔子間居》引此 作,哀思甚也」。 海之民」,惟「如喪考妣」,所以「遏密八音」也,故云「八音不 見《滕文公》篇。 姓自是羣臣矣。」○注「放勳堯名」○正義曰: 不可改載而下屬也。此經下文别言「四海」,乃謂民間,則百 虞曰載」之文改年爲載,且三年是喪考妣之期,當屬上爲句 年」,則《堯典》之文可「載」、「年」皆有。僞孔氏因《爾雅》「唐 集注音疏》云:「《孟子》所引,上言「二十有八載」,下云「三 喪,「如喪考妣三年」即《檀弓》「方喪三年」耳。」江氏聲《尚書 子》已明注曰「舜帥諸侯以爲堯三年喪」,喪並平聲。 持服曰 天下諸侯以爲 『天無二日,民 〈詩》,注云:「密,静也。」《賈子新書・禮容》篇引《詩》作「宥 思之如父母」,猶云親其君如父母也。 王一,言不得並也。疏「孔子曰」至「二王」〇正義 三年」指百官、蓋有爵土者爲天子服斬衰三年、禮也。 釋詁》文。《説 趙氏讀 「密」爲「謐」,故云「無聲」也。 ○注「如 兩思字相貫爲一事也。「遏,止也」、《爾 堯三年喪,是二天子矣。」 建日 無二王。』舜既爲天子矣,又帥 文》言部云:「諡,静 〔喪」至「甚也」○正義曰:趙氏言 蓋謂「百姓」即下「四 語 也。一 孔子曰: 名號通 日 稱,詳 無聲 

「天無二日,國無二君,家無二尊。」、大戴禮記・本命》篇云:無二王,國無二君,家無二尊。」《大戴禮記・本命》篇云:二王,家無二主,尊無二上。」《喪服四制》云:「天無二日,土無當郊社,尊無二上。」《坊記》云:「子云:天無二日,土無古:《禮記・曾子問》篇云:「孔子曰:天無二日,土無二王,

命矣。 《詩》、《小雅·北山》之篇。普,徧,率,循 斯害矣」,箋云:「溥,徧也。」周 禮記》云「普淖」,注云:「普,大也。」《詩・大雅・召旻》「溥 子》作「普」,是假借字。《詩》作「溥」,正字也。《儀禮・士虞 《説文》曰部云:「普,日無色也。」水部云:「溥,大也。」《孟 雅・北山》第二章。 如何也? 下,循土之濱,無有非王者之臣,而曰「瞽瞍非 既爲天子矣,敢問瞽瞍之非臣 下,莫非王土,率土之濱,莫非王臣。」而 廣雅》云:「浦,涯。」然則滸、 •釋詁》文。孔氏《詩正義》云:「《説文》云:「浦,水濱。」 咸丘蒙曰:「舜之不臣堯,則 一不以堯爲臣也。《詩》云:『普天 疏注「詩小雅」至「之臣」○正義曰:《詩》在《小 毛傳云:「溥,大,率,循, 濱、涯、浦皆水畔之地,同物 徧即大也。 「率,循也」,《爾 如何?」 吾 濱,涯 也。 既 得 徧天 Ë, 也。」 注 之 聞 而

夫不均 賢。 子 得 也。」鄒子曰: 先 異 故 解字注》云: 也。」鄭箋、趙 鐵 也 也 水之處,言「率土之濱」,舉其四 是 疏 以 也 日 引到 也。 名 孟子説之日 論 證 聖人謂 怨 ,何爲獨使我以賢 養 萬 也。 人稱賢 **※** : 也。 「是詩 父母 注孟子言此詩非 亦勞 其 地廣》篇亦云:『《詩》云莫非王事而 章》篇引 我 (有瀛海環之。) 是地之四 中 詩意言民之所居,民居不盡近水而以 「賢,勞也。 從 疏「此莫」至「勞也」〇正 也。 能,因習其引伸之義而廢其本義矣。《小雅》『大 或 賢 注並以賢爲賢才,失其義也。」段氏玉裁《説 事 也。 「中國名赤縣 也, 爲九州,以水中 「我獨賢勞」。 獨賢」, 多 此 賢勞猶言劬勞,故毛傳云: 詩 非是之謂 財 曰 : 《小雅 也。 而釋之曰:『此 傳 才而勞苦,不得養父母乎? 舜臣父之謂 此  $\exists$ 賢本多財之稱 赤縣内自 戴先生曰: · 北 莫 可 「賢 居日 非 也 畔皆至水也。 方所至之内,見 山》篇『我從事獨賢』,《孟 勞 義曰:王氏念孫《廣 王 洲,言民居之外皆 莫非 也。」 有九州,禹之序九 勞於 『《投壺》「某賢於某 也。 事 引伸之凡多皆 謂 王事,我獨 我獨勞,刺不均 「賢,勞也。」《鹽 詩言皆王 我 事 王 濱爲言者,古 濱是四 多 獨 事 其 而 賢 而 勞 廣 賢 畔 在 也 也。 是 勞 不 臣 Ħ 文 勞 雅 近 州 水

文》文部 問。 若干 者,非 象形,故謂之文。」宣公十五年《左傳》云: 謂 爲得其實矣。 不顯 也。 詩 學至戰國 爲詩曰:『普天之下,莫非 靡有孑遺」,志 所歌詠之辭;志,詩人志所欲之事; 是爲得之。 以見盡有之也。」蓋當時相傳此詩爲舜作,故咸丘蒙引見爲 民也。注文,詩之文章,所引以 周餘黎民,靡有孑遺 舜 者不以文害辭,不 孟 純」,賢,多也。」」按: 臣 乃 孟子言説詩者當本之志,不可 無民也。 子直據《北山》之詩 云:「文,錯 其父也。 反顯也,不可 疏陋已極, 王者有所不臣。 如 在憂旱,災民 人情不遠,以 以 疏 畫 孟子不獨論舜, 也。」 辭 以 「故説詩」至「得之」〇正 而 《吕氏春 辭害其 解之,則 王土,率土之濱,莫 序 以 。」信斯言也,是周 己 云: 辭 矣、《雲漢》之詩 無子 己之意逆詩 倉 法。 害志。 詩非 秋 不 兼 頡 可 興 然遺 慎 辭 以 舜 之初 以文害其辭,文 謂 意,學者之心 「故文反正 事 明 作 日 人》篇云: 也; 「皆爲王臣」 《詩 脱 以意逆志 明 周 作 矣。 人之志 非 不遭 書 義 辭, 餘 王 日 六經之 臣。」 爲乏」。 蓋 黎 故説 無 日 詩 依 舜 《説 災 遺 意 人 所 自

爲辭。

孟子曰「不以文害辭」,不以習害辭也。

摹繪物

狀及發聲助語之文字也。

氏鎮《虞東學詩・

永言。]而孟子之詔咸丘蒙曰:

别。

於內,因有是言於外,謂之習。

《説文解字注》云:

「 書, 意内而言外

也。

从司言。

國

語

晉語》云:「夫文蟲皿爲蠱。」是文即字

也。

紛

也。

然則辭謂篇章也。冒者,意内而言外,从司言。

者無不可 考其本旨,義各有歸。 詩》之法也。 推,而 不知學者引申觸類,六通四闢, 謂《詩 》論貧富可 如「切磋」本言學問之事,則凡言學問 乎? 「素絢」本有先後之 無所不可

人,鑿其事,此孟子所謂[固哉高叟]者,而非聖賢相

志可見,志見而後得失可判也。

道

理。

五三三

而

其

注云: 遺 遺,失。失即佚,遺佚即遺漏。 傳云:「孑然遺失也。」箋云:「黎,衆也。 災而懼」,每章首言旱既太甚,知詩人之志在憂旱災也。 取,故解爲「詩之文章」,詩之文章即辭之文采也。○注 此 下云「昊天上帝,則不我遺。 亡者矣,幸其餘無有孑遺者,言又餓病也。]孔氏正義云: 志宜顯而反不顯,「文不顯而反顯」矣。文字於説《詩》非 之文也。説《詩》當以辭之志爲本而顯之,若不以意逆志 「天將遂旱餓 孑然,孤獨之貌。 民 飢饉餓病,無有孑遺也。 也」〇正義曰:趙氏以文爲文章,是「所引以興事」,即 [是「詩人所歌詠之辭」已成篇章者也。○注「文不顯乃反 」至「父也」○正義曰・・《雲漢》詩在《大雅》。序言宣王 「靡有孑遺」乃虚設之辭,謂旱災如此,先祖若不助 「周餘黎民,靡有孑遺」爲辭,即「普天之下」四句爲 不逆「我從事獨賢」之志,則溥天之下真莫非王臣。 「文章所爲。」皆以文爲芝,與趙氏同。 ,則昊天上帝既不欲使我民 殺我與? 如「我獨賢勞」,辭之志也,「莫非王臣」,則 言靡有孑遺,謂無有孑然得遺漏。」按: 先祖何不助我恐懼,使天雨也?」然 不逆「胡不相畏」之志,則周真無 胡不相畏,先祖于摧」,箋云: 無有遺漏,是皆不免於死亡。 有遺留 周之衆民多有 「解」則孟子已 一,周餘 黎民 我 辭 调 則 毛 死 必 恐 所 辭 篇

也。 裁 以「孝思」爲「孝道」者、《説文》人部云:「侖,思也。」段氏 維則三后之所行。子孫以順祖考爲孝。」義與趙氏異。 也。 趙氏言「民無孑然遺脱不遭旱災者」,與毛、鄭義異。 秋 至「謂也」〇正義曰:《詩》在《大雅・下武》篇第三章。 而轉臣父乎? 之父母、夷狄」也,是「王者有所不臣」也。妻之父母且不臣 通》有《王者不臣》篇,言王者所不臣者三,謂二二王之後、 云: 『論,思也。』論者侖之假借。 云:「則其先人也。」箋云:「長我孝心之所思。 言孝道,欲以爲天下法則,此舜之謂也。 也,以天下養,養之至也。注尊之至,瞽瞍 至,莫大乎以天下養。爲天子父,尊之至 大子父,養之至,舜以天下之富奉養其親。至,極 、淮南子・本經訓》云「喜怒剛柔,不離其理」,高誘 理,道也。」是思亦道也。 ·察傳》篇云「必驗之以理」,高誘注云: 《説文解字注》云:「龠下云:「侖,理也。」《大雅 《詩》曰:『永言孝思,孝思惟則。』此之 注《詩》、《大雅・下武》之篇。 孝子之至,莫大乎尊親,尊親之 大王、王季、文王皆明哲可法,故 思與理義 周武王所以 同也。」《吕氏 「理,道 疏注[詩 所思者,其 注 理也。」 合白 趙 毛傳 大 爲 氏

八篇之中,故爲逸篇,蓋亦《舜典》文也。「祗,敬也」、《爾 趙氏以此「永言」爲「周武王所以長言孝道」,則與 義而云「爲天下則法」也。● 箋解「永言配命」以爲武王言, 之大孝。若是爲父不得 既爲天子,敬事嚴父,戰栗以見瞽瞍。 允。」若是爲父不得而子也。」注《書》,《尚書》逸 毛以則爲「則其先人」,舜之父頑,未可法則,故趙氏不從毛 書》曰:『祗載見瞽瞍,夔夔齋栗,瞽瞍 祗,敬,载,事也。 疏注「書尚」至「之疑」○正義曰:此引《書》不見二十 變變齋栗,敬慎戰懼貌。 而子 也。 以 是 解 瞍亦信. 咸丘蒙之 鄭 知 河。 亦 舜 舜

風・黄鳥》「惴惴其慄」,傳云:「慄慄,懼也。」栗通慄,是爲爲「敬慎」也。《論語・八佾》篇云「使民戰栗」,《毛詩・秦語》云「爲齋敬也」,《禮記・内則》云「進退周旋慎齊」,是齊雅・釋詁》文。《周書・謚法解》云:「載,事也。」《國語・楚

立,亦此意。」按、《酷吏·義縱傳》:「南陽吏民,重足一迹。」並,有若一足之物,故曰夔夔也。《史記》使天下之士重足而一足之物也。 凡人之立,常時則兩足舒布,有所畏則兩足緊

善。所謂「烝烝乂,不格姦」也。」 善也。舜敬事瞽瞍,見之必敬慎戰栗,瞽瞍化之,亦誠實而 於書》之辭。近讀允若爲句,從晚出古文《大禹謨》也。 父不得而子也」。趙氏讀允字絶句,若字屬下入孟子語中, 父不得而子也」。趙氏讀允字絶句,若字屬下入孟子語中, 以不合孟子語意,故聲裁節之而別爲之解。允,誠也。若, 以不合孟子語意,故聲裁節之而別爲之解。允,誠也。若, 於書》之辭。近讀允若爲句,從晚出古文《大禹謨》也。 於書》之辭。近讀允若爲句,從晚出古文《大禹謨》也。 其二章 於書》之。 於書。所謂「烝烝乂,不格姦」也。」

經》「聖治」章第九。「執子之敬」,一本作「執子之政」。無有加焉。「疏「孝莫大於嚴父」〇正義曰:見《孝莫過於蒸蒸執子之政也。此聖人之軌道,章指:言孝莫大於嚴父而尊之矣,行

孫授易授詩校字

孟子正義卷十八終

❶ 「則法」,據注文當作「法則」。

## 孟子正義卷十九

江都縣鄉貢士焦循譔集

乎?」注萬章言天有聲音命與之乎? 注 至「之乎」〇正義曰:《説文》言部云:「諄,告曉之孰也。从 與之?」注萬章言誰與之也? 非天命者,天子不能違天命也。「堯曰咨爾舜,天之 之。天子不能以天下與人。」注當與天意合之。 知堯實以天下與舜否。 歷數在爾躬」,是也。 孟子言天與之。 文見《論語・堯曰》篇。 萬章曰:「堯以天下與舜,有諸?」注欲 讀若庉。」段氏玉裁《説文解字注》云:「《大雅》: 「天與之者,諄諄然命之 疏注「堯曰」至「是也」。 孟子曰:「否,注堯不與 「然則舜有天下也,孰 曰:「天與之。」 疏注「萬章」 O IE 義

> 之於民而民受之,故曰:天不言,以行與事 以其人之所行善惡,又以其事,從而示天下也。 也。 必用之。舜,天人所受,故得天下也 示之而已矣。」注孟子言下能薦人於上,不能令上 侯與之大夫。 子與之諸侯,大夫能薦人於諸侯,不能使諸 天與之天下,諸侯能薦人於天子,不能 知示之之意。 然命之,則懇誠而孰告之也。曰:「否,天不言,以 孰、義相足也。」按:告曉之孰則有聲音、故云「天有聲音」 曰:「以行與事示之者,如之何?」注萬章欲 行與事示之而已矣。」注孟子曰:天不言語,但 作「忳忳」,云:「忳忳,懇誠貌也。」其中懇誠,其外乃曉告之 「海爾諄諄。」《左傳》:『年未盈五十而諄諄 「孟子》:「諄諄然命之乎?」《大雅》「諄諄」,鄭注《中庸》引 《爾雅·釋詁》云:「命,告也。」命之即是告曉之,諄諄 曰:「天子能薦人於天,不能使 昔者堯薦舜於天而天受之,暴 如八九十者。」 使天

民而民受之,如何?」建萬章言天人受之,其事曰:「敢問薦之於天而天受之,暴之於

罪

之也。 也。 能爲 云何 於羹。」此舜居堯喪之實事。」〇「而居堯之宫」〇正義曰: 正義曰: 也,非天與也。 踐天子位焉。 之子而 訟獄者不之堯之子而之舜,謳歌者不謳歌堯 之南。天下諸侯朝覲者不之堯之子而之舜, 皆謳歌其德也。 下與人。注百神享之,祭祀得福也,百姓安之,民 然後之中國」。 ,故訟之; 使之主事而事治,百姓安之,是民受之 ? 天與之,人與之,故曰:天子不能以天 也,天也。注二十八年之久,非人爲也,天與 堯崩,三年之喪畢,舜避堯之子於南河 「昔堯殂之後 趙氏佑《温故録》云:「程氏《逸箋》言《後漢•李固 謳歌舜,故曰天也。夫然後之中國, 日 :「使之主祭 謳歌,謳歌 堯子,胤子丹朱。 舜相堯二十有八載,非人之所 而居堯之宫,逼堯之子,是篡 注南河之南,遠地,南夷也。 ,舜仰慕三年,坐則見堯於牆,食則見 舜 德也。 而 百神享之,是天受 疏「三年之喪畢」() 訟獄,獄不決其 故言 堯 即舜讓 0 南,固 帝位。

潛、漢,逾于洛,至于南河」,指豫州北 國」〇正義曰:《史記集解》引劉熙云: 垂帶而厲。 字同義,故二字可以互 也。」《孟子・萬章》篇「而居堯之宫、逼堯之子」,而字並與如 王氏引之《經傳釋詞》云: 南,故曰「南河」。《禹貢》「至于南河」是也。 朱故城,在縣西北十五里。]濮北臨漯,大川 「《括地志》:「故堯城在濮州鄄城縣東北十五里。❶ 南者。」又云:「天子之位不可 曰:「文王視民如傷,望道而未之見。」〇注「南河」至「中 篇曰:「漏而不滿實如虚,過之如不及。」《孟子・離婁》篇 審諦如帝。』《都人士》曰「垂帶而厲」,箋曰:「而厲,如鞶厲 偕老》曰『胡然而天也,胡然而帝也』,毛傳云:「尊之如天, .君子以莅衆,用 可謂之南河之南。 帝王所都爲中,故曰中國。」張守節 避丹朱於南河之南處也。」按:《禹貢》「浮于江 彼君子女、卷髪如蠆。」《大戴記・衛將軍 晦 `而明』,虞注云:「而,如 用。 九河 而 《詩·都人士》曰:「彼都人士 曠年,於是遂反格於文祖 在 猶 兖州 如 也。 之河。 ,濮亦適當其南, 《易 「南河,九河之最 《史記正義》云: 也。 也。」《詩 其偃朱城所居 明 在 河在堯都 夷》 豫 河之東 又有偃 文子 象傳 君子 ൬ 沱 之 在

州」,原誤作「瘠」,今從沈本據《史記正義》及經解本改。

北。 狄之地 舜。 也。 獄 相 中 則熙所據之本正作「歸中國」,故以反釋歸。 陰,皆此意。」《文選》陸機《答賈長淵詩》云「獄訟違魏,謳 亦如左氏所云[越竟乃免]乎? 安邑在今夏縣西北 乃趙氏稱 「《秋官·大司寇》:「以兩造禁民訟,以 云:「獄訟者不之丹朱而之舜,謳歌者不謳歌丹朱而謳歌 日 古帝王之都皆在冀州。 」、「卿大夫之獄訟」、「庶民之獄訟」、《小司徒》「聽萬民之 而 國」,與劉異。 天也,夫然後歸中國,踐天子之位焉。《史記·五帝本紀》 ·晉」,注引《孟子·萬章》作「天下朝覲獄訟者」,又云: 以爲「九河之最南者」。 其河之南則豫州地,非帝畿矣。 有 舜曰天也。」與《文選》注所引同。 ,故獄爲争罪,訟爲争財,若獄訟不相 獄訟 也。 義具在《秋官》。」按:《秋官·大司寇》言 ,濮之間,春秋時尚 「遠地南夷」,則不同熙説矣。 濮去冀州固非遠地矣。 者」,注云: 《周禮・ 十五里,三都相去各二百餘里,在大河之 争罪 地官·大司徒》云:「凡民之不服 所解 堯治平陽,舜治蒲坂,禹治安邑。 戎狄雜 日 獄,争財 禹避於陽城,益避於箕山之 「南河」不同,而其 處, 閻氏若璩《釋地續》云: 舜避堯之子於此,得 則 劉熙言「於是遂反」, 蓋遠在豫河之南,戎 兩劑禁民獄。」獄訟 日 以以爲 訟。」賈氏 對,則 然則趙本作「之 南 夷似亦可 一諸 争 指濮則 民人為 財 疏云: 亦 「舜 爲 歌 毋

> 氏元《挍勘記》云:「宋九經本、咸淳衢州本泰作大,廖本、 也。 僞,故争訟之也。 之」,是以「訟獄」爲「訟此獄」。 **断庶民獄訟之中」、《士師》「察獄訟之辭」、《鄉士》、《遂** 獄訟」、「命夫命婦不躬坐獄訟」、「以五聲聽獄訟」、「以 ○正義曰:《泰誓》,詳見前。 聽。』此之謂也。」注《泰誓》,《尚書》篇 所引正與之同。 上就舜而訟之,如後 南子・氾論訓》云「有獄訟者揺鞀」,皆稱「獄訟」。《文選》注 獄,确 聽其獄訟」、「辨其獄訟」、《禮記・月令》「孟秋決獄訟」、《 泰誓》曰:『天 韓本作太、注同。 言天之視聽從 也。 言實确 趙氏本作訟獄,故解云「獄不決其罪 蓋主獄訟自有其官,惟主獄者不能 人情僞也。」獄 泰、太皆俗,古祇作大 視 世叩 人所欲也。 自我 閽 此二語,今文《尚書》無 擊 劉熙《釋名・釋宮室》云: 民視, 登聞鼓,此 不決其罪 疏注「泰誓」至 天 則 聽 趙氏之義 名。 不 自 能 确 自,從 我 欲 決,乃 人 故 也 也 民 情 淮 阮 刺 訟

謂 歸 於仁, 也 草指: 言德合於天,則天爵 則 天下與之。 天命 不 常,此之 歸 之,

本、

本、廖本、孔本、韓本、《考文》古本、足利本並有注「否不也不

否不也不如人所言」○正義曰:阮氏元《校勘記》云:「岳

子也。」 如人所言」八字,注疏本無之。有者是也。 獄者不之益而之啓,曰:『吾君之子也。』 謳 年之喪畢,益避禹之子於箕山之陰。朝覲 句絶,則「然也」不可通矣。」天與賢則與賢,天與子 之云「否、不也。不如人所言」。《孟子》之否然,即今人之不 文之誤。經文本作「孟子曰否然也」三字一句,無不字,故注 歌者不謳歌益 子而從舜也。禹薦益於天,七年。禹崩,三 陽城。天下之民從之,若堯崩之後不從堯之 有七年。 則與子。 然也。他否字皆不注,獨此注者,恐人之誤斷其句於「否」字 注言隨天也。 昔者舜薦禹於天,十 舜崩,三年之喪畢,禹避舜之子於 而謳歌啓,曰:『吾君之 因此可正今本經

公也。

自此始矣。

之治天下,舉天下而傳之他人,至無欲也,擇賢而與之,至猶存焉。及吾在位,子辭諸侯而耕,何故?」子高曰:『昔堯

舜亦猶然。今君之所懷者私也,百姓知之,貪争之端

德自此衰刑自此繁矣。吾不忍見,以是野

成子高曰:『昔者堯治天下,吾子立爲諸侯。堯授舜,吾子子」○正義曰:翟氏灝《考異》云:『《新序・節士》篇禹問伯

傳於賢而傳於子。有諸?」注問禹之德衰,不

自傳於子,有之否乎?

疏「人有言」至「於

.章問曰:「人有言至於禹而德衰,不

施澤於民未久。建舜薦禹,禹薦益,同也。以啓賢,能敬承繼禹之道。益之相禹也,歷年少,堯、禹之相舜也,歷年多,施澤於民久。啓堯、禹之相舜也,歷年多,施澤於民久。啓

明益方避啓而未嘗貪其位,啓順人心即位而未嘗奪於益,以明矣。」萬章所謂人言,蓋此等言也。 故孟子姑援别典之説,

絶其尤甚之謬妄,而禹德盛衰不暇更置辨也。] 孟子 曰:

否,不然也。」注否,不也。

不如人所言。

疏注

是禹名傳天下於益,而實令啓自取之也。此禹之不及堯舜

下於益,而勢重盡在啓也。

已而啓以友黨攻益而奪之天下。

於益,已而以啓人爲吏,及老而以啓爲不足任天下,故傳天

也。』《韓非子·外儲説》潘壽對燕王曰:「禹愛益而任

天下

五二九

系》曰: 名 氏若璩《釋地》云:「陽 禹辭避舜之子商均 愧爲堯之子。」〇注「陽城」至「處也」〇正 丹朱之號。 信 肖」〇正義曰: 之賢,故天下歸之,益 下授益。 城 本紀》云:「舜薦禹於天爲嗣,十七年而帝舜崩。 下,安能成父之志? 姓,在周爲傅氏,見 淵雖有范汪《荆州記》、魏王泰《括地志》各言所在,恐未可 陰,皆嵩山下深谷之中以 不肖但不似父之神聖耳,使果大不肖,則且起而與舜禹争天 止曰朱,未有國也。 集解》云: 《是也。」《本紀》又云: , 洧水所出。 蓋 世遠也。 「陶唐氏讓天下於虞,使子朱處於丹淵爲諸 三年之喪畢,益 其避堯之子,則以朱奔父喪在平陽耳。丹朱貍 「《孟子》陽字作陰。 閻氏若璩《釋地續》云: 唐武后改曰告成 因思堯在位七十年,放齊曰 於陽城。」《集解》引劉熙 《國語 及後三載,薦舜於天,朱始出封丹,故 昔人稱丹朱自托 城,山 「帝禹東巡狩,至於會稽而崩,以 讓帝禹之子啓而 》。」《燃犀解》引徐自淇云: 又 名。 未 藏 久故 處 後又曰陽邑。 漢 劉熙曰:「崇高之北。」」 也。 穎州有陽城縣,以 也。 於傲 「《漢・曆志》引《帝 疏 義曰:《史記 辟居 以 陽 云: 「胤子朱啓明」 丹朱」至「亦 成禪讓 城, 五代周 箕山 「今穎川 三年喪畢, 箕 之陽。」 侯。」丹 三子 Ш 真 Щ • 夏 省 之 閻 得 天 陽 無 有 據 不

書在 縣。 嵩山 趙注: 遂云: 登封 南 北字疑譌。 非之,其説良然。 柄中《辨正》云: 均於此,及周公測日景處,次箕山及上有 酈道元注先敘太室山,次五渡水,並屬崇高縣, 州陽城縣西北二十三里。」足互相 城縣西北二十三里。」則陽城在嵩山之南,箕山又 是嵩字之譌。 陽 陰 理或可意會,實跡豈容臆度? 云: 「箕山一名許由 安得即云『嵩山下之深谷』與? ,則爲箕山之南,與《孟子》不合,故張守節疑《史記》箕字 非北 ,陽城在箕山之北,故張守節云「陰即陽城 藏於複壁時,想無多書册可討尋,又無交遊以質問 雖同見穎水條內,而山固區以别矣。 南二十三里。』《括地志》遂云:「嵩山一名外方山,在 故 此 『陽城,箕山之陰,皆嵩山下深谷中可 「陽城縣 也。」舜、禹、益 Щ 《括地志》: 在今登封 蓋陽城在嵩山南二十三里,則爲嵩山之陽也 「箕山之陰、《史記》作「箕山之陽」。 在箕山北十三里。]守節又云: 但謂箕山爲嵩高之北,此本劉熙語。 Щ ,在洛州陽城縣南十三里。《括地 縣北三十八里,去嵩山 陽 城縣在 相 去久遠,其子之賢不 地理多譌, 箕山爲嵩高之北, 箕 證 山 明 北十三里 斷 趙氏所以誤者,注 許由家,並 正坐 斷 也」。 藏處。」閻 其 幾隔二 此 又敘禹避 非一 「陽城縣 嵩 在 《史記 爾。」周 而張守節 屬 陽城之 Ш Ш Ш + 百 陽 在 北 》作 也 里 謂 虚 陽 城 商 在 氏 H

謂。 閩、 正義 者,天也,莫之致而至者,命也。 爲而爲,順也; 言「横爲之」,猶《荀子》言「衡至」。從爲順,横爲逆。 流愬,不官而 也。」《荀子・致士》篇云:「凡流言、流説、流事、流謀、流譽 肖,皆天也,非人之所能爲也。 人無所欲爲 此 '監、毛三本作「是其命而已矣故曰命也」。 不官,謂無主首也。」衡讀爲横,横至,横逆而至 E : 事自至者,是其命禄也。 《毛詩・ 衡至者,君子慎之。」注云: 而横爲之者,天使爲也,人無欲 無所欲爲 大雅 而 抑》篇「莫捫朕舌」,傳云:「莫,無 爲,故爲横也。 疏注「莫無」至「禄也 「流者、無根 莫之爲 「是其命禄也」, 注莫,無 致 從所欲 也。 而爲 此 源 也 事 此 之

而

屬下。 周 也。 君雖 下。注中尼無天子之薦,故不得有天下,繼世之 天子薦之者,故仲尼不有天下,繼世 公不有天下。准益值啓之賢,伊尹值太甲能改 無仲 疏「繼世以有天下」○正義曰:趙氏屬上,近時通 天之所廢,必若桀紂者也,故益 匹 一夫而 尼之德,襲父之位,非匹夫,故得 有 天下者,德必若舜 禹 以 伊伊 而 有 有天 又 天下 尹 有 解

也; 子也。 立,外 天下。 過,周公值成王有德,不遭桀、紂,故以 艾,於桐處仁遷義,三年,以聽 后》。」江氏聲《尚書集注音疏》云:「成湯之殁久矣,于此言 爲帝中壬。 丙,是爲帝外丙。 本紀》云:「湯崩,太子太丁未立而卒,於是迺立太丁之弟 天子位也。 治而改過,以聽伊尹之教訓己,故復得歸之於亳,反 丙立二年,仲壬立四年,皆大丁之弟也。 刑,伊尹放之於桐。 云"「成湯既没,太甲元年,伊 太甲,成湯適長孫也,是爲帝太甲。」趙氏所本也。 也,復歸于毫。注大丁,湯之大子,未立而薨。 成湯既殁」者,蓋三篇皆稱述成湯,故推本之耳。 遷,徙也。 伊 伊尹 丙二年,仲壬四年。 尹 帝中壬即位四年崩,伊尹迺立太丁之子太甲。 |疏注「大丁」至「子也」○正義曰:《史記・殷 以 相 居仁 其 帝外丙即位三年崩,立外丙之弟中壬,是 湯 顛 以王於天下。 徙義,自怨其惡行。 覆 三年,大甲 典 刑,放之於 尹 作《伊訓》、《肆 大甲 湯 悔過,自怨自 . 顛 伊 桐 崩 匹夫而 尹之訓 覆 大甲,大丁 艾,治 大大丁 湯 《孟子· 命》、《徂 《書序》 之典 不 外 未 有 外

志 四年崩, 可 古文、歆撰《三統曆》載《伊訓》、故班固采入《律曆志》、的 氏 伊 伊 所 覆湯之典型。」則成湯之殁距太甲元年,中 人以丑月爲正月,則十二月是子月,據劉歆以《三統曆 祀於先王,誕資有牧方明。」蓋劉向、 遂以伊尹廢太甲以安社稷爲辭。」王氏鳴盛《尚書後案》云: 自 政當國以朝諸侯。 虐,不遵湯法,亂德,於是伊尹放之於桐宮。 三年,伊尹攝行 正 萬章》篇云: 書序》『成湯既殁,太甲 信。 · 律曆 尹放諸 尹 柄中《辨正》云: 》説並 《史記》以放桐在既立三年後,於是霍光將廢昌邑,田 義曰:《史記 ,非湯殁之後即爲太甲元年也。」○注 康 一迺迎 成 孟子言湯崩,太丁未立先卒,外丙立二年崩,仲壬立 同。 乃立太甲。 所 志 桐,三年,復歸於亳,思庸,伊尹作《太甲》三篇。」周 帝太甲 傳 》所引,曰 『湯崩,太丁未立,外丙二年,仲壬四 真 真 殷本紀》云: (伊 古 而授之政。」《書序》云:「太甲既立,不明, 文原 「當以《書序》爲正。 帝太甲居桐宫三年,悔過自責反善,於是 訓》所云太甲元年,乃仲壬崩之明年。 趙 岐注甚明、《史記·殷本紀》及《律 『惟太甲元年十有二月乙丑朔,伊尹 元年」,既者 有 **伊** 訓》, 「帝太甲既立三年,不明,暴 ,追溯之辭 歆父子領校秘書,親 其 書雖 「伊尹」至「位 蓋居桐 隔 亡, 兩君 ,不可泥 猶見 在諒陰時。 年,太甲 歷 於《漢 》推是 也〇〇 延年 有年 ..曆 見 商 確 顛

歸。 省首三年字耳,與《史記》不乖剌也。 白。 末,非 甲 甲 於亳。」既之爲言 字指初即位後,下三年字指被放 即放後亦必令其動心忍性,徐徐熟察,實見其能改,方始迎 然後不得已而放之。 不明則訓之,冀其改悔; 世之事,曾謂伊尹爲之乎?」又云:「如僞《書 湯崩方踰月。 祀先王於方明,以配上帝。』是朔旦冬至之歲也。 此文而解之云:「言雖有成湯、太丁、外丙之服,以冬至 元。 年爲太甲元年十二月乙丑朔旦冬至,至朔同 六月之内,悖謬極 太甲立,不率教即被放,後改悔,復迎歸復位,其事皆在二十 掩却「至朔同日」之事,以改祀先王爲奠殯告即位 改稱元年,至此十二月朔乃行郊祀之禮。 繼仲壬不繼湯,即 《書序》云:『太甲既立,不明,伊尹放諸 必不乍放乍迎,如置棊然也。 伊尹祀於先王者,以冬至配上帝故 元年初也。 果如此,則崩年即改稱元年矣。 可 乃僞作 矣。 該 爲繼湯,湯必以去年崩。 計始立至被放,必不在 久遠 放君大變之事,伊 不改則又誠之,至再至三猶 者并朔字去之,改爲即 不 必 後、蓋 在 《史記·殷本紀》首三年 《孟子》「太甲顛覆湯之 前 也。 年 後 尹 内 共 日 豈 至踰年 桐,三年, 十二月是元 律曆志 六年,最 崩年改元,亂 一二年之内 》則是自 輕 位陳 古文簡 并 且 有 家以 Ė 是 無 謂 不改 訓, 復歸 湯 月 論 越 既 爲 此 爲 略 明 崩 遂 年 太 太 茀 曆 時 引

顯

**悖《孟子》**,尤爲怪矣。」《毛詩·召南·

後儒見有『居憂』字,並謂

桐宫乃諒

陰三年之制

邑,亦不云葬地。

緣孔傳欲傅會太甲居近先王,致生此

説。 廢。

湯都於穀熟以就之,非也。」《尚書後案》云:「趙岐注

桐

爲

處」、《小雅

四牡》「不遑啓處」,❶

傳皆云"「處,居也。」

殷其靁》「莫敢遑 非關放

遷、徙也」、「乂、治也」、並《爾雅·釋詁》文。 艾乂字通。

之無人臣禮,一至於此,傷教害義,不可不辨。」閻氏若璩《釋 者竟謂太甲即位未久即被放廢,放後未幾,又即復位。 典型,伊尹放之於桐。三年,太甲悔過,自怨自艾,於桐處仁 焉。」初不指爲湯葬地。 地又續》云:「鄭康成《書序》注:「桐,地名也。有王離宫 六年之久。《孟子》行文取便,要其爲六年則同。 義,三年,以聽伊尹之訓己也,復歸於亳。」據文似 余以《後漢書》「梁國虞縣有桐亭,太 奈何 在 伊尹 作僞 桐 有 學,故於此明之。

遷

里。」據此,則太甲放處密邇湯都。 甲 有亳坂,東有城,太甲所放處也。 身以應乎? 如人言湯亳爲偃師,去虞城八百餘里,尹豈有縮地之法,分 七十里,方可伊尹既攝國政,復時時往訓 湯都實在偃 所 放處」,應即在於此。 湯都仍屬穀熟鎮爲是。」周氏柄中《辨正》云: 師、《史記正義》引晉《太康地記》云: 虞今歸德虞城縣,距湯都南亳僅 尸 閻氏指桐亭爲放處 鄉在洛州偃師縣西 太甲三年。 戸 不然 南 鄉 而 南 移 五

者時,然孔子言禪、繼其義一也。 周公之不有天下,猶益之於夏,伊尹之於殷 ○正義曰:義者,宜也。 也。孔子曰:『唐、虞禪,夏后、殷、周繼,其 也。」」注周公與益、伊尹雖有聖賢之德,不遭 孟子私淑孔子,全得其通變神化之 疏 「孔子」至「一也

聖人孜孜於仁德也。 不足則聖位莫繼:丹朱、商均是也。 章指: 言篤志於仁則四海宅心,守正 是以

《莊子・庚桑楚》: 百里奚。』《史記・殷紀》:『阿衡欲干湯而無由,乃爲有莘氏 尚賢》篇:「昔伊尹爲莘氏女師僕,親爲庖人,湯得而舉之。」 注「人言」至「之否」〇正義曰: 有諸?」正人言伊尹負鼎 萬章問曰:「人有言伊 「湯以胞人籠伊尹、秦穆公以五羊之皮籠 翟氏灏《考異》云:「《墨子・ 俎而干湯,有之否? 尹 以 割 烹要 湯, 疏

0 "牡」,原誤作「壯」,今從沈校據《毛詩》改

耕

義 曰: 所稱 引 之事 爲婚 曰 : 但 猶其惑未盡袪也。 復料前古有小説,而但奉遷《史》爲信書,則雖經孟子明辨 子》正説於後。 之徒援以自衛,津津樂道,至輾轉傳聞於孟子之門,又烏可 詳盡者。 媵 不辨論哉? 目 味 尹》二十七篇,列於小説家。 美者,而 侁氏得嬰兒於空桑之中,令烰人養之,是爲伊尹。 之。 臣 本《伊尹》説 如 》篇乃剟自《伊尹》説中,故漢人之及見原書者猶標著其原 此。 ,,周舉天下魚肉之美,菜果之美,和之美,飯之美,水之 書目俱不曰《吕覽》,曰《伊尹》。 ,有侁以伊尹爲媵送女。 負鼎 「否,不然。 阮氏元《挍勘記》云:「不字衍文,説見上注。 【否不 飯之美者,玄山之禾,南海之秖,許慎《説文》引 云非爲天子不得具。 夫小説之怪誕猥鄙,何足挂脣? 其文若果之美者,箕山之東有盧橘,應劭《史記》注 俎 馬遷自命良史、《殷紀》中雜陳二説,且次《孟 以滋味悦湯。」吕不韋書有《本味》一 也、《伊尹》説乃怪誕猥鄙 又作《孟子傳》而云牛鼎之意。 愚故追索其根株,以實抉之曰: 注否,不是 蓋吕氏聚斂羣書爲書,所謂《本 「割烹要湯」之説,無如此篇之 尹説湯以至味,極論水火調 也。 考班固《藝文志》有《伊 之小説也。」孟 疏「否不然」〇正 而其時枉己辱 近世學者不 湯請 篇, 是説 言 有 也 之。 子 身 劑 侁 有

人,一 郡縣志》: 也。 在。 篇:「有 而無由,乃爲有莘氏媵臣。」《正義》引《括地志》云: 氏,而湯妃則曰 者,武王之母,禹後有죃姒氏之女。」於大姒别之曰 表》:「女志、鯀妃、有委氏女。」此唐虞以 篇:「鯀娶於有莘氏之女,謂之女志氏。」《 取於人也。 雖以天下之禄加之,不一顧而覦也。 之時,耕於有莘之國,樂仁義之道。 弗視也。 是也」,當同前後章作「否不也不如是也」,奪三字。」 非其道也,禄之以天下,弗 汴州陳 於有莘之野而樂堯舜之道 列女傳》: 雖多,不一眄視也。 介不以取諸人。 侁氏採得嬰兒於空桑,後居伊 留 「汴州陳留縣故莘城,在縣東北三十五里,古莘國 非其義也,非其道也,一介不以與 縣 疏注「有莘國名」○正義曰:《大戴記・帝繋 東 有委氏。 「湯妃 五. 里, 有孁者,有孁氏之女也。」又:「大 故 《史記·殷本紀》云: 幸城 油有莘,國名。 是 介草不以 也。」《吕 顧 水,命 焉。 也 非仁義之道者 前之有莘未知 氏 漢 與 千駟,四千 日 繫馬千駟 春秋 非 呵呵 伊尹。」《元和 書・ 伊尹 其義 衡 亦不 「古幸國 禹 古今人 欲 伊 初 干 味 尹 所 以 兀

在

之貌也。 見部 賢,以玄纁之幣帛往聘之。 眄也。」以「眄」釋「視」,謂欣慕此千駟而淫視之也。 舜仁義之道 畝之中,由 是爲四千匹。 謂爲天子也,故曰「以天下之禄加之」。 道遥遠矣。」〇 曰:『我 云:「芥,草也。 由視念也。」「還視 芥」,故以草釋之也 詩 ,還視也。」《書・多方》云 <u>Z</u> 鄭風・ 「覦、欲也。」欲與念義同,故以「覦」釋「顧」也。 티 : 何 清人》「駟介旁旁」,箋云:「駟,四馬也。」千駟, 《禮記 以湯之聘幣爲哉? )注「雖以」至「人也」○正義曰"「禄之以天下。 是以樂堯舜之道哉?」注湯 **豈若居畎畝之中而無憂哉**? 白關 疏注「囂囂」至「貌也」〇正 」謂回首而視,心念之不能舍也。 而 曲禮》云「毋淫視」,注云:「淫視,睇 西或曰草,或曰芥。」趙氏讀「介」爲 湯 使 「開厥顧天」,鄭 人以 囂囂然,自得之志,無欲 幣聘之,囂 《説文》頁部云: 我豈若處 義 氏注云: 日 樂我 《方言》 《説文》 爾雅 囂 聞 顧, 畎 然 其 堯

往聘。

縣,古莘國地,計其去湯都南亳不過四百里,所以湯使可三

若大姒所産之莘國,則在今西安府郃陽縣南二十里

湯伐桀,桀與韋顧之君拒湯於莘之墟,此即湯妃所生之 b尹耕於是野者也。」閻氏若璩《釋地》云:「汴州陳

留

國 地。

之溝 説之以 民 就 民者,如己 湯,説之,伐夏桀,救民之厄也。 匹夫 中。 伐夏救 兀 推排内之溝壑中 其 婦 自任 有 民 不 以 被堯舜之澤者,若己 注 天下之重如此,故 伊尹思念不以仁義之道 也。 自 任 其 重 如此,故 推 就 湯 而 化 而 内

身遠 也; 謂所 行不同也,或遠或近,或去或不去,歸潔其身而已矣。」潔身 者流哉? 丈人、晨門、荷蕡、儀封人諸人,考其言論,察其舉止,豈石隱 録 之身而 而 而 或近,或去或不去,歸 天下者乎? 論學小記》云:「孔子之栖栖皇皇,爲天下也,然而爲己 或不去者,云「焉 由不 也; 道至於贊化育、参天地、始完得盡己之性也。 有正 吾未聞枉己而 疏 其爲己也 或近 同。 「聖人」至「而已矣」〇正義 天下者 者 大要當 注枉己者尚不 ,亦豈絶不爲人謀乎? 仕 乎。 能 者 同 浼 近君 正人者也, 況辱己 歸,但殊 絜 聖 我」也。 其 人 也。 (身而 之 能以正人, 況於辱 塗耳。 行 日: 或去 歸於絜身不污 已矣。 不同 程 故曰:「聖人之 者,不 氏 或遠者, 也,或 瑶田 注不 沮 以 《通 屑 溺、 遠 正 己 就 處 同 己 蓺

隆。」則 篇」。 誅造攻 疏》云: 者,豈 也。 湯爲王,不聞 崔實《政論》曰:『皋陶陳謨而唐虞以興,伊 曰:伏生今文二十九篇無《伊 之於亳,遂順 者,從牧宫桀起。 逸篇名。 湯,未聞以 不由人之義,不昭然若揭乎?」吾聞其以堯舜之道要 道之不行,已知之矣。」明乎此而君子爲己之學與爲仁由 所求而行義以達之者也,故曰: 『君子之仕也,行其 丈人之行也,達則兼善,大聖人之志也。 伊訓 伊訓》,次《咸有一德》、《典寶》之後,爲今文所無,故 亳,殷都 獨善其身而 》云「載孚于亳」,又云「征是三朡」,則此篇漢末 惠氏棟《古文尚書考》云: 「牧宫桀宮者、言『天誅之所自」,則自是桀宮。 《伊訓》之篇,子真曾見之矣。」江氏聲《尚 自牧宫,朕載 牧宫,桀宫。 割烹也。 也。 天 以 而 割 不 兼 言意 誅 自取之也。 烹 善天下之謂 也。 4 欲 朕,我 羊 注我聞伊尹以 自亳。』」注《伊訓》、《 疏 誅 爲 訓》,孔安國古文五十八 「鄭康成注《書序・ 注 伐 道。 湯曰: 《桀,造: 也。 一伊 哉? 訓 **《**伊 謂 窮 是志也 至 作 箕作訓 我 湯 訓 則 仁義干湯,致 始 可 誅 也。 ₩ E 獨 也 與 攻 善 而 典 伊 討 0 載, 尚 殷 隱居之 沮 猶 寶 爲一逸 義 之 尹 下 注 周 正 書 影 天 罪 謀 始 又 音 用 有 義 己

訓 引《書》不合矣。 以 所與謀者,順天救民之事,非割烹也。 宫既爲桀宫,不得爲始攻自桀也。若鳴條,尤不可言始矣。 者,湯始征自葛載,其後又伐韋伐顧伐昆吾而後乃伐桀,牧 訓》作「造攻自鳴條」,某氏傳訓造爲始。 趙氏以「謀之於亳」釋「自亳」,兩自字義別也。 文,「朕載自亳」之語,無以見是述湯言。古人朕字上下通 居亳,從先王居。」故云「亳,殷都也」。 此篇是伊尹訓太甲之 侯,始見乎武王廟也。」故云『載,始也」。《書序》云: 『湯始 别言「自亳」,亳是殷都則牧宫是桀宫矣。「朕,我」、《釋詁 稱,安見伊尹不稱朕乎? 作」釋「造」,謂桀自「造作可攻討之罪」,故天誅之。「自」之 割烹要之,此孟子引《書》之意, 「由」,由通猶,猶即猷。 云「謂湯也」,則未然也。 《爾雅·釋詁》云:「猷,謀也。」故 聲謂伊尹自謂也。」按:趙氏以 《詩·周頌》序云:「載見諸 謂伊尹攻桀自亳,與孟子 湯謀之於亳,非伊尹 趙氏不訓造爲始 晚出古文《伊

時物。 白 治而已矣。疏「不枉道而取容」○正義曰:《史記 起王翦傳》贊:「偷合取容。」❶《朱建傳》云:「行不苟 章指:言賢達之理 守己直行,不枉 道 世 而 務 取 也,推正 容, 期 於益 以 濟

血

醫》: 组。 日: 聲同通借字耳。」閻氏若璩《釋地又續》云:「《周 作脊。《史記·孔子世家》「雍渠爲駿乘」、《韓非子》作「雍 文,「孔子」上無「或謂」二字,癰疽作「雍雎」,「侍」作寺,「瘠. 策·衛策》云「衛靈公近癰疽」,高誘注云:「《孟子》有其人, 君、齊君之所近狎人。疏注「有人」至「狎人」〇正 癰疽,癰 齊主侍人瘠環,有諸乎?」注有人以孔子爲 云。」錢氏大昕《潛研堂答問》云:「《孔子世家》:「衛靈公與 蓋醫之幸者。」翟氏灝《考異》云:「《説苑・至公》篇述此章 「衛靈公時,癰疽彌子瑕專君之勢以蔽左右。」蓋亦下士之職 溢而將破者。 孟子對云「不然」,故注言「或以孔子爲然」也。《戰 「掌腫瘍、 輾轉相推,雍鉏、雍雎爲一人,而癰 萬章問 疽 之醫也。 潰瘍之祝藥。」腫瘍,氣聚而不散者; 曰:「或謂孔子於衛主癰疽、於 雖癰淺於疽,而二瘍皆有之。《戰國策》: 瘠,姓,環,名。 疽亦即 侍人也。 雍渠,均以 禮 潰 衛 國 義 瘍

0 「合」下,原誤重一「合」字,今據《史記》及經解本删

以告。 夫人同 也; 子知彌子幸於靈公不 以爲主。 讎 有 孔子進以禮,退以義,必曰「有天命也」,若主此二 環,是無義無 義,得之不得 謂子路 ○正義曰: 阮氏元《挍勘記》云: 「不字,衍文。」於衛 如是也。 日 人,是爲無 所 癰疽,趙氏以爲 由 張 制 天道之本然 氏爾岐 車,宦 而不可强也,君子與小人一也。 「衛靈 孔子曰: 『有命。』孔子進以禮,退 然也。 曰: 『孔子主我, 衛卿可得也。』 子路 彌子之妻與子路之妻,兄弟也。 彌子,彌子瑕也,因子路欲爲孔子主。 好事毁人德行者爲之辭也。 義 者雍 公與 《蒿菴間話》云: 無 而 命也。 曰『有命』。 渠驂乘,出,使孔子爲次乘。」又《報任 癰 不可争者,命也。 命 「雍渠同載,孔子適陳。」 雍渠即《孟子》所 好事者爲之也。 疽之醫者,似是臆説。」孟子曰: 也。 以 注顏讎 疏 正道,故不納之而歸於命。 「人道之當然而不可違者,義 孔子進」至 而主 貧富貴賤 由,衛賢大夫,孔 命不可知,君子當以 癰 注否,不也。 疽與侍 「有命」〇 疏「否不然也」 得失死生之 彌 人 主 正 孔 瘠 子 以 顔 不 子 安 義

有矣。 由,則讎由之賢亞於伯玉,因東道之誼 子路裒金以贖之。 兄、見《史記・孔子世家》。 嘗無彌子瑕之可緣也,孟子之於臧倉未嘗無樂正子之可 勢有可圖,而退然處之,曰義之所不可 其 争則智邀之,知力無可施而後謂之命也。 於命者,退而猶不失吾義也。 義 於妻兄有證,是 無所爲不合也。 云:「《漢書·古今人表》以顔濁鄒爲顔涿聚。 注「顔讎由」至「孔子主」○正義曰: 後安之。 於命,不必一於義也,而 爲辯而重爲請也,亦曰:義所不在耳。 命矣。故孔子之於公伯寮未嘗無景伯之可恃也, 命,安之矣,實不以命爲準也而以 有安之矣。大約皆知其無可奈何而後安之者也; 、心常泰,小人以智力争命,故其心多怨。 知命矣。 故聖賢之於命,一於義者也,安義斯安命矣, 故聖賢之與衆人,安命同也,而安之者不同 凡義所不可,即以 讎 《孔叢子》言讎由善事親 由 或疑其私於所昵,而孔子白其不然。 即 濁 命皆有以制 鄒 《索隱》疑其與《孟子》不合,其 也。 小人嘗以智力知命矣,力不 爲命所不有 孔 義爲準。 子 之,制之至 全氏祖望《經史問 在 也。 而列於門 義所不在 衛 其後有非罪之執 君子以義安命。 也。 主 義 衆人之於命, 故雖力有可争 伯 濁鄒 所不可 無可 故 牆 玉,亦 斯 於 進 聖人之於 ,子路 也。」〇 奈何 命所 衛卿 古 而 衆人之 斯 斯 其 主 不 則 故 宜 讎 妻 而 不 力 未 E 能 得

明。 庚也 因參乘之事而傅會之耳 間往夜告彌子,彌子矯駕君車以出。 子瑕見主其妻兄之家,遂謂主我衛卿可得,語亦非無因云。」 業於孔子,得爲名士。 也。 結交於孔子,孔子且以義命拒之,則主癰疽必無之事矣。 寡人。」然則彌子之寵甚於癰疽。 甘,不盡,以其半啗君。 有寵於衛君。 專君之勢以蔽於左右。 偶,故因衛夫人、彌子瑕而欲通其道。」當時誇孔子者且不僅 也。』《淮南・ 翟氏灏《考異》云:「彌子欲借重於孔子,孔子拒之,此文甚 造爲癰疽、瘠環言矣。」按:癰疽與彌子瑕同幸於衛君,二人 釋地又續》云:「顏讎由,子路妻兄,則亦彌子瑕妻兄。 《吕氏 至涿 非濁鄒 涿聚死事於齊,見《左傳》犂丘之役。 爲母之故,忘其刖罪。」異日,與君遊於果園,食桃 聚則 · 慎大覽》乃云: 「孔子道彌子瑕見釐夫 也。 泰族訓》亦云"【孔子欲行王道、七十説而 衛國之法,竊駕君車者罪別。 齊人也。 張守節附會於字音,更不足信。」閻氏若璩 亦見《莊子》。然則於衛之讎由 《韓非子・説難》云:「昔者彌子瑕 君 《吕覽》言其少爲梁父大盜 曰:「愛我哉! 彌子有子路之親且自 君聞而賢之,曰:「孝 然則顔涿聚者,顔 忘其口味,以 彌子瑕母病,人 而卒受 人因 無豫 無所 蓋 求 啗 而 彌 事。

孔子不悦於魯衛 遭宋 桓 司 馬將要 而

哉

《史記·孔子世家》云:「定公十四年,孔子年五十六,由大 濁鄒家。」此「不悦於魯」之事也。 衛月餘,靈公與夫人同車,宦者雍渠參乘,出 服往觀再三,將受,乃語魯君爲周道游,往觀終日,怠 人,皆衣文衣而舞《康》樂,文馬三十駟,遺魯君。 司寇行攝相事。 滅,故無謚,但 之罪,故謚爲貞子。 殺之,微服 居十月,去衛,將適陳,過匡,月餘反乎衛,主蘧伯玉家。 「夫子罪我以羣婢故也夫!」孔子遂適衛,主于子路妻兄顔 之謁,可以死敗。蓋優哉游哉,維以卒歲。]桓子喟然嘆曰: 曰:不爲苟合取容,故不悦。 何爲主癰疽、瘠環也? 擇大賢臣而主貞子,爲陳侯周臣。 而過宋。 衛之君而去。 貞子,爲 孔子遂行,宿乎屯,歌曰:『彼婦之口 司城貞子,宋 陳 侯 而 齊人聞而懼,於是選齊國中女子好者八十 曰「陳侯周」。 適諸侯,遭宋桓魋之故,乃變更 周臣。 過宋。 陳侯周,陳懷公子也 卿 注孔子以道 疏注「孔子」至「過宋」〇正 是時孔子當阨,主司 也。 趙氏以 又云:「衛靈公致粟六萬。 是時孔子遭阨 雖非大賢,亦 「道不合」明之,是也 於衛齊 可以 不合,不見 ,使孔子爲次 出 季桓 走。 無 難,不暇 爲 無 阨 楚 諂 微 悦 彼婦 於 子 難 城 所 服 惡 居 政 微 義

乘,招 弓》有司寇惠子、司徒敬子,鄭注云: 『司徒,官氏也。』惠子 字爲宋臣,爲孔子在宋時 雖 陳,司空致地」之文爲疑,則服注以三司爲「陳官」者,固不若 見其司空不可 爲宋官,故依違兩説之。 以 注 服 以 樹下,宋司馬 也」,則司城仍 廣 去曹適宋。」此「不悦於衛」之事也。 ·是時孔子遭阨難,不暇擇大賢臣而主貞子,爲陳侯周 堂司 「炫謂爲「鄭官」之説善也。 森 明標 ,安知非有以先世宋官爲其族氏者乎? 司城貞子爲孔子適陳所主,是貞子爲陳卿,非宋卿。 .甚詳明。上言「宋桓司馬」已標國名,司城貞子蒙上「宋」 過宋」之事也。 速矣。」孔子曰:「天生德於予,桓魋其如予何?」」此「微 向之族奔陳者 《經學巵言》云:「趙氏云「司城貞子,宋卿也」,下又云 摇市過之,於是醜之,去衛適曹。 寇,至其子虎,則 「陳侯周」,言孔子適陳,爲陳侯周之臣也。 桓魋欲殺孔子,拔其樹,孔子去。 效宋官,亦 似陳卿。 ○注「司城」至「臣 非 亦以 蓋 而 名司 愚謂陳之司寇可效楚官名司敗,安 所主也。 司 順經意,明是陳人,特膠於司 且司城亦不定是貞子之官、檀 城 『司寇』爲氏,見於《世本》。 7城邪? 師 之後 過宋則不在宋而適陳,故 也」〇正義曰: 又云:「與弟子習禮 仲 若以《左傳》「子展 是歲魯定公卒,孔子 佗 宋大夫皆遵殷之 即 弟子曰: 宋人之在 惟《史記》 趙氏 城 孔氏 司 宋 此 陳 人 當 臣 大

> 見,非 亦臣 其敘歸與之歎、主蘧伯玉之事、及蔡之請遷於吴、皆 附會失實,唯當以《世家》近古,爲最可 毋適衛,吾出子。 於是孔子去陳。 吴」,此魯哀公二年之事。 『至陳歲餘,吴王夫差伐陳,取三邑而 也。』若所至之國皆不爲臣,不且終歲無君乎? 子在陳,不得謂之「爲臣」者,此尊聖而過耳。 至陳,主於司城貞子家」,爲讀《孟子》不誤也。 據稱「貞子」,即決非宋卿。 制 以前皆居魯,嘗爲乘田 初至陳而去陳時事,太史公誤著之於此耳。 來」,是初如陳也, 生平, 嘗再至陳。 公聞孔子來,喜,郊迎。」校其年歲,靈公殁已久矣。 ,以字爲謚,通《左傳》、❶《世本》,未有稱子 也。 稍爲整比 還以孟子之言證之。 過蒲,會公叔氏以蒲畔,蒲人止孔子曰: 條理棼然。 《十二諸侯年表》「陳湣公六年」下云「孔 與之盟,出孔子東門,孔子遂適衛。 主司城貞子者,再如陳也。 ,爲委吏。 而又云: 愚故獨信《史記世 謹 按、《世 『孔子三月無 昭公二十五年,三家 **「**居陳三 去。 家》先聖 據,然頗 楚圍 先聖年 歲,陳常被 国家》日 而 君, 羈旅之臣, 復錯 近儒 自 過 配 但《世家》 蔡,蔡遷 蒲 則 三十 謚 考先 孔 譜率 皇皇 者。 前 要 有 亂 盟 攻 謂 <u>Ŧi.</u> 後 衛 子 寇 是 多 苟 遂 歲 兩 觀 則 聖 如 夫 今

❶ 「左」,原誤作「在」,今據《經學巵言》改。

復 蓋 蒲

Ė

一蘧伯

玉家。

尋

以 醜 過

且

也。

一世

政。三月,季桓子受齊女樂,孔子遂行。

年,會於夾谷,攝 年,四方皆則之。 定之三年歟?

相事。

十三年,墮三都。

語

魯君與之一車兩馬」者,必定公,非昭公也。 死,乃命敬叔來學,比敬叔服闋,魯已無君矣。 而

置諸

適齊之前。

札葬子於嬴博之間,此可證者也。

公,魯亂,始適齊。

則

視 嘗

好

爲

世

秋

以

返

也。 主。 是爲先聖出處大端,敬徵審而備識之。」云「陳侯周陳懷公 是爲凡人耳,何謂孔子得見稱爲聖人? 至,當主於在朝之臣賢者。 子?」注近臣當爲遠方來賢者爲主,遠臣自遠 古厄字。《詩·谷風》箋云:「厄難,勤苦之事也。」是阨即難 歲,孔子卒。」然則陳侯周有謚矣,又名越,與《孟子》異。 年,楚惠王復國,以兵北伐,殺陳湣公,遂滅陳而有之。 乃立懷公之子越,是爲湣公。 子」者、《史記 吾聞觀近臣以其所爲主,觀遠臣以 若孔子主 •陳世家》云"「惠公卒,子懷公柳立,卒吴,陳 癰 疽 與侍 湣公六年,孔子適陳。二十四 若孔子主於卑幸之臣, 人瘠環,何以 爲 其 阸, 孔 所 而 是

義也。<u>疏「君子大居正」〇正義曰:隱公三年《公羊伸達節,不違貞信。故孟子辯之,正其大</u>章指:言君子大居正,以禮進退。屈

牲者五羊之皮,食牛,以要秦繆公。信乎?」萬章問曰:「或曰:百里奚自鬻於秦養

云: 注人言百里奚自賣五羖羊皮,爲人養牛,以 之言非無據。 何足要譽? 可憑如此。 人執之,繆公以五羊之皮贖之歸秦」,是又贖奚物也。 五羊皮」,則攜作客貲者也。《史記》「百里奚亡秦走宛,楚鄙 歌》曰『百里奚新娶我兮五羊皮』,是聘物也, 又曰『西人秦 名,是必有一五羊實事流傳人間。 里五羊,有必不可解者。奚舊稱五羖大夫,其人全以 吝,可以爲要譽之具。此依文度事,其解不過如此。 秦繆公之相,實然否? 不審而妄争。」周氏 五羖羊皮爲人養牛」,當讀賣字爲句,「賣」下「五」上脱 曰:毛氏奇龄《四書賸言》云:(《孟子》百里奚事 「奚自賣五羖羊皮,爲人養牛」。 賣己物以養人牛,貧而 得」字。 「百里奚有五羖大夫之稱,孟子亦言其舉於市,則養牛 遂似奚自有羊賣之,反爲人牧,理所必無 若謂得五羊之皮爲之食牛,從來無此說,且此 趙氏去古未遠,或有師承。」趙氏 但謂以要秦繆公,非耳。 【柄中《辨正》云: 疏注「人言」至「然否」❶○正 乃言人人殊。如《扊扅之 「朱竹垞《五羖辨》言趙 注『人言百里奚自賣 佑 温 趙 毛 實則百 岐 故録 一西河 其不 而 此 注 亦 得 不 謂 義 要

❶ 「至」,原無,今據疏例補。

之下而

加之百姓之上。」」史遷所傳已自相矛盾,則并贖奚之

自鬻於秦客,被褐食牛,期年,繆公知之,舉之牛口

鄙人也。

不忌也。

《史記・

商鞅傳

》又載趙良之言曰:「五羖大夫,荆之

之,必不與我矣」之意。

故其謂楚人曰

恐楚人不與者,此即

齊欲請管仲於魯

而桓公謂「知吾將 『吾媵臣』,微之也,

用

請贖以五羖羊皮,示其無足重輕也,所以杜楚人之疑而使之

若謂以此取信於楚,則奚之素所被服,楚人烏得

知

齊之乞者也。

而五皮而可以成裘者哉?

鬻之直。竹垞所云,則昔人未有作此解者。惟《莊子·庚 自賣五羊之皮,爲秦人虜,繆公得之。」諸説並以五羊皮爲 里奚以五羖羊皮,使將鹽車之秦。」又《善説》篇云:『百 桑 自

被服。

繆公慮楚不信,故以奚所衣之服與之。不然,五羖微

以

五羖羊皮贖之,楚遂許與之。

蓋百里奚在秦,五羖其素所

物,楚人豈貪之乎?

其以《史記

》贖奚事爲證,亦非是。《史記》言欲重贖之,

按、《處扅歌》乃漢詞賦家所爲,本不足

里奚亡秦走宛,楚鄙人執之,繆公聞百里奚賢,欲重贖之,請

位之君子亦服之,非節儉而何?1其説竟與余合。《史記》百 裘,其製甚精,養牲者被五羊之皮,蓋賤者之服,而《召南》在 英飾也。

之最豐而賤者所服也。

范處義《詩補傳》釋《羔羊》之詩云:

「素絲必以五言,蓋合五羊之皮爲一裘,循其合處,以

素絲爲

無可疑。

百里奚衣五羊之皮,爲秦養牲,蓋仿古制。古之羔

秦,五羖皮』,然則奚蓋服五羊之皮人秦者。

紉五羊爲裘,毛

也。

《扊扅之歌》云【百里奚初娶我時五羊皮」,又曰「西人

注「人言百里

奚

人自賣

五羖羊皮,爲人養牛」,蓋言衣此食

4

事,亦屬傳疑,不足信也。

至所引范處義釋《詩》之説

則

尤

爲不根。

奚好五色皮裘。」此頗合於竹垞之解 奚。』陸德明《音義》既引《史記》贖奚事,又曰:「或云: 楚》篇云: 『湯以庖人籠伊尹,秦繆公以五羊之皮籠 而又不能引據,徒 百 里 里

百

行踪見矣; 孟子時已無所據。 「年已七十」,齒已見矣, 夫曰『虞人也』,址貫見矣,『不諫之秦. 又曰「舉於市」、仕

趙注以就其説。」閻氏若璩《釋地又續》云:「百里奚此事,常

之口 見矣。 ,則當以《秦本紀》補之。 獨秦之號爲「五羖大夫」,傳至孝公時猶嘖嘖於趙 蓋其由虞之秦,不知又何故亡

五四三

傳

賢臣。 所生。 宫之奇諫, 王垂棘, 美玉所 《孟子》合《左傳》,奚之去虞,當於僖二年宫之奇諫不聽之 井伯非百里奚也。 媵臣」,亦繫託詞以誑楚。❶《左氏》媵秦穆姬者,乃虞大夫 之。 之,繆公聞百里奚賢,欲重贖之,恐楚人不與,乃使人謂 元《挍勘記》云:「不字,衍文。」百里奚,虞人也。 安得有如《史記》奚爲晉虜,以媵於秦之妄説?」孟 日,不待僖 於市者,何故? 秦走宛。 人之德行者爲之設此言。 曰:「否,不然。好事者爲之也。 説文》云: 以 「吾媵臣百里奚在焉,請以五羖羊皮贖之。」 楚人遂許與 繆公釋其囚,授之國政,故有五羖大夫之號。 垂棘之璧與屈産之乘假道於虞以伐號, 乘,四馬 諫之不欲令虞公受璧馬,假晉道。 疏「晉人」 宛今南陽府南陽縣,秦繆公時地屬楚,楚鄙 五年宫之奇復諫,以其族行之日,故曰『先去』。 「買,市也。」孟子蓋謂百里奚從買得來耳。 余曰: 也。 《漢表》以次之於各等矣。 《論語》「市脯」,注云:「市,買也。」 皆晉國之所寶。 疏「否不然」〇正義曰: 出 地 名; 屈 宫之奇,虞之 注好事毁敗 或問: ,産地,良馬 其云「吾 謂之舉 人執 阮氏 細讀 晉 子 楚

> 之地。 璧」,注云: 而 杜但注云晉地。」百里奚不諫。 東北屈縣。 城郡,理吉昌縣,春秋時晉之屈邑,獻公子夷吾所居。 氏謂産爲産生也。」閻氏若璩《釋地》云:「《通典》:「慈州 在太平縣之南。 二省而界相連。 西虢國,宏農陝縣東南有虢城」,余謂河南之陝州 至「奇諫」〇正義曰: 石樓乃漢西河土軍縣,非北屈地,自 ○注「垂棘」至「所生」○正義曰: 僖公二年《公羊傳》「白 後漢志》同。 杜注「虞國、在河東大陽縣」、余謂 言之下而形勢瞭然。 》及五年冬「晉人執虞公」《左傳》。 去之秦,年已七十矣,曾不知以食牛干 玉以尚白爲美。」徐氏疏云: 「屈産,出名馬之地。乘,備駟也。 《左傳》云晉有屈産之乘,此有駿馬。」與劉 余謂今山西吉州是。 裴駰引賈逵注云:『虞在晉南,號在虞南。』 絳州之北,土人至今呼故晉城,遺址宛然。」 事見僖公二年「虞師 爾時爲晉獻公十九年,正都於絳,絳 山西之平陸縣也; 樂史、傅會爲石樓縣, 「謂屈産爲地名,不似 知虞公之不 非垂棘。 閻氏若璩《釋 晉師滅下陽」《左 又見成 垂棘,出 也。 地》云: 可 五. 昭 漢 美 名雖 秦 年 諫 但 河 文 服 玉 注

<sup>0</sup> 託」,原誤作「記」,今據《四書釋地》及經解本改。

也

,而去之秦年已七十,曾不知以食牛干

秦穆爲汙,可謂

智

里奚不諫乃是知其不可諫也,知其不可諫而即不諫,是其智

人「不智」一層,此孟子屬文之法,故用不諫,可謂不智乎」即申此二句之義。.

首,蓋謂奚所以不諫者,知虞公之不可諫也。

河字轉捩,若曰:知即智矣,於其間

反

百

下一不可

諫

而

至「爲之乎」〇正義曰

趙氏以「百里奚不諫」冠此兩節之

尚不肯爲也,況賢人肯辱身而爲之乎?

疏「百里奚」

於汙辱而以傅相成立其君,鄉黨邑里自喜好名者,

黨自好者不爲,而謂賢者爲之乎?」注人自鬻

人豈能如是?

言其實賢也。

自鬻以成其君

鄉

智,知食牛干秦爲不然也。

卒相秦,顯其君,不賢之

干人君之爲汙,是爲不智也? 欲言其不智,下有三

奚知虞公之不可諫而去之秦,年七十,而不知食牛

天下,可傳於後世,不賢而能之乎?

乎? 領要。 篇實據之歟? 與萬章之徒作書,而舉「好辨」章文爲旨,萬章之徒,非 詖行,放淫辭』者,正於此篇詳 蔑人倫,廢禮義,以爲親可怨,弟可放,夫婦可苟合也, 者莫如秦,奚故去虞入秦,三置晉君,正是爲虞報仇,所以不 之非,後以「能」斷其不爲之是也。 其君以顯於天下,是非獨智,而且賢矣。 屬「知」,「賢」屬「能」。 可 國之信史,若輩惡其害己,並早滅於秦火前 諸簡編,以徹抉其樊籬。 『好辨』章所謂 『正人心,息邪説,距 濟其私而掩其醜。 爰是造爲事端,託諸舜、禹、伊、孔,謂聖人且有然者,欲假以 福之柄,萌篡逆之心,以爲君臣無定分,禪 諫而去之秦者以此。 繆公之可與有行而相之,三智也。 己辱身,營營富貴利達之途,以爲苟賤可甘,近倖可 史》,凡孟子所既辨斥,仍多取爲實録 諫而不諫,一智也; 錯綜言之也。又因 觀孟子論百里奚已無所據,惟以事理反覆推之, 故此篇雖若泛論往事,而實爲《孟子》一書之 孟子懼焉,故特設爲門弟子疑難問答,著 翟氏灝《考異》云: 知虞公之將亡而先去之,二智也, 但知而不能,不可爲賢,故又實能相 其一智推而 盡見之。 一説晉時强大,可與晉敵 三智從三知字而 爲三 ,則時之邪說惑人深 《風俗通》言孟 「戰國時 前以「知」斷其不 智 繼無定命也; 矣。 知虞公之不 處土 觀馬 出一 援 遷爲 就此 子退 竊威 則 也 議 枉 知

也

而

相之,可謂不智乎?

相秦而顯

其君於

注百

里

可

謂

不智也。

時舉於秦,知繆公之可與有行

可

謂不

·智乎?

知虞公之將亡而先去之,不

繆公之爲汙也,可謂智乎?

不可諫而不諫,

五四五

且無以見白於今日,其他是非之顛倒者,可勝言乎?」幾於杯水車薪之不可熄矣。使非此篇之傳,雖舜、禹、伊、孔

故能顯君明道,不爲苟合而違正也。疏「不章指:言君子時行則行,時舍則舍,

爲苟合」〇正義曰:《史記·封禪書》云:「阿諛苟合

之徒。」

姪廷琮廷弼校字

孟子正義卷十九終

## 孟子正義卷二十

江都縣鄉貢士焦循譔集

## 孟子卷第十●

萬章章句下凡九章。❷

> 《温故録》云:「伯夷、叔齊、《論語》每言之,必兼二人,而 之助惡,皆非可以力争。 採薇事,史即可爲經注也。孟子何獨有異? 惡,非君不事,不立惡人之朝,猶是辟紂意。 子則言其辟紂,且屢言之。此章與前「伯夷隘」章極言其惡 子則獨舉伯夷。《史記》之言伯夷,以讓國,以耻周 後世聞其風者,頑貪之夫更思廉絜,懦弱之人更思 美色者,若夏姬之比也;耳不聽惡 也。 數章陳之,猶詩人有所誦述,至於數四,蓋其留意者 之既終,有遺命之可托,遂以不顧 徒苟奉職貢而以爲耻,固久有欲辟之心矣而不忍言,因生事 之時,親稔其暴,至於脯醢無罪諸侯,爲從古所未有,廉來 援以問衛事? 於讓國則絕無與也。 有立義之志也。 義見上篇矣。 《論語》言「餓於首陽」,言「逸民」,明是耻粟 疏「伯夷」至「立志」○正義曰:趙氏佑 若以史傳爲不實,則非讓國,何爲子貢 此復言不視惡色,謂行不正 而自以遠國疎臣,欲諫正之不得 而 逃。 聲,謂 叔齊與兄同 於耻周有可通 竊以伯夷當紂 鄭聲 也, 而 而 也。 有

「第」,原脱,今據全書體例補。

② 「凡九章」,原作大字,今據經解本改。

五四七

嘗有他志也。 兄可以見弟也。 出 視惡色,耳不聽惡聲。 操,無以 匹,内挾伎術,蓋老而 嬖 爲聖之清。」○注「若夏姬之比也」○正義曰:《列女傳 紂之惡,未嘗不待紂之改。 據 也,亦以有 志」。」臧氏琳《 書賸言》云:「《孟子》「頑夫廉」,頑字古皆是貪字。 分。1.□注「頑貪之夫更思廉絜」•□正義曰:毛氏奇齡《四 之,莫不迷惑失意。 委曲,其用心甚平直,第求無污於己,而非必有苛於人,故得 表之曰『不念舊惡」。 夫,殺子之身。 晉 [傳》: 事書之、孟子原心論之也。 》篇云:「陳女夏姬者,大夫夏徵舒之母也。 横民之所止,弗忍居也。 •羊祜傳》亦曰:「貪夫反廉,懦夫立志。 孟子 尚也。」《南 託 而 《經義雜記》云: 去 故以諫武王,武誅紂,遂以 殆誤 逃。 其事從讓國起,而其心實從辟惡起。 聞 史》稱 叔 頌曰:「夏姬好美,滅國破陳。 伯夷之風者,貪夫廉,懦 楚莊,敗亂巫臣,子反悔懼,申公族 復壯者。 是則伯夷之所以爲伯夷者,其行事甚 非其君不事,非其民不使。 齊特從兄也,孟子故不及之,爲其舉 任 辟之已耳,其於君臣之大義,未 思與鄉人居,若朝衣朝冠坐於 然而曰待天下之清,則夷惟 「《韓詩外傳》云"『伯夷目 昉 三爲王后,七爲夫人,公侯争 能 使 貪夫不取 耻周粟,而孔子特 夫有立 其狀美好無 雖夷、 懦 横政之所 《漢 走二大 夫 史傳 惠之 志。」 有 • 王 孽 辟 不 立

> 矣。 家之本與?」王氏念孫 寬,薄夫敦」,皆以相反者言之,則作「貪」爲是。趙氏以 引魏王粲《弔夷齊文》曰:❷「厲清風於貪士,立果志於 伯夷之風者,貪夫廉,懦夫有立志。」又《藝文類聚·隱逸下 云: 風者,貪夫廉,懦夫有立志。」《丁鴻傳 非賢人而能若是乎?」又《後漢書·王龔傳》云:「聞伯夷之 廉,懦夫有立志。 書·王貢兩襲鮑傳》序引《孟子》云: 塗炭也。 貪,未詳其所出。 云「頑,貪」,是趙本作「頑」矣。 趙氏於《萬章》下注云『頑貪之夫更思廉潔』,於《盡心 夫。」當亦用《孟子》。 伯夷之風者,貪夫廉,懦夫有立志。」《列女傳》: 《漢書 《孟子》漢有劉熙注,梁有綦毋邃注,作「貪」者或見於二 昔夷齊去國,天下服其廉。]高、李注引《孟子》曰: · 陳 平 故聞 · 傳 伯 奮乎百世之上,行乎百世之下,莫不興起。 夷之風 而兩漢及唐人皆引作「貪」,知必非 《孟子・萬章》《盡心》皆作『頑 「頑 《廣雅疏 者,貪夫廉, 頓 謂 據下文「懦夫有立志」、「鄙 無 證》云:「 廉隅 「聞伯夷之風者,貪夫 懦 也。」 影論 夫 頑,鈍 曰:「孟子曰 有立 頓 與 也。 「曹世 鈍 志。」又《漢 同 大廉」, 如 崇下 淳 叔 無 頑 「聞 聞 注 注 本 訓 夫 妻

0 0

<sup>「</sup>絜」,原作「潔」,據本書注文改。

<sup>「</sup>類聚」,原誤作「志」,今據《經義雜記》及《藝文類聚》改。

優

,薄淺者更深厚。

疏注

下

袒

裼裸裎於我

側,

爾

焉

處

由由

然不忍去也。

「爾

《吕氏春秋·慎大》篇云「暴戾頑貪」,是頑亦貪也。 作「貪」,亦頑訓貪之證。《國語·晉語》「少懦於諸侯」,注 ·惠之風者、鄙夫寬、薄夫敦。 |婦有不與被堯舜之澤者,如己推而内之溝 1,予將以此道覺此民也。1 思天下之民 ,弱也。」《説文》心部「懦,駑弱者也」。 曰:天之生斯民也,使先 「鄙狹」至「深厚」〇正 能浼我哉?」故 予,天民之先 王氏説是也。 爲 而 無鋒鍔,二者 注説與 進不隱賢,必 爾 不憫。 何使非民? 我 注鄙狹者更寬 八爲我 故以 上同 與 頑之義爲 IE. 諸書引 懦 義 鄉 匹 聞 覺 相 日 對。 人 以 柳 夫 者 知 治 雖 爲 柳 見荆 《周 水部 遲遲不忍去也,是其道 注浙,漬米也。 云 是「薄 也。」又《君守》篇云「魯鄙人遺宋元王閉」,高誘注云: 春秋·尊師》篇云「子張,魯之鄙家也」、《愛類》篇云: 動 而 也,去父母國之道也。」可 子之去齊,接淅 瞻卬》「維其優矣」,箋云:「優,寬也。」是「寬」即 也。《賈子・道術》篇云:「優賢不逮謂之寬。」《詩 家爲鄰,五鄰爲里,五里爲酇,五酇 人,小人也。」小即狹也,對下「寬」言之,故不訓小而訓 淮南子・齊俗訓》云「煩挐澆淺」,高誘注云:「淺,薄 釋名•釋州國》云:「鄙,否 中 久,可以 禮 云:「滰,浚乾漬米也。 王曰:「臣,北方之鄙人也」」,高誘注皆云:「鄙, 權 「敦,厚也。」薄既是淺,則厚即是深,故云「深厚」。 即一淺 地官 ・ 也 也。 ∭注「淅漬米也」至「亟也」○正義曰: 遂人》:「掌邦之野,以土地之圖 處 不及炊,避惡 而 《毛詩·邶風 而行。 處,可 也。 《孟子》曰:「孔子去齊, 也。 以 去魯,曰:『遲遲吾 孔子聖人,故 小 仕 亟 以 邑不能 爲鄙,五 北門》「王事敦我」, 也。 而 速 仕: 而 魯,父母之國 遠 鄙 速, 孔子 通 能 爲 經

其道;

遺佚

而

不怨, 阨

窮

可

以

行

孔

也。

量

時 《説

宜 文

滰

淅

中。

其自任

以天下之重也。

兀

也

覺後知,使先

覺

覺

後 覺。 亦進,亂亦進。

弱」。 云:

伊

尹

回 :

『何事非君?

儒

下

·惠不

差 活

君,不辭小官。

子

萬章》篇云:

「頑夫廉。」」按:

廉之義爲棱

( 棱則

有隅角

鈍

則

也。」《吕 縣。

田

野。

Ŧi.

劉

五四 九

「優」 也 大雅

鄙

也。

淘抒 念孫 異 引李吉甫《南銘》曰『孟子去齊而滰淅』,唐本作滰字。 猶謂漉乾漬米爲「滰乾」矣。」《西溪叢語》云: 今本滰作接,所見本異也。 前,沃酒其上,酒滲下去,若神飲之,故謂之縮。 漬米也。」凡釋米、淅米、漬米、汏米、滴米、淘米、洮米、漉米. 行。」」「淅,汏米也。」段氏玉裁《説文解字注》云: 説文》: 稱 日 浚也。」鄭興注《周官・甸師》云:『莤讀爲縮,束茅立之祭 「釋,淅米也。」《爾雅》:「溞溞,淅也。」《孟子》注:「淅 而 而 《廣 起之日 同 雅 「滰、浚乾漬米也。」引《孟子》「孔子去齊,滰淅而行」。 事。 疏 證》云: 滰。 淅箕謂之薁,自其方漚未淘言之曰漬米,不及 《萬章》篇今滰作接,當是字之誤。」王氏 「浚滰、湿也。 滰之言竟,謂 《説文》:「湑, 莤酒 漉乾之也。 0 縮,浚 「《毛詩 《異聞 今俗語 也。」 集 也 》傳

之任 孔子,集先聖之大道以成己之聖德者也,故能 振 時者也。 惠 金聲而 和 之也者,終條理 ,皆得聖人之道 者也; 孟子曰:「伯夷,聖之清者也; 玉 振之也。 孔子之謂『集大成』。 柳下惠,聖之和者也, 也。 也 金聲也者,始條理 孔子時 注伯夷 行 八清,伊 則 集大成也者, 行,時 孔 尹 伊尹 子,聖之 任 止 也,玉 柳柳 則 金聲 ´, 聖 咋 下

> 德。 作 玉振 救也。 終條 終始 其聲不細矣。「金音」,音字解聲字。 以 訓》云「共工振滔洪水」,高誘 也」,注云: 理」,則趙氏 比金之始洪終殺,是爲終條理。」按: 疏注「振揚」至「不撓 而 揚」同 本亦作「治條理」,下同。」玩趙氏 盡揚播人於河」,高誘注云:「 玉 「治條理者智之事也」。 玉 者。 振揚之,所謂 叩之其音清專徹遠,純 振之。 理者,玉終其聲而 如 義也。 一曰奮也。」「揚、飛舉也。」《吕氏春秋 티 : 也。 「智者知理物。」 本 振,揚 其謂終條理者,爲其叩 程大昌《演蕃露》云: 正作「治條理」也。 始條 「治之使條理」也。 也。 也」〇正義 理 者, 玉終其聲之聲指金聲,金聲有 故 不 理 而不殺亂 如金音之有殺,振 物即 金 注云:「 細 揚, 曰 : 也。 從革,可 治物,以 言「金從革 下文「始條 動 《説文》手部云: 「始條理」、《音義》云: 近時 殺則 之,其聲首尾 「《管子》曰: 也。」此諸家之言孔子 振,動 也。」《淮南子· 合三德 通 細 治之使 理字解 解 也。」是 ,振以終之,則 謂: 理 可 而不撓 必己》篇 者智 治 揚 玉 金 治字,正 如 「振, 舉 之使條 振」與 玉 一,不 之事 本 音, 有 也。 殺 經 九

● 「溪」,原誤作「漢」,今據原書名改。

肌理

日

之事也。

皆失之。《秦風

掌事者之餘財。」斂、振皆收也。

之而已矣。

而

日易簡。

理者,聖之事也。」聖、智至孔子而極其盛,不過舉條理以 之而幾微,必區以別之名也。是故謂之分理。在物之質曰 氏念孫《廣雅疏證》云"「《中庸》「振河海而不洩」,鄭注云" 至「事也」〇正義曰:戴氏震《孟子字義疏證》云:「理者,察 近義同。」始條理者,智之事 也。」正義曰:「軫、所以收斂所載、故名收焉。」 軫與振亦聲 也。」《廣雅》卷三云:「抍,收也。」《孟子・梁惠王》篇注云: 官·職幣》:「掌式法以斂官府都鄙與凡用邦財者之幣,振 也,聲以宣之於先,玉,特磬也,振以收之於後。 孟子稱「孔子之謂集大成」曰:「始條理者,智之事也; 「振猶收也。」《孟子・萬章》篇云:「金聲而玉振之也。」《周 檢,斂也。」賈疏云:「以財與之謂之抍,知其足剩謂之檢。」 腠理,曰文理。得其分,則有條而不紊,謂之條 金以始此條理,玉以終此條理,所爲集大成也。 《易》曰「易簡而天下之理得」,自乾坤言,故不曰 注智者知理物,聖人終始同。 ·小戎》篇「小戎俴收」,毛傳云:「收,軫 「以易知」,知一於仁愛平恕也,「以簡能」, 故鄭注云:「振猶抍也、檢 也;終條 理者,聖 疏「始條」 條理 終條 是 理。 Ŧ. 言 節 能 賢者由巧,巧可增也。」與此注相發明。趙氏以巧比三子,以 注以智,譬由人之有技巧也,可學而益之,以聖,譬 步之外也:其至,爾力也,其中,非爾 鄭康成注云:「理,分也。 分縷晰,以仁且智當之,豈或爽失幾微哉? 有功則可大,可大則賢人之業。」若是者,智也。 可久則賢人之德。」若是者,仁也。「簡則易從,易從則有功 指三子。 力比孔子。三子可學,孔子不可及也。 故以「技」釋「巧」也。 注「以智」至「中也」○正義曰:《説文》工部云:「巧,技也。」 的者,爾之巧也。思改其手,用巧意,乃能中也。疏 可庶幾而不可及也。 由力之有多少,自有極限,不可强增。聖人受天性 矣。」智,譬則巧也;聖,譬則力也。 理之可相别異也。」古人所謂理、未有如後儒之所謂理 如孔子聖之時爲三子之力所不可至。至、中俱承上力字。 「文理密察,足以有别也。」《樂記》曰:「樂者,通倫理者 於行所無事也。 「其至」,如清、任、和爲三子之力所可至, 《章指》云:「言聖人猶力,力有常也; 「易則易知,易知則有親,有親 夫射遠 許叔重《説文解字序》曰:「知 而 至,爾努力也,其中 然則兩「爾」字宜皆

奏次弟。

由射於百

力

也

《中庸》曰

也。 分 者

天下事情條

則可

巧即 兼備 似謂 也」,意 也。 中 改 子各以清、任、和爲中的,三子自知不能爲孔子之中的,因 中字轉屬三子之清、任、和矣,又似謂孔子以時爲中的,三 百步之外,望 爲聖之時。 至爲三子之力,中爲孔子之力。 (而用巧爲三子之中的,故各用清、任、和也。 的,三子 靈明不測妙乎神也,聖力即造詣 孔子之時,三子力不能及,故改而用巧爲清、任、和,則 趙氏本義未知 而唯智乃神; 殊矛盾,不可 不以力 或云:巧力之喻是孟子自擬作聖之功。 道之比 而以 何如,姑擬之以質知 巧力並用,而惟 也。 詳知。 巧中的 孔子之聖非 又云「改其手,用巧意,乃能 也; 乃注云「其中的者,爾之巧 巧 以 力可 乃中。 獨到因乎應也。 力則但 者 擬,力則 此孔子所以 近時 能至,不 是孔子以力 通 人,巧 由射於 解: 聖 能 中 智 則 獨 知 中 思

他人丘陵,丘 由 巧,巧可 章指: 言聖人由力,力有 增 陵 也。 由 可 仲 踰。 尼天高 所謂 故 小同而 常 不 也 可 ; 賢者 大 階; 異

者 也。 北 宫 錡 問 日: 周 室 班 爵禄 也,如 之

周備也。」故又以「備 見 制 也。 皆去其籍。 略,麓也。 職,是則諸 己之所爲,故滅去典 曰:「其詳 税。」亦於班列之義爲近。 田」,毛傳:「徹,治也。」鄭箋云:「治者,正其井牧,定其 也。」任昉《奏彈曹景宗》曰 證 爵禄,等 何?」注北宫錡, 云:「班、徹 列,班也。」所引即此文。 春秋》昭 <u>\*</u> 》則合也。 離婁下》。 不可得 「趙岐《孟子注》【《孟子》班爵禄』云: 差謂 公二年《左傳》『送從逆班』,杜 列 言嘗聞其大綱如 侯皆去之,故使不復存 備 《荀子 不可 也。 疏注「詳悉」至「存也」○正義曰: 何? 然 知 也。 而 北 」釋「詳」也。 得聞也,諸侯惡其害己 衛人。 燕日 軻也 非 疏 籍。 諸 相 《詩·大雅》『王命召伯,徹申 《廣雅》:「列、班,布也。」」孟 注 『榮高列侯』,李善注引《方言》: 侯欲 班,東 》篇 嘗 班 班 今《周 云 此。 聞 《周禮 、
恣
行 列 列 **小齊**日 詳 也一〇 其 也。 禮》司 則舉 今考之《禮記 憎 徹。」戴 也 略 地官》: 正義 預 小, 也。 問 : 惡 軻,孟 禄 注 其 氏 班 注云: 云: 日 之官 法 震 周 司 「詳,悉」 注詳,悉 子 度 , 列 家 班,列 《方言疏 也 方言 妨 無 班 伯 也。」 詳 王 其 而 子 害 賦 列

必

諸侯去籍證。

然則奚其不合?

之夏殷然歟?

里,又何法?

又豈所謂同

辭而已。

與《周禮》不合處輒謂之夏殷制

采遺文所致,即孟子亦第言「聞其略」也。 禄者用粟與之,司禄職次倉人,明是班多少之官,故鄭云主 復在其後。1盧植云:「漢孝文皇帝令博士諸生作此《王制》 在秦漢之際。」鄭答臨碩云:「孟子當赧王之際,《王制》之作 禄、祭祀養老之法度,此於《别録》屬制度。《王制》之作,蓋 義》云:「鄭《目録》云:「名曰《王制》者,以其記先王班爵 士四人,下士八人,府二人,史四人,徒四十人。」注云:「主 云:「自當以《孟子》爲正,不必與《周禮》規規求合也。 (孟子))合者惟《王制》,猶不免有不合者,由其又在孟子後雜 去籍獨去此,即去,亦其中一端。 □○注「今考之禮記王制則合也」○正義曰:《禮記 `禄。」賈氏疏云:「在此者,其職既闕,未知所掌云何,但班 鄭司農、鄭康成皆引《王制》以注之。趙氏佑《温故録》 即如百里、七十里、五十里,孟子明言「周室」,得 《周禮》本不完之書,司禄之亡猶他官之闕 于是又以開方法兩圓之。 · 内史》「王制禄則贊爲之,以 蓋注以《周禮》司禄官無其職爲 位者歟? ,皆求其説而不得,從而爲之 就《孟子》、《王制》所言 唯其不必求合而 然子二百里、男百 鄭康成於《王制 方 未 與 授 出 必 謂 IF. 之與《周禮》不合初非獨此班爵禄事矣,是不足以定也。 後也。自天子以下,列尊卑之位凡五等。 乎?天子一位,公一位,侯一位,伯一位,子 失之多。 禮 既全去之,其姑存者争以意增損之,上下相蒙,若爲故然,蓋 男同一位,凡五等也。注公謂上公九命及二王 以微有異同,正博士之所斟酌損益,何可轉據之議《孟子》 顯於世,諸博士猶不及見之,故惟以《孟子》一書爲本,其所 損益以成其篇「制禄爵」節明屬採自《孟子》。 時君之争并無厭也,故於所聞異詞中,寧信其數之少而 子於典籍既亡之後側聞其略,自不能顜若畫 至莫别其由然,斯則前儒之過歟?」翟氏灝《考異》云"「《周 何不就其所据書名人代,明白標舉? 然則宜其不合之多矣。文景時去古尤近,諸儒纂輯《王 所必至,不待劉歆之徒也。 燔燒三代之書。 合之失,更不足以定也。 謂盡去其合而獨存其不合,則是《周 》司禄之官今無其職,趙氏據此爲戰國諸侯去籍之證。 若《王制》,乃漢文帝敕令博士諸生採集傳記 諸侯皆秦也,何嫌於竄易一朝之制? 彼其放恣横議之習已久,秦至 恐劉歆亦定負此枉於千古也 禮》一書已自 而一概渾同,使後學

之書。」《周禮

· 春

官

班

有不能

若

去者

敢

制

班

疏 「天子」

且

有

於

不肯

時《周禮

一》未

者何? 侯伯 也。 子就國,亦是出封 氏炎武《日知録》云:「爲民而立之君,故班爵之意,天子與 天子者何? 與此異。 至「等也 加 公九命爲伯,其國家、宮室、車旗、衣服、禮儀,皆以九爲節, 禮 多於三代以下矣。」○注「公謂」至「後也」○ 之義,則不敢厚取於民以自奉。 公侯伯子男一也,而非絶世之貴,代耕而賦之禄,故班禄之 公、侯、伯、子、男,凡五等。」彼言「王者之制」,故不數天子, 意,君卿大夫士與庶人在官一也,而非 了 天子 一位 之意 王之三公八命」,注云:「上公謂 五命,其國家、宫室、車旗、衣服 ·春官·典命》: 等,謂若周公、太公有德,封於齊魯,身雖在王 伯者,白也。 七命,其國家、宫室、車旗、 二王之後亦爲上公。」賈氏疏云:「三公八命,出 公者,通也,公正無私之意也。 《白虎通· Œ 王者父天母地,爲天之子也。 義 子者,孳也,孳孳無已也。 日 則 加命爲上公九命者。」《白虎通・ 「掌諸侯之五儀,諸臣之五等之命: 爵》篇云: 不敢肆於民上以自尊, 《禮記 王制》云:「王者之制禄爵: 「天子者, 爵稱也。 衣服、禮 不明乎此, 王之三公有德者,加 、禮儀、皆以五爲節。」又云 無事之食。 儀,皆以 侯者,候也,候逆順 所以名之爲公侯 而侮奪人之君常 男者,任也。」顧 知 正義曰:《周 禄以 七爲節; 爵所以 朝,使其 是故知 爵》篇 代耕」 封皆 命爲 上 子 稱

稱

理也。 君也。 何 ? 六等。 經》曰『士見於大夫』,諸侯之士也。 夫,明從大夫以上受下施,皆大自著也。 施之於民,故獨兩字言之。 傳》曰:「大夫無遂事。」以爲大夫職在之適四方,受君之法 中下何? 士,下士,凡五等。]此謂諸侯臣也。 爵者,下天子也。 謂之卿大夫」、《王制》云「上大夫卿」也。 不連天子也。 侯之上大夫卿,下大夫,上士,中士,下士,凡五等。」諸 於士也。 夫一位,上士一位,中士一位,下士一 餘大國稱侯,小國稱伯子男也。二君 一位 云: 也。 「《春秋傳》曰: 士賤,不得體君之尊,故加元以别於諸侯之士也。 《王制》五等不連諸侯、《孟子》六等連君。 故傳曰:"「通古今、辯然不、謂之士。」諸侯所以無公 大夫之爲言大扶,扶進人者也。 注諸侯法天子,臣名亦有此六等,從君下 明卑者多也。 疏「君一」至「六等」○正義曰:《王 《白虎通· 故《王制 「天子三公,稱公,王者之後 爵皆 爵》篇云:「卿之爲言章也,章善明 或曰:大夫,爵之下者也 》曰: 『上大夫,下大夫,上 字,大夫獨兩字何? 《王制》曰:『王者八十 大夫但有上下,士有 故傳曰『進賢達 天子之士獨稱 士者,事 卿 制》云: 亦 也,任 不 位,凡 稱公,其 位 連 士,中 稱大 元士 事之 君 侯 即 至 猶

五 五等,在子男四等,皆自卿而下。其數,公之孤一人,卿三 計爵數之可知者,在公四十七人,在孤卿十七人,在大夫 鄙,孤卿二縣八鄙,大夫二鄙,上下士各皆如縣鄙之數。 公之卿二人,下大夫五人,上下士各若干人。孤卿之大夫二 孤卿三等,自大夫而下,在大夫二等,自上士而下。 爵,由經注及他傳記所見推之,則在公四等,自卿而 三十九人。 十四酇,野四千七百六十五鄙,人各如鄙酇之數,凡 之數,凡千有八人。下士爲郊之酇長,野之鄙師,郊二百 鄙師,野之縣正,郊五十五鄙,野九百五十三縣,人各如縣 可推者:上士爲郊之縣正,十一縣則十一人。中士爲郊之 翟則四十八人,凡萬九千五百有七人。 其不見經注而數皆 十四人,秋官百九十三人,又條狼氏八人,象胥每翟八人,六 場則十八人,春官二百七十五人,夏官二百四十三人,又馭 每關二人,王畿十二關則二十四人,場人每場二人,九穀 里則三千人,司門每門二人,王城十二門則二十四人,司 其縣鄙之士,皆上士爲縣正,下士爲鄙師。 人,上士五人,下士若干人。大夫之上士二人,下士五人。 夫二人,趣馬百九十二人,庾人每閑二人,天子十二閑則二 若外諸侯之官之爵,則在上公六等,自孤而下,在侯伯 通計三萬一千五百六十五人。若内諸侯之官之 公七縣三十三 五千 下, 其

則百五十人,春官五十三人,夏官六十七人,又僕夫十人,秋 夫每遂一人,六遂則六人,春官五人,夏官十四人,秋官四 比長五家一人,萬五千比則萬五千人,里宰每里一人,三千 士"天官百七十九人,又寺人五人,地官二百七十二人,又 又象胥每翟二人,六翟則十二人,凡四千四百九十六人。下 十人,春官百五十八人,夏官百五十八人,秋官百五十二人, 官二十人,又象胥每翟一人,六翟則六人,凡千一百五十人。 十九人。上士: 天官四十六人,地官四十八人,又族師每族 則三十人,春官二十四人,夏官三十人,秋官八人,凡二百六 正每黨一人,百五十黨則百五十人,縣正每縣一人,三十縣 人,凡六十八人。下大夫: 天官十二人,地官十五人,又黨 官四人,地官五人,又州長每州一人,三十州則三十人,遂大 官鄉大夫每鄉卿一人,六鄉則六人,凡十一人。中大夫:天 曰下士,庶人在官者屬焉。凡天子之官之爵,其有常數可周 人,三千間則三千人,酇長每酇一人,七百五十酇則七百 人,七百五十族則七百五十人,鄙師每鄙一人,百五十鄙 、而見本經及注者:公三人,孤三人,卿五官官一人,又地 `六等。 曰公,曰孤卿,曰中大夫,下大夫,曰上士,曰中士, 元士。」」沈氏彤《周官田禄考》云:「周天子具六官,官之 閰

知

爵

中士"天官百一十八人,地官百四十八人,又閭胥每

四十四縣,七百一十九鄙,伯七十二縣,三百六十一鄙,皆中 長十五人,遂大夫三人,凡十八人,上士,黨正七十五人,縣 族師百二十五人,鄙師二十五人,凡百五十人。 其野,子三 凡六人,上士,黨正二十五人,縣正五人,凡三十人,下士, 鄉一遂。 士爲縣正,下士爲鄙師,各如其縣鄙之數。子男爲小國,一 閭胥千人,酇長二百五十人,凡千二百五十人。 其野,侯百 夫二人,凡十二人,上士,黨正五十人,縣正十人,凡六十 次國,二鄉二遂。卿,鄉大夫二人,下大夫,州長十人,遂大 十鄙,中士爲縣正,下士爲鄙師,皆各如縣鄙之數。 侯伯爲 五人,凡千八百七十五人。其野,二百二十六縣,千一百三 五人,凡四百五十人,下士,閭胥千五百人,酂長三百七十 正十五人,凡九十人,中士,族師三百七十五人,鄙師七十 知者,上公爲大國,三鄉三遂。 若干人,無中。 卿大夫士如之。子男之卿大夫亦如之,士則上二十七人,下 人,中士,族師二百五十人,鄙師五十人,凡三百人,下士, 人,下大夫五人,上士二十七人,中下士各若干人。 侯伯之 卿,鄉大夫一人,下大夫,州長五人,遂大夫一人, 一鄙,下士爲鄙師,如其數。 五十五鄙,上士爲縣正,下士爲鄙師,皆各如縣鄙 此皆見於經注及他傳記。 卿,鄉大夫三人,下大夫,州 通計爵數之可知者, 其無所見而可推

> 何也? 制》云「諸侯之上大夫卿」,天子亦然。凡内外諸侯之官,其 記·盛德》篇云:「三少,皆上大夫也。三少謂三孤。」《王 證也。 等。 記》稱「九卿」,鄭康成以「六卿三孤」注之,則孤亦名卿 殊矣。 孤命數,則并孤於卿矣。云[其大夫四命],則大夫不以中下 中士,曰下士,凡八等,而合孤卿爲一等,中下大夫爲一等, 千有九十二人,在子四百有八人,在男二百二十三人。《周 在上公三千八百二十八人,在侯二千五百二十二人,在: 「監謂公侯伯子男各監一國。 建其牧,立其監,設其參,傳其伍,陳其殷,置其輔。1注云: 爵等人數,何以定之? 官》之爵,曰公,曰孤,曰卿,曰中大夫,曰下大夫,曰上士,曰 《孟子》、《王制》序大夫皆止一等,是又不分二等之明 經何以無上大夫? 曰:上大夫即孤、卿也。《大戴 爵與命之等常相因,故二者皆合爲一等也。 曰:《典命》[王之三公八命,其卿六命],不别言三 曰:《大宰》云:『乃施典於邦國 參謂卿三人。伍謂大夫五人。 而

羊傳》云「古者上士下士」,明中士非《周官》初制也。若子男卿一人」也。何以知子男之無中士也? 曰:襄十一年《公也? 曰:《典命》「公之孤四命」,注以爲「九命上公,得置孤者。」此外諸侯官爵等人數之大略也。何以知上公之一孤殷謂衆士,《王制》諸侯上士二十七人。輔,府史,庶人在官

當有中士耳。謂公侯伯而亦無中士,傳之誤也。」羊》所云乃通指諸侯,今獨歸之子男,何也? 曰:惟子男不而有中士,則田禄不皆以四爲差,而國亦不足於用矣。《公

周公攝政致太平,斥大九州之界,制禮 伯。 子之田方千里,公侯田方百里,伯七十里,子男五十里。 其次伯三百里,其次子二百里,其次男百里,所因殷之諸 之後爲公,及有功之諸侯,大者地方五百里,其次侯四百里, 等者,公、侯、伯也。 其名通也。 不朝會也。 能五十里者不合於天子,附於諸侯曰附庸。」注云:「不合謂 附庸也。 雷震也。 等,土地之等差也。 伯 五等之爵,增以子男,而 不達於天子,附於諸 七十里,子男五十里,凡四等。不能五十 春秋變周之文,從殷之質,合伯子男以爲 天子之制,地方千里,公侯皆方百里, 小者不能特達於天子,因大國以名通,曰 疏「天子」至「附庸」○正義曰:《王制》云: 此地、殷所因夏爵三等之制也。 小城曰附庸。 異畿内謂之子。 天子封畿千里,諸侯方百里,象 猶因殷之地,以九州之界尚狹也。 附庸者,以國事附於大國,未能 侯 日 周武王初定天下,更立 附庸。 成武王之意,封王者 殷有鬼侯、❶梅 一,則殷爵三 注凡此 天 侯 不 四 以

> 舉。 之。 鄭康成謂 里,侯四百里,伯三百里,子二百里,男百里」,與 子男五十里」,與《王制》同"、《周官·大司徒》則謂「公五百 中《辨正》云:「封國之制,《孟子》言「公侯百里,伯七十 雲兩縣。 無棣。』穆陵,山名,今在沂水縣,無棣,溝名,今爲海豐、 皆侵小故。 子之地一圻,列國一同。]同方百里也。 徵《魯頌》「革車千乘」,惟百里國數適相應。 爲有王者作,魯必在所削, 有爵尊而國小,爵卑而國大者。」閻氏若璩《釋地又續》云: 亦以功黜陟之。 七百里之説哉? 太公,其封齊魯不過方百里耳。 「《孟子》一 余嘗上稽《周易》「雷聞百里」,公侯國制,厥象取此, 此説最謬。 《孟子》所言周初制,周公斥大九州之地,始皆益 南北相距七百里,亦應是後來侵小所至。」周 則公侯皆方百里,再 管仲曰: 後儒 其不合者,皆益 爲此説者乃《明堂位》,篇中多誣,不可 「昔賜我先君履、 陸 農 安得有成王封 師 易 則大國地方百里。 而孟子時魯地且五倍之,以 Ш 之地爲百里焉。 齋、 金 南至於穆陵,北至 今晉地多數圻矣,❷ 仁山 周 公於曲阜,地 子産曰:「昔天 一輩,並 《孟子》異。 是以 證以周 一言周 氏 周 里 柄 於 勝 公 慶 下 方 世

「有」,原誤作「者」,今據《禮記》鄭注改。

「圻」,原誤作「坼」,今據《四書釋地》及經解本改。

0 0

之 ? 之壤。 111 自是 徙者二十餘,封數大國,天下盡擾,此必不然之事。 幅 Ŧī. 五 封,此在《周 之,自諸公至諸男,封 之,未有不合者。」按,唐氏此説極爲支離。 里者,獨舉其 子言二百里者,包山 也,《周官》於諸公言五百里 乘,男之國方百里 國方二百一十里而具千乘,伯之國方一百 方七十里而具二軍,方五十里 謂: 「古之封國,有軍有賦。 今忽分二解,於公侯伯子則以爲兼虚封,於諸男則以爲舉實 八勢必 員不 也。 澤 百 一而外, 而 里四百里云云者,則所統之附庸。」 葉少 陳氏《禮 《孟子》言百里、七十里、五十里 豈公之正封 言。 有所并,有所并必有所徙, 廣於虞夏,安得加 則山川 汪 禮》先不可 出軍賦之封 武曹駁之云: 書》謂: 土田 而 止得方百里者 川 具三百乘。 疆 【《孟子》三等之地,正 土田附 一附庸皆在封疆之内,然皆非出 通,而 之數 封若此? 疆 也。 方五百 自軍言之則方百里而具三軍, 遞爲降殺 諸侯言四 以舝合《孟子》之説,其誰 庸於封疆内 一而具 凡此皆省文而互見,詳 子下同於男,侯 一,而附庸反得 公之封而子男之國爲之 且武王封之,周公大之, 里者 軍; 各以 百 者,獨舉軍 白 ,爲方 四十 也。 里、伯言三百 即 藴又謂 賦言之則公之 封 百里爲等 以《周 百里 於諸男言百 里而具六百 也;《周 上同於公。 方百里者 者 兼山 制 車制 唐仲友 禮 二十 而 而 官 差。 》觀 里、 林 信 考 言 賦

二十 明言千里之地「以方五百里封公則四公,以方四 徒 友。 不過 地無過五百里,侯之地無過四百里」邪? 地之數而爲之制其域者? 則五百里四百里乃其疆域,於建國之初已定之,豈有豫約 其後慶地何算? 在百里内。 也。 里爲采,五十里諸侯以十里爲采」,此説合於《孟子》而異 而食之。 其采五十里。 其采百里,封三百里者,其采七十里, 書大傳》謂:「諸侯受封必有采地。 川澤言之,亦不應如此之多。」則其説又難 止得方百里者 、周禮》。 《大傳》言『百里諸侯之國以五十里爲采,七十里諸侯以二十 》文誤,當是「方百里五,方百里四」,此 -四乎? 按、《周禮》明言「凡建邦國,以土圭土其 李剛主謂:『百里專言土田山 四百里,伯子男不過三百里 《王制》言采、《周官》言封,二者必合而相 惠氏假借傅會以 《孟子》曰天子巡狩有慶,慶以 方四百里者,爲方百里者十六也。 采則全人於其君,而封爲天子之土,故天子得 一,而附庸反得方百里者十五乎? 故《周禮 》約其數曰: 果 調和其説,巧則巧矣,而 如其 三百 ,説,本文何以不云「公之 111 封 附 里。」此説 五百 封二百里與百里 庸 亦不 公不過 通矣。 任釣臺又疑《大司 地,是初封 則 里與 地 量 百里封 而 亦本之唐 五百百 功而 四 惠氏據《尚 《職 制 至侯之正 即 百里 備。」按 其域」, 百 非 合 方氏 里, 錫, 侯則 其 里 Щ 仲 不 侯 實 於 而 林 封

孫雖有罪黜,其采地不黜,使其子孫賢者守之,世世以

始受封之人,此之謂

「興滅國,繼絶世」。

昔齊人滅紀,紀

祠其

吴氏《禮記

大 不

《書大傳》曰:『古者諸侯始受封則有采地。 十里,七十里諸侯以二十里,五十里諸侯以十五 附大國以名通也。」隱公元年《公羊傳》疏引《春秋說》云: 篇云"「人皆五十里差次功德,小者不滿爲附庸。 以象焉。」』」○注「小者」至「庸也」○正義曰:《白虎通・ 震百里所潤同。」盧氏文弨校云:「《御覽》載《援神契》曰: 雷震也」○正義曰:《白虎通・爵》篇云:「人皆千乘,象雷 或反據《周禮》以疑《孟》,不亦謬哉?」○注「諸侯方百里象 「附庸,字者方三十里,名者方二十里,人氏者方十五里。」 二一王之後稱公,大國稱侯,皆千乘,象雷震百里所潤雲雨 「不達於天子者、《春秋》所謂未能以其名通也。 然則《孟子》與《周禮》決不可合,自當以《孟子》爲正。 謂之爲同者、取象雷震百里所聞同。」《易・震》正 《職方》之制合於《大司徒》,其非誤文可知 五則千里當封二十公,方百里四則千里 古帝王制國,公侯地方百里,故 》注:「十終爲同,同 孔氏廣森《經學巵言》云: 百里諸侯以三 里。 《繁露》日 方百里。」 附庸者 其後子 爵 正。 子男也。」董仲舒説正與《書傳》相合。」天子之卿受地 以酅爲齊附庸。 下於附庸而受地視附庸。 之元士視五命之子男,皆卑其命而崇其禄者。元士之命 故以六命之卿視九命之公侯,四命之大夫視七命之伯,三命 子》是而《王制》非也。 卿之禄,公孤之爵不爲位 子男,天子之元士視附庸。」與《孟子》不合。 制》:「天子三公之田視公侯,天子之卿視伯,天子之大夫視 里者,其先公侯也,二十里者,其先伯。 世有功德者,故追録之,使世食其采,以臣屬於大國。三十 纂言》反謂「孟子當諸侯去籍之時,但以意言其大略,不若 夫不一例矣。此又《孟子》是而《王制》非者也。 「天子」至「子男」〇正義曰: 周 視,比也。天子之卿 視侯,大夫受地視伯,元士受地 蓋古者三公不必備,常以六卿兼之。 酅者,紀之采也。 内臣之命降於外諸侯而禄必視乎外, 大夫士所受采地之制 ,則非卑其命而崇其禄之義,與卿 ,故無禄,則受地當自卿始。 氏 然則 柄 中《辨正》云:「《王 也,十五里者,其先 附 卿兼公孤 庸 視子男。 多亡國之後,先 當以《孟子》爲

疏云:

同。」梁云:《周禮

小司徒

當封二十五侯。

若止

方百里

義:「雷之發聲,聞乎百里。

庸者,通也。」此

趙氏所本也。

五五九

亦止

此《孟

也。

注

因之。 已稱 地」。 七十 《王制》所記爲 增 盡 别差其里數,而尚存夏殷之制,何也? 别有所據 男,元士視附庸」,與孟子之説又殊,何也? 里之國。《王制》有七十里之國,注疏以爲夏商之制,而湯國 所 説並殊於《周官》,何也? 『天子之卿受地視侯,大夫受地視伯,元士受地視子男。』其 爲二十五里,本《載師》及《小司徒》之經注,而《孟子》云: 加爲百里,小都方四十里,加爲五十里, 侯皆方百里,伯七十里,子男五十里。」大都之地方八十里, 方二百里,男方一百里,見《大司徒》之經,而 云: 行? 云並周所沿夏商之制耳。 何 《王制》謂『天子之三公之田視公侯,卿視伯、 田 里即見《孟子》書。 0 也? 矣。 周 篇末云『方百里者爲田九十億畝』,則未去三之 「上公之地方五百 苟 公别 ,然要非周 前代諸國無故 或以爲皆實田,誤也。 日 差 得之」,顛 畿外 諸 國之里數,畿 所定 諸國 由是以觀,而其他之沿於夏商亦明 而 制 倒 里,侯方四百里 曰: 孟子因籍去而僅聞其略,此 夏商以 增減其地, 也。 考諸 甚矣。」沈氏彤《周 其曰 内視夏 《周官》,畿内外皆無七十 來漸相吞併, 廓地已大 周公於畿内外之國既 勢必 [田]者,即 딩 : 商 家邑方二十里,加 , 伯 則 煩擾不安,故 周制初定 《孟子》云: 曰:《王制 減 5方三百 官 ~ 孟 畿 大夫視子 禄 外 子》之 里 田 則 豈 一而 一公 ·, 子 考》 》 蓋 大 Ħ. 各 得

> 等。 大國 文可 都 論當時之地域,意在風止其戰伐耳。 以今魯方百里者五爲當損,何也? 象賢而世守 錯 周 夫亦如之。子男之卿方二十五里,大夫方十里。 之地方十里」。今按,公之采地當三等,侯伯子男采地當二 也。」胡氏匡衷《儀禮釋官》云: 後人好以《孟子》駁《周 侯年表》謂伯禽、康叔各四百里者,乃與《周官》之制合也。❸ 差,❷故減也。 、 晏子春秋・ 方五十里,子男大都方二十五里」,中都無文,「小 處其間以藩衛王室,故大增, 公因更定其制以安其無辜者,而 .有孤,如天子三公。 天子之公采地與卿異,則大國之孤 公之孤方百里,卿方五十里,大夫方十里。 證,唯《雜記 者 内篇》謂太公受地五百里、《史記・ 少,周 然則《孟子》於畿外諸國謂齊魯俱封百里,而 》疏引熊氏云『公大都采地方百里,侯 公因稍更 官》, 否則强傅會之,皆未及深考 「諸侯孤卿大夫之采 万馬 若畿内諸 以 又以待封大功德之臣 曰:此孟子即 若論封疆之實 就 井 或 田 以以 本無權力,又 侯伯之卿 漢興以 四四 據《周 所 上下 地 則 傳 無 伯 來 必 聞 俾 之 大 成 大 明 者 諸 如 以

官」,原誤作「公」,今據《周官禄田考》及經解本改。

8

<sup>2</sup> 0 禄 田 原誤倒,今據原書名改

四 陳 立《公羊義疏》引沈書作「爲」。

大夫采地皆一成也。」
大夫采地皆一成也。」
安,不必有中都也。侯伯之卿采地與公之卿俱方五十里者,以其命數同也。子男之卿異於公侯伯者,以子男國小地狹,以其命數同也。子男之卿異於公侯伯者,以子男國小地狹,以其命數同也。侯伯之卿采地與公之卿俱方五十里者,亦當與卿異。侯伯子男無孤,惟有卿大夫,故采地當但分二

未得爵命之士; 注公侯之國爲大國。 士衆食,謂未得正禄者,所謂庶人在官者也。」按,士旅 「《燕禮》云:●「尊士旅食于門西兩圜壺」,注云:「旅,衆也。 注「庶人」至「士者也」〇正義曰: 者也。其禄比上農夫。 之一也,中士下士轉相倍。 夫禄居於卿禄四分之一也,上士之禄居大夫禄二分 下士與庶人在官者同禄,禄足以代其耕也, 夫,大夫倍上士,上士倍中士,中士倍下士, 材 論造士之秀者以告於王而 ,論進士之賢者以告於王而定其論。 「大國 地方百里、君十卿 疏以爲府史胥徒 卿禄居於君禄十分之一也,大 士不得耕,以禄代耕也。 升諸司馬,日 庶人在官者,未命爲士 胡氏匡衷《儀禮釋官》云: 非也。 禄,卿 《王制》云:『大樂 論定然後官之,任 進士。 禄 司 馬辨 四大 食謂 疏 論

> 此。 類。 《檀弓》所謂「仕 官然後爵之,位定然後禄之。」蓋上士中士下士,此 采地者,其禄取於采地,無則以公田所入之税禄之,士 史以下。庶人在官者,兼不命之士,方爲賅備。 之以官,俟其任官,然後以正爵命之。 與庶人在官者等,亦謂之「庶人在官者」。《周禮・序官》「若 獻酬乎?」又云:「古者有未得爵命之士謂之士,旅食其 徒,官長所除,不命於國君,當爲燕之所不及,安得與諸臣相 下士食九人以上,此正禄也。 之士爲之,但無正爵,則亦未得九人以上之正禄,故比 士,若學校之士,升於司馬,隸於司士而未有命者,則先試 子云「上士一位,中士一位,下士一位」,此正爵也,謂 地官鄰長」,賈公彦云:「鄰長是不命之士爲之。」是也 云: 『庶人在官,未命爲士者。』非謂府史胥徒也。 士,論定後官; 但未得正爵,故謂之庶人在官者。 諸侯之官降天子一等,凡天子下士之官,諸侯當使不命 而未得正爵正 而未有禄者」、《司士職 禄者則羣食於公,謂 學校之士升於司 所試之官則 》所謂「以久奠食」,即 趙 岐注《孟子》亦 大夫以 馬、隸於司 如鄰 若府史 正爵 之旅 長之 一無采 之命 也; 上 諸 禄 府 肾 有

●「胡氏」至「燕禮云」,原無,今從沈校據全書文例及《儀

四十四人,君食千四百四十人。」周氏柄中《辨正》云:「安溪 卿食二百一十六人,君食二千一百六十人。小國之卿食百 十二人,卿食二百八十八人,君食二千八百八十人。次國之 國之卿三大夫禄,小國之卿倍大夫禄,君十卿禄。 云:「諸侯之下士視上農夫、禄足以代其耕也。中士倍下 方七十里,君十卿禄,卿禄三大夫,大夫倍 士,禄食九人,中士食十八人,上士食三十六人,下大夫食七 士,上士倍中士,下大夫倍上士,卿四大夫禄,君十卿禄。 足以代其耕也。注子男爲小國。大夫禄居卿禄 夫禄居卿禄三分之一也。 小國地方五十里,君 韋注云"「受公田也。」此足證諸侯之士無地矣。」次國 地,其禄一受於公,故《周禮》有司禄主班禄。《禮運》云: 官者同禄,禄足以代其耕也,注伯爲次國。大 「大夫有采以處其子孫。」《國語》云:「大夫食邑,士食田。」 二分之一也。 士,中士倍下士,下士與庶人在官者同禄,禄 士,上士倍中士,中士倍下士,下士與庶人在 卿禄、卿禄二大夫,大夫倍上士,上士倍中 疏「大國」至 「耕也」〇正 義曰:《王 諸侯之下 制》 上 地 次

> 之卿倍大夫禄,食百四十四人。」孔疏: 「卿禄重,故隨國 五人,但以三大夫與三卿相較,尤不合。」 國三卿,二卿命於天子者,禄各食二百一十六人,而卿命于 百八十八人,次國之卿三大夫禄,食二百一十六人,小國 皆命於天子,故視大夫四倍,次國三卿,二卿命於天子,其 人。」則謂「不命於天子者與大夫同禄」亦非。 其君者爲賤,禄不可等天子命者,故視小國卿食一百四 制》又云:「次國之卿,命於其君者如小國之卿。」孔疏:「次 大小爲節。」則謂「命於天子者,其禄皆當四大夫」非也。 當,禄亦相等明矣。」考《王制》言「大國之卿四大夫禄,食二 上大夫,下當其下大夫。當大夫者,皆非命卿也。 下,下當其上大夫,小國之上卿,位當大國之下卿,中當其 較,惟二倍耳。 卿,一卿命于天子,其二與大夫同禄,則以三卿與三大夫相 命於天子者,不論大小國,其禄皆當四大夫也。 李文貞公曰: 『諸侯之卿不命於天子者,其禄秩與大夫等。 與大夫同禄,則以三卿與三大夫總較,惟三倍耳,小國三 故曰次國之上卿,位當大國之中卿,中 況諸侯有大夫 但大國三卿 秩 7 既 ·當其 <sup>②</sup>王 之 相

農夫食九人,上次食八人,中食七人,中次食「耕者之所穫,一夫百畝。百畝之糞,上

授以九人之上地,家六人者必授以七人之中地,而下地則 等者,先王之於民,養之欲其富,保之欲其庶,故家七人者必

以

禮記講義》云:《周禮》農夫之差,三等而已,《孟子》則五 ·小司徒》:"【上地家七人,中地家六人,下地家五人。】 中下矣。

下士與爲府者同。

故雖兩説之而義仍一。

《周

禄以農之五等爲差,則爲府者當視上農,而史暨胥徒以次視

「下士視下農夫」,小異。

省,義未有鉏鋙也。

惟一云「下士與庶人在官者同禄」,一云

蓋庶人在官,有府史胥徒四等,其

**詩** 記・ 爾田。」今人謂佃食,古之遺語也。」按:《説文》人部:「 云"「上田謂墾耕,下田謂土地。 取、故稽而授之。或以《小司徒》之説爲疑者、未考《遂人》 云: 「以歲時稽其人民而授之田野。」蓋人有生耗即田有予 畝」、則《周禮》「不易之地」、《左傳》「衍沃之地」,舉其最上者 蓋田有不易、一易、再易之殊、《左氏異義》:「自衍沃之地九 地稱人而已。」《管子・揆度》篇:「上農挾五、中農挾 「歲時稽授」之法也。」○注「獲得」至「吏也」○正義曰:《史 以定賦也。至《小司徒》之法,亦具於《遂人》中。 遂人授田所以有多寡之差也。』《孟子》、《王制》言『一夫百 夫爲井而外,又有二而當一,以至九而當一者。 按,三説本同,當以《孟子》、《王制》爲主而參觀《周禮》之説 制》之説,則一夫定以百畝爲率,而良農食多,惰農食少。愚 農挾三。』《吕覽・士容論》:「上田夫食九人,下田夫食五 之説,則口衆者授之肥田,口少者授之瘠田, 矣。」」周氏柄中《辨正》云:「周家授田之制,如《大司徒》、 人,可以益,不可以損,一人治之,十人食之,六畜皆在 (遂人)》之説,則田肥者少授之,田瘠者多授之", 齊風》「無田甫田」、《釋文》云:「無田,音佃。」孔氏正義 春申君傳》《集解》引《韓嬰章句》云: 猶《多方》云:「宅爾宅,田 「獲,得也。」《毛 如《孟子》、《王 如《小司 此大司徒 《遂人》 四,下 其中

屬,官長所除,不命於天子國君者。

分或爲糞。」翟氏灝《考 庶人在官,謂府史之

異》云:「《孟子》自君卿順序,《王制》自農夫倒序,文有縣

公。

田肥燉者有五等,收入不同也。

食九人,其次食八人,其次食七人,其次六人,下農夫食五 差」〇正義曰:《王制》云:「制農田百畝,百畝之分,上農夫

人。庶人在官者,其禄以是爲差也。」注云:「農夫皆受田

於

此五等,若今之斗食、佐史、除吏也。

疏「耕者」至「爲

人在官者食禄之等差,由農夫有上中下之次,亦有

加之以糞,是爲上農夫。其所得穀足以食九口。

庶

差。」注穫,得也。一夫一婦佃田百畝。

百畝之田,

六人,下食五人。庶人在官者,其禄以是爲

糞種 吏; 亭,亭有長。 廛 乃 中 Ŧī. 治其縣。 糞饒之事 火燒其所芟萌之草,已而水之,則其土亦和美矣。」《月令》: 氏》:「掌殺草,若欲其化也,則以水火變之。」注云:「謂 官 六口五口,所以多寡不一者,以糞種培溉之有殊也。 或足以食九口,或足以食八口,或足以食七口,以至僅能 農夫食九人」,則以人言也。同受此百畝之田,而其所得 故百畝之地即以「一夫」名之。此上言「耕者所獲」,下言「上 步,步百爲畝,畝百爲夫,此夫指地而言, 趙氏本此爲説也。 勃壤用狐,埴壚用 季夏燒薙行水 畋之假借,而通作田也。 也。」支部: 百 田 石至三百 ,騂剛用牛,赤緹用羊,墳壤用麋,渴澤用鹿 草人》:「掌土化之法,以 百晦」,注云:「鄭司農云:户 百石以下,有斗食佐史之秩,是爲少吏。 萬户 也。 十亭一鄉,鄉有三老,有秩、嗇夫、游徼。 「畋,平田 《漢書・百官公卿表》云:「縣令長皆秦官,掌 石。 以上爲令,秩千石至六百石, ,利以殺草,如以熱湯。」是其一時著之,此皆 豕,疆樂用 按"夫之名從人起,亦從田起。 皆有丞尉, 秩四百石 也。」《多方》正作「畋」,此注云「佃 《周禮・地官・遂人》「上地夫 物 蕡,輕爂用犬。」❷《秋官 地 相其 計一夫一婦 宜 至二百 緣一夫授田百畝。 而 減 爲之種。 萬户爲長,秩 大率十里 而賦之田。」 ,鹹潟用 石,是爲 六尺爲 三老 貆, 長 薙 地 以 凡 穀 食

> 説 : 《漢官名秩簿》云:「斗食月奉十 計。」此師古所引或一 與《名秩簿》同。 也。」《後漢·百官志》:「斗食奉月十一 教化 目,用以除吏,吏即有秩、三老、嗇夫、游徼、亭長五者也。 斗食者,歲奉不滿百石, 聽訟 劉昭引《漢書音義》云: 收 説也。 賦 税,游 計 趙氏舉其時奉禄有斗食、佐史 日 徼 一斛, 而 徼 食一 循 斛,佐史奉月八斛。」 佐史月奉 禁賊 「斗食、禄日以斗 斗二升, 盗。 故 顔 云斗 斛。 師 古 爲 食 引

兩

書 隨會之言也。 皆滅去其籍,自孔子時而不具。」 疏「貴有常尊賤有等威」○正義曰:宣公十二年《左 孟子略記,言其大綱,以答北宫子之問。 常尊,賤有等威。 • 藝文志》云:「及周之衰,諸侯將踰法度,惡其害己, 章指:言聖人制禄,上下差敘。 ○「諸侯僭越滅籍從私」○正 諸 侯 僭越,滅 籍 義 曰: 從 貴有 《漢 傳

萬 章 問 日: 敢 問 友。」注 問 朋 友之道

0 0

其 煛」,原誤作「檃」,今從沈校據《周禮》改。 原 誤作「與」,今從沈校據《周禮

獻

子

之家

者

也;

此

Ŧī.

人

者

亦

有

獻

則予忘之矣。

獻

子之與

(此五

人

則

不

與

之友

矣。

注

獻

子,魯

卿

孟

氏

也。

之賦

樂正

裘、

牧仲

其

五.

人者,皆

賢

人

無

位

家

也,有友五人焉:樂正裘、

矣。

兄弟有富貴者,則仍挾貴意耳。」孟

獻子

·, 百

591

須辨 似。

俗

解

謂

不

挾兄弟多人而友,兄弟多人有

何可挾

別之。」趙氏佑

災温

L故録》云:「兄弟,等夷之稱。

爲婣親,有疑不肯下問 於朱子,皆有中表之親。

也

「挾兄弟

而

問」,與

(挾故

而 我 允

問

日:

趙

氏以

「挾貴」爲挾

在己身之富貴、「挾兄弟」爲

挾

弟之富貴,「兄弟」即

包上「貴」字而言。

江

氏永《羣

經

義》云:「古人以昏婣爲兄弟,如張子之於二程,程

既爲友則有

師

道,不可

謂

與

友,謂

相

友以:

德也。

疏注「兄弟兄弟有富貴者」()

Ĕ

長;

貴,貴勢;兄弟,兄弟

有

富

B貴者。

不挾

是

乃

友也者,友其德也,不可以

有挾也。

孟

子

曰:「不

挾長,不挾貴,不挾兄弟而

之也; 賜 則知 之後而僭稱公者。 今河南緱氏縣。1襄公十八年「楚蔿子馮、公子格率鋭 年,晉侯使吕相絶秦曰「殄滅我費滑」,注:「滑國都於費 武《日知録》云:「春秋時有 也 者 子不與友,獻子之不挾貴可知。 賤 他 疏 獻子之家爲賢 順、長息則 於子思則 也 故 云: 季友汶陽之田 ,魯季氏邑。」在子思時 也。 9, 雖 有貴,知有貴則獻子不與之友。 也。」近時 疏注「小 其兩貴不能以相下故也。 「有獻子之家」謂有之爲重也。 「此五人如亦有獻子之家富貴則不與獻子爲友,無 小 王 本 一順、長 國之君亦有之。 師之矣,吾於顔般 地 事 通 人無位,有獻子之家爲富貴 國之君若費惠公者也」〇 及 解: ,秦滅之而後屬晉耳。 我者也。」注 息德 《魯連子》稱陸子謂齊湣王曰:「魯費 費」、《齊乘》: 「無獻子之家」謂視之若無,不歆羨 不能 ,滑國之費,其亡 兩費:其一見《左傳》成公十三 見師 獻子與之爲友,則以 非 「費城 小國之君,若費惠 費 友,故 惟 知有獻子之貴,則 五. 惠 則 百 其 在 正 人知有獻子 公曰: 久矣,疑 乘之家爲 費 一僖公元年【公 日「事 友之矣,王 而 義 縣 復 티 : 西 有 北 即 我 德。 顧 李氏 之家 貴下 二十 師 氏 者 吾 然 公 侵 炎 獻 舊

斷無 無恙 來亦 邑,如 之衆 費是也。 地 君、費子之稱,蓋季氏專 邳」, 殆所謂泗上十二諸侯者邪? 秋 氏子孫世居費者, 未有子孫與 或是魯君。 氏春秋》言「以滕、費則勞,以鄒、魯則逸」。 季氏之私邑,而《孟子》稱「小國之君」、《曾子》書 疑。」毛氏奇齡《經問》云: 「小國之君」。 魯人攻鄭,曾子辭於鄭君, 六國表》並同。 魯世家》言『悼公時,三桓勝,魯如小侯,卑於三桓之家』。 》公斂處父居邸,侯犯 故 漸 臣 有 ,固無有降而稱 附庸之國矣。」大夫之爲諸侯,不待三 孟 出 矣。」閻氏若璩《釋地 甲 孫之郕、叔 居 則 舍 於費 祖 於 按,戰 宗 魯此時爲魯繆公,並 則爲季氏之疆 襄 者。 可同 遂 賁。」而 孫之邱、 於此僭 費國之理,即季氏子孫 國並無 大 謚 夫有 者。 居 魯,而 郎, 「或問《孟子》有 楚 費國 稱公歟? 季 鄭君曰: 續》云:「余更博考之: 采邑, 有謂費本季氏嚴邑 人 南 孫 僭 自春秋以 對 蒯 若謂魯 之費皆 有謂 以 仁 頃 但 公、 無惠公,且 私 襄 Ш 寡人之於先生 收 티 : 費 Ш 邑爲 金 王 其 後,計 他 弗 在 氏曰: 有 劉 賦 俱 狃 世 費 晉 人 春 國號,始 「鄒 向《説 税 不 居 爲 惠公, 魯 秋 而 陽 必 而 然。 係 之。 魯卿, 有 「費本 始 ,或即季 自 費、 虎 不 亦 魯 惠 然,其 也」。 皆居 魯國 且 居 無 據 有 《春 《吕 公 都 郯 其 亦 日 復 其 費 魯

季氏宗卿,焉得

居費?

惠、費

惠

不

當同

虚滑,見成公十七 「緱 坐公乃 《抱朴子·欽士》篇云:「晉文接亥唐,脚 人也。 致禮與相見而請事焉。平公待於門,唐曰人公乃人,唐曰 卿大夫,名顯諸侯。 吏亥唐也,然尊而肆之,貴而重之,誠以百行殊尚, 義曰:《太平御覽》引皇甫士安《高士傳》云:「亥唐者,晉 以 亥之爲期猶箕之爲荄也。 齊,樂尊賢之美稱,耻賊善 正。」此「文」爲「平」之譌。 不敢不飽。」《史記·晉世家》云:「悼公卒,子平公彪立。」 亥字推算其年者,蓋以亥爲絳縣 晉平公時,朝多賢臣,祁奚、趙武 坐,唐曰 食公乃食。 唐獨不官,隱於窮巷。 其《逸民》篇云:「晉平非 之醜迹。」「亥唐」一 惠氏棟《左傳補注》云: 唐之食公也 人之名,即《孟子》之亥 ,雖蔬食菜羹,公 、師曠、叔向皆 平公聞其賢 而 作「期 坐,不 、默默 一史 ボ 唐 難 敢 爲 能

之費當之、誤矣。」按:《漢書・古今人表》費惠公、顏

説者不如春秋有費滑,遂謂戰國無費,而以魯

非

惟

小國之君爲然也,雖大國之君亦有之。

王慎、長息

同

列

第

四 等。

敢、般

形近

而

譌,

順、

慎字通。

敢

小國之君。

鄭之間,仍爲附庸於晉、鄭,故至戰

國

而郯、邳、鄒、費猶

號

蓋滑介於周、

屬鄭者曰費滑,見襄公八年《傳》。

之後 焉。

也。

滑一名費,猶宋一名商。《孟子》所謂費惠公者,滑

自秦人滅滑而滑或屬周,或屬晉,或屬鄭。

屬周

伯 與

費,春秋滑國都。一莊公十六年同盟於幽

滑

伯

日

馮滑,見定公六年《傳》,

屬晉者曰

耳。

惠 百

氏 里,

士奇《春

秋説》云:

「虞、虢、

焦、滑、霍、揚

韓、

妖

魏、皆姬姓

也。

滑國都

於費,謂之費滑。

《水經注》:

氏

縣

故滑

方

Ŧi.

則

費或稍寬,其得以都君而僭國君,容有

謚

則

衛有兩

莊公,燕有三桓

公,祖

宗謚

法何曾禁同?

此

,則又誤矣。

大抵春秋戰國間凡都邑之長,皆

與 耐

地

之君 立説

相

比,原有邑宰、都君之稱,以長於其

地

也。

此

有 不 此

棠公,在戰國有薛公,其稱邑以公,皆是也。況魯在戰國,

王始有申公、葉公之稱、即以齊言之、在春秋

:顓臾、邿、極各爲君臣,因亦得以公名之。

特楚僭稱

所 有 以

稱

國

平承悼公復伯之烈而 唐。 副 時 帝 天 證 豈 周行」之誠 矣。 益替焉。 麙 其名氏也。」《詩· 尊賢之禮耳。 者,而平公不與亥唐共之而但卑身下之,是乃匹 王 亟,六卿 遂能 未暇 也 宫 子而 公之尊賢 職 ,帝館甥於貳 品品 韓 也 也 友 謂 破 非子 深 禍成,方且違叔向,築虒 禮 禮 糲 ,弗與食天禄也。 溴梁盟而大夫張,平丘 友匹 相 堯 論 之。 米也。」蔬與 疑之勢,樹 唐 》言『晉平公於唐亥』云云,或《孟子》傳 亦 晉 亥唐,不過取快佚遊,苟圖 也。 復 本 王公尊賢,當與共 就饗舜之所 夫 舜上 大雅 無可 末 也。 也。 室,亦饗舜, 不 注位、職、禄,皆天之所以 表 見 疏 能 疏 見,即 召旻》「彼 繼興。 弗 逖之勳哉? 堯, 通。 油尚,上 與 設,更迭爲賓主。 堯 使不終 趙 盟 祁,其不知 共 悼之末年,已不免弛 舍之於 士之尊賢者 氏佑《温故録》云: 而諸 疏 天 天職也。 也。 迭 斯牌」,箋 於此 位 侯散,自是天下變 孟子持以 虚 爲 貢 也, 譽,非 舜 求 賓主。 而 室。 賢 在 與 舜尚 輔 弗 云:「 畎 共 有『示 也 爲 貮 或 與 禮 職 畝 授 友道 寫 疏, 亦 一晉 室 平. 位 非 治 是 見 夫 賢 之 謂 我 甚 倒

> 《周 《詩 來,非 故以 云: 饗當解作受。 就饗舜之所設」,則謂 云: **衡** 夫也。 禄 以飲賓也。」是以酒食待賓客爲饗。 堯 室 禮》云「尚左」,注云: 妻父曰「外舅」,謂 妻舜,故謂 亦 意。 禮 即 「貳,副益也。」《爾雅 須頌》篇引《尚 就 「更」釋「迭」。 饗,受也。」是 堯爲 小 副 往 秋官 雅 以 疏注「尚上」至「夫也」○正義 宫」也。 舜 主則 君 舜 宫 •大行人》「饗禮九獻」, 彤 臣 哀公十 「甥」。 饗 舜 之 弓》「一朝饗之」,箋云: 趙氏以堯館 爲 舜之所設,❶是爲「更 禮 也。 書》或説云:「 賓,舜 我 更 舜設 説 「古文尚作上。」是也。 尒 五年《左傳》云 爲 卒與之天位。 「舅」者吾 「亦饗舜」是以禄養舜,即 釋宫》云: 賓 盛 爲 爾 禮饗 主 主 母於貳 雅 一之禮 則 尚者,上也。」《 堯 堯 廣 謂之「甥」。 而 趙氏以 爲 室則 謂 詁 三 三 : 「宮謂之室。」是「貳 堯 注 賓 「其使終饗之」, **※**云: 略 就饗 「大飲 云: 是天子 也。 尚與 迭 舜饗堯之所 上 「饗舜」爲 爲 響 《説 下 其 迭 、上通。 賓 賓 而 所 儀 爾 文》貝 之友 Ŀ 堯 設 主 更 雅 交 日 禮 一共 以 際 響。」 也 盛 也。 「堯 兀 天 論 女 釋 往 此 禮 部 覲

❶「饗」,原誤作「響」,今據經解本改。

五六九

臣也。皆禮所尚,故云「其義一」也。
一也。」建下敬上,臣恭於君也;上敬下,君禮於貴;用上敬下,謂之尊賢。貴貴尊賢,其義子》曰「帝館甥於貳室」是也。」用下敬上,謂之貴氏注云:「謂我舅者吾謂之甥,然則亦宜呼壻爲甥。《孟親》云「妻之父爲外舅」,又云「謂我舅者吾謂之甥也」,郭

年《左傳》云"「文王之行,至今爲法。」也。」疏「大聖之行千載爲法」○正義曰"襄公三十一也。」疏「大聖之行千載爲法者友賢,授之以爵。大聖之行,千載爲法者友賢,下之以德,王公

姪廷琮廷弼校字

孟子正義卷二十終

## 孟子正義卷二十一

江都縣鄉貢士焦循譔集

日 : 手部云: 也。 接》篇云「無由接固卻其忠言」,高誘注云:「卻,不用。」退其 誤。」此謂當从卩作卻不當從邑作郤也。《文選・東京賦》云 恭,何然也? 以禮儀幣帛與士相交接,其道當操持何心。 正 不恭』,何哉?」注萬章問 卻走馬以糞車」,薛綜注云: 恭 義曰:《爾雅·釋詁》云:「際,捷也。」捷與接通。《説文》 《音義》出 也。」主當執恭敬爲心。 問交接 萬章曰:「敢問交際何心 「接,交也。」是際亦交也。 道 「却之」,云:「正體卻字,下皆同。 當執何心爲可者? 疏注「卻不受尊者禮謂之不恭」〇正義 「卻、退也。」《吕氏春秋 卻不受尊者禮謂之不 曰:「『卻之卻之爲 執,持也,操也。 也?」注際,接 疏注「際接也」() 孟子曰: 或作 謂諸侯 郤 知

邪 ? 受之矣。」注孟子言其來求交己以道理,其接待己 有禮者,若斯,孔子受之矣。言可受也。 卻之,以心卻之,曰: 『其取諸民之不義 故不恭,故不問其義不義而不卻也。 不義,則卻之矣。尊者賜而問其義不義,是輕慢之也。 之之詞。問此所賜之物義不義,彼必以義對,故受之也,若 尊」至「卻之也」〇正義曰:「己問」解「曰」字,趙氏以曰是問 是爲不恭,故不當問尊者不義而 其所取此物,寧以義乎,得無不義? 之者義乎? 哉」又是萬章問。 之至再,堅不受也。 所交接之禮物而不用,即「不受」也。 不義之辭卻也,心知其不義,以他辭讓無受之,不可 而以他辭無受,不可乎?」注萬章曰:請無正 不恭,故弗卻也。」注孟子曰:今尊者賜己,己問 曰:「其交也以道,其接也以禮,斯孔子 説「卻之」是萬章問,「卻之爲不恭」是孟子答,「何 不義乎?』而後受之。以是 曰:「尊者賜之,曰:『其所 萬章以不受亦是廉以律己,何以爲不 疊言「卻之卻之」者,卻 曰 : 卻之也。 乃後受之。 「請無 疏「其交」至 疏注「今 也。」 以 輕慢 以 辭 爲 取 以

禮」謂儀及其物。云「受之矣」,不問其義也。 「之矣」〇正義曰:「以道」謂所賜有名,如餽贐聞戒,「以

者也。 也。 皆於也。 烈,如之何其受之?」注 貨,閔不畏死,凡民罔不譈。」是不待教 得之貨。 者扞人以兵曰禦,以兵傷人亦曰禦也。」「受禦」謂受此所禦 畏彊禦」,疏亦云:「彊梁禦善之人。」趙岐注「禦人以兵」,古 斯可受乎? 牧誓》「弗禦克奔」,鄭注云:「禦,彊禦,謂 交也以道,其 蕩》云「曾是彊禦」,毛傳:「彊禦,彊梁禦善也。」《崧高》「不 人於國門之外也。 人,以兵禦人而奪之貨。 康誥》、《尚書》篇名。周公戒成王封康叔。 不得暴殺紂師之奔走者。」然則「禦人於國門之外」即暴 萬章曰:「今有禦人於國門之外者,其 殷受夏,周受殷,所不 曰:「不可。 殺於人,取於貨,閔然不知畏死者。 疏注「禦人」至「之貨」○正義曰:《尚書 餽也以禮,斯可受禦與?」注禦 王氏鳴盛《尚書後案》云:「《詩・大雅 《康誥》曰:『殺 如是 孟子 而以禮道來交接己, 辭也。 日 : 彊暴也。 不 越人 可受也。 於今爲 越、于, 激,殺 克,殺 而 于 誅

也。凡民無不得殺之者也。若此之惡,不待君之教 也。 孟侯。 康成注伏生《大傳》云:「孟,迎也。 是亦以孟侯爲成王可知。」江氏聲《尚書集注音疏 義。」是周公居攝,以世子禮教成王,呼成王爲孟侯,不足異 世子法於伯禽,使與成王居,欲令成王知父子君 法於伯禽,所以善成王也。」又云:"成王幼,不能踐阼,故抗 大行人》疏。伏生《書傳》,秦火以前先師遺義,故鄭用之。 侯。此伏生《書傳略説》義也。 案》云:「成王即位年十三,至是六年,十八矣。十八爲孟 者、《康誥》云:「王若曰:孟侯,朕其弟,小子封。」鄭注云: 殷餘民封康叔,作《康誥》。」趙氏以爲「周公戒成王封 至「康叔」〇正義曰:《書序》云:「成王既伐管叔、 於今爲烈烈明法,如之何受其餽也? 《文王世子》篇: 命,遭人則討之。 「依《略説》,太子十八爲孟侯,而呼成王。」王氏鳴盛《尚書後 越于」至「之者也」〇正義曰:《尚書・ 趙 岐注《孟子》以 孟侯者,四方諸侯來朝,迎於郊。」見《周禮・ 「仲尼曰: 三代相傳以 《康誥》爲周公戒成王及康 昔周公攝政,踐阼而 彼文云: 『天子太子十八日 孟侯,呼成王也。」」〇 此法,不 康誥》云:「凡民自 疏注 須 叔 治,抗 臣長 辭 **※**云: 「康誥 蔡 封 秋官 問 康叔 叔,以 而 世子 幼 鄭 作 也。 尚

敯,强 借,知其不當 豈 畏死」解 鄭所據《爾雅》與今本不同。 畏死。」」段氏玉裁《説文解字注》云:「今本《爾雅》: 後 不待教而誅者也」。 也。 畏死刑,凡民無不怨之,此言不待教而誅者也。《七月》詩云 得罪,以寇攘姦宄,殺人取貨也。 氏聲《尚書集注音疏》云:「越,于也。 記 得 先教之列。」《説文》攴部云: 解越爲于,則越乃假借字,當以粤爲正。 関し。 越 公罰; 有不 罪 之日于貉」,毛傳云:『于貉,謂 」、「于」皆「於」者、《爾雅・ 《孟子・萬章》篇引「殺越人」,趙氏以爲「殺于人」,據其 宋世家》《集解》引馬融云:「越、於也。」越、粤通也。 也。」《盤庚》「不昬作勞」,鄭注:「昬讀爲敯,勉也。」似 寇攘姦宄, 知者? 《立政》「其在受德敯」,心部作「忞」。」王氏鳴盛《後 ●此言「殺人取貨」,則彊暴之人不可教訓者,明不在 冒 「関然 味 爲 爲惡 」,則謂其冒昧 惟 而 殺越人于貨, 骸不畏死, 罔 知 强 自 上文「義刑義殺,勿庸以即」,言當先教 之 爲之也。 强 而 為惡, 故 、無知。 犯 《康誥》『敯不畏死』、《孟子》作 「敯,冒也。 釋詁》云: 之,乃 義 王 殺于人,取其貨,冒冒然不 氏 亦同。」按: 取狐 顧殺人取貨,罪 念孫《廣雅 爲 于猶取也。 自 狸皮也。」故 「粤、于,於也。」《史 《周 孟子説此經云「是 彊 弗激。」趙 趙 書》曰: 閔 疏 氏 爲散 凡民所 以 證》云: 犯不赦 于猶 『敯不 示 公假 唇 氏 知 取 由 江 以

> 同。 云: 教 之教命」,遭遇此殺人取貨之人,人即得而誅討之。 罔不激 爲殺也。 趙氏訓「譈」爲「殺」,以爲「凡民無不得殺之」,與訓怨訓 如割截也。」然則敦有割截斬斷之義。 文》斤部云: 篇云「試使士敦劍」、《釋文》引司馬 身」、《釋文》云: 疾苦謂之諄憎,若秦晉言可惡矣。」諄與憝聲 人凶惡亦謂之憝、《康誥》云[元惡大憝]、《逸周書· 自屈其力」,李軌注云:「憞,惡也。」譈、憞、敦並與憝同。 議兵》篇云『百姓莫不敦惡』,《法言・重黎》篇『楚憞羣策 云「近憝自惡」,是也。 「人無不惡之者。」《孟子・萬章》篇引《書》作「譈」。 憝 也。」是「教 心,惡也。 二誅 **徽字《説文》**所無。 」之義,既 ·討也。」趙氏以 《禮記·樂記》云「故樂者天地之命」,注云: 《説文》: 「斷,截也。」《釋名 亦「命」也。 凡民無不得殺之,則 「司馬本作敦,云: 「憝,怨也。」《康誥》「罔不憝」, 《方言》:『諄,憎所 「不待教 《莊子• 《説文》是部云: • 釋 而誅」爲《孟子》解説 逍遥遊》云「越人斷髮 「敦,斷 注云: 言語》云: 「不待教 趙 氏讀 疾也。 遭 「敦,斷 也。」」又《説 亦相 」即是「不待 謝爲敦· 遇也。」言 絶 宋 近。」按: 《荀子 銓法 也。」《説 不待 魯凡 傳 截 凡 命, 悪不 굸: 也 劍 解 教 君 民 部 以 文 相 凡 而

❶ 「罰」,原誤作「殺」,今從沈校據《尚書集注音疏》改。

以督姦也。」「於今爲烈」,趙氏以爲「烈烈明法」,謂此不待教 烈」,猶《毛詩》傳以「洸洸潰潰」解「洸潰」、《樂記》以「肅肅雍 也」〇正義曰:《春秋》宣公十五年「初税畝」、《穀梁傳》云: 也。」楊氏疏引徐邈以爲「除去公田之外,又税私田之什 以「烈烈」解「烈」字,又以「明」字解「烈 君子謂孟子。疏注「萬章」至「人 初税畝者,非公之去公田,而履畝十 苟善其禮以接君子,君子且 刑德》篇云"「法者,所 遭遇此等之人方且誅 心術》篇 [其道。 而復 ,時諸 何 猶 之乎? 者。 滅國五 較猶可 較。 子之仕 其有 成傳》注云:「比牒猶連牒也。」「比而誅之」即 樂記》云「比於慢矣」,注云: 獵 將教之其不改者乃誅之乎? 以爲後如有聖人興作,將比 切,云:「比地而誅,猶言比屋而誅也。」亦毗志切。」《禮記 盡誅今之諸侯乎」〇 尚,以爲吉祥。 過至者,但義盡 而竊取之者爲「盜」。 者也。殷之衰亦猶周之末,武王不盡誅殷之諸 較尚猶可爲,況受其賜 獵較者, 今大盡耳,亦不可比於禦。 而 十而已。 ,而況受其賜乎?」注孟子謂 於魯也,魯人 取之者盜也,充 其教之不改 田 孔子不違而從之,所以小同於世 獵 耳、未爲盜 知後王者亦不盡 正義曰:《音義》出「將比」,云「丁毗 相 較 充,滿,至,甚 奪 獵 而後誅之乎? 而不 比比 禽獸,得之以 也。 類 較,孔子亦 地盡 猶同 言必教之,誅其 至,義之盡 可 諸侯 也? 也。」《後漢書 孔子隨 誅 誅今之諸 本 也。 也 疏注 當 同 祭。 萬章曰: 獵 而誅之、「比 魯 滿 謂 税 夫謂 較 也 時 人 民 其 非 侯 將 之獵 之類 不改 類 其 乎? 侯 比 也。 孔 非 子 獵 大 所 有 康 失 地

説

也?

萬章曰:

今諸侯賦

税於民,不

由

受,受之何説

也?

履畝彊求,猶禦人也。

禦

也。

苟善其禮際矣,斯君子受之,敢問

雍

「肅雍」也。

曰:「今之諸侯取之於民

也

討之,奈何受其餽?

而

誅之法,三代傳之,至今猶明顯也。

之」,注云:

「辭,請也。」不須請問 有烈名」,注云:「烈

,極言其當討也。

《國語

晉語》云「君

云:「殺戮禁誅謂之法。」《鹽鐵

論

明

也。」《管子·

命

而誅,故「不

須辭

問

《國

語

魯語》云「魯大夫辭

侯横斂,有不止 子以 爲有 於税畝者矣。 王者作,將比今之諸 趙氏第舉此 端以 侯 爲例耳。 而 誅

取一

私

田本不當税,今履而税之,是爲

「强求」。

孟子

古者什一,藉而不税。

地

類至」一 也; 云: 禽 話 也 而 義 爲太甚,故爲「義之盡」。 云: 義 盡 是 云:「類謂比式。」《方言》云:「類,法也。」什 云: 言甚也。」泰與大同, 當」字解「義」 至」,又以「大過」釋「至」。 一也。 庖。 取之即爲盜者,乃 充 日 而 田 「充,滿 「至,大也。」《詩 「充猶滿也。」《吕氏春秋・求人》篇云「至勞也」,高誘注 ○注 (類而又大甚,是爲「充類至」。 誅之」即 充類」,謂已盈滿其法式,乃於法式之外又多取之,則 得禽而射不中 其 日氏 「古人田 句,「義之盡也」一 者, 與盜爲非類,故不可比於禦。《湛困静語 餘則與 獵較 也。」《楚 宜也。 春秋 連 字。 者 地 獵既 士衆習射 而 至 取税於民,本爲義類,但 盡 ,則不得禽。 是「至 ·小雅·巧言》「昊天泰憮」,箋云: 辭 重 誅之也。 畢,擇取 充不取之類,至於義之至極 世 亦 一己》篇 趙氏以「大」釋「盡」,明盡 至 也一〇正 句」是也。 離 於射 《禮記 也。 」即「甚」也。 騒》云 三等中殺者 云 0 宫 「諸 一味 注 蓋田時各奮武勇,及既獲, ·緇衣》云 義 , 射 「充類至」則 蘇 衆 謂 侯本當稅民之類者」, 近時 曰 : 而 非 糞 珍則胃 中 張 」至「比於禦」○ 通 壤 故趙氏以「甚 , 每等得 ', 田 於所當取之法式 氏爾 解 「行無類也 以 而税,此 充幃 充」,高 不 夫謂 岐 是爲「義之 得 而 與「至」其 +, 》云「「充 兮」, 一蒿 後爲 非 禽 則 法式 以 菴 其 上, 誘 泰 充 然 有 釋 得 間 注 注 正

君

弗許,曰: 之習俗如是,則孔子爲政能使市不飾賈,塗不拾遺,而 耳。 風焉。 티 : 較 獵 長。 昵,務以多品異物爲觀美,於是有田 之,而大夫不與焉。 百 其賜」矣。 引此正以較奪禽獸與取非其有 之異物,所得之多且異者則於獻禽時誇耀 俗重禮教,君戾泮宫,而無小無大,從公于邁,猶 旗,致禽而珥焉。 壞之一端,然皆用以祭其祖先,殊無大過。」周氏柄中《辨 之多少爲所取之多少,當其獵時,自互相 則公之,辭讓 姓相較奪也。 解 而較獲,正禮之所有,不得爲弊俗. 『《還》與《盧令》,齊俗也。 「王罕皆謂「較奪禽獸以祭」正與下正祭器相 非獨較多寡,亦較 愚謂不特此 ,則與取民猶禦豪無干涉,下文不當云「獵較猶可 何至公行攘奪,曾齊俗之不若乎? 惟 嘗推 君 而 用 求獵較之故,大抵出於魯之三家,非 後 襄三十年《傳》:「鄭豐卷將祭,請 也。 鮮, 言致禽於旗下,取耳以較所獲之多少。 取 魯自三家僭竊 也。 衆 《周 珍異也。」楊氏此説 給而已。」是因 若夫獵 禮 》獲 猶但以便 沒禽者取 一例,故舉以 較者,不 禮 獵較奪之事。 故 則 祭 左耳 捷輕 趙説 攫奪。 耐 擬於君 復習射 亦自 於衆,謂 其意蓋 獵 相形。 爲長。 利 及 惟 近理 有先王 相 此亦古 弊 應 祀 在貴 諸 唯 人莫己若 稱 田 田 然孟 若作 則 田 楊 侯 趙 譽。 以 , 況 受 一之遺 文采 法 獨 得 獵 四 義 豐 植 所 正 之 比 不 於 産 魯 則 行 方 虞 爲 變 獲

之食而 説》云: 之而不禁耳,非 矣。」孔氏廣森《經學巵言》云:「言魯人獵較,孔子爲政 《得用,而孔子不違,以小同於俗,不汲汲於更張也。」 變此陋習乎? 煩孔 「此魯人皆士大夫奉祭祀者也。 子 之簿 亦從而身爲之也。」焦氏袁熹《此木軒 且. Œ 庶民 邪? 有何祭器, 知 此 則 庶民之祭,豈得用四方 無 疑於趙氏 習俗已然,本 較 奪 之説 非 四 亦 禮 聽 書

能

所

卒暴改戾,故以漸正之。 爲三字義同,故以「行」釋「事」,「事道」即行道 秋 弓》云「不仁 事行其道與□○正 何可獵 也。』《禮記 萬章問: 方之食供簿正。」注孟子曰:孔子仕於衰世,不 事道,奚獵 事道也。」注孟子曰:孔子所仕者,欲事行其道。 愛類 日 較也? "「然則孔子之仕也,非事 》篇 孔子之仕,非欲事行其道與? 而 樂記》云「事蚤 云「無不行也」,高誘注云:「行,爲也。」行、事、 不可爲也」,注云:「爲,猶行也。」《吕氏 較也?」注萬章日 曰:「孔子先簿正祭器,不 義 日 : 《韓非子 濟也」,注云:「事 先爲簿書以正其宗廟 · 喻老》篇云:「事,爲 孔子欲 道與?」注 猶爲也。」《檀 也。 疏注「非 事 ず道,如 以 日 祭祀 : 四 可 春 欲

録》云: 備 簿即帷薄之薄,劉熙《釋名· 原神泉詩碑》篆書主簿字从艸,是唐人尚識字。」按" 義》出「簿正」,云: 以 之器,即其舊禮,取備於國中,不以四方珍食供 爲簿而書之,「以正其宗廟祭祀之器」也。 類,亦互相通。 物也。」畢氏沅《釋名疏證》云:「簿,俗字也。 教命及所啓白 奭《音義》云「本或作薄」,則北宋本猶不盡作「簿」也。 難行,故正之以 者,不獨獵較也。 衰世,不可遽然矯戾改變其俗,先此宗廟祭祀之器 簿正之器 志》稱「秦宓以簿擊頰」,即此是已。」書之於簿謂之簿,故 主薄」,古薄字皆从艸明矣。 「爲主薄督郵」、《韓勅碑》「主薄魯薛陶」、《武榮碑》「郡 祭也。 若不獵於國中而取珍食於四方,四方遠在魯國之外 「經典無簿字,惟《孟子》有『先簿 度。 疏注「孔子」至「祭也」○正義曰: ,則書其上,備忽忘也。 古用笏,漢魏以來謂 漸,先簿正其祭器,不即 珍 若 「丁步古切,本多作薄。」錢氏大昕《養 食難常有,乏絶則 一時既正其祭器,又禁其獵較,則卒 釋書契》云:「笏,忽也。 然諸史書並从竹,如籍 之簿,即 或日 禁其 正 爲不敬,故 獵較皆取 簿,言可 祭器」一 據漢《夏承 趙氏以孔 手 獵 板 較 1 也。 也。 國中 以 有 簿書之 語 唐《美 其 曹 子 藉 簿 君 不 《蜀 碑 所 之 較 者 所 先 史 新 音 īE 仕 疏 有 孫

矣而 欲以 用三鼎 子未 當而先 得行道,何爲不去? 國中之四方,若是則孔子簿正祭器正是禁止其獵較,不得 IE. 其 淹 行矣而 亦 其乏絶不敬 則祭器不可不正,故先正之。 不得用,而 欲革其俗,故先簿正祭器,使上下尊卑祭有常器,器有常品。 也 兆始」至「治之」○正義曰: 亦獵較」矣。 獵 獵 也。 一即是陰止其獵較之術。 則 較 較 當得 君 次治之。 恐難常 正漸 也。 五鼎 也。 不 注兆 不行, 党事 行 人將漸知顧禮,覺其較奪之非。」此則 正之宜也。 者乃有獸腊 近 日 則獵較尚不爲無説,故姑容之。 有 也,然 惟正祭器是 一時 始 而 而不見用,占其事始而退。 通 而後 「奚不去也?」注萬章曰: 不免有時乏絶,轉爲不敬, 或 解 也。 後 也 則以「簿正祭器,不以四方之食供簿 則 所以對「奚獵較」之義,謂因 ,三年淹留 去,是以未嘗有所 庶人只用特牲 孔 曰:「爲之兆 事 孔子去矣。 張氏爾岐《蒿菴間話》云:「夫子 子每仕,常爲 哀公元年《左傳》云:「有田一一 不以四方難得之食供簿正,恐 ·禁獵較又是一事,二者相度 而 不去者也。 ,則所獲兔糜之屬皆 終者,竟 也。 之正 孔子所以不 此聖人權衡之 四四 足以 終三 兆足 本造始。 孔子不 也。 |方| 指 此所以 行之 疏 年 以 孔 注 云 魯 禁

去」也。 其謀」 成,有 不遽也。 《廣雅• 文奥折 去也。不行在爲之兆之前已然,非爲之兆而君 兆者,以示兆足以行。 不行,奚爲不去」,曰:不行 兆」,故趙氏屈曲申明之,此趙氏解經之妙也。 兆,而後乃退去。「爲之兆」原在「不行」之後,經先言「爲之 也。 ○正義曰: 以漸止其獵較,是 始」申言之。 未形於事而龜筮先見其兆。 「占蓍龜之卦兆吉凶。」經言「兆」,故趙氏以「占」言之。 足以」至「去矣」〇正義曰:此順解 去」即「退」也。 儀禮 承上始有「一成」「一旅」而言, 衆 趙 「而後去」,不遽去也。 釋詁》造、本皆訓始 孔子亦獵較,已是道不行,而必先簿正祭器以爲之 旅 氏得之。 · ± 此二句解「而不行而後去」。 始亦先也,先簿正祭器,「爲之正本造始」 能 冠禮》《鄉飲酒禮 謂雖不見用,亦示以可行之兆而去,如吉 布其德 「欲以次治之」也。 ○注「終者」至「去者 兆足以行而君不行,所以爲之兆 而 兆其謀。」 而不去者,爲之兆也, 故以 《周禮・春官・占人》注 雖不行,必爲之兆而後去, 》注皆云:「退,去也。」是 「始」釋「兆」,又以 是「兆」之「義」爲始 注云:「兆,始 「足以行矣而不 ○注 「不見用 也一〇 「而不」至「而 萬章問 不行 」是「不 正 所 也。」「兆 正 也。 以 義 行 云「道 為為之 0 둜 日 而 而 本 行 也 退 經 後 故 注 造 後 雖

《詩・大雅・瞻卬》「譖始竟背」,箋云:「竟猶終也。」《説文》

罪

禮

也。

溝

昭公墓而合之。

《家

語

「謂季桓

子曰:

「貶君以

年秉國政,嘗穿井得

土缶,中若羊,以問孔子。

有司、皆予之以歸。」是所爲「行可之仕」也。

飾

相事,誅魯大夫亂政者少正卯。

孔子世家》云:「定公十四年,孔子年五十六,由大司寇行攝 故見之也。衛孝公以國君養賢者之禮養孔子,故宿 以「三年淹」爲「留而不去」。淹留至於終竟三年,則得竟事 賈,男女行者别於塗,塗不拾遺,四方之客至乎邑者不求 [也,於衛孝公,公養之仕也。]<u>注</u>行可,冀 桓子,見行可之仕也,於衛靈公,際可 行可之仕,有際可之仕,有公養之仕。 今合之,所以掩夫子之不臣。」」然則是時季桓 魯卿季桓子秉國之政,孔子仕之,冀 疏注「行可」至「道也」○正義曰:《史記 ·釋詁》云:「淹,久也。」宣 與聞國政三月,粥羔豚者 衛靈公接遇孔子以禮 「淹、留也。」故 桓子以定公五 孔子爲司寇 孔子 彰 謂爲 可 弗 己 子實能聽用孔子之言。 子罪我以羣婢故也。」」然則孔子之仕魯,以季桓子不違, 子曰: 『孔子亦何言?』 師己以實告。 彼婦之謁,可以死敗。 罪。』孔子曰: 門外,季桓子微服往觀再三,將受乃語魯君爲周道遊,往 矣。」〇注「衞孝公」至「答之矣」〇正義曰: 然以其接遇有禮,不徒能養,故曰 「《史記》:「孔子在衛,衛靈公致粟六萬。」此固公養之實據。 魯,以季桓子之受女樂。 膰俎於大夫。孔子遂行,宿乎屯,而師 終日,怠於政事。 我之爲先并矣。」於是送齊國中女子好者八十人,皆衣文衣 家》云:「齊人聞而懼曰:「孔子爲政必霸 不藏甲,邑無百雉之城,於是帥師墮郈,帥師墮費。」《孔子 家。」十二年《公羊傳》云:「孔子行乎季孫,三月不違。 中不見違過。是違之也。不言政行乎定公者,政在季氏 季孫,三月不違。」注云:「孔子仕魯,政事行乎季孫,三月之 ○注「際接」至「見之也」○正 而舞《康》樂,文馬三十駟,遺魯君。 「吾歌可夫。」歌曰: 桓子卒受齊女樂,三日不聽政 蓋優哉游哉、維以卒歲。」師已反,桓 定公十年《公羊傳》云:「孔子行 故云「於季桓子見行可之仕」也。 義日 際可之仕,則非公養之仕 一彼婦 陳女樂文馬於魯城南 周 桓子喟然嘆曰: 己送曰:「夫子則 氏 之口 柄 ,霸則吾地近焉。 毛氏奇齡 中《辨正》云: 可以 ,郊又不 四四 出 曰 ・夫 走 致 高 世 家 之 觀

於季

得因之行道也。

際,接也。

留以答之矣。

可行道也。

有見

之兆而後乃去,雖不遽去,而亦未嘗久留終於三年。

未嘗終竟三年之留,是「未嘗得竟事一國」也。

國

音部云:

「樂曲

盡爲竟。」《爾雅

公十二年《左傳》云「二三子無淹久」,注云:

約其致粟仍襲靈公之舊,而禮遇不深,故第爲公養之仕耳。」 者。」周氏柄中《辨正》云:「蓋出公繼立時孔子又嘗過衛,大 年,二十一 公輒無疑。 兩謚。」趙氏佑《温故録》云: 更 且 《檀弓》正義謂「衛輒拒父」而《公羊》以爲「孝子」,後儒之論 命,是父之行乎子也。 蒯 所見疑古人也。」翟氏灝《考異》云: 有成文而邠卿引之者。 故孔子爲宿留以答之。」其曰「養賢之禮」,曰「宿留」,似古原 信《史記》? 此 問 又别無他 在哀七年當出公輒時亦曾至衛。 賸言》云:「《春秋》、《史記》並 『衛靈三十八年,孔子來,禄之如魯。』又《孔子世家》: 無足怪 一然,則當時臣下之謚以掩非,想自有之矣。若其一人兩謚, 《瞶於戚、《公羊傳》云:「固可以距之也。」輒以王父命辭父 正公養之實據。 .孔子居魯得禄幾何,對曰 公往 年卒,而謚爲孝,史不備耳。 蒯瞶 出 惟趙岐注:「衛孝公以國君養賢之禮養孔子, 公者,特當其出奔在外之稱,及後返國 來。 謚莊公、《漢書· 然明明有孝公字,豈可不信《孟子》而反 疏謂 以家事辭王事,是上之行乎下也。 漢去古未遠,必有師承,未可以今世 仍是靈公。 「《謚法解》無出,衛孝公之即 奉粟六萬。 無孝公,惟夫子於衛靈 人表》謂之簡公,則 但出公並不謚孝。 「衛輒使石曼姑 《史記 衛人亦致粟六萬。」 經 每 春秋年 有可 以 亦嘗有 稱後 率師 然舍此 「衛靈 死後 表》: 正 故 史 元 出 距

宿留,詳見《公孫丑》篇。

仲尼行止之節也。 命,不忍逆距,不合則去,亦不淹久。蓋章指:言聖人憂民,樂行其道。苟善辭

孟子曰:「仕

非爲貧也而

有時乎

爲

貧

重禄。 卑,辭 其禄。 秉。 也,而 擇官而仕; 濟 官而仕。』《列女傳・ 者,不可與語孝。 相,楚迎以令尹 娶妻非爲養也 娶者」○正 民也,而 方是之時,曾子重其禄 懷其寶而迷其國者,不可與語仁, 窘其身而 有以親執 富居貧。 辭 尊 親操井臼,不擇妻而娶。」爲 義 有 居 日 , 晉迎以 以 任重道遠者不擇地而息,家貧親老者不 釜竈,不擇妻而娶者。 卑,辭富居貧,惡 《韓 居 而有時乎爲養。 賢明》篇: 注爲貧之仕,當讓 貧親 詩外 上卿。 老 而 傳》云: 「周南之妻云: 而仕 輕其身。 方是之時,曾子重其 「曾子仕於莒,得 者; 親没之後, 乎 貧 往 高顯之位,無 娶妻 (者,辭 疏注「仕 宜乎? 家貧親老,不 本 本 爲 爲 身 齊 約 本」至 行 繼 迎 其 粟 而 抱 擇 親 以 嗣 道

記

農云:「擊樣,兩木相敲行夜時也。」❷引「《傳》云魯擊柝 疏注「監門之職也」○正義曰: 於邾」,哀公七年《左傳》文。「行夜 守涂地之人聚樣之」、《修間氏》「掌比國中宿互樣者」,鄭 即此横持門户者也 家貧,爲大梁夷門監者。」既云「終不以監門困故而受公子 者。《史記· 辱》篇云「或監 正》「夕擊柝以比之」,鄭司農云: 財」,又云「嬴乃夷門 云:「監門,主門也。 之牛牲繫焉,監門養之」,注云:「監門,門徒。」《荀子 關,以 !》云:「行字如《月令》「出行田原」之行,《經典釋文》皆下 · 挈壺氏》「縣壺以序聚榛」, ❶《野廬氏》「若有賓客,則令 擊柝。 柝,行夜所擊木也。 之 木横 ○注「柝門」 職 法門户也。」趙氏解析有二: 也。 一辭尊富者安所宜乎? 信陵君列傳》云"「魏有隱士曰侯嬴,年七十, 門御 柝,門 旅,抱關擊标,而不自以爲寡」,楊氏 抱關 至「於邾」〇正義曰:《説文》門部云: 抱 爲行夜所擊木,《周禮·天官 關,門卒也。 關 者也」,故趙氏以監門爲 《傳》曰: 之木 《周禮• 「柝,戒守者所擊也。」《秋 也。 」即巡夜。 擊 「魯擊柝聞於邾。」 地官・司門》「祭祀 擊, 柝,擊木所以警夜 一爲門關之木,謂 宜居 椎 阮氏元《校 之 抱 也 關 抱關擊 擊 宫 柝 榮 或 勘 聞 司 注 0 爲一 0 也。

關

監

日

芻牧者 《宫伯》「掌受八次八舍」,注云:「於徼候便也。」則行夜往來 周旋謂徼候者也。」按:趙氏以 計,當直其多少而已。 委吏矣,曰:『會計當 則柝即是關,若以柝爲行夜所擊,則是抱關爲 注云"「夜士、主行夜徼候者。」賈氏疏云" 孟反。」《秋官·司寤氏》「掌夜時以星分夜,以詔夜士夜禁」, 嘗以貧而禄仕。 也, 立乎人之本朝而道不行, 耻也。] 注孔子 行夜之木,則擊爲敲之使有聲。 曰:『牛羊茁壯長而已矣。』位卑而言高 職。 詩》云: 也。 析、榛字通也。 牛 「彼茁 羊茁壯 委吏,主委積倉庾之吏也。 者 爲門關之木,則擊爲椎之使固, 肥 · 葭。」位卑不 乘田,苑囿之吏也,主六畜 而 好 「抱關擊柝」爲「監門之職」, 長 已矣。』嘗爲乘田 義亦别矣。 大大而 년 得 「行夜徼候者、若 高 茁,生 孔子當爲 言 一職,擊柝又 豫 不失 朝 之 會 爲

官

沈校。 秋」,按挈壺氏屬夏官,下野廬氏、修間 氏始屬 官,參

正》文。 修聞氏」至 鄭司農此注作「欜謂行夜擊欜」。 一時 也」,沈校: 按 此 爲鄭 玄 注《 天 官 宫

直也。」直、值同。 也。」《吕氏春秋 星算之爲計,總合算之爲會。 歲則大計羣吏之治而 出於此也。」《大宰》「歲終則令百官府各正其治,受其會,三 最之簿書。 會也,算也。」《天官・小宰》「聽出人以要會」,注云: 積倉庾之吏也。 積。」然則委積爲遺人、委人、倉人所共掌,故以委吏爲主委 用,有餘則藏之。」注云:「止猶殺也。 斂甸稍芻薪之賦以共委積。」「倉人,中士四人,下士八人」, 人,中士二人,下士四人」,「軍旅共其委積薪芻」,注云:「主 已」〇正義曰: 耻 故 人」,注云: 掌邦之委積」,注云: 掌粟人之藏,辨九穀之物,以待邦用。若穀不足則止餘法 旧 是以 稱 其餘共之,所謂餘法用也。 職 (君子禄: 而 「乘猶計 月計曰要,歲計曰會。」《宰夫》「乘其財用之出 《周禮 《説文》人部云:「會、合也。」言部云: 直其多少無差,故不失也。 孟夏紀》云「必當其位」,高誘注云: 仕 立 也。」 誅賞之」,注云: ·地官》「遺人、中士二人、下士四人」, 者不處大位。 本 「委積者,廩人、倉人計九穀之數足國 ·朝,大道當 賈氏疏云:「計者,算法乘除之名 《説文》田部云: 少日委,多日積。」又 會 殺餘法用謂道路 行。 疏注「委吏」至「少 大計也。」然則零 不行,爲己之 孫氏星衍《平 「當 田 「謂計 當 相 之委 計, 「委 而 值

是。」引《詩》者、《毛詩・召 牛羊,亦並不芻牧。 義 曰: 斛, 之司會,適當國家會計之數,不爲季氏求贏餘也。 之事,孔子爲其屬,故季氏史亦魯臣,非仕於私家也。 屬,是其事也。 爲季氏史,料量平。」《史記》所言正足證《孟子》。 津 通作樴,栈也,所以繫牛。 云:「毛大可曰:『苑囿,囿 且國家亦不容有不供職之吏也。」○注「乘田」至「者葭」○正 居卑,亦辭富居貧之一端。 則云料量平、《説文》料字解量也。 是司會之事。所云「當」者讀如「奏當」之當,謂料量委積,上 孔子正爲遺人之官。 者,以公牛芻豢皆甸田 公牛,必授職人芻豢之。《史記》謂之司職吏,其又名乘 人掌邦及鄉里、門關 面,今之苑。」趙氏「苑囿之吏」似指 館 無浮入也。 文稿. 《周禮・地官》:「囿人中士四人,下士八人。」注 委吏解》云:「《史記 此正對求也爲季氏聚斂附益言之,不獨辭尊 司會則逆羣吏之治而聽其會計,冢宰之屬 考《周禮·牛人》有職人,主芻豢者。 、郊里、 稱季氏史者,時季氏秉國政 中事也。」愚按,古乘與甸通,毛説 凡牧人掌牧六牲,牛人掌養國之 南・騶虞》篇文。 人所掌,祇游 若止以供職爲當,則人人能之, 野鄙、縣 料量猶言概量,以概平斗 孔子世家》云: 都之委積, 此。 觀 周氏柄中《辨 鳥獸之事,並 傳云:「茁, 地官司徒之 ,得專司 《周禮》遺 故《史記 孔子 會計 正 良 田 無 嘗

言其生長則茁壯肥好也。 言其生長則茁壯肥好也。」《説文》艸部云:「茁,艸初生出地貌。《詩》曰:「彼萬 是生長之貌。「茁壯」言其貌之「肥好」不以「長」字承之,猶 是生長之貌。「茁壯」言其貌之「肥好」然後引《詩》以明其本義。 是生長之貌。「茁壯」言其貌之「肥好」不以為 。 長是生長,茁 是生長之貌。「茁壯」言其貌之「肥好」而以「長」字承之,猶 是生長之貌。「茁壯」言其貌之「肥好」不以為 。 是生長之貌。「茁壯」言其貌之「肥好」而以「長」字承之,猶 是生長之貌。「茁壯」言其貌之「肥好」而以「長」字承之,猶 是生長之貌。「茁壯」言其貌之「肥好」而以「長」字承之,猶 是生長之貌。「茁壯」言其貌之「肥好」而以「長」字承之,猶 是生長之貌。「茁,此,大也。」茁爲草木生出之名, 也。」《説文》艸部云:「茁,艸初生出地貌。《詩》曰:「彼茁

獨善其身之道也。 道則聖人居乘田。量時安卑,不受言責, 章指:言國有道則能者取卿相,國無

何也? 寄也。 寄者、若《春秋》出奔之君所在亦曰寄、故《左傳》曰:「齊以 黎侯寓于衛,其臣勸以歸也。」箋云:「寓,寄也。 人所逐,棄其國而寄於衛。」孔氏正義云: 至「國也」○正義曰:《方言》云:「託,寄也。」凡寄爲託。❶ 《儀禮 萬章曰:「士之不託諸侯,何也?」注託, 喪服傳》齊衰三月章「寄公爲所寓」,傳曰:「寄公者 謂若寄公,食禄於所託之國也。 失地之君也。」《毛詩・邶風・式微》序云:「《式微 「此被狄所 疏注[託寄] 黎侯爲狄 逐 而

> 也。 别。」孟子曰: 邾寄衛侯。」是也。《喪服傳》「失地之君」謂削 位者也,答北宫錡及「士以旂、大夫以旌」、「前以士、後以大 考》云:「古之上士、中士、下士者,皆有職之人也,其未仕 也?」注萬章曰:受栗何 之乎?」注土窮而 夫」,則並指有位者也。」萬章曰:「君魄之粟,則受 萬章之「不託諸侯」,彭更之「無事而食」及王子墊所問,此無 處士,則皆無位而客游人國者矣。《孟子》所言士亦有二: 民、《曾子》「士不可以不宏毅」之類。《春秋》而 「女爲君子儒」,是也。 而讀書譚道者,通謂之儒。 位輕,本非諸侯敵體,故不敢比失國諸侯,得爲寄公 諸侯,禮也,士之託於諸侯,非禮 曰:「受之。」注孟子曰:受之也。「受之何義 疏注「士位輕」○ 「不敢也。 無禄,君餽之粟,則可受之乎? 間亦稱士,如《管子》士農工商爲四 正義曰: 《周禮》「儒以道得民」、《魯 意也? 諸侯失 周 氏廣業《孟子出 曰:「君之於 或 也。」注謂 地盡 而 後,有游士 後託 者,與 處時 於 土 此 地

● 「凡」,據全書文例,疑當作「故」。

科也; 正義 亦 行 穀 雅 注 鄭 野 受,賜之則不受,何也? 賜之則不受,何也?」注萬章言士窮,君 固 氓 日 自他國至此國之民,與寄之義合。 日 吕氏 ·周急不繼富」之周。」又《司稼》「掌均萬民之食而賙其急」, 行司農 通 惠 給予之,此常法也。 而 也 詳 横 釋詁》云:「稟,予也。」「稟貧民之常科」謂因民貧乏,以 開 日 : 賙 周 春 而 ,固周之。」淮氓,民也。 見《公孫丑 「賙,稟其艱阨。」《説文》禾部云:「稟,賜穀 萬民之囏阨,以王命施惠。」注云: 賜者,謂禮賜横 加 秋 府 並 其 周 華則 庫、出幣 謂 「賙 與 窮乏,況於士乎? 季春紀》高誘注則 不當 , 賙通, 《周 各别 讀爲周 》篇。不言「君之於民」 賜 也。 帛,周天下」,注云:「周謂給不足也。」 而 《禮記·月令》「季春之月,天子布 急之周。」賈氏 禮 賜 ○注 加 也。 地 也。 周者,謂周急,稟貧民 「賜者謂禮賜横加 官 云 曰:「不 疏注「周者」至「科也」〇 「周,賜 鄉師 疏注 孟子曰: 君之於民, 曰:「周之則 疏 而言「氓 云: 氓 也。」蓋周 敢也。」注孟 「囏阨, 「以歲時巡國及 民也」〇 「讀從《論 也」〇 」者,氓 飢 也。」《廣 周 與賜 乏也。 之常 之則 受, Ĕ 正 語 義 是 義

> 也? 子曰 禄,即是以士而託於諸侯。 不當食其禄。不仕而受其賜,即是受其禄也。 ∭注「有職」至「受也」○正義曰"《周禮・天官・大宰》「禄 云"「禄,所受食。」故以「禄」解「食於上」之食也。 注云:「禄,食也。」《禮記 人,在官皆有禄。』《吕氏春秋 位以馭其士」,注云:「禄,若今月奉也。 爲不恭也。」注孟子曰: 皆有常職以 士不仕,自以不任職事 士不 注萬章問何 敢 受賜。 食於上。 爲不 曰 : 「 · 王制》云「王者之制禄爵」,注 而空受賜爲不恭,故不受也。 不恭即非禮也 · 敢? 無常 ·懷寵》篇云「皆益其禄」,高 有 敢 職事 職 曰 : 問: 而 者可 抱關 賜 自卿大夫以 其 於上者,以 食於上禄。 不仕 不 擊柝 既不仕 敢 一而受其 至 者 何 庶

貧而仕,惡乎宜乎,抱關擊柝」,謂仕有常職以受禄也。 之則受之,不待復問矣,故直以 至「繼乎」〇正義曰: 常來致之乎? 注萬章曰: 曰:「君餽之則受之,不識 君 禮餽賢臣,賢臣受之。 將當輒更以 前 章言餽也以禮則孔子受之,是君 「可常繼」爲問耳。 君命將之也。 可常 不 知 可 繼乎?」 疏 前 繼 曰 云「爲 蓋賜 續 君 餽 丽

鼎。」○注「於卒者末後復來時也」○正義曰:

也。

愠

恨 也。

疏「鼎肉」○正義曰:

其以鼎肉則執以

將命」,

君犬馬畜伋。

伋,子思名也。

而

但

.數與之食物,若養犬馬。

也。 必墜

猶

訓

煩,故不悦也。

魯繆公時,尊禮子思,數問,數餽鼎肉。

之犬馬畜伋。」蓋自是臺無餽也。

《傳》曰:「僕臣臺。」從是之後,臺不持餽 麾使者出大門之外,再拜叩頭不受,曰: 今而後知 外,北面稽首再拜而不受,曰:『今而後 則爲周,以禮下賢則爲交際,皆可受者也。合上二章,其義 子思不悦。於卒也,摽使者出諸 云「君餽之粟則受之」,又云「無常職而賜於上, 曰:「繆公之於子思也,亟問 於卒者,末後復來時也。 前云「尊者賜之」,賜即餽也,賜之可受者 注云:「鼎肉謂牲體已解,可升於 責君之不優以不 臺,賤官主使令者。 蓋仕有常職則可受其 《禮記・少儀》云 君餽之以惠及氓 《爾雅 注孟子 子思以君命 來,繆公愠 亟 摽,麾也。 大門之 知君 餽 釋詁 日 以爲 煩 鼎 辟也。 辟也。 落。 摩字,摩通撝 不摽也。」此摽 謂墜落其劍於地也。哀公十三年《左傳》云:「長木之斃,無 即是辟,與《公羊》注同矣。《毛詩·召南》「摽有梅」,傳云: 離。」《釋文》云:「摽劍,普交反,辟 十三年《公羊傳》云:「已盟,曹子摽劍而去之。」注云: 麾」至「不受」○正義曰:《音義》云:「摽,音杓,又音抛。」莊 魄」,則此爲末後也; 篚」,注云:「卒猶後 云:「卒,終也。」《儀 氏正義云: 云: 「辟,捐也。」」此音與《孟子》同。 撝,裂也。 拊, 揗也。」「插, 摩也。」則拊心是以手撫摩其心, 云擘云 摽,落也。」此摽乃芰字之假借,因思曹沬摽劍,此摽亦芰, 摽,符小反。」與《公羊傳》音異。 寤辟有摽」,傳云:「辟,拊心也。 杜氏注摽爲擊,失其義矣。《説文》手部:「擘,撝 《禮記 時曹子端劍守桓公,已盟,乃摽劍置地,與桓公相 「捭拆豚肉 一曰手指撝也。」「摩,旌旗所以指摩也。」麾即 •禮運》云「捭豚」、《釋文》云:「捭又作擘。」孔 ·撝訓擘,擘即「寤辟有摽」之辟。 亦荽也。 也。」故以 禮 據 ,拆即分裂之義。」《説文》手部又云: 木之長者既枯斃,久之,枝格 「亟餽」,則 燕禮》云「卒受者 末後 而摽、辟同爲拊心,則摽正 摽,拊心貌。」《釋文》云: 此爲復來也。 《毛詩 也。 」解之。 辟 劍 以 據「白 邶風· 摽訓 虚 置 觶 地 ○注「摽 麾 降 是 栢

肉。

備矣。

也;

此

爲餽與禄之通稱。

不恭」,賜非餽也,賜之不可受者也。

禄,不仕無常職則可受其餽,不可受其禄。

**「**摽

臺 奠

於

劉

舟

注

日

拜手 手部 分而 亦闢 《周 遠 摽 日 地 地 平,是之謂頭至手、《荀卿子》曰「平衡曰拜」是也。 日 手,首至手。』皆其證 六年《傳》: 首部云: 吉拜,拜之常,故主于受,凶拜,拜之異,故主不受。」《説文》 先稽首後再拜,凶 釋拜》云: 拜。」「 言也。 ,是以《周禮 ,鄭曰:「空首,拜頭至手,所謂拜手 亦爲摽,其 則 「跪者、所 凡經或言拜手,或單言拜,一也。 **云**: 屏於遠也,是可 也 ,而拱手下至於地,而頭亦下至于地,《荀卿子》曰「下 禮》「吉拜」是拜 當是以兩手分摩,蓋 闢亦開 稽 崩, 拜本專爲空首之稱,引申之則稽首、頓 《説文》作餚 『頭至手曰拜手。』某氏注 「拜者,何也? 義可 以 》謂之空首。 也。 拜 一拜之類 引 也。」既 也。 推 申 蓋自上分而落於下爲摽,自近分而屏 而 後 而 而 何以 見。 也。 通矣。 稽顙,「凶拜」是稽顙 古文从二手。 怨憤 稽 跪 頭至手也。 日 首者何 而 謂之頭至手也? 「摽使者出諸大門之外」,自 空首者,對 先再拜後稽首,吉拜之類也 拱手, 挹鬱之極 閻氏若璩《釋地又續》云: 也? 尚 也。」何休注《公羊》宣 《周禮·大祝》謂之空 而 頭至手,故經謂之拜 揚雄説从兩手下。」 頭 書 稽首、頓首之頭箸 用手 拜 俯 頭 至于手,與心 而後拜,則凡 《説文解字》 至地 開 首、肅拜皆 頭不至于 解 也。 之 玉裁 拜 衡 既 於 辟 近

> 稽首』。 之顙。 敷 ? 於地 首。 何也? 顙」,是即鄭君之『頭至手曰空首,❶頭 矣。 弓》注云:「稽顙 日: 手而拱手下至於地,而頭不徒下至地,且敂觸之,是之謂 首異也。 何言乎稽顙? 矣。」亦謂之頓顙。 十七篇、《禮記》、羣經言 頓 稽 《公羊》宣六年、某氏注《尚 至地者以首不以顙, 也。 首」是 稽首者,言乎首舒遲至於地也, 首」也。」「《周禮 頭叩地也。」注《士喪禮》曰: 日 《公羊》 頭叩 無 拜重手,故字從手, 销重首, 《荀卿子》曰『平衡曰拜,下衡曰 是稽、頓之别也。 二也。 也。 地 昭二十 令白 稽之言至也,其 也。 者,觸地 何以 《吴語 虎通 叩 · 大祝》「九拜, 五年『再拜 ·者何,敂 知 稽 》諸稽郢行成於吴,曰 敏地者必以顙, 無容。」叩 其 姓 《周禮》言頓首不言稽類、《禮 顙不言頓 無二也? 書・ 名 至 也。 》篇、 顙」, 一地與 召誥 「稽顙,頭觸地也。」又《檀 地、 鄭 敂 頓首者,言乎首急遽 故字從首 何 首 日 八稽首 至 鄭注 者 注 觸 稽首,二日 日 地 何? 故 《周 皆 稽 地之非 稽 同 日 日 謂之稽顙,亦 顙 《周 禮 也也 稽 首 拜 其 「頓顙 與 擊 顙 禮 首, :有二可 頓 至 以 猶 也。 頭 大 学順 頓 頓首,三 於邊」。 地 今叩 顙 首 頭 至 祝 首 叩 日 與 有 既 地 首 者 地 稽 稽 頭 知 至 頓 拜 何 謂 日

日

<sup>0</sup> 首」,原誤作「手」,今據《經韻樓集》改。

拜稽首送幣」,又下文「大夫餼賓,賓再拜稽首受」。是亦猶

拜稽首受。」注云:

「尊國賓也。」又「受饗餼、儐大夫、大夫北

故主人不答拜。

《聘禮》:

拜稽首。』《少牢饋食禮》:

祭非君而稽首者、特牲饋

食禮》:

哀之至也。」「凡祭必稽首。

首而不空首也。

面

當

楣

再拜稽首受幣」,注云:

「尊君客也。」下文皆云「賓再

鄭重之至,以定其爲尸也。《士昏禮》:「賓升北面薦雁,再 拜稽首。」妻之父,非君也,以逆女之事至重,稽首主爲授女, 許諾,主人又再拜稽首。」此皆未入廟之尸也而再拜稽首者 「稽顙而後拜」者,先頓首而後空首也,言「稽顙不拜」者,頓 ,於鄰國之君稽首,于君夫人、鄰國君夫人稽首。 凡言「拜手稽首」,言「拜稽首」,言「再拜稽首」,皆 顙無言頓首者,故知《周禮》之頓首即 拜者,常禮,稽首者,敬之至也,稽顙 言拜而後稽顙者,先空首而後頓 拜者,拜手之省文也。《禮經》十七 「郊勞,賓用東錦 「宿尸,祝擯主人再拜稽首,尸 諸侯於天子稽首,大夫於國君稽 园 肅拜」,此六者其舉前三者 他經日拜手日 「宿尸、尸許諾、主 日 振動,五日吉拜,六日 儐勞者,勞者 拜無日空首 首也 禮 一人再 有非 先空 稽 者 拜 再 言 顙 有不用 不降 也。 吉拜 稽顙於樂施、《公羊》昭二十五年昭公、子家羈 拜,如《雒誥》成王拜手稽首於周公,襄九年魯襄公稽首於晉 年晉侯享公,公降拜,襄四年穆叔如晉,歌 手者,有不必稽首而稽首者,有不必頓首而頓首者,如文三 謂之振動也? 上文尊國賓尊君客之再拜稽首 者,❷《士相見禮》曰君答 者何也? 吉拜者何也? 侯,是皆謂之振動。 君,如昭二十五年季孫意如稽顙於叔孫昭子,昭八年陳無宇 君、君於臣皆拜手。 者拜手,卿大夫互相 也。 凡《禮經》言拜不言再者,皆謂 拜。 于凶者也。 吉拜對凶之辭也,凡稽首未有用 拜而後稽顙,稽顙 稽首頓首 鄭 曰 : 謂拜之常也。 奇拜者 凡喪必稽顙以拜賓,即頓首也。」「何 振 於,一 「戰栗變動之拜也。」有不必拜手而 則經未嘗有言再者。 動者,言非常也,因事 何 也。 拜、《聘禮》曰公一拜送几,又賓 而後拜,皆凶拜 也? 當拜而拜,當稽首而稽首,是 也。 凡 諸 謂 侯相 拜 凡行 也。 拜

者,故知空首即拜手也。

權其吉凶輕重之宜而用之歟? 凶拜,七曰奇拜,八曰衰拜,九曰 日

空首」,此三者蓋拜之經數?

於拜手。

凡

臣

於

以

《鹿鳴》之三,三

禮必拜手。

凡

敵

篇、《禮記》曰稽

首 也。

而

後稽首也。

0 寶尊 」,原誤倒,今據《經 韻 樓集》乙正。

2 有」,原誤作「者」,今據《經韻樓集》改

五八五

制宜

之謂也

再拜顙

於齊

於凶

者

拜

也。

奇

者,不

經有明言一

拜 耦 也。

凡頓 也。

首 X

未

褒拜者,何

以恨 經文有奪, 愠, 云: 日: 之醜稱也。 之拜也。 之俠拜,皆是也。 傳》言三拜稽首,襄四年言三拜,定四年言九頓首,以及婦人 謂 僕之下,是賤官主使令者,故引此以證也。 僕,僕臣臺。」服虔云: 臣大夫,大夫臣士,士臣阜,阜臣 以手拜當男子之稽首,以 云「人不知而不 故官之賤者名臺。 至「恨也」〇正義曰: 人之常,猶拜手爲男子之常也。 臺 禮 再 無魄 的一次。 「人有十等,下所以事上,上所以共神 「恨,怨也。」「怨,恚也。」《毛詩 拜已上也。 ※少牢饋食禮》《特牲饋食禮》言三拜,及僖十五年《左 」爲繆公心不平子思之言而不使之餽 《少儀》曰:「婦人雖有君賜,肅拜。」是則肅拜爲婦 抑注文作「繆公愠恨也」五字,今本衍二字耳。」 「愠,恚 阮氏元《校勘記》云: 南楚凡駡庸賤謂之田優,或謂之菔。」臺爲賤 ·愠」,鄭氏注 褒者大也。 肅拜者,何謂也? 也。」是愠 引《傳 臺即儓也。 「臺,給臺下微名也。」臺次輿、隸、 稽顙當男子之頓首。」〇注 》者,昭公七年《左傳》芋尹 云: 有所多大之辭也。 恨 婦人以肅拜當男子之空首 」興,興 「愠 怨、 《方言》云:「儓、菔,農夫 愠,怨 大雅 舉首下手之拜也,婦人 恚四 恨 臣 也」,玩此三字,似 也。 也。」《説 隸,隸 字義同。 《論語・ 綿》「肆不殄 故以 故王臣公、公 臣僚, 凡《禮 文》心 學而 爲愠,又 趙 臺賤 僚臣 無 氏以 私稱, 經 僚 》篇 厥 部 字

事

,非指「臺無餽

也

子思不悦,自 其道,又不能優養終竟之,豈可謂能悦賢 孟子 悦賢不能舉,又不能養也,可謂 言,不使臺餽食,爲不能 「又不能優養終竟之」○正義曰: 譏繆公之雖欲 愧 故臺 無 有悦賢之意, 餽 「優養終竟之」。 此一不能 趙氏以繆公愠恨 養」指上「亟問 而 近時通説,繆公因 不 悦賢乎? 能 也? 舉 用,使行 子思之 呕 疏 注

子思所 不復以 僕,煩猥貌。 者,行 倉廩之吏繼其粟,將 使己僕僕爾 庖 君命將之,再 養矣?」注萬章問 養矣」〇正義曰: 人 繼 日 也。 以 君 肉,不 非 命 孟 繆公者,以 敢 者 謂其不得養君子之道 子 亟 「, 欲 問 以 日 : 拜 此因孟子言不能養而 拜 或 使 君 稽 也,非養君子之道也。 始以 國君養賢之法 賢 君 盡 命將 首 爲 者 欲 復送,廚宰之人日 而 君命 鼎 不 之。 養 受。 答 肉 君 行,禮拜受之。 使 以敬,所 子, 子 其 己 也 也 思 問 後 數 如 也。 以 拜故 廩 疏注 疏 以 何 爲, 人 딩 : 送 優 斯 敢 也。 繼 其 將 之 鼎 問 其 注 可 以 也。 肉。 至 者 肉 謂 僕 後

注云:

庖」,注云:「庖,廚也。」《淮南子・説林訓》云「治祭者庖」,

四門,納于大録,極而至于登庸攝政

也

倉,故兼言倉廩之吏也。

士,諸侯當下士爲之。

云:

「亟,敏疾也。」段氏玉裁《説文解字注》云:「今人亟分

「庖,宰也。」是「庖人」爲「廚宰之人」也。《説文》二部

入聲去聲。

人之訓急也,去之訓數也。

古無是分别,數亦急

簡兮》疏云:「胞即《周禮》庖人。」《漢書·百官公卿表》有胞 廩人也。《禮記·祭統》云:「夫祭有畀輝胞翟閣者,惠下之 考》云:「《周禮》廩人下大夫二人,據少牢大夫有廩人,則諸 食。」《天官・庖人》:「共賓客之禽獻。」胡氏匡衷《侯國官制 君命送之也,庖人繼肉,庖人送之,不以君命送之也。《周 故繼粟、繼肉皆以「送」字明之。廩人繼粟,廩人送之,不以 也。」是將有行送二義。「以君命將之」即亦是以君命送之, 人,師古曰:「胞人,主掌宰割者。」胞與庖同。天子庖人中 「倉廩之吏者」,粟藏于倉,倉人主之。 廩人之粟亦取之自 ・地官・廩人》:「掌九穀之數以待國之匪頒、賙賜、 也」〇正義曰:《毛詩》傳以行釋將,不一而足,趙氏所 唯有德之君爲能行此。胞者,肉吏之賤者也。」《詩 《國語》云:「敵國賓至,廩人獻餼。」是諸侯有 ·釋言》云:「將,送也。」孫炎注云:「行之送 凡諸侯之官,降天子一等。」趙氏兼言 桓公四年《公羊傳》云「三曰充君之 稍 《説文》黉部云❶「菐,瀆菐也。」段氏玉裁《説文解字注》云: 也,非有二義。」趙氏以「亟拜」爲「數拜」,又云「欲使賢者不 猥」猶煩瀆也。《廣雅·釋詁》云"「煩,勞也。」《釋言》云" 「優、裕也。」優裕是不急數,使之亟拜,非所以優裕之矣。 箋云:「優,寬也。」《國語·魯語》云「獨恭不優」,注云: 答以敬、所以優之也」。《毛詩·大雅·瞻卬》「維其優矣」、 繼粟,不煩瀆矣。 爲尊賢。 以下,已説於上篇。 也。」注堯之於舜如是,是王公尊賢之道也。 九男 後舉而加諸上位。 女焉,百官牛羊倉廩備,以養舜於畎畝之中, 「者也」○正義曰:此因養以及舉也。 碨,頓也。」堯之於舜也,使其子九男事之,二女 瀆、業疊韻字。 「百官」即廩人庖人之屬。「牛羊倉廩備」,則 瀆,煩瀆也。 「加之上位 上位, 尊帝位 故曰『王公之尊賢者』 」謂慎徽五典,納于百揆,賓干 **菐如《孟子》書之僕僕。**」「煩 雖能 也。 養,仍必舉之,乃

道也。

侯當亦有之。

禮

本也。 至「道

《爾雅

章指:言知賢之道,舉之爲上,養之

0 「菐」,原誤作「丵」,今從沈校據《説文》改。

疏「堯之」至

肉

刺繆公之不宏」〇正義曰"廷琥按"孔本宏作閎。上陳堯舜之大法,下刺繆公之不宏。疏「下爲次。不舉不養,賢惡肯歸? 是以孟子

萬章曰:「敢問不見諸侯,何義也?」

問諸 致仕,終不可爲庶人矣。閻氏若璩《釋地續》云:「《後漢• 士之家居而未仕者也,可以《孟子》之言證《禮》所云,若去官 罷官之人,與《孟子》言「庶人」未仕之人有别。按:宅者謂 致仕者,去官而居宅,或在國中,或在野。」此宅者指已仕 在野則曰草茅之臣,庶人則曰刺草之臣。]注云:「宅者謂 義曰:《儀禮 爲臣則不敢見之,禮也。疏注「在國」至「之屬也」〇正 未得爲臣。傳、執也。見君之質、執雉之屬也。 在野,野居之人。莽,亦草也。庶,衆也。衆庶之人 也。」注在國謂都邑。 「在國曰市井之臣,在野曰草莽之臣,皆謂庶 侯聘請而夫子不見之,於義何取? 庶 人不傳質爲臣,不敢見於諸侯,禮 • 士相見禮》云:「宅者,在邦則曰市井之臣, 民會於市,故曰「市井之臣」。 孟子曰: 未 而

> 役。 官、皆得執摯見君而爲臣。 君,不爲容,進退走。」賈氏疏云:「此不言民而言庶人,則 「傳贄」。《禮》云:「見於君,執摯至下,容彌蹙。 禮「冬用雉,夏用腒」,執贄請見,❶必由將命者傳之,故謂之 也。」是傳有執義。《音義》云:「質,丁讀如贄。」《士相見》之 聚井汲水,便將貨物於井邊貨賣,故言市井。<br/>」《淮南子·本 可證市井貼在國都言。 父老自稱山谷鄙生,未嘗識郡朝。」郡朝,太守之廳事也。 劉寵傳》: 「拜會稽太守,山民愿朴,乃有白首不入市 注庶人召使給役事則往供事。 執鴈、執鶩而言之也。 庶人在官,即府史胥徒是也。」然則自卿大夫士以至庶人在 經訓》云「野莽白素」,《泰族訓》云「食莽飲水」,注皆云: 人之摯用鶩,趙氏概舉見君之摯,故云「執雉之屬」,括執羔 |莽,草也。」「草莽」猶「草茅」也。 「庶,衆也」、《爾雅·釋詁 《釋名·釋書契》云:「傳,轉也。轉移所在,執以爲信 君欲見之,召之則不往見之。 萬章曰:「庶人召之役則往 張守節曰:「古人未有市及井,若朝 孟子所謂庶人,未在官者也。 君召之見,不肯往 何也?」 庶人見於 井者。 此

<sup>■「</sup>贄」,原作「雉」,今據經解本改。

之力,歲不過三日。」注云:「治宫室、城郭、道渠。」《周禮

以不往也。

以不往也。

以不往也。

以不往也。

子不召師,而況諸侯乎? 爲其賢也,則吾未曰:君以是欲見之也。曰:「爲其多聞也,則天曰:「爲其多聞也,則天

《釋地三續》云:「「事之云乎」豈曰友之云乎」,此外惟《公 邪 ? 聞欲見賢而召之也。注孟子曰:安有召師 休注曰: [云乎,辭也。]按,云乎是辭,則但云[古之人有言 乎可召之? 君,弟子不可友師也? 子思不悦而稱曰:古人曰見賢人當事之,豈云友之 我臣也,何敢與君友也? 之禮而可往見也? 旌,不至,將殺之。志士不忘在溝壑,勇士不 曰事之,豈曰友之」,語意自了。」齊景公田,招虞人以 羊》莊公二十四年《傳》「然則曷用,棗栗云乎,腶脩云乎」,何 不可得也,而況可召與? 注魯繆公欲友子思 也,奚可以 子思之不悦也。豈不曰:『以位,則子君也, 『古之人有言曰事之云乎,豈曰友之云乎?』 千乘之國以 孟子云:子思所以不悦者,豈不謂 與我友? 疏「古之人」至「云乎」○正義曰: 友 士,何如?』子思不悦,曰: 繆公亟見於子思,曰:『古 若子思之意,亦不可友,況 千乘之君求與之友而 以德,則子事我者 臣 閻氏若 不可 召 友 賢

忘 也 喪 注已説於上篇 其 元。 孔子奚 取 焉 ? 取 非 其 招 不 往

雅

畫

H

天子田 冠。 從之。 帛爲旜 冠 冠之上,田獵則以禦塵,亦以禦雨雪。 子何爲而怒乎? 人當 以 此説非是。 田獵之冠也。」薛氏《禮圖》以冠弁即皮弁,又以皮弁即皮冠 竿首者。 也 旂 云:「《周禮 首者」〇正義曰: 以其爲田 而與子革 旃,通帛也,因 大夫 何用也? 若皮冠即弁,則衛獻之不釋皮冠,正自應爾,孫、 獵 不釋皮冠而與之言,二子怒。」孔疏謂「敬大臣宜 ,析羽爲旌。」《爾雅・釋天》云:「注旄首曰 1獵所 服 疏注「皮冠弁 -語, 必 以 養貌,諸侯服皮冠,亦是臆説。」○注 襄十四 司 敢問招虞人何以?」注萬章問 有事,故招虞人以之,而禮 旌 服 非科 然則冠弁者,●禮服之冠,皮冠蓋加于禮 曰:「以皮冠。 《周禮 年《傳》: 》「凡甸冠弁服」,鄭注:「冠弁,委貌,此 章曰旃; 注 頭 孟子曰 也。 也一〇 春官 「衛獻公射鴻於囿、孫、甯二子 可見去皮冠 旂, 正 司常》云:「交龍爲旂,通 招 義 旌有鈴者; E : 禮 庶人以 楚靈 冠中 若是。 周氏 而 狩於州來,去皮 不數 仍 柄 有禮 旃, 「旃 中《辨 旌,注 皮 也。 1旌,有 冠,弁 通」至 冠 士 招 或 去皮 矣。 正 以 虞 鈴 云 旄

> 則建旌 旃招 載旂, 《孟子》解,當據《司常》「大閱」文。 孤卿之所治者也,故招以旃。 之、《巾車》云「木路以田」是也。 卿大夫士及州里庶人。 則繫鈴於干,以旌明旂 言「旌有鈴爲旂」,於《爾雅》增「旌 旄首」言之。 采,繫之於旞旌之上,所謂注旄於竿首也。」是合《爾 是兼《司常》「交龍 色, 士、旃招庶人 析旄又繫鈴也。 之。」趙 旂 》言之也。 無 庶人。」愚按,斿車載旌,斿車者,五路中之木路, 故即以 飾。」郭氏注《 因 ,故即以旌招大夫,此正所謂以所招之人之物,與 章 氏解 Ė 趙氏言「注旄干首爲旌」,於《爾雅》增「干」字, 旃。」 旂招士。 郭氏注 旃 一例也。 鄭 《爾雅》云: 周氏 」言之。 既 氏注 「旂 云「通帛」,又云「因章」, 孤卿可 ,謂旂繫鈴於干猶 顧士未有位,惟諸侯得召之,而侯 柄中《辨正》云: 陳氏《禮書》曰: 司 鄭氏注 「以帛練爲旒,因其文章,不復 常》云: 諸侯建旂、士、君之所禮也、故 招 「縣鈴於竿頭,畫 王正田 庶 字。 一旌 凡大閱治徒役,必 人, 「通 而 獵則 蓋旌則注旄於干, 「毛大可 「孤卿建旃,庶人、 孤 旌 帛 全 注 謂 卿 建大麾,小 兼 載 旄於干, 大 羽析 一蛟龍 《周 赤 旃 i E 禮 從 故 羽皆 於旒。 田 有 雅 此 非 獵 即 田 諸 周 注 旂 乘 車 侯 爲 旂 爾 獵 以 謂 Œ

既

0 冠」, 原誤作「皮」,今據《四書典故辨正》改。

招

注

以貴者之招招賤人,賤人尚不敢往,況以不賢人

篤信 豈敢往 注 緣答虞人以皮冠,遂連類而及庶人士大夫平日之招,以明各 日,即告以田於某所,庶幾虞人芟除其草萊,爲可陣之地 田 我先君田,各招大夫士以其物,又豈可信哉? 皮冠者,諸 柳子厚之所駁,不合《孟子》者三。 『志士不忘在溝壑』二語 此 招 人,虞人死不敢往,以士之招招 有等威。 日 司馬》至期 之須及早。 解 以 獵之冠,故即以皮冠招掌田獵之人。虞人既至,先示以期 年齊侯田於沛是也。 「旄竿首者」,❶孔本竿作「干」。 「質明弊旗、誅後至者。」此豈待招而後至者哉? "「旃以招大夫,弓以招士」,不合《孟子》者二,不引 旂。 《左傳》,亦間以《孟子》較之,則以《孟子》爲據。 《孟子》,何不可焉?」閻氏若璩《釋地三續》云:「余 哉? 據《左傳》而謂四招者皆田制,拘矣。」廷琥按: 斿 立熊虎之旗,于期所以集衆,故曰以 若庶人士大夫、皆「從公于狩」之人。《周禮・大 車載旌,大夫,從斿燕之樂者也,故招以旌。」以 況乎以不賢人之招招賢人乎 《傳》言『招虞人以弓』,不合《孟子》 而撰「守道不如守官」爲仲尼曰,爲 此三者既不可信,則言昔 以大夫之招 庶人,庶人 旗致民。 如昭二 招 孟子 虞 招 趙 又 侯 既

通也。」 道也。 直道。 之篇。 門也。 路也 實砥之本字,故《禹貢》「底柱析城」、《漢書》「厎礪其節」、「厎 文作砥 砥言周道則其直亦周道也,如矢言其直則如砥言其平,互 君子 之招招賢人乎? 不賢之招,不以禮也。 大東》第一章。 猶閉禮 而 禹貢》曰「礦砥砮丹」,以砥 不 以 所履,小人所視。』」注 翟氏灝《考異》云:「《説文》厂部:「底,柔石也。」重 並 底,平,矢,直,視,比也。 小人比而則之。 也。 疏注「詩小」至「道也」〇正 禮,門也。 注欲人之人而閉其門,可 其道,猶欲其 職雉切。 《詩》云:『周 底、《詩》作砥。 广部"「底,山居也,下 惟君子 以 人而 石 孔氏正義云: 喻 能磨物使平。 道 虞 能 閉 義 如 人能 (詩》,《小雅 之門 由 得而 周道平直,君子履 曰:《詩》在 底,其直 是路,出 效 也。 「砥謂礪之石。 君子 入乎? 也。 矢 欲見賢人 都 則幹必直 禮切。」 大東 尒小 守死 一如矢。 夫義 閉門 善 厎 相

●「注」,經解本作「氏」。

名號」,皆以底爲砥。

今坊刻經文多上

加點,與底下字無

道。 君子。 别 君命 不偏。 瓜、 官 是路,「小人所視」證虞人之非其招不往。 則,故既以「比」釋「視」,又以「則」、「效」解之。 「守死善道」, 公之田視公侯」、《雜記》云「妻視叔父母姑姊妹」,注並云: 諸侯也。 召之則不往見之也; 君子履此道,故君子由是路,出入是門也。 路,禮之爲門,禮義即道也。 人視其平直而供承之。 周道 論語 視猶比也。」《廣雅 則孔 職 讀 小人視此道,故以大夫之招招虞人,虞人死不敢往也, 也。 並 者遂誤音如邸。 」謂周家貢賦賞罰之道,「如砥」言其均平,「如矢」言其 ·述而》篇文。 而 然則孟子引《詩》以 「君子所履」謂君 從氏聲 子非 萬章 以其官召之也。」注孟子曰: 孔子所以 孔子爲之,非與? 與?」注俟,待也。 義異 曰:「孔子君命召,不俟駕 •釋詁》云:「視,效也。」效即法,法即 小人視之,故庶人不傳質爲臣,不敢見 趙氏以引《詩》「君子所履」證君子之由 而 並《詩》之砥字或亦誤爲邸音。」按: 所履所視皆謂周道,非謂小人比 子效法而履行之,「小人所視」 音則通。 「周道如底,其直如矢」證義之爲 不獨君子履此道,小人亦視此 《禮記 曰 : 孔子不 「孔子當仕 按"《毛詩》本意 王制》云「天子三 抑君子履之,故 ·待駕 而 調 而 , 有 行。 應 效 小

之」也。 辭? 其爲庶人,若君欲見之而召之,方勤丘園之賁,豈效汶上之 往見者,爲其無因而妄干耳。 魯,乃本國之君,即不當仕有官職,本有可召之義。 於孔子事君之正,固未盡發。 可召見之。 倒衣裳而朝,其促遽以應召一也。 促遽,顛倒衣裳。」趙氏引此 事以位别,名以事起,司某事則以某官爲名,故 云: 宰》「禄位以馭其士」是也。 之。」不謂賢人無 之, 豈得 君非其君,孟子又仕而不受禄,可以不應其召。 注云:「職,事也。」官、職義皆爲事,故云「位有官職之事」。 不待駕者,孔子當仕位,有官職之事,君以其官 見也」〇正義曰: 「官猶事也。」《淮南子・俶真訓》云「大夫安其職」,高誘 吾知孔子必不爲已甚也,即孟子亦不爲已甚也。」 引《詩》者、《齊風・東方未明》之篇。 不顛 趙氏佑《温 倒? 仕於朝則有爵次之位、《周禮· 位 故録》云:「此言亦孟子權以答問,而 而 ^ 詩》云: 君欲召 《禮記・樂記》云「樂之官也 謂孔子不俟駕 是以庶人不傳贄爲臣,所以 何也? 無位則無官職之事,故 見 「顛之倒之,自 也。 孟子之不見諸侯, 而朝, 疏注「孔子」至 箋云: 「君以官 若孔子 猶 天官 所惡 齊 「羣臣 L名 召 臣 名召 · 大 召 循 乎 仕 皆 注 不 顛

章指: 言君子之志, 志於行道, 不得

被髮佯狂。』《論語 被髮爲狂。」東方朔《非 輿,楚狂接輿也。 狂 後 其禮,亦不苟往。 狂 就 也。」《史記 九章•涉江》云「接輿髡首兮桑扈贏行」,注云: 豈 湯;道之未 可 見乎? 髡,剔 ・微子》篇云「楚狂接輿歌而過孔子」, 范睢傳》云:「箕子、接興,漆身爲厲, 有先生論》云: 洽,沮、溺 也。 疏 於禮之可,伊尹三 「接輿佯 首,頭也。 狂」〇正 耦 「接輿避世,箕子 自刑身體,避世 耕, 義 接 日 輿 聘 「接 《楚 佯 而

國,國 推之「鄉一鄉之善者」亦是「鄉 監 氏以一國之善士爲國中之善者,而以 相 之善士斯友天下之善士。 之善士, 、毛三本則作「國 友,自爲疇匹也。 孟 中之善者,天下,四海之内 子 謂 國之善士斯 萬 章 一國之善者」,此誤「國中」爲「一國 日 疏注 :「一鄉之善士斯友一 鄉 鄉中之善者」,以「鄉中」解 友一國之善士,天下 一」至「匹也」〇正義曰: 注鄉,一鄉之善者, 「國中」解「國」字,閩、 也。 各以大小來 也。 鄉 趙

善道。 疏注「好善」至「人也」○正義曰: 之世爲次,在三王之世爲下。 下,故論其世以别之也。 是尚友也。」在好善者以天下之善士爲未足 讀其《書》,不知其 之善士爲未足,又尚論古之人。頌其《詩》, 國則友一國,在天下則友天下。 自爲疇匹」,謂一鄉之善士與一鄉之善士友,一 鄉」字,猶以 天下」爲「四海之内」。 詩》歌頌之,故曰 國之善士友,天下之善士與天下之善士友。 尚,上也。 「國中」解「國」字也。 頌。 乃復上論古之人。 蓋取善無窮,在 人可乎? 讀 其《書》,猶 在三皇之世爲上,在 趙氏謂「各以大小來相友」 是爲好 鄉爲鄉中、國爲國 「以友天下之善士爲未 是以 一鄉則 恐 上友之人也。 未知 頌其《詩》, 論 以友天下 國之善士與 友 其 鄉,在 古 世 中,故 五 人 極 也 帝 高 其

《集解

》引孔曰:

「接輿,楚人也。

佯狂

而來歌。」

善士也,同在今世之天下,乃知今世天下之善士也。若生同在一鄉,乃知此一鄉之善士也,同在一國,乃知此一國之一鄉斯友一鄉,惟一國斯友一國,惟天下斯友天下,何也?國未足則進而友天下,友天下猶未足,則進而友古人也。惟足」,因而上友古人,此互明友一鄉未足則進而友一國,友一

皆

皆

漢儒注 爲吏。 古通 注 : 今世 世 子子嫁者未嫁者」,是也。 公讀秦楚之際」,❸曰「余讀《諜記》」,曰「太史公讀《春秋曆 義 其義藴至於無窮,是之謂讀。 誦 則非直背文,又爲吟咏以聲節之。《周禮》經注析言之,諷 讀 詩 禮 儀 「余讀高祖侯功臣」,曰「太史公讀列 庸 詩 是二, [諜》],母曰「太史公讀《秦記》」,皆謂紬繹其 而爲之也。 屈風》傳 禮》注「舊讀昆弟在下」,「舊讀合大夫之妾爲君之庶子女 籀書也。 乃可以今世 》、讀其《書》而 用。 「倍文曰諷,以聲節之曰誦。」倍同背,謂不 春官・ 而 段氏 經斷其章句爲讀,如《周 諷謂背其文,籀謂能繹其義。 上 《史記》「紬史記石室金匱之書」,字亦作紬,❶抽繹 日 許統言之,諷、 友古人, 玉 大師》注云:「頌之言誦也。」「頌其詩」 《大司樂》「以 「讀,抽 裁 尉律學僮十七已上始試,諷籀書九千字乃得 而知古人之善也。 《説 論其 則 文解字注》云:「諷, 不 也。」《方言》曰:『抽,讀 世。 同 誦是一也。 擬其音曰讀,凡言『讀如』、『讀若』 世 樂語教國子,興 惟 何 故卜筮之辭曰籀 以 頌 禮 其《詩》、讀其《書》而 知 注 上下兩節互明 ,封,❷至便侯」,曰『太史 其人之善? 竹 「鄭司 太史公作《史記》,曰 部:「籀,讀書也。」 誦 農 道 也。 事以 也。」蓋 謂抽繹 諷 讀火絶之」, 開讀 如此。 誦 故 誦 作表 即 言 必 也; 籀、抽 諷 「誦其 語し, 《易》 頌 論 《周 也 也 誦 其 其

> 博士讀爲厥亂勸寧王之德」,是也。 以論古之法也。 上友古人。孟子學孔子之時,得堯舜通變神化之用,故示 有所當。 語當有成文,其即上古、中古、下古之謂邪? 録》云:「「三皇之世爲上,五帝之世爲次,三王之世爲下」三 讀而讀之義不止于諷誦。 「讀賵」、「讀書」、《左傳》「公讀其書」,皆是也。 書》」,似頌《詩》不必論世。《大戴記》衛將軍文子問於子貢 書》,固不必遠追書契以前。」按:古人各生 孟子》云『誦其詩,讀其書』,則互文見義也。」 是也。 是 也。 惟論其世,乃不執泥其言,亦不鄙棄其言,斯爲 人所誦習曰 易其字以釋其義曰讀,凡言「讀爲」「讀曰」「當爲」, 趙氏先解 讀,如《禮記》注云「周田觀文王之德 諷誦止得其文詞,讀 「頌其《詩》」而以 諷 誦 亦 爲讀 論世屬之「讀 趙氏 時,則其言各 乃得其 然經言《詩 諷 誦 如《禮》言 佑 亦 義 温 可 藴 其 人 能 故 云

作

4

曆」,原脱,今從沈校據《說文解字注》及《史記》補

<sup>0</sup> 抽。 紬」據上下文意及《史記 索 隱》引 如 淳 語, 疑 當

<sup>8</sup> 0 改。 封」原誤 日」,原無, 作「侯」,今從沈校據《說文解字注 今從沈校據《說 文解 字 注》補 》及《史記

下耳。 兼承 日: 云: 詩》,世奠繫。」」然則《詩》《書》俱宜論世。 「吾聞夫子之施教也、先以《詩 「《詩》世者 頌其《詩》」「讀其《書》」,而先解頌字,繋「頌 ,誦其《詩》,論 其世 》世。」孔氏廣森《補 也。 《周禮》 趙氏蓋亦以 ě 《詩 「諷 論 注》 誦 世

如己者。」高山仰止,景行行止。有倫,樂其崇茂。是以仲尼曰:「毋友不有倫,樂其崇茂。是以仲尼曰:「毋友不

子曰: 過 貴 也? 卿以賢而任,故云「有德,命爲三卿」也。 正義曰: 之卿,謂有德,命爲三卿也。 曰:「不同。 則 (戚之卿。」注問貴戚之卿 諫,反覆之而不聽,則易位。」推孟子曰 上注王問 齊宣 卿 貴戚之卿以親而 不同。 E 有貴戚之卿,有異姓之卿。」注孟 問 何 貴戚之卿,謂内 卿 卿。 也? 任,故 孟 了 王 如 云「内外親族」也,異姓之 曰 : 曰 : 疏注「貴戚」至「卿也」○ 何? 外親 卿 ¬ 王 Ŧ 曰:「君有大 族 不同 何 曰: 「請 也 卿 ."乎? 之 異姓 問 問

者何? 日: 貴戚之卿,反覆諫君,君不聽,則易君之位,更立 若言有罪放之也。 注 戚之賢者。 契》曰:三諫待放,復三年,盡 之,非也; 從,去而待放,遂不聽之,則去而 覆之而不聽,則去。」注孟子言異姓之卿,諫 復問異姓之卿如之何也。 色定,然後請問異姓之卿。 曰:王勿怪 勿異也。 方諫,餘則有異姓卿在也。 「《公羊》宣元年「晉放其大夫胥甲父于衛」,《傳》云:「放之 諫君」至「國也」〇正義曰:周氏廣業《孟子古注考》云: 王聞此言,愠怒而驚 孔本作「立 猶云無去是云爾。古者大夫已去,三年待放。 大夫待放,正也。」《白虎通·諫静》篇:「《援 也。 王問臣,臣不敢不以正對。」注 疏[君有大過則諫]○正義曰 親 所諫事已行者,遂去不留。 王問臣,臣 戚之貴者」,非。 懼,故勃然變色。 ○注「更立親戚之賢者」○ 惓惓也。 曰:「君有過 不敢 注王意解 不以其正 王 之他 言放者,臣爲 勃 然 國 貴戚必待大過 凡待放,冀君 變乎 也 義 則諫,反 ,顔色定 日: 君 疏 孟 君放 君 色。 正義 三 王 諱  $\pm$ 子 親 不 神 注

用其言耳。

事已行,菑咎將至,無爲留之也。

臣

待

放於郊

義

他國」。 年 則還 君見放乃去也。 玦,不謂「待歸」而謂「待放」者,既已在竟,不敢必還,言惟 閏,天道一變,因天道變,望君自改也。」然在竟未去,聽君 待放也,若士不待放。」」又云:「所以待放必三年者,三年 正 則合,無義則離。」又云:「大夫士去國,踰竟爲壇位。」孔 不顯諫,三諫而不聽則逃之。」注云:「逃,去也。 放,得環則還,得玦則去。」《禮記 郊未絶者。」賈氏疏云: 禮 箋:「三諫不從,待放而去。」與此趙 君不絕其禄者,示不欲其去也。」鄭康成《詩 環。」注云:「古者臣有罪,待放于境,三年不敢去。 義云:「此大夫士三諫而不從,出在境上。 ,聽於君命,若與環則還,與玦便去。《隱義》云:「去國 喪服》「舊君」,注云: 與之玦則絕,皆所以見意也。」 《荀子·大略》篇云:「召人以瑗,絶人以玦,反絶以 此云「遂不聽之」者,謂賜玦也,故 「此以道去君,據三諫不從,在境 「以道去君,謂三諫不從,待放於 曲禮》云:「爲人臣 注俱用 ・檜風・ 此事。」按: 大夫則待放三 君臣 「去而 與之環 羔裘》 之禮 有 之 待 環 當 氏 義 待 儀 孟

出

云「成湯立賢無方」也。 戚,或遭 章 指: 殃 言國須賢臣,必 禍。 伊 發 有莘,爲 疏「或遭殃禍」○正 擇 忠良, 殷 興道 親 近

故

0 0

疏,

全書他章引文,當作「考」。

句

疏

殃」,與 異姓爲卿,三諫而去,無易位之禍也。 之意謂以貴戚爲卿,致于易位,是爲禍殃,不若任賢以 絕書》:「殷湯臣伊尹,伐夏放桀而 湯興其王道也。」」周氏廣業《孟子章指疏證》云:❷「《越 義》云:「丁云:「言伊尹有莘之媵臣,發起于草萊,爲殷 「伊尹爲有莘氏媵臣,以滋味説湯,致于王道。」按,趙氏 自草萊,有益於國,良于親近貴戚 周氏廣業《孟子章句 韻協。」○「伊發有莘爲殷興道」○正 疏 證》云: 也。」 王道 引伊尹者,言異姓 興蹤。』《史記 義 義 E. 令作 《音 一禍

姪 廷 琮 廷 弼 校字

子正義卷二十一終 據全 書他章引文,當作「指考」。

## 孟子正義卷二十二

江都縣鄉貢士焦循譔集

## 孟子卷第十一

子之問,故以題篇。 子,男子之通稱也。名不害,兼治儒墨之道者。 告子章句上凡二十章。 注告子者,告,姓也, 者。」毛氏奇齡亦以趙氏爲錯。 孫丑》之告子及以《告子》題篇者自各一人。趙氏偶於 璩《釋地又續》云:「浩生,複氏,不害,其名。 曰:趙氏以告子名不害,蓋以爲即浩生不害也。閻氏若 嘗學於孟子,而不能純徹性命之理。《論語》曰 「子罕言命」,謂性命之難言也。 (告子》篇誤注曰名不害,且臆度其嘗學於孟子執弟子問 疏注「告子」至「題篇」〇正 胡氏煦《篝燈約旨》云: 以告子能執 與見《公 弟 義

也。 之説也。得戕賊之喻,知非矯揉矣,則性中有善可知矣。 其立言之敘: 其始杞柳之喻,疑性善爲矯揉,此即性僞 他人屢易其説者也? 屢易其説,則請益之辭也。今觀 不既曉然於性善之旨乎? 今人謂《告子》諸章皆告子之 煩瑣,又且由淺入深,屢易其辭,安知最後無復有言? 之説,皆各執一見,終身不易。 子「仁内義外」之言遠本管子而近受自墨子。《墨子·公 亦不相爲内外。其爲仁内也義外也,舉愛與所利也。」告 經下》篇:「仁義之爲内外也,愛利不相爲内外,所愛利 耳,求寢食不忘,諄諄性學如告子者,幾無人矣。告子之 其確而切、美且備也。今知讀書窮理,以文章取功名止 「仁内而義外」。及得耆炙之喻,然後知性中之善,如是 此即佛氏之見也。得犬牛之喻,知性本善矣。 然又疑性中兼有善惡,而爲湍水之喻,此即善惡混之説 言,其言固屢易其説矣,安有自謂知性,曾無定論,猶向 孟》篇:「二三子曰:告子言義而行甚惡,請棄之。墨子 云:「《管子·戒》篇:「「仁從中出,義由外作。」《墨子· 未可量也,顧乃以孟子爲闢告子,何邪?」翟氏灝《考異》 一告子,孟子之弟子也。後來荀楊如性惡、禮僞、善惡混 得搏激之説,知性本無惡矣。 而告子則往復辨論,不憚 則又疑「生之謂性」 則又疑

教於墨之實驗。趙氏云「告子兼治儒墨」,非僅泛度曰:不可。告子言談甚辨,言仁義而不吾毀。」又告子受

爲言。

或曰: 仁義。 也。 此櫸樹 録》云: 人力以之也,以喻人性本非仁義,其爲仁義也,有人力以之 器,故趙氏以 杞柳,柜柳也,一曰:杞,木名也。 爲人性爲才幹,義爲成器,猶以杞柳之木爲桮棬也。 以 十尺,合二三人抱。 今人呼爲櫸 曰:杞柳,植物,有枝幹,故趙氏以「人性爲才幹」, 桮棬是 有杞。」❶桮棬,桮素也。 人性爲仁義,猶以 非人力則杞柳不可以爲桮棬,非人力則人性不可以爲 柳當爲柳、柜柳以柳、皮可煑作飲。」陶隱居《本草别 《爾雅·釋木》云:「援, 柜柳。」郭氏注云:「未詳。 告子曰:「性猶 即 「櫸樹削取裹皮,去上甲,煎服之,夏日作飲,去熱。」 柜 柳。 柳,柜 「義爲成器」。 葉 即櫸也。 謂柳 湖南北甚多,然亦不材也,不堪爲器,用 非 柳 杞 杞柳本非桮楼,其爲桮棬也,有 寇宗奭《本草衍義》云:「櫸木, 杞柳爲桮棬。」注告子以 疏注「告子」至「素也」○正 謂 柳也,義猶 槐非 槐 《詩》云:「北 本 最大者 桮 棬 高 也。 五 Ш 六 義

> 記・ 《士喪禮》、《周禮·桑人》皆云『獻素獻成』,注云: 『形法定 玉。 爲素,飾治畢爲成。」是也。」蓋桮醆之類,飾以彫漆 邢氏疏云: 以爲桮器素。」《詩正義》引某氏云:「可作桮圈。」 圈即 别之與? 「狗骨即今絲棉樹。」按:絲棉樹與柜柳固殊,此趙氏所以分 三章。 「一曰木名」,引《詩》以證之者。 柳亦是木名,毛傳以「樹杞」之杞爲木名,正指杞柳。 氏以杞柳爲柜柳也。 嫩枝取以緣栲栳與箕唇。」緣栲栳箕唇即爲桮棬之類, 爲,謂巵匜之屬。」已可用 木素也。 旁,樹如柳,葉粗而白色,木理微赤,故今人以爲車轂。」是杞 云:「其樹如樗,一名狗骨。」陳氏大章《詩名物集覽》云: 「杞,木名也。」陸 玉藻》云「母 未飾未彫之先,以杞柳等木爲之質,故 傳不釋何物,即指樹杞也,而《釋文》引《草木 素猶質也。 栖素者、<br />
> 爾雅・釋木》「<br />
> 穫落」、<br />
> 郭氏注亦云: 「素謂樸也。」段氏玉裁《説文解字注》云"「樸 殁 璣《毛詩草木疏》云:「杞,柳屬 而桮 《毛詩‧鄭風》「無折我樹杞」,傳云: 以木爲質,未彫 卷 爲飲,則非未成之樸矣。《方言 不 能 詩在《小雅· 飲焉」,注 飾, 云: 如 八爲素 南山 瓦器之坯 圏 也。 也。 有臺》第 , 屈 ,華以金 趙 疏 木所 氏言 生水 故趙 》則 禮 可

<sup>● 「</sup>北」,沈校:《毛詩・小雅・南山有臺》作「南」。

也。」趙氏引命

春秋傳

宣十八年「邾

也。」故《章

指

×

殘木爲器,變

義,非變通

轉運之謂。

蓋人性

以己之心通

《吕氏春秋·

孟春紀》「無

變天 矯戾

聲。

「轉木」謂

病。」嵇

康《與

Ш

巨

婦人雜

病

《方言》云:「軫、

而

戕

舟發梁」是也。

桮

棬

器生於工人之僞,非故生於木之性 塐,柸與坯,惟以木作土爲别,字體、音義則並同 不傷其性而成桮棬乎? 非故生於人之性也。」又曰: 【櫽栝之生於枸木也,繩墨之起 故,以生禮義而起法度。 繋傳》曰:「村即《孟子》所謂桮棬也。」以柸作杯,殊失趙氏 「杯、盤盎盆盞之總名也。」蓋桮爲總名,其未彫未 將戕賊杞柳而後以 立君上,明禮 言必殘賊 「趙氏訓桮棬爲桮素,孫氏音桮爲柸,蓋素與 也。」《大戴 「子能順 | | | | | 人戕繒子 栖器之不彫不飾者即通名爲棬 「《荀子·性惡》篇:『工人斲木而成器 彼 》者,襄二十八年《左傳》云「陳無宇濟水 注亦云:「戕,殘落也。」《易 也。 、戕 然則禮義法度者是生於聖人之僞 義、爲性惡也。」皆與告子此説 記 于繒」、《穀梁傳》云: 疏注 舟 杞柳之性 將斧斤殘賊之,乃可以 曾子事父母》篇: 發梁。」子能 爲桮棬也? 「戕猶」至「賊 也。 聖 而 人積 以 順 也」〇 思 也。 完杞 爲桮棬 也。 注

批

猶 戕 慮 盧 《説文 豐 習僞 翟氏 飾 猶 Œ 辩 柳, 對 爲 殘 義 Œ 時 注 賊之。 所以有仁義者,正以其能變通,異乎物之性也。 其木、「轉性 即軫,義皆爲戾。 也。 也。 而後成」,變亦謂矯戾,與轉同 之道」,高誘注 戾也。」郭璞注云:「相了戾也。」《廣雅》以轉戾釋軫軳,是轉 源絶交書》云「令胞中略轉」,略轉猶了戾。 篇云"「轉胞不得溺,以胞系了戾,故致此 夫!」注以告子轉性以爲仁義若轉木以成器,必 **戕賊人以爲仁義與?** 義與傷同。 也」,高誘注云:「全猶順也。」是「完」即 以 豈可復殘傷 部云: 云「自藏也」、《釋文》引鄭氏注作戕,云: 傷 ・施注「以告」至「之言」○正義曰:《金匱・ 率天下之人而 」明之。 故言率人以禍仁義者,必子之言。 「完,全也。」《吕氏春秋·本生》篇「以全天爲故者 」謂矯戾其性矣。 如將戕 其形 傷殘則 云 了與戾一聲, 軫與轉一 「變猶戾 體 不能完全,故以 賊杞 乃

訓素本意。」又云:

成

仁

義邪?

明

不

可

比

桮

注孟子言以人身爲仁義,

柳

加 以

爲桮

棬

則

亦

將

「順」也。

賊,害

也

「順」爲「完」。

《説文》

戕,傷也。」故

禍仁義者,必子之言

灝《考異》云: 名其質爲棬

因

而

云 :

桮

其 通

語

乎?

同。」孟子曰:

於不直也。

殘

也。

《春秋

傳

五九九

夫, 歎辭

残

性 注云: 故順 由於能 乎人之心,則仁也; 不肖皆有爲立事之後所分别之品行,而智愚則據性之所發 爾。 詁 也。 體不在性,性不可變也,人爲仁義,在性不在形體,性能 也。人有所知,異於草木,且人有所知而能變通,異乎禽獸, 之性可戕賊之以爲桮棬,不可順之爲仁義,何也? 將人之性亦不善矣。 **豈可以草木之性比人之性?** 而言也。 熙《釋名·釋言語 爲仁義,仍其人自知之,自悟之,非他人力所能 人之性但順之即爲仁義。 戕賊人以爲仁義」也。 便與孩提 \*\\ \times \\ \t 後説上智下愚,不説賢不肖,原指天資明昧而言。 以人力轉戾杞柳爲桮棬,杞柳不知也, 其能變通者而變通之,即能仁義也。 胡氏煦《篝燈約旨》云: 「率、奉順也。」《孟子》所謂 變通。 「率,循 較進矣,老年知識便與壯年較進矣。 初生便 人能 也。」故 》云:「順,循也。 變通 解 知其不宜,變而之乎宜,則 此所以禍仁義而孟子所以辨也。 飲 《周書・大匡》云「州諸 比人性於草木之性,草木之性不善, 乳 故 故不曰 便解視聽,此 性善; 「性相近云者,第如云不遠 杞柳之性必戕賊之以爲桮倦 「戕賊 順性 物不能變通,故 循其理 」即《中 良 性以爲仁義 杞柳爲桮棬,在 知 也。」《爾雅 以 也 侯咸率」,孔晁 脱轉戾 義也。 庸》所云「率 教化順 同焉此人, 然壯年 性 也。 無 不 杞柳 蓋賢 所知 而 人性 善, 釋 知 云 劉 變 形 H 義

> 字,與《論語》「有是夫」、「善夫」等句同,故知爲歎辭 者,非其本性然也。」〇注「夫歎辭也」〇正義曰: 句 昧,因習而殊,亦較然矣。 路端在學習,有以變化之耳, 讀書,一 用 心, 不用 不讀 心,其 書 其 知識 知識 聖人言此,所以指明學者達天,徑 明 多寡 又以見習染之汙,溺 昧又大相懸絶矣; 又大相 懸絶 同 則 而不 馬受業 末 明之與 用夫 知返

也。疏「順夫自然」〇正義曰:孔本作「順天」。仁外義,違人之端。孟子拂之,不假以言爲器,變而後成。告子道偏,見有不純,内爲器,變而後成。告子道偏,見有不純,內

人性之無分善不善,則不取其急,故趙氏以 日: 化,無本善不善之性也。 湍湍瀠水也。 也,猶水之無分於 流,決諸西方則西流。 《説文》水部 告子曰:「性猶湍 告子以喻人性若是水也,善惡 云 湍 東 急 西 瀬也。」急則 疏注「湍者」至「性也」○ 人性之無分於善不 也。二淮 水也,決諸 有 湍 所分 買 者, 東方 訓之。 睘 隨 也 子 則 物 以 Œ 善 謂 東 廣 而 喻 義

乎? 哉? 則惡也。 然也。』《淮南子・精神訓 買 雅 性 過 顓 與 書 而 亦 孟 回貌。」按: 體告子之意以爲訓,精矣。《毛詩・周南》「葛藟縈之」,傳 不善,水無有不下。 云:「縈,旋也。」《音義》云:「瀠,字書作濴,❶余傾切,波勢 八專同。 以盛 往 》圜 猶 顙 子 也 賈捐之傳》云「顓顓獨居一海之中」, 顔師古注云: 也; 而 "激而行之,可使在 是也。」注孟子曰:水誠無分於東西,故決之 曰:「水信無分於東 一穀也。」 圌 其勢則然也。 人性之善也,猶水之就下也。 有 惟水流回淀,故無分東西,此以無上下者而言,趙 乃人性有上智下愚之不移,則不得謂隨物 專專,圓貌也。」趙氏讀 皆 水豈無分於上下乎? 善,猶水欲下也。 瀠即縈也。 訓 圓。 劉熙《釋名・釋宮室》云: 圌通作篅。《説文》竹部云:「篅以判 「隨物而化」謂習於善則善,習於惡 》高誘注云:「篅讀顓頊之顓。」《漢 今夫水,搏 人之可使爲不善,其性 所以知人皆有善性,似 「湍」爲「圌」、「湍湍」猶 Щ 西,無分 水性但欲下耳。 「圖以草作之,團 是豈水之 而躍之, 於上 人 而化 無 可 「顓 竹, 性 也。 有 下 使 人 顓 氏 專 0

水無 性 則判若天淵。 善,而人性之善明矣。 之勢所誘迫耳,猶是水也。 杞柳爲桮棬也,不順也。 由決而成也、皆順也。 以水無分於東西比人性無分於善不善,是以人之善不善皆 人之善由戕賊而成也,不順也。 超騰其水,義亦可通。 丁作「摶」,音團。」《通俗文》云:「摶黍爲手團。」蓋掬其掌以 字釋「搏」字。《音義》云:「搏,張補各切,云:「以手擊水。」 齊謂之顙。」是「顙」即「頟」也。 注「躍跳」至「善也」〇正義曰:《説文》足部云:「跳,蹶 可 兩章互相發明。 曰躍也。」是「躍」爲「跳」也。《方言》云:「中夏謂之領,東 也。 使 過 有不下者也。 人之可使爲不善,非順其 顙;激之,可令上山。 決東決西本不足以比人性之善不善。 搏而躍之使過顙,激而行之使在山 躍,跳,類,額也。 以杞柳爲桮棬比以人性爲仁義,是以 且水之東西無分優劣,而人之善不善 孟子則明示以不順其性乃爲不善。 順其性則善,不順其性則可使爲不 趙氏言「人以手跳水」、「手」 言其本性非不善也。 孟子則明示以順其性爲善。 皆迫於勢耳,非水之 性 也,亦妄爲 人以手跳水, 猶 決東則 利 戕 也 疏 欲 賊

❶ 「濴」,原誤作「瀠」,今據文義及《廣韻》改。

知順其性爲善矣,又並以順其性爲不善,云杞柳云湍水,皆云「人無有不善,水無有不下」。告子始以不順其性爲善,既東流,東必下,決西則西流,西必下,此但可喻人性之善,故

儗不於倫也

曲,邪 激 自然,故爲「曲拂」也 方以無拂」,箋云:「拂猶佹也。 於「正」,故上言「素真」,下言「正性」。《詩・皇矣》篇「四 子·精神訓》云:「所謂真人者,性合於道也。」趙氏言 曰:《莊子·刻意》篇云:「能體純素,謂之真人。」《淮南 隨曲拂者爲小人也。 素真」,郭象所謂「不假於物而自然者」也。「真」之義同 躍,失其素真。是以守正性者爲君子, 也。 章指: 言人之欲善,猶水好下, 迫勢 邪則不正, 佹戾則非 疏「失其」至「人也」○正義 白然。 言無復佹戾文王者。」 搏躍過顙,非水之

同 如其生之自然之資,謂之性。」《白虎通•性情》篇云:「性 生之所以然者,謂之性。」《春秋繁露・ 性。 告子曰:「生之謂性。」注凡物生同類者皆 疏 「生之謂 性」〇 Œ 義 日: 《荀子 深察名號》篇云: 正 名 》篇 굸

> 故「生之謂性」 者, 蓋探孟子之指而言之,非告子意也 類,牛與牛同類。 同類者」謂人與人同類,物與物同類,物之中則犬與犬同 心部云:「性,人之陽氣,性善者也。 生也。」《論衡 也。 人與物不同類,則人與物之性不同 初稟》篇云:「性,生而然者也。」《 ○注「凡物」至「同性」○正 从心,生聲。」性從生 義曰:「物生 説 趙氏 文》

子,子以三白之性同邪? 瑕而後辨。 不同,是性之不同亦如三白之不同也。 告子以爲三白之性同。」與趙氏此注同。 性」,未見其非,若如趙氏説,凡同類者性同,則不同 輕,白雪之性消,白玉之性堅。 性輕,雪性消,玉性堅。 白,白雪之白猶白玉之白與?」注孟子以爲 與?」注猶見白物皆謂之同白,無異性 義曰:《文選·雪賦》注引劉熙注云:「孟子以爲白羽之性 「然。」注告子曰:然。 「白羽之白也,猶白雪之 孟子曰:「生之謂性 曰 : 「然。」注告子曰: 雖 雖俱白,其性不同。 疏注「孟子」至「同 俱白 也,猶白之謂白 · 其 故孟子先詰之,得其 告子但言「生之謂 然。 性 不 也 誠 · 同。 ? 以 問告子, 邪」〇正 類者性 日 爲 問 司 告 羽

非

能

惡,此欲也 爲仁恕之本。「人生而静」,首出人字,明其異乎禽獸。 施於人」、「己欲立而立人、己欲達而達人」、正以所欲所不欲 惡形焉。」人欲即人情,與世相通,全是此情。「己所不欲,勿 已無待言,此章 分於善不善」,性上明標以人,故孟子必辨之曰:「人性之善 此章明辨人物之性不同。 性與?」注孟子言犬之性豈與牛同所欲,牛之性豈 上感物而爲欲也。 者,未感於物也。 静,天之性也,感於物而動,性之欲也。 性無有不善」而曰「人無有不善」。 不知食,不知好 知音,一 ,猶水之就下也。」「性」上亦必明標以「人」,人性之異乎物 人同所欲乎? 言則性 「然則犬之性猶牛之性,牛之性猶人之 知不能又知。 ,即出於性。 有善有不善,專以人言則無不善,故首章不 ·則明 精而惡 性已賦之,是天賦之也。 「知知」者,人能知 辨 疏注「孟子」至「欲乎」〇正 之也。 欲即好惡也。 故非不知色,不知好妍而惡醜 疏 人之性善,物之性不善。 也 《禮記・樂記》云:「人生 非不知臭,不知好香而惡腐 惟告子亦云「人性之無 而又知。 「物至知 物至知知,然後 感於物 禽獸知聲不 知」二句 義曰: 蓋渾人 而 孟子 也; 有 申 好 静 好 而 日 不同。

也

物

而

與

也。

也; 於禽獸之欲,即人之性異於禽獸之性。 雜糅萬變,是以及其流形,不特品物不同 其故而已矣。 所全之德,咸以是爲其本,故《易》曰 『成之者性也』。 心知,品物區以別焉。 氏震《孟子字義疏證》云:「性者,分於陰陽五行以爲血 天命言性,遺却氣質,與孔子言「相近」者異,豈其然乎?」戴 五行之全而謂之善,則孟子論性已兼氣質矣。 行之秀氣,孔子所謂「天地之性人爲貴」也。 謂性善者,惟指人性爲説。 異於犬牛,又言犬馬與我不同類,又言違禽獸不遠,可見 藏稿・自記》云:「孟子所謂性善者,人性也。 牛之性,牛之性猶人之性,當如告子之言。」」李氏光地《榕村 子道性善,亦第謂人而已。 物之所得而擬哉? 號静春,其自爲論云:「惟人受天地之中以生,故謂之性,豈 深能知性者矣。 人生物以後,各以類滋生久矣,然類之區別,千古如是 非不知聲,不知好清 凡分形氣於父母,即爲分於陰陽五行,人物以類 在氣化曰陰陽,曰五行,而陰陽五行之成化 葉紹翁《四朝聞見録》云:「劉黻,字季文 凡混人物而爲一者,必非識性者也。 舉凡既生以後所有之事,所具之能 而 惡濁也。 假如或兼人物而言,則犬之性 人性所以善,以其陰陽之交,五 惟人知知,故人之欲異 趙氏以 雖 夫以其稟陰 欲 類之中又復 謂 故既言人性 孟子 明 氣化 也,循 ′′性」, 專 氣 所 孟 也

蟲 其

殊,則 也; 之謂性。」分於道者 生,皆氣化之自然。 知覺爲大。 云者,如 傷 外 氣之自然潛運,飛潛動植皆同,此生生之機肖乎天地者 不已,天地之氣化也。 則 相 相 各成其性 於始,有偏全、厚薄、清濁、昏明之不齊,各隨所分而形於 天,故曰『天命』。《大戴禮記》曰:「分於道之謂命,形 而其本受之氣與所資以養之氣則不同。 齊,是以成性各殊。 言之也。 「性相近也」,此就人與人近言之也。 而入,大致以本受之氣召之。 ·犬之性猶牛之性,牛之性猶人之性與?」明乎其不可 似,則異類之不相似明矣。 似也,何獨至於人而疑之? 凡 以其形質之動而爲百體之用者 ]則死,此可知性之各殊矣。 有 寐 血氣者,皆 凡有 也。 而 凡相忘於習則不覺、見異焉乃覺。 寤 然性雖不同,大致以類爲之區別 生,即不 日 覺,心之所 ,分於陰陽五行也, 一言乎分,則其限之 命中 形 是以本之以生,見乎知覺運動 能動 人物之生生本乎是,由其分而有之不 隔於天地之氣化。 庸 》曰:「天命之謂性。」以 者也。 通日 故詰告子 【生之謂性】曰: 聖人與我同類者。』言同 五行有生克,遇其克之者則 知。 氣運而形不動者,卉 由其成 ,利用不利用亦殊。 孟子曰:「凡同 百 所資以養之氣 體皆能覺,而 性各殊,故形質 陰陽五 魚相忘於水, 故 一行之運 生 論 也 類 言 )亦殊。 語 木是 《者舉 心之 知覺 混同 類之 雖 於 限 「然 也。 ¥ 各 由 而 於

> 不全也。 性。 所行之爲善。 别,蜂蟻之知君臣,豺之祭獸,獺之祭魚,合於人之所謂 盡其才者也」,即孔子所云『習』至於『相遠」。『不能 消」,所謂「求則得之,舍則失之。 知覺運動者,人物之生,知覺運動之所以異者,人物之殊其 者矣,而各由性成, 之殊致有然矣,無非 「相近」,孟子所謂「苟得其養,無物不長, 鳥以爲候,聞雞鳴以爲辰,彼之感而覺,覺而聲應之,又覺 非 孟子言「人無有不善」,以人之心知異於禽獸,能不惑 生於水者不能相 仁義禮智非他,心之明之所止也,知之極其量 且其所謂善也初非無等差之善,即孔子所云 人則能擴充其知至於神明,仁義禮 性使然也。 忘於水也 則 若夫烏之反哺,雎 或相倍 覺不覺亦 徒而 苟失其養,無 有 無算者,不 殊 致 鳩 矣。 之有 盡 物 智 也 平 無 能 聞 其 不

神明。 岐而 移」。 性」,是孟子矢口言之,無非 我不同類也,則天下何耆皆從易牙之於味也。」又言「動 孟子所謂「牿之反覆」、「違禽獸不遠」即孔子所云「下愚之不 其失也,是人無有不善,以長惡遂非,故性雖 二哉? 孟子曰: 「如使口之於味也,其性與人殊,若犬馬之與 《論語》稱『上智與下愚不移』,此不待習而相遠者,雖 問: 凡血氣之屬皆有精爽,而 血氣心知之性。 人之精爽可進 孟子言性,曷 善,不乏小人。 心忍 於

才」,言不擴充其心知而長惡遂非也。

彼悖乎禮義者亦

自知

智之德,故人之性斷乎其無不善也。

之不能全乎仁義禮智之德也。

人之質形氣,莫不有仁

之善也

何

也?

其質形氣,物也,非人也。

物與物雖

如 性

人性之善。 亦安得不善? 地,天地又具此性以生人物。

生矣則必有仁義禮智之德,是人之性善也。

全其仁義禮智之德,故物之性不能如

人性之善也。

後有物之性。

移,不曰不可移。

究異於物,

,無不可

移也。」程氏

瑶

田

《通藝録

定爲下愚,又往往在知善

悔

日

觸於所畏所懷之人,啓其心而憬然覺悟

而從善,則非下愚矣,加之以學,則日進於智矣。

爲超乎質、形、氣之上,則未有天地之先先有此性,是性生天 是故天地位矣則必有元亨利貞之德,是天地之性善也, 有質有形有氣斯有是性,是性從其質其形其氣而有者也。 云:「有天地然後有天地之性,有人然後有人之性,有物然 有天地人物,則必有其質,有其形,有其氣矣。 雖虎狼有父子,蜂蟻有君臣,而終不能謂其性 惟指其質、形、氣而言,故物之性斷乎不能 雖古今不乏下愚,而其精爽幾與物等者亦 而不爲、知不善而爲之者,故曰不 如是則不但人之性善,即物之 然則人之所以異於物 ,往往有之。 若夫物則不能 論學小記 以不移 使以 異,均 懷惠, 下 義 愚, 苟 禮 性 人 善? 性也。 塊 惡,恐其有累於性善之旨,因別之曰有氣質之性,有理義之 則人之生也,有五官百骸之形以成人,有清濁、厚 者,異於其質、形、氣而 所稟,並據氣質而言。 已也。 天,生生不窮,因物付物,乃謂之命,故曰「維天之命,於穆不 之流行不息者而言之,故曰「一陰一陽之謂道」也。 亦有於其形其氣,有天之形與氣然後有天之道。 主於其 且無氣質則無人,無人則無心。 有是名,必區而别之曰此氣質之性也,蓋無解於氣質之有 至善之性。夫人之生也,烏得有二性哉? 之,則具於質、形、氣者爲有善有惡之性,超乎質、形、氣者爲 質、形、氣之中以成性,性 不能不與物異者以成人品之高下,即有仁義禮智之德具 言性,而不知惟質、形、氣之成於人者始無不善之性 無不善之性也。 下愚不移,遂以性爲不能 然賦之以氣質而必先諄然命之以性乎? 故溯人性於未生之前,此天地之性,乃天道也。 雖然,安得謂 若夫天人賦稟之際,賦乃謂之命,稟乃謂之性 後世惑於釋氏之説,遂欲超乎質、形、氣以 氣質中 性具氣質中,故曰『天命之謂性」, 已矣。 無惡 有 而已,有善而已 ,而不知質 自不知 性具於心,無心安得 性 氣質外復 性者見夫質、形、氣之 、形、氣之成於人者 氣質之性,古 矣。 若以賦稟之前 有 如 薄之氣 必 道在 有 性 也 , 所 天道 分 性之 哉? 於 賦 於 氣 未 質 然

其

人難與言禮

由

自絶於學,是以不移。

然苟畏

習不足以

移之,豈

下愚之精爽與物等與?

티.

生而 威

正義

也,所謂「如何是父母未生前本來面目」也。是故性善斷以 愚者,見君子之正其衣冠也,亦有所不安於其心,及欲往見 者亦知當正其衣冠,而習而安焉,此習於惡則惡之事也, 然者,則野人之習於鄉俗者也。 智者知正其衣冠矣,愚者亦未嘗不欲正其衣冠也,其有不 之愚無仁義禮智之端,人之愚未嘗無仁義禮智之端。 之智固不同於犬牛之智,人之愚亦不同於犬牛之愚。 何獨至於人而始善也? 故以賦稟之前而言性,釋氏之言性 而言性 君子,必將正其衣冠焉,此習於善則善之事也。」 氣質言,主實有者而言之。人之氣有清濁,故有智愚, ,則是人物同之,犬之性猶牛之性,牛之性猶人之性, 然野人亦自有智愚。 犬牛 其智 是故 然人 其

一之,知其麤矣。孟子精之,是在其中。性,與善俱生。赤子入井,以發其誠。告子性,與善俱生。赤子入井,以發其誠。告子

之性也。仁由内出,義在外也,不從己身出也。 疏也,義,外也,非内也。」 建人之甘食悦色者,人告子曰:「食色,性也。仁,内也,非外

之長」,高誘注云:「長,大也。」《禮記・ 於此。」告子亦有本之言。孟子曰:「何以謂仁内 無不善也。人性之善所以異於禽獸者,全在於義。 男女、聖人教之則知有耕鑿之宜、嫁娶之宜、此人之性 之長指我因其長而敬之,故以「敬」明之。 長始。」「彼長」之長指彼人之年長,故以「大」釋之。 「告子」至「外也」○正義曰:《吕氏春秋・諭大》篇云「萬夫 之。長大者,非在於我也,猶白色見於外也。 故謂之外也。」注告子言見彼人年長大,故我長敬 長於我也,猶彼白而我白之,從其白於外也 外」或同此意,故詰之。 ○正義曰:《易・文言傳》云:「義以方外。」告子所云「義 外也?」注孟子怪告子是言也。 戒》篇云:「仁從中出,義從外作。」朱長春云:「仁内義外 以仁義同比桮棬,則仁亦在性外,此分仁義言之。《管子 内,是人性中本無義矣,性本無義,將人物之性同。 食男女而不能得其宜,此禽獸之性所以不善也, 在是,性即在是。 食色」至「内也」○正義曰:飲食男女,人之大欲存 人之性如是,物之性亦如是。 曰:「彼長而我長之,非有 疏「何以」至 祭義》云:「立敬自 長大之年在彼不 惟物但 人知 告子始 義外 外 焉。 疏注 所 飲 知 也 義 昉 非 以 食 飲 欲 白可

也

異於白人之白」,文義亦通。

森《經學巵言》云:

「趙氏讀「異於白」爲句。

何以爲外也?

有義乎?

將謂敬老者爲有義乎?

可

也;

不知敬老馬

無異於敬老人邪?

乎?」注孟子曰:長異於白。

白馬白人,同

長

人之長與?

且謂

長

者義乎?

於白人之白也;

不識

馬之白也,無以異於白人之白也」,所謂「白馬白人,同以爲 孔氏説是也。「異」字斷句,即趙氏長異於白之謂也。「於白 異之處,正同他章每先曰否,而次詳其所以否之實也。」按: 文字,不必拘拘定以白馬與白人相偶。若必謂「白」字當屬 白而我白之」語意,言長之説異於白之説,不相猶也。 馬1上,或絕[異]字爲一句,下乃言人之「於白馬之白,無以 白無異於白,長則有異於長,此長之所以異於白 「非有長於我」即是從其長於外。「從其白於外」 疏注「長異」至「外也」○正義曰"孔氏廣 彼在我之外,是長大之年在 先斷之曰 【異」,而後申其所以 長馬之長也,無以 近解非有長於我,謂非我先 敬老者,己也, 此答告子『猶彼 也,無 且謂老者爲 長之者義 謂之白 異 以 古人 彼, 於 異 也。 耳。 言之。 楚人之長,亦長吾之長,是以長爲悦者也 則權度悉由中出,安得以義爲外乎? 是「長」即「老」也。 者。《國 也。 同,是長之權在彼。 之内, 所悦喜老者在外,故曰外。 則 云非有長於我也? 用我心長之,分明權在長之者而不在長者。長之既在我心, 故先以白馬、白人不異别出長馬、長人不同,言長人之長必 人之炙無 義、長之者義,告子固不得云長者義也,故又以弟與 ○正義曰:此告子再申「義外」之説也。 謂之外也。」注告子曰:愛從己,則己心悦,故謂 不愛也,是以我爲悦者也,故謂之内; 《儀 弟同 義雖屬長之者,乃長之者因長者而生, 然則耆炙亦有外與?」注 語 禮 .而愛與不愛異,是愛之權在 · 晉語 鄉飲酒禮》云「衆賓之長升」,注云:「長,其老 以 異於耆吾炙,夫物 》云「齊侯長矣」,韋昭注云:「長,老也。」 告子以「長」爲義而不知以「長之」爲義 理本不足,難以豁 曰:「吾弟則愛之,秦人之弟 一我,長 長之權全在我,安得 疏「吾弟」至 然。 孟子 孟子 則 同 İ 曰:「耆 亦 則 故仍以爲外 詰之以 有然 長之無不 耆 長 外 1炙同 分别 長者 ), 故 也

預 即 即 在

有長之心。

曰:「異。

於白馬之白

是非

有白於我,互文相例

也。

是外也。

我,故云「非有長於我」。

六〇八

敬之。 等,情 乎 炙 居 長 炙,以其美同,故同嗜。 愛, 楚人之長非吾長,以 之,皆是以我爲悦。 出 心 孟子則以嗜之同明 耆炙之意,豈 也。 識 中。 齊 |至「遠也」○正義曰: 其 故以秦楚爲遠。 告子既知甘食爲性,故孟子以嗜炙明之。孟子、告子 嗜同 長。 知吾 出 雖非己 於中。 若 則情 所以嗜之者由心辨其美,則知吾 謂義 在外邪 炙, 出 敬楚人之老與敬己之老亦同 長同。 之同長爲外, 於中,豈長同 秦人之弟非吾弟 同 《音義》云:「耆,本亦作嗜。」 物亦 美故 ? 耆猶愛也。 其長同,故同長, 愛不同 言 有然」,謂 楚 日 . 而情 則 秦, 權 物 食 告子以愛不同明長 固由 以 則 喻 在 之同 炙之同美猶長之同 於外乎? 遠 有然者」 其親不同,故 我; 也。 美 秦人之炙非 所以長之者由 耆炙同 介亦可 疏 .'己情 也 愛之長 謂 注 之外 不同 情 同, 「耆 往 如 吾 亦

中 明仁義由内,所以曉告子之惑也 章指:言事 ,雖在外,行其事者皆發於

也?」注季子 孟 季 子 亦以爲 問 公都 義 外 子曰:「 也。 疏「孟季子」○正義 何 以 謂 義 内

兄

也, 所酌者, 鄉

人人也。

如此,義果在外不

由

内

也。

曰 : 티 : 在 先?」注季子曰: 伯兄一歲,則誰 與?」曰:「行吾敬,故謂之内也。」注公都 告子之言,重相駁 仲子爲孟子從昆弟而學於孟子,則孟季子當亦其倫,何 子叔之在疑似間者未嘗缺失, 孟仲子封新泰伯 必輾轉於公都子? 子弟,有所疑問 之問同在 之,知當時所據經文實亦未有[孟]字。 人。」注公都子曰: 敬兄。」注公都子 孟子》書中 彼、果在外, 翟氏灝《考異》云: 以敬, 在 時,觀兩章文勢畫一,可見也。 本 心 不云『孟季子』也。」趙氏佑《温故録》 ,何不親 丽 ,與公孫丑、萬章等十七人皆從祀 難,全背孟子? 非 行之,故言 又疑宋政 敬? 酌 當先鄉 由 「趙注未有『孟』字,而 詣 酒 曰: 内 孟子? 則 | 注季子 也。」注季子 和五年韶以樂正子享孟子 先 當 人。 而何獨無孟季子? 内。 酌 敬 孟 誰 子亦 殆别一人,故 兄 日 ? 日 所 蓋 敬 也。 敬 何不 티 : 此 竊嘗疑季子爲孟 誰 日 與 疏 在 也? 鄉 直以 韶之面 任 此,所 一先 酌 所 人『食色』 雖 注 今乃 季任 敬 則 長 酌 季孫 曰 至 無 孟 長 誰 於 鄉 子 文 知 當 執 而

果猶 云「果伏劍而死」,高誘注云:「果,終也。」終與竟義同。 果喪其田」,韋昭注 竟 也。 疏 注 果 猶 「果猶竟也。」《吕氏春秋 竟 也一〇 ĪĒ. 義 E: 或 語 忠廉 晉 「果 》篇 語

在外非由内」謂終竟是義外非内也

敬 ? 乎? 權 無時可 在尸位,則叔父之敬無時可易,鄉人不在賓位,則伯兄之敬 敬在鄉人也。 也。 也? 以答季子之問。 故 公都子折破季子「先酌鄉人」之説, 做其説以難之也。 在賓位,故先酌之耳。 公都子答季子如此。 衡 \*\frac{\times}{\times} 此 庸敬在兄,斯 公都子不能答,以告孟子。 彼將 彼將 彼 真義内也。 「古禮之緐可 將 庸敬、斯須之敬,因事轉移,隨時通變,吾心確 曰 : 日 曰 : 疏注「言弟」至「人也」○正義曰: : 庸 孟 敬弟。子曰: 惡在 在 敬叔父。 議 子曰:「敬叔 位故也。 須之敬在鄉人。」注孟 常」、《爾雅 言弟以在尸位,故敬之; 庸,常也。 莫如 祭必用尸。 曰 : 子亦曰: 釋詁》文。 常敬在兄,斯須之 父乎? 弟爲尸 孫爲王父尸,所 古,其敬 注 公都子 趙氏佑 在 孟 叔 則 位 敬 鄉 子 弟不 子教 故 弟 父 誰 人 使 無 温 有

易也。 隨敬 弟 ? 而後可 禮》嗣舉奠之禮,祭自君夫人、賓三獻既行,則有上嗣舉奠以 使爲尸者於祭者爲子行也而北 然則飲食亦在外也?」 義曰:季子謂敬因人轉移而中無所主,則前言所辨終竟不 之言我也。」此與孟子之言相發。」季子聞之,曰: 之不論,此真所謂告子未嘗知義者也。 得其粗迹,務矯之以歸於内,而達道達德、九經三重之事 禮樂,從此起矣。 之所宜。 之等,禮所生也,酌鄉人、敬尸二事皆禮之用 乎身加乎民者,莫不本之於心以爲之裁制。 獻尸,而後行酬。 叔父則敬,敬弟則敬,果在外,非由内也 主祭者長嗣也。 日知録》云:「先王治天下之具,五典五禮 所在而敬之,果在外。 此不言「子」獨言「弟」,特取與「敬兄」對文。 以稱義,故言義者合我與宜以爲 公都子曰 自此道不明,而二氏空虚之教至於搥提仁義, 則尸用衆子或從子,是其弟矣。」顧氏炎武 《既醉》之『朋友』謂衆賓,「君子有孝子」謂 自宋以下,一二賢智之徒病漢人訓詁之學 「冬日 注 則飲 面 疏注「隨敬 事之,則父且 湯、 湯 水雖異 一言。 董子曰: 夏 五服 親親之殺,尊 |至「在外 日 以此操之,義 也,而莫 敬子,何況 名,其 五刑, 則 「宜在 蓋舉《儀 飲 0 絶 非 其 敬 īF. 我 置 滅 義 督 出 兄

亦在外 也; 此緊承「長楚人之長」二句,愛在外與嗜炙在内大別,此借仁 耳, 今嗜炙主愛而亦無人我而惟外是愛, 此非長在外, 即愛 則 則飲水」與「嗜秦人之炙」二句相反,使難者曰「冬則飲湯,夏 正别,此何足辨? 用明矣。 動心」,與孟子之道適相反。「義外」之説破,則通變神化之 外」之説不隨人爲轉移,故以「勿求於氣」、「勿求於心」爲「不 化之道、全以隨在轉移爲用、所謂「集義」也,而告子造「義 之變通,時與位而已矣。 飲水,外也, 則欲其寒,是飲食從人所欲,非人隨飲食爲轉移也。 也」〇正義曰: 食從人所欲,豈可復謂之外也? 温 人我,此非人也,物 飲水,果在外,非由内也」,何以解之? 者,中心也。 酌其所在而敬者,中心也。 先仲氏一曰: 也。 毛氏奇齡《四書賸言》云"「嗜食在内與敬長在外 上言長馬之長異乎長人之長, 酌其 湯水之異猶叔父與弟之異。 時 雖 也。 敬長無人我,以長在人耳。 亦何足以服告子? 宜 隨敬之所在,亦中心敬之。 而飲者,中心也。 且其無人我而必 孟子學孔子之時而闡發乎通變神 孟子言位,公都子言時,義 『冬日則飲湯,夏日 疏注「湯水」至「外 長 嘗以二者問 則 敬叔父敬弟,外 冬則欲其温 人者,以長 人物 今嗜炙亦無 有 故飲湯 别 猶 在外 先仲 矣。 夏 飲

> 其飲也。 内以駁義外也。一 此是異飲,嗜炙以仁内駁義外,此以義外駁仁內,不同。」 情,知所 章指:言凡人隨形,不本其原,賢者達 夫嗜食甘飲者,愛也。 以然。 曰: 季子信之,猶若告子, 以在位 而易其敬,猶之以 愛亦在外矣。 嗜炙是同 在 時 而 公 嗜 易

都受命,然後乃理。

也。 且以爲君,而有微子啓、王子比干。」注公都子 而 或曰:『有 之起,民皆喜爲善,幽厲虐政之起,民皆好暴 以爲可教以善不善,亦由告子之意也。 民好善,幽 『性可以爲善,可以爲不善。 也。』注公都子道告子以爲人性在化,無 有象,以 疏注「人性在化」○正義曰:化,變化也。 公都子曰:「告子曰:『性 属興 瞽 性善,有性 瞍 則民 爲父而有舜; 好暴。」注公都子曰: 不善。 是故文武 是 以紂 故 無 故文武聖化 善 以 爲兄之子 本善不 堯 或 無 爲 興 不 或 則 善 J 善

惡。 象爲 之喻略同。」〇注「紂爲君」至「不仁」〇正義曰: 爲惡則誅 此二子爲不仁。是亦各有性也。 可與爲善、是謂下愚。」詳見《漢書・古今人表》,與或人舜象 比干欲與爲善則誅,于莘、崇侯與之爲惡則行,可與爲惡,不 氏之儒,世子或其徒與? 出入。J按,公都子此問即其説也。《漢·藝文志》《世子》二 致之,則善長; 性》篇云:「周人世碩以爲人性有善有惡。 干」〇正義曰: 日 有性善有性不善,所謂「上智與下愚不移」者也。 日 偏。 ¥ E 篇。宓子賤、漆雕開、公孫尼子之徒亦論性情,與世子相 一篇,名碩,陳人,七十子之弟子。《韓非子》八儒有漆 知録》云:「以紂爲弟且以爲君,而有微子啓。 臣,不 或人以爲人各有性,善惡不 紂爲君,又與微子、比干有兄弟之親,亦不 可以爲善可以爲不善,所謂「性相近,習相遠」也, 「辟如堯舜,禹、稷、契與之爲善則行,鯀、驩兜欲 ,可與爲善,不可與爲惡,是謂上智,桀紂, 能 孔氏廣森《經學巵言》云: 使之爲善; 惡性養而致之,則惡長。 蓋或人二説皆原於聖門而各得其 瞽瞍 爲父,不能 疏 可化移。 故世子作《養書》 「王充《論衡 「或日性可」至「比 舉人之善性養而 堯爲君, 顧氏炎武 以紂爲兄 《古論語 化 龍 能使 舜 · 本 逢 與 爲 雕

之子且以爲君,而有王子比干。 卓。 言「性無善無不善」,言「食色性也,仁内義外」,朱子以爲同 日: 都子曰:告子之徒其論 記》生疑也。」今日 子曰王子、《孟子》書兩稱王子比干,二人稱謂同 兄終弟及者十四,其後之轉及兄子惟沃甲一人,則凡前 庶兄,溯其所原,乃屬《吕氏春秋》。吕氏言宜難深信。 此是《孟子》所載,與《史記》不同處。」按,《史記》以微子爲紂 義,則是以微子、比干爲帝乙之弟而紂於二人爲兄之子也 但云紂之親戚,太史公亦莫知爲誰子也。今據公都所引文 當時人言。《史記》微子是紂庶兄,皆帝乙之子也, 象山集・與周元忠書》曰:「以紂爲兄之子,此是公都子 故舉此以該彼,此古人文章之善。」翟氏灝《考異》云: 然則彼之所言皆 兄弟也。 亦同,故趙氏謂「紂與微、比皆有兄弟之親」,若言於紂父皆 未嗣立者,其孫曾中之嫡系詎不得當元子稱邪? 戴氏震《孟子字義疏證》云:「問: 孟門所聞必當實於《史記》,讀《孟子》者似不必 此《孟子》所載,與《史記》不同處。 非 性 邪? 善然 如此,今孟子曰 疏「今日」至「非 則 並言之,則於文有所不 彼 皆非 告子言「生之謂性」 象山言最爲 與?」注公 人性 與一〇 ,或其行輩 箕子稱微 比干 盡 因《史 殷王 IE Ŧ. 便 超 則 引 陸 義

時

之日氣稟耳。 미 耳。」「人之氣質,相近之中又有美惡,一定,而非習之所能 會通爲一。朱子云:「氣質之性固有美惡不同矣,然以其 於釋氏; 亦不可不謂之性也。」此與「有性善,有性不善」合,而於「性 「有自幼 也。」直會通公都子兩引或曰之説解《論語 而言,皆不甚相遠,但習於善則善,習於惡則惡,於是始相 而上下也,下焉者惡焉而已矣」,此即公都子兩引或曰之説 子言『性之品有上中下三,上焉者善焉而已矣,中焉者可導 混」,又曰「學則正,否則邪」,與荀子論斷似參差而 子見於長善則爲善人,長惡則爲惡人,故曰『人之性也善惡 義爲聖心,是聖人之性獨善,實兼公都子兩引或曰之說。 則流於惡,故以惡加之。 日 性 揚亦與釋氏同與? 人生而神明者,不可概之人人,其下皆學而後善,順其自然 在孟子時,則公都子引或曰「性可以爲善,可以爲不善」、或 `以爲善,可以爲不善」亦未嘗不兼,特彼仍其性之名,此 「有性善,有性不善」,言不同 後儒稱爲氣質之性者也。 而善 其「杞柳」「湍水」之喻,又以爲同於荀揚。 程子又云:「「人生而静」以上不容説,纔説性 有自 幼 曰 : 而惡,是氣稟有然也。 論似偏,與「有性不善」合,然謂 否。 荀揚所謂性者,古今同謂 而所指之性同。 但不當遺理義而以爲惡耳。 》矣。 善固性也 荀子見於聖 程子云: 匪 異。 然則 然惡 别 揚 之 移 遠 初 韓 禮 荀

> 名也。 矣。 者,論人之性也。 不善」而曰「人無有不善」。 同於孟子而實異,似異於荀子而實同也。 物,而其見於氣質不善,卒難通於孟子之直斷曰善。 而空論夫理,故謂孟子『論性不論氣不備』。若不視 雖顯遵孟子性善之云,究之孟子就人言之者,程, 者,程子、朱子言人無有不惡,其視理儼如有物。 之本體,自上聖而 得斷之曰善? 之謂性」謂氣稟之不齊各限於生初,非以理爲在天在人異 説性時便是人生以後,此理已墮形氣中,不全是性之本 未生時,止可謂之理,未可名爲性。 曰性善,若就名性之時,已是人生以後,已墮在形氣中, 而動」對言之、謂方其未感、非謂人物未生也。 人,舍氣稟氣質將以何者謂之人哉? 便已不是性也。」朱子釋之云:「「人生而静」以 所謂「在人曰性」也。」據《樂記》「人生而静」與「感於 況如其説,是孟子乃追遡人物未生、未可名性之時 由是言之,將天下古今惟上聖之性不失其 如飛潛動植,舉凡品物之性,皆就其 下,語人之性皆失其性之本體。 性者,飛潛動 所謂「在天日命 是孟子言人無有不善 植之通名; 孟子不曰 《中庸》「天命 以善歸 朱乃離 Ŀ 也。 性 理如 0 立 人之爲 是 氣 人物 無 性 説 理 類 善 有 似 人 而 其 有 安 纔 體

<sup>0</sup> 「動」,原誤作「種」,今據《孟子字義疏證》改。

而

别之。 殊。 所汙壞」,以便於言本有者之轉而如本無也。 見學之不可以已,其本有者何以又待於學? 彼荀子見學之不可以已,非本無何待於學,而程子、朱子亦 是借天爲説,聞者不復疑於本無,遂信天與之得爲本有耳。 者,我之所無也,以理爲天與我,庶幾湊泊附著,可融爲 附合孟子。 質爲一性,言君子不謂之性,截理義爲一性别而歸之天,以 之曰善,荀揚之言固如是也。 歸之聖人。 孟子所謂性善。 氣類各殊是也。 不是性也,豈其然哉? 自古及今,統人與百物之性以爲言, 類之殊者已不是性,良醫信之乎? 家用藥在精辨其氣類之殊,不别其性則能殺人。 汙濁 B 滋 也 加之理,❶而氣化生人生物適以 魚、皆務知其性。 人以有禮義,異於禽獸,實人之知覺大遠乎物則然,此 ,不過從老莊、釋氏所謂真宰真空者之受形以後昏 人物分於陰陽五行以成性,舍氣類更無性之名。 何獨至於人而指夫分於陰陽五行以成性者曰 其歸之天不歸之聖人者,以理爲人與我,是理 程子、朱子見於生知安行者罕覯,謂氣質不得概 專言乎血氣之倫,不獨氣類各殊,而知覺亦 而荀子視禮義爲常人心知所不及,故别 知其性者,知其氣類之殊乃能使之碩大 特以如是則悖於孟子,故截氣 病性。 凡植禾稼卉木、畜 性譬水之清,因 於是性之名移 故謂「爲氣質 使日 一此已 島獸 此 醫 昧 氣 地 而 0 不妨歸諸理,而理則非真宰真空耳

蕃 蟲

也。 汙壞,以澄之而清喻學。 使之截然别於我而後雖天與我完全自足,可以咎我之壞之 於欲而改變其說。 之,非起於宋儒也。理之言分也。《大戴記·本命》篇云: 躬,天理滅矣。」注云:「理猶性也。」以性爲理,自鄭氏已言 按:《禮記・樂記》云: 六經、孔孟如是,按諸荀子差近之,而非六經、孔孟也。」 謹 子、朱子於老莊、釋氏既人其室、操其矛矣,然改變其言以 審問、慎思、明辨、篤行以擴而充之者,豈徒澄清已哉? 教人認本來面目,教人常惺惺之法。 欲,主於寂静是也。 而待學以復之,以水之清喻性,以受汙而濁喻性墮於形氣中 有,亦惟歸之天與我而後可爲完全自足之物,斷之爲善。 以氣質爲我,難言性爲非我,則惟歸之天與我而後可謂之我 「分於道之謂命。」性由於命即分於道,性之猶理,亦猶其 惟其分,故有不同; 特彼以真宰真空爲我,形體爲非我,此 因改變其説爲主敬,爲存理,依然釋氏 「好惡無節於內,知誘於外,不能 亦惟其分,故性即指氣質而言。 水静則能清,老莊、釋氏之主於 若夫古聖賢之由博學、 性 分 爲 程 無 仍 反

孟子曰:「乃若其情,則可以爲善矣,乃

加」原脱,今從沈校據《孟子字義 疏 證》補

近也 也。 經》日 所 移 便 也。 可以爲善。」「乃若」者,轉語 隱之心,正謂下愚不移者皆如是也。 有之」者,下愚不移者亦有也。 如言惻隱、 記》云:「孟子以情驗性,總就下愚不移者指出其情以曉人。 疏 者,真所謂 順 人人可自驗,人人可自信其性之無不善也。 「可以爲善」者,可 「其情」者,下愚不移者之情,即下文「爲不善者」之情也。 如此 也; 也。 謂 習 若夫爲不善,乃其後之變態,非其情動之初,本然之才 乃若」至「罪也」〇正義曰: ,習相遠也。」此專論習也。 若爲不善者,非 善 :「此哀戚之情。」情從性 性之相近也,愚者之性未嘗遠於智者 也。 相 性與 遠,愈見性之相 也 羞惡、辭讓、是非之情爲仁義禮智之端, 性善之義,至孟子言之,乃真透根之論。 善也; 情 若夫爲不善,非才之罪 相爲表裏、性善勝情、情則從之。 不可 若隨 未可知之辭,然而 所受天才之罪,物動之故 近 人 也。 也, 而 故乍見孺子入井皆有怵惕惻 程氏 習之相 强作善者 即 習與性對言,性自性,習自 從下文「若夫」字 也,能 瑶 故曰:「乃若其情,則 田《通藝録・論學小 遠也 未嘗不可 順此情使之善 「, 非 孔子曰:「性相 也。 遠於智愚之相 也。 善者之善 蓋氣 謂「人皆 即今日 以 注 生 稟受 **《孝** 爲 也。 若, 根 善 日

愚, 也; 此罪 性也。 始不相 愚矣。 也; 質而成人之形,其 見於惻隱 性未有不相 是則已矣。 若是則已矣。 習,不能移而轉之乎愚。 其善而已矣。 移而愚者,性不達而性之善不見。 而移之,下達者可至於下愚。 遠於其本然之智,而愚者習於惡則愈遠於智。 知覺不能不分差等。 不能移而轉之乎智。 愚之殊,而薰習復 ,即愚者習於善亦可遠於本然之愚; 而不能 其移焉者 性 近。 也。 愚非無其智也,鬱其智而不達則愚。 智愚每因於習之所移,見人不可不謹所習,而不得 羞惡、辭讓、是非之情者,雖下愚之人未嘗不皆有 無智愚之殊者,以氣質不能不分高下厚 其不移者,非其性之善本有加於人、本有損 惟夫生而上智之人,知覺獨 「相近」云者,弗無其善之云也。 近者也。 而生而下愚之人,知覺極庸 然則相遠者,因習而移其智愚 ,非其性之善忽有加 有邪 心 即 其上焉者,智也,等而漸下,則不智 其本非下愚,而 何以知其然也? 具人之性。 正之異,於是智者習於善 其本非上智而 移而智者,性達而性之善見; 夫豈性有不善哉? 於人、忽有損於人也。 人與物 移 仁義禮智之性 若智者習於惡 移 而 異、雖 至 雖與善者相習 而 異 智愚雖 非移其 於下愚 至於上智 然知覺既 智有等差,習 與不 故 則 性 分 薄 善 愈 者 相 無 , 其 者 不見 於 者 近 則 遠 有 性 亦 因 不 端 夫 若 亦 相 以 於 智 亦 可 未 而 而 善

情

也。

安見孟子之得而荀子之失與?

曰:

人生而後

於知者,美醜是非也,而因有好惡。

也,而因有愛畏,發乎情者,喜怒哀樂也,而因有慘舒;

有欲有知,三者血氣心知之自然也。

惡焉,順是,故殘賊生而忠信亡焉,

生而有耳目之欲

論情,偏舉善之端爲證。

問

聲色焉,順是,故淫亂生而禮義文理亡焉。

真惡之情發於性者。

然之善而無不得者也。

性善,故情善而才亦善也。

誠

功在毋自欺,而毋自欺之事曰慎獨。

相 也。

近」之義疏矣。

六一 五

理

部云:「 性所以 善知 性,則 帝、 者,性情也。 之德,以類萬物之情,俾天下萬世無論上智下愚,人人知 미 降 才亦美,其往往不美,❶未有非陷溺其心使然,故曰『非天之 之爲不善,「有師法之化,禮義之道 情 人之情則能旁通,即 不能利貞,故不可以 君臣父子夫婦,此 人之情 人之情何以 「性善」之説全本於孔子之贊《易》。 性善」之恉在「其情則可以爲善」,此融會乎伏羲、神農、黄 謂性 陰而 (戕壞,究非體質之罪,又安可究其本始哉?」謹按: . 才爾殊也」。 ·堯、舜、文王、周公、孔子之言而得其要者也。 情可旁通, 其 善。 始善而終於不善。 有欲,故貪淫争奪,端由此起,荀子謂「從人之性,順 ·性,人之陽氣,性善者也。」「情,人之陰氣,有欲者。」 必 (性之神明; 出 可 禽獸之情何以不可爲善? 於争奪,合於犯分亂理 六爻發揮,旁通情也。」禽獸之情不能旁通! 以 才可以始美而終於不美,由才失其才也 爲善? 情可旁通 「性善」之指也。 公爲善。 能利貞,故可以爲善。 性 之神明, 以 性以本始言,才以體質言也。 ,則情可以爲善。 情不可以爲善,此性所以不善。 其有神明之德 性 之善 孔子贊之,則云: 即 伏羲畫卦觀象以通神明 而 歸 能 以其無神明之德也。 也。 於暴」,是也; 出於辭讓,合於文 也。 情可以爲 孟子於此明 於情之可以 神明之德在 《説文》心 善,此 「利 情 孟 即即 示 體 爲 欲 揭 貞 有 子

> 糧; オ之罪」 才也; 善; 才也。 惡」,荀子但知《禮 不才,則智愚之别也。 能旁通而窮理盡性以至於命者,才也。 剛,旁通情以立 與剛,立人之道曰仁與義。」是爲三才。 性之神明也。 而使之善,此情之可以爲善也。 通則情之陰已受治於性之陽,是性之神明有以運旋 不欲,勿施於人。 己之欲通乎人之欲。 利貞言性。 孟子深通於《易》而知乎《禮》之原也。 而歸於治」,此孟子所謂「可以爲善」也。 有不能運 因己之好色而使内無怨女,外無曠夫。 不 孔子贊《易》云:「立天之道曰陰與陽, 也。 通情 情利者,變而通之也。 蓋人同具此神明,有能運旋乎情, 旋乎情 而爲不善者,無才也。 乃性之神明能運旋其情欲,使之可以 一陰一陽之道。 因己之好貨而使居者有積倉,行者有 洲 己欲立而立人,己欲達而達人。 不通《 使之可以爲 智則才,愚則不才。 《易》者也; オ以用言。 故以情之可以爲善而決 善。 以己之情通乎人之情, 云「非才之罪 孔子以旁通言情,以 孟子據以爲 此視乎才與不才,才 通其情可以爲善 有此才乃能 下愚不移,不才 荀子 旁通者情 如是則情通, 立地之道日 使之可以 據以 猶 為善 「性善」 平情 选用 爲「性 云無 己所 所 情 爲 以 柔 其 以 柔 欲 裹

0 「往往」,原不重,今從沈校據《孟子字義疏證》補。 雅

爲善。 日: 明,豈教之所能通? 等,此才不能自達也。伏羲教之,無論智愚皆知夫婦之别, 乃立教以達之。 之至,不能以性之神明運旋情欲也。惟其才不能自達,聖人 者、《喪親》章弟十八、云:「孝子之喪親也、哭不偯、禮 爲情欲所亂,性能運情,情乃從性,則 非其義矣。○注「若順」至「性也」○正義曰:「若,順」、《爾 情即善,「乃若」,宜如程氏瑶田之説,趙氏以「順」釋「若」, 常之中。 改而爲善。孟子以人能改過爲善,決其爲性善。 伏羲之前 教禽獸,仍不知也。 聖人教民,民皆知人道之宜定而各爲夫婦,各爲父子,以此 皆知上下尊卑之等,所謂通 言不文,服美不安,聞樂不樂,食旨不甘,此哀戚之情也。」趙 人同禽獸,其貪淫争奪,思之可見,而伏羲能使之均歸於倫 ·釋言》文。情發於外,性藏於内,故相表裏。 「五十學《易》,可以無大過矣。」可以無大過,即是可以 禽獸之性雖教之不明,禽獸之情雖教之不通。 信乎,無不可以爲善之情也! 性之善全在情可以爲善,情可以爲善謂其能由不善 瞽瞍之頑,象之傲,亦近乎下愚矣,而舜能使之底 其先民不知夫婦之宜别、上下尊卑之宜有 人之性可因教而明,人之情可因教而 民之不知有父但知有母,與禽獸 其神明之德也。 「可以爲善」原不謂 情可爲善。 使性中本無神 引《孝經》 性之善不 無容 孔子 順其 同。 惡、恭敬、是非

通;

是「性善勝情,情則從之」之證也。 氏謂孝子仁於其親,由於天性,而情即從其性之仁爲哀戚, 疾不成之人,所謂童昏也。 所以惡乃至是者,不能自盡其才性也。 蓰,或至於無算者,不得相與計多少,言其絶遠也 算者,不能盡其才者也。 由外鑠我也,我固有之也,弗思耳 之心,禮也,是非之心,智也。仁義禮智 之。惻隱之心,仁也,羞惡之心,義也,恭敬 之,恭敬之心,人皆有之,是非之心,人皆有 情」,故反言不順其情是「隨人而强作善者」,則情非從性矣 義曰:前以情之可以爲善明性善,此又以 人,非天獨與此人惡性,其有下愚不移者,譬 而用之,舍縱之,則亡失之矣。故人之善惡或 其端懷之於内,非從外消鑠我也。 曰:"『求則得之,舍則失之。』或相倍 惻隱之心,人皆有之,羞惡之心,人皆有 明性善也。 惟 性有神明之德,所以 疏注「仁義」至「我也」〇正 注仁義禮智,人 趙氏以「若其情」爲 求存之,則 心之有惻隱、羞 故 矣。 蓰 使 心 而 皆 如 有 相 可 有是 無 故 非 被 惡 得 倍 有 其

消也。」 名,非遠近之名。 遠 愚有異乎? 非 施 可 其中,非由外飾成我美者也。 詁 ൬ 時 之道者,孟子也, 而不學不思乃流爲惡。 昧焉者牖之明而已。 疏 而不及仁禮義者,智於天地、 國語 譬如」至「昏也」○正義曰:《國 使謀」,韋昭注 以 蓋 者蓋鮮。 證》云: 而賢良贊之,則 仁有不至,禮義有不盡,可謂不易之則哉? 心 爲我固有之也。 有此言 有 「鑠,美也。」仁義禮智得之則美,失之則醜 消鑠我 周語》云「衆口鑠金」、《史記索隱》引賈逵云: 是非 、侏儒、 問: 智愚者,遠近差等殊科而非相反,善惡則相 曰:人之相去,遠近明昧,其大較也,學則 如莊子言 則 矇瞍、 嚚 」猶云戕賊人。 孟子言性舉仁義禮智四端,與 云: 知人之成性其不齊在智愚,亦可知任其 無異也。」《説文》金部云: 有惻隱 濟可竢也。 「僮,無 孔氏廣森《經學巵言》云: 人雖有智有愚,大致相近,而智愚之甚 「純樸不殘孰爲仁」,故孟子直斥其 瘖 愚非惡也,人無有不善明矣。 羞惡、 聾 **、知,昏** 人物、事爲咸足以知其不易之 若有違質,教將不入,其何善 聵同爲八疾。❶ 所以不願人之文繡也。」○ 以仁義禮智爲由外鑠我,當 恭敬矣。 語 闇亂也。」此與籧餘、 晉語》「胥臣曰僮昏 戴氏震《孟子字義 「鑠,銷金也。」 又云: 、孔子之舉 「爾雅 發明孔子 然美在 「質 舉 反之 樂 就 釋 急 將 戚 不 注 非 智 其 智

> 夷、《詩》 子曰: 移也。 之知道。 雅・蒸民》之篇。 之恉合。 成人。」生而癡騃童昏既列於八疾,則與體不備同,故爲「被 之爲?」此言僮昏之人不可教之以善,故趙氏引以證下愚不 仁義禮智信也; 美也。」箋云:「秉,執也。 正義曰:《詩》在《大雅·烝民》篇弟一 則,民之秉夷也,故好是懿德。」」 蒸民,有物有則。 有疾所以不移也,無此疾者固無不可移者矣。 疾不成之人」。趙氏以下愚爲此癡騃童昏之人,則是不移 生而癡騃童昏者。』《禮記・禮器》云: 人法天也,民之秉夷,夷,常也。 《周禮・ 》作彝。 『爲此詩者,其知道乎 「譬如」者,趙氏自謙未定。 故曰人皆有善也。 傳云:「烝,衆,物,事, 秋官・司刺》「三赦曰惷愚」,注云: 其情· 言天生衆民,有物則有 有 所法, 民之秉夷,好是懿 天之生衆民,其性有物象, 謂 喜怒哀樂好惡 疏注「詩· 常好美德。 《詩》 「體不備,君子謂之不 章。 則 法; 故 蒸、《詩 大」至「善也」〇 注 曰 : 有 尤 也。 彝,常; 德。」 所 詩》,《大 與「性 物 天 》作烝; 孔子謂 謂 法 必 而 Ŧi. 則 懿 孔 有 牛

❶ 「聾聵」,原脱,今從沈校據《國語》補。

也; 所執持有常道,莫不好有美德之人。」趙氏義與毛同。 己者,及其見於事爲,又有無過無不及之分以爲之則。 情法天之性,即前「性善勝情,情則從之」之義也。程氏瑶田 象天之木金火土水,故以性屬天。以六情從五性,是以人之 蓋亦如箋「物象」之説。性爲天所命,性之有仁義禮智信,即 者也,是之謂性善。」孔子釋《詩》增必字、也字、故字,而性善 其限於天成於己者之所不待學而可知,不待習而可 性,緣於人情而制以與人遵守者言之,謂之威儀之禮。 也,以德之極地言之,謂之中庸,以聖人本諸人之四德之 命,人受天之所命而成之於己者謂之性。 此限於天而成於 「有物有則」爲「人法天」,是以有物指天,有則指人之法天 通藝録・論學小記》云:「天分以與人而限之於天者謂之 秉」義,當亦同箋訓執持也。 亦即其限於天成於己者之所學焉而愈知,習焉而 趙氏既以「法」釋「則」,又以 是則 不釋 蓋即 愈能 能者

《荀子·勸學》篇云「行衢道者不至」,•楊倞注云:「衢其本者,乃能一諸! 疏「善惡異衢」〇正義曰:趨之,善惡異衢。 高下相懸,賢愚舛殊,尋 章指:言天之生人,皆有善性,引而

之義見矣。

耳。 凡人之子弟也。 兒多詐狡獪爲亡賴。」按,今人云無賴者,謂其無衣食致然 紀》「始大人常以臣無賴」,應劭曰:「賴者,恃也。」 晉灼曰: 玉裁《説文解字注》云:「贏,賈有餘利也。 已,則必不之賴」,高誘注云:「賴,利 年」。○注「賴善」○正義曰:《吕氏春秋・離俗》篇「苟可 豐」,高誘注云:「豐,盛也。」是富即豐也。 解》引孔安國云:「富,盛也。」《吕氏春秋•當染》篇「弟子彌 與之異,以飢寒之阨陷溺其心。 者然也。 多暴。 「許慎曰:賴,利也。 「富歲豐年也」○正義曰:《論語・顔淵》篇「富哉言乎」,《集 《方言》云:「賴,讎也。南楚之外曰賴。 孟子曰:「富歲,子弟多賴,凶歲,子弟 非天之降才爾殊也,其所以 注富歲,豐年也,凶歲,飢 賴,善,暴,惡也。 無利人於家也。 使爲惡者也 也。 或曰: 江淮之間謂小 非天降下才性 — 曰 賴,贏也。 故「富歲」爲「豐 饉也。 賴, 陷溺其心 善也。」段氏 取也。」」王 子弟 《高帝 疏注

❶ 「道」,原誤作「路」,今從沈校據《荀子》改。

亦謂 行 謂 各殊,故才質亦殊。 爲人物之本始而言謂之性,據其體質而言謂之才。 オ」是也。 物各如其性以爲形質而知能遂區以別焉,孟子所謂「天之降 也 温 也。 同 賴」,賴 也。」利與善義亦相 氏 令》「不可以贏」即是不可以嬾,而「子弟多賴」即是子弟多懈 令》云 不可以 IE. 『至猶善也。』是戾與善同義。 義。 義云: 念孫 而 性 飽之家皆由 日 矣。』《小 成 哉? 之戾。 賴 醫也。」貝部云:『賴, 正 性 與暴 然則「富歲子弟多賴」謂其粒米狼戾、民多懈怠。 《廣雅 即 義 各殊 『明王之德能如此,亦是至美矣。』鄭注《<sub>棐誓》云</sub>: 嫩。 氣化生人生物,據其限於所分而言謂之命,據其 雅 以 日 俱 戾、 疏 人物譬之器 禮者矣。」阮氏説是也。 是陷溺其心。 贏」,注云: 按、《説文》女部云: ,則才質因之而殊。 戴氏震《孟 采菽》篇「亦是戾矣」,毛傳云: 證》云:「《衛策》云: 賴 語之轉耳。」阮氏元云: 近 才質者,性之所呈也。 ,故利謂之戾,亦謂之賴; **, ■**才則其器之質也。 子字義 「贏猶解 贏也。 若謂豐年多善 又鄭注《大學》云:「戾之言利 疏證 從貝,刺聲。』《禮 「嬾, 猶金錫之在冶,冶金以爲 也。」解即解。 「爲 ○注 \*\frac{\times}{\times} 懈 魏則 也。 舍才質,安覩 ,凶年多惡,未聞 「『富歲子弟多 「才者,人與 「非天」至「惡者 善,爲秦則 「戾,至也。」 分於陰陽 從 善謂之賴 女,賴 贏 由 記 賴、 成 聲。 解 月 百 性 不 五. 所

> 是矣。 器,則 也 則然,皆據才見之耳。 五品 與孰否,才之喻也。 器即於是乎限,命之喻也; 日 桃與杏各殊,由是爲華爲實,形色臭味無不區 之白,形色臭味無 全,則才也。 才,皆言乎氣稟而已矣。 可以爲賢爲聖也。 其等差凡幾? 錫之精良與否,性之喻也,其分於五金之中,而器之所以 冶之金錫。 金錫之爲器, 性 惟聖人然後可以踐形。」人物 , 日才; ,而黄金爲貴,雖其不美者,❷莫與之比貴也,況乎人皆 其器金也; 從而察之,金錫之精良與否 一類之中又復不同如是矣。 合而言之,是謂天性。 稟受之全無可 成 或疑人之才非盡精良矣,而不然也。 冶錫以爲器, 一弗具 而不變者也。 後儒以不善歸氣稟。 故才之美惡於性無所增,亦無所損。 成是性,斯爲是才。 而無可見,及萌芽甲坼,根幹枝葉 其稟受之全,則性 據以爲言,如 就 器而别之,孰金孰錫 則 人又進乎是。 其 成 故孟 八器錫 ,其器之爲質, 性不同,故形色各殊 也。 子曰: 『形色, 天性 桃杏之性全於核 孟子所謂性 爲金爲錫、及其 别 也; 而言之, 以 品物之不 自聖人而 別者。 其體 猶金之 孰 如 日命 質 所 同 雖 精 乎 下 性 中 之 謂 夫 爲 金 所 良 如

2

0

<sup>「</sup>者」,原誤作「也」,今從沈校據《孟子字義疏證》「人」,原脱,今從沈校據《孟子字義疏證》補。

謂

種也」。

許

云摩田

,當兼此二者。

耰之,以待時

荒畢,以鐵齒

也。

與許合。

《論語

耰之」○正義曰:《説文》木部云:「櫌,摩田器也。 我來辨。」言人性之同,如此麰麥,其不同者,人事 耳」者,並與此同義。」今夫麰麥,播種而耰之,其地 「《五經文字》曰:「經典及《釋文》皆作耰。 同,樹之時又同,浡然而生,至於日至之時, 才如此其異也。凡後人言『不爾』、『乃爾』、『果爾』、『聊復爾 人之形,官器利用大遠乎物,然而於人之道不能無失,是不 》曰:「櫌而不輟。」」段氏玉裁《説文解字注》云: 猶言之而形不逮,是不踐此言也。 雖有不同,則地有肥磽,雨露之養、 ·雨」,章曰:「耰,摩平也。」《齊民要術》曰: 許以物言,鄭以人用物言。』《齊語》「深耕 注 辨麥,大麥也。《詩》云:「貽 『非天之降才爾殊也』,言非天之降 漫擲黍穄,勞亦再徧。]即鄭 「與之異」釋「爾殊」,蓋 磽,薄 賈又曰:「春耕尋手 王氏引之《經傳釋 也。 鄭曰: 踐形之與盡 疏「播種 耰,覆 從木,憂 而 一耕 所 疾 種 而 以 熟。 平也; 此耰。 則無可復待,有盡去爲晚禾地矣。」〇注「麰麥」至「來麰」〇 粗塊,不必即覆種矣。《音義》引丁云:「音憂,壅苗根也。」 當是覆種。 作榜。」謹按"榜,今俗所謂抄也。 勞,秋耕待白背。」勞,古曰 二百日秀,秀後五十日成。 麰,大麥也。 正義 曰: 有先四月熟者,有後四月熟者,要及夏至則無不熟,故言『皆 麥無過夏至、《月令》「孟夏之月、麥秋至」、乃大概言之。 ○「至於日至之時皆熟矣」○正義曰: 孔氏廣森《經學巵言 時方播種,尚未生苗。 齒耙之則細,屢耙則愈細,所謂抄也。 『千歲之日至」,冬日至也, 『至於日至之時」,夏日至也。 之夏至而麥熟。」」趙氏佑《温故録》云:「孟子兩言日至: 麥,日至而穫。』《輕重己》曰:『以春日至始,數九十二日 云:「日至之時謂仲夏日至。 乃舉最遲者以盡其餘,而下别言不同。 既布種又耙之,是覆種也。 覆種亦是摩田,而摩田不皆覆種也。 程氏 《論語》「耰而不輟」,方在耦耕之後,蓋始摩平其 王禎《農書》載《雜陰陽書》曰:「大麥生於杏 瑶 田《通藝録• 種已生苗, 詎容摩平? 耰,今曰勞。 小麥生於桃,二百一十日秀,秀 《管子・ 九穀考》云:「來,小麥 摩平、覆種二事,而 土初耕,尚 輕重乙》曰:『九月種 先耙其土令 勞,郎 此 此時有不熟 粗 到 「播種而 1

皆熟矣。

人事之不齊也。

雨

[澤有不足,地之有肥磽耳。

踐此形也;

切 成

韻 鐵

細,是 塊,以

皆用

性、盡其才,其義一也。」趙氏以

爾」字爲助詞,「與之異」但釋「殊」字也。

「爾猶如此也。

也

割

説非

則 别 崔寔言種大小麥並以白露節爲始,惟鬚麥早晚無常。 秋》: 「孟夏之昔,殺三葉而穫大麥。」高誘注: 「大麥,旋麥 注 十日種美田。」二書言大小麥,皆宿麥也。 崔 後六十日成。]生於杏、生於桃,並指秀時也。 美乎赤鳥,以牟麥俱來。] 是不以來爲麥也。《漢書・劉向 穀俱來,此謂貽我來牟。」又《臣工》「於皇來牟」,箋云:「於 小麥之外復有쮏麥。 亦言小麥而非高氏注之旋麥。《玉篇》:「贕,大麥也。」今考 不分大小麥。 矣,然皆小麥也。 也。」按,旋之言疾也,與宿麥對言,是謂大麥爲春麥。 ·牟,麥也。1箋云:「武王渡孟津後五日,火流爲烏,五至以 寔曰: .師古曰:「秋冬種之,經歲乃成,故云宿麥。」《吕氏 》引《詩》作「釐麰」,而釋之云: 來舞,一 「大麥, 舞也。」《周 非謂大麥盡名麵也。」王氏念孫《廣雅疏證》云: .俱是麥,於文義爲允也。 「凡種大小麥,得白露節 來二鋒,象芒刺之形。 麥也。」蓋 《廣志》:『旋麥,三月種,八月熟,出西方。』似 崔寔曰: 『正月可種春麥,盡二月止。』亦 説者以贕爲大麥類,然則贕爲大麥之 同之矣。 頌 思文》云「貽 余居北方,見種春麥者 可 「釐辫,麥也。 《説文》云:「來,周 種薄田 天所來也,故爲行來之 《漢書· 我來牟」,傳云: , 秋分種中 《農桑輯 始自天降。」 武帝紀 所受瑞 要》載 由 是大 「《釋 **毫**玉 後 春 多

者也。 器也。 薄也。 矣。 來通。 工、石工、木工、獸工、草工,典制六材。」注云:「惟 也 故龍子曰: 『不知足而爲屢,我 疑之? 聖人,與我同類者。 義》引《孟子注》云:「磽确,薄 麻」,傳云:「丘中墝埆之處。」 墝埆即磽确也。 麥故稱牟也。」〇注 云:『鍪,大麥也。』鍪與舞同。 同,但不言大小耳。李善注《典引》,引《韓詩》薛君《章句 來。」引《詩》云:「詒我來辨。」又云:「齊人謂麥爲棘。」 也。』屨之相似,天下之足同也。 相覺者,以心知耳。 「物堅硬謂之磽确。」 蓋地土肥則 「繋,堅也。」「确,繋也。」「磽,繋也。」《毛詩・王風》「丘 Ö 古者大爲牟、《御覽》引《淮南子》注云:『牟、大也。』大 正義日 又云:「舞,來舞,麥也。」則 故凡同類者舉 以屨相似,天下之足略同故也。 雖不知足大小,作屨者猶不更作蕢。 《禮記 「磽薄也」〇正義曰:《説文》石部云: 曲禮》云:「天子之六工,曰 蓋 體類 相 瘠地也。」又引《通俗文》云: 來舞對文,舞爲大則來爲小 似也,何獨 和柔,堅硬則 與 亦以 人同 注聖人亦人也,其 來 '; 故 知其不 注 龍子,古賢 舞爲麥,與 疏注 舉 至 五穀不生,故 於 相 土工、金 切 草 費,草 賣草器 似 爲 中有 İ 經 棶 也。 ПÍ 普 音 向 與

炙

, 和

調

Ŧī.

味而

進之,桓公食之而

也。』《戰國策·

魏策》云:

巫

,即易牙。」孔氏正義云:「此人爲雍,宜

名

影,而 氏

者

不

證

是

寵於衛共姬,因寺人貂以薦羞於公。」注云:「雍巫,雍 所耆者相似,故皆以易牙爲知味,言口之同 下期於易牙,是天下之口相似也。注人口之 矣。《晉書音義》云:「蕢、本作「蒯」。」 蕢本與蒯通、《檀弓》 口之」至「似也」○正義曰:僖十七年《左傳》云: 《論語・憲問》篇有「荷蕡」、《太平御覽》引鄭氏 草器蓋即盛土之籠,於與之象形可知其狀 蕢爲草器,蓋即草工所職,凡葦竹所 「齊桓公夜半不嗛,易牙乃煎熬燔 「有荷臾而過孔氏之門。」」又《子 一簣」、《集解》引包曰:「簣、土 部云:「蕢,艸器也。 今俗呼竹籃之小者爲 飽,至旦不覺,曰:「後 如使口之於味 至 同 耆也。 巫而字 於味,天 類 **殖** 也。 也 臾,古 ,易牙 則 人名 巫 「蒯 疏 易 世 有 籠 耳。 《詩》在《鄭風 必 男爲女。 也。 與易牙、師曠並舉,則子都實有其人矣。趙氏引《詩 以子都爲人名。 也。」孔氏正義云: 味,推之,同一男女,人能好色,鳥獸不知好 知人性不同 口 注目亦猶耳也。子都,古之姣好者也。 惟耳亦然。至於聲,天下期 理義之悦心猶芻豢之悦口,悦心是性善,悦口 靈,乃知嗜味好色; 不知其姣也。 知聲之微妙也。 之耳相似也。 「不見子都,乃見狂 味指出性字,可知性即在飲食男女。 有以味亡其國者。」」此易牙知味之事也。 閻氏若璩《釋地續》云:「子都,古之美人也。 言目之同也。 杜氏注《左》有之,於隱十一年《傳》云:「子都,鄭 於 山有扶蘇》。 犬馬。 乃孟子深於《 「都謂美好而閑習於禮法。」然則 惟目 不知子都之姣者,無目者也 注耳亦猶口 知嗜味好色,即 同一飲 疏注「子都」至「狂且」〇正 且。」儻 一亦然。 《詩》,其稱子都正 毛傳云:「子 食而人能 無 也。 目 至於子都,天下莫 知孝弟忠信禮 於師 者, 曰「其性與人殊 天下皆以 嗜 乃 味,鳥 都,世之美好 孟子此 曠 色。 不 本於《詩 《詩》云: 知子 亦是 是 뾆 亦未詳爲 義曰: 師 義 议 人心 孔 不 章 天 性 都 廉 曠 特於

子」,猶古之遺

稱也。

口之於味,有

同

杜蕢」、《左傳》作

屠

蒯」是也。

牙,先得我口之所耆者也。

天下何耆皆從易牙之於味也?

也

), 其 性 與

人殊若犬馬之與

我不

罕》篇云「譬如

Щ 語

文蕢,象形。

論 爲

₩ ⊟ : 未成

也。」簣與賣通。

注

三:

「簣,草器也。」《説文》艸

知

嗜 可

最

善 耻

下

爲

編者是也。 亡。」蓋謂

作

在葦之器。

好

引

六二四

好貌也。」《韓詩外傳》云:「以爲姣好邪,則太公年七十二, 美,天下之傑也。」姣與美連文,是姣即美。 佼好。』《齊風· 曰『不見子都』。』《荀子 大夫公孫閼。」故《鄭風》當昭公時,遂以爲國中美男之通稱, 君子由之佼以好」,佼亦姣也。 釋文》皆云: 。」故曰: 然而齒墮矣。」《鹽鐵論·殊路》篇云:「毛嫱,天下之姣人 •達鬱》篇云「侍者曰公姣且麗」,高誘注云:「姣、麗,皆 口之於味也,有同耆焉, 耳之於聲 「佼,本作姣。」是「姣」即 還》篇「子之昌兮」,毛傳云:「昌,佼好貌。」 非相 》篇云:「古者桀紂,長 《衛風·碩人》箋云:「長麗 「好」也。 又《成相 <sup>8</sup>吕氏 》篇 巨姣 春 云 之。 得 同

秋

耳。 疏 也 云:「至於心獨無所同然,承上「同耆」、「同聽」言,謂同如 ? 「至於心獨無所同然乎」○正義曰: 毛氏奇龄《賸言補 與 前 謂 故理義之悦我 惟 理 耳 也 亦然」諸然字相應。」心之所同然者,何 義 也。 心,猶芻豢之悦我口。」 聖人先得我心之所 口 是

於心,獨

無

所同

然乎?

注言人之心性皆同

也。

也,有同

聽焉;

目之於色也,有同美焉。

至

也 齳

也; 是故理義,性也。 近,胥善也。 理義之爲性,害道之言紛出以亂先王之法,是以孟子起 辨天下之味,心能通天下之理義。❶ 人之才質得於天,若是 耳能辨天下之聲,目能辨天下之色,鼻能辨天下之臭,口能 也,天下之理義,心若其符節也。 符節也。耳目鼻口之官,接於物,而心通其則。 天下之臭,鼻若其符節也; 而曰理也,是又不可。 猶人之性與?」蓋 者。』詰告子『生之謂性』,則曰:『大之性猶牛之性,牛之性 「凡同類者舉相似也,何獨至於人而疑之? 正義曰: 也? 理義之要耳。 目之於色也,天下之色,目若其符節也, 人物之生,類至殊也。 戴氏震《孟子字義疏證》云:「當孟子時,天下不 草食曰 明理義之爲性,所以正不知理義之爲性者 **「芻,穀**、 由孟子而後,求其説 孟子道性善,非 理義之悦心,猶芻豢之悦 耳之於聲也,天下之聲,耳若其符節 食曰 口之於味也,天下之味,口若 類也者,性之大别也。 豢。 是皆不可謂之外也,性 言性於同也; 疏「心之」至 而 不得 聖人,與我同 鼻之於臭也 ,則舉性之名 心之於理義 人之性 П 孟子 「我 誰 日 而 也。 也 不 相 其 類 知 明

「通」,原作「動」,今據《原善》改。

注心所同耆者,義

理也。

理者,得道之理。

聖人先

0

致

有三:

以

耳

目

百體之欲爲説

理

義

從

而

治之者

也

心之有覺爲説,謂其神獨先,沖

虚自 謂

然

,理欲皆後也;

以

理 以 害道者也。 於性之事能 是爲至矣,下焉者理義以梏之,使不爲不善。

,儒者之未聞道

也;

告子貴性

而外

理

勸 以

學修身之説。

不得漫以爲同耳。

道

,故其言曰「生之謂性」。

而

後

語

塞也,亦窮於人與物之靈意殊絕,犬牛類又相

主才質而遺理義,荀子、告子是也。

沖虚,以是爲至道;

及其

概之以自然也。

内之謂 然不足

善也。

語於此。

則

協天地之順,其必然則協天地之常。

非 據

如物之與人異。

則可以

爲善矣,乃所謂善也。

(才質而言,始確然可以斷人之性善。

其

全也。

孟子曰:「非

天之降才爾

殊

各遂其自然,斯已矣,人有天德之知,能踐乎中

0 此 條引文實出戴震《原善》。

至而 多。 理屈。 見當之者也。 不惟 輕言之。 其亦不以爲理 衆所共推爲智者與聖人較其得 其人廉深自持、心無私慝,而至於處斷一事,責詰一人,憑 氣,挾其勢位 焉,❶得於天而具於心,因以心之意見當之也。 字不多見。 其禍之無所終極也哉!」「六經、孔孟之言以及傳記羣籍,理 其 鮮 以衆人與其所共推爲智者較其得理,則衆人之蔽必多,以 且終身不 讎,而不知事情之難得,是非之易失於偏,往往人受其禍,己 己之意見,是其所是而 人,莫不輒曰 (意見,執之爲理義。 能 古聖賢未嘗以爲理,昔之人異於今人之一啓 以其心知明於衆人、則共推之爲智、其去聖人甚遠也。 無蔽。 心應之,其斷於心,輒曰理如是,古聖賢未嘗以爲理 嗚乎! 夫以 寤 今雖至愚之人,悖戾恣睢其處斷 有蔽之深,有蔽之淺者。 , 或 理者,自宋以來始相習成俗, , 加 理爲 也。 今使人任其意見則謬,使人自求其 其孰謂 事後乃明,悔已無及。 以 如 昔人知在己之意見不可以理 口給者 有物焉,得於天而具於心,未有不以 吾懼求理義者以意見當之,孰知民受 非其所非, 以此制事,以 理伸; 理,則聖人然後 方自信嚴氣正性,嫉惡 力弱氣慴,口不 此制人之非理 人莫患乎蔽而自智,任 天下智者 則以 無蔽。 理爲 事,責詰 名,而今人 П 少而 能 於是負 、情則得。 哉? 而 如 道 日 凡 愚 辭 有 理 也 者 物 賁 事 如 在 即 者 其

> 乎 ? 與? 所同 也。 知。 聲也、色也在物,接於我之血 義之悦心,猶味之悦口 以來莫敢致斥者,謂理在人心故也。 子貢問曰: 聽焉,目之於色也有同美焉。 非 以交於右」,以等於我言也。 於我與我長言也。 言也。 「所惡於前,毋以先後, 所惡於後,毋以從前」,以長 人之常情,不言理而理盡於此。 「所惡於上,毋以使下" 心出 然,洵無可疑矣。 血 未有任其意見而不禍斯民者。」「問: 日: 己所不欲,勿施於人。」《大學》言治國平天下,不過 氣心知 一意見以處之; 苟舍情求理,其 孟子言『口之於味也有同耆焉,耳之於聲 有 有自 言 「所惡於右,毋以交於左, 具之能: 而 可 、聲之悦耳、色之悦目之爲性。 孟子舉以見人性之善,其説 所惡於下,毋以事上」,以位之卑 以終身行之者乎?」子曰: 日 氣; П 至於心,獨無所同然乎」, 「所不欲」,❷曰「所惡」,不 能 惟以情絜情, 理義在事,而 辨 今日理 味,耳 所謂 以 能 意見爲理 在事情,於心之 辨聲 理, 所惡於左, 故其於事 接於我之心 無非 目 也 可 味 其 得 自 意 能 明 有 也 也 理 宋 見 過 毋 尊 同 聞 恕

<sup>2</sup> 0 「不」,原脱,今從沈校據《孟子字義 改。 則 以」,原 誤 作 然 則 」,今從 次沈校 據《 疏 證 孟 子字 義 疏 證

也; 理。 何以不謬? 理,斯仁義禮智全矣。 如日月 斯疑謬承之。疑謬之謂失理。 也,光之及又有明闇,故於物有察有不察,察者盡其實,不察 其照也近,所照者不謬也,所不照則疑謬承之。不謬之謂得 有精爽。 時,及其無蔽隔,無弗通,乃以「神明」稱之。 施者也。 受者也; 曰神,陰之精氣曰靈。 子産言「人生始化曰魄,既生魄,陽曰魂」,曾子言「陽之精氣 析,接於我之心知,能辨之而悦之,其悦者必其至是者也 辨之而悦之,其悦者必其尤美者也,理義在事情之條分縷 色,心能辨理義。 心之官則思。」是思者,心之能也。 目之能視,鼻之能臭,口之知味,魄之爲也,所謂靈也,陰主 孟子》「擴而充之之謂聖人」。 惟學可以增益其不足而進於智,益之不已,至於其極 其光大者,其照也遠,得理多而失理少。 有明,容光必照 心之精爽,有思輒通,❶魂之爲也,所謂神也,陽主 其心之精爽,鉅細不同,如火光之照物。 主施者斷,主受者聽,故孟子曰:「耳目之官不思, 心之神明也。 味與聲色,在物不在我,接於我之血氣,能 神靈者,品物之本也」。蓋耳之能聽, 故理義 則 聖人矣。 人之異於禽獸者,雖同有精爽而 非他,所照所察者之不謬也 神明之盛也,其於事靡不得 失理者限於質之昧,所謂愚 精爽有蔽隔而不能通之 此《中庸》「雖愚必明」, 凡血氣之屬皆 且不特遠 光小者, 近 6 0 0 而 日

乎」,蓋就其所知以證明其所不知,舉聲色臭味之欲歸 稟之外者非矣。孟子專舉理義以明性善,何也? 精爽,學以擴充之,進於神明,則於事靡不得理,是求理於氣 以人之有嗜欲出於氣稟,而理者,别於氣稟者也。 人能進於神明 色臭味咸根於性,非由後起。 可以息矣。孟子明人心之通於理義,與耳目鼻口之通於聲 以解天下之感,俾曉然無疑於理義之爲性。害道之言,庶幾 目鼻口,❸舉理義之好歸之心,皆内也,非外 亦猶耳目鼻口之於聲色臭味也。 目之於色、鼻之於臭、口之於味之爲性,而 法以强之從,害道之言皆由外理義而生。 至孟子時,異説紛起,以理義爲聖人治天下之具,❷設此 言性但以氣稟言,未嘗明言理義爲性,蓋不待言而可 仁義禮智,不得其説,遂於氣稟之外增一 人之精爽能 也。 進於神明,豈求諸氣稟之外哉?」「問:後儒 理義豈别若一物,求之所照所察之外? 後儒見孟子言性則曰理義,則 故曰「至於心獨 人徒知耳之於聲 不 理義之性歸之孟 也。 知心之於理 比 無 曰:古人 今謂心之 元而合之 所 知也 之耳 同然 義

<sup>「</sup>之」,原脱,今從沈校據《孟子字義疏證》補。「輒」,原誤作「轍」,今據《孟子字義疏證》改。

鼻口」,原誤倒,今據《孟子字義疏證》改。

間 子矣。」「問: 使然耳。 曰:『理義之悦我 爲不一、舉凡身之嗜欲根於氣血明矣、非根於心也。 孔子曰: 「少之時,血氣未定,戒之在色,及其壯也,血氣方 竅於耳目鼻口以通之。 既於是通,故各成其能而分職司之。 日用飲食」,自古及今以爲道之經也。 之間,内之備於吾身,外内相得無間而養道備。「民之質矣, 五行有生尅,生則相得,尅則相逆,血氣之得其養、失其養繫 地之間者無或遺矣。 故不能相爲。 能使耳目鼻口,不能代耳目鼻口之能。 悦聲,目悦色,鼻悦臭,口悦味,非心悦之乎? 鼻口與? 根於心,於「好是懿德」固然矣,抑聲色臭味之欲徒根於耳 事 喪自失。 ,有聲也,有色也,有臭也,有味也。 戒之在關; 資於外足以養其內,此皆陰陽五行之所爲,外之盈天地 ,有當於理義,其心氣必暢然自得, 悖於理義,心 耳目鼻口之官,臣道也, 心,君乎百體者也。 以此見心之於理義,一 聲色臭味之欲亦宜根於心,今專以理義之好爲 人物受形於天地,故恒與之相通。 及其老也 心猶芻豢之悦我口。』非 外内相通,其開竅也,是爲耳目鼻口。 ,血氣既衰,戒之在得。]血氣之所 百體之能皆心之能也,豈耳 同乎血 心之官、君道也。 舉聲色臭味,則盈天 血氣各資以養,而開 彼其能者各自具也, 氣之於嗜欲,皆性 喻言 也。 曰: 否。 盈天地之 臣效其 凡 孟子 氣必 人行 自 心

之乎? 非心出 也; 理,是理者存乎欲者也。 得者藏於中之謂也。 學猶飲食,則貴其化,不貴其不化。 明察,是心知之得其養也。 其自得之也亦然。 予之而具於心 理、欲之界,以爲君子小人於此焉分。 其説爲「不出於理則出於欲、不出 爲物而不化之學,況以之言性乎?」「問: 極而至乎聖人之神明矣。 知,其天定者往往不齊,得養不得養,遂至於大異。 其養也,以心知言,昔者狹小而今也 也,即爲我之血氣,非復所飲食之物矣,心知之資於問 氣心知本乎陰陽五行者,性也。 譬有光皆能照,而中理者,乃其光盛,其照不謬也。 能 有則」,以其則正其物,如是而已矣。 而 自得之,則居之安,資之深,取之左右逢其原,我之心知 君 正其可 一意以可否之也。 是故就事物言,非 杏。 也,心之神明於事物 理 以血氣言,昔者弱而今者强 義非 心自心而所得者藏於中,以之言學,尚 然則無欲亦 神明者,猶然心也 若心出一 事物之外别 他,可否之而當 故曰 「雖愚必明」。 如血氣資飲食以養,其化 於欲則 記問之學,人而不化者 咸足以知 意以可否之,何異强 廣大,昔者闇 就人心言,非别 非與? 有理 今以 宋以來之言理 出 是 義 情之不爽失爲 於理」、故辨平 ,非心自心 謂 其不易之則 也。 ,是血氣之得 曰 : 人之血 理 昧 義 有 孟子 苟 人之血 而 有 知問 氣心 今也 :理以 物 而 然 言 必 制 又

愐

私生於欲之失,蔽生於知之失。

之實謬,乃蔽而不明。

以生以養之事。

明」之道也。

有生而愚者,雖無欲,亦愚也。

猶明,而

況精神。

聖人之心静乎?

夫虚

氏貴於「抱一」,貴於「無欲」,莊周書則曰:「聖人之静 曰:「静也善,故静也。」萬物無足以撓心者,故静也。 於天下之人生道窮促亦將漠然視之。己不必遂其生而遂人 遂其生,至於戕人之生而不顧者,不仁也。不仁,實始於欲 ,天地之平,而道德之至。」此老莊之説,非《中庸》「雖愚必 心有所蔽,則於事情未之能得,又安能得理乎? 欲其物,理其則也。不出於邪而出於正,猶往 使其無此欲,必無不仁矣。然使其無此欲,則 欲之失爲私,不爲蔽。自以爲得理而 然則謂「不出於正則出於邪,不出於邪則 天下古今之人,其大患,私與蔽 欲遂其生,亦遂人之生,仁也。 一於理則出於欲,不出於欲則 而宋以來之言理欲也,徒以爲正 無也,寡之而已。 謂以 欲生於血氣, 静恬澹、寂寞無爲 夫事至而應者,心 凡出於欲 理應事矣。 人之生 無非 也,非 水静 自老 知 所執 二端 出 生 於 欲 理 理,窮人欲,其言有似於以理欲 無曠夫」,仁政如是,王道如是而已矣。」「問:《樂記》言滅天 韓如是也! 之。 爲怪; 乎老釋之言以爲言。 宰。後之釋氏,其論説似異而實同。 於心。 以畜妻子」,曰「居者有積倉,行者有裹囊」,曰「内無怨女,外 民同樂」,日「省刑罰 性之發爲情欲者而强制之也哉? 理,其誰憐之? 而在下之罪人人不勝指數。 不能以天下之同情、天下所同欲達之於上。 之順,卑者幼者賤者以理争之,雖得,謂之逆。 聖賢體民之情,遂民之欲,多出於鄙細隱曲,不措諸意,不 爲同於聖人。理欲之分,人人能言之,故今之治人者,視 聖人治天下,體民之情,遂民之欲而王道備。 氏異於聖人,聞其無欲之説,猶未之信也,於宋儒,則 心,老氏所以言「常使民無知無欲」。 尊者以理責卑,長者以理責幼,貴者以理責賤,雖失,謂 而及其責以理也,不難舉曠世之高節,著於義 因私 而 六經、孔孟之書豈嘗以理爲如有物焉,外乎人 咎欲,因欲 嗚呼,雜乎老釋之言以爲言,其禍甚於申 ,薄税斂」,曰「必使仰足以事父母,俯 《記》曰:「飲食男女,人之大欲存焉。」 而咎血 人死於法,猶有憐之者,死於 氣 爲邪正之别,何也? 孟子告齊、梁之君,曰『與 宋儒出入於老釋,故 彼自外其形骸 因 蔽 而咎知 上以理責其下 人知老莊、釋 於是下之人 因 ,貴其真 知 信 而 而 足 罪 足 古 以 雜 咎

邪之辨

而已矣。

不出

於邪

而

出於正,則

往有意見之偏,未能得理。

理」,不可也。

出於正」,可也,謂「不出

之生,無是情也。

遂其生之心。

也

,莫病乎無以遂其生。

養心莫善於寡欲」,明乎欲

不可

與事分爲二而與意見合爲一,是以害事。

也。

是以 人與 類區 論之。 逆詐 欲以勿害之,不必問學以擴充之。 也。 非 也。 也。 理 性 初』,德性資於學問,進 及情,可謂之非天理乎?」「試以人之形體與人之德性 得 日 於臭也,四體之於安佚也」,此後儒視爲人欲之私者,而 無欲之喻也。 受之之情,譬則禹之行水,行其所無事,非 以 而西,言性之欲之不可 『性也』,繼之曰『有命焉』。 ,爲相生養之道,譬則水由 人較 分,而 惡汎 重問學,貴擴充; 其形體之長大也,資於飲食之養, 天理爲正,人欲爲邪 聖人教之反躬,以己之加於人,設人如是加於己而 僞之心,有淫佚作亂之事,譬則洪 是故欲不可 則 形體始乎幼小,終於長大,德性始乎蒙昧,終乎 水 濫 ,其材質等差凡幾? 也 人所稟受,其氣清明,異於禽獸之不可 而 『口之於味也,目之於色也,耳之於聲也,鼻之 塞其流,其立説之工者,且直絶其原,是 欲 窮,非不可有。 譬 則 老莊、釋氏謂有 而聖智,非『復其初』,明矣。 水之流 無節 也。 地 命者限制之名,如命之東則不 也。 天理者,節其欲而不窮人欲 中 古聖賢知人之材質有等差, 也 有 行 在老莊、釋氏既守己自足 節 而節之,使無過情, 也; 節 而 乃長日加益 生皆同 水横流,汎 而 不過 窮人欲而 不 ... 過 汎 ,則依乎天理, ,故主於去情 濫 則爲依 濫於 至於 開 而 人、物以 非『復其 通。 塞 無不 子天 孟子 遏欲 有悖 思 比 其 中 聖 流 然 躬 國 而

之分有理,理之得有義。 即爲失道。 者,非道矣; 則凡事之可通行者爲道。 注 而 宜 有 理字,此孟子所本也。 道 在,咸習非勝是,不復求通。 其說雜糅傅合而成,令學者眩惑其中,雖六經、 足,難於言學以明理,故不得不分理氣爲二本而咎形 莊、釋氏所謂真宰、真空之湊泊附著於形體也。 子 也。 子、朱子尊理而以爲天與我,猶《荀子》尊禮義以爲聖人與 改其毁訾仁義者,以爲自然全乎仁義,巧於伸其説者 義,其説亦足以伸。 矣,因毁訾仁 理也 焉。 或止乎魯,行焉而仍弗宜 德而理於義,窮理盡性以至於命。」孔子言道德性命 性惡之説 ·理者得道之理」○正義曰: 謂理爲形 趨燕者行乎南,趨齊者行乎西,行焉而弗 ,理有義也。 趨燕者雖行乎北而或達乎趙,趨 也。 可行矣,乃道之達於四方者,各有分焉,即 義 氣所汙壞,是聖人而下,形 以 而 伸 其所謂 理者,分也; 陸子静、王文成諸 其 道者,行也。 八説。 「理於義」者,分而 得乎道爲德,對失道而言也 理 矣。 嗚 乎 ! 荀 ,别爲湊泊附 《易 子 弗 ,謂常 義 方宜則非 者,宜 凡路之可通行者爲 吾 説卦 人之性,學然 人同於老莊、釋 何敢默 氣皆大不美,即 義 也。 傳》云:「和 著之一物 得 即 齊者雖 而息乎?」〇 其不 於 孔孟之言具 宜 非 理既完全自 上矣。 義 理 行 可 也 氣 後 也 各有 乎 故 弗 通 指 順 猶 氏 知 道 於 道 東 宜 惟 道 行 出 蓋 老 荀 我 程 而 禮

致於命。 犬豕爲豢。《大戴記·曾子天圓》篇云:「宗廟曰芻豢,山 趙氏以「得道之理」明之,「得道之理」即「和順於道德而理 分,故有宜有不宜。理分於道,即命分於道,故窮理 H 酒」,注云:「以穀食犬豕曰豢。」是犬豕穀食者也,故即 也。」飼牛羊以草,故即稱牛羊爲芻。《樂記》云「夫豢豕爲 日芻穀食曰豢」○正義曰:《禮記・月令》「仲秋案芻豢」,注 · 犧牷。」阮氏元《挍勘記》云:「宋本食作牲。」 也。 「養牛羊曰芻,犬豕曰豢。」《説文》艸部云:「芻,刈 説者或並理而斥言之,則亦芒乎未聞道矣。 後儒言理或不得乎孔孟之指,故戴氏詳爲闡説,是 孟子以「理義」明性,即孔子以「理於義」明道 ○注「草 盡 性 也。 食 以 稱 III 草 於

聲,口能食則爲味,而好惡實基於此。《大學》言「好惡」,惡說》云:「人之性受於天,目能視則爲色,耳能聽則爲惡,孟子以「悅心」「悦口」言性,悅即是好。趙氏兼言好惡,孟子以「悅心」「悦口」言性,悅即是好。趙氏兼言好惡,孟子以「悅心」「悦口」言性,悅即是好。趙氏兼言好惡,」一一章指:言人稟性,俱有好憎。耳目口章指。言人稟性,俱有好憎。耳目口

者也。 聲。 也。 性矣。 趙簡子曰:「天地之經而民實則之。 性字祇此一見,即好惡也。《左傳》昭公二十五年太叔對 親愛、賤惡、畏敬、哀矜、敖惰,皆不離乎人情也。《大學》 惡人之所好,是謂拂人之性。」然則人性初不外乎好惡 樂,惡極則生怒,又極則爲哀。過則佚於情,反則失其 失,乃能協於天地之性,是以長久。」蓋喜怒哀樂,皆由好 好物也,死,惡物也。 性,生其六氣,用其五行。 中庸》申之以「喜怒哀樂」,蓋好極則生喜,又極 淫則昏亂,民失其性。」此言性,即食味、别聲、 受亦好也,故正心之忿懥、恐懼、好樂、憂患,齊家之 又云:「是故審行信令、禍福賞罰以制死生。 性者,好惡二端而已。《大學》云:「好人之所惡 好物、樂也、惡物、哀也。 氣爲五味,發爲五色,章爲 則天之明,因地 哀樂不 則 生 爲

孫授易授詩校字

惡而生,好惡正,則協於天地之性矣。

孟子正義卷二十二終

## 六三

## 孟子正義卷二十三

江都縣鄉貢士焦循譔集

之所 疏注「牛山」至「之貌」○正義曰: 閻氏若璩《釋地續》云: 斤牛羊,使之不得有草木耳。 注牛山,齊之東南 濯也,以爲未嘗有材焉,此豈山之性也哉? 羊又從而牧之,是以若彼濯濯也。 「「牛山,齊之東南山」,是趙氏在複壁中所注,方向少錯,無 濯濯,無草木之貌。 大國也,斧斤伐之,可以爲美乎? 今目驗在臨淄縣南 息,雨露之所潤,非無萌蘗之生焉, 孟子曰:「牛山之木嘗美矣。 山 牛山木嘗盛美。 一十里,亦在唐臨淄縣南二十 也。 邑外謂之郊。 非山之性 以 人見其濯 是其 無草木也。 在國郊,斧 以其郊於 息,長也。 日夜 里, 牛

草木之貌」也。雖存乎人者,豈無仁義之心哉? 氏念孫《廣雅疏證》云:「飽,長也。 謂之郊」、《爾雅・釋地》文。 賦》云:「牛嶺鎮其南。」《列子・力命》篇:「齊景公游於牛 昭不知引何人《孟子注》云:「南小山曰牛山。」晉左思《齊都 好惡,凡人皆有與賢人相近之心。幾,豈也。豈希, 之心邪? 其日夜之思欲息長仁義,平旦之志氣,其 也。言雖在人之性,亦猶山之有草木。人豈無仁義 旦之氣,其好惡與人相近也者幾希,往存,在 旦而伐之,可以爲美乎? 其所以放其良心者,亦猶斧斤之於木也。 陰翳不齊,草木盡去,不異洗濯者然,故趙氏以 滌之名,物經滌濯則垢汙悉去,故光明爲濯濯。 云「君子尚消息盈虚」,消息即消長也。」《毛詩》言「濯濯」者 Щ 注:「牛山,一名南郊山,天齊淵出焉。 二、《大雅・靈臺》篇「麀鹿濯濯」,傳云:「濯濯,娱遊也。」 《崧高》篇「鈎膺濯濯」,傳云:「濯濯,光明也。」濯是 括 ,北臨其國城而流涕。」 夫臨曰北,正以 :地志》所謂「管仲冢與桓公冢連在牛山上」是。 息之義與生同。 其日夜之所息,平 息與飽通。 齊以此得名。」梁劉 山實在南。」「邑外 生亦長也。王 「濯濯」爲「無 《剥·彖傳 Ш 有草木則 洗 澣 道 日 溉 元 此。

此極言良心不遽亡,非謂良

心易去也。

故趙

氏

以「幾

希

|爲「不遠」也。

或以息爲歇息,非是;

以幾希爲甚微,

亦

日夜所

息,則

日遠於人一

日,

之氣,好惡尚與人相

心所生長。

相

其性之善也。

仁,雖爲不義而思欲尚轉而及義。 良心,其始陷溺未深,尚知自悔,雖爲不仁而思欲尚轉 近」,正謂與禽獸相遠。謂之爲人性原相近,但日放一日 夜之思欲息長仁義」。 言》云:「存存,在也。」是「存」即「在 ·旦,朝也。」「旦旦」猶云朝朝,亦即日日也。 賢人」,謂能存仁義之心,未放失其良者也。 良心」即善心,善心即「仁義之心」。 仁義不能無端生長,故趙氏以「思欲」明之。 日日放其良心,猶日日伐其山木。 順民》篇云「以與吴王争一旦之死」,高誘注 仍與人近而不遠。 疏注「存在」至「遠也」○正義曰:《爾雅 旦旦伐之,而所習仍 良亦美也。 近即 日遠於人一日,即日近於禽獸一日, 近,則「性善」可知矣。 「性相近」之相近。 息之義爲生長,所息指生長此心之仁 「其日夜之所息」,趙氏解爲「其 此孟子以放失仁義 此思欲之所轉,即仁義之 相近,則 放者,存之反也。 也。 山木由此不美,人心 放失之後,其平日 「良」之義爲 旦旦,言非 趙氏以 良心不易亡 其實「與人相 蓋 之人 雖放 「人」爲 而 而 云: 日日 • **~** 吕 則 善 明 釋 如 其 及 其 日 也哉? 失之。 界。 牿亡之矣。牿之反覆,則其 幾也」異。 切 日 猶明日也。」《漢書・高帝紀》「旦日合戰」,注云:「旦日 義曰:《説文》日部云:❶「旦,明也。」晝日之出入,與夜 有善才性,此非人之情也。 其夜氣不能復存也。 使亡失其日夜之所息也。 禽獸也,而 夜氣不足以存,則其違禽獸不遠矣。 人見其 宣公八年《穀梁傳》「祭之旦日之享賓也」,注云:「旦 趙氏佑《温故録》云:「豈希言不遠、與前注「幾希,無 注旦畫,畫日也。 蓋 亦隨文見義與?」則 以爲未嘗有才焉者,是豈人之情

人見惡人禽獸之行,以

爲未嘗

牿之反覆,利害干其

心,

其所爲萬事有

特亂之

其

旦

畫之所爲,有

夜氣不足以存。

義。

氏春秋

言不遠也。

也。

亦由此不良。

華所悦,而所息者乃牿亡矣。《音義》云"「丁云"「梏,古沃 明日,謂今日夜所息平旦之氣才能不遠於人,及明日出 也。」趙氏言「晝日也」,是以「日」釋「晝」也。 ,謂悔吝利害也。」」言利害之亂其性,猶桎梏之刑其身。

旦

晝」猶云

明明

日

爲

見紛

0 日 按《說文》旦字屬旦部,多沈校。

疏注「旦晝」至「情也」〇正

牿。 爲亂; 亡也 不積,不足以滅身。 而 之故,其所由 則利害之見勝。 即古文攪字,謂攪擾 亂也。」《詩 此梏從木。 牿之反覆,夜氣不足以存,乃違禽獸不遠。 長仁義,是利害之邪干犯仁義之良,故夜氣不足以存也。 梏亂而亡失之也。 禽獸,亦非 「『有牯』之有當讀去聲。」讀 云「梏羽羣」,注云: 有梏德行」,是梏與覺古通。 小人不耻不仁,不畏不義。 牿,桎梏之梏。」是「桎梏」之梏通作「牿 大誡,此小人之福也。」又云:「善不積,不足以 其始,息多於牿,久則牿多於息。 《毛詩 7 趙氏云「其所爲 氏 大雅 一日所遽至也。 **《**書 以爲桎 來 小 者漸矣,由辨之不早辨也。」《繫辭傳》 牿之不已,則心但知有利害,不復能思欲 雅 **桨誓》「今惟** 反覆即反復。 一梏,非 也。 抑》篇 「梏、諸家並古酷反。」案、字書捁從手。 小人以小善爲无益而弗爲也,以小惡爲 何人斯》云「祇攪我心」,傳云: 捁、牿、梏同。 萬事,有牿亂 其 「有覺德行」、《禮記 《坤·文言傳》云:「非 去聲則爲又,謂 不見利不勸,不威不懲。 義 《後漢書 也。 淫舍牿牛馬」, 息而牿,牿而又息,息而又 何氏 息則仁義之心存, 告 趙氏讀牿爲攬 之」,則是以 馬 」, 故 焯《讀書記》云: 然則人之不遠 融傳 才有所生息,又 「梏亡」作「牿 鄭 緇衣》引 氏 成 朝 廣 ~ 亂 名 注 成 小懲 故訓 攪 タ 굸: 頌 釋 息 惡 於 至 作

爾鄰里鄉黨乎」、《集解》引鄭曰:「五家爲鄰、 把持也。」《禮記 氏深能發《孟子》之指。 離騷》云「苟余情其信姱以練要兮」,注云:「苟,誠 心爲若是也。 義,何 文》水部 在,縱之則亡。 木,利欲之消仁義,何有不盡也? 之謂與?」注誠得其養,若雨露於草木,法度於仁 則存,舍則亡。 物不長; 仁,畏之以義,勸以利而懲以威也。 之, 牿之反覆 无傷而弗去也,故惡 人近,是時早辨,尚不至於牿亡,此聖人設 法度於仁義 誠」釋「苟」。 持」釋「操」。 有不長 云:「消,盡 苟失其養,無物不消。 也。 即 「舍」即放,放即 人之自治必以問學,聖人治人則以禮樂,皆以 也? 疏注「誠得」至「是也」○正 「漸積」之謂 曲禮》「操右契」,注云: 莫知其 息仁義必以 也。」故以 積 出 誠 或謂静以任其自然,非其義也。 而 入無 失其 不 鄉。 可 也。 「縱」。 掩 盡 思欲,養仁 養, 時,莫知 鄉 當其 釋 罪大 猶 若斧斤牛羊之消 《論語 消 里, 故苟得其養 (日夜所息,好惡 而 孔子曰: 以 孔子曰:『操 「操,持也。」故 義必以 不 其鄉。」惟 教 義曰: 手部 雍也 可 五鄰爲里。 喻 , 所以 解。」 居 法度。 》篇 云: 也。」故 持之則 也 楚 耻 日 以. 之以 辭 尚 日 無 與 U 説 以 猫 草 萬 趙 與 伐

明指心言、蓋存亡即出入也。 二千五百家爲鄉,五百家爲黨也。」《論語·里仁》篇「里仁爲 憧往來」,往來者,出入也。 之物,故操舍惟命,若無出人,則無事操存矣。《大易》「憧 非録》云:「「出入無時,莫知其鄉」,直接「惟心之謂」句,分 也。」鄉里之鄉本取義於向,則其義通矣。 毛氏奇齡《聖門釋 名·釋州國》云"「萬二千五百家爲鄉。 仁者之里,是爲善也。」鄉大於里,而皆爲民之所居,故云: 在,亦出入也。是心原可出入而操舍者,則因其出之入 美,擇不處仁」、《集解》引鄭曰:「里者,民之所居也。 鄉猶里,以喻居也。」「惟」,猶「獨」也。 《大學》心有所,心不在,有所不 惟心是一可存可亡、可出可入 鄉,向也。 近讀鄉爲向。 衆所向 居於 《釋

斧斤,不伐牛山。山則木茂,人則稱仁也。章指: 言秉心持正,使邪不干,猶止

之也。」

位齊久。下云「吾見亦罕,吾退而寒之者至」,則是孟子仕齊之,故言此也。 成注「王齊王也或怪也」○正義曰:孟子齊王也。或,怪也。 時人有怪王不智而孟子不輔齊王也。 可:「無或乎王之不智也! 注王,

有萌焉 乃有是語,故知王爲齊王也。《吕氏春秋·審爲》篇云 既見而退,寒之者至,謂左右佞諂 之,十日陰寒以殺之,物何能生? 我亦希見於王, 惑之」,高誘注云:「惑,怪也。」或與惑同。 致志,則不得也。注奕,博 牙」即萌蘖也。 云:「希,罕也。」《毛詩·鄭風·大叔于田》「叔發罕忌」,傳 牙矣,設遇風霜則必枯萎,是陰寒以殺之也。《爾雅·釋詁 其種必得温和之氣乃能萌動。 正義曰:《小爾雅·廣言》云:「暴,曬也。」《説文》日部云: 萬物,何由得有萌牙生也? 也。吾見亦罕矣,吾退而寒之者至矣,吾 生之物也,一日暴之,十日寒之,未有能 語》曰: 「萌,草芽也。」「芽,萌芽也。」牙與芽通,故幼小稱童牙。 「萌 云:「罕,希也。」故「罕見」即「希見」也。 「曬,暴也。」日光所曬,故温。 「不有博奕者乎?」數,技也。 何哉?注種易生之草木五穀,一日暴温 今夫奕之爲數,小數也。 草木五穀雖有經冬而生者,然 今農人清明後浸稻種,既發 疏注「種易」至「生也」○ 也,或 順意者多。 《説文》艸部云: 日 雖有天下易 雖 韋 小 技,不專 棊。《論 不專心 生者 二世必 如

道 文》引《 以松栢之心爲博箭。』《西京雜記》云:「許博昌善陸博法, 雅 君,不 局戲也。 言》云: 六箸,以竹爲之,長六分,或用二箸。」《列子・説符》篇《釋 枰也」,「曲道,梮也」,「圍棋,奕也」,皆本此。」王氏念孫《廣 也。』《史記 玉 之博」,楊倞注云: 之奕。」戴氏震《疏證》云:「簿、博古通用。 之局,或謂之曲道。 璇,或謂之棊。 或謂之蔽,或謂之箭裏,或謂之簙毒,或謂之夗專,或謂之塵 心 大投,或欲分功。』《春秋》襄二十五年《左傳》: 『今甯子視 一楚辭 局,博所以行棊。」「奕,圍棋也。」《荀子·大略》篇云「六貳 也。 兩 ,疏證》云: 則不得 如奕棋。」《廣雅》「簙箸謂之箭」、「夗專、簙也」、「廣平、 頭當中名爲水。 《六博 蔽,簿箸以 「簙謂之蔽,或謂之箘。 招魂》篇『崑蔽象棊,有六簿些』,王逸注云: 六箸十二棊也。 • 范睢蔡澤列傳》: 也。 經》云: 「梮通作局。 所以投簿謂之枰,或謂之廣平。 疏 玉飾之也。 「即六博也。 注「奕博」至「奕者乎」○正義曰: 圍棊謂之弈,自關 「博法、二人相 用棊十二枚,法六白六黑,又用魚二 《韓非子・外儲説》云:『秦昭 古者烏胄作簿。」「箘,簿基也。」 『君獨不觀夫博者乎? 投六箸,行六基,故謂 秦晉之間謂之簿,吴楚之間 今之博局亦二六相對也。」 對 坐向局 而東,齊魯之間皆謂 《説文》云:「簿、 局 所以行棊謂 分爲 六簿 『菎, + = 或欲 **介**方 用 Ŧ.

> 枰; 注云: 雙魚。 以布 式正 爲圍 纂》云:「《説文》:「弈,圍棊也。」《廣雅·釋言》: 也。 法與圍棊異。」按: 圍棊,博爲局戲。《説文》: 子各一百五十枚。』《後漢書・張衡傳》『奕秋以棊局 變,由不可既也。」亦即弈字。 弈也。」奕通作亦。《大戴禮 獲二籌; 枚,置於水中。 處即竪之、名爲驍棊、即入水食魚、亦名舝魚。 藝經》曰: 枰之上。」《小爾雅 列者之通名。 棊。」劉徽《九章算術》: 棊,今仍此名矣。 以其同行於枰、皆謂之棊。 説文》云"「枰,平也。」韋昭《博奕論》云"「所 「奕,圍局也。 彼家獲六籌,爲大勝也。」廣平爲博局之枰,取義於平 翻一魚,獲三籌。 『棊局縱横,各十七道,合二百八十九道,白 其擲采以瓊爲之。二人互擲采行基, 棊行 謂博與奕異是 而博之基,上高而鋭,如 基即所執之子。」按,博奕皆用基,弈爲 · 廣服》「棊局謂之奕」,宋氏翔鳳 以其 若已舝兩魚而不勝者,名曰 「句股冪,用 (局同 「簙、局戲也。 《文選·博弈論》注引邯鄲 小辨》篇:『夫亦,固十棊之 《史記 用 也。 板平 博蓋即今之雙陸, 諸色棊别之。」凡 承於下,則皆謂 日者列傳》: 六箸十二棊也。」 箭亦如箸,今雙 每牽 取譽」, 車 志不 魚, 被 深 訓 用 旋 之 淳 出 到 翻

❶ 「牽一」,原誤倒,今據《廣雅疏證》乙正。

五射

四日

奇

稱

游於藝」,注云:「藝,六藝也。

也。」《坊記》「尚技而賤事」,注云:

王

一之不

爲

是

謂

秋

所

也。』《禮記

淮南子·

也

九數之用

功黜陟,器用有常,施設無祈,因敵爲資,應時屈伸。」此分别 氏之門,回、賜相服,循名責實,謀以計策,若唐虞之朝,考 得也」〇正義曰:《吕氏春秋·察賢》篇「任其數而已矣」, [專擲采,遂稱擲采爲博,博與奕益遠矣。 數之爲技,猶數之爲術,即數之爲藝。 五御,五曰六書,六曰九數。」九數爲六藝之一,故 原道訓》「貴其周於數」,高誘注並 其實數之名、《漢書·律曆志》云一十百千萬是 蓋奕但行基,博以擲采而後行基,後人不行基 鄉飲酒義》「古之學術道者」,注云:「術,猶藝 引《論語》在《陽貨》篇第十七。 ,其爲方田、粟米、差分、少廣、商功、均輸、方 優者有不遇,劣者有僥倖。 「奕」,其實奕爲圍棊之專名,與博同 高下相推,人有等級。 有箭、箸之名。 「技,猶藝也。」技、術皆訓 如奕古用二百八十九道, 班固《奕旨》云:「夫博懸 日五禮,二日六樂,三日 《 禮 記 • 趙氏以《論 ○注「數技」至 雖有雌雄,不 云: 今雙陸 「數, 術 少 若孔 儀 語 枰 矣。 選 趙氏《章句》不解「致志」而《章指》云「不精不能」,「不精 程、贏不足、旁要,今有重差、夕桀、句股,其用大矣。 矰」,注云:「繳,大綸。」《説文》系部云:  $\overline{Z}$ 智亦若是。 其智不如 善而聽之,其一人念欲射鴻鵠,故不如也。 謂之善奕,曰「奕秋」。 弗若與? 人雖聽之,一心以爲有鴻鵠將至,思援 指補之。 解「不致志」,「不能」即解「不得」也。 類也,故云「小數」。「致」之言細密也,用志不細不密 之間,方罫之内,勝負視乎多寡,所以商度而計較者,亦數之 而射之。雖與之俱學,弗若之矣。爲是其 人奕。其一人專心致志,惟奕秋之爲聽, •文賦》李善注引《説文》云:「謂縷糸矰矢而以 「援,引也。」《淮 故專一其心,以細密其志也。 奕秋,通國之善奕者也。 也, 曰: 疏「思援弓繳而射之」○正義曰:《説文》手 티 : 非然也。」注有人名秋,通 南 非也,以 子 使教二人弈。其一人惟 説 不 Щ ·致志 訓》云 致是細密,細密即 趙氏注中所略,每於章 也 「繁,生絲縷也。」《文 「好弋者 使奕秋誨一 故齊 先具 惟射

博、

奕連言,故以

博

釋

而異事也。

博、

奕甚明。

而

今則用三百六十一道,亦其例也。

上,亦有水門。其法古今有不同。

足以爲平也。

至於弈則不然。

於投,不專在行。

陸基俗謂之鎚,尚可考見其狀,故

而

枰

是

即即 精 則

負

也。」

繳

與

智

或

皆

弓

繳

是。 習 心 待之。若發若否,問二五曰 弈者也。」儲謂儲蓄精 之微,秋儲無以競巧。」注云"「《孟子》曰"「弈秋,通國之善 以弈加名稱之也。《文選·齊故安陸昭王碑文》云:「弈思 此 智弗如也」,分爲與謂爲二,失之。」〇注 繫弓弋鳥,亦可用以繫竿釣魚。 矢部 正 「「爲」與「謂」同義,言謂是其智弗若也。 曰字以别之。《孟子》[爲其智弗若與, 王氏引之《經傳釋詞》云:「有一人之言而自爲問答者,則加 糸部又云: ·詩· 義曰: 亂也。」此文殘闕,當即《孟子》此文之意。 專心致志,李善注是也。 名弈秋,弈是技名,故知秋爲其名,因通國皆謂之善弈,故 也。」孔氏正義曰: 也 《藝文類聚 云: 非 風 智 矰 古之以技傳者,每稱之爲名,如醫和、卜徒父是也 性 「緡,釣魚繁也。」然則繁爲生絲縷之名,可用以 即 本 女日 惟射矢也。」 佳部云: 相 性 》引《尸子》云: 遠 之神 雞 **始鳴》箋、** 也。 「以繩繫矢而射鳥謂之繳射。」《説文 思也。」儲字承上思字,儲蓄精 明 此 也。 章 《齊風・ 王應麟以儲亦 弗知。非二五難 以 一弗 0 智 ○「曰非然也」○正義 若」 「鴻鵠在 明性,與 盧令》箋皆云: 「惟者,繁射飛 者,習 「有人」至「弈秋」〇 日 趙注云「爲是謂其 非 上,杆弓鞟弩以 「善弈之人」,非 前 相 「俱學」者,俱 計 然也」是 章以仁 遠 也,欲鴻之 也。 弋 鳥 思,正 義 也。」 也。 日 明 非

性互見之。

濟 傳云:「濟濟,多威儀也。」孔氏正義云:「《釋訓》云:「濟 言。 也; 《詩》云:「濟濟多士,文王 民舉首而望文王,願爲文王臣。」以 臣明理以佐主,故主明。 文王賴多士以寧。 指考證》云"「濟濟二句、《左傳》成 之,十人惡之,雖 自指多士。 云:「朝廷之儀 也。 疏「詩云」至「謂也」〇正義曰: 云:『文王猶用衆,況吾儕乎?』荀卿、梅福、王褒皆 新 ·容止也。」孫炎云:「濟濟,多士之容止也。」《少儀 章指:言弈爲 書》又云"「輔翼文王,則身必已安也。」以寧指 二解並異。」按:此詩爲《大雅・文王》篇第三章。 多士者,多長者也。 趙氏引以與「一人善之」相對。 濟濟翔翔。」與 獨《管子》云:『濟濟者,誠莊事 小數,不 周文王誠莊事斷: 主明而國治,竟内被其澤利,殷 竭 其 八此同。」 道 精 濟濟指文王言。 以 不能 二年楚子重引 濟 周氏廣業《孟子 何 寧。」此 濟 故國治; 由 與多士連文 多士則寧, 智 之謂 哉 人善 多 賈 以 其 之 士 誼 羣 斷 爲 章

❶ 「藝文類聚」以下非關弈秋,當另立一條。

生

不

生者,故不爲苟得 麗之皮及熊蹯之等。」文公元年《左傳》云:「以宫甲圍成 其珍異皮革。」注云: 人之所惡莫甚於死者,則凡 莫甚於生,則 甚於死者,故 不熟」,注云:「蹯,掌也。」生亦我所欲 二年《左傳》云「宰夫胹熊蹯不熟」,宣公六年《公羊傳》「熊 周禮·秋官·穴氏》: 得兼,舍生 食熊蹯 也? 孟 我 二者不可得 子曰:「魚,我所欲也, 魚以 所欲也; 而死。」注云"「熊掌難熟,冀久將有外救。」宣公 注有甚於生者 喻 凡 患 而 生 有 可 「蟄獸、熊羆之屬。」賈氏 也 取 以 義, 所 義者 也, 死亦我所惡, 所惡 「掌攻蟄獸、各以其物火之、以時獻 兼 得 不 疏注「熊掌熊蹯也」〇正 ()舍魚 亦我 生者, 辟 調調 也。 也。 義 所欲 可以 而 也 注熊掌, 何不用 如使人之所 取 熊掌,亦我所 ,所欲有甚於 也。 義者,不可 熊 辟患者, 疏 掌者也。 也? 二者不 熊蹯也。 義日 一調 欲 Ŧ, 有 荷 何 使 蹯 能 生。 「不爲苟得」、「患有所不辟」,爲貪生亡義者言 辟患爲是。 良心也。 云不貫。 不爲耳? 死之權度。

王請

以

喻

可

生

欲

也

得。 欲莫甚於生,則又以得生爲是, 所欲無有甚於生,則何以不爲苟得? 心,乃能如是; 以見其惡有甚於死? 乃人性則所欲有甚於生,所惡有甚於死,此其性善也 不義,乃苟於辟患,是指喪失其良心者而言,於下「由 所欲莫甚於生,是不知好義之人也。 不苟於辟患,此舍生而取義之事也。 何以患有所不辟? 良心,以爲下「人皆有之」張本。 則 人之所惡莫甚於死者,是不知惡不義之人也。 荷 有甚於死者,謂 利 近時通解,則以此爲反言,以決人性之必善,必 何以見其欲有甚於生? 而求生矣,莫甚 所欲有甚於生則不苟得此生,所惡 生而 疏注「莫甚」至「爲耳」〇正義曰: 使本無良 不 義 反復以明人必 於其患有所不辟見之。 無 則不苟 心 、義也。 則惟 於死 此時所惡莫甚於死 生 欲生惡死,人物所同 欲 不苟辟 有此良心。 於其不爲苟得見之; 則 生 使無義可取 生 不 口 所惡無 而 而 義, 知好 辟 已 患也。 患 惟惡 則 義, 有甚於死,則 不 惟其有此 趙氏謂人之 有甚 或 亦不苟 ,則此 乃 謂 死 莫甚 則 不 ,善,何 此言 於 荷 之性 是二云 丽 此 知 求 又以 死 時 於 所 則 良 何 其 惡 得 生

也。

可

以

爲一節 之也。 不爲荷 者能 於死 是 生 惡」〇正義曰: 有 不 之,亦由其小,故輕而不受也。 故不肯受也。 道之人弗受; 於死,惡甚於死 人之餓者得此 豆羹,得之則 在生,亦不 , 咄 不 則 何不用; 者。 ·爲也 勿 啐之貌 生, 蓋以兩 疏 惡 喪 而 而 由 非 可以辟 耳。 在 辟 「苟 也。 是」至「喪耳」〇正 有 死。 獨 是 蹴 由是」與「是故」二字相呼吸。 患 生, 也。 ?惡」謂 蹴 不 賢者 故 器食可以生,不得則死。 也。 注 患,何不爲」,爲輕生不知義者言 當死而 行道之人,道中 蹋 用 爾 弗 所 有 也 凡人皆有是心,賢者能 有甚於生,義甚於生也; 不 得 欲 也 而 不用,不用苟 有是心 - 肯苟 死,當生而 與之,乞人不屑也。 有甚於生者,所惡有 則 以 由 死。 且爲 足 義 曰: 是 踐蹋與之,乞人不 疏注 也,人皆有之,賢 惡也。 則 生 凡 嘑 趙 人。 生也; 聖人之權 可 爾 氏以 「嘑爾」至「貌也」 以 而 ○注「不爲苟 以 「由是」以 嫭爾 簞食, 辟 與之,行 其賤 有不爲, 勿喪亡 患 也。 也。 有甚 猶 己 注 甚 絜 而 由 呼 義 下

己

身何

加

益哉?

己身不能獨

食萬鍾

豈

不

爲

廣

邶風• 怒也。 肯受。 萬 所識 啐,七内切 萬 「不屑」是不以爲潔 蹋、踐、蹈五字相轉注。 云: 中」即路中。 爾」之義不合,故用《左傳》呼字讀之,又解以「咄啐」,明其 也。」言部 文》云:「咄,叱也。」《説文》口 引《倉頡篇》云: 者而先發聲爲呼,則呼是怒聲。 0 役夫」,注云: )正義曰:《音義》云: 鍾 鍾 「蹴,躡也。」「蹋,踐也。」「躡,蹈也。」「蹈,踐 則 於我 窮乏者得 下云「道中凡人以其賤己」,正用呼役夫之意也。 谷風》「不我屑以」, 或以嘑爲召呼,乃行道之人,招之使食, 不 云:「訶,大言而怒也。」嘑之訓爲號, 復辯 呼 何 ○注 也。」呼 别 加 「咄、啐也。」曹植 「呼,發聲也。 「蹴蹋」至「絜之」〇正 我 焉 也。 有禮義與不。 與 與? ? 「嘑,呼 、嘑通。 以足踐履之,則汙而不絜。《毛詩 萬 爲宫室之美,妻妾之奉, 鍾 傳云:「屑,潔 注言一簞食則貴禮,至於 故切。 部: 役夫,賤者稱。」怒而 文公元年《左傳 則不辯禮 《文選· 《贈白馬王彪詩》注 鍾,量 叱 咄,丁 義曰:《説文》足部 送於陟陽侯 訶 也。 也。」 器 也。」「吒 都 義 也 ,趙氏以 未見其 也。」蹴、躡 忽 潔 而受之, 江 切 與絜同 萬 稱 與 引 詩 叱 鍾 必 叱 怒 以 「道 《説 也 於 不 爲 嘑 怒 注 賤 日

施與也。 二十四年《左傳》云「公如越,得大子適郢」,注云:「適郢,越 字。こ以 瞻印》篇「君子是識」,箋云:「識,知也。」「得」字趙氏無釋 給。」謂蓄妻妾,則給以養之。「奉」即禄食也。 也。」故以 也。 云 : 云「施與」。《音義》出「得我與」,云:「張云: 也。」人日食幾何? 釜,是鍾爲量器也。 傳》云:「釜十則鍾。」《考工記· 東氏》「量之以爲鬴」。 作變。』是辯、變古字通用。」按:今本作變。《五經文字》 也。』」阮氏元《挍勘記》云:「《周易・坤》《釋文》:「由辯,荀 「不絜」,貴禮也。 美宫室,供奉妻妾,施與所知之人窮乏者。 奉之以仁」,注云:「奉,養也。」《廣雅・ 」至「乏者」○正義曰:「嘑爾」「蹴爾」,無禮者也,「不受」 禮則義不可受,此 《音義》云:「辯,丁本作變,云:「於義當爲辯。 《淮南子•修務訓》「蝡蝡然日加數寸」,注云:「加猶益 「辯,理也。」「辨,別也。」經典或通用之。 施釋與,則趙氏讀與如字,「得我與」謂得獲我之所 讀與爲平聲,則 「供」釋「奉」。《説文》人部云:「供,設也。 萬鍾或以禮或不以禮,以禮則義可受,不 釜爲六斗四升,鍾爲十釜,是六斛 故於己身何有加益? 宜辨别者也。 「得我 一不可爲 不辨,則有非禮而受者 「得獲」之得。 釋言》云:「供,養 昭公六年《左傳》 《詩• 昭公三年《左 平聲, 疏注「言 大雅 辯,别 哀公 日 四斗 鬴即 亦 供供 如 而

已乎? 以止乎? 受,今爲妻妾之奉爲之,鄉爲身死 我爲恩德而 此「得我」即「德我」,所知之人窮乏,而我施與之,則彼必以 得也。」《國策・齊策》云「必德王」、《秦策》云「必不德王」。 王大子得相親悦也。」得與德通、《禮記・樂記》云: 食則身死,尚不受也,今爲此三者爲之,是亦不 今爲所識窮乏者得我而爲之。是亦不可以 不受,今爲宫室之美爲之; 此之謂失其本心。」注鄉者不得單 所謂「失其本心」也 親悦我也。 近時通 解 如 是。 鄉爲 鄉 身 爲 而不受, 死 身死 「德者, 而 食 而 可 而

凡人皆然,君子則否,所以殊也。食萬鍾,用有輕重,縱彼納此,蓋違其本。章指:言舍生取義,義之大者也。簞

行仁義者,不由路、不求心者也。可哀憫哉! 疏注其路而弗由,放其心而不知求,哀哉! 涯不孟子曰:「仁,人心也;義,人路也。舍

《書》」。 學問即《中庸 雞 此放心而不知求者也。 爲有鴻鵠將至,思援弓繳而射之。 不能操之,所以 則亡」、「賢者能勿喪」,蓋所以放之、失之、舍之、喪之者,由於 求之」○正義曰: 道 存者,非空虚之心也。 何其不同邪? 子之言『吾嘗終日不食,終夜不寢以思,無益,不如學也』者: 求其放心 此求其放心而已。 知求其心者,惑也。 孟子之意蓋曰: 可 ,切問而近思」,孔子所云「好古敏求」,孟子所云「誦 無 犬 哀憫哉」○正 其一人專心致志,惟奕秋之爲聽。 他 放則知求之,有放 聖人教人學以聚之、問以辨之者,無有他意,不過以 而已矣」,然則但 ,求其放 》所云「博學之,審問之」、《論語》所謂 他日又曰: 「君子以仁存心,以禮存心。」是所 不能求之也。 能求放 義曰:《説文》口部云:「哀,閔也。」人有 前言「放其良心」、「失其本心」、「操則存、舍 顧氏炎武《日知録》云:「「學問之道無他」 心而已矣。」注人知 夫仁與禮,未有不學問 然但知求放心而未嘗窮中罫之方,悉 學問所以求之。 心,然後可以學問。 求放心,可不必於學問乎? 心心而 何以操之? 雖與之俱學,弗若之矣。」 不 一人雖聽之,一心以 知 疏注「學問所以 惟 求。 「使奕秋誨二人 在學問 而 求雞狗,莫 能 「博學 學問 明者也。 《詩 而 與孔 前 Ę 灣 之 篤

孟子曰:

「今有無名之指

屈

而

不

信,

非

盡耳。求放心即是求仁義而全乎人也。」問所以求之」,一語精義。然求放心非學問不爲功,須兼到乃雁行之勢,亦必不能從事於奕。」趙氏佑《温故録》云:「注「學

氏深得孟子之恉,通儒也。 至「詳矣」○正義曰:求心在於知義,知義在於學問。趙狗,務其末也。學以求之,詳矣。 疏「由路」 章指:言由路求心,爲得其本,追逐雞

指 人故也 痛 云: 雖不疾痛妨害於事,猶欲信之,不遠秦楚,爲指不若 也,蓋以其餘指皆有名。 路,爲指之不若人也。 疾痛害事也。 《滕文公》篇下。 ,或雖不疾 ,非手之所常用 「妨,害也。」故 疏注 痛 **《楚辭** 而 「無名」至「故也」〇正 以 則不信亦不妨害事,可不 如有能信之者,則不遠秦楚 「害事」 不信妨 招 爲「妨 事,尚 魂》云 無名指者,非手之用指 注無名之指,手之第四 害 須慮之; 敬 於事 義 耐 無 日 但 妨 而 慮 無名指 又爲 些,王 不 也。 信 無 則 指 名之 詳 逸 非 也 不 之

達」,注云"「知類,知事義之比也。」 「不知類」也。」注心不若人,可惡之大者也,而反 正義曰"《吕氏春秋·達鬱》篇云「得其細,失其大,不知類 正義曰、《吕氏春秋·達鬱》篇云「得其細,失其大,不知類 正義曰、《吕氏春秋·達鬱》篇云「得其細,失其大,不知類 正義曰、《日氏春秋·達鬱》篇云「得其細,失其大,不知類 
忘心,不嚮於道。是以君子惡之也。章指:言舍大惡小,不知其要;憂指

者。 之曰拱。」王氏鳴盛《尚書後案》云:「共與拱通。僖三十二 毫有祥桑榖共生於朝。」《史記集解》引鄭氏注云:「兩手搤 注「拱合」至「名也」○正義曰:《尚書序》云:「伊陟相大戊, 而不知用。 也。人皆知灌溉而養之,至於養身之道,當以仁義, 拱,合兩手也,把,以一手把之也。 知所以養之者, 至於身,而 **豈愛身不若桐梓哉**? 孟子曰:「拱把之桐梓,人苟欲生之,皆 豈於身不若桐梓哉? 不思之甚也。 弗思甚也。」注 不 桐、梓,皆木名 知所以養之 疏

云:「即楸。」是也。《齊民要術》有種桐梓法。
《説文》手部云:「兩手曰拱,一手曰把。」」《毛詩・鄘風・百雅反。司馬云:「兩手曰拱,一手曰把。」」《毛詩・鄘風・定之方中》云「樹之榛栗,椅桐梓漆」,箋云:「樹此六木於定之方中》云「樹之榛栗,椅桐梓漆」,箋云:「樹此六木於定之方中》云「樹之榛栗,椅桐梓漆」,等云:「樹此六木於京。間桐、梓與榛、栗、椅、漆爲六,是桐、梓皆木名。《爾王・釋木》云「樹之榛栗,椅桐梓漆」,是也。」是也。」

也」〇正義曰:趙氏之意,以「身」對「心」而言,心身皆人之也,一尺一寸之膚,養相及也。 疏注「人之」至「相及尺寸之膚不養也。無尺寸之膚不愛焉,則無愛,則兼所養也。無尺寸之膚不愛焉,則無孟子曰:「人之於身也,兼所愛,兼所孟子曰:「人之於身也,兼所愛,兼所

害貴。 賤 謂 者 也。 注 也〇〇 大小顯然可見。 篇「考卜維王」,箋云:「考猶稽也。」養身爲養心之所兼,則 而誅賞」, 注考知其善否,皆在己之所養也。 其 明養身由養心而兼及之也。 之」,渾括身心而言; 體 人小人,則不必攷校稽察於他事,即其所養在 養小」至「大人」〇正義曰: 頭 愛心 也 養小則害大,養賤則害貴。 無可易 善不善者 頸 體 頭 正義曰:考與攷同。 賤謂指拇,則支矣。 頸 務 有貴賤,有 亦兼愛身,則養心亦兼養身,故先言「人之所愛則養 注云: 養其 也 貴 口 腹 注以 者 贵 小者爲小人,養其大者爲大人。 「考謂考校其功。」《詩・ 者 善則爲大人,不善則爲小人。 也; 爲 大謂 有 次言「於身也,一尺一寸之膚養相及」, 小 小 指 他哉? 心志, 人,治 大。 拇,賤 《周禮・夏官・大司馬》「以待攷 膚爲肌肉,屬身言。 按、『頭頸貴者』以下十八字、於 趙 小 氏 無以 心志者 佑 謂 者 小,口 於己取之而已矣。 **温** 也。 П 小 腹 故録》云: 疏注「考知」至「養 大雅・文王有聲》 爲大人。 腹也,大,心志 害大,無 ,是已; 不 可 何體,則 欲知其爲大 舍貴 所 忽增出 「大貴 以考 以 養賤 疏 知之 賤 貴 小 注

**皵爲榎。」又「槄,山榎」,郭云:「今之山楸。」榎者檟之或** 果蓏珍果之物,以時斂而藏之」,注云::「場,築地 地官 曰賤 者。 「大而散楸,小 榎異、《考工記 納禾稼而築,故云「場以治穀」。 除圃中爲之。 秋於中爲場。」《場人》「每場下士二人」,「掌國之場 檟 木》「槐小葉曰榎」,郭云:「槐當爲楸,楸細 也,榎亦梓也。 木,今言「養其樲棘」,故連「圃 樲棘,小棘,所謂 上下文義不貫,恐非 椅梓 别 師,人也。」蓋場師即場 之屬。 ,養其樲 場 場以治穀; 載師》以場圃 師 蓋 爾雅 也 梧 《詩》云:「九月築場圃,十月納禾稼。」」場爲 棘 而散榎。」郭云:「老乃皮粗散爲楸,小而 》注云: 段氏玉裁《説文解字注》云:「檟,楸 雖與 疏注 釋木》「櫬梧 圃,園 酸 則 (桐異 任園地」,注云: 趙 「梓,榎屬。」以其屬統言之,則梧 棗 爲 場師」至「師 人也。 氏原文。」今有場 也。 而 也 賤 爲 場 言此以 梧,桐 與「桐榮木」別,「槄 」言之。 場人稱 類,故 場爲圃中之地 師 焉 也 「圃,樹果蓏之屬。 梧 師,猶 喻人舍大養小,故 《爾雅 檟,梓。 亦稱 注 義 曰: 場 葉者爲 師 T. 梧 ,園圃乃樹草 師 師、 桐; 釋言》云: 爲墠, 圃 舍 皆 醫 《周 也 Ш 木 榎。」又 梓 而 其 師、 榎 季秋 樹 禮 皮 亦 雖 《釋 名。 梧 粗 桐 與 圃 與 漁 之 季

師

知

治

疾之人也。

疏注

一謂

而

不知

其

知

也,

則

爲

狼疾人也。

棗,棘即

荆棘之棘也。」養其

不聞樲棘爲小棗。

梧、檟二

「樲棗」是也。

棗」。」《藝文類聚》引《孟子》作「養其樲棗」。 之誤,不可不正。「小棘」之語尤爲不通。」《説文解字注 宋刻《爾雅》及《玉篇》、《唐本草》又《本草圖經》皆可證。 「遵羊棗」,注引《孟子》「養其樲棗」,古本《爾雅 「《釋木》曰:「樲,酸棗。」《孟子》曰:「舍其梧檟,養其樲 故羊棗雖小而得稱棗。「樲棘小棘」,此是「樲棗小棗」 《本草經》曰:「酸棗,味酸平,主心腹寒熱,邪結氣聚, (肩背之有疾,以至於害之,此爲狼 「樲棗,小棗,所謂酸棗也。」《孟子》本作「酸棗」, 錢氏大昕《養新録》云:「《爾雅》「樲,酸棗」。 種棗》第三十三云: 樲之言副貳也,爲棗之副貳,故曰 《毛傳》云:「棘者,棗也。」統言之 「樲棘,古書皆作「樲棗」。 物、則樲、棘必非一 醫」至「人也」〇正 注謂醫養人疾,治其 諸家皆云: 指而失其肩背 「《孟子》嘗 似棗而 則「樲棘」宜作 》皆同。 物。 義曰: 藉 味 《爾 樲 而 日 酸。」 亂 尋常 為殿 唐宋 一樲 雅 「樲 不 指 不 今 康云: 云 : 云: 藉 養身,即 養人疾」「不知治疾」兩「疾」字與經文「疾」字無涉。 籍甚盛。」盛與亂之訓不同,而皆本於饒多則 多亦爲豐盛,故《史記・陸賈傳》「名聲籍甚」、《漢書》注引 瞀亂者矣。《滕文公上》篇「狼戾」,趙氏以爲「猶 紛,淆亂也。」《楚辭・憂苦》篇「心紛錯而不受」,王逸注 喪、敗、害四字轉注,「失」即「害」也。 策・秦策》云「紛彊欲敗之」,高誘注云:「敗,害也。」是失、 也。」《國語·晉語》「而先紂喪」,韋注云:「喪,敗也。」《國 謂喪身也。」《易》「東北喪朋」,《釋文》引馬注 轉有傷害於肩背。 矣,爲其養小以失大也。 「疾」字,趙氏以「籍」字讀之也。 「紛錯 指,醫但見其指有疾而不能 |而以「亂」釋之。《漢書 「饒多狼籍,捐棄於地。」凡饒多則紛 「籍籍猶紛紛也。」《吕氏春秋・ 「言狼籍之甚。」《史記集解》引《漢書音義》云: , 憤亂也。」「狼 但養 指,不致失其肩背; 《老子》云「輕則失本」,王 藉 猶 「紛錯」。 劉屈氂傳》云「事籍籍如此」, 知疾之在肩背,徒治其指,而 飲食之人,則人 惟 飲食之人無有 慎大》篇高誘注云: 害 疾病隱於肩背而 趙氏讀 而 錯 不

棗」。

本改作「樲棘」,非是。

四

肢

酸疼,温

心不得眠。

棗。』趙曰:

 $\bar{z}$ 

也。

人《本草》注亦作「樲棗」。

弼注云:

「失本

見於

云 :

「喪,失

字。」阮氏

元《校勘記

\*\\ \times \\ \t

按:《齊民要

術 痹煩

云:

紛 注 「狼疾」爲

不狼

知,此醫之昏慣

狼籍」,又

,故爲

而

也。

注中

醫

經文

言

狼 孟 饒

賤

以 大人曰:《説文》「適,從辵啻聲」。 則 字代適字。 之義;讀如翅 腹豈但爲肥長尺寸之膚邪? 也 讀皆可通,此所以兼存與? 腹,故不爲尺寸之膚,爲仁義而飲食,則亦豈但爲口 耻 以往釋適字; 翅,翅與啻同。 也。」《國策· 注 不失道德,存仁義以往,不嫌 人,人所以 滴 不家食吉,利 故其往食也,人賤之。 如使」至「德者也」〇正義曰:《爾雅 爲啻。」 則 П 腹 然則趙氏兼存兩義也。 賤之者,爲其 秦策》云「疑臣者不適三人」,高誘注云: ,則爲啻但之詞。 豈 又云「口腹豈但爲肥長尺寸之膚邪」,直以但 不啻猶云不但也。」然則「適」如字,則爲之往 有攸往」矣。 適 爲尺寸之膚哉?」 「存仁義而往 養口 王氏引之《經傳釋詞》云: 謂其往因行仁義,非 趙氏既云「存仁義以往 於養口 腹 亦爲懷道 適、啻聲相近,故古字或 飲食之人不以嗟 而 失 」,如大烹以養聖賢 •釋詁》云:「適,往 腹 道 也,故 德 德 注飲 者也。 耳 1腹? 日 因 「適音 食 如 來爲 貪口 二,是 「家 疏 使 之 兩 口

也 善惡 相厲。 疏 章 指: 「是以 言養其行,治其正,俱用智力。 君子」至 是以 君子居處思義,飲食思禮 一禮 也」〇 Ē 義 日 《國 語 楚

> 思 思樂,在樂思善。」昭公三十二年《左傳》云: 語 一禮,行則思義,不爲利回,不爲義疚。」 》藍尹亹謂 子西曰: 「君子 臨政 思 義 飲 食 0 思 一君子 禮 同 則 晏

物,則 也? 也? 其 爲 之,不思則不得也。 通借字,故訓同也。 十斤也。」土部云:「均,平徧也。」同爲平徧之義,鈞爲均之 振」,賈注、服注皆云:「均,同也。」《説文》金部云:「鈞,三 恣情慾。 從其小體爲小人。」建大體,心思 小 小人,何也?」注鈞,同 體 疏注「鈞同也」○正義曰:僖公五年《左傳》「均服 公都子問 曰:「耳目之官不 引之而 一, 何 曰:「鈞是人也,或從 也?」注公都 已矣。心之官則思。 日 孟子曰:「從其大體 鈞 比天之所與我者,先 是 思 子言人何 人人也 也。 而 蔽 可或 言有大有 其 禮 於 大 義 獨 爲大人, 物。 有 體 爲大 思 小體 從 小, 則 或 物 小 文 從 或 得 交 體 何 振

❶ 「二」,按引文出三十一年,參沈校。

制

譬之若官職不得擅

爲,必有所制。」

高

誘

注云:

0 0 欲色,鼻雖欲芬香,口

雖欲滋味,害於生則

正。

在四官者,不

利於生者則弗爲。

由此觀之,耳目鼻口不得擅行

,必有所 「四官

各有接而不相能也,夫是之謂天官, 酸、❶奇臭以鼻異,疾養滄熱滑 耳異,甘苦、鹹淡、辛酸 名》篇云:「緣天官,形體色理以目異,聲音清濁調竽奇聲以 夫是之謂天君。』《吕氏春秋・貴生》篇云:「耳雖欲聲,目 乎其大者,則其小者弗能奪也。 五官簿之而不知,心徵之而無説,則人莫不然,謂之不 疏注「人有」至「不能奪」○正義曰:《荀子· 來交,引其 同異也。」又《天論》篇云:「耳目鼻口形,能 比方天所與 也。 也。 徴知 心有徵知,徵知則緣耳而 人有耳目之官,不思,故爲物 奇 精 小者 謂 心將待 味以口 神。 人有 鈹輕重以形 ,情慾也。 心官不思善,故失其 異、香臭、芬鬱、腥臊、 天官之當簿其類然後 人情性,先 五官六府。 心居中虚,以治五官, 此爲大人而 體 善勝惡, 異、説故喜 知聲可也,緣 物,事 立乎其大 則 也。 惡 所 道 雖 可 怒 洒 正 能司 能聽 精氣爲神。」精氣在心爲思,在耳爲聽,在目爲視,以其各 굸 所司則君亦是官。 官,以 耳目鼻口 所主爲官,以 詁》云: 能統耳目而各有所司,心不能代耳 贝 五官,失荀子意矣。 官,五官即此耳目鼻口形,不連心言,故「五官簿之不知 也。」此心不在官之列 心徵之無説」對言,是不列五官也。 物交物」謂以外來之利慾交於耳目之視聽。 物」之義爲事。 官,心爲君,官制於君。 能視 「精神,亦謂精氣也。」《大戴記・曾子天員》云: 聽 心爲天君,此義與吕氏同。 司視,而非 「官、君也。」以其能治耳目之所司則爲君,以其 也。 而不能思。 其各有所 制 耳目之視聽,事也; 制 心之思則視聽不能不蔽於物 《禮記 孟子稱耳目爲官,亦稱心爲官,蓋 於心也 耳目不能思,須受治於心之思; 也。 施爲事、《洪範》「敬 《荀子・天論》以耳目鼻口 • 聘義》云「精神見於山 《説文》一部 ,制於君也。」吕氏以耳目

司

聽,

代 目司

視

猶

心

不能

奪。

者,謂生而有善性

利

一一一一一一一

而

陷爲小人也。

蔽。

官,精神所

在

其《正名》篇之天官即

此

天

云

② 官,

吏

事

鼻

П

形

爲

天 君 爲

楊倞以耳目鼻口

心

與

矣。」注

孟子

Ė

也。

目

而

知

形

可

也。

然而

哀樂愛惡欲以心異。

知,此所緣而以

洒」,原誤作「酒」,今從沈校據《荀子》改

外來之利慾,亦

事

也

斯

時若不以

用五

事」是也

按引 文出目部,參沈校

六四

各

《廣

雅

釋

心 耳

不 目 雖 爲

]1]

注 有

陽

之

岳本、 府; 勘記》云:「「此天之所以與我者」,廖本、閩、監、毛三本 云"「比者,比方於物也。」故以「比」爲「比方」。 此六府之所合也。」心屬五藏,耳目屬五官,而耳 故將兩藏三焦爲中瀆之府。 爲五穀之府,腎合膀胱,爲津液之府。 之官,舌者,心之官,耳者,腎之官。 利慾之事者,緣利慾之事交接於視聽之事,因而引誘此視聽 之思治之,則視聽之事蔽於利慾之事。 天所與人情性」,廖本、閩、監 是。」趙注既云「比方」,安可因近本之譌而疑之? 注 比字,注中此乃亦作比方。]又集注云:"「舊本多作比,而趙 表裏,心與六府相表裏。 一比物此 二,故比方之而先立乎其大者,文意甚明。 「五官」,連「六府」以明之。 公羊傳》注「父老比 亦以比 心合小腸,爲受盛之府,肝合膽,爲清净之府,脾合胃, 《甲乙經》云:「鼻者,肺之官,目者,肝之官, 孔本、韓本此作比。 志也」,如淳 方釋之,今本既多作此,而注 i i 三老孝弟官屬」,今本比亦譌此。 孟子以心與耳目同爲官,故趙氏舉 「比謂比方也。」今多譌爲「此 按、朱子《文集》云:「舊官本皆作 《周禮・春官・大師》注鄭司農 水道出焉,屬膀胱,是孤之府。 . 毛三本同。 肺合大腸、爲傳道之 少陰屬腎,上連肺, 視聽之事 亦作此乃,未詳孰 岳本、孔本、 《漢書·賈誼傳》 月與五藏相 阮氏 上文官有 所以 口者,脾 「此乃 元《校 韓本 物」。 蔽 同。 於

體。 疏 即是立,不待操存,自能使小 有以發明之也。 目分大小,而以善性、情慾分大小。 性,即爲養其大體; 之,蓋小固屬耳目,大亦不離耳目。 不立其大者,則耳目之聽視 性善,故心能思。 趙氏以大者指性善,小者指情慾,情 以大者指心,小者指耳目。「小者不能奪」,是 改比爲此,改趙注比方爲此乃,尤非。」謹 心爲大。 者弗能奪也。」家大人曰"言耳目心思皆天之所與我者,而 也。《孟子》: 官,原取比方之意,舊本自不可易。」王氏引之《經傳釋詞 之中,即含下大小分列之義,孟子此節詳辨耳 云:「《説文》曰:「皆,俱詞也。 云:「「此天之所以與我者」,此字舊本作 「此乃」作「比方」。 (證》云:「人之才,得天地之全能,通天地之全德,其見於 趙氏恐人舍耳目之聽視而空守其心 趙注以比爲比方,謂比方天所與人性情,失之。 「比天之所以與我者,先立乎其大者,則 「善勝惡 立其大者,則心之思有以治耳目之聽視, 按,比方是。」倪氏思寬《二 以耳目奪心則蔽於情慾,即 即 有以奪心之思。 解 者不奪也。 從比從白。」徐鍇曰:「比,皆 「立字 以心治耳目則 慾即耳 此趙氏深知孟子之恉 非 思, 按: 比。 戴氏震《孟子 謂 目之蔽於物。 ,故不以 天以 趙 依 初 目之官、心之 「思則得 氏 孟子之意自 舊本, 齋 善性 爲養其小 能 以 讀 性 全其 心 書 字義 與人 情言 其 與 比方 也 記 耳 緣 小

此

吾志之定於其先而

立乎其大者。

而至於耳目交物之時

所以岐也。

吾學則不然,吾於物之不當爲者而斷乎其不爲

不知循物,寂守其心,此異學之

舍視聽言動,無下手處也。

離乎耳目之官而專致力於思。然則所謂「先立乎其大者」,「孟子謂「心之官則思,先立乎其大者」,謂心能主乎耳目,非抑竄絶,君子不取也。」程氏瑶田《通藝録・論學小記》云:天德,秉中正,欲勿失之盈以奪之。苟焉以求静,而欲之剪

棄善忘德,終必亡之。

之言尚無欲,君子尚無蔽。

尚無欲者,主静以爲至,君子達

是以老聃、莊周

物之惑己而强禦之,可謂之「所以異」乎?

虚自然也,動則蔽而罔罔以行。人不求其心不蔽,於是惡外禽獸也者幾希」。雖犬之性、牛之性,當其氣無乖亂,莫不沖所受裁也不得則失其養,所謂養其大者也。「人之所以異於其養,所謂養其小者也,理義之得於心也,耳目百體之欲之也,臭之得於鼻也,味之得於口也,耳目百體之欲不得則失

章指: 言天與人性,先立其大。心官思而果能造不爲之意,此之謂「無惡於志」,此之謂「慎獨」。」

之,邪不乖越。故謂之大人也。

思乎?

思誠,則立乎其大矣,耳目之官不思,物之未交,沖

也,所以主乎耳目百體者也。

聲之得於耳也,色之得於目

知味也,物至而迎而受之者也,心之精爽,馴而至於神

明

邪,自明誠也。

誠明也;

思中正而達天德則不蔽,不蔽則莫能引之以入於

心之官異是,人皆有天德之知根於心,自

耳之能聽也,目之能視也,鼻之能臭也,口之

虚自然,斯已矣。

惑以招亡,小人事也。人爵,以誘時也。得人棄天,道之忌也,人爵,以誘時也。得人棄天,道之忌也,今求

六四九

首 長也。」元有善義,亦有首義,故《爾雅·釋詁》云:「元、良, 貴之貴不如 義廣譽」,則 氏傳《尚書》,孟 春秋》,許氏《説文解字》,張氏《廣雅》,司馬氏注《莊子》,某 禮》、箋《詩》,何氏注《公羊傳》,韋氏注《國語》,高氏注《吕氏 者,他人不能賤之也。 趙 謂仁義廣譽也。 貴之心。 也。 有 良心」即指仁義之心,謂善心也。 良言最善也。」最善、善之最、即善之長、善之長即善之甚、 醫之首 也。」良 》所云「良醫」即 孟,晉卿之貴者。 貴於己者,弗思耳。 「良」之訓爲善、毛、韓之傳《詩》,鄭氏之注《禮記 趙孟之所 孟 也也 訓 子 人人自有貴者在己身,不思之耳。 善、因 仁義之貴良也。 亦當訓爲善,謂貴之善者也。 日 Ш 康、如淳注《漢書》,孔晁注《周書》無不然,故 海 亦爲元首。 《周 凡人之所貴富貴,故曰非良貴也。 「欲貴者,人之同心也。 貴,趙孟 經 禮》所云「上醫」,若曰 能貴人,能賤人。 西 疏注「凡人」至「賤之也」〇 Ш 《易・文言傳》云:「元者,善之 此善於彼,則此居彼上,故《左 經 人之所貴者,非 能賤之。 》「瑾瑜之玉爲良」,注云: 此「良貴」,趙氏明指「仁 人所貴者富貴,富 此醫之善者,亦 注人皆 人之所自 在己者 良 人 同 》 周 Œ 貴 人 有 欲 義

子致言熱中消中,不可服高梁。 《大雅 申 變」,王冰注云: 繡 也,不願人之膏粱矣。 雅・既酔》之篇。 義也,所以不願人之膏粱之味也,令聞 趙孟。1按,吴斗南云:「趙盾字孟,故其子孫皆稱 名封父,謚簡子,亦稱趙孟。 子曰武,謚文子,稱趙孟。 氏柄中《辨正》云: 遂造爲「致良知」之説。 故趙氏解「良知」、「良能」爲「甚知」、「甚能」, 皆由善之義 施於身,所以 **貴所以爲良,非良字有「自有」之訓** 非良貴」猶云非最貴也。 詩》云:『既 者也。 待外求,富貴則趙孟能 衣服 也。 既醉》篇第一 「人人所自有」,此是解「人人有貴於己者」,言仁義 疏注「詩大」至「服 「高,膏也。 醉 不 「孫奕《示兒編》: 言飽德者,飽仁義於身,身之貴者 以 章。 願人之文繡也。」注《詩 酒,既 六書訓詁之學不明,其害如此。 貴能賤。 《素問 膏粱,細粱如 趙武之子曰成,趙成之子曰 自儒者誤以「良」爲「自有」之訓 梁,粱 趙鞅之子曰無恤 飽 夫熱中消中者,皆富貴人 也一〇 也。」又《腹 生 此仁義之貴比校富貴之 也。 以 **氣通** 「晉有三 德。」言 E 「良貴」猶 膏者也; 天論》云 義 日 中 謚 趙 論 孟,趙 襄子, 引 飽 云最 趙 一高 文繡, 》、《大 詩 廣 乎 一鞅,又 孟。二 梁之 亦稱 朔之 周 引 説

繡

又《釋采帛》云: 者,會集衆采以成錦繡,會集衆文以成詞誼,如文繡然也。」 色重,故在裳以法地也。」此周氏所本也。 粉米、黼黻、絲繡」,是裳繡也。 象,日月、星辰、山龍、華蟲、作會」,是衣畫也,「宗彝、藻火、 而繡裳。」孔氏正義云:「《尚書・咎繇謨》云「予欲觀古人之 月令》仲秋「文繡有恒」,注云:「文謂畫也。 繡」,文是衣,繡是裳,則膏、粱亦當是二物。」謹按:《禮記 黍」、「膏稷」,郭注謂「味滑如膏者」也。 粱如膏」,則專指粱米而言。 記・喪大記》云「不辟粱肉」、肉即指膏也。 多驕放。」此與《素問》義合。 膏,肥也。」米部云:「粱,米名也。」明分爲二。趙氏言「細 . 國語·晉語》「樂伯請公族大夫,公曰夫膏粱之性難正也 膏粱、細粱如膏者。」此猶《山海經》之「膏菽」、「膏稻」、「膏 衣服也」,亦不分爲二。 昭注云:「膏,肉之肥者,粱,食之精者。 文》糸部云:「繪,會 今禁高梁,是不合其心。」注云:「高,膏; 《左傳》曹劌云 「繡,修也。 「肉食者鄙」,肉即膏,食即粱也。 五采繡也。 劉熙《釋名‧釋言語》云: 文修修然也。」是文、繡不分也。 富貴之人,不徒食精米,必 周氏柄中《辨正》云:「趙注: 畫色輕,故在衣以法天,繡 《虞書》曰:『山龍華蟲 按「膏粱」對下「文 《説文》肉部云: 乃趙氏云「文繡, 祭服之制, 言食肥美者 梁,米 畫 兼以 也。」 文 《禮 衣 率 黑。 0 服氏》: 也。 딩 : 云 也。 릲 績訓 訓」字同 訓

也。

韋

肥

, 故

龍,彰也。』《説文》黺字解云: 服衮龍之證,周時沿古制也。士山龍亦在玄衣,故《禮器》云 璪火,赤也。」《説文》: 「鷙,沃黑色。」「嬒,女黑色。」義皆爲 《皋陶謨》「繪繡」爲二事,古者二事不分,統謂之設色之工 作繪。」」段氏玉裁《説文解字注》云:「繪、會疊韻。 龍之衣,山龍爲五等共有之章服,故《爾雅 「士玄衣纁裳」也。 夫璪火、山龍,士山龍。1自天子至士皆服山龍。 山龍、諸侯作繪、宗彝、璪火、山龍、子男宗彝、璪火、山龍、大 《尚書》説也。」孫氏星衍《五服 《大傳》又云:「天子衣服,其文華蟲、作繪、宗彝、璪火、 「山龍,青也。 「粉,畫粉也。」此云: 會繡此四色於玄衣,合爲五色,故於黑色獨云「作繪 今《皋陶謨》作「粉米」,許見壁中古文作「粉綵」。 「掌祭祀朝覲,衮冕六人,維王之大常。」是下士 畫,❶繪訓繡。」「絲,繡文如聚細米也。 華蟲,黄 《爾雅》云:「衮、黻也。」《廣雅》云: 一絲 也。 「以山龍華蟲爲衮衣。」衮爲 繡文如聚 五章今文論》云: 作繪,黑也。 細米也。」皆古 》、《廣雅》單舉 宗彝,白 《周 「《大傳》 繡,謂 禮 今人分 黹 <del>П</del> 也 節 部 畫

原誤作「謂」,今從沈校據《說文解字注》改。 下

子

緎 染采。」以黼黻之文刺於 於五色」,五 章於 蟲則 黼黻 釋[山 白色。 純 可 也。 以 衣與琴。」以袗衣爲絺衣者,刺繡於絺。《説文》以袗爲玄服 之藻火,即色赤而文似藻。 文,黻爲黑與青相次文,黺爲畫粉,絲爲繡文如聚米,又繡爲 五帝德》稱 也」,言玄衣黑衣,會山龍青、華蟲黄、宗彝白、璪火赤而 五采備也,是黺、黼、絲、 説文》粉、 衣], 該 證。 ,俾五色不能相亂,故謂之爲黺,視其文如聚米也。 上 日 衣大帶 云「彝、從糸、糸、綦也」者、言繡文如彝器之博棊文而 華蟲等五章服色。 被 龍」至「絲繡」經文。 黄。 純衣即 玄衣 而 畫 云「璪、玉飾、如水藻文」者、言繡文如冠玉之文。 繡 衣 「帝嚳服 色, 之。 刺繡之事 加繪繡,故亦謂之玄衮。《五帝本紀》稱「堯黄 黼 黼裳」、《孟子》稱『舜被袗衣』,趙氏注:『袗,畫 黻 黄黼黻衣。 畫也; 所 絲繡也。』《史記·五帝本紀》云: 謂畫 黄黼 ,以紈葛之精細者爲質布,畫 五采, 、黻皆繡文。 一衣,蓋 Ш 天子備五色,得服 黻衣」,言天子有華蟲,獨得服 言其玄質則曰純,言其畫 龍等五章空隙之處,復分畫 「文」亦畫 《史記・夏本紀》以『文繡』二字 繡 畫而繡之。 也。 《説文》云「繪,會 也。 故《月令》云:『命 繡。 《大戴禮》稱「黄 經云以 華 黼爲白與黑 ·蟲、《大戴禮 Ŧī. Ш 『賜舜絲 采 采 龍 五. 其 婦 等五 一采繡 相次 《荀 彰 有 成 黄。 謂 艾 官 施 華 收 帝 五.

> 文。 彝、藻火」在上者,因刺繡必先布畫五章, 實爲一章,若用 爲聚米之形,乃後依 説。」糸部: 聲《尚書集注音疏》云:「《説文》黹部: 云:「南方色赤、黄 纁裳,僅用粉米黼黻 重文繡謂衣裳俱用之重 如今文説山龍等五色也; 説文》,黼爲白黑相 合爲 以 五色已備。 • IE. 見例也。」 衣則以黼 粉絲也。 論》篇論天子則『服 絲 黻 詩 畫 加 然 人謂之繡裳,繡是備五采之名也。」江 繡文如聚細米也。」蓋繡必先畫 粉 則 Ш 而 而已。 其畫 次, 爲解,似分黺絲爲二,故不別 龍以下五等,裳則黄質而 繡 兼 皆 襲 黻 赤 粉 間色, 五 先 《王制》正義引鄭 也。 , 故 爲黑青相 而刺之,故 采,雜間色,重文繡」。 用粉畫之,獨於絲言粉 爲纁也。」合之《考工 如黼 經文[山 黻各有二色相間 次,纁裳不必 一黺 謂之粉絲。 而後刺粉米黼黻之 龍、 畫 華 注《易 有赤色, 蟲、 粉 也 作 云 以 有 但 一記》及 下繫 者 繪、 五采 黺 粉 衛 Ŧī. 稱 黺 宏 氏 章 絲 畫

而

是 文繡,己之所優。 以 君子貧而 章指: 言 樂也 所 貴 趙 在 孟 身,人不 所 貴 何 知 能 求 比 粱

而

孟子曰:「仁之勝不仁也,猶水勝火。 一車薪之火也。

火。 也。 火,爲仁者亦若是,則與作不仁之甚者也。 也,亦終必亡而已矣。」注水勝火,取水足以 不熄則謂之水不勝火,此又與於不仁之甚者 今之爲仁者,猶以一杯水救 一杯水何能勝一車薪之火也? 亦終必無仁矣。 疏注「爲仁」至「仁矣」〇正 以此謂水不 亡猶 義曰: 勝 制 無

同作不仁之甚者也。此讀爲預。 即「此又同於不仁之甚者也」、「則與作不仁之甚者也 仁也。《儀禮·士昏禮記》云「我與在」,注云:「與猶兼也。」 《廣雅 亦若是」者,因杯水之仁不能救輿薪之不仁,則謂之不仁勝 ·釋詁》云:「兼,同也。」「此又與於不仁之甚者也」, 近解作助,則讀如字。 二,即則 《國

必無仁」,蓋既自以爲仁不勝不仁,則爲仁之心沮而爲不仁 字相通。 之意萌,久而並此杯水之仁而亦喪之,則終於無仁而已矣。 仁,則不特同之而已。 水之仁亦同於不仁之甚,而此所有杯水之仁且終亦歸 惟其信不仁而屈仁,則足以助不仁。 策・秦策》云「不如與魏以勁之」,高誘注云:「與猶助 惟其喪亡,所以無也。趙氏讀「亡」爲無,以爲「終 《説文》亡部云:「無,亡也。」亡、無二 惟其助不仁,則 雖 於不 也。」 有 杯

指

然則當不能勝之時,須自知仁之本微,發憤而充之擴之,則 不勝進而爲勝,何至於亡乎。

仁,不知同於不仁之甚也。 此語以明「與」字之義。宋子言見侮之不辱,將以爲有 知,辱莫大焉。 以勿辱也, 豈不過甚矣哉? 於人,不知同於無益於人,此言仁不勝不仁者自以 以孟子言「與於不仁之甚」猶荀子言「與無益於人」,故用 知其無益則不知,知其無益也,直以欺人則不仁。不仁不 火,熄而後已。不仁之甚,終必亡矣。 不卒,無益於賢也。疏「無益於賢也」〇正義曰: 《荀子·正論》篇云:「今宋子不能解人之惡侮而務説人 》補明,若此尤甚奥矣。 章指: 言爲仁不至,不反諸己,謂 將以爲有益於人,則與無益於人也。」趙 趙氏 金舌弊口 每 以注中未詳 ,猶將無益 者於《章 也。不 水勝 爲 有 氏

熟,不如荑稗。 注熟,成也。 孟子曰:「五穀者,種之美者也,苟爲不 五穀 夫仁,亦在乎熟之而已矣。」 雖美,種之不成,不如荑稗之草

是也。 〇 正 余以 耳。 見京 云: 也。 李顒以爲二草名。❶ 稗,布地生穢草。」邵氏晉涵《正義》云: 信 其實可食。 歲,居京師,庭中芒種後生一本數十莖,貼地横出,至生節 農人種之者,所以備凶年。 熟、北方農家種之以備凶年。」程氏瑶田《通藝録・九穀考》 夷從弟之字多通。 春得米斗八升。❸ 云『不如荑稗』,荑即蕛也。《莊子・知北遊》云『道在蕛稗』, 成」也。 「似蕛米之在太倉」,司馬彪云: 》引《爾雅注》云:『荑似稗, 》篇「則 意斷之曰「禾 宋靖康之亂,没爲奴婢者使供作務,人月支稗子五 東州縣農家種之,莖勁采不下垂,略似粟,但穀色近 義曰:《吕氏春秋· 「《説文》: 按, 蕛似稗耳, 非即稗 又《説文》: 《齊民要術 五種不成」,高誘注並云:「成,熟也。」是「熟」即 爲仁 别曰 「稗、禾別 『隸,黍屬。』 舞音卑,今穀名中無卑音者, 《 爾 不成 由是言之, 稗斗才得米三升六合耳。 蕛有米而細, 稗」、「黍别曰 種穀》篇引《孟子》「不如 雅 猶 明 汜勝之云「稗堪水旱,種無不 是 也。」稗似禾而别於禾之穀。 理》篇「五穀萎敗不成」, 也。 釋草》云「蕛苵」,注云: 也。 布地穢草也。」今之稗子是 『稊米,小米也。』《一切經音 蕛與稗俱堪水旱,種無不 故别於秕。 魏」 而 疏注「熟成」至「是也 「蕛一名英、《孟子》 未敢 《秋水》篇云 信 稊稗」,古從 也 又《貴 「蕛似 丙 斗, 熟 而 余 處 申 黑

> 稱,與《召旻》詩毛氏傳所云「彼宜食疏,今反食精稗」者異 溼地,又視禾黍爲卑賤 粟,與此殊不類。」則對曰: 乃屈而上聳,節如鶴膝,莖淡紫色,葉色深緑,每 **荑稗」是天理之槁枯,不勝人欲之長旺。** 博奕,孟子非教人種蕛稗也。 義。」謹按:「不如蕛稗」猶孔子言「博弈猶賢」。 植《七啓》云『芳菰精稗』,亦指野稗。 屯濡須,糧乏,采菰稗菱藕以自給。 篇》、《廣韻》中魏皆有稗音,魏爲黍别無疑 稗也。 莖成數 (穂,穂 見農人問之,則曰『稗也』。 疏散,至大暑後而穀熟,光澤如黍,余以 故字皆從卑。 『此野稗也,亦曰 解者謂是理消物長之喻,「不如 其所謂 謂之精者,修辭家之美 梁太清 余曰:『農家所 非孟子義也 也。 水稗。」余乃檢《玉 稗即 三年,鄱 孔子非教人學 稗、舞並 野 莖又 稗 也。 種 陽 王範 稗似 爲此 宜 節 曹 節 卑

必 抽

不 熟,荑稗是勝。 章指: 言功毁幾成,人在慎終。 是以爲仁必其成也 五. 穀

斗」,原脱,今從沈校據《通

2 3

0

顋」, 之」,原誤作「子」,今據《爾雅正義》及經解本改。 原 作「氏」,今從沈校據《爾 雅 正 義》改。

文》弓部又云:「彀、張弩也。」「弩、弓有臂者。」《周 師彈十日者,高誘云:「此堯時羿,非有窮后羿。」」按: 也。 於窮石,所謂「有窮后羿」也。 云:「亦古諸侯也。」皆即此。 也。 云:「邑部窮下云:『夏后時諸侯,夷羿國也。」羽部羿下 少康滅之。《論語 古」至「張也」○正義曰:《説文》弓部云:「芎,帝嚳射官,夏 注「羿教人使志於彀」,則其上一正文亦不應作至。」○注「羿 説》上一志字作至。按、《章句》曰:『張弩向的,用思專時 張弩向的者,用思專時也。 本志作至,下同。 志於彀」、孔本、韓本、《考文》古本、足利本同。 發彼有的」,傳云:「的,質也。」《禮記・射義》引此《詩》,注 注疏本志俱作至。宋刻《九經》下一志字作至、《南軒孟子 爽弩、庾弩、唐弩、大弩。 學者志道,猶射者之張也。」則原本宜皆「志」字。 疏「必志於彀」○正義曰:阮氏元《挍勘記》云:「『必 必志於彀。 孟子曰:「羿之教人射,必志於彀。 浦鐘云:『志誤至。」濯氏灝《考異》云: 》曰:『芎善射。』」段氏玉裁《説文解字注 注羿,古之工射者。 《毛詩・小雅・賓之初筵》篇 写,帝嚳射官,爲諸侯,自鉏遷 **芎與羿古蓋同字。** 學者志道,猶射者之張 彀,張 閩、監、毛三 而堯 禮 南軒 時 《説 > 四 也。 學 射

也」○正義曰:《説文》言部云:「誨,曉教也。」疏注「規所以爲圓也」○正義曰:孔本無也字。○注「誨教以規矩。學者以仁義爲法式,亦猶大匠以規矩者也。規,所以爲圓也,矩,所以爲方也。誨,教也。教人必

姪廷琮廷弼校字

孟子正義卷二十三終

## 六五六

## 孟子正義卷二十四

江都縣鄉貢士焦循誤集

孟子卷第十二

告子章句下凡十六章。

疏注「任國」至「爲重」○正義曰:閻氏若璩《釋地》云:「任,注任國之人問孟子弟子屋廬連。問二者何爲重?任人有問屋廬子曰:「禮與食孰重?」

灝《考異》云:「《廣韻》盧字下注云:「《孟子》有屋盧著即可往問。《禮》稱宰我無宿問,連不誠有予之風哉?」翟氏州東任城廢縣是。去古鄒城僅百二三十里,宜屋廬子明日國名,太皞之後,風姓。漢爲任城縣,後漢爲任城國,今濟寧國名,太皞之後,風姓。漢爲任城縣,後漢爲任城國,今濟寧

昭注云:「禮食,公食大夫之禮。」孔氏《左傳正義》云:「與 焉。』」按"襄公三年《左傳》云"「晉侯以魏絳爲能以刑佐民 則客祭,主人不親饋則客不祭。 答曰:禮重。 公立于序内,西鄉。」注云:「不立阼階上,示親饌。」又:「大 食。』《儀禮・公食大夫禮》:「宰夫自東房授醯醬,公設之。 之禮食者,若公食大夫禮,以大夫爲賓,公親爲之特設禮 矣,反役,與之禮食,使佐新軍。」《國語・晉語》亦有此文,韋 地三續》云:「所謂禮食者、《坊記》云:「故食禮,主人親 是,則必待禮乎? 則得妻,必親迎乎?」注任人難屋廬子,云"若 則得食,必以禮乎? 重如上也。 **豈應言彭、聃之法?** 彭、聃之法。」按,屋廬子未聞著書,即在當時有之,孟子之徒 書。」❶鄭樵《通志・氏族略》云:「晉賢人屋廬子著 曰 : 「色與禮孰重?」曰:「禮重。」注 「以禮 或爲别一人與?」曰:「禮重。」注 疏「以禮食」○正義曰 食則飢 親迎則不得妻,不親迎 故君子苟無 而 死,不以 禮,雖美不 閻氏若璩《釋 禮 書,言 食 食 饋

❶ 「盧」,原誤作「廬」,今據《四書考異》及《廣韻》改。

何

有?

疏注「於音」至「答也」○正 不命於天子,自魯昭始也。」夫有天子之命,則親迎焉,宜 則天子之不親迎可知矣。 日,之鄒,以告孟子。 也,若天子,則真無命之者也。」屋廬子不能對。 古者諸侯之娶,告於天子,天子命之,故《雜記》云:「夫人之 唐陸淳「尊無二上不當親迎」之説以爲定論。 羊》謂「天子亦親迎」,後儒或從《左氏》或從《公羊》,愚獨取 于醬湆間。」此即主人親饋則客祭之禮也。 公設之于淯西。」此即親饋之禮也。 辯擩于醢,上豆之間祭」云云。 ,若宗子父母皆没則不親迎,以無命之者也。 周氏柄中《辨正》云:「親迎之禮,自諸侯至士庶皆行 天子之親迎則禮無明文。 注於,音鳥,歎 此可以 宰右執鐙、左執蓋、由門人、升自阼 公設之于醬西。」又:「宰夫授公飯 曰:是不然。 通彼者。《士昏禮》父醮子而命之 或問: 義 辭也。 孟子曰:「於,答是 日 : 《左氏》謂『天子不親迎』,《公 又 然則諸侯即位 《説文》云: 諸侯雖無父命,有王命。 「賓坐席末取粱即稻,祭 又「賓升席坐 何 有 ○「親迎」○正義 爲不可答也? 或言無禮 「鳥,孝鳥也。 一而娶, 由此推之, ,取韭菹以 無命 也 文可 階, 粱 明 有」,則 也。 孔子曰: 夫物,當揣 與 豈 故斷「於」字爲句而以 末,「知其大小輕重乃可 烏省。」於即於字。

之者,亦不親迎乎?

迎

徵,不知禮固有即

之。

티 :

羹湆不和,實于鐙。

盡階不升堂,授公。

末,方寸之木可使高於岑樓。 謂未能揣本齊末,知其大小輕重也。 妻傳》引《論語》曰「能以禮讓爲國,於從政乎何有」,注 答,正與何氏解「何有」爲「不難」者相反。《後漢書 之有?」趙氏言「何有爲不可答也」,則謂 瓘云:「何有者,有餘力也。」若以《雍也》篇「於從政乎,何 氏音鳥。「音鳥」猶「讀爲鳥」也。 者與禮之輕者而比之,奚翅色重? 何有、言不難也。」《雍也》篇「於從政乎,何有」,皇氏疏 何有、言若無有。」此似與趙氏之意相近。 ·禮之輕者而比之,奚翅食重? 謂一鉤金與一輿羽之謂哉? 《論語・里仁》篇「能以禮讓爲國乎,何有」,何氏注 「於」如字,不讀烏。 「鳥,盱呼也。」取其 量其本以齊等其末,知其大小輕 然則烏、於本一字,後人以於通于,故趙 爲歎辭也。 言」,可言即可答, 若曰:「於答此任 助气,故以爲烏呼。 以爲「歎辭」,即烏呼之辭 不 以 · 揣其 「何有」爲「不可答」 金重於羽者 任人設難 蓋趙氏謂揣本齊 此 取食之重者 本而 數其不可答 人之説 取色之重 **於象古** 重 孟子言 曹世 爲不可 齊其 何 乃 云 云 引 口 叔 文

樓, 書謂 之。 哉 ? 邪? 於羽 子 聲 高 孫 岑樓,山 言 「不揣其本而齊其末」,揣蓋轉之假借字。 云:『竱,等也。 等者,齊簡也 Ш 春秋傳》曰: 左傳》云「揣高卑」,杜預用《方言》解之。 相 也。 ,岑。』《孟子·告子》篇『可使高於岑樓』,趙岐注云:: 廣 邪 Ш 即 木部椯下云:『一曰度也。』《孟子》正當從木作 近,故 説 稱量曰「战敠」,丁兼、丁括反,即竱語之轉也。」王氏 謂 雅 之鋭嶺者。』《釋名》:「岑,嶃 揣 ō 翅,辭 林》篇作 如 不 疏證 度 多 之鋭嶺者。 取 正 節 《吕氏 也。 義曰: 少 食 <u>\tilde{\</u> 也。 『竱本肇末。』」段氏玉裁《説文解字注》云: 其 ,故凡齊皆曰等。 同 色 肇,正 《説文》立部云: 「讒鼎」。 數, 春秋 而 之重 「《方言》:「岑,高也。」《爾雅》: 若言何其不重也? 方言》云: 金重耳,一 累 也。 寧 積 審 者 讒與岑皆言其 可 謂先等其本以正其末。』孟子 方 忌》篇「齊 比 謂寸木高於山 寸之木, 「度高爲揣。」昭公三十二年 禮 《齊語》『竱本肇末』,韋昭 之輕 帶鉤之金豈 「嫥,等 也。 攻魯求岑 者 嶃 可 趙注「揣量」,似 高 也。 度與量義同、「揣 嶃 使 疏 也。 何 然 高 從 邪 注「夫物」至 翅 重 鼎」、《韓非 也。」岑、嶃 《説文》: 於 立,專聲。 ? 山山 食 岑 色 車 金 小 樓 岑 重 羽 重 而 念 韻 失 日 注 0 也。 也。 0

累積方寸之木」「節其數 謂之西隃,小山謂之部婁,義並相近也。」趙氏謂「不節 注云: 『培塿,亦堆高之貌。』因名之也。 塿亦高貌也,趙注『岑樓, 者謂之丘。」培亦高貌也。 埰,或謂之埌,或謂之壠 張衡《南都賦》『幽谷嶜岑』,上音岑,下音吟。 傳》云「必於殽之巖唫之下」、《楚辭· 言》云:「冢,秦晉之間謂之墳,或謂之培,或謂之堬,或謂 傳》『玉石嶜崟』,蕭該《音義》引《字詁》云:『譽,古文岑字。』 上音欽,下音吟。 〈漢書・司馬相如傳》「岑崟參差」、《史記》作「岑巖」、《揚雄 「冠喦其映蓋兮」。 崔嵬岑嵓」。 厰,崟也。]又云: 冢謂之堬,亦謂之培 今齊魯之間,田中少高 並字異而義同。」「《釋丘》:培、 又云『狀貌崟崟兮峨 品品 合言之則曰岑崟、《説文》「山之岑崟也」。 Ш 塿; 白關而 巌 山之鋭嶺者」,義與塿同。 一謂但以 《風 也。 卬者名之爲部。」義並與培 罌謂之覦,亦謂 俗 讀若吟。」僖 東謂之丘,小者謂之塿,大 通義》云: 木爲節 招隱士》「嶔岑碕 峨」,張衡《思玄賦》云 培、 「部者,阜之類 、熡,冢 三十三 之瓿 塿、堬,聲之轉 嵇康《琴賦 「累積 甊 也。 年《 《方言 礒兮」, 其數 譬 北 穀 介方 同 如 陵 梁

書文例補。 「段氏」至「注云」,原無,今從沈校據《説文解字注》及全

岑樓高

丈,則累積此木百餘,即

高過於一丈矣。

方寸之木

時通

解如是,與趙氏義異。

○注「一帶鉤之金」○正義曰:

立尺材於高山之上。」按:

近

周氏柄中《辨正》云:

寸

猶食色本不能

木高於岑樓,猶《韓非子》所謂

於禮,今變通之,故可使之重也。

本不能高於岑樓,今累積之,故可使高也,

孔

氏

(廣森《經學巵言》云:「《晏子春秋》曰:「大帶重半鈞

舄屨倍重。」鄭君説,東萊稱以大半兩爲鈞。

然則帶鉤金半

義 i E

鈞,才重三分兩之一。」〇注「翅辭也」至「重也」〇正

l也」,誤。」往應之曰:『紾兄之臂而奪之食則 若言何其重也。」今刻本作「何其不 也。」《孟子》「奚翅 色 部云:「牽, 引前也。」《毛詩 魏 風 Ш 有 樞 》「弗曳弗

重」,趙 注云:

解也。

文度弟阿,至惡乃不翅。」晉宋間人尚作此

啻,或言奚啻,啻皆或作翅。

《國語》云「奚翅其聞之也」,章

語。

古書或言不

「奚,何也。 注:「翅

何啻,言所聞

非

不啻也。」《倉頡篇》曰:

「不啻,多也。」《世説新語》云:「王

翅同啻,口部啻下云:「語

時

解字注》云:「底、病不翅也。

謂食色之重者。

言「夥頤」。

文》口部云:「啻,語時不啻也。」奚翅、不啻,猶《史》《漢》之

或析翅字訓但,誤矣。注云『若言何其重也』,正

後人添不字,遂不可解矣。」段氏玉裁《説文

阮氏元《挍勘記》云"「翅辭也者,翅是語

辭,即不啻也。

《説

重

日

注云: 傳云「咸其股,亦不處也」,虞翻注云:「巽爲處女。」凡士與 約若處子。」善曰:《司馬兵法》曰:「始如處女。」」莊周見 聚、《説文》備其義耳。 摟 許之言「曳聚」猶郭言「拘摟聚」。 舝,即婁之爲曳也。 婁」,❶傳 云 女未用,皆稱處矣 逍遥遊》,彼《釋文》云:「處子,在室女也。」《易・咸》九三 (必兼曳、聚二義,而) 「摟猶今言拘摟,聚也。」《説文》手部云:「摟,曳聚也。」 怨思》篇「曳慧星之皓旰兮」,注云:「曳,引也。」摟之爲 「處子,處女也。 云: 「婁,亦曳也。」《釋文》引馬云:「舝也。」《楚 《爾雅• 《爾雅》言聚以見曳、《毛傳》言曳以見 《文選・射雉賦》云「來若處子」,徐爰 莊周云: 「貌姑射之山有神人居,綽 釋詁》云:「摟,聚也。」郭璞注 曳聚者, 牽引使聚合也。

屋 爲先,食色爲 廬子未達,故譬摟、紾也。 章指:言臨事量宜,權其輕重。 後; 若 有 偏 殊,從其大者。 以禮

年

孟子曰:「然。」注曹交,曹君之弟。 曹交問曰:「人皆可以爲堯舜,有諸?」 交,名也。 答

> 中  $\pm$

《孟子》曰:『曹交,曹君之弟。』然則曹與滑皆 後」,中立爲諸侯,無所屬,非滅薛之後復有薛乎? 薛任姓,雖未知爲誰所滅,而齊湣王三年以封田嬰, 有,乃頃襄王十八年有鄒、費、郯、邳 也,故《春秋》言入不言滅者,以此。」閻氏若璩《釋地續》云: 宋雖滅曹,仍爲附庸於宋,故至戰國而 者。」惠氏士奇《春秋説》云:「曹滅於哀之八年,復見於哀之 傳》哀公八年宋滅曹,至孟子時曹亡久矣,曹交蓋以國爲氏 本鮮虞國,一滅於魏文侯十七年癸酉,再滅於趙惠文三年乙 而當甸服,故曰『曹爲伯甸』。 十四年「宋向魋入於曹以叛」,杜注「曹宋邑」,非也。 注「曹交」至「名也」〇正義曰:王應麟《困學紀聞》云: 「楚簡王十四年越滅郯,後八十四年楚滅越。 Ш ,相距百 然者,言人皆有仁義之心,堯舜行仁義 》稱「薛子嬰來朝」。 之後有中山、載世家、 一十三年,中雖未詳知何年復國及何以復國,要 其子文、《戰國策》、《史記》並 列傳者班 其國雖小,豈徒一邑哉? 班 四 也。 國,則 尚有 安知曹滅於宋在 曹君。 郯 滅 郯實爲楚所 而 係重封 而 른 稱「薛 又中 曹伯 趙岐 仍 故《紀 存 者 疏 Ш 者 蓋 公 注

0 魏」、按《山有樞》在《唐風》、參沈校。 春秋之末,曹已爲宋所滅。

館焉。

或即鄒君之弟。

見於鄒君可以假館。

不知何所本,當是誤耳。

其戚戚君,故兄弟同姓,未可知也。]江氏永《羣經補義》云: 姓、爲顓頊之後」、則曹交者、與鄒君同姓、故得見鄒 南士曾辨之,當是曹姓而交名者。何以言之? 彊以歸而殺之,曹遂絶其祀」,則曹此時信亡矣。 帥師滅許」是也, 有書入而即是滅者,此「宋人入曹」是也。 哀八年「宋人入曹」、《左傳》竟云「滅曹,執曹伯以歸」,如此 注相引申,而辨王氏「曹亡久矣」之説。毛氏奇龄《經問 無謂也。」按"二説一以爲曹雖滅而仍爲附庸" 滕更挾貴之風,孟子則麾而去之,故趙岐以爲曹君之弟,非 春秋哀八年,下到孟子居鄒時已一百七十餘年,不更有國於 《史記・曹世家》載『曹伯陽十五年宋滅曹,執曹伯陽及公孫 有國於曹者,皆以爲實有曹君,交實爲曹君之弟,與趙 「盛唐問:《孟子》曹交,趙岐注「曹君之弟」,按、《春秋 交爲其介弟,觀其言願因鄒君假館舍,備門徒,儼然 其曰「曹君之弟」何居? 鄒者魯縣,鄒即邾,《春秋》注「邾本曹 曰: 經有書滅而並未滅者, 定六年「鄭 戰國禮衰,不分宗,不别氏,弟得以 然則孟子之曹交何如? 曹交非曹君之弟,或是曹國之 其日: 得非經衹 一以爲曹滅 日: 趙岐之注 君 交得 此張 而 氏 假 書 聖。 則趙氏之説未可非也。 姓之説。 後以國爲姓,或是鄒君之族人。鄒本邾國,邾本姓曹,故 員首,而明有二童子。 至「則可」○正義曰:《春秋繁露•三代改制質文》篇云: 教誨,則既明明教誨之矣,而何與滕更之不答同哉?」「文 疏好逞臆於注外,遂以曹交挾貴而問,孟子辭之。 非必朝夕一堂始爲受業也,非棄之也。 而求之,有餘師」。 鄒君言假館,亦情事所有,未足遂爲深怪,而 粟,請受業,不可謂非有志,而孟子告之甚直且詳。 春秋後,趙氏蓋當有所案據。 以交爲鄒君之弟,則交明云「得見鄒君」,此豈親弟口 也,便有挾貴之意。」此二説,則仍王氏之説而又爲曹、 聞文王十尺,湯九尺。 「交得見於鄒君 食粟而已,如何則可?」注交聞文王與湯皆長而 ·天將授舜,主天法商而王,祖錫姓爲姚氏,至舜形體大上而 今交亦長,獨但食粟 按: 以曹君之弟假館於鄒君,不必定爲同宗, ,可以假館」。 蓋學在身體力行,不在口説。 天將授禹,主地法夏而王,祖錫姓 趙氏佑《温故録》云:「曹之復,事在 而已,當如何? 蓋欲於其同宗之爲君者假 惟是曹交已知問堯舜,憂 今交九尺四寸以長, 故注無譏 孟子復韶以 疏 然謂不屑 古人從師 解。 即其

則孟子時已無曹矣。

「人」,原未嘗滅乎?

云:

後

一吻?

食

鄒

館 曰

至 同 曹者?

爲

一交聞

自

僞

賢耳。 子曰: 哉? 所任 姒氏,至禹生,發於背,形體長,長足肵疾。 天授,故曹交舉而言之。 足。」然則湯九尺,所云長專也, 主地法文而王,祖錫姓姬氏,至文王形體博長,有四乳而大 法質而王,祖錫姓爲子氏,至湯體長專小足。 言我 矣。夫人豈以不勝爲患哉? 雛 亦爲之而已矣。有人於此,力不能 王龍顏虎眉,身長十尺,有四乳。] 曰:「奚有於是? 小爾雅・ ",則爲. 「答是也,何有」爲不可答, 矣,然則舉烏獲之任,是亦爲烏 上,是爲 能舉 烏獲,古之有力人也,能移舉千鈞。 但 人言我力不能勝 何 不爲之耳。 有 廣言》云:「奚,何也。」是「奚有」即 百 無力人矣;今日 烏獲 於是 鈞 才 百鈞,三千斤也, 言乎? 也。 疏注 《史記正義》引《帝王世紀》云: 夫 則是以 仁義之道,亦當爲之乃爲 「何有於是言乎」〇正義 小雛,則謂之無力之人, 文王十尺,所云博長也。 兀 舉 雛 何有爲 百鈞,則 不舉,豈 則謂之有力之人 弗爲耳。 天將授湯,主天 無 天將授文王, 有 「何有」, 患 人能舉其 爲 勝 獲 此「何 不 有 \_\_ 而 注 能 趙 i i 文 力 匹 勝 孟 己 氏 皆 有

篇 》: 鶩雞。 **吵吹猶** 子, 揫、 能勝 《音義》出 少、 《爾雅》「蠽,茅蜩」,注云:「江東呼爲茅蠽,似 文。]今按、《方言》: 之爲堯舜也。 音木。』《玉篇》、《集韻》有鳴字。 摯匹」,注云: 文》:「鬣,束髮少小也。」張衡《西京賦》云: 義》謂『尐與疋字相似,後人傳寫誤耳』。 也。」物多則大,少則小,故《方言》云:「少,小也。」《廣 傳寫誤耳。」王氏念孫《廣雅疏證》云: 宜解作不難,「是」字指文王、湯之能爲堯舜, 於是」亦是無有於是,蓋謂其不必如是説也。 下雞,小雞也。」匹不 「衊尐,小也」,《方言》注作「懱餤」。《孟子・告子》篇「力 鶴、蠽、鬣,並音姊列反,其義同也。 「鶴,小雞也。」鶴與火通,小雞謂之鶴,猶小蟬謂之蠽 1 啾啾 兀 鶴 乃鄭云「説者謂匹爲鶩」者、《白虎通・瑞贄》篇引《曲 雞」,趙岐注云:「言我力不能勝 「匹雛」,云:「匹,張如字。 亦 聲之轉。 「説者以匹爲鶩。」《釋文》云: ○注「人言我力不 聲之轉也。」按: 「少,小也。」音節,蓋與疋字相 《廣韻 訓 小, 而 訓 「吵,姊 以此通之、《孟子》似匹 《禮 詁及諸 能 勝一 記 丁作疋,云:『注云: 列切。 按,孫説是 方言》 「《説文》:「少,少 書疋訓耦 小難」〇 一小雖。」孫奭《音 曲 「匹依 禮 謂不難於湯文 按: 「朱鬕鬣 蟬 謂 》云「庶人之 而小。」《説 处处 「何 小 正 注 也。 似,後 訓 雞 作鶩 有」亦 也。」 爲鍫 雛 小 **宝** 韻 即 不 X 無

文之烏獲也。 效力》篇云:

秦武王與孟説舉鼎不

7任,

絶脈

而死。 一仲舒、

世

稱

力者,常褒烏獲

然則

董

非其身重

於千鈞也、勢不便也。」是烏獲能舉千鈞

之有力人。

注

「烏獲」至「爲之耳」〇正義曰:《史記・

爲少,則少難即是小雞;

》單云「匹」,

故擬之爲鶩;

此

已連稱「匹

》注以匹爲鶩也。

南

時則訓》注

云:「雛,新雞

子也。」《禮

記

月

令》:

「仲夏之月,天子以

力不

能勝

雙難,則是兩難。

至造爲鳴字,尤非矣。

張氏

讀

匹

雛

語

魯語

》云「不能任重」,章昭注云:

「任,勝

王有力好戲,力士任鄙、烏獲、孟説皆至大官。」是烏獲爲古 《釋文》音匹爲木,孔氏正義直云:「匹,鶩也。」皆非 《韓非子·觀行》篇云:「烏獲輕千鈞而重其身, 匹之訓爲偶爲雙,不知何物而擬之云。 學者以匹爲鶩,轉忘乎雛爲雞矣。 讀匹如字,則匹雛是即雙雞。 訓詁之體,凡「謂之」云者,皆非 也。」然則難爲雞之名。 《説文》隹部云:「雛,雞 如字,亦義爲偶 秦本紀》云: 鄭云「説者以 雞」,不得 以相準,故《白 雛嘗黍。」《淮 也。」《論 《周 也。 揚子雲 少文之 讀 又 衡 禮 《曲 《國 武 援 爲 此 匹 0 兀 不能 我不能 注也。 舉 勝匹雞 此豈足患? 移舉千鈞,此烏獲之任也,人亦能移舉千鈞 獲」,以此譏孟子言辭小失,由未知孟子之恉,亦未審趙氏 引陳幾亭之言,謂「人皆可以爲堯舜」,不聞「人皆可以 比爲堯舜,則移舉千鈞,詎容漫致? 人之爲堯舜非如爲烏獲必能舉烏獲之任,人之爲堯舜第 三爲字不同。 可謂之烏獲,若一匹雞,則斷 之爲烏獲而已。 是人稱謂之,此「爲烏獲」亦是人見其能舉烏獲之任即 人」、「爲有力人」二爲字同。 上兩爲字,趙氏俱以 任;能舉烏獲之任,即爲烏獲。 人與董仲舒等 夫一石之重,一人挈之,十石以上,二人不 一石之任,寡有舉十石之力。」此所云任,皆勝 一匹雛,人人不患其不勝,特患其不爲。 也。 爲患,以不能舉烏獲之任爲患,則「挾山 「不勝」原即「不能勝」,故「以不勝爲患」即 也 爲堯舜非舉烏獲之任也 以 由不肯爲耳。 趙氏之意,以孟子勝一匹雛比人之爲堯舜,謂 誦胸中之思,必將不任,有絕脉 不 烏獲之力不能强學,故必視能舉其 能勝匹 雛爲 「弗爲耳」之「爲」解作行爲 患 無不能舉之人。 此「亦爲」之爲與上「爲無力 則 乃舉 「爲長 閻氏若璩《釋地三 者折 兀 白解者以爲烏 ,則是舉烏 能 雛之力也 之變。」又云: 今日不 枝,語 超海,語 舉也。 也。 「謂」解之。 是以 烏獲能 人日 任 與與 能 爲 稱 而 不 人 續 勝 日 能 之 鳥 獲 加 F 乃 謂 之 多 何 我

定稱。

爲鶩」,即與「匹謂鶩」同義。 所云「匹者謂鶩」,謂兩鶩也

非匹

有鶩訓。

虎通

》以匹爲鶩。

官・大宗伯》「以禽作六贄,庶人執鶩。」用

禮

洲而

解之云:

元

調鶩

也。」鄭所云「説者」指

此。

之任 字體 舉,不至於百鈞不止也。 皆代其人摹寫之辭,並非正論。 因 能舉烏獲之任,乃可爲烏獲。 若不行而徒言,則自 按:《鹽鐵 孝弟之道,人人能爲, 經,秘書微文無所不定,此烏獲之任也,非人人所能 儒 也 其邁往之材,久之,固亦得爲有力之人矣。 天下之稱有力者 亦 而 田《求是齋自訂稿》云:「或疑不勝匹 能舉堯舜之任,但形體似堯舜,不可爲堯舜, 言自詡其舉百 獲之力。」竊謂此即本《孟子》。 生能 [遂譏孟子爲妄説。 ? 何至不勝 彼獨逡巡退縮曰: 會而 今或不然。 ,但口稱 堯舜之道不過孝弟,人之於孝弟未有不能勝者 説百萬章句,連句結章,篇至百十,作《春秋 出。 論 匹 能舉百鈞,不可爲烏獲。 鈞,豈得真爲烏獲乎? 烏獲不可 雛 能言》篇大夫曰:「夫坐言不行 於衆皆畏憚之事而彼獨毅 言能舉百鈞即可謂之烏獲矣。 然 吾之力,雖 不知不勝匹 由 以空言冒,堯舜不可 匹雛之勝也。 力 其 雖果,亦豈能 頹 力不能勝一匹 靡 牧童即力不能勝匹雛之人, 有人於此 之習 兀 雞與舉百鈞皆必無之事, 雞不能勝也。 雛,如何可以至烏獲? 此又一 此於《孟子》「今曰」二 則 此趙氏之義 遂舉百鈞? 必終 ,於衆方角力之時 然不顧日 一雛之人而 義也。 以 猶不能舉烏 ,則牧童兼 爲 形體求。 無力之人 力雖薄, 然則必 姚氏文 也。 )》,删 爲 也。 然竭 吾之 也; 徒 不 獲 空 又 烏 故 Ŧi.

不能 本、韓本悌作弟。 已矣」,閩 也。」 者」即 爲也。 哉 ? 吾故曰: 書 者,老者也。 徐 之説也? 勝」者,何 旦 安在烏獲之遂絶於天下也者? 莫 「齊侯長矣」,注云:「長,老也。」《廣 行後長者謂之弟,疾行先 人直未一身歷焉而遽以不能勝 遂至於烏獲 如 ·蕭望之傳》云「前單于慕化鄉善稱弟」, 行者, 豈 一顏師古云: 勝 烏獲,其所任皆舉之而莫能 本文意甚縣密,學者粗心讀之,未免以辭 「老者」也。 疏注「長者」至「爲也」○正義曰: 奚有於是? 也? 匹 監、毛三本同。 惡知夫堯舜之可爲更非若烏獲之不可 雛 弟,順 ,則亦一 也 人所不能哉? 凡事必歷乎其途,然後可以 「弟爲悌。」阮氏元《挍勘記》云: 按,悌者俗字。」徐行,舉 《荀子 故 也。 云「人誰 烏獲而已矣。 亦爲之而已矣。 宋九經 修身》篇云: 人誰不能徐行者? 自謝也,此何異 不 設使若人者馴而致之, 勝 本、 長者謂之不 能 也。 所 雅 岳 徐 人於堯舜何 行 然試 本 不 然而 釋 《 國 者 蘇 端 知 咸 爲 兀 詁 思,彼 其難易。 林云: 慤順弟。」《漢 人且日 淳 語 雛 也 (於不 衛州 同。 害 也 堯 弟 獨 晉 患不 意。」 亦 「弟, 强 勝 不 舜 疾行 是 本、 注 語 人 今之 而 兀 吾 然 而 Ż 影云 耳 肯 夫 徐 弗 長 長 順 雛 而 至

學也。 秋 注 傳》云「賢不肖較然」,「較然」皆言其明白易見也。《吕氏春 者也」、《漢書·谷永傳》云「白氣較然起乎東方」、《張安世 子歸曹而求行其道,有餘師,師不少也。不必留此 也。 主父傳》云「較然著明」,又《伯夷傳》云「此其尤大彰明較著 舜之道,較然若大路,豈有難知? 於門。」注交欲學於孟子,願因鄒君假館舍,備門徒 言,行桀之行,是桀而已矣。」注孝弟而已,人所 道,孝弟而已矣。子服堯之服,誦堯之言,行 不求耳。子歸而求之,有餘師。」注孟子言堯 曰:「交得見於鄒君,可以假館,願留而受業 義之言,桀行,淫虐之行也。爲堯似堯,爲桀似桀。 行,孝弟之行。桀服,譎詭非常之服,桀言,不行仁 能也。堯服,衣服不踰禮也,堯言,仁義之言,堯 堯之行,是堯而已矣,子服桀之服,誦桀之 |並云:「苦,病也。」是「病」即「苦」也。《吕氏春秋・辨土》 權勳》篇云「觸子苦之」、《貴卒》篇云「皆甚苦之」,高誘 曰:「夫道,若大路然,豈難知哉? 疏注「孟子」至「學也」○正義曰;《史記・平津侯 人苦不肯求耳。 人病

師之有?」《述而》篇云:「三人行,必有我師焉。」皆「有餘即不少也。《論語・子張》篇云:「夫子焉不學? 而亦何嘗篇云「無使不足,亦無使有餘」,高誘注云:「餘猶多也。」多

師」之謂也。

章指: 言天下大道,人並由之,病於不爲,不患不能。是以曹交請學,孟子辭 在思無邪而已。蓋歇後語,東漢已有之。韓退之《論語 至「蔽之」〇正義曰:周氏廣業《孟子章指考證》云:「言至厭之」〇正義曰:周氏廣業《孟子章指考證》云:「言 新四元。」或趙氏亦取「一言以蔽之」。 疏「蓋詩」 於頌而已。」」或趙氏亦取「一言斷」之義,以爲道在於爲 於頌而已。」」或趙氏亦取「一言斷」之義,以爲道在於爲 於頌而已。」」或趙氏亦取「一言斷」之義,以爲道在於爲 於頌而已。」

○正義曰:《公孫丑》篇「高子以告」,注云:「高子,亦齊人,怨者,怨親之過。故謂之小人。 疏注「高子」至「小人」高子,齊人也。《小弁》,《小雅》之篇,伯奇之詩也。 詩也。」孟子曰:「何以言之?」曰:「怨。」 注 公孫丑問曰:「高子曰:《小弁》,小人之

詩》説。 叟 者。 爲齊人。此言高子,蓋彼是也。」翟氏灝《考異》云:「《韓 嘗學於孟子,鄉道而未明,去而學於他術。」●此注則 孟子弟子。』《盡 弟子。』此又論《詩 外傳》又稱高子與孟子論衛女之詩。 孫丑者稱高子之言以問 之尸也。」孔氏正義云: 解「以御于家邦」之御爲享,與毛異趣。 是見《琴操》尹吉甫愛後妻子而棄其適子伯奇者,或以爲《韓 言之而後明 大,故較之《凱 以《小弁》爲平王事,故得言親之過大,以所關在天下國家之 疑即《釋文》所述吴人徐整言子夏授高行子,是亦一傳《詩》 「叟」稱之。與「尹士」、「追蠡」二章之高子蓋有别。」趙氏佑 齊人」。《毛詩序》云: 温故録》云: 詩》説與毛同。 而日 蓋本學於子夏而後又從孟子,則其齒宿矣,故得間 蓋趙注言《詩》往往從韓。 固,曰茅塞,是後注所謂『鄉道未明』者。 遂爲《 「前已有『高子以告』,注:『高子,齊人,孟子 風》失 心 高子亦未嘗不同,特其見理未精,得孟子析 シシ篇 《毛詩》授受所從出 》,後論聲樂、《毛詩序》亦有高子曰之文, 在 「孟子謂高子」,注云:「高子,齊 「高子者,不知何人。 「《絲衣》,繹賓尸 孟子,則高子與孟子 身者則爲小矣。 如引《摽有梅》之摽作莩。 此人似長於孟子,以 注則 以 也。 《鴟鴞》詩爲刺邠 足明 以爲伯奇之詩 同 孟軻弟子有 高子曰: . 時。 孟子 然《毛詩 趙岐以 所 靈 但 人。 稱 主 稱 詩 公 星

> 굸: 君,並 乃中間以比干,則未必以《小弁》爲伯奇所作。 靖王勝傳 之詩。」此伯奇之事,而不言其爲《小弁》之詩。 日 矣,疢如疾首。」臣之謂也。」此上言伯奇,下引《小弁》之詩 云: 『我心憂傷,怒焉如擣。 甫信後妻之讒而殺孝子伯奇,其弟伯封求而不得,作《 履霜,自傷無罪見逐,乃援琴而鼓之。』《太平御覽》引《韓詩 怒,放伯奇於野。 妻知伯奇仁孝,乃取毒蜂綴衣領,伯奇前持之。 仁,豈有此也?」妻曰:『試置妾空房中,君登 伯奇母死,吉甫更娶後妻,生子曰伯邦,乃 者,尹吉甫之子伯 以單行至今而三家多放失也。]按:《琴操》云:「《履 之不幸,不足深較大小,適足以見所傳之不 云「父虐之」,其辭甚輕 『伯奇見妾有美色,然有欲心。』吉甫曰:『伯奇爲人 違《尚書》。 「《黍離》伯封作也。」曹植《令禽惡鳥論》云:「昔尹吉 「斯伯奇之所流離、比干所以 伯奇編衣荷而 孫氏《音義 奇所作也。 ,則亦與母不安其室者均爲人子所遭 假寐永歎,唯憂用 》間 吉甫 有 衣之,采楟花而食之,清 證 ,周上卿也,有子伯 明,而 確。 此 譖 横分也。 獨闕。 樓而察之。」 《漢書 惟 伯 老。 於是吉甫 此《毛詩 奇於 論 心之憂 衡 第 **季** 霜 吉 觀 詩 奇。 》所 書 慈 Ш 朝 大 後 甫 注

<sup>●「</sup>他」,原誤作「地」,今據《盡心》篇趙注改。

甚也」〇正義曰:《論語

也

疏越人,故談笑。戚,親

也。

固,陋

也。

高子年長。

之。

「固哉、高叟之爲詩也!

弁》刺幽王也。

固」。

虚》篇云:「伯

弁》之詩曰「何辜于天」,親親而悲怨之辭也。 而道之,怪怨之意也。伯奇仁人而父虐之,故作《小 親親,仁也。固矣夫,高叟之爲詩也!」注 之也。其兄關弓而射之,則己垂涕泣 褒姒,生子伯服,立以爲后,而放宜曰,將殺之。」末章「我躬 之言,太子不可作詩以刺父,自傅意述而刺之。」其首章「民 則或者當時有伯奇作《小弁》之説也。《毛詩序》云:「《小 不閱,遑恤我後」,傳云:「念父孝也。」引《孟子》此文。 莫不穀,我獨于罹」,傳云:「幽王取申女,生太子宜臼,又説 人關弓而射之,則己談笑而道之。 無他,疏 固陋」,傷高叟不達詩人之意甚也。 無他,戚之也。《小弁》之怨,親親 奇放流,首髮早白。《詩》云:「惟憂用老。」」 太子之傅作焉。」孔氏正義云:「以此述太子 孟子曰:陋哉,高父之爲詩 述而》篇「儉則固」、《集解》引孔 親其兄,故號泣 有人於此,越 疏注 固 [陋]至 也; 加 重言 道 氏云: 號泣。 堅守一説而不能通,是爲固也。《廣雅・釋親》云:「叟,父 《禮記 于天,我罪伊何」、《小弁》首章之文。 傶,近也。」《説文》戚爲斧鉞之名,與傶通,故爲親也。 謂戒其不可射也。 戴記・曾子制言》中云:「君子雖言不受必忠曰道。」「道之」 貫弓而報怨」、《漢書》作彎。彎、關、貫並通。」道,言也。《大 矣」,杜預注云:「關 注云: 「扜,引也。」古聲並與抓同。 也。」字亦作打。《吕氏春秋・壅塞》篇「扜弓而射之」,高誘 彎。」《文選·三都賦》劉逵注引《孟子》此文作彎。 王氏念孫 之,治之則必解説之矣。《音義》出「關弓」,云:「丁、張並 南》矣乎」,皇氏疏云:「爲猶學也。」爲本訓治,學之即是治 也。」故以「高叟」爲「高父」。《音義》出「爲詩」,云:「丁云: 少,不能通達,故又云「不達詩人之意」,「不達」正 「爲猶解説也。」」按:《論語・陽貨》篇云「女爲《周南》、《召 《説文》:「彎,持弓關矢也。」昭二十一年《左傳》「豹則關 《廣雅疏證》云:「抓之言弙也,《説文》:「弙,滿弓有所鄉 · 曲禮》云「君子謂之固」,注云:「固謂不達於禮也。」 「固,陋也。」《荀子・修身》篇云「少見曰 號泣則欲其言之必受也。 然疏則言之和,故談笑,親則言之迫,故 ,引弓也。』《史記・陳涉世家》「士不敢 《廣雅 毛氏傳云:「舜之怨慕 彎 亦 釋詁》云: 抓 也,語之轉耳。 陋」,所見寡

「何辜

日: 德,而 立,遣 怒焉如擣」。 굸: 其固有之仁,奈何反以其怨爲小人哉?」 愈疏。 不以爲宜臼之詩而言「伯奇仁人而父虐之」,蓋以宜臼 也。」趙氏特引此句,以明《小弁》之怨同於舜之號泣。 父以訢天,故引舜事以明之。 之過大哉? 亡,故曰親之過大。 臼之詩。 言之」而不虞其以怨爲小人也。 人,不得比於舜之怨,故取他説也。 人,并其詩而斥爲『小人之詩』,何不可者? 此章只是論《詩》,不是論平王。 身,其父之過與《凱風》七子之母不安其室等耳,何得云親 有焉? 「《孟子》「親之過大」,據 號泣于旻天于父母。」孔氏正義云:「毛意嫌子不 一師戍申,是但知有母,不知有父。 不知申侯弑父爲可誅。 宜臼不怨而其傅道之以怨,明示以親親之道而竦 蓋太子者,國之根本。 又詩二章曰「踧踧周道、鞠爲茂草、我心憂傷」 此 有傷周室衰亂之意。 若在 尋常放子,則己之被讒見逐,禍 此一 忘親逆理如此,則謂宜臼 言大舜尚怨,故太子亦 蓋宜臼之不仁,全是不怨 詩原非平王作也。平王既 國本動摇 語,可 曹氏之升《摭餘説》云: 若尋常放子,其於國家 斷其爲 但知申侯立己爲 劉氏始興《詩 則 故孟子曰「何以 社 幽 稷隨之而 王太子宜 非仁 當 爲小 而 可 益 而 止 動 有 特 恕

曰:「《凱風》何以不怨?」注《詩》,《邶

孝也。 之過大 風 怨其親,是亦不孝也。 母,猶不能安其室,故美孝子能盡其孝道以慰其母心而 也,故曰「不孝」。 矣而孝子不怨,思其親之意何爲如是,是益 是不 自責之意。」是《凱風》亦孝子之詩也。 詩序》云: 之」而曾不閔己,知親之過大也。 也,知親之過小也,《小弁》曰「行有死 慕。』上述孟子曰:《 親之過小者也;《小弁》,親之過大者也。 志爾。」箋云:「不安其室,欲去嫁也。 詩 小弁》爲不得矣。 怠,稱日孝之至矣。 何 凱 可 以 風》之篇也。 孔 獨 而 磯 「《凱風》,美孝子也。 不怨? 也。 子 不怨,是愈疏 曰 : 愈疏,不孝也; 磯,激也。 疏注「凱風」至「不孝也」○ 疏注「詩邶」至「不怨」○正義曰:《毛 『舜,其至孝矣! 凱風》言「莫慰母心」,母 公孫 孝之不可 孔子以舜年 Η. 衛之淫風 也; 過 曰 : 小 親之過 以已也 愈,益也。 耳 成其志者,成 Ŧī. 凱 不可 日 而孝子感激,輒 流行,雖 + 風 前 人,尚 知 知 磯,亦不 亦 小 思 Ŧī. 凱風 正 有七子之 孝 慕 疏 過 心 而 義 其孝子 + 之道 己 子 叟 其 或 不 日 成 譏 大 親 親 墐 而 之 悦 其

寢,不入房室,以慰母心焉。

疏,亦言「母遂不嫁」,爲之快絶。

七子無母道,過孰大焉?

孟子之言妄與?

當日採風者親覩其事,序《詩》者申美其事,遂不爲聖人所 上,感《詩》者亦能安母於千載之下,《詩》之有益人倫如 繼母恪勤,母既年少,又嚴厲,肱感《凱風》之孝,兄弟同 爾。」成志,成母守節之志,非如鄭箋指孝子自責言。 則序《詩》非也。」黄太沖亟取其説,載《孟子師説》。 地又續》云"「宋晁説之以道《詩序》之論曰"『《孟子》" 七子之母,猶不能安其室。」是七子之母者於先君無妻道,於 風》,親之過小者也。」而序《詩》者曰:「衛之淫風流行,雖有 序》又曰:『故美七子能盡其孝道,以慰其母心而 此爲過大,故以《凱風》之母但心不悦,母心不悦 既讀《孟子》,則尤與「不可磯」,并幽王逐子,尹 彼皆戕害其子,故過大,此但責子過情 毛氏奇龄《四書賸言》云:「先仲氏 風》爲母責子詩,予向取其説以 鄭作《詩》者能安母於千載之 復憶東漢姜肱性篤孝,事 孟子之言不妄 閻氏若璩《釋 虐謂放之於 《凱風》詩 因檢孔 成其 余按 「《凱 故過 視 被 此 古 而 志 説 虐 删 微而可以感消; 此,惟有負罪引慝,積誠婉 矣,則真於先君無妻道,於七子無母道,是之謂惡,豈僅僅過 作「月既望」。《周禮・犬人》「幾珥」,注云:「幾讀爲刏。」從 云: 石激水解之,殊誤。 詩音義》云:「磯,居依反,又古愛反。」古假借字耳。 也」,但於雙聲求之。 悦激發其子,子因其激而遂怨,是不可耐此激發也。 招魂》云 磯、蓋即讀 猶云微著,母不安室,與父亂德政,其過同。 己心未盡,奚以悟親之心? 磯」之義求之,蓋曰一念雖差,過而未遂,斯爲小矣。 而 侕 「不可磯亦不孝也。」 謹按: 激 (技勘記》云:「「不可磯」,按,段 孟子以《凱風》爲親之過小,豈小其失節哉? 已哉。」周氏柄中《辨正》云"「從一而終者,婦人之大節 ,序曷可非也? 「概,所以忾斗斛也。」「忾,平也。」《易》「月幾望」,荀爽 |而釋之爲「感」,故云「孝子感激,輒怨其親」, 「激楚之結」,王逸注云: 「磯」爲「激」,「不可磯」即「不可激」也。 父亂已成,則著而不容膜視。 蓋七子之母徒有欲嫁之志云爾,若果嫁 《説文》固 磯與忾、概字古音同 渝,可 周氏解大小二字是也。 或反至激怒而成之。 無磯字。』」按:《説文》木 以 玉裁 「激,感也。」趙氏讀 挽回,若遂呼天怨懟,則 日 : 謂摩 一注中 但母志未著,則 趙 也。 當即「不可 訓 調母 氏 蓋小大 人子當 楚 以 故曰: 阮氏 近 磯」爲 故《毛 人以 以 激

小。

若不安室,則過不小矣。」此即趙氏義也。

甫殺子義合。

(國風》。

日:

齊、魯、韓三家以《凱

序「不安其室」之事也。

放於野爲小,故引《詩》語以明大小之義,蓋亦不用。

趙

以

氏説《小弁》既不用

《詩序》而以爲父虐伯奇。

議。 或磯即 相感以 既授子夏之《詩》,習知其義,而《小弁》之詩,情辭憤激,迥 故有此解,趙氏則無之也。 云: 母不安其室,心不能平,因 摩之即所以平之,然則「不可 既、從气與從 之道,究以 但守其常,不通其變,故孟子以「固」執勗之。 緩步,談笑處之,則視君父不啻路人,不亦疏已甚乎! 已煽,讒口已成,周室將亡,殊非小故,爲臣子者竟惟 孝子以至誠之情自責以 是以《詩 臣之於君,子之於親,朋 俞即古愈字。 廣 凱風》可 愈猶益也。」益疏謂疏之甚也。 雅 「磯,大石激水也。」此因 誠有未便,惟宜載睍睆之音,樂棘心之養,消之於未形。 情 「事父母幾諫」之幾, 釋水》云:「磯,磧 岃可 ,比,實與 而 《凱風》爲正。 以 不 幾原 《詩 興觀羣怨,邇之事父,遠之事君,如 可相 《詩 可 持以理,宜相化以誠而不可 小雅 相 》教相背,故以爲小人之詩。不知 通。 感動其母,此《詩》教之常也。 友相規,兄弟相戒,均 事猶未著,失亦無多,不難平心婉 而怨懟,與「不可激」之義亦相 · 小明》篇「政事愈蹙」,箋云: 也。」磧 《爾雅 磁之讀 磯 顯露其親之過,是不可 廣 」即不可忾,亦即不可平。 雅 蓋温柔敦厚、《詩》教也。 •釋詁》云:「俞,益也。」 石 • 激而附合於磯之爲磧 在 釋詁》云:「忾,摩 水中。 然臣子事君 宜 相 纏 《凱 書 矜 綿 以 風》之 以 愷 音 幾 高子 豔 高 也。 低 義 也。 近。 氣 惻 凡 父 子 聲 妻 非 因

> 十而慕 或 事未彰而諷告焉,是爲諷諫,孔子獨從之。 則天下無不可事之君父,故諫有五,而知患禍未萌, 母即不嫁; 慕,正與《凱風》七子同。 乃直指其非,自沽其直以激其 不可磯切言之,則高子者蓋不失爲經師 ,是則不可磯之爲不孝也。 」以證《凱風》之「不怨」,非引以證《小弁》之「怨」也 章指: 父頑母嚚,舜自責以乂養之,而瞽瞍即 言生之膝下, 母不安室,七子自責以慰安之, (君父之怒,害及其身, 故孟子雖譏高子爲固 體 者也。 孟子引舜之「五 而 分。 舜之五 底豫。 深睹 而 禍 喘 於家 十 仍 息 而 其 然 而

於門下 胖合也; 而問焉,曰: 氏春秋·精通》篇云:「周有申喜者,亡其母。 父,父不從,不得去者,父子一體而分,無相離之法。」《吕 也,夫妻一體也,昆 云"「世父叔父何以 親」〇正義曰:《儀禮 以《小弁》之怨,未足爲愆 呼吸,氣通於親。 而悲之,動於顏色,謂門者内乞人之歌者。 昆弟,四體也。」《白虎 「何故?」而乞與之語,蓋其母也。 弟 期 也? 當親 體 喪服傳》「世父母叔父母」,傳 也。 與 而 尊 通 故父子,首足也; 也。 者 疏, · 諫 體 怨慕號天,是 静》篇云:「子 疏「生之」至「於 也。 父子一體 聞乞人歌 故父母 夫妻. 白覺 諫

志相及,痛疾相救,憂思相感,生則相歡,死則相哀,此之草莽之有華實也,若樹木之有根心也,雖異處而相通,隱之於子也,子之於父母也,一體而兩分,同氣而異息,若

骨肉之親。」

同 有見於少,無見於多。」注云:「宋子名鈃,宋人也。 作「宋輕」。 云:「宋鈃,宋人,與孟子、尹文子、彭蒙、慎到同時。 有故,其言之成理,足以欺惑愚衆,是墨翟、宋鈃也。」楊倞注 用,大儉約而優差等,曾不足以容辨異,縣君臣,然而其持之 子•非十二子》篇云:「不知壹天下、建國家之權稱,上功 周行天下,上説下教,雖天下不取,强聒而不舍者也。」《荀 子真天下之好,宋鈃、尹文子聞其風而悦之,作爲華山之冠 以自表。 疏注「宋牼」至「名也」○正義曰:《莊子・天下》篇云:「墨 故謂之「先生」。 生將何之?」注宋輕,宋人,名輕。學士年長者, 下篇云: 「宋子以人之情爲欲寡,而皆以己之情爲欲 宋牼將之楚。孟子遇於石丘,曰:「先 見侮不辱,救民之鬭,禁攻寢兵,救世之戰: **牼與鈃同。」音口莖反。** 石丘,地名也。 又《天論》篇云: 道遇,問 欲何之? 與孟子 《孟子》 「宋子 以此

與争。 獨與秦戰則在懷王十七年。 先是十六年秦欲伐齊,而 時,齊秦所共争者惟魏。 反。 多,爲過也。」據此説,則是少而不見多也。 兵擊之。 秦所許,故分楚商於之地。 齊從親,惠王患之,乃使張儀南見楚王,王爲儀絶齊而 以牼爲宋人也。 未同而言者比也。」石丘: 故,於齊别去,久之忽邂逅石丘,呼以先生,請其所之,殆非 不治而議論,是以齊稷下學士復盛。孟子固嘗與宋牼有 田駢、接子、慎到、環淵之徒七十六人,皆賜列第爲上大夫 嘗君讌坐謂三先生」,注云:「先生,長老先己以生者也。」 見梧下先生」,注云:「先生,長者有德者稱。」《齊策》云「孟 於先生」,注云:「先生,老人教學者。」《國策・衛策》云「乃 顔師古引劉向云: 子,其言黄老意。」、又《藝文志》名家者流有《尹文子》一篇 蓋年長於孟子,故孟子以「先生」稱之而自稱名。 釋地續》云:「齊宣王喜文學游説之士,自如騶衍、淳于髠 《漢書·藝文志》有《宋子》十八篇,班固曰:「荀卿道 惟梁襄王元年癸卯,有楚與五國共擊秦不勝之事, 十七年春,與秦戰丹陽,大敗,虜大將軍屈丏等, 張氏宗泰《孟子諸國年表説》云:「當孟 「與宋鈃俱遊稷下。」《禮記・ ,趙氏但云「地名」,或以爲宋地, 若楚雖近 懷王大怒,發兵西攻秦,秦亦 秦,時方强盛,秦尚 鈃音形,又胡冷 曲禮》云「從 閻氏若 不得 楚 未

於石丘。」曰: 之,襲楚至鄧 取 交取 云: 燕人畔 注 0 不 説 蓋 即 云: 高誘注云: 云 所 而 漢中。 也。 Œ 之將 交兵也。 云:「有旨,有其意。」《漢書 敢 遇,得從其 王,我將有所遇焉。」注輕自謂 罷之;楚王不悦,我將 「秦楚之兵,構而不離。」又《齊策》「秦楚構 義 「構,連也。」《吕氏春秋・審爲》篇云 以詳問 「結,交也。」搆與構通。 去齊,疑孟子或有 杜 日 也 王復怒,悉國兵襲秦,戰於藍田,又大敗。 何 林以爲椽桷字。」椽桷亦以交於楣棟得名,由 原願聞 「連、結也。」又《勿躬》篇云「車不 指 《説文》講部 如? 曰 , 楚乃引兵歸 志。 台同 吾聞 其指。 軻 注 疏「搆兵」○正 也 云 秦楚搆 孟 事於宋,而自宋至薛,因 禮 欲 請 記 子敬 「冓,交積材也。」木部 交、結、連、構四字義同, 此事恰當孟子時。 如 無 何  $\pm$ 河 問 宋 説之? 見秦王 兵,我將 間 制 短,自 其 義曰:  $\stackrel{>}{\succeq}$ 獻王德傳》云「文約 詳, 「民相連而從之」, 「有旨 往 稱 疏 《國策• 結 説 説二王,必有 願 見 其 無簡 軌」,高誘注 難」,高誘注 孟 聞 願 而罷之。 楚王 名 與宋 子 聞 其 是 韓 不 「構兵」 秦策 日 其 一講之 聽 構 牼 魏 指 年 軻。 指 説 指 遇 因 聞

高誘注 用」,注 利以 也。 不可。 釋喪制 人》篇 疏注「則舉國」至「仁義」() 利,則舉 名號不可用 者,未之有也。 以 不利也。 明」,注云:「指謂意之所趨 父子兄弟終去仁義,懷利 將言其 接給而 周 事 禮 云「取接給而 罷二 ·其父,爲人弟者懷利以 爲人臣者懷利以 亦云: 並云: 天官 善對」,注 不利 先生以利説秦楚之王,秦楚之 或 日: 尚 軍 終,盡也。」《吕氏春秋·音律 也。二王悦 「終、盡也。」「終去仁義」是盡去仁義, 「待猶給也。」「接待 利 太府》「以待王之膳服 之師,是三軍之士樂罷 也。」 云 先生之志則大矣,先生之 以 廣中者」,注云: 注孟 相 接 注 接 牼 給 利 子 待 正 謂 事其君,爲 曰 : 若人以手 Ė: 罷二 義曰:《大戴記 而 應所 忘仁 」即接給也。 我將 以 軍,三 先生志 接 問 相 二,《外 事其兄,是 一義,則 而 指物也。」 爲二王 給謂 接。 給 》篇 軍 人子 誠大 也。」又《文王 府 應所問 · 保 士樂之而 劉熙《釋 其國 然 而 「敷將幾終」 言 H 矣 者 王 而 悦 傅》篇 故云「鬼 待 所 悦 號 君 懷 不 於 兵 邦之 名 矣。 我 臣 利 利 於 則 悦 稱 之

名也? 化之,咸 相接 以 利?」注以仁義之道不忍興兵,三軍之士悦,國人 爲人子者懷仁義以事其父,爲人弟者懷仁義 少儀》云「有亡而無疾」,注云:「亡,去也。」故以「去仁義」爲 或 而悦於仁義也。 王悦於仁義而罷三軍之師,是三軍之士樂罷 「忘仁義」也。 尚利忘仁義」。 事其兄,是君臣父子兄弟去利,懷仁義 也。 以 然而不王者,未之有也。 先生以仁義説秦楚之王,秦楚之 義相接,可 舉國皆忘,是盡去也。亡與忘通、禮記 爲人臣者懷仁義以事其君, 以 致 王。 何必 何必 以 利 以 爲 日

而

云 : 道 其化。」《荀子・正名》篇云:「王者之制名,名定而實辨, 至「名也」〇正義曰:《文子・精誠》篇云:「見其 是以君子創業,慎其所以爲名也。疏「俗化」 於善,久而 行 「君子曰: 名之不可不慎也如此。」 而志通,則慎率民而一 章指: 言上之所欲,下以爲俗。 致平; 俗化於惡,失 焉。」昭公三十一年《左傳 而 致 俗 俗化 傾。 而知

> 弟也。 也。 耳。」閻氏若璩《釋地續》云: 齊,紀侯弟也。 十七年蔡季自陳歸於蔡,蔡侯弟也。 昕《養新録》云:「國君之弟以國氏,字當在國下。 薛,任姓。 黄帝之苗裔奚仲,封爲薛侯,今魯國薛縣是也。」任,風姓, 泉、畢、過。言此十國皆任姓也。」又引《譜》云:「薛,任姓 引《世本・氏姓》篇云:「任姓:謝、章、薛、舒、吕、祝、終、 朝」、《左傳》云:「寡人若朝於薛,不敢與諸任齒。」孔氏正義 平國任城,故任國,太昊後,風姓。」隱公十一年「滕侯薛侯 疏注「任薛」至「國也」○正義曰:《漢書・藝文志》: 幣帛之禮以交孟子,受之而 而不報。 不報,處於平陸,儲子爲相,以幣交,受之 儲子,齊相也。 孟子居鄒,季任爲任處守,以幣交,受之 任君朝會於鄰國,季任爲之居守其國也,致 非同姓之國,趙氏蓋誤以任爲任姓與? 注任,薛之同姓小國也。 依《春秋》例,季任當爲『任季』,傳寫 亦致禮以交孟子,受而未答也。 「平陸爲今汶上縣,去齊都 未報 莊二年紀季以酅 也。 季任,任君季 平陸,齊下邑 《春秋》桓 錢氏大 ● 東 顛 人於 臨 倒 淄 來

0 藝文」,按引文出《地理志》,多沈校。 子 曰 : 注連,屋 子。 爲 似 凡 不 即 子爲相 獨見季子不見儲子 日: 他 儲 以「之任」「之齊」即是答其幣交之禮。 之任見季子,之齊不見儲子,爲 日 六百 騎 禮 是不答, 詎 子則不見,所異在見不見而答則同 相皆得周 亦 亨 日 至湖關。」湖今閿鄉縣,去秦都咸陽亦幾六百里,是當日 稱其幣? 未易出 連今日乃 屋廬子喜曰: 非 非 惟 由 ,故輕之邪? 而 廬 也, 也 不 鄒 行其境之内,非令所禁,故曰『儲子得之平陸』。」 郊外,何以 儲 有 子 役 非 之任見季子,由 既 子既 遠以幣交,既受其禮,而 得一 名 志 思 以 書》 也。 相 《范睢 儲 于享。』爲 見夫子與之間 者,以 孟子望其身親至六百里外之下邑方 必必 日 子 疏注「俱答二人」○正義曰:趙氏 見 朝夕左右爲王辦 連得間矣。」問曰:「夫子 列傳》云: 爲 孟 『享多 季子 相,故 子 其不 答此二人 ,當君] 平陸之齊不見儲 儀。 「秦相穰侯東行縣邑 不 是 隙也。 但答季子則見之,答 至其 也。 · 見。 成 國子民之處,儲 其爲相與?」 政事 儀 享 若謂 地不答者乎? 《尚 有 也 不 俱答二人, 非奉王 異, 及 不見儲子 書 物 注 故喜 • 命 洛 孟 H

不足也。」鄭氏以儀爲威儀,物即指所享之物,謂享獻宜多威 儀, 亨。 也。 問 禮 誥 儀 享,故謂之不享,凡 别諸侯之享與不享。 其禮之儀不及物,謂 不役志于享,凡民惟曰不享。」鄭 法有闕 事,不若鄭注義長。 是不享也。」江氏聲《尚書集注音疏》云:「享,獻 百辟享,亦識其有不享。 《洛誥》。」此文云:「公曰:已,汝惟沖子,惟終。 曰:《書序》云:「召公既相宅,周 不成享」解經文,故以 法所當行之事,今不足也。 不足,故 篇 ,法也。」趙氏以 天玄紀大論》云「各有太過不及也」,王冰注云: 儀 《淮南子 即 日 不 「享多 是不成享獻。 及 我不見 事 精 謂 儀」,言 法 神訓》云「可 民 所貢館 據《孟子》所引, 有 《孟子· 也。 亦惟 「不及事」爲 闕 訓 享多儀。 儀不及物 享 也 謂 儀 者多 疏 見 趙氏以 是不享也。」趙 告子》篇引此經,趙 」,謂享獻之禮宜多儀法,今儀 注 以 故 之禮 而 氏注 公往營成周,使 一尚 爲天下儀 威儀 儀不及物,惟 「有闕」。 日 」謂享獻 無惟字。 「不足」解「不及」。 書 不 云:「朝聘之禮至大。 多 簡 成享 儀 至「享 也。 所當具之儀 有 法 氏 」,高誘 禮。 威 闕即是「不成 也。 以 惟 也。 日 禮 儀既 來告卜, 汝其 「不享。 孟 不 岐 儲 注 言當 「不及 子 役 訓 物, 簡, 子 云 : 志 敬 自 正 《素 物 法 惟 本 事 以 于 亦 識 爲 識 作 義

服」,用《弟子職》語。」 字、毛本、孔本、韓本、《考文》古本同監本。 子已曉其意,聞義而服,故悦也。人問之曰何爲若 儀。 阮氏元《挍勘記》云:「閩本作「聞義服」,監本服上剜增而 其不尊賢,故答而不見。 是,屋廬子曰:季子守國,不得越境至鄒。 儀」,享以儀爲多也。」屋廬子悦。 或問之,屋廬子 證義》云"「多如《漢書·袁盎傳》「皆多盎」之多。 「享多 也。 孟子,可也。 曰:「季子不得之鄒,儲子得之平陸。」注屋廬 以幣交、幣即物也、得之平陸而不自往、是威儀不及幣物 鄭氏之義尤與孟子引經之指爲切矣。周氏用錫《尚書 今儀不及物,是儀少而物多。意雖與趙亦略同,然儲子 儲子爲相,得循行國中。 疏注「聞義而服」〇正義曰: 按、當作「聞義則 但遥交禮,爲 不身造

答謂見季子。」按:周説非也。趙氏明言「答而不見」,則子章指考證》云:「古本亢作允,似誤。亢謂不見儲子,之儀,亢答不差。 是以 孟子 或見 或否,各之儀,亢答不差。 是以 孟子 或見或否,各

引鄭氏云:「亢音人相抗答。」亢猶當也,當即應也。「亢不見非不答也。《漢書・高帝紀》云「沛公還軍亢父」,注

答」猶云應答耳。

司空。 寇之事。 正義曰:《禮記・王制》云:「大國三卿,皆命於天子。」孔氏 國惠民之功實也。齊,大國,有三卿。謂孟子嘗處 髡,名。齊之辨士。名者,有道德之名也,實者,治 三卿者指上卿、亞卿、下卿而言,但未嘗有司徒等名。 尤草草、《國策》中惟魏曾有司徒之官一見,亦不足信。 大抵 寇之官也。」全氏祖望《經史問答》云:「孟子之世,七國官制 言,謂立司徒兼冢宰之事,立司馬兼宗伯之事,立司空兼 正義云:「大國謂公與侯也。崔氏云:「三卿者,依周 去之。仁者之道固當然邪? 此三卿之中矣,未聞名實下濟於民,上匡其君,而 上下而去之。仁者固如此乎?」注淳于,姓, 者,自爲也。夫子在三卿之中,名實未 淳于髡曰:「先名實者,爲人也,後名實 此是三卿也。」以此推之,知諸侯不立冢宰、宗伯、司 故《春秋左傳》云季孫爲司徒,叔孫爲司馬,孟 疏注「齊大」至「中矣」○ 加於 孫 制

則

證。 子者不 初 之辭云三者多、云五未别見也。 得 桀,桀不用而歸湯,湯復貢之,如此者五 也; 事 三卿 七國時 世家》惠文王四年,公子成爲相,李兑爲司寇,此趙有司寇之 立昭常爲大司 者。』然芒卯爲魏司徒,居中用事 《國 五 去就不常,非定以爲五也。」胡氏謂無五就之事,而古凡頻 室山房筆叢》曰: 伊尹」至「一也」〇正義曰: 爲客卿, 入燕乃 |就湯,五就桀,然後合於湯。]鬼谷與孟子並時,其言合符, 施 ,不肖者,伯夷也, 策》『魏 又楚有司馬名翦,周有司寇名布,皆見《國策》。 ,其説自不可易。」孟子曰:「 行其道 不惡汙君,不辭 無此官? 亞 同 而上下本無定員。 一卿,是其 王使司徒執范座」,鮑注云: 也。 道,其趨 馬,使守東地,此 孟 但三官並設者甚少,則以上 此三人雖異道,所履 證 子稱 也。 伊 五就湯,五就桀者, 翟氏灝《考異》云:「胡應麟《少 或 小官者,柳下 尹 也。」注伊尹爲湯見貢 亦 日 五就桀,蓋屢言之以明聖人 楚有司馬之證。 《鬼谷子· 忤合》篇: ,此魏有司徒之證。 通。」周 卿 居下位,不 氏柄 是 「本周卿,此 相,一 者 中 卿亞卿下卿 ,思濟! 惠 ※辨 也。 《史記 卿是 也。 正影云: 豈可 主徒 楚襄王 民,冀 以 「伊尹 伊 將 疏  $\equiv$ 賢 於 尹 趙 屢 爲 其 注 謂 穎

而

也? 外不趨」, 同 云:「疾行日 其趨 下貳代履」,章昭注云: 處其位而不履其事」,注云: 已。 孟 ? 子所得於傳聞者 」爲「所履」也。 注 日 髠譏其速去,故引三子以喻意也 注 孟子言君子進退行止未必同 云 趨。 「仁也。 「步 趨, 而張足曰 赴 當實云五。」《 也。 君子亦仁而已矣,何 「履,步 者,何也?」注髡問 赴所 「履猶行 趨。 也。」趨 期 禮記 劉熙 也。」《 也。」《國 與履 《釋 曲 禮 也、趨於履 名 義 記 禮 語 相 云 表 近,故 晉 釋 帷 記》云 姿 者 語 簿之 必 何

士也。 禄者不得與下民争利,受大者不得取小。」《鹽鐵論 之卿」〇正 賢者無所益於國家,何用賢爲? 政之卿。子柳,泄柳也,子思,孔伋 無 子 傅之臣,不能救魯之見削奪,亡其 益於國 思 爲臣,魯之削 曰:「魯繆公之時,公儀子爲政,子柳 以高弟爲魯相、奉法 義曰: 《史記 也滋 循吏列 循理,無所變更,百官自正。 甚。 魯繆公時,公儀休爲 傳》云: 若是乎,賢者之 疏注「公儀休爲執政 土地者多。 也。 「公儀休者, 二人爲 》「相 若是, 刺 師 食 博

也。

華

淇

而

河

西善謳

得

消削?

云:

而

霸

衛之善謳者。

泉源

必形諸外。爲其事而無其功者,髡未嘗覩之 之奪取,故云「削奪」,又申之云「亡其土地」。《説文》水 章:「大夫曰: 昔魯穆公之時,公儀爲相,子柳、子原爲之 苑・雜言》篇作子庚,乃泄柳字。」《吕氏春秋・觀表》篇 魏國從此削矣」,高誘注云:「削,弱也。」此之削弱由於彼 孟子》而演焉者也。 ,周、杞梁之妻善哭其夫而變國俗。 「滋、益也。」《公孫丑上》「則弟子之惑滋甚」,趙氏以 百里奚所去國亡,所在 是故無賢者也,有則髡必識之。」注王豹, 在左,淇水在右。」《碩人》之篇曰:「河水洋 曰:「虞不用百里奚而亡,秦繆公用之 此訓爲「多」,土地之亡日見其多,斯所存乃見其削 **豈可不用賢也**? 不用賢則亡,削 淇,水名。 綿 泗爲境,南畏楚人,西賓秦國。」此 盧氏文弨《羣書拾補》云:「子原、《説 駒 處 《衛詩 於高 曰:「昔者王豹處於 國 何 霸。 可 竹竿》之篇曰: 唐而 得 無賢國亡,何但 與?」注 齊右善歌, 有諸内 孟 即 子 益 部 因 洋,北 歌」。 歌者 之。 外。 歌,則當曰衆歌,不曰 紀》「皆歌謳思東歸」,注云:「謳,齊歌也。 也。」言部云:「謳,齊歌也。」齊歌之説有二、《漢書・ 依於樂,謳不依於樂,此所以分也。 揚阿」,王逸注云:「徒歌曰謳。」然則謳、歌同一長言,而 師》:「掌教鼓鼗柷敔塤簫管弦歌。」《毛詩 死於戎事者。 「齊歌曰謳,吳歌曰歈,楚歌曰豔,淫歌曰 相 曰:齊地之歌。」段氏 見其功,故謂之「無賢者」也。 則效其哭。 髠曰: 處淇水 我歌且謡」,傳云: 行 Ĭ 爲之而無功者 疏注「王豹」至「善歌」○正義 也。 華周,華旋也; 流 而 活 「齊謳 高 河西 活。」衛地濱於淇水,在北 唐, 其妻哭之哀,城爲之崩。國俗化之, 楚 善 齊西 舞紛 「曲合樂日歌。」《楚辭・ 「齊歌。 謳」,所謂 如是歌哭者尚能變俗,有中則見 玉裁《説文解字注》云:「假令齊 , 髡不聞也;

弱也。

甚釋之。

卿,然北削

於齊,以

杞梁,杞殖也。二人,齊大夫,

邑,

縣駒

處之,故曰「齊右

善

鄭 衛

之聲

也。

緜

駒,

善

流

河之西,故

日

六七七

紛。」《太平御覽》引《古樂

志

₩ ⊟ 《妾薄

哇。」若《楚辭》「吴

李善注《吴都賦

》引曹植

如有之,則髡必

識

有功,乃爲賢者,不

日

《周禮

春

官

小 知

· 魏風 ·

遠

桃

大招》云

温 有

和

歌

《説文》欠部云:「歌,詠

謂齊聲而歌。

或 而

聲

高

帝

平地 云: 器》云「玉十 衆 歈 空, 去。 也。 於大陸, 汭 陽 也。 總若區域也。」聚衆聲 衆之名。 淇 行 Ш 言 徙冀州之民當水衝者, 魏 義、《説文》: 蔡謳」、《孟子》「河西 水已合於清河矣。 人河。」「魏郡鄴,故大河 故淇 「緣西 ,使緣 即 至于大邳。 決河灌 ,數爲敗,乃厮二渠以 道河自 《漢書 横 周 溝 譜 水至黎陽入河。 所 山足乘高地 西 洫志》: 播爲九河,同爲逆河,入於渤海。」載之高地 劉熙《釋名 謂 Щ 其 》定王五年河徙,則今所行非 謂之區」、《考工記 **積石** 地 足乘 都, 隨 於是禹以爲河所從來者高,水湍悍,難以 理志》: 「王横曰:『禹之行河水,本隨西山 「區,从品在匚中。 西 決處遂大,不可復補,宜却從完平處 高 歷 Ш 地 能門 即 惟河水至黎陽北流 而 下。 釋形體》云: 決黎陽遮害亭,放河使北 善謳」, 河 而 爲謳 太史公言「載之高地」,讓言「西 若黎陽之河既竭,不北 東 引其河,北載之高地,過 在東北人海。」《史記 内郡共,北山 南 北 此即鄴東大河故道 到華 ,故云「謳和揚阿」,謂齊聲 則 人海。]賈讓云: **察氏》「四** 不限於齊 陰,東下 軀, 品 馬所穿 區 ,淇水所出,東至黎 衆也。」《爾雅 故《 也。」 也。 豆 底柱,及孟 爲區 衛風 为也。 「今行 是衆名之大 謹 行 人海。』」横 由 按: 河渠 入海,則 降 即 又秦攻 黎陽 皆 下 上策, 碩 水, 更開 |薄大 東北 鄴東 津維 • 相 取 品 書》 人》 北 釋 至 行 積 有 和

記》去: 流」。 衛地 水全在 而 唐 駒 右 間。 也。 當東漢時,鄴河久渴,河徙東行, 河 蓋有别本作后字者。」按: 以爲曲。]李善注: 娥且莫謳。』唐劉 理志》平原郡有高唐,地在齊國之西,西在右,故其 墟。]商墟即古朝歌城,淇水逕其西 流活活。」河至大伾山西南, 云: 人好歌。」高 李、劉 處高唐而齊后善調。」今《孟子》作「齊右善歌」,趙注: 也。 」,是齊在河東,衛 齊西邑 故淳于髡曰「王豹處於淇 《史記 胡氏渭《禹貢錐指》云: 故兩引 河 衛地,故云「衛地濱於淇水,在北 水 「《文選》陸士衡《樂府 《韓詩外傳》云: 注《文選》皆以齊娥爲齊后 洋 `縣駒處之,故曰齊右善歌。」則趙注本不作后字: 商蓋即 洋北 《詩 衛 良注: 》以明 世 流活 「齊娥,齊后也。 家》: 高 在河西,故衛 唐 古河與淇之所 活。」《左傳 「齊娥、齊后 「淳于髠曰: 揖 作后字非 封 「《詩 折 封 而河西善謳」是也。」《漢書 而北逕朝歌之東,故謂之『北 康 蓋 吴趨行》: 衛 即 叔 衛風》: 稱 ,河水逕其東,是爲河淇 》稱 地不 《孟子》淳于髡曰 也。 爲 李注又引《孟子》證之。 緜 也。 河 在 駒。 昔者揖封生高 衛 齊 西 流河 在 此 河西 君 善爲謳歌,人皆 也。 先君 河 「楚妃且 臧 之西 居 趙 「河水洋 西 氏 齊右,言其相 河 所 河 氏 而 水北 琳 履 地學 淇 淇 八地爲 勿 經 間 西 水 蓋 歎, 商, 洋 流 ,之精 昔 義 故 不 趙 至 「高 齊 緜 採 齊 雜 齊 地 之 北 濱 氏 淇 於 商

之阤。」又《立節

屍於城下而哭。

患涉難者,其去遂於物也。 地,二人立有間,不能人。 《左傳》載華周之言,則周志在死決矣。古人之文,每用 城爲之崩。」此亦專言杞梁。乃《説苑•善説》篇孟嘗君曰 君之言而傳,不必周之妻不哭也。 此事,言「杞梁妻迎其柩於路而哭之哀。」是華周即華旋,杞 在,下妾不得與郊弔。」齊侯弔諸其室。」《禮記·檀弓》亦 而伐之,獲杞梁。齊侯歸,遇杞梁之妻於郊,使弔之。 哭」〇正義曰:襄公二十三年《左傳》云:「齊襲莒,杞殖、華 化者衆,若善歌僅一齊后,非髠之恉也。 昔華舟、杞梁戰而死,其妻悲之,向城而哭,隅爲之崩,城爲 杞梁之妻無子,内外皆無五屬之親,既無所歸,乃枕其夫之 "「殖之有罪,何用命焉? 一載甲,夜人且于之隧,宿於莒郊。 蓋周之言、梁亦同之、梁之死、周亦同之。梁妻以有對 莒子重賂之,使無死。 昏而受命,日中而棄之,何以事君?」, 莒子親鼓之,從 旋與還同。 》篇云:「杞梁、華舟至莒城下,莒人以炭置 内諴動人,道路過者莫不爲之揮涕,十日 乃皆言杞梁死,杞梁之妻哭。 隰侯重爲右,曰:「吾聞古之士犯 來,吾踰子。」隰侯重伏楯伏炭 華周對曰:『貪貨棄命,亦君 若免於罪,猶有先人之敝廬 《列女傳·貞順》篇 明日,先遇莒子於蒲 ○注「華周」至「其 按: 云 辭 互 載 侯 而 所 二子乘而入,顧而哭之。 也,城爲之崩者,虚也。 孟子言孔子爲魯賢臣,不用,不能 者以爲爲無禮也。 至,不税冕 左傳》。舟、周古字通。 而 行。

梁即杞殖。

來久矣。《詩・大雅・皇矣》「不識不知」,「識」亦 世好虚不原其實,故崩城之名至今不滅。」然則城崩之説 梁、華周曰:「去國歸敵、非忠臣也,去長受賜,非正行 欲爲苟去。君子之所爲,衆人固不識也。」 至誠悲痛,精氣動城,故城爲之崩也。 苑》所記也。《論衡·感虚》篇云:「傳書言杞梁氏之妻嚮 且雞鳴而期,日中而忘之,非信也。 而先吾死,是以哀之。」莒人曰:「子毋死,與子同莒國。」杞 何哭之久也?」華舟曰:「吾豈無勇哉? 而哭,城爲之崩。此言杞梁從軍不還,其妻痛之,嚮城而 之而哭,城爲之阤而隅爲之崩。」此與《孟子》合,且足以發明 莒國之利,非吾所知也。」遂進鬭,殺二十七人而死。 曰:「孔子爲魯司寇,不用。從而祭,燔肉 不知者 趙氏言城爲之崩,本《列女傳》、《説 或時城適自崩,杞梁妻適哭於下 乃孔子則欲以 華舟後息,杞梁曰:「汝無 以 深入多殺者,臣之事也。 爲 夫言嚮城而哭者,實 用其道· 爲 是其勇與我同 微 肉 也,其 也。 罪行,不 「知」也。 **灬勇乎**? 其妻聞 從魯 哭 也 知 不 注 世

名也。 祭之冕而行,出 君 之外夫子别爲 削之哉?」毛氏奇齡《經問》云: 嘗以己功 非 奔邾也, 書於經以 孔丘,命爾爲司 外傳》猶載孔子爲魯司寇命辭曰:「宋公之子、弗甫何 寇,非也。 世爲之三卿之下。 氏若璩《釋地續》云:「司寇,魯官名,在司徒司馬 髠不能知賢者之志。 欲爲,誠欲急去也。 我黨從祭之禮不備 也,知者以爲爲君 爲燔,《詩》云: 卿 而 故 襄二十一年季孫謂武仲曰: 祭於宗廟 魯之三卿,則三 經没而不見。 而諱之,豈有孔子出奔,載 然司寇,魯有以初命之大夫爲者,孔子是。 寇。」無大字。 當 卿 為卿。 適他 侯國本無「大」稱,《史記 乎? 無 燔炙芬芬。」反 賜 有微 |家並爲之,何有於夫子? 不然,齊來歸鄆、 國。 禮。 大夫 衆人固不能知君子之所爲,謂 疏 故若孔子雖與聞國政,實止大夫而 抑 亦 乃 不知者以爲不得燔肉 以 ·孔子爲魯司寇」〇正義曰: 罪 有以再命之卿爲之者,臧 即 「陳佑問: 欲 胙。 乎,乃聖人之妙旨。 「子爲司寇。」及後二年,出 此 以微罪行,燔肉不至, 諸策書,修《春秋》時 歸 燔 卿 讙、龜陰田,聖人未 其舍,未 肉 丽 司 不 夫子 ・世家》作 空、司寇、皆卿 · 至 代爲其 此豈 司空三桓 及 膊 《韓 税 而 炙 三家 大司 孫 孫 不 者 閻 愠 解 竟 詩 紇 魯

爲名。 乎? 等之中又取每等之下者以爲名,故曰司 也。 卿 公,而其餘不然。 兼官,抑可知矣。 求太宰,且不求司徒而求太宰,則太宰非兼官,且非司 年羽父請殺桓以求太宰,是時羽父已掌兵柄,見爲司 爲司寇,夏父弗忌爲宗伯 司空,不當又進爲司寇。 官,不必别設。 孫爲之,或别設 此是《左傳》文,無可疑者。 氏謂孔子初命爲大夫而非卿,不知何據? 六卿矣,侯國焉得 由 而分爲三等: 空兼司寇之事。1則似冢宰、宗伯、司寇皆司徒、司馬、司空兼 三卿,周制。 此推之,則 ·魯國焉得有大司寇,則是夫子爲司寇或有之,曰大則 曰:魯國三卿,季氏爲司 且三卿之名止司 抑或設冢宰時闕司徒,設司寇時闕司 侯國 一冢宰司徒,二宗伯司馬,三司寇司空。 立司徒兼冢宰之事,立司馬兼宗伯之事,立 孟孫既爲司寇,則不當又有司空。 一官,皆不可考。 世但知三公爲三官,而不知六卿皆公也 嘗讀《書大傳》,謂天子三公,皆六卿爲之, 有 三卿必 六卿 徒、 7仿其 而予謂不然者,據《春秋傳》臧孫 也? ,皆非孟孫 司 特夫子由司空爲司 馬、 徒,叔 制, 且司寇,卿 司空也,若增司 ,雖六卿 惟 孫爲司 叔孫 禮 徒公、 皆備 》注 兼官。 名也。 馬、孟孫 又謂侯國 空,皆未可 崔 司馬公、 寇,則或代孟 氏 而 寇 夫子 祇以三官 且 近 説禮云 爲司 無大 隱 馬 淮 名 徒 既 而 而 + 南 知。 空 空 之 尚 爲 司 未 小 即 閻

孫

此

祇

卿矣。 二卿 卿,不必爲天子所 季氏何嘗非魯大夫乎?」周 宰、小司徒二人,司空以下有小司空、小司寇二人,惟司 信,然其爲小卿,則説同也。 人,司馬止一人,統爲五人。 下大夫者即小卿也,所謂五人則《公羊》謂司徒二人,司 命大夫之辭也。 公之子、弗甫何孫魯孔丘、命爾爲司寇。」此是命卿之辭、非 大夫不得名卿 ,大夫名見於經者 正由大夫而進爲卿之明 小司馬一人,爲五人。 寇,則又不然。 有明據。 在 也 六卿雖具而仍不礙爲三卿。 及晉侯盟」,又書「臧孫許 命於天子,一 朝名官卿,在 若謂 夫子爲司空或是小卿,故其進爲司寇則加大以别之。 《韓詩外傳》云:「孔子爲魯司寇,其命辭曰: 孔子衹初命大夫而非卿,則六官者,卿名也。 也。 至謂侯國無大小卿,魯但 《王制》侯國三卿俱有下大夫五人,其所 命 卿 鄉名鄉卿,在軍即名軍 或者大國三卿,皆命於天子, 1,皆卿 而命於魯君,則容有之。 命於其君。 是有小即有大,小者大夫,則大者 證。 也。 氏 故崔氏《禮》注謂司徒以下有 其以此爲舍中軍之解或 柄 天子之公與諸侯之卿,其制 帥 魯 若謂夫子自稱從大夫後 魯本次國而夫子又異姓之 中《辨 師 臧 宣叔爲司寇,而經 其卒也, 正》云:「《春秋》之 卿。 有司寇,不當有 然魯君所命, 卿可名大夫, 書 次國三卿 一臧 書 孫 未 空二 馬 「臧 則 宋 六 小 大 許 下 可 云 0 名

司

歷

官

是

日: 儼然卿 火」。 《瓠葉》傳曰「加火曰燔」,對遥炙者爲近火,故云「傅火」、「加 燔與 稷宗廟之肉以 谷之相者,非也。」〇注「從魯」 宣叔爲司寇謂之爲相,此孔子攝行相事之證。 介卿聽政,是也。 齊有命卿國、高而管仲以下卿執政,鄭有上卿子皮而子産 執政之稱,執政必上卿而孔子以司寇當國, 卒」,則儼然卿矣。 火,易熟者遠之,故肝炙而肉燔。《生民》傳曰「傅火曰燔」, 正義云:「燔者,火燒之名, 春官・大宗伯》「以脈膰之禮親兄弟之國」,注云: 胙,祭福肉也。」僖公九年《左傳》云:「王使宰孔賜齊侯胙 釋飲食》云: 「天子有事, 繙焉以饋同姓諸侯。」《詩 〈膰同,《説文》作 天子有事於文武,使孔賜伯舅胙。」此 矣。 燔其實亦 卿則非 り賜同 「膊 炙 成十五年《公羊傳》云「臧宣叔者,相 臧武仲爲司寇,而經書「臧孫紇出 小司寇,謂之大焉可矣。 姓之國, 非 , 迫也。 「鐇」,云: 炮燒之也。」傅 炙者,遠火之稱。 同 」至「去也」○正義 薄核肉迫 福禄也。」《説文》肉部 「宗廟火孰 著物 火即 ,故謂之「攝」。 「賜胙」之事 至於相 肉。 使燥也。」迫 膊 小 日 炙 以 或以爲攝 雅 難熟者 「脈 劉 春 《周 則 百奔」,又 楚 膰 秋 云 也 茨 傳 也 夾 如

火」,原作「之」,今從沈校據《毛詩注 疏 》阮 校改。

備

肉

事得禮 遂行。 得燔肉,是君失賜胙之禮。 子已去魯也。 祭於宗廟,蓋以《春秋》書郊在定公十五年夏五月辛亥,時 適衛,皆敘於定公十四年,非也。 圖考》云:「《孔子世家》誅少正卯,三月大治,歸女樂,去魯 女樂,季桓子微服往觀,怠於政事。 户小神之用,趙氏所不取也。 尸,故引以明宗廟之祭有燔肉。 即 公三十八年書孔子來,禄之如魯。 家》皆於定十二年書女樂去魯事,《年表》及《衛世家》皆於靈 桓子卒受齊女樂,三日不聽政,郊又不致膰俎於大夫,孔子 矣。」孔子曰:「魯今且郊,如致膰乎大夫,則吾猶可以 十三年,蓋女樂事在十二、十三冬春之間,去魯實在十三年 《大雅・鳧鷺》第五章,毛傳皆以 者,祭肉之名,不必獨以郊。」是也。 傅人」,注云: 近 意。 魯郊嘗在春,故經不書。」趙氏不用《史記 不書之例。 宿乎屯,而師己送曰:「夫子則非罪。」」江氏永《鄉黨 膊炙謂 趙氏佑《温故録》云:「郊本魯之僭,不當在常 「傅、近也。」傅、膊聲同義同也。 近 魯蓋有時舉有時不舉,故經有書有不書。 而炙之,即傅火也。《考工記 知者與不知者所見略同 《史記·孔子世家》云:「齊陳 鄭氏以燔炙爲褻味,乃祀門 考《十二諸侯表》及《魯世 祭宗廟之明 衛靈三十八年當魯定公 子路曰:「夫子可 賜大夫胙,禮 日 洲而 設 言從魯君 引《詩》在 廬 , 特 禮以 人》 也,不 以 咋 以 重 孔 行 燕

> 公」是。 去 一; 乎 ? 微罪 臣去國,不潔其名」,況孔子乎? 而去,無己一點不是處,是爲徒去。 以己不税冕之罪行,不欲爲苟去。『苟去』猶言徒去。 子爲爲肉,縱在知者亦以孔子爲爲無禮。 孔子不欲其失純在君相,●己亦帶有罪焉。 與不知皆莫測夫子妙旨,故云「衆人不識」。 在『不税冕而行』一句。 續》云:「去魯曰「遲遲吾行也」,正道路低 孔子當時臨行必自稱此罪,故師己曰「夫子則非罪」也 之妙旨也。 過,則我黨皆有微罪,我亦不免於微罪,故以 也。 此助祭反舍,未及税所著之冕輒行,以 行, 以禮,而皆歸過於君。 與「接淅」曷異乎? 燔俎又不至,宜去二。其去之之故,天下自知之。 今也戴於道路間,尚非罪乎? 我,亦從祭者,使君失賜胙之禮,凡 何也? 趙氏此解從《史記》「夫子則非罪」一言悟人、蓋 燔肉不至於大夫,固君之疏,亦從祭者之不 蓋冕原 蓋孔子爲魯司寇,既不用其道 乃孔子以 祭服、《禮》「大夫冕 又《禮》「大夫士去國,不説 樂毅《報燕王》尚 不欲歸 故當時 適他國,不 乃孔子之意則 П 從祭者均不能 其所爲有罪 閻氏若璩《釋 此罪行,爲聖人 欲 罪 不知者以 絶 於 語。 君 ·幾悻 而 而 云「忠 空空 祭 何 自 欲 孔 即 旧 悻 於 故 知 以 地

前

<sup>0</sup> 相」,原誤作「桓」,今據《四書釋地》及經解本改、

謂「以微罪行」。魯人爲肉、爲無禮之議,正愜孔子微罪猶可以情測云。」或云:以膰肉不至遂行,無乃太甚?此之似孔子當日自認一罪名而行,師己則送而解之。千載而下,則稱己也。」《史記・世家》師己送曰:「夫子則非罪。」觀此,人以無罪」,注云:「己雖遭放逐,不自以無罪解説於人,過人以無罪」,注云:「己雖遭放逐,不自以無罪解説於人,過

淳于雖辨,終亦屈服,正者勝也。將行,冕不及税,庸人不識,課以功實。將行,冕不及稅,庸人不識,課以功實。

之心。

孫授易授詩校字

孟子正義卷二十四終

六八三

## 孟子正義卷二十五

江 都 縣鄉貢士焦循 課集

闔間 者也。 夏者也; 公也。 之化,❶興復中國,攘除夷狄,故謂之霸也。 注「五霸」至「楚莊是也」○正義曰:《白虎通・ 霸者,大國秉直道以率諸侯,齊桓、晉文、秦繆、宋 襄、楚莊 五霸者,何謂也? 也。 或曰: 孟子曰:「五霸者,三王之罪人也; 注 昔三王之道衰而五霸存其政,率諸侯朝天子,正天下 大彭氏、豕韋氏,霸於殷者也,齊桓、晉文,霸於周 霸者,伯也。 是也, 三王, 夏禹、商湯、周文王是也。 五霸謂齊桓公、晉文公、秦穆公、楚莊王、吴王 昆吾氏、大彭氏、豕韋氏、齊桓公、晉文 行方伯之職,會諸侯,朝天子,不失人 昔昆吾氏,霸於 號》篇云: 疏

引師 之而以桓爲盛,如嚴安所謂周之衰三百餘歲 之五伯,趙臺卿注《孟子》『五霸』章是。 二:有三代之五伯,杜元凱注《左傳》成二年者是, 矣。」閻氏若璩《釋地三續》云: 爲五霸,則於「桓公爲盛」,就當時盟會,較量優劣爲未合 此言良然。若丁公著以夏昆吾,商大彭、豕韋,合齊桓、晉 之而霸,此據《春秋傳》秦用孟明,遂霸西戎語,未霸中國」 霸。 趙岐注齊桓、晉文、秦穆、宋襄、楚莊,此是漢儒之言。 過。』知其霸也。」毛氏奇齡《四書謄言》云:「《孟子》稱五霸 謂齊桓公、晉文公、秦穆公、宋襄公、楚莊王也。 國心,興師伐楚,諸侯莫敢不至。 不告,從而攻之,又令還師而佚晉寇,圍宋,宋因而與之平, 不擒二毛,不鼓不成列,《春秋傳》曰: 『雖文王之戰,不是 荀子・王霸》篇齊桓、晉文、楚莊、吴闔閭、越勾踐謂之五 春秋》曰: 「公朝于王所。」於是知晉文之霸也。 此戰國時所定,與後漢不同。 而去。 「邦之榮懷,亦尚一人之慶。」知秦穆之霸也。 知楚莊之霸也。 蔡侯無罪而拘於楚,吴有憂中 「崑山顧亭林 知吴之霸也。 故明盧東元謂『秦穆公用 孟子 炎武謂 ,止就 愐 五 或曰: 宋襄伐齊 東周 伯更起者 楚勝鄭而 有 五 《尚書》 春秋 五霸 後 伯 按 文

五

0 「正」,原脱,今從沈校據《白虎通》補

迫脅諸

侯,把持其政。《論語》曰:「管仲相桓公霸諸侯。」

臣

之義,故聖人與之,非明王之法不張。

霸

猶迫也,把也

王不列 言禹湯

而

周文王,故應氏並列二説而辨其宜列武王也。 尚臣屬,何緣便得列三王哉?」謹按: 之,武王審矣。《論語》:「文王率殷之叛國,以服事殷。」時 按、《易》稱「湯武革命」。《尚書》: 刑文王,萬國作孚。」《春秋》說: 【王者孰謂? 云:「亮彼武王,襲伐大商,勝殷遏劉,耆定爾功。」由 八百人,擒紂於牧之野。 也。」《風俗通・皇霸》篇云:「《禮號謚記》説:「夏禹、殷湯 楚莊爲五伯,本《春秋》説。 霸且不出仲尼後哉?」按: 詩》云"「命此文王、于周于京。」此改號爲周、易邑爲京 《白虎通·號》篇云:「三王者,何謂也? 夏、殷、周也。 然亭林欲去宋襄而進句踐,亦未允。 武王,故引《詩》明文王 有志承桓,故並數爲五,有是稱謂云爾。 「有命自天,命此文王。 專詳文王,正以 宋襄輩在仲尼之前,故言「羞稱」。不然,句踐 也。」《尚書》説:「文王作罰 仲舒云:「仲尼之門,五尺之童皆羞 禹湯稱王不待詳説。 惟十有三祀,王訪於箕子。」《詩》 趙氏以齊桓、晉文、秦穆、宋襄、 ○注「三王」至「是也」○正義 即政立號也。 文王受命,有此武功。 「武王戍車三百兩,虎賁 三王或列周武王或 襄雖未成霸,然當 趙氏列文王不 ,刑兹無赦。」 《白虎通》不 惟三王列文 謂文王也。」 豈惟趙氏? 是言 儀 列 稱 也 侯伐 有讓。 足,秋省斂而助不給。 也。 同。 列武王,蓋即本《尚書》説、《詩》説、《春秋》説,與《白 之。不朝至三,討之以六師。 狩,諸侯朝於天子曰 之大夫。罪人之事,下别言之。 上討下也; 賞之以地,益其 述職皆以助人民。慶,賞也。 也,故曰: 三不朝則六師移之。是故天子討 人其疆,土地荒蕪,遺老失賢,掊克 治,養老尊賢,俊傑在 五霸之罪人也,今之大夫,今之諸侯之罪人 閩、監、毛三本趙注作「周文武」,非是。 謂當孟子之時諸侯及大夫也。諸侯臣 而不 一不朝則貶其爵,再不朝則削其 討。 伐者,敵國 五霸者,三王之罪人也。 地 五霸者, 摟諸 也。 相 掊克不良之人在

周武王,是三王

詩》説:

即 時 也。

董仲舒

亦

云然矣。

以以其

Ŧī.

伯。」夫惟

日

述職。

春省耕

而

補

不

天子適諸侯

日

巡

總

謂

今之諸侯

虎通

入其疆,土地辟,田

野

位

一,則

有慶,慶以

征

伐也。

五霸强,

捜牽諸

移之,就之也。

討

養老尊賢,能者在位

注巡狩

位則責讓

侯

以

伐

諸

侯

而

不伐,諸

在

位

一,則

地,

南子 也。 《禮記・王制》云:「有功德於民者,加地進律。」加地即賀以 侯以伐諸侯,不 克者,勝也。 度,謂己兼倍 伐解掊,好勝解克。 掊克」,傳云:「掊克,自伐而好勝人也。」孔氏 有削地者歸之間田。 封,其餘以爲附庸間田。1諸侯之有功者取於間田以禄之,其 制 地 也。」加亦益也,故趙氏以「賞」釋「慶」,又以「益」釋「賞」也。 皆訓賜,則 也。」《説文》貝部云:「賀,以禮相奉慶也。」「賞,賜有功也。」 疏注「慶賞」至 亦不見其有餘。 詩 ,賀以 「掊克」至「讓之」○正義曰:"《毛詩・大雅 •時則訓》云「行慶賞」,高誘注云:「賞,賜予。」賞、慶 故當其屢有所慶,天子不見其不足,或屢有所削,天子 小雅·楚楚者茨》「孝孫有慶」,箋云:「慶,賜也。」《淮 「方千里者封 地即 「慶」即「賞」。 己實不能,耻於受屈,意在陵物,必勝而已。 慶以 於人而 「地也」○正義曰:《爾雅・釋言》云:「慶,賀 蓋原在王畿千里外而天子初無所與焉。」○ 以王命也,於三王之法乃罪 地 定本掊作倍,倍即掊也。 自矜伐。 方百里之國三十云云,名山大澤不以 也。 則孟子所謂「慶以地」即於此一州之内 《儀禮・士喪禮》注云:「賀, 閻氏若璩《釋地又續》云: 《論語》云「願 無伐善」是也 • 蕩》篇「曾是 倍者,不自量 正義云: 人也。 三
王 一自 如 加

> 掊作倍。 事。」「惡人」即「不良之人」。《音義》云:「掊,丁薄侯切,深 此者謂之克也。」箋云:「女曾任用是惡人,使之處 也。」《廣雅・釋詁》云:「就、歸也。」《荀子・大略》篇云「移 氏春秋・義賞》篇云「賞重則民移之」,高誘注云:「移猶 説合。』《國語· 謂掊爲倍之假借字,掊有聚意,與捊音義近, 鼎」,師古曰:「掊,手杷土也。」❷《大雅》「曾是掊克」,定 《説文解字注》云:「掊,●杷也。《史》《漢》皆言「掊視 也,聚斂也。」蓋謂深克朘民之人,與毛傳不同。 六師本在王畿,移而 而從所仕」,楊倞注云:「移,就也。」是「移之」即「就之」也 注云:「讓,譴責也。」○注「移之」至「命也」○正義曰:《吕 以能釋尅,此亦必古説,但皆非毛義。《方言》掊訓深, 不同捊。 云:「不朝者三,則非方伯連 方言》曰"「掊,深也。」郭注云"「掊尅,深能。」以深釋 《孟子》書亦作「掊克」,趙注但云「不良也」。 《毛詩釋文》云:「掊克、聚斂也。」此 周語》云「刑不祭,伐不祀,征不享,讓不貢」 就此,是爲移之,即爲就之。 帥 能制其命, 亦非折簡可致,故 有深取 謂 段氏 同 李太青 位 意,則 捊 毛意 玉 執 掊 也 歸 許 本 得 裁 職

0 0

<sup>「</sup>杷」,原誤作「把」,今據《説文解字注》改。「掊」,原誤作「棓」,今據《説文解字注》改。

侯,所以爲三王之罪人。 之,當必告於王以治之,

五

十九年《左傳》云「凡師

子之命而以其命牽引諸侯,蓋伐之即專治之矣。 須以天子六師移之。 見先王武備之豫,紀律之臧,兵出 禮》「馳道不除」,注云:「除,治也。」除賊亦治賊也。 莊公二 討論、探討,皆謂理其不齊者而齊之也。」侯國亂,天子治之, 鳴鐘鼓以聲其過曰伐。」蓋諸侯奉王命以聲諸侯之罪,既伐 |畔者君討」是也。隱公四年「衛人殺州吁于濮」、《公羊傳》 前,治也。」段氏玉裁《説文解字注》云:「發其紛糾而治之 而此無徵發之勞,威行於侯服而彼無震驚之患,如以 `治也。」《學記》「古之學者,比物醜類」,醜或作討。 日討,猶治亂曰亂也。《論語》「世叔討論之」,馬 畫雜羽之文於伐,故曰尨伐。」據鄭所言,則討者亂也。 霸,桓公爲盛。葵丘之會諸侯,束牲 作移易者,恐非。」《説文》言部云:「誅,討 欲言臣當掃除弑君之賊也。」何氏本之。 討賊之辭也。」《白虎通・誅伐》篇云: 「蒙,討羽也。」箋云:「蒙,尨也。 有鐘鼓曰伐」,杜預《春秋釋例》云: 上討下即上治下,《禮記·王制》云 摟之爲舝,詳見前。 五霸不奉王命而牽摟諸侯以伐諸 五霸不上稟天 討,雜 凡言 **《曲** 日 也。」 物 於國 加 也; 載 無遏止穀糴,不通 私怒行誅戮也。 世官、賢臣乃得世禄 小,恤矜孤寡,賓客羈旅勿忘忽也。 爲嫡也。 孝, 樹,立也,已立世子,不得擅易也。不得 書,不復歃血,言畏桓公,不敢負也。 霸之盛者也。 曰:今之諸侯,五霸之罪人也。 後,言歸于好。]今之諸侯皆犯此五 有封而不告。』曰:『凡我同盟之人,既盟 無專殺大夫。』五命曰:『無曲防,無 命曰:『士無世官, 有德。』三命曰:『敬老 子,無以妾爲妻。』再命曰:『尊賢育才,以彰 書而不歃血。 取士必得賢,立之無方也, 尊賢養才,所以 與諸侯會于葵丘,束縛其牲, 無敢違王法而以己曲 鄰國也,無以 初命曰:『誅 也; 官事 彰明 官事 慈幼,無忘賓旅。」四 無 無專殺大夫,不得以 有德之人。 私 無 攝。 恩擅 攝,「無曠 仕爲大臣,不得 不孝,無易樹

云:

「其稱人何?

討猶除

也。

故討爲「上討下」之辭。

也。

曰討、《秦風》傳云:

移之而已。

治討

討

意設防禁也

有所封賞而

但

加

載

不得

專

誅

不

敬

老

愛

庶

僚

立愛妾

注齊桓公,五

禁,故

之

取士必得。

遏糴

無

修

彪云: 事。」●《管子・大匡》篇:「桓公問管仲何行? 日 丘,曰: 九年九月戊辰,諸侯盟於葵丘。 以致之,亦霸者之用心也。」翟氏灏《考異》云:「《春秋》僖公 楚,而晉實次之,周惠王之言可驗也。 以爲陳留,是仍東略也 不預之理? 丘 陳留之外黄也。 在晉,見於《水經注》。 問答》云:「葵丘有三: 在齊之西南,故宰孔稱「齊侯西爲此會」也。」全氏祖望《經 諸 不告盟主也。 「葵丘之盟 齊 者,而杜非之,以爲若是汾陰,則晉乃地主,夏會秋盟豈 侯」〇正義曰: 毋 而 ,地,近在臨淄縣西,連稱 壅泉,毋訖糴,毋易樹子,毋以妾爲妻,毋使婦人與國 今諸侯皆犯之,故曰 「陳留郡外黄縣東,有葵丘聚,齊桓公會此城中。」遠 凡我同盟之人,既盟之後,言歸於好。」《穀梁傳》: ,陳牲而不殺,讀書加 杜言亦近是。 答云: 言歸于好, 閻氏若璩《釋地續》云:「春秋有二葵丘: 其一在齊,其一在陳留之外黄,其 則宜 然宰孔論桓公之盟以爲西略,則似非 杜預以爲外黄。 然愚則竊以爲宰孔明言西略 在汾陰。 管至父所戍者,一宋地,司馬 無搆 罪 《左傳》:『齊侯盟諸侯於葵 於牲上, 壹明天子之禁, 怨 故桓公特爲會於晉 蓋當時之不服桓公者 也。 也。 亦有以爲汾陰之葵 桓 疏「葵丘之會 對日: 公施 此 公内 五. 地 而 有 史

> 者,以重幣賀之,諸侯之臣有諫其君而 過,大夫不諫,士庶人有善,而大夫不進,可罰也。 焉,可誅也,諸侯之臣及國事,三年不聞善,可罰 往二年,適子不聞孝,不聞愛其弟,不聞敬老國良,三者無 諸侯許諾,受而行之。 粟,毋禁材。 殺大臣,無國勞,無專予禄,士庶人毋專弃妻,毋曲隄,毋 子。公曰:會之道柰何? 爲民聚食、諸侯之兵不足者君助之發、如此 侯可令傳。 賦禄之制。 行之,近侯莫不請事,兵車之會六,乘車之會三,饗國四十 信其言。 一年。」又《霸形》篇: )政而勸民,可以信於諸侯矣。 粟,毋曲隄,毋擅 公既行之,又問管仲曰: 公既行之,問管仲曰: 公曰諾。 既已,管仲請曰: 行此卒歲,則 廢適子,毋置妾以爲妻。」按、《春秋》三 「與楚王遇於召陵之上而令之曰: 既行之,又請 管仲曰: 始可以罰矣。 曰:諸侯毋專立妾以爲妻,毋 何行? 問病臣,願賞而無罰 可以加政矣。 將何行? 公許諾,乃弛關 日 對 善 諸侯之君有 日 君乃布之於諸 對 者,以璽問之,以 則 君會其君臣 曰: 始 市 可 也, 君 桓公受而 之征,爲 從今以 加 教諸 行 五年 之政 事 君 毋 有 有 貯 專 父 諸 侯 善

改

貯

<sup>0</sup> 婦」, 原誤作「國」,今從沈校據《四書考異》及《穀梁傳

氏云『但

加載書」,則瞭然矣。

蓋

載

書有

用牲者,

有不用

牲 捎

天子之禁。」此加字並不訓

載

字。

然猶

恐

相

混

不

分别

故

書也。

《周禮・ 而又加,不

司

'盟》「掌盟

載之法」,謂盟

則

、既載

其

後與?

日

載

非

加

也。

載其盟書於牲上也。

同。

○注「束缚」至「負也」○正義曰:

問

《孟子》「葵丘之會諸侯,束

性載

書而

不

之又請云云,又問云云,亦與《孟子》初命

至

也;

云士庶人有善不進者罰,即取士必得也,

臣

,即無忘賓旅也;

愛其弟、敬老國良,即

敬老慈幼也,云弛關

相 無

當。

其云適子不聞孝者誅,即

誅不孝也;

序 載

如《孟子》之詳。《

專予禄

即即

無有

封

而

不告

也,

餘如

無易

慰樹子,

襄十六年伊

戾

誣太子

痤

與

客盟

0

謂

以坎

用

牲

,其法則殺牲取

穀梁傳》云:

「葵丘之會,陳牲而

不殺,讀書

按"《孟子》五命,乃葵丘之會所命次弟如此,與《管子》不 無專殺大夫,無曲防,無遏糴,更較然著同文矣。 幣賀之,臣有善者以壓問之,即尊賢育才,以彰有德 血,坎其牲而加書於上以埋之。 云爲賦禄之制,即士無世官,官事 《管子・大匡》雖其文極參錯,而 趙岐注有曰:「但加載書,不復歃 毛氏奇龄《經問》云: 有載事,因 加於牲上,壹盟 五命 市之征 云君有 歃血」,載 無以 載書者 云無國勞,毋 加 書」是 故《左傳 其曰既行 相 妾爲 值。 及 善 也, 事 問 Í 無 而 盟 書 者 語 妻 也。 謂 謹 攝 載 病 云 以 實 爲 不用性 訓。 也。 聽政 書。 者。 載書」解爲但 問 加,第是盟書 弱相乘」,高誘 不復歃血」,得之矣。」毛氏、閻氏二説略同,蓋以趙 實字,非如今人解以載爲加。 血,坎其牲,加書於上而埋之,謂之載書。」可 盟載之法」,注云:『載盟辭也。 士莊子爲載書」,杜注:「載書,盟書也。」《周禮 加 但 加載二二字,即以 也。 載書之首章」,則逐臣示戒,當用牲乎? 加載書 襄九 《説文》車部云:「載,乘也。」《淮南子・氾論訓》云「彊 (辟」,則但作書以示諸侯受職聽訟之法,此時未嘗 又襄二十二年『臧武仲據防出奔,季孫召外史掌惡者 此用牲者也。 此明著者也。」閻氏若璩《釋地又續 亦曰載。 年「鄭 謂 ,則經稱 加盟 注云: 但 與 加 牲且無有,加於何所? 加釋載; 書也。 晉 載 若襄十年「鄭子 此 盟 乘, 「東牲盟書」爲不辭 · 晉 書 按: 加 猶疊「束縛」二字,即 非 士莊 也。」是 趙氏注「束縛其牲、但 謂 趙氏解 但 盟 子 加 孔當國 爲 者書其辭於策,殺 載之訓 此載 經之例,每以 載 故曰載者,事 書, × Z 趙 書也 然則用 ,爲載 荀 氏 爲 見載書二字是 「襄九年「晉 加字爲 加 · 司 偃 以 書 若載不訓 日 縛 氏 牲 加 疊 盟 以 趙 釋束。 也,非 載 日 但 一字爲 》『掌 牲 用 改 氏 位 書 載 牲

0 「十六」,按事在二十六年,多沈校。

六八九

取

加

載字。 也。」四字爲句,謂 於經文矣。 會郵 之,謂之載書」,此 子》此文之「書」字。 此 此 豭 云: 年會葵丘。」僖公九年《傳》云「葵丘之盟,陳牲而不殺 嘗有歃血之盟也,信厚也。」注云:「十三年會北杏,十四年 之甚矣。 之例,亦未識鄭氏注《司盟》之義,而謂趙氏不以載爲加,失 載於牲上爲「載書」,即 殺 會檉,二年會貫,三年會陽穀,五年會首戴,七年會甯毋,九 『汋血與鄭伯』者,彼兵車之會故 穀梁傳 '載者,正謂以牲載此盟書於上,故謂之載也。」趙氏此 「不歃血」之事也。 埋之,陳示諸侯而已。 會桓德極盛 。」]楊氏疏云:「衣裳之會皆不歃 「所謂無 ·,十五年又會鄄,十六年會幽,二十七年又會幽,僖元年 下云「盟 》同,與鄭氏注亦同。 莊公二十七年《穀梁傳》云:「衣裳之會十有 《秋 歃血之盟。 ,故詳其事實,餘盟 官 者書其辭於策」, 解載字。 經言盟載,是載此盟辭也,非是以 下云「殺牲取血,坎其牲,加書於上 司 ○注「不得專誅」至「易也」○正義曰: 爲 盟》「掌 鄭 加於牲上者,亦謂活牲 「盟載」。 君 書辭於策爲「盟 日 毛氏、閻氏未識趙氏疊字爲訓 盟載之法」,注云: :「盟牲,諸 也。 亦不 此解 鄭注甚明。 血,而 徐邈 歃 盟字。 血耳。 此會獨言之者,以 云:「陳牲者,不 即即 侯用牛,大夫用 則 賈氏疏云: 爲「書 八年洮會云 ,非死牲。」 盟字即《孟 「載 盟 一,未 注 注與 ; 而 盟 辭 埋 辭 加 解

詁》去: 《賈子・道術》篇云:「親愛利子謂之慈。」《周禮 鄭氏注云:「章,明也。」〇注「敬老」至 擅 能斡旋經文而彌縫其闕隙也。 互. 侯不可云「毋專誅不孝」,亦不可云「毋易不孝之樹子」,故 是公誅不孝,公誅不孝即是「不得專誅不孝」也。 天下公論誅之。 也。」趙氏與之同。 樹植。」僖公三年《公羊傳》云 其不孝而專誅而擅易之,須公論而後誅之。《方言》云: 子」七字作一句,謂子之不孝者當誅,但已立爲世子,不得以 孝」、「無易樹子」二事,殊相牴牾。 矣。 申生,固以歸胙於公而寘毒也,以 專誅不孝」,又云「已立世子,不得擅易」,如當時晉殺其 依毛本則與經文「誅不孝」似相戾,宜孔本是也。 孔 樹,植立也。 場樹子 辭。 本作「得專誅不孝」,毛氏汲古閣本作「不得 夫已立之世子將廢立之,必以不孝爲之罪,然則 趙氏探其恉,一 「育,養也。」彰與章同。 也。 燕之外郊,朝鮮、 0 「無易樹子」是無「擅易」樹子,則誅不孝 注 「不得擅易」,然則世子誠不孝,亦當白 「尊賢」至「之人」〇正 云「不得專誅」,一云「不得擅 ~書 且實能禁當時假不孝之名以 「無易樹子」,注云:「 洌水之間,凡言置立者謂之 歸胙寘毒殺,即以不孝 蓋趙氏以 • 堯典》云「平章百 忽也 義日 「誅不孝無易 O 專 爾爾 乃既云「得 地官 桓公命 Œ 誅 雅 易」, 義 樹, 不 · 大 姓, 孝」。 世 E

無以妾爲妻。二障谷即

曲防也。

水利也。」蓋所以障之者,防

也。

以防姦者也。」故以「防」爲

「禁」也。

指王法而

言

謂

Ŧ

法

所不禁而

曲

障遏水泉,使鄰國受水旱之害。

事,故引《書》文以明之也。

《論語

八佾

常篇

世位,故《春秋》譏尹氏也。

○正義曰:《大戴禮·千乘》篇云:

則

是

既

齊與

解

河

曰 少 司

寡, 曰

孤,曰

也。

徒》以

保息六養萬民,一日

曰:《管子》兩言「無曲隄」,然則防即隄也。 君事大,官各有人,大夫并兼事。」大而兼攝之則必空曠其 無失人。」《書・皋陶謨》云:「無曠庶官。」僚亦官也。 爵不世,能官之不愆。」孔氏廣森《補注》云: 周禮・秋官・序官》「使帥其屬而掌邦禁」,注云:「禁,所 「年《公羊傳》云:「桓公曰:「無障谷,無貯粟,無易樹子, 云:「不可不得其人也。」曠之言空,不得其人則空虚其 也。」其「二曰養老,三曰振窮」,注云:「窮者有四: 《説文》心部云"「忽,忘也。」〇注「仕爲」至「僚也 獨。」此命言敬老慈幼,故趙氏連類言「恤矜孤 「管氏官事不攝」,包氏注云:「禮,國 大夫不世。 ○注「無敢」至「禁也」○ 慈幼」,注云:「慈幼,謂 趙氏言「曲意設防禁」,則虚 何氏注云:「無障斷 意以禁之,是爲違王 僖公九年《穀梁傳》則云 「凡事尚賢進能,使知事 然隄爲防之正訓 苟有能者,必官之, 「古者有世禄無 謂曲設隄防以 Ш , 僖公 日 王肅 愛幼 Œ 一法。 谷 矜 義 「主也」○正義曰:僖公二年「城楚丘」、《左傳》云:「諸侯城 壅泉。 「毋壅泉」,注云:「專水利以障谷。」此以《公羊傳》之障谷 然則曷爲不言伐防? 封 彭城,以封魚石。 年「伐宋彭城」、《公羊傳》云:「魚石走之楚,楚爲之伐宋,取 衛、杞、陳皆亡滅而復封,存亡繼絶,即 遷杞,宣公十 盛,亦即五霸所以爲三王之罪人也。 公封衛轉是自犯其禁矣。 專,人人得自爲鯀而不難以鄰國爲壑也。」○注「無以私」至 會,申明天子之禁,諸侯猶有所憚而不敢爲,至七雄地大勢 趙魏以河爲竟,趙魏瀕山,齊地卑下,作隄去河二十五里, 奏言:「蓋隄防之作,近起戰國,雍防百川, 待天子之命而桓公自封之。 諸侯專封也。 楚丘而封衛焉。」《公羊傳》云:「曷爲不言桓公城之? 河水西抵趙魏隄,亦東泛齊矣。1夫曰近起戰國,豈非葵丘 水東抵齊隄,則西泛趙魏。 .也。」昭公四年《公羊傳》云:「慶封走之吴,吴封之於防。 所以壅之者,防也。 年 諸侯之義不得專封。」此言「不得專封」, 楚已取之矣,曷爲繫之宋? 楚莊王封 不與諸侯專封也。」襄公二十八年《左 故趙氏以爲不告盟主。 閻氏若璩《釋地續》云:「漢賈讓 趙魏亦爲隄去河二十五里 此五命之告若指告天子, 陳,皆 自以 其後十四年城緣陵 示私恩。 爲 ,各以自利。 盟 主得

不與諸侯專

其成公十

專 封 此五霸

以 之 桓

則 謂 不

不

與

城、 楚丘 記 分配之。 傳》云: 惡,故曰:今之大夫,今之諸侯之罪人也。」 葬且不會,如武氏子來求賻之類,友邦可知矣。 『無不告』 葬相助也。]又曰:「封與窆同。 解「無曲防」三句,以《周禮・大宗伯》「以凶禮哀邦國之憂」 封陳異, 小國,楚取宋邑封魚石,吴以己邑封慶封,與齊桓封衛、楚莊 嘗無封國? 者,告則會也 使屈 防」即朱方。 》縣棺 交鄰國之事,無尊王在內,解自勝。」長君之惡,其罪 防皆以「專封」言之也。」閻氏若璩《釋地續》云:「郝京山 而封衛焉」、《國語》「翟人攻邢,桓公築夷儀以封之」,何 逢君之惡,其罪大。今之大夫皆逢君之 申圍朱方」,注云:「朱方,吴邑,齊慶封所封也。」然則 命與恤災同,其爲死葬甚明也。」余謂《左傳》「諸侯城 此 「慶封奔吴,吴句餘予之朱方。」昭公四年《左傳》云 而同爲以私恩擅封,故《公羊傳》於楚丘、緣陵、彭 而封是。 曰:「以喪禮哀死亡,即有封必告也。 獨言葬者,葬則有賵有賻有贈有襚。 第少耳。『無不者,甚多之辭」,妙。蓋三者皆 徐氏《公羊傳》疏云:「慶封往前已封於防爲 封建,大事,豈贅之末簡? 凡諸侯告薨則同盟皆弔,五月而葬則同 室,悲驗切,葬下棺也。 「無不」者,甚多 《春秋》天王 封必告,死 《禮 盟

欲

云: 子• 也。 也。 切。 命,則不敢施行於外。 徧布之。故以「大」釋「長」,又以「宣」申明之。 「距逆」此惡 也。」《禮記・樂記》云「長言之也」,注云「長言之,引其聲 大》篇云「萬夫之長」,高誘注云:「長,大也。」此長張丈切 惡,故曰「罪人」也。 迎而導君爲非,故曰罪大。今諸侯之大夫皆逢君之 故曰小也。 注君有惡命,臣長大而宣之,其罪在不能距逆君. 自關而東曰逆,自關而西或曰迎或曰逢。」趙氏所本也。 ○注「逢迎」至「罪大」○正義曰:《方言》云:「逢 「長澤之卵」,高誘注云:「長澤,大澤。」此長如字也。 「君有惡命」即上云「犯此五禁」者也。《音義》云:「長,張丈 者也。」讇,古諂字。 「希意道言謂 丁又如字。」兩讀皆有大義。 修身》篇云:「以不善先人者謂之讇。」《莊子·漁父》篇 長通張、《詩・大雅・韓奕》「孔修且張」,傳云:「張,大 《國語・周語》云:「宣,所以施教也。」謂張施其 逢,迎. 之讇。」《鬼谷子・ 也。 君心之惡未發而臣先其意導之,所謂 趙氏蓋讀長如字而爲張大之義 疏注「君有」至「小也」〇 君之惡心未發,臣 《吕氏春秋·本味》篇云 權 》篇云:「諂 以 、逆,迎 正義日 諂 媚 命 《荀 《諭 也 逢 而

訓「逢」,又以「諂媚」申明之,又以「導」字申明之。之,是順從也,君未有意而臣先導之,是迎合也。故以「迎」云「稱其讐,不爲諂」,注云:「諂,媚也。」君先有意而臣張布「以不善先人」也,❶所謂「希意道言」也。 襄公三年《左傳》

傷之,是以博思古法,匡時君也。 章指:言王道寖衰,轉爲罪人。孟子

之世。 上,下則取從於俗。 於法而不知賢。」《天論》篇云:「慎子有見於後,無見於先。」 猶不可。 能自容也。 民有殃禍也。 慎子,善用兵者。不教民以仁義而用之戰鬪,是 而 非十二子》篇云: 慎子善用兵者」〇正義曰:《荀子・解蔽》篇云:「慎子蔽 用之,謂之『殃民』。 魯欲使慎子爲將軍。孟子曰:「不教民 Ш 戰勝齊,遂有南陽,然且不可。」 南 就使慎子能爲魯一戰取齊南陽之地,且 堯舜之世皆行仁義,故好戰殃民 日 「尚法而無法,下修而好作。 陽。 終日言成文典,及紃察之,則倜然無所 岱山之南,謂之南陽也。 殃民者,不容於 上則取聽於 堯 疏注 者不 注. 舜 使

> 歸宿,不可以經國定分。 晉山南河北,故曰南陽。」余謂即今太行山之南,河内、濟源 氏若璩《釋地》云:「《左傳》「晉於是始啓南陽」,杜注:「在 也」〇正義曰:「山南曰陽」,僖公二十八年《穀梁傳》文。 苑·君道》篇云:「殃者,禍之先者也。」〇注 不當使爲將軍,故趙氏不以爲到,而以其使爲將軍,則以爲 時,此慎子宜即是到。乃《史》但言其學黄老,爲法家者流 卷在法家,則戰國時處士。」《漢書·藝文志》法家者 論》。」徐廣云:「今《慎子》。」張守節《正義》云:「《慎子》十 己,而緣不得已,泠汰於物,以爲道理。」《史記‧孟子列傳》 者,彭蒙、田駢、慎到聞其風而悦之。」又云:「慎到棄知去 於慮,不謀於知。於物無擇,與之俱往。 以欺惑愚蒙、是慎到、田駢也。」《莊子・天下》篇云:「不顧 「《慎子》四十二篇,名到。 田駢、騶奭之徒,各著書言治亂之事,以干世主。 云:「白騶衍與齊之稷下先生,如淳于髠、慎到、環淵、接子、 善用兵者」耳。 學黄老道德之術,因發明序其指意,故慎到 ○注「是使民有殃禍也」○正義曰: 然而其持之有故,其言之成理,足 先申韓,申韓稱之。」到與孟子同 古之道術有在於是 「就使」至 慎到,趙 著《十二 流

●「謂」,原誤作「爲」,今據文義改。

陽。 是南陽 南過 甲以 之世 之。 陽」。 南 陽屬齊,必齊之地深插入魯界中者。 之南謂 修武、温縣地。 是南陽所以得名也; 逕博縣,即《左氏》哀十一年會吴伐博者也。 故魯之附 云「高子將南陽之甲以城魯」,一見於《國策》所云 「楚攻 左氏 漢 ·陽所指各不同。」全氏祖望《經史問答》云: Щ 頌》之祝之以「居嘗與許」,嘗亦南陽之境,蓋大半人齊 自成公以後則盡失之。 贏縣,桓三年公會齊侯於贏者也。 城 ,齊魯所争莫如南陽。 而 又南 地志》及《水經》合之《左傳》,便自了然。 閻 按, 》定十年齊 尚屬魯。 之南陽也。」余謂 先生以 百 晉之南陽易曉 庸 詩 流 也。 然僖公猶以汶陽之田 逕陽 以 爲南陽即汶陽,其説果何所據? 《孟子》「遂有南陽」,趙注: 爲泰山之陽本是魯地,特久爲齊奪者, 所歸 又東南 及莊公之末 關 即 水北曰陽,是汶陽所以 也。 流逕泰山 ,而齊之南陽僅一 史稱泰山 《左氏》襄十 又東南 隱桓之世,以許田易泰山之祊, 蓋汶水出 ,則已似失之,故高子將南陽之 之陽則魯,其陰則 流 賜季友,則尚未盡失。 ,又東南 七年逆臧孫之地 逕 魯故欲一戰有之。 明堂,又西南流 泰山郡之萊蕪縣 又西南過牟縣, 流逕龜陰之田 見於《公羊 山 又南逕龍鄉,即 得 「問「遂 南日陽 蓋山南 名也。 答云: 齊。 - 傳》所 日 春秋 此以 逕徂 似 有 岱 又 牟 陽 即 \_ 南 南 南 西 而 得 南 Ш

知」,注 其西南則 故曰: 子 則汶陽非即南陽乎? 地,通而言之,皆汶陽之田 又西南爲遂、《左氏》莊十三年齊所滅也。 氏 日 釐 其字爲到與? 思文》「貽我來牟」、《漢書 慎子名滑釐,故不以 正 又西南爲平陸。 爾雅 (左氏))桓三年齊侯送姜氏之地。 左氏》成二年齊侯圍 此 一,或 義曰: 則責 》隱十 : 則滑釐 以 三: 吾明 其不教 我所不知此言何 釋詁》云: 趙氏以慎子自稱「滑釐不識 一年所營也。 慎 汶陽之田。 「至,來也。」到與來爲義同。 子 告子。 所 師 民 與墨子之徒禽滑釐 按、《左氏》鄆、 事 而 不 「到,至也。」《 爲到 用 禽 識 龍 又西 又西 故慎子欲争南陽, 之耳。」慎 滑 者也。 天子之地方千 也。」 也。 釐 ,而皆在 謂 南 南 劉 則 稱 按: 也? 過剛縣,漢之剛乃春秋之闡 注 又南逕梁父縣之菟裘城、《左 向 讙、龜陰、陽關 棘、《左氏》成 其 禮 又西南爲郈,則 傳》 滑釐,慎子名。 子 釐與來 泰山 同 師 記 疏注「滑釐慎子名」〇 」,則滑釐是慎子之名。 勃 作 名。 滑 之西 飴 釐 樂記 然 然則慎子名滑 亦志在復故土,孟 或以 通、《詩 又西 不 里,不千 我 不 南, 三年 識 皆齊魯 \* Z 釐 慎 · 悦, 南 汶水之北 叔孫 麰 皆 子 爲下 物 所 周頌 即 不 是 非 日 氏邑。 韋 禽滑 接境 至 也。 悦 讙 里 是。 釐 也 知

朝

聘

其實天子諸侯所用多矣,不止是也。

詁》云:

「典,常也。」故以

「典籍」爲「常籍」。

《説文》竹部

爾

雅

聘問,備其燕享賜予之禮,故此「宗廟典籍」趙

氏即

舉「諸侯

朝覲

注「諸侯」至「文也」○正義曰:上言「不足以待諸侯」謂

害,仁者尚不肯爲,況戰鬪

殺人以求廣土地乎?

疏

益之中也?

言其必見損

也。

但取

彼與此爲

無

傷

作,若文王、武王者,子以爲魯在所損之中邪,在所

後世兼侵小國,今魯乃五百里矣。

有王者

不足也。

籍,法度之文也。周公、太公地尚不能滿百里,儉

諸侯當來朝聘,故言「守宗廟典籍」,謂先祖

孟子見慎子不悦,故曰「明告子」。 天子諸侯地

制

如

而常

注

此,然且仁者不爲,況於殺人以求之乎?

里? 度之文」。典籍受之天子,傳自先祖,藏諸宗廟。 以守宗廟之典籍」,則較量千百,惟恐不足,當必是 爲方百里也,地非不足也,而儉於百里」,又曰「不百里,不足 禄,禄出於田,當紀實數,焉得以三分減 每里減三分之一,是地有千里者,田 澤、城郭、宮室、陂池、涂巷種種 籍」即先祖之典籍也。 禮籍」,注云:「禮籍,名位尊卑之書。」孫 云:「籍,簿書也。」《周 亦只是「田」字。「魯欲使慎子爲將軍」章「周公之封於魯也 百里」,其地字《王制》改作田字,田即地也。 奇龄《四書賸言》云:「《孟子》[天子之地方千里,諸侯 猶言册籍。 法也。」然則 云:「約,少也。」趙氏以「儉」爲少,故以爲「不能滿」。 云:「儉,約 「某廟」也。《説文》丌部云:「莊都説: 典,禮也。』《儀禮・士昏禮》云「吾子順先典」,注云:「典, 典、禮之常也。」《國語・周語》云「省其典圖 漢後儒者所以不能無紛紛也。 也。」《淮 「典籍 ○注「周公」至「損也」○正義曰:《説文》人部 」即禮籍,禮籍爲名位尊卑之書,即 南子• 禮 以先祖爲「宗廟」,猶後世稱先君爲 秋官。 主術訓》「所守甚 ,而田則無有 小行人》「掌邦國 未必有千里矣。 不知孟子所云「地」字 典,大册 炎注 一之地而 但地有山 ,故田較之地 形 一約」,高 《爾雅》云: 法, 也。」則 「宗廟之典 强 實數 既云班 注云: 賓客之 林、川 名千 毛氏 皆 誘 典 則 方 籍

里。

今魯方百里者五。子以爲有王者作,

魯在所損乎?

在所益乎?

徒取

諸彼以

與

則

齊也

亦爲

方百里也,地非不足也,而儉於

百

於

里

也

,地非不足,而儉於百里,太公之封

足

以

守宗廟之典

籍。

周公之封於魯

爲

方

百

不足

以待諸侯,諸侯之地方百里,不

百

里

不

六九五

知。 阜 以 秋 曲阜不二百里」。 伐邾取漷東田及沂西田,三年城啓陽,哀十七年越使后庸來 繹,成六年取鄟,襄十三年取邿,二十一年邾庶其以漆 伐邾取須句,宣四年伐莒取向,宣九年取根牟,十年伐邾取 郜,辛巳取防,僖十七年滅項,三十三年伐邾取訾婁,文十年 弱 西 來京師,親至兖州魚臺縣,訪隱公觀魚處,詢之土人,云『距 也。」哀十四年「西狩獲麟」,歐陽子曰:「西狩言遠也。」余往 也。 爲魯所取。 言邾田,二月盟於平陽。 兹來奔,十年伐莒取郠,三十一年邾黑肱以濫來奔,哀 來奔,昭元年伐莒取鄆,四年取鄫,五年莒牟夷以牟婁及防 取之莒, 魯所取也。 縣。 大事表》云: 少皞之墟 小 南則宋、鄭、衛及邾、莒、杞、鄫諸國地,犬牙相錯。 以 而按其上文,仍是地字,固知 余讀隱五年 《公矢魚于棠》《傳》曰: 『非禮也,且言遠地 後益封奄。 而 自 郑則空其國都,致邾衆退保嶧山,與莒争鄆無休 附 曲 向、須句、鄫 魯在春秋,實兼九國之地。 益 .阜封周公子伯禽爲魯侯。」今爲山東兖州府 「伯禽初封曲阜、《漢 又北至汶上,爲齊魯接界,俱計日可 祊益之鄭,防取之宋,須句取之邾 隱二年人極,十年敗宋師于菅,辛未取 鄅 平陽在兖州府鄒縣西南,本邾邑, ,則邾、莒滅之而魯從而有之者 地即 書 田耳。」顧氏棟高《春 極、頭、鄟、邿、根牟 地 理志》云: 時 「成 向 到,其 吞滅 二年 閶 曲 丘 Ŧ.

> 日。 子輔君以仁。 法, 牽引其君以當正道者, 仁也。 其君以當道,志於仁而已。」注言君子事 魯泗東方百里,地界稍稍擴矣。」君子之事 「舝,引前也。」是「引」即「舝」也 逮晉文分曹地,則有東昌府濮州西 疏注「牽引其君」() 正義 志仁而已,欲 南。 日 :: 而 君 越既滅 《説文》牛 也 吴,與 務 君 使 之 引 部 慎

굸

是以 疏 戰 形,德義勝之,智謀勝之,兵戰勝之。」《孫子》云: 離也。」周氏廣業《孟子章指考證》作 **攜以禮,懷遠以** 用 「古本義作廟 漢書》趙充國奏「留田 而 兵, 廟勝 「招擕」至「戰也」〇正義曰: 貴謀 廟勝 章指: 而賤戰。」 者,得算之多者也。」二字俱有所本,從義爲長。 ,孔、韓同。」按:《管子· 言招 爲 德。 上 德 擕 便宜」曰:「帝王之兵,以全取勝 禮不易,無人不懷。」注 戰勝爲 懷遠,貴 僖公七年《左傳》云: 下。 以 霸 「義勝爲上」、云: 形》篇:「霸王之 德 明 禮 賤 **云** 戰 「夫未 及其 攜 也 招

孟子曰:「今之事君者皆曰:『我能 爲君

謂之賊也。疏注「傷民故謂之賊也」○正義曰:《荀子・也。今之所謂良臣者,於古之法爲民賊。傷民,故民賊也。注辟土地,侵鄰國也,充府庫,重賦斂辟土地,充府庫。」今之所謂良臣,古之所謂

傷」,注云:「傷,害也。」傷民即害良也。 君不 郷道,不脩身》篇云:「害良曰賊。」《楚辭・沈江》云「覽私微之所

能 同。 道猶云今之行。 朝之間居其位也。 久矣,若不變更,雖得天下之政而治之,不能自安 賊 以富之,爲富桀也。謂若夏桀也。 志於仁,而求爲之强戰,是輔桀 與國,戰必克。」今之所謂良臣,古之所謂 志於仁,而求富之,是富桀也。 「道德」之道,上云「君不鄉道」是也。 也。 朝居也。」注今之道非善道。 由今之道,無變今之俗,雖與之天下,不 注連諸侯以戰,求必勝也。 《國語 疏注「今之」至「位也」○正義曰: ·周語》云「由是第之」,章昭注云: 道之訓亦爲行,今之 『我能 也。 今之世俗漸惡 君不鄉道,不 注爲惡君聚 注説與上 爲君 約 民 斂 道

> 「由,從也。」一人行之,人人從之,則爲俗。《廣雅· 孟子之言,至於秦而驗矣。」 之天下,不能一朝居,何也? 居」即是不能一朝安,謂其危亡之速也。 記·樂記》云「居吾語汝」,注云:「居猶安坐也。」「不能 變而共笑」,是變爲更改,謂更改其害良而志於仁也。 云:「漸,漬也。」謂漬染而 成惡俗也。 其國雖富强而 《太玄·玄衝 陳氏説書云:「與 民心先已失。 》云「更 釋詁 一朝 《禮

俗,莫善於樂。」 此○正義曰:《孝經》「廣要道」章第十一云:❶「移風易以亂濟民,不知其善也。 疏「變俗移風非樂不以我,其餘何觀? 變俗移風,非樂不化;以往,其餘何觀? 變俗移風,非樂不化;以往,其餘何觀? 變俗移風,非樂不化;

云"「白圭,周人也。當魏文侯時,李克務盡地力而白圭樂一。 「疏注「白圭」至「税一」○正義曰"《史記·貨殖列傳》白圭,周人也。 節以貨殖,欲省賦利民,使二十而稅白圭曰"「吾欲二十而取一,何如?」

●「章」,原無,今據全書文例補。

服 觀 羊不言白圭、《史》及鄒陽之説又恐誤以武侯爲文侯。」五 與孟子同 之行隄也,塞其穴,故無水難。」《吕氏春秋 彪謂當是孟子所稱者。」周氏廣業《孟子時地出處考》云: 時,是孟子之後輩,見《國策》。 祖 尚能爲國築隄防、治水害乎?」毛氏奇齡説與閻氏同。 文侯十七年癸酉,下逮孟子乙酉至梁,凡七十三年。 山 魏」,鄒陽書「白圭戰亡六城,爲魏取中山」,又「白圭顯於中 趙氏傅會爲一人,吾嘗斷之曰此兩人也。《韓非》書「白圭相 子》白圭,此一白圭也,其名丹,圭則字爾。 言治生祖白圭。」趙氏以《孟子》白圭即此人也。 治生産猶伊尹吕尚之謀、 辯二條,《新序》有孟嘗君問白圭之文,則其爲别一人,似 閻百詩、 釋地續》云:「《史記・貨殖傳》,此一白圭也,圭其名,《孟 疑。 時 望《經史問答》云:「宋人鮑彪已嘗言之。 ,中山人惡之魏文侯,文侯投以夜光之璧」。 與用 變, 乃《史》又稱白圭自言「吾治生産 故人棄 事 時。 毛初晴並言有兩白圭,今考《韓非子》有云:「白 僮僕同苦樂,趨時若猛獸摯鳥之發。 《戰國策》昭 我 取,人 、孫吳用兵、商鞅行法是也。』蓋天下 取 王時白圭始見,而拔中山者言樂 我與。 不知潛丘何以不引及? 能薄 飲 ,猶商鞅行法」,則 食,忍 》載白圭與惠施 先後殊不同 但魏人當昭 魏拔中山 嗜 故曰: 閻氏若璩 欲, 縱存, 節 全氏 時, 鮑 正 無 析 圭 王 在 衣

乎? 子 熟,故獨生之也。 無 而 瓦器不足以供萬室之用 氏春秋・慎人》篇云「陶於河濱」,高誘注 也。」〇注「使 六狄之人民」,鄭司農云:「北方曰貉、狄。」《書・禹貢》云: 官・職方氏》「辨其邦國都鄙、四夷、八蠻、七閩、九貉、 正義曰:《説文》豸部云:「貉,北方貉豸種也。」《周禮 税,二十而 則 生,惟黍 曰:「不可,器不足用也。」注白圭曰: 云:「單言蠻則爲四 博埴之工二陶旊」,注云:「摶之言拍也。 五百里荒服,三百里蠻,二百里流。」胡 可 足 諸侯幣帛饔飱,無 Ħ 也。 以此 乎?」注絡,夷貉之人,在 「子之道, 生之。 注貉 喻白圭所言也。 取 一人陶 <del>\_</del> 0 在北 無中國之禮 瓦 裔之通稱。 無 萬家之國使一人陶 貉道 器則可 城 方,其氣寒,不生五穀。 百官 郭 也。 也。 乎」〇 宫 疏注「貉夷」至「服 蠻在 ,如此之用,故可二十 曰:「夫貉,五穀不 室宗 有司,故二十取 萬室之國一 正義 荒服,知 荒 <del>-</del> -氏渭《禹貢 廟祭祀之禮, 服 埴,黏土也。」《日 曰:《考工 「陶,作瓦器。」 者 瓦 貉即 也。 一人陶 器, 人 者 在 錐 五 記 黍 也〇〇 則 貉之 荒 陶 指 戎 早 則 夏 可 服

生

穀

武

田《通 用。」又可見貉地亘秦之北皆是矣。謂可致其物以爲用 國策》蘇秦説 即黍穄亦未必能生矣。 孝文帝時以匈奴處北,殺氣早降,詔遺單于秫蘖金帛綿絮。 乃有秋。 志》答趙商問云「在東方」。 則以畜牧爲事,故自君王以下咸食畜肉耳。 於屠貳師之年云「年稼不熟」,顏師古以爲「亦種黍穄」,❷實 傳》云:「居於北邊,逐水草遷徙,無城郭常居耕田之業。」雖 爲烏孫。 稼多穄。] 奚即烏桓也。 注引王沈《魏書》:「烏丸地宜青穄。」《唐書・北狄傳》:「奚 之。」以貉地生物之氣,時 者之後,穫在黏者之前。 後漢書·烏桓列傳》:「其土地宜穄。」《三國志·烏丸傳》 者 (帝時,單于遺書,欲取稷米 一而足也。 也。 藝録・九穀考》云:「黍之不黏者,其熟最疾。 吾疑其地殆即孟子所謂貉與? 貉之地甚 匈奴、烏孫當中土之正 然則孟子之所謂黍,蓋黍之不黏者乃謂穄也。❶ 秦惠王曰:「大王之地,北 疏注「貉在」至「之也」〇正義曰: 廣也。 烏桓諸國在匈奴東,地氣稍暖 烏桓地東連鮮卑,其西爲匈奴,又西 孟子曰: 「夫貉,五穀不生,惟黍生 '日最短,故必中土熟之最疾者,播 《周官·職方氏》所掌有九貉 《漢書·高帝紀》有北貉 五千斛。 北 地 極寒。 亦可 且貉亦非盡不生五 有 4、胡 見其不事農業。 又按,《匈奴傳》 《漢書・ 貉、代 程氏 而 播 故能 馬 ,《鄭 匈 在 , 其 《戰 奴 和 瑶 之 2 0 以

取

黍之不黏者獨有異名,祭尚黍也。」今居中國,去人 非以貉爲界又可知。《後漢書》「句驪」亦名「貊耳」,是貉之 者,大貉小貉也,欲重之於堯舜之道者,大 資酏粥之屬,故簠簋實糜爲之以供祭祀,故又異其名曰 以是知散文通稱黍也。 傳中見黑糜、白糜、黄糜、 屬之黏者黍,則禾屬而不黏者糜。 黍,謂黍爲禾屬而黏者,非謂禾爲黍屬而不黏者也。 酒,禾入水也。」、「糜,穄也。」「穄,糜也。」按,《説文》以禾況 屬而黏者也。以大暑而種,故謂之黍。孔子曰:「黍可 其宜五穀。 桀小桀也。」注今之居中國,當行禮義,而欲效夷 「烏桓宜穄」、「奚稼多穄」之地無疑矣。」「《説文》: 倫,無君子,如之何其可 國,亦必非不生五穀之貉也。 爲國、況無君子乎? 然則五穀不生之貉,居貊耳 飯用米之不黏者,黏者釀酒及爲餌 赤摩,不見黑摩、 也? 又載諸國 欲輕之於堯舜之道 對文異,散文則通稱。 陶以 、鮮卑之西北 白糜、黄糜、赤糜 在鮮卑東者皆言 寡且 是故禾 示 所 穄 可 謂

乃」,原誤作「所」,今從沈校據《九

古」下,原衍「曰」字,今從沈校據《九穀考》删

十税 貉 大貊小貊。 氏解「大」「小」不取趙氏。《尚書大傳》説《多方》云:「古者 其 則爲桀之大貪;若取二三,則爲桀之小貪。若十四五乃取  $\bar{\Xi}$ 之中正也。 굸 司。 子」者,「無君子之道」 知 夏桀爲大桀,子爲小桀也。 者,夷貉爲大貉,子爲小貉也;欲重之,過什 尚 子》注《公羊傳》,趙氏即本《公羊傳》注《孟子》。 徐氏疏云: 曰:趙氏以「去人倫」、「無君子」爲一事。 而税,足以行禮,故以此爲道。 夏桀無道,重賦於人。今過什一,與之相似。 、禮義,皆小人而無君子矣。故言「無君子之道」,謂 不 一,則爲大貉行; 無人倫之敘,無君子之道,豈可哉? 「蠻貉無社稷宗廟、 「古者什 ○注「堯舜」至「桀也」○正義曰: 宣公十五年《公羊傳 可以 多於十税 爲國,況無君子之道乎? 多乎什一,大桀小桀,寡乎什一,大貉小貉。」注 王者十一而税,而頌聲作矣。 一而籍。 一,謂之之大桀小桀; 若十二十三乃取一,則爲小貉行。」徐 也。 古者曷爲什一 百官制度之費、税薄。」何氏本《孟 近時通解以「君子」即 疏注「無君子之道」〇正 今欲輕之,二十税 而籍? 少於十税 故《書》曰:「越惟 去人倫則舉 堯舜以來什 什一者,天下 若十取四五, 陶器者少, 指百官 謂之 一,則 「無君 國 不 義 有

> 中正。 胥賦。」蓋胥賦即稅,正即謂什一中正,謂胥賦之輕重 江氏聲《尚書集注音疏》云:「胥謂繇役。 大貊明《多方》「小大」二字。 解《公羊傳》,義與此同 有胥賦,小大多政。1. 貊與貉字通。 小之不致爲小桀小貉,大之不致爲大桀大貉。 政者,正也。 伏氏以 繇役亦賦 《尚書》今作正 小桀大桀、 也 本於 徐氏 小 故 E

句見《漢書敘傳》述《食貨志》。 以王制也。 疏「什一供貢下富上尊」〇正義曰:二道有然,不足爲貴。 圭欲法之,孟子斥之供貢,下富上尊。裔土簡惰,二十而税,貉供貢,下富上尊。 香土實情 ,其世可遵。什一

文》丹部云:「丹,巴越之赤石也。」《説苑・修文》篇云:「圭名;圭,字也。當諸侯時,有小水,白圭爲治除之,白圭曰:「丹之治水也愈於禹。」注丹,

禹治洪水,使不爲後世害, **洚猶逆之爲逢。** 或 水」猶云「災水」。 過甚矣。 觸於洚水之名,仁人惡爲之。自以爲愈於禹,子亦 以受其害水,故後世賴之。今子除水,近注之鄰國, 注子之所言,過矣。 難。」此白圭治除小水之證也。孟子曰:「子過 以螻蟻之穴潰,故曰白圭之行隄也,塞其穴,是以白圭 之,此名字所以取與? 潔白也。 者,玉也。」《考工記・匠人》注云:「圭之言珪,潔也。」潔者, 禹之治水,水之道也,是故禹以 水者,洪水也,仁人之所惡也。吾子過矣。」 今吾子以鄰國爲壑。 叡,溝也。 水之路」,謂水所行之路而禹順導之耳。《說文》谷部云: ,則非水之道,非水之道,則水不順行而逆行矣。 玉之白者爲圭,石之赤者爲丹,赤熾盛而以潔白消 疏注「禹除」至「甚矣」○正義曰:「水之道」猶云 讀若郝。壑,或從土。」是「壑」即「溝」也。「害 見其逆行,觸類而長之,即是禹時之洪水。 觸即「觸類」之觸。 禹除中國之害,以四海爲溝壑 《韓非子・喻老》篇云:「千丈之隄 圭放洪水,使爲鄰國害。 水逆行謂之洚水。 不使水歸四海,而歸鄉 四 海 爲 逆之爲 圭且爲 矣。 一無水 壑。 洚

仁人所惡矣,悖乎禹,豈愈於禹與?

公三十一年《左傳》子皮語 也。 疏「是故賢者志其大者遠者也」〇正義曰: 壑鄰,亦以狹矣。 章指:言君子除害,普爲 是故賢者志其大者遠者 人 也 白

圭

作去聲? 子所以不亮者,非惡乎信,惡乎執也。 子之道舍此烏執乎? 也,人之所助者,信也。 也。《易》曰:「君子履信思順。」若爲君子之道,舍 諒哉?」又曰:"君子貞而不諒。」諒者,信 烏」是也。 天祐之, 吉无不利也。」引此以見君子之道不外乎信,故爲 天祐之, 吉无不利。1子曰: 祐者, 助也。 也。」諒即亮也。 信也」、《爾雅·釋詁》文。 信,將安執之? 孟子曰:「君子不亮,惡乎執?」注亮,信 對曰: 亮與諒同。 何異孫《十一經問對》云:「問此惡字作平聲,還 引《易》者、《繫辭上傳》云:「《易》曰:「自 疏注「亮信」至「執之」○正義曰:「亮 趙氏以「安」訓「惡」、《音義》云「惡音 履信,思乎順,又以尚賢也,是以 與諒同。《説文》言部云:「諒,信 孔子曰:「豈若匹夫匹婦之爲 故孟子又曰:「所惡 而 天之所助者,順 不通之謂。 君 白

執 者,爲其賊道也。」」

氏曰: 學,則不 正恐其執 好學,則執 也。」乃《論語》又云「好信不好學,其蔽也賊」。 無信不立。」重信之至也。 孟子》此章正發明孔子「不諒」之恉也 正義曰: 章 指: 「死者,古今常道也,人皆有之。 至於賊。 所引在《論 而蔽 而不知變通,遂至於賊道。 言《論 於賊也。 又云: 語 語》曰: 「言必信, 硜硜 友諒兼友多聞。 顔淵》第十二。 「自古皆有死、民 疏 「論 君子貞而不諒 治邦不可失信 然,小人哉! 語」至「至也 多聞 《集解》引孔 蓋好信不 ,由於好

乎 孫 《文選·褚淵碑文》云「孟軻致欣於樂正」,注引劉熙曰: 而 正,姓也, 君欲使之執 ? ] 曰:「否。」「多聞  $\dot{\mathbb{H}}$ 不 曰:「樂正子强乎?」曰:「否。」「有知 寐。」注喜其人道德得行,爲之喜而不寐。 欲 子,通稱也; 使樂 政 於國。 正 子 名尅。」孟子曰:「吾聞之,喜 疏注「樂」 爲 政 識乎?」曰:「否。」注 正子克 注樂 正 也」〇正義曰: 子 克 也。 「樂 慮 公 魯

訑訑之人發聲音、見顏色,人皆知其不欲受善言也。

賤他人之言。

訑 訑

者,自

足其

智、不嗜善

言

「之貌。

輕行千里以善來告之,誠不好善,則

其

人人將

日

訑

訑

何況於魯,不能治乎?

人誠

好善

四海

之士

也。 寐 ? 知慮猶達,多 能 丑. 言,是采用之也。以此治天下,可以優之,虞舜 色, 距人於千里之外。 輕千里而來告之以善,夫苟不好善,則人將 而 人但好善,足以治國乎? 爲人也能好善,故爲之喜。 奚爲喜而不寐?」注丑問 從政宜才,執政宜德。 曰 問 有 訑 況魯國乎? 此 樂 訑,『予既已知之矣』。 曰:「其爲人也好善。」注孟子言樂正子之 正子 也 聞識猶藝。 ,有此 疏注「丑問」至「能乎」〇正義  $\equiv$ 夫苟好 問之所 此 章 孔子稱此三者「於從政乎何有」。 亦 注孟子曰: 與 善 日 能乎? 「好善足乎?」注五 《論 無此三者 : 則四 「好善優於天 語 訑 **美** 孟子 池之聲 海之内皆將 1,何爲 相 好 E : 皆 善,樂聞 强猶 日 喜 否,不 然 音 而 下, 顔 則 是 問 善 不

728

道術之士聞之,止於千里之外而不來也。 疏注「好 之女家曰男美。」」又云:「事非權不立,非勢不成。

隱惡而揚善,執其兩端,用其中於民。」《孟子》亦云:「舍己」則饒裕有餘矣。《禮記・中庸》篇云:「舜好問而好察邇言, 毘善」至「治乎」○正義曰:「優」即足也。乃足則僅足而已,優 !!

言「好善從人,聖人一概」,與此相發明。○注「誠不好善」至舜以此治天下而有餘,克以此治魯國,豈不足乎?《章指》從人,樂取於人以爲善。」是舜「樂聞善言」而「采用之」也。隱惡而揚善,執其兩端,用其中於民。」《孟子》亦云:「舍己

又達可切。」《説文》云「欺也」。字作施者,音怡。施施,自足「蓋言辭不正、欺罔於人、自誇大之貌。」丁云:「此字音他,「來也」〇正義曰:《音義》出「訑訑」,云:「張吐禾切,云:

本皆作訑。按、《説文》作詑、《方言》作訑,皆訓欺。《孟子》本皆作訑。按、《説文》作詑、《方言》作訑,字作鉇者,今諸爲訑,音怡。」阮氏元《挍勘記》云:「『訑訑」,字作鉇者,今諸

其智,不耆善言之貌。

今諸本皆作訑,即不合注意,當借讀

按"《説文》言部云"「詑,沇州謂欺曰詑。從言,它聲。」《一確。自訑譌訑,乃别爲音,而孫氏又爲曲説,不可從。」謹是此字,注「自足其智,不耆善言」,義之引伸。丁、張音義皆

也。」蘇代對曰:「周地賤媒,爲其兩譽也。之男家曰女美,也。《戰國策・燕策》「燕王謂蘇代曰:「寡人甚不喜訑者言反。」「訑,避也。」訛即施,詑即訑,施爲詑之俗,訑爲詑之通切經音義》引《纂文》云:「兖州人以相欺爲訛人。音湯和按:《説文》言部云:「詑,沇州謂欺曰詑。從言,它聲。」《一

此。「賤他人之言」解「予既已知之」也。「訑訑」是見顏色 予盡知之,謂人之言不足以益之,是賤人之言也。 狀其貌曰訑訑,又述其言曰「予既已知之矣」。 既猶盡 好善,則四海之内」云云,此云「夫苟不好善,則人將曰 而以爲予既已知之,亦訑也,欺也。 男女未必誠美而媒者謾以爲美,此訑也,欺也,已本無所知 池」。「將曰」之將與「將輕」之將同。 耆善言之貌,則曰訑訑者不得爲不好善者之言。上云「夫苟 坐受成事者,惟訑者耳。」觀代之言,訑 「其人」,謂與相親近之人。惟與相親近,故見其聲音笑貌如 人見此不好善之人而 爲欺謾不實,明矣。 趙氏 夫使人 也 訑

有以拒止之也。 士止於千里之外,則讒諂面諛而道術之士聞人言如此,豈肯至乎? 是其訑訑之聲音顏色其不欲受善言也。人皆知其不欲受善言,是不獨道術之士,「予既已知之」是發聲音,人狀其貌、述其言如是,是人皆知

得乎?」注懷善言之士止於千里之外,不肯就之,之人至矣。與讒諂面諛之人居,國欲治,可

得乎? <u>CC注「則邪惡順意之人至矣」〇正義曰:《莊子・則邪惡順意之人至矣。與邪惡居,欲使國治,豈可</u>

也。 爲諂,諂者未有不諛。」按: 諛但順意而已,長君之惡也, 諂 漁父》篇云: 便己意之人。 讒因於諂, 諂因於諛, 諛因於訑訑不好善也。 則道之爲不善,逢君之惡也, 云「以不善先人者謂之諂」,不善即惡也。 云:「讒,邪也。」此趙氏以「邪」釋 人惡謂之讒。』《吕氏春秋 「餡」也。 順意」釋「面諛 諂,讇或從臽。」段氏玉裁《説文解字注》云:「諛者所以 《説苑 「希意道言謂之諂,不擇是非而言謂之諛,好言 也。 臣術》篇云「從命病君謂之諛」,此趙氏以 《説文》言部云: 貴因》篇云「讒 讒則因 「讒」也。 道之爲不善而除去不 「諛,讇也。」「讇,諛 此趙氏以「惡」釋 《荀子·修身》篇 悪勝良 一。高誘

也。 晛 進 瀌,見晛聿消。」此之謂也。 讜言,答之而 〇正義曰: 善去惡來,道若合符。《詩》曰:「雨雪 É 則 消。」」趙氏本諸此也 衆賢退,羣枉盛則正士消。 不親九族而好讒佞。」《漢書》劉向上封事云: 章 指: 引《詩》、《小雅・角弓》之篇。 言好善從 拜。 訑 訑 人,聖人一 《詩 吐之,善人亦逝。 \*\frac{\times}{\times} 疏 詩日」至 序云:「刺幽王 「雨雪麃麃,見 概,禹聞 一謂 「讒邪 也 瀌

之宜 義曰: 不悦也。 其次,雖未行其言也,迎之致敬以有禮,則就 問古之君子得 困而周之, 苟免死而已。 者,顔色和 矣。」注所去就,謂下事也。 之;禮貌 也,則就之; 「《柳柳州集・上李中丞啓》曰: 『《孟子》書言諸侯之士曰: 去不疑也,故不言去。 土地,吾耻之。』周之,亦可受也,免死 不能行其道,又不能從其言也,使飢 食,飢餓 三,所去三。 陳子曰:「古之君子何如 ,嫌其疑 音義》云: 其下者,困而不能 不能 衰,則去之。其下, 順,有樂賢之容。 也,故載之也。 禮貌未衰,言弗行 何禮可以仕 迎之致敬以有禮、言將 周 出 與 門户,君聞之,曰:『吾 、賙同,救贍也。」翟 免死 此三就三去之道。 也? 而留,爲 與之禄,則當去; 禮者,接之以禮 疏 禮衰,不敬也; 周之」至「已矣」〇正 則 孟子曰:「所 朝不 仕?」 死故 氏灝《考異》云: 也,則去之。 食,夕不 也。 餓 注 窮 也,貌 貌衰, 大者 而 於 矜其 權 餓 陳 就 E 我 時 而 臻

《日知録》云: 既不 受其所周 既不死,可以出門户,則仍去,故云「權時之宜」。 使之窮於吾地則 能 行道,又不能從其言,所以不去者,飢 ,即是就。 「「免死而已矣」,則亦不久而去矣。 ,賙之,賙之亦可受也。」用賙字。」按: 云可受,亦就之可者也,但 餓 不能 免死 顧氏 故曰 而 去也 炎武 已。 所

爲 Ŧ, 此三科,亦無疑也。 章指:言仕 禮貌次 之; 雖 木 正 道,亦有 而 免 死, 量宜。 斯 爲 下 矣。

徴庸; 臣 動 降大任於是人也,必先苦其 餓其體膚,空乏其身,行拂亂 士 版築之間,膠鬲舉於魚鹽 心 ,孫叔敖舉 忍性 紂之亂 孟子曰:「 傅 説 一,曾益 築傅巖,武丁 隱 於海,百里奚舉 遁爲商,文王於鬻販魚鹽之中得其 舜 其 發於畎畝之中, 所 不 ,舉以 能。 之中。 爲 心志 注舜 相 其 於 、所爲。 市。 管夷吾舉 膠 耕 ,勞其筋骨 傅説 鬲 歷 殷 山,三十 故天將 所以 之賢 於

舉 聽言 大之 於 傅巖在 里,即虞國虢國之界。」按:《墨子·尚賢》篇云: 即 **五丁日县** 人,名曰説。 馬融注云:「高宗始命爲傅氏。」鄭氏 疏注「舜耕」至「徵庸」○正義曰: 忍其性,使不違 絕糧,所行不從,拂戾而 聖賢,必先勤勞其身,餓其體 繆公舉之於市而以 莊王舉之以爲令尹; 人,舉之以爲臣 大治,故遂以傅險姓之,號 工營求之野,得説於傅險中。 宗因以傅命説爲氏。』《史記・ 五帝本紀》。 士官,桓公舉以 高宗夢得說,使百工營求諸野,得諸傅巖,作《説命》三篇。 傅説 版築之處。 北海之洲。」張守節《正義》云: ○注 以夢所見,視羣臣百吏,皆非也。 也。 仁,困 爲 也。 「傅説」至 所隱之處,窟名聖人窟 得 相 爲相也。 而 國 士,獄官也。 白 與之語,果聖人。 而 日 知 亂之者,所以 里奚亡虞適 爲 孫 傅説。」徐廣 是時説爲胥靡築於傅險, 殷本紀》云:「武丁夜夢 勤 叔 相 而瘠其膚,使其身乏資 曾益 言天將降下大事以 敖隱 見《書・堯典》及《史記 注云: 「《地理 管仲 處,耕 其 E: 秦, ,在今陝州 舉以爲相 動 素 「得諸傅 自 志》云: 驚其心,堅 隱於 所 《書序》云: 於 於是乃使 魯囚執 不 海 子 一昔者 河 能 都 濱, 嚴。高 傅險 見 得 北 行。 市 任 於 聖

説居 間 北 T 爲己 丁。 以 則 在 澗 謂 西絶澗,左右幽空,窮深地壑,中 處 侯歲貢士於天子,文王之舉膠鬲,乃進之於紂,與伊尹五就 H 求也。」○注 云: 굸 猶呼 得 一刑之名。」《漢書・賈誼傳・ 爲築城 之爲較橋也。 ,今平陸縣東三十五里是。 海 上》篇。 北海洲者,大非。」閻氏本張守節之説,其云顛軨阪云云, ,非於此築也。 水 植,立 晉 當 北 「《荀子 相。」 而舉之,立爲三公。」墨子、尸子皆周時人,其言傅嚴 張晏曰: 經注 炒《漢 海之州, 圜 沙 有所據。 然則 、澗水,去傅巖一十五里。《墨子》、《尸子》並以傅巖 魚 稱其「庸樂」,則但 》文也。 也。 「膠鬲」至 (鹽則 書 「胥靡 説之版築由 非 注》云: 説身負版築,爲 如 相 巖東北· 土之上,衣褐帶索,庸 閻氏若璩《釋地》云:「傅氏之巖在 别無可 魚之立。」然則説形本自 然後世之地附會古人之迹甚多、《墨子》 》篇云 「傅説之狀,身如 ,刑名也。 「臣也」〇正義曰: 胥 十餘 證 於被刑矣。 傭工 相 趙氏佑 服賦》云: 俗名聖人窟,爲説所傭隱 里 傅説被刑,築於傅巖,武丁以 也; 則 人所執役,正於此地,至今 ,即《左傳》之顛 爲人版築。 、築以 靡, 隨 《温故録》云: 王氏鳴盛 成道,指 築於傅巖之城。 「傅説胥靡,迺 膠鬲事 也。 有異 植 《史記》言 鰭」,楊 古者相 尚 、幹阪 詳見《公孫 故 南北之路 「古者諸 書後 虞號 可 倞 以 隨 有 相 止 案 香 形 注 适 44 東 息 之 在 武

絶。

其

《得爲令尹也,《史記》、《説苑》、《列女傳

》謂進

白虞

F

子、《吕氏春秋》謂

沈尹莖力、《新序》謂楚有善

相

人者

招

聘

里。 細。 不用同 相。 尹。」此亦是隨文解之,事實 事 任。 海尚遠, 云: 日: 桀爲湯進之桀、不復進 秋 召忽死之。 請君討之; 官。」莊公九年《左傳》云:「鮑叔帥師來言曰: 大司徒》云「其附於刑者 ○注「士獄」至「相國」○正義曰:《書 史記集解》引馬氏注云:「士,獄官之長。」《周 也。 》並以爲「期思之鄙 『管夷吾治於高徯,使相可也。』公從之。」此「舉於士」之 固始本寢丘 故雖不得如傅説諸人發名成業之盛,而同謂之『天降大 而注言文王舉之以爲臣,背矣。 趙氏注: 迨後殷命再黜 ○注「孫叔」至「令尹」○正義曰: 顽 此紂之終於亡也。 管、召 《史記》稱『孫叔敖,楚之處士』,《荀子》、《吕 管仲請囚,鮑叔受之,及堂阜而税之。 「孫叔敖隱處、耕於海濱, ,即莊王感優 讎 也,請受而甘 鬲之去從顯 人\_, 用 歸於士」, 至 期 無 五 然久而 思故 孟之言以封其子者,傳 所徵。 者 同 晦 心焉。」乃殺子糾 城 注云: 後失之, 故得 迄無可 在 紂猶知 莊 今固 堯典》云「汝作 王 楚莊王舉之以 與 閻氏若 時 「士謂 微 見,亦足慨 始縣 則 用 楚 子糾 南 禮 鬲之功 膠 箕 1據《釋 主 西 境 歸而以 鬲 並 於生實 地 北 東 斷 稱 而 親 刑 土 世 七 氏 境 爲 官 亦 仍 紂 地 也 + 告 之 不 去 不 與 輔

然者。

考期思本

蓼 國

地,即春秋之寢丘

也。

策書》。

何所人也。

丘之薦而舉爲令尹,此固按之《春秋》,互證之他書,而

則以蓼名期思,必蓼滅而後期思之鄙人始得

況《史記・滑稽傳》又云:「叔敖死,其子窮困

莊

王聽

敖傳》謂叔敖楚之處士,虞丘相薦於王而代爲楚相,未審爲 實楚之蓼國人,及楚莊滅蓼而後薦而舉用之。《史記·孫· 考孫叔敖即宣十一年令尹蔿艾獵,乃蔿賈之子。賈字伯嬴, 楚子於宣八年滅夢,而宣十二年即有孫叔敖之名見於 優孟之言,封其子於寢丘。」其封寢丘者,亦正以寢丘 官司馬,爲子越椒所惡,囚而殺之。意者子遂式微, 惟《荀子》、《吕覽》皆有孫叔敖爲期思之鄙人語 意者叔敖子實不才,徒世守封土,莫顯 漢名寢縣,東漢名 以愚考之,則 但萬賈乃遠 負薪 人,何 顯有 序》、 是處 敖即 奇齡 用 又 虞 固 叔 也。 即 屬一人,而蔿敖一名,則又氏本蔿獵而名近孫叔,是必 令典云云,此言平時也,其時蔿敖不在軍也。 子負薪者,又未有止封以地而不即予以 蓼人無疑也。 此萬艾獵之子也。 者賈舉,名雖連稱,人實有兩也。 尹、大宰二官,令尹極尊,太宰極卑,《策》書太宰伯 師,又使叔敖典軍制,勢必不能。 而兼稱者,遂公然以叔敖當之。 戰,其平時討鄭人鄭,軍政秩然,且以爲爲敖爲室,擇楚國之 隨武子稱有萬敖,而杜氏以爲即兼稱也。 而敖其名,與蔿賈之子明屬兩人。 捷則孫叔爲無謀矣」,則 氏》行文必名字兼稱、既曰「令尹孫叔敖不欲」,又曰「若事 令尹,必屬一人。 叔敖不欲戰而楚王命之戰事,以爲兩年相距不甚遠 服虔、杜預之注《左傳》,而孔氏正義不能辨正。 年有令尹萬艾獵城沂事,其明年晉楚戰於邲,又有令尹孫 期思,本叔敖故居,因封之。 孫叔令尹,豈得與蔿敖太宰合作一人? 若云楚公族,則公族世爵未有身爲令尹 而不知隔歲易官,在列國多有之。 《世本》亦不識叔敖出處,然不敢 一稱敖名,一稱叔字,是必氏孫字叔 則 殊不知 是所 襄十五年萬子馮爲司 此萬敖是宰。 其所大誤者,則以戰邲 居 の爵者。 所 軍之中,叔 武子以爲楚雖 封 侍人賈舉非 杜氏既疑令尹 皆 《左傳》宣 此其誤 蓼國,其 楚制 公謂叔 一,而止 敖既 州 況《左 一犂是 有 始 而 人 得 其 爲 死 令 與 時 此 於

宣四年

之,皆無起家海

濱説。

蓋孟子所據之書籍,今不可考矣。

於朝,後人遂以其子孫之占籍上繫諸先人與?」毛氏

「張燧問"孫叔敖舉於海,淮安閻氏謂孫叔

士,凡《荀子》、《吕覽》、《史記

》以及劉向之《説苑》、《新

曰:孫叔敖自

列女傳》皆明載其人。

趙岐舊注原是有據。

宣十一年楚令尹蔿艾獵,此可信與?

《經問》

得遠在期思之鄙?

吕臣之子,吕臣繼子玉官令尹,出自公族,自應爲楚郢

竄處海濱,不七八年,莊知其賢,擢爲令尹與?

間矣。 艾獵是一人。 海。 則又不然矣。 閻氏謂爲賈官司馬時爲子越椒所殺,故其子叔敖竄處海濱, 子,即叔敖子矣。 「叔敖從子」。 居淮之濱即居海之濱,以 其 取 攻 而 名海,則期思亦海矣。 汭盟吴越而還」,則正以期思以東皆在吴越屬國中也。 陂」,而蓼介楚外,原屬吴越、《春秋》楚子滅蓼時有云【及滑 漢》「伐淮夷」則曰「于疆于理,至于南海」。 楚外國,而 |十四年《傳》「凡、蔣、邢、毛、胙、祭」,杜注: 『蔣在弋陽期 海疆 日舉於海 殺賈者而盡滅之,有何讎患而竄處遠地至於式微? 王、王遂滅鬭氏。 椒爲令尹, 賈爲司馬。 正美云: 《禹貢》「淮」與「海」並稱、《地志》「淮康」與「海康」並 況 ,如《魯詩》「來淮夷」則曰「遂荒大東,至於海邦」、《江 《國語 期思又當淮西之地,淮水經期思之北而東注於 何居? 叔 宣四年萬賈爲工正,與鬭椒共譖殺令尹鬭般, 今杜氏謂艾獵與叔敖一人,則萬子馮爲艾獵 但萬艾獵者,叔敖之兄,故其注萬子馮 敖避 》於吴曰「奄有東海」,於越曰「濱於東海之 乃其注是傳亦曰「叔敖從子」,則何説焉? 仇 日 是賈以怨殺,並非國法,且王滅屬氏,隨 遠 要之、《孟子》當不謬耳。」周氏柄 此正所謂期思之鄙人者也。 既而椒復惡賈,囚賈而殺之,因之 竄,此 淮 通於 情 、海也。 事 所 或有 是以從來稱淮 蓋海不必在波 閻 説近 之。 吴越 夢本 然則 則 地多 稱, 僖 中 濤 日

猶稱孔父嘉之例。 典。」下云「嬖人伍參欲戰、令尹孫叔 也。 云: 證。 也。」杜氏從之。 子。」遠即萬也。 誘注《吕氏春秋・情欲》篇、《知分》篇,皆云:「叔敖,薳賈之 稱萬敖非即叔敖乎? 尹改乘轅而北之。1軍事以車爲重,而令尹實主之,則士會所 云,又云: 「令尹孫叔敖弗欲戰,南轅反施。」又云: 「王告令 邲之戰,隨武子云『爲敖爲宰,擇楚國之令典,軍行右轅」云 + 辨叔敖非楚公族,並非蔿氏,乃蓼國期思之處士。 氏文弨《鍾山札記》云:「毛檢討作《經問 蓼,楚外國。」期思之爲蔣地,毛氏固已自知,自改正矣。 縣。」然則非期思也。 則非夢國也。 思縣。」《水經注》: 改錯》云:「孫叔,蔣之期思人。 一年「楚令尹蔿艾獵城沂」,杜注云: 「蔿敖、字孫叔。 《左傳》宣十二年晉隨武子曰:「蔿敖爲宰,擇楚國之令 與其信諸子也,不如信傳。」孫氏星衍《孫叔敖名字考》 文五年《傳》「楚滅夢」、杜注:「夢,今安豐蓼 總之、《左氏》「萬敖」一言,可爲萬氏之確 服虔注《左傳》云:『艾獵,萬賈之子孫 「期思縣、故蔣國 下文參曰「孫叔爲無謀矣」,下文又云「孫 古人名與字配 判然二地,毛説非是。」按:毛氏《四 則其爲一人,爲爲氏,實無可疑。 其地與蓼近。」又云:「蔣 孫 ,周公之後,楚滅之。**』**然 敖 弗 「孫叔敖也。」十二年 當讀爲遜 》及《四書索解》, 欲」, 加字於名上 與敖 余按,宣 相 叔 敖 高 力 盧 書

人販

牛肥,何

皮買奚,使將鹽車往。

賣,初非

二事。

《説苑》:「秦穆公使賈人載鹽,賈人以

五

穆公視鹽,見牛肥,曰:「任重道

遠

商君傳》舉之牛口之下之説,故以市爲贖買。

大抵養牲

以身。」穆公知其賢,以爲上卿。」然則百里奚爲人養牲,即

以養牲言則曰舉之牛口之下,以販賣言則曰

舉

也?」奚對曰:「食之以時,使之不暴。

有險,

言舉於贖買間也。」按,毛氏信《秦本紀》贖奚之説,不信 按,字書,市訓買,贖亦訓買,故市貨稱贖貨。「舉於市」 周氏柄中《辨正》云"「毛大可云"「食牛養牲在田宅而 高誘注《吕氏春秋》云「孫叔敖、楚大夫萬賈之 服虔、杜預以萬敖萬艾獵爲一人,與 漢碑以爲名饒,饒與敖音相 曰:奚事詳見《萬章上》 碑云字叔敖則誤。」謹 先之 敖 爲 非 乃 以 於 而 羊 販 相 爲 二句 易 也。 以 首陽山矣」,注云:「空,乏也。」空即是乏。空乏是無資,故 禮 奚,因以説秦穆公,此正好事者所造自鬻於秦以干秦穆公事 周氏以爲販牲於市,固爲臆説,《説苑》言賈人以五羊皮買 市,非有二也。」謹 不順,從之言順也,故以「戾」釋「拂」而解之以「所行不從 「言之則拂心逆指」,注云: 能拂道理之數」,高注云: 無食謂之困。」《後漢書・賈逵傳》云「屢空則從孤竹之子 秋·季春紀》云「振乏絶」,高誘注云:「行而 志,外而筋骨,皆統之以身,故以「勤勞其身」解「苦其心 也。」趙氏以苦即是勞,以 勤也。』《文選・東京賦》「輿徒不勞」,薛 ○正義曰:《爾雅·釋言》云: 也,孟子所斥之矣。 而 懼 「絶糧」解之。 也。 「所爲」即「所行」,所行拂戾,於是「亂其所爲」矣 地官・遺人》疏引《書傳》云: 邇也。」故以「驚」 説卦傳》云:「震,動也。」《彖傳》云: 餓則羸瘠,餓其身體則瘠形於肌膚矣。 空乏猶乏絶也。 按: 閻氏説已見前。 釋「動」。 毛 氏訓 「勤」釋「勞」,即釋「苦」。 「拂,戾也。」《漢書· 「拂謂違 「降,下也。」《釋詁》云: 市 《 文 選 • 《淮南子・主術訓》云「豈 爲買,與 「行而無資謂之乏、居 戾也。」拂戾則逆, ○注「言天」至 高唐 閻 「震鷩百里,驚遠 綜注云:「勞,苦 無資日 氏 賦》「使 説 杜欽 《吕氏 同 乏。」《周 内而 能行 是 勞 逆

篇。 也。

○注「百

里至

相

也〇正

義

近、當據古書

有作孫

叔饒者而言。

古人事迹非

可

臆

斷。

右諸説各有所是,故備録之。

孟子言「舉於海」,則與「期思之鄙人」近,毛氏之説未可

此知《世本》之説最古,可從矣。

世本》異。

敖字孫叔,既

兩見《傳》文,何得又名艾獵?

稱叔,宜尚有兄矣。

子」是也。 叔敖之兄。

萬賈蓋有二子:一萬艾獵,一萬敖,字孫叔。

叔

曰進之」,可證

孫

叔爲敖之字。

孔穎達

引《世本》,艾獵

不在市,以市宜販畜,不宜牧畜也。

舉市與《史記》贖奚正

彊韌之木。」孔氏正義云:「檀材可以爲車,故云彊韌之木。」 也。 能任其性,則將戕賊其性,滅亡其性,而違仁矣。堅者,彊 性 不違仁」,趙氏洵通儒也。 孟之忍性,以性爲嗜欲 於違其性也; 惡,故楊倞注云: 修。」《非十二子》篇云:「忍性情,綦谿利跂。」《荀子》以 子·儒效》篇云:「志忍私,然後能公,行忍性情,然後 趙氏「堅忍」之義。 止 蓋忍原有兩義,段氏玉裁《説文解字注》云:「忍之義,堅行 而後能仁,是孟之恉也,趙氏得之。 不可混。 自任,不使爲外物所誘,喪其仁以失其性,是爲「忍性」。 彊韌-説文》心部云: 能,任也。」孟子道性善,仁義禮智生於心,即本於性,「任其 即「仁以爲己任 敢於殺人謂之忍,敢於不殺人亦謂之忍。」荀子忍性,敢 《毛詩 即「彊忍」,謂其材性能勝任,不易損壞也。 亦云:「動, 違其性 ・鄭風・ 孟子忍性,敢於任其性 「忍,能也。」能與耐同。 而後能修,是荀之恉也,楊氏得之,任其性 「忍謂違矯其性也。」孟荀同言「忍性 鷩 趙氏以 也。 將仲子兮》「無折我樹檀」,傳云: 也。」《廣雅 血氣而持之禁之,非孟子之義,亦失 故云「堅忍其性,使不違仁」。 《音義》云: 「堅忍其性 性殊善惡,則忍判從 釋言》云:「忍,耐 也。 「張云:「曾與增同。」 解 《廣雅 「忍性 或以荀之忍性爲 釋詁 而 以性之仁 申 以 若不 性爲 檀 也。 而 《荀 違。 使 能 義

《荀子 篇云: 能矣。 福,一 若屈 也。 丁云: 誤,因致愆咎,故「不得福」。「更」即 而後 其不忍之心而任其安天下之性,故向有所不能者皆增 正 於禮繆」,注云:「繆,誤也。」是「繆 過作則暴」,注云: 戚商歌,桓公異之。 繆思過行,不得 後作,徵於色,發於聲,而 所不能行」者即仁也,因己之勞苦空乏推之於人,則 爾雅 ·舟不能陸,車不能浮,然更相載。」〇注 義 曰: 更改即能得福,是以不能爲能也。 作爲奇計異策,憤激之説 木 原憔悴,漁父見而怪之,發於聲 「以其所能托其所不能 『依注曾讀當作增,依字訓義亦通。』」按: 趙氏謂「 大略》篇云:「患至 釋詁》云:「恒 人恒過,然後能改。 瘁於心。 《廣 雅 釋 福, 「過猶誤也。」《仲尼燕居》云「不 衡,横 言》云: ,常也。」《禮記 然後乃 疏注「人常」至「能也」〇正 也。 而後慮者謂之困。」《毛詩 | 困,| 悴 ,若舟之與 更其 横 塞其 也。 即即 後 困 改 也。」 樂記 所爲,以不 於心, 喻。 也。 過 「困瘁」至「説也」( 《吕氏春秋·不廣 徵 慮 車。」 悴與 也。  $\stackrel{>}{\mathbb{Z}}$ 而 驗 於智臆之中 始以繆而 注人常 衡於 後 高 見 瘁 過 思誤 喻 於顔色 誘 古 能 制 能 注 義曰: 有 深 詩 慮 則 爲 以 不得 則 以 益 亂 陳 雷 能 有 而 行 素 而

猶横 爲人所誚讓,然後乃儆悟通曉也,此則過之暴著於人者。 善也,此過之窮蹙於己者,「徵色」謂爲人所忿嫉,「發聲」謂 是則趙氏所云「憤激之説」邪? 此 也。 注云: 通解「作」爲「興起」,謂心之謀慮阻窒不通,然後乃奮興 侯之威,謀臣之權,皆欲決於蘇秦之策,則所謂「奇謀異策 朞年,揣摹成用,説當世之君。 而 世家》云"「封平以户牖鄉,用其奇計策,卒滅楚。」趙 歸與呂尚陰謀修德以傾商政,其事多兵權與奇計。」《陳丞 横」,注云: 云: 風》「衡門之下」,傳云:「衡門,横木爲門。」《考工記・弓人》 說難》、《孤憤》。《詩》三百篇,大抵聖賢發憤之所爲作也。 作爲奇計異策」指此類與? 塞」釋之。 人皆意有所鬱結,不得 歸事,夜發書伏 「徴驗」至「怪之」○正義曰:《書・洪範》云「念用庶徴」, 《太史公自序》云:「屈原放逐,著《離騷》,韓非囚秦, 「夫孝,置之則塞於天地,衡之而衡於四海。」注云:「衡 也。」是「横」與「塞」義相 「衡,古文横,假借字也。」《大戴記・曾子大孝》篇 《史記·齊太公世家》云: 「横、充也。」充亦塞也。 誦,引錐自刺 通其道也,●故述往事,思來者。」 近。《禮記・樂記》云「號以 云「憤激之説」,似指蘇秦去秦 當時天下之大,萬民之衆,王 然儀、秦事孟子羞稱。 其股,可 故讀「衡 「周西伯昌之脱羑里 謂 爲 困 心横慮」矣。 「横」而又以 近時 而 氏 爲 謂 相 立 0

造。 鄭氏注云: 從,乃爲人僕,將車宿齊東門之外。 郊迎客,夜開門,辟任車,爝火甚盛,從者甚衆。 遊於江潭,行吟澤畔。 楚,即此《碩鼠》三章,疾歌而爲商音也。 爲歌《碩鼠》。 車下,望桓公而 自進、於是爲商旅、將任車以至齊、暮宿於郭門之外。 之。」王逸注云: 操》,則别有「商歌」,云「南山矸,白石礀」云云,則後人所僞 而商歌甚悲,桓公異之。」趙氏所本也。 曰: 「異哉! 曰:《吕氏春秋·舉難》篇云:「甯戚欲干齊桓公,窮困 入則無法家拂士,出 「徴,驗也。」《楚辭 之歌者、非常人也。」命後車載之。」高誘 《列女傳· 悲,擊牛 「怪屈原也。」○注「發於」至「異之」○ 顏色憔悴,形 辯通》篇云: 角 疾歌。 漁父》第七云"「屈 則 桓 無敵國外患者 桓公因出, 甯戚擊牛 容枯 公聞之,撫 「甯戚欲見桓公,道 「商歌 《藝文類聚》引《瑟 槁, 蓋蓋 漁 甯戚飯 其僕之手 父見 謂其音 原既 桓公 而 牛居 無以 注 正 放 國 問 悲 角 無

外 人謂國内也,無法度大臣之家,輔 恒 也,無 然後 敵國可 知生 難,無 一於憂 外 患可憂。 患 而 死 則 於安樂 拂之士; 凡庸之君 也。 出 騎 謂 注 慢 或

) 「道」,原誤作「通」,今從沈校據《史記》改。

荒

怠,國常以

此

亡也。

故知能

生於憂患,死於安樂

姓

七二二

医過而 也。 輔 記 桁 危,除君之辱,功伐足以成國之大利,謂之拂。」《説苑 道》篇云:「有能抗君之命,竊君之重,反君之事,以安國之 其端乃從懾魯勝 竹林》篇云: 達,以「死」爲「亡」究爲曲説。 知能可言生不可言死,故以「死」爲「亡」,謂「死於安樂」即 爲智,故以「知能」明之,即「德慧術智恒存乎疢疾」之義。 字,云:「言憂患者以生全,安樂者得死亡也。」」趙氏讀 義 以 輔 安樂怠惰,亡其知能」。 氣而 費从弗聲,同拂,故假借拂也。 曰:《音義》出 也。」重文作費。 》篇引此文,拂作弼。 拂之士」〇正義曰:《音義》云:「拂音弼。」《荀子 保傅》篇載此文,上二拂字作弼。《説文》弱部云: 死,亡 諫邪者,謂之拂。 無敵國以興患也。 也。 「深本頃公之所以大辱,身幾亡國,爲天下笑 衛起。 「知生」字、云:「丁依注音智、注同。 安樂怠 手部云: 《賈子·保傅》篇云: 伐魯,魯不敢出,擊衛,大敗之。 然揆經文之意,「然後」二字終不可 拂者,拂天子之過者也。」《大戴 故曰: 「得志有喜,不可不戒。」此 惰 「拂,過擊也。」然則弼爲本字, 陸氏讀如字是。 使 人亡其 ○注「故知」至「能也」○正 知 「潔廉而 能 《春秋繁露 也。 切 陸如 疏 丽 · 臣 . 知 直 因 乃 臣 是 注

> 之義。 是福之本生於憂, 其效也。 問 疾弔喪,外敬諸侯,從會與盟,卒終其身,家國 自是後頃公恐懼,不聽聲樂,不飲酒 而 禍起於喜也。」此 正發明《孟子》此 食肉, 内 安康。 愛百 文

感激,乃奮其 章 指: 言聖賢 慮。 凡人佚樂,以 困 窮,天堅 一其志, 喪 知 次賢

賢愚之敘也。

《爾雅·釋詁》文。 之。其人感此,退自修學 予,我也。 也者,是亦教誨之而已矣。」注教人之道多術 云:「屑,潔也。」 道 也。 孟子曰:「教亦多術矣。予不屑之教誨 疏注 屑,絜也。 「予我 「屑,潔」,詳見《公孫丑上》篇。 也 我不絜其人之行,故 屑 絜也」〇 而爲仁義,是亦我教 正義曰:「予,我 不 《方言 教 誨之 也」, 誨

歸殊塗,成之而已。 厲之,能者以改。 章指:言學 而見賤,耻之大者,激 教誨之方,或折或引, 疏「或折或引」○ 正義 曰: 同 IIII

孟子正義卷二十五終

姪廷琮廷弼校字

折一本作抑。

屈也。」「引」謂引而信之也。「或折或引」即「或屈或信」。《戰國策・西周策》云「則周必折而入於韓」,注云:「折,

## 七一四

## 孟子正義卷二十六

江都縣鄉貢士焦循譔集

孟子卷第十三

也。 之君也。」《淮南子・原道訓》云:「夫心者,五藏之主也 受令。」《春秋繁露·循天之道》篇云:「凡氣從心,心,氣 小 之執持維綱以正二十八舍者,北辰也。 爲精氣主,思慮可否,然後行之。 盡 解蔽》篇云:「心者,形之君而神明之主也。 曰:「北辰居其所而衆星共之。」心者,人之北 心章句上凡四十七章。注盡心者,人之有心, 題篇。 疏注「人之」至「法天」〇正義曰:《荀子・ 苟存其心,養其性,所以事天也。 猶人法天。天 出令而無所 故以「盡 《論 語 辰

乎? 也; 事之門户者也。」《精神訓》云:「是故血 之推行; 持舌繩也。」執、持、維、綱四字同義。 持也。」《儀禮·鄉射禮》云「下綱不及地武」,注云: 林》云:「維,持也。」《詩·周頌》「執競武王」,箋云: 繋」,王逸注云: 其運轉而不能自止邪?」《楚辭・天問》篇云「斡維焉 居無事推而行是? 意者其有機緘而不得已邪? 與由通。 之境而行之不僻」即「思慮可否,然後行之」之謂 盛而氣不散矣。」此「心爲精氣主」之説也。「馳騁於是 乖,則敦志勝而行不僻矣,敦志勝而行之不僻,則 聽視遠矣。 越,則胷腹充而嗜欲省矣,胷腹充而嗜欲省,則耳 而以「執持」釋「維綱」。《莊子》以天之運轉,孰維綱而使 法則也。❶《莊子·天運》篇云:「天其運乎? 而五藏者,人之精也。 日月其争於所乎? 趙氏以天之運,其所以維綱者北辰,而 所以然者,由人之性善,故其心能變通,以 耳目清、聽視遠謂之明。 「維、綱也。」《文選・長笛賦》注引《字 孰主張是? 夫血 氣能專於五藏而不外 趙氏取《莊子》此文 五藏能屬於心而 孰維綱是? 氣者,人之華 地其 也。 引 自 意者 執 天爲 綱 精 《論 孰 處 非

❶ 「也」下,據疏例當有「○注天之至天也○」六字。

所以制使四支,流行血氣,馳騁於是非之境而出入於百

次,而 星。 問 邵氏晉涵《爾雅 十八舍,東西南北分主四時,正四時即正二十八舍矣。 四時。」趙氏本於此,故謂「正二十八舍者,北辰也」。二 之云「北極謂之北辰」,孫炎注云: 胃、觜、參,於南止有柳、蓋舉其宜釋者,餘從略也。 畢、觜觽、參、爲西方白虎之宿、東井、興鬼、柳、七星、 也。 張、翼、軫,爲南方朱鳥之宿。《爾雅》於北缺危,於西缺 女、虚、危、營室、東壁,爲北方玄武之宿,奎、婁、胃、昴、 營室、東壁也。 顓頊之虚,虚也,北陸,虚也。營室謂之定。娵觜之口, 津,箕、斗之間,漢津也。 根、氐也。 謂從角至軫。」《爾雅・釋天》云:「壽星,角、氐也。 位」。《秋官・ 論 語》以證之。 語》所謂北辰,2《周髀》所謂 角、亢、氐、房、心、尾、箕、爲東方蒼龍之宿、斗、牛、 濁謂之畢。 「斡維 繼以北辰者,以其爲衆星 天駟,房也。 焉 《周禮 繋? **硩蔟氏》「掌二十有八星之號」,注云:「星** 正義》云"「《爾雅》約舉二十二舍十二 降婁,奎、婁也。 味謂之柳。 天極焉加?」戴氏 春官・馮相氏》「掌二十有八星之 星紀、斗、牽牛也。玄枵、虚也。 大辰,房、❶心、尾也。 析木之 柳,鶉火也。」此二十八舍之 正北極,步算家所謂 一所拱 大梁,昴也; 「北極,天之中,以正 震注 也。」屈原賦《天 云:「天極 西陸, 昴 而承 天 不 0 0

> 忒 也。 度奇,元郭守敬測離三度奇矣。」趙氏以心比北 蕃、陸續皆以紐星爲不動處。 動處,亦曰赤道極,是爲左旋之樞。賈逵、張衡、蔡邕、王 體五官等比二十八舍。二十八舍聽令於北辰,則 四體五官聽令於心,則善而不惡。 引 《論語》,在《爲政》第二。 梁祖 暅 測紐星離不動 法天即所以事天 辰,以四 Œ 處 而 不

也,即天之北辰「執持維綱以正二十八舍」也。《吕氏春秋 仁義禮智之端原於性而見於心。 注云: 矣。 可否,然後行之」也。 惟心爲正。人能盡極其心以思行善,則可謂知其 性,則知天矣。 「善者也」〇正義曰:《禮記・表記》云「義者,天下之制也」, 知其性,則知天道之貴善者也。 「制謂裁制。」人之心能裁度,得事之宜,所以性善,故 孟子曰: 「盡其心者,知 注性有仁義禮智之端,心以制之, 「惟心爲正」謂心能裁度以 「心以制之」即所謂 其 性 疏注 也。 正四體五官 性 知其 有一至 「思慮 性

<sup>「</sup>房」,原無,今從沈校據《爾雅》補。

<sup>「</sup>辰」,原誤作「極」,今據《屈原賦戴氏注》及《論語》改。

之德。 天道 善。 明 矣。 思行善者」, 謂 行善」,故「極其心以 也。」《禮記· 矣。」天人道德靡不豁然於心, 化 然者,秉之以協於中,達於天下。 自然之極致也 於必然,適全其自然,此其爲自然之極致。 原於天地之德者也,是故在人爲性之德。 天道,在人,咸根於性而見於日用事爲,爲人道。 資之以養,所謂性之欲也,原於天地之化者也。是故在天爲 者,知其性也。 蒸民,有物有則。 極 知其性之善也。 理 知其必然, 趙氏之義如此。 惟不知己性之善,遂不能盡極其心,是「能 》篇 而 盡 性 語於無憾,是謂 也。」 云 之欲,其自然之符也,性之德,其歸於必然也。 <u>「</u> 知其性之善也; 大學》篇云「是故君子無所不用其極」,注云: 故「盡其 ,民所秉也。 帝三王之於樂盡之矣」,高 斯通乎天地之德。 知其性,則知天矣。」耳目百體之所欲 民之秉彝,好是懿德。」凡動作威儀之則, 「天道貴善」,特鍾其靈於人,使之能思行 思行善 (心)即 戴氏震《原善》云:「孟子曰:「盡 天德,由性之欲而語於無失,是謂 自然者,散之普爲日用事爲, ,則可謂知其性矣」。 極其心」。 知其性之善,則知天道之好善 故 曰「盡其 知其 故曰: 自 性之善在心之能 然,斯 斯二者,一 心。一存其 「知其性 誘 《詩》曰:『天生 注 通乎天 盡 굸 「知其性 仁義之心 極 一盡 則 也。 其 心, 知天 地之 血氣 心以 其 一思 歸 性 必 極 心 由

乎? 性,可 於盡人之性,盡物之性,而心盡矣。 歲矣。」又云:「《傳》稱邵公百八十。」此「壽若邵公」之説 二心也。」昭公二十八年《左傳》云「心能 之身,物則即具於吾之心。 程氏瑶田《論學小記》云:「心者,身之主也。 矣。 之言二也。」《國語 其身以待天命,此所以 改易其道。 惟仁是與。 養 九,髮盡白,蚤 而已」,不改易也。 人之行,一度而已。 貳,修身以俟之,所以立 《論衡 本也」〇正義曰: 其 邵公,周公之兄也。 曷爲而 氣壽》篇云: 性, 謂仁人。 所 可 行與天合,故曰 殀若顔淵,壽若邵公,皆歸之命。 死。 以 ·謂之盡其心也? 《禮記 天道好生,仁人亦好生。 事 ·周語》云「百姓攜貳」,章昭注云: 《史記 孔子哭之慟。」 「周公居攝 天 雖見前 至 也; • 仲尼弟子列傳》云: 立命之本也。 王制》云「喪事不貳」,注云: 而以爲吾之性如是,而 康王之時尚爲大保 注 命 人或殀或壽,終無二心, 「所以 七年,復政退老,出 由 能 此「殀 也。」注貳,二也。 是非先有以知其性 盡己之性而充極 存 事天」。 制 其 若 義曰度」。 疏注「貳一 心,養 萬物皆備 顔 天道 淵 出 「回年二十 殀 心可 人百 一之説 育 人百歲 「一度 壽 無 修 其 於吾 「貮 不 不 有 貢 也 不 正 正

功。 其性 性而 具之性 下皆歸於善。 肖,而聖人盡其心以存之養之。 贊天地之化育,所以成天之能,猶人臣贊君之治以成君之 不過「存其心,養其性 知天,知天而 命 ; 也。 天地、贊化育之能。 必能居仁由義以盡其道。 母生我以身而不毁傷其身者,能事親者也, 不存乎? 也。 程氏説是也。 知天非二事,亦無二時 也,天之分與我者也。 通變神化」。 聖人事天猶人臣事君也。天之命有殀壽窮達智愚賢不 而殀壽不貳,修身以俟之矣,豈非所以立命乎!」按: 夫然後天之所以與我以爲性 能不放之不戕之,非所以事天乎? 曷 ,則必其明物察倫以致其知者,既詳且盡,而見之於行. 前 知乎爾? 不存則放。 因 盡其心以教之,即所以事天。 以 天之命雖有不齊,至是而皆齊之,故爲立命知 「盡其心」即伏羲之「通德類情」,黄帝堯舜之 惟知人性之善,故盡其心以 盡其 格 任則至重也,道則至遠也,死而後已者 心 物以致其知,斯能窮盡物則以知 也。 夫然而性可不養乎? 也。 性不異乎天,而天豈異乎性? 然則盡其心者,知其性也。 而其功之盛,必將有以馴致夫參 盡其性以盡人之性,盡物之性。 知其性則知天矣。 存之養之即所以脩身, 而具於心者,是我所受之 故苟能存其 教之。 所以盡其心者 天分我以 不養則 夫然而 知性即 夫是性 〈心而 戕。 其 知 使天 心 心 心 性 父 是 眷 與 可 所

> 於命也。 性,知天窮理也。 《孟子》此章,發明易道 盡其心以存之養之脩之,盡性也。 也 立命

至

禍 福、秉心不違、立命之道、惟是爲珍。 章指:言盡 心竭性,所 以 承天。 殀

壽

三命中 終無非 無也。 牆之下,或桎梏而死,是即死於非命, 受其正,即是不知 不可非命而死也。 下「非正命」。 受命,行善得惡曰遭命,行惡得惡曰 也者,自取之也。」非· 無聲相近,趙氏以「無」釋「莫」是也。「非」「命」二字相連,即 命爲受其正也。 **詩** 三命之説、《音義》云:「丁云: 周頌 孟子曰:「莫非 惟 命,蓋以命有三名,人之終不出乎受命、遭命 人之終,無非 「行善得善」 時邁》「莫不震疊」、《韓詩》云: 《韓詩外傳》云:「孔子曰: 命。 順受其正,乃爲知命。 命二字與此同。 疏注「莫無也」至 乃爲順受正。 如是則通章一氣貫注。 命 也。 命也,順受其正。 命有三名: 三命事 揆諸孟子之恉,固 莫非命,禁戒之辭,謂 死於非命,即不 īE 不知命,或死於巖 人有三死 隨 也一〇 「莫,無也。」莫 行善 出 命。 趙氏謂 《孝 īF. 惟 得 經援 注 莫, 而 義 善 順 不如 人之 能 非  $\exists$ 命 受 神 順 命

是。

報 正 恐 禍 故 日 遭 使民務仁立義,無 隨 行。 M 命 正 通 曰 稟己自得吉也。 沙 「命矣夫,斯人也而 一科以 心厭覆 命者, 命 日 鹿崩於受邑是也 命者,隨行爲命,若言怠棄三正,天用剿絶其命矣。 也 以 義引《孝經援 一个 正 ,合諸受命之年壽,而以惡報獨爲隨 故 『説命有三,一 滴暴 隨 壽命者,上命也。 命。 隨 而 E 按: 本之以修身, 記 也。 命。 命謂隨 乃 逢世殘賊 遭命。」《白虎通》、《論衡》小 驗 有隨 隨 下節注 盡 遭 命者,戮力操行 禮 有 命者,行 修身之道以壽終者,得 其善惡報之。」《白虎通 記 命以督行。 神契》云: 壽 性  $\Xi$ 滔 ,若上逢亂君,下必災變暴至,天絶人命 !然骨善 曰正命,二曰 有斯疾也!」」《論 命以保度,有遭 則仍 祭 天,滔 冉 「知命者欲趨於正,故不立巖牆之下, 若言文王受命惟中身,享國五十年。 法 善得惡, 伯牛 行善得善之義。 注 「命有三科 ,故不假操行以 天則司 受命謂年壽 而吉福至,縱情 云: 危言正 非 隨命,三日 所冀望 司 命 命 行 有異同,趙 正命 舉過,言則 命 衡 以 命。 有受命以 而遭惡疾,孔 也 主 命義》篇云: 遇 壽 求 逢 蓋 遭命謂 督 [遭命。 也。」此以壽終爲 《論衡》全本《孝 暴,有隨 命》篇云: 施 福而吉自至,故 遭於外 分隨 察三 欲 氏與《白 用以 任慶, 而 命中之善 正 行善 命。」孔 M 命謂 子 命 而 弊之。 命 禍 又欲 以 得 有 日 而 「傳 到 虎 M 本 應 有 遇 遭 氏

敢畏。 티: 而死, 티 : 不死於非命也, 死,故知子在以畏而死則不可死,故顔子不 點使曾參過期而不至,人皆見曾點曰: 覆也。 相比,「回 孔子畏於匡。」注 也。」注畏云: 檀弓》云: 死 船。」厭即壓覆也。 命 知 經 孟子》此文與「子在回何敢死」相發明。 非 者 緯 也 命 Ï 『彼雖畏,我存,夫安敢畏?』孔子畏於匡 『吾以汝爲死矣。』 顔淵曰: 淡 即《檀弓》「死 者不立乎巖牆 立巖牆之下恐其 命」也。 非 盡脩身之道以壽終者,爲 年 注 何 「死而不弔者三,畏、厭、 壽 正 敢死」正是 知命者欲 得 「人或時以非罪 命 諸 口 厭云: 疏注「畏壓」至「命也」○ 也。二淮 自 .何敢死者,大賢知命,不死於非命也。 《吕氏春秋· 而不弔」之畏矣。 然,不 趨 回 「行止危險之下。」注溺 壓,壓 之下。 [何敢 於正、故 畏壓 由 善 攻己,不能有以説之死之者。 段」。 而 子 孟夏紀 報 溺 死 溺。」注 與 不 盡 在,回何敢 死 猶畏 高誘注畏爲死, 以 趙 禮 得 立巖牆之下 其 「無乃畏邪?」 子在者,聖人知 畏 氏 勸學》篇云: 正 而 正義曰: 云:「謂輕 道 所 而死 爲 敢死,即曾子 死, 命 一,顔淵 而 不 異 云 死?」 也。 俱 书。 也 ,則子 死 《禮 爲 「不乘橋 後,孔 謂 身忘 者 恐 非 桎 是 故 一曾 必 兩 由 記 命 命 一曾 梏 壓 īF. 故 孟 安 不 子 點 老 畏 事 E

求,是知命也,仁義禮智天道必得志乃可施諸天下,所謂 死於桎梏,皆爲不知命。 其正也。 可以不窮而自致於窮,亦非知命也。 當窮而營謀以得達,非知命也,命可以不死而自致於死, 命」之説也。死生窮達皆本於天。命當死而營謀以得生,命 於天道也,命也,有性焉,君子不謂命也。」皆發明孔子「知 子也、義之於君臣也、禮之於賓主也、知之於賢者也、聖人之 四體之於安佚也,性也,有命焉,君子不謂性也,仁之於父 知天命」、「不知命無以爲君子也」,又云「死生有命」,又云 之莫。莫即無,無即毋。《説文》女部云:「毋,止之也。」「非 非命也。 子言不立巖牆之下,不桎梏而死,示人知命之學,不可死於 命」二字相連、「莫」字不與「非」字連也。 云"「口之於味也,目之於色也,耳之於聲也,鼻之於臭也, 云「殀壽不貳,脩身以俟之,所以立命」,此章又詳言之。又 道之將行,命也」,不得位則不施諸天下,所謂「道之將廢, 道之將行也與? 死於畏、死於桎梏、死於巖牆之下,皆非命也,皆非順 君子以行道安天下爲心,天下之命立於君子。 知命者不立巖牆之下,然則立巖牆之下與死於畏 故「莫非命」之莫讀如《易》「莫夜有戎」、「莫擊之」 命也。道之將廢也與? 命也」。孟子既 味色聲臭安佚聽之於命,不可營 故子畏於匡,回不敢 《論語》言「五十而 百姓 受 命

愚不肖囿於命,君子立命則盡其心,使之不愚不不肖。 直」者主之也。皆盡其心也。 耳目之命,「己溺己飢」者操之也, 仁義禮智之命,「勞來匡 之飢寒囿於命,君子立命則盡其心,使之不飢不寒,百姓之 死字。按,無者非。」 溺死」,閩、監、毛三本同。 下之飢寒愚不肖而不必盡其心,且自死於畏、自死於桎梏 受。聖賢知命之學如是。俗以任運之自然爲知命,將視 於己則俟命,於天下則立命。於正命則順受,於非命則不 以俟之」,而天下之命任諸己,所謂「盡心」,所謂「立命」也。 自死於巖牆之下而莫知避也。 廖本、孔本、韓本、《攷文》古本無 故己之命聽諸天,所謂「脩身 阮氏元《校勘記》云:「『畏壓 П 天 體

之疑,君子遠之。 章指:言人必趨命,貴受其正。巖牆

『求之有道,得之有命』,是求無益於得也,求在於我,我求則得,我舍則失。故求有益於得也。有益於得也,求在我者也,濯謂修仁行義,事孟子曰:「『求則得之,舍則失之』,是求

子・不苟》篇云:「操之則得之、舍之則失之。」《文子・符 궁 言》篇云:『求之有道,得之有命。』」 信於知己者,故須知己而後禄爵可得也。」翟氏灝《攷 正義曰:《史記 云「求無益於得也,求在外也」。 疏注「禄爵須知己」○ 命」也。 在外者也。」推謂賢者脩其天爵而人爵從之,故曰 求之有道」也; 兩「是求」字皆作 禄 爵須知己。 管晏列傳》云:「吾聞君子詘於不知己而 脩天爵者,或得或否,故言「得之有 讀。 知己者在外,非身所專,是以 其 (上二語: 皆 古語常言。 《荀 異》

子曰:「如不可求,從吾所好。」 章指: 言爲仁由己,富貴在天。故孔

焉。 司 實也。 成人已往。 誠,樂莫大焉; 徒》「以鄉三物」、《禮記・月令》「兼用六物」、注皆云: 疏注 孟子曰:「萬 反自思其身所施行能皆實而無虚 「物事」至「大焉」〇正義 皆備 知天下萬物,常有所行矣。 注 物, 物皆備於我矣。反身而 事 也。 E: 我,身也,普謂 《周 禮 ,則樂莫大 地 誠者, 官 人爲 物 大

故曾子曰:"「夫子之道,忠恕而已矣!」」段氏玉裁 禮 明,謂之忠恕可也,聖人仁且智,其見之行事無非仁, 我。 識已開 猶事也。」《爾雅・釋詁》云:「身,我也。」《説文》戈部云: 强勉以忠恕之道,求仁之術,此最爲近。 云"「實猶誠也。」强恕而行,求仁莫近焉。」注 高注云:「誠,實也。」《禮記・ 故云「常有所行矣」。《淮南子・説林訓》云「其郷之誠也」, 身,即指天下人人之身,故云「普謂人」。 人,未可語於仁,未能無憾於禮義,如 施於人者以恕,行事如此,雖有差失,亦少矣。 孟子曰:「强恕而行,求仁莫近焉。」蓋人能 戴氏震《孟子字義疏證》云:「《中庸》曰:「忠恕違道不遠。」 注云:「彊,勉 至「爲近」○正義曰:《淮南子・脩務訓》「功可彊成」, 「成人,既冠者。」「成人已往」,男子年二十已上也。 「我,施身自謂也。」《禮記・ 義,忠恕不足以名之。 未冠或童昏不知,既冠則萬事皆知矣。既知則有所行, ,故「備知天下萬事」。 也。」「反身而 然而 祭義》云「成人之道也」,注云: 誠 我本自稱之名,此我既指人之 非 禮運》云「此順之實也 即 有 忠恕之道也,宜 他也, 忠恕至斯 其才質所及,心 人有一身即人有一 出 於己者必 疏注「當自 凡未至乎聖 而 勉行之。 是 極 當自 文解 無非 高誘 二,注 一時知 知 所

其性? 日 聖人通神明之德,類萬物之情,亦近取諸身而已矣。 字注》云:「恕,仁也。 覺於善,人之情即同乎我之情,人之欲即同乎我之欲,故 此章申明「知性」之義也。 爲仁不外於恕。析言之則有别,渾言之則不别也。」謹按: 可謂仁之方也矣。』孟子曰: 己所不欲,勿施於人」,即「反身而誠」也,即「强恕而行 「萬物皆備於我矣。」「己欲立而立人,己欲達而達人」、 以我推之也。 我亦人也,我能覺於善則人之性亦能 從心,如聲。 知其性而乃盡其心,然則何以 『强恕而行,求仁莫近焉。』是則 孔子曰: 「能近取 也。 譬, 知

其中,仁之至也。 章指:言每必以誠,恕己而行。樂在

道可成君子,此衆庶之人也。 疏注「人皆」至「人也」〇 以爲善也。 施於大事;仁妻愛子,亦以習矣,而 仁義之心,日自行之於其所愛,而不能著明其 焉,終身由之而不知其道者,衆也。」注人皆 孟子曰:「行之而不著焉,習矣而不察 由,用也。 終身用之以爲自然,不究其 不 能察 知 可 道 有 以 推

同。 也; 習而能察者,君子也; 也。 之可見。 以 知道乎? 明《易》道也。 凡夫但能以仁義施於所愛之妻子而不能擴充推之於大事 所惑」,曹大家注云:「衆,庶也。」「衆庶」謂凡夫也。 子陽陽》「右招我由房」,傳云:「由,用也。」著、察、知三字義 庸》「言其上下察也」,注云:「察猶著也。」《毛詩·王風· 逸、高誘注並云:「察,知也。」其實察與著義同、《禮記 正義曰:《小爾雅 而化之,使民宜之」也。 庶但可使由,不可使知,故必盡其心,「通其變,使之不倦 所以不能爲君子,但爲衆庶也。 篇云:「安故重遷謂之衆庶。」《文選・幽通賦》云「斯衆兆之 極,蓋以「察」深於「著」,而「知」則察之極也。 云「孰察其撥正」、《吕氏春秋·功名》篇云「不可不察」, 王 能知道者,君子也,終身由之而不知其道者,衆庶也。 成之者,性也。仁者見之謂之仁,知者見之謂之知。 聖人知人性之善而盡其心以教之,豈不欲天下之人皆 趙氏以「不知其道」爲「不究其道」者,究之義爲窮,爲 《易·上繫傳》云:「一陰一陽之謂道。 所以「可使由之,不可使知之」者,則以行而能 「行」、「習」即「由之」也。「著」、「察」即「知之 •廣詁》云:「著,明也。」《楚辭• 行而不著、習而不察者, 衆庶 自首章以下,章雖分而義實相承,玩 按:《孟子》此章亦所以發 《説苑·脩文》 繼之者,善 懷沙》篇 也。 趙氏謂 中 百 衆 則 君

姓 身由之而不知其道」也,「百姓」即「衆庶」也,「道」即「君子之 則但使之行、習而不必責以著、察。 知其爲道也,此聖人知天立命之學也。聖人知民不可使知, 雖凡夫無不各以夫妻父子爲日用之常,日由於道之中而不 盡 以盡其心。 道」,「一陰一陽」者也。 責之天下之凡夫,失孟子之意矣。 日用而不知,故君子之道鮮矣。」「日用而不知」即所謂 其心,顯諸仁也,不能使知之,藏諸用也。 以先覺覺之,其不可知者,通變神化而使由之。 惟其性善,所以能由,惟其能由,所 説者乃必以著、察、知道 聖人定人道 終

用之,不知其爲寶也。 章指: 言人有仁端,達之爲道。凡夫

所羞耻也。 辱 惟口啓羞」、「或承之羞」,注並云:「羞猶辱也。」故下注以 羞,耻也。」《説文》心部云:「耻,辱也。」《禮記·緇衣》云 有耻」〇 釋「耻」,此以「羞」釋「耻」也。 《集解》引孔氏云:「有耻, 孟子曰:「人不可以 正義曰:《國語 《論 語》曰"「行己有耻。」疏注「人不」至 周語》云「姦禮爲羞」,注云: 無耻。 有所不爲也。」無耻之 引《論 語》在《子路》篇第 注人不可以 無

> 謂臣下所避以相代也。蓋「之」字之義訓變,《左傳》周史以 耻,無耻矣。」注人能耻己之無所耻,是爲改行 「之」。」按:此「無耻之耻」謂由無耻改變而適於耻。 變所適」,京房論卦有通變是也。 變爲《否》也。」棟謂:之猶適也,適則變矣。《繫辭傳》云「惟 羞耻也。 也」〇正義曰:「無耻」二字承上「無耻」,則「無耻 善之人,終身無復有耻辱之累也。 《後漢書補注》云:「《光武紀》注「秀之字曰茂」,洪邁 「漢高祖諱邦,荀悦曰:之字曰國。 惠帝諱盈,之字曰 .周易》見陳侯者,陳侯使筮之,遇《觀》之《否》。 改行」解之,正以之爲「之字」、「之卦」之之也。 無所羞耻而「之」於「耻」,是改無耻 避諱改文與卦變同,故云 疏注「人能」至「累 爲耻。 謂《觀》六四 」即謂 趙氏以 惠氏棟 日 無所 滿 從

必遠辱,不爲憂矣。 章指:言耻、身無分。獨無所耻,斯

之所耻爲也。今造機變穽陷之巧以攻戰者,非古之巧者,無所用耻焉。 建耻者,爲不正之道,正人孟子曰:「耻之於人,大矣! 爲機變之

增賦」,張晏云:「一切,權時也。」《路温舒傳》云:

 $\bar{Z}$ 

「敜乃穽。」然則王者攻戰之正道不用穽陷,故此「機變

攻城之機變,趙氏略舉「穽陷」

以概其餘耳。

**書** 

粊

此皆 誓

賢」。」

知穴之所在,鑿内迎之。」又有《備穴》篇,穴即穽陷也。

十斗以上,固順之以薄輅革,置井中,使聰耳者伏罌聽之,審

水濁非常者此穴土也。

穽陷之巧」非古之正道也。

《漢書・

翟

方進傳》云「奏請

「是以

獄 切

井,傳城足高地丈五尺,地得泉三尺而止,令陶者爲罌,容四 蟻附、轒輼、軒車,凡十二。」又云:「問穴土之守邪,若彭有 爲「大人」矣。正人之所耻必是不正,故云「爲不正之道,正 所耻爲」。《章指》云:「不慕大人,何能有耻?」固以「正人」 止言爲雲梯一事;尚有其八。《備城門》篇云:「禽滑釐 人之所耻爲」也。 《墨子・公輸》篇云「公輸盤九設攻城之機 疏注「耻者」至「之心」○正義曰:《易・彖傳》每以「正大」 正道也,取爲一切可勝敵也,宜無以錯於廉耻之心。 「正」、「耻之於人大矣」猶云「耻之於人正矣」,故云「正人之 今之世常所以攻者、臨、鉤、衝、梯、堙、水、穴、突、空洞、 急壍城内,穴直之,穿井城,五步一 九設攻城之機變,篇中 趙氏以「大」之義近於 吏專爲深刻,殘賊而亡極,媮爲一切,不 至「名也」〇正義曰: 阮氏元《校勘記》云: 「注意謂取法平 耻不如古之聖人,何有如賢人之名也? 必指攻戰言之。不耻不若人,何若人有?」注 爲之,是不以不正爲耻,非正人矣,故云「宜無錯於廉耻之 不計正不正也。正人既以不正,爲耻,此非古之正道而 「一切猶權時也。」此云「一切可勝敵」,謂權時 客兵遠來,糧食不足,故數挑戰以徼一 上乃得乎中 近時通解、「機變」 謂機械變詐。按:《淮南子・原道訓》云 心」。《音義》云:「錯,音措。」《説文》手部云:「措,置 「媮,苟且也。 故機械之心藏於胸中」,高誘注云:「機械,巧詐也。」是不 也。 切,權時也。」《後漢書·王霸傳》云: 閩、監、 毛三本「聖人」、「賢人」並 切之勝。」李賢注云: 顧國患。」如淳云: 取勝敵而已 疏注「不耻 作「聖 「蘇茂 也。 荷且

變」,故以「機變之巧」指「攻戰」言。

連言,大之義爲長,正之義亦爲長。

十三年叔向曰:「齊桓,衛姬之子也。 慕虞舜,仲尼嘆「庶幾」之云。 以隰朋愧不及黄帝,佐齊桓 云」〇正義曰:周氏廣業《孟子章指攷證》云:「《左傳》昭 章指:言不慕大人, 何能 以 有鮑叔牙、隰朋以 疏「隰朋」至「之 有勳; 有 耻 顔 是

七三三

爲佐。』《列子・力命》篇: 云 與《列子》同。《文選》張華《勵志詩》「隰朋仰慕,予亦何 其不若黄帝而哀不己若者。』又見《莊子·徐無鬼》篇, 國而可? 亦可爲慕舜之證。」 也?」五帝三王皆聖,顏淵 庶幾。」「孔子曰回也 殆庶幾乎」,虞翻注云:『幾者,神妙也。 秦西漢,故趙氏據以爲説。 《新書》所謂「中主者齊桓公」是也。 若者。』高誘注:『醜其德不若黄帝。』又《管子・小匡》篇 人」,李善注引作《莊子》是也。又《吕氏春秋・貴公》篇 「於諸侯使隰朋爲行」,尹知章注:「行,行人也。」賈誼 「隰朋之爲人也,上志而下求,醜不若黄帝而哀不己 王充《論衡》: 《説苑》: 對日: 隰朋可。 「管仲治内、隰朋治外。」數書皆出周 其庶幾乎』,孔穎達亦云: 「顏淵曰:「舜何人也? 獨 「管夷吾有病,小白問惡乎 其爲人也,上忘而下不叛,愧 易 慕舜者 · 繫辭傳》『顔氏之子其 ,知己步驟有同 得管仲、隰朋,則 顔子知微,故 顔子 「庶 予何人 也。」 屬 殆 九 文

自卑,若高宗得傅説而稟命。 疏注「樂善」至「稟命」〇 孟子曰:「古之賢王好善而忘勢,注樂善

乃退 故洗耳。』巢父曰: 『子若處高岸深谷,人道 長 者云: 忘也。 《學記》《緇衣》等篇引《兑命》曰,鄭氏注云:「兑,當作説,謂 三篇也。 四方、余恐德之不類、兹故不言。」如是而又使以象夢求四 令也,若不言,是無所稟令也。 河徂亳,於是乎三年,默以思道。 殷高宗之臣傅説也,作書以命高宗。」《國語 由洗耳、問其故、對曰: 皇甫謐《高士傳》云:「許由,字武仲。 疏注「若許由洗耳」○正義曰:《史記・伯 道而忘人之勢。 之賢聖,得傅説以來,升爲三公,而使朝夕規諫。」」「稟命」即 正 稟令」,趙氏本此也。 白公子張曰: 昔殷武丁能聳其德,至於神明,以 義曰: 由不欲聞之,洗耳於潁水濱。 一而遁於中嶽,潁水之陽、箕山之下隱。 堯讓天下於許由,許由不受,恥之,逃隱。」《正義》引 樂道守志,若許由洗耳,可謂 傅説詳見《告子下》篇。 但此三篇伏氏、孔氏皆無,惟《禮記·文王世子》 注何獨不然,何獨不有所樂有所 古之賢士何獨不然? 「堯欲召我爲九州長、惡聞其聲,是 武丁於是作書曰: 時有巢父舝犢欲飲之,見 卿士患之曰: 云「稟命」者,蓋謂 堯聞,致天下而讓焉。 夷列傳》云: 忘人之勢矣。 堯又召爲九州 不 通,誰 楚語》云: 入於河,自 王言以 以 樂其 傅 能 余 一説 説 見 方 出

故王公不致敬盡禮 子故浮游、欲求其名譽、汙吾犢口。」牽犢上流飲之。」 ,則不得亟見之。 見且· 由 曰:《易・屯》初九傳文。

子 ?

見之乎? 夷非其君不事,伊尹樂堯舜之道,不致敬盡禮,可數 疏注「亟數也」〇正義曰: 不得亟,而況得而臣之乎?」注亟,數也。 作者七人,隱各有方,豈 《音義》云:「亟,去吏切。 可 得而 臣之? 若伯 數,

儀封人、楚狂接輿也。」《義疏》引鄭氏注云:「伯夷、叔齊、虞 曰:《論語 數亦急也,非有二義。」○注「作者七人隱各有方」○正義 分入聲去聲,人之訓「急也」,去之訓「數也」,古無是分別 音朔。」《説文》二部云:「亟,敏疾也。」《爾雅 作、爲也。 數,疾也。 · 憲問》篇云「作者七人矣」、《集解》引包氏曰: 爲之者凡七人,謂長沮、桀溺、丈人、晨門、荷蕢、 疾,速也。」段氏玉裁《説文解字注》云:「今人亟 · 釋詁》云:

吏,丈人、沮溺隱於耕,接輿隱於狂,是亦各有方矣。 者,荷蕢、楚狂接輿,辟言者。七當爲十之誤。」此云「隱 仲,辟世者,荷蓧、長沮、桀溺,辟地者,柳下惠、少連,辟色 有方」,謂 辟 世辟 地辟色辟言之不同,而晨門、儀封人隱 於 各

也,樂道忘勢,不以富貴動心之分也。 章指: 言王公尊賢,以貴下賤之義 各

> 崇所尚 則 不 虧 矣。 疏「以貴下賤」〇

Œ

者。 子遊。 **嗸即譥譥。《楚辭・九思・怨上》篇云「令尹兮譥謦」,王逸** 雅・十月之交》「讒口囂囂」、《釋文》引《韓詩》作「嗸嗸」。 義曰:宋句踐姓名未見他書。 云::「或曰人有齊死生,同貧富,等貴賤,何如? 注云:「謷謷,不聽話言而妄語也。」是也。 《法言•君子》篇 「女反聽我言,警警然不肯受。」此囂囂爲警瞀之假借。 大雅・板》篇「聽我囂囂」,傳云: 按:「囂囂」見於經籍者義多不一,大抵皆由假借也。 之,其亦有異於縱橫捭闔者流與?」囂囂,見《萬章上》篇 以道德遊,欲行其道者」,按,道德非遊具,蓋觀孟子進而數 注宋,姓也,句踐,名也。 囂囂,自得無欲之貌。 孟子謂宋句踐曰:「子好遊乎? 知之,亦囂囂,人不 趙氏佑《温故録》云:「注「好 好以道德遊,欲行 疏注「宋姓」至「之貌」〇正 「囂囂猶警警也。」箋云: 知,亦囂 티: 吾語 其 信死 《小 嗸 道

信是言,則吾以聖人六經之旨爲囂囂之虚語耳。」又云:「或

生齊、貧富同、貴賤等,則吾以聖人爲囂囂。」吴秘

注云:

雅 之假 耗虚之意也。」是也。 則 秘 日 常 굸: 崔云:「憂世之貌。」《漢書・王莽傳贊》云「囂然喪其樂生 不及,不亦多憂乎?」《釋文》云: 天下何其囂囂也?」郭象注云:「横其囂囂,棄情逐迹,如將 不間」,王逸注云: 此囂爲閑 也。」然則 小 六年《左傳》云「在陳而囂」,杜預注云:「囂,喧譁也。」《詩 之心」,顔師古注云: 爾 嗷,衆口愁。 囂然思 注 滿」、《禮記・大學》云「定而後能静」、《周 雅 雅 世 云 秋官・ 借 間 無 車 訓 也。 ,静也。」暇則「自得」,静 釋天》云:「玄枵, 仙 惟 之假借 攻》篇云「之子于苗,選徒囂囂」,傳云: 囂囂然方士之虚語 則 此囂囂爲囂之本義。 司魏》「禁其鬭囂者」, 《説文》問部云:「囂,聲 《詩》曰: 焉 注云: 「囂囂,虚 得 ,囂囂即閑閑也。 「間,暇也。」《招魂》篇「待君之間些」,注 斯 《莊子·駢拇》篇云:「自三代以下者: 「囂然,衆口愁貌也。」《説文》口部 語 「囂然, 「哀鳴嗷嗷。」」然則此囂囂乃亦嗷嗷 ? 也。」《文選・養生論》云「終朝未餐 虚 日: 也。」孫炎注 飢意也。」此囂乃枵之假借。 耳。」 語乎 則 注云: 「囂囂,許橋反,又五羔反。 《楚辭 爾雅 「無欲」。 此以囂囂爲虚,故《廣 者 也。 非囂 囂 釋言》以閑釋囂 湘君》篇「告余以 氣出頭上。」《周 《章指》云「内定 讙 書·謚法解》云 囂 「枵之言耗。 也。 也與?」吴 「囂囂,聲 成公十 云:

達不離 趙氏 貌。』《 則可 注窮不失義,不爲不義而 以「貴」釋「尊」。 記 注尊,貴也。 可囂囂也 人自得無欲,如氣上出悠間也。」此以囂字氣出頭上爲間 文解字注》云: 《莊子· 窮則獨 義,故士得己焉; 曰 人,得志,澤 一大慮 「天貴故尊。」故士窮不失義,達不離道。 ·本命》篇云:「貴貴尊尊,義之大者也。」尊、貴義近,故 : 自 以 《廣雅• 静 何如 讀 、囂囂 齊物論》云「大知閑閑」、《釋文》引簡文云: 民日 道,思利民之道,故民不失其望也。 善其身,達則兼善天下。」建古之人得 囂 器 爲 間 釋訓》云: 定」,定亦 無 斯 「《孟子》「人知之亦囂囂,人不知亦囂囂」,言 孟子 日: 、欲矣。 加 《易·上繫傳》云「天尊地卑」,虞翻注云: 可 於民,不 Ď: 以 間,非 達不 清 尊德樂義,則可 、 囂 囂 : 「閑閑,盛也。」是也。 疏注「尊貴也」〇正義曰: 静 能貴德而履之,樂義 取 也。 苟 離道,故民不 矣? 囂字 得志, 得,故得己之本性也 自 本 得 注 義 無欲 修 爲 句 身見於世 以 踐 自 段氏 則 問 得 失望焉。 廣 窮不失 而 無 何 玉 博 古之 廣博之 行之, 《大戴 裁 欲 而 執 《説 乃 也 盛 守

也。 《孟子》,訓詁多與高氏同。 子·主術訓》云「德無所立」,高誘注云:「立,見也。」趙氏注 疏注「見立」至「操也」○ 是故獨善其身。 志君國,則德澤 ·湯武通於此論,故功名立」,高誘注云:「立猶見也。」《淮 見,立也。 獨治其身以立於世間,不失其操也 加 達謂得行其道,故能兼善天下也。 於民人。 正義曰:《吕氏春秋·適威》篇云 蓋見之義爲顯,不得志不可云 不得志,謂賢者不遭遇 南

得其要,孟子言之,然後乃喻。●道,達善天下,乃用其寶。 句踐好遊,未可處,故云以「遊」。 脩身立世,賤不失可處,故云以「遊」。脩身立世,賤不失

世乎?

以示於世,亦所以教也。伯夷、柳下惠爲百世師,非示於

顯,故解爲立也。

按"《説文》云"「見,視也。」視即示,修身

自知者也,故須文王之大化,乃能自興起以趨善道。若夫豪傑之士,雖無文王,猶興。」 建凡民,無孟子曰:「待文王而後興者,凡民也。

也。 《説文》云:「凡,最括也。」《吕氏春秋·任地》篇云「凡草生 若夫豪傑,才知千萬於凡人者,雖不遭文王,猶能自 汎,汎亦有衆義。因汎之本訓爲浮,浮則輕,故仍僄猶 氏注《儀禮》以爲「非一」,注《周禮》以爲「無常數」。凡通 凡字,蓋以爲庶民也。「最括」亦衆數之稱,故凡又訓皆。 藏」,高誘注云:「凡草,庶草也。」以此準之,則「凡民」猶 也。」《孟子》「待文王而後興者,凡民也」,凡亦與仍通。」按" 也。《方言》:「侃,僄輕也。 興起也。 ○正義曰:宋本、孔本作「無異知者也」,閩、監、毛三本作 起,以善守身正行,不陷溺也。 於凡人」。豪傑千萬於凡人,是凡即此千人萬人之總稱矣。 過千人爲豪,萬人爲傑,則有常數,故趙氏云「豪傑才知千萬 輕微之,又引申之義耳。 自知」。 庶民」。趙氏前以「庶」解「衆」,又以「凡夫」解之,此不解釋 還以仍汎之輕浮通凡之義,亦爲輕浮,則緣其爲衆庶 按:「自知」是也。不能自知,故必待文王之化 王氏念孫《廣雅疏 惟「凡民」是衆民無常數之稱,而 楚凡相輕薄謂之相仍或謂之僄 證》云:「仍,輕也。 疏注「凡民」至「溺也 **仍之言汎** 汎 鄭 而 於

● 「後」,原誤作「得」,今從沈校據廖本改。

七二八

賞》篇云:「姦僞雜亂貪戾之道興。」是也。 紀 趙氏訓釋字義每於互見之,可謂精矣。 《吕氏春秋•孟秋 興」。 興,起也。」<br/>
」<br/>
興於善爲興,<br/>
興於不善亦爲興。<br/>
《<br/>
吕氏春秋・義 德千人者謂之豪。」故云千萬於凡民。 有所作而行爲興,有所守而不行亦爲興也 》高誘注云:「才過萬 一則云「趨善道」,再則云「以善守身正行,不陷溺」, 人日 桀。」《鶡冠子· 《爾雅‧釋言》云: 故趙氏以 能天》篇云: 「起」釋

特立,不爲俗移。 ·乃不辟邪」○正義曰: 孔、韓本作「邪辟」。《左傳》子産曰:「辟邪之人而皆及 章指: 言小人待化,乃不辟邪, 君子 周氏廣業《孟子章指考證》云: 故稱「豪傑自興」也。 疏

之富者也。 欿 曰:《漢書・ 足也,此 富貴已美矣。 然,則過人遠矣。」 注附 孟子曰:「附之以韓魏之家,如其自視 則過 諸侯王表》云「設附益之法」,張晏注引《律 言人既自有家,復益韓魏百乘之家,其 人甚遠矣。 而其人飲然不以足,自知仁義之道不 疏注 益 附益」至「遠矣」○正義 也。 韓 魏,晉 六 - | | 鄭 卿

> 窞也。 所附 此當爲欲然之假音。」 臽聲。 於中也。 「鍖然不滿」,孫氏星衍《音義》云: 然。』張鎰曰: 「飲,音坎,内顧不足而有所欲也。」 玉裁按, 知由於「自視」,自視仁義之心,不移於富貴,益於外不能 家」也。 以益釋附,益爲增 氏説云:「封諸侯過限 孟子》假飲爲坎,謂視盈若虚也。 ·則見其富貴,自視其中之所有,故欲然知不足 今本《大玄》飲字譌不可識。」《晏子春秋 聲若貪。《孟子》:『附之以韓魏之家,如其 百乘之家,益之自外,仁義之道,根之於心。 段氏玉裁《説文解字注》云:「飲,欲得也。 益,故云「人自有家,復益以 日附益。」故趙氏以 《大玄》「雷推飲簟」,即 「《玉篇》『鍖, 「益」釋 韓 問下》云 丑甚切」。 魏 自 但視外 也 百 從欠 視飲 乘之 也 坎 益 自

聞之。 驕,自遺其咎。」定公十三年《左傳 疏「人情富盛莫不驕矜」○正義曰:《老子》云:「富貴而 者鮮。」《晏子 飲然,謂不如 章指:言人 春 秋 人,非 情富盛,莫不驕矜。 雜下》云: 但 免過,卓絶乎 「富而 》史鰌云:「富而 不 驕 凡 未 也 不

驕

不死

,傷人者不刑

,是謂惠暴而寬賊也。」又云:「殺人者死,

不止坐殺人,趙氏略舉之耳。《荀子·正論》篇云:「殺人者

刑》「掌五刑之法,殺罪五百」,注云:「殺,死刑也。」《書傳》

是大辟之罪,閱實則殺之也。」《周禮・秋官

. 司

「降畔寇賊,刼略奪攘,撟虔者其刑死。」然則大辟之罪

티 :

贖免哉?

罪與赦對。 以示懲。 碩記》云:

若乃簡閱其情,實無可疑者,其罪之。實與疑對

實則不疑,罪則不赦也。大辟之法亦然。

疑則

「犯法者事有可疑則赦之,而又不徑赦之也,罰之

赦之使贖,實則罪之不赦也。

豈謂贖之以金,雖大辟亦許其

教民趨農,役有常時,不使失業。 孟子曰:「以佚道使民,雖勞不怨; 當時雖勞,後 注謂 獲其

利 刑 記·文王世子》云:「其死罪,則曰某之罪在大辟。」《書 而 殺人故也。 彼注云:「言農民之事無休己。」故引爲勞之證。 注「若亟其乘屋之類」〇正義曰:詳見《滕文公上》篇。 殺民,雖死不怨殺者。」注謂殺大辟之罪者 死,不怨殺者。 》云:「大辟疑赦,其罰千鍰,閱實其罪。」徐氏文靖《管城 殺此罪人者,其意欲生民也。 疏注「謂殺」至「故也」○正義曰:《禮 故雖伏 以 ,以坐 生道 趙 - 吕 罪 Æ

云

「讟,痛怨也。」

,則佚矣,若「亟其乘屋」之類也,故曰「不怨」。 疏

傷人者刑,百王之所同 也。」

無怨讟。」昭公元年《左傳》云:「民無謗讟。」《説文》言部 曰:《方言》云:「讟,謗也。」宣公十二年《左傳》云:「 之,則民 章指: 言勞人欲 無怨讟也。 以佚之,殺 疏「則民無怨讟也」〇正 人人欲 以 生 君 義

野多歡娱」,注引《孟子》「霸者之民,驩虞如也」,云娱與虞古 通用耳。」」翟氏灝《攷異》云:「《文選》張景陽《詠史詩》「朝 不知猶 也。 也」〇正義曰:《音義》云:「驩虞,丁云:「義當作歡娱,古字 不能覺知誰 而德難見 暴見易知,故民驩虞樂之也,王者道大法天,浩 日遷善而不知爲之者。 民, 罅罅如 利之使趨時而農,六畜繁息,無凍餒之老,而 孟子曰:「霸者之民,驩 是 也。 王 爲之者。 者之功。 也。 殺非不教,故殺之人不怨也。 殺之而不怨,利之而不庸,民 言化大也。 脩其庠序之教,使日遷 注霸者行善恤民,恩 虞如也;王者之 疏注「霸者」至「之 善,亦 庸, 民 浩 澤 功

所 《音義》云:「張云: 字 Œ. 故 驩」、《一切經音義》引《三蒼》云:「驩,古歡字。」驩虞即歡 者之民, 歡娱如也。」」按,《漢書·魏相傳》「君安虞而 故 也。」介部云: 古字通用。」趙氏讀皞皞爲浩浩、《説文》日部云:「皞,皓旰 娱,故趙氏云「樂之」也。 文》女部云:「娱,樂也。」虞爲假借字,故《白虎 睦」、《匡衡傳》「未有游虞弋射之宴」,虞悉通娱。」按: 云:「虞者,樂也。」《説文》欠部云:「歡,喜樂也。」馬部云: 浩浩」明之耳。 淮 驩,馬名。」驩亦假借字。 战趙氏以 通用。 義曰:《周禮 亦難見。 過者化,所存者神,上下與天 南子 **皥古字皆通。** 王 風 又蘇子卿詩「歡娱在今夕」,注云:「《孟子》: 「道大法天」解之,則 所以 俶 黍 「臭、春爲昊天、元氣昊昊。」皓旰即浩浩瀚瀚。 真 夏官司 離 廣大難見,則下申言之。 天氣廣大,故難見,王者道大法天,其廣大 訓》 蓋水之廣大爲浩浩,天之廣大則爲皞皞, 》傳云: 『皥與昊同。』《説文》胡老切,義與浩同, 高 誘注云: ○注「王者」至「見也」○正義曰: 《荀子・大略》篇云「夫婦不得不 「元氣廣大,則 動》云:「民功 仍以 「浩浩瀚 「皡皡 ○注 地 稱 日庸。」夫 」爲元氣廣大,以 瀚,廣大貌也。」 昊 同 天。」浩、昊、 .流, 豈 「庸功也 通 號》篇 君 民 《説 「霸 日 子 和

神也。 云:「黄帝堯舜氏作,通其變,使民不倦, 動著於外,存者運於中。 義爲動爲行,「所過者化」 也。 動,故受之以大過,有其信者必行之,故受之以小過。」過之 明。」」此與趙氏義異。 三月大治。「成人」詳見前, 也。 繫傳》云「是故君子所居而安者」,虞翻注 子。」《禮記・哀公問》云:「君子者,人之成名也。」《易 稱,故云「通於聖人」。《法言•道術》篇云: 也? 世能化之,存在此國, 小補之哉?」注君子通於聖人。 云: 云: 王。」是也。 在 「陸云: 『言君子所過人者在於政化, 存其身者在於 |釋「存」也。 「過,歷也。」「過此世」謂生於此世也,「存在此 如堯舜生唐虞,則唐虞之民皆化, 天地化物,歲成其 疏注「君子」至「益也」○正義曰: 民日遷善爲化,不知爲之者 隱公六年《公羊傳》云「首 過以世,言别生死也, 按:《易 」猶云所行者化也,所動 所行動者,民即變化, 其 功,豈曰使成 閩、監、毛三本無成字。 化如 · 序卦傳》云:「不養 神, ,則神也。 孔子在魯國 故言 時 存以國,言 神而化之,使民宜 聖人如天, 過 君子爲聖賢 人知 云:「君子 「樂道者謂 則 <sup>《</sup>易 與 書」,何 由於所存 者 其 天 下緊傳 化也。 小 地 ○ 音 ,則魯國 國 則 判 休 之通 補 同 過 彼 謂 之君 不 流 上 者 神 此 注 益 此 口 以 文

切,有災則思救者殷,而彌縫之匡救之,恩澤暴見,民所以 災。」然則「小補 曰:「桓公是以糾合諸侯 注云:「補謂彌縫其闕。」僖公二十六年《左傳》展喜對齊侯 全也。」衣有不全,補 遷善,則可使由之也。《説文》衣部云: 者,水流也,故云「與天地同流」。天地變化,人不可知, 政,則所行所動也,民日遷善,化也。「不怨」「不庸」,由 之、蕩蕩乎民無能名焉」、皆以言乎「所存者神」也。 之外,此全繫乎一心之運用。所謂「脩己以敬」,所謂 所裁成輔相於威刑善政之中,即有所盈虚消息於威刑善政 其變而民不知也。 者亦知乘時運用以得人心,而遠乎聖人之道者,未能神而化 之。」所過者化,所存者神,神而化之也。 人成天地之能,人亦不可知。 存者神而不知爲之也。 面」,所謂「執其兩端,用其中於民」,所謂「惟天爲大,惟 而天下平」,所謂「爲政以德」,所謂「無爲而治,恭己正 益」。《荀子・臣道》篇云「事暴君者有補,削無橋拂」,楊倞 「大而化之之謂聖,聖而不可知之之謂神」。 」謂霸者之民所由驩虞也。 殺之,威刑也,利之,善政也。 全之則必有所增 所過有定而所存無定。 而謀其不協,彌縫其闕 不可知,故不可使知之,民日 益、故「補」之義爲 「補,完衣也。」「完 能通其變爲權 有闕 夫行而 神化者,通 則 而匡救其 惟聖人有 威刑善 望補 「篤恭 堯則 無定 写霸 樂 所 南 者 聖

别一義,與《孟子》語同而恉異。

动 王者裁成輔相,則不待其闕而先默運之,不使有闕,不也。王者裁成輔相,則不待其闕而先默運之,不使有闕,不也。王者裁成輔相,則不待其闕而先默運之,不使有闕,不也。王者裁成輔相,則不待其闕而先默運之,不使有闕,不

者德小,民人速覩。是以賢者志其大章指:言王政皞皞,與天地同道,霸

者

也。

注善政使民不違上,善教使民尚仁義。 易俗,故先王著其教焉。」又云:「先王耻其亂,故制雅頌之 也。 深感人心,是「仁聲」也。 聲以道之,使其聲足樂而不流,使其文足論而不息,使其 注云:「 曰:《説文》耳部云:「聲,音也。」《禮記・月令》「去聲色」, 民,使民趨於善,是爲仁也。 直繁瘠,廉肉節奏,足以感動人之善心而已矣。」雅頌之聲能 樂也者,聖人之所樂也,而可以善民心。 令」「命」申釋「言」字。 政 (教法度之言」。 宫商角徵羽爲五聲。」故以「聲」爲「樂聲」。《樂記》云: 聲謂樂也。」《吕氏春秋》高誘注此語云:「聲,五 《章指》云:「明法審令,民趨君命。」以 法即法度,謂以法度載之於言以 善政不如善教之得民也。 ○注「仁聲」至「深也」○正 其感人深,其移風 心易得 也。 曲 義 示

舉而財聚於一家也,愛之,樂風化而上下親,故歡得民財,善教得民心。」建畏之,不逋怠,故賦役所以不如。善政,民畏之,善教,民愛之。善政度之言」,然則此又於「仁言」中分别其政不如教也。下申言度之言」,然則此又於「仁言」中分别其政不如教也。下申言

章指: 言明法審令,民趨君命, 崇寬

心

可

得

也

於樂。
務化,民愛君德。故曰:移風易俗,莫善

能也。 之提携」,注云: 手部云:「提,挈也。」「挈,縣持也。」《淮南子• 部云:「咳,小兒笑也。 可提抱者也。 敬其兄也。 提之童無不 能、甚知即最能、最知,最能、最知即知之最、能之最也。 性所自能。 云 也, 所不慮而知者,其良知也。 「提挈天地」,高誘注云:「一手曰提。」劉熙《釋名 《告子上》篇,「良能」猶言「甚能」,「良知」猶言「甚 良知」也。 提 孟子曰:「人之所不學而能者,其 地也。 疏注「不學」至「能也」○正義曰:「良甚」之義詳 良,甚也。 疏注「孩提」至「抱者也」○正義 臂 注孩提,二三歲之間 知愛其親者, 「提攜將行。」趙氏以二三歲之童未可舝行 少知愛親,長知敬兄,此所謂 垂 所 孩,古文咳。」是孩爲笑也。 持 近 是人之所能 地 也。」《 及其長也,無不 禮 記 甚 在 也。 注不學 曲 日 : 襁 禮》「長者 俶 褓 知 《説文》口 真 知し。 釋姿容 知 亦 良 《説文》 而 良能 訓》云 孩 猶 能 能 孩 知 笑 甚 見 是

也。」《釋文》云:

「《韓詩》作禘,齊人名小兒被爲禘。」孔氏正

當與補字相

屬。

謹按:

今《毛詩》傳作褓,箋云:「褓,

夜 衣

部云:

「繕、緥也。

長二尺。」乃謂其絡,未及其繩也。

凡繩

韌

高説最

分明。

小兒被子也。」」按:

云 Z

「《吕覽・

明理》篇『道

多緥繦」,高注:

氏注

而

提

挈,故以

抱

一解之。

也。

故

也。』《論語·

抱

也。

國策•

云:

也。」然則持可通稱爲抱,則

「抱」亦可通

稱

0 襁」,原作「繦」,今據文義改。 下句「襁可」字

可

》一襁 亦

褓 絡

不 而

心

負

《文選》称

所知也。 而 性知天」之恉也。 知之,其衆庶雖不能知之而 親敬長之心者,性善 仁可達矣,及其長也,無不知敬其兄,則義可達矣。 此知,故以仁義之道達之天下。 之名也。 者不同。 者,以「親親仁也,敬長義也」。 無他,達,通也,但 志 言衆庶終身由之而不知其道,民日遷善而不知爲之,此則言 重己》篇云「理塞則氣不達」,高誘注云:「達,通也。」孟子前 而 天下也。」注人仁義之心,少而皆有之。 爲善」? 己。 ,聖人之盡心也。 》但言織縷,未及其繩 繼從糸,專爲繩名, 襁從衣,則合織縷與繩而爲負兒 疏注「人仁」至「人而已」〇正義曰:《吕氏春秋 段氏謂襁字非許氏原有,恐未然矣。 所不知者道 親 易 親 》言天道陰陽,地道柔剛,人道仁義。 仁也; 孫氏星衍《原性篇》云: 自聖人盡其心,爲天下立命,其智者益 也。 通此親親、敬長之心,推之天下人 ,所無不知者愛親、敬長,聖人因其有 ,余謂段氏直以 通此親親敬長之心,推之天下人 敬 亦可由之矣。 長,義也。 孩提之童無不知愛其親,則 所以以仁義之道達之天下 繩 此一章仍申 「何以言「性待 爲經 無 段氏謂《博 而未及其 欲爲善者 他 有此親 后以 達之 明 教 裁 知 衣 縷 物

也; 善。 情 不能 矣,故曰敬長義也。 按 然童而愛其親非 能之,學而知之也。 剛克柔克正直。 愛其親矣,仁矣,故曰親親仁也; 有之,不可概之人人。知愛其親,性之仁也,而不可 慮而知,性之善也,人人所然也,不學而能, 其長也無不「知」敬其兄,則不言無不「能」 之童無不「知」愛其親,則不言無不「能 長,嚴師扑之而敬移。 以止於至善,故《禮記》之言「明德」也,曰「新民」,曰「止 天命謂性,率性謂道,脩道謂 真知愛親敬長 而 知敬其兄,性之義也,而不可 也? 孟子言良能爲不學而能,良知爲不慮 達之天下也 止者,如文王止於仁敬孝慈信,即性中之五常,必 無他,有達之者也。 也。 剛屬性,柔屬情,平康之者教也。 能愛親,慈母乳之而愛移, 故董仲舒之言「性待教爲善」是 孟子以孩提之童愛其親、敬其長是也。 何以由知而能 然則良知良能不足恃,必教學成 教。 聖人通神明之德,類萬物之 曰敬長,則能敬其兄矣,義 謂能 教者何? 也? 義 一愛其 何以 也。 而知。 敬其兄也 惟 敬 性 由無不 親 日 有 生知安行 其長非 也 親親 其言 善而 禮 其言及 謂能 也。」謹 知 記 則 而 蓋 孩 而 能 教 》謂 提 敬 能 不 後 而

章指: 言本性良能,仁義是也。達之

成

※輔相

左右民。

《禮記》言盡人物之性,與天地參。

《書》言

天下,恕乎已也。

逸注 之能禦」,謂舜舍己從人,取人爲善,有所聞見即取而行之, 乎四海」,此言德教滿溢,故趙氏以「大」釋之。此言「沛然莫 哉? 遊也。 逵注云: 故趙氏以「行」釋之。《楚辭 注 言大雨潤物,故趙氏以「潤」釋之。《離婁上》篇「沛然德教溢 義曰:《孟子》三言「沛然」: 之流,無能禦止其所欲行。 善言則從之,見一善行則識之,沛然不疑,辟若 與鹿豕遊,其所以異於深山之野人者幾希。 然莫之能禦也。」注舜雖外與野人同其居處,聞 切經音義》引《三蒼》云:「沛,水波流也。」流之義亦同 舜耕歷山之時,居木石之間。 芸 孟子曰:「舜之居深山之中,與木石居 及其聞一善言,見一善行,若決江河 希,遠也。 「沛,行貌。」《文選·吴都賦》「常沛沛以悠悠」,劉 「沛沛、行貌。」《廣雅 當此之時,舜與野人相去豈 《梁惠王上》篇「沛然下雨」,此 湘君》篇「沛吾乘兮桂舟」,王 疏注「沛然」至「欲行」○正 釋訓 鹿豕近人, 若與人 \* \( \frac{1}{2} \) 沛 沛,流 江 也。 沛 遠 於 河

> 趙氏解經精密如此。 決」之決,江河決則莫能禦止其行,舜決亦莫能禦止其行。之行狀舜之行而云「沛然不疑」者,不疑,能決也。承上「若之。此「沛然」上承「若決江河」,是爲水流,即爲水行。以水

潛。」班固《賓戲》: 之。」所謂小同也。」 言》:「或曰: 同」○正義曰:周氏廣業《孟子章指攷證》云:「揚子《法 《關尹子》云:「若龍,若蛟,若龜,若魚,若蛤,龍皆能爲 飛天,亦能小同。 章指:言聖人潛隱,辟若神龍 龍必欲飛天乎? 「泥蟠而 舜之謂也。 天飛者,應龍之神也。」又 티: 時飛則飛, 疏「聖人」至「小 時潛 亦能 則

也。 使人欲己之所不欲者。 欲,如此而已矣。」注無使人爲己所不欲爲者,無 風·候人》「彼其之子」、《國語 水》「彼其之子」,箋云:「其或作 《鄭風・羔裘》「彼其之子」、《韓詩外傳》作「彼己之子」。 疏注「無使」至「足也」○正義曰: 孟子曰:「無爲其所不爲,無欲其所 每以身況之如 · 晉語》作「彼己之子」。 是其 記, 或 作己, **《**詩· 此 王風 讀聲相 則 人道 揚之 似。 《曹 不 足

孟

子正義卷二十六

無使人欲己之所不欲者」也。
無使人欲己之所不欲者」也。「無使人欲己之所不欲者」即是「誠此」,故楊氏注云:「此,身以執重有也,必將誠此然後就也。故君子務積德於身而處以執重有也,必將誠此然後就也。故君子務積德於身而處以執重有也,必將誠此然後就也。故君子務積德於身而處與司字通,故趙氏以「其所不欲」爲「己所不欲」也。《荀子・與己字通,故趙氏以「其所不欲」爲「己所不欲」也。《荀子・

章指:言「己所不欲,勿施於人」,仲

尼之道也。

篇云: 記・樂記》「不接心術」,注云:「術猶道也。」《賈子・ 子」,注云:「德行,内外之稱。 所」至「成德」○正義曰:《周禮・地官・師氏》「以三德教國 疢疾之人。 行,故以「行」釋「德」也。《方言》云:「知或謂之慧。」《禮 疢疾。注人所以有德行智慧道術才智者,在於有 書説》篇云「實行爲德」。 孟子曰:「人之有德慧術知者,恒存乎 「道者,所從接物也。 疢疾之人又力學,故能成德。 其末者謂之術。」又云:「術也 德行並舉義有別,單舉德亦是 在心爲德,施之爲行。 疏注「人 道 。」《論 術

之」,高誘注云:「危,不安也。」有所畏懼,故心不能安。 云:「危,在高而懼也。」《淮南子· 引王肅《尚書注》云:「微,賤也。」趙氏言「自以孤微」,孤 注「自以」至「達也」〇正義曰:襄公二十七年《公羊傳》云 於危殆之患而深慮之,勉爲仁義,故至於達 作疹。」下言「孤臣孼子」,此云「疢疾」,蓋即本於《小弁》之稱 術、知皆本於德,故以「成德」包之。 《詩・小雅・小弁》 「心 者,所從制物也,動静之數也。」《墨子·經上》篇云:「 蛆」,高誘注云:「殆猶畏也。」《國策・ 有孼生。」此以「衆」釋「庶」,以「賤」釋「孼」。 《華嚴經音義 之憂矣,疢如疾首」,箋云:「疢猶病也。」《釋文》云:「疢本 也。」《老子》云「絕聖棄知」,王弼注云: 也深,故達。」注此即人之疢疾也。 《淮南子・主術訓》云「任人之才,難以至治」,高誘注云: 孤臣」,微謂「孼子」也。 「是則臣僕庶孼之事也」,何休注云:「庶孼,衆賤子,猶樹之 疢疾」也。 慧」、又以「才」釋「智」。 才,智也。」蓋「德慧」組於内,「術智」見於外,故以「智」釋 獨 孤臣孼子,其操心也危,其慮患 《説文》与部云: 慧爲心之明,才則用之當矣。 説林訓 西周 「聖智,才之善也。」 「殆,危也。」危 策》云「竊 自以 》云「而 孤微,懼 也。 爲君 殆 於 慧 疏 趙 危 蜖 部 謂

氏以 畏其傾敗也。 名顯於天下後世也。 達四聰。」通達則明顯, 危者,惟有「勉爲仁義」而已矣。《書·堯典》云:「明四目, 壞,所以可 注云:「危,敗也。」《廣雅 注云:「危,傾隕也。」《驕恣》篇云「不知化者舉自危」,高誘 「殆」釋「危」,又以「懼 患,因而慮之,且「深慮之」,求所以避此患而 《吕氏春秋・壹行》篇云「强大行之危」,高誘 故《章指》以「顯」釋「達」,謂以忠孝之 |釋之,其義備矣。 釋詁》云"「殆,壞也。」傾 在高而 懼 免此 隕敗 者,

侯 難 也 正,多用 章 指: 沈溺。 言孤孼自危,故能 是故 在 上 不 顯 驕 達; 以 戒 膏 諸 粱

云 悦者 疏注「事君」至「君而已」○正義曰:《吕氏 云「夫順令而取容者,衆能之」,高誘注云:「容,悦也。」容、 二字同 「掘関 也; 孟 子 義 容 相 注事 日 閲 疊 : 也。」《邶 爲雙聲。 君,求君之意,爲苟容以悦 有事 風 《毛 君 詩 人者,事 谷 風》「 • 曹風》「蜉 我 躬不 是 春秋· 閲 君 蝣 掘 君 則 似順 閲」, 傳 傳 而 爲 云 已。 容

> 「閱,容也。」容閱即 尹、太公一流矣。 注忠臣志在安社稷而後悦也。 有天民者,達可 悦」二字連綴。 聞有事社稷者,社稷是爲, 正,象天不言而萬物化成也。● 也。」淮大人,大丈夫,不爲利害 異説,故孟子明之。 天民之逸蕩者,紂爲天民之放縱者。 朱》篇稱舜禹周公爲天人,稱孔子爲天民之遑遽者,稱桀爲 民,此二者皆以泰然而自得之,非爲而得之也。」《列子 民, 天之所助, 謂之天子。」郭象注云: 「出則天子, 處則天 曰:孟子引伊尹 可行而行,可止 行於天下而後行之者也, 建天民,知道 釋「容」。 有安社稷臣者,以安社稷爲悦者也 趙氏分言之,以「悦君」明「苟容」,亦以 自稱「我,天民之先覺者也」,則天民 《莊子·庚桑楚》云:「人之所舍,謂 而 容 有大人者,正己 啃 悦。 《後漢 有事人君者,容悦是爲。」亦「容 疏注「天民」至「而止」〇正 書 動 疏注「大人」至「成也 當時稱「天民」者別 陳蕃 移 B 傳 》上 者 也。 而 物 疏 正己 云 者也。 Œ 之天 指 「臣 者 物 楊 有 伊 義

❶ 「言」上,原衍「可」字,今據廖本及疏文所引删。

舉《易》之「大人」而解之也。 也,而孟子之言「大人」蓋即謂此。孟子深於《易》,此「大人」即 《易·乾》卦云:「聖人在位,謂之大人。」此解《易》之言大人是 與民由之,不得志獨行其道,亦不以位言。乃下云「象天不 千里之侯,則大人從。」尹知章注云:「大人謂天子三公四 害。」」此大人指原伯魯,故注云:「大人,在位者。」《管子・ 者。」何晏《論語注》云:「即「聖人與天地合其德」者也。」昭 杖義」,是以德言也,其一,「不失其赤子之心」,趙氏云「大 謂「乾稱大人」,此何氏之義也。《孟子・離婁下》篇兩云「大 輔。」此鄭氏之義也。 幼官》篇云:「民之所利立之,所害除之,則民人從; 立爲六 而後及其大人。大人患失而惑,又曰:"「可以無學,無學不 語,不説學。歸以語閔子馬。 公十八年《左傳》:「葬曹平公。 〇正義曰:大人之稱有二,《論語 言而萬物化成」,此則非不得 人謂君」,是以位言也。 其一,「言不必信,行不必果,惟義所在」,趙氏云「大人 士 相 見》疏引鄭氏云"「大人爲天子諸 《易》稱「利見大人」,「大人虎變」,虞翻 此注以「大丈夫」解之,大丈夫得 「正己物正」「篤恭而天下平」也。 閔子馬曰: 「夫必多有是説 志者。 往者見周原伯魯焉,與之 ·季氏》篇云「畏大人」, 《史記索隱》引向秀注 侯爲政 教

章指:言容悦凡臣,社稷股肱,天民行意指:言容悦凡臣,社稷股肱,天民行所此四科」〇正義曰:《説文》禾部云:「科,程也。從了,十分爲寸。」有優劣之差,則有品次,故謂之科。周氏禾,從斗。斗者,量也。」「程,品也。十髮爲程,十程爲成,十分爲寸。」有優劣之差,則有品次,故謂之科。周氏為,十分爲寸。」有優劣之差,則有品次,故謂之科。周氏為,十分爲寸。以此四科,優劣之差。 赋者,段也」。」

《覲禮》云「天子曰:非他,伯父實來,予一人嘉之」,注云: 「言非他者、親之辭。」《詩・小雅・頻弁》云「豈伊異人,兄弟 疏注「兄弟無故無他故」○正義曰:《儀禮 無邪也。 之中。兄弟無故,無他故。不愧天又不怍人,心正 愧於天,俯不怍於人,二樂也,得天下英才 存焉。父母俱存,兄弟無故,一 「某以非他故,不足以辱命」,注云:「非他故,彌親之辭。」 而教育之,三樂也。 涯天下之樂,不得與此三 孟子曰:「君子有三樂,而 育,養也。 教養英才,成之以道。 樂也; 王天下 士昏禮記》云 皆樂也。 仰 不 不

惟黄帝堯舜通變神化乃足以當之,故又進於天民一等也。

部云: 下商才也」云爾。」君子有三樂,而王天下不與存 言之。 養也。 兄弟相親好也。 皆兄弟,與王無他,言至親。」趙氏以「無他故」解「無故」,謂 匪 焉。」注孟子重言是,美之也。 他, 猶施伯謂管子曰「天下才」,司馬懿謂諸葛武侯曰「天 閻氏若璩《釋地三續》云:「天下英才,極言之,非 「育、養子使作善也。《虞書》曰:「教育子。」」是育爲 箋云:「此言王當所與宴者,豈 ○注「育養」至「以道」○正義曰:《説文》去 有 異 人疏遠者乎? 廣

不存焉;中天下而立,定四海之民,君子樂孟子曰:「廣土衆民,君子欲之,所樂

下。 記·樂記》云:「揖讓而治天下者,禮樂之謂也。 之,所性 王者行禮之謂也。 焉,禮行於祖廟而孝慈服焉,禮行於五祀而正法則焉。」亦 運 ※云: 禮者天子之事。 禮。」《中庸》云:「非天子不議,禮不制度,不考文。」是 内,天子如此,則禮行矣。」又云:「王者功成作樂,治定 如此則樂達矣; 作,諸侯賓服,兵革不試,五刑不用,百姓無患,天子不怒 不存,謂性仁義也。 所樂不存,樂 窮居不損焉,分定故也。 而立,中天下而立是王者,故知所樂爲「行禮」也。 大行」也 不變」〇正義曰:「大行」即所謂 窮居不失性也。分定,故不變。 疏注「大行」至 「禮行於郊 《易·序卦傳》云: 不存焉。 行 君子不以大國諸 合父子之親,明長幼之序,以敬四 禮 而百神受職焉,禮 君子所性 也。 疏注 注廣土衆民,大國 中天下 「樂行禮也」〇正義曰:《禮 「緩必有所失,故受之以 ,雖大行不 「武王、周公繼之,然後 侯爲樂,而 而 注大行,行政 行 立. 於社 謂 王者。 前 樂於中 加 諸 百貨 暴民 侯 於天 天下 海 雖 性 制 之 不

❶ 「天」,原誤作「夫」,今據《左傳》昭公三十二年改。

間 心,亦 日: 盎盎 於面。 段 亦 於 於 云:「生 亦無是理。」按: 四 爲分也,故謂之「分定」。 人之性,自有 云:「分均 根於心」猶下云『盎於背』。 禮 也。 云: 心。 氏 以 體 心 記 毛氏 玉 曉 然 , 其 以「不 裁《説 心 謂 生,始也。」生 者人之始 喻 盛 睟 四 禮 廣 奇 達於氣,氣達於眉 根 則不偏。」分者,蓋 體 然,潤澤之貌 運》 7龄《四 而 生 雅 之於心,猶 文解 人所當爲之職分,自有人所不易之分,主 知之也。 失」解「不 流 不 色 굸 趙氏言「根生於心」,是以「生於心」 於四體 釋詁 書 也。 言 字 也 賸 注 而 故 睟 與 趙 言 禮 損 喻。」 言『本諸身』,非 四四 根 疏注 補 然 氏 君子 也。 -0 達 同 間,是之謂色。 注 (見於 所受分於道之命也。 根, 若云仁義禮 體 而 有 注四者根生於心,色見 色, 離 四 音 有 盎,視其 分 始 始也。」《荀子 所性,仁義禮智 「《孟子》「仁義禮智 婁下》篇 匡 者」至「知之也」〇正 顔 義, 面, 定。」《荀 義》云: 國之綱。 氣 故 盎 也 背 以「生」釋 謂 智作背之盎 分, 顔 舜 於背, 子 作 而 顔 氣與心若合 心之根 生 可 者 扶 П 王 禮 於 知其背 問 既 不言, 兩 根根 解 施 制 論 諸 分得 切。」 眉 根 也。 馮 則 於 根 篇 根 義 之 於 是 篇

趙氏蓋本此

以

「睟」爲

「純」,又以

純

淪

即即

温

潤」,故以

淪

温潤。」吴秘

注

云:

「淪猶

澤也。」

純

淪

温

四

字

連

《時 子 淫 容,盛 肥 黑赤白三色 德。」注云: 字、《孟子》外、《法言》、《大玄經》有之。 其生色也睟然見於 和 符 注》云: 見之稱。」《音義》云:「睟,音粹。」《 「色思温」、「色勃如也」、「正顔色」。 笑』,傳曰: 「善威 色容莊」、「色容顛顛」、「色容厲肅」、《論 臞 氣 節 亦貴純全其德。」」然則 幾 則》之粹矣。 全 **牛** 儀善 故其字 滿大宅」,許 氣顛實揚休,玉色」。 有和氣者必 粹」,高 「醉,面 玄騂 顏色也。』《内 「色,色温潤 各 「色純日 從 純粹 誘 白 人人口。 色 其《君子》篇又云: 注 日面 有 潤 睟 而 굸. 面。」生 愉 也。」未 睟。 丽 角 色, 角,其 也。」《大雅》「令儀令色」,箋 顔 記》曰: 握 則》云『柔色以 粹,毛 睟 宋 有愉 即 中 色 孟子曰: 知何 前 咸 禮 粹。 而 升 色之純 也 日 後見 色者必有婉容。」又曰 則 諸 人 是 『孝子之有深 華 「或 『宗廟之牛貴純 可 廟乎? 注,與 淮 引申之,爲 也。 嚴 於 升 「仁義禮智根於 也。」《法 南 問 《法 面 經 温之」、《玉 諸 君子 音 語 趙 魯頌》「載 時 廟 言 所 是 義 氏 》曰「色難」、 則 矣。 謂 似 言 以 | 引 凡有 愛者 訓 略 君 陽氣 》之醉 玉 君 \* 同。 所 毛, 一, 曰 子 子 以 形 色 必 心, 了戎 篇 純 即 視 全 載 浸 君 如 睟 子 可 有

正》「辨五齊之名,三日

盎

説齊桓公,陸

其謂 一義禮

是

乎?

何以

見仁

智之盛?

翁然蔥白色。」劉熙《釋名·釋飲食》云:「盎齊,盎 也。」此陸氏所以言「如負之於背」。 凡憂戚則憔悴,豫樂則光澤,是 色也。」《説文》水部云:「泱,滃也。」襄公二十九 吴季札來聘,爲之歌《齊》,曰: 也。」即取《文言傳》「純粹精」之義。 澤,顏色潤澤 「盎謂之缶。」《説文》皿 陸云:「盎於背,如負之於背。」」按: 氏廣業《孟子逸文攷》云:「此「睟 也」,楊倞注 《大玄經 齊」,注云:「盎猶翁也。 」句可 云一色 也」,鄭氏注云: 《莊子· ,思季切,視也。 也。」《荀子・ 也。 也。 見 议 於 然如盆缶之器負之於 云 : 豫 《音義》云: 德充符》言甕瓷大 醉準《乾》,故《玄 面」,固 《周 和諧 樂 一説 猶和諧,娩 純 禮 禮 部云:「盎,盆 與潤澤義 讀 又潤澤 以「睟 「美哉,泱 論》篇云「故 爲悦。 如,感人之 天官 成 滃 盎、張 然」屬 貌 澤 亦 而 《論 衝》 也。 豫, 即 癭 孟 泱 翁 酒 可 乎似 移。」是 記・ 記・ 《書》古《太誓》「流之爲鵰」,馬 《韓詩外傳》云:「姑布子卿相,孔子曰:「從前視之,盎 乎大風 和之意。」《索隱》云:「泱泱猶汪 家》載此,裴駰《集解》引服虔云:「泱泱,舒緩深遠, 語 也。」」此盎盎謂 不明聲音假借之學而以爲「如 義禮智之生於心者,在前 是泱泱然盛;「視其背 於背即榮於背,榮於背即顯於背。 者」,高誘注云:「榮,顯 不實者謂之英。」《吕氏春秋 氏春秋·古樂》篇云「其音英」,高誘注云: 「泱泱」。」盎通於泱,即通於英。 詩・小雅・白華》篇「英英白雲」、《釋文》云:「《韓 中庸》篇「君子和而不流」,注云:「流猶移 爲 萬石張 有王者; 施 也 政》篇「施於有政」、《集解》包氏 與 哉!」」注云:「泱泱,宏大之聲。」《史記 叔 流 義同,故「 傳》云「劊人之所施易」, 從後視之, 前 不 .謂 而可 後, 施於四 也。」然則「盎於背」即英於 則見於面,在後 則 高 知 則 肩 務大》篇云「其名無 盎 負」,望文生意,失之甚 體 氏注云: 《爾雅· 豈 弱 汪洋 (顯之謂 趙 即 負於 脊, 氏言「盎盎然盛 洋,美盛貌也。」《 流 此惟 如 背 於四 也。 云:「施、行 則顯於背。 釋草》云:「榮 「流,行也 淳 之名乎? 英,和

潤

澤。

子 通

Ė: 矣。

然。」周

《玉篇》目 其色醉

部

云

睟

烏囊切,又烏浪切。

色。

讀「其生色也

睟然

連

一讀。」按:

趙

氏

爾雅

· 釋器》云:

樂也。 説豫 貌。」

娩,媚

也。

娩

澤,

於顏色者

何氏注云:「純

如,

和

諧

語 云:

佾

》篇云「從之純如

君

道

睟

然」爲「 「睟,

潤澤之貌」。

云

也。」《

史

」。』《禮

也。

體

陸 矣

氏

此但言

背,

英 築

不

而

詩

有

大 世

旲

不

及四

杂 者

明之。 惡,率 孔 遠 俟仁義禮智之形於口 恐人仞「不言」謂四體不能言,特標明云「口 即 風 即 齊》、行以 慎 發於事業。 謂 於四支、發於事業、美之至也。」虞翻 文言傳》云: 云:「「人自曉 詩 弓》注 一義禮 此 威 本、韓本、《攷文》古本自作以。 猶辰告之謂,其喻益可知矣。 股 「匡國」也。 《肱。」「美在中」即「仁義禮智根於心」。 鳲鳩》篇云**:** 儀, 爲 由羣 大雅 《廣雅 智之所 四 云「以與已字本 維 拿肆 方之綱,維民之則,亦所 匹。 民 事業者, 匡國之謂也。 假樂》篇云:「抑 「君子黄中 夏》,進 命而 之 施,不俟教令清明 叠言 四體」 釋言》云:「喻,曉 受福無疆, 則。」威 ❶「其儀不忒,正是四國。」「正是四 知也」, 則 而 揖之、退則揚之,無非見於 同」是也。 儀 通 人已 」者,謂即此四體,人見之已喻其 閩、監、毛三本 者, 理,正位居體 四 喻 方之綱。」又《抑》篇云: 抑 足容重、手容恭,趨 也。 孟子立言之妙,趙氏能闡 威 而 按,以 也。」阮氏元《校勘 「不言已喻」正言其 儀,德 故四 天下皆 爲「匡 云 形 於口 美在 即已字、禮記 「體謂 同。 體 音 國之綱」。 不言」,蓋不必 樂仰之。 先暢四支而 爲匡 秩 則訏謨定 宋本、 秩, 其 四 中, 國之綱 支 無 四四 以 岳 趙 怨 四 而 《曹 《采 記 敬 本、 命 國 體 形 氏 乃 暢 無 支

> 闢 容。 張氏,不知經,但能盤 「《漢舊儀》有二郎 辟 孔氏正義云:「主人見賓之拜,乃般曲 辟。』《釋文》云: 闢。」《禮記 方亦正也。 蓋以方爲《禮記 子·本經訓》「戴圓履方」,方謂地。 支不言,蟠 樂,尚不 此「身體履方」之謂 「無容」〇正義曰:此申言「施於四體」之義也。 也。 而不敢受。」般、盤、蟠古字通。 章 指: 於是之際,知其 《漢書 與存。 言臨 《荀子·脩身》篇云:「禮者,所以正身也。」 投壺 ·儒林傳》云「魯徐生善爲頌」,蘇林云: 辟 爲頌貌威 經解》「由 》篇云:「主人般還 莅天下,君國子民,君子 也。 用 般,步干反。 仁義内充,身 辟爲禮 張 《音義》云: 不 儀事,❷有徐氏,徐氏後有 禮、謂之有方之士」之方、 心 容。 同 邪 還 然則 天下郡國有容史,皆 也。 音旋 意 「蟠,音盤。 趙氏此云「履方」 折還 日 辟當音避,不音 溺, 體 辟, 疏「仁義」至 履方, 謂賓曰 辟 賓 進 音 般 《淮 辟,音 退 避。」 還 之 無 四 今 E 南

0 0

於言也。

自字非是。」

<sup>「</sup>郎」,原誤作「即」,今據《漢書》注改。「鳲」,原誤作「尸」,今據《詩經》及經解本改。

七四三

之事。

孫授易授詩校字

孟子正義卷二十六終

## 七四四

## 孟子正義卷二十七

江都縣鄉貢士焦循譔集

以 家 以 矣。淮天下有若文王者,仁人將復歸之矣。 曰 : 者。』大公辟 帛矣;五母雞,●二母彘,無失其時,老者 之宅,樹牆下以桑,匹婦蠶之,則老者足以 説於上篇。天下有善養老,則仁人以爲己 王作興,曰: 爲畜産之本也。 足 無失肉矣; 『盍歸乎來? 以 孟子曰:「伯夷辟紂,居北海之濱,聞 無 飢 矣。 紂,居東海之濱,聞文王作興, 『盍歸乎來? 百畝之田,匹 注五雞二彘,八口之家畜之,足 疏 吾聞西伯善養老者。」注己 「足以無飢矣」〇正義曰:阮氏元 吾聞西伯善養老 夫耕之,八口之 五. 足 衣 歸 畝 文

> 餒,而已謂之凍餒矣。謂之者,文王謂之也。」 導之使可以養老者耳,非家賜 之不煖飽與無衣食之不煖飽稍差。 煖不飽謂之凍餒」○正義曰:趙氏佑《温故録》云:「無帛 凍餒之老」者,此之謂 不飽。不煖不飽,謂之凍餒。『文王之民 本、《攷文》古本、足利本同。 妻子,使養其老。 挍勘記》云:「宋九經本、宋本、岳本、咸淳衢州本、孔 西伯善養老」者,制其田里,教之樹畜 五十非帛不煖,七十非 閩、監、毛三本足誤可。」所謂 也。」 而 纔不煖不飽,尚 人益之也。 所謂 無凍餒 導 未即 本、 疏「不 者,教 無 肉 其 肉 凍

集。』即 「《漢書》路温舒上言曰: 羅翔鳳來集」〇正義曰: 衆鳥不羅 其老,使不凍餒。二老聞之,歸身自託。 章指: 言王政普大,教其常業,各養 此 意。 翔 楚辭》宋玉《九辨》: 源來: 集,亦斯 「臣聞鳥鳶之卵不毀,而 周氏廣業《孟子章指攷證》云: 類也。 「衆鳥 皆 疏 有 「衆鳥不 所 後 鳳 登 棲 皇

井八家所共,相與爲疇,故名爲疇。《吕氏春秋·慎大》篇

孟子曰:「易其

《一切經音義》引《國語》賈氏注云:「一井爲疇。 治也。 굸: 引蔡邕云: 所以爲麻也。」《史記·天官書》「視封疆田疇之正治」,如淳 井。」趙氏所本也。《説苑 也。 氏春秋· 常禮、不踰 斂,不踰什一,則民富矣,食取其征賦以時,用之以 富 注易,治也。 《毛詩 也;食之以 麻地 疏注「易治也」○正義曰:《音義》云:「易,以豉切。」 易讀 小雅•甫田》篇「禾易長畝」,傳云:「易,治也。」《吕 辯土》篇云「農夫知其田之易也」,高誘注云:「易、 日 「麻田 如『易綱』之易。」〇注 禮 疇。」《説文》田 疇,一 以 日 費財 時,用之以禮,財 疇。」韋昭注 井也。 也,故畜積 辨物》篇云: 田疇,薄其稅斂,民可使 部 教民 則 **國** 풄 一疇 語 有餘 治其田 一井也」〇正義 疇, 不 「疇也者,何 周 財 耕 可 語》《齊語 疇, 治之田 不可 勝用 九夫爲一 薄 勝用 其 也? 也。」 三 三 : 也 税 皆

> 《小爾雅·廣詰》云:「饒,多也。」賈子《新書·憂民》篇云: 乎?」注水火能生人。有不愛者,至饒足故也。 此云「至足」與《論語》「百姓足」之足同。 九年之蓄則饒多矣,故以「饒」釋之,又以「多」申之。 體》云:「足,續也。 粟饒多若是,民皆輕施於人,何有不仁者也? 無弗與者,至足矣。聖人治天下,使有菽 民非水火不生活。 云「農不去疇」,即農不去井也。 「至饒」至「若是」○正義曰:足爲「手足」之足而或訓 國無九年之蓄,謂之不足。」然則有九年之蓄謂之足矣,有 水 火。 菽粟如水火, 言續脛也。」足有繼續之義,故得爲饒 昬暮叩人之門户求水火, 而民 麻田 之説 劉熙《釋名 焉 ,趙氏所不取 有 不 ·釋形 爲 疏注 止 者 粟 菽

如

民》篇。 也。 有餘,焉有不仁? 疏「倉廩實知禮節」○正義曰: 章指:言教民之道,富 故曰「倉 廩 而 語出《管子· 實,知 節 用。 禮 蓄 節 積 牧

孟子正義卷二十七

子• 按:

《易》否九四,「疇離祉」,九家注云:「疇者,類也。」《荀

語

齊語》云「人與人相疇,家與家相疇」,皆以「儔類」言 勸學》篇言「草木疇生」、《書・洪範》言「洪範九疇」、《國

七四 五

名武 是。」然則蒙山 氏若璩 必 在 稱 東蒙主』注,孔云:『使主祭蒙山 也。 下,及其眇邈太蒙之顛 子逸文攷》云: 論 疏 注 山 『蒙山在東,故云東蒙主』。《魯頌》『奄有龜、 而 非 泰山 Ё顓臾爲東蒙主也。』《史記》『蒙羽其乂』,《索隱》云: <u>\*</u> 者難 小 蒙山也。」正義亦云《論語》疏云: 孔子登東山 今作『孔子登東山』, 攷魯無東山之名。 水,東流過蒙山下,有蒙祠。 無 名東 「琅邪郡臨 天下。 孟 ※ 釋地 蒙陰縣 據 「登蒙山 爲 子 也 Ш 言。 日 ,西南。」然則《孟子》之東山當作蒙山、宗少文 即 一名東山 孟子 「《論》又有云: 故 : 令云『東山』,其 沂 而 而小魯」〇正義曰:《弘明集》宗炳 縣 小魯,❶登 觀 注 孔子登東 云孔 或曰: 有 所 於 洛水 ,宗炳蓋以蒙山代東山。 而 海 覽大者 天下與 子 者難 費縣西北蒙山 泰 出 登東 『昔仲尼佈五 太山 Ш (爲蒙· 也。」皇侃 又東南逕 圃 意大,觀小者 八魯俱 Ш 山 爲水,遊於聖人之 小天下。」周氏 南武陽縣之冠 『顓臾主蒙山。』《水 而 而 Ш 小。 小 固 小 魯」 無 《論語 顓臾城,即孔子 魯, ,正居 蒙」,毛傳: 邢昺二疏 此並 經於魯以 可 指 疑。」按: 古人引經, 魯四 志小 用 登 此 》『顯史爲 廣業《 石 泰 孟 『蒙 《明 Щ, 化天 疑 境之 並 「龜 也。 Ш 文 閻 孟 佛 近 Ш 經 云

之; 微。 水 》云: 波成 舋則隙之小者,惟 裂之名,故《一 恭」之卻,或寫從下,非 明 瀾或從連。」瀾 原 爲之。」按: 三年問》《釋文》云"「隙本作郤。」段氏玉 水中大波也。 去逆切,義與隙同。」《説文》自部 蒙 郤,俗從

。」張有《復古編》

云: 有 山」則失之矣。 文日 容光必照 此 疏注「容光」至 隙,自合而分言之。 「《左傳》曰:「牆之隙壞,誰之咎也?」際,自分而合言 例。 「河水清 瀾。 隙之假借爲邑部卻,其內部卻乃「卻之卻之爲不 依宗《論 切 漣 瀾 且瀾 經音義 疏注「瀾水中大波 焉。 遮隔其光則已。 連 一字也。 觀 议 也。 「幽微」〇正義曰:《音義》云:「郄,丁 猗, 也。 水 東山 注容光,小 影引 大波爲瀾。」《説文》水 引申之,凡坼裂皆曰隙 波 《音義 有 劉熙《釋名・ | 國 「爲蒙 體 術 語 轉 云 Ш 》作郄、《廣 流 》賈氏 苟有絲髮之隙可以容納 郤 必 」〇正義曰: 「隙 可 相 郤 别 也 觀 及 也。 注 釋水》云:「風行水 ,壁際也。」《禮 連 作 裁 其 以 \(\frac{1}{2}\) 郄 也。」日 韻 為《孟 《説文解 言 瀾 「隙 》十九鐸云: 非。」隙爲坼 部 大明 爾爾 假 云: 舋 子 雅 音以 注 字注 月 , \*\*本 照 記 • 漣 有 出 釋 作 郤

❶ 「蒙」,原誤作「東」,今據《孟子四考》及《弘明集》改。

作飲。 爲物也,不盈科不行,君子之志於道也,不 之微者以見其照之大也,故以「小郤」明「容光」。 則光必人而照焉。「容光」非小隙之名,至於小隙,極言其容 同,故《文選》顔延年《拜陵廟詩》云「晚達生戒輕」,李善 也」〇正義曰:「盈科」,詳見《離婁上》篇。 《禮記・儒行 行,以喻君子學必成章乃仕進也。 成章不達。」注盈,滿也,科,坎也。 云:「達,宦達也。」故以「達」爲「仕進」。 云「上通而不困」,注云:「上通謂仕道達於君也。」達與通 廷號云:「坎,孔本 疏注「盈滿」至「進 流水滿坎乃 流水之 》篇 注 義

成其仁。是故賢者志大,宜爲君子。 章指:言閎大明者無不照,包聖道者

也 蹠,盜蹠也。 欲 徒 0 知 也 正義日 舜 孟子曰:「雞鳴而起,孳孳爲善者,舜之 雞 與蹠之分,無他,利與善之間也。」注 "《音義》云:「張云:「蹠與跖同,之石切。」《莊 鳴 蹠、舜之分,以此别之。疏注 加 起, 孳孳 爲 利者,蹠之徒也。 二跳盗 蹠

求之,常若不足。君子小人,各一趣也。章指:言好善從舜,好利從蹠。明明

取也。 體偏枯。 成子高不以一豪利物,舍國而隱耕,大禹不以一身自利,一 居,戰國時人,後於墨子。」楊子與禽滑釐辨論,其說在愛己, 也」〇正義曰:《列子》有《楊朱》篇,張湛注云:「或云字子 下,不爲也,注楊子,楊朱也,爲我,爲己也。 不拔一毛以利天下,與墨子相反。 己一毛以利天下之民,不肯爲也。 孟子曰:「楊子取爲我,拔一毛而利 人人不損一豪,人人不利天下,天下治矣。 古之人損一豪利天下,不與也,悉天下奉一身,不 是篇載楊朱之言云:「伯 疏注「楊子」至「爲 禽子問 拔 天

陽 曰 : 朱曰: 惟《吕氏春秋・慎大覽》高誘注:「墨子,名翟,魯人也。」魯 之大夫,善守禦,爲節用。 也。」」貴己即爲己。 固 也」〇正義曰:《史記・孟子荀卿列傳》 至於踵,以利天下,己樂爲之也。 爲之。注墨子,墨翟也。 言當矣。』」《吕氏春秋・不二》篇云「陽生貴己」,高注云: 之言問老聃、關尹,則子言當矣,以吾言問大禹、墨翟,則吾 物,奈何輕之乎?]禽子曰:『吾不能所以答子。 孟孫陽曰:「一毛微於肌膚,肌膚微於一節,省矣。 禽子出 輕天下而貴己。 毛以 非 篇」,注云: 有侵若肌膚獲萬金者,若爲之乎?」曰: 「爲之。」孟 一毛之所濟。」禽子曰:「假濟,爲之乎?」楊子弗應。 「去子體之一毛以濟一 「有斷若 成肌膚, 孟 孫 陽,孟孫陽曰:『子不達夫子之心。 一節得 積 『墨翟爲宋大夫,在孔子後。」而 跋墨子》云:「《漢書·藝文志》 『《墨子》七 孟子曰:「楊子拔體一毛以利天下,弗爲 肌膚以成一節,一毛固一體萬分中之一 墨子兼愛,摩頂放踵利天下, 一國,子爲之乎?」禽子默然有間。 或日 世,汝爲之乎?』楊子曰: 兼愛他人,摩突其頂,下 並孔子 時,或曰在其後。」武 》後附云:「墨翟,宋 疏注「墨子」至「之 不 然則以子 著 然則積 吾請言 其 世 地 孫

> 也。 轉 即魯陽,春秋時屬楚,古人於地名兩字或單舉一字,是其 其頂,髮爲之秃。 皆蓬頭突鬢」、《荀子・非相》篇「孫叔敖突禿」,楊倞注 也?」《音義》云"「突,丁徒忽切,穿突也。」襄公二十五 亡,蓋墨子之徒續記而竄入其師之説以 不能歷一百九十餘年尚未即化,此固不然也。 翟實六國時人,至周末猶存。 後人益爲推衍,至如畢氏據本書稱中山諸國亡於燕、代、胡 子未卒,故太史公一云並孔子時。 年爲魯哀公十六年,孔子方卒,則翟實當楚惠王時,上接 子」、注:「文子、平王之孫、司馬子期子魯陽公也。」惠王 主君,意其屬於文子也。《外傳·楚語》「惠王以梁與魯陽 [吾願主君之上者尊天事鬼,下者愛利百姓],翟之尊文子爲 城可言穿,頂不可言穿。 《莊子•説劍》篇云「吾王所見劍 貊之國,以中山之滅在趙惠文王四年,當周赧王二十年,則 突謂短髮可淩突人者,故莊子説趙劍士蓬頭突鬢。」突秃聲 左傳》「宵突陳城」,注云:「突,穿也。」此丁公著所本。 ,突即秃,楊氏解爲「短髮」是 蓋墨子居於魯陽,疑嘗爲文子之臣。 丁氏以突爲穿,失趙義矣。 竊以翟既與楚惠王接時,後 也。 自班《志》專謂在孔子後 趙 氏以 觀《魯問》一篇 貽 突明摩, 此謬, 《文選 中山諸國 何 可 云: 乃 例 迫 依

操

橐 放

耜 踵

而九雜

天下之川

腓 而胈,

脛

無毛,

沐甚風,櫛疾 曰:「禹親自

8 0

頂

語。 2

《莊子・天下》篇云:

「墨子稱道

熙,傳寫者遷譌然爾。」

謹按:《墨子》有《兼愛》三篇:

無

摩

0

踵」者,疑當時劉注本獨如是。任《彈》下趙岐二字當亦爲劉

爲」,放字與今《孟子》同。

云"「《風俗通·十反》篇「墨翟摩頂以

放踵,楊朱

一毛而

其頂,下至於踵」。

趙岐《孟子章句》曰『放,至也。

有其二,非至宋始作「放踵」也。

又《文選・

曰:「放,至也。」同在

絕交論》「皆願摩頂至踵」,注引《孟子》「摩頂放踵」,趙

注有「放至也」三字,無「方往切」、「摩頂放踵」注直云「摩突 氏《詩傳》「顏叔子納鄰之釐婦,使執燭,放乎平旦」事,下引 云方往切,至也。是唐宋本已皆作放。今攷《文選》劉峻《廣 踵」,注無「致至也」三字。孫宣公《音義》「放踵」下,據丁氏 下,爲之」,劉熙曰:「致,至也。」又任昉《奏彈曹景宗》注引 孟子》「墨子兼愛,摩頂致於踵」,趙岐曰:「致,至也。」周氏 爲致爲放,莫可究詳矣。」翟氏灝《攷異》 書,所引互異,可見趙氏注本唐世已 江《書》、任《彈》兩注所引「致於 方往切」。今惟「放乎琅邪」 岐作「致於踵」,今本作「放 洞簫賦》注引毛 並同 不 岐 天 重權。 詳。 雨 執 如此,❸非禹之道也,不足爲墨。」墨翟、禽滑釐之意則 多以裘褐爲衣,跋蹻爲服,日夜不休,以自苦爲極。 鑿,不足以易趙也。 中,此句下云「執中爲近之」,何遽戒人莫執中也? 中。」」此異於趙氏,非也。 當時子莫執中一家之説。《音義》云:「陸云:『言子等無 專一者也。 意耳。子莫執中,注子莫,魯之賢人也。 薄之道而擬之爲「摩頂放踵」,即「自苦以腓無胈、脛無毛」之 而已矣、亂之上也、治之下也。」孟子推其氾愛兼利、生 行則非也。 置萬國。 或謂《莊子》有云「儒、墨、楊、秉四」,秉别無所聞, 也。 執 中 將使後世之墨者必自苦以腓無胈,脛無毛,相 注 禹,大聖 前 疏注「子莫」至「一者也」○正義曰: 不 執 中 知 也, 執中爲近之。執中 權 和,近聖人之道,然不 ,猶執一介之人,不得 而形勞天下 孔子稱堯咨舜執中,孟子稱 如 此。 使後 權 無 其 世 時變也。 聖 權 性 陸 子 日 之墨者 (是,其 人之 中 氏穿 莫未 湯 恐 勤 不 猶 和 執 執 即 死 進 能

《上建平王書

》注引《孟子》「墨子兼愛,❶摩

頂

致 於

踵

利

廣業《孟子古注攷》云:

「據此

,則趙、劉所有之本、注

《困學紀聞》言《選》注引趙

愛」,原誤作「受」,今據《文選》注

橐」,原誤作「稟」,今據《莊子》改

曰」上,原行「以」字,今從沈校據《莊子》删

哉? 我,拔 子言「以人性爲仁義」,則曰「率天下之人而禍仁義」。 時爲中,趨 暑往則寒來,是爲時。 疏注「執中」至「變也」〇正 讀 權」之故,「舉一而廢百」之爲害至鉅哉? 執一者,爲其賊道也,舉 仁義充塞則率獸食人,人將相食。」今人讀其書,孰知所謂 盡 重 此重彼輕、千古不易者、常也。 云 「率獸食人,人將相食」者安在哉? 「楊墨之道不息,孔子之道不著。 中央者,中 輕。 也。 其書,又孰知性之不可不明,「戕賊人以爲仁義」之禍 ,能辨察事情而準,不可以知之。 執 老聃、莊周無欲之説及後之釋氏所謂空寂能脱然不以 子莫執中,執中爲近之。 一毛而利天下,不爲也,墨子兼愛,摩頂放 戴氏震《孟子字義疏證》云: 愐 介」即 重者於是乎輕,輕者於是乎重,變也。 時則能變通,知變通則權也。 介斷斷焉無他技」,❶注云: 和也。」《説文》部云: 対執 概 執中者但取不寒不暑也,聖人之道以 也 一而廢百也。」今人讀其書,孰 義曰:《白虎通· 不知權宜,一 常則顯然共見其千古不易之 執中無權 是邪説誣民,充塞仁義也。 「中,和 「權,所以別輕重也。 孟子之闢楊墨也,曰: 孟子又曰: 「一介猶 也。」寒往則暑來, 孟子道性善,於告 文公十二年《公羊 酒 執 概如此,所以猶執 五行》篇云: 變則非智之 也。 「楊子取爲 踵利天下, 概。」此 知「無 今人 所惡 何 凡 如

> 遂莫之或寤也。 溥慈愛,雖摩頂放踵以利天下,爲之。 説。 無私通天下之情,遂天下之欲者也。 老、莊、釋氏無欲而非 以爲仁,去心知以 於情欲,蔽出於心知。 有不以意見爲理而禍天下者也。 安之也, 不幸而事情未明, 執其意見, 方自信天理 然,存之於心。 欲,不出於欲則出於理」。 如有物焉宅於心,於是辨乎理欲之分,謂「不出於理即 所私者而貴理,易彼之外形體 謂不生不滅者,於人物 形體之養與有形之生死累其心,而獨私其所謂長生久視,所 而小之一人受其禍,大之天下國家受其禍,徒以不出 至垂死冀生,無非人欲,空指一 由其自私,雖拔一毛可以利天下,不爲,由其外形 及其應事,幸而偶中,非曲體事情 凡以爲理宅於心,不出於欲則出於理 爲智也。 無 無私,仁也,不蔽,智 一視而同用其慈,蓋合楊墨之説以 私。 雖視人之飢寒號呼、 是故聖賢之道 彼以無 者而咎氣質,其所謂理, 絶情欲之感者爲天理之本 人之患,有私有蔽。 然放成 凡異説皆主於無欲,不 宋儒易老莊、釋氏之 其 無私 自 也。 私 男女哀 而 者 求 非 也 非 非 絶 如 人欲 者,未 於欲 無 怨以 此以 私 出 依 情 此 欲 骸 欲 出 以 於 然 爲

0

<sup>《</sup>公羊傳》改。「他」,原脱,今從沈校據《公羊傳》補。「焉」,原誤從《經籍籑詁》卷六十九作「兮」,今從沈校據

道也。 也。 矣。」所惡執一者,爲其賊道也,舉 天下受其禍而不可救。豈人欲蔽之也哉? 時權之而重者於是乎輕,輕者於是乎重。其是非輕重一 讎之人,是其所是,非其所非,執顯然共見之重輕,實不知有 欲,權之而分理不爽,是謂理。 欲爲能篤行也。 求 也。」注所以惡執一者,爲其不知權,以 者,行其人倫日用之不蔽者也,非如彼之舍人倫日用、以 無蔽,重行不先重 然則孟子言「執中無權」,至後儒又增一「執理無權」者 聖賢之學,由博學、審問、慎思、明辨而後篤行,則行 疏注「所以」至「道也」○正義曰:《易・繋傳》云: 人倫日用,聖人以通天下之情,❶遂天下之 知。 人見其篤行也,無欲 古今不乏嚴氣正性、疾惡 自信之理非理 也,故莫不尊 知而 而 廢 廢 誤 百 百 如 無

也。 不復慮及有當爲我、當兼愛之事。 慮及兼愛,墨子惟知兼愛而不復慮及爲我,子莫但知執中 則凡執一 廢百矣。 慮不可不百,慮百則不執一也。 ·天下何思何慮,天下同歸而殊途,一致而百慮。」途既殊則 孟子所以距楊墨,距其執一也,故舉一執中之子莫。 者皆能賊道,不必 楊子爲我,執一 於爲我也,墨子兼愛,執一於兼愛 楊墨也。 執一則不百盧,不百盧,故 楊則冬夏皆葛也、墨則冬 楊子惟 知爲我而 不 然 而 復

> 其異乎堯舜孔子之權,安能反復申明以距之哉? 不謂之仁人君子? 顏曾。 也。 申墨子之説者,不知道者 語之尊天事鬼,國家務奪侵陵則 語之節用節葬,國家喜音沉湎則語之非樂非命,國家淫僻 兼愛者,不執一也。 者裘、葛、袷皆藏之於篋、各依時而用之,即聖人一貫之道 夏皆裘也,子莫則參乎裘、葛之中而冬夏皆給也。 救世爲心,其言曰:「國家昏亂則語之尚賢尚同 也,易地皆然者,百慮也。 子易地則皆然」。 治水,勞身焦思,至於偏枯胝胼,藏竅不通,而不同於墨子之 子居陋巷不改其樂,而不同於楊子之爲我者,不執 不然,楊朱屏氣虚名,齊生死,固高曠絶俗之士。 一。曾子居武城,寇至則去,寇退則反,薪木亦戒其毀傷, 一,不知變通,則距之。距之者,距其悖乎堯舜孔子之道也 聖人之道,善與人同,執兩端以 孟子學堯舜孔子之道,知道 惟易地皆然,則 非孟子深明乎變通神化之道,確有以見 故曰「禹稷、顔回同道」,又曰「禹稷、顔 執一 則爲楊墨,不執 語之兼愛非攻。」讀其書,豈 在變通神化,故楊墨之執 不執 用 其中,故執 同 道 國家貧 至墨翟 中 不 學者尚 則爲禹 者, 也。 而 知 趨 非 禹 則 則 U 稷 致 顔 執 時

❶ 「以」,原脱,今從沈校據《孟子字義疏證》補。

重時,不取此術。孔子行止,惟義所在。 章指:言楊墨放蕩,子莫執一。 聖人

憂患。 所害 所憂 爲强奪詐取之事以傷害善人,則善人憂患之, 使不爲利 貧賤者所爲之事不能及富貴之人,爲利所動,不能守正,必 高誘注云: 云: 「及,逮也。」《淮南子・脩務訓》云「堯舜之聖不能及」, 所害,雖謂富貴之事不及逮人,猶爲君子,不爲善人 害,則不及人不爲憂矣。」注人能守正不爲邪利 欲所害亦猶飢渴得之。 曰: 飢渴者急欲得飲食,以不甘爲甘,故爲「强甘」。 以知味之性,令人强甘之。 疏注「令人强甘之」〇正 得飲食之正也,飢渴害之也。 口 腹有飢渴之害? 患 孟子曰:「飢者甘食,渴者甘飲。 强奪詐取猶飲食之不甘者也。 也 不及富貴之人,亦不肯爲禍於善人,故善人不爲 「及猶如也。」「不及人」即不如 疏注「人能」至「患也」○正義曰:《説文》又部 人能無以 人心亦皆有害。 注飢渴害其本所 以 飢渴之害爲 飢渴而甘其所不 人。 趙氏謂 注爲 是未 豈 人之 1 利 惟 所 欲 義

> 及人。 貴,而彼稍加一等,己百計排毀而傾軋之:皆心害也。 懸殊者也? 甘,則因富貴不如人亦將爲其所不可爲,此何必貧賤富 子,不爲善人所憂患」。近時通解,「不爲憂」謂己不憂不 害者必善人也,害善人者必小人,非君子也。 同 一貧賤,而彼稍遜 一,則 己妬 而傷之; 故云「猶爲君 同 受其 貴之 富

失道,不爲苟求。能無心害,夫將何憂?章指:言飢不妄食,忍情抑欲,賤不

矣,是其心之淺隘也。 師之賤不及三公之榮,若少存豔羨之心,則辭 汙君,不辭小官」爲「大量」是也。承上「不及人」而言之,士 攸止」、❶《小明》「介爾景福」,介傳皆訓大。 「介,大也」、《爾雅・釋詁》文。《毛詩・大雅・生民》「攸介 榮位易其大量也。 介,大也。柳下惠執宏大之志,不耻汙君,不以三公 疏注「介大」至「量也」〇正 《音義》云: 「陸云: 趙氏以惠「不羞 「介謂 小 官 特 而 立 E : 不 之 居

孟子曰:「柳下惠不以三公易其介。」注

❶ 「止」,原誤作「上」,今據《詩經》改。

行。」、《文選》注引劉熙注云:「介,操也。」陸氏蓋本此。

曰:《法言·淵 口 無 然否,以 章指: 賤 言柳 騫》篇云:「不夷不惠 爲 貴 下 也。 惠不恭,用志大也。 疏 ,可否之間。」 無 可 無否」〇 Œ 無 義

尺。 尺曰 堂制 語 或 經》注、顔師古《司馬 肅《聖證論》、趙岐《孟子》注、曹操李筌《孫子》注、郭璞《山 音刃,云:「義與仞同,借用耳。」」先儒以七尺爲仞,注云八 前 朝,八尺也。 寸」,此其謬易見也。 ൬ 小爾雅 語 行也。 》注、高誘注《吕氏 不及 度論 軔。 注 《莊子》「步仞之丘」,陸德明《釋文》亦曰「七尺」。 孟 泉,猶 》云 「四尺」,《漢書 並曰「八尺」; 子曰:「有爲者辟若掘 》郭璞 程氏瑶田《通藝録·七尺曰仞説》云"「仞之數, 疏注 雖 注 朝八尺也」○正義曰:《音義》云:「朝,丁 深 爲棄井也。」注有爲,爲仁義 司 春秋 相如傳》注、房玄齡《管子》注、鮑彪《楚 《説文》云:「仞,人伸臂一尋八尺。」王 而不及泉,喻有爲 馬 而鄭康成《周官》《儀禮》注、包咸 相 》、王逸注《大招 如賦 食貨志》注引應劭云「五 見 司馬 彪説 井。 者中 招 ,則皆以 魂》、 掘 道 井 李 而 九 爲一七 謐 戸六 盡 《淮 也。 の明 軔 論 棄 海

之日五 然也。 之説 焉,義與此合矣。」段氏玉裁《説文解字法》云: 之形,弧而求其弦以爲仞,必不能八尺,故七尺曰仞,亦其 尋爲八尺,而用之以度深,則必上下其左右手而側其身焉  $\overline{z}$ 證以《吕氏春秋》注,則七尺者誘之説也。 員》篇云: 也?」謹按: 度同八尺,何不皆曰二尋,如上文『廣二尺,深二尺』之例 仞説可定矣。《攷工記》:『廣二尋, 也。」測之爲言側也,余之説仞字,以爲伸手度 身側則胸與所度之物不能相摩,於是兩手不能 尺,何也? 仞。」二書皆言人伸兩手以度物之名,而尋爲八尺,仞必 林皆篤信八尺之説,瑶田以爲仞七尺者是也。 仞」,其注「百仞」亦曰「七百尺也」。 南子・ 人長八尺,伸兩手亦廣八尺,用以度廣,其勢全伸而 ,證以《説文》,則八尺者當爲許氏 『度廣以尋。』杜預《左傳》『仞溝洫」注 《玉篇》云: 原道訓》注「八尺曰仞」,而 施、五七三十五尺而至於泉。 同 「夫管仲之匡天下也,其施七尺。 仞爲七尺,程氏、段氏之言定矣。 伸手度物 「度深曰測。」《説文》解測字曰: 而 廣深用之,其勢自不得 《覽冥訓 深二仞, 是書有高誘、許慎二人 赤爐歷 所記 近世 》注則 雜高誘注中者 彊 ,謂之澮。」 濱田悉徙,命 肥 云:「度 方密之、顧亭 「程氏甚 深 全伸 揚雄《方言 《管子 云七 命之曰 必側 『深所 不屈 而 不異 尺曰 一倘 深 其 成 精 故 四 地 其 身 勢 七 至 弧 日

於泉。 泉。 至八仞言之,原不必九仞 泉。」然則鑿地之度以七尺爲準,仞與施,其數同也。 七十四尺而至於泉。 鑿之二尺乃至於泉。❶ 高陵之山二十施,百四十尺而至於泉。 壤十八施,百二十六尺而至於泉。其下駢石,不可得泉。 七施,百一十九尺而至於泉。 二尺而至於泉。 三施,九十一尺而至於泉。 七尺而至於泉。 而至於泉。延陵十施,七十尺而至於泉。環陵十一施,七十 陜八施,七八五十六尺而至於泉。杜陵九施,七九六十三尺 二尺而至於泉。 黑埴,命之曰一施,七尺而至於泉。 施,四七二十八尺而至於泉。 尺而至於泉。 之以二十施, 十九施,百三十三尺而至於泉。其下有灰壤,不可得泉。 Ш 中陵十五施,百五尺而至於泉。 之上命曰泉英,鑿之五尺而至於泉。 則 蔓山十二施,八十四尺而至於泉。付 陝之芳七施,七七四十九尺而至於泉。 斥填,命之曰再施,二七十四尺而至於泉。 青龍之所居, 庚泥不可得泉。 九仞僅有其半,故趙氏以「中道」言之。 山之側,鑿之三七二十一尺而 山之上命曰復吕,鑿之三尺而至於 而已可 付山白徒十四施,九十八尺而 其下清商,不可得泉。 黄唐,命之曰三施,三七二十 得 泉,但水土深淺不齊,必 墳延者六施,六七四十 山之上命之曰縣泉, 青山十六施,百 山之材,鑿之二 赤壤勢山 隆山白 自二尺 至於 Щ 一 十 徙 祀 + 至

九仞功方得半也。不攷《管子》,未知其恉。「九仞而不及泉」,明及泉者有不待九仞也。「猶爲棄井」,明

同。疏「論之一簣」〇正義曰:《音義》云:「論謂《論而輟,無益成功。《論》之「一簣」,義與此章指:言爲仁由己,必在究之。九朝

語》也。」

仁也。 算經》云: 也。 孝》篇云:「身者,親之遺體也。」《淮南子 繁露 · 察名號》篇云:「如其生生自然之資,謂 之,體之行仁,視之若身也,假之,假仁以正諸 也,五霸,假之也。注性之,性好仁,自然也, 云:「性之和所生,精合感應,不事 疏注「性之」至「侯也」○正義曰:《荀子・正 孟 《廣 子 「此天地陰陽之性,自然也。」故以性爲「自 雅 曰:「堯舜,性之也,湯武,身之 釋親 \*\ \\_ \\_ 「體,身也。」《大戴 而自然,謂之性。」《春 繆稱 之性。」《周 禮 訓》云「身君 曾 名》篇 I 然 好 子 侯 大 髀 秋

❶ 「尺」,原脱,今從沈校據《管子》補。

謂五霸。孟子曰:「堯舜性之,湯武身之,五霸假之。」」久下之言,信也」,高誘注云:「身君子之言,體行君子之言,謂五霸。孟子曰:「堯舜性之,湯武身之,其下亦能自彊。」盧辯子立事》云:「太上樂樂善,其次安之,其下亦能自彊。」盧辯子立事》云:「太上樂樂善,其次安之,其下亦能自彊。」盧辯子立事》云:「太上樂樂善,其次安之,其下亦能自彊。」盧辯子之言,信也」,高誘注云:「身君子之言,體行君子之言,謂五霸。孟子曰:「堯舜性之,湯武身之,五霸假之。」」久

仁不義,不能久也。假而能久,仁亦及人,究殊乎不能假而注「五霸」至「有也」〇正義曰:五霸假借仁義之名,旋復不仁義,譬如假物,久而不歸,安知其不真有也? 疏假而不歸,惡知其非有也?」注五霸若能久假

甘爲不仁者也。

怨無終」,注云:「終猶已也。」此云「用而不已」,即是「假所歸」,高誘注云:「歸,終也。」僖公二十四年《左傳》「婦不已,實何以易。 在其勉之也。 疏「用而不不已,實何以易? 在其勉之也。 疏「用而不

文》古本無已字,落之也。 身之何以易?《曹風·下泉》所以思明王賢伯矣。《考而不歸」,以「已」釋「歸」也。「實」即指「湯武身之」,謂與

忠志。 乃生,何可放也? 與?」注公孫丑怪伊尹賢者而放其君,何也? 悦。賢者之爲人臣也,其君不賢,則固 放大甲於桐,民大悦,大甲賢,又反之,民大 宿留冀改而復之; 云:「自是《尚書》文,而不稱《書》曰。」 孟子曰:「有伊 尹之志則可,無伊尹之志則篡也。」注 「伊尹曰予不狎于不順」○正義曰:江氏聲《尚書集注音疏 公孫丑曰:「伊尹曰: 『予不狎于不 志若伊尹,欲寧殷國,則可放惡 如無伊尹之忠,見間乘利,篡心 而 不即立君 人臣 ·順。」 可 疏 放

則生篡心也。 寧君。放惡攝政,伊周有焉;凡人志異, 寧君。放惡攝政,伊周有焉;凡人志異,

篇也。 得此餐也。 不素餐之功,誰大於是? 其習俗,君安國富而保其尊榮,子弟孝悌而樂忠信。 則安富尊榮,其子弟從之則孝悌忠信。 爾。」《毛傳》云:「素,空也。」空之言虚也。無功受禄,是虚 食,何也? 之不耕而 「《伐檀》,刺 公孫丑曰:「《詩》曰:『不素餐兮。』君子 無 功 貪也。 孟子曰:「君子居是國也,其君用之 食,何也?」注《詩》、《魏國・伐檀》之 疏注「詩魏」至「素餐」○正義曰:《詩序》云: 而食,謂之素餐。 在位貪鄙、無功而受禄、君子不得進仕 何爲不可以食禄? 世之君子有不耕而 不素

也。問士當何事爲事也? 疏注「齊王」至「事也」〇正王子塾問曰:「士何事?」注齊王子,名塾

義曰: 《穀梁》成公元年《傳》亦云:「三代之時,民之秀者,乃收之 炎武《日知録》云:「士農工商,謂之四民,其説始於《管子》。 母。」此謂商也。 鄉序,升之司徒,而謂之士。」固千百之中不得一焉。《大宰 文尚作上。」《釋文・序録》引《書贊》云:「孔子撰書,尊而 至「志也」〇正義曰: 爲儒,武者爲俠。嗚乎! 方,以號召天下之賢士」。 而戰國之君遂以士爲輕重,文者 言『桓公爲游士八十人,奉以車馬衣裘,多其資幣,使周游 處,四民各自爲鄉」之法哉? 教」,則謂之士者,大抵皆有職之人矣。 厥考厥長。」此謂農也。『肇牽車牛,遠服賈,用 志。」注尚,上也。 言,王子墊之問,其猶近古之意與?」 孟子 曰:「尚 王作《酒誥》之書曰:「妹土,嗣爾股肱,純其藝黍稷,奔走事 「以九職任萬民,五曰百工,化飭八材」。 計亦無多人爾。 孟子仕齊久,此稱「王子」」故知爲齊王之子也。 又曰「庶士有正、越庶伯君子、其 《儀禮• 士當貴上於用志 游士興而先王之法壞矣。彭更之 春秋以後,游士日多、《齊語 覲禮》云「尚左」,注云: 惡有所謂「羣萃而 也。 疏注 孝養厥父 爾聽朕 尚上 顧氏 古 武 四 州

● 「過」,原誤作「遇」,今據廖本改。

備也。 殺一 之事,天生己時已備之矣。」 之時,雖曰士也,然豈待爲大人而後謂之大人哉? 蓋大人 小記》云:「「萬物皆備於我」,我者,己也。 「尚志」者,「居仁 志。11日:「何謂尚志?」曰:「仁義而已矣。 以求其志,求其所達之道也。當其求時猶未及行,故謂之 以「貴」釋「上」。程氏瑶田《通藝録・論學小記》云:「隱居 之曰《尚書》,尚者,上也。」尊之猶貴之,故以「上」釋「尚」,又 由義1之謂也。不殺無罪曰居仁,不取非其有曰由義。 其所當居者,仁爲上,所由者,義爲貴。 大人之事 仁義而已矣。不殺無罪、不取非有者爲仁義。 仁由義,大人之事備矣。」建孟子言志之所尚, 故謂之道。 居惡在? 仁是也,路惡在? 義是也。居 行義以達其道,行其所求之志也。及其行時不止於求, 無罪,非仁也;非其有而取之,非義也。 疏「大人之事備也」●○正義曰:程氏瑶田《論學 志與道通一無二,故曰:「士何事? 曰: 欲知 尚志

所由,仁與義也。欲使王子無過差也。章指: 言人當尚志,志於善也, 善之

孟子又何以設言與之齊國而弗受而反不及其辭楚相邪? 愚謂果有此事,自是廉之實蹟,匡章何以不稱於孟子之前 稱於陵子仲辭三公、爲人灌園。皇甫謐《高士傳》載其事。 趙氏義也。 能不義與之齊國而不受,則宜知親戚君臣上下矣,仲子既 也。不義與之齊國而不受猶萬鍾之不受也,處於陵猶節 注「仲子」至「受之也」〇正義曰:仲子不義其兄之禄而處於 食豆羹無禮則不受,萬鍾則不辨禮義而受之也。 子,陳仲子,處於陵者。人以爲廉,謂以不義 嘗攷《韓詩外傳》: 不知有親戚君臣上下,又何能不義與之齊國而不受也? 豆羹之不受也。亡親戚君臣上下,是不知禮義之大者。若 陵,此實事也,不義而與之齊國而不受,無此事,人虛擬之 齊國,必不受之。孟子以爲仲子之義若上章所 人皆信之。是舍『簞食豆羹』之義也。 孟子曰:「仲子,不義與之齊國而弗受, 周氏柄中《辨正》云:「《史記·鄒陽上梁王書》, 「楚莊王使使資金百斤聘北郭先生,先 而 注仲 道 與之 疏 節

❶ 「也」,原作「矣」,合於宋十行、閩、監、毛等本,今據本書

生日: 不義蓋禄,是不知君臣; 不言「君臣」者,以上下即君臣 經言「亡親戚君臣上下」,趙氏言「不知仁義親戚上下之敘」, 小廉,信以爲大哉? 仲子避兄離母,不知仁義親戚上下之敘,何可 者信其大者,奚可哉?」注: 未之考耳。]人莫大焉亡親戚君臣上下。 會改易,灼然可知。 仲子適楚、居於陵、楚王聞其賢而聘之。」以齊地爲楚地、傅 移 耳,固不必實有一卻聘之事。 乎?」於是遂不應聘,與婦去之。」此北郭先生之事,而《高 所甘不過一 與物無治也。 曰:「夫子以 我爲相。 而屬之仲子, 豈可信乎? 淡 「齊城有長白 爲陳仲子。 「臣有 今日 肉。 織 箕帚之使,願入計之。」即 今如結駟列騎,所安不過容膝,食方丈於前, 相 屨爲 以容膝之安、一 ,即結駟列騎,食方丈於前。 夫鄒陽所云辭三公者,特言其不願爲三公 山,陳仲子夫妻所隱處。」《高士傳 而 食,食粥毚履,無怵惕之憂者,何 左袒仲子者猶以辭三公爲美談,夫亦 親戚屬仁,君臣屬義,故不知仁義。 疏注「人當」至「大哉」○正義曰: 也。 而士安附會其說,遂以北郭事 且於陵齊地,顧野 肉之味而徇楚國之憂,其可 避兄離母,是不知親戚; 人當以禮義爲 謂婦 人日 如何?」婦 以其 工《輿 正 楚 》稱「陳 以 欲以 哉? 其 陳 小 地  $\pm$ 人

族」,馬氏、鄭氏注皆云:「上自高祖,下至玄孫爲九族。」凡 邦人」,注云: 稱。 子。」高誘注云:「六戚,六親也。」有父則有母,有子則有妻 之謂六親。 親親」,注云: 其親者,焚之」,注云: 長、父、兄也。」此親專屬父。 將」,注云:「親,父母也。」父母,六親所由始也,故專得 與賈子之説,互相備也。莊公三十二年《公羊傳》云「君親 篇云:「論人者又必有六戚四隱。 亂,不能相親。」然則 爲從曾祖昆弟,曾祖昆弟又有子,子爲族兄弟。 弟,故爲從祖昆弟,從祖昆弟又有子,子從曾祖 父而昆弟,故爲從父昆弟,從父昆弟又有子,子從祖 親,六親始曰父,父有二子,二子爲昆弟, 昆弟又有子,子從 賈子《新書· 官府之六敘正羣吏」,注云:「謂先尊後卑。」是上下有敘 六,則失本末之度。 書》「惇敘九族」,是親戚有敘也。 《 禮 記 • 親之始於一人,世世别離,分爲六親。 祭義》「立愛自親始,立敬自長始」, 六術》篇云: 謂 「親親,若堯親九族也。」《書・ 在五屬之内。」《周禮 「親戚」專指同姓。 六親有次,不可相踰。 「緦服以内也。」《天官 「人之戚屬,以六爲法。 《儀禮• 何謂 《周 喪服記》「親 禮 **哈六戚**? 《吕 秋官 春官・小 氏 堯典》「以親九 相 春 大宰》「一日 掌 踰 父母兄弟妻 注云: 而昆 秋 則月 備此六者 戮 則 人有 宗 影凡 親 ·宰》「以 論 弟,故 算 族 戚 而 殺 如 其 無 擾 非 昆 六

經尚

無以親

戚指異姓,

而 韋

昭

杜預生於漢末,其時

的外戚之 漢儒説

姓稱宗族,母妻稱黨。」自混黨於族,遂亦稱黨爲親。

注

云

親則頑。」韋昭注云:「親謂支子甥舅。」昭公二十五年《左 云:「九族乃異姓有親屬者,父族四,母族三,妻黨二。 云:「是非王之支子母弟甥舅也,則皆荆蠻戎翟之人也,非 戚戚,内相親也。」箋云:「王與族人燕,兄弟之親,無遠無 有服者言之,非其義也。 ,俱揖而進之。」孔氏正 ,是連類而推及之。《秋官・大司寇》「一曰議親之辟」,❶ 「爲父子兄弟,姑姊甥舅,昏媾婣亞 「六親相睦。」蓋自漢以來,有《尚書》歐陽、夏 「若今時宗室有罪先請是 世而緦,服之窮 次因母而及母黨,因妻而及妻黨,因子而及昏 庶姓别 《毛詩·大雅·行葦》「戚戚兄弟」,傳云: 《喪服小記》「婦袝於祖姑,祖姑有三人則 親者,謂 「親言族内、 指同族而言。 於上而 義云"「戚戚猶親親。」《禮記·大 舅所生。」此以舅之生母爲親,仍 也。 乃《曲 戚單於下。」 戚言族外」。 五世袒免,殺同姓也。 《爾雅 禮》「兄弟親戚,稱其慈 也。」 而賈氏疏兼 釋親》先釋宗族 正義云:「戚,親 《國語 以象天明。」杜 • 鄭 侯説 六世 夫同 以 語 外 袝 然也。 矣。 注云, 惡之矣。 何爲至今不殺乎」? 異 舅一,不得謂甥舅 引之《經傳釋詞》云: 倘特因孟子之大聲 「焉猶於也。

親

也

一,孔氏

IE

義謂

婣

六親之正也;

鄭司農

 $\overline{z}$ 

親屬竭矣。

其

四四

也。」是戚

亦與親同

近

於親者」,

注云: 父族。

**六親中之母也。** 

稱

親皆謂

異》云:「王氏《翼注》云:「此作一句讀,言人之罪莫有大於 《左傳》言「父子,兄弟,姑姊,甥舅,昏媾,婣亞 盛踰於宗族,預又爲司馬懿之女壻,其以婣亞爲親宜 類也。」《戰國策》趙威后問齊使,則言其「率民而出於無 屈穀謂: 「田仲不恃仰人而食,亦無益於人之國,蓋堅瓠之 田仲不如盜也。]又《非十二子》篇云: 無親戚君臣上下者。』《荀卿・ 有孝慈?1六親謂父子兄弟夫婦。」則以杜氏所云六親爲不 原無親名,故孔氏正義辨之云:「《老子》云:「六親不和,焉 暴戾無親,不能宴樂同姓,親睦九族。」而末章連言「兄弟甥 人爲高,不足以合大衆,明大分。』《韓非子 仲子辟兄離母而親其妻,是親戚之敘失矣。 其實親字祇屬「支子母弟」,如《小雅 《鄭語》「非親」二字承上文「支子母弟甥舅」,故韋昭 亦同姓 仲子磏廉矯義,不惟人不信之,且 九族也。 一呼,而仲遂敗其僞與?」王氏 不苟》篇云: 趙氏以 「仲綦刻利跂苟,以 親戚指母 盗 頻弁》序云: • 外儲説》載 名不如盜 」,數雖有 翟氏灏《攷 與 一多厭 兄 貨 六, 用 分 是 然

0 大」,按引文出《小司寇》。

「人莫大焉無親戚君臣

下」,言莫大於無親戚君臣上下也。」

包小,可也,以小信大,未之聞也。 章指:言事有輕重,行有小大。以大

子 曰 : 也。 何 ? 桃 陶既主執罪人,故執殺人者。 「然則舜不禁與?」注 故主執有罪之人。 事。」《禮記・月令》「孟秋,命理瞻傷」,注云:「理,治獄 注云:「士,獄官之長。」鄭氏注云:「士,察也。 有服,五服三就,五流有宅,五宅三居。 典》云: 爲士官,主執罪人。 瞍殺人,則如之何?」注桃應,孟子弟子。 日 應以 有虞氏曰士,夏曰大理,周曰大司寇。」士爲刑官之長 「夫舜惡得而禁之? 66注「皋陶爲士官主執罪人」○正義曰:《書 桃應問曰:「舜爲天子,皋陶爲士。 皋陶執之耳。 「帝曰: 爲 舜爲天子,使有司 『皋陶,蠻夷猾夏,寇賊姦宄。 孟子曰:「執之而已矣。」注孟 疏注「皋陶執之耳」○正義曰: 瞽瞍惡暴而殺人,則皋 執 其父,不禁止之邪? 夫有所受之也。」 惟明克允。二馬氏 汝作士,五刑 主察獄訟之 皋陶 陶 瞽 堯 如 皋 官

> 下乎? 蹤。 之? 逃,終身訴然忽忘天下之爲貴也 樂而忘天下。」注孟子 敝 注應問舜爲之將如何。 其法當乎天理,合乎人心而已。」「然則舜 之罪人。 疏注「夫辭」至「禁之也」〇正義曰: 受之於堯,當爲天理民。 而舜復禁之,是自壞其法也。 語 注夫,辭也。 掌以夫遂取明火於日」,鄭司農注云:「夫,發聲。」是夫爲 辭 蹝 也。 蹝,草履可蹝者也。 曰:受之舜。殺人者死,天之道也。 也。 且受之舜猶受之天,受之天者,非諄諄然命之也,謂 惠氏士奇《春秋説》云:「「夫有所受之也」,惡乎受 趙氏以舜之天下受之於堯,故不得禁皋陶 竊 孟子 負 而 曰:「夫舜惡得禁之? 逃, 遵海 · 日 : 王法不曲,豈得禁之也?」 敝喻不惜。 曰:「舜視棄天下猶 自壞其法不可以治一家,況天 舜視棄天下如捐 濱 《周禮 而 疏注 處,終身訢 皋陶既受之舜矣 舜必負父而 如之何?」 秋官• 「舜視」至「不 夫天下乃 執 司 棄 殺人 棄 然 遠 敝

惜

 $\overline{\bigcirc}$ 

正

義曰:

《説文》華

部

굸

● 棄,

捐

也。」手

部云:

❶ 「華」,原誤作「廾」,今從沈校據《説文》改。

盤樽」,辥曰:「朱屣,赤絲履也。」」謹按:《説文》躧、鞡雖分

跟爲跕。1按,舞不納履,故凡不著跟

,曳之而行

雋不疑傳》、《長門賦》皆是也。

《西京賦

》説舞日

一振 日 瓚

朱屣

於

躡,

作跕。

站,

吐

協

反。

《地理志》『站

躍,

臣

躡利屣」,徐廣云:

所犀

也。

今時倡蹋鼓沓行者自有扉。』《史記

部云:

周禮

春官·鞮鞻氏》注云:

「鞻讀如屨。

文》云「履不著跟曰屣」,李云:「縰履謂履

·體之能躡舉而曳之也。」」然則躧、屣

蹝三字同。

民》「履帝武敏歆」,傳云:「履,踐也。」以 足所依也。」故可稱草履,亦可稱草屨。

屣,弊履也。」《莊子・

釋,棄也。」《觀表》篇云「視舍天下若舍

[屣」,高

誘

吕氏春秋·

跳」,「可跳

猶

「可履」也。

北山移文》注引劉熙注云:

捐、棄也。」捐、棄二字轉注,故以「捐」釋「棄」也。

門」,又云「曾子曳縰而歌《商頌》,聲滿天地」,《釋文》云: 一縦、《三蒼解詁》作躧,云:「躡也。」《聲類》或作屣。 《通俗 「躧,舞履也。」革部云:「 靴, 鞮屬。」「鞮, 革履也。」 長見》篇云「視釋天下若釋躧」,高誘注云: 「舞屣也。」段氏玉裁《説文解字注》云: 讓王》篇云「原憲華冠縰履杖藜而應 《説文》履部云:「屨,履也。」「履 「跳,草屨可履。」趙氏云「草履 《毛詩・大雅・生 其可踐,故名履。 無跟也。」王云: 鞮屨,四夷舞者 貨殖傳》云 《説文》足 《文選· 躧 日 注 履, 云: 二品 如 可 耳。 按: 借,言賤易有宜各自蓄之,不假借人也。 曾子之「曳縰」,不必爲舞履,以其無跟而 履之敝壞者不可以納,但爲躡舉而曳之,如原憲之「縰履」, 云屣。 兩字,而戰爲「鞮屬」,鞮爲「舞者所犀」,躧爲「舞履 猶把作麤貌也。 也。」然則草履名屬,舞履名屣,閻氏謂其有别是也。 虞卿「躡蹻」之蹻别。 言「舞者所屝」,屝既爲草履之稱,鞮既是蹤,故以屣爲草履 之者,劉熙《釋名·釋衣服》云: 以訓屣爲「敝履也」,而皆非草履之名。 **鞭原爲一物,故《吕氏春秋** 云:「不借者,草履也。」《説文》糸部云: 預注僖公四年《左傳》「屝屦」云:「屝,草屦。」因《鞮鞻氏》注 「敝喻不惜」者、《釋名》於「齊人謂草履曰屝」之下又云: 属,草履也。」「属,蹻也。 屏爲齊人稱草履之名,而屣實無此 閻氏若璩《釋地又續》云:「維其實止解履也,與《史記 屣即是靴,爲舞者無跟之履。 荆州人异麤絲麻韋草皆同名也。《古今注 徐廣曰:「蹻,草履也。」又屝亦草履。 》同載僕謂吴起之言, 出行著之,踽 「齊人謂草屢曰屝。」於是 蓋舞履名靴以其無 乃劉、趙並以草履 稱。 蹻 亦 齊人云搏腊,搏腊 「 網, ● 稱縱。 輕便,因 《釋名》又云: 此高誘 云 趙 以爲名 日不借 則 氏云 躧與 跟 所

0 網」,原誤作「綼」,今據下文及《説文》改 與今本不同。」 綥。』《儀禮• 慎曰:"「訢,古欣字。」蓋灼所據《説文》訢在欠部欣字下,似 文》欠部云:「欣,笑喜也。」言部云:「訢,喜也。」段氏玉裁 也。」《史記・趙世家》荀欣、《漢書・古今人表》作荀訢。 指法言。」《音義》云:「訢,音忻。」《爾雅·釋詁》云:「欣,樂 此,因悟「執之而已矣」即《尚書》「盡執拘以歸於周」之執,非 之濱便爲政令所不及,故舜竊父處於此,伯夷太公辟紂居於 者曰不惜。」然則不惜即不借,不借即扉。 云"「十月可拆麻緝績布縷作白履不惜。」注云"「草履之賤 時不借也。、《齊民要術・雜説》第三十引崔寔《四民月令》 草履」,故以其稱敝者爲「喻不惜」也。 説文解字注》云"「《萬石君傳》「僮僕訢訢如也」,晉灼引許 」○正義曰:閻氏若璩《釋地》云:「濱,水涯也。古者海 喪服傳》: 「繩屨者,繩菲也。」注云:「繩菲,今 ○注「舜必」至「貴 趙氏既以「跳」爲 《説

孟子自范之齊,望見齊王之子,喟然嘆一

亭,即莊三十一年「築臺於秦」、《地道志》「在縣西北」是也 《釋地》云:「今東昌府濮州范縣,本春秋晉大夫士會邑,《國 里之下邑,而爲孟子所見? 孟子時則屬齊。趙注云: 「范齊邑,王庶子所封食也。」蓋 聲如是也。 子之范,見王子之儀聲氣高涼,不與人同。 儀,還至齊,謂諸弟子」。《説文》人部云:「儀,度也。」賈子 之齊」,則是在范望見王子,至齊乃言,故云「之范,見王子之 之於辥乎?」〇注「孟子」至「是也」〇正義曰:以經言「自范 王之子生長深宫,賜第於康衢貴仕於朝内,豈容遠在七八百 語》「是以受隨范」是。又半屬魯,❶《後漢志》東郡范縣有秦 人與王子豈非皆是人之子也? 王子居尊勢,故儀 也。「大哉居乎」者,言當慎所居。人必居仁也。凡 之移人氣志使之高涼,若供養之移人形身使充 謂諸弟子喟然嘆曰:居尊則氣高,居卑則氣下。居 盡人之子與?」注范,齊邑,王庶子所封 曰:「居移氣,養移體。大哉,居乎! 疏注「范齊」至「食也」○正義曰:閻氏若璩 其在范者, 殆猶靖郭君、孟 食 還至齊, 夫 监営君 非 孟 盛 齊

0

<sup>「</sup>半」,原誤作「卒」,今從沈校據《四書釋地》改。

喻也。 《説文》食部云:「養,供養也。」蓋下專言「居」,故以「養」爲 居勢者之小又不如居仁者之大矣。 之、則居尊者高、居下者卑、居下者之氣不如居尊者之高,而 高明由於居之尊貴,故既言「聲氣」又云「氣志」。趙氏以「養 字通用。」按:亮者,明也。 之語也。 含蓄不盡,趙氏注與《章指》互發明之。「凡人」即凡民,謂衆 同是居,宜擇而居其大者,必以居仁爲大也。即以居勢言 大矣,故云「大哉居乎」。「當慎所居」,猶云「術不可不慎」。 移體」爲比喻之辭,故云「若供養之移人形身使充盛」也。 也。」下云「居移氣」,故云「聲氣」,亦即本《容經》「聲氣可樂」 經言「望見」,遥 人,亦同是人,而君子異於小人,可相觀而喻矣。 孟子之言 〈梁惠王上》篇「望之不似人君」,注云「望之無儼然之威儀 (新書・容經》云:「容貌可觀,聲氣可樂。」又云:「夫有 也。 可畏謂之威,有儀而可象謂之文。」此儀即謂容儀、威儀。 劉熙《釋名·釋天》云:「氣,愾也。 夫居尊爲居,居仁亦爲居,以居仁與居尊較則居仁爲 阮氏元《挍勘記》云:「「高涼」、按,涼字與亮同,古 而望之,故見其儀。「儀」字從「望」字推之。 乃聲之高明由於志之高明,志之 同是子,而王子異於凡 愾然有聲而無形 威

是

而

章指: 言人性皆同,居使之異。 君子

庶。

詳見前

居仁,小人處利。譬猶王子,殊於衆品也。

乎? 耳。」又云:「三衢毛氏曰 氏若璩《釋地》云:「垤澤即襄十七年築者謳曰之澤門,杜 之似我君也?」此無他,居相似也。」注至澤, 用之耳,然而王子若彼高涼者,居勢位故 注「宋東城南門」是也。 音氣同也。 宋城門名也。 垤澤之門。 施於四體者,威儀容度,益有可觀。 「仁義在身不言而喻」〇正義曰:詳見前。 廣居? 下之廣居者乎? 注言王子宫室乘服皆人之所 同,而王子若彼者,其居使之然也。 「垤澤」至「發聲」○正義曰:《音義》云:「呼,丁火故切。」閻 按,盟諸澤在故 孟子曰:「王子宫室車馬衣服 謂行仁義。 以城門不自肯夜開,故君自發聲。 人君之聲相似者,以其俱居尊勢,故 守者曰: 『此非 宋國微子所封之東北,此自爲 仁義在身,不言而 或曰: 呼, 唤也。 得無《禹貢》盟諸澤名其門 吾君 魯君之宋,呼於 凡 歎 謂仁義根於心其 息招 也,何 喻 也。 呼 也 況居天 多與人 則 其 平 疏 疏 況居

怒而 所受也。 而 故守者聞之。 揚厲其聲之謂也。 不怒」,章昭注云:「怒,作氣也。」蓋「發聲」者, 發。」《鬼谷子・摩》篇云「怒者動也」,《國語・ 字義古不以音分,呼 移,豈他人能似? 乃賤者之役聲,可習之而能,若魯君與宋君聲爲居高養優所 呵 講 故 果爾,魯君於垤澤之門,自應如趙注云「以城門不自肯夜開, 號 王子儀之可 發以散」,注云:「發猶揚也。」《國語 小爾 呼,發聲也。」《禮記・月令》云「雷乃發聲」、《樂記》云「其聲 發聲」解之者,文公元年《左傳》云「江芈怒曰呼」,❶注云: 君 護 又云有作魯君自呼之聲者,陋甚。 ·君自發聲」之呼爲平聲,不應音去聲爲叫號之呼明矣。 而 預 發聲,呼於門外。 傳呼來於垤澤之門,尤非人之聲音關乎貴賤,呵護傳呼 呼 雅 自請 ·則去聲、《詩》「式號式呼」、《左傳》「倉葛呼」之類也。 》「嗚呼吁嗟」,醫書「一呼一吸爲一息」之類也, 因其不肯,所以發怒,注義甚明,正見威之可畏,與 開。 象,同 「發聲」二字解怒之呼,與杜氏同,杜氏當亦有 顧 魯君之來,守者豈不知,所以不肯開者, 魯君夜至宋城,監門者不肯開納,故 仍屬倉卒自呼,故爲監門者所疑。」按: 居尊勢所移。 唤、號 魯君之呼,即猶江芈之呼,其聲震 呼雖 有不同 若謂慮其夜不開城門 試看「呼於門」,於字是 . 周 ,而皆爲聲。 語》云:「士氣震 周語 奮作其 》云 「恕 趙 魯君 氏以 氣 動 因 近 叫 而 而

> 明矣。 而訓爲「咄啐」。 嘑自别,無煩以平去分也。 故象其發怒之聲而以爲呼也。 發其氣。 息也。」呼、評、嘑三字不同。 作「評」,號嘑在口 國之君自請於門,遂可信而納之乎? 路乎? 以 (乘夜而來, 詎非襲我? 凡人氣息和則呼吸相均,忿而爲怒則呼長 郅惲守上東城門,帝至,見面於門且不受詔, 此以嘑爲呼之假借,咄啐爲呼,正與此 部 作「嘑」。 趙氏注 **豈魯君自呼以表其非他人而** 外息謂出其氣,出其氣正 此呼字、《説文》口部云: 此呼正呼吸之呼,與召 「嘑爾而與之」讀嘑爲 且召評《説文》在言 而 吸小 是震 相 豈 呼

即 正

猶 亡角二切,目不明貌。」《荀子 茂,目不明也。1張亡角反。」《玉篇》目部云: ○正義曰:《音義》云:「瞀,丁云:『案,《開 優;胷中正者,眸子不瞀也。 居之,志氣 瞀儒」,楊倞注云: 章指: 以舒。 言輿 「瞀,闇也。」闇亦不明也,瞀與眊 服器用,人用 是 以 ・非十二子》云「世俗之溝 居 仁 由 不殊; 疏「眸子不 義 ·, 盎 元文字》音 「瞀,莫遘 尊 然 瞀 貴 内

<sup>0</sup> 平, 原誤作「芋」,今據《左傳》改。 下一「半」字同。

孟子曰:「食而弗愛,豕交之也;愛而

爲奉, 之而 <u></u> 敬 止」,傳並 則爲無實,不可以虛致君子。 日某固 雅·釋言》云:「將,送也。」孫炎注:「云行之送也。」《周 君子之心也? 以命將行之也。 而 敬,獸畜之也。 毛詩. 以幣行禮,必以命行之乃爲實,若但以幣將,未以命將, 不能敬也。 而無實,君子不可虚拘。」注人之交接,但食 「將命謂 「幣謂璧帛之等。」《禮記・少儀》云 春官·大史》「及將幣之日」,注云:「將,送也。」賈氏疏 不愛,若養豕也,愛而不敬,若人畜禽獸 而將幣、將命皆是行禮,故「將」爲「行」。趙氏之義蓋 願聞名於將命者」,注云:「將猶奉也。」孔氏正 大雅 云 傳辭出人、通主客之言語者也。」將之義爲送, 正 抑 且恭敬者如有幣帛,當以行禮,而 ,至也。」至即致,故以「致」釋「拘」。 》篇 疏注「且恭」至「心也」○正義曰:《爾 恭敬貴實。 恭敬者,幣之未將者也。 「淑慎爾止」、《魯頌・泮水》篇「魯侯戾 《説文》手部云:「拘,止也。」 如其無實,何可 「聞始見君子者,辭 虚 门,但 拘 近時 恭 不 致 未 愛 義

> 通解謂幣帛未將時已有此恭敬之心,乃是其實, 方恭敬,即是虚文。君子不可以虚文拘留之。 若 行

時

實,虚則不應。 實者謂愛敬 也。

言取人之道,必以

恭敬。

恭

敬

貴

子容色妍美。 「嚴猶尊也。」《洪範》,《商書》篇名。 也。 氏注云:「恭在貌。」《禮記·大傳》「收族故宗廟嚴」,注云: 地成形」,注云:「形,體貌也。」《書・無逸》「嚴恭寅畏」,鄭 麗之容。 貌嚴尊也。 故爲「天性」。 色之美好。 之日治,或謂之治容,或謂之愛老沖。」舜爲麗木,故 「舜,木槿也。」《太平御覽》引《傅子》云:「蕣華,麗木也。 顔氣也。」《一切經音義》引《三蒼》云: 曰恭,恭作肅」、「恭肅」即「尊嚴」也。 疏注「形謂」至「人也」○正義曰:《禮記 孟子曰: 《詩》 趙氏謂「體貌尊嚴」與顔色「妖麗」皆天之所生 《尚 阮氏元《校勘記》云: 引《詩》,《鄭風·有女同車》篇。 日: 書・ 「形色,天性 顔 洪範》:「一 如 舜 華。」此皆天假 也。 「十行本舜字模糊,閩 云二五事,一曰 日 「妖, 妍也。」妖麗謂 《説文》色部云: 貌。」色謂 注 形 謂 毛傳云: 樂記》「在 施 婦 君 以比 於 子 人 色 人 妖 體 顔 謂 女

七六五

孟

子正義卷二十七

形。 監 名治際會,名著而男女有别。」注云: 紀侯之母 以 然 居色者之主名,其 形」,不言「踐色」,是尊陽抑陰,猶數畫不數夜,達宋公不達 生有美色,亦宜以正道居之。 雖貴皆爲陰。」趙氏以男子生有美形,宜以 於昏禮也,達宋公而不達紀侯之母。 日者據畫 云:「君子黄中通理,正位居體,美在其中而暢於四支。」 蓋 之位」,即居天子之位也。 言踐履,故以 履」至「義也」○正義曰:《説文》足部云: 中 「三王之正,隨陽而更起。 音 通 「踐形」爲「居體」也。《春秋繁露》有《陽尊 後 1義》出 毛三本 不言「居色」主名,尊 理。」聖 可 也。 以踐 而不據夜,數歲者 蕣字,依《説文》則舜古字,蕣俗字也。」 ·如此。 「居之」明之。 人内内 「主名」者,「聖人」爲男子踐形者之稱。 形。」注踐,履居之也。 廖本、孔 「聖女」與? 外 文明,然 引《易》者、《坤》六五《文言傳》文: 以此見之,貴陽而賤 本、韓本、《攷文》古本作蕣。 《禮記·明堂位》言 ,據陽而不據陰。 乃上並稱「形色」,下單言「踐 陽 《禮 抑 後 記 陰 能 「異 丈夫雖賤皆爲陽,婦人 • 之義 以 人姓謂 大傳》云: 正道 「踐,履也。」形 正道居之,女子 《易》曰: 也。 是故《 陰卑》篇,云: 來嫁者也。 陰也。 周公踐天子 履居 惟聖 「異姓 疏 春 注 秋》之 此 然則 故數 「黄 按, 人 踐 主 美 立 而

也。 糅,能否精觕,清濁昏明,煩煩員員,氣衍類滋,廣博襲 也。 矣。 形; 按: 於母 良醫任以處方。 智足知飛走蝡動之性,以馴以豢,知卉木之性,良農以蒔刈 地之全德。 逆則毒。 鉅瑣微,形以是形,色以是色,咸分於道。 以人物生生,本五行陰陽,徵爲形色。 逮,是不踐此言也。」又《原善》云:「孟子曰:「形色, 於物,而於人之道不能無失,是不踐此形也, 形、人之色,所以爲人之性。聖人盡人之性,正所以踐 育於仁,莫不條貫於禮與義。」 云:「人、物成性不同,故形色各殊。 禽獸之形色不同乎人,故禽獸之性不同乎人。 《孟子》此章言性至精至明。 苟拂乎人性之善,則以 此章乃孟子言人性之善異乎禽獸也。 `與婦之名耳。」趙 由天道以有人物,五行陰陽,生殺異用,情變殊致 惟聖人然後可以 性至不同,各呈乎才。 從生而官器利用以馭,横生去其畏不暴其 聖人神明其德,是故治天下之民。 踐形。 氏以居色者爲婦女,故假借此二 人之形而入於 血氣心知之得於天,形色 人之才得天地 戴氏震《孟子字義 人之形,官器利用大遠 其偏全厚薄,勝 以順則煦以 禽獸 形色即 猶言之而 之全能 惟 矣,不 其爲 是 民莫不 天性 僢 字 通 踐 形 人人之 天 行 人之 負 其 使 證 也。 是 閎 雜 表 性 不

章指: 言體德正容,大人所履,有表

厚味甘,實酢不中啖; 疏 無 此作样,木與草兩岐,恐亦譌體。 也。」其字從亲從木。❶《廣雅》作「辛栗」,脱木字。 注引此文並同。 廣業《孟子章指攷證》云:「案,模字,宋本及《韻會》榛字 丁云: 「上以究切,似橙而醋。 詩 裹, 疏》、《本草圖經》作莘,謂是栗之一種,則改從莘。 有 榛,似 表無裏謂之柚梓」〇正義曰:《音義》云:「柚棒、 謂 栗而 之柚 小。 攷《説文》:『亲,果實如栗。』『榛,木 楪。 引此二物者,皆謂内不稱外。 榛肉作胡桃味,而實肥者少,故江 是以 下音臻,從木莘。]字亦作 聖 古本作梓,尤非。」柚皮 人 乃 堪 踐 形 陸璣 周氏 也。 今

爾 日 不能三年喪,以朞年,差愈於止 久,欲減而短之,因公孫丑使 喪,猶愈於已乎?」注齊宣 亦教之孝悌而已矣。」注於,戾也。 齊宣王欲短 是猶 或紾其兄之臂,子謂之姑 喪。 公孫丑曰:「爲朞之 自以其意問孟子。 一王以三年之喪爲太長 而不行喪者。 徐 孟子言 徐 孟 子 云 既

諺云:

「十榛九空。」趙氏以喻有表無裏,殆以此邪?

三年爲過,故欲酌易而從朞。 「齊宣王欲短喪,意在變今非變古。 也。 爾。 庶」至「之何」○正義曰:閻氏若璩《釋地又續》云:「以經 爲請之於君,欲使得行數月喪,如之何? 兄。」王子有其母死者,其傅爲之請數 子於戴盈之請輕税則喻之攘雞,而公孫丑問短喪則喻之紾 有人戾其兄之臂爲不 經,莫合於《喪服記》「公子爲其母」章以解「王子爲其母」。② 庶夫人死,迫於適夫人,不得行其喪親之數。 其非,不求其是,而小變之以爲安,終身無望於是矣。 喪,直已而已矣。齊王殆聞孟子之教,知已之不可, 「我姑酌彼金罍」,傳云::「姑,且也。」趙氏佑《温 復戾其兄之臂也。 公孫丑曰:「若此者,何 是豈以徐之爲差者乎? 疏注「且徐徐云爾」○正義曰:《毛詩 今欲行其朞喪,亦 順 也,而子 不知天下無得半之理。 如 也? 不若教之以孝悌, 蓋當時久不行三年之 謂之曰: 猶 周 日徐徐之類 丑 疏注「王之 南 且 月之喪。 故録》云: 曰:王之 徐 而又以 卷耳 其 徐 傅 勿 解 孟 知 云

「亲」,據文意疑當作「辛」。

□「爲」,據文意疑當隨《孟》文作「有」。

期 誤自 貴」,故《春 尊,不得 嫡庶若是其嚴乎? 云: 服 此 也。」『大功』章『公之庶昆弟爲其 喪服記》:『公子爲其 在爲其母大功,公子父在爲其母無服,厭於尊也。 絶旁期,大夫降,故士之庶子父在爲其母期,大夫之庶子父 家無二尊,故有厭降之義。 夫人死,迫於嫡夫人,不得行喪親之數」。 暘謂『王子所生之母死,厭 讀自製序文,真有冠履倒置之歎。」錢氏大昕《潛研堂答問 齊衰期」, 厭 ,不得過大功」。 厭於父也。 「問:『王子有其母 趙 鄭 於父在,本無服,權爲制練冠麻、麻衣縓緣,既葬而 康成 岐、沿於孔 以 其爲君母 一伸母之服,不言厭於嫡母 注 秋 不在五 i 曰: 「不奪其恩也。」無厭於嫡母之説。 》於成風、 禮,尊君而卑臣,亦有厭降之義。 一謂 也。 疏。 服 蓋公之庶子雖父已先卒,猶厭於父之餘 嫡母 日 : 之中也? 母 敬 明 惟 死者,其傅爲之請數月之喪。]陳氏 練冠 陳氏之説本於趙邠卿,謂「王之庶 嫡母在 嬴 在室者。』後《孝慈録 初、《大明令》載『庶子爲其所生母 於嫡母而不敢終喪」。 父卒爲母齊衰三年,而父在 、定姒、 麻、 則不得伸其母,然則天子諸 君之所不服,子 麻 母』,傳 齊歸之薨葬,曰夫人,曰 也。 衣 縓 《公羊傳》『母以子 緣, 謂 其實不然也。 先君 既葬 》成,益定制 亦不 餘尊 天子諸 古人之於 除之。」傳 《儀禮 厭嫡母, 之所 敢 除之 禮, 服 侯 則

若無 有此 此三 不敢服 是不能 安容妄請乎? 所以爲之請也。 有 除之喪。 卿,賤者視大夫,皆三月而葬。」然則僅喪三月,視期少九月 母 疏屨、 不可 曰:《喪服傳》云:「疏衰裳齊、牡麻絰 禁,自欲短之,故譏之。 益 日 侯爲其生母,謂厭於嫡母,可也,公子爲其母,謂 孟子曰: 如是王子,欲終服其子禮而不能者也。 練冠麻、麻衣縓緣、既葬除之,注云:「諸侯之妾貴 一日之喪。 愈於已。 此制 一月之服。 推恩三月之禮? 也。」曰:「 日,則 期者,父在爲母。」此子之禮也。 ,則君於庶夫人無 「終子禮」也。 數月者,三月也。 ,孟子豈如是言乎? 愈於止, 況數 然制禮者權情度義,不奪其母子之恩,故爲 乃雖有此制, 若依君所不服子不敢服之例, 請之,蓋舊例如此, 謂夫『莫之禁而不爲』者 是欲終之而不可 其傅 是加 請數月之喪,蓋即 於已,故 必請之於君,俾恩由君出 日之喪者也。 公子厭於父,君之所不服,子 7月乎? 疏注「王子」至「譏之」〇正 夫以當已之喪而尚 云「雖 若本無數月之喪之制 所 今公子厭於父,爲其 冠布纓 得 謂 加 則公子亦宜 也 不 此三月 則當已, 日 當者, 削 厭於 杖、 也。」 雖 加三月以 既 布 加 謂 嫡 而得 葬 此 不 帶 注 加 傳 制 敢 ПП 亦

一愈,於此爲有所禁而加,彼爲無所禁而短。 或得或失,不伸母子之恩,而三年之喪降而爲期,何以伸孝子之志? 同

待智者知之矣。

送死有已,復生有節也哉?」 章指:言禮斷三年,孝者欲益,富貴 一章指:言禮斷三年,孝者欲益,富貴 是所,思減其日。君子正言,不可阿情。 是所,思減其日。君子正言,不可阿情。

治也。 記·五帝本紀》作「烝蒸治」,是乂即治也。《洪範》「恭作肅, 淑 有也」,高誘注云: 獨J至「差也」〇正義曰:《吕氏春秋·孝行》篇「身者非其私 其身,人法其仁,此亦與教法之道無差也。 道 有 艾者。 五品。 孟子曰:「君子之所以教者五: 有成德者,有達財者,有答問者,有私 注私,獨,淑,善,艾,治也。 有 如 「私猶獨也。」《書 時雨化之者,注教之漸漬 堯典》「烝烝乂」、《史 君子 注教民之 疏注「私 獨 而 善 沾

淑 之人,艾字指人之「法其仁」以自治。 君子獨善其身,原未施教於人,但人以其仁爲法,即不異親 從作乂」、《詩・小雅・小旻》篇云「或肅或艾」,是艾即乂也。 足,此疊艾字以足其句,其實「私淑艾」猶 直也;未得爲孔子之徒, 字義相疊,「私淑艾」者即私拾取也。 與叔之義爲拾同。 統》「草艾則墨」,注云:「草艾謂艾取草也。」是艾之義爲取, 文》云:「刈,本又作艾。」《韓詩》云:「刈,取也。」《禮記・ 文》云:「本亦作淑。」《詩 故爲拾取之正訓、《毛詩・豳風・七月》「九月叔苴」,傳云: 也。從又、赤聲。汝南人名收芌爲叔。」「又、手也。」叔从又、 艾」三字殊不易達。《國策・秦策》「賞不私親近」, 於賢人」,則「私淑」屬法其仁之人,與此注義異。 受其教。趙氏以「獨善」解「私淑」,則 「予未得爲孔子徒也,予私淑諸人也。」趙氏以爲「我私善之 竊愛爲私。」曲、竊皆不直之義也。 私猶曲也。」《楚辭 叔、拾也。」是也。 |猶云「竊取」也。 蓋「私淑諸人」即私拾諸人也。 淑與叔通、《詩·陳風》「彼美叔姬」、《釋 彼言私淑諸人,不必又疊艾字,其義自 離騷》「皇天無阿私兮」,王逸注云: 而拾取於相傳之人,故爲 ・周南 葛覃》「是刈是濩」、《釋 《説文》又部云"「叔,拾 親爲門徒,面相授受 按:《離婁下》篇云: 私淑 私 」指「獨善其身. 淑 也 然、私 淑、艾二 注云: 「私 恐 祭 淑

此五者,君子之所以教也。」建申言之,孟子貴全不知古人六書通借之學,鄙不足議,況淑之爲叔拾乎!善才,此正義也,轉附諸後而取陸之説。陸直以財爲貨財,之。,義易明,故趙氏不注。《音義》云:「陸云:「達財,周恤其惑而不定,故成之。財即才也。才恐其滯而不通,故達其惑而不定,故成之。財即才也。才恐其滯而不通,故達

人乎? 章指:言教人之術,莫善五者。養育

重此教之道。

汲 曰:《説文》子部 孳孳自 不能及也。 孳也?」注田以爲聖人之道大高遠,將若登天,人 然,似不可及也。 汲也。 公孫丑曰:「道則高矣美矣,宜若 勉也? 《周書》曰:「孜孜無怠。」」孜、孳二字古多通用。 何不少近人情,令彼凡人可 云: <u>疏</u>注「可庶幾使日孳孳自勉也」○正 「孳,汲汲生也。」❷又支部云:「孜孜, 何不使彼爲可幾及 庶幾,使日 而 登天 日 荽 義

> 似不可及也。何不使彼爲可幾及而日孳孳也?」今謂人倫 《尚書》傳云:「孳孳,勸勉不怠。」戴氏震《孟子字義 發育萬物,峻極於天。 亦不過謂之道。 之,則全乎智仁勇者,其盡君道、臣道、父道、子道,舉其事 道、子道,非智仁勇不能也。質言之,曰達道曰達德,精言 則父道失,子不止於孝,則子道失。然則盡 同。」下文即指此章也。「自勉」與「無怠」義 前「孳孳爲善者」、《音義》引張云:「與孜同,古字通用,下文 止於仁,則君道失,臣不止於敬,則臣道失,父不止於慈 臣之事,爲父爲子而行父之事行子之事,皆所謂道也。 然,豈難知哉」,謂人人由之。 矣,何以茫然無據又若是哉? 日用舉凡出於身者謂之道,但就此求之,得其不易之則 前,忽焉在後。」❸公孫丑曰:「道則高矣美矣,宜若登天然 云"「問"顏子喟然歎曰" 故《中庸》曰:「大哉,聖人之道! 優優大哉! 「仰之彌高,鑽之彌堅。 如爲君而行君之事,爲臣 曰:若孟子言『夫道若大路 禮儀三百,威儀三千,待 君道、臣道、父 亦相近。 瞻 洋洋平 疏證 君不 之在 僞孔 而 而 可

8 9

0

<sup>「</sup>作才」,原脱,今從沈校據《孟子音義》補。

<sup>「</sup>焉」,原誤作「然」,今從沈校據《孟子字義疏證》改。「孳汲汲」,原誤作「孳孳彶役」,今據《説文》改。

不爲

新學拙

工故,爲之改鑿廢繩墨之正

也;

羿不

不

躍

如

也

中

道 而 改

繩墨,羿不爲拙射變其彀率。

君子引

及耳。

故孟子告之云云。」孟子曰:「大匠不爲拙

其高美耳,又非以其立教之高而謂

立、卓爾、雖欲從之、末由也已」。

此顏子之所至也。」李氏

而

自知未至也。

顔子所以言「欲罷不能,既竭吾才,如

慎思、明辨、篤行,而終之曰:

人,博我以文,約我以禮。1《中庸》詳舉其目

也,莫能遽幾及之也。

以 其

至道歸之至德之人,豈下學所易窺測哉?

人而

後行。」極言乎道之大如是,豈

出 人倫

日用之外

立教之循循有序而苦於高美者,速至之無期如天之不可幾 見其進矣,又久之,己亦覺不復能進矣,人雖以國工許之, 難有易,譬之學一技一能,其始日異而月不同,久之,人不 日增其仁,日增其勇也,將使智仁勇齊乎聖人。其日增也有 柔必强。」蓋循此道以至乎聖人之道,實循此道以日增其智, 《榕村藏稿》云:「丑非欲孟子貶其高美,欲孟子使已幾及 ,視聖人之語言行事猶學弈於弈秋者,莫能測弈秋之巧 顔子之言又曰: 『夫子循循然善誘 立,能者從之。」建大匠 「果能此道矣、雖愚必明、雖 如天不可幾及,正謂其 ,日博學、審問 今以學於聖人 有所 哉? 爲 而 工 光 與 弩牙也。 雅 新 引太甲曰: 極思用巧之時」即所謂「用思專時」也。 義》注以「所射之識」釋的。 即以爲「法率」,故趙氏以「表」釋「率」而以爲 則能中焉。 遠國屬。」五采之侯即五正之侯。 夏官・射人》注云:「《考工・梓人》職曰:「張五采之侯, 正體 此云「弩張向表率之正體」,以「張弩向的」準之,則「表率之 射則引弓彀弩而不發,以待彀偶 三正損玄黄,二正去白蒼而畫以朱緑。 之中,不以學者不能,故卑下其道,將 Œ 取之也。 必志於彀」,注云:「彀,張 所射 · 賓之初筵》「發彼有的」,毛傳以「質」釋的,《禮記 學 體,望之,極思用巧之時。 」即指的 拙射者,變其彀率之法也。 |参相得,乃後釋弦發矢。|「機張」即 度謂所擬射也。 疏注「彀弩」至「取之也」○正義曰:《告子上 「若虞機 畫五正之侯,中朱,次白,次蒼,次黄,玄居外。 而言。 正體謂 張,往 虞人之射禽,弩已張於機間 省括 也。 「所射之識」猶云「標」也。 正鵠之體,表即標 於厥 張弩向的者,用思專 正之言正也 不可變也。 度, 也, 彀,弩張 畫此五采以爲標識 按: 則 《孟子》所謂 於道 以 釋。」注 「正體」也。 《禮記· 須 也。 ,射者内志 嚮 於 則 君 云 《周 能 中 子 表 時 「望之 1,視括 率之 道 謂 禮 者 機 · 射 也。 《小 衣 則 往 德 於

氏以 也。 也。 高 由 發,心則躍躍疾去也。 雅 待其合而後發,故不遽發者,必願中也。 也。 引弓不發即猶張弩不發,故云「引弓彀弩而不發」。《音義》  $\bar{z}$ 云: 訓 謂彀張其弩,又當循其射道,令必中於表。」陸云"「率,法 彀謂張弩,率謂省括於度。 律, 偶,合也。」謂 |率」則不必專指正之體耳。《音義》云:「丁云:「率,循 率」正即 Ш 也已」,鄭氏注云: 率爲循,非其義; 丁云: 釋訓》「躍躍,迅也」。《釋詁》云:「迅,疾也。」言手雖不 「引,張弓也。」引爲張弓,故趙氏即以「彀弩」釋「引弓」。 躍 度也。」律與率同。 心願中,故「不發以待彀之偶」。 「君子於射」喻「君子於道」,引而不發以待其偶,中道 「引,開弓也。」《淮南子・ |淮南子・覽冥訓》云「以治日月之行律」,高誘注云: 如,心願中也。 「省括於度」之度也。 「躍如猶如卓爾。」陸云:「躍如,心願中。」」陸是 「卓爾與天合其德」。 所張之彀合乎所擬之率,則釋之乃必中也。 陸讀爲律訓法,近是矣。《説文》弓部 「卓爾、絶望之辭。」《詩・周頌》「天作 《論語·子罕》篇「卓爾、雖欲從之,末 能者從之,當勤求也。」則讀爲律。」丁 「行度」可云「行率」,則《孟子》所 趙氏言「極思用巧」即是省,而 説林訓》「引弓而射」,高誘注 繩 墨兩事, 彀率亦是兩事。 丁氏之説擬不於倫。 《爾雅 躍如猶云躍躍、爾 釋詁》云: 也 趙 云 而

立以待其從。雖以「彀弩」釋「引弓」,與上「變彀率」意不

同

也。

序》宋玉對楚威王曰:「其曲彌高者,其和彌寡。」 丑. 正者不枉,執德者不回,故曰「人能 一欲下之,非也。 章指:言曲高 和寡,道大難追。 疏 曲高和寡」〇 正義 宏道 然 日 而 : 《新 履

崔注云: 物謂之殉。」《莊子・駢拇》云「小人則以 記 通賦》「豈余身之足殉兮」,●注引項岱云:「殉,從也。」《史 正道從俗人者也。 天下無道,道不得行,以身從道,守道 殉,從也。 道,以身殉道。未聞以道殉乎人者也。」 屈原賈生傳》「貪夫殉財」、《索隱 孟子曰:「天下有道,以道殉身,天下無 「殺身從之曰殉。」 天下有道,得 疏注「殉從也」〇正義曰:《文選 行王政,道從身施功 》引臣瓚云:「亡身從 身殉利」、《釋文》引 而隱。 不 實 聞以 也 注 幽

❶ 「幽通」,原誤倒,今據《文選》乙。

人也。疏「金石獨止」〇正義曰:《説苑·談叢》篇從顧,守者所慎。故曰「金石獨止」,不殉章指:言窮達卷舒,屈伸異變。變流

云:

❶「水浮萬物,玉石留止。」

接義同 逸注云:「挾,持也。」《廣雅・釋詁》云:「接,持也。」是挾與 文》手部云:「挾,俾持也。」《楚辭・天問》「何馮弓挾矢」,王 接貴、接賢、故不答矣。 師之待以異 恩,按已與師有故舊之好,凡恃此五者,而以學問望 貴勢,接己之有賢才,接己長老,接己嘗有功勞之 所不答也。滕更有二焉。J**江**挾,接也。接己之 問,挾長而問,挾有勳勞而問,挾故 子不答,何也? 者也。言國君之弟而樂在門人中,宜答見禮,而 而不答,何也?」汪滕更,滕君之弟,來學於孟 也。 公都子曰:「滕更之在門也,若在所禮, 《儀 意而教之,皆所不當答。 禮 孟子曰:「挾貴 鄉射禮》「兼挾乘矢」、《大射儀》「挾乘 疏注「挾接也」○正義曰:《説 而問 滕更有二焉, · 狹賢 而問,皆 而 夫 子

> 亦即恃貴、恃賢、恃長、恃有勳勞、恃故也。 字通也。挾爲俾持,接爲方持,義有不同,而爲持則同,故 字通也。挾爲俾持,接爲方持,義有不同,而爲持則同,故 字通也。挾爲俾持,接爲方持,義有不同,而爲持則同,故 於長、挾有勳勞、挾故,即持貴、持時同聲義通,挾之爲持,即爲 恃,故趙氏既以「接」釋「挾」,又云「恃此五者」。挾貴、挾賢、 大學、云:「持,本作恃。」《莊子·徐無鬼》「恃源而往者也」, 《釋文》云:「恃,本亦作持。」持恃同聲義通,挾之爲持,即爲 持,故,以持其世而已」、《釋 次過也。挾爲俾持,接爲方持,義有不同,而爲持則同,故 亦即恃貴、恃賢、恃長、恃有勳勞、恃故也。

滕更恃二,孟子弗應。 章指:言學尚虚己,師誨貴平。是以

可。 己; 厚而反薄之,何不薄也? 其退速。」注己,棄也。 所以不可而棄之,使無罪者咸恐懼 於所厚者薄,無 孟子曰:「於不可已而已者,無 所不 於義所不當棄而棄之則不 不憂見薄 · 薄 也。 者 其 亦皆不自安 也。 進 於義 鋭者, 所不 當

■「談」,原誤作「説」,今從沈校據《説苑》改

子》。 矣。 黄髮。 矣。 不旋時。 嘉二年固對策云:「先帝寵遇閻 成 引 以 云 可恃也。 本不憂其薄,今見其自薄於所當厚,則人人不安,而親厚不 矣」〇正義曰: 皆自危,故云「使無罪者咸恐懼」也。 注 仕」,則已爲罷黜。 也」①〇 (孟子))有此文。」謝 云:「棄,廢 「鋭則挫矣」,郭象注云: ,禍害暴疾,故曰: 「過進」解「其進鋭」也。「越其倫」即 |翔而後集」,與《梁惠王下》篇「故國」章《章指》同。 狀留》篇云:「吕望之徒,白首乃顯,百里奚之知,明 按: 當「翔 不審察人而 深爲國謀,因爲王輔,皆夫沉重難進之人也。 Ē 老子曰: ○注「不審」至「之何」○正義曰:《莊子・天下》篇 李固自是引《孟子》,宜以謝 義曰:《論語 而 也。」是已即棄也。 「何不薄」猶云何人不爲所薄。 後 集」,慎如之何? 『其進鋭,其退速也。』」李賢注云: 昭公二十九年《左傳》「水官棄矣」,杜預 過 承書亦云《孟子》, 其進鋭者退速。』《後漢書・李固傳》陽 進不肖越其 ·公冶長》篇「三已之」,對上「三 「進躁無崖爲鋭。」進之太過,故 氏,位號太疾,故其受禍曾 趙氏以無罪 ○注「於義當厚」至「安 倫,悔 承 而 「卑踰尊,疏踰戚」,故 疏注「已棄」至「懼 書爲是,范蔚宗本 《續 漢 而 而黜則凡 書》復 素與親厚者 退之必 輕躁早 云《老 仕者 案, 《論 於 谏

> 充、 馬彪之誤爲《老子》耳、《老子》無此文也。 李固同。 然則漢時解《孟子》此文皆以刑賞用人言 趙氏 注義 與 王

司

蓋

有所自也。

之有? 無濫。 害及君子」。 與 虎,叔向爲之奴,祁奚見范宣子曰,『善爲國者』」云云,文 有之曰: 『不僭不濫。』』《説苑 賞僭則懼及淫人,刑濫則懼及善人。 年蔡聲子謂楚子木曰:「善爲國 僭不濫」,詩人所紀。 此同。《荀子· 章 指: 與其失善,寧其利淫。 疏「賞僭」至「所紀」○正義曰:襄公二十六 言賞 君臣》篇作「賞僭則利及淫人,刑濫 僭 及淫, 是以 無善人則國從之。 善説》篇云:「晉誅羊舌 者, 刑 季 若不幸而 賞不僭 濫 文三思,何後 傷 而 善。 刑不 過 《商頌 寧 僭 濫 不 川

注物謂凡物可以養人者也。 孟 子 曰:「君子之於物 也,愛 當愛育之而 之 而 不 弗 如

0 厚 懼」,原誤 作「慎」,今據注文及下一條疏 始自 「於 爲親,其普施於民者通謂之仁而已。仁之言人也,稱仁以别

云:「仁,親也。」親即是仁,而仁不盡於親。

仁之在族類者

8

與親同也。 養之曰畜,將用之曰牲。」是犧牲先養育之而後殺也。 《天官‧庖人》「辨六畜之名物」,注云:「六畜,六牲也。 愛人之爲仁,故云「當愛育之,不如人仁」。《禮記・祭義》 謂之仁,然則愛在物不謂之仁矣。愛物者第養育之,不同於 仁。《春秋繁露·仁義法》云:「愛在人謂之仁。」愛在人乃 是仁與愛別。 仁。」《説苑·談叢》云:❷「愛施者,仁之端也。」 是愛與仁義 篇云"「仁,愛也,故親。」《韓詩外傳》云"「愛由情出謂之 物,故從牛,勿聲。」下言「犧牲」,則「物可以養人」,謂六畜牛 民也,仁之而弗親 亦通,故《廣雅・釋詁》云:「愛,仁也。」此云「愛之而弗仁」, 義曰:《周禮・天官・宰夫》「凡失財 云"「古者天子諸侯必有養獸之官,犧牷祭牲必於是取之。」 云:「物,畜獸也。」《説文》牛部云:「物,萬物也。 人仁,若犧 《禮記・樂記》云:「仁以愛之。」《荀子・大略 牲 疏注「臨民」至「同也」○正義曰:《説文》人部 蓋有愛物之愛,有愛人之愛,愛人之愛則謂之 不得不殺也。 注臨 疏注「物謂」至「殺 民 以 非 用 己族類,故 物 辟名者」,❶ 也」〇 牛 不 爲大 得 於 始 注 IE 於物; 0 之教也。 民 而

也,人人生分别也,無他,愛之必不能無差等,而仁之必不能 時而弟私其兄,自人視之,若無不行其私者。 然之界限。 親親而仁民,仁民而愛物。 之所易,果且易人之所難乎? 則陷於欲博大公之名,天下之人皆枉己以行其私矣。 私」,此非過公之言,不及公之言也。 田《通藝録・論學小記》云:「人有恒言,輒曰:「一公無 物,用恩之次也。 一人也獨能一公而無私,果且無私乎? 視也。 》之言昆弟也,曰:「昆弟之義無分,❸然而有分者,則 愛物。」注先親其親戚然後仁民,仁民 親之言親 其端生於意必固我,而其弊必極於父攘子證 此之謂公也、非一公無私之謂也。 行乎不得不行,止乎不得不止。時而子私其父! 也,稱 疏「親親」至「愛物」○正 親 以 有自然之施爲,自然之等級,自 别 果且得謂之公乎? 公也者 於疏。 此一視同仁,愛無差等 親 聖人之所難,若人 親 《儀 而仁民,仁 事事生分别 禮 然後愛 程氏 其 而 服 瑶 此

<sup>「</sup>者」,原誤作「也」,今從沈校據《周禮》改

<sup>「</sup>義」,原誤作「道」,今從沈校據《儀禮》改。「談」,原誤作「説」,今從沈校據《説苑》改。

不眠。 子之私也。 子嘗病,一夜十往,退而安寢,吾子有疾,雖不省視而竟夜 則 不容僞,故愚人千慮必有得焉,誠而已矣。」 隱者之爲吾黨直躬也。 中者也。 天理人情之至,自然之施爲等級界限,無意、必、固、我於其 曰:「父爲子隱,子爲父隱,直在其中。」皆言以私行其公,是 私焉而已矣。 豈可謂 如其不私,則所謂公者必不出於其心之誠然,不誠 子不私其父則不成爲子。」●孔子之言直躬也, 無私乎?』嗚乎! 或問第五倫曰:「公有私乎?」曰:「吾兄 不博大公之名,安有營私之舉? 是乃所謂公也,是父子相 天

其宜,故謂之義也。 章指:言君子布德,各有所施。事得

之知 知所 急; 向 ○正義曰:《説文》力部云:「務,趣也。」知所務,知所當趣 也。 務善也; 仁者無不愛也,急親賢之爲 而不徧物,急先務也,堯舜之仁不徧愛 孟 務愛賢」,以「愛」釋「親」,宜急趣於愛賢也。 子曰:「知者 仁者,務愛賢也。 無 不 知 疏注「知者」至「賢 也,當 務。 務 注知者 之爲 堯 也 舜

> 恩惠。 也; 往」即 飯 詳見前。 事,不徧愛衆人,先愛賢,使治民,不二三自 賜飯,大飯、長歠,不敬之大者, 齒決,小過耳。 「一一自往」。按:「二三」猶云「再三」、《儀禮・郷射禮》「主 之事」,不必「自往加惠」於民。閩、監、毛三本「二三自往」作 親賢也。 不能行三年之喪而復察緦麻小功之禮。 人西南面三拜衆賓」,注云:「三拜示徧也。」《少牢饋食禮 人,急親賢也。 過耳」〇 主人西面三拜賽者」,注云:「三拜,旅之示徧也。」「二三自 世之先務,舍大譏小」,若此之類也 流数 流歠,長歠也,齒決,斷肉置其餘也。 徧義也。 疏注「物事」至「恩惠」○正義曰:「物」之爲 正義 而問 知急親賢,因即以親賢爲務,所以不必「徧 百工,百官也。 i E 無齒決,是之謂『不知務』。」注 不能三年之喪而緦少功之察,放 《禮記 注 物,事也。 急親賢爲務,則知所當務,即 曲 禮 「毋放 堯舜不 飯, 疏 徧 毋 放飯,大 注「放飯 知 於尊者前 流歡。」又 往 百 知 親 Ι. 百 知 至 飯 尚 之 加 急 官

❶ 「爲」,原誤作「其」,今據《儀禮》改。

其

必爲反本器?

設去之反於篚,反於會,亦可云「放飯」也

而訓放爲去,去手之餘飯,何以

饙

餾之粒,與歐爲不類,

是分别也。」然則鄭云「去手餘飯」,則以飯爲所食之飯,

即 古 引

指

之所食爲飯。今人於本義讀上聲,於引申之義讀去聲,

而歡之,放飯謂放縱而飯之。

以《孟子》證《曲禮》,則 段氏玉裁《説文解 此飯之本義

飯

讀

飯黍」、「飯飱」、「飯疏食」之飯。

「飯,食也。

食也者,謂食之也。

也。

申

字注

猶「流歠」也。《文選・上林賦》「流離輕禽」,注引張揖云:

流離,放散也。」蓋歐,歐之也,則飯,飯之也。

也。 中者。 所穢。 也。」又《適威》篇「故流於彘」,注云:「流,放也。」是「放飯 歌」,與鄭同; 齒決斷之,故須用手擘而食之。」按:趙氏以「流歌」爲「長 不可用手擘,故用齒斷決而食之。乾肉,脯屬也,堅肕不可 流,則欲多而速,是傷廉也。」「濡肉齒決者,濡,溼也。 餘於會,會謂簋蓋也。 云:「濡肉齒決,乾肉不齒決。」注云:「去手餘飯於器中,人 云: 《吕氏春秋· 「放飯者、手就器中取飯、飯若黏著手、不得拂放本器 去手餘飯於器中,人所穢也。 大歌嫌欲疾。」「決猶斷也。 乾肉堅,宜用手。」孔氏正 而以「放飯」爲「大飯」,與鄭異。 審分》篇「無使放悖」,高誘注云: 毋流歡者,謂開口大歡,汁人口 當棄餘於篚,無篚,棄 大飯猶長歌 「放,縱 溼 如 軟 水

義

決」者、蓋食濡肉而以手決之、責問其何以不齒決也 放不得專爲反本器之稱,則不如趙氏之義爲的矣。 問問 無

正用其語 云:「舉網以綱,千目皆張,振裘持領,萬毛自整。」」趙氏 周氏廣業《孟子章指考證》云: 隆道爲要也。 百行,先務其崇。 章指: 言振裘持領,正羅 疏 「振裘持領正羅維綱」○正義曰 是以 堯舜親賢,大 「《意林》 維綱; 載 桓 一譚《新 化以 君子

姪 廷琮 廷 弼

孟 子正義卷二十七終

流歐調流

## 孟子正義卷二十八

江都縣鄉貢士焦循譔集

盡心章句下凡三十八章。孟子卷第十四

恩澤也。用不仁之政加於所不親愛則有災傷,加所之臣民。王政不偏,普施德教,所不親愛者并蒙其其所愛及其所不愛,不仁者以其所不愛及其其所愛及其所不愛,不仁者以其所不愛及其

愛之臣民,亦并被其害。

惠王好戰殺人,故孟子

日

「不仁哉」。 硫注「梁魏都也以用也」〇正義曰:《漢書・

糜、糜、靡並通。 其民而戰之。」《越語》「靡王躬身」,韋昭注云:「靡,損 雅疏證》云:「《説文》:「麽,爛也。」《孟子・盡心》篇: 『糜爛 齊,長子死焉。 其所不愛而往趨死亡,故曰「及其所愛」也。 驅其所愛近臣及子弟而以殉之。 之,恐不能勝,故驅其所愛子弟以殉之。 以土地之故,糜爛其民而戰之。大敗,將復 也?」注丑問「及所愛」之狀,何謂也? 三,用 曰 : 地理志》:「陳留郡浚儀,故大梁,魏惠王自安邑徙此。」應劭 不收。兵大敗 貪利鄰國之土地而戰,其民死亡於野,骨肉糜爛 之謂以其所不愛及其所愛也。」注孟子言惠 王三十一年始,自是惠王遂稱梁王焉。《説文》巳部云: 「魏惠王自安邑徙此,號曰梁。」按:大梁爲魏都,自 也。」已 《楚辭 即 而欲復戰,恐士卒少不能用 疏「糜爛其民」○正義曰: 以字。❶ 招魂》「慶散 公孫 丑. 而不可 殉,從也。 問 止些,王逸注 曰:「何 王氏 「梁 勝、故 念孫《廣 東敗 所愛從 惠 謂 王 於 復 王 而

❶ 「已」,原作「吕」,今據上文統一作「已」。

糜即粥 王逸注《離騷》「瓊縻」云:「縻,屑也。」縻即糠字。《廣雅 靡爲之、《孟子》假糜爲之。碎者,破也。 「糜爛其民而戰之」、《文選・答客難》「至别糜耳」,皆用假借 文》之「糠,碎也」。 也。1並與麼歡同。1段氏玉裁《説文解字注》云:「石部云: 云「麽,碎也。」《九歎》「名靡散而不彰」,注云:「靡散 爛,腐也。」劉熙《釋名・釋飲食》云:「糜,煮米使糜爛也。」 碎,糠也。」米部曰:「糠,碎也。」二篆爲轉注。 古多假糜爲之。 ,比飯爲爛,故糜即爛,義與麼通 曰「糜、饘也」、與《説文》同,曰「糜、糈也」,即 《淮南子·説山訓》「爛灰生蠅」,高誘注云:: 凡言粉碎之義當作糠。」又云:「麼,爛 糜訓糝, 慶訓爛, 義各有當矣。 《孟子》 也 糠者,破之甚 糠,各書假 猶 消 也。 《説 》糜 滅 得 皆録之於《春秋》也。

上伐下謂之征。

諸侯敵國,不

輕民,災及所親。著此魏王,以戒人君也。 章指:言發政施仁,一國被恩,好戰

也 則 相覺有善惡耳。 注《春秋》所載戰伐之事,無應王義者也,彼此 有之矣。 孟 子曰:《春 征者,上伐下也。 孔子舉豪毛之善,貶纖 秋 無 義戰。 敵 彼善於此, 或 介之惡,故 不 相 征

伐。 不義。 傳 御世之權。 義也。 此《春秋》之所善也。 惡之大也。 非精心達思者,其孰能知之?」此即發明《孟子》「無義戰」之 故《春秋》之於偏戰也,比之詐戰則謂之義,比之不戰則謂 云:「《春秋》愛人而戰者殺人,君子奚説善殺其所愛哉? 斷斷以戰伐爲之者,此固《春秋》之所甚疾已,皆非義也。」又 設而勿用仁義以服之也。《詩》云:「弛其文德,洽此四國。」 則譏,造邑則諱。 民尚惡之,況傷民乎? 傷民尚痛之,況殺民乎? 竹林》篇云:「《春秋》之法,凶年不脩舊,意在無苦民爾。 正者也。 春秋》之所惡者,不任德而任力,驅民而殘賊之,其所好 》例 相征。 故欲知《春秋》大勢者,當於諸國之侵伐觀之。 將尊 萬氏斯大《學春秋隨筆》云:「禮樂征伐自天子出, 不義之中有義,義之中有不義,辭不能及,皆在於指 五霸之世,諸侯相征,於三王之法不 疏「春秋」至「有之矣」○正義曰:《春秋繁露 其足以取威制勝,使人懾服 今戰伐之於民,其爲害幾何? 師 衆稱某帥 是害民之小者,惡之小也,害民之大者 夫德不足以親近而文不足以來遠,而 師,將尊師 少稱將,將 而屈從之,尤莫如 考意而觀指, 卑 師 凶年脩 衆 稱 得 則 苦 其

將卑 何以 夫帥 故 救無辜,伐有辠,所以威天下而行其禁令焉。 奇《春秋説》云:「古者王巡守,大司馬起師合軍以從, 相 子有筆削之權; 也。」於乎,可謂盡發不傳之秘矣! 夫將稱大夫,治在大夫也。 則君將稱君,大夫將稱人,治在諸侯也,征伐在大夫,則大 今救江而伐楚,專之甚者也。 大夫,故稱氏名以罪之也。 王氏沿曰:「處父書氏名者,政在諸侯則大夫皆稱人,政在 名,自文三年晉陽處父伐楚救江始。 師 微者不言將。 終《春秋 【《公羊》之例,當時史法也。 春秋》,二百四十二年天下大勢,瞭然於心目間矣。 征。』凡書侵伐,皆罪也。 稱人,大夫將 師 悉稱氏名? 師少稱人。 軍旅,降圍邑,而 於是始,大夫始强 》惟魯君 列國之師,自隱至文,君將恒稱爵,略之或稱 悉 史 君將不言帥師,書其重者。 將稱公,諱之或稱師稱及,大夫將稱氏 《春秋》魯史也。 稱師 法以徵事實,筆削則顯世 九伐之法,賊賢害民則伐之,負固不 稱 人,無有書氏名者。 也。」趙子常因二説 滅人遷取,罪之尤者也。」惠氏士 處父盟魯侯,改蒐於董,易軍班 惟内大夫悉從其恒稱以見實 夫子脩《春秋》,征伐自諸侯出, 故始之也。」陳君舉亦曰:「大 『《春秋》無義戰,敵國不 蓋史官有一定之法,夫 竊疑《公羊》例未合。 以是按之經傳, 變。 環人掌四方之 大夫將 而通之曰: 執事 内大夫 於是 書氏 以 名, 讀

得其實。 師哉? 己。 命。 者以爲出朔而立黔牟者,衛之左右二公子也,未聞有天王 而 朔出奔齊、《公羊》以爲得罪於天子,故稱名以絶之,則 中夏、故陳、蔡猶得從王、君子以爲近正。 王命 會齊侯於防而謀伐宋,其不會王命者,蔡人、衛人、郕 王人救衛爲尤甚。先是,宋公不王,諸侯以王命討之,故公 天子,皆出自諸侯及其大夫,故《春秋》無義戰,莫如莊 則合之,救則分之:行師之道備矣。 日 木、壞宫室曰伐,不義孰甚焉?」此《春秋》之侵伐,豈王者之 精觕言其情也。 氏》曰: 讐,順天之道而已。 五穀,不伐樹木,不焚室屋,不取六畜。 服則侵之。 圍,急日救。 悲二子,遂出朔而立公子黔牟,似請命於天王而立之。 也。 及鄭伯不朝,蔡人、衛人、陳人從王伐鄭,則諸侯猶 如 其 「有鐘鼓曰伐,無者曰侵,輕者襲。」鐘鼓言其器 要而論之,大曰伐,小曰侵,侵之輕且密者曰: 然,則 蓋宣公殺急子、壽子,皆朔搆 陳、蔡鄰於楚,楚之屬國,是時楚方平漢陽,未暇 是故伐也,侵也,圍也,救也,皆王者之師。 故伐者伐其君,侵者侵其地, 五國共伐衛而納朔,王人何爲獨救 獨《穀梁》曰:「苞人民、毆牛馬曰 《公羊》曰:「精者曰伐,觕者曰侵。」《左 周室既卑,征伐不 而殺之,故國人怨 兵之來也,除 及桓十六年 襲則揜 侵,斬 黔 之,圍 六年 似 衛 民 知 人 出 不 遲 朔 樹

牟? 爲雄。 明 隱、桓之時,互相侵伐者惟東諸侯而已,西則晉爲大,南則楚 推戴維持,皆齊桓、晉文之力,《春秋》實以二霸爲始終焉。 爲中國諱。 剽,皆嘗在位而不終者也,《春秋》皆書於册,曷爲獨闕 周,則王命立黔牟明矣。 微之。然則何以知王命立黔牟? 國皆戎翟矣。 人救邢,義也; 桓六年合諸侯於沈鹿,黄、隨不會,使人讓黄而伐隨 莊終於僖,晉之霸始於僖終於定,故曰『其事則齊桓晉文』。 後八年在位、《春秋》曷爲闕而不書? 日 也,曷爲微之? 王者,君子耻之,故《春秋》不得不褒二霸之功。 「以黔牟付王人」云爾。 之地 :「衛侯人,放公子黔牟於周。」不殺之而放之,且放之於 救皆稱人。 黔牟乃王命立之,五國 諱之也。 桓二年 由 是南諸侯皆服於楚。 **曷爲爲中國諱**? 人諸侯者辠之,人子突者微之,此天子之使 君子傷諸夏之無君,故一出 蔡、鄭會於鄧,始懼楚,楚熊 諸侯伐衛而王人救衛,則王人夷於齊人而 諱有三:一曰爲天王諱,二曰爲魯諱,三曰 以天王之使而不能救黔牟,爲尊者諱耻,故 黔牟立於桓十六年,放於莊六年,前 逆王 立之者,周也,故放之於周,若曰 王人救衛,未聞中國有 命 其子熊貲,是爲文王,當魯 而 伐 以《左傳》知之。 衛。 且衛之叔武及公孫 一人皆稱名,一伐 吾 通自 聞 狄伐邢 齊之霸始於 立爲 始開 一人從 武 《傳》 耐 Ξ 百 黔 中 齊 0

荆哉? 矣。 子文當國,楚益盛。僖元年荆始改號爲楚。 莊之十年,始敗蔡師 戎病燕,猶邢、 是時戎翟並興,中國不絕若綫,齊方救邢戍衛,奔 矢,無異衣裳之會,故《春秋》善之。 服,不以力服。● 召陵之役雖以兵車而不傷一卒,不折 弦,一圍許,一伐黄,一伐徐,一敗徐,其氛未息,烏在其能 侵,先潰蔡; 侵蔡,所謂負固不服則侵之也。 役屬於楚,負楚之固而不服於齊,故僖四年齊桓會七國之師 十三年蔡人與於北杏之會,自是會盟征伐,蔡皆不與焉。 棄德不祥。」則齊桓實能以德綏之也。 楚人再伐鄭,一侵鄭。 鄭成,而荆伐鄭,蓋楚與中原争鄭自此始。 遂有虎視中原之志。 桓公内無因國 會而侵,則非潛師矣; 帖荆者,以其不復能争鄭也。 既侵遂伐,卒帖荆。 衛也。 外無從諸 於莘。 邢、 十五年齊始霸,十六年同盟 鄭伯欲成,孔叔不可曰:『齊方勤 、衛近 侯,越千里之險,北伐山 侵而潰,則非掠境也。 蔡本東諸侯,至是始屬 而燕遠, 説者謂潛師掠境曰侵,失之 自此至十五年,楚人 莊三十年齊人伐山 且 自荆敗蔡師 贵 齊桓之於楚,以 以其遠而棄之? 楚成王時,令尹 自元年至四 於幽 命不遑,山 於莘, 楚, 戎,危之 欲伐 始 而 戎 我 文 乃 滅 蓋 惟 與 楚

) 「不」,原脱,今從沈校據《春秋説》補。

之。 乎? 要秦於險,君子是以貶晉襄公。《春秋》諸儒以《秦誓》編於 也。 反,仍不悔過 文公之善謀也。 戰,其後兵連不息,報復無常,而秦遂合於楚,卒爲晉患,故 興,釋宋圍而敗楚師於城濮,由是楚氛息矣。 靡 蔥與戎菽,布之天下。」桓公以此遺魯而尊之曰獻 功大於齊桓。 曰來獻,尊宗國也。穀梁子曰『軍得曰捷』,戎捷者,戎菽也。 齊侯來獻戎捷, 周 (書》,故盛稱穆公之德; 春秋》於殽之戰,狄 (左氏))言當獻於王,不當獻於魯。 粟、獻米云爾。 然從之。 書·王會》有「山戎菽」、《管子》亦云:「北伐山戎,出冬 秦、晉,甥舅之國。 秦用 自是楚不敢復争鄭者十有五年。 抑貶之乎? 桓公能急人之急,病人之病,故輕千里而不愛一 孟明 僖二十七年遂合陳、蔡、鄭、許以圍宋,而晉文勃 ,甫及三年,復以憤兵而敗於彭 然齊桓以德,諸侯愛之,晉文以力,諸侯畏 所謂仡仡勇夫 禮與? 且晉不敗秦,何害於霸? 齊桓 曰:否,善之也。 秦而微晉,交譏之。 殁而楚氛益熾,敗宋伐陳而魯、 曰 : 城濮之戰、秦有功焉。 而《春秋》獨於秦穆無善辭,學者疑 禮也。 也。 既 獻於王不書,獻於魯則 《左氏》曷爲謂之非禮? 善之則曷爲稱人? 喪師於殺 秦晉構兵始於殺之 與晉争中原 而汲汲焉背殯而 衙。 君子謂晉文之 合秦以敵楚, 匹 ,猶《曲禮 秦穆誠能 馬隻輪 者,楚 衛亦 身。 無 書 稱

秦也? 善辭。 《秦誓》,所謂不以 子行説七十諸侯,無定處,意欲使天下之民各得 注「孔子」至「秋也」○正義曰:《春秋繁露• 師,諸侯皆睦於晉、《春秋 伐秦,棫林之役,遷延而退,爲諸侯笑,遠不如 悼公三駕伐鄭而楚不能 明與厲公以復霸也。 公伐秦。 故聲其辠以討之。於是諸侯朝王,仍自京師從劉康公、成 時,秦桓與晉厲既爲令狐之盟,而又召狄與楚,欲道以伐晉, 楚求成,共謀伐晉,始作《秦誓》,旋遣楚囚,誠 穆之毒晉尤深,思天下可以敵晉者惟楚,於是遣楚囚鬬克歸 將、《春秋》不書爵,不稱人,直以秦爲狄矣。 「《春秋》紀纖芥之失,反之王道。」《説苑・至公》篇云:「夫 霸少衰矣。 人,姑將以爲親」者,其心忌克,惟圖報復而已。 詢兹黄髮,焉用此仡仡勇夫而大辱國哉? 文三年秦伯伐晉稱人,四年晉侯伐秦稱爵 令狐之役曲在晉,兩稱人。 君子謂是師也,名之正,辭之順、《春秋》書之特詳 及晉厲公立,合諸侯伐秦,且先使吕相絕秦。 人廢言; 故吾謂厲公非無道之主,以此。 復救鄭,鄭遂屬晉。 》諸儒褒悼而 而 《春秋 及十年秦伐晉,康公自 》以其言 貶厲 蓋自殺之戰,秦 非公論 行不相 故 襄十四 王道》篇云: 所謂「今之謀 一晉厲 君子 秦楚合 其所 ,安見其尊 顧 ·有 也。」〇 麻 年 故 其後 晉 隧 取 而 是 之 悼 無 於

不行,退而脩《春秋》,采豪毛之善,貶纖介之惡,人事挾,王

道備,精和聖制,上通於天而麟至。」

得任用,故作《春秋》,垂空文以斷禮義,當一王之法。」 予之、則受而弗敢辭、故《春秋》者、禮義之大宗也。夫禮 此,又云"「夫不通禮義之旨,至於君不君,臣不臣,父不 故 實違 之所爲禁者難知。 禁未然之前,法施已然之後。 父,子不子。此四行者,天下之大過也。 亂世,反諸正,莫近諸《春秋》。」《史記·太史公自序》引 曰: 哀公十四年《公羊傳》云:「君子曷爲爲《春秋》? 禮,以文反 「無義戰」也。 章指:言《春秋》撥亂,時多争戰。 壺遂曰:「孔子之時,上無明君,下不 正。 疏「春秋」至「反正」〇正 征伐誅討,不自王 法之所爲用者易見,而禮 以天下之大過 命, 事 撥 義

准《書》、《尚書》。 下,以至仁伐至不仁,而 於《武成》,取二三策 冒 聞於上帝」、《甫刑》曰 孟子曰: 「盡信《書》則不 經有所美,言事或過,若《康誥 而已矣。 「帝清問下民」、《梓材》 何其 血之流杵也?」 仁人無敵於天 如無《書》。 S E 吾 日

杵乎? 讀 《書》教、《樂》教、《易》教、《禮》教、《春秋》教並稱,此「書」 數。」此書即《保氏》六書。 句, 聞於上帝」,王氏鳴盛《尚書後案》云:「冒聞於上帝爲句,古 推之《康誥》、《甫刑》、《梓材》諸 書》出也。 指《尚書》。 説》篇云「五經總名爲書」是也。 也。」《周禮・地官・大司徒》: 字之名。 則不取也。 至不仁,殷人簞食壺漿而 誅紂,戰鬪殺人,血 文而皆信之哉? 天,天不能問民,萬年永保,皆不可得爲書,豈 盡信《書》則不如無 欲至于萬年」,又曰「子子孫 也。 則 知古有此語矣。」冒有上進 趙氏注《孟子》吾於《武成》節引此。 《尚書》在孟子時有百篇,舉《武成》以爲例,所言 《説文解字序》云:「著於竹帛者謂之書。 故吾取《武成》兩三簡策可 趙氏以上言「《書》」,下言《武成》,故知「書、《 疏注「書尚」至「信之哉」〇正義曰: 《武成》,逸《書》之篇 《書》」非專 流春杵。 於是凡典籍統謂之書、《論衡・ 迎 篇也。 指 「六藝: 其 《禮記 孫 意,故 孟子言武王以 《武 師,何乃至於 永保民」。 成 《康誥》 ②而言 云「冒聞」也。 禮、樂、射、御、 用者耳, 經解》以 《君奭》篇亦有此 ž 名。 故 人不 「惟 趙 《詩》 其 言 書者,如 書者,文 至 血 時 氏 武 能 過 流 叮 怙 廣 伐 案 尚 專 辭 漂 春 Œ 王 聞 冒 而

孟子

Ě

按: 帝。 即《吕刑》。吕之稱甫,猶唐之稱晉也。《吕刑》云「皇帝清問 官 諸本亦無子字。 趙 堯也。」是孔氏本作「君帝」。」謹按: 下民」,鄭氏 也 至 古本、足利本無皇字。按,無者是。《困學紀聞》所引正同。」 民」,阮氏元《挍勘記》云:「宋本、廖本、孔本、韓本、《考文》 爲「天問民」也。 清」,單稱帝不必是天,稱帝清則必非天子,故以帝清問下民 天也。」《嘯賦》亦云「飄遊雲於太清」,蓋趙氏以 亦以爲堯,不以爲天也。 《九經古義》云:「王伯厚曰:『皇帝始見於《吕刑》,趙岐 孟》引 氏讀 義曰 |於萬年,惟王子子孫孫永保民。」○注 。」「聞於上帝」即是聞於天,故云「人不能聞天」。《甫 閩、 《文選·吴都賦》「迴曜靈於太清」,劉逵注云:「太清謂 大宗伯 《甫 「帝清」二字相連,帝爲王天下之名, 監、毛三本增皇字,因又增云【天子不能問於民』,而 刊》曰: 書序》云: || || || || || 注 云"「「皇帝清問」以下,乃説堯事。」惠氏 禋祀祀昊天上帝」,鄭司農云:「上帝,玄天 且天子問民,何不能也? 閩、監、毛三本依《吕刑》增作「皇帝清問 帝 武 清問下民。」棟按、孔傳云: 趙氏所見《吕刑》無皇字固矣。 王伐殷,往伐歸獸,識其政事,作 孔傳以君帝釋皇帝,而 「武成」至「取 《梓材》云: 而古亦稱天 「帝清」猶 「君帝、帝 也」〇 一欲 刑 太 蓋 注 爲 棟 下

武成》。」鄭氏注云:

「著武道至此

而

成。

《武

成》,逸

~ 書

違, 耳。 族訓》、 口氣。 徒黨自相翦屠,何必加以此語? 倒戈事與流杵事爲一。 於建武之際,仲任猶及見之。詳其意,彼真本《武成》必不 增》篇云:「察《武成》之篇,牧野之戰,血流浮杵。」《武成》亡 不可力爲回護,去其虐殺,以全吾經? 縱錯會經文,亦何損? 非盡出妄造。《孟子》在魏晉間不甚重,不過諸子中之一耳, 《荀子・儒效》篇、《成相》篇、《史記・殷本紀》、《淮南子 本有《武成》,因其不列學官,藏在秘府, 建武之際亡。」王氏鳴盛《尚 虐殺哉?』鷟説善矣而未盡 孟子非不通文義之人,何至讀《書》誤認紂衆自殺以爲武 杵,是紂衆自殺之血,非武王殺之之血,其言可 『趙岐《孟子》「盡信《書》」一章注云云,平正 存八十二字,見《漢書・ 建武是光武帝紀年、《武成》至此時又亡。 而 但孟子親見百篇《尚書》,必不誤認。 猶陰爲孟子 而晚出《武成》則言前徒倒戈,攻於後以北, 劉向《列女傳・蘗嬖傳》、常璩《華陽國志・巴志》篇 地。 孔傳云: 律曆志》。」又《後辨》云:「梅鷟謂 蓋此語自是兩敵相争,描摹至此,若 而武王之爲仁人,爲王者師甚著, 也。 書後案》云: 血 紂衆倒戈,自相 故晚出 流漂春 此則 「孔壁所得真 《武成 故謂之「逸《書》」。 其逸文殘缺者 王充《論衡 杵,甚之言」, 無碍,甚得 作僞者之微 》雖敢與孟 謂巧 攻殺,事 矣。 血 古 孟 流 泰 以 見 文 語 意 然 漂 子 王

篇云:「夫《武成》之篇言武王伐紂,血流浮杵。 漂鹵」、《戰國策》言「武安君與韓魏戰伊闕,流血漂鹵」,此等 部 至浮杵,是杵爲杵臼之杵,故趙氏言「血流舂杵」。《説文》木 事,安得杵而浮之? 土,安得杵浮? 王伐紂於牧之野,河北地高,壤靡不乾燥,兵頓血流,輒燥入 成》言血流浮杵,亦太過焉。死者血流安能浮杵?」按: 故至血流如此,皆欲紂之亡也。 爲殺人多之恒辭,故孟子特爲武王辨。」按:《論 含不可盡信之意乎? 云:「杵,舂杵也。」 且周殷士卒皆賫盛糧,或作乾糧,無杵臼之 言「血流杵」,欲言誅紂惟兵頓士傷,故 賈誼 《過秦論》云「秦追亡逐北,流 土崩瓦解,安肯戰乎? 衡• 助戰者多, 藝增 《武 武 血

之耳。

之耳。 録 猶可以復讎乎? 極天則百斯男」〇正義曰:莊公四年《公羊傳》云:「九世 《毛詩・大雅・思齊》篇「太姒嗣徽音則百斯男」,傳云: 太姒十子, 衆妾則宜百子也。」然則文王宜有百子, 故 .極天」,「則百斯男」,亦已過矣。 疏「嵩高 其意也。 章指: 言文之有美過實,聖人不 猶《詩》云: 非 雖百世可也。」何休注云:「百世、大言 『嵩高維嶽,峻極于天。 獨《書》云,《詩》亦有言 君子萬年。」 一嵩 改,

狹則曰「一葦杭之」、皆甚辭也。」是又因趙氏《章指》推言男」、言少則曰「靡有孑遺」、言廣則曰「日辟國百里」、言不同。李樗《詩經講義》云:「《詩》中言多則曰「則百斯不同。李轉《詩經講義》云:「《詩》中言多則曰「則百斯

上篇。 孔本、韓本同。 仁無敵。 戰」,大罪也。 也、非敵百姓也。」若崩、厥角、稽首。 低疏引作「北夷」,作夷是也。」武王之伐殷也,革 我?』注此人欲勸諸侯以攻戰 而 三百兩,虎賁三千人。 征北夷怨,東面 孟 疏「北夷」○正義曰: 子曰: 四夷怨望遲,願見征,何爲後我? 閩、監、毛三本夷作狄,石經此「字漫漶。 國君好仁,天下無敵焉。 「有人曰『我善 而征西夷怨,曰:『奚爲 阮氏元《校勘記》云: 王. 曰:『無 也,故謂之有罪。 爲 陳, 畏,寧 『征』之 我 已説 0宋本 南 善 車 後 爲 案 於 好 面

「阮氏」至「記云」,原無,今據阮校及全書文例補。

0

字通 故 義 此虎賁爲文武時官,於武王伐殷時較切,《周禮》則爲天子後 百乘也。」孔氏正 所制矣。 臣」,引《書・立政》證之。 令武王來征己之國,安用善戰陳者? 人曰:無驚畏,我來安止爾也。 **賁贅衣,趣馬小尹。**」三百兩,三百乘 車,兵車也,虎賁,武士爲小臣者 人」,注云:「虎士,徒之選有勇力者。」趙氏謂「武士」爲「小 《夏官》有「虎賁氏,下大夫二人,中士十有二人,虎士八百 | 乘也」○正義曰:《禮記・明堂位》「革車千乘」,注云:「革 云「武士爲小臣 云:「綴衣是黼扆之類。」以《周禮》考之即幕人也。 ,兵車也。」《周禮・春官・巾車》云「革路以即戎」是也。 言『正』也。 馬有四匹,故車稱兩 角犀 虎賁司宿衛皆左右親近者也。」以勇力爲左右近臣 《毛詩 周氏用錫《尚書證義》云:「《顧命》「狄設綴衣」,正 厥 地; 義云:「謂之兩者、《風 召 者 各欲 也。 南 稽首,拜命,亦以首 ,馬稱匹。」《書序》云:「武王戎車三 鵲巢》「百兩御之」,傳云:「百兩 「贅衣」《立政 蓋《立政》言「亦越文王,武王」,則 正 己 也,焉 百姓歸周,若崩,厥 也。《書》云:「虎 》作 俗 用戰?」注 也。 至地 通 「綴衣」、綴、贅古 疏注「革車」至 》以爲車有 武王令殷 也。 各欲 幕人 兩 革

古者天子用兵先用六鄉,六鄉不足取六遂,六遂不足取都鄙 궁 甲子之戰。」言皆與《孟子》合。」周氏柄中《辨正》云: 氏春秋•仲秋紀》: 魏曰: 「武王卒三千人、革車三百乘、斬紂於牧。」又説 車三百五十乘,則有虎賁三千五百人。」按,每車一兩,當 曰: 『武王之卒不過三千人,車不過三百乘,而 虎賁十人,孟子言自無誤,諸書未可信也。《戰國策》蘇 於牧野,既以虎賁戎車馳商師,商師大敗。」孔晁注 賁之卒四百人」。《周書·克殷解》: 百 《司馬法》,一云『一車甲士三人,步卒七十二人』,一云『成 百兩,虎賁八百人』。《墨子‧明鬼》篇[武王以擇車百兩,虎 兩,虎賁三百人。」《風俗通義・皇霸》篇引《書》『武王戎車 矣。」翟氏灝《考異》云:「《書·牧誓》序:『武王戎車三百 賁之士説劍。」然則虎賁,士也,一乘十人,三百兩則三千人 馬法》曰:「革車一乘,士十人,徒二十人。」《樂記》曰:「虎 疏》云:「虎賁,言猛怒如虎之奔赴也。 孟子》曰: 「武王之伐殷也,革車三百兩,虎賁三千人。」《司 乘,甲士十人,步卒二十人」。 孔仲達成元年 [丘甲] 正義 兩,虎賁,三百人,與受戰於牧野。」江氏聲《尚書 【一士二徒者,鄉遂之兵,一士二十四徒者,都鄙之兵。 『武王虎賁三千人,簡車三百乘,以要 「周車三百五十 三百人當爲三千人 爲天子。」《吕 芸: 集 有 -乘,陳 秦説 注 了戎 兩 趙 有 音

内。」由

及諸

若諸侯出

兵,先

非矣。

將素甲三千,領與紂戰。」虎賁安知不指戰士言?

或謂

畏,恐也。」《易·震》《彖傳》云:「震驚百里,驚遠而懼

由傳命宣喻之,故云「令」也。

《廣雅

釋詁》云:「畏,懼

也。」驚即恐懼也,故以「無畏」爲「無驚」也。

《毛詩・周

南

國語 鄭語 》云「惡角犀豐盈 《釋名·釋形體》云: 」,韋昭注云: 「角者,生於額角 「角犀謂 顔 角 有 下云「稽首」,則

字通 選

,故李善直以

厥

角 注

蹶角」,然則「厥角」

|猶「頓

以

額

角犀厥地也。」於此注增「以」「也」二字,義尤明暢。

羽獵賦》「蹶浮麋」,應劭亦云:

蹶角受化。」李善注引《孟子》此文趙岐注云:

「厥角,叩

稽首,首至地也。」丘遲《與陳伯之書》云:「朝鮮昌

也。

漢諸侯王

一厥角

稽首」,應劭曰:

「厥者,頓也;

角者,額

安,止也。」故以

「寧爾」爲「安止爾」也。

《漢書・

故云「厥地

也。

抵厥」, 發石 有 ? 灼云「厥猶竪也」。二義小有不同,應説近之。」○注 也。」錢氏大昕《潛研堂答問》云: 厥角者謂額 首。」』晉灼注《漢書》曰: 至「之國」〇正義曰: 也。 1 郭云:「抵,觸; 氏之誤,誠誤也。 引申之,凡有撅發皆曰厥。 角 如 有 所發。 廷號云:「毛本無各字。」 厥,掘 「厥猶竪也。 段氏玉裁《説文解字注》云: 角部際字下云「角有所觸發」是 也。 「應劭云「厥者,頓也」。 《孟子》:「若峭厥 <del>\_</del> 叩 海經》曰「相柳之所 頭 則 額 角竪。」按 「各欲 角稽 厥, 晉

日: 舞 克商之後,民乃大安,家給 正 伐暴,誰不欣喜? 義曰: ,焉用善戰? 「武王興 又《蜀志》先主謂 章指:言民思 周 氏廣業《孟子章指考證》云: 師 誅 商, 萬國 故云罪也。 龐徳日: 是以 明君,若旱望 「咸喜, 人足,酌酒 殷民厥角,周 『武王伐紂,前歌後舞 軍渡孟津,前歌後舞。 鬱摇。」見《藝文類 疏 「《樂稽 「周師歌 雨。 以仁 舞」〇 耀 師 嘉》 歌

使人巧。」注辞匠、輪輿之功,能以規矩與人。人工。五子曰:「梓匠、輪輿能與人規矩,不能

仁者邪?こ

章指:言規矩之法,喻若典之巧在心。拙者雖得規矩,不以成器也。

疏 證》云:「《文子・ 輸守繩,政 志仁,雖誦 《荀子》:「公輸不能加於繩。」王褒《聖主得賢臣頌》云: ·離婁督繩,公輸削墨。」 「雖誦」至「守繩」○正義曰: 成器 憲籍,不能以善。 言規矩之法,喻若典禮。 道德》篇云: 美,惟度是應,得其 『守其法籍,行其憲令。』 周氏廣業《孟子章指攷 善人脩道,公 理也 人不

義曰: 也。 與米也。 也。」《周禮》「羞籩之實 子,被畫衣,黼黻 若固有之。」建糗飯、乾精 焉;及其爲天子也,被 女自侍,亦不佚豫,如固 舜耕陶之時飯糗茹草,若將終身如是。 段氏玉裁《説文解字注》云:「米部云:「糗,赘米麥 孟子曰:「舜之飯 粉,豆屑也。」「玄謂: 絺 繡也,鼓琴以 , 糗餌粉 自當有之也。 糗茹草也,若將終身 糗者,擣粉獒大豆爲餌餈之 資」,鄭司農云: 袗衣,鼓琴,二女果, 也。 協音律也,以 袗,畫 疏 也。 「糗、獒大豆 飯糗 及爲天 果,侍 

氏

念孫

《廣雅疏證》云:「《方言》:

「茹,食也。

吴越之間

炒米麥爲飯,是則舜之「飯糗」耳。

與此不同

而

皆可爲行糧。

惟農食樸儉,省蒸煮之費,往

○「茹草」○正義曰:

,用沸水和食,謂之焦麫,所謂「糗」也。

「糒」乃今之飯乾

炒豆。

是炒米麥。今農家米麥豆皆炒食,米即謂之炒米,豆即謂

文鬻、烹、焣、鱟四形,崔寔《四民月令》作炒。

鬲部

云

乾糒也。」《左傳》「爲稻醴梁糗」。

云:「糗糒之糧。」《孟子》曰「舜之飯糗茹草」,趙云:「糗飯」

也。」此皆謂焚穀米粉者也。

精,乾飯也。

獒米麥,必待皋之而後成粉也。

非不可赘大豆也。

焚者,乾剪也,乾剪者,鬻也。鬻米豆

爲粉,以坋餌餈之上,故曰糗餌粉餈。

鄭云擣粉之,許但

塘梁侍講同書當告予云『古書袗訓單,又訓同,皆無盛服之 子》「被袗衣」、袗衣亦當謂盛服、趙云「畫衣」者,不得其 與繡互見,非袗有畫義也。段氏玉裁《説文解字注》云:「衣 此以「絲繡」爲「袗絲綌」之絲,與鄭氏異。 氏以袗衣黼黻絺繡,本《尚書·皋陶謨》。 明其榮顯也。 者,「帝釐降二女」也。 引《史記》説之,是也。 俗」之袗。《史記》本紀「堯賜舜絺衣與琴」是也。」孔氏、任氏 [二女婐」,今作果者,是婐之省。 部:「婐, 姤也。 〇二一女果」〇正 姑依《皋陶謨》「作繪」言之耳。」錢氏大昕《養新録》云:「錢 袗衣者,以堯賜絺也;得鼓琴者,以堯賜琴也,二女所以 二女若固有之。」此必用《孟子》之文,袗衣當是珍裘也。」 一被, 袗致也。 《三國志‧魏文帝紀》注有云: 『舜承堯禪,被珍裘,妻 凡含聲字多爲濃重、《上林賦》「磐石裖崖」,孟康曰: 孟軻曰: 衣也。 以石致川之廉也。」是裖與多,稹字義同。 若徒袗絺綌而鼓琴,則不過習爲山人耳。 舜爲天子,二女婐。」據此,知《孟子》本作 一曰女侍曰婐。讀若騧,一曰若委。 義曰:臧氏琳《經義雜記》云:「《説文》女 日 絺綌爲衫,故孟子謂之「袗衣」。 以耕夫一旦膺天子之知,賜賞若此 1盛服。 裖, 袗或從辰。」 / | | | | | | | | 趙 氏 乃鄭氏讀絺爲黹 以袗訓畫,則以繪 訓 爲侍, 與《説 從女, 得被 **念孟** (説, 「稠 捎 侍

文》合。」

難,虞舜所隆。 聖德所以殊也。 章指:言阨窮不憫,貴而思降。 凡人所

記 哉 ? 也。 官 《曾子注釋》云:「居仇之説、《檀弓》、《曲禮》、《周 遇諸市朝,不反兵而鬭。」曰:「請問居昆弟之仇,如之何?」 仇,如之何?」夫子曰: 「寢苫枕干,不仕,弗與共天下也 與聚國。」《禮記・檀弓》云:「子夏問於孔子曰:「居父母之 其兄。然則非自殺之也,一間耳。」21父仇 之言,三者同義,惟《曲禮》錯出,不可從。 曰:「仕弗與共國。 同天,兄仇不同國。以惡加人,人必加之,知 殺人之父,人亦殺其父, 調 曾子制言上》云:「父母之讎,不與同生,兄弟之讎,不 孟子曰:「吾今而後 疏注「父仇不同天兄仇不同國」○正義曰:《大戴 人》及此曾子所言,互有異同。 間者,我往彼來,間一人耳,與自殺其 銜 君 命而 使, 知殺人親之重 殺人之兄,人亦 雖 遇之,不鬭。」阮 然《周禮》、孔子、曾子 《周 禮 親 調人》 官 其 何 氏元 也 殺 重 異 不 地

害人父兄已耳,不必定愛利之也。 報我以愛利吾親也。」此言略與孟子言似。 灏《考異》云:「《墨子・兼愛》篇:「我先從事乎惡人之親 篇《釋文》云:「間,隔也。」「間一人」猶云「隔一人」也。 氏言此者,「不同天」「不同國」,可知其必報,故云「以惡加 國」,及《公羊》「復百世之仇」,則太過,不合聖賢之道矣。」趙 誤解之耳。若《曲禮》言「兄弟之仇不反兵,交遊之仇不同 爲仇,仇之則罪當死也。故《周禮》與孔、曾合,以爲不合者 君父之人爲義,其殺人君父之人之父兄子弟不得再以此人 殺人而義者,不同國,令勿仇,仇之則死」者,此謂殺其謀殺 又《調人》曰「凡殺人有反殺者,使邦國交仇之」者,此言謀殺 得以使之遠避平成之。與孔、曾所言有意辱殺之讎不同 兄弟之仇辟諸千里之外。」此專言過殺,非本意殺,故《調人》 人能報我以愛利吾親乎? 云:「凡過而殺傷人,以民成之。凡和難,父之仇辟諸海外, 人,人必加之」,其情重大,非可平成之者也。《列子·天瑞\ 一人,恐此人子弟報仇,因復殺其子弟也。又《調人》曰「凡 必先從事乎愛利人之親,然後人 故儒墨之言,大要在有無 然孟子特戒人惡 翟氏

章指:言恕以行仁,遠禍之端,暴以

諸身也。 殘民,招咎之患。是以君子好生惡殺,反

爲關 税,猶苛察,不得令姦人出入。」幾即譏也。 官‧司關》:「國凶札則無關門之征,猶幾。」注云:「謂 虐之道也。 閉非常也,今之爲關反以征稅出入之人,將以 云:「先王以至日閉關,商旅不行。」 也,將以爲暴。」注古之爲關將以禦暴亂,譏 孟子曰:「古之爲關也,將以禦暴,今之 疏注「譏閉非常也」() 正義曰:《周 《易·復》《象傳 禮 爲暴 無 租 地

時取也。」 章指:言脩理關梁,譏而不征。如以 章指:言脩理關梁,譏而不征。如以 章指:言脩理關梁,譏而不征。如以 章指:言脩理關梁,譏而不征。如以

孟子曰:「身不行道,不行於妻子, 使人

取義,其道不均也。

不 使人不順其道理,不能使妻子順之,而況他人乎? 欲使人行 以 語》曰:「其身不正,雖令不從。」疏「論語」至 不從」〇正義曰: 道,不 章指: 言率人之道,躬行爲首。 道 德,雖妻子不肯行之,言無 能 行於妻子。」建身不自 引《論語》在《子路》第十三。 履行 所則: 道 效 《論 德 也 而

年,有心計足以趨生,故不死, 之則志定,不爲邪世所 辭傳》云:「舟楫之利,以濟不通。」舟取義於周,是周有 邪世,不能 趨生,雖凶年不能殺之,周達於德,身欲行之,雖 德者,邪世不能亂。」注周達於利,營苟得之利 達」義者,劉熙《釋名 趙氏謂達於取利則凡苟得之利皆營求之,故雖凶 孟 積於利,故不困於凶年, 子曰:「周于利者,凶 亂 其志也。 ·釋船》云:「舟言周流也。」《易·繋 亂。 疏注「周達」○正義曰:「周」有 近時通解周爲徧帀,謂積蓄 不達於德則不能行,達 積於德,故不染於邪 年不能殺; 世 周 達義 一荒之 無少 而 遭 而 于 行

章指:

言務利蹈姦,務德蹈仁。

舍生

元年,諸樊已除喪,讓位季札。

季札謝曰:「曹宣公之卒也

立之,季札讓不可,於是乃立長子諸樊,攝行事當國。

王諸

每並稱之。」今依宋本。《史記・吴世家》云:「壽夢有子四人 長曰諸樊,次曰餘祭,次曰餘昧,次曰季札。 札飄其高厲,委曹、吳而成節。」蓋季札自言願 下讓,言非常讓,若臧、札之倫者也。」潘岳《西征賦》云:「臧 聖之清者,豈好名之人? 宋本作「子臧季札之儔」,周氏廣業《孟子古注攷》云:「伯夷 朽。」故以「好名」爲「好不朽之名」。 諸本作「伯夷季札之儔」: 不朽。」」陸賈《新語 注「好不」至「儔是也」○正義曰:襄公二十四年《左傳》云: 讓千乘,子臧、季札之儔是也。 非其人,簞食豆羹見於色。」建好不朽之名者輕 豆羹變色,訟之致禍,鄭子公染指魭羹之類是也。 『太上有立德,其次有立功,其次有立言。 范宣子曰: 「古人有言死有不朽,何謂也?」叔 孟子曰:「好名之人能讓千乘之國。 輔政》篇云:「功垂於無窮,名傳於不 晉孫盛《泰伯三讓論》云:「三以天 誠非好名者,争 雖久不廢,此之謂 季札賢而壽夢欲 附子臧,故後人 孫穆叔 簞 疏 苟 食

與也。 不好名。」「非其人」者,謂非好名之人也,如此解爲當 不能讓,況千乘乎?」按"明人陳子龍已云"「三代以下惟恐 好名,名謂不朽之名也。不好名,亦尊於好利,雖簞食豆羹且 諸侯與曹人不義曹君,將立子臧。子臧去之以成曹君。 宋本、孔本、韓本、《攷文》古本黿作魭。《音義》出「魭羹」、 阮氏元《校勘記》云: 譖子家,子家懼而從之。 與子家謀先。子家曰:『畜老牛猶憚殺之,而況君乎?』反 黿,相視而笑。公問之,子家以告。及食大夫黿,召子公而弗 動,以示子家曰:「他日我如此,必嘗異味。」及人,宰夫將解 不材,願附於子臧之義。1吴人固立季札,季札棄其室而耕,乃 大昕《養新録》云: 云" 【《左傳》作黿。』此則注文本用魭字。 云:「楚人獻黿於鄭靈公。公子宋與子家將見,子公之食指 舍之。」此「子臧、季札輕讓千乘」之事也。 曰:能守節矣。君義嗣,誰敢干君? 有國,非吾節也。 子公怒,染指於鼎,嘗之而出。 「孔子疾没世而名不稱,孟子亦惡人之不 「一染指黿羹之類」,閩、監、毛三本同。 夏、弑靈公。」是因飲食「致禍」也。 公怒,欲殺子公。子公 改爲黿,非也。」錢氏 宣公四年《左傳》 札雖 君子 農時

伯夷之風,懦夫有立志也。章指:言廉貪相殊,名亦卓異。故聞

詩・大雅・桑柔》篇「靡國不泯」,傳云:「泯,滅也。」是也 《書・吕刑》云:「民興胥漸,泯泯棼棼。」《周書・祭公解》云 以「親信」連言之。○注「則上下之敘泯 曰:不信則疑之,不親則疏之。 賦則不入,故財用不足。 正尊卑,則上下之敘泯亂,無善政以教人農時,貢 信仁賢,仁賢去之,國無賢 義,則上下亂;無政事, 云:「正絶流曰亂。」是亂有絶義,與滅同。 ·汝無泯泯棼棼」,孔晁注云:「泯,芬亂也。」泯亦訓滅,《毛 泯亂」亦滅亂也。 ○注「無善」至「不人」○正義曰 則田野荒蕪,水旱無備,故「貢賦不人」也 孟子曰:「不信仁賢,則國空虚,無 《爾雅 · 釋詁 》云: 疏注「不親信仁賢」〇正 疑由於疏,疏亦由於疑。 人則空虚也;無禮義 則財用不足。」注不 賦 「滅,絶也。」《釋水 出於農。 亂」〇正義 泯爲滅,亦爲亂 不「教人 日 : 禮 親 以 故

之源。聖人以三者爲急也。

章指:

言親賢、正禮,明其五教,爲政

之源,聖人以三者爲急也。

孟子曰:「不仁而得國者,有之矣,不仁

痹,叔 不仁,天下不與,故不得有天下也 雖有誅亡,其世有土。 而 得天下,未之有也。」注不仁得國者,若象封 鮮、叔 度封於管、蔡, 丹朱、商均,天子元子,以 以親親 之恩 而 得 或 也。 其 有

> 世 以

表而出之。

國者。 操而言。 爲 忌諱,不言異姓也。 是時曹操儼然無人臣之節,趙氏屬 善終」云云、雖承桀、紂、 得天下之人,似乎所引未切矣。 危勢,若今之賢也,明通以足天紀,又當天。」按:趙氏於 及今天下集於陛下,臣觀寬大知通 起,何慅矣? 寧》篇云:「臣聞之,自禹已下五百歲而湯起,自湯已下 出 五百餘年而武王起。 「不仁得天下」,前舉丹朱、商均,此舉桀、紂、幽、厲,皆 得 厲,雖得猶失。不以善終,不能世祀,不 也。 章指: 言王者當天,然後處之; 於「不仁得國 當時如袁紹、公孫瓚、皆不仁得國者也 疏「王者當天」() 及秦始皇帝,似是而卒非也,終於無狀。 玩其取賈子「當天」二字,固以此似 自武王已下,過五百歲矣,聖王不 」取象及管、蔡,皆宗室同姓之得 幽、厲,實指后羿、新莽一流。 正義曰: 賈誼《新 觀此云「雖得猶失,不以 竊曰 意荆州, 是以摻亂業,握 此 數 故 書 語 桀紂 實指 有 ・數 蓋 非 所

> 是而非者終於無狀,而謬托丹朱、商均、 秦皇斥操耳 而 亦 有所忌 諱,不 . 明 言之也。 桀、紂、 幽 知 厲,實 人論

注諸 是故得乎丘民而 聚也。」皆衆之義也。」得乎天子爲諸侯,注得天子之 者,合十姓百名以爲風俗也。』《釋名》云: 心》篇:「得乎丘民而爲天子。」《莊子・則陽》篇云:「丘 國民也。 子,殷湯、周文是也。 疏注「丘十六井也」〇正 輕於民。丘,十六井也。天下丘民皆樂其政則爲天 之心,諸侯封以 心,封以爲諸侯。 周禮・地官 邑四井,四邑故爲十六井。 侯爲 孟子曰:「民爲貴,社稷次之,君爲 王氏念孫《廣雅 危 ・小司 社稷之行,則變更立 爲大夫。 徒》「九夫爲井、四 得乎諸侯爲大夫。注得諸侯 爲天子,注君輕於社 疏證 諸 然則「丘民」猶言邑民、鄉民 侯 危社 丘 井爲邑,四邑爲丘 賢 衆 諸 稷 『四邑爲丘。 也。 门則 侯 也。 一稷,社 孟子 變置; 義 疏 注 ・盡 日 乓 稷 里

「諸侯」至「侯也」○正義曰:《孝經》「諸侯」章云:「在上不

更也。」《吕氏春秋・當務》篇云「而不可置妾之子」,高誘注 太史次諸侯之列,賦之犧牲,以共皇天上帝社稷寢廟之祀。」 爲精。」故以「絜」釋「精」。❶ 稷。」注犧牲已成肥腯,稻粱已成絜精,祭祀社稷常 春秋之時,然而其國 「置,立也。」則「變置」即「更立」也。 一稷。」反是,則爲危社稷之行矣。 滿而不溢,所以長守富也。 也。」此社稷用粢盛也。 「肥腯」爲「成」。 「精,潔也。」又《楚語》「玉帛爲二精」,注云:「明潔 疏注「犧牲」至「置也」○正義曰:犧牲 重功 《郊特牲》云:「唯社丘乘共秶盛,所以報 謹 時,然而旱乾水 度,滿 故也。 《國語・ 有旱乾水溢之災,則毁社 《禮記·月令》:「季冬之月,命 而不 《白虎通· 周語》「祓除其心精也 溢。 富貴不離其身,然後 《説文》支部云: 高 溢 而不危,所以 社稷》篇云: 犧牲既成, 秶 ,則變置 貴肥 變, 二,章 能保 「祭 長 社 稷 守 行者。 云: 疏云: 義 稷」亦是更立社稷。 祈,秋有報,孟冬大割祠。 也。 「當以疏説爲是。

其社

也

驕,高而不危;

制 節

云:

盛既絜,祭祀以

未嘗輕舉此禮、蓋變置至神示,所關重大,故自 壇壝之地,罰稍重矣,又甚則更其配食之神,罰最重。 不順成,八蜡不通,乃暫停其祭,是罰之輕者,又甚,則 易柱。」毛氏奇龄《四書賸言》云:「自顓頊至周,水旱不 耜》,此祭之常者也。」上「變置」爲「更立賢諸侯」,此「變置 秋分前後戊日。」」陳祥道《禮書》云:「先王之祭社稷、春 記·月令》仲春、仲秋皆有之,並注云:「賽秋成也。 之月,擇元日,命民社」之文,而《御覽》五百三十二引《禮 月,擇元日,命民社。」「盧氏文弨校云:「今《月令》無「仲 而易祀者止一柱,似亦未可爲據者。」全氏祖望《經史問答 「自顓頊以來,用句龍爲社,柱爲稷,及湯之旱,以棄 嘗謂國家之有水旱,原恃乎我之所以 故《月令》:「仲春之月,擇元日,命民 以諸侯例之,自是更立社稷之主。 蓋古人之加罰於社稷者 春 祈而歌《載芟》,秋報而歌《良 格 社。二仲 湯而 天者而 有三等。 後罕 元 故舊 未 然亦 遷 秋 H 年 其 有

社稷

用

牲何?

《尚書》曰:

「乃社于新邑、牛

本反始

此

社稷用犧牲也。

腯

故以

昭注云:

以

而

更置也。

牢」,❷何?

宗廟太牢,所以廣孝道也。

社稷爲報功,諸

侯

或

,所報者少故也。」又云:

「歲再祭之,何?

春求秋報之

,羊一,豕一。」《王制》曰【天子社稷皆太牢,諸侯社稷皆少

絜釋 精」,據文意當作 釋絜」。

<sup>0</sup> 少年」十字。 「少牢」下,沈校謂當依《白虎通 》補 「宗廟俱太牢社

擊等 是也。 蔑 置之意也。 不應於社稷之神是咎。 詩 也 通 此 陽冰乃與耆老吏民自西谷遷廟於山巔以答神休。 隍之神,五日不雨焚其廟,此乃行古禮也。及期,雨合霑足, 閉 置是也,而未可輕言之也。 之,非過矣。但是可爲賢主道,而不可爲慢神之主道也。 德相参,其道相配,而其自反者已極盡而無憾,故湯之易稷 己,是取滅亡之道也。 茫然於其警戒之所在,反以人跋扈之氣責報於天,文過 於國君而震動之,使有以知命之不常,天之難諶? 以人聽於神。 穆公暴巫焚尫,縣子尚以爲不可,況其進於此者? 日「靡 絕明神自任者。」周氏柄中《辨正》云:「趙氏謂「毀其社稷 古禮而得之者。 |焚廟之禱嫌其得罪於神而更新之,不爲罰而爲報,是 南嶽廟事,可爲慢神之戒。 而斬其木,其罪大矣。奪之官邑。」夫斬木是古禮, 有事於桑山 夫天人,一氣也。 神不舉」,正與八蜡不通之説並行不悖,未有毅 子産以爲非者,即未可輕言之意也。《雲漢》之 陰陽不和,五行失序,於是有恒雨恒暘之咎, ,斬其木,不雨,子産曰: 《左氏》昭公十有七年: ①「鄭大旱, 乃若聖王則有之。聖王之於天地,其 且亦安知社稷之神不將大有所懲創 在我非尸位,則在神爲溺職,雖黜 《北夢瑣言》載潭州馬希聲以早 李陽冰令縉雲,大旱,告於城 有事於山, 萟 此蓋因 疏 而 説變 吾乃 然以 使 亦 Ш 亦 屠 前 於 變 魯 林

> 已也。 復立耳。」此説得之。」 置』與上節「變置」同義,則當爲更立之意,不但殺其祭禮 遷之他處者; 者立社必在庫門内,夏左殷右,周復左,此一朝定制,未聞 常祭,以示減殺。 上,盜亦衰息。」萬充宗則謂「水旱之方,就此方之社稷,變其 如句容有盜,改置社稷而 而更置之」,不言如何更置。 穀梁》所謂大祲之歲,鬼神有禱無祀之意」。 任釣臺曰:「變置必是毀其壇壝以致責罰之意,明 如萬説,則與「變置」之字義又不合。 如《郊特牲》所云年不 盗 止,下邳多盗,遷 陳無已謂「遷社稷壇壝於他 順成,八蜡不 社稷於南 如陳説,則古 此「變 通 Ш 處 春 而

重民敬祀,治之所先,故列其次而言之。貴也,先黜諸侯,後毁社稷,君爲輕也。章指:言得民爲君,得君爲臣,民爲

下惠是也。至伯夷之清、柳下惠之和,聖人之一孟子曰:「聖人,百世之師也,伯夷、柳

❶ 「七」,按引文在十六年,參沈校。

時之人矣。毛説非也。 是 ? 也。 概 下」固屬下讀,與「親炙」相對。親炙則百世之上,與夷、惠同 之者莫不興起,非聖而若是乎? 乎前以及乎後也。若以「百世之下」連下讀,則失辭例矣。」 乎百世之上百世之下」一氣不斷,古文排句,辭例如此,言興 乎?」注頑,貪,懦,弱,鄙,狹也。百世,言其遠 非 載馳》傳云:「是乃衆幼穉且狂,進取一概之義。」孔氏正 下,莫不興起。」按:《論衡·知實》篇引云:「百世之下,聞 至「起也」○正義曰:毛氏奇齢《四書賸言》云:「《孟子》「奮 奮乎百世之上,百世之下聞者莫不興起也。 有立志,聞柳下惠之風者,薄夫敦,鄙夫寬。 人之一端」也。 云:「一概者,一端,不曉變通。」然則「聖人之一概」猶云「聖 漢·王吉傳》云"「《孟子》云"奮乎百世之上,行乎百世之 也。 聖人,而能若是乎? 而況於親 興起,志意興起也。 諭聞尚然,況於親見勳炙者也?● 疏注「聖人之一概也」○正義曰:《毛詩 故聞伯夷之風者,頑夫廉,懦夫 ○注「諭聞」至「炙者也」○正義曰: 非聖人之行,何能感人若 而況親炙之乎?」「百世之 疏 「奮乎」 炙之者 ·衛風 義

出「勳炙」、云「字與熏同」、則作薰、熏並非古本。」は、動象」、云、「毛本作熏、孔本作薰、韓本作勳。按、《音義》、云、「熏、灼也。」孔氏正義云、「熏、灼俱焚炙之義。」阮氏元云、「熏、灼也。」孔氏正義云、「熏、灼俱焚炙之義。」阮氏元云、「曉聞猶知聞也。《毛詩・大雅・雲漢》「憂心如熏」、傳也。」《廣雅・釋言》云、「諭、曉

載聞之,猶有感激。謂之聖人,美其德也。章指: ●言伯夷、柳下,變貪厲薄。 千

0

0

疏之出文及阮校所述廖、孔、韓等本改。 「也」,原作「乎」,合於岳、宋十行、閩、監、毛等本,今據

仁乃是人之所以爲心也。與《中庸》語意皆不同。」曰『仁也者人也』,謂能行仁恩者,人也。又曰『人心也』,謂我,親密之詞。獨則無耦,耦則相親,故其字從人二。孟子《禮注》云:「人偶,相與爲禮儀。」皆同也。」按,人耦猶言爾謂以人意尊偶之也。《論語注》:「人偶,同位人偶之辭。」大夫禮》『賓入三揖』,注:「相人耦。』《詩・匪風》箋云:大夫禮》『賓入三揖』,注:「相人耦。』《詩・匪風》箋云:

章指:言仁恩須人,「人能宏道」也。

逝。惟魯斯戀,篤父母國之義也。 章指:言孔子周流不遇,則之他國遠

孟子曰:「君子之戹於陳蔡之間,無上

事也。 即指大夫相謀 與發徒役圍孔子於野,不得行,絕糧。」此孔子厄於陳、蔡之 在陳蔡之間,楚使人聘孔子,孔子將往拜禮。陳蔡大夫謀相 《章指》又以「援」釋「交」也。 臣,皆不與孔子合,故無援以至於困戹,故既以「接」釋「交」 故可謂孔子爲君子也。 羹不糂,弟子皆有飢色。」下數句正申解厄字。 「上下無交」 宥坐》篇云:「孔子南適楚,厄於陳、蔡之間,七日不火食,藜 之間」,謂絶糧。 音義》引《蒼頡篇》云:「厄、困也。」《吕氏春秋・知士》篇云 其國君臣皆惡,上下無所交接,故戹也。 之道三、我無能焉。」孔子乃尚謙、不敢當君子之道 至「戹也」○正義曰:《音義》云:「戹,或作厄,同。」《一切經 下之交也。」注君子,孔子也。 ·接,持也。」《淮南子·修務訓》云「援豐條」,高誘注云: 静郭君之交」,高誘注云:「交,接也。」《廣雅 援,持也。」趙氏以「上」指君,「下」指臣,上無賢君,下無賢 《説文》食部云:「飯,飢也。 厄當讀飯,謂飢於陳、蔡之間也。《荀子・ 孔子所以 《史記・孔子世家》云: 「孔子 從食,戹聲。」「厄於陳蔡 《論語》曰 戹於陳蔡之間者. 釋詁》云: 疏注「孔子」 :「君子

章指:言君子固窮,窮不變道。上下

以人言爲人口。 也。 謚,或氏於爵,或氏於國,或氏於官,或氏於字,或氏於居,或 姓不聊生」,注云:「聊,賴也。」《廣雅 以爲貉人名稽,則不以爲姓,與趙氏異。 氏於事,或氏於職。」此貉非號謚官爵,故以爲俗人姓也。 **豸種也」。」按"下自稱稽,則稽自是名,貉當是姓矣。** 鶴。』《纂文》曰:「俗人姓也。」張亡百切。《説文》云「北方人 稽大不賴人之口,如之何? 口 正義曰:《音義》云:「丁云:「貊、鶴二音。 仕者」。 》引《風俗通·氏姓篇》序云:「姓有九,或氏於號,或氏於 俚,賴 隱公四年《公羊傳》云:「吾爲子口隱矣。」言出於口,故 仕 注審己之德,口 貉稽曰:「稽大不理於口。」注貉,姓,稽, 昭注云: 者也,爲衆 《説文》人部云:「俚,聊 也。」理、俚聲同字通。 「賴 孟 子曰 利 П 所 無傷 也。」「不理於口」 訕 無 也。 理,賴 也。」《國策・秦策》云「百 疏注「貉姓」至「賴也」○ 《國語 傷 離 於凡 也。 · 釋言》云:「俚, 聊 也 以爲衆所訕,知是 ·晉語》「君得 猶云不利 既是人姓,當音 人而爲士者, 士,憎兹多 謂 孟 子 於人口 曰 : 《御 張 其

自明。 孔子也,『肆不殄厥愠,亦不 故益滋多口也。」《詩》云『憂心悄 多口,有道之士所不取也。 斷章取兩愠字,申達憎義。」趙氏佑《温故録》云:「憎如字讀 其口之不理者,特羣小輩耳,於己之聲聞無隕越也。 爲士君子所憎惡。 多口,即《論語》「禦人口給,屢憎於人」之意,謂徒理於口,亦 子《新書・道術》篇云「守道者謂之士」,是士「離於凡人」。 文》有俗人之稱、《潛夫論》有「士貴有辭」之説也。 云:「令之以通辭理。」稽曰不理,蓋自病其言之無文,故《纂 궁: 有辭,亦憎多口。」此爲憎惡,與趙氏義不同。 云:「孔子恂恂,似不能言者。 觀《章指》「凡人」即「凡品」,士即指孔子、文王也。 也。」是也。《荀子・大略》篇云「君子聽律習容而後士」,賈 言》訓憚、《説文》訓惡、《廣雅》訓苦。 益多口。 増」之假 「理兼條分脩治之義、《離騷》「令蹇脩以爲理」,五 上理字乃分辨之意,不必依舊訓賴。 借,故以「益」釋之。 疏注「離 惟能以文王、孔子之道理其身心,即有憎 於」至「多口」〇正 此讀兹爲滋,謂士憎惡以辨謗! 又稱「誾 《爾 雅 悄 《潛夫論·交際》篇 間言 義 殞 日 : 釋言》云: 厥問」,文王 愠 惟謹」也。 求理於口 趙 翟氏灏《攷異 于羣 氏 孟子云僧 以 引《詩 憎、方 增,益 小, 士貴 臣 爲 注

七九九

孟子正義卷二十八

失義 見 怒也。 憂在 亦不廢其聘 見太王立冢土,有用大衆之義,故不絶去其恚惡惡人之心, 注 也。 孔子論此詩。 比 孔子作,孟子引以況孔子,謂孔子當日爲羣小非 悄,憂貌。」箋云:「羣小,衆小人在君側 公之時,仁人不遇,小人在側。」毛氏傳云:「愠,怒也。 夷之愠怒,亦不能殞失文王之善聲問 至「苦也」〇正義曰:序云:「《柏舟》,言仁而不遇也。 肆,故今也。 「言仁人憂心悄悄然而怨此羣小人在於君側者也。」詩非 也。」注《詩 也。」「孔子倫此詩」謂孔子比儗此詩 《論語 「大雅」至 亦相 《大雅·縣》之篇曰「肆不殄厥愠」,殄,絶,愠, 心也,「愠于羣小」,怨小人聚而 論」與「倫」通、《禮記·中庸》「毛猶有倫」,注云:「倫· 「亦不 ・子張》篇。 近,惟 門鄰國之禮。」恚猶怒也。 問問 愠, 恚; 鄭氏以問爲聘問,趙 殞厥問」,殞,失也。 也〇 孔子亦有武叔之口,故 邶 風 是羣小之口,亦「孔子之所苦」也。〇 正義曰:《毛詩・ 隕,墜也。」箋云:「小聘曰問。 ·柏舟》之篇。 氏讀 箋以絶釋殄,廢 則如叔孫武叔之毀 言文王不殄 者。」 大雅 問爲令聞之聞,以 日 也。 日孔子之所苦 非議賢者也。 孔氏正義 「憂心悄悄」, 緜》傳云: 議 疏注 , 有 絶 文王 墜與 衛頃 云 如 「詩」 畎 悄 此 爲

> 悄悄, 愠,即 意宜如是也。」 聞,在孟子義宜 愠、畎夷之多口也,而文王不必殄絶之,亦不因 愠在文王,趙以愠在畎夷。 矣」,混夷即畎夷,故云「不殄絶畎夷之愠怒」。 爲墜,鄭箋原不必同 爲「善聲聞」,則不合。 常懼禍至之無日,而羣小之申申者方愠怒之不殄,詩 ·羣小之多口也。 如是也。 [毛,趙 趙氏説《詩》每殊於鄭。 顧氏鎮《虞東學詩》云:「 因 孟子引此以證「多 念「愠于羣小」亦當 氏 未詳 所受耳。 口,則 下云 箋以不殄愠 【其愠 惟是憂心之 是爲羣 毛氏 泥 畎 而失令 但 夷之 小 夷 訓 所 駾 隕

答貉稽曰「無傷」也。 章指:言正己信心,不患衆口。 衆口

潰之政 疏注「賢者」至「得也」○正義曰: 於道德,是躬化之道可 以其昬昬使人昭昭。」正賢者治國,法 孟子曰:「賢者 也。 身 不 能 治 而 也。 以其 欲 使 今之治國,法度昬 《楚辭 他 昭 人 昭 昭 使 雲中君》「爛 明,不 人 度 昭 可 昭 昭, 得 晷 昭 风阳阳 也。 明 亂

《章指》以「誾」「迷」釋「昬昬。」
也。」又《誣徒》篇云「昬於小利」,高誘注云:「昬,選也。」故氏春秋・有度》篇云「不昬乎其所已知」,高誘注云:「昬,闇潰止」,傳云:「潰,亂也。」故以「昬昬」爲「潰亂之政」。《吕雅・釋訓》云:「惛惛,亂也。」《毛詩・大雅・召旻》篇「無不兮未央」,王逸注云:「昭昭,明也。」故云「明於道德」。《廣

責明,誾者愈迷。賢者可遵,譏今之非也。章指:言以明招誾,誾者以開,以闇

路。 比若 領。 也 間,有間 子之心矣。」注高子,齊人也。 之而成路,爲間不用,則茅塞之矣。 今茅塞 而未明,去而學於他術。 」○正義曰:王氏念孫《廣雅疏證》云:「《釋丘》:「嶺、陘、 以喻高子學於仁義之道,當遂行之而反中止, 有微蹊介然,人遂用之不止,則蹊 山路,故曰 孟子謂高子曰:「山徑之蹊間介然,用 也。 謂廢而不用,則茅草生而塞之,不復爲 「茅塞子之心」也。 孟子謂之曰: 嘗學於孟子,鄉道 疏注「山徑」至「心 成爲路。 山徑,山之 爲

句, 《淮南子》並作「蹊徑」。一見於鄭氏注《周易》「徑路,爲山間 記》去: 北國中,有山名曰壺領。」」程氏瑶田《通藝録・ 不可勝由矣。」馬融《長笛賦》云:「膺陗阤腹陘阻。」並字異 岐注云:「山徑,山之領。」《法言·吾子》篇云:「山岖之蹊、 阪也。」陘之言徑也、《孟子・盡心》篇「山徑之蹊間介然」,趙 有足跡隔絶之處,然人苟由之,皆可以成路云爾。」趙氏 絶句者。『間介』蓋隔絶之意。 然」屬上句、愚讀《長笛賦》「間介無蹊」,似古讀有以「間介」 路之成成於蹊間也。」孔氏廣森《經學巵言》云"「趙注以「介 垠堮,非有一定之跡可睹指者也。 而義同。 也」,楊倞注云:「介然,堅固 闢除之。」謹按:《荀子・脩身》篇云「善在身,介然必以自 鹿兔之蹊」。又《左傳》「舝牛以蹊人之田」、《漢書・貨 「孟冬塞蹊徑」,鄭氏注:「徯徑,鳥獸之道也。」《吕氏春秋》、 「鷹隼未擊,矰弋不施於蹊隧」。 (漢書 [温故録》云:「介亦分別意,如 非耳。 「《孟子》「山徑之蹊間」,蹊字之義,一見於《月令》 律曆志上》云「介然有常」, 嶺之言領也,嶺通作領、《列子・ 「山徑之蹊間」謂小道叢雜處,「介然用之」謂人力 貌。 徑,路也。 字讀。 然則蹊者,獸蹄之所經,無 《易》曰:「介如石焉。」 今乃介然用之而成路,是 注云"「介然,特 舊惟以「介然」屬 蹊,足跡也。 湯問 溝 》篇云:「終 :渔疆 (殖傳 異之 理小 上 佑 雖

不 則間爲隙。 隔者多則爲遠。 굸: 堅固 成路。 醜與美相隔之遠也。 子・俶真訓》云「則醜美有間矣」,高誘注云:「間,遠也。」謂 之,「爲間不用」即是爲間不行。下云「當遂行之」,趙氏以 蹊間之成路,全在特行而不旁踰,此「介然」二字定屬下「用 意。」《説文》八部云:「介,畫也。」蹊無一 注云:「間,隙 謂病愈,《方言》云:「南楚病愈者,或謂之間。」是也。 公七年《左傳》「晉侯有間」,杜預注云: 數端,各不同。 《吕氏春秋・去私》篇 「居有間」,高誘注云: 之」,即《荀子》、《律曆志》之「介然」。專行一路,所以有常而 介然專行一路,特而不散,自畫而不亂,此蹊間所以能 「間,頃 「爲間,有頃之間也。」此云:「爲間,有間也。」按:有間之義 行」釋「用」也。 甪 」謂别 也。《方言》云:「用,行也。」「介然用之」即是介然行 「間隙,瑕釁也。」昭公十三年《左傳》云「諸侯有間 蓋山領廣闊,原可散亂而行,縱横旁午,不相沿踐,今 也。」此言須臾之時,所謂有頃之間也,以時言也。 行他路,遂與此路隔别而不行。 故《史記・黥布傳》以行他道爲 也。」大抵間爲隔別之義,所隔者少則爲頃,所 趙氏注《滕文公上》篇「夷子憮然爲間」云: 無病與有 《國語・晉語》「使無有間隙」,韋昭注 病别 則間爲愈 「間,差也。」此 定之跡,則不可 「間道」,此「爲間 相 趙氏謂高子「去 怨與 相 《淮 成路 好 者」, 有間 ?别, 南 昭 以

茅塞? 蓋廢此不行,以别有行處,爲他歧之惑也。而學於他道」,正此「爲間」之喻也。若有頃之間,何遽遂爲

當常。」 阮氏元《挍勘記》云:「宋 明爲善之不可倦也。 在身,常常被服。 章指: 言聖人之道,學 舍而 本、 疏 孔本、 「常常被服」〇正義曰: 不脩,猶茅是 而 韓 時習。 本、足 利 本 作

「以追蠡。」淮高子曰: 聲樂過於文王」○正義曰:以「貴」釋「尚」,以「樂」釋「聲」, 即以鍾爲聲,鄭注「聲鍾錞于之屬」是也。」姚氏文田 之聲」,此聲字即「鳧氏爲聲」之聲也。《攷工記》前言「鳧氏 於文王。孟子難之曰:何以言之? 自訂稿》云: 爲聲」,後言「鳧氏爲鍾」,可知聲即是鍾。 俱詳見前。倪氏思寬《二初齋讀書記》云:「「禹之聲尚文王 曰:「何以言之?」注高子以爲禹之尚貴聲樂,過 高子曰:「禹之聲尚文王之聲。」孟 「此解尚字 與《禮記》「殷 禹時 鍾 在者,追蠡 人尚聲」義同。」曰: 蓋聲以鍾爲主,故 疏注「禹之尚貴 也。 《求是齋 追 子

離離

之剥裂也。

離兮」,注云:

「離離,剥裂貌。」此「蠡蠡欲絶之貌」正

抑黍實下垂,其蒂之系微細欲絶,亦有

鈕

如

蠡

蠡」既

通於禾黍之「離離」、《楚辭

思古》云「曾哀悽

也。]又曰:「蠡,分也。」皆其義也。 **蠡**,欲絶之貌。」此又以蠡同離同

不

劙。 也。

子》「以追蠡」,趙注曰:「追,鍾鈕

鈕擘齧

處深矣。

子

欲

《楚辭》「覽芷圃之蠡蠡」,又借爲「禾黍離離」字。

記・旊人》「鬢墾薜暴不入市」,注云:「薜,破裂也。」薜、 也」,高誘注云:「擘,分也。」《文選•西京賦》「擘肌分理」, 也。」段氏玉裁《説文解字注》云:「蠡之言剺也,如刀之剺 「齧、缺也。」趙氏以「擘齧」二字解「蠡」字,謂破裂缺 蟲齧而欲絶,是株守許書之辭而未能通許書之意矣。」 緣其破缺之深,故欲絶。《説文》 烛部云:「蠡,蟲齧木 《淮南子・人間訓》「劍之折,必有齧」,高誘注 「擘,破裂也。」《周禮》鄭注,謂《攷工 要略訓》「擘畫人事之終始者 知假借之指,乃云 《方言》曰:「劙, 「追」爲「鍾 也一〇 文王 如 本諸 欷 解 蠡 獻 擘 鐘 鐘 心 絶耳。 用之。 之下垂,其鈕欲絕,所以稱離離 馬足以行關,公馬足以稱賦。」「疏注「是何」至「稱 兩馬之力使之然與? 曰:是何足以爲禹尚樂乎? 殘缺,苟非當日之數數用之,而何以有是也?」曰:「是 之處,蠡則其如木之齧也。 機以追敵。」亦謂擊敵也。 與搥同、擊也。《説文》「旝」字注:「建大木、置石其上、發 齋自訂稿》云:「以追爲鐘鈕,既無他證,語又迂曲。 久則刓敝滋甚,故孟子以「城門之軌」譬之。」姚氏文田《求 則宛轉流動,不爲聲病,此古鐘所以側縣也。 殊,蓋爲金枘於甬上以貫於縣之者之鑿中,形如螺然,如 蝸,郭璞《江賦》所謂 蠡」,言追出於甬上者乃蠡也。 分其甬長,二在上,一在下,其設旋處也。 工創物小記》云:「鐘縣謂之旋。 奚足哉? 禹在文王之前千有餘 譬若城門之軌齧,其限切深者,用之多耳,豈 城門之軌,兩馬之力與?」注 「鸚螺蜁蝸」是也。 兩馬者、《春秋外傳》曰:「國 則此説似爲近是。 三代之樂不殊而禹之鐘獨形其 矣。 蠡與螺通。 所以縣鐘者設於甬上。 歲,用鐘日久,故追 先代之樂器,後王 程 氏 日 瑶田《通 一旋日 《孟子》謂之『追 螺小者謂之蜁 追者,言所擊 旋轉不已, 蠡,其義 藝録 :誠」〇 孟 説

 $\overline{Z}$ 

古字通也。

注引《周禮

》鄭注云:

中 也。 之鍾不

以

禹

爲尚樂也。

疏注

「追鍾」至「貌

參 攷

鍾

鈕

也

鈕

擘齧

處深矣。蠡蠡,欲

絶之貌也。

鈕,即

爲鍾鼻矣。

《淮南子·

正義

曰:《説文》金部云:「鈕,印鼻也。」此以

八〇三

是

每 軌 兄 此 營國 相 之迹自無不 禹自常用 之蠡不得獨 是先代之樂器,後王皆用之也。 磬,女媧之笙簧。]又云:「凡四代之服、器、官,魯兼用之。」 瑟、中琴、七瑟,四 正 秋 六尺六寸,旁加 同 禮記 憲先靈而齊軌」,薛綜注 高子以禹尚樂,故其器用至殘缺,今其鐘在者猶可證, 軌屬 沿 孫講「禹之聲」章,追何以 何 義 軌 以 勿躬》篇、《淮 日 ,國中九經九緯,經涂九軌。」注云: 在 畢至。」周之車 城門受車輪之缺 軌還 非 中庸》云:「今天下車同軌。」隱公元年《左傳》云: 城門限切 也。 兩馬之力? 、祗各 禮 轅」、《索隱》引 同,故在 由 記 故孟子以 禹所用矣。 七寸,凡 軌, 明 必 南子 • 冥覽訓》,皆云: 代之樂器也。」又云: 深 軌,制以八尺,其車之制同 堂位》云: 地之迹亦名爲軌。 則 티 : 而 也。 凡 後王皆用曉之。」《攷工記》: 八尺,是 成 張楫 用之者久也。 姚氏文田《求是齋自 **蠡**? 缺 軌, 用 毛氏奇齡《四書賸言》云: 齧 . : 而 禹之鐘既爲後王所用 拊 曰 : 謂 故趙氏以 門必三之。 迹也。」軌同 「軌 摶、 轍廣。」 用之者多也。 玉 「垂之和 車 《史記・ 「軌謂 磬、揩擊、 然則經涂 車 迹也。」《東京 高 |齧||釋「軌」 兩輪間 誘 此 迹同,故前後 轍廣。 則兩輪行 注《吕 正用之多, 訂稿》云: 鐘,叔之離 司馬 大琴、 九 城門之 日 軌, 匠 乃謂 相 軌。 則 氏 乘 「與 賦 明 而 如 地 春 車 人 追 大

涂軌。 也? 按:《 别 人既 之言也。 所掌皆稱國馬,而馭夫、趣馬又分公馬而駕治之。 皆官給,謂之『公馬』,以爲總之公牧者也。 爲民間所出 張馬力之多而反從減, 馬,謂兩服兩驂也。 所能到,意隱隱可驗。 毋門軌之齧是馬力與? 暫之意自見言外,故曰『是』是追蠡也,追蠡爲攷擊 日: 公馬、國馬,引《春秋外傳》爲證。 不關攷擊,並不及文樂,猶之門軌之齧,不關馬 使之自解,只「是奚足哉」四字盡之。 而謂「久」,可乎? 古關隘郵驛皆有都鄙所賦馬供往 ,要之行城之馬則祗此兩等。 得之矣。 造門,亦即造 春 試亦於『是奚足哉』一 蓋一比較則多寡生,而 1秋外傳 韋昭本作 馬也。 《孟子》文多微辭,於此則微辭中又急拄其口 者 涂,未嘗 車 至公家乘車及鄉遂賦兵、舝載任器 「國馬足以行軍」,云「國馬 去四言兩,已不可曉。 國 -之涉 此是何意? 所謂急破其惑,不煩證明。 語 即 軌 前 此 語 楚 也,門與涂同時,無久暫 年有 祇 復誦之乎? 語》鬭 然則兩馬 語 論 來之用 然國馬、公馬亦多無解 而年 門,今年 此 及觀 蓋此語專闢禹之追 且 追, 世 與 ,謂之「國馬」,以 趙 亦 人遠 其 謂兩等馬耳。」 故 況詰問之意 岐 祗 始有 弟 兒子遠 《周禮 注 論 民馬 , 非 論 涂, 此 力,並不 令 謂 雖無大分 乘車 所 ,尹子 朝 宗恍 兩 何 也。 牧 致, , 則 則 馬 正 多 用 謂 人 者 + 馬 是 得 及 此 欲 四 力 久 丘 久

《士喪禮》云賻以兩馬。是惟得駕兩,無上乘也。」皆可爲一 也。 馬謂之麗,殷駕三馬謂之驂,周自天子至大夫皆駕四馬謂 車所駕之證。」曹氏之升《摭餘説》云:「古駕車之法,夏駕二 等差故也。 外更有二驂,是爲四馬。今止乘兩牡,謂之衷乘者,衷,中 牡」,注「衷甸一轅,卿車」。 與之一乘車,兩馬」,又《左》哀公十七年《傳》「乘衷甸 兩馬」,注:「乘車兩馬,大夫服。」《史記•孔子世家》「魯君 二字,即國中之軌亦豈兩馬所能成? 皆由之,兩馬之力乃以車多反言,則文義自明。 氏「一車所駕」之説爲長。但當云城中車可散行,城門則 六井爲丘,有 二,①無四。 《求是齋自訂稿》云:「趙氏以「兩馬」爲國馬、公馬,不 左氏》哀公二十七年《傳》「陳成子屬孤子,三日朝,設乘車 詩》云「四牡騑騑,周 達、車從中央、禹以來、閱千八百年於兹、殷之驂於此門 稱、舉也。 孟子若曰: 蓋以四馬爲上乘,兩馬爲中乘,大事駕四,小事駕二,爲 《異義》: 二十七年陳成子以乘車兩馬 戎馬一 賦,兵也。」趙氏所見本蓋與韋異。 不知禹聲, 盍觀禹迹? 匹,牛三頭,足以 道倭遲」是也。 古《毛詩》説,天子之大夫皆駕四,故 疏: 「兵車一轅而二馬夾之,其 行 其諸侯大夫,士唯駕 故不可以辭害意 軍。 彼城門之軌,道 賜顔涿聚之子。 公馬,公之戎 如泥「兩馬」 姚氏文田 ·如豐 也。 兩 車 止

也,周之駟亦於此門也,而謂門限切深猶是夏先王兩 以備參攷。 肅云:「夏后氏駕兩謂之麗,殷 與?」謹按: 「門限亦名門切。 騑謂之駟。」此説於先王之樂器後王皆用之説尤切,録之 「限切」者, 阮氏元 夏駕二馬,見《毛詩 丁氏云「限迹切深」,由不解切字也。」」 益以 《挍勘記》云:「段玉裁云: 衛風·干旄》,正 騑謂之驂,周 義引王 人又益 医馬之力

孟子言之,將啓其蒙。 一體,何得相踰? 欲以追蠡,未達一隅。

章 指:

言前聖

後聖,所

尚

者同。

三王

滅萊」、《左傳》云:「王湫帥師及正輿子棠人軍齊師 復言之也。 疏注「棠齊邑也」〇正義曰: 棠邑之倉以振 發棠,始不可復。」注葉,齊邑也。 言一國之人皆以爲夫子復若發棠時勸王也,始不可 齊饑。 陳臻曰: 貧窮,時人賴之。今齊人復 「國人皆以夫子將復爲 孟子嘗勸 襄公六年「齊侯 饑 齊師 陳 Ŧ 發 臻 大

❶ 「士」,原脱,今從沈校據《左傳正義》改。

地》云: 敗之。 邑也。 名 爲馮 迫 而有力,能搏虎。 悦 望 萊邑,非今之堂邑縣也。《大事表》疑誤。」 孟子曰:「是 譌棠爲堂。」 縣爲齊棠邑,棠公爲棠邑大夫。 而滅之。」注云: 云:「當時即墨爲齊之大都,倉廩在焉,故云發棠。」則棠爲 今即墨縣甘棠鄉。」顧氏棟高《春秋大事表》云: 齊棠公之妻」,注云:「棠公,齊棠邑大夫。」閻氏若 齊侯駕,將走郵棠」,注云:「郵棠,齊邑。」二十五年《左傳》 也。 也,故進之以 見 之,其爲士者笑之。」正馮,姓,婦,名也。 ,馮 婦 則之野,有衆逐虎,虎負嵎,莫之敢攖。 丁未入萊,萊共公浮柔奔棠。 Ш 「齊滅萊邑,故爲齊有。 虎依 也。 東登州即 婦 周 陬 趨 氏柄中《辨正》云:「顧亭林《山東攷古 晉人有馮婦者,善搏虎,卒爲善 「棠,萊邑也。 而怒,無 爲士。 而 墨縣有棠鄉,爲萊之棠邑。 卒,後也。 迎之。 之於野外,復見逐 敢迫近者 北海即墨縣有棠鄉。」十八年 馮婦 孟子勸齊王發棠,即 後孟子爲發棠,即 善士者,以善搏 晏弱圍棠,十一月丙辰 攘臂 也。 下車,衆皆 馮 虎者 東昌府堂 「郵棠,故萊 婦 耻 虎 此是 此。 1璩《釋 不 有 攖, 録》 也。 勇 如 勇 後 邑

是也。 궁: 「士」字連「善」字、恐章句不明也。 爲善,何以有士稱? 其勇猛,其士之黨笑其不知止也。 前,見虎,走而迎之,攘臂下車,●欲復搏之。 見馮婦。 爲則,及其不知止,則士以爲笑也。」周 者,男子成名之大號。」故「有勇名而進以爲士」,如 必爲知者所笑也。 今欲復使我如發棠時言之於君,是則 云:「古人文字敘事未有無根者。 者笑之」,文義相屬,於《章旨》亦合。」閻氏若璩《釋地又續 「余味此段之言,恐合以「卒爲善」爲一句,「士則之」爲一句 「野有衆逐虎」爲一句。 也。「卒爲善」,足見前此恃力無賴爲不善也。 「一本以善字、之字點句、 燕禮》「卒受者」,注云: 本稱勇士,改而爲善,乃爲善士也。 若如宋周密斷「士則之」爲句,野字遂屬下,野 故趙氏申明 疏注「馮姓」至「虎者」○正義曰:《儀 蓋有搏虎之勇而卒能爲善,故士以 「卒猶後也。」卒之義爲終, 前云「士則之」,後云「其 之。 惟馮 劉昌詩《蘆浦筆記》云: 《毛 婦之野 故 密《志雅堂雜抄 詩正 申此者,趙氏以 我 孟 爲 子 然後 義》云:「士 不善 謂 稱「勇士」 馮 衆 婦 陳 人悦 但 終亦 得 爲 改 臻 也 而 望

後 禮

<sup>0</sup> 臂」,原誤作「背」,今據經文及經解本改

也。 子• 《埤蒼》云:「攖,梏也。」」梏之猶云繫之,蓋讀攖爲纓,繫之 見」二字斷句、「馮婦趨而迎之」六字斷句、是時婦猶在車中、 **陬而怒** 頌》云:「負隅依險。」段氏 嵎、《説文》自部云:「隅,陬也。」「陬,阪隅也。」《詩·小雅 義長矣。《音義》云:「陬,子于切,又子侯切,隅也。」隅 引崔氏注云"「攖,有所繫著也。」此亦以攖爲纓也。 以纓即謂之纓也。《莊子・大宗師》「其名爲攖寧」、《釋文》 衆耳,何由有馮婦 令趨車迎之也。 正月》「瞻彼阪田」,箋云: 亦舝繫之義。 誘注云:「攖,迫也。」《説文》是部云:「迫,近也。」故趙氏以 至「止也」〇正義曰:《淮南子・俶真訓》云「攖人心也」,高 孟子》曰:「虎負嵎,莫之敢攖。」」虎有所恃而張,故云「依 則之野」此句 迫」釋「攖」,又以「近」釋「迫」。《音義》云:「丁於盈切。 一明所以趨迎、所以下車之故,而以 《左傳》曰: 在宥》云「汝慎無攖人心」,司馬彪注云:「攖,引也。」引 也。 謹按: 法。 然是時衆方與虎相持,何得遽言梏繫? 「昔秦人負恃其衆,貪於土地,逐我諸戎。」 將近矣,馮婦又攘臂下車。 來? 余曰: 注中「見虎」二字解「望見」二字,明 此爲無根。 《周書》「則至于豐」。」〇注「攖迫」 玉裁《説文解字注》云:「負, 「崎嶇墝埆之處。」故馬融《廣 或曰: 「馮婦」二字貫於「見虎 固已,恐從未見 趙 氏以「耻 迫之 不 《莊 望 如 恃 成 即 用

也。

馮婦也。 走迎」之上,則「望見」爲馮婦望見明矣。 則因其之野望見如是,趨迎如是,下車如是也。 奥,趙氏每能曲折達之。卒爲善士,何至又爲士之黨笑之, 推也。」「推,排也。」推排其兩手於前作搏勢也。 也。」故以「走」釋「趨」,謂行之疾也。 馮婦者,若曰:誰迫之使趨迎? 攖」,故倒言之也。 是之野者望見。 「馮婦」者,屬文之法也。 皆形容其不知止之狀也。 不可云「望見有衆逐虎,虎負嵎,莫之敢 是時知止,則可以不趨迎、不下車。 自「則之野」貫下,此「望見」者自 馮婦也。 《説文》走部云:「趨,走 《説文》手部云:「攘 先言 「望見」後言 誰迫之使下東? 「則」字非虚 孟子屬文奇 連用 即

右曰: 搏之。」僖公元年《穀梁傳》: 暴虎無已,必 人不相說,士卒何罪?」屏左右而相搏,公子友處下,左 大叔于田》「檀裼暴虎, 曰:《爾雅·釋訓》云:「暴虎,徒搏也。」《毛詩 見用,得其 「孟勞。」孟勞者,魯之實刀也。」先搏時無刀,是搏 章指: 言可爲則從,不可 時 有 也 害 `獻于公所」,傳云:「暴虎,空手以 ; 非 也。 時 「公子友謂莒挐曰: 疏暴 逆指 ",猶 虎 則 無 XI ° 若 己〇 馮 鄭風 言善 E 義

八〇八

即 也 是搏,非 楚子以身壓,晉文以口啑,皆不用兵也。 搏。」惟手無兵空搏,故楚子伏而鹽其腦。 公二十八年《左傳》「晉侯夢與楚子搏」,注云: 「搏虎」。 。」爆同 無兵空手相擊,故 搏有徒不徒之别也。 **擽** 暴、 機亦搏也 搏,一音之轉。 江熙云:「佻身獨鬭 《廣雅• 故趙氏以 釋詁》云:「掾,擊 搏從手,空手即 「暴虎」釋經之 潛 蓋相搏 1刃相 「搏,手 害。」僖 7而顛,

○正義曰:《禮記・ 可樂,君子之道則以 也。 而苟求之也,故君子不謂性也。 有命禄,人不能皆如其願 思安佚不勞苦。 目之好美色,耳之樂音聲,鼻之喜芬香。臭,香也。 之於聲也,鼻之於臭也,四肢之於安佚也,性 易》曰:「其臭如蘭。」四體謂之四肢。 有命焉,君子 孟子曰:「口之於味也,目之於色也,耳 此皆人性之所欲也。 月令》: 仁義爲先,禮節爲制,不以 不謂 也。 「春月其味酸,其臭羶,夏月 性也。 建口之甘美味, 凡人則觸情從欲 疏注「臭香」至「如蘭」 得居此 四肢解 性欲 樂 倦 而 求 者 則

記也。

大學》篇云:「如惡惡臭,如好好色。」臭之惡者爲惡臭!

臭。」此亦以臭不專

於芬香,惟芬香可

飾

形

容,故别之云容

《周禮

天官・宮人》:

「除其不蠲,去其惡臭。」《禮

臭,香物也。」庾氏云:「以

臭物可

以

脩飾形容,故謂

之容

者,明其下皆臭也。

《 禮 記 •

内則》「皆佩容臭」,注云:

腥; 酸,暑浥之酸氣也。奇臭,衆臭之異者。 矣。 《易》者、繁辭上傳》文也。 味必嗜甘,色必好美,聲必喜音,臭非謂臭,專屬諸 故香亦謂之臭。《禮記》曰:「皆佩容臭。」」此獨冠以「香臭」 花草之香氣也。 篇云:「香臭、芬鬱、腥臊、洒酸、奇臭以鼻異。」注云:「芬: 佚,安樂也。」此注先訓氣,後言香,爲得其意矣。 也。 欲綦臭,心欲綦佚。」此與《孟子》義同。 王霸》篇云:「夫人之情,目欲綦色,耳欲綦聲,口欲綦昧,鼻 於口目耳鼻渾言味色聲臭,而於四體言安佚以互見之。 臭,在口者謂之味。臭則氣也。」味有五,臭亦有五、孟子 其味苦,其臭焦; 冬月其味鹹,其臭朽。」孔氏正義云:「通於鼻者謂 凡氣香亦謂之臭。 虞翻注《易》云:「臭,氣也。」不專以爲香也。 鬱,腐臭也。 中央其味甘,其臭香; 《禮記》曰:「佩容臭。」綦,極 「其臭如 《禮記》:「鳥皫色而沙鳴鬱。」 蘭」,則 楊倞注云:「臭,氣 氣之應鼻者爲臭 秋月其味辛 臭有不 又《正 香也。 《荀子 如蘭 其 則 者 之 臭 引

義

,脩禮學知,庶幾聖人,亹亹不倦,不但坐而聽

命

不 道 敬

施行。

然亦才性

有之,故可用

也。

王於天下,皆命禄。

遭 明

遇 知

乃 得

居 達

施於賓主,知者

得

以

知賢

命

禄

·,任天而已,不復治性,以

君子之道,則脩仁行

也。

有性焉,君子不謂命也。」注仁者得

主

施於父子,義者

·得以

義

理

也。 氣也。

臭也。」謂臭爲死之假借,死爲臭之正也。惡臭作死,腐穢之 部朽爲死之重文,「死,腐也」。《列子・周穆王》篇云: 存。」此臭字乃朽字之假借。《月令》:「其臭朽。」《説文》歹 消,惡難除。」孔氏正義云:「臭是氣之總名,原非善惡之稱。 尚猶有臭。」注云:「薰,香草,蕕,臭草。十年有臭,言善易 .既謂善氣爲香,故專以惡氣爲臭。 十年香氣盡矣,惡氣尚 也,知之於賢者也,聖人之於天道也,命 仁之於父子也,義之於君臣也,禮之於賓 |薫香蕕臭者,乃薰香蕕朽也。《廣雅・釋器》云:「死・ 鼻所齅之總名作臭,非臭之名或專於香,或專於惡 施於君臣,好禮者得 而行之,不遇 善、聖人得 爲苦。」朽與香 凡人則 蕕,十年 以 恩愛 歸 以 以 聞 之 者 天 禮 備。 非 也; 也。 也。 也。 此荀、楊之所未達,而老莊、告子、釋氏昧焉而妄爲穿鑿者 爲善,即血氣心知能底於無失之爲善, 所謂性、即口之於味、目之於色、耳之於聲、鼻之於臭、四 於性耳。 故曰:「君子不謂命」也。 名其血氣心知,所謂原於天地之化者之能協於天地之德也 之於安佚之爲性,所謂 不盡其材。 之化育者也。 曰:戴氏震《孟子字義疏證》云:「人之血氣心知,原 而應爲喜怒哀樂。 「不謂之性」,「不謂命」非「不謂之命」。 而皆可以擴而充之,則人之性也。 仁義禮智 欲根於血氣,故曰性也, 於是又知有君臣,有朋友,五者之倫相親相治, 有心知則知有父子,有昆弟,有夫婦而不止於一 君子不藉口於性以逞其欲,不藉口於命之限之而 後儒未詳審文義,失孟子立言之指。 有血 之懿不能 合聲色臭味之欲,喜怒哀樂之情,而 氣,則所資以養其血 人無有不善,即能 盡 人 如 而有所限而不可踰,則命之謂 疏「仁之」至「命也」〇正 者, 「謂」者,猶云「藉口 所謂仁義禮 限於 氣者,聲色臭味 由此言之,孟子之 知其限而 生 初 「不謂 不踰 所謂 於天 則 家之親 智即以 人道 隨

對,則

歌以爲哭,視白以爲黑,饗香以爲朽,嘗甘以

但

猶臭之香者爲香臭。

僖公四年《左傳》云:「一薰一

是 地 義

0 「人」,原誤作「一」,今從沈校據《孟子字義疏證》改。

性

之

相通 矣。」阮氏元《挍勘記》云:「「知之於賢者也」,閩、監、毛三本 道以必及乎則爲斷,勉之以性而不畏其難遂,斯必及乎其則 性難遂,則必不及乎則,命易順,則任其不及乎則。 吾體之大者也。 與生俱生之性也,其不能必遂者,命之限於天者也。 也,禮之於賓主也,智之於賢者也,聖人之於天道也,命也。 畏其難順,斯不過乎其則矣。 【仁之於父子也,義之於君臣 佚,其必欲遂者,與生俱生之性也,其不能必遂者,命之限 命焉,君子不謂性也。」謂我之口而嗜乎味,我之目而美乎 之而治性之學始備。 於賢者,以吾心所具聖人之德與天道相貫 之義而施於君臣,以吾心之禮而施於賓主,以吾心之智而施 有性焉,君子不謂命也。」謂以吾心之仁而施於父子,以吾心 使不過乎其則。 天所限之命恒難。 於天者也。 色,我之耳而悦乎聲,我之鼻而知乎臭,我之四肢而樂乎安 色也,耳之於聲也,鼻之於臭也,四肢之於安佚也,性也。 也。」程氏瑶田《通藝録・論學小記》云:「性、命二字必合言 合 一於則,性乃治矣。孟子曰:「口之於味也,目之於 五者,吾體之小者也。 遂己所成之性恒難 治性之道以不過乎則爲斷,節之以命 性易遂,則必過乎其則,命難順,則不能 五官百骸,五常百行,無物無則。 遂己所成之性恒易,而 而順天所限之命恒易。 通,其必欲遂者, 治性之 五者, 性命 而不 順 有

子則栖栖皇皇,不肯同沮、溺之辟世,荷蓧之潔身,而明道於 悟,此「義之於君臣,君子不謂命」也,道大莫容,命也 此,其口鼻耳目之欲則任之於命而不事外求,其仁義禮 也。 也」〇正義曰:「天道」即元亨利貞之天道。「乾道變化,各 也。 知作智。 子不謂命」也; 母嚚,命也,而舜則大孝烝蒸,瞽瞍底豫,此「仁之於父子,君 於顓愚之民,所謂 德則率乎吾性之所有而自脩之,不委諸教化之無人而甘同 德,又不遇勞來匡直者有以輔翼之,固限於命矣。 禮智之德不育,亦屬之命。 遂其生,不育其德。 不得施行」是也。 謂「道之將行也與? 其口鼻耳目之欲,各安其仁義禮知之常,此聖人之於天道 正性命,保合太和」,此天道也。「通神明之德」,使天下各遂 道之將廢也與? 「有性焉」,各本同。 乃伏羲、神農、黄帝、堯舜、禹湯、文武得位而天道行,所 按、《音義》出「知之」、云:「音智、注同。」則作 罪人斯得 道行則民遂其生,育其德; 一雖 命也」。 故口鼻耳目之欲不遂,屬之命, 命也」, 孔子不得位而天道不行, 所謂 無文王,猶興」也。 命也 孔本焉作也。」〇注「聖人」至「命 然顓愚之民不能自通 趙氏謂「遭遇乃得行之,不遇者 ,而周 公則勤勞王家,沖人感 且由是推之。 道不行則民不 若君 其 而 神明之 父頑 而 智之 子處 智非 仁義 孔

萬世、此「聖人於天道、君子不謂命」也。《大戴記・千乘》篇

云"「以爲無命則民不偷。」「以爲無命」即是「不謂命」。

證》云"「《文選》注引作「治身勤禮」。」 章指:言尊德樂道,不任佚性」 ○正義野:周氏廣業《孟子章指攷好言其事,以勸戒也。」 6、不任佚性」 ○正義勤禮,不專委命。君子所能,小人所病。勤禮,不專委命。君子所能,小人所病。勤禮,不再委命。君子所能,小人所病。

告生,姓,不害,因曰:「樂正子,何人也?」 浩生,姓,不害,名。齊人也。見孟子聞樂正子爲 「善人也,信人也。」 「善人也,信人也。」 「一門書? 何謂信?」 一下四之下也。」 下四之下也。 一下四之下也。

> 蓋謂宜己有此信,不可億人之不信也。○「充實之謂美」○ 信」,語見《論語·憲問》篇,謂不可億度人之不信。引之者 可好未必其不虚也,實有之矣,是爲信也。趙氏引「不意不 文》人部云:「信,誠也。」誠猶實也。有即「亡而爲有」之有。 其人可好,自爲善人也。○「有諸己之謂信」○正義曰:《説 其人善則可好,猶其人不善則可惡。其人可惡,即爲惡人, 也,義亦我所欲也」,欲作好。 所好於代者非一事。」《中論・夭壽》篇引《孟子》「生我所欲 爲「可欲」。按:此忠恕一貫之學,不僅於善也。《吕氏春 成「可欲之謂善」○正義曰:趙氏以「己所不欲,勿施於人」 人。有聖知之明,其道不可得知,是爲神人。人有 有光輝,是爲大人。大行其道,使天下化之,是爲聖 虚,是爲美人,美德之人也。充實善信而宣揚之,使 之,是爲信人,「不意不信」也。 秋・長攻》篇「所以善代者乃萬故」,高誘注云:「善,好 是六等,樂正子善、信,在二者之中,四者之下也 好善亦爲善,善可欲,即可好 充實善信,使之不

●「勤」,原誤作「行」,今據《章指》改。

《説文》火部云:「光,明也。」「煇,光也。」輝與煇同。 於聖、神。 云「民無能名曰神」,不可知故無能名。 孟子論樂正子,推極 而化之,使民宜之」,「聖而不可知之」也。《易・繋辭傳》云 之謂神」〇正義曰:「通其變,使民不倦」,大而化之也,「神 故大。充則暢於四體,光則照於四方,故趙氏云「宣揚之」。 詩・大雅・皇矣》篇「載錫之光」,傳云:「光,大也。」 有光輝 美。美指其容也。○「充實而有光輝之謂大」○正義 俣俣,容貌大也。」充滿其所有以茂好於外,故容貌碩大而爲 美人謂碩人也。」首章「碩人俣俣」,傳云:「碩人,大德也。 是爲「充實」。《詩・邶風・簡兮》云「彼美人兮」,箋云:「彼 詩》云:「實,有也。」即此有諸己者擴而充之,使全備滿盈, 正義曰:《詩・召南・小星》篇「實命不同」,❶《釋文》引《韓 也。」此謂德業照於四方而能變通之也。○「聖而不可知之 ○「大而化之之謂聖」○正義曰:《説文》耳部云:「聖,通 陰陽不測之謂神」、「不測」即「不可知」。《周書・謚法解》 至於神,則堯舜之治天下也。孟子所以「言必稱 E. 《毛

章指: 言神、聖以下,優劣異差。 樂

正好善,應下二科。是以孟子爲之喜也。

堯舜」。

孟子正義卷二十八終

孫授易授詩校字

0

## 孟子正義卷二十九

江都縣鄉貢士焦循譔集

是歸 儒。 必歸楊 歸 歸墨而歸儒; 墨無親疏之別,最爲違禮,楊尚得不敢毀傷之義。竊謂不 日歸。 尚得「不敢毀傷」之義。 親疏之别,最爲違禮,楊朱之道爲己愛身,雖違禮, 逃墨」至「而已矣」〇正義曰:趙氏佑《温故録》云:「舊謂 楊而 此亦互見之耳。 ,且以斷兩家之優劣也。 歸,斯受之而已矣。 孟子曰:「逃 歸 而 去墨歸楊,去楊歸儒,則當受而安之也。 『即歸儒者,非以兩『必』字拘定一例,❶如是逃、 儒可知也。 假令逃楊之人始而歸墨,及逃墨,亦義不可復 逃墨之人始既歸楊,及逃楊,勢不可復 亦有逃楊不必歸墨 墨必歸於楊, 逃者,去也。 楊之言似近儒之爲己愛身,而 注墨翟之道兼愛,無 一而即歸儒、逃墨不 逃楊 去邪歸 必 证,故 歸 疏 於 如

> 胃也。 矣。 蘭也」○正義曰:《音義》云:「苙,丁音立。 楊墨歸儒則可,又復從而罪之,亦云大甚。 追而還之人蘭則可,又復從而罥之,大甚。 豚,既人其蓝,又從而招之。」注 荳,蘭也, 之」,又以「還」釋「歸」。 依歸。」《廣雅·釋詁》云:「歸,就也。」「歸 父」,極之於「禽獸」,非有罪名出人。」○注「逃者」至「曰歸」 天下之不近人情者,鮮不爲大奸慝,故孟子並斷之「無君 視此身皆一無顧惜,至成從井救人之愚。 惡,墨之言亦近儒之仁民愛物,而徒 實止知有己不知有人,視天下皆漠不關情,至成刻薄寡恩之 釋詁》云:「還,歸也。」《釋言》云:「還,返也。」下云「追而 ○正義曰:《禮記· 歸來言反其本也。」《爾雅·釋言》云:「還,返也。」《廣雅 逃、去也。」《詩・曹風・蜉蝣》篇「於我歸處」、箋云:「歸 伏生《書大傳》云「和伯之樂名曰《歸來》」,鄭氏注云: 今之與楊墨辯争道者,譬如追放逸之豕豚。 曲禮》「三諫而不聽則逃之」,注云: 今之與楊墨辯者如追放 一概尚同,不知辨異. 其爲不情則一。 欄也, 正」猶云「就正 圈 疏注[芸 以言去 也。 招, 蘭 澴

❶ 「拘」,原誤作「例」,今據《四書温故録》改。

墨,方深望「能言距」之人而不可得,蓋未必有 愚又謂招之爲罥爲羈,僅見此注,絶少他證。❶ 舟子」本當如字,而今乃與《徵招》、《角招》之招同讀韶。 子好盡言以招人過」,注「招、舉也」。 别 書》引此經注與《詩》「招招舟子」並列音昭之下,明其義有 詳所本。 也」、《音義》言「羈其足」,皆本此。 猶《爾雅 於絹中,鳥來下則掎其脚。〕絹即穲,亦即罥也。絹之爲穲 設弧張」,注云:「弧張,罿罦之屬,所以扃絹禽獸。」《翨氏 切經音義》引《三蒼》云:「羂作羅又作胃。」《説文》网部云: ○正義曰:《音義》云:「罥,涓兖切。 云:「蘭者假借字,欄者俗字,闌者正字也。」○注| 注 也。」蘭、闌古通用。《漢書・王莽傳》「與牛馬同蘭」,顔師古 注云:「謂蘭圂也。」《孟子》「既人其苙」,趙岐注云:「苙,蘭 與欄字同。」戴氏震《方言疏證》云:「《方言》曰:「苙,圂 掌攻猛鳥,各以其物爲媒而掎之」,注云:「置其所食之物 羅,館也。」糸部云:「館,絹也。」《周禮・秋官・冥氏》「掌 ,音無别,不知今讀何以相仍如翹字? 「蘭謂遮蘭之、若牛馬蘭圈也。」」阮氏元《校勘 趙氏佑《温故録》云"「《音義》不爲招字作音、《字 釋器》「捐之爲環」。《聲類》云「胃,以繩係取鳥獸 然趙氏以「胃」釋「招」,未 當讀翹耳。 謂羈其足也。」按:《一 此惟《國語》「齊武 追咎太甚之 孟子之闢楊 亦猶[招招 「招買 也。」 也 記 然

> 事。 《詩 常,招又望之無已,如是則不咎其往之意,具見招字非 取别音,并不煩别義耳。」〇注「今之」至「大甚」〇正義曰 又從而招之、言望人之棄邪反正、無已時也。 然,惟恐其不歸也。其來歸者既樂受之,使人其苙,未 謂之豚。』《爾雅・釋獸》云:「豕子,豬。」是豕即豚也 放、風一 鄭氏注云:「風,走逸。」《釋名 争彼也。」故趙氏以「争」釋「辯」。 也。」《吕氏春秋・淫辭》篇云「無與孔穿辯」,高誘注云: 襄二十九年《左傳》云「辯而不德」,服氏注云:「辯,答鬭辯 辯,相易奪也。」鬭、奪皆謂争也。 小雅·北山》篇「或出人風議」,傳亦云:「風猶放也。」 此節乃孟子自明我今之所以與楊墨辯者,有 音之轉,「放逸 」即「風逸」也。 《書·紫誓》「馬牛其風」 釋天》云:「風,放 《墨子・經上》云:「辯 《方言》云:「豬 **苙既處之有** 如 追 小歸者 也。 但 放 無 豚

孔氏云:「緩,安也。言孔子爲政,安之則遠者來至。」此「來者不緩」○正義曰:《論語・子張》篇云「緩之斯來」,不緩,追其前罪,君子甚之,以爲過也。 疏

❶ 「他」,原誤作「作」,今據《四書温故録》改。

布者,布參印書,廣二寸,長二尺,以爲幣,貿易物。 妄矣。蓋計畝以步,計井以屋,故小司徒得據而攷焉而斂之 謂「田野之税」,孟子所謂「粟米之征」。 管子謂「籍於室屋」, 子・輕重》篇。屋粟者,地税,夫一爲廛,夫三爲屋。荀子所 征1〇正義曰:惠氏士奇《禮説》云:「屋粟、邦布,見《管 軍糧也。 也。布,軍卒以爲衣也,縷,鉄鎧甲之縷也。粟米, 之征 而入之外府者是也。凡田不耕者出屋粟,有田而不耕,使出 旅師者是也。 三夫之地税。凡民無職者出夫布,無田乃無職,使出一夫之 **备」,妄矣。蓋家辨其物,歲人其書,故鄉遂大夫得稽而征** 抱布貿絲」,抱此布也。或曰:布,泉也。《春秋傳》曰: 「刀布之斂」,孟子所謂「布縷之征」。管子謂「籍於萬民六 孟子曰:「有布縷之征、粟米之征、力役 出之民曰夫布,人之國曰邦布,其實一也。」謹案: 地官・載師》「凡宅不毛者出里布」,鄭司農云:「里 注征,賦 力役,民負荷斯養之役也。 邦布者,口泉、衆寡有數、長短有度,荀子所謂 也。 國有軍旅之事則横興此三賦 疏「有布」至「之 《詩》云 焉

風・ 也; 謂穿徹之。」王氏鳴盛《尚書後案》云:「甲胄皆以革爲之。 也。」「鉄、縫也。」《書・粊誓》「善敷乃甲胄」,鄭氏注云:「敹 無衣》云「豈曰無衣,與子同袍」,次章云「與子同澤」,三章云 氏義爲長。〇注「布軍」至「役也」〇正義曰:《詩·秦風 常賦,不容缺緩,即用二用三,何致民有殍而父子離? 夫布、里布等説,而以爲軍行之横征也。 之。」是征賦之布爲泉布,非布帛。孟子不云「泉布之征」而 出,故鄭易之。」賈氏《載師》疏云:「此説非,故先鄭自 故《鹿鳴》云「實幣帛筐篚」是也。」又云:「司農之言,事無所 之,則宜爲幣。 貿賣物也。」孔氏正義云:「知此布非泉而言幣者,以言 泉。」征賦之稱布,司農有此二義,一爲泉布之布,則布即 書者何見,舊時說也。」「玄謂宅不毛者罰以一里二十五家之 布、罰布、廛布。1孟子曰:「廛無夫里之布。」不知言布參印 云「布縷之征」,布與縷連稱,則布爲布帛,此趙氏所以不 「買之百兩一布。」又《廛人職》:「掌斂市之次布、儳 、<br />
弦工記・函人》「犀甲七屬,兕甲六屬,合甲五屬」,鄭氏注 與子同裳」,是軍卒當給以衣也。《説文》糸部云:「縷,綫 氓》「抱布貿絲」,傳云:「布,幣也。」箋云:「幣者,所 一爲布參印書以爲幣,而引《詩》爲證。《毛詩 此布幣謂絲麻布帛之布。 且屋粟、里布,國之 幣者,布帛之名 布、質 則 趙 用 破 抱 以 衛 錢

孟子正義卷二十九

謂

息。 賦 無煩於廩給,故亦不煩於均節與?」謹按:《梁惠王下》篇引 武氏所詳,是縷爲紩甲之縷也。 明其蒙胄爲義。 甲」,故鄭云『亦鎧飾也』。 有以爲之法,而 之職,九賦斂財皆有以待其用,獨不及軍旅,,九式均財,皆 人自爲備,居 朱綅」,謂以貝齒飾胄,朱縷綴之也。」《少儀》疏謂「以朱繩綴 當使敹理穿治之。』《説文》云:「綅,綫也。」《魯頌‧閟宫》篇 書》「年不登,甲不纓縢」,孔晁注曰: 武氏億《釋甲》云: 縷。」是甲胄之革皆必以線縷縫綴,鄭云『穿徹』,即縫綴也。」 《晏子》,已云「今也不然,師 又《鞄人》云「詧其線,欲其臧也」,杜子春云:「線謂 云:『屬謂 見胄朱綅」,傳:「朱綅,以朱綅綴之。」 疏謂 「以朱綅連綴甲 · 敹乃甲胄」,正義引鄭云:「敹謂穿徹之。 則 則 力 又按,朱綅即胄之綅。《太平御覽》: 役 春秋時行軍轉食已有粟米之征。 亦非徒役之正 上旅下 有積倉,行有裹糧,非公家所給也。 亦不 疏但指連綴甲,於義猶未備也。」按:王氏、 旅札續之數。」是甲聯合數革以爲之也。 「以繩謂之縷,繩有飾謂之朱綅。 及軍 額。 旅。 是鄭所云『鎧飾』而以亦字言之, 行而糧 既轉米粟,必有負荷之人,所 豈非農皆爲兵,兵皆自賦 葉時《禮經會元》云:「六軍 食,飢者弗食,勞者弗 「縷繩甲不以組。」《書 布縷、粟米既非 謂甲繩有斷續 『《詩》云「貝 是以太宰 縫革之 《逸周 初 胄

> 字也。 心,各思逃竄則父不顧子,子不顧父,故忘孝慈之禮義矣。 聚曰離析。」孟子言「父子離析」,趙氏兼及「分崩」,因 也」、《集解》引孔氏云:「民有異心曰分、欲去曰崩 則分崩不振,父子離析,忘禮義矣。 緩二,民不苦之,若並用二則路有餓殍,若並 雖遭軍旅,量其民力,不並此三役,更發異時。 養人,故炊烹者名養。 爲厮,炊烹爲養。」斯之訓爲析,緣其任析薪,故名斯,厮其俗 記・張耳陳餘傳》云「有厮養卒」、《集解》引韋昭 防者曰厮,汲水漿者爲役,養馬者曰扈,炊烹者曰養。」《史 年《公羊傳》「厮役扈養,死者數百人」,何休注云:「艾草 「義矣」○正義曰:《論語・季氏》篇「邦分崩離 二而民有殍,用其三而父子離。」建君子爲政, 「勞者弗息」也。《音義》云: 蘇林云: 「厮,取薪者也。養,養人者也。」飲 君子用其一,緩其二。 「斯義同厮,賤役也。」宣 疏注「則 析 云: 而 不 食所 不 用其 分 「析 用 可 急 有 十二 能 異 會 以 爲 守 薪

並 興 ,以致離殍。 章指: 言原 心量力,政 養民輕斂,君子道也 之善者; 繇役

氏璧 之以誑,此吾所以悲也。」王乃使玉人理其璞而得寶焉,遂 事。 楚山之下,三日三夜,淚 和爲誑 與保通,謂保守此土地、人民、政事也。 散,寶人民也,脩其德教,布其惠政,寶政事也。 又奉其璞而獻之。武王使玉人相之,又曰: 「石也。」王又以 玉璞楚山中,奉而獻之厲王。厲王使玉人相之,玉人曰: 玉人琢之,爲天子寶。」《韓非子・和氏》篇云:「楚人和氏得 也」〇正義曰:《荀子・大略》篇云:「和之璧,井里之厥也 不侵鄰國,鄰國不犯,寶土地也, 使民以 「石也。」王以和爲誑而刖其左足。及厲王薨,武王即位,和 和氏之璧。」《史記・藺相如傳》云:「趙惠文王時得 • 檀弓》云「仁親以爲寶」,注云:「寶謂善道可守者。」寶 加 、珠玉,求索和氏之璧、隋侯之珠,與强國争之,强 和曰:「吾非悲則也,悲夫實玉而題之以石,貞 ·秦昭王聞之,使人遺趙王書,願以十五城請易璧。」秦 害,殃及身也。 寶珠玉者,殃必及身。」注諸侯 孟子曰:「諸侯之寶,三:土地、人民、政 而 刖 其右足。 武王薨,文王即位,和乃抱其璞而哭於 盡而繼之以血。 疏「諸侯之寶三」〇正義曰:《禮 ○注「求索」至「身 王聞之,使 時 正其封 民不離 人人問 士 楚 而 疆 若 和 其 《新序•

《莊子·讓王》篇云:「隨侯之珠,彈千仞之雀。」《漢書 聞之,召令尹子西而問焉。 傷斷,以藥傅之。 陽傳》獄中上書云:「故無因而至前,雖出隨珠和璧,祇 亦不以城予趙,趙亦終不予秦璧,其後秦伐趙,拔石城 之璧、隨侯之珠,可以示諸?」、求索或指 光,因號隨珠。」隨侯之珠無求索争國事,趙氏蓋連及之。 蛇乃能去,因號其處爲斷蛇丘。 珠,蓋明月珠也。」《史記·李斯列傳》有「隨和之寶」,正義引 貧。」高注云: 冥訓》云:「譬如隋侯之珠,和氏之璧,得之者富,失之者 而不見德。」《文選》作「隨侯之珠,夜光之璧」。 復攻趙,殺二萬人。 《説苑》云:「昔隨侯行遇大蛇中斷,疑其靈,使人以藥封之: 雜事》篇云:「秦欲伐楚,使使者觀楚之寶器。 「隋侯,漢東之國,姬姓諸侯也。 後蛇於江中銜大珠以報之,因曰 此所謂「與强國争之、强國 曰:「秦欲觀 歲餘,蛇銜明珠,絶白而有 此與? 楚之實器 《淮南子 隋侯見大蛇 加 吾和 隋侯 害」也 明年 楚王 怨結 之 鄒

或

記

寶

争玩,以殃其身。 章指: 言實此三者,以 諸侯如兹,永 爲國 無 珍, 患 也。 寶 於

故。

日

盆 成括仕於齊。 孟 子曰:「死矣,盆成

也。 成括 未達 衛靈公》篇「羣居終日,好行小慧,難矣哉」,《集解》鄭注云: 以 括。」盆成括見殺。 嘗爲孔子門人,是齊有兩盆成括也。然孔庭從祀 同,何故斥之? 子出處時地攷》云"「「死矣盆成括」正與孔子「由其死矣」語 苑•建本》篇有盆成子,是「盆成」二字爲姓。 括 小有才慧而未知君子仁義謙順之道,適足以害其 其將見殺?」注門人問孟子何以知之? 葬於路寢事,晏子稱之曰:『适者,父之孝子,兄之順弟。』 又 云:「智,或謂之慧。」是「小有才」謂「有小慧」也。 云「任人之才難以至 「小慧謂小小之才智。」《説文》心部云:「慧,儇也。」慧則精 「其爲人也小有才,未聞君子之大道也, 殺其軀而已矣。」注孟子答門人,言括之爲 疏注「小有」至「身也」○正義曰:《淮南子・ 而 建盆成,姓,括,名也。 去。 知其必死。 後仕 又《晏子・外篇》載景公命盆成适以母柩 於 治」,高誘注云"「才,智也。」《方言 疏注「盆成」至「必死」○正義曰: 齊, 門 孟子 人問 聞 曰:「夫子何 嘗欲學於孟子,問 而 嗟 歎 日 周氏廣業《孟 死 《論 主 無盆 矣,盆 則足 以 術 日 語 《説 訓 知 身 人 道 合 成

> 危機 明,精明則照察人之隱; 處之,是爲大道也。夫道大則能包容,小人以有孚而 大則無驕亢,異端以相感而通。 也。 君子明足以察奸而仁義行之,智足以 慧則捷利,捷利則超 于食有福,何害之有? 越人之先: 成 事 而謙 化 道 皆 順

篇云: 對,謂 「大雅謂有大雅之才者。《詩》,有《大雅》,故以立稱焉。」 先 禰衡曰:「正平大雅,固當爾邪?」劉劭《人物志・ 十四人、大雅之材三十一人。、《後漢書・文苑傳 明、金馬,著作之庭,大雅宏達,於兹爲羣。」李善注云: 疏「小知自私」○正義曰:《史記・賈生傳・ 「先人。」、義雖異 云:「龐子問鶡冠子曰:「聖人之道何先?」鶡冠子曰: 又《上林賦》「揜羣雅」,注引張揖云: ○「大雅先人」○正義曰:《文選・西都賦》云:「又有承 庶明哲之末風兮,懼大雅之所譏。」李賢注引《詩・大 至謂之偏材,偏材,小雅之質也。」「先人」與「自 人,福之所 以人爲先,己退讓處 「具體而微,謂 章指: 言小知自私,藏怨之府; 大雅 而 指 聚。 路同。 之德行。 勞 後 謙 又按: 也。 德行也 終吉,君子道 《鶡冠子・ 崔篆《慰 「《詩》小雅之材七 者,大雅 服賦》中 志 近 之稱 賦 》孔融 送》篇 九徴 |私| 相 也 也 數

雅》「既明且哲,以保其身」。 類,且「先人」無謂也 大雅或指此,然與上「小知」

不

名・釋宮室》云: 記・月令》「可以居高明」,注云:「高明謂樓觀也。」劉熙《釋 云: 之館舍也。 之名取於婁,麗廔以闓明釋之,即玲瓏之轉聲。蓋其制窄狹 以「止」釋「舍。」又《知士》篇「静郭君善劑貌辯,於是舍之上 儀》「致館」,注並云:「館,舍也。」《吕氏春秋・必己》篇云 樓 而高,四面開 也。」宫在屋之上,故名「上宫」。 舍」,注云:「上舍,甲第也。」此「上宫」當如「上舍」,謂 「上也」〇正義曰:《儀禮 有業屨於牖上,館人求之弗得。 「舍故人之家」,高誘注云:「舍,止也。」故以「舍」釋「館」,又 若是乎,從者之廋也?」注屢,屝屢也,業,織 也。 「廔,屋麗廔也。」囧部云:「囧,窗牖麗廔闓明也。」《禮 孟子之滕,館於上宫。 孟子舍止賓客所館之樓上也。 趙氏以爲「樓」者、《説文》木部云:「樓,重屋 「窗牖,以「上」爲稱而下言「牖上」,故以爲樓也 「樓,牖户之間諸射孔樓樓然也。」然則樓 ・聘禮》「及館」、《周禮・秋官・ 女部云:「婁,空也。」广 注館,舍也。 或問之曰: 疏注「館舍」至 上宫, 上等 司 部

之有次業而 匿也。 注。 孔氏云: 成」。《廣雅・釋詁》云:「業,始也。」與創、造、作等字相轉 注云"「業猶次也。」次與敘義同。 詁》云:「業,敘也。」《國語·晉語》云「則民從事有業」,章 次業而未成」,謂織草爲屝,已有次弟而尚未成。 竊也。故孟子直以竊對之。《説文》穴部云:「盗從中出 氏以「匿」釋「廋」,又以「竊」釋「匿」,謂或婉言匿,其實疑其 注云"「匿,藏也。」不直言其竊,而詭云藏匿 本作麼,惟廖本作廋。 築爲基,衣始裁爲初,皆造而未終之稱也。 云:「屢,履也。」尸部云:「犀,履屬。」趙氏以 竊匿也。 疏注「屨屝」至「成也」○正義曰:《説文》履部 之不得。 「草屨」釋之,此直以「屝」釋「屨」。 「業」也。《説文》欠部云:「次,不前,不精也。」故以爲「未 匿也」○正義曰:《音義》云:「廋,或作麼,同,音搜。」今諸 然則「業屨」猶云「造屨」、「創屨」。 孟子與門徒相隨,從車數十,故曰侍從者所 「廋、匿也。」《淮南子・ 有來問 未成也。置之窗牖之上,客到之後,求 孟子者,曰:是客從者之廋。 《論語・爲政》篇「人焉廋哉」、《集解 説山 云有「次業」者,以「次」釋 犀爲草屨,故云「織之有 訓》「不匿瑕穢」,高誘 屨始作爲業,猶 ○注「廋匿」至 以爲戲也。 「縦」爲扉 《爾雅· 牆始 而 趙 釋 昭

爲是來,亦云不 知其取之與否。 不逆拒。 授之科,教人以道 求之,而問 館中非一人,來問之館人不必即求屨之館人,抑館中人公共 爲 猶隨也。」《華嚴經音義》引《蒼頡》云:「侍,從也。」故 隨從也。』《儀禮・鄉飲酒禮》「賓及衆賓皆從之」,注云:「從 竊。」隱公八年《公羊》傳 知問之過」〇正義曰: 日 我,本爲 屨 是心至,斯受之而已矣。」注孟子曰:夫我 有 , 夫予之設科也, 往者不追, 來者不 館人曰」,又云「自知問之過」,然則前來問者即館人也。 來與?」注 來問孟子者」,而於孟子之答則云「孟子謂館人」,此 始非爲是來事夫子也。 ]徒相 欲 誠以是學道之心來至,我則斯受之,亦不 隨」,又云「侍從者」也。 者 竊 止館人中之一人,故别之云「或問之」也。 屨 故 孟子謂館人曰:子以是衆人來 能 君子不保異 來邪? 德也。 保知,謙 經云「館人求之弗得,或問之」,注云 稱 人則從不疑 其去者 曰:「殆非也。」注 以 自 答之。 心 知問之過。 曰:「子以是爲 也。 亦 也」,注 不 見館人言殆非 疏注「孟子」至 追 呼,來 拒。 疏注「自 一從 「從者」 苟 者 設 隨 館 注云 者, 以 教 竊 人 亦 蓋 事

> 是也。 借也。《管子・七臣七主》篇云「馳車充國者、追寇之馬也」、 云 古通 監、毛三本作拒,宋本、岳本、咸淳衢州本、廖本作距。 之」,漢石經、皇侃義疏本作距。 房玄齡注云:「追猶召也。」《論語・子張》篇 與其潔也,不保其往也」、《集解》鄭氏云: 或人語,仍是意含隱諷矣。』《論語・ 我設教授之科」,僞疏亦云:"夫我之設科以教人」,則作予 三本同。 經予字。」阮氏元《挍勘記》云: 「夫子之設科也」,閩、 注特下「孟子曰」以補之。 文》言部云:「評,召也。」「追呼」謂 子」,子乃予字而夫音扶。 孟子語而云「夫我」,趙氏從無改字,明是漢人經文不作「夫 答之」〇正義曰: 也。 「逆,拒 予、子蓋字形相涉而譌。」趙氏佑《温故録》云:「此作 《國 宋本、岳本、廖本、孔本、韓本子作予。 也。」《詩 策・ 臧 齊策》「故專 氏琳 大雅 《章指》云「非己所絶」,己字正 作孟子言,適足見聖賢之大, 《經義 皇矣》「敢距 兵 雜記 此 追逐而召之,呼爲評之假 「不拒」,孔本、韓本及閩 述而》篇「人潔己以 **※**云: 志以逆秦」,❶ 一往 「以 大邦」,孔 猶去也。」《説 「其不可 經省日 案,注云[夫 氏 距、拒 字, 者 昭 Œ 趙 拒

下

<sup>● 「</sup>國策」,原誤作「國語」,今據《戰國策》、《國語》改。

問於子貢曰: 『夫子之門,何其雜也!』子貢曰: 『君子正身 可知也,故云「不能保知」。《荀子・法行》篇云:「南郭惠子 不能保其無竊屨之心,則或即爲從者之廋,不可保也即亦不 心,又有竊屨之心,是有「異心」。見其有學道之心而受之, 取也。」云「亦不知其取之與否」即竊之與否也。 來學之情而受,故拒之即逆之也。 生漢末,見當時跋扈之家,非不受學於大賢君子之門而黨籍 之側多枉木、是以雜也。」」孟子録此章,一以見設教者之大、 以俟,欲來者不距,去者不止。且夫良醫之門多病人,櫽栝 云:「敢拒逆我大國。」亦以「逆」釋「拒」。 以見寄托者之多,所以銷門户之見而黜借廕之魄。 《廣雅・ 逆與順對,不順其 釋詁》云: 有學道之 趙氏 「竊,

學行》篇云:「百川學海而至於海,丘陵學山 也。 語 Ш 順 移 、是故惡夫畫也。」○「造次必於是」○正義曰:《論· 答小人,小人自咎。 流,不得 里仁》篇中語。《釋文》引鄭氏云:「造次、倉卒也。」 疏「受之如海百川移流」○正義曰:揚子《法言 章指:言教誨之道,受之如海。 有拒。 雖獨竊屢,非己所絶。 所謂「造次必於是」 而不至於 百川

中未嘗無依附虛聲之士,故有慨乎言之?

之心,能充大之以爲仁,仁不可勝用也。 忍,仁也,注人皆有所愛,不忍加惡,推之以通 宋本、孔本、韓本皆作踰。《説文》穴部云:「窬,穿木户也。」 義曰: 閩、監、毛三本此作「穿窬」,下「穿踰之類」作「穿踰」。 勝用也。 害人之心,而仁不可勝用也,注入皆有不害人 「義也」○正義曰:近時通解,「所不爲」即下「無穿踰之心」。 抑情止欲,使若所不喜爲此者,義人也。 不喜爲,謂 皆有所不爲,達之於其所爲,義也。注人皆有 ○正義曰:近時通解,「所不忍」即下「無害人之心」。 所不愛,皆令被德。 心,能充大之以爲義,義不可 云:「充猶大也。」人能充無穿踰之心,而義 大之」○正義曰:《吕氏春秋・必己》篇「禍充天地」,高誘 ○注「此者義人也」○正義曰: 者字疑羨。 孟子曰:「人皆有所不忍,達之於其所 注穿牆踰屋,姦利之心也。 貧賤 也,通之於其所 此,仁人也。 勝用也。 疏「人皆」至「仁也 喜爲,謂 人能 疏 疏「人皆」至 人既 疏注「能 一穿踰 富貴 充 無欲 不可 無 也。 於 此 充

是 部 也。 也。 也。 德行,不爲人所輕賤也,故云:「既不爲輕賤,❶不爲人所爾 爲有德行者所輕賤,亦自安而受之,亦所謂實也。 受『爾汝』之實,無 也。」《釋文》云:「踰,本又作窬。」然則《釋文》、《論語》本作 穿窬之盜也與」、《集解》引孔氏云:「穿,穿壁也。 圭矣。」圭窬即《左傳》之「圭寶」,故徐氏音豆,即讀 儒行》「蓽門 輕賤,人所爾汝者」也 上於下之通 不爲人所爾汝,能 之實,德行可輕賤,人所「爾汝」者也。既不見輕賤, **窬**爲踰 穿踰」,是《論語》之「穿窬」與《孟子》之「穿踰」一也。 穿牆踰屋」 爾汝」爲輕賤,「受爾汝之實 云 既實有當受之實,自不能不受。 其實實、窬義皆爲空而字不同,窬自音臾耳。 疏注「爾汝」 ,故有作「穿窬」者,其實皆「穿踰」也 稱。 圭窬」,注云:「圭窬,門旁窬也。 逾,逃進也。」逾即踰,窬、踰二字本異。 則自爲「踰越」之踰。《論語・陽貨》篇云「其猶 卑下者自安而受之,所 」至「義也」○正義曰:「爾汝」爲尊於卑、 充大而以自行,所 非謂德 所 往而不爲義也。 即受輕賤之實 行可輕賤 經言「無受」者,自勉於 專 謂 在稱謂之「爾汝 至皆可 實 故云 也, 穿牆爲之,如 人能 無德行者 注爾汝 《禮記 以 窬, 窬牆 趙氏云 **肾** 一 一 一 一 質 「德行可 蓋假借 充 爲義 或借 無

> 爾汝。 「無所往而不達於義」也。 字,以「所至」申上「達」字,「自行」、「所至」皆可以爲義,即是 則無争」,注云:「至猶達也,行也。」趙氏以「自行」釋 行」,傳云:「行,往也。」《禮記・樂記》云「樂至則無怨, 又須充大之,使不獨不爲人輕賤。 受之實而勉以去之也。 汝。」德行已高,自不爲人所輕賤; 注話,取也。人之爲士者,見尊貴者未可與言 不言,是以不言餂之也。是皆穿踰之類 行。」又云:「心者,出令而無所受令,自禁也自使也,自 至,斯爲自强不息之道也。 自取也,自行也自止也。」「自行」謂任心所欲行,無有禁止 士未可以言而言,是以言餂之也 非謂有可受之實而强項不受之也,謂耻有此不得不 但德行無窮,非僅免人輕賤而已,故 《毛詩・秦風・ 《荀子·解蔽》篇云:「偷 猶分位已尊,自不爲人所 凡身所至,無非義之所 無衣》篇 可 以 「與子偕 也。 而 往 奪也 則 禮至 而 强 自

之,是「失人」也。

是皆趨利人邪無知之人,故曰「穿

而不與之言,不知賢人可與之言而反

欲以

不

言

取

與之言,欲以言取之也,是「失言」也,

見

可

與

言

0

「爲」,據注文當作「見」。

鮎。 銛。 於舌,蓋銛之遺也。 文》作銚,正以其挑取土而得名。鍪有二種,一種堅厚,用 之謂之銛,正是此銛也。臿爲今之鍫。鍪、、方言》作料、《説 之轉音、「以言銛」即「以言挑」也。 屬」乃音纖,其義與音忝者不同,各從其義也。」按:銛乃挑 忝,而平聲又有銛字,音纖,訓曰「利也」。《說文》以銛爲「臿 義,趙岐以「餂」訓「取」是也。 第與孟子「言餂」之義爲不合耳。 字部有餂字,注「音達兼反,古甜字」。 公著謂「傳寫誤」者是也。姚寬《西溪叢語》云:「《玉篇》食 如今人之相見飲茶也。」趙氏以「取」釋「餂」,自本《方言》,丁 銛、餡二字《方言》皆有之,一云「銛,取也」,注云:「謂挑取 璞《方言》注云:「音忝,謂挑取物也。」其字從金。 今此字從 也。」一云「凡陳楚之郊、南楚之外,相謁而餐,或曰飵,或曰 曰:「注云:「餂,取也。」今案,字書及諸書並無此餂字。 之類」也。 `與《方言》不同,蓋傳寫誤也。本亦作鲇,奴兼切。」」按: 《玉篇》、《廣韻》銛音他點反,「取也」。《廣韻》上聲銛音 ,可多得土,一 徐鍇《説文繋傳》云:「相謁相見後,設麥飯以爲常禮, 疏注「餂 種纖利,用以深入。 《漢書· 取 也一〇 賈誼傳 當如郭氏《方言》,其字從金爲 俗以鎖鑰不能開,用 今以《孟子》之文考餂之 正 義 弔屈 然則字書非無此字, 曰:《音義》云: 此纖利者,形正 原賦》云「莫邪 物挑 子 郭 爲 近 以 0 而

踰

鈵。 鈍兮鉛刀爲銛」,晉灼曰: 言銛」、「以不言銛」是以儇巧刺取人意,心術隱伏以竊取人 但彼之咎止於不智,故云「智者不失人,亦不失言」。 「類也」○正義曰:「失言」、「失人」本之《論語・衛靈公》篇 也。 書精藴》云:「《説文》西字音忝,象舌在口外,露舌端舐 電木」之柄,此「臿屬」之鈵,❶皆用爲聲。」依此,則銛宜作 徒兼反。 「音甜,甘也。」又舌部云:「話、話、話、話、甜,五 挑取,其義亦相貫矣。《龍龕手鑑》食部平聲有餂字,云: 兩者正相反。 情,與竊人物無異,故云「是皆穿踰之類」。 銛,又銛誤爲餂矣。 非聲,當作「西聲」。西,舌貌也。 文》金部銛從金、舌聲。 不爲; 人有持短長術以言鉤人者, 孟子斥爲穿 若然,則鈵爲西之通借,以言鈵即是以言西。 以言不言銛,人所甘於爲而且自 甘也。」然則餂乃甜之俗字,漢前無之。又按:《説 然趨利人邪,亦終是無知而已。 附其説於此以俟參攷。 段氏玉裁《説文解字注》云:「舌字 「世俗以利爲銛徹。」惟 他念切,在谷部。木部「炊 詡以爲得計 ○注「人之」至 踰。」是鈵誤 不智,一巧 穿踰,人所耻 其 魏校《六 (利, 甜,正。 此「以 故能

「此」,原誤於上句「木部」上,今從沈校據《說文解字注 改

矣。前節意已結,此又申明充無穿踰之心如是也。以言銛,不以不言銛,則庶幾能勉進於義而不爲人所輕賤不知此即穿踰之類,宜充而達之者也。充無穿踰之心而不

比之穿踰,善亦遠矣。爾汝,何施不可? 取人不知,失其臧否,爾汝,何施不可? 取人不知,失其臧否,

明 經孔孟之言,語行之約,務是脩身而已,語 道存 故君子有大道」,注云:「道,行所由。」是道即行,「善道」謂 之,四體不與焉,故曰「不下帶」。 守約施博,約守仁義,大可以施德於天下也。 可謂善言、善道也。 而 行而已。 施 《説文》是部云:「道,所行道也。」《禮記・大學》篇「是 ·焉;注言近指遠,近言正心,遠可以事天也, 博者,善道也。 孟 未有空指 子曰:「言近而指遠者,善言也;守約 戴氏震《孟子字義疏證》云:「約謂脩其身。 而使人知之求之者。 正心守仁皆在胸臆,吐口 君子之言也,不下帶而 疏「善道也」○正 知之約,致其心之 致其心之明,自 二者 而 六 言 義

> 也。 象,以要爲帶。帶而上者盡爲陽,帶而下者盡爲陰,各其分。 恉,趙氏得之矣。 義,脩身即是正心,言如是,守即如是,雖分言之,實互言之 身之事,趙氏以「仁義」明之,謂所以脩身者爲守此仁義 間,施一襠以奄心也。」❷「胷臆」當心,亦居帶上,仁守於心 胷, 肊即臆。 近」至「存焉」●○正義曰:「不下帶而 能權度事情、無幾微差失、又焉用求 明「脩身」,又並云「正心守仁皆在胷臆」者,謂正心即守此仁 下」、「施德」即施仁義也。 仁者,元也,義者,利也。 而吐於口,故「四體不與」也。 故以「近言」爲「正心」。凡人束帶於要限間,心在帶之上。 施博」之義也。 「言近指遠」之義也,「脩其身而天下平」,孟子自發明 《説文》勺部云:「匈,膺也。」肉部云:「肊,胷肉也。」匈即 事天之本,不外身心,平天下之功,不外仁義。 劉熙《釋名・釋衣服》云: 趙氏以脩身明指身言,此不下帶暗指 《春秋繁露·人副天數》篇云:"「天地 元亨利貞爲四德,故云「施德於天 既以「正心」明「言近」,以「守仁」 守雖明言脩身而未言所 道 知一哉?」〇 「膺,心衣,鉤 存」,孟子自 孟子之 记言, 注「言 「守約 以條 肩 發 也 之 明

0

<sup>「</sup>存焉」,當從注文作「不下帶」。

<sup>「</sup>以」,原誤作「一」,今從沈校據《釋名》改。

所以自任者輕。] 注芸,治也。 田以喻身。 舍身不 事皆合於義,孔子所謂「脩己以敬」、「脩己以安百姓」也。 也,「物正」,成物也。成己,仁也,成物,知也。 平矣。疏注「身正」,至「平矣」○正 子之守,脩其身而天下平。 太陰不用於物而用於空,此亦「不下帶而道存」之義。 陽,天氣也,陰,地氣也。」董子之説以天任陽不任陰,天之 以治之,故以「治」釋「芸」。《禮記·曲禮》「馳道不除」,注 也」〇正義曰:《説文》耒部云:「損,除苗間穢也。」重文 治而欲責人治,是求人太重,自任太輕。 云:「除,治也。」是也。○注「是求」至「太輕」○正義曰:廷 人病舍其田而芸人之田,所求於人者重,而 注身正物正,天下 義 曰:「身正」,成己 疏注「芸治 以知行仁, 除穢即所 君 也。

失務也。 章指:言言道之善,以心爲原。當求

琥云:「孔本無是字,汲古閣本輕下有也字。」

始爲善。 注堯舜之體性自善者也, 殷湯周武反之於身,身安 性,固無所爲而爲,湯武反身而後及人,亦非爲以善加人而 湯武以善自反其身,已身已安於善,然後加善於人。 乃以施人,謂加善於民。 者也;注死者有德,哭者哀也。 人之繼堯舜、湯武而或性或反、皆如堯舜、湯武也。 不指上堯舜、湯武。 容儀周旋中禮者,盛德之至也。「疏注「人動」至「至也 「率性」。人性本善,堯舜生知,率性而行,自己爲善者也, 注云:「體猶依也。」依與不離義同,「依性」即《中庸》所云 不離道也。」《管子・君臣上》篇「則君體法而立矣」,房玄齡 曰:「體性」猶《荀子・解蔽》篇云「體道」,楊倞注云:「體 中,發揚於外,言非 ○正義曰:《爾雅・釋詁》云:「動,作也。」《禮記・少儀 祭祀之容」,注云:「容即儀也。」冠一「人」字,明此泛言人, 動容周旋中禮者,盛德之至也。 孟子曰:「堯舜,性者也,湯武,反之也。 此非尚論堯舜、湯武也、爲托於堯舜、湯武者示之 虚飾以悦人。 堯舜、湯武或性或反,皆無所爲而爲; 疏注「堯舜」至「於民」○正義 哭 死 疏注「死者」至「哀 而 哀,非爲生 注人動作 德盛於 謂

求固 邪。 節操 至「已矣」〇正 來惡名,今以不忍欺人而 語 詩・小雅 王冰注引《靈樞經》云"「脈之所行爲經。」是「經」爲「行」也。 ○正義曰:僖公二十五年《左傳》「趙衰以壺飱從徑」,注 以正行爲名也,性不忍欺人也。「疏注「經行」至「人也」 信,非以正 其子弟父兄。 惟因其人有德、雖非親屬而亦哀之、出於真意、非以此結交 云:「徑猶行也。」《釋文》云:「讀徑爲經。」《文選・魏都賦》 也」〇正義曰: 體德」,不離德也。 延閣允宇以經營」,劉逵注云:「直行爲經。」《素問·欬論》 ,行其法度,夭壽 .禄位,故爲清操介節以結上知也,言不信則招尤謗 周語》「求福不回」、《晉語》「公室之不回」,注皆訓回爲 回邪不正之人,國所廢黜不用,而此則自行其德 君子行法以俟命而已矣。」注君子順性 自 不回 鼓鐘》篇「其德不回」,傳云:「回,邪也。」《國 邪, 行 義曰:「順性 三年之喪、期功之服,哀出至情,自無僞飾。 經 也。 非以求禄位也,庸言必信,非必欲 德不回,非以干禄也,言語必 在心爲德,行而著之則爲節操。《毛 在 注經,行也。 天,待 庸言必信,非謂欲弋致方正之名 ]即「率性」,謂堯舜也。《説文》 命而已矣。 體德之人,行其 疏注「君子 非 蹈 而 由

> 端。 回 之,是爲「行法」。「周旋中禮」、「哭死而哀」、「經德不 雅•楚茨》篇「禮儀卒度」,傳云:「度,法度也。」《説文》又部 足部云:「蹈,踐也。」踐德謂「湯武反身」也。 言銛之人邪,舍田之自輕,而此章分真僞於豪芒,則學道之 千古之上有以鑑之。 行爲名」。後世此類非不托於孔孟而高言堯舜,孟子則已於 與干禄者之虚僞則同。孟子指之爲「正行」,趙氏申之云「正 二字。其人嚴氣正性,自命爲君子,與干禄者之形相反,而 者非干禄即正行。 度」,盛德所致,自然「周旋中禮」也,「哭死而哀」也,「經德不 「言語必信」是也。 云"「度、法制也。」人生有不容踰、不容缺之常度,則而 人不能保其竊屢,尤爲切切者矣。 |也,「言語必信」也。「爲生者」,爲人也。 乃君子於此二端,則俟之於命也。 干禄固虚僞之小人,孟子特指出「正行 其有所爲而爲,不出「干禄」、「正行」二 自盆成以下,辨别士品。小慧之殺身, 「順性蹈德,行其法 若爲人則 《毛 詩 此四 回、 小 行

日"《史記·太史公自序》云"「伏羲至純厚,作八卦。隆,不是過也。 疏「堯舜之盛湯武之隆」〇正義惑禍福,脩身俟終。 堯舜之盛,湯武之惑,福:言君子之行,動合禮中。不

堯舜之盛,《尚書》載之,禮樂作焉。 湯武之隆,《詩》人

歌之。

之也。 《音義》云:「貌,丁音邈。貌然,輕易之貌。 古先王之法而説以仁義,不曲狥其所好,是遠之也。 之法,心當有以輕藐之,勿敢視之魏魏富貴若此 其巍巍然」,閩 侯者以順爲正,是狎近之也。所以狎近之者,視其富貴 貌爲遠。 盡」○正義曰:此「大人」指當時諸侯而言,故云「尊貴者」。 不畏之,則心舒意 廣雅 「心當輕藐」,恐失孟子之恉。 音義》出「魏魏」,丁云:「當作巍。」是經文本作魏,作巍非 、虧」舊注、《幽通賦》「黄神邈而靡質兮」應劭注,皆訓 《莊子· 注大人謂當時之尊貴者也。 孟子曰:「説大人則藐之,勿視其 不知説大人宜遠之。遠之者即下「皆古之制」。 釋詁》云:「邈,遠也。」《文選・思玄賦》「允塵邈而 蓋「説大人則藐之」當釋藐爲遠,謂當時之遊 逍遥遊》「藐姑射之山」、《釋文》引簡文注即以 毛三本同。 展,言語得盡。 阮氏元《挍勘記》云:「「勿視 廖本、孔 孟子言説此大人 疏注「大人」至「得 本、韓本巍作魏。 又音眇。」按: 魏 以爲 我守 一一世 説 邈爲 魏 而 諸

也。」按:《説文》嵬部云:「巍,高也。」《論語 居此堂 也。 尺,我得志弗爲 不畏之。 敢視是畏,勿視是不畏。 以「富貴」釋之。 亦作魏省山。《易・繋辭傳》云「崇高莫大乎富貴」,故 遊》篇「魏魏乎其終而復始也」,又《天下》篇「魏然而已矣」, 注云: 之稱也。」《史記・晉世家》「魏大名也」,《集解》引服虔云:: 巍乎惟天爲大」,是巍巍爲大,故何晏注云:「巍巍乎,高大 蓋在他人則勿敢視者,在我則勿視,在他人則畏之,在我則 貴,目不敢視也,「勿視」者,不以其富貴爲重而視之也。 之」,「勿敢視」與「勿視」二義相反。「勿敢視」者,心畏其富 富貴置在目中」也。趙氏云「勿敢視之魏魏富貴若此而不畏 大,故曰魏闕。]魏魏即巍巍,古或省山作魏。《莊子• 「仞八」至「仞也」〇正 魏喻巍巍、高大也。」《淮南・本經訓》云「魏闕之高」,高誘 堂高數仞,振屋數尺,奢汰之室,使我得 「門闕高崇嵬嵬然。」又《俶真訓》高誘注云:「巍巍高 也。 曲 折 大屋無 以 經云「勿視其魏魏然」者,猶俗云「不必以其 互明 也, 重仞,八尺也。 其義也。 義 尺丈之限,故言數 趙氏謂其富貴可畏若此而不畏之。 曰"仞,詳見前。 堂高 數 《爾 仞, 仞 泰伯》篇「巍 榱題,屋 也 雅 榱 釋宫 知北 趙 數 雷

八二八

廟必非 云: 安得 雷,流 云: 其多力,引 年《左傳》「慶舍援廟桷 <del>조</del> 滴水,自瓦言之爲霤,自椽言之爲榱題,近在一所,故趙氏以 雨自此下溜,故爲霤,亦爲樀,樀取於滴也。 閱,以其下垂,故名榱矣。榱之抵檐處爲榱題,其下覆以瓦 确也。 近棟者名交,謂 在穩旁下列衰衰然垂也。 爲連緜。」劉熙《釋名・ 樀。」《方言》云「屋梠謂之櫺」,郭璞注云: 屋霤 相 緜 「榱題數尺」,❶閩 「甍謂之酛。」是 近 援 堂 桷謂之榱 也。 也。 在 容膝之廬,所援之桷必爲當檐之題,題之去極甚遠, 或謂之椽。 而 釋「榱題」也。 一高數 動於極也?」程氏説是也。 水從上 緜 所 仞 桷 連 之證 而屋 交於楣上也。 榱 桷 振屋數 流下也。」按: 椽,傳也。 頭 直 也。 也。 宇爲之動也。 使 뻬 釋宮室》云:「桷 雷屬瓦,故亦作靍。 而 齊平 遂謂之閲,不受檐謂之交。 尺,奢太之室。」阮 監 程氏瑶田《通藝録》云: 趙 動於甍」則甍爲覆桷之瓦,可知言 梠,旅也。 氏 毛三本同。 也。 相傳次而布列 既 接交而 以 屋自中棟至檐,用椽相 若以甍爲屋極,則太公之 檐, 屋霤 連旅旅也。 援桷甍動,亦屋霤與榱 接 長,直下達於檐者名 确 也。 廖 「即屋檐也。 也。 明 氏 本、 也。 《廣雅• 今尚以瓦頭爲 接 元《校 榱 其形 孔本 屋 「襄二十八 或謂之櫓。 或謂之榱 題 前 檐謂 細 勘 釋宫 矣, 後 韓本 亦呼 而 記 比 也。 又 疏 之

槝

即

雉; 題」矣。 高,則三丈六尺。公侯七雉,三分廣以二爲内,五分内以 廣,度高以高。1則門阿高五丈,宮隅高七丈。 高卑之度,經無明文。 氏以此「堂高」爲「大屋」之高。 屋,堂崇三尺,周人明堂,度九尺之筵,堂崇一筵。」注 察之。經傳稱「堂高」者,皆指堂階而言。 振,又倒「屋旅」爲「旅 壁」,注引舊説云:「南北直屋梠。」「屋旅」即 梠。」「橝,屋梠前 云:「天子之堂廣九雉,三分其廣以二爲内,五 云:「天子之堂九尺,諸侯七尺。」《考工記》云: 周堂高九尺,殷三尺,則夏一尺。」皆有尺寸之限矣。 説文》木部 致文》古本「榱 「屋檐」,正榱頭之所在。 則二丈八尺。 宫隅之制,七雉。」鄭注:「雉,長三丈,高一丈。 今仍「存振」屋二字而證明之,以著趙氏之義,識 云: 題」作 「楣,秦名屋 伯子男五雉,三分廣以二爲内,五分内以 也。」《儀禮 屋」,遂不知其説,而 惟《攷工記》云: 「振屋」。」謹 趙氏蓋云「屋旅數尺」,譌旅 橋聯 周氏柄中《辨正》云: 特性饋 按: 也。 食禮 「王宫門阿之制, 齊謂 振字 竟改注、 屋相 記》「饎爨 禮 乃旅 之檐,楚謂 《尚書大傳 分内以 記 「殷 」,「屋 文爲「榱 字之譌。 度廣 禮 堂 在 人重 故 云: 一爲 器 梠 爲 以 Ŧi. 屋 趙 者 之 爲 西

高

題

<sup>0</sup> 數」,原誤作「三」,今據阮校改。

之階? 也。 爲高,則二丈。」然則「堂高數仞」並非踰制,而「數仞」之指堂 前。 食。 堂數例」。」食前方丈,侍妾數百人,我得志,弗爲 高九尺,榱題三圍。」」曾子大賢,即爲尊官,何致僭天子九尺 丈六尺可也,所以總括之以「數仞」耳。 制 階無疑矣。」謹按:孟子亦渾言其堂之高耳。 食也。《論語·爲政》篇「有酒食、先生饌」、《集解》引馬曰 云: 也,注極五味之饌食,列於前方一丈,侍妾衆多至數 然則三圍者,三尺也。 廷琥云:「趙注「堂高數仞」,孔本作「高 「食」,又以「列」釋「饌」,是「食前」即具食於前,亦即是 有方丈之多,則極五味無不備置,故以「饌」釋「食」,謂食言具 百人也。 饌,飲食也。」《廣雅·釋詁》云:「饌,食也。」是具食亦單謂 ,堂階之高不必更踰九尺,而屋之高或進二丈八尺者爲三 《韓詩外傳》云:「曾子曰:「吾嘗南遊於楚,得尊官焉,堂 秋官·掌客》「皆陳」,注云: 「籑,具食也。 《儀禮・士冠禮》「具饌于西塾」,注云:「饌,陳也。」《周 《晏子春秋·問下》云:「昔吾先君桓公善飲酒 若三圍、在子・人間世》、釋文》李云:「經尺曰圍。」 ∭注「極五」至「一丈」○正義曰:"《説文》食部 饌,或從巽。」 廾部云:「具,共置也。」列 「陳,列也。」趙氏既以 趙氏以爲「大屋」是 當時縱僭乎帝 窮樂,食 「饌」釋 一列 前 於 之

味方丈。一般樂飲酒,驅騁田 畏彼人乎哉? 畏彼哉?」注在彼貴者驕佚之事,我所耻爲 皆我所不爲也;在我者,皆古之制 作「甘般」是也。 今人表》作「般庚」、《君奭》「時則有若甘盤」、《史記・燕世家 樂也。」此云「盤于遊田」,般與盤通。《書》「盤庚」,《漢書・古 田。」《文選·西京賦》「般于游畋,其樂只且」,薛綜注云: 獵,從車千乘,般於遊田也。 志,弗爲也。 我所行,皆古聖人所制之法,謂恭儉也。 般大」,詳見《公孫丑上》篇。《書·無逸》: 此與「般樂」之「般」訓大者不同。 注般,大也。 大作 疏注「般大也」○正義 獵,後車千乘,我得 樂 而 「文王不敢盤于游 飲 我心何爲當 酒,驅 也。 在彼者 也,在 吾何 盤 日 田

八三〇

四年《左傳》:「楚武王曰:「余心蕩。」」行,曰堂高三尺,土階三等,茅茨不翦,采椽不刮。」莊公

芮,絮也。 俗棄塵,不食穀實,不衣芮温,身處山林巖崛,以 不鞭其後者也。」」《吕氏春秋・必己》篇云:「單 豹養其内而虎食其外,毅養其外而病攻其内。 毅者,高門縣薄,無不走也,行年四十而有内熱之疾以死。 七十而猶有嬰兒之色。不幸遇餓虎,餓虎殺而食之。 後者而鞭之。 生》篇云:「田開之見周威公曰:「善養生者若牧羊然,視其 少也。」存與亡對,故以「不存」爲「亡」。 穀、五藥養其病」,注云:「養猶治也。」《説文》、一部云:「寡, 治」至「寡矣」○正義曰: 單豹卧深山 少 寡 其年而 也。 欲 ,雖有不 孟子曰:「養心莫善於寡欲。 欲 虎 《幽通記》曰「單豹治裏而外凋」,此之謂也。」亦見 ,利欲也。 食之。」高誘注云:「不食穀實,行氣道引 而 魯有單豹者,嚴居而水飲,而與民共利,行年 遇飢 存焉者,寡矣; 注養,治 虎之類也,然亦寡矣。 雖有少欲而亡者,謂遭横暴,若 《周禮• 天官・疾醫》「以五味、五 單豹事、《莊子 其爲人也 此二子者,皆 全其生,不 豹好術,離 疏注「養 也。 有張 · 達 寡, 也

<sup>《</sup>淮 況其子乎? 故?」對曰:「武子之德在民,如周人之思召公焉愛其甘 然。 亡,先德之恃,焉可久乎? 之怨實章,將於是乎在。」」是其事也。 公十四年《左傳》:「秦伯問於士鞅曰:「晉大夫其誰 云:「求無厭足爲貪。」是 「貪猶欲也。」《吕氏春秋・慎大》篇云「暴戾貪頑」,高誘注 之類也,然亦少矣,不存者衆也。 亡?」對曰:『其欒氏乎!」秦伯曰:「以其汰乎?」對 也」〇正義曰:《詩・大雅・桑柔》篇「民之貪亂」,箋云: 者,寡矣。」注:謂貪而不亡,蒙先人德業,若晉樂曆 南子 樂黡汰虐已甚,猶可以免。 人間 樂屬死,盈之善未能及人,武子所施没矣,而屬 訓 \* 其爲人也多 「貪」爲「多欲」也。 其在盈乎?」秦伯曰:「何 疏注「謂貪」至「衆 欲, 引晉樂屬者, 雖 有 盈 存 日 亦 焉 先 襄 必

耳無爲自化,清净自正。」《禮記·孔子間居》云「清明在也。 疏「清净寡欲」〇正義曰:《史記·自敘》云:「李雖有不然,蓋非常道。是以正路不可不由雖有不然,蓋非常道。是以正路不可不由雖有不然,蓋非常道。是以正路不可不由

躬」,注云:「清謂 清 静。」《説文》水部云:「瀞, 無垢 穢

即

也。」瀞即净字。

耳。 也。 絶類柿,大僅如芡實,蓋名爲棗而去棗遠矣。」」此皆得之親 禹謨《名物攷》云: 必以《爾雅》「遵,羊棗」之説爲疑。」周氏柄中《辨正》云:「陳 臨沂人亦呼羊棗曰 始覩之。 色黄,熟則黑,似羊矢。其樹再接則成柿。 之總名也。」趙氏以「棗名」釋之,以棗類衆多,此其中一名 膾炙美也? 羊棗,故身不忍食也。公孫丑怪之,故問羊棗孰 丑 正義》云:「羊棗一名遵。《説文》:「棗,羊棗也。」是以 之爲羊矢棗。《孟子》曰:「曾皙嗜羊棗。」」邵氏晉涵《爾雅 木》云:「遵,羊棗。」郭璞注云:「實小而圓,紫黑色,今俗呼 問 何氏焯《讀書記》云:「羊棗非棗也,乃柿之小者,初 曾子以父嗜羊棗,父没之後惟念其親,不復 曰: 曾 沂近魯地,可據也。 哲 嗜羊棗,而曾子不忍食羊棗。 膾炙與羊棗孰美?」注羊棗,棗名 疏注「羊棗棗名也」○正義曰:《爾雅 「當道鄒,登嶧 「楔棗。 此尤可證柿之小者通得棗名,不 今俗呼牛奶柿,一名梗棗,而 Щ ,或以羊棗噉余。 余乙卯客授臨沂 公孫 其狀 爲棗 • 釋 與 食 生

> 爲訓。 見,益信何氏之説不誣。 切,屬爲辟雞,兔爲宛脾,皆聶而切之,切蔥若薤,實之醯 復再食此羊棗,故己身不忍食之。《禮記・少儀》云:「牛羊 云:「惟,思也。」「身,我也。」趙氏謂曾子思念其父既殁,不 者枰之誤。」○注「曾子」至「美也」○正義曰:《爾雅・釋詁 爲軒。」其餘文與《少儀》略同。 膾。」《内則》云:「膾,春用蔥,秋用芥。 柔之。」注云:「聶之言牒也,先藿葉切之,復報切之,則成 魚之腥,聶而切之爲膾,麋鹿爲菹 曰:「芝、木椹。 **楔棗也。」** | 一楔與遵音相近,楔即遵字也。 柿而小如指 昔在西苑萬善殿庭中曾見其樹,❶葉似柿而不似棗,其實似 之「遵,羊棗」也。凡物必得諸目驗而折衷古籍,乃爲可信。 木部云:「梬,梬棗也。 云:「楔棗,實似柿而小,味亦甘美。」師古曰:「梬棗,今之 木部之梬、《爾雅》諸棗中之一,與常棗絕殊,不當專取 **棗樹隨地** 頭。 栭,軟棗。」《釋文》云:「栭,本又作檽。」儒 内監告余,用此樹接之便成柿。《古今注 有之,盡 似 段氏玉裁《説文解字注》云:「羊棗 柿而小,一曰楔。」按,梬即《釋木 人所識,赤心而外刺,非羊 注云:「言大切、細切異名 野野 《内則》「芝栭」,賀氏 肉腥細者爲膾,大 豕爲軒,皆聶 - 棗也 而 者 以 不 以

西」上,原空缺一字,今據《說文解字注》删去。

0

者,近

菹 也。

類

也。 膾

物若牒爲菹。」齏、菹之稱菜肉通,此因《少儀》、《内則》麋鹿 片,如今片肉也。 云:「齊當爲齏。 之爲疾,報而 云: 『報讀爲赴疾之赴。』」按: 宫中譌云:『趙鬼食鴨鷛 牒,薄切 (赤白異切之,已乃會合和之也。) 赤蓋肉之精者,白蓋肉之 《説文解字注》云:「凡細切者必疾速下刀。《少 醢人》注引《少儀》「作牒而切之」,然則牒者切之成 劉熙《釋名·釋飲食》云:「膾 ,脾析爲牛百葉,豚拍爲豚 由此爲之矣。 菁、茆、葵、芹、箔 鷛猶潚 細 先分切而後合之,所以爲會。 者 切爲齏,則 肉也。」「膾,細切肉也。」 牒即聶而切之,《周禮 釀菜而柔之以醯 必 先軒之, 切之,即 ,潚亦爲疾。 又將所片細切成條謂之「報切」。 Ŧi. ,所謂 軒或爲胖,宛或爲鬱。」《説文》肉部 齏即 齏,昌 今肉躁子也。 **5**聶而 、筍菹。 膾之通稱。 本、脾 ,殺腥肉及其氣。 蓋漢言報,六朝言鷛,今則爲躁 諸鬼盡著調。」」 報與躁音近,報之爲疾,即 切之也。 脅,亦爲齏,是齏、 凡醯醬所和 析、 會也。 《醢人》「五齊七菹」,注 《南史・ 蜃 蓋肉之牒而切者爲軒。 此 豚拍 軒 鷫 細切肉令散,分 今益州 辟 ,細切爲齏,全 與調 恩倖傳》云: 深蒲 雞 菹通! 韻 宛脾 段氏 有鹿婑 也。 儀》注 稱於 正 · 天 \(\frac{1}{2}\) 讀 躁 七 薄 皆 玉 不可詳矣。 部 菹 而肉燔也。 細 切

如躁。

裁

官

也

肉。

以

稱

菹

菹

肥 其

者。

又

報

切之則

爲

膾;

在

菜,但

| 牒切

而

不報、或全物不

切是爲

《儀禮·公食大夫禮》二十豆中物。 肉」,是燔亦炙也。 名, 炙者, 遠火之稱。 牛肉也。」《毛詩・小雅・ 之」,傳云:「毛曰炮,加火曰燔,炕火曰炙。」箋云:「柔者炙 燔」,對遥炙者爲近火,故云傅火加之。 炙肉也。」箋云:「炙,肝炙也。」孔氏正義 切、細切者,皆未有生用醯酢芥薤和食之制。 薤曰鐆。」蓋菹、齏之暫食者可用酢,其久藏者兼以 遺,用全物而不切者也。 今人以生鰕、生蛼 菜,是膾專爲肉之細切 切,則肉亦名齏。 肉矣。」《瓠葉》云「有兔斯首,炮之燔之」,次章云 之也,故《量人》注云「燔從於獻酒之肉」,《特牲》曰 全,或用切,或用細 云:「齏,隆也。」「隆, 者爲齏。 《内則》諸膳,有牛炙、牛膾、羊炙、豕炙、魚膾,即 《生民》傳曰「傅火曰燔」、《瓠葉》傳曰 但菹之名可通於肉,而膾之名則不聞 以 蜐 且燔亦炙,爲臠而貫之以炙於火,如 切。 其皆爲 用 以難熟者近火、易熟者遠之。 者名也。 齏也。」《通俗文》云:「 酒 其細切者,今尚名齏 《説文》艸部云: 楚茨》云「或燔或炙」,傳云:「炙 酢 牒切 椒薤拌 則 菹 孔氏正義云:「牛炙、炙 食之,此古肉食爲菹之 肉 齏皆用蔥 亦名菹; 燔其實亦炙,非 云: 「菹,酢菜也。」 矣。 「燔者,火燒之 蓋膾之古 淹 薤 以 醯 韭 而 鹽。 其 加加 醬和 「炮之炙 日 故 皆 肉之牒 齏, 今炙 肝炙 法今 炮 火 或 通 爲 之 燒 非 用 淹 於 細 之用膾

問

孟

子曰:

膾

炙哉

注

也。

抗,縣也。」是也。縣而炙之,則遠火也。

火也。

是爲「炮之燔之」也。

者,包也。

是爲「毛曰炮」也。

上之皾,更入鼎鑊煑之。

塗燒之爲名也。謹當爲墐。

也;

殺者,合毛炮之, 之,乾者燔之。」孔

加

於火上。

以墐塗塗裹之,置火中燒,其毛隨塗脱去,又用手摩去皮肉 炮之,塗皆乾,擘之,濯手以摩之,去其皾。」注云:「炮者,以 若牂,封之刳之,實棗於其腹中,編萑以苴之,塗之以謹塗, 禮運》云「以炮以燔,以烹以炙」,注云:「炮,裹燒之也。 而舉於火上以炙之。」按"炕,俗字,古當作抗。 烹矣。若不入鼎鑊,近火炙之則爲燔,遠火炙之則爲炙。 「《瓠葉》傳云「炕火曰炙」,正義云:「炕,舉也。」謂以物貫之 《攷工記·廬人》「重欲傅人」,注云:「傅,近也。」傅火即近 乾者謂脯腊,則加之火上,若今之燒乾脯也。」《禮記 軟棗爲人君燕食所加之庶羞,視《公食大夫禮》二十豆 炙,禮之隆殺有差,即物之甘嘉或别,故以 炙,貫之火上。」《内則》獨詳於炮,云:「炮取豚 若割截而柔者,則臠貫而炙之,若今炙肉 氏正義云:「凡治兔之所宜,若鮮 以其用塗包裹燒之,故名炮。 墐塗,塗有穰草也。」此蓋連毛 段氏玉裁《説文解字注》云: 去皾之後,人鑊煑之,則炮而 言膾炙固美也,何 是爲「炮之炙之」 《方言》曰: 「孰美」爲 明 而 燔, 炮 新 獨也。 士以 於周。」然則周制以諱事神,天子諸侯諱高祖以下,鄭氏謂 祖皆不敢斥言。」孔氏正義 桓公六年《左傳》申繻云「周人以諱事神」,注云:「自父至高 於宫曰: 臨文不諱,廟中不諱。」《檀弓》云「既卒哭,宰夫執木鐸以命 諱王父母。君所無私諱,大夫之所有公諱。《詩》《書》不諱 嫌名,二名不偏諱。 掌之而必由大史進之也。《曲禮》云:「卒哭乃諱。 日,若子卯。」大史所奉之諱惡即小史所詔之忌諱,蓋雖小 忌諱」,注云:「先王死日爲忌,名爲諱。」《禮記·王 諱之也」○正義曰: 與族同之,名所獨也。 故曾子不忍食也。 **注**孟子言膾炙雖美,人所同 炙 比於羊棗? 「大史典禮,執簡記,奉諱惡」,注云:「諱,先王名。 而不食羊棗?」曰: 上諱祖 舍故而諱新」,注云:「故謂高祖之父當遷 諱名不諱姓。 ,推之則大夫三廟,當諱曾祖 公孫 《周禮 逮事父母則諱王父母,不逮事父母則 丑. 譬如諱君父之名,不諱其姓,姓 曰 **云** 故諱之也。 春官・小史》「若有事 : 姓所同也,名所 「自殷以往 「然則曾子 膾炙所同也,羊 嗜。 曾子父嗜羊棗耳 疏注「譬如 ,未有諱法 庶人不逮事父母 何

史

惡,忌

制

禮不諱

者

也。」

諱

則

詔

王

之

至「故

獨

也

棗

所

爲

食

膾

姓。 桓 子,本於契。 姻 以 矣。 陳。 衆仲對曰: 「天子 姜,黄帝姓 而 氏。」由此言之,則姓可賜即可改,族由氏立,則姓不與 孫,公孫之子以王父字爲氏。 之稱以爲族,皆禀之時君。 以賜姓,謂若舜由 公命以字爲展氏。]注云: 侯以字爲謚,因以爲族。 公八年《左傳》:「無駭卒,羽父請謚與族。 者、君之名則未有敢斥言者。 者,雖不諱祖,亦仍諱父。 慶父、叔牙、季友之後,及鄭之七穆子游、子國之後爲游 不 通 無 孔氏 乎? 《禮記・大傳》云:「其庶姓别於上而戚單於下,昏 服 通者,周道然也。」注云:「玄孫之子,姓别於高祖,五世 侯位卑,不得賜姓,故其臣因氏其王父字。 姓, 稱以爲族。 Œ 姬。 繫之以姓而 世 義云: 是始祖爲正姓也。 所 周姓姬,本於黄帝,齊姓姜,本於炎帝, 由 建德,因 生。 嬀汭,故陳爲嬀姓。 「正姓者,對氏族爲 「則有官族、邑亦如之」,謂取其舊官 佛别, 姓,正姓 官有世功則有官族。 「立有德以 是自天子至於庶人,未有不 生以賜 諸侯之子爲公子,公子之子爲公 綴之以食而 此 也。 無駭,公子展之孫,故 云高祖爲庶姓者,若魯之三 「諱君父之名」之事也。 姓, 始祖 爲諸 胙之土而命之氏。 正姓 報之以土而 侯。 爲 弗殊,雖百世 公問族於衆仲。 正姓,高 也。 因 邑亦如之。」 若炎 或使即 其所 祖 命 宋姓 帝 姻 (族同 舊 - 諱父 爲 爲 而 氏 由 姓 展 諸 隱 庶 昏 可 邑 先 日 生

湮。 者何? 斯皆因生以賜姓也。 祖昌意以薏苡生,賜姓姒氏, 其姓,又或特賜之姓,前無所承者。 周賜之姓,命氏曰陳, 語》:「帝胙四岳 字注》云:「按,人各有所由生之姓,其後氏别既 興滅國,繼絶世也。」此分别姓、氏甚詳。 所以勉人爲善也。 貴功德,賤伎力。或氏其官,或氏其事,聞其氏即可知 姓者,生也。 類,使生相愛、死相哀。 爲一族,其姓仍同也。《白虎通·姓名》篇云:「人所以 族者,謂九族之族。 氏、國氏之等。」然則 董,氏曰豢龍。」蓋此三者,本皆姜、嬀、董之子孫,故予之以 舜既姚姓 有德者出,則天子立之,令姓其正姓,若大宗然。 所以崇恩愛,厚親親,遠 ,則嬀爲舜後之氏可知。 人稟天氣所以生者也。 國,賜姓曰姜,氏曰有吕, 或氏王父字者何? 蓋 庶姓者,氏也。 必兼《春秋》傳之説,而姓之義乃完。 壓叔安裔子董父事帝舜,帝賜之姓 同姓不得相娶者,皆爲重人倫也 族分爲九族,可各爲氏, 殷契以玄鳥子生,賜姓子氏: 禽獸 姓氏之禮 如《史記》、《白虎通》禹 同姓爲一族, 所以 ,别昏姻也。 所以别諸侯之後,爲 段氏玉裁《説 有氏者何? 陳胡公不淫,故 ,姓統於上,氏 久,而 故紀 其 而 议 九 其德 如 文解 所以 姓 世 有 族 氏 周 總 爲

族者,氏之别名。

姓者,所以

統繫百世不别

也

氏者,所以

别於下。

鄭《駁五經異義》云:「天子賜姓命氏,諸侯命族

有母

同

諸氏於官,氏於事,氏於王父字者,爲氏不爲姓。

也。」謹按:伏羲以上,人道未定,有男女而無夫婦,人知

而不知父,無父子則無族矣,伏羲畫八卦,定人道,使

至於周,則以三代以上之姓及氏姓爲昏姻不通之姓,而

姓者,未嘗不爲氏姓,單言氏者,其後以爲姓。

之所賜也。

駁異義》云:「炎帝姓姜,大皞之所賜也。

賜姓曰

嬴,皆予以

祖 姓 也。 氏」。

日:

自黄帝至舜禹皆同姓,「帝禹爲夏后而别氏姓,姓

凡言賜姓者,先儒以爲有德者則復賜之祖姓,使紹其後。

也。」此

由姓而

氏之説也

既别爲氏,則謂之氏姓

别子孫之所出,故《世本》之篇言姓則在上,❶言氏則

在

見於經者、《春秋》隱九年「天王使南季來聘」、《穀梁傳》曰

季,字也。」「南」爲逗,「氏姓也」三字爲句。

「氏姓」之明文也。《史記・陳杞世家》:

「南、氏姓也。

后稷賜姓曰姬,四岳堯賜姓曰姜,董父舜賜姓曰董,秦大費 通》、《潛夫論》皆以「氏姓」名篇,諸書多言「氏姓」。 氏姓之 姬實爲氏姓之剏始。夏之姓姒,商之姓子,亦同。 然則單云 妻之二女,居於嬀汭,其後因爲氏姓,姓嬀氏。」《五帝本紀》 契爲商姓子氏,棄爲周姓姬氏,此皆[氏姓]之明文也。 是炎帝、黄帝之先固自有姓,而炎帝、黄帝之姜、 其有賜姓本非其祖姓者,如鄭氏 「舜爲庶人時、堯 黄帝姓姬,炎帝 古則然矣。 古今之不 ,故《風俗 近本 故 姒 此 下 氏也。 姓以旌别之,所謂「因生賜姓」者,蓋由此也。 同是子而或得姓或不得姓,即春秋時之公子或賜氏或不賜 十五宗,其得姓者十四人爲十二姓,此所謂「姓」,即氏 姓,其同生而異姓者,四母之子别爲十二姓,凡黄帝之子二 之子二十五人,其同姓者,二人而已。」惟青陽與夷鼓皆爲己 帝之姓賜於炎帝也。 相慕相習,則賜姓者非一時,此所以神農之姓賜於大皞,黄 别昏姻」也。 有族,於是有賜姓之制。 氏注《昏義》云:「子受氣性純 男女有别,男女有别則夫婦有義,夫婦有義則父子有親。 國,諸侯胙之土,賜之姓,命之氏。」然則此賜姓即 氏又分氏。《書·禹貢》「錫土姓」,鄭氏注云:「天子建 之族,故一姓而有諸氏焉。 無族而賜姓以别其爲族,至是因其族多而賜姓以别其族 蓋至黄帝時,天下已無不有姓之人,而族類繁滋,其先因 古時通謂之姓,周乃分正姓爲姓,庶姓爲氏耳。 季子以懷嬴之故,附會其説,姓氏之分,未足爲據 其始未必人人皆賜姓,而得姓者爲貴。 至《國語 蓋遵昏姻之禮以長育子孫,則賜之 久之忘其正姓,遂以氏爲姓, 則孝。」受氣純 晉語 》司空季子曰:「黄帝 則 故云「遠禽獸 禹賜姒 是命氏,是 本 相 久之, 生 姓 其 其 鄭 而

0 一世」,原誤作「氏」,今據《說文解字注》改。

姓,惟 庶姓之中更爲庶姓,惟本其所知者以爲姓,即以爲族,而 異,亦德也。 之後,是因 族無姓以前,是因其生氣不純而以姓表其同, 自 契賜子姓,稷賜 黄帝以 伏羲初定人道時 後,凡 其 故皆爲「天子建德,因生以賜姓」也。 生 姬姓,皆與舜之姓嬀同,所謂「氏姓」也。 賜姓皆是賜氏。 氣 滋 盛 所賜乃 而 以 姓 爲真姓本族,自黄帝以 表其 所謂 異。 因 生 其 |以賜姓|在 同,德 在族既繁滋 若論正 也; 後, 其 蓋 無

已矣

棗之感,終身不嘗。 心」〇正義 同 然,禮則 「豈有非義而曾子言之者」也。疏「思親異 『有異心乎哉?』傷其聞之晚也。」 『泔之。」門人曰: 「泔之傷人,不若奧之。」曾子泣涕 章指:言情 曰:《荀子 不禁。 禮相扶,以禮制情,人所 大略》篇云: 曾參至孝,思親異心,羊 孟子嘉 焉,故上章 「曾子食魚有 餘, 稱

吾黨之士狂簡,進取,不忘其初。』孔子在陳, 萬章問曰:「孔子在陳曰:『盍歸乎來?

故既以「鄉」釋「黨」,又引《周禮》以明之。 也。 引此者,所以别乎「阿私曰黨」之黨。 舊」也。 禮》云「伯父帥乃初事」,注云:「初猶故也。」《楚辭 「穿鑿。」此孔氏以「斐然成章」爲「穿鑿成文章」,謂以非然者 制。」蓋孔氏讀斐爲匪,匪然即非然。 者誤以聖人所稱「吾黨之士」即此三君八俊、希風標榜之徒 見當時南北部黨人之議,朝廷捕而禁之,謂之「黨錮」,恐學 成爲文章也。 之小子。狂簡者,進趨於大道,穿鑿以成文章,不知所以 解》引孔氏云:「簡,大也。 篇,但彼云「斐然成章,不知所以裁之」,與此不同。 疏注「簡大」至「士也」○正義曰: 孔子思故舊也。 無所交。 何思魯之狂士?」注孔子戹陳,不遇賢人,上下 日「吾黨之士」也。 樂先故些」,注云: 狂者,進取大道而不得其正 「五黨爲州,五州爲鄉」,《周禮・地官・大司徒》文。 蓋 歎 趙氏本此,以「不得其正」解之。 息思 《周 「故,舊也。」是 萬章怪孔子何爲思魯之狂士也。 歸、欲見其鄉 禮》「五黨爲 孔子在陳,思歸欲去,故曰 此文見《論語・公冶長 示 蓋趙氏生桓、靈時,目 包氏注「不知而 者也。 州, 黨之士 忘其 謂孔子所稱「吾黨 五 初 州爲鄉」,故 不忘其初, 也。 《儀 即 不 禮 簡,大 ·忘「故 彼《集 招 作 吾 爲 覲 裁 黨

《孟子》作獧,其實當作懁。」 取,獧 急也。 哉? 示不 之士」即是吾鄉之士也,非此朋黨、部黨之謂也。 分,有所不爲也。」獧之爲狷猶捐之爲環。 曰急也。」《國語 ○正義曰:此亦見《論語・子路》篇,覆作狷。《音義》云: 之人,以狂獧次善者,故思之也。 大道也。狂者能進取,獧者能不爲不善。 士」,故引五黨釋之,尤失之遠矣。 趙氏之恉,妄肆譏評 獧,丁音絹,與狷同。」按:《説文》犬部: . 得 讀若絹。」段氏玉裁《説文解字注》云:「《論語》狷, 不可必得,故思其次也。」注中道,中正 者有 中道而與之,必也狂獧乎? 所不爲 · 晉語》「小心狷介」,韋昭注云:「狷者守 ,而説者或謂《孟子》之文本作「五黨之 也」。 孔子豈不 孟子曰:「孔子 疏「孔子」至「次也」 「獧,疾跳也。 又心部云:「惯, 時無中道 欲 狂者 舊疏 中 不知 道 進 之

三人者,孔子謂之狂也。 牧皮者,孔子之所謂狂矣。」注 行何如斯則可謂之狂 敢問 何 如 斯可 也 謂 ? 琴張,子張也。子張之爲 狂矣?」注萬章曰: 曰: 「. 孟子言人行如此 如琴張 、曾哲、 人

字配姓爲琴張,即「牢曰子云」是也。賈逵、鄭衆皆以爲子張 皮,行與二人同。 稱 人,踸踔譎詭。 「是惡知禮意?」、《左傳》、《莊子》皆周人之書,趙氏豈不知 貢趨而進曰: 桑户乎! 之,使子貢往侍事焉。 莫逆於心,遂相與友。 天游霧,撓挑無極,相忘以生,無所終窮?」三人相視而笑 相與友,曰:「孰能相與於無相與,相爲於無相爲? 見於《莊子・大宗師》篇,云:「子桑户、孟子反、子琴張三人 歲。」孔子是時四十,知未有子張。鄭、賈之説不知所出。」 一 即顓孫師。 魯友。』《七十子》篇云:「琴牢,衛人,字子開,一字張。」則以 開,名牢。」孔氏正義云:「《家語》云:「孔子弟子琴張,與宗 而孟縶之賊,女何弔焉?」」注云:「琴張,孔子弟子,字子 傳》,云: 「學者也」○正義曰:「琴張」之名,一見於昭公二十年《左 狂 也。 「琴張聞宗魯死,將往弔之。 嗟來桑户乎! 又善鼓 服虔云: 【案,《七十子傳》云子張少孔子四十餘 「敢問臨 《論 琴,號 皆事孔子學者也。 語》曰「師 尸 或編曲,或鼓琴,相 莫然有間,而子桑户死,未葬,孔子聞 而歌,禮乎?』二人相視而笑曰: 而己反其真,而我猶爲人猗!」子 日 I琴張。 也 辟」,故不能純善 曾皙,曾參父。 仲尼曰:「齊豹之盜 和而歌曰: 疏注「琴張」至 孰能 牧 而

當時 之? 之,謂其「不能純善」也。 張才過人,失在邪僻文過。」直以 甚 琴張爲顓孫師之證,而趙氏本之也。蓋子張之爲人,短之者 按: 鄭氏注云: 反 亦必以琴張爲子張,孟子反與琴張或編曲或鼓琴,則編曲 稱名、《漢白水碑》琴張 張,衛人也。」肅云「談者」即指鄭氏。 妄爲之説。 語敘》云:「《語》云牢曰子云吾不試故藝,談者不知爲誰,多 弟子傳》亦無琴牢其人。 之書,未足爲據。 以 云:「子張容儀盛而仁道薄。」至馬融注 「子張,魯之鄙家也,學於孔子。」鄭氏解: 琴牢一 而 而舜趨,是子張氏之賤儒也。」《吕氏春秋·尊 鄭衆、賈逵既以《左傳》之琴張爲子張 固以琴張爲子張而趙氏本之也。 鼓琴者張也。 而 《荀子·非十二子》篇云:「弟佗其冠,神禫其辭,禹 以琴張爲子張。 字張、杜預注《左傳》,所本者 《孔子家語》弟子有琴張,一 「牢,弟子子牢也。」不言即琴張。 《論語·子罕》篇「牢曰子云吾不試故藝」, 故謂子張善鼓琴,又正當時以《莊子》之 、琴牢判 《漢書·古今人表》以子張與曾哲 陳氏鱣《論語古訓》云:「王 觀《左傳正 爲二人,肅臆説 「辟」爲「邪僻」,此趙 義》所引鄭、 夫《論 正此也。 服虔始疑而《家語》始 「師也辟」則云:「子 《論語》「堂堂乎張」, 名牢,字子開,亦 ,則當時説 語》記弟子不應 《史記 然《家語 師》篇云: 賈之説 不可 《莊子》 一肅《家 》晚 氏 仲 信。」 字 本 尼 出 則

重也。 爲狂? 其實。 作踸。 琴牢别爲「牢曰子云」之牢,别無琴張之名。 又慕之,故重言古之人。 文》口部云:「嘐,誇語也。」志大言大,是誇語矣。 大言大者也」○正義曰:《音義》云: 考察其行,不能掩覆其言,是其狂也。 也。』《漢書 也。」《文選·東京賦》「瑰異譎詭」,嶭綜注云:「譎詭, 之踸踔。 踔,暴長貌也。」暴長即無常之意。 王氏念孫《廣雅疏證》云: 未見有《家語》,自不知琴張即琴牢,以子張釋之,非 相 大言大者也。 詭,異於衆也。」異於衆,亦謂其非常矣。 次 ,列於第三,而以琴牢列於第四,似亦以子張即 《楚辭 在心欲之不已,則形於口者亦不已。《毛詩・小雅 「何以謂之狂也?」注萬章問 夷考其行, 趙氏注《孟子》云:「子張之爲人,踸踔譎詭。」是 曰:「其志嘐嘐然,曰『古之人,古之 ・劉輔傳》云「必有卓詭切至」,顔師古注 七諫》『馬 重言古之人,欲 而不掩焉 《説文》心部云:「慕,習也。」習者 蘭踸踔 「《釋訓》: 而 無常謂之踸踔,非 者 慕之也。 日 「跳踔,無常也。」 跳 「嘐嘐,火包切。」《説 加,王 也。 《莊子》寓言,恐非 趙氏生王肅 <u>疏</u>注 何以謂 注嘐嘐,志 逸 夷,平 注云: 既欲之而 無本 嘐 琴 常 此 張,而 嘐 變化  $\bar{z}$ 亦 「踸 也 前 志 或

注以 也。 其次也」八字 不以不絜爲絜也。 是 狂 器》「觀物弗之察矣」,注云: 引鄭氏注云:「攷,成也。」向秀云:「攷,察也。」《禮記 詁 生不平」、《召旻》「實靖夷我邦」,傳皆訓夷爲平。《爾雅 出車》「玁狁于夷」、《節南山》「式夷式已」、《大雅・桑柔》「亂 不絜之行也。 仲尼稱不得中行則思狂狷」,顔師古注云: 絜,是「污穢」爲「不絜」矣。 云「朕幼清以廉潔兮」,王逸注云:「不污曰潔。」不污穢爲 以」,傳云: 至「狂者也」〇正義曰:《毛詩 者,則可與言矣。 夷致」即是攷察。 覆 者又不可得,欲得不屑不絜之士而與之, 「狷」爲「有介之人」。有所不爲則有所介畫,不妄爲,故 既不能得狂者,欲得有介之人能耻賤污行不絜 也 「平、成也。」《易・復》《象傳》「中以自攷也」、《釋文》 是 「屑,潔也。」古脩潔之字皆作絜。 又 與之是進 句,故易 其 《説文》大部云:「奄,覆也。」掩與奄通。 不絜是污穢之行,能耻之賤之,是不絜此 、次也。 是獧人次於狂者也。 而教之,故爲可與言。 「獧也」爲「獧人」以明之。 《漢書 「察猶分辨也。」平與辨義通 注屑,絜 - 邶 楊胡朱梅云傳》贊云「昔 風 · 谷風》篇「不我屑 也。 「狷,介也。」故此 《楚辭· 疏注 「是覆也是又 不絜,污穢 屑 孔子 招 · 禮 魂 絜 則 釋

> 鄉原乎 賊。」有害於德,故云「德之賊」。 心耳,以其賊德故也。 過孔子之門不入,則孔子恨之,獨 曰:《小爾雅·廣言》云: 志憾恨而不逞兮。」是也。 『過我』 ! 門而不入我室,我不憾 鄉原,德之賊也。」上憾,恨 「憾,恨也。」《楚辭 疏注「憾恨也」至「故也 《荀子· 語見《論 脩身》篇云:「害良 鄉 語 原 焉者,其 陽貨》篇 不 哀時 人 者 命》云: 也。 無 Œ 惟 恨 日 義

曰

有威 其心曰: 古之人何爲空自踽 鄉 世,無所用之乎? 言鄉原之人,言何以是嘐嘐若有大志 可 顧 人,則可矣。其實但爲合衆之行。 不顧,則亦稱「古之人」。古之人行何爲踽 何爲踽踽涼涼? 矣。 原之惡云何? 行,行不 儀 如無所施之貌也。 閹然! 「何如斯可謂之鄉原矣?」注 顧言,則 媚 於世也者,是鄉原 曰: 以爲生斯世,但 生斯世也,爲斯 曰『古之人』。 「何以是嘐嘐 鄉原者外欲慕古之人而 踽涼 當取爲 涼, 媚,愛也 也。」注 也? 而 也 世也善,斯 古之人行 生於 ? 人所善 踽涼涼 其 萬章 言 今之 言 故 孟 不 問 閹 善 行

戌日 也。 也。 詩 爲字讀如字矣。 之行何所爲而如是? 以「古之人行」爲句,「何爲」之爲,張云:「于僞反。」謂古人 旋盤辟施之於人,故云「有威儀如無所施之貌」也。《音義 篇「獨行踽踽」,傳云:「踽踽,無所親也。」《説文》足部云: 應,故云「但當取爲人所善善人」也。《毛詩・唐風・杕杜 趙氏以上「古之人」爲句,「古之人行何爲踽踽涼涼」爲句, 踽涼涼,無所用於世? 慕之,鄉原之稱古之人則大言以譏斥之,謂古之人行何爲踽 之人古之人,鄉原則亦曰古之人。但狂者之稱古人是欲之 志 下皆論鄉 然大見愛於世 踽,疏行也。」疏與親反,無所親 生斯世也」句,「爲斯世也善」句,與「斯可矣」一連貫下相呼 鄉原」○正義曰:「孟子言」三字解曰字,「何以是嘐嘐」以 」謂鄉原之言何以嘐嘐若有大志也,非如狂者之真有大志 大雅・皇矣》篇「奄有四方」,傳云:「奄,大也。」故釋爲 閹 從水,京聲。」薄與 「言不顧行,行不顧言」,鄉原之言行不顧也。 茂」,李巡 原。 嘐嘐,鄉 也。 閹爲宦豎之稱。 注 云: 若是者謂 生斯世也,但取爲人所善之善人。 八疏義 原之嘐嘐也。 此鄉原之大言,非如狂者之大言也。 「閹,蔽也。」趙氏 亦相 近,不與人相親,則不以周 故 之鄉 《爾雅・釋天》云「太歲在 疏。 「言何以是嘐嘐若 原。 又水部云:「涼,薄 讀 疏 閹爲奄。 注 狂者曰 孟子」至 有 《毛 此 古 大

「大」。又《思齊》篇「思媚周姜」,傳云:「媚,愛也。」

爲子。 此問不可,故特稱子以美之。」趙氏佑《温故録》云:「萬章於 知,萬章不問則孟子終不言,後世之人亦終不知賊 卿注本作「萬子」。 篇,萬章傳述之功居多,其於究論古帝王聖賢言行,惟萬章 此獨稱子,明有注文。 者幾何不接踵於世,而堯舜之道不可得 已告之,其所以稱原者,孟子尚未言也。 覆辨難,往往數千百言,孟子皆據理告之,未嘗責其不解,何 欲以責之」,此説頗曲。 臧氏琳《經義雜記》云:「趙注「萬子即萬章也」云云,是趙邠 以爲賊德,何爲也? 之萬子。子,男子之通稱也。美之者,欲以責之也。 即萬章也。孟子録之,以其不解於聖人之意,故謂 不爲原人,孔子以爲德之賊,何哉?」注 至此忽欲責其不解而反假以美之乎? 萬章言人皆以爲原善,所至亦謂之善人,若是,孔子 「不解」之解讀當爲懈,言其問之審也。 萬子曰:「一 趙氏謂「其不解於聖人之意」,「美之者 然「萬子曰」乃記體,不得謂孟子稱之 鄉 夫公孫丑、萬章、告子之徒,平日反 疏注「萬子」至「爲也」○正義曰: 皆 稱原 人焉,無所 蓋鄉原之行,孟子雖 入矣。 孟子未言則萬章不 是非 蓋《孟子》七 有 往 萬 萬 而 子

獨勤以 俯仰之術,似忠信則非忠信 日 之實,故不可與入堯舜之道 之世。爲人謀,居其身若似忠信,行其身若 也。 是,而不可與人堯舜之道。故曰『德之賊』 趙氏讀原爲愿,故以「原人」爲「善人」。 則其問答終畢之事,故特著「子」稱焉,以結七篇之局。」《論 章又終之辨鄉原以立萬世之防,實萬章相 爲行矣,衆皆悦美之,其人自以所行爲是,而 者,刺之無可刺者。 居之似忠信,行之似廉潔,衆皆悦之,自以爲 也 無可非、無可刺,則真善矣,故趙氏以「能匿蔽其惡 泰伯》篇云「侗而不愿」、《釋文》引鄭注云:「愿,善也。」 流俗之人不可同志,則同之而不敢異, 汙亂之世不可 ,則合之而不敢 注孟子言鄉原之人能匿蔽 刺刺 詳。 日「德之賊」也。 之 孟子之功,莫大於尊仲尼、稱堯舜、闢楊墨, 無 刺 離。 也。 志同 蓋自托於達士之和光,而 疏注「鄉 ,似廉絜則非廉絜。 同乎流 於流俗之人,行合於汙 也。 原」至「賊 其惡,非之無可 無 俗,合乎汙世。 曰:「非之無 德 與發明之。 而 《論 也一〇 人 曲爲浮沉 以 無 似 語 爲 廉 Œ 此 而 舉 解 有 義 亂 絜 此 學 章 義 而

舉

語

之實也。 樂。 者。 廉絜亦屬與人交接之事,故趙氏括之以「爲人謀」。 義曰:《毛詩·齊風·甫田》「維莠驕驕」,傳不言何物。 信也,惡鄭聲,恐其亂樂也,惡紫,恐其亂 舜之道」。 之,遂亦自信爲涉世之善法,故「自以爲是」,而要之非仁 爲之謀而不自私其財利,此人所以皆悦之也。 行既同流合汙,而其與此流俗汙世之人共事,又能盡 莠」,今何草? 雅·大田》「不稂不莠」,傳云:「稂,童梁也。 此六似者,皆孔子之所惡也。 孔子之所惡也。 也;惡鄉 亂苗也;惡佞,恐其亂 人耳。若孔子則已刺之爲「賊」,孟子則已非之爲「不可入堯 》篇曾子曰:「爲人謀而不忠乎? 莠之爲物有二。《御覽》引韋昭《問答》云:「《甫田》「維 利口 紫色似朱。朱,赤也。 所謂「非之無可舉,刺之無可刺」,亦此流俗汙世之 孔子曰:「惡似 辯辭,似若有信。 原、恐其亂德 答曰:今之狗尾也。」《夏小正》: 莠,莖葉似苗。 義 也。」 鄭聲淫 而非者:惡莠,恐其 也; 鄉原惑 疏注「莠莖葉似苗」○正 與朋友交而不信乎?」 注似真 佞 惡利口,恐其 人詐 人之聽,似若美 衆, 莠,似苗 似 飾 彼見人皆悦 而 非真 有德 「四月,秀 似有義 惟其志 心 也。 力以 蜀

Œ

莠也」。 聲之亂雅樂也,惡利口之覆邦家者」、《集解》孔氏云:「朱, 稂、莠 揚,段氏玉裁以「下揚」爲下垂,難乎達矣。 不全,俗謂之「半掩」,故能生也。 爲狗尾者異 生,不關粟秕所種,則下揚所生之莠别爲似禾之物,與葽之 莠。」徐鍇亦謂: 農人尚呼之爲「下揚」。《農桑輯要》云:「穀種浮秕,去則無 生而不成者、於是《説文》即以莠字次之、云「莠、禾粟下揚生 實者下垂,不實者直立而獨露於外。 重文「稂」。 梁、《説文》艸部云:「蓈,禾粟之采生而不成者,謂之童蓈。」 之名莠,乃葽之通借字也。此「不稂不莠」,傳既以稂爲童 傳》《上林賦》「其卑溼則生藏莨」、《集解》引《漢書音義》云: 云 幽。」《國策》魏西門豹云「幽莠之幼也似禾」。 莨」,莨即 惡也」〇正義曰: 莨,狼尾草也。」莨爲狼尾,葽爲狗尾,所以相次也。 ·莠,葽也。」幽、葽、莠一聲之轉。 —類 揚者,簸揚之謂。粟之不堅好者,簸揚之必在下,今 《爾雅 ,稂成於病,莠生自種,爲有别耳。 采即穗字,爲禾成秀之名。 也。 蓋 《論語・ 一莠出 釋草》之「孟狼尾」。《史記 即 禾之秀而不實者,故即以「莠」名之。 於粟秕。」今狗尾草徧野皆一種 陽貨》篇云「惡紫之奪朱也 程氏瑶田以「下揚」爲 《説文》艸部以「葽」次 童之猶言獨也。 蓋禾病則秀而 《廣雅 ○注「佞 下揚中有米而 司馬 則狗尾 釋草》 人」至 不實, ,惡鄭 稂是 相 自 如 飛

乎? 此「辯辭」所以「若有信」也。《禮記・樂記》云"「魏文侯 頌,此之謂「德音」,德音之謂「樂」。 爲紀綱,紀綱既正,天下大定,然後正六律,和五聲,弦 德而五穀昌,疾疢不作而無妖祥,然後聖人作爲父子君 違,象恭滔天」。 所云「甚佞」。 與彼義略别。 夫樂者,與音相近而不同。 不知倦。」子貢對曰:「今君之所問者,樂也, 於子夏曰:「吾端冕而聽古樂,則惟恐卧,聽鄭衛之音,則 之疑,辯者言之信。 信不然之物,十人云疑,百人然乎,千人不可解也。 天,爲甚佞也。《韓非子·八經》篇云:「言之爲物 云"「何畏乎巧言令色孔壬?」孔壬即莊公十七年《公羊傳 多言少實,苟能説媚時 「鄭聲,淫聲之哀者,惡其奪雅樂也。」孔氏云:「利口之人, 色。 鄭音好濫淫志、宋音燕女溺志、衛音趨數煩志、齊音敖 紫,間色之好者。 孔壬指巧言令色,巧言令色即共工之「静言庸 《爾雅·釋詁》云:「壬,佞也。」《書· 静言、象恭,似乎有義矣,而不知實庸違、滔 姦之食上也,取資乎衆,籍信乎辯。」● 君,傾覆其國家也。」此謂惡 惡其邪好 夫古者,天地順而 而奪 今君之所好,其 正色也。」包氏云: 所好者,音也 四時當,民 也,以 皋陶謨 似 呐者言 而非 涿 歌 臣 有 問 以 音 多

<sup>0</sup> 「籍」,原誤作「箝」,今從沈校據《韓非子》改。

也。 興; 按: 辟喬志。 《白虎通・五經》篇云:「經,常也。」《説文》是部云:「返,還 視,問鄭衛之似曰聰聽。 劉熙《釋名·釋采帛》云:「紫,疵也。 招魂》、《大招》「朱顔」,王逸注皆云:「朱,赤也。」《攷工記》 部云:「朱,赤心木。」木之赤心者名朱,朱即赤,故《楚辭· 也。』《廣雅 有爲邪惡之行也? 則衆民興起而家給人足矣。「倉廩實而知禮節」,安 莽傳贊》云「紫色鼃聲」,應劭云:「紫,間色。 瑕以惑人者也。」《法言・吾子》篇云:「或問蒼蠅紅紫曰 鄭聲」所以「亂樂」。《論語・衛靈公》篇云「放鄭聲,遠 吕氏春秋 畫繢之事,東方青,南方赤,西方白,北方黑」,故爲正色。 、雅樂賢人同,而使人淫亂危殆,故當放遠之也。」《説文》木 **電與哇同。** 鄭聲淫,佞人殆」,孔氏云:「鄭聲、佞人亦俱能感人心, 君子治國家,歸其常經,謂以仁義禮智道化之, 庶民興,斯無邪慝矣。」汪經,常也,反,歸 此四者,皆淫於色而害於德,是以祭祀弗用也。」此 釋詁》云:「反,歸也。」反與返同,歸 順民》篇云「湯克夏而正天下」,高誘注云: 君子反經而已矣。 坑注「經常」至「行也」○正 中正則雅,多哇則鄭。」《漢書 非正色也,五色之疵 經正,則庶民 鼃,邪聲也。」 即 義日 還 也。 王 明 佞 0 也。

與

偏其反而。」何晏注云:「賦此詩以言權 粟也。 《周禮・地官・旅師》「掌聚野之耡粟、屋粟、間粟而用之,以 興」,傳云:「興,盛也。使萬物皆盛,草木暢茂,禽獸碩大。」 禮智信,「經正」是「以仁義禮智道化之」,謂經正之也。 令是也。」趙氏以正爲政教,故以「道化」釋之。 順。」趙氏之義,則孟子言「反經」與《公羊傳》異 也。」《論語·子罕》篇云:「可與立、未可與權。 除邦國之慝」,①注云:「慝,惡也。」故以「邪慝」爲 實而知禮節」,《管子》文,詳見前。《秋官・大行人》「殷覜以 興爲積聚,又爲茂盛,故以「庶民興」爲「家給人足」。 質劑致民,平頒其興積」,注云:「興積,所興之積,謂三者之 文》昇部云:「興、起也。」《毛詩・小雅・天保》篇「以莫不 「正,治也。」《荀子·非相》篇云:"「起於上,所以道於下,正 莊公十一年《公羊傳》云"「權者,反於經然後有善 縣官徵聚物曰興。」賈氏疏云:「興皆是積聚之義。」 道,反 五常是仁義 而後至於大 唐棣之華 「邪惡 「倉

爲上,狂、獧不合。 章指: 言士行有科, 人有等級。 似是而 非,色厲内荏, 中道

親」,原誤作「類」,今從沈校據《周禮》改

得曲影者也。 云:「夫三公者,百寮之率,萬民之表也。 正 鄉原之惡, 氏本此,蓋隱以公孫弘脱粟布被爲鄉原也。 孰敢不正」〇正義曰:《史記・平津侯主父列傳 「子率而正,孰敢不正」也。 聖 孔子不云乎: 『子率而正,孰敢不正?』 人 所甚。 反經 身行, 未有樹直表 疏「子率而 民 化 費》 於 而

趙

之道 之。 舜而下,言湯、文、孔子所聞而知之,禹、皋陶、伊尹、萊朱、太 言必稱堯舜,以堯舜治天下之法爲萬世所不能易,故末自 以致其道,言難也。 遠,數百歲之間變故衆多,踰聞 輔佐也,通於大賢次聖者亦得與在其間。 速,不能正五百歲,故言「有餘歲」也。 若禹、皋陶,則 注言五百歲聖人一出,天道之常也。 而佐行之,言易也。 孟 子曰:「由 見 疏「由堯」至「知之」○正義曰: 堯舜至於湯,五 而 知之;若湯, 聞 而 知之者,聖 前聖所行,追而 見而知之,謂 百有餘 則 人 親見聖人 聞 亦有 相 而 遵之 去卓 孟子 遲 知 堯

公望、散宜生所見而知之,無非堯舜之道。

堯舜之道,通變

辭 闡而明之,孟子則詳言之矣。 之道也。 陶、伊尹、萊朱、太公望、散宜生見 湯、文王、孔子聞而知之,即知此反經經正之道也, 皆可與入堯舜之道者也。 者反經,則由覆而中正。 孔子所以惡之而思狂獧之士。 移,故不可與人堯舜之道,實爲聖世奸民而古今大慝也。 常,爲剛克柔克所不能化。 也。 能變者皆以反而歸於正,此庶民所以皆興起於善而 克, 覆者常於沈潛, 君子則反之以剛克。 也。 所云「反經」,反經爲權,權即通變神化。 末言「君子反經而已矣」,然則「反經」者,堯舜之道 神化之道也。 正,則不反經經有不正者矣。 云:「經正則庶民興」,言經正則經有不正者矣。 常者,不變之謂也。 惟鄉原非之無舉,刺之無刺,其閹然媚世,本無 逢尤》篇「世既卓兮遠眇眇」,注云:「卓,遠也。」由 反經爲權,實即堯舜通變神化之道。 上言鄉原 「自以爲是而 故君子反經而經正 狂者常於高明,君子則 此堯舜之道爲萬 又自以爲是,非勞來 孟子所云「反經」即《公羊傳 狂者反經,則 0 注 而 知之,即 卓 不足與 遠|〇 何爲經? 如 世君子之法,故 也。 油狂而· 是則 知 入堯舜之道」, 正 此反經 公羊氏不 鄉原 義 反之以 其常 反經而 王 E : 中正, 經者,常 也。 直 一定 無 而 邪 而 所 外 湯 又 此 能 慝 經 不

歲。

作壘,音如字。

伊尹爲右相矣。

誥。」《史記·殷本紀》作「中體」,《索隱》云: 也, 萊朱,亦湯賢臣也,一曰 王至於孔子,五百 以爲湯左相。」《書序》云: 下洛之陽,名相官曰尹。」尹既是相,則仲虺同時爲左相,知 秋繁露・三代改制質文》篇云: 太甲,時則有若保衡。」《毛詩正義》引鄭氏注云:「伊尹,名 至於文王,五百有 云:「我聞在昔成湯既受命,時 嶭之皇祖奚仲,居嶭以爲夏車正。 知之, 若文王,則 ,則見而知之,若孔子,則聞 一仲虺居嶭,爲湯左相」,是則伊尹爲右相,故二人 「昔殷之興也,伊擊在夏。」魏武帝注云:「伊尹也。」《春 ∭注「伊尹」至「德也」○正義曰:《書・君奭》 衡,以尹天下,故曰 《尚書》又作虺。」鸓、 引《春秋傳》者,定公元年《左傳》嶭宰曰: 餘歲。 有餘歲。 「湯歸 聞 則 「湯受命、變夏作殷、作官於 而 若伊 仲虺是也。《春秋傳 白夏, 伊尹。」《孫子· 有若伊尹,格于皇天, 知之。 奚仲遷於邳,仲虺居嶭 萊一音 若太公望、 尹、莱朱, 至於大坰,仲虺 愐 知之。 「仲虺二音、體 注伊 之轉。 用間》篇 注太 尹,擊 散宜 則 由 文 見 作 在 括。 以相 於磻 也。 純佑秉德 惟有若虢叔,有若閎夭,有若散宜生,有若泰顛,有若南 家》之文,則尚本是名,號之曰望。 載與俱歸,立爲太師。」劉向《别録》曰: 「師之尚之父之,故 箋云:「尚父,吕望也。 詩·大雅·大明》篇: 公望,吕尚也,號曰 是其名字也。」《書・君奭》云:「惟文王尚克脩和我有夏,亦 本名爲號也。《孫子兵法》曰「周之興也,吕牙在殷」,則牙又 厓」,注云:「尚,名也。」又曰「望公七年,尚立變名」,注云: 日師尚父。 氏正義云:「《史記・ 云:「師,大師也。 變名爲望。」蓋因所呼之號遂以爲名,以其道可尊尚,又取 又 曰 : 「谿所得聖人吕尚,立以爲太師,號曰尚父,尊之。」如《世 西伯出獵得之, 曰吾太公望子久矣, 故號之曰太公望。 配而言之也。 吕尚有勇謀 迪知天威,乃惟時昭文王,迪見冒聞于上 無能往來,兹迪彝教,文王蔑德降于國 父亦男子之美稱。』《太誓》注云:"師尚父,文王 尚父,可尚可父。 而 齊世家》云"【太公望吕尚者, 師 「維師尚父,時維鷹揚,涼彼武王。」傳 疏注「太公」至「之也」〇正義 爲將,散 尊稱焉。 尚父。

 $\bar{\Xi}$ :

摯,湯以爲阿

曰

德也。

而

散宜

生,文王

四

臣之

宜生有文德

加

爲相,故

曰:《毛

佐武王者,爲之上將。」孔

東海

鷹揚,如鷹之飛揚

也。」

八四 五

人,亦

時

宫

而《雒師謀》云「吕尚釣

之也。 虢叔、 附,相 娶於散宜氏之子,謂之女皇。」散宜蓋古諸侯之國,散宜 王聞 僅 文德 散宜生既在四臣之中,而降蔑德,秉文德,昭明德,故云「有 祖 盛《尚書後案》云:「《大雅・縣》詩毛傳云:「率下親 禦侮之人」,而曰「文王有 受有殷命哉。」鄭 臣爲之輔佐者、親見此脩己以敬、無爲而治之效,固 伯、仲伯、咎單等括之矣,在文王時舉一太公望、散宜生,則 如 絶無所謂文王有四臣以受命之説。 義》曰:「引此四行以證五臣,明非一臣 韓詩》、《魯詩》説也。」趙氏所謂「四臣之一」,與鄭氏説同 此。 此一二人也。 ,後又通《魯詩》,最後乃得《毛詩》,此所引《詩傳説》,或 在湯 而 而 泰顛、閎夭、召公、畢公、榮公等括之矣。 道前後曰先後,諭德宣譽曰奔奏,武臣折衝曰禦侮。」 錢氏大昕《潛研堂答問》云:「《大戴·帝繫》篇:「堯 爲相」 知之,知而 在堯舜時舉 時 舉 也。 一伊尹、萊朱,則當時賢臣如女鳩、女房、義 蓋通變神化之道作於黄帝、堯、舜,而湯、 氏 行之。 按"「見而知之」謂親見當時所以治天下 注 一禹、皋陶,則稷、契、益等二十二人括之 云: 其始百姓固日用而不知,而賢聖之 四臣以受命」,此之謂。」《毛 「《詩傳 説》有「疏附、奔走、 蓋鄭先受《韓詩》於張 有一行也。」王氏 非謂見知 上日日 無不 先 詩 生殆 後 恭 知 文 者 疏 鳴 IE.

其苗裔

也。」

由孔子而來至於今,百有餘歲。

去

也。 也。 甚近,蓋將自負於顏、曾、思見知之列,而以聞知望天下後世 聖人之居。 爾則亦有乎爾」、云:「孟子意自以當之。 聖人,若伊尹、吕望之爲輔 聖 也。」」趙氏佑《温故録》云:「魏氏作《孟子論》,謂世 無有,「則 而無有」,謂當時之人以爲無有,下云「則亦無有」,因人言 欲使我行 説之中出於殷高宗也。 注至今者,至今之世,當孟子時 此其甚也。 爾」〇正義曰: 者, 歎而不怨之辭也。 亦」者,非實無 大賢名世者。 人之世,若 言己足以識孔子之道,能奉而行之。 鄒、魯相近、《傳》曰「魯擊 亦當使之無有」。 道 無乎爾有乎爾,疑之也。 也, 趙氏以「無有」爲無有「名世之人」。 然而 百有餘年, 派有也。 此 故 重 其 無 三言之, 有 未 則亦 疏 《音義》云: 然而世 遠 乎 適可 佐,猶 然而 爾 當使 也; 知 天意 以 柝,聞於邾」,近 謂 也。 則 無有乎爾則 此意以況絶筆 近 爲 出 可 之無有,此乃天不 「陸本作「然 亦無有乎爾。」 應備 無 之 聖 鄒魯相鄰,故 未 聖人之間 審 有 人之居,若 爲 名世 也 也。 既不 遠 乎? 亦 未遠,居 上云「然 而 於獲 言「則 而 無 之甚 如 遭 必 有 無 無 日 值 有 傅 麟 平 平 爾 有 近

後,爲益無窮期矣。」謹按: 此義與趙氏之恉小異而相近,然謂 後之知,其所紹直自禹以下,有不止於顔、曾、思者,而其所遺於 自居於見聞絶續之交之一人,而備述所知,以上紹前之知,下遺 遠而己無有知之者,復何望於遠而知之哉? 孟子力肩斯道,實

> 魄, 統自居。夫道,無所爲統也。爲道統之説者,失孟子之教矣。 者之不作而不欲徒托諸空言,其辭遜,其恉婉。或乃以孟子道 鄒、魯又相近,言庶幾私淑其人,得聞而知之也。 孔子,亦皆聞而知之,非見而知之者也。 聞,而實徵於見,禹、伊尹、周公雖見知,而非不可聞知。 顔、曾、思爲見知,非也。 者,辭之終也。「乎爾」者,決絶之中尚有餘望也。此孟子思王 有見而知之者矣,況生百年後,則亦無有見而知之者矣。 文不復見於世,則此聞而知者無有措於天下。蓋自孔子時已無 子但聞知而不能措之天下,使當時賢者得見而知,七十子學於 時輔佐之人共見之,是爲見而知之。 堯舜、湯文以此道措諸天下而巍巍 孟子去孔子之生未遠 湯、文王之知雖 然而堯舜、 阚 惟 起於 孔

也。 地之剖判也俱生」。 聖人。聖人不出,名世承間。 來,人倫攸敘。弘析道德,班垂文采,莫貴乎 孟子以「無有乎爾」終其篇章,斯亦一契之趣 有遇有不遇焉。是以仲尼至「獲麟 「翳衍稱引天地剖判以來」、《韓非子・解老》篇云「唯夫與天 <u>疏</u>「天地剖判」○正義曰:《史記·孟子荀卿列傳》云 章指: 言天地剖判,開元建始, 三皇以 《廣雅 ·釋天》云:「太初,氣之始也 雖有此限、蓋 而 止筆,

見聖,而猶以其近而未遠爲幸,因益以未遠而無有爲懼。

夫未

異學邪説争鳴交煽,班生所謂【仲尼没而微言絶,七十子喪而大

義乖1也,其孰是與於知之者? 孟子未得爲孔子徒,亦既不親

子雖甚聖,其不歎文獻無徵者幾希矣。

獨至春秋戰國之際,而

爲聖之資,否則各以五百餘歲爲斷,亦云遥闊之甚矣,湯、文、孔

焉相授受、相維持於堯舜之衰可知也。

其人類不及聖,而足以

,征述政典、《史記》伊尹之於湯,言素王九主之事,其非無人

推之禹、皋至湯,雖《書》缺有間,然而歌稱祖

墜於地,賢者識其大,不賢者識其小,皆以存文與散,望之道,故

皆以傳湯與伊萊之道,故文王得以聞而知。子貢稱文武之道未 太戊、盤庚、武丁之爲君,伊陟、臣扈、巫咸、巫賢、甘盤之爲臣,

夫子得以聞而知。

見,聞以啓聞,近不絶而遠可續。

觀《書》陳伊尹保衡,而後則有

已往,聞知未來,尤必有人焉以延其絶續之交,然後見以紹 今道法之所以不墜者,固賴近有見知,遠有聞知,而當見知 正言而概以無有?

티:

顔、曾、思之見知,不待言也。

蓋古 何不

或者曰: 顔、曾、思爲孔子見知之人明矣, 孟子

是於西仲,清濁未分也。太始,形之始也。生於戌仲,清者 八世,清濁未分也。太素,質之始也。生於亥仲,已有朴素 高精,濁者爲形也。太素,質之始也。生於亥仲,已有朴素 高精,濁者爲形也。太素,質之始也。生於亥仲,已有朴素 高精,濁者爲形也。太素,質之始也。生於亥仲,已有朴素 一二。《荀子・宥坐》篇孔子曰:「夫賢不肖者,材也;爲不爲 一曰:《荀子・宥坐》篇孔子曰:「夫賢不肖者,材也;爲不爲 一曰:《荀子・宥坐》篇孔子曰:「夫賢不肖者,材也;爲不爲 一曰:《荀子・宥坐》篇孔子曰:「夫賢不肖者,材也;爲不爲 一曰:《曹也,才下知淺,不能用大才也。」《漢書・儒林傳序》 一方、孟軻是也。孔子絶糧陳蔡,孟軻困於齊梁,非時君主 一方、孟軻是也。孔子絶糧陳蔡,孟軻困於齊梁,非時君主 一方、孟軻是也。孔子絶糧陳蔡,孟軻困於齊梁,非時君主 一方、五三、「因《魯春秋》舉十二公行事,繩之以文武之道,成一王 一法,至「獲麟」而止。」班固《答賓戲》云:「孔終篇於「西 法,至「獲麟」而止。」班固《答賓戲》云:「孔終篇於「西 法,至「獲麟」而止。」班固《答賓戲》云:「孔終篇於「西

姪廷琮廷弼校字

孟子正義卷二十九終

## 孟子正義卷三十

江都縣鄉貢士焦循譔集

義,非如《詩序》、《書序》之序也。 孟子以爲聖王之敘之意也。 疏正義曰:明名《篇敘》者,爲七篇次序之《孟子篇敘》者,言《孟子》七篇所以相次

于田 當明其行,行莫大於孝,故次以萬 以大行其政,故次之以公孫丑問管晏之政, 作,識禮樂之文者能述。作者之謂聖,述者之謂明。」明 之謂明,明莫甚於離婁,故次之以離婁之明 思禮之心也。 忍人之心行不忍人之政。政莫美於反古之道,滕 答以曾西之所羞也。 爲道即元亨利貞之爲德,此堯舜所以通變神化者也。 而行之,所謂述也。 也。 疏正義曰:《説文》升部云:「奉,承也。」承先王之禮 文公樂反古,故次以文公爲世子,始有從 言必稱堯舜,堯舜之道即仁義矣。 仁義根心,然後可 道曰柔與剛,立人之道曰仁與義。」仁即元,義即利,仁義之 盛、惟有堯舜、堯舜之道、仁義爲上、故以 曰:《易·説卦傳》云: 惠王問 I號泣 利國,對以仁義,爲首篇 也。 疏正義曰:思禮謂三年之喪。 疏 正義曰: 《禮記·樂記》云: 「是以立天之道曰陰與陽,立地之 疏正義曰:根心,謂先王以不 舜明於庶物, 「故知禮樂之情者 也。 察於人倫,是 章 問問 疏 奉禮 舜 孟子 IE. 往 者 善 梁 能

者也。 去。 或 之後,其著作斷非始此。 不得 内 情性 明其行也。 於梁齊之下,繼以鄒、 義」兩言爲全書綱領,因割其六章冠首 迨歸自梁而孟子已老,於行文既絶少,又暮年所述,故僅與 册,記仕宦出 始著書哉? 著作,其篇目各自有名』,則未盡然。 篇之首《梁惠王》也,趙氏之説韙矣。 知天,故與天道通也。 也」,是性本於心。 其情,則可以爲善矣」,是情合於性。 而已。 事,分附諸 而 於齊宣王,始以易牛之仁冀其王,終以伐燕之暴決於 志,脩身見於世。 世 主於心, 是以終於盡心也。 乃其在梁也 孝道之本在於情性,故次以告 疏正義曰: 特壯年志在行道,未遑專意耳。 牘 處,《離婁》以下爲四册,記師弟問,答雜事。 末。 故次以 盡己之心, 其後門人論次遺文,分篇列目,以「仁 滕、魯。 ,始以去利行仁義期之,終料其嗜 立言不朽,雖聖人不能易,豈必 周氏廣業《孟子出 人性 大率起《齊宣王》至《滕文公》爲三 盡 蓋孟子生平所注意者祗 善,所以 心 也。 與天 疏正義曰: 《題辭》謂『退自齊梁而 古人得志,澤加於民, 而 「盡其心者,知其 能孝弟。 處時地攷》云: 疏正義曰: 道 以《梁惠王》題篇, 通,道之極 故其成在 盡心則知性 情 乃乃 性 子 遊梁 窮愁 殺 此 す建 在 論 性 若 mi 五

天始。 不遇。 歸。 氏《篇敘》之恉,蓋恐後人紊亂其篇次,增損其字數,故假其 趙氏以爲「包羅天地、揆敘萬類、仁義道 端言堯舜心性,與《滕文公》同, 非所能也。 之日,公孫識之矣。《滕文公》亦兼舉聖學王道,而滕 靡 章》一篇又知人論世之林。 以「不得已好辯」終焉。《離婁》、《萬章》、《告子》、《盡心》,發 承之,許行、夷之以至陳仲子,皆邪説詖行之害仁義者也 小,故其言井田、學校雖較詳於《齊》《梁》,但可新 皆言仁義,又王道也。 歸之天,老不得志,絶望之辭也。 里之地,既知用樂正子,兼有見賢之意,似可與圖功矣,而 多故,莫必其成功。 與 王道推本聖學,其爲章二十有三,記齊事者十有五,餘 舍我其誰」, 出而欲行, 厚望之辭也, 功之成否、身之遇否皆 所不載」,信矣。」謹按: 、齊宣皆屬舊君,不容略也。 鄒於仁政一言行否未可知,而父母之邦,君子重之,且 《梁惠王》以王道始、《盡心》以聖學終。 孟子一生行藏,首篇盡之矣。 聖王不興於上,聖道將絕於下,於是力闢楊 魯則周公之後,孔子之鄉,平公乘 而齊之仕止詳見起訖,明是篇爲 周氏所云似 此則七篇大致,可 滕文尊禮,孟子遇矣,而 首次二篇以天終,末 其後皆雜説訓言, 其曰 【天欲平治天下 較 德,性 趙 氏爲長。 命禍 得 《公孫丑 其國 而 略言 福 然探趙 耳,王 而 粲然 係 墨 在 五 或 者 《萬 当由 故 弱 以 百 小

謂春秋冬夏天文地理人道,所以爲七政也。 第三曰命火,謂熒惑,第四曰煞土,謂填星,第五曰伐水,謂 四千六百有奇非傳寫之譌,三萬五千二百有奇實增多之羨, 縮。」《尚書大傳》云:「「在琁機玉衡,以齊七政。」 琁機者,何 各異,故名曰七政。」又云:「日月星皆以璿璣玉衡度知其盈 辰星,第六曰危木,謂歲星,第七曰罰金,謂太白。 傳》文也。《尚書・堯典》云:「在璇璣玉衡,以齊七政。」馬氏 轉於外,以知天度,故云璿璣運度也。 渾天者,地在其中,天周其外,晝則日在地上,夜 七紀,璿璣運度,七政分離,聖 漢宣帝時司農中丞耿壽昌鑄銅爲之,象衡横其 五七不盈之義爲此字數哉? 如後稱字數,以五七不敢盈之義,則知三萬 是故旋機謂之北極。」鄭氏注云:「七政 疏正義曰:「天以七紀」,昭公十年《左 璣,渾天儀可轉旋,故曰璣。七政者,北 趙氏此文作「璿璣」不作「琁機」,則用 一曰主日,法天,第二曰主月,法地, 機者、幾也、微也。其變幾微,而所 人道 范寗《穀梁傳序 篇所以七 盡而萬事順 日月五星 以 布 三萬五千二百二十六字,多趙氏五百四十一字。 義曰:五七當三萬五千字,今不足,故云不敢盈。 三萬四千六百八十五字者,可以行五常之道 月,三時則九个月,當有二百七十日,於數亦不能合。 十,當期之日。」此云「不敢比《易》,當期之數」,帀期四時十二 辭》稱「二百六十一章」,此言九,當有誤也。《易·繫辭傳 三時者,成歲之要時,故法之也。「疏正義曰:《題 數也。不敢比《易》,當期之數,故取其三時 趙氏蓋本此。章所以二百六十有九者,三時之日 布之也。劉陶作《七曜論》以復《孟子》,疑即以七篇爲七曜 之曜。言《孟子》一書,分而爲七,如天之有七政,而舜以 璣,使七政畢陳於目,故云「聖以布曜」。 周天,火星二歲一周天,土星二十八歲一周天,金水二星附 天下,故謂之七曜。」日歲一周天,月月一周天,木星十二歲一 云「七曜爲之盈縮」,楊氏疏云:「謂之七曜者,日月五星皆照 施七政之紀,故法五七之數而 而行,亦一歲一周天。是「七政分離」,各行其度,而聖人造 云"「乾之策二百一十有六,坤之策百四十有四,凡三百有六 ·常期」、《音義》云:「「當期」,音春。」則本作當字,今正之。 不敢盈 布曜者,即布此

斗七星,各有所主:第

注云:「璿,美玉也。

曜,故法之也。

義以示其信耳。

詎真以孟子取

7,天以

也?

傳曰: 琁者, 還也。

動者大,謂之旋機。

馬氏義也。

日

地下。

成。」馬,鄭之説不同。

也。

疏

孔本作

據今本,共 以趙氏《章

璿 七 政

日

子假喻」, 篇與 能 字,必明標「孟子曰」、「孟子言」及「丑曰」、「克曰」、「相曰」、 章,章首亦無「孟子曰」,而「孟子曰」三字在章末有之。又《公 學射於羿」章,章首皆無「孟子曰」,可例其餘。「曾子居武城」 不必加「孟子曰」。如《荀子・儒效》篇與秦昭王問答、《議兵》 尋繹其故,趙氏本所不同者當在「孟子曰」等文。 傳寫有誤。 數不敢盈」,則爲三萬四千有奇而不足五千,斷非趙氏此數爲 句》、《章指》核之,其字句較今所傳不應減少,此明云「五七之 章,則多「孟子曰」一百數十。 有「孟子曰」,亦後人增加未畫 孫丑上》篇「伯夷」章章首有「孟子曰」,章末「伯夷隘」云云,又 「孟子曰」三字容爲後人所加,如「齊人有一妻一妾」章,「逢蒙 曰 「孟子曰」、「孟子對曰」,或單用「曰」字。 "髡曰」、「牼曰」云云,其「孟子謂戴不勝曰」,趙氏亦標云「孟 日, 順 《史記》「太史公曰」、《索隱》云:「楊惲、東方朔所加。」則 ·杞柳之性」、「孟子曰水性無分於東西」,趙注皆明標「孟 陳囂、李斯等問答,則用 惟自言本不加「孟子曰」,此趙氏所以定七篇爲孟子自 經無 疑章首「孟子」亦後人所加,❶趙氏本但云「謂戴不 若過三萬五千,則不當云「五七之數不敢盈 「孟子」字,趙氏乃以「孟子」標之也。 又趙氏於單言「曰」字或無「曰」 一之證。凡孟子自言一百數十 「孫卿子曰」,餘皆不加 其自爲法度之言,則 蓋問答則有 「孟子曰 「荀子 也。 子

> 《子罕》三十一章,皇三十章,《鄉黨》一章,《先進》二十三章 子曰」,蓋趙氏本亦但有「曰」字,無「孟子」字,故標之也。 成正義曰"大謂字數多,小謂字數少。 分章以布於篇,每篇 三萬五千,皆爲不必適等。 此推之、雖未能盡得其增加之跡、而趙氏之本轉減少於今本 三十章、《述而》舊三十九章、今三十八章、《泰伯》二十一章 佾》二十六章、《里仁》二十六章、《公冶長》二十九章、《雍也 《論語釋文》云: 五千字,文即字也。 十六章,章次大小,各當其事,亦無所法 趣五千,以卒其文,無所取法,猶《論》四百八 百六十一法三時二百七十,以三萬四千六百八十五字法五七 大數,不必適等,猶《詩》三百五篇而《論》 五百四十一字者,約略可於此見之也。 ·顏淵》二十四章、《子路》三十章、《憲問》四十四章、《衛靈公 《詩》三百」也。 「《學而》凡十六章、《爲政》二十四章、《八 「卒其文」者,七篇每篇以五千文爲卒也。 疏正義曰:《論》謂· 章有大小,分章賦篇,篇 文章多少,擬其 《論語 业 謂 也。 以二 以

「亦」,據文意疑當作「非」。

0

不反其常。

也;

Z

「枸讀如鉤

,曲也。

《子張》二十五章、《堯曰》三章。」共五百六十八章,此依何晏 四十九章、《季氏》十四章、《陽貨》二十四章、《微子》十四 篇云:「其有隱栝,乃可徵,乃可求,乃可用。」陶宏景注云: 之中,直己而不直於人,蓋蘧伯玉之行也。』《鬼谷子・ 辨經,轉相發明,由是章句、義理備焉。」桓譚《時政疏》云:「今 也, 繩墨之起, 謂不直也。 直木不待檃栝而直者, 其性直 文也,義謂義理也。《漢書・劉歆傳》:「歆治《左氏》,引傳文 括,立德立言之程式也。 疏正義曰:文、六書訓詁之 藝之文義,崇宣先聖之指務,王制拂邪之隱 乘輿之輪,太山之木也,示諸檃栝,三月五月,爲幬萊,敝而 隱栝以輔曲直。</a>。</a>《荀子·性惡》篇云:「故櫽栝之生,爲枸木 枸木必將待檃栝烝矯然後直者,以其性不直也。」楊注 「趙臺卿作《章句》,章句曰指事。」「指務」即「指事」也。 君子之檃栝,不可不謹也慎之。」注云:「示讀爲 崇猶尚也。宣,通也,發也。《淮南子・ 檃栝,正曲木之木也。」《大略》篇云: 「外寬而内直自設於隱栝 「務,事也。」馬總《意林 蓋所以佐明六 飛箝 章, 真。 於己也」。 刑,坊非矯邪,若隱栝輔檠之正低刺也。」《大論》篇大夫曰 傳》云「訓考量隱栝」,李賢注引《荀子》而釋之云:「隱 皆隱哉」,某氏傳云:「相隱括以爲善政。」何休《公羊傳 輪。」《韓詩外傳》云:「磏仁雖下,聖人不廢者,匡民隱括,有 篇云:「夫去隱栝之法,去度量之數,使奚仲爲車,不能成一 有一,然而世皆乘車射禽者何也? 隱栝之道用也。《難勢》 傳·略説》云:「子貢曰: 有數,喪祭械用皆有等宜。聲則凡非雅聲者舉廢,色則凡非舊 者,謂矯戾其邪,使之歸於正,猶檃栝矯戾其曲 云:「拂,戾也。」《漢書・王莽傳》云:「拂世矯俗。」此云「拂 栝之。」失其義矣。《淮南子・本經訓》「曲拂邅回」,高誘 也。《公羊疏》云:「隱謂隱審,括謂檢括。」《後漢書 云:「遂隱栝使就繩墨焉。」《説文》木部云:「檃,桰也。」 在是中者也。」《鹽鐵論•申韓》篇御史曰:「故設明法,除嚴 人。」《韓非子·顯學》篇云:「自直之箭,自圜之木,百世無 《荀子》有《王制》篇云:「王者之制,衣服有制,宫室有度,人徒 「是猶不用隱括斧斤,欲撓曲直枉也。」《書・盤庚下》篇「尚 悟, 榮也。」字從木,故爲矯制枸木之器。 檃栝,矯煣木之器也。」《非相 注云"「渠匽所以制水,檃栝所以制木。」《尚書大 檃栝之旁多曲木,良醫之門多疾 》篇云「府然若渠匽 隱括,其通借 一木而 歸 檃栝之

脩務訓》云「名可務立」,高誘注云:

 $\bar{z}$ 

大戴禮記

衛將軍文子》篇云:

可令通義理。」是也。

趙氏所云未詳所本,疑有譌字。

於

直 邪 審量 鄧

序

字 訓

趙氏以孟子似續孔子,如孔子似續文王。 後死者不得與於斯文也, 天之未喪斯文也, 匡人其如予何?」 語・子罕》篇云:「文王既没,文不在兹乎? 南子・俶真訓》云「浩浩瀚瀚」,高誘注云: 書・韋賢傳》云「洋洋仲尼」,顔師古注云:「洋洋,美盛也。」《淮 曰:《禮記・中 注,未知所屬。 也。」《孟子》本文無「隱括」二字,惟趙氏此《篇敘》有之。劉氏所 子玉《座右銘》「隱心而後動」,注引劉熙《孟子注》云:「隱,度 時」,李善注引劉熙《孟子注》云:「隱,度也。 栝猶量也。」又崔 王弼注云:「式,模則也。」「程式」謂尺寸模範,可用爲準則,故 分,十分爲寸。』《史記•太史公自序》云「張蒼爲章程」,如淳 書爲檃栝也。 也。」制度所以去民之邪,謂王者欲爲拂邪之制,則以《孟子》此 文者舉息,械用則凡非舊器者舉毀,夫是之謂復古,是王者之制 云「立徳立言之程式」也。《文選・郭有道碑文》云「隱括足以矯 云:「程者,權衡丈尺、斛斗之平法也。」《老子》云「爲天下式」, 《説文》禾部云:「程,品也。十髮爲程,十程爲 庸》篇云:「洋洋乎發育萬物,峻極於天。」《漢 洋洋浩浩,具存乎斯文矣。 「浩浩、廣大貌。」《論 孟子之後能知孟子 天之將喪斯文也, 疏正義

> 仉氏。 後歲月,或據七篇虛辭以測實跡,彼此各一是非,多不足采。 爲先梁後齊,或以梁惠王有後元,或以爲孟子先事齊宣,後 實未易折衷也。 今撰《正義》惟主趙氏,而衆説異同亦略存録以備參攷 事齊湣。 可憑。○其三爲孟子出遊。 訂,或云年七十四,或云年九十七,大抵皆出於臆,全無實證 丙申,卒於赧王十三年乙未。其爲孟子作《年譜》者,紛紛更 處時地攷》駁之,以爲《譜》不足據,而擬爲生於安王十七年 巳,至赧王二十六年壬申,凡八十八年。 雖詳説孟母之事而不言何氏。《孟氏譜》言「父曰激公宜,母 十四」,自壬申逆推之,當生於烈王己酉。 定於何時,陳氏疑定爲安之譌。安王在位二十六年,是年乙 十五日卒,即今之十一月十五日。壽八十四歲。」此譜 十七年四月二日生,即今之二月二日。赧王二十六年 生年月。 \_ 궁: 攷之《國策》、《史記》諸書,參差錯 陳士元《雜記》載《孟氏譜 孟子父名彦璞」,未知所據。 至居鄒、葬魯、之滕、過辥、遊宋、往任,其先 趙氏以爲先齊後梁,説者又以 》曰:「孟子以 《譜》謂「孟子壽 周氏廣業《孟子出 ○其二爲孟子 雜、殊 周定王 難 而已, 畫 不 Ė 知 月

章、屋廬子、桃應,學於孟子四人:孟仲子、告子、滕更、盆都子、充虞、季孫、子叔、高子、徐辟、咸丘蒙、陳代、彭更、萬の孟子弟子,趙氏注十五人:樂正子、公孫丑、陳臻、公

「《孟子正義》,朱文公謂邵武

○《孟子疏》舊

題

孫

奭撰」,錢氏大昕《養

新

耶?

而

趙

注却止言齊人。

不距之科,而趙

亦無明文。

記

離

氏

亦然。 無取

《吕覽》有匡

章與惠

氏。

季子、曹交、周霄。

三書數同而又互異。

八馬。

高誘注《吕覽》云:

以

孟季子、周霄。

先儒某氏某」。

子與浩生不害是二人,因去告子而列浩生不害,餘並 咸丘蒙、桃應、季孫、子叔、浩生不害、盆成括十四人,皆稱 某子」,陳臻、屋廬連、陳代、高子、孟仲子、充虞、徐辟、彭更、 《羣言拾唾》,孟子十七弟子,去季孫、子叔、滕更、盆成括 索隱》有公明高、《廣韻》有離婁,其誤固不待辨。《通志 (注引《風俗通》云:「離婁,孟子門人。」則傳譌自漢矣。 宫夢仁《讀書紀數略》則易滕更、浩生不害、盆成括爲孟 孟廟從祀,仍明制十八人,視宋政和無滕更,有盆成括。 内樂正克、公孫丑、萬章、公都子四人皆稱「先賢 年,禮部覆准,去舊時侯伯封號,改題先賢先儒 周氏廣業《孟子出處時地攷》云:「張九韶 朱彝尊《經義攷》亦去季孫、子叔,而 他若高注《淮南》有陳仲子、《史 夷子逃墨歸儒,憮然受命,當 王又惠施問答,列從遊於梁者 「匡章,孟子弟子。」《藝文類聚》 、士人所作,卷首載孫奭《序》 一 括,詳《宋史·禮 竊謂曹、周二人,殊 録》云: 依趙 謂告 志 , 益 **%** 在 經。 已,亦時就章句有所證明,存示異同 之音釋,且僅二卷,本未有疏。 而廣傳博識,更俟乎發揮」。 已,未嘗稱「疏」也。 類孔氏而簡潔過之,全非作 近世儒者咸謂之僞孫奭疏。 之,以《孟子疏》爲最下。 録》云:「《十三經注疏》,孔穎達、賈公彦最爲不可及,邢昺 子莫執中爲子等無執中之類。」今按,子等無執中之説初不 著所撰,參附益其闕。 《正義》共十六卷』。 始並載之。 《音義》而無《正義》,蓋其時僞書未出, 篇,全録《音義序》,僅 上下,凡十四卷」,即今各卷題、各章首「正義曰」下所載此 無取更有疏也。 義》二卷1、未嘗言作疏也。 改竄晁語以實之,不知晁《志》本無《正義》也。」趙氏佑《温 於《正義》,惟《音義》有之。 奭撰《正義》以趙注爲本,其不同者,時時兼取善經,如 馬端臨《經籍攷》並 趙氏之爲《孟子題辭》,末曰「章别其指,分爲 引晁氏曰:「皇朝孫奭等採唐張鎰、丁 曰「惟是音釋,宜 增三 古今注《孟子》者,趙氏之外,有陸 其書不知何人作而妄嫁名於孫 四 馬氏既不能辨《正義》之僞托, 故曰「雖仰測至言,莫窮其奧妙" 予讀孫奭《孟子音義序》,體裁 則知孫氏正本止就經文及注 疏人手筆。 語 耳。 其所釋非第字之本音本義 兩書爲一 晁公武《讀 ,與陸德明《釋文》仿 在討論」,曰「集成《音 至陳振孫 其題曰《音義 條,云《孟子 書 《書録 志 》有 序》 音義 解

國朝

成

活。

宋政

和

五年從祀孟廟,去盆成

孫 題

公

以符禮制 乾隆二十

八五五

故 乃

奭

īfii

可採者十五六,而疏不能十二。至其體例之踳駁,徵引之陋 矛盾,豈有一人之作而忽彼忽此者? 云云以 及自爲而假手其人與? 作,不解名物制度,其實豈止名物之失哉? 略乖舛,文義之冗蔓俚鄙,隨舉比比。 賈之遺,甚至不顧注文,竟自憑臆立説,與其《音義》又時相 疏 來,勦爲疏首,反割分《音義》之爲《章指》者於疏尾,則爲自作 蓋皆趙氏原文即在各章注末、《音義》亦相綴屬。 而自音之,從古豈嘗有此? 為提 綱者也。 語多奥衍,時 抑孫之名盛而遂有僞托之者與?」 疏中背經背注極多,非復孔 復用 孫氏用心詳慎、一音義 朱文公指爲邵武士人 韻,與 則未知孫氏之不 全疏絕不類 而今概棄本

博考子史百家,未容虚測,其難六也, 之,其難五也,「棄蹤」、「招豚」,「折枝」、「蹙頞」,一事之微 引 書》,往往齟齬,其難四也, 庸 實發明羲、文、周、孔之學,其言通於《易》,而與《論語 、周髀》之精,六律五音,其學亦造於微,未容空疏者約 ,左支右詘,其難三也, 往鑿枘不入,其難二也, 》、《大學》相表裏,未可以空悟之言臆之,其難一 《書》辭多在 )按:爲《孟子》作疏,其難有十:孟子道性善,稱堯舜, 未焚以 前 ,未辨今古文而徒執僞孔以相 水道 齊梁之事,印 井田、封建、殊於《周禮》,求其畫 必通《禹貢》之學,推步必 古字多,轉 諸 《國策》、《太史公 也; 注假借多, >、≪中 解説, 略言 孟子 非 貫

> 律者判弦管之殊,詳禮制者貫古今之變,訓詁則統括有 數之微尤爲獨造,推步上超乎一行,水道遠邁於平當, 本朝文治昌明,通儒徧 異同,而趙氏注各本非一,執誤文譌字,其趣遂舛,其難十 稽,不容失引,其難九也,《孟子》本文見於古書所引者既 引舊事,如陳不瞻聞金鼓而死,陳質娶婦而長拜之,苟 意,焉可誣也? 也,其注或倒或順 爲分析,陸九淵謂 書,則訓故不合,其難七也; 賴 即嫩,姑嘬即 咀, 嘑爾即呼, 私淑 其難八也; 「古注惟趙岐解《孟子》,文義多略」,真謬 ,雅有條理,即或不得本文之義,而 出。 性道義理之旨既已闡明,六書 趙氏時所據古書今或不存,而 趙氏書名「章句」,一 即叔,凡此之類,不 章 句 趙 有 氏 明 通 俱 也 六 所

也。 奥。 或專翼《孟》,或雜他 義,順述口吻,效《毛詩正義》之例,以成學究講章之習。 或有所疑,不惜駁破以 指明其句中訓詁,自爾文從字順,條鬯明顯矣。 訓詁每疊於句中,故語似蔓衍而辭多佶聱。 爲疏實艱; 版本則參稽罔漏,或專一經以極其原流,或舉 趙氏《章句》既詳爲分析,則爲之疏者不必徒事敷 前所列之十難,諸君子已得其八九。 而當今日,集腋成裘,會鯖爲饌,爲事半而 經,兼存備録,以待參攷。 相規 Ę 至諸家 **或申** 故處邵武士人時 趙 推發趙氏之意 義 一物以窮其窟 凡 於趙氏之説 或與 六十餘家 爲功 趙 趙 衍

字紹扆。 雲。 林。 字金圃。 涵,字二雲。興化任氏大椿,字幼植。 偃師武氏億,字虚谷。 森,字撝仲。 吴縣江氏聲,字叔澐。 焯,字屺瞻。寶應王氏懋竑,字予中。 菴。 若璩,字百詩。 崑 皆稱「某氏」以表異之,著其所撰書名以詳述之。 彙敘於右: 王氏坦,字吉途。 寶應劉氏台拱,字端臨。 元和惠氏棟,字定宇。 氏煦,字滄曉。 氏爾岐,字稷若。 孫氏蘭,字滋九。 山顧氏炎武,字亭林。 常熟顧氏震,字虞東。 德清胡氏渭 婺源江氏永,字慎脩。 鄞縣萬氏斯大,字充宗。 嘉定王氏鳴盛,字鳳喈。 鎮洋畢氏沅,字秋帆。 **歙縣金氏榜**,字輔之。 當塗徐氏文靖,字位山。 宣城梅氏文鼎,字定九。 錢唐馮氏景,字山公。 ,字朏明。 金壇段氏玉裁,字若膺。 鄒平馬氏驌,字宛斯。 休寧戴氏震,字東原。 餘姚盧氏文弨,字召弓。 歙縣程氏瑶田,字易疇。 嘉定錢氏塘,字岳原。 蕭山毛氏奇齡,字大可。 無錫吳氏鼎,字尊彝。 泰州陳氏厚耀,字泗源。 無錫顧氏棟高,字震滄。 鄞縣萬氏斯同,字季野。 仁和趙氏佑,字鹿泉。 華亭倪氏思寬,字存 嘉定錢氏大昕,字曉徵 江都汪氏中,字容甫。 臨川李氏紱,字巨來。 安溪李氏光地 元和惠氏士奇,字半 武進臧氏琳, 震澤沈氏彤,字冠 陽湖孫氏星衍,字 鄞縣全氏祖 嘉善謝氏 餘姚邵氏 曲阜孔氏 長洲何氏 太原閻氏 濟陽張 光山 字厚 字玉 通 江 望, 墉 未 州 廣 胡 都

> 淵如。 字保岐。 平湖周氏用錫,字晉園。 字晴川。 陽周氏柄中,字燭齋。 王氏念孫,字懷祖。儀徵阮氏元,字伯元。 歙縣凌氏廷堪,字仲子。 武進臧氏庸,字在東。 蕭山曹氏之升,字寅谷。 績溪胡氏匡衷,字樸齋。 海寧陳氏鱣,字仲魚。 歙縣汪氏萊,字孝嬰。 海 寧周 長白都 氏 歸安姚氏文田 廣業,字耕 四 德氏,字文乾 甘泉鍾氏懷 錢塘翟氏 厓。 高郵 灝 溧

秋農。

高郵王氏引之,字伯申。

甘泉張氏宗泰,字登封。

義》。 粗畢。 廷號纂爲《孟子長編》三十卷,越兩歲乃完。 七日,立定課程,次弟爲《正義》三十卷,至己卯秋七月草 名先生之學。 穀梁》之例,録而存之。 ○先曾祖考諱源,先祖考諱鏡,先考諱蔥,世傳王氏 以學他經,輟而不爲,兹越三十許年。 間有鄙見,用一 循傳家教,弱冠即好《孟子》書,立志爲《正 「謹按」字别之。 廷號有所見,亦本范 於丙子冬,與子 戊寅十二月 初 大

孫授易授詩校字

子正義卷三十終

孟

八五七

